



Acerca de este libro

Esta es una copia digital de un libro que, durante generaciones, se ha conservado en las estanterías de una biblioteca, hasta que Google ha decidido escanearlo como parte de un proyecto que pretende que sea posible descubrir en línea libros de todo el mundo.

Ha sobrevivido tantos años como para que los derechos de autor hayan expirado y el libro pase a ser de dominio público. El que un libro sea de dominio público significa que nunca ha estado protegido por derechos de autor, o bien que el período legal de estos derechos ya ha expirado. Es posible que una misma obra sea de dominio público en unos países y, sin embargo, no lo sea en otros. Los libros de dominio público son nuestras puertas hacia el pasado, suponen un patrimonio histórico, cultural y de conocimientos que, a menudo, resulta difícil de descubrir.

Todas las anotaciones, marcas y otras señales en los márgenes que estén presentes en el volumen original aparecerán también en este archivo como testimonio del largo viaje que el libro ha recorrido desde el editor hasta la biblioteca y, finalmente, hasta usted.

Normas de uso

Google se enorgullece de poder colaborar con distintas bibliotecas para digitalizar los materiales de dominio público a fin de hacerlos accesibles a todo el mundo. Los libros de dominio público son patrimonio de todos, nosotros somos sus humildes guardianes. No obstante, se trata de un trabajo caro. Por este motivo, y para poder ofrecer este recurso, hemos tomado medidas para evitar que se produzca un abuso por parte de terceros con fines comerciales, y hemos incluido restricciones técnicas sobre las solicitudes automatizadas.

Asimismo, le pedimos que:

- + *Haga un uso exclusivamente no comercial de estos archivos* Hemos diseñado la Búsqueda de libros de Google para el uso de particulares; como tal, le pedimos que utilice estos archivos con fines personales, y no comerciales.
- + *No envíe solicitudes automatizadas* Por favor, no envíe solicitudes automatizadas de ningún tipo al sistema de Google. Si está llevando a cabo una investigación sobre traducción automática, reconocimiento óptico de caracteres u otros campos para los que resulte útil disfrutar de acceso a una gran cantidad de texto, por favor, envíenos un mensaje. Fomentamos el uso de materiales de dominio público con estos propósitos y seguro que podremos ayudarle.
- + *Conserve la atribución* La filigrana de Google que verá en todos los archivos es fundamental para informar a los usuarios sobre este proyecto y ayudarles a encontrar materiales adicionales en la Búsqueda de libros de Google. Por favor, no la elimine.
- + *Manténgase siempre dentro de la legalidad* Sea cual sea el uso que haga de estos materiales, recuerde que es responsable de asegurarse de que todo lo que hace es legal. No dé por sentado que, por el hecho de que una obra se considere de dominio público para los usuarios de los Estados Unidos, lo será también para los usuarios de otros países. La legislación sobre derechos de autor varía de un país a otro, y no podemos facilitar información sobre si está permitido un uso específico de algún libro. Por favor, no suponga que la aparición de un libro en nuestro programa significa que se puede utilizar de igual manera en todo el mundo. La responsabilidad ante la infracción de los derechos de autor puede ser muy grave.

Acerca de la Búsqueda de libros de Google

El objetivo de Google consiste en organizar información procedente de todo el mundo y hacerla accesible y útil de forma universal. El programa de Búsqueda de libros de Google ayuda a los lectores a descubrir los libros de todo el mundo a la vez que ayuda a autores y editores a llegar a nuevas audiencias. Podrá realizar búsquedas en el texto completo de este libro en la web, en la página <http://books.google.com>

7-1381

UNIVERSITEITSBIBLIOTHEEK GENT



900000119475



701351



UNIVERSITEITSBIBLIOTHEEK GENT



90000119475



100-153



ULRICUS HUBER *FRISIUS* J.C.

*Primum Leg. et Aist. in Acad. Franco. mox ibid. Juris priv. & publ. Professor.
Dein Senator in Supr. Fris. Curia Exinde in. Academiâ Loveniâ causa notioris.
Aet. L VII. MDC XCII.*

ULRICI HUBERI
DE
JURE CIVITATIS,

LIBRI TRES.

Novam Juris Publici Universalis
disciplinam continentes.

Insertis aliquot de jure sacrorum & Ecclesiæ capitibus.

EDITIO TERTIA;

Priore multo locupletior.

Cum Indice rerum necessario.



FRANQUERÆ;

Ex Officinâ LEONARDI STRICKII, MDCXCVIII



ILLUSTRISSIMO & CELSISSIMO

PRINCIPI.


HENRICO CASIMIRO.

DEI GRATIA. NASSAVIÆ PRINCIPI. CATTIMEL-
BOCI, VIANDÆ, DIETZÆ, SPIEGELBERGÆ CO-
MITI. LIESVELDIÆ BARONI. DOMINO BIEL-
STEINII. REIPUBLICÆ FRISIORUM DOMI MI-
LITÆQUE PRÆFECTO HEREDITARIO. GRO-
NINGÆ, OMLANDIÆ, DRENTIÆQUE GU-
BERNATORI & CAPITANEO GENERALI. ACA-
DEMIÆ FRANEQUERANÆ CURATORI, HO-
NORARIO, MAGNIFICENTISSIMO. HEROI IN-
CLYTO. PIO. FELICI ETC. ETC. ETC.

HOS LIBROS ARGUMENTI PRIN-
CIPIE DIGNISSIMI

S ACROS FACIT

ULRICUS HUBER.



P R Æ F A T I O.

ANte duos & viginti annos usu venit, ut Studiosis rudimentum Juris Publici Universalis, cujus favorem illis moveram, rogantibus, in Academiâ disputando proponerem: quod ante hac cum Politicâ mixtum, Grotius, ab illâ quidem separandum esse docuit, eâ ratione, quam in præfatione magni operis, de *jure Belli & pacis*, exposuit. Sed ut viam huic divisioni monstravit, ita, quominus ipse eam institueret, fecit usus & materia descriptionis, quam præ manibus habebat. Commentatus enim est de jure, quod inter diversas Civitates, nec invicem, nec uni subjectas imperio intercedit; sive, *ut ipse loquitur*, quos nulla juris civilis tenet communio. Hæc autem disciplina proprie ad eos pertinet, quos idem Summæ Potestatis vinculum comprehendit, ut inde à primo hujus operis initio enixè demonstravimus. Denique, sicut Politicam meram nemo recentiorum, præter Lipsium, tradidisse videtur, ita, seorsim hanc de jure Civitatis, sive Juris publici universalis oppositam Politicæ Artem integram, quod meminerim, nemo tractandam suscepit. Nihil tamen à novitate gratiæ huic scripto quæremus: illam varietas & utilitas, quam utramque ut in conspectu habuimus, ita, an adsecuti simus, aliorum erit judicium, præstet oportet. Nec præfatione Lectoris præjudicium occupemus. Hoc non dissimulabo, rem ipsam & experimentum hujus aliorumque laborum, parum abesse, quin pridem me adduxerit in eandem animi sententiam, quæ viris doctis & egregiè cordatis jam pridem laudata, exercita fuit; modum scribendi

scribendi systematicum, præ sparso & soluto, esse procul habendum iis, qui gloriæ non minus, aut aliquantò magis, & otio suo, quam Lectoris utilitati servire cupiunt. Erit adèò meum quidem hoc supremum in illo genere specimen, sicut præsumptio ejusdem opinionis fecit, ut hoc quam proxime ad institutum VARIORUM accommodaverim. Unde nec temperavi, quin bis in locum digressus sim mei captus, Theologicum: quam si quis gravetur mixturam, oculo fugitivo transvehi potest *Caput secundum & sequentia sectionis quartæ, & totam sectionem sextam libri primi.* De ipsis argumentis, jam olim publicatis, sed personalibus Α'ΜΒΟΛΙΕΡΓ'ΑΙΣ involutis, non habeo, quod in loco, dictis addam. Prima horum librorum Editio fuit rudis & genuinum mei moris in scribendo specimen: Quem sæpe sum professus ejusmodi esse, ut primas, sicut in properum stylum fluxerant, cogitationes, publico ausus sim committere, judicia hominum & Censuras experiri, deinde pressius elaboratas repetere editiones. Hoc ita in præfatione hujus operis omnium primà cum exposuissem, adjeci hæc verba; *Quod si Patriam Deus Academiamque salvam præstiterit, eam videmur detexisse materiam dicendorum, quæ repetitam prælectionem, atque tractationem, cui aliqua insit reverentia posteritatis, suo merito requirant.* Damnavit me voti Deus Clementissimus, Patriam & Academiã liberatis à ruinã belli Gallici, tum incumbentis. Ideoque primam Repetitionem dedimus, hinc ante decennium, auctiorem tertia parte, ut habet inscriptio; donec ultima, præsens, non triente, sed dodrante major elaborata est. Speraveram, ampliorem fuisse futuram scholiis Viri Excellentissimi, primariæ in Germaniã Academiæ Antecessoris: quæ parata esse cognoveram. Jam pridem enim professus, exemplo palam extante, me honori potius, quàm contumeliæ, si more studiosis hominibus digno fiat, tales imputare Censuras, id etiam literis ad eum datis, ut maturaret, rogaveram. Non tulit ita consiliorum viri Cl: ratio posterior. An autem hæc Editio, voti mei quondam emissi finem adsecutura sit, non tam scio, quam sentio, in

tio ingravescere institutum meum, publicandi rudia institutionis
 initia, & promerendi veniam Lectoris, juxta Censuras & ani-
 madversiones; quæ scilicet, ratio mea fuit, exercendi vel elu-
 dendi *Horatianum illud, de premendis nonum usque in annum lu-
 cubrationibus*. Adhuc quidem non offenderat hæc methodus, ante
 editionem primam Historiæ, quam nuncupavi, civilis, & primi-
 tias Eunomiæ Romanæ, quæ sub manibus est. Utrumque eodem
 animo & spe, quo priora mea conceptum, quam merito supe-
 riori anno vexatum laceratumque sit, aliquando, si Deus vitam
 largietur, Editio repetita loquetur: si, quod ad præjudicium
 satis sit, nondum extare videatur. Interea, quæ secundum an-
 tiquam prodeundi methodum inchoata sunt, ea, si Deus vo-
 let, hoc labore defuncto persequi certum & necessarium est:
 Donec mei Censores, aliquid in hoc genere dent melius, *Histo-
 riam ævi nostri ad exemplum Artis compositam*. Si malunt, quod
 erit facilius, in Censura pergere, non habeo causam recusandi in his
 quæ publice periclitamur. Idem in votis est pro Eunomiâ Ro-
 manâ: quæ aliquanto magis ad animum meum pertinet. In quâ
 his novem mensibus, viginti sex egregii Juvenes triginta publi-
 cas exercitationes edidere, meosque primos conatus in usum cen-
 suræ publicæ ad librum Pandectarum vigesimum usque provexe-
 runt. Amici plures domi forisque mallent, me, quod reliquum
 ætatis est, Jurisprudentiæ forensi impendere. Sed ego ita existi-
 mo, quodque genus suo loco reservandum, Practica Foro, Theo-
 retica scholis. Ita scribere, ita docere, postquam me denuo Aca-
 demix consecravi: Sane, quamdiu scribere, docere libet ac licet,
 Cujus rei, parum abest, quin ratio reddenda jam sit apud alios,
 quam quibuscum vixi, quod difficile factu esse Cato dixisse fertur,
 & difficillimum est iis, qui tantopere mutatas & inversas docendi
 rationes inveniunt. Etsi hoc malum, an bonum, minus in Jurispru-
 dentiam valide penetravit. Sed ἄλις προοιμίῳ. Rem ipsam cer-
 ne sis, *B. nevole Lector*.

De
JURE CIVITATIS,
LIBER I.

Qui est de Imperio.

S E C T I O I.

Continens Præcognita Artis.

C A P. I.

De Jure.

Jus pro regula actuum moralium. An origo ab injusto dependeat. **Causa Juris;** superior potestas, etiam Par; quod probatur. Jus etiam sumi pro facultate agendi vel habendi. Juris in priore sensu divisio in Naturale & Voluntarium. Hoc rursus in Divinum & Humanum &c. De Jure Gentium publico. De Jure civili publico. Hoc opus esse de priori, & ratio totius instituti. Differentia Juris publici universalis à Politicâ. Possitne Justitia in Republ. exacte servari. Inventio & definitio hujus Artis. E Quibus præceptis colligatur.



Iuris vox cum multifariam accipitur, tum imprimis nota est significatio, quâ dicitur, Regula boni & æqui; quo sensu latissimo, Lex etiam usurpatur. Aliter, re-

gula justî & injusti, ut Jurisperiti amant loqui, Injustum addunt, explicandi causâ, quod Grotius exequitur in *lib. 1. de jur. b. c. r. n. 3.* quo pertinet illud Horatii;

*Jura inventa metu injusti fœtere
 necesse est,
 Tempora si fastosque velis evolvere
 mundi.*

Quo

Quo sic velle videtur, nullum esse Justum, nisi post experimentum injusti; quod tamen ita penitus se non habere demonstravimus in *part. 2. Digress. 7. l. c. 5. n. 3.* Denique, non abhorret à priori dicto Grotiana Juris definitio; quod Jus sit, regula actuum moralium obligans ad id quod rectum est *d. cap. 1. §. 9.*

2. Obligationis causa maxime est Superior Potestas; etsi quo minus à pari, causa obligationis esse queat, nihil obstat; siquidem consensus, unde sine dubio nascitur obligatio, est inter Pares. Quin etiam prima lex & simplicissima, per quam è statu naturali receditur in Civitatem, & qua placuit, ut majoris partis voluntas sit omnium voluntas, nihil est aliud quam consensus inter pares, & est fons omnis obligationis ac juris. Denique, lex omnis in Imperio populari, nihil est quam *sponsio civium, ut Demosthenes & PAPIANUS* dixerunt in *l. 1. & 2. x. de Leg.*

3. Quando lex est per lata, major equidem pars se habet ut superiorem. Sed obligatio, qua singuli jam prius singulis tenentur, ut *stent eo, quod major pars valuerit*, jam est jus & inter pares manifesto. Pares, inquam, jure; *de facto & viribus sintue pares, ad se us, ad hanc rem non pertinet, nisi jus in manu & prævalente potentia statuas, quod Hobbesium & magis Spinosam velle, videbimus infra.*

4. Sed nec fit superior eo, quod *parem & consensus rem cogere potest ad observantiam juris constituti*; nec si vires ad cogendum desint, ideo desinit esse jus, quod pares, inter se sponderunt observandum; nec is qui fretus viribus fidem datam non servat, minus facit injuriam, eo quod viribus est superior, *quia hoc juris causam mutare non potest.*

5. Denique, non est tantum injustus

ideo, quod non parer superiori pacto servare jubenti, sed etiam eo, *quod jus in alterum clavis verbis translatum, sine causa illi auferat*; quod esse injustum patet inde, quia lædit humanam societatem; ideoque non cessaret injustum esse, *tametsi nullus superior, ab universo mundo distinctus, ut quidam impiè volunt, daretur.*

6. Hujus observationis usus *infra* patebit. Sed est alia Juris significatio non minus celebris, orta à priori, qua *Jus denotat Facultatem aliquam habendi vel agendi*; quomodo *jus imperantium, jus subjectorum, jus Magistratum aliarque per omnem hanc Artem diffuse facultates JURA* vocantur.

7. Sed *Jus* in priore significatione, in duo summa genera deducitur; Est enim *Naturale* vel *voluntarium*, quod in scholis *positivum* vocatur, Græcè *Τὸ ἐκ φύσεως, τὸ ἐκ νόμου*. Naturale, quod hominibus est *innatum*, Voluntarium, quod *arbitramento medio, repertum & excogitatum est.* *Grot. d. cap. 1. §. 9. & sequ.*

8. Jus voluntarium rursus aut divinum aut humanum est. Et hoc, vel Gentium vel civile. Utrumque publicum vel privatum. Jus Gentium publicum est, *quod docet, quid in regimine Civitatum ex voluntate populorum factum sit.* Privatum, *quod de rebus singulorum cum ratione introductum est.*

9. Quæri potest, sub utro comprehendatur, *quod inter diversas civitates nec invicem, nec uni subjectas imperio intercedit?* Ad utrumque referri potest; Nam civitates earumque Rectores juris publici participes sunt; & verum est, quod deinde videbimus, diversas civitates earumque Rectores hominesque nihilo secus omnes se habere, quam singuli in statu naturali se habent: Et de hac juris publici private specie cepit

cepit institutum Grotius, ut explicat in *pr. cap. 1.* operis magni.

10. Sed ad Jus Gentium publicum sine dubio pertinet id, quod docet, quid in quoque civitate juris inter ordines unius ejusdemque Reipubl. generaliter obtineat, quid imperantibus, quid subjectis, mediisve Magistratibus inter se tribuendum, quid pace belloque sit observandum.

11. Jus civile publicum est, quod ad statum cujusque civitatis in specie pertinet, consistens in omnibus quæ ad regimen unius populi juxta suam constitutionem peculiarem referuntur. Privatum, quod ad singulorum in eadem civitate utilitatem spectat; consistens in singularibus civium unius imperii controuersis à regimine publico distinctis *l. 1. §. 2. π. de Just. & jur.*

12. Nobis consilium est, exponere publicum Jus Gentium cujuslibet civitatis, at unius Reipubl. terminis comprehensæ; sine quo neque Romanum, neque Germanorum, aut ullius populi proprium Jus publicum, solide collocari vel comprehendi potest.

13. Ita vero hoc agemus, ut non modo viam ad specialia sternere, sed & continuo singulis suo modo civitatibus applicari queat: Proinde ex *Historia*, quam merito animam hujus disciplina dixeris, pleraque exemplis, adpositione vel vivæ vocis ministerio illustrabimus; ut neminem ratio in ullius Reipubl. cujus noverit situm, judicio fugere possit.

14. Est autem hoc Jus publicum ejusmodi, ut pari fere passu ambulet cum Politica disciplina. Unde à plerisque cum eâ confundi solet. Ut vix reperias ex recentioribus; nam veteres politicam seorsim docent; præter unum Lipsium: nisi placet addere *Boetium Præceptorem & hospitem olim nostrum Argentorati*, qui meram politicam tradiderit, neque ad nostram men-

tem, qui Jus publicum Universale seorsim dederit, quare dix. in *Auspici. orat. 3.* huic libro præfixâ.

15. Differunt tamen hæc Ars & Politica, sicut alioqui Jus & Prudentia; Nam Politicæ est, actiones publicas dirigere cautè, ad felicitatem civilem, adeoque docere quæ ex usu sunt. Jura publici nostri, ut facultas ejus, quod singulis in Republ. ordinibus competit, rectè tribuatur, & justitia in omni regimine civitatis custodiatur, ut *latius in dict. orat.*

16. Sed an hoc habet facultatem? Plato sane in *Epist. ad amicos Dionis*, non sine gravi causâ pronuntiat, omnes sui temporis Civitates *κακῶς πολιτεύουσιν* male administrari, & justissimus Græcorum Aristides Rempublicam *οὐκ ἔστιν ἀδικίας δευτέρου*, multâ egere injustitia declarat apud *Plutarch. in vit.* nec hodiè melius agi in regimentis populorum docet usus temporum.

17. In Politica equidem exercenda difficillimum est, non quidem fraudes apertas, quales ille ab *Hetruriâ*, sed consilia leviter ab honesto devia, quæ & Belgæ noster admittit, ubique vitare. *Machiav. in Principe. Lips. 4. polit. c. 14. in pr.*

18. Sed Juris Disciplina ab omni iniquitate suâ sponte aliena est; etsi nuper extitit, qui parum abest, quin flagitia seculi & scelera dominationum ex fonte juris & naturâ civitatis, specie Philosophiæ derivare instituit: *Thom. Hobb. tract. de civæ & Leviath.*

19. Denique, ne de politicâ quidem Practicâ omnino hac parte desperandum esse, quin tessera bonæ mentis etiam in eâ servari possit, exempla Davidis, Salomonis, Marci Antonini, Alphonsi Sapientis & Ludovici Sancti aliorumque spem faciunt.

20. Cæterum, primus hanc Artem
A 2 Juris

LIB. I. De Jure Civit. Sect. I. Cap. II.

Juris publici à Politicâ separandam esse docuit, opinor, Grotius in *præfat. op. de jure belli & pac.* Exemplum hujus instituti non dedit, occupatus diverlo scribendi proposito, quod jam designavimus, *ex operis ejus principio.*

21. Sed quid est Jus publicum ita sumptum, ut diximus? Meniores enim in omni hac Arte erimus Aristotelici præcepti, ὅπως ἐλατῶσι πλείονα καλῶς, ἢ ποικίλων αὐτῶν τὰ ἐπιμύονα ῥεῖον ἔχουσι; ut omnia recte definiantur, qua res ingens ad sequentia facit momentum 1. ad Nicom. 7.

22. Dicamus ita; Est *Ars, qua suum tuncque, in ordine civitatis, tribuere docet.* Regi, quæ Rectoris sunt; populo, quod

est populi, & magistratibus, quod horum officia requirunt. Verbis, *in ordine Civitatu*, differentia à jure privato continetur, quæ suum cuique sine respectu ad Rempubl. quæ est ordo civitatis, tribuit.

23. Constat hæc Ars præceptis Naturalibus, Gentium & Divinis, etiam verò civilibus populorum institutis; quia, licet universalis hæc Ars sit, unius tamen ordines Reipubl. supponit: Omnesque populi tam in publicis quam in privatis, partim communi omnium hominum, partim jure proprio utuntur, eaque ita inter se comparata sunt, ut mutuo sese explicent ac illustrent.

C A P. I I. De Jure Naturali.

Originalis hominum integritas ex sententiâ Gentilium, Grotii & aliorum, qui non nisi in affectibus & usu habituque illam constituunt. Qualis è sacris literis intelligenda sit. Imago DEI qualis. Futurum fuisse jus aliquod naturæ in statu primævo, etsi longe diversum ab eo, quod nunc est. Corruptionem hominis subitam fuisse, non ex usu & habitu. Lumen rationis haud omnino extinctum. Id esse Jus naturæ, quod definitur. Exegetis definitionis. Quatenus discretio turpis & honesti sit insita menti & homini congenita. Unde nascatur obligatio Juris Naturæ, qua de re diversæ sententiæ exponuntur. Refellitur Hobbesiana. D. Puffendorffii; Quarta speciosior interpretatio, contra quam disputatur, Theologorum expenditur. Quarta de dominio Dei in hominem probatur & à confessione Socinianorum purgatur. Immutabilitas Juris Naturalis quomodo accipienda. Distinctio Juris Naturæ in necessarium præcipiens, permittens, suadens. Diversi gradus inhonesti.

2. Fuisse tempus, quo genus humanum sine malâ libidine, sine probro & scelere vixerit, etiam gentiles credere, doctrinâ è sacris ad illas propagatâ sed non sincera; magis enim putarunt, in primis hominibus ignoratio-

nem fuisse vitiorum quam noticiam Virtutum; adeoque nihil quam mali nesciam & adhuc astutiæ inexpertam simplicitatem, quomodo *Justinus lib. 2. à pr. Macrobi. 2. in somn. Scip.*

e. Nequē

2. Neque plus originali integritati, à sacris literis proditæ, adscribere videtur validissimus Philotophæ civilis doctor i *μύθος*, Grot. in *lib. 2. c. 2. §. 2.* ut status integritatis nihil fuerit quam *ἀμετάκλητος* ejusmodi *ἀφύμνησις*, qualem ait, in quibusdam populis Americanis hodieque videmus, & quæ opponitur, ita pergit Grotius, à Paulo Apostolo τῆ *πυρρός*, quæ est calliditas & versutia multo tempore & usu acquisita, quam vult, homines primævos sensim, habitu multarum actionum contraxisse.

3. Prorsus eodem modo, quo ab aliis, diversæ professionis, doceri cœpit aliquandudum, Originalem corruptionem non consistere in ipsis facultatibus mentis, Intellectu & Voluntate, verum in affectibus & usu habituque inde contracto, quæ de re diximus in *libr. de Ratione & Scripturâ, sect. 3. cap. 9. pag. 198. Adde part. 2. Digress. l. 1. c. 5. n. 5.*

4. Sed è sacris literis constat, integritatem hominum primævam non tantum constituisse in validâ sanctitate justitiæque efficace *ad Ephef. 4. v. 24.* ubi conditum esse hominem tradit Apostolum *ὁ δὴ ἀνομιῶν ἡμῶν ὁσίον ἔσθ' ἀληθινός*, in justitiâ & sanctitate verâ, sed etiam *ἐπιθυμῶν κατ' εἰκόνα ἑξῆς καὶ αὐτοῦ*, ad cognitionem secundum imaginem creatoris sui *ad Coloss. 3. 10.* Cujus intelligentiæ non potest esse majus & excellentius specimen, quam fuit denominatio omnium rerum ab Adamo facta recens creaturæ, à Mose relata: quæ non nisi divina virtute virilique perspicaciâ & promptitudine committi potuit.

5. In hac justitiâ, sanctitate, Ingenio & judicio, juxta dominium in cætera terrena, Imago Creatoris relucebat, ut è *diffis loci & Genes. 1. 27. 11. Corinth. 3: 18.* intelligi potest. Quam imaginem si primi homines in mutua & exi-

miâ charitate custodivissent, imperio civitatis vix opus fuisset, per ea quæ canit Ovid. *fab. 3. Metamorph. 1. nisi*, quatenus ad communicandas utilitates & confusionem vitandam ordo aliquis non fuisset non necessarius.

6. Nec ideo probanda videtur eorum sententia, qui ante lapsum & corruptionem humani generis, nullum Juri Naturæ locum fuisse disputant. Tamen enim nulla tunc esset vitiorum experientia, Dei tamen & proximi amor officia consentanea dictabat & contraria excludebat, quæ de re dix. in *præd. cap. 5. Digress. n. 3.*

7. Enim vero latius magnum futurum fuisse discrimen inter jus Naturæ, quod in statu Integritatis fuisset, & quod nunc obtinet in societate humana, facile constitui potest, quod explicat D. Puffendorffius in *præfat. de off. hom. & civ.*

8. Ex illa perfectione judicii & Voluntatis, quæ fuit in hominibus primævis, non sensim homo ad suetudine facinorum, ut Grotium alioque periculose sentire diximus, sed incontinenti à Creatore suo est alienatus *arg. v. 12. c. 5. ad Rom.* idque brevissimo tempore post creationem accidisse, ratio & Scriptura credere jubent *arg. c. 1. Gen. v. 28; & 31. C. 2. in fin. & c. 3. in pr. quod explicatum in d. cap. 5. Digress. n. 4. in fin.*

9. Imminuta tamen, non extincta fuit imago numinis, sive Lux infusa mentibus, quæ turpia & honesta discernerentur, *ad Rom. c. 1. v. 18. & seq.* Quæ propagato genere humano, auctilique usu promiscuo judicii illius objectis magis magisque semet exeruit, docente experientiâ; ne de renovatione hominis per spiritum Dei in Christo loquamur, *d. cap. 4. ad Ephef. & 3. ad Coloss.*

10. Ad lumen illud pertinet Jus naturale, quod eâ ratione totum imaginis divinæ rectè dicitur, ut Cicero *lib. 1. de Leg.*

de Legib. de hoc agens; *Est igitur homini cum Deo similitudo*, ait, quatenus est conscientia & sculptura voluntatis divinæ 2. ad Rom. v. 14. & 15.

11. Definitur hoc jus à Marco Tullio, quod sit Ratio summa, ingita à Naturâ, quæ jubet ea quæ faciendâ sunt, prohibetque contraria d. l. 1. de LL. ubi Legem ita quidem definit, sed legem, id est, jus Naturæ.

12. Rationem cum dicimus, dictamen Rationis intelligimus, inter quæ non facimus discrimen, ut vult commentator in Grotium, qui in suâ definitione habet *dictamen*. Atqui dictatum Rationis quid aliud est quam Ratio dictans, jubens, sive quæ jubet, ut Cicero loquitur. Non opus igitur est, ut dicamus; Jus Naturæ esse ipsam Rationem, ut hæc certe latius patet: sed ut Ratio, quæ jubet faciendâ prohibetque contraria, non differat à dictato jussuque Rationis, facile non nimis arguti censores Ciceroni concedent.

13. *Summa Ratio* dicitur, id est, prima, perpetua & supra omnia, omnesque regens actiones humanas. *Instita à Natura*, consequenter ab auctore Naturæ Deo, quod ut Theologi malunt exprimi in ipsa definitione, ita nihil refragatur; nec Cicero id recuset. Vocat enim hoc Jus *coelestem Descriptionem mentemque divinam*, imo *præpotentem Deum* & lib. 2. *Ratio est recta summi Jovis*. plane uti Plato τὸ Λόγῳ, Rationem vocat τὸ Θεὸν ἵσχυρῶν, *Deum in nobis habitantem*, lib. 8. de Legib.

14. Discretio igitur Turpitasque honesti ἀντιδιάνου & est, ut Chrysoft. homil. 14. ad Antioch. loquitur, & stat naturâ magistrâ, Euripides τὸ νόμον φύσει ἠφύργε; *Jus natura natum*. Paul. 2. ad Rom. 15. Grotius lib. 1. c. 2. n. 10. Et si dissentit D. Puffendorffius lib. 2. de jur. Nat. & Gent. c. 3. n. 13. qui vult hoc

judicium non nisi ab informatione & exemplis oriri, quod nos hactenus quidem refellimus in d. part. 2. Digress. l. 1. c. 5. n. 5. 6. 7.

15. Quid igitur? an dicendum, *omnibus hominum esse ingenita propositiones actuales, quæ præcepta saltem generalia, statim atque usus sermonis accesserit, sine ulteriori meditatione suppeditent?* Id e quidem Virum Cl. negantem facile ferendum putamus, sufficiente eo, quod ipse dein subjungit, intellectui humano *zalem esse facultatem, quæ ex conditione generis humani liquido perspicere possit, quid faciendum, quid fugiendum*. Quam facultatem Rationis, si à Deo mentibus humanis inditam, ut facit; agnoscat, veritati & dictis Apostoli αὐτὸς ὁ νόμος τοῦ ἔσωτός μου, de lege cordibus inscripta satisfactum videtur.

16. Et si inde non erat inferendum, illam Notitiam non cadere in hominem, nisi prævia informatione vel aduetudine videndi & audiendi laudes atque pœnas, ut docet in d. §. 13. Latius hac de re minusque Puffendorffii rationibus adversa collocavimus in Ennom. Rom. lib. 1. ad §. 11. Inst. de jur. Nat. G. & C.

17. Ultima definitionis verba sunt, *jubet faciendâ prohibetque contraria*. Id est, dictat ex ipsa naturali ratione, cuius actui inesse necessitatem aut turpitudinem moralem, ideoque eundem esse vetitum vel præceptum, ut Grotius loquitur in l. 1. c. 1. n. 10. eaque dictamina quatenus respectum hominum inter se mutuum continent, etiam singulis parendi necessitatem, quæ ab aliis exigî possit, injungunt; Alioqui definerent esse quod sunt, *Leges & regula*.

18. Vis quidem obligandi in his quæ Conventionem, ex qua proximè nascitur obligatio, præcedunt, non nisi à superioribus, qui Deus heic est, unice potest oriri. Sed

ri. Sed non convenit, quo respectu, vel qua virtute DEI nitatur obligatio Juris Naturæ in animos hominum; Sunt enim qui potentiam irresistibilem habent pro causâ unicâ; sunt qui beneficia Dei in hominem. Alii *ἐπιπροσηγορῶν* & eminentiam Numinis; Alii denique dominium Dei & potestatem herilem pro causa hujus obligationis habent adæquatâ.

19. Prima est Hobbesii sententia c. 15. de Cive n. 5. Secunda Puffendorffii l. 1. c. 6. n. 12. de jure N. & G. Tertia plurium Theologorum eamque diserte adstruit exactissimi Viri judicii Hermannus Witfius l. 1. de Oecon. fœd: c. 1. n. 14. Cap. 3. n. 8. & C. 5. n. 35. Quarta sententia Socinianis ascribitur, interque eos Volkelio & Crello, contra quos Reverendus Witfius disputat in locis citatis.

20. Quod ad priorem attinet sententiam, obligatio Juris obstringens animos *ἀπολυτακτικῶν δυνάμεων, ὡς καὶ συνδεδωκεν* habere quidem debet, at non solam; hæc fluere debet ex alia ratione convincens subiectum imperio, quod etiam parere debeat; cujusmodi nihil est in potentia irresistibili; tamen si Hobbes teneat, jus imperandi ab ipsâ potentia derivari; verum sicut unicuique jus est domini quatenus potest, sic etiam ex ejusdem sententiâ cuique jus est resistendi, quatenus potest, si fiat, ut possit, vel se posse putet: Cujusmodi mutua facultas saltem potentialis, cum obligatione jubendi parendique inter Deum & homines nullo modo consistere potest.

21. Potentia igitur irresistibili aliud oportet accedat, quod recte animadvertit D. Puffendorffius l. 1. c. 6. n. 16. ubi; *sed accedere insuper oportet, ut aut ab isto cui pareamus, insignia quadam bona sint in me profecta, aut ut ipse ultro in ejus directionem concesserim.* Posterius heic usu non venit, quia legem naturæ condi-

deramus sine respectu ad submissionem voluntariam. Magnitudo autem beneficiorum acceptorum non potest esse causa necessaria subjectionis, quam quaerimus; sed est invitamentum ad voluntariam ratione gratitudinis, et si ne hæc quidem universæ obedientiæ legem absolute flagitet; Alioqui & inter homines idem suo modo statuendum foret.

22. Ne quidem hæc duæ res junctæ adæquatam obligationis causam efficiere videntur; nec idem facit *ἐπιπροσηγορῶν* sive eminentia Dei super omnia creata. Nam hæc quidem valde probabilis, sed non expletrix imperii & subjectionis inter Deum & homines causa videtur esse; vim magis svadendi profundam venerationem, quam obediendi necessitatem imprimens. *Eminentia Dei est essentialis ejus attributum Deoque inest, licet creature nulla extarent,* ait ipse Vir Rev. ideoque per se non infert creaturæ rationalis subjectionem. Esset eadem eminentia, si Deus, ut Epicurei volunt, res humanas non curaret; quâ tamen hypothesi; impiâ scilicet, eminentia sine tenore subjectionis esset. Denique, nec angelis, nec hominibus utcunque eminentissimis, nec homini in bestias ob eminentiam; sed propter dominium jus imperii esse manifestum est.

23. Non possum aded pedem figere in assignanda ratione perfecta obligationis, quâ homo teneatur ad parendum dictatis Dei, quam in *Dominio*, quod est libera de re nostra disponendi potestas, adeoque in dominio herili; nec enim aliud dominium propriè dictum datur. Qui iusta ex causâ domino subiectus est, sine dubio tenetur ad obsequium ejus imperiis præstandum, animique voluntatem conscientia causâ ad subjectionem habet obligatam. Deum autem inde à creatione factum esse dominum, nec unquam esse desuisse, non est quod adver-

adversus eos, qui Deum esse fatentur, probemus *ad Rom*: 9. v. 20. & 21. Si hæc est Socinianorum hypothesis, ac inde nescio quas, illi consequentias necant, eas ut minime necessarias aut inde dependentes repudiamus, eademque removemus in *Part. 2. Digress. lib. 1. c. 6. in fin.* Ubi per omne caput illud, hanc sententiam adstruximus.

24. Necessitas obligationis ex jure naturæ est immutabilis, ut inter omnes constat; sed an immutabilitas illa respectu hominis duntaxat, an vero etiam respectu Dei accipienda sit, ut nec ille de Juris naturæ præceptis *dispensare* queat, hæc est ulterioris indaginis questio, de quâ non nihil inferius collocabitur.

25. Sed hoc loco non est omittenda distinctio Juris Naturæ, quâ dicitur aliud esse *præcipiens*, aliud *permittens*, aliud *suadens*. Præcipiens est id, quod proprie definitioni Juris naturæ convenit, circa ea, quibus inest aut necessitas aut turpitudine moralis; & hoc est immutabile; quippe à sculpturâ divinâ hominum animis impressum.

26. Jus permittens continet ejusmodi facultates, è quibus naturaliter aliquid habere vel agere licet, ut nec ab aliis impediri possit: verum ita, ut ad exercitium illarum nemo teneatur, sed iis pro lubitu quilibet abstinere possit; Cujusmodi est Tutela corporis sui, *plurima-*

que sane, procreatio sobolis, occupatio rerum, quæ Nullius sunt, aliæque naturales facultates.

27. Ad Jus svadens referuntur ea, quæ Ratio svadet, ut meliora, non jubet præcisè: ut quod hereditates proximis sanguine potius quam extraneis relinquendæ sunt; aut quæ Ratio deteriora licet, non absicisse prohibita, judicat; ut nuptias consobrinorum & ad finium in tertio vel etiam forte secundo adfinitatis gradu; de quibus rebus actum à nobis in *lib: 2. c. 20. & seqq: Digress. p. 1.*

28. Huc etiam pertinet consideratio, quod prohibitiones naturales habent varios gradus inhonesti, in quibus omnibus vertitur quidem naturale jus & pudor, ut Paulus ait in *l. 14. §. 2. π. de Rit. nupt.* sed hoc in quibusdam adeo validum est, ut quæ adversus hoc committuntur, *visæna nefaria* sint, veluti parentum fororumque conjugia; quædam inhonesta, sic, ut tamen aliquando aliter se habere possint, qualia cum fratrum viduabus conjugia & divortia. Quædam indecora sunt tantum nec plane prohibita, ut est viro alere comam, ut est prodiga donatio. Ex quibus liquet, non esse remotam à Ratione distinctionem, inter honestatem & necessitatem moralem, quæ ab aliis improbat, ut *demonstratum est, in part. 2. Digress. l. 1. c. 7.*

C A P. I I I.

Quo jus naturæ Hobbesianum examinatur.

Summa Juris naturalis Hobbesiani. Originem civitatum esse à metu & æmulatione mutua. Quemque in statu naturæ habere jus faciendi quod velit. Ab hoc statu recedendum per pactiōnem. Et per consensum majorem, qui est Imperium Civitatis. Statum naturæ nunc esse inter diversos populos. Conceditur positio, Statum naturalem esse statum belli. Illustratur exemplo Frisæ superiorum temporum. Causam civitatum esse etiam, desiderium societatis naturale. Probatur hoc & refelluntur exceptiones Hobbesianæ. Hinc sequi, positiones huic Societati repugnantes non esse juris Naturæ. Ac inde collabi regulas juris naturalis Hobbesiani. Etsi verum sit, illas factō usuque inter homines frequenter obtinere. Refellitur argumentum ejus à divinâ potentiâ. *Repetitio ex editione priore.*

Thomas Hobbes Anglus aliam Juris naturalis indagandi viam multis impense laudatam ingressus est, in libro de Civitate, cujus hæc fere summa est; Originem Civitatum non tam esse à naturali desiderio societatis, quam à mutuo metu, propter Hominum æqualitatem & eandem rerum appetitum; unde nascitur ingeniorum æmulatio & mutua lædendi voluntas, adeoque bellum omnium contra omnes, in statu naturali c. 1. n. 1. 6.

2. Contra Hæc, sibi quisque cavere studet & se suaque tueri, talibus mediis quæ judicat esse necessaria, quod arbitrium cuique pro se debetur. Nec enim alius in statu æquali, sicut est per naturam, alterius judex esse potest; unde quisque jus habet faciendi quod libet, & quod potest, per vires; nec quisquam cuiquam facit injuriam, etsi cogat eum ad quidvis pariendum, & omnes jus in omnia habent, quod dumabit in infinitum, status belli omnium in omnes est inevitabilis n. 7. 8. 9. 10. & seqq.

3. Ab hoc statu naturali recedere ju-

bet Ratio, quæ summam hanc legem Naturæ dicitur, non esse subsistendum in jure omnium ad omnia. Recedi autem ab illo jure per pacta, utrimque, vel ab alterâ parte impleta; quippe nuda pacta invalida esse in statu naturæ cap. 2. Hinc aliam & præcipuam naturæ legem oriri, pacta esse servanda, quorum violatio sit injuria, cum ante pacta nihil injuriæ committatur c. 3 ubi in fin. n. 4. Injuria nisi post juris in alium translationem existere non potest, inquit.

4. Pactio non potuit recessum à jure omnium in omnia, id est, à statu belli præstare, nisi magna multitudo rationem iniret, quâ omnium Voluntas una fieret, quod est fundamentum civitatis & Imperii; A quo leges civiles, tanquam pactiōnes civitatis proficiuntur. Atque ita cum ante recessum à statu naturæ nulla acultas injuriæ cuiquam faciendæ fuerit, ex lege civili sola colligendum esse, quid fas, quid nefas, bonum aut scelestum sit. Quid, ait iterum, furtum, homicidium, adulterium & injuria sit, id ex legibus civilibus cognoscendum est, nec

B

aliter

aliter sunt talia, quam si per has talia declarentur, in cap. 6. n. 16.

5. Ne quis autem ea, quæ de statu naturali docet Auctor, usu carere putet hinc temporibus, sciendum, omnes civitates, omnesque populos non uni subiectos Imperio, in statu naturali versari, ut docet Hobbes, cum alibi, tum *cap: 13. n. 7. Status civitatum inter se*, inquit, *naturalis, id est, hostilis est, neque si pugnare cessent, idcirco pax dicenda est, sed respiratio, in quâ hostis alter alterius nutum motumque observat, & securitatem suam non ex pactis, sed ex viribus & consiliis aestimat.* Ac ita diversæ gentes hominesque diversarum gentium ex jure naturæ sibi nullam mutuo faciunt injuriam; sed jus habent potentiores, cogendi imbecilliores ad dandum & faciendum quicquid libet. Quæ plura de Naturæ legibus habet ad pacem colendam, post recessum à statu Naturæ, heic loci à nobis excerpti non possunt.

6. Videamus, quid ex his rebus concedi possit, quid negandum sit Hobbesio. Enimvero naturam hominum esse tam corruptam, ut alter alterum oderit, alius alium subigere, spoliare, occidere velit, si detur facultas, in universon negari non posset, experientiam literisque sacris id abunde probantibus. Ideo, si status naturalis sine imperio civitatis alicubi durabilis existeret, non est dubium, quin ibi dominaretur bellum omnium adversus omnes, ut exemplo non modo gentium barbaricarum, sed nostræ quoque Frisæ recenti documento probari potest.

7. Nam celebris illa gentis nostræ libertas, quæ post tempora Caroli Magni, nullum Principem domesticum aut alienigenam passa erat, tandem in resolutionem omnium ordinum licentiam, sine ulla potestate coactivâ vel unius, vel plu-

rium, degeneravit. Quâ conditione per integrum fere seculum vivere majores nostri in verissimo statu belli omnium contra omnes, scisâ gente totâ in duas quidem factiones summas; verum ita, ut sine sedibus certis per omnem provinciam gladii micarent: Sibi quisque nobilis & paterfamilias viribus suis fidens, clientibus amicisque in auxilium adscitis, auctor & dux pugnæ, arcibus contra arces, turribus contra turres in eadem viciniâ ubique erectis atque munitis: plerumque bellum sine legibus belli; nec modo cædes & sanguis in rabie præliorum; sed etiam in captos sævitia, carceres inhumani, deformia supplicia & quicquid furor civilis odiumque effertum audet, sine fine modoque exercitum. Nec aliud è tantis malis exitus quam per unius Imperium adductius & validius, quod primum à Saxonibus, dein ab Austriacis supervenit, inveniri potuit.

8. Non recusamus igitur primam positionem Hobbesii summam, quod *Status naturalis sit bellum omnium contra omnes.* Nec alteram inde oriundam, *mutuum metum in causa fuisse, ut homines de ordinatis societatibus, quâ se adversus injurias invicem & ab aliis inferendas tuerentur, cogitarent.* Sed hæc duæ theses concessæ non averfantur alias duas, quæ similiter concessæ vel approbatæ, pleraque malas consecutiones ab illo postulatas occupant & subruunt. Prima sit, *Nativum societatis amorem, hominibus juxta metum, pariter fuisse causam inveniendæ Civitatis.* Altera; *Libidinem violandi, subigendi, spoliandi alios in statu naturali, non posse Jus vocari, sed etiam tum fuisse veras injurias.* Posterior è probatione prioris resultabit.

9. Quod ad primam positionem à nobis additam spectat, Hobbes ipse concedit, *homini statim atque natu est, solitudinem*

litudinem perpetuam esse molestam, nec adeo negat, alios aliorum congressum, naturâ cogente, appetere, in not: ad. cap. 1. Sed exceptio pro acumine Viri admodum inexpectata est; Ait enim, Foedus, quo Civitates contrahantur, non capi ab infantibus, cujusmodi cum omnes sint homines editi à naturâ, manifestum esse, cunctos homines ad societatem civilem inaptos esse natos, in dd. not: ad cap: 1.

10. Quid enim hoc? Cum homines ad justitiam esse natos dicimus cum Cicero ne 1. de Legibus, hocce aliter quisquam exaudiet, quam ad usum exercitiumque justitiæ requiri scilicet, ingenii judicii que maturitatem infantæ involucris explicatam? Nec hoc quidem obstat, quod dein movet in eodem loco, permultos homines vel animi morbo vel defectu disciplina, per omnem vitam ineptos ad societatem manere. Ne hoc quidem Cicero in loco prædicto ignoravit, ubi cum Justitiam naturâ constitutam esse dixisset, imbecilles tamen animos, monet, à depravatis consuetudinibus opinionumque vanitate torqueri & quocunque caperint flecti, inclinare. Nec enim ea vis est Rationis, ut affectibus corrumpi agique in transversum nequeat; nec quod in multis hominibus id ita usu venit, ideo quod verum & rectum est, definit esse Rationis dictamen.

11. Quod si verum est, ut per inanimissimas Hobbesii exceptiones non definit esse manifestum, homines in ipso naturali statu cupere societatem & conjunctionem cum aliis, non potest fieri, quin necessario Rationis dictamine cognoverint. Vim non esse faciendam immerentibus, non esse vexandos, spoliandos, qui vim nullam fecissent nihilque in te peccassent; sic enim non posse coalescere Societatem, quâ carere nec poterant, intelligebant. Dominia re-

rum statim inter homines, antequam civitates conderentur, incepisse, longiusque sensim provecta fuisse necessum dictum est. Quod enim quisque dum nullius est occupas, id naturali ratione, qua cum ipso humano genere prodita est, fieri occupatis, necid ei eripere fas esse, res loquitur, non minus quam Justinianus in §. 11. & 12. Inst: de Rer. divis. & A. R. D.

12. Idem de reliquis naturæ rationalis dictatis; ut quod tibi non vis fieri, id alteri ne feceris; honeste vivendum, alterum nullo modo lædendum esse, quæque similia tuendæ Societati necessaria ex immediato Rationis instinctu profluunt, tenendum: eaque dictata Leges sunt, propter conscientiam voluntatis divinæ, de qua præcedenti capite dictum. Ejusmodi conclusiones Apostolus in animis gentilium vocat *διευκρίνηται ἡ νόμος τοῦ Θεοῦ*, quæ *Θεὸς οἷς αὐτοῖς ἐπιπέσει*. Deus ipsis manifestavit, per quæ *inνοῦντες οἰκτιροῦντες*, sibi ipsis lex sunt 1. ad Rom. 19. *συμπεριεπίνοῦντες αὐτῶν ἡ συνείδησις*, conscientia illorum contestante. Unde colligitur hæc definitio; quod conclusiones juris Naturæ sunt, *Jura Dei hominibus à Deo manifestata, per quæ sibi ipsis Lex sunt & in conscientia se devinctos sentiunt.* Cumque sint officia pleraque alii erga alios, qui omnes eidem Rectori Deo subjecti sunt, injuncta, & mutuo præstari solita; per leges illas alii alii obligati sunt, etiam sine præviis pactis & sine respectu ad ordinem Civitatis.

13. Unde subrutæ corruunt hæc positiones; *Ante pacta nihil injuria posse committi; In statu natura unicuique licere facere quacunque & in quoscunque libeat; Quid fas & nefas, honestum an inhonestum sit unicependere à lege civili;* quod multo rectius & divinis oraculis rectæque rationi convenientius *Aristot. l. 1. Rhetor. c. 13* *Ἐν ᾧ τὸ φθόνον ἀγαθὸν ἀδικία, καὶ παρὰ τὴν ἀδικίαν ὁμοῦν ὅτις ἀδικίας ἴσιν*

μαδι συνήθη; *Est enim ait, commune a-
liquod per naturam, justum ac iniustum,
etsi nulla Societas, inter homines aut Con-
ventio existat.* Sed Aristotelem frustra
adversus Hobbesium adducimus. Ra-
tiones à nobis adductas puto esse eviden-
tes & verbo Dei firmatas; scilicet, le-
ges esse à Deo insculptas animis, qui-
bus homines inter se à Superiore Com-
muni, etiam sine conventionibus ob-
ligantur. Quod autem contra leges fit,
hoc esse nefarium ipse fatetur & ponit
in cap. 4. & passim.

14. Verum quidem est, quod jus
cuicque sit, vitam membraque sua tueri
mediisque ad hoc efficiendum idoneis
uti; sed non est verum, quemque pro se
iudicem esse, quæ media ad eum finem
adhibenda sint, idque ad eum in infinitum,
ut unicuique facere liceat quod libet, id-
que jus naturale sit. Iudicem agere sui
ipsius de mediis ad salutem necessariis
utilibusque, non est ita animum inducere,
ut aliquis pro libidine fingat, hoc
aut illud sibi expedire, sed ut vere re-
ctæque duce Ratione iudicet, hoc aut
illud, sine læsione societatis humanæ se
facere posse, tuendi augendique sui gra-
tiæ. Verum ut mensura juris sit utilitas &
potentia, quod Hobbes urget, in statu
naturali, melius convenit immani Bren-
no id ipsum adfirmanti apud *Plutarchum*
in *Camillo*, πρῆστὸν τὸ νόμον ἐν φύ-
σει; primam naturæ legem esse, πλὴν
ἔχει τὸν κρείττονα τὸ ἀποδιδόναι, ut va-
lidior plus quam imbecillior habeat. Vel
ut idem apud *Livium lib. 5.* *Omnia es-
se Virorum fortium;* melius huic, quam
Philosopho, inquam.

15. Consuetudinem hanc esse homi-
num, ἢ αὐτῶν ἄρχων *Ut potentior impe-
ret iis quibus possit,* ut Athenienses ad
Melios Thucyd. l. 5. & bellum omnium
contra omnes dari perpetuum in sta-
tu naturali, hoc est, extra unius im-

perium civitatis, antea concessimus &
res loquitur, alium non fuisse nec esse
verum hujus mundi statum inde ab ini-
tiis humani generis. Platonis di-
ctum est sub persona Clinix Creten-
sis in *lib. 1. de Legib. à pr.* Πάσαι αἰεὶ
πάσαι εἰς πόλεις αἰεὶ πόλιμον ἀκέρυκτον κα-
ὲ φύσει εἶναι. *Cunctis civitatibus perpe-
tuum contra se mutuo bellum naturaliter
esse non indictum.* Sed hanc corruptionem
humanæ naturæ, Jus, quod à ratione di-
vidi nequit, appellare, quod omnes sine
institutione norunt esse nefarium, nemo
ante Hobbesium, dixit, opinor. Plato sa-
ne longe aliter in *d. loco* philosophatur,
docetque id agendum esse per naturam,
πολιμῆς εἶναι πάντας αὐτῶν φύσει αὐτοῖς,
ut quisque bellum adversus suas libidines
gerat.

16. Denique, non juvat Hobbesium,
quod à divina potentia ad statum hu-
mani juris argumentatur. Nec enim à
potentiâ sola jus Dei in cuncta creata
deducitur: Sed ex eo, quod Deus cun-
cta proprietate Dominii complectatur;
quod homini in hominem sine causa
præcedente nullo modo tribui potest.
Præter quod ab infinita Dei bonitate,
sapientiâ, justitiâ, omnipotentia jun-
ctis, ad humanam imperfectionem nul-
la ratio consequentia valet. Adde part. 2.
Digress. l. 1. c. 8. nec minus editionem
primam librorum de *Jure Civit. cap. 3.*
cujus *dicta* jam sequuntur, in quibus si
quid recurrat, non erit otiosum, spero.
Sic ibi fuit;

PRoinde, si juris Naturæ illud est de-
mum, quod ratio necessaria præcipit
aut prohibet, sequitur, Non recte statui
fundamentum Juris Naturæ illud esse
solum, quod periculosa auctor philosophiæ
docet, ut quisque vitam & membra
sua, quantum potest, tueatur. *Hobb. de ci-
v. tit. 2. c. 1. §. 7. in f.* Hoc enim ne-
que præcepti necessitatem semper, ne-
que

que omnino ratiocinationem, quatenus primum est, quod utrumque in Juris principii requiritur, desiderat.

2. Etenim est hoc primum juxta eam Naturam, quam communem habemus cum brutis animalibus, quibus æque illud insitum est, adeoque est *ex natura ipsa*, quæ ut differant à jure naturæ dix. in *Digress. l. 1. c. 11.* Tamen, si vis ita, dici quoque potest fundamentum Juris Naturæ illud ipsum, at sensu diverso. Nam præter quod jus significat Regulam actuum moralium, quæ obligamur ad id quod rectum est, ut initio *cap. 1.* dictum, Magni quoque & crebri usus est altera significatio, quam & ibi collocavimus, quæ dicitur, *facultas aliquid habendi aut agendi*, ut est jus domini, jus herilis, jus patriæ potestatis. *Grot. l. 1. c. 1. §. 4.* Ejusque juris si tu primum quæras principium, nullum prius reperies, quam id quod vitam & membra quemque sua tueri docet. Cui sane convenit, *ut quisque jus habeat omnibus usendi mediis & agendi quilibet, sine quo se conservare non potest*, ut dissent Hobbes *c. 1. §. 8.* Eiusque rei quisque etiam naturaliter iudex esse videtur, ut ille postulat. *§. 9.*

3. Inde tamen non sequitur, jure natura unicuique jus in omnia competere, ut idem vult Philosophus *§. 10.* Primum animaliter concedi non potest, Nisi quatenus vita aliter conservari nequit.

4. Nec alterum, nisi quatenus alii iniqua conditio non inferatur. Nam quod idem excipit, *c. 1. §. 14. in mod. & c. 3. §. 4.* ea quæ quis fecerit in statu merè naturali, injuria in hominem videri neminem, id extra illas exceptiones verum non est, ut demonstravit *Grot. d. præfat.*

5. Quicquid enim ille cavilletur, insita est homini, ut primum ratione vallet, cupiditas societatis, odium solitu-

dinis, ut ipse nec serio negare audeat in *not. ad cap. 1.* At illam societatem haberi non posse cum licentiâ se invicem lædendi aliosque vexandi eadem ratio dicitur. Ideo rectè dictum est, Naturam ante omnia pacta cognitionem quandam statuisse inter homines. *l. 3. v. d. §. 6. & 7.* Quin & regulam cœlestis oris, *quod tibi non vis fieri, id alteri ne feceris*; quæ nihil simplicius, in simplicissimo statu Naturali obtinere oportet; Quod igitur contra hæc dictamina sit, id injuriam esse manifestum est.

6. Minime verò desinunt illa, quæ modo diximus, esse Juris Naturæ dictata; ex eo quod pravitas humani ingenii ad contraria ausa plerosque impellit. Nam quicquid Hobbes de infesto hominis in statu naturæ ingenio memorat, id esse verissimum concedimus, ut corruptio humanæ naturæ ad odium Dei hominumque facta satis demonstrat; Ut ne quidem negemus; *si magna hominum multitudo sine imperio civitatis agat, eorum statum nihil aliud fore quam bellum omnium adversus omnes: civiliter, ut do longe majori generis humani parte intelligatur.* Sed inde nullo modo sequitur, illud bellum & illas injurias jure fieri.

7. Hobbes colligit, confociationis causam inter homines, mutuum esse metum, Item studium utilitatis honorisque præ aliis usurpandi, Unde liquet, nullum societatis appetitum esse homini Naturalem. *d. cap. 1. §. 2.* Quamquam enim de *motu* negandum non est, eum ad conciliandas firmandasque societates plurimum facere; ambitio tamen & avaritia serius animos hominum occupasse videntur, quàm civitates coaluerunt, ideoque studium lucri & honoris ad hanc rem non multum contulit.

8. At verò quicquid de his rationibus fuerit, certum ac evidense est; etiam si nulla malorum experientia, homines

alii non timerent alios, tamen societatem appetituros, solitudinem exosuros esse. Atque certum est, etiam eos homines, quibus necdum inradicata est ambitio & *invidia*, fuisse tamen, & fore propensos ad societatem rei publicæ ineundam.

9. Cum igitur ista cupiditas immediate hominibus insita sit, consequitur, & illa, sine quibus societas stare nequit, immediate animis hominum obversari. Atqui talia sunt, *alterum non ledere, nec facere quod sibi quis fieri nolle*; hæc enim esse necessaria ad societatem colendam primo rationis dictamine & originario jure naturæ cognoscimus, per ea quæ *præcedenti capite* de jure naturæ dicta sunt. *vid. c. 1. ad Rom. v. 19. & c. 2. v. 14. 15.*

10. Quia talia dictata non modo vim legum habent ex imperio Dei, *sed exinde jus quoque nascitur inter homines invicem*, sicut inter civis cujusque Reipubl. jus contra se invicem ex legibus oritur, ut probatum *cap. 2. v. 17. & seqq.*

11. Hinc falsa esse, quæ ab *Hobbeso* ut hypotheses postulatur, cuiuslibet apparet. Scilicet, jure naturæ licere uni alium invadere. *c. 1. §. 12.* Eodem jure, fortiolem posse debiliorem cogere, ad præstandam cautionem futuræ obedientiæ. *§. 14.* Neque enim potentia aut excellentia, juris perfecti in alium causa esse potest. Sed ratio tantum *probabilis* juris acquirendi, positis terminis habitibus, *secus ac ille vult d. §. 14. in fin.*

12. Vult Ille porro, jure naturæ pacem esse querendam, eò tantum, quod bellum homines sibi incommodum experti sint. *cap. 1. §. 17.* Sed *concordiam* vel sine experientia bellorum esse naturalem, patet inde, quia ad subsistentiam primævæ societatis, quam & sine bello appeteremus, est necessaria.

13. Falsa quoque hypothesi est, jus

naturæ dictare, quod *recedendam sit à jure omnium in omnia*, quia paci hoc noceat. *l. 2. §. 2.* Nullum enim ejusmodi jus existere dictum & probatum est, nisi *vita servanda causa*, verà non sic mulata; At eatenus natura non dictat, ab eorecedendum esse, pacis causa. Verum quidem est, quod ante actum voluntatis humanæ omnia inter homines communia fuerint, ut & nos probavimus *Digr. l. 4. c. 11. & 12.* Et quod à communione recedendum esse ratio per experientiam edocta monstraverit, per ea quæ *ad. locis* tradita sunt.

14. At non ideo sequitur, *in statu naturali omnia fuisse & esse semper omnium*, quod Hobbes ubique urget, ac inde concludit, *quemque sibi posse vindicare quidlibet*. Id ille colligit hoc modo; Status naturalis est, quatenus civitatem præcedit: Ita, ut consequenter ante civitatem non possit intelligi *meum & tuum*, ut docet. *c. 6. §. 15.*

15. Contrarium ita colligimus; Ab initio generis humani cum paucitas nec confusionem nec periculum mutuum crearet, non est statim constituta Civitas, sed aliquamdiu vixit Potestas Patrumfamiliarum, quæ per se naturalis fuit, non ex consensu neque bello; *secus ac Hobbes. c. 10. §. 10. inf. nos. c. 6. §. 15. nos.* Etsi familiæ latè diffusæ & in plures cohabitationes sparæ, uni tamen capiti subiectæ, Imperia magis quam familiæ fuerint: Quoniam familia est societas usus quotidiani causa, Civitas autem Societas domuum. *Aristot. l. 1. Polit. c. 1.*

16. Jam verò *meum & tuum* cum prima hominum multitudine proditum est, & sic ante civitatem. Quod enim quisque ad victum, amicum, ad quietem aliosque *usus incommunicabiles* occupaverat, id ratio & regulæ suprâ collocatæ confessim dictabant, esse nefas eripi. Quo

pi. Quo sensu verissimè dixit Justinianus; quod quisque, dum nullius est, occupavit, id naturali ratione, quæ cum ipso genere humano prodita est, fieri occupantis §. 11. & 12. Inst. de A. R. D.

17. Ergo manifestum est, ante civitates, notitiam usumque mei & tui fuisse jam atque coepisse inter homines frequentari: Et quidem duplex, *originarium & derivativum*. Originarium est id, cujus exempla dedimus in his quæ homines ante civitates ad necessarios usus immediate sibi sumserunt. *Derivativum*, quando quisque de his quæ occupaverat, volens aliquid in alium transtulerat; hoc enim eo modo translatum jure, nec ab eodem nec ab alio auferri poterat. Neque tantum traditione jus alteri in rem meam dare possum, sed & significatione quavis clarâ voluntatis. Dix. in Digr. l. 4. c. 8. Quam si alter acceptaverit, nihil excogitari potest, quare non jus quod ego habebam, in alterum illum transiisse dicatur. Et hæc acquisitiones atque traditiones aliquo saltem tempore civitates præcesserunt, quamdiu videlicet *confusio rerum vel meus homines non redegit ad Reipubl. inveniendæ necessitatem*.

18. Præterea, sicut translatio rei corporalis dominium in alium transferebat, ita ut revocari non posset; eodem modo quod alius alii promiserat, inde jus simile stipulanti acquirebatur. Quod alteri, inquam, promisti, quia hoc tuo facto, jus rei promissæ penes illum alterum est, salva ratione fieri nequit, ut tu hoc alteri isti rursus eripias, id est, implere neges. Unde liquet, falsum esse quod Hobbes iterum tradit, aliquem posse jure naturæ promissâ ab altero acceptata retractare, propter metum probabilem. *Hobb. d. C. §. 11.* Neque enim mea formido causa esse potest, quâ mihi liceat rem aut jus alienum usurpare vel ipsi defra-

here. Sed eum qui justam metus causam alii præbet, posse prohiberi, vel cogi ad cautionem indemnitate præstandam non abhorret à jure naturæ.

19. Ex his jam sequitur, ante civitates conditas etiam fuisse nefas, ut *aliori quis suum eriperet* fidemque promissi violaret. Consequenter idem esse nefas Jure Naturæ inter eos, qui *hodieque nullo Reipubl. vinculo colligantur*, ut sunt populi principesque nec mutuo sibi, nec eidem supremæ potestati subiecti.

20. Quicquid enim disputat *Hobbes* de statu Naturæ ante Civitates, id hodieque de separatis Civitatibus inter se mutuo intelligendum esse docet, cum alibi, tum in *cap. 13. §. 7.*

21. Unde quam late positionum, quas *Hobbes* inculcat, usus pateat, & quantum humano generi pestem inferre queant, intelligi potest.

22. Quin si maxime in statu naturali ante civitates nullum fuisset *meum & tuum*, tamen perperam juri naturæ talis retractatio adscriberetur.

23. Quia certum est, jus naturale non minus pertinere ad ea quæ *actus humane voluntatis consequuntur*, quam ad ea, quæ omnes hominum conventiones præcedunt.

24. Quippe dictamen rectæ rationis omni mortalium statui ac ætati adæquatum est.

25. Ideoque omnes humanæ actiones reguntur jure Naturæ, quam diu Societas humana, etiam utique in civitate, durat. *Græc. lib. 1. cap. 1. n. 30.*

26. Denique jam facile apparet esse falsum, quod idem docet; *quid fas, aut nefas, bonum aut sceleratum sit, hæc ex lege civili judicandum*. C. 6. §. 16.

27. Nam quia *meum & tuum* violari quoque potest ante legem civilem, palam est, injurias quoque per legem Naturæ, citra pactiones, posse judicari.

28. Præ-

28. Præterquam quod ea, quæ necessitati morali adveniunt, certum est nunquam turpia esse definire, quicquid legibus sit cautum vel non cautum, Euripid. *Quod turpe in sese est, id nunquam fiet honestum.* Το μὴ καλὸν ἔσσι' ἴφου πολεῖ.

29. Enim-vero quæ ad jus naturæ ita referuntur, ut ei saltem non adversentur, aut quæ tantum suadentur, ea recipiunt mutationem.

30. Ex quibus omnibus patet, esse falsum illud *παράδοξον*, quod idem scriptor tradit, *quid sit illicitum, quid furtum, homicidium, adulterium & injuria; id ex legibus civilibus cognosci, nec aliter esse talia, quam si per has declarentur.* Loco cit.

31. Præterea ex his omnibus judicatur, an rectè ab eodem sit dictum, *Leges naturæ nullas esse in statu naturali.* C. 5. §. 2.

32. Nam regulas, quibus in primo statu actiones hominum morales reguntur, *suprà aliquos ostendimus.*

33. Easque leges esse, quales in illo statu dari queunt, nempe *regulas obligantes*, manifestum est.

34. Scilicet: Obligationis voce non ex arte Romanâ, quæ nullam sine facto novit, sed populariter acceptâ.

35. Quatenus quicquid necessitate faciendi aliquem obstringit, obligare dicitur.

36. Talia, inquam, esse dictata cordibus hominum insculpta, ex Apostolo *epist. ad Roman. locis modo citatis* inrefragabile est.

37. Etsi quo pacto illa sculptura sit intelligenda, non omnibus æque expeditum est, de quo aliquid occupatum est in *cap. 2.* & dicitur inferius.

38. Quod autem contra legem sit, id esse nefarium Hobbes ipse *10to cap. 4.*

& passim docet; Atqui lædere eos, qui nihil de te mali sint meriti, esse contra dictamen rationis, & hoc esse legem, antea demonstratum est, si demonstrationis eget.

39. Idque vi, inquam, dictaminis illius; quod cum jus commune sit à *Communi Domino cunctis impressum*, jus etiam singulis contra singulos tribuit; perinde ac eisdem Reipubl. cives ex legibus publicis sibi in vicem sunt obligati, quod jam dicere occupavimus.

40. Et sic falsum est, quod Hobbes ut postulatum necessarium inculcat; Antea citraque pactiones mutuas nihil injuriæ posse committi, *cap. 3. n. 1. 2. 3. 4. & passim.*

41. Cæterum, sanctiones, id est, leges expressas, *quæ cogant vel ætupniant*, non cadere in statum Naturæ ante civitates, res ipsa loquitur.

42. Noli tamen putare, jus in illo statu fuisse tam inefficax, ut omni coactionis puniendique effectu destitutum fuerit.

43. Nam quicquid juris cuique competeat, id, si aliter non posset, manu ac vi sibi rectè adferebat. Quin puniendi facultatem jure naturali competere cuilibet in societatis humanæ violatores, *extra civitatem*, dictum necessarium est, ut probat Grot. *de J. b. & p. lib. 2. cap. de Poen.*

44. Hactenus quoque potentiam ad hujus juris causam pertinere, quod qui jus puniendi violatores humanæ societatis exerceret, eum prævalere viribus oportere; fatendum est.

45. Non quod potentia superiorem eum constituerat, sed quia omnium intererat, nihil à quoquam fieri, quominus homines consistere possent.

46. Quod autem cujusque intererat, id erat jus ejus, quod & exequi poterat, quatenus vires non deessent.

47: Quin

47. Quem utrum hæc Hobbesiana adstructa vel refutata habeant, si quis roget, is ad animum revocet, quod jam diximus, diversas civitates hodieque inter se versari in *statu naturali*, ut Hobbes tradit *cap. 13. §. 7. & passim*, quibus si illa postulata applicentur, videbimus faciem mirificam rerum humanarum.

48. Non est equidem negandum, homines in statu naturali constitutos ita vitam instituere solitos esse, nec aliter inter se Principes & populos agere hodiernos, nullo imperii vinculo conjunctos, ut potentior imbecillioem opprimat & subigat.

49. Parum abest etiam, quin veteres arbitrati sint, belli statum inter populos nullo inter se fœdere conjunctos esse naturalem juris & non tantum facti.

50. Quo pertinet, quod Thucydides in *lib. 1.* refert, navigantes diversarum nationum se mutuo olim sine convitio percunctatos fuisse; *nunquid essent prædones!*

51. Imo in ipsum jus Romanum ejusmodi quid influxit: *Nam si cum gente aliqua neque amicitiam neque hospitium neque fœdus amicitie causâ factum habeamus; si quid ex nostro ad eos pervenerit, illorum sit, & liber homo noster, ab eis captus, sit servus eorum. Idemque est, si ab illis ad nos aliquid pervenerit. Ita Pomponius in l. Postliminii jus §. 2. n. de Captiv. & postlim.* Hæc sane juris sunt, sed juris injusti & barbarici efferoque consensu introductis; cujus hoc vestigium in *Jure Romano* esse retentum

mirari licet. Quid enim rationis, ut liber homo sine delicto, sine causâ, fiat servus aliorum; & res nostræ in exterorum manus delatæ fiant illorum & sine facto nostro à nobis amittantur, & vice versa res exterorum ad nos delatæ sine dominorum facto à nobis occupentur?

52. Cæterum, posset aliquis Hobbesium ita excusare, quod quidem neget, ex legibus naturæ ante civitates oriri jus hominum erga se invicem, sed quod tamen statuat, *conscientias hominum ex illis fuisse obligatas*: Siquidem ait *cap. 3. n. 27. legem Naturæ semper & ubique obligare in foro interno sive conscientia.*

53. Verum id evanescit, quando hæc leges conscientiam obligantes ait, omnes pendere à translatione juris in alium facta; prius nullum esse jus nullamque juris violationem; nec videas, illum ante pactioem inter homines initam quicquam agnoscere, quod naturaliter conscientias obliget. *vid. cap. 3. n. 3. & 4.*

54. Audio, qui Grotium optasse ferunt, visa ut sibi fuisset Hobbesiana doctrina, antequam suum *jus belli & pacis* edidisset.

55. Credo, ut præmunire suum lectorem adversus pestifera, vel ut mollissime dicam, periculosa dogmata potuisset.

56. Neque enim fas est credi, poenitentia pulcherrimi operis facturum fuisse, quod in negotio *ephodæias* admisserit miserimè, dejectus in *fra Crellium*. *Loquatur epist. & n. n. subjecta libro Crellii de Satisfactione.*

C A P. I V.

De jure Naturæ à Spinoſa expoſito, cum aliorum dictis melioribus.

Sententia Spinoſæ de jure Naturæ, quâ parte cum Hobbeſio conveniat & quatenus ab eo discrepet, ubi & Carneadis ſententia; Refelluntur obiter. Quomodo dictamen rationis ad jus Naturæ inducatur. non videri congenitum homini ad inſtar actualium propoſitionum, nec videri omnibus inefſe το κενώτατος Dei. Puffendorffii interpretatio hac parte laudatur & improbat, Ejusdem poſitiones jus naturæ inducentes, cum Grotio & auctore de *princip. juſt. & decor.* comparantur.

1. **A**B Hobbeſii ratione non multum abludit, Benedictus Spinoſa, in *traſſ. Polit. c. 2. Ubi §. 4.* ponit idem quod Hobbes pro fundamento; Naturæ jus eò uſque ſe extendere, quo cujuſque potentiam, ſine diſcriminationis & affectum, quibus homines aguntur.

2. Quippe naturæ legem æque eſſe, regi affectibus quam ratione; cum illis neceſſario ſubjectus ſit, nec magis ſit in poteſtate noſtra, mentem habere ſanam quam corpus ſanum; eamque neceſſitatem eſſe æternum ordinem naturæ, ſecundum quem ſingula individua certo modo determinantur; eſt quo magis ratione ducitur, eò magis eſt liber homo.

3. Neminem in alterum quicquam habere juris, niſi quatenus eum habet in poteſtate, quaſi ligatum & reſiſtendi impotem; ita quod ad corpus; In mentem nihil eſſe juris alteri, niſi quatenus uſum rationis illi intercepti, decipiendo; Ceſſante vi vel deceptione, jus alterius in alterum æquè ceſſare.

4. Proinde nec fidem alteri datam diutius obligare, quam voluntas promiſſoris, qui potentiam habet ſolvendi fidem, daret; cum nihil quam verba dederit,

nec omnino jus eſſe naturæ ante Rem publ. cum extra eam nulla ſit ejus obtinendi ſecuritas.

5. Reipubl. obligationem in hoc conſiſtere, quod multi, qui in unum convenere, ſingulis potentiores ſunt, ut eos cogere queant; Hoc eſſe Imperium, cujuſ obligatio ceſſet, ubi plures vel qui jus plurium eſt conſenſu habet, poteſtatem reliquos cogendi amiſerit.

6. Tanto longius quam Hobbes progreditur, qui ex pacto non tantum verba, ſed etiam jus alteri ſeorſim à viqueſitum ſtatuit, atque in imperio Civitatis etiam jus à vi ſeorſim, niſi fallor, agnoſcit.

7. His reſellendis pleraque adverſus Hobbeſium dicta *ſuperius* ſerviunt, niſi quod Spinoſæ proprium eſt, ab altero in his quidem diſputationibus, non proditum; mentem non immediate à Deo creari, nec ab aliis rebus independentem eſſe, verum à cauſis naturalibus produci, ideoque motus ejus ordine naturæ, cujuſ homo particula ſit, univerſo & neceſſario regi, ſicut omnes aliæ res lege naturæ illi inditâ reguntur.

8. Proinde, qui menti imperium tribuunt, hos velut imperium in imperio naturæ

naturæ comminici dicit; Quod ſi verum eſt, parum abeſſe, quin adverſus Hobbeſium dicta corruant, aut ſane contra Spinoſam non prodeſſe videantur, fatendum fuerit.

9. Sed quo nos probemus, animi imperio, corporis ſervitio hominem uti poſſe; mentem à Deo creari & ab reliquis independentem eſſe rebus, nihil ex hac parte quam tractamus eruditionis proferendum habemus; niſi conſcientiam generis humani de actibus ſuæ mentis ab aliis rebus naturalibus toto genere ſeparatis, & de imperio, quod in corpore ejuſque motu evidentiter exercet.

10. Spinoſa plane in hoc eſt, ut nullo Jus naturæ ſtatuat, fere, ut olim Carneades, contra quem diſputat Lætantius l. 5. divin. Inſt. c. 16. & Grotius in præfat. operis magni

11. Ille enim haud diſpari à Spinoſa modo, ſic inſtituebat; omnes homines, perinde ac alias animantes ad utilitates ſuas, natura ducente, ferri: proinde nullum eſſe jus vel juſtitiam ab utilitatis ſtudio diſtinctam; vel ſi qua ſit juſtitia talis, hanc ſummam fore ſtultitiam, eo quod ſibi noceret alienis commodis ſtudento, quo pertinet illud Poëtæ

Nec natura poteſt juſto ſecernere iniquum.

12. Grotius medium reſpondendi ſumit ab excellentia hominis præ animantibus aliis; quem Spinoſa neceſſitate communis naturæ, quæ gradu non ſpecie variet, & quæ ſtatuit, hominem æquè neceſſario affectibus & ſtudiis ſuis quam cætera animalia inſtinctibus ſuis à natura inditis regi, eluderet.

13. Omnia, Spinoſæ ſunt *πρῶτη φύσις*, prima natura, quibus homines ut reliqua animalia, quin ut res omnes in univerſo ſecundum leges naturæ ſuæ impreſſas agantur & ducantur.

14. Sed quod ipſi gentiles & F

λογὴ ἀπὸ μοιούργου πᾶσι, de ratione cum-
tis imperante, magna voce conteſtantur; quod docuerunt ipſoque uſu demonſtrarunt, haud quaquam omnes homines ita ſe habere, quemadmodum Me-
deia de ſe faterur

Video meliora præboque, Deteriora ſequor;
multoſque rationis imperio ſubigere affectus, evidentius eſt, quam ut probari poſſit aut debeat.

15. Studium utilitatis, quo natura ducente, feruntur homines & beſtiæ, ſine dubio ad affectus referuntur; Sed quatenus idem ad aliorum injuriam pertineat, Ratio monſtrat hominibus, quod bruta capere non poſſunt, eademque juſtum & utile eodem momento ſeparare docet, idque jus naturæ eſt. Quod etiam ex ſolo Societatis humanæ, ſi maxime Deus eſſe Rector mundi & creator mentium negaretur, ut impie negat ille maledictus, colligi poſſet ita ſe habere neceſſario, quemadmodum à pr. cap. 2. collocavimus, & è ſequentibus illuſtrabitur. Enim vero

16. Quo pacto illud Rationis dictamen in animis hominum conficiatur, utilius quaeritur, quam ut negantes ullum dari naturæ jus, refutentur. Attigimus aliquid ea de re in cap. 2.

17. Plerique jus naturæ cordibus ita inſcriptum eſſe tradunt & congenitum hominibus, ut ne à Deo quidem ipſo mutari poſſit, quia *τὸ πρῶτον* Dei in ſe contineant, quod aliter ſe habere contradictorium ſit, adeoque inſtar actualium proſiptionum conſcientiis hominum impreſſum ſit, quam ſententiam valide tenet Grotius in d. cap. 1. n. 10.

18 Sed nos fateri cogimur, in iis præceptis, quæ ad cultum Dei non pertinent, ejuſmodi *πρῶτον* & *impoſſibilitatem* mutationis contradictoriam, ipſius Dei reſpectu, in eſſe non videri, quod ex
C 2 noſtris

nostris pridem docuit Essenius Theologus in *tract. de subj. Chr. ad L. Dei c. 2. §. 12. & seqq.* & nuper in loco superius laudato Puffendorffius; & nos in *part. 2. Digress. c. 7. n. 6. & seqq.* etiam in Eunomiâ Rom. ad lib. 1. n. tit. de *Jur. Nat.*

19. Sufficit & satius est, ita in animum inducere, quod intellectui humano ea sit facultas, ut ex contemplatione conditionis humanæ liquido perspicere possit, ad normam ejus legis sibi necessario esse vivendum, ut disse-rit Puffend. in l. 2. de *jur. nat. & Gent. c. 3. §. 13.*

20. Hactenus bene; sed quod idem addit, facultatem æquum ab iniquo, honestum, ab inhonesto discernendi, ab *adsuetudine* provenire, in hoc ei, non adstipulabimur; Nec est necesse, ex eo quod jus naturæ non ita impressum animis concedimus, ut inductione rationis opus non sit ad positiones ejus recipiendas, ideo causam ejus adsuetudinem & experientiam à laudibus & vituperiis vitiorum, esse statuamus.

21. Verius est, ut noticia Dei naturalis etsi collectione fiat, ab institutione tamen alienâ non absolute pender, ita τὴν γνῶσιν τῶν ἀγαθῶν καὶ τῶν κακῶν, *discrétionem honesti & inhonesti* esse *αὐτοδιδασκῶν*, non egere institutionis alienæ, ut ait Chrysof. *homil. ad Antiochen. 14.* quod omnino velle videtur Apostolus *ad Rom.* quando gentes ait sibi ipsis fuisse legem *cap. 1.*

22. Quomodo autem collectio fiat, quâ singulis constet, quid faciendum aut fugiendum sit, Vir Cl. aliquot positionibus designat, quæ sunt hæ; I. hominem per naturam esse conservandi sui studiosissimum II. Eundem esse imbecillum & omnium rerum egenum

III. Quod opus est, adsequi non posse, nisi cum aliis sui generis colat societatem. IV. Et nisi adverlus eos ita se gerat, ne ab ipsis lædatur V. Consequenter omnium satagat, quæ ad societatem conservandam pertinent, fugiat autem ea, quibus eadem lædatur.

23. Ita definit in eo, quod Grotius habet brevius in *lib. 1. c. 1. n. 3.* ubi sic instituit, ut jus idem esse dicat quod justum; justum, quod injustum non est, Injustum, quod Naturæ Societatis ratione utentium repugnat; explicatius alter, sed idem in summa; utrunque Grotium in hoc & in aliis variè agitaverit.

24. Grotius autem illa justî derivatione spectat ad hoc tantum, quod in jure belli & pacis obtinet; nec enim virtutes & vitia, quæ in singulis terminantur, ut ebrietas aliæque libidines ad læsionem societatis humanæ pertinent, nec ipsæ quidem prohibitiones matrimoniales.

25. Nec hæ quidem res Puffendorffianis positionibus contineri videntur; etsi illæ ad omne jus naturæ in isto loco subministratæ fuerint.

26. Neque plus quam Grotius ad hunc usum Auctor de *princip. justî & decor.* suppeditat, dum ab hoc axiome, quod Deus sit, isque mundum condiderit in sapientia, colligit juris Naturalis inductionem, quod *ordo mundi sapienter à Deo constitutus homini indicare debeat & possit, quodnam cujusque sit in actionibus suis instituendis officium.* Dix. in *Eunom. Rom. ad l. 1. n. d. tit.* In summa, de universo Juris Naturæ objecto & inductione singulis actionibus applicanda, nihil aliud quam quod illi prodiderunt, statui, & præceptionis instar, quod quidem liqueat, haberi potest.

C A P. V.

De Jure Gentium.

Jus Gentium discrepare à naturali, diverso tamen sensu quàm Icti volunt Romani. Hobbes, qui nullum jus Gentium à legibus Naturæ agnoscit distinctum, refellitur, & probatur, esse, quæ nec naturalia neque civilia sint, adeoque Gentium necessario. Justitia & jus in externum internumque dividitur. Illud, quod in hypothese quandoque rationi rectæ repugnet, secus ac internum.

Retinemus igitur veterem certamque philosophiam, quod jus Naturæ sit, *Quicquid ratio immediate dicit, esse turpe aut honestum.*

2. Præter hoc, aliud commune jus generis humani traditur, quod circa ea vertatur, quæ convenienter quidem rationi naturali, non tamen immediatè ex ejus dictamine, sed per modum arbitramenti, usu ita exigente & humanis necessitatibus, inde deducta sunt.

3. Cujus generis sunt pleraque jura belli, Imperia, dominia, servitutes, contractus, aliaque plura.

4. Atque hoc Jus definitur, *Quod voluntate omnium, aut sane cultiorum gentium vim obligandi accepit, fere ut Grot. d. l. i. c. 1. n. 14.*

5. Cujus à jure naturæ discrepantia est, ea, quam definitiones indicant.

6. Nempe, quod hoc sit innatum homini ac insculptum, illud repertum & excogitatum.

7. Diversum docent, & conditores juris Romani & Hobbesus ille Britannus.

8. Juris consulti Naturale jus appellant *vis prima nature*, prima naturalia, quæ brutis quoque animalibus insunt, quæ de re videantur sic qua scripsi l. i. digress. Cap. 21.

9. Id autem quod generi humano proprium & commune est, hoc om-

ne, jus Gentium vocant, tam quod cum hominibus ipsis proditum, quam quod ab illis introductum est. *pr. & §. 1. Inst. de Jur. nat. & Gent.*

10. Hinc ad jus Gentium referunt, *Religionem in Deum, pietatem erga patriam & parentes, cognationem inter homines naturalem, denique servitutes, manumissiones, bella, regna, dominia, contractus d. §. 1. & §. 2.*

11. Quæ jura cum facile apparent, diversæ esse constitutionis, Interpretes Artis, duas Juris Gentium species, *primævum & secundarium*, distinxerunt.

12. Qua partitione factum est, ut verbis potius quam re sententia Juris Romani à philosophiâ, quam Grotius sequitur, differre videatur.

13. Nam quod Doctores vocant jus gentium *primævum*, id est ipsum Jus naturæ, quod definivimus in *princ. b. tit.* & quod Doctores vocant *secundarium*, est idem cum eo jure Gentium, quod ex Grotio finivimus §. 4. *b. s.*

14. Hobbes alique recentiores, nullum jus Gentium agnoscunt à lege naturali diversum, sed hanc distinguunt in *Naturalem hominum & naturalem civitatum*, quam vulgo jus Gentium, scilicet, appellant. *Cap. 114. de civ. n. 4.*

15. Utriusque tradunt eadem esse præcepta, præcipuasque regulas esse has;

Pactis standum. gratiam referendam. non esse incommodum alteri. non contumeliosum. esse misericordem. modestum. non præferre semet aliis. nec alios aliis.

16. Item, habenda communiter quæ dividinequeunt, aut sorte dividenda. quod quisque primum occupaverit, id ipsius fieri. Controversias non manu sed per arbitros exequi. Neminem esse arbitrum, aut testem in propria causâ. Postremam esse Legem, non inebriari.

17. Harum Legum nulli locum esse vult Hobbes, in statu Naturali; sed tum solummodo, quando secure id fieri possit. c. 5. §. 2. c. 3. §. 27.

18. Has esse leges naturales hominum, quatenus singulis hominibus officia sua præscribunt; naturales vero civitatum, quatenus totis civitatibus applicantur, eoque sensu *juris Gentium vulgo esse dicuntur*, ait.

19. Has leges Hobbesianas, unâ & altera forte an exceptâ, esse verè naturales, ex immediato Rationis dictamine profectas, ex iis quæ duobus capitibus proximis, cum hisce collectis, exposuimus, nemini obscurum esse potest.

20. Sunt & alii, quibus placet, nullum esse jus Gentium à naturali civili-que distinctum; eo quod, *jus omne vim obligandi habere debeat à superiore, per quem obligantur subjecti*; Talis autem superior præter Deum & Rectores cuiusque civitatis, nullus est; *nec enim gentes diversa superiorem inter se habent*, unde hæc obligatio descendere possit. Ita fero Puffendorff. lib. 2. de jur. Nat. & Gent. C. 3. §. 22.

21. Equidem non valde repugnem, quominus contentis nobis esse liceat divisione juris in naturale atque civile, cum ne Juris consulti quidem ab hac sententia sint alieni in § 11. Inst. de Rer. di. vis. in l. 1. ff. de A. R. D.

22. Nec tamen satis causæ arbitror esse, quamobrem à veteri doctrina sit recedendum, in qua libenter acquiescimus, ubi nulla se prodit evidens rerum novarum utilitas.

23. Quod ad vim obligandi attinet, ea satis valida esse potest è *consensu populorum rectè utentium analogiâ juris naturæ*, & executio ab eadem facultate puniendi proficiscitur, quam in Jure Nat. indicavimus.

24. Qualitatem Superioris ad Juris constitutionem non requiri; sufficere paritatem inde à pr. cap. 1. demonstravimus.

25. Porro manifesta res est, multa in rebus humanis instituta à plerisque populis recepta vigere, quæ sine actu voluntatis humanæ vim habere non poterunt.

26. Quæ proinde *naturalia*, id est, nata cum hominibus, videri non possunt.

27. Cum autem nullius certi populi autoritate introducta vel excogitata sint, clarum est neque *civilia* dici posse.

28. Unde tertium genus dari necessarium evadit, quod *jus Gentium* appellamus.

29. Talia sunt jura Dominiorum, bellorum, legationum, servitutum, manumissionum, Testamentorum, emptio-num venditionum, locationum conductio-num, mutui, commodati, depositi, pignoris aliorumque fere contractuum; quos Jurisconsulti, quando accurate loquuntur, Juri Gentium ita adscribunt, ut ab utroque tam jure naturæ quam civili distinguant.

30. Nec potest negari, quin harum rerum longe alia sit ratio, quam discretionis turpium a honestorum, aliorumque discriminum, quæ mentibus hominum ab auctore Naturæ insculpta sunt, quæ *divini prout dicitur, ut Apost.*

31. Eviden-

31. Evidentius idem patet in hisce rebus. Ut res in una civitate judicate in aliis effectum habeant, utilitas promiscua gentium fecit, ut ubique pro jure habeatur.

32. Ut contractus secundum loci consuetudinem initus & celebratus, alibi, ubi sic celebratus non valeret, pro justo legitimoque habeatur, jus Gentium est, Utrumque tam à naturali simplicitate quam à jure civili remotum videtur.

33. Nam divisio Imperiis populorum, Judicia & leges unius populi alterum non tenent, nisi ex consensu, qui hic est manifestus.

34. Adde, quod multa jure Gentium impune fiunt, quæ simplex Naturæ Jus puniri vellet, *ut supra, incendia cadeque* è sola libidine sine usu belli.

Quare si juris gentium, duntaxat externi sint talia, quæ jure Naturæ nullo modo sustineri possunt, has juris species oportet esse distinctas.

35. Præterea observandum, quan-

quam jus *Gentium rationi Naturali convenire debeat*, tamen juris Gentium in hypothese esse posse, quod repugnet rationi.

36. Idque ideo, quia jus universale propter varietatem circumstantiarum mutari non potest; cum ob judicii de illis incertitudinem, tum, quia prætextu singularium, jus universum infringetur.

37. Hinc jus domini in servos, patris in liberos, mariti in uxorem, magistratum in cives durat, *sub lege patiendi*, licet iniquè exerceatur.

38. Quemadmodum & in iis quæ sunt juris civilis, haud rarò obtinet; ut in præscriptionis longissimæ per malam fidem, exemplo perspicuum est *apud Juris Consultos*.

39. Unde haud inutilis distinctio, inter ea, quæ justitiæ intrinsicæ & quæ extrinsecus ei tantum conveniunt, *ut jam dictum aliàs occurret*.

C A P. V.

De jure Divino.

Jus Naturæ & Gentium omnemque rationis usum subesse regimini juris Divini. Hoc duplex statuitur, Mosaicum & Christianum. Illud ad Hebræos solos, hoc ad omnes populos latum. Mosaicum rursus duplex, cærimoniale aut morale. hoc aut necessaria aut probabilis ratione niti: necessariâ, ut in plerisque Decalogi: quo proinde omnes non modo vi tacitâ naturæ, sed & expressâ præcepti, non tamen legislatoriâ, obligari. Probabiles rationes in præcepto de Sabbatho esse & in Politicis, easque aut solis Hebræis, aut æquè reliquis convenire; quæ prioris sunt generis, eas cum Judaico populo cessare, non ita reliquas, sed quatenus in iis honestas morales, etsi non necessaria vertitur, ita hodièque esse obligatorias; mutabiles tamen, quatenus in iis aliquid cærimoniale aut Judaicum peculiare consistit. Denique, non videri in N. T. severiorem morum disciplinam, ac in V. T. tradi.

Dictamina rationum, unde jus Naturæ & Gentium oriuntur, sunt principia philosophiæ, quibus, si sola sint, homines facile abutuntur (καὶ ἡσυχασίᾳ), in transversum aguntur.

2. Ita ut studium sapientiæ καὶ ἡσυχασίᾳ fiat ἀνεπιτηδεύτου, inanis argutia, & deflectens à τῆς γνῶσεως ἀληθείης notitia Dei naturali, totum evadat πᾶσι θεοῦ ἡσυχασίᾳ, hominum traditio, ut Apostolus ad Romanos I. & 2. graviter docet.

3. Per se tamen illa minime improbanda esse, procul omni dubio est; siquidem ἐκ τῆς ἀρχῆς ἡσυχασίᾳ Numinis impressa cordibus originem habent. Quæ, ut ante dictum, obscurior facta primævo lapsu, non suffocata est.

4. Integer homo si maneret, fieri non posset, quin id quod clare & distincte perciperet, verum esse sciret.

5. Nec quidem nunc id dictum mi-

nus est necessariæ veritatis: Sed opinio talis perceptionis fallit hodie prudentissimum quemque, pro *Funone nubem*.

6. Scimus, quid multi de visione, de conscientia certæ perceptionis & oraculo rationis æquè infallibilis, ac est Deus, arguantur, & tamen contentiones eorundem atque discrepantias, falsitatis & erroris indices, undique abunde videre non cessamus.

7. Quanquam autem jus divinæ positionis à naturali distinctum sit, neque fundamenta utriusque debeant confundi, tamen ut nunc se res habent, nihil censeo Christianis, è præceptis naturalibus inculcandum, quod juri divino, cujus ratio sit universalis, adversetur.

8. De moralibus agendis loquimur. Nam credenda quæ sunt, ad hanc artem non pertinent, sed ad Theologiam, cujus tam naturalis quam revelatæ præcepta

cepta diversæ sunt institutionis; etsi aliquando illis hæc Ars omnino carere nequeat.

9. Igitur in ordinem redigenda Ratio, quatenus fieri potest, ad præscriptum divinæ voluntatis in literis *Dei expressæ*.

10. Jus divinum positivum habemus aut per *Mosē* veteresque prophetas populo Hebræo, aut per *Christum* & Apostolos toti humano generi significatum.

11. Jus quidem Hebræis datum est duplex, *Cerimoniale* ac *Morale*, sicut in scholis loquimur, ita ut sub *moralis politicum*, quod utique moralis disciplinæ pars est, complectamur.

12. Cerimoniarum post *Christum*, quem adumbrabant, evanuerunt, affixæ omnes cruci salutiferæ. *ad Colof. 2. v. 14.*

13. *Morale* jus est, quod ad regimen morum spectat. Nititurque aut necessaria aut probabili ratione; Illa immutabilis, hæc mutabilis est.

14. Necessitas apparet in decem dictis Domini, *excepto quarto*. Probabilis ratio moralis est in Politicis Judæorum, nec non in præcepto de *Sabbato*, cui & *rituale* quid accessit.

15. Idem discrimen in aliis Gentium legibus avertitur; *Nam omnes populi, qui legibus & moribus reguntur, partim suo proprio, partim communi omnium hominum jure utuntur*, ait Justinianus in §. 1. *Inst. de Jur. Nat. Gent. & Civili.*

16. Sic quoque Deus populum Hebraicum partim communi jure, quod est in *decalogo*, si *quartum præceptum* excipias, partim jure proprio, quod & *politicum* dicitur, gubernari voluit.

17. Leges, quæ nituntur necessitate morali, omne genus hominum in perpetuum obligant.

18. Immo & leges, quarum probatis tantum est ratio honestatis, simili-

liter omnes in perpetuum obligare videntur.

19. Quatenus certum est, differentiam rerum hominumque subesse nullam.

20. Vis quidem *nomotbetica* non potuit ad alios pertinere quam ad *Hebræos*, sed revelata Dei voluntas in his quæ nobis æque conveniunt; nec ab animi nostri dictatis ullo modo discrepant, hodieque necessariò nos tenet, *ut patet*.

21. Qua ratione quædam *constitutiones Mosaica* ad nos plane non pertinent, ut *constitutiones assylorum*; Quædam ad nos adhuc dum spectant, sed cum aliquo discrimine, quantum diversitas morum & instituta Reipubl. ferre queant, ut se res habet in scenore.

22. Sic poenas delictorum à Deo statutas servare debemus, ut *eadem proportio* delictorum ad delicta, poenarumque ad poenas custodiatur.

23. Sed modis generibusque poenarum sine dubio non adstringimur alie gentes.

24. Gradus etiam aliquantum variare licet, quatenus mores temporum & ingenia populorum poenas remitti aut intendi requirunt, quæ de re *diducuntur*, agit Sandius noster in 5. *decif. tit. 4. def. 9.*

25. Sed hoc semper est verum, Christianis non minora pietatis caritatisque officia incumbere, quam olim Judæis injuncta fuerint; *sub eadem limitatione*, si per omnia sit eadem temporum & Reipubl. ratio.

26. Porro, quicquid per Christum ejusque legatos præceptum est, id sine dubio omnes indistincte ligat.

27. Nec tamen putandum, quod alii, & ipse *Grotius* statuunt, *severiorum morum disciplinam in novo fadere, quam in antiquo fuerit*, esse introductam.

D

28. Sancti-

28. Sanctitas enim, quam Lex postulat, ejusmodi esse debet, cui nihil desit, & cui præmium vitæ æter-

næ convenire posset, qua major esse non potest. *Vid. Matth. 22. v. 37. & seqq.*

C A P. V I.

De Jure Civili, obiter, & de Justitiâ.

Ex triplici illo jure nasci omne jus civile. Romani juris notitiam ad hanc quoque artem esse perutilem. Justitia quid & quotuplex. Universalem vix aut parum à virtute in genere differre. Explicatur, quo pacto *πανοικία* cunctis virtutibus & justitiâ cohibeatur, hujusque divisio exponitur & cum veteri doctrinâ comparatur.

EX hoc triplici fonte juris *Naturalis, Gentium & Divini*, leges cuiusque populi tam privatæ quam publicæ sunt derivandæ.

2. Demtis, additis, mutatis illis, quæ status civitatum, ingenia populorum, ratio temporum aliter atque aliter constitui volunt *l. 6. π. de Inst. & jur.*

3. Quatenus, scilicet, Naturalia & divina recipere mutationem, *ex regulis supra collocatis intelligi potuit.*

4. Sed pluribus de *jure civili* agere non est hujus instituti, quanquam notitia juris Romani in hac quoque universali disciplinâ non quidem ad intellectum necessaria, sed perquam utilis est ad illustrandum, & forte necessaria ad docendum.

5. Quia satis constat, nihil solidius & sapientius ad interpretationem juris Naturæ & gentium, quam à Romanis prudentibus, extare relictum.

6. Etsi contemptum, ignorantia manifestus, *Romanæ prudentiæ* præ se ferat ille sui ingenii *Hobbesius*.

7. In quo parum abest, quin imitentur eum interpretes aliquot Grotiani, ejusdem juris imperiti, & adfirmantes magis quam exemplo suo comprobantur,

juris Romani notitiam non requiri ad hujus universi juris publici interpretationem.

8. Porro, qui præcepta omnigeni juris vitæ suæ tenore servat, is justus, & hic à justitiâ dicitur.

9. Quæ nihil est aliud quam *habitus, per quem homines justa volunt & agunt*, ut *Aristoteles* finivit. *5. ad Nicom. cap. 1.*

10. Justitia, quæ omni juri cunctisque virtutibus adæquata est, *Universalis* dicitur.

11. Neque aliud est, quam virtus in genere; tantum quod Justitia relationem ad alios usumque in societate civili continet. *πείρας ἀρετῆς ἁπλοῦς, usum universæ virtutis* appellat *Aristoteles d. cap. 1.*

12. Unde liquet, eam non esse distinctam virtutis speciem, sed omnium complexionem, juxta veterem versiculum *Aristoteli* laudatum, *Ἐν δὲ δικαιοσύνῃ συνήκεθεν πᾶσι ἀρετῇσι*, id est, *Justitia in sese virtutes continet omnes.*

13. Proprie autem dicta Justitia est ea, quæ docet *plus suo* non capere aut cupere, cujus oppositum vitium illud frequens est, *πανοικία, cupiditas habendi plus suo.*

14. Quæ cum ab alia virtute non coërcetur,

ceatur, fieri nec potest, quin hæc sit peculiaris & ab aliis discreta virtus.

15. *Suum*, cujus inordinata cupiditas per Justitiam coercetur, sumitur vel pro iis quæ nos faciunt locupletiores & patrimonii pars sunt, vel pro omni eo, quod plene perfecteque ad nos pertinet.

16. Priore sensu Justitia tantum coercet *in idem dicitur & nigrus*, ut Aristoteles ait, *nimum pecunia studium*; posteriori, cohibere docet omnem malam cupiditatem; qua quis alium in qualibet re quovis modo lædit.

17. Sensu Aristotelico *Justitia particularis universalis opponitur*; Altera significatione, contentis esse licet nobis *uno genere Justitiæ*, quæ doceat, *neminem lædere in bonis, corpore, honore suo suorumque*. Placet hoc sensu accipere Justitiam.

18. Atque ita definitur à M. Tullio, *Virtus, quæ cuique jus suum & dignitatem tribuit. 2. de Invent. & 3. ad Her. à pr.*

19. Nec abludit definitio Jurisconsultorum; *Constans & perpetua voluntas jus suum cuique tribuendi*; cujus exegesis videtur, *in lection. nostris ad tit ff. de Just. & jure. n. 16.*

20. Hoc sensu Justitia dividitur in *Commutativam & distributivam*, ut veteres termini habent, vel, si quis malit cum Grosio, in *Expletivam & Adtributivam*.

21. *Commutativa* sive *expletiva* sit, quæ docet cuique tribuere, quod *plene perfecteque* ad aliquem pertinet; cujusmodi res sunt, quæ in dominio vel in credito habentur.

22. *Distributiva*, sive *Adtributiva*, quæ docet æqualitatem servare in his quæ *probabiliter ad alium pertinent*, ut præmia, honores, officia, gratitudinis, misericorditæ & similia, quemadmodum

hæc res traditur à Grosio *lib. 1. ad jur. bell. & pac. c. 1. §. 8.*

23. Non est hæc nova plane doctrina; Quid enim aliud Cicero voluit, cum justitiam esse dixit, *quæ cuique jus suum & dignitatem tribuit? ut modo intelleximus.*

24. Per *jus* intelligit, quod plene atque perfecte ad nos pertinet; per *dignitatem*, quæ probabili ratione debentur, non tamen necessario, nec quæ exigi possunt, ut bene meritis præmia, egen- tibus subsidium; hæc etiam Aristoteles ad *æquum* sive dignitatem refert *lib. 5. ad Nicom. c. 1 & 2.*

25. Qui hæc posteriora tanquam perfecte sibi debita petit & efflagitat, injustus est, ut Catilina *in epistol. ad Qu. Catulum*, ideo se bellum patriæ movere dicebat, *quod statum dignitatis in civitate non obtinebat, & quod non dignos homines honore honestatos videbat.*

26. Hæc eadem creberrima sectio- num inter plebem & optimates causa fuit olim, *quod hi se digniores regendâ Reipubl. putabant*; plebeji, honores omnibus *ex æquo* tribuendos esse, tanquam res patrimonii, contendebant.

27. *Optimatum* sanior & utilior est ratio. Nam ex promiscuo honorum usu non potest non oriri *ὀργος & πῶ- λιν*, *confusio Reipubl.* nec tamen si qui ex optimis prætereuntur, idcirco hi se lædi rectè contendunt, *ideo quia non regnant*, ut Catilina iniquissime colligebat.

28. Hæc de justitia pro scopo hujus instituti sufficient, reliqua peras velim & lectionibus nostris ad *tit. Inst. & Pandect. de Justitia & Jure & Economis Romanâ. ad l. 10. d. 7. & 7.* nec immorabimur amplius *Hobbesio* refutando, qui justitiam nihil esse vult aliud, quam pactorum violationem. *tract. de cive cap. 5. §. 6.*

D 2

29. Pen-

29. Pendet enim hæc definitio ab illâ hypothesi, *quod ante pactiones in statu naturali omnibus omnia liceant, nec* injuria possit existere; quâ sententiâ superius refutatâ, non est quod de hac Justitiæ definitione laboremus.

LIBRI II.

De Jure Civitatis.

SECTIO II.

De Imperio Civitatis.

CAP. I.

De Origine Civitatis ex consensu & vi.

Causam civitatis præter desiderium societatis odiumque confusionis, fuisse malitiam hominum. Contra quam boni se tueri non poterant, nisi conjunctione multorum, & quidem tali, per quam omnium voluntas una fieret. Plures tamen populos vi armata in civitatem & sub imperium, quâ jure quâ injuriâ, fuisse redactos. Facultatem, quâ potentior imbecillio cogit ad obsequium, improprie dici Jus. Divisio Imperiorum in voluntaria & involuntaria. Grafwinkeli & aliorum sententiâ, Imperium à populo ne quidem per modum causæ secundæ derivari statuentis, refellitur.



Sanctitatem illam justitiæque universam si homines integri perstirissent, exacte implere potuissent. Sed ubi desciverunt, ambitio, avaritia, libido invasere.

2. Adhuc quidem leges naturæ, id est, dictamina rationis satis æquum ab iniquo separabant; Ineratque animis cupiditas societatis, judiciumque de rebus ad eam necessariis.

3. Sed quia sine ordine certo non poterat consuetudo evitari, Nec commoda

universorum invicem communicari poterant.

4. Maxime, eum ob pravitatem feritatemque hominum, dictata rationis negligenterentur, & Tantumque omnes valere vellent, quantum viribus possent, Palam est, opus fuisse ad bella evitanda conjunctione multorum.

5. Nec tamen consensus in fœdus se invicem non lædendi, ad tollendam confusionem sufficiebat.

6. Necessaria fuit ejusmodi ratio & modus, *per quem omnium voluntas una fieret.*

7. Neque

7. Neque enim aliter communium actionum exitus ad concordiam & communem salutem obtineri poterat.

8. Hæc est Unio illa, quam vocamus *Rempublicam*. Et multitudo hoc modo unita *Civitas* dicitur.

9. Voluntas autem una ista nihil est aliud quam *Imperium Civitatis*.

10. Ergo voluntatis sive conventionis illius tres quasi gradus esse videntur. Primus, ne alii aliis nocent. II. Ut omnium Voluntas una fiat. III. Ut modus istius Unionis constituatur.

11. Primus gradus dat *pacem*, alter *Rempubl.* Tertius *formam* Reipubl.

12. Hobbesium, qui unum modo pactum statuit *Puffendorffius* refellit *lib. 7. de Jur. Nat. c. 2.* & judicium pendet ex his quæ nos *infra* collocabimus.

13. Consensu tali præcos populos à dissipatione generis humani, saltem aliquos, in unum coaluisse, dubium non est.

14. Complures tamen vi bellicâ sub Imperium aliorum redactos *sacra litera* & experientia rerum humanarum docent.

15. Et poterat hæc origo Civitatis, quanquam violenta, tamen esse non injusta. Nam qui alios hac gratiâ invaserant, si vincerentur, summo merito in servitutem agebantur.

16. Imò occidi poterant, si qui alios prius occidissent, aut morte quicquam dignum admisissent.

17. Proinde & rebus suis omnique jure privari poterant; *Quia quos bonestum est occidere, eos spoliare non potest esse inonestum. Cic. lib. 3. off.*

18. Proinde, quantum vellet, tantum juris victori in eos exercere licebat.

19. Et si plerumque fiat, ut ejusmodi Imperia pactationibus deinceps alium modum accipiant, adeoque voluntaria vel saltem mixti generis evadant; quâ de re *infra* ageretur.

20. Sed ut potentior imbecilliores nulla aliâ causâ ad obsequium cogeret, id naturale facti, non juris habendum, secus ac *Hobbes voluit*.

21. Non est etiam Juris Naturæ, ut, qui ad usum libertatis inepti sunt, hi per vim ad serviendum adigantur; Si non alia sit ratio, quam quod nati ad serviendum parere nolint, *πρωτὸς ἀφ' ἑαυτοῦ ποὶ δίκην*, ut magnus vult philosophus, *Aristot. lib. 1. polit. c. 3. 4. & ult. Dix. lib. 2. digress. c. 2.*

22. Neque enim ab *aptitudine ad Facultatem*, à ratione probabili ad jus perfectum licet argumentari. Non magis quam id quod ab alio occupatum est, illi eripere licet, eò quod nobis potius convenire videatur; quâ de re Cyrus puer à præceptore suo, male instituens, eruditur, *apud Xenoph. Cyrop. lib. 1. à pr.*

23. Cæterum, quo pacto Imperia vi injustâ fundata, fiant legitima, alio loco dicendum.

24. Summa igitur Imperiorum differentia est, quod *voluntaria* sint, aut *involuntaria*.

25. Hæc autem invitis imponuntur bello, aut volentibus quidem, sed necessitate aliquâ majore subactis, cujusmodi actiones philosophi mixtas appellant.

26. Sic olim Campani à Samnitibus ad extrema redacti, *se, urbem, agros, divina humanaque omnia in S. P. Q. R. ditionem tradiderunt. Liv. l. 7. c. 33.* Nec alia fuit Ægyptiorum causa tempore Josephi.

27. Hæc igitur Imperia ex consensu multitudinis originem habuere. Nasci enim illa immediatè à Deo, ut in rebus humanis nihil sit, *quod vel secunda causa ferre queat nomen*, quomodo post & ante alios *Graswinkelius* operose disputat, incondita sententia est, in *tract. de jur. Maj. c. 1. & 2. nec non vernac. tract. de summa potest. Ordd. Holl.*

D 3

28. Nam

28. Nam ratio nimis manifesta in contrarium est, ut ex *suprà* dictis intelligi potuit. Etiam inde, si non quemque res ipsa convincit; quod populus, si velit, imperii facultatem ipse retineat, nec in unum vel paucos conferre cogatur.

29. Quæ autem è sacris literis à bilo proferuntur, ea vel allegorice detorta, vel à speciali *Theocrasia* populi Hebræi petita, vel nihil aliud quam ipsi Gentiles loquuntur, *ἐκ δὲ Διὸς θεοῦ ἰσχυροῦς. Ἀβ Ἰσραὴλ sunt Reges.* Pluribus illam sententiam refellit Puffendorf. *l. 7. de jur. Nat. c. 3. n. 7.*

30. Prorsus enim nihil certius est, quam Imperium esse *ἐκ τῆς ἀποστολῆς, ab hominibus institutum*, ut Petrus Apostolus docet *in epist. 1. c. 2. §. 13.* cui minime contradicit Paulus ad Rom. *xiii.* Imperium civitatis à Deo esse docens.

31. Hoc etiam confirmat historia Saulis electi, apud Samuelem *lib. 1. cap. 8.*

32. Populus Hebræorum immediatè à Deo gubernatus erat sub Judicibus, qui non à populo imperare juebantur, sed à Deo inspirati mittebantur. Postea Regem petierunt, quod Deus ita interpretatus est, ut se *desistui*, suumque imperium, quod erat immediatum, respui; Populumque se regiminis statuendi auctorem ferre declararet *d. l. 1. c. 8.*

33. Sed omitti non debet hæc observatio; non semper expressam populi voluntatem in stabiliendâ potestate Reipubl. intervenire; *sepe tacitam lapsu temporu introduci*, ut in plerisque *Aristocratiis*, nominatim iis quæ sunt in *Belgiis nationibus*, usu venisse manifestum est.

34. Talem potestatis originem non minus esse voluntariam, quam quæ fit uno actu, *in capite de præscriptione jurium S.*

P. videbimus. Et si *Grafwinkelius* inde suum jus immediatè divinum in *Ordines Hollandiæ* derivet.

35. Sed verum est, illam è tacito consensu Imperii acquisitionem, plerumquæ *simpliciter esse constitutam*, ac ita planè integrèque supremam; quia leges & exceptiones speciali voluntate faciuntur, ut latius alibi videbimus.

36. Postremo loco non possum heic omittere verba Hermogeniani in *l. 9. n. de Just. & jur.* quando sic ait; *Ex jure Gentium introducta sunt bella, discretæ gentes, regna condita, dominia distincta, agrus terminis positi, ædificia collocata, commercium, emptiones &c. obligationes instituta.*

37. Videtur his verbis ortus civitatum historicè & philosophicè eleganter demonstratus: Hoc enim vult Hermogenianus; *Primum in orbe verum humanarum fuisse, statum belli, quo gentes nullo imperio coercitæ necessario confliguntur.* Cujus evitandæ causæ qui ab eodem ultimo progenitore nati erant, aut aliter consenserant in gentes nationesque semet ipsos seceverunt.

38. Cum autem ita nondum pares essent confusioni vitandæ, vel malis hominibus profligandis, Imperia stabiliaverunt, & regna quidem omnium primo. Exinde dominiorum distinctionem paci conservandæ necessariam & jam inchoatam perfecerunt atque stabiliaverunt, maxime in rebus mobilibus.

39. Serius agros terminis fixis partiti sunt, cum diu more Nomadum, ut Patriarcharum tempore, vixissent. Neque prius ædificia collocare necesse fuit: atque tum demum commercia certa ratione commodo suo exercere poterunt. Ita se plane res habuerunt.

C A P.

C A P. I I.

Quid sit Civitas. Quid Respubl.

Definitio civitatis ejusque exegeſis. Etiam in Deſpoticis imperiis recte ſtatui civitatem. Juris quoque & Imperii mentionem recte in finiendâ civitate fieri. Definitio Reipubl. Ex quâ judicandum, ſitne una civitas aut Respubl. vel plures, quod exemplis illuſtratur.

Civitas, de cujus jure quaerimus, definiatur; *Cætus perfectus familiarum juris fruendi vitæque ſibi ſufficientis gratiâ, ſub eodem ſummo imperio ſociatus.* Dix. l. 1. Digreſſ. cap. 13.

2. *Cæsum* dicimus *perfectum*, non cui nihil deſit, ſed qui numero & facultatibus ſatis ſit validus, ad deſenſionem communemque utilitatem.

3. Qui fines obtineri non poſſunt à numero *quindecim* hominum, quos Apulejus & veteres quidam etiam Bodinus ad civitatem conſtituendam requirunt; quaſi Civitas conſtare poſſit tribus familiis, quarum ſingulæ quatuor hominibus contineri queant, ut Bodinus *lib. 1. de Republ. cap. 2.*

4. *Familiarum*, quoniam ex his proximè componitur Civitas, ita ſicut Ariſtoteles Civitatem vocat, *κοινωνία τῶν οἰκίας καὶ τῶν γένων. communis domum & familiarum, 3. polit. c. 6.*

5. An autem ſine familiis non poteſt eſſe civitas? Negat Bodinus *d. cap. 2.* Difficulter ſane poſſet: nullo tamen poſſe modo non dixerim; Videtur enim & Roma civitas fuiſſe priuſquam matrimoniis, ſine quibus non eſt familia, potiretur, & ſunt coloniæ, in quibus generatio advenarum non habet ſucceſſum vitalem, quæ ſi viris ſubmiſſis perpetuentur, civitates eſſe poterunt. Nec mihi abſurdum videtur, clerum Romanenſem, qui non habet familias, pro civi-

tate habere; quia ſane eſt Respublica & multitudo, licet abſque territorio, quæ habet ordinem parendi & imperandi; ſub unâ Summâ poteſtate mediisque magiſtratibus, quemadmodum *in loco* videbimus.

6. Habetur in definitione *Juris fruendi*; hic enim finis præcipuus eſt eorum, qui civitatem conſtituunt, ut bonis vitæque ſuâ beneficio tutelæque Juris, *quod alioqui bellis injuriisque turbatur*, frui poſſint.

7. *Vitæque ſibi ſufficientis gratiâ.* Id ruruſ ex Ariſtotele *d. loc. τῶν πλείων γένων καὶ ἀνθρώπων*, qualis extra civitatem in ſolitudine, ſi bella maxime abeſſent, haberi nequit.

8. Beatitudo illa civilis eſt duplex; quam utramque Cicero deſcribit, ut *civitas opibus firma, copiis locuples, gloria ampla, denique virtute honeſta ſit. l. 8. ad Att. epiſt. 11.*

9. Ex eadem *ἀντιμαχία* colligit Ariſtoteles, ſervos ad communionem civitatis non pertinere, quia *τὸ δούλον ἢ ἀντιμαχίας, ſervilis conditio minime beata*, ſed omnino poenitendæ conditionis eſt.

10. Quod tamen non impedit, quominus *deſpotica imperia*, in quibus herili poteſtati homines ſubjiciuntur, rectè *Civitates* dicantur, ut diſputavimus contra Grotium *lib. 1. Digreſſ. cap. 15.*

11. Separanda enim illa ſervitus publica videtur à privata, quæ ſingulos homines

nes actionesque singulares constringit.

12. Publica & universalis illa tam graviter singulis non incumbit, ut *ἀντιπροσωπία* penitus excludat, civiliterque *μισέρος* faciat.

13. Potius, ubicumque multitudo est, *juris fruendi causâ sub eodem imperio sociata*, ibi civitas omnino statuenda est.

14. Sunt qui juris & imperii mentionem in *Civitate* finiendâ fieri nolunt, quoniam illis verbis respectus ad *Rempubl.* contineatur, à qua *Civitas* abstrahenda sit. *Arnisa lib. 1. polit. cap. 6.*

15. Differre equidem à *Civitate Rempubl.* ut animam à corpore fatemur. *Seneca 1. de clem. 4. Isocr. in panathen.* Sed in corpore vivi hominis describendo, quid vetat dici, animatum id esse? Tantundem est dictu, civitatem sub certo imperio agere, sine quo civitas nulla esse potest. *plur. vid. in d. lib. 1. Digress. c. 15.*

16. Denique, est in definitione, *summo imperio*. Quale si non sit, nec civitas per se, sed alterius civitatis pars constituitur, etsi forte conformationem distinctam habere videatur.

17. Porro *Respublica* definitur *ἄλλοις πόλιος ὄρδο* *civitatis*, consistens in *regimine summa potestatis & subjectione reliquorum, per medios Magistratus*. *Aristot. 3. polit. cap. 6.*

18. Unde liquet, *Rempubl.* differre à *Civitate*, vel ut concentum à chordis, vel ut animam à corpore. *Plutarch. de trib. form. Reip. Seneca. & Isocr. d. loc. ubi ὡς πρὸς τὸ σῶμα φέρησις, ut in corpore prudentia.*

19. Ubicumque igitur talis ordo, ibi civitas existit; æque ac corpus, ubicumque anima est. Ubi pulres ejusmodi ordines, ibi & plures civitates ac *Respublicæ* intelliguntur.

20. Proinde *Helvetiorum* atque *Bel-*

garum, per me licet addas, *Germanorum*, Imperia, non singulas sed plures constituunt civitates.

21. Cujusmodi foederati, si quod habeant commune legatorum concilium, ut sunt apud Belgas *Ordines dicti Generales*, id non est unum omnium caput, sed *plura capita repræsentat*; Nec verè cunctis civitatibus imperat, sed imperata singularum communiter exequitur.

22. Unde tamen argui non potest, *generales ejusmodi confessus* dignitatis æstimatione singulis civitatibus non præferri, ut præcipua Belgicarum nationum contendit.

23. Nam quia Legati suas quique civitates repræsentant, omniumque repræsentatio præ singulis excellit, *omnium Confessus* dignitate singulis præferendus videtur; dignitas, inquam, potestate salvâ & exceptâ.

24. Porro neque una est *Civitas*, ubi unum quidem caput, sed non unum corpus; penes unum quidem est *summa potestas*, sed non eadem subordinatio potestatum inferiorum.

25. Hinc *Hispaniarum* & *Magnæ Britannia* Imperia non una sed multiplicia habenda sunt.

26. Quare ejusmodi Reges & Tyranni & simul Principes justis esse queunt, quod Belgæ *Philippo II.* accidisse interpretantur.

27. Potest idem quoque Princeps liber ac summus, alioque respectu alteri esse subjectus, *ut crebro accidit.*

28. At divisio unius corporis in *diversa membra*, seu coctus diversos, non facit civitates, sed jurisdictiones diversas, ut pleraque regna in provincias; sive singulæ ordines populi & instituta juris habeant distincta, ut in *Galliâ*, sive seclus, ut in *Angliâ*; distribuuntur.

C A P. I I I.

De fundamento & efficacia Imperii, quæ primum è Natura status Democratici indagatur.

Diversæ hypothefes. Summa distinctio Imperii repetita. de Obligatione Imperii violenti. Transitus ad voluntarium. Difficultas quæstionis de jure summi Imperii. Pro fundamento positum, in Imperiis voluntariis Imperantes habere tantum juris, quantum cives in eos transferre voluerunt. Huic contrariam esse Hobbessii *πρόθεσις*, tantum habere juris Imperantes, quantum cives in eos transferre potuerunt, nihilque ab iis posse reservari, quia post unionem voluntatis omnium, subjecti non sint unum quid neque personæ instar. Judicium hujus rei indagatur è Natura status Democratici, ut qui proxime ad statum naturalem accedat. Formam ejus esse, sædus, in hoc, ut majoris partis voluntas sit omnium voluntas, quod locum habere in omnibus rebus: Etiam quæ adversus singulos duræ vel iniquæ sint. Proponuntur exceptiones quædam.

EX definitione *Reipublicæ* liquet, ordinem Civitatis, adeoque totam Juris Publici disciplinam consistere in jure imperantium atque eorumque subjecti sunt.

2. Quæ cujusmodi sint & quomodo pariter consistere debeant, plena semper difficultatis visa fuit & est disquisitio.

3. Dum alii potestatem imperantium in infinitum extendentes, genus humanum libidini paucorum, ut mancipia, imò ut bruta animalia, tanquam jure, subjiciunt.

4. Nec enim aliter *Hobbes* populos erga Rectores suos, vult esse animatos, quam greges & armenta sunt erga suos duces, de civæ c. 12. in pr. & passim.

5. Placet hanc comparisonem illustrare verbis *Xenophontis* in pr. *Cyropæd.*

6. Παράδειγμα ἢ ἀι ἀγάλας, inquit, οἱ ἀνθρώποι δὴν ὡσανοῦν οἱ βοῦται. ἀπικρήλαι τι ἀνθρώποι ἀπέργασαι καὶ θεῖς κρηπίδες τοῖσιν θεῖς ἡγεμονίαι. ἢ ἀνθρώπων ἰσὺν τῶν βοῦταις ἡγεῖσθαι, ὡσανοῦν ἀνθρώπων Βούλων. Vadunt greges,

quò illos ducunt Pastores; abstineat iis, à quibus hi ipsos arcant, fructibus interim, qui ex ipsis proveniunt, patiantur ita fructus Pastores, sicut ipsi voluerint.

7. Pergit; Ἐκ θύων ἠδὲ μῆλων πάντες ἀγάλας ἡδομῆται συσπάζου ἰσὺν τῶν βοῦταις, ἀλλά καὶ ἡλωπιῶν περὶ οἱσὶ πᾶσιν ἀλλοῖς ἢ θεῖς ἀρχαὶ πᾶσι αὐτῶν καὶ ὀφθαλμοὶ ὡσανοῦν αὐτῶν. Ἀνθρώποι δὲ ἰσὺν ἀλλοῖς μῶλλον συσπάζου τῶν τοῖς ὡσανοῦν ἀνθρώπων ἡγεῖσθαι αὐτῶν ἐπικρηπίδας.

Id est; Neque tamen ullum gregem unquam vidimus in pastorem suum insurgentem, sed difficiliores sunt omnibus aliis quam Imperantibus suis, à quibus & reguntur & quibus fructum præbent. Homines verò in neminem magis insurgunt, quam in eos qui Imperium in ipsos sulciunt.

8. Atqui homines si deponerent notitiam boni & mali, æque mansueti forent ac oves & boves; adquem modum *Hobbes* eos formare laborat.

9. Alii, Imperantes nihil aliud quam ministros populorum, sic etiam loquuntur,

E

tur, reputantes, in hoc sunt, ut levissimo momento status civitatum ordinemque inter se periculose committant. *Jun. Brut. D. Althuf. & alii.*

10. Paucis curæ fuit ira rationes inire, ut inter abruptam civium contumaciam & effrenam dominandi licentiam, *medium iter periculis utrinque vacuum, aut minus infestum* reperiatur.

11. Summam Imperii differentiam esse in violentum & voluntarium, antea diximus. Illud etiam jure Gentium, quo victus in victoris potestatem quoad se bonaque sua redigitur; imo & jure naturæ, si victus causam bello præbuerit, esse justum, jam diximus & amplius in loco de belli jure videbimus & satis constat.

12. *Quamdiu victor solâ vi & terrore victos continet, ambo in statu belli manent & omnia invicem licent.* ubi verò, ut plerumque fit, in fidem recepti sunt & victi imperium victoris agnoverunt, siquidem pactiones quædam specialis inittæ sunt, has esse servandas, non dubitatur.

13. Si non serventur, quid juris? An, ut hi quibus fides non servatur, in priorem statum, qui fuit belli, revertantur & resistendi facultas detur; an, ut accipienda sit obligatio, sicut inter dominum & servum, ut ille quidem fiat perfidus, sed hic tamen ejus dominio non subducatur? Hujus rei decisio pertinet ad locum de Tyrannide inferiorem.

14. Si tamen vel in deditioe, vel postea nullæ conditiones inittæ fuerint, manet jus victoriæ & subjectio illorum qui fidem dederunt, ejusdem latitudinis & tenoris, idque non modo si expresse ad obedientiam se obligaverint; sed etiam tacite passi in ordinem Reipubl. se redigi; sicut etiam in voluntariis Imperiis plerasque subjectiones è tacita obligatione nasci, jam dictum & amplius dicitur.

15. Quemadmodum & victor æquè tacite ad hæc se obligare videtur, ne hostiliter agat cum victis, aut si hoc modo cum iis agendum putet, intelligat, illis quoque reditum ad statum belli esse datum, nec minus perfidiæ adversus subjectos, reum se constituit.

16. Major aliquanto in voluntariis Imperiis est difficultas, cujus sane propositi, diversissimis hominum sententiis, arduum & anceps esse judicium, post multam ac attentam meditationem lectionemque eorum, quæ ab aliis hac de re copiosissimè scripta sunt, etiamnum fateor, nec aliud quam indagandi partes habeo polliceri.

17. Diximus antea, Civitatis constitutionem nihil aliud esse, quam *recessum à statu Naturali.* Neque aliam ejus causam esse, *post Deum*, quam voluntatem singulorum omniumque *conventionem*, quod utcunque multi hodie secus trahant, pro *certissimo* habendum, jamque demonstratum & inferius patebit.

18. Unde liquere videtur, *in cujusque populi potestate fuisse* (loquimur, si hoc opus est repeti, de imperiis non violentis) *modum statuere, quatenus à Naturalibus recedere vellent.*

19. Tantumque juris in Imperantes fuisse translatum, *quantum populus in eos transferre voluit.*

20. Quem alii nunquam alienare jus suum, sed exercitium duntaxat in Rectores suos, singulos aut plures transferre docent.

21. At *Hobbes* ex eodem principio colligit, cives, qui imperium simpliciter transfulerunt tantum juris in Imperantes transfuisse, *quantum potuerunt*, ut nihil exemerint. *cap. 6. §. 13.*

22. Nec quidem potuerint eximere; Ed quod per unionem imperii omnium voluntas una sit facta, in quâ nulla quæstio esse collisio vel discrepantia voluntatis.

23. Et

23. Et quia populus, imperio ad unum hominem vel concilium delato, *desiit esse unum quid*, desit esse corpus, nec personam amplius representat, sed nihil quam singuli, & dissoluta est multitudo. Unde nec ullum jus, quod est qualitas personæ competens, populo post imperium translatum tribui possit. *d. cap. 6. pr. & in nos.*

24. Huic è diametro sunt oppositi, quibus ita visum est, *jura majestatis a deo universæ consociationi esse propria, ut etiamsi illa se his velit abdicare, eaque in alium transferre & alienare, nequaquam tamen id possit, non magis quam vitam suam, qua quis fruitur, alii communicare potest*, ut loquitur D. Althusius *Prefat. polit. & cap. 9. cap. 18. c. 19. c. 24. c. 38.*

25. Nos, ut fundamentum naturamque hujus rei clarè detegamus, primo statum Imperii, qui minime à Naturali recedat, considerabimus, qui est *Democraticus*, in quo jus imperandi penes populum est universum.

26. Quem naturalem dicimus maxime, non quod ante monarchiam ab hominibus è statu naturæ digressis fundatus fuerit, quod *Historici negant*: Sed quia minus in eo quam in cæteris, homines à libertate & æqualitate Naturali recedunt.

27. Forma ejus est, foedus omnium cum omnibus, cujus summa in hoc consistit, *ut quæ consensu majoris partis statuuntur, ea cunctos obligent*. Idque in perpetuum, quia norunt, quo tempore ab imperio communi recesserint, neminem salutis suæ fore certum, omniaque pessum itura; quod eos minime velle manifestum est.

28. Plurium suffragiorum prerogativa ideo necessaria est, quod alioqui publicis consiliis exitus nullus dari posset. Scilicet ita, *ut quod plures voluerint, hoc omnes & singuli velle censeantur*;

neque minus idipsum totius populi voluntas est.

29. Exemplo sit Romana vetus Respubl. ejusque comitia centuriata. Populus suffragia per centurias ferebat; erant autem centuriæ *centum nonaginta duæ*, vel sexta classe, quæ non habebat centurias, annumeratâ, *nonaginta tres*. Ex his, quando *nonaginta octo* centuriæ, quæ primam classem efficiebant, consenserant, reliquæ non rogabantur.

30. Qui poterant clarius indicare, *majoris partis scitum esse totius populi voluntatem*, quam, ne expectando quidem, ut minor pars suam animi sententiam declararet? *Dionys. Halicarn. lib. 7. à princ.*

31. In ejusmodi consensionem populi libertatem custodire volentes facile descendunt, *siquidem omnium in fœdere democratico conditio, spes & ratio par est*; Nec quisquam magis se superatum iri, quàm alios superatum præsumere potest.

32. Neque dubium, quin fœderati, suum illum consensum de omnibus rebus, quæ ad salutem utilitatemque communem ullo modo pertinent, intellectum velint. *Etiamsi contingat, ut saluti commodisque paucorum aliquid adversetur*; Salva enim res communis esse non posset, *si ratio ejus non vinceret utilitatem privatam*.

33. Adeò, *ut ne vitæ quidem rebusque singulorum propriis, bonis communis causâ, parci velle videantur*. In hoc enim pulcherrima generis humani consensio relucet; ut tanto quisque melior civis reputetur, quanto libentius vitam opesque pro patriâ suâ exponit. *vid. Gros. lib. 1. cap. 4. n. 7.*

34. Proinde tali casu eveniente, tum ei, in quem fors incumbit, non fit injuria, quod absque suo merito patiatur malum; *in hoc enim cum aliis consensit*. Proinde nec resistere illi, populo per plura contentienti licebit.

35. Nec quicquam refert, quod ad vim obligandi attineat, *utrum rectius, an pejus major pars sentiat*; alioqui lis super hoc judicio rem identidem ad primam reduceret confusionem, quam ut omnium malorum maximum cives super omnia vitare voluerunt.

36. Nec quidem aliud dicendum, *etsi malitia in parte majori adversus aliquos appareret*, quod in popularibus Imperiis sæpius usu venit: Nam, si antequam id alicui contingeret, rogarentur, an tali casu cuiquam eveniente, vellent Imperium commune solvi, *non cunctantur patientiam præferre & inculcare*, cum vix unquam alicui turbandæ societatis causa deesse possit.

37. Proinde, quod *in thesi* quisque censuit esse faciendum, id *in hypothesi* nemo improbare potest, eaque ratione *petalismi & ostracismi* veterum Rerumpublicarum, quæ fuerunt *Exilia Status*, ut sic loquar, defenduntur.

38. Idem est fundamentum regulæ, quod res judicata pro veritate habeatur, & quod Magistratus etiam cum iniquè decernunt, jus dicunt; eò quod omnes & singuli cives ad hoc se obligaverint, ut sententiis sive æquis sive iniquis, à quibus provocatio non daretur, pareant, cum alicui nullus finis litium esset: Idem est in omnibus regnantium imperiis. *l. jus. 11. n. de Jus. & J.*

39. Verum enimvero non est hæc obligatio supra omnem exceptionem. Quid enim, *si coitione factâ, pars major id ageret palam, ut reliquos non modo superarent semper (quod in rebus mediis ferendum) sed etiam vita bonisque pro lubitu exuerent*, dicendum videretur, pauciores pluribus resistere posse.

40. Neque enim consenserunt, in id, quod civitate constitutâ, unice evitare voluerunt, & quod scopum societatis in perpetuum everteret.

41. Is autem non fuit alius, quàm ut quisque sub præsidio publico vita bonisque securè fruereetur, neque plus ex eo jure delibaretur, quàm ratio societatis, sine qua singuli subsistere nequeunt, identidem postularet.

42. Imò forte an nec singuli plane, *si qui ad mortem manifestâ injuriâ, per vim, sine ordine suffragiorum & judicii vocarentur*, vi primæ consensionis ad ferendum tenerentur.

43. Enimvero ingentis boni communis causa, *posse extendi obligationem expressam usque ad mortis patientiam*, ut est lex de statione non deferendâ, ratio juris idonea, quæ prohibeat, nulla profertur.

44. Sed cum à morte homines efficacissime abhorreant, non potest dici, quod primi conditores civitatis, commune foedus, quo pars minor populi tenetur eo quod plures volunt, ad mortem sine ullâ causâ & ordine judicii ferendam, durare voluerint, quâ de re *vid. Gros. d. lib. 1. C. 4. n. 7.*

45. Enimvero, ut detrimentum bonis alicujus illatum causam foederis rumpendi ac ad promissum redeundi bellum præbeat, id auctores Reipubl. nullo modo voluisse manifestum est.

46. Concludimus igitur, in *Democratia*, sive populari Imperio singulos teneri ad ferendas totius populi injurias, quâ de re *vide sect. 8. c. 4. hujus libri.* exceptis illis casibus, qui commemorati sunt.

47. Tu dices, idque memini esse obiectum; *pars minor potest semper contemdere, aliquem ex illis casibus exceptus esse commissum, eoque prætextu un illius fœderu semper evitari poterit.*

48. Respondeo; *Vana in omnes opiniones versari possunt*, ut Livius. Nos id agimus, ut sano judicio termini statuuntur, non ut detorsiones malignæ **exclat**

excludantur, quod nulla ratio præstare potest.

49. Exceptiones autem istæ duæ pertinent ad res & actiones externas, quæ solæ ad Legem pertinent: Nam Legislator, ut Cicero dixit, res non animadvertit, nisi quatenus eas manu tenere potest.

50. Proinde sententias animorum ad Imperium civitatis & majoris partis consensum non pertinere manifestum est.

51. Multo minus ea, quæ Deus specialiter præcepit, sive digito suo insculpta cordibus, sive in literis sacris expres-

sa fuerint, de quibus etiam *alibi* dicendum.

52. Concedendum etiam, sine dubio, quod civibus, societatis præsentis poenitentibus, inde subducere sese & in alias terras conferre licet; quæ de re *inferius* agetur.

53. Postremò sciendum, hæcenus à nobis de fœdere civitatis simplicitè contracto agi. Nam si conditiones adjectæ fuerint speciales, his omnino stant, ut *inferius* demonstrabitur.

C A P. I V.

Dari fœdus inter Imperantes & subiectos, rursus ex naturâ status Democræici, contra Hobbesium demonstratur.

Quæritur, an Imperantes injuriam perfidiamque adversus subiectos committere possint. Hobbes negat; hac ratione, quod nulla fœderis obligatione teneantur, ed, quod civitas pactione singulorum cum singulis, non cum majori parte vel cum Imperantibus constet. Quod refellitur inductione fœderis, quo Democratia constituitur, in quâ se omnes & singuli obligant, in eum maxime casum, quo ipsi in majori parte adeoque inter imperantes sint futuri, idque pluribus firmatur, & concluditur, esse in Democratia duplici respectu, obligationem; Inter singulos cives uno, alteroque inter eos, qui in majori parte sunt, cum inferioribus. Majorem tamen partem nullâ re obligari, quam eo quod tacitè sit exceptum, *de quo cap. præced.* & quod expresse in stipulationem sit deductum.

Plane ex illis sequitur; Civitatem, id est, majorem populi partem, adversus singulos fieri posse ream injuriæ. Primo ratione naturali; Quod is qui sine causâ aliquem opprimit & spoliatur, rem facit dictamini rectæ rationis contrariam: Quod dictamen cum jus sit & homines obliget, ut antea demonstratum est, non potest quod contra illud instituitur, non esse injuriæ.

2. Nec tantum injuriæ, sed etiam perfidiæ ream major pars adversus minorem se constituere potest.

3. Quod enim mentem fidemque pacti egreditur, non potest non *perfidia* vocari; Respublica autem per conventionem de vitâ bonisque omnium defendendis constituitur, quæ conventio tam violari quam servari potest.

4. Idque bifariam, primo *conscientiâ*

senus; Quatenus qui maligne consulunt, pacti fidē non servant; quod in omnibus injuste factis aliquomodo verum est.

5. Rursus cum effectu nullitatis, si terminos potestatis ab aliis acceptæ egrediantur, quod de casibus modo exceptis intelligendum. Nec enim quicquid perperam consulitur, ipso jure nullum esse multis rebus exploratum est.

6. Hobbes dicit; non esse pactum inter pauciores & plures, quatenus hi corpus constituunt, *Sed inter singulos cum singulis*. Ideoque plures, cum singuli non sint, sed jus omnium prærogativâ suffragiorum nacti, haudquaquam ex pacto teneri. *Hobbes cap. 5. §. 7. & cap. 7. §. 7. & §. 12.*

7. Imò non posse voluntati singulorum quicquam tribui, post fœdus de ser-vando plurium placito, ita fere demonstrat.

8. Fœdus democraticum hujusmodi est; Singuli cives, alter ab altero tacitè stipulantur hoc modo; *Quod pars major populi statuet, ei tu pariturum esse te spondes? Spondeo; Et tu vicissim? Spondet similiter*; sic totus populus conjungitur, ejusque tempore conjunctionis, adhuc nulla pars major existit. *d. cap. 7. n. 7.*

9. Quod igitur placita plurium tenent, ejus rei quisque pro se auctor est; Inde quicquid plures statuunt, hoc ipse quilibet statuere intelligitur; proinde, si quid durius sit decretum, sibi quisque id imputet, tam contra se quam adversus alios; sane pactum, *inquam*, quod pars major, quæ non fuit tempore pacti, nullum inivit, id nec violari ab illa posse concludit.

10. Ad hæc, nostra sic est ratio; Pactum illud singulorum cum singulis, iniri hac mente, ut in defensionem communem, quam sibi propositam habent pacificentes, valeat; *id quod nemo negat.*

Quæ conditio non minus quam pactum ipsum à singulis servari debet; Quatenus *publicæ utilitatis, quæ sæpe contra singulos est*, ratio permittit.

11. Non est dubium autem, quin omnes in reciproca stipulatione ac spon-sione, cum in primis casum spectaverint, quo ferè unice obligationis usus erat futurus, nempe, *quo ad suffragia de rebus communibus multitudo vocaretur.*

12. Dum itur ad suffragia, nemo in superiore numero est, qui non ex pacto reliquis singulis teneatur, et quidem in eum maxime eventum, *si ex plurium numero ipsum esse contingat.*

13. Ubi nemo obligationis est expers, ibi universon obligari oportet; vinculum enim personale fidei, quo omnes obstricti sunt, *prætextu universitatis*, eludi nulla juris ratio permittit.

14. Præterea non est dubium, quin, cum populus de salute communi ageret, singuli se singulis obligaverint, *ut quantum in quoque esset, bono communi operam darent.*

15. Cujus pacti cum expers nemo fuerit, necessum est, universon illo quoque teneri, adeoque & hos qui *numero in suffragiis identidem sunt superiores.*

16. Tu dices; Ergo qui sunt in parte majore, tenentur cæteris perfidiæ, *quoties perverse consulunt*, & sic majoris partis consensio perfidiæ prætextu semper eludetur. Sed tenendum heic, quod est in Arte Juris notissimum; Esse jus quoddam externum, quod obligat ad patientiam, et si cum ejus qui superior est in obligatione, malitiâ sit conjunctum, quale jus habet Pater in liberos, magistratus in cives; quale etiam ex prævio consensu, in hoc fœdere demonstravimus *cap. præc. n. 34. & seq.*

17. Committitur igitur perfidia bi-ariam. I. Quoties pars major in alios malignè consulit injuriis tralatitiis; at hæc perfidia

perfidia non habet effectum rumpendi fœderis, ut *anteà dictum*, sed obligat ad patientiam. II. Quando malitia in exceptis casibus *suprà* enumeratis committitur, in quibus datur facultas resistendi.

18. Quod si nulla fœderis ratio inter plures, qui consentiunt & reliquos esset, scire cuperem, quid impediret, *quominus major pars suo consensu dissolvere possit Rempublicam*, quod non esse in eorum potestate, docet ipse *Hobbesius*, idque vi fœderis primitivi. *cap. 6. § 20.*

19. Proinde, cum manifestum sit, obligationem duas requirere partes, apparet eas in exercitio *Democratia* esse, partem majorem idem sentientem (et-
li *quà pars major antea non sint obligati*) & reliquos numero inferiores.

20. Ex his palam fit, eos, qui prætextu numeri prævalentis, atrocitatem exercent, rectè perfidos injuriosque in *democratia* dici. Proinde nec quenquam eorum, qui numero inferiores sunt, in talem casum ex sponsione suâ teneri.

21. Verum tamen extra species *suprà* collocatas nullum aliud exceptionis specimen, quo pars minor se pluribus opponere queat, agnoscere licet, nisi quis *populum in eandem confusionem*, quam Republicâ contractâ, vitare voluit, recidere velit, qua de re *precedenti capite* actum.

22. Nisi quod de rebus *divinis* propria consideratio est, de qua suo loco agitur.

23. Adde; *Nisi* & diserte initio constitutæ Reipubl. *alia res sint expressa*, in quibus prærogativa suffragiorum non obtineret, ut jam monuimus.

24. Quod tamen in democratico Statu rarè solet fieri. Quia præter populum, nullus hic alius ordo est, adversus quem multitudo præmunire se cupiat.

25. Tamenetsi, ne singulorum populi ordinum jura mutantur aut violentur à Magistratibus, id etiam in popularibus imperiis excipi solet atque conducit.

C A P.

C A P. V.

Quo probatur, idem quod pars major potest in democratiâ, etiam posse optimates in Aristocratiâ & Principes simpliciter constitutos.

Constituitur hypothesis populi democratice gubernati ac tædio confusio- nis uni vel paucis Imperium deferentis. Eo ipso, quod desinit populus velle congregari & facultatem regendi civitatem transfert, non posse fieri, quin potestas eorum, in quos illa facultas translata est, sit eadem quæ transferentium fuit, quia surrogatum habet naturam sui surrogati; & jura translata nihil quam situm & personas mutant. Utrique si nihil sit dictum, ex quo possit intelligi, populum ministerio duntaxat eorum, quos constituit in certis minoribus negotiis uti voluisse, in qua specie non jus Imperii sed modus administrandi mutatur. Imperio igitur simpliciter translato, Singulos vel Paucos nihil habere superius, ne totum quidem populum, quia in Democratiâ pars major sine dubio absolute superior est: Idque pluribus firmatur. Quin posse populum se dedere paucis vel uni in servitutem, quod tamen in dubio non præsumi. Denique, mutua subjectio populi & Imperantium refutatur.

CÆterum, popularia Imperia, in primis majora, omnibus seculis plena confusio- nis & turbarum fuere. Quas ut evitarent, pleræque gentes jus imperii certis hominibus, iisque vel singulis vel paucis concedere maluerunt. Unde *Aristocratiâ*, aut plerumque *Monarchiâ*.

2. Non est hujus Artis disputare, utra sit præstantior; hoc ad eam scientiam, quæ docet, *quid ex usu sit*, id est, *Politicam*, pertinet. Enimvero non cunctabimur adientiri summo Theologo *Calvino*, qui in Institutione sua, ut omnes formas laudat, beatos tamen judicat populos, quibus *Aristocratiâ* frui licet: Nec tamen ideo vim *monarchiæ* oportet eos infringere, quibus sub principatu contigit nasci.

3. Rogatum quoque volumus lectorem, ut judicium suum de nostra sen-

tentiâ tantisper suspendat, donec universum hujus questionis tractatum perspexerit, & ultima cum prioribus exacte contulerit: animadvertet, non a- dulari nos regnantibus, nec adversari populorum libertati, qui prudenter suis rebus consulere in animos induxerunt.

4. Sic igitur pergimus, inquam; Jus quod populus in Democratiâ habuit, hoc omne Paucis, sive optimatibus, (in his primo subsistemus) simpliciter Republicæ impostum detulisse, dedisse intelliguntur: Ipsorum autem Imperium in consensu plurium consistebat, ut modo intelleximus.

5. Unde sic est statuendum; quicquid pars major populi potest in Democratiâ, id etiam posse Rectores optimates, simpliciter, à populo, constitutos aut receptos.

6. Quod

6. Quod cum pro fundamento eorum, quæ sæpe dicuntur, habendum sit, est quod bene observetur. Essentia, inquam, popularis imperii consistit in voluntate atque consensu majoris partis, cui pars minor *identidem* subjicitur.

7. Ne quis cavilletur, Totum populum esse majori parte superiorem. Imperium enim in populari Statu non nisi in prærogativâ majoris partis *identidem* suffragiis detectâ consistit.

8. Sed pertæsus discordiarum populus, quibus in democratiâ est obnoxius, desinit velle certare suffragiis: & Imperium ita sæpe deseret aliis, ut *multitudo sibi nihil reservet, neque de summâ Republica amplius arbitretur*, aut in eum finem conventus agat, vel ephoros constituat.

9. Quæ res argumento est, *illum abdicasse semet Imperio*, amissâ ratione unicâ exercendi juris sui; nam potentia quæ nunquam in actum deducitur, non est *facultas*.

10. Ideo tales populi non possunt dici mandasse juris sui exercitium optimatibus, quod, si male consulat pro lubitu, vel adimere aut circumscribere possint.

11. Hoc enim usu venit in democratiâ, ubi populus Imperium retinet, partesque minores & quotidianas magistratibus exercendas committit, ipse vero *reservat* & jus summum in suis conventibus sibi reservat, actu, non tantum primo, sed etiam secundo.

12. Imperii simpliciter in optimates translati exemplum est in Republicâ Venetâ, *ubi suprema potestas Nobilium est, aut Magni Senatus*, cum olim totius populi fuerit.

13. Populus ibi nunquam convenit, vel de rebus ad Rempubl. spectantibus consulitur. Nihilo magis in Hollandiâ, ubi Senatus urbium omne jus habent, plebes nunquam publica, nisi per seditionem, tractant.

14. Addam agri quoque nostri exemplum in Frisiis, ubi *universis* jus est penes certorum prædiorum dominos, qui numerus quidem ingens, longe tamen minor pars populi est. Factum id voluntate saltem tacitâ populi; nec enim vis unquam iis adhibita; populus autem totus in utraq; Republicâ nunquam univ. versus de publicis rebus convenit.

15. Hoc igitur jus ita & amissum & abdicatum, non potest alibi esse, quam penes eos, quibus id populus cessit datumque voluit, *expresse, vel tacite*, saltem videndo & experiendo.

16. Nec omnino illud jus aut minus aut majus esse potest, *quam fuit apud multitudinem* prærogativâ suffragiorum ad Imperii vim discretam.

17. Ubi enim esset, si non apud ordinem, quem populus sibi substituit, *simpliciter*? potuit enim limitare potestatem optimatum, siquidem ita in animum induxerit suum.

18. Proinde hoc loco monita duo, limitandi causâ, prætereunda non sunt.

19. Primum, quod jam diximus, translationem illam Imperii non semper aded liquide claroque multitudinis consensu fieri; Sed *patientiam* sæpius & taciturnitatem longi temporis *pro consensu* haberi, ut aliquoties dictum & dicetur amplius.

20. Dein, argumentum juris, quod à *Democratiâ* ducitur ad *Aristocratiâ*, loci habere, quoties in translatione imperii nihil secus exprimitur, quod an omnino & quo pacto fieri possit *brevi videbimus*.

21. Hæc ita in Optimatibus Rerum publicarum obtinere; quod populo tacite aut expresse regimen abdicante, quicquid Proceres agunt, id omnis populus agere videatur, non est valde controversi.

22. Sed juris ratio postulat æquè, ut si populus *Rege simpliciter constituto*, ut olim Romani Lege Regiâ, nuper etiam Dani, nihil juris sibi pactus, nec animum

conveniendi deliberandique de Republ. reservet, se ipsum abdicasse regimine, totumque jus suum in Regem transtulisse dicatur.

23. Nam alienatio & translatio facultatis in unum, an plures, non potest habere diversam juris rationem.

24. Hinc jam sponte colligitur, Falsum esse, quod *populus universus semper suis Principibus superior sit*, aut Rex sit quidem singulis major, at minor universis.

25. Nam ut pars major populi nullam supra se potestatem agnoscit, ita Principes (sub quibus & optimates comprehendendo) simpliciter recepti nihil habent superius; cavillo de *soto populo, qui sit majori parte superior*, jam antea remoto.

26. Hæc de voluntariis, ne jam de violentis & jure belli fundatis Imperiis loquamur. Talia enim non modo imperium absolutum, sed & dominium in bona & corpora civium complectuntur, ut in loco vidimus et porro videbimus.

27. Sed nos fundamentum Imperii, quod originem à voluntate populorum habuit, heic indagamus.

28. De magni numeri optimatibus adeo mirum insolensque non videtur, eos habere totum jus universi populi, idque pati possunt, quia Regnis hanc consequentiam negant.

29. Atqui in paucis & singulis, evidenter eadem est ratio, videlicet, translatione summæ potestatis in illos simpliciter facta, ut nos supponimus.

30. Quod si quis Imperium putet, esse rem talem, quæ alienari nequeat, is cogitet, etiam fieri posse, uti *populus se volens in publicam servitutem dedat*, omniaque imperantibus, bona quoque & corpora sua permittat. Idque à populis totis aliquando fuisse factum historiz testantur, ut probat *Grot. lib. 1. c. 3. n. 8.*

31. Siquidem singulos homines hanc

summet habere potestatem jure Hebræo & Romano constat. *Exod. 31. v. 9. S. servit autem Iust de jure personæ* Ergo etiam *populus universus è singulis constitans.*

32. Imò ex iisdem docemur, *esse gentes, quæ molliori imperio haberi neque possint, nec optent.* *Justin. lib. 38. c. 2. Tacit. 33. annual. c. 34. vid. Grot. d. loc.*

33. At tamen id facile largimur, in universum æstimanti, non esse præsumendum, *quod populus sui juris, ultimo servitio mancipare se voluerit*, verum hoc palam liquere debet.

34. Quippè *Libertatem* corporum & *patrimonia* familiarum illos citra communis boni causam, imperio exempta voluisse, dubitari non debet; Cujus enim servandi causâ Imperium stabiliverunt, id Imperio quærendo abdicare voluisse credi non possunt.

35. Sed Imperio simpliciter uni vel paucis concesso, summam & absolutam potestatem non modo in singulos sed etiam super universos, exceptâ libertate personarum & dominio rerum, esse delatam, certi juris esse videtur, ut dictum, sub eâ limitatione, *quam antea collocavimus.*

36. Ejusmodi vim Imperii, quæ & singuli & universi constringantur, in *Democratia* contra minorem numerum nemo negat, nec inquam, in ejusmodi civitatibus Aristocraticis, ubi ingens numerus Imperantium habetur, velut hodie *Venetis* & in *Frisiis*.

37. Nemo dubitat (*licet hoc repetente*) quin magnus Patriciorum Senatus *Venetis* idem jus habeat, quod olim major populi pars habebat, cum civitas democraticè regeretur.

38. In agro *Frisiæ*, totius populi jus est pænes dominos veterum prædiorum; nec quisquam dubitat, quin ad quod *istis domini prædiorum de publicis rebus statuerint.*

erint, eandem vim habent, cum eo quod major pars totius populi, collata suffragiis, statuere possit. Idque in omnibus, inquam, civitatibus usu venit, ubi jus imperii penes magnam multitudinem est, etsi in terminis Aristocraticis.

39. Sed qui summam rerum pauci vel imprimis Singuli tenent, hi controversiam patiuntur. Quod argumento est, *invidiâ insolentiâque parendi magis, quam juris ratione pluresque hominum agitari in contrarium.*

40. Quippe vinculum obligationis in omni genere civitatis, quæ simpliciter instituta est, eodem modo se habere, jam valide, ni fallor, demonstravimus.

41. Prorsus enim, quod foedus in Democratia singuli cum singulis incurrunt cives, quo se parti majori spondent parituros, id in diversis formis super placitis principum & optimatum tacite saltem fieri id palam esse jam, existimamus.

42. Nec omnino aliter populus suum finem adsequeretur, quem fuisse docuimus, ut voluntas omnium, quod ad publicas res, una fieret, adeoque Imperantium voluntas, singulorum è populo & totius populi voluntas censeretur.

43. Multi, pauci, an singuli sint, quibus se parituros spondent, nihil ad summam obligationis conferre, vel ex eâ detrudere potest.

44. Quin, inquam, ubi jus suum singuli transtulerunt, manifestum est, quod ipsi semet potestate privaverint. *Exceptis, iterum, illis, quæ tacite, de quibus supra, aut expresse Imperio submittere noluerunt.*

45. Qui aliter sentiunt, populumque semper jure suis Rectoribus superiorem esse volunt, Imperio simpliciter constituto; potestatem illi tribuunt, Imperantibus non modo semper novas præscribendi leges, sed etiam ad rationes

reddendas compellendi in eosque animadvertendi, removendi, puniendi, tanquam suos ministros.

46. Sed cum ejusmodi res sine motu violento fieri non possint, iidem auctores statuere debent, populos habere jus ita insurgendi in suos Rectores, & seditiones à majori saltem populi parte factas esse juris, saltem externi, causâ licet iniquâ tumultus.

47. Dominus enim seu bene, seu male jure suo utatur, jus tamen suum exercet, nec si malè consular, ulli facit injuriam, quod invito illo suas res pervertit.

48. Sicut Tribunitiæ seditiones Romæ omnes hujus externi juris fuerunt, & si quis alius populus, Romano licet minime gravitate par, omnia misceat: cum Respublica in ejus manu & arbitrio, Rectores autem ministri sint, à populo dependentes, quicquid agant, nihil quam jus suum, utcumque male, exercébunt.

49. Quod non modò in se perversum, sed etiam populorum à democratia recedentium opinionem contrarium esse, nemo rerum humanarum prudens negaverit.

50. Porro ex eodem fundamento sententia illorum evertitur, qui *mutuam subjectionem* inter populum & imperantes existere volunt. Ira, ut populus universus rectè imperantibus parere debeat; principes autem malè imperantes populo subjiciantur.

51. Quod in thesi atque in Imperio nullis conditionibus limirato falsissimum, omnique confusionis flabellum esse potest; quippe, controversiis omni die futuris, *strum bene, an male res publica geratur*, quæ nec judice alio quam ferro decidi posset. *vid. Groz. lib. 1. cap. 3. §. 9.*

52. Tale erat imperium castrensium.

multuarium ad Trojam, quod Ajax, Achilles, cæterique Heroës volabant, & quorum Achilles, de regno Agamemnonis & Menelai sic loquitur;

Καὶ τοῖς Ἀτρεΐδαις ἢ μὴν ἴγῳ) καλῶ

Παρόμοι' ἔγω δὲ μὴ καλῶς, ἢ παρόμοιαι,
id est, eodem Metro,
Et nos Atreidis, si quidem bene imperent
Parebimus; sin minus, non parebimus.
Euripid. Iphigen. Aul. v. 927.

C A P. V I.

Quo rationes contra summam Potestatem examinantur.

Contraria sententia exponitur. Primum argumentum, quod constituens necessario sit superior constituto, & alterum, quod Reges sint propter subditos, ideoque inferiores, refellitur, ut & Tertium à voluntate præsumptâ populi & quartum à naturâ mandati, aliaque non nulla D. Althusii, & Junii Bruti, è sacris, ubi de fœdere Dei & populi Hebraici agitur, petitis. Non sequi, populum pro delictis Regum iudicio divino esse obnoxium, etsi occasione illorum affligatur.

Bene igitur habet illud Tertulliani, *Imperatorum esse hominum à Deo servandum eoque solo minorem, & Optatus Milovitanus; Super Imperatorem non nisi solus Deus est, qui fecit Imperatorem lib. adv. Parm.*

2. Quod tamen non obstat, quominus Imperium sit antiquissimum, humana creatio, ut ex Petro antea probavimus.

3. Nec enim populi Romani voluntas, qui omne suum jus in Imperatorem transtulit, à causâ Imperatoriæ Potestatis excludi potest; etsi alienato jure suo, desinit esse superior, adeoque solus Deus, ut antea supra populum, nunc supra Imperatorem est.

4. Qui aliter sentiunt hoc tenent; *Populum semper esse plenam omnis Imperii & potestatis Dominum, cujus libertas dispositio, proprietas & ususfructus ad corpus consociatum, id est, ad populum totum pertineat. Principis autem non esse parem cum populo potestatem, sed longe minorem & inferiorem, quæ ex Re-*

gum, id est, populi arbitrio & præscripta pendeat, ut mandatarii, sunt verba D. Althusii d. cap. 19. n. 12. & 13.

5. Argumenta, quibus utuntur, varia sunt. Primum & palmarium, quod qui alium constituit, superior sit constituto, neutiquam universale est.

6. Fallit enim in his, *quæ primo voluntatis, postea sunt necessitatis, ut in eo, qui se domino sponte mancipat, omnique die in matrimonio videmus, quo mulier eligens virum, non desinit inferior esse electo, idemque in adolescentibus curatores suos eligentibus l. 2. §. 4. & sequ. n. de His qui per. tut. & curat.*

7. Nihilo firmiorem illud argumentum, habet sequelam, *Reges sunt propter subditos, ergo sunt superiores; Brut. vind. contr. tyr. qu. 3.* Quod vel pupilli & tutoris exemplo, apparet ex eorum genere esse, quæ sæpe, non quæ semper obtinent.

8. Atqui Apostolus eodem argumento utitur, ut probet mulieris subjectionem

ncm

nem infra vitum 1. ad Corinth. 21. Sed non tam probat exinde rem alioqui dubiam; quam mulieribus hanc rationem inculcat, ut intelligant, habere se causam æquo animo ferendi jugum, quod his natura & institutio divina imponit.

9. Tertium argumentum; *Potestas imperantium pendet atque profecta est à voluntate populi, qua non præsumitur hæc esse, ut universi unius imperio subjiciantur d. tract. & quest. 3. Resp.* Quæstio voluntatis non debet admitti, quando de facto constat. Populus, qui transfudit imperium, jus omne suum abdicavit, idque dedit optimatibus aut Regi; hoc autem erat ejusmodi, ut omnes teneret; non potest igitur quæri, an fecerit, quod factum esse videmus.

10. Imo voluntas è verbis colligi debet; hæc ubi indefinita sunt, voluntatem quoque universalem oportet accipiamus. Quod si respicias ad ea, quæ cap. 1. & 3. b. v. sect. à nobis dicta sunt, intelliges, ne quidem præsumptæ voluntatis causas in eaparte deesse, quam nos tuemur.

11. Firmius esset argumentum, si probare possent, quod supponere videntur, imo præ se ferunt ita; Imperium esse rem inalienabilem. Sed cum ipsa libertas, quæ est maxime naturalis facultas, & dominium rerum jure Gentium alienari possit, quare Imperium, salva libertate & proprietate rerum, alienari non possit, nihil profertur.

12. Quarto loco, alii volunt, *Mandati obligationem inter populum & Imperantes intercedere, quo fiat, ut hi tanquam mandatarii teneantur ad rationes sua administrationis reddendas populo, mandatori, sicut differit D. Alibufus Profocer meus. cap. 19. Polis. n. 12. & passim.*

13. Verum, an secus hoc sit, pendet ex eo quod populus egit; Quominus

enim mandare possit, dubium non est: Sed tum manet *Democrasia*, id est, *populare Imperium*, modo tantum administrandi variatum.

14. Si vero det & transferat suum jus, nec ipse ullos disponendi actus circa ea, quæ dedit, retineat, res loquitur esse alienationem. Nec aliter *Aristocratia* vel *Principatus* formari potest.

15. Non ubicunque Electio & constitutio voluntaria Rectoris celebratur, ibi intervenire mandati obligationem, maritalis & Curatoria potestas abundè significant.

16. Imo verò, sæpe, ubi imperium simpliciter defertur, nullum pactum inter Imperantes & subjectos initur, proinde nec mandatum: sed tum fœdus, quo subjecti ad obsequium obligati sunt, est compromissum inter singulos cives, non inter hos & imperantes, ut ex iis quæ in cap. 3. & 4. b. sect. exposita sunt, intelligi potest.

17. Sed hoc à *mandato* argumentum pluribus in *differit. de jur. Imperii*, quod in calce hujus libri subjicietur, persequemur.

18. Utuntur adhuc alio argumento. *Quem quis representat, is hoc est inferior. Optimates & Reges populum representant.* Sed prius dicere deberent, quid esset representatio, terminus arbitrius. Sumitur à Jurisctis pro substitutione in locum & in jus alterius; plerumque ita, ut in eum qui subit & representat alium, jus prioris sit translatum, sicut heres representat defunctum, emptor auctorem suum.

19. Ita Imperator Romanus representat populum, cujus omne jus habet in se translatum; etsi verum est, mandatarios & legatos etiam vulgo dici representare delegantes; Terminus igitur hic nihil decidit; à natura negotii dependet, quod in Imperio simpliciter dela-

non esse mandati, sed alienationis, antea demonstratum est.

20. Pergunt; *Per absolutam potestatem tollitur Justitia, qua sublata, regna sunt latrocinia & perfringuntur repagula, quibus observata est humana facies;* sunt verba D. Althusii *Polis. c. 19. n. 10.* Ad hæc primo sic est habendum; Absolutam potestatem esse necessario in democratiis, veluti Romæ ac Athenis, & in Aristocratii laxioribus, ut est apud Venetos & Belgas; ubi tamen illi incommoda non reperiuntur: uti nec in omnibus monarchiis absolutæ potestatis, ut sub Augusto, Vespasiano, Tito, Nerva, Trajano, Hadriano, Antoninis aliisque Romanis Imperatoribus, qui æquæ absolutæ potestatis fuerunt ac alii jure suo abusi.

21. Præterea, hæc ad prudentiam pertinet objectio, cujus à jure separata ratio est. Aliud enim est quærite, quæ sit optima Reipubl. forma, & aliud, quæ sit facultas Imperii: Laudamus populos, qui non omne jus in Imperantes transferunt; qui transulerunt facto, iis jure non licet nobis reservare jus, quod volentes amiserunt.

22. D. Althusius. *Talis potestas absoluta non respicit utilitatem & salutem subditorum, sed voluptatem privatam.* Quod negatur, scilicet adsumptum. Non desunt populi, qui absolutam potestatem elegerunt, ut remedium bellorum civilium & confusæ administrationis; sicut Hebræi olim tædio insolentiæ filiorum Samuelis, & Romani lege Regiæ, & nostro tempore Dani, liberè fecerunt.

23. Prudentissime an illi fecerint, alia rursus quæstio fuerit. Non derogat absoluta potestas officio Imperantium pio & recto. Etsi periculum tyrannidis illic in proclivi esse fatemur; ut in mixto & obnoxio imperio periculum à dissensionibus & à bellis civilibus.

24. Pergunt; *Nullo unquam regnum, nulla unquam Reipubl. instituta fundataque fuit, nisi utro citroque habito initoque contractu, pactisque inter subditos & futurum eorum principem conventis & obligatione mutua constitutis, quam utroque religiose conservarent, & qua violata, potestas illa evanesceret ac tolleretur,* verba D. Althusii *d. cap. 19. n. 15.*

25. Responsio est negatio facti. Præmo enim præterque Aristocratia, quibus idem jus est, quod Regnis, sine tali mutua & speciali conventionione sunt constituta; quæ admodum nullæ tales in hodiernis Venetorum & Belgarum Rebus publicis, quæ Optimatum jure reguntur, extant. Nec etiam in regnis simpliciter constitutis, ut populus Romanus in Augustum transtulit omne jus suum *l. 1. n. de const. Prin.* idque Dari nuper imitati sunt; absque ullis conditionibus aut conventionione speciali, translationem Juris universi limitante. Ubi extant ejusmodi conventioniones, ut in Germaniâ, in Angliâ & alibi, illic eas inanes esse non debere, fatemur.

26. Instat D. Althusius, *Quod si vero populus seu Resp. omne suum jus & imperium in summum Magistratum consulit, ut dicitur in l. 1. n. de Const. Prin. aut summam illi potestatem, sine omni reservatione, vel exceptione & conditione dedit, tum verba generalia secundum subjectam materiam accipimus, ita, ut qualis est natura Imperii seu principatus, talis etiam istorum verborum generalium sit interpretatio. Natura verò magistratus & Imperii est, ut libertatem subditorum, non Imperantis commodum respiciat, & secundum rectam rationem & justitiam administret Rempubl.*

27. Non opus est, ut solliciti sint hujus sententiæ Auctores de interpretatio de Imperii simpliciter delati. Sola mandata quæ etiam, simpliciter & cum libe-

ra po-

ri potestate defertur, hypothesis, quam in omni constitutione Imperii supponunt, sufficit ad redigendos Imperantes, semper à populo dependentes, in ordinē & ad rationes reddendas compellendos.

28. Quod si alienationem esse concedant, nemo negat; Impetantes teneri ad commoda subjectōrum curanda, jusque delatum bene exercendum. Sed non ideo qui jus suum alienavit, alterum quem dominum fecit, ad rationem juris sui reddendam adigere potest, vel eo privare, si male etiam contrarie exercat.

29. Plus valoris inesse videtur petito è sacris literis argumento; Ubi foederis inter populos & Reges longe alia quam nos collocavimus, ratio esse videatur.

30. Foedus esse (ponit ita Junius Brutus in *quest. 2.*) *inter Deum, populum & Regem, quod futuri sint populus Dei.* Cujus sanctio sit, *si perseveraveritis in malitia, tam vos quam Rex vester peribitis.* 2. Reg. cap. XI. v. 17. & 2 Chron. XXIII. v. 16. 1 Sam. 4. 12. v. 16. 17. & ult.

31. Duos hic esse volunt reos promittendi, qui in solidum singuli obligentur, Regem & populum; *ut de duobus reis nota juris est doctrina tit. 4. & Inst. de duobus reis;* nempe Universalitate hominum unius personæ vicem sustinente.

32. Regem igitur, si populus legem Dei violet, teneri ad hanc promissionem integrè præstandam. Proinde ad cogendum quoque populum, uti stet promisso, puniendumque, si quis fidem rumpere sint ausi.

33. Quod si negligat Rex, ita juris esse, *ut ipse culpa totius Israël teneatur;* quippe inter duos reos ita leges dicuntur, factum alterius ut alteri noceat *l. pen. 4. de duob. reis.*

34. Sic populum quoque, deficiente

tem Regem quasi è fugâ retrahere & coercere debere, *eadem ratione.*

35. Ni faciat, tore uti populum delicta Regis luere oporteat, ut contigerit in perfidiâ Saulis adversus Gibeonitas, & Davidis in censu populi aliique similibus: *lib. 2. Samuel, cap. 8. & ult.*

36. Qui ad promittendum, is etiam tenetur ad præstandum; qui ad hoc, is ad media quoque jus habet. Absurdum fore, si populus ad præstanda luedaque Regis facinora teneatur & impedire illa non possit; *cum alio id quod potest, nemo teneatur.*

37. Ad hæc nos ita; Mirum videri, quod Samuel populum non cohortatus sit, ut foedus cum Deo in initum adversus Saulum exqueretur. *Quod quidem facere debuisset,* si plebes tanta sub poenâ ad hoc ipsum teneretur. Miram videri stultitiam Davidis, qui Regem impium, cum possit, tollere sit veritus.

38. Plane id verum est, populum vâ foederis cum Deo pacti, non debuisse Regibus obedientiam, in tantum, *ut contra leges ipsius delinquerent.* Sed nihil profertur, quare populus defendendi reus in solidum fuisse dicendus sit.

39. Quippe in delictis contra leges admissis; obligatio ad poenam non egreditur personas delinquentium. Quæ tam juris divini quam naturalis & civilis notissima regula est. *Deuterom. 24. v. 16. Exech. 18. v. 20. 11. Reg. 14. v. 6. 11. Chron. 15. v. 5.*

40. In juris quoque disciplinâ inauditum est, duos reos in maleficia per conventionem expressam constitui; Accidit quidem, ut plures ex eodem delicto in solidum teneantur; sed hoc singuli suo facto, non paciscendo vel promittendo contrahere solent aut possunt, quod *Brutus* istum jurisprudentiæ generis fugere non potuit.

41. Idem, utrumque correptum vult obligari.

obligatum fuisse in solidum, si per ipsum staret, quominus alter foedus servaret, neque cogeret deficientem ad fidem servandam; At hoc perinde impingit in juris principia: Nam duo correi suo nomine singuli in solidum tenentur, sine respectu ad alterius negligentiam vel perfidiam.

42. At qui tamen & ipse ita statuit, iniquum fore, populū ex delicto regis teneri, si nihil ei negligentiae possit imputari; Proinde vult eum teneri, si Regem ad foedus servandum cogere neglexerit. Imo si populus esset Correat, teneretur etiam directē, sine respectu ad negligentiam in Rege compellendo: nam sic est nota juris doctrina, correos teneri singulos in solidum, sine relatione ad alterius factum vel culpam. Hoc igitur argumento est, rationem à correis debendi petitam heic infeliciter applicari.

43. Imo vero, Juris ratio dicitur, quod in contractu à pluribus inito, nunquam aliter quam pro parte virili actio in singulos nascatur; *Nisi expresse quilibet in solidum se voluerit obligatum*, Quod in foedere Dei cum Israël non legitur esse conventum.

44. Sane obligatio foederis quemque non tantum pro se, sed & pro iis, quos habebat in potestate, devinciebat; Quatenus ipsorum neglectus argui posset.

45. Unde parentes pro liberis, domini pro servis, Reges & Magistratus pro subjectis merito tenebantur; Scilicet non omni modo, etiam manu & vi suorum impietatem cohibuissent.

46. Non, quod ex illorum delictis, sed ex proprio peccato, conniventia exitiabilis, contra officii sui rationem, tenerentur.

47. Non eadem ratio vicissim liberos pro parentibus, servos pro dominis, subjectos pro imperantibus faciebat obnoxios; Ed quod vi & armis adversus

eos, quorum ipsi in potestate erant, experti non essent: Siquidem ipsa res loquitur, diversam utrinque esse officii rationem.

48. Præterea, videtur esse verius, Populum in fontem, *ob peccata Regum fuisse puni- tum* id nusquam probari. Nam vix est, ut in exemplis modo projectis, & si quæ alia publicæ administrationis delicta in plebem expiata sunt, subjecti se non participes, etiam committendo, fecerint. *Grot. lib. 1. c. 2. §. 10. in fin.*

49. Quamquam, si maleficia publica eorum quos sibi rectores imposuerunt, temporalibus malis in populum redundarent, id ab hominibus injustum censeretur vix posset; Cum hoc, more nec non jure Gentium omni die fiat & exerceatur, *ut facta Imperantium Civitas præstat.*

50. Sed nihil vetat respondere, pestem atque famem, fuisse mala, quibus Deo placuit ad populum suum visitare, *propter alia peccata*, quorum materia non defuit; ut necesse non sit, dicere, populum Israël luisse meritum Regis, quod is maleficio personali suo contraxerat.

51. Cum autem populi afflictio Imperantes maximè lædat, executio poenæ adversus populum facta per occasionem delicti è Rege commissi, non potest non haberi *pro parte poenæ* Regi intentatæ: quemadmodum mala liberorum etiam post obitum Parentum, poenæ loco, respectu defunctorum, haberi possunt, Etenim *quædam* inquit *Aristoteles*, *si τῶν ἀγαθῶν τῶναι τῶν κακῶν ἢ οὐδὲν ἴσασθαι* 2. Videntur enim casus prosperorum ad prospera vel adversa mortuorum pertinere. I. ad Nicom. c. 11.

52. Quid vero tandem? Populus ob male consulta Regum & optinatum bellis affligitur; Ergo se consiliis publicis ingereret, neu quid perperam fiat, interce-

tercedere potest, manu quoque & vi armata? Pulchram mehercle jurisprudentiam! theologicum an sit, ut illi volunt, alii viderint.

53. Nonne & David obnoxium se populo, ob adulterium & homicidium fuisse negat, quando *soli Deo se peccasse* profitetur. *Psalm. 51. v. 6?* Negat id D. Coccejus *add. v. 6.* & miratur, fuisse homines doctos, qui ex his verbis ita collegerint. Etsi ille rationem reddens, quur David se Deo peccasse dicat, non explicet, cur reduplicando *Tibi, tibi soli*, לך לבדך ingeminet.

54. Certe in his verbis, nihil se ex regia dignitate præcipuum habere apud Deum, evidenter indicat; nec id agit, ut Regiam sublimitatem suam extollat, uti recte Coccejus, quasi dicere voluerit; *nemo hominum me judicare potest, sum æquus, æquus, Judex ipse supremus, nulli obnoxium.* Id enim instituto humilitatis ejus minime conveniret. Sed ita, sis, accipe *Tibi peccavi, tibi soli*; Quid prodest mihi, quod Rex sum? *Tanto gravius deliqui*; *Si ab hominibus essem puniendus, a liquâ parte satisfacerem: nunc ira tua*

tremenda mihi tota incumbit. Pars humiliationis est, quod regii characteris oblitus eique renuntians, se Deo soli, sine exceptione, subjicit ac insinuat.

55. Ex supra dictis abunde liquet; Inter Magistratus præcipuos & ex plebe singulos, quod ad subjectionis legem in Imperio simpliciter constituto attinget, nihil esse discriminis, secus ac *Politici & Theologi* plures volunt.

56. Qui non satis animadverterunt, Magistratus esse ministros Summæ potestatis, ab illis suum jus adeptos & perpetuo dependentes; Ut imperium in populum jussu Potestatis Summæ; sed adversus hanc ipsam, non nisi parendi obligationem habeant.

57. Melius alii distinguunt inter Magistratus *Regis & Regni*; ut hi sint, qui ab ordinibus populi in partem imperii receptis, mandatum conservandi jus suum acceperint, quales *Ephori* Spartæ, *Senatores* regni in *Polonia*; In quibus gentibus non esse Regiam Potestatem simpliciter delatam, quæ est nostra hypothesis, sæpius indicatum est.

C A P. V I I.

Quo superior sententia confirmatur aut illustratur, ex jure Romano & literis sacris.

Fundamentum probationis ex jure Rom. positum, primò, in *l. 1. §. d.* Constit. Princ. ubi, populus omne suum jus in Principem contulit, cum quo dicta aliorum è veteribus collata, item de Regulâ, quod Princeps sit Legibus solutus. Additur è Sacris argumentum juris Regii à *Samuele* expositi. *l. 1. Sam. cap. 8.* De cujus interpretatione differitur.

Placet his rationibus ex sanâ philosophia petitis, subungere probationem sententiæ superioris ex jure Roma-

no & è sacra scriptura, quæ sunt duæ præcipuæ auctoritates, quibus in hoc genere liceat uti.

G

2. Summa

2. Summa probationis ex jure Romano petita, est in verbis Ulpiani l. 1. *π. de Constit. Princ.* Unde ita colligimus; *Princeps Romanus tantum potestatis habuit in populum & res Imperii, quantum populus ipsemet antea tenuit & exercuit; Atqui populus Romanus, ante translatum in Cæsares imperium, habuit Liberam nullique subjectam potestatem; Proinde non potest fieri, quin etiam Princeps aequè potestea Liberam & absolutam nullique subjectam potestatem habuerit.*

3. Prima positio fundata est in ipsis Ulpiani verbis; *Populus ei & in eum omne suum imperium & potestatem contulit. d. l. 1.*

4. Ambigunt Interpretes, quo pacto hæc verba, *ei & in eum* sint accipienda, quibusdam volentibus, in iis esse reduplicationem ejusdem sensus, majoris efficacitæ causa, stylo curiali Romano non insolitam; ut translatio Imperii in principem facta fortius intelligatur. Alii verba *in eum* accipiunt pro *in se*, quemadmodum Theophilus *κατὰ τὸ δῆμον* & plerique interpretes arbitrantur, pari sensu quo Seneca *Epist. 14.* dixit, *Singuli, quibus potestas populi & in populum data est.*

5. Utram interpretationem ut veriorē præferre oporteat, necesse non est heic eam litem faciamus nostram, quoniam utrovis sensu, argumentum nostrum robur suum obtinet; *populus omne suum imperium & potestatem contulit in principem.* Quod idem Justinianus adfirmat in §. *sed & quod principi 6. Inst. de jur. nat. gent. & civ. l. 1. §. 6. C. de Vet. jur. enucl.*

6. Non ignoramus esse, qui hujusmodi translationem in Principes Romanos unquam esse factam negent, eamque rem à Justiniani ministris falso esse proditam & per *ἰμβολίαν*, Ulpiani verbis in *d. l. 1.* esse adjectam. Sed hæc

exceptio à nobis copiosè refutata est in *part. 1. Digress. l. 2. c. 16. & seqq.* Nec aliud ab Historicis veteribus esse traditum, quam à Jctis, satis apparet, ex his inter alia locis. *Dion. lib. 50.*

7. Cæsares *πῶσι τὸ βασιλείας ἰχθὺν ἐθελοῦσι*, omni regia potestate præditi sunt, et si *τὸ κρῖ τ' ἀνάμφορμῶν*, nominis inviolam detrectarunt. Idem *lib. 60.* Senatus P. Q. R. Claudio *ἰσχυριστῶν αὐτοκρατορεῶν ἀρχῆν καὶ ἰαυτῶν καὶ τῶν νόμων*, decreverunt ei Imperium, per se & in leges; verè summam potestatem, ut *ὅσα βύλοιτο ποιεῖν, faceret quicquid vellet, καὶ πῶσ' ὅσα μὴ βύλοιτο μὴ πρόβη;* Nec faceret quod nollet. Quæ nihil est aliud quam potestas Libera & absoluta. *Omnis potestas in unum collata* apud Tacitum *1. Histor. 1. Jus arbitriumque omnium rerum*, Sueton. *Cal. c. 14.* *Πολίμω καὶ εἰρήνῃ καὶ ἡσυχίᾳ Pacis & belli dominus est factus Augustus* Strab. *lib. ult. in fin.* Nec ulla parte plus est, quod Juris auctores legi Regiæ adscribunt; et si nomen Regiæ legis serius esse repertum & de principibus Romæ prædicatum concedimus; Populi tamen voluntas absque Senatus consulto & lege non potuit edi vel promulgari.

8. Porro, Altera positio superioris argumenti, quod *populus antea liberam & absolutam potestatem habuerit*, tam evidens est, ut probationis non indigeat; nam sicut quisque privatus, *liber est arbiter & moderator rerum suarum* l. 21. C. *Mandat.* habens perfecte liberam de se suisque rebus disponendi potestatem, ita populus universus de universitate rerum suarum eandem habet arbitrii & disponendi libertatem.

9. Nec est in mundo, qui actiones liberi populi (nam talem ponimus nullius alterius potestati subjectum) impedire vel coarctare possit: Proinde nihil est quod conclusionem impedire queat, *Princeps Romanus habuit liberam & abso-*

Et absolutam nullique subjectam potestatem

10. Hæ rationes ex jure Romano rectaque ratione propositæ sacris etiam literis conveniunt; passim enim in veteri novoque testamento sparsa videmus monita de obsequio Regibus & Potestatibus præstando, non tantum bonis & æquis, sed etiam duris & difficilibus, *Pet. Epist. 1. cap. 2. vers. 18.* nec usquam limitationes occurrunt aut exceptiones, quibus liceat civibus, se opponere dictatis regnantium, eandemque veterum Christianorum fuisse disciplinam Grotius in *lib. 1. de jur. b. & p. c. 3.* pressè approbavit.

11. Nec adeo nefas sit dicere, Principes simpliciter constitutos habere jus, id est, potestatem sibi delatam, singulos cives male mulctandi, quin etiam vitâ bonisque spoliandi, ex autoritate sacrâ, licet hoc *ὁμοῦ ἰσχυροῦς, potentium dicti* multis videatur; *Non ut injuria ac insolentia principum, bona justaque fiant vel nefaria esse desinant, sed quia crues obligentur ad patientiam,* nec ideo se principum imperio subducere vel iisdem vi resistere possint.

12. Probatio scilicet, est à loco vulgato *Lsb. 1. Sam. cap. 8. vers. 9. & 11.* qui utcumque decantatus & variè explicatus, nec ideo magni plerisque momenti videatur, heic tamen omitti non potest. Populus Israelis, qui adhuc gubernatus erat manu divina per Prophetas Judicesque cœlitus inspiratos, coepit insolescere & averfari illud invisibile sceptrum, quod mente solâ venerari poterat. Regem petere vicinarum gentium exemplo in animum induxerunt, eaque gratiâ Samueli non sine convitio frequentes molestias creaverunt; nam ille gnarus, quantum è religione peteretur, & metuens, ne Deus populum suum desereret, huic petitioni restitit, donec à Deo

juberetur iis morem gerere; quod facturus, jussu Dei proposuit universo populo, quæ potestas Regis, quem sibi postulabant, esset futura; *hoc erit,* inquit Samuel, *jus regis, qui vobis imperabit, eripiet vobis filias & agros vestros ac dabit servis suis,* ac ita porro.

13. Jam dixi, quale jus ibi sit intelligendum, non æqui pique regis officium, quod longè aliter describitur in Deuteronomio, *Cap. 17. v. 14. & seq.* sed consuetudo dominationis, *qua tamen juris effectum haberet in subjectos imperio,* quatenus eos obligaret, ut diximus, ad patientiæ legem.

14. Nam alterutrum necesse est; Aut Samuel hanc regis potestatem exposuit, ut populus sciret, quid patiendum foret, aut hac mente fuit, ut animaret ac instrueret eos ad oppositionem.

15. Sed posterius a scopo, quem in hoc textu habuit, alienum est; id enim egit, ut populum, si potis esset, a rege petendo abstereret, quod assequi non poterat, si præmonuisset eum, quid a rege non esset ferendum; sed ad illum finem pertinebat, docere, quid patiendum foret. Quin ipsa verba manifesto præ se ferunt hunc sensum, *hoc erit jus Regis.*

16. Satis constat, interpretes esse, qui hunc locum aliter reddiderint, quam vetus interpretes Latinus; vix aliâ ratione, quam ex hac præconceptâ sententiâ, *quod populus universus, semper & indistincte Rege sit superior;* proinde quod totus populus, ad injurias regis patientias non teneatur.

17. Verba textus *vers. 9. 11. & seq.* *וְהָיָה כִּשְׁמֵךְ הַמֶּלֶךְ אֲשֶׁר יִמְלֹךְ עָלֶיךָ* quod Lxx. verterunt hoc modo, *ἡ δὲ δυνάμις τῆ βασιλείας, ὡς βασιλεύουσιν ἐπ' αὐτοῦ.* & deinde *וְהָיָה כִּשְׁמֵךְ הַמֶּלֶךְ* Hoc erit jus &c. Ita vetus Interpretes latinus omnesque antiqui, *τὴ δυνάμις τῆ βασιλείας* reddunt,

dunt, *jus Regis*, ut & Lutherus *Das recht des Königs*.

18. Sed recentiores plerique in alia omnia, non sine gravi ratione, quam Sixtinus Amama in *antibarbaro Biblico* & ex eo Interpretes Belgæ ad *d. locum* exponunt.

19. Si hoc jus regis esset, quod illic à Samuele exponitur, ajunt, *eripiet vobis filias & agros vestros & dabis servis suis*, Achabus non peccasset, cum Nabotho vineam suam auferret.

20. Ideo vertunt Tremellius, *Ratio Regis*, Scaliger *1. epist. 15. Modus Regis*. Belgæ recentes, (nam antiqui sequuntur Lutherum) *de wijse des koninks* / ut etiam Piscator *des konings wijse*. Diodatus in Italica versione, *la maniera*, Anglus *the manner*, Genevenses *letraiement*. De Valera tamen Hispanus etiam reformatus habet *el juicio*, & in notis *el derecho*, quod utrumque jus significat, at cum aliquo discrimine; quemadmodum *δικαίωμα* potest intelligi cum aliquo discrimine & *δικαίω*, ut *δικαίωμα* sit jus æquisitum.

21. Notum est, jus significare vel regulam æqui & boni, & hoc est, *τὸ δίκαιον*, vel facultatem inde derivatam, quæ comparata est ad aliquid jure habendum vel agendum; hæc est *δικαίωμα*, ut *jus patris*, *jus dominicæ* potestatis. Quod dominus facit ex patriâ, ex heri-potestate, id jure facit & hoc *jus* ejus dicitur, *δικαίωμα*, inquam, sed non omne *δικαίωμα* est *δικαίον*, non omne jus alicuius competens, in hypothesi justum est.

22. Cum Pater filium nil mali meritum verberat, jus habet ita faciendi & filius id pati debet; sit inter patrem & filium *δικαίωμα*, non est *δικαίον*, non convenit æquo & bono. Quando *Pætor jus dicit*, hoc habet effectum indistincte, sive *æquum* sive *iniquum* sit, semper est *δικαίωμα* Victoris, etiam judicis,

non tamen est *δικαίον* *l. 11. ff. de Inst. & Jur.* hæc etiam *antea* innuimus.

23. Ergo nihil opuse est, ut à celebriori significatione vocis *δικαίον*, quâ *jus* significat, tam usu quam etymologiâ, abeamus; quasi notum facere vellemus civibus; eos non teneri ad perpetiendas regum injurias; sicut profecto minime tenerentur, si Principes nullum *jus* agendi violenter cum subjectis suis haberent.

24. Quin si loca, in quibus *τὸ δικαίον* alium sensum habere dicitur, inspicias, videbis in iis sensum ejusmodi esse, qui notet modum *prescriptum* & obsequendum, à lege non alienum, ac inde civili translatione derivatum.

25. Enimvero jam liquet, nullius momenti esse objectionem, quæ ab *exemplo Achabi* adversus *Noborum* similibique desumitur. Quippe jus illud Regium, quod diximus, non tollit impietatem diritatemque facientium injurias, sed tantum *obligat ad patientiam* cives.

26. Idque *Samuel Hebræus* ob oculos posuit, explicando, cujusmodi jugo se subjicerent; Propheta non derogat hisce verbis ullo modo legibus à Deo prescriptis officio Regum, qui secundum suam voluntatem populo essent presuturi; sed docet, eos ita animos inducere oportere, ut scirent non modo parendum esse *τῷ ἀρχαῖο καὶ ἡγεμονίῳ, ἀλλὰ καὶ τῷ σκολιῷ*, non tantum bonis & æquis sed etiam iniquis, ut *Petrus epist. 1. cap. 2. v. 18.*

27. Equidem si hac mente non fuerit Samuel, hoc fore *jus Regium*, quod commemorabat, oportet ejus fuisse consilium, ut indicaret, jus fore populo, se Regibus talia facientibus opponendi, quod, ut diximus, instituto ejus adversabatur.

28. Denique, nulla ratio suadet, ut Prophetam ad universum populum verba facienterh

ficientem credamus aliter usum esse verbo, quam fere semper usurpatur, idque in ejusmodi occasione, quæ nihil minus quam lulum in verbis ambiguis ferebat.

29. Duplex igitur est Jus Regium, alterum spectat ad populum, ejusque officium in parendo patiendoque comprehendit. Alterum præscribitur in cap. 17. Deuteronomii v. 15. & seqq. ac complectitur officium boni piique Regis in imperando adeoque pertinet ad ipsum Regem, qualis Homericus Rex

Ὅτι οὐδὲν δὲς ἴσας μὲν ἰπποτίων το-
κῶν

Ὅτι τὰ πῆλα ἔκαστος, εἰδὲ πῆλα
ἔς δὲ μῦθον, ἢ ἢ δὲ καὶ γὰρ ἀνθρώ-
πων.

Qualis apud veteres divus regnabat Ulysses,

Qui nulli civi dicto factove nocebat;
Scilicet, hoc hominem Disimmortalibus
æquat.

30. Non utimur tamen sententiâ recentiorum Grotii Interpretum, Ziegleri, Boecleri, Henningii & aliorum, qui non contenti illo jure injusto, sed quod obliget ad patientiam, ex eâ quam Grotius habet interpretatione; statuunt illud jus regium esse verum & solidum jus, non minus ac quisque dominus habet in prodigâ donatione, vel alius quilibet in rebus suis abutendis, quod etsi non recte & laudabiliter fiat, ex jure tamen pleno & perfecto fit.

31. Hujus rei dijudicatio pendet ex eo, quod infra demonstrabitur, utrum Herile imperium ex voluntate populi Israëliti constitutum sit, an Regium proprie dictum.

32. Inter has enim species, hoc interest, quod in despotica sive herili Imperio monarcha sit dominus & subjectis

utitur ut servis; in Regio, intelliguntur Rector & cives, qui libertatem personarum & proprietatem rerum habent salvas & imperio exceptas, quæ in dominatu utraque monarchis expositæ sunt.

33. Quomodo Turcæ & Persæ omnesque Orientis Imperatores, indicta causâ, cives necare bonisque spoliare possunt, nec in eâ re potestatis suæ limites excedere creduntur, secus ac in Regnis civilibus, etsi liberæ & absolutæ potestatis, obtinet.

34. Cum autem in Imperiis Christianorum, etsi absolutis, non herile, verum civile jus obtineat, sequitur, Imperantes extra causam publicæ utilitatis veram non fictam, res & personas civium nullo modo lædere posse, tametsi privatis resistendi facultatem ob ejusmodi excessum non dari, dictum sit antea & dicendum sit infra.

35. Nec aliter ab Israëlitis consultum fuisse putamus. Populus enim recens libertatis, suâ vanitate & odio filiorum Samuelis, Theocratix pertæsus, ita quidem regnarivolebat, ut servire tamen non cuperet; quemadmodum, Salomone præferta mortuo, & aliis semper eximie demonstrant.

36. Verum est, illos petiisse Regem ad instar vicinorum, qui despotico omnes Imperio regebantur: sed non qui in genere monarchico cæteris æquari voluerunt, etiam in speciem monarchiæ ab ipsorum ingenio alienissimâ consenserunt.

37. Teneamus igitur, Prophetam ad deterrandos Hebræos, instituta Regum Asiaticorum illis proposuisse, quæ juri quidem recto & bono adversa, tamen ipsos ad passivam, quæ dicitur, obedientiam essent obligatura, non ad jus aliquod verum Regibus impiis tribuendum.

C A P. V I I I.

Continens monita quadam ad usum precedentis disputationis.

Sæculum hoc imprimis esse monarchicum & despoticum; libertatem vero pretiosam & auream, proinde summâ curâ custodiendam. Si transferendum sit imperium in Optimates, dandam esse operam, ut ea sit aristocratia laxa potius quam oligarchica. Potestatem regnantium in Aristocratia solere absolutiorem esse, quam in Regno. Imperia dura, licet populum obligent ad patientiam, non tamen desinere esse injusta; quin etiam infirma. quotquot prudentes sunt Principes, eos sibi ipsis leges dicere, ut auctoritati suæ consulant.

Quanquam in hac Arte non agimus de iis quæ ex usu, sed de his quæ juris sunt, monita tamen nonnulla de superiori sententia, cautionis ergo, collocanda videntur, tam de eo quod utilitas imperantium subditorumque videtur exigere, quam de ratione juris, quâ jus Imperii absolutum temperari possit.

2. Quod hoc seculo vel maxime necessarium, quatenus Principes in id quasi conspirasse videntur, ut & liberos populos subigant, & sibi subiectos omni jure, quod adversus summum Imperium acquisiverunt, excutere, & ad ultimam servitutis patientiam adigere possint.

3. Videndum etiam, ne Doctores Imperantibus adulari potius quam veritati litare videantur, cujus rei causam nos quidem eo longius habemus, quo in gente vetustissimæ libertati sventâ omnique principatus; jam à centum & quod excedit annis ignarâ, vivimus.

4. Ergo omnium primo faciendum est populis liberis, ut cogitent, quam res cara sit ac pretiosa libertas, quantoque oneri periculoque se supponant, qui voluntati suæ circa communium rerum administrationem renuntiant aliorumque arbitrio se suaque ita committunt, ut quaslibet injurias propriâ voluntatis lege

pati cogantur; Proinde, quantâ cum sollicitudine constantiaque pro libertate vigilare, laborare, denique, si opus sit, depugnare debeant.

5. Quod si regimen populare commo publico adversum sit, ut fere contingit, operæ pretium est, animum advertere, ut Aristocratia quam proximè ad Democratiam accedens constituatur, modusque administrandi sic adtemperetur, ut inter licentiam Procerum & confusionem multitudinis mediâ viâ procedatur, quod ut difficile, sic non esse adversatorem, exempla tam nostri quam superiorum temporum fecere fidem.

6. Enimvero non debent ignorare populi, sicut potestas optimatum ex lege delati Imperii, non differt à potestate monarchicâ, sic etiam modum administrandi plerumque intentiorem & absolutiorem esse in Aristocratia, quam in monarchia.

7. Quia Reges multa cum Proceribus communicare solent & sæpe coguntur, Optimates cum plebe nihil communicant, sed plebis voluntatem suo arbitrio liberè valdeque complectuntur: hoc saltem interest, quod periculum tyrannidû in Aristocratia minus sit quam in unius Imperio.

8. Proinde

8. Proinde plebi, antequam se exuant jure libertatis, sollicitè videndum, quo pacto *jura sui ordinis contra optimatum ambitionem stabilire* debeant, ne postea seditionibus opus sit, ut olim Romanis usu venit.

9. Quippe, non modò in regnis hæc quaestio de vigore summæ potestatis ventilatur; sed & in Aristocratiis, vel maxime; sicuti superioribus annis, etiam in vicinia vidimus, Optimatibus æque plenam absolutamque potestatem adscribi, quam ullus Monarcha postulet, ut videre licet in laudato *alias tract. Grafwinkelii de summâ Potestate Ordd. Hollandiæ.*

10. Nec ferendi sunt, qui de jure disputantes, *Reges quidem esse volunt mandatarios populi*, optimates autem ut populum repræsentantes totumque jus ejus habentes considerant.

11. Nam aut Imperium in se *democraticum* est, modusque administrandi duntaxat *aristocraticus*; aut forma Reipubl. *totâ in sese Aristocratica*. Si prius, optimates tantum sunt *Magistratus*, hoc est, veri populorum ministri; si posterius, delatio Imperii non potest aliam rationem habere quam in Principatu; nec enim ratio fert, ut quicquam intersit, quoad efficaciam juris, inter translationem, quæ fit in unam *Personam*, & quæ in unum fit *Collegium*.

12. Quo autem majus est in monarchiâ, quam in Aristocratiâ periculum tyrannidis, eò magis intentos oportet esse populos, obsepiendæ viæ, qua Principes ad tyrannidem & arbitrariam potestatem grassari vel obrepere possint; non modo Legibus, quas vocant, fundamentalibus, sed etiam mediis vivis ad impediendum, ne quod Principibus jure vetitum est, ipso facto sibi arrogent ac usurpent.

13. Quandoquidem si in tali statu sint Principes; ut si *velint*, Leges & jura populorum invadere & obterere possint,

statuendum est, hoc ipso esse futurum, ut id etiam *velint*. Nam in Republ. nihil verius est eâ Regula, quam vetus schola negabat, *A posse ad Esse valet consequentia*.

14. Quomodo autè hoc satagendù sit; non est hic edisserendi locus. Id equidem satis constat, omnium usu seculorum; ubi militia perpetua & numerosa mercenaria est in manu & pendet à nutu unius, ibi leges & jura vel libertates Ordinum Populique non esse unius assis; non sane pluris, quam velit is, cujus est potestas armorum; de cujus voluntate quid præsumendum sit, ingenii humani indoles & consuetudo, quam Thucydides esse dixit, *ἡ αὐτοκρατορία ἀρχή; dominari quibus prævalet*, dubitare non sinit. Quomodo autem militaris unius potestas impedienda sit, est *σκέμμε πολιτικός*, non juridicum.

15. Neque tamen opus est adjici, quemadmodum in omni juris disciplinâ regnant exceptiones, si qui forte Principes armorum compotes intra terminos potestatis sibi delatæ se religiose contineant, eos tanto majori laude esse dignos, quo res illa magis excedit ingenii humani consuetudinem.

16. Porro, ubi hæc prudentia deficit, illic etsi jus habeant Imperantes pauci vel singuli simpliciter à populis constituti, sic agendi cum civibus, ut hi ad patientiam obligentur, etiam ubi *δουλοῦς* & inique ab illis imperetur, certum tamen & jam *antea* dictum est, imperia talium Principum nihilominus esse iniusta & sæpe detestanda.

17. Quando enim jus pro *homo & a quo* sumitur, vel pro eo quod Rex facere debet ex præscripto Dei, tunc ille nihil minus quam *jus inique agendi habet*, ut *suprà aliquoties* dictum & huic quaestio applicitum est.

18. Quod si Principes libidinem dominandi officio suo laudisque reputationi præ-

ni præferant, cogitandum illis est, *plerumque etiam populos ita animatos esse, ut legem patientiæ, cui submittere se deberent, adspernari, quam flagitia dominationis ferre malint.*

19. Idcirco non tantum animo, sed etiam securitati auctoritatique lux melius consulunt Principes, qui jus suum eo quod decet *Majestatem suam* publicoque expediat, *metiuntur*; quomodo Imperatores in l. 4. C. de Legibus, cum dixissent, *dignam esse vocem Majestate regnantis legibus alligatum se profiteri*; subjungunt; etenim, *de auctoritate juris, vobis pendet auctoritas.*

20. Hinc Romani Principes, quamquam omne jus populi & in populum habuerint, ut modo intelleximus, vereque legibus fuerint soluti, tamen non modo legibus se vivere profitentur *passim*; sed parum abest, quin etiam jura condant, quibus ipsi Principes subjecti sint aut esse videantur, aded ut Rescripta Principum, juri publico privatove contraria ab omnibus iudicibus refutari præcipiant l. 7. C. de Precib. Imp. off. l. un. C. Quand. Imp. int. pup. &c. Totoque jure ipsa leguntur ea, quæ Princeps facere non posse dicitur, eo quod ordinarii jurisrationibus refragentur.

21. Non tantum igitur prudentiæ, sed & juris est, ne Princeps *ex fortuna sua licentiam tantum usurpet* luxque solius utilitati studeat, cum ad hoc sit constitutus, *in iis iudiciis, quæ sunt in ægypto*; ut, qui elegerunt eum bene beatèque agant, *Socrates apud Xenoph. lib. 3. memorab. à pr.* Idem exigit divinx volun-

tatis auctoritas loco antea citato: *Deuter. 17. v. 19. & seqq.*

22. Concludimus, *illius demum Principis magnitudinem fundatam stabilemque esse, quam omnes tam supra se esse, quam pro se sciunt*, ut Seneca l. de clem. c. 3. idque non modo respectu Dei, qui Reges tam diu regnatos promittit, quam diu jus & fas custodient; sed etiam ratione populorum, qui raro in eo statu, cujus ipsos poenitet, acquiescunt, jugumque, ubi facultas detur, excutere festinant, quod Principes mali ut expectare debent, ita nec ægre ferendi causam habent. Quo sensu capiendum, quod *Thomas Morus* olim elegantibus jambis complexus est;

Quicumque multus vir viris unus præest,

Hoc debet bis, quibus præest.

Præesse debet neutiquam diutius,

Hi quam volunt, quibus præest.

Quid impotentes Principes superbiunt

Quod imperant precario!

23. Idque non modo in legitimis sed etiam in abolutissimis, imo in *herilibus* Imperiis eodem modo se habere verissimum & exemplorum usu notissimum est; quomodo hujus seculi anno XLVIII. *Musrius*, id est, summus Pontifex Constantinopolitanus *Ibrahim* Imperatori diem dixit, ut rationem actionum suarum redderet, *ad quod, exigente populo, Principes tenerentur.* Et cum Imperator eum contemneret, non dubitavit alio decreto pronuntiare, illum, excidisse Imperio & tanquam privatum posse puniri, quemadmodum punitus est, referente *Rigalco in Histor. Turc. ad annum 1648.*

SECTIONO.

SECTION III.

De Summa Potestate Reipubl.

CAP. I.

De summa potestatis definitione & differentiâ.

Definitur summa potestas cum Grotio. Divisio Majestatis in Realem & personalem, Delegantem & Delegatam refellitur, eò quod potestas summa non nisi una esse possit: ideoque, si delegantes acta delegatorum infirmare queant, penes hos esse Majestatem; si non possint, esse eam penes solos delegatos. Summam Potestatem non obligare ipsum, qui habet Summam potestatem.

MUltitudo, quæ nulli subjecta, coit in Civitatem, si quod Imperium condat, hoc esse *summum*, sponte liquet.

2. Neque enim Imperium extra Civitatem habet superiorem, ubi ipsa multitudo nullum talem agnoverat. Nec in civitate potest dici Imperium habere quicquam superius sine contradictione.

3. Quominus tamen certæ Imperantium personæ aliquo modo superiores habere queant, si diserte sit ita constitutum, nihil verat.

4. Interest autem plurimum, scire perfectè, quid sit Summa potestas, quam vulgo *Majestatem* vocant, etsi aliter veteres, quibus hæc vox notat amplitudinem & dignitatem.

5. Sed hodie Theologi, Politici, & Jurisconsulti *summam Reip. potestatem* hac voce designant, καὶ ἰσχύν, sicut & olim in lege Julia *Majestatis* usurpata videtur.

6. Græci hanc potestatem ἡ κρείττων, *Potestatem* excellenter, vel τὴν κρείττοντα *prævalentiam*. Aristoteles κρείττων δόξαν; *Dominantem potestatem*. Philo. μάλιστα δόξαν; *maximum Imperium*. Dion Cal-

sius, Αυταρχίαν, ἀνταρξίαν δόξαν; quasi diceret, jus quo ipse unus potest quod vult.

7. Sed definitione opus est, quam μὲν ἄλλω αὐτὸς τὴν ἐπιπέδου ἰσχύϊν, *magnum ad sequentia momentum habere*, docet optimus docendi magister Aristoteles.

8. Definiatur cum Grotio, *Facultas moralis regendi civitatem, cujus acta nullius humanæ voluntatis arbitrio infirmari possunt. lib. 1. c. 3. §. 6 in pr.*

9. Differentiæ hujus argumento pleaque difficilia Quæstionum, circa hoc caput moveri solita, suis quæque locis conficiemus.

10. Hoc omnium primo ex eâ constat, fieri non posse, ut Summa Potestas ipsa Legibus à se latis, aliter quam observatione voluntariâ, teneatur; quia nemo se ipsum sibi obligare vel cogere potest, nec populus totus quâ talis, nec optimates pariter (singulos enim teneri palam est) neque Rex verè ἀνυπαδύτου; quâ dere dixi latius in *Eunom. Rom. ad l. 31. π. de Legibus*, & mox etiam heic pressius.

11. Dividitur à multis in Majestatem *Realem* atque *Personalem*, quarum illa H univërso

universo corpori civitatis, hæc paucis vel uni Imperantibus conveniat.

12. Sed vitiosam hanc esse divisionem putamus; quoniam, si Majestas sit jus Summum, fieri nequit, ut duplex sit, non magis quam in una linea dentur duæ summitates.

13. Nisi compositam aut mixtam statuamus Rempublicam; sed tales nullas esse vel paucas *alibi* videbimus, & si daretur talis, ibi duplex quidem esset majestas personalis, realis ei nulla posset applicari.

14. Præterea in *Democratiâ* nemo, opinor, dicet, esse duplicem Majestatem, perinde nec erit ejusmodi in cæteris Reip. formis; quippe, vim Imperii non esse aliam in statu populari quam in concilio paucorum, vel personis Regum, *supra* demonstravimus.

15. Potest quidem fieri, ut optimatibus aut principi aliquid detractum vel circumscriptum ordinique diverso datum sit; verum hoc, inquam, ad divisionem Majestatis personalis, non ad distinctionem Realem & personalis referendum.

16. Sed hæc partitio bene convenit eorum sententiæ, qui populum semper retinere proprietatem summæ Potestatis, & Rectores nihil quam exercitium & executivam habere potestatem sentiunt, de quibus sæpe dictum. Hi enim proprietatem illam vocant Majestatem realem; alteram personalem. At tum Majestas non vere Summam potestatem, sed dignitatem potius & amplitudinem ministerii significat; unde vocabulorum quidem proprietas extra usum Artis aliqui non aberrat.

17. Nihil melior est distinctio Majestatis in *delegantem* & *delegatam*. nam si illi, qui delegant Imperantes, horum acta possunt infirmare, nec hi sine eorum mandato quicquam summæ rei statuere queant, planum est, quod delegantes

non transfulerint, sed retinuerint summam potestatem. Legatosque habeant ut ministros, sic ut Ordines *Hollandiæ* Legatos suos ad comitia; qui manifesto nihil sunt aliud quam *Mandatarii*.

18. Si infirmare illa nequeant, palam est, quod delegantes potestatem summam habere desierint; proinde, quod *transfulerunt*, hoc ipsis non recte amplius adscribitur.

19. Ejus rei exemplum præbet *Frisia*, ubi populus suos Legatos mittit ad Comitia, cum plena potestate statuendi quod ipsis è *Republ.* videtur, sine specialibus mandatis, sine rationum redditione vel ut populus Acta delegatorum suorum infirmare queat. Ex quibus rebus esse factam translationem, annuam duntaxat, evidenter colligitur.

20. Scilicet, auctores harum divisionum tenent, in populo universo semper ut dixi, residere summam potestatem. Quod cum ratione supra aliquoties improbavimus, adeoque & divisiones illas rejici consentaneum est.

21. Plane *SUMMAM potestatem* esse unicam duntaxat in qualibet civitate, dictu necessarium est. Unde Patres à *summo* Numine pluralitatem validissime contra paganos removerunt; Ea quippe *Summi* conditio est, ait Tertullianus, *ut nihil illud adequet, nedum superet*.

22. Quod si plures summæ potestates darentur, ab his imperata sæpe contraria, ut res humanæ sunt, proficisci oporteret; quæ res everteret *obligationem & coalitionem*, quæ sunt effecta summæ potestatis; nisi vim obligandi amitteret altera; quæ re non modo summa, sed etiam potestas esse desineret.

23. Erimvero esse Reges, cum quibus optimates aut populi summam potestatem participant, verum est; sed ea res minime duas summam potestates efficit; verum Rex & Ordines in unum

nem summae potestatis, plures quidem, sed non ut plures concurrunt.

24. Non minus liquido constat è definitione Summae Potestatis supra scriptae, neminem eam habere vel exercere posse in semetipsum; sicut implicat contradictionem, ut quisquam se ipsum sibi ipsi obligare, vel se ipsum cogere possit.

25. Enimvero potest Summa Potestas se aliis obligare; primo quidem exteris jure Naturae & Gentium sine omni dubio; dein etiam civibus, in his, quae non ut Summa Potestas, sed jure tractatio contrahit, ut in emendo, vendendo, locando conducendo, mutuum accipiendo, solvendo quod debet & similibus. In quibus se obligare censetur potestas, ut privatum; convenitur etiam & condemnatur, ipse, quod magis est, nomine suo in semetipsum.

26. Nec tamen inde sequitur, Principem habere potestatem in se ipsum; quia non nisi volens ad exequendam obligationem conveniri, Invitus nequaquam potest: At potestas in invitum est; Haec obligatio non nisi ex consensu & submissione voluntaria. Summa Potestas habet *δυναμις ἀναγκαστικῆς*, vim coactivam, nec aliter esset Potestas, sed huic inquam, facultati non est usus in Principe adversus se ipsum.

27. Ne quidem in populari Imperio Summa potestas se ipsam obligat sibi ipsi. Ibi enim potestas universorum vel majoris partis, nihil habet commune cum obligatione singulorum, sed differunt ut facultas unius in alterum. Singuli sub Potestate sunt; Ipse potestas summa sub potestate non magis est, quam esse potest.

28. Non est igitur, ut accurate loquutus sit Cujacius privati juris interpret summus in *lib. 15. observ. cap. 30.* ita scribens, *Quin imo ut populus ipse suis legibus tenebatur, ita Princeps, cui & in quem populus omne suum imperium contulerat,*

Et mox; *Aded ut potestas Principis & in ipsum Principem esset.*

29. Populum intellexit universum, nec enim aliter hic suum jus in Principem transtulit. Ut autem universo populo sit potestas in universum populum, implicat contradictionem; non magis quam ut potestas Principis sit in ipsum Principem, ad coactionis, inquam, effectum adversus invitum, sine quâ facultate nulla potestas in civitate intelligi potest.

30. Textus juris civilis, quem Cujacius adducit, quo pacto potestatem Principis in Principem acceperit, indicat. Est autem *lex quarta C. de Legibus*, ubi Theodosius & Valentinianus; *digna vox est majestate regnantis, ajunt, legibus alligatum se Principem profiteri.* mox. *Est revera majus Imperio est, submittere Legibus Principatum.* De submissione voluntaria, de potestate, quae coactionis est, nullo modo loquuntur. Princeps igitur est Princeps sui ipsius, ut quilibet vir bonus potestatem in se ipsum habet: consensu & inductione voluntatis, non adversus invitum, ut res ipsa loquitur.

31. Parum igitur accurate in iis verbis, ad juris publici rationem instituisse Cujacium, liquido patet; quando obligationem Principi ex ejus libera voluntate pendentem trahit ad infringendam Juris publici positionem, quâ Princeps Legibus solutus esse dicitur: contra quàm ipsi Principes connectunt, dum se vivere Legibus, at tamen Legibus solutos esse profitentur §. *ult. Inst. Quib. mod. testam. infirmantur.* Plinius ad Trajanum, *Ipse te legibus subjecisti, in eundem sensum, panegy.* Qua re cum non fiat, ut Acta Principis alterius humanae voluntatis arbitrio, subjecta sint, aut infirmari queant, non esse eam potestatem civiliter dictam manuevitum est.

H 2

32. Non

32. Non desunt tamen, qui adhuc Populum & Principem in se ipsos verè potestatem habere & Cujacium accurate locutum esse contendunt; Hi nobis inculcant *notissimam distinctionem Populi Leges in Comitibus ferentis, & populi in quotidianis actibus eas observantis*, Item, Principis, quà Principis, & Principis quà hominis privati. Explicita superius quid repetamus? Populus unità voluntate Legem ferens est Civitas: Observatio fit à singulis, quæ sunt diversæ personæ. Nam Civitas, habet jus personæ, Univerfus populus non obstringitur iis legibus, quibus obrogare, derogare, quas abrogare totas, quibus solvere se alioque pro lubitu potest. Quod perpetuo ab alicujus voluntate pendet, id nullo sensu humano potestati civiliter sumptæ potest esse subiectum.

33. Sed, ajunt, *quid usitatus etiam bodie in Romanensi Ecclesia, quando agitur de Infallibilitate Papa, quàm Papam, quàm Papam, non posse; At quàm Innocentium posse errare.* Ne distinctionis illius ineptiam arguamus, quid hæc instantia ad rem pertineat, non video; quandoquidem non negamus, eum, qui munus publicum gerit, duobus adspici lateribus, privato & publico, eoque respectu diversos habere effectus: Sed non ideo potestatem in se ipsum verè & actu habet, nec se ipsum cogere dici potest, sine quàm facultate, Potestas hujus loci non habet intellectum.

34. Etiam Grotius in partes vocatur, qui distinguat *inter dominium, quod populus habeat ad modum privatorum, & quod populo, ut populo competat*, quod nemini, credo, in mentem venit unquam negare discrimen; sed nec hoc ad Potestatem in se ipso competentem plus facit, quàm Papa, non ut Papa, sed ut Innocentius errans.

35. Sed magis ad rem pertinent hæc verba Grotii, quæ obijciuntur. *Non desinit debere pecuniam populus, Rege sibi imposto, quam liber debebat. Est enim idem populus, & dominium retinet eorum, quæ populi fuerant, imò & IMPERIUM in se retinet: quanquam jam non exercendum à Corpore, sed à Capite.* Agnoscimus, etli in loco quem citant dissentientes, non extent, verba Grotii; Agnoscimus Imperium semper esse populi, non habentis alienigenam dominum, & esse hoc in eundem populum, non in diversum. Corona Galliæ est populi Gallici, & jus ejus in populum Galliæ, non Hispaniæ & Germaniæ. Corpus civitatis semper habet omne jus Civitatis, quamdiu ab Exteris non subigitur. Plane sicut dos manet proprium mulieris patrimonium, etli maritus, constante matrimonio sit dominus dotts, ut Juriscti utrumque docent.

36. Sed heic & apud Cujacium agitur de potestate obligandi per leges & subjectione coactivà, quæ est propria Legum & Summæ potestatis in Republ. quam ipse Grotius ita modò finivit, ut duas in ea personas Imperantis & subiecti distinctè agnoscat. Denique, Potestas, ubi de jure imperandi & parendi, obligandi & cogendi agitur, à jure exercendi imperii non potest separari.

37. Cujacius Principem suis legibus subiectum & obligatum, non solum esse ponit; Legis virtutes sunt, Imperare, vetare, permittere, punire *l. 7. r. de legib.* has virtutes Principi in se, in Principem, vel populo universo in universum populum competere, tam palam contradictorium est, quam in definitione potestatis & obligationis duæ partes & personæ distinctæ necessario collocandæ sunt.

38. Atque inde quæ præterea in hanc rem proferentur, unice pendent.

C A P.

C A P. I I.

Continens monita de aliis Imperii differentiis.

Jus Imperii in Civitate non mutari ex formâ Reipubl. nec quidem herili aut civili modo imperandi, licet efficacia in illo sit major. Differentiam patrimonialis & quasi fructuarii Imperii nobiles quidem habere effectus, jus tamen summum non variare. Esse despotica regna, quæ non sint patrimonialia, & civilia, quæ in patrimonio habentur. Contra summam potestatem in regno quasi fructuario esse posse. objectio ex natura ususfructus & proprietatis petita solvitur. Non mutari jus Imperii ex eo, quod invitis aut volentibus sit impositum: siquidem ex voluntate civium æque absolutum condi potest ac vi bellicâ. Male definitioni summæ potestatis inferi, ut perpetua sit: temporarium æque summum esse posse. Denique, ex magnitudine aut parvitate nominumque distinctionibus & titulis nullam juris nasci diversitatem. Postremo, Legem de approbandis in senatu Regum decretis, iisdemque in jus vocandis, per se non tollere summitatem Imperii.

Sunt qui ex aliis quoque rebus differentiam summæ potestatis colligunt.

2. Primo, non desunt, qui interesse putant plurimum, qua forma Reipubl. civitas gubernetur, *monarchica* vel plurimum imperio, & in monarchiâ, sit ne *despoticum* an *civile* Regnum.

3. Sit ne *patrimoniale*, an quasi *fructuarium*, populoque volente an invito constitutum.

4. Utrum *eligantur*, an *successione* gaudeant Imperantes, *temporalis* an *perpetua* sit potestas.

5. Nonnullis quoque *parvitate* vel magnitudine civitatum jus summi imperii visum est variari; denique, *nomina* titulumque species hominum judicio sæpe præstringunt.

6. Nos ex illis omnibus nihil ad summitatem Imperii tollendam, augendam, vel minuentem facere paucis indicabimus.

7. Nam quod ob formam regiminis, politicorum aliqui, minorem potestatem in *Democratia* putant, hoc aded falsum est, ut mensura juris optimè ex illâ formâ capiatur, sicut modò demonstravimus.

8. Ex adverso, quod alii monarchas ut à populo præfectos, minoris faciunt, populi verò ut *αὐτοκρατορίας* imperantis jus majus in democratia intelligunt, hoc perinde superius refutatum.

9. Certum igitur esto, quod modus imperandi varius speciem, jus & vim imperii minime variet.

10. Plus discriminis inter heriles sive Despoticas & civiliores monarchias consistere videtur. *Heriles* vocantur, ubi Imperantes sunt dominicorporum atque bonorum. *Civiles*, ubi Imperium Reipubl. salvam relinquit libertatem personarum & proprietatem bonorum.

11. Sed tenendum, in hoc capite

H 3

non

non quæri, de majori minorique efficaciam imperii; verum, an unum præ altero magis minusve *summum* sit imperium, quod hec negatur.

12. Dabimus loco rationis exemplum; Patris in liberos potestas jure Gentium & civili aliquantò minor habetur quam dominorum super servos; patria tamen potestas æquè est summa & absoluta quam Dominica potestas.

13. Atqui Reges veri à *Despotis* non multò secus quam ab heris parentes differre videntur, ut postea videbimus.

14. Adde, quod utrobique acta publica imperandi, quæ est *nota Summitas*, irrita fieri non possunt; utrobique voluntas Imperantium, Civitatis voluntas intelligitur.

15. Duntaxat, jus externum Dominatus ad res & corpora privatorum indistinctè extenditur. Quod in regno non aliter quam ex causa utilitatis communis, non pro libitu Imperantium juris esse intelligitur.

16. Tertia differentia *patrimonialis* & *quasi fructuarii* Imperii à quibusdam cum præcedente confundi solet.

17. Scilicet, *Patrimoniale* vocatur Imperium, quod inter vivos & mortis causam potest alienari: *Fructuarium*, imperanti solummodo ad vitam competit, sine libertate alienandi.

18. Quidam regna despotica statuunt eadem esse cum *Patrimonialibus*, Civilia verò cuncta esse fructuaria; Verum hoc est ex eorum genere, quæ ut plurimum, non quæ semper vera sunt; Cum nihil veter, herilia Imperia quasi per modum *usufructus* teneri.

19. Ita, ut alienandi tam inter vivos quam post mortem potestas ultimo cuique Imperanti negetur. Quod fere unicum hujus differentie nomen constituit.

20. Exemplum est in præsentibus *Turci-*

co Dominatu, qui licet *dominus* sit, jus tamen alienandi aut successionem pro libitu Imperatorum mutandi ignorat.

21. E contrario, *civilia regna in patrimonio haberi posse*, liquet ex pluribus modis per Europam Principatibus, qui superiorem non habentes, hoc jure tenentur; etsi in majoribus Imperiis rardè id usu venire experientia testatur.

22. Differentiam hanc patrimonialis & fructuarii Imperii ab *Hobbesio* & omnibus, qui vim Imperii infinite intendunt, nec populo aut singulis quicquam relinquunt, explodi manifestum est.

23. Quippe, qui subjectos indistinctè pro servis habent, & regnantibus potestatem de successione quovis modo disponendi semper adscribunt. *Quæ de re nobis alibi locus erit dicendi, ut & de reliquo discrimine regni & dominatus.*

24. Sed de ultimâ distinctione scrupulus restat. dices enim, *ubi datur usufructus, ibi penes alium proprietas existit*, quod jus haud dubie majus est.

25. Proinde secundum hanc distinctionem, *usufructus* Majestatis Imperantibus, *proprietas* populo tribui videtur; Quod in damnatam modo divisionem summæ potestatis, qua Realis aut personalis dicitur, incideret, atque populum rursus superiorem Imperantibus efficeret.

26. Verum nos quasi fructuarium, non vere usufructuarium illud Imperium, quod patrimoniali opponitur, esse diximus.

27. Quatenus usufructum imitatur in hoc, quod nihil juris *ultra vitam servimos* producit, nec alienationem inter vivos permittit, ut Fideicommissa.

28. Forte rectius comparari posset cum *dominio revocabili*, quale est mariti in prædio dotali, heredis fiduciarii ex *Senatusconsulto Trebelliano* in rebus post mortem restituendis; Nam illis tempore domi-

dominij sui plene liberèque de rebus illis disponunt, *excepta alienandi potestate*, nec ulli, ratione juris & disponendi facultatis, obnoxii sunt.

29. Quin si maximè maneamus in terminis *Ususfructus*, ne quidem inde quicquam potest colligi naturæ Summæ Potestatis adversum. Fructuarius enim facit in Re quicquid vult, *modo substantiam relinquat salvam*; Neque proprietarius impedire vel infirmare quicquam ab illo gestum cum hoc temperamento, potest.

30. Ergo, si tu ponas Regem habentem imperium quasi per modum ususfructus, & proprietatem penes populum statuas, ideo tamen Rex non statuitur obnoxius populo; duntaxat, si salvam præster regni *substantiam*, ut ita loquamur, id est, fundamentalem constitutionem.

31. Ita satisfactum huic difficultati. Est etiam quod opponitur alteri speciei, quam diximus, *Regni Patrimonialis*; Neque enim liberi homines, quales sunt cives, in patrimonio cujusquam sano sensu dici videntur: Scilicet esse in patrimonio non de ipsis hominibus, sed de *jure imperandi illis*, non quæ singuli, sed quatenus sunt populus, prædicatur. *vid. Gros. l. 1. c. 3. §. 12.*

32. Præterea diximus, nihil variari summam potestatem ex eo, quod *volente invitove* populo stabilita sit; ejus rei rationem supra habes insinuatam *sect. 2. cap. 1.* ubi diximus, Non minus consensu & foedere populi, quam bello jus imperandi *summum* acquiri posse & omni tempore acquiri.

33. Verum quidem est, quod plerique victores herile & patrimoniale jus in subjectos occupent; attamen hoc diversam summæ potestatis speciem non inferre *modo auduimus*.

34. Fundamentum autem obsequii, quo populus armis subactus, victori im-

perium jure suo exercenti obstringitur, *inferius* explicabitur.

35. Præterea, nec *electionis successivæque* differentiæ juris rationem, respectu summæ potestatis mutari *suprà dictis* consentaneum est & facile probatur.

36. Etenim Successiva Imperia, quæ quidem voluntaria sunt, initium ab *Electio* habuere. Nec plane aliud est successio, quam juris initio ab eligentibus statuti continuatio. *Gros. d. cap. §. 13. sub fin.*

37. Verum quidem est, quod leges tempore electionis præscriptæ à successivis Imperantibus vetustate & domnandi artibus ut plurimum obsolescant. Ast hoc *ad politicam*, non ad juris disciplinam spectat.

38. Fere etiam usu venit, ut cum Electivum Imperium, uno actu mutatur in *Successivum*, fiat etiam mutatio *Legitimi* in *Absolutum* Imperium, ut factum vidimus apud *Danos*, qui Aristocratiam cum Principatu electivo mutarunt in Monarchiam successivam & absolutam, ut didicere occupavimus. Sed hoc non esse ab Electionis aut Successionis ingenio, verum unice à voluntate eorum qui Imperium constituunt, pendere, docet electio Pontificum Romanorum & Principum Episcoporum, qui utcumque Electivi, tam sunt absoluti quam ulli Successores.

39. Cæterum, hanc observationem ad voluntaria non ad violenta Imperia pertinere, res ipsa loquitur; siquidem electionis libertatem in his Imperiis cessare manifestum est, quatenus utique sunt violenta.

40. Dantur enim, partim violenta Imperia, partim voluntaria, idque tamen etiam in unitate Reipublicæ.

41. Nempe, si quis populus, Regem habens à se creatum, aliam gentem subigat, inque idem cum illâ corpus civitatis coëat,

tis coëat; manente tamen discrimine populi victoris & subacti.

42. Tale *Mamalucorum* fuit Imperium initio superioris seculi à *Selymo* Turca extinctum. Illi Ægyptum & Syriam arctissimo servitio continebant, suos Reges ipsi eligebant.

43. Turcici quoque Imperii initium non fuit aliud, quanquam hodie vix potest discerni potestas Imperatoris in originarios Turcas & subactas gentes.

44. Eodem pertinent uniones Galliarum, quibus acquisitas bello regiones in unum idemque Regni corpus adungere solent.

45. Quin & Romani Imperatores in populum & Italiam civile, super provincias *berile* Regnum habere, quã de re *Sigon lib. de jure civ. Rom. Ital. & Provinc.*

46. Plerique Politici in definitione Majestatis requirunt, ut *perpetua* sit potestas; quasi temporarium Imperium non esset summum; sed hoc à philosophiã & juris ratione alienum putamus.

47. Quippe natura rerum moralium non à tempore, sed ab effectis æstimatur, qui possunt iidem esse in brevi ac in longiori tempore; quo facit, quod nec in Jure Civili temporis adjectio vim naturamque dominii aut obligationis alioqui mutat, quã de re. *dix. ad vit. π. de eo quod cert. loc. in fin.*

48. Æque igitur summam absolutamque potestatem habent Rectores annui Civitatum quàm perpetui. Exemplum in Dictatore; qui fuit *ἀνταρχὸς καὶ ἀντιπρόεδρος ἢ ἀνὴρ βύλη* καὶ *πρόεδρος*; absoluta nullique subiecta potestatis, in omnibus quæ vellet aut ageret: *Πολίτευς καὶ στρατάρχης καὶ πᾶσι τοῖς ἄλλοις πραγμάτων κύριος*. Pacis & belli omniumque aliarum dominus rerum, *Πάντων ἡνὸν ἰσχυρὸς τῶν νόμων*. Omnes infra se leges habens, ut docet *Dionys. Halicarn. in lib. 5. Hist.* Sed erat temporaria

potestas, sex mensium aut brevior, rãrò longioris spatii. Quod autem postea semel ac iterum à Dictatore populus est provocatus, id facti non juris, ex ipsã quæ rem narrat, historia manifestum est.

49. Ceterum, vera est hæc positio, non modo de singulis, ut erant Romæ dictatores, sed etiam de ordinibus liberarum nationum supremis, quorum personæ quotannis mutantur, ut heic in *Frisiã*, observandum est.

50. Talibus enim nihilo minus juris quam Senatui *Venetorum*, utcunque perpetuo, adscribi oportet; nisi quatenus legibus cujusque Reipubl. fundamentalibus aliter sit cautum.

51. *Magnitudinem* parvitatemque civitatum nihil facere ad diversitatem summi Imperii, modo superiorem non habeant, facilius intelligitur, nisi quod enormis quandoque differentia distrahat hominum judicia.

52. Aded ut *Ragusam* Illyrici & *Genavam* Allobrogum urbes, principatusque Arafionum iisque minorem *Ithacæ* *Ulyssis* olim, æquè summam habere potestatem, atque *Turcarum* *Gallorumque* valla Imperia, gravatè existiment.

53. *Majestatis* tamen vox, licet usu populari summæ potestati adæquata, tamen id ex usu antiquo retinuit, ut simul dignitatem amplitudinemque requirat majorem, quam ut nimis exilibus populis & civitatibus congruat.

54. Postremò, sæpius evenire docent historiæ, ut nomina summæ potestati consuetæ tribuantur iis, qui rem nullo modo habent, quod de *Regibus Laconicis* & *Germanis* olim, hodieque de *Polonis* ipsisque, pene dixeram, *Cæsariibus*, ne de *Venetorum* aut *Genuensium Ducibus* loquar, adfirmari potest.

55. Inter vocabula, quorũ ambiguitate luditur est *Principis* in latini sermonis usu, quod

quod apud veteres non summum sed primum significat, ait Grotius in *lib. de I. S. P. circa sacra cap. 3.* Ut injuriam faciant eidem Grotio, qui verba ejus in *lib. de Antiq. Reip. Batav.* quibus Ordines Hollandiæ scribit; ejurato Rege Hispaniæ, Rempubl. non sine Principatu constituisse. respectu præfecturæ Principi Arausionensi delatæ; sic accipiunt, quasi auctor sibi contradixisset, cum postea Præfectum Ordinibus Hollandiæ, ratione præfecturæ suæ, contendit esse subiectum, nec habere jus illud independentem ab Ordinibus.

56. Ex aduerso, non pauci Summæ potestatis, quam occupant, invidiam popularibus verborum imitamentis declinant, sicut docent nuncupationes *Principum & Imperatorum Romæ*, novissimèque in Anglia *Protectorum*, aliæque alibi terrarum.

57. Denique, summam potestatem evidentem aut tolli aut minui putant multi, cum in Regno constitutum est, ut decreta principis non aliter valeant, quam si in aliquo Senatu recognita & approbata sint.

58. At hoc ejusmodi est, quod sæpe fallit, cum plerumque magis id prudentiæ quam juris sit institutum; non ut inde vis Imperii pendeat, sed ne Principes à supplicantiis decipiantur, velut in *l. unie. C. Quando Imper. Gros. lib. 1. c. 3. §.*

18. In Galliâ Senatus Parisiensis sive *Parlamentum* habet hoc jus, quod Edicta Regum non valeant, nisi re cognita: Quod Senatui tribuere jus Edicta Regis improbandi magnâ voce ab ipso Senatu adseveratum est, anno adhuc præsentis seculi XLVII. & XLVIII. Sed Reges jampridem hoc jus, si unquam, ut est credibile, tale fuerit, subegerunt, eoque sine dubio Grotius spectat *in d. loco.*

59. Denique, nihilo magis variatur summa potestas, exinde, quod qui habent illam, ob privatas causas in jus vocari solent; cum id fiat ex voluntariâ submissione in illis rebus, quas Imperantes, non ut capita Reipubl. sed ut membra societatis civilis contrahunt, veluti quando emunt, vendunt, locant, conducunt, mutuum sumunt, ac *ita in ceteris*, de quo & antea dictum.

CAP. III.

Quatenus summa potestas per fœdera mutetur.

Minores populos conjungi vel per unionem civitatis, vel per fœdus arctum, quo etsi cuncta belli & pacis, quæque ad defensionem necessaria, communicentur, summum tamen jus omnium illæsum manere posse, quod exemplis probatur. Perimi tamen singulorum jus Summum, quatenus plurium suffragia pauciores sequi coguntur. Idem juris esse in fœdere inæquali, etsi unus populus majestatem alterius observare debeat, imo, etsi judicia quædam à superiore in fœdere, super alios exercentur, quod tamen non licet aut universis sociis aut uni superiori, nisi quatenus expresse convenerit, at si provocandi jus detur civibus singulorum, per hoc desinere summam esse potestatem. Quod autem ipsi socii ab reliquis cogi & plecti, quod tributa, milites exigi possint, non officere summæ potestati; denique, & eos qui victi ad tributum adiguntur, etiam vasallos, posse habere summam potestatem.

PArvitas civitatis aded nihil detrahit juri summæ potestatis, ut non alibi magis doctrina ejus conspicua sit, quam ubi singulis urbibus Imperia terminantur.

2. Veteres sane de *Civitate* agentes hanc simplicissimam explicare solent, denique, per Europam ante Macedonum & Romanorum arma vix aliæ societates publicæ extabant.

3. Athenæ, Sparta, Sicyon, Argos, Corinthus, Thebæ, Roma & quicquid alibi clarum fuit, hoc exemplo gubernantur.

4. Nec ulla res æque *Philippo* Macedoni adversus Græcos, *Romanis* contra Italos, & in Hispanis Gallicisque bellis, quam hæc minuta populorum divisio profuit.

5. Dein per victorias, aut, suadente utilitate, consensu factum est, ut in majora corpora plures populi coalescerent, quod vel per *unionem* civitatis

vel per modum *fœderis* arcti contingere solet.

6. Prior ratio extinguit summam potestatem, ita, ut qui prius imperabant, nunc imperata faciant; nam quæ antea fuerant civitates, jam membra majoris civitatis factæ nihil aliud quam subjecti corporis partem constituunt, idque, tam in plurium quam Unius imperio ex æquo obtinere certum est.

7. Fœderis arctioris, ubi tamen non fiat *σύνθεσις πολιτικῆς*, plurium confusio civitatum in unam, variz sunt species, quarum nulla summam potestatem lædit.

8. In universum, est vel *æquale* vel *inæquale* fœdus. *Æquale*, non officere summæ potestati, per se patet; saltem restringit libertatem faciendi quod velis in ea re, de quâ convenit, quod etiam in naturali plenissimæque libertate potest fieri.

9. Ita fœdus Amphictyonicum, quod universæ Græciæ unum in publicis causis tribu-

tribunal statuebat, singulis Græciæ civitatibus non ademisse potestatem summam extra controversiam esse, liquet ex *Ubb. Emm. de Græc. vet. tom. 3. de concil. Amphib.*

10. Sed fœdus Ætolicarum & Achaicarum nationum videtur unata fecisse de pluribus Rempublicam, ut ex *Polybio* colligi potest. *lib. 2. c. 38. Justin. l. 34. c. 1. Ubb. Emm. d. tom. 3. de Rep. Et. & Ach.*

11. Potest autem belli & pacis, contributionum omniumque rerum ad communem defensionem pertinentium communio haberi, salva singulorum sociorum potestate summâ.

12. Et si cunctis partibus integra non sit; nam in iis, quæ communia sunt facta, & in quibus cœuntium suffragia numerantur, singuli non habent potestatem, sed omnes pariter.

13. Attamen omnia, in quibus sententiæ non prævalent numero, manent singulorum, & sic nihil detrahunt Majestati.

14. Exemplum præbet Respublica Belgarum unita, quæ fœdere *Trajestimo* arctissime quidem est conjuncta, verum salvâ singularum Provinciarum summâ potestate, quâ de re videatur *Grotius de antiqu. Reipub. Batav.*

15. Exceptis duntaxat iis rebus, quæ ex fœdere ad universitatem sociorum sive *Ordines Generales*, quos vocant, delata sunt, quæ non singuli, verum omnes pariter exercent, ut tamen quosdam præcipuas facultates, prærogativæ numeri suffragiorum exemerint.

16. Idem in Helvetica Gente non caret dubio, quando ibi aliquanto minor ac in Belgis fœderatis nationum est conjunctio.

17. In Imperio sive Regno Germanicæ magis alia species quam res est. Speciem diversam facit, quod Germani fœ-

deris sui Principi nomen *Cæsaris*, Imperatoris, Augusti, quæ verba implent auditum ideâ summæ potestatis, adscribunt, eundemque omnibus Majestatis imitantis prosequuntur.

18. Sed qui norunt, moralium & maxime juridicarum rerum naturam ab effectis æstimari, Principesque & civitates Germanicæ liberas, vident omnibus fere Summæ potestatis juribus independentem à Cæsaris arbitrio uti Denique, membra Germanici Imperii nullo modo tam arctè inter se constringi, quam sunt Belgicæ Nationes unitæ, non dubitabunt, quin Germania sit corpus fœderatum in plures Summas potestates distinctum potius, quam una Civitas.

19. Proinde, quam Jurisconsulti Germani vocant *Superiorem Territorialem*, hanc modo potius quam specie à Summa potestate Reipubl. discrepare, facile animadvertet, qui verborum & rerum discrimina novit.

20. Utcunque *majestatis* voce nunquam se honorari patiantur, quando ne Regibus quidem exteris hanc appellationem impertiuntur, ut Imperatori suo illud *attingit* per excellentiam soli vindicent.

21. De fœdere inæquali plus est dubii; in primis distinguendum, utrum onus transitorium, an permanens alterutri imponatur.

22. Nam si qua præstatio, ratione sumptuum belli redimendæve injuriæ quæ *transit*, uni præ altero injungatur, id palam est, non officere juri Majestatis.

23. Nec quidem si convenerit, ut populus unus *comiter alterius principis populivæ majestatem conservet*.

24. Hoc enim adjicitur, ut intelligatur, alterum principem populumve ratione dignitatis esse superiorem, non quod libertati summæque alterius potestati

stati quicquam decedat, quemadmodum clientes nostros intelligimus liberos esse, tamen si neque autoritate neque dignitate nobis pares sint. *l. 7. §. 1. r. de Captiv. & postlim.*

25. Quin imò etsi convenerit, ut apud commune foederatorum concilium vel eum qui in foedere superior est, cives singularum civitatum certis ex causis rei fiant damnatique puniantur, id nec ipsum potestati summæ adversari docet *Proculus ICtus in d. l. VII.* Nam & in æquali foedere potestas decidendi sociis reliquis, aut certis personis, ex pacto deferri potest.

26. Sed absque conventionione, nec unus sociorum nec commune concilium, cui *administratio rerum ad fœdus pertinentium committitur*, jus dicere possunt de capite fortunisque hominum, qui sunt in singulis civitatibus.

27. Nisi constet, eos, qui præsent civitati nolle in suos, qui *contra fœdus deliquerunt*, animadvertere, imò illos recipere in publicam *protectionem*.

28. Tunc enim socios habere jus, ejusmodi maleficos, ut hostes capere & damnatos punire, non quidem imperii sed magis jure belli dicendum videtur; si, inquam, manifestum sit delictum & contra foedus esse admissum; alioquin hoc obtentu jura sociorum, conspiratione plurimum, è sociis, violari possent.

29. Hæc per me licet, applicentur iis quæ *Grotius in Apologia sua* pro Magistratibus abrogatis *Hollandiæ* scripsit adversus acta reliquarum provinciarum, *anno CIO DCXVIII.*

30. Non decidimus, utrum justa fuerit causa Proceres Batavos cogendi, quod *Grotius* negat; Sed thesin negamus; Ordines *Generales* nullo modo illos cogere potuisse; Siquidem eosdem, unà cum ipsis *Batavis*, alios è sociis non semel,

ex causa non servati Foederis vi coegisse, memoriz proditum est. Idem de executione facti in *Hollandiæ* Proceres anno *MDCL* existimandum. Facti quæstionem non attingimus; Juris disceptatio est hujus loci.

31. Observandum est etiam, posse fieri, ut tales socii certo respectu se habeant ad instar unius civitatis; scilicet, in ejusmodi ditionibus, quas jure belli communiter partas per commune concilium regunt.

32. Adeo, ut in his plurium consensus pro omnium voluntate, sicut in unâ *Republ.* fit, absolute habeatur: Exemplum habetur in territorio *Ordd. Generalium*, quod consistit in partibus *Brabantiz* *Flandriz*que bello quæsitis.

33. Verum enim vero, si provocandi facultas daretur civibus sociorum adversus acta suorum Imperantium ad aliquem ex Foederatis, vel ad commune concilium, per ejusmodi conditionem foederis manifestò læderetur summa potestas.

34. Proinde ubi summa potestas salva est, ibi provocatio ad Collegium commune sociorum in singulis foederatorum provinciis, nullo modo admitenda, ut luculenter disputant Ordines *Frisiæ* in epistola ad *Ordd. Generales*, quæ extat apud *Aissema lib. 8. ad ann. 1628.* Quin iidem criminis læsæ Majestatis reos Edicto publico declaraverunt eos, qui de regimine publico *Frisiæ*, *Querelas ad Ordines Generales* detulerant anno *MDCLXXVII.*

35. Aliud est, si Ordines summi unius sociæ civitatis, de rebus inter se controversis ad commune concilium ex pacto rem deferre cogantur, ut *Groningana & Omlandia* apud nos Provincias accidit, quæ hac lege se Foederi communi adjunxit, ut controversiæ inter Civitatem & Agrarios ab Ordinibus *Generalibus* deciderentur.

36. Quin

36. Quin etiam cogi & plecti potest focia civitas, quæ legibus fœderis satis non faciat; quæ res adeo non tollit jus summæ potestatis, ut ne quidem fœdus inæquale constituat.

37. Siquidem aliter fieri nequit in statu naturali, quo sunt fœderati, quam ut alter alterum promissis non stantem vi & armis compellat; cujus rei ne quidem inter *provincias Belgii fœderatas* exempla defunt.

38. Quid vero, si superior in fœdere jus habeat indicendi reliquis exercitum, exigendi pro arbitrato tributum, moratores citandi cogendique ad solvendum?

39. Ne hæc quidem pro defensione communi ex pacto concessa summam potestatem tollunt, sicut ratio & exempla docent. Nam inter Græcos Sparta ac Athenæ principes reliquorum sibi fœderatorum, ea jura tenebant, & tamen inferiores in fœdere populi sine dubio liberi summæque potestatis erant. Haud dispar ratio *Drentinae* gentis, apud nos esse videtur.

40. Quin etiam qui bello victus cogitur victori solvere annum tributum et si perpetuum, is eâ re non amittit

summam potestatem, quia pecuniaria præstatio non impedit, quo minus is qui tributum solvit, omnia Imperandi acta libere in subjectos exerceat, neque defunt illustria præsentis & aliorum temporum exempla.

41. Eâdem ratione adhuc fortius dicendum, nequidem feudalia Imperia, *etsi habeant quem dominum appellent, cui servitia præstent*, minime tamen jus summæ potestatis hoc ipso habere definire, modo qui subditi sunt vasallo, jus provocandi ad dominum non habeant.

42. Nam *servitia* quæ dicuntur, nihil ferè sunt aliud quam officia exhibendi se in armis pro domino, quorum præstatio nullo etiam modo impedit facultatem jura imperandi suis, ut acta infirmari non possint.

43. Sufficit enim ad jus summæ potestatis, quod subditi cujusque nihil altius aut majus habent, cui parere debeant; hoc enim ipsis summum est, quo altius ascendere nequeunt.

44. Quippe ratio imperandi atque parandi intra fines cujusque civitatis liberæ continetur. *Grotius lib. 1. cap. 3. §. 21. & seqq.*

C A P. I V.

De fundamento imminuende Majestatis seu summae potestatis.

Repetitur, Imperio Civitatis simpliciter constituto, excipi patientiam mortis indubie violentæ ac injustæ, & instituti perpetui, in bona civium pro lubricine grassandi, præter ea quæ specialiter in quaque Republ. eximuntur, quod maxime in monarchiis fieri; utrumque ratione probatur. Contra niti Hobbesium, eò quod populus ad Imperium stabiliendum congregatus, multo minus, post stabilitum dissipatus, non habeat jus corporis aut universitatis, nec proinde capax sit juris personalis acquirendi, quod refellitur ab effectu, qui est, delatio Imperii per actum unum voluntatis, quam unitatem etiam illic esse, ubi populus per oppida vicossve dispersus Imperantes constituit. Conventu populi dissoluto, manere tamen effectum exceptionis Imperio adjectæ, tam per modum nullitatis actuum, qui contra sunt, quam, quia societas Civitatis post digressionem civium à comitiis, universitatis jus conservat, quod exemplo Democratiæ comprobatur, adeo ut Imperantibus in his quæ concessa illis non sunt, impune non pareatur. Quæstionem, an expediat hoc civitatibus, à juris quæsito alienam videri. Hobbesiana alia refutantur.

Majestatem adhuc suo fixam fastigio secuti sumus, nec quicquam ei subduximus, præter licentiam continuo instituto in personas & bona subjeutorum grassandi: vimque manifestam vitæ civium more latronis inferendam *sect. 2. c. 3. §. 39. De rebus ad secreta animorum & sacra pertinentibus infra dicturi.*

2. Probavimus pridem, in Democratiâ minorem populi partem non obligari ad patiendum illa extrema, quæ excepimus; unde ex fundamento sæpius collocato idem in paucorum vel Regali Imperio statuendum intelligitur.

3. Dictum insuper, in DEMOCRATIA posse, ubi populus velit, excipi

plura, in quibus prærogativa numeri suffragantium cesserit.

4. Sed ob æqualitatem ibi, cessante metu invidiæque, populus rarò vel nunquam singularia exceptionum à se ipso stipulatur.

5. In Aristocraticis civitatibus pleræque cautiones sunt pro securitate Optimatum, quam hi callide vocant *Libertatem*.

6. Cum fere plebs in illis adductius quam in ipsi*s principatibus* habeatur, in quibus tyrannidis insolentia in eminentiores maximè redundat, optimatum artes ad plebem premendam unicè paratæ sunt.

7. Ideoque non minore curâ plebs operam dare debet, ut leges condantur, quibus

quibus optimatum potestas restringatur, suiq; ordinis jura conserventur, quam Procures id agere solent in regnis con-
dendis; Sed plebs id agit frequentius per
feditiones, quam per leges in tempore
statutas, ut Historia Romana luculen-
ter docet.

8. Verum in *Monarchiis* præsertim, conspicuæ sunt leges, quibus principis potestati subinde nonnihil eximatur, quæ res displicet mirificè *Hobbefio* cunctisque Regnantium adulatoribus. *Hobb. cap. 6. de Civ.*

9. Idcirco ille vehementer adnuitur, ut nec sanâ ratione id fieri posse, cum ratione evincat.

10. Non negat equidem posse fieri, ut populus Optimatibus & hi Regibus verè sint superiores, si constet id actum esse, ut hi tantum essent Magistratus & Ministri, & ordo stabilitus sit, quo Rectores ad rationes reddendas cogentur, ut olim Spartzæ fuerunt Ephori, in Arragonia Justitiæ Magistratus; Quomodo in Imperio Germanorum, in regno Polonorum & alibi se res habet cum phylarchis.

11. Sed ubi Summa potestas verè in optimates vel Reges translata fuit, ibi aliquid reservatum intelligi, vel reservari posse, cum rationis & Philosophiæ subtilioris obtentu negat.

12. Verum utitur iisdem rationibus, quas *suprà* refutavimus; cum inter populum ac Imperantes foedus intercedere pactionesque speciales iniri posse demonstravimus; exemplo quidem à Democratiâ sumpto, sed quod ad reliquas civitates & Imperia extendatur.

13. Imò in *Monarchiâ* Imperantes ex pacto subditis fieri posse quodammodo obnoxios, ratio clarior quam in *Democratiâ* docere potest.

14. Nam in populo universo partes foedus contrahentes in eodem ipso po-

pulo, penes quem est imperium, sunt querendæ.

15. At in regno, fieri potest, ut pars una contrahentium è subjectis constet; alteram Imperans ipse constituat: Nec enim semper Imperio per modum contractus, sæpe compromisso civium fundari ex *suprà* dictis intelligi potuit. Idem in *Dissert. de Imperio* ad calcem hujus libri adjiciendo explicatur.

16. Sed audiamus adhuc instantiam *Hobbefii*; Negat, subjectos ut unum posse considerari, ideoque ex pacto jus quod est personale, habere non posse; Non sunt unum, *ait*, quandiu sunt congregati, Multo minus, postquam dissoluti quilibet ad sua dilapsi sunt; maxime, si nullum tempus, quo cives rursus conveniant, sit constitutum; sicut in *Angliâ* fit, ad quam ille tantum & ubique respicit ac alludit.

17. Ratio, quare ne tum quidem, ubi convenere, *personam* repræsentent, *suprà* est insinuata cap. 9. §. 15. ubi dictum, quod cives singuli pactum cum singulis habeant, *se facturos quod Imperantes sufferint*.

18. Sed hæc ratio non valet ad probandum, *quod populus nullo modo faciat unitatem*; nec enim illud pactum singulare, quo singuli cives inter se tenentur, excludit unionem pacti universalis, Imò intercedere talem, rei ipsius, ni fallor, evidentia declarat, quam ita demonstramus.

19. Delatio Imperii à populo in Regem fit uno actu. Nec enim à singulis ullus, opinor, Rex unquam immediate fidem accepit.

20. Primò quidem suffragia viritim colliguntur; Sed ex collectis unum fit decretum; Ubi actus & voluntates infinitæ singulares in unum compinguntur, ibi manifesto fit unum quid è multis.

21. Exem-

21. Exemplo fit Servius Tullius, qui dolo regnum adeptus, rebus bene gestis, civiumque studio fretus, ausus est ferre ad populum, vellent juberent ne se regnare, Tantoque consensu, quanto haud quisquam ante se alius, Rex est declaratus, *sunt verba Livii, Lib. 1.*

22. More comitorum Romanorum, Curiae vel Centuriae populi in suffragia missae fuerunt. Quod major pars iciverat, id pro lege promulgatum est. Atque ita populus persona factus est, sive, personalem respectum induit, antequam Rex constitueretur.

23. Pari modò L. Flaccus Interrex de Sylla tulit, ut omnia quaecunque ille fecisset, essent rata. Cic. *orat. 3 pro Rull.* A qua verbis potius quam re discrepabat lex vetus Imperii, quae Caesarum potestati juris praetextum circumdedit, quam J. Cti Legem Regiam dixerit, de qua alias plena manu egimus in *lib. 1. Digress. cap. 16. & seqq.*

24. Populi decretum, Lex appellatur. Legem nihil esse aliud quam communem Reipubl. sponsonem, *ἡμερολογία κοινή πόλεως*, foedus universale, dixerit sapientes *l. 2. κ. de Legib. ubi Demosthenes.*

25. Qui vult, qui decernit, qui agit, qui jus transfert, numquid ille jus acquirere non possit? qui totum uno actu à se alienat, an ille, quominus partem retineat, si res, de qua agitur, recipiat divisionem, impediri possit?

26. Ita jam constat, Populum principi vel optimatibus Imperium deferentem esse unum aliquid, esse personae instar jurisque tam retinendi quam statuendi capacem, sicut in jure civili notum est, universitates idem jus habere, idemque pati quod habent & patiuntur singuli. *Titt. π. Quod Cuj. univers. nom. & de Libert. universis.*

27. Quid si nunquam populus in u-

num conveniat, sed per oppida, territoria, per pagos dispersus Imperantes constituat, *ut apud nos in Frisia, inquam, annui Imperantes eliguntur?* nihilominus unum esse, ac jus personae habere statuendum est.

28. Cum enim ex plurium consensu ubique concludatur & omnium conclusiones in unum jungantur, juris ratio nihil ex situ locorum mutatur.

29. Quid autem politicæ considerationis sit in hoc instituto, non est hujus loci explicare; nihil sane ad compescendas seditiones utilius, nihil ad oligarchicas artes fovendas opportunius esse, docet ratio & experientia.

30. Superest querendum; possitne populus aliquid juris retinere dici, postquam Imperio constituto, simpliciter, dissipatus est; Et quidem nullo tempore praestituto, quo rursus eum convenire oporteat, ut sit ubique per Europam, dimissis regnorum populorumque ordinibus.

31. *Hobbes in d. cap. 6.* negat, eò quod dissoluta multitudo non sit universitas neque corpus hominum, sed singulorum tantum; Atqui ne hoc, inquit, est actum neque fieri potest, ut *singuli* jure universis quaesito uti praesumant.

32. Id quidem concesserim, si quis populus non omne jus Imperii transferre cupiat, eum rectius sibi consulere, si tempus certum rursus conveniendi statuat; aut potius, si relinquat aliquam potestatem conservandae libertatis, ut in regnis quibusdam *legitimis olim factum accepimus, in Spartano, exempli gratia, & Arragonio.*

33. Tamen etsi nihil ejusmodi extet, populusque post leges imperii dictas resolute diffluxerit, adhuc tamen jus, quod in constitutione imperii populo quaesitum est, durare suoque effectu non carere putamus.

34. Nam etsi tali casu non sit qui actu Regem impedire possit, ne contra leges fundamentales agat; acta Regis in *vitium nullitatis* incidere possunt. ut, inquam, ipso jure nullum sit, quod ab eo gestum fuerit.

35. Quamvis etiam populus non sit uno loco congregatus, manet tamen *communione juris & fœderis sociata multitudo*, à qua nihil vetat aliquid juris retineri.

36. Cui accedit, quod pactiones illæ, quibus imperium fuit limitatum, contractæ sunt in eum casum, ut conventu populi dissoluto, in regimine exercendo usum effectumque haberent.

37. Item, quod conditio obligationis simpliciter initæ hæc est, ut perpetua sit, tam civili jure, quam Gentium & ratione Naturali.

38. Quid *Hobbes* ad hæc? Vult leges, si quæ Imperio per conventionem adjectæ sunt, hæc mente, ut populus ad sua digressus secundum eas regatur, confestim amittere vim suam, neque Principem eas violentem ullius esse reum injuræ; Quod nî falsum sit, ratio ipsa fallitur.

39. Id quod docetur evidentius atque illustratur ex specimine Democratæ; Nam in popularibus imperiis, post habitum de publicis negotiis conventum, omnes dilabuntur, administratione rerum Magistratibus commissa, quibus nemo ex universo populo in iis, de quibus imperium habent, parere non debet.

40. Sæpe etiam plebs dissolvitur, ut nullum conveniendi tempus certum constituitur, quod Romæ & Athenarum exemplis notissimum est; Ergone tu dixeris, illos populos nihil interea juris habuisse? Imperium quibus omne & ipsa Democratia sicut erat, salva mansit?

41. Quod si Imperium totum in eo statu retineant, nihil est causæ, quare

non æque partem, salva juris ratione servare possint.

42. Opponitur: *In eâ specie non transfertur Imperium à populo in Magistratus, sed hi à populo, ut ministri potestatis, quam ipsi tenent, constituuntur; nos autem heic agimus de translatione imperii.*

43. Imo verò, nunc agitur, ut quæramus, an populus dilapsus & segregatus adhuc capax sit juris retinendi; hoc exemplo democratico probatur; non instituimus comparisonem Regis & Magistratum; sufficit hoc sequi, populum diffluentem & separatum jus quod non transtulit, retinere, quia totum, si nihil transtulerit, in eo statu retinere potest actuque retinet.

44. Videlicet, cum ita disputamus, supponitur, populum expressè quædam jura Majestatis sibi reservasse; si nihil quam pollicitatio quædam facta sit à Principe, tenetur quidem ille populo, sed non aliter, ut videtur, quam pater-familias, qui aliquid uxori, liberis, servis suis promiserit, obligatur, quæ de re sub titulo *de promissis summarum Potestatum*.

45. Verum instatur adhuc; *Obligatio extinguitur, ubi persona cui debetur, deficit*, ubi nemo est, qui exerceat jura partesque exigendi occupet; atqui id tum evenit, quando populus stabilito Imperio, dissolvitur absque certo ordine redeundi in unum; Neque enim singulis vel paucis facultas resistendi Imperio summo, sine summa confusione, permitti potest.

46. Accedit, quod nec ulli competit facultas convocandi populum, invito eo, qui tenet Imperium; Ob eandem summi periculi rationem.

47. Quod si populi conventus agi non possit, nihil quoque decerni potest adversus Regem, licet terminos declaræ sibi potestatis excediatur; ideoque res loquitur, solidum Imperium, etiam non ita delatum

tum Regi, per consequentiam ei ad crescere & advolvi.

48. Illustratur hoc simili, quod de sumitur à testamento, ubi testator ex parte assis heredem scripsit; neque ex reliquâ hereditate quenkquam nominavit; tunc enim heredem ex parte institutum haberi pro herede ex assis constat, §. 5. *Inst. de hered. instit.* propter regulam, quod nemo pro parte testatus pro parte intestatus decedere possit *l. 7. ff. de R. J.*

49. Ita & princeps, cui pro parte Imperium est delatum, non expresso, à quo & quomodo reliquum teneri debeat, in solidum Reipublicæ impositus videtur.

50. Quia præsumptio, quod populus minime voluerit pro parte regi & pro parte non regi, validior est, quam quod testator partim testatus partim intestatus decedere noluerit.

51. Responsionis loco, exemplum proponemus. Populus Romanus Decemviris summam Reipubl. potestatem ad annum dederat, legum ferendarum causâ, sicut narrat Pomponius in *l. 2. §. 24. d. d. o. J.* Quare cum potestatem sibi prorogarent, ut ipsi & factio sua perpetuo Reipublicam occupatam retinerent, an jure populus ei se tunc opposuerit? Nulli, opinor, id dubium est; Atqui populus erat separatus, nemo præter Decemviros imperium, nemo jus populi convocandi habebat. Exercuit tamen plebs tota suum jus & statum Reipubl. amissum recuperavit, ut iterum Pomponius, *quasi rem certi juris*, memorat.

52. Si dicas, non habuisse Decemviros imperium diutius quam datum erat, regeram; nec principem, cui partes imperii non omnes datæ sunt, Imperium hæcenus habere, si jura, quæ nunquam ei data sunt, exerceat; adeo ut is nihilo magis supra privatum sit,

quam monarcha temporarius spatium suum emensus, aut is qui extra territorium jus dicere præsumit. *l. ult. x. d. Jurisdic.*

53. Ex his facile apparet, quam falsum sit, quod tradit Hobbes in *d. cap. 6. §. 17. sub fin.* Populo sine tempore locoque repetendi conventus digresso, si interea temporis det alicui potestatem puniendi eos, qui leges transgrediuntur, eam necessario esse absolutam; ut vel ex democraticis, quæ modò adduximus exemplis, perspicuè patet.

54. Quin et si non modo non solet, sed etiam non possit populus aut ingens optimatum numerus convenire, nisi à certis Magistratibus convocetur, hostamen Magistratus idcirco habere summam Potestatem, aut Populum vel majorem illum Numerum definire illam habere, nullo modo dicendum est, quemadmodum exemplis Romæ aliisque veteribus & Præsentis Frisæ nostræ liquet.

55. Proinde res eò deducitur, ut statuum sit, cuilibet corpori civium, in eò & singulis eorum, quibus primævum eligendi jus fuit, in tempore & loco, facultatem competere, exigendi ab Imperantibus, ne usurpent quod nunquam iis datum atque delatum fuit: An & resistendi facultas contra vim ex eadem juris necessitate sequatur, *alibi* expendemus.

56. Parata erit objectio, videri hanc rem periculosam & exitiosam civitati; verum hæc ratio valet hæcenus, ne in dubio populum tranquillitati communi adversa voluisse credamus; non ut ea quæ diserte constituit, hoc argumento subvertantur.

57. Omnino enim alia juris, alia prudentiæ quæstio habenda; juris est, ut cuique de suis rebus pro lubitu disporre liceat. Prudentiæ est, expendere, profit, an noceat sibi; jura id non interest;

terest; modo nulli alii iniquam inferat conditionem. heic de jure quaeritur; quid ex usu sit, politici judicare debent.

58. Atqui liberum fuisse populo, deferre & non deferre & quantum imperii deferre vellet, id & *Hobbesio* confessum & ratione exploratum est.

59. Tu qui putas, principibus fas & integrum esse, jura sibi expressè negata invadere, neutiquam securus inde incommodis sententiam tuam liberabis.

60. Plane & *Grotius* summæ potestatis acerrimus vindex, haud secus docet, quam Principem partes Imperii non datas sibi vindicantem, hætenus privatum esse, nec cives ei ad obsequium esse obstrictos. *l. 1. cap. 4. §. 13.*

61. Denique, nec ita periculis obsepta est sententia nostra, quin obviam illis iri ac anteverti possit: Remedio non tantum prudentiæ, qualia excogitare politicorum est, sed & juri consentaneo.

62. Nam ut populus in democratiâ, ordinatis magistratibus, ad sua rediens tacite mandat, ut si quid supra illorum ministerium in Re communi occurrat, civium conventus ab ipsis indicatur, sicut *Athenis ac Romæ* fieri solebat;

63. Prorsus ita populus statuens Principem, sed quædam jura sibi reservans, tacite hoc ipso stipulari intelligitur; ut, si quid ad hæc pertinens sit agendum, Populare concilium indicatur, siquidem electio sit populi.

64. Nam hoc ultrò intelligitur, si Proceres eligant, vel jus soli ad constitutiendi habeant, de his ea quæ dicta sunt, intelligenda. Idem juris est, si non omnis populus, sed ordo aliquis aut immobilium possessores, sicut in *Frisiâ*, jus constituendi plures imperantes, annuos vel perpetuos in Republ. habeant.

65. In defectu jurium, quæ populi aut optimates sibi reservare debeant, summa opus esse prudentiâ, non est,

quod moneamus; Præcipui ex illius momenti esse jus condendi Leges eademque abolendi facile constat.

66. Sed vis longe maxima & architectonica est in his duobus; in jure exigendi pecunias à civibus, per tributa & vectigalia; & in jure conscribendi & habendi milites perpetuos ac mercenarios. Ubi hæc duo jura non valide sunt obsepta Principibus, ibi quicquid est Legum fundamentalium sensum evanidum & eulforium fieri, bene doctæ sunt gentes, etsi nunquam satis edoctæ.

67. Bene consulunt, qui certos & statos Ordinum populi Procerumque conventus convocacione non simpliciter à Principum arbitrio dependente, constituunt. Etsi enim jus populi ab eâ re non pendet, ut *Hobbes* argutatur, ad executionem tamen Legum fundamentalium, id efficacissimum esse, non est dubitandum.

68. Acquiescamus igitur in hac *arbitriâ* & *Hobbesiana*; Populum esse unum quid, cuique jus aliquod rectè adscribi, quamvis nec congregatus sit, neque scias tempus futuri conventus.

69. Quia manet obligatio, qua mutuis pactis se pridem conjunxerant. Et quia naturaliter quicumque jus ex pacto commune cum pluribus habent, æqualiter id, seu conveniant, sive non, habere censentur.

70. Præterea teneamus quod populus totus qua totus, paucis vel uni imperium deferre possit. Non modò per totum mare, quo singuli à reliquis stipulentur, usque spondeant obsequium se paucis unive præstituros.

71. Sed & credere *Arædige* inter populum totum, vel qui jus populi habeant, veluti partem unam, & Imperantes, ut alteram partem.

72. Priore sensu nullum quidem est vinculum obligationis inter populum &

Imperantes, sed inter singulos. At nihilo secus acta Imperantium præter & extra id, quod ipsis compromisso populi delatum fuit, ipso jure nulla sunt.

73. Quemadmodum arbiter compromisso electus hoc ipso non obligatur partibus, sed hæ tenentur acquiescere in eo quod Arbiter, sive æquum sive iniquum, dixerit *l. 27. §. 2. ꝛ. de Recept. qui arbit. recep.* Quod si tamen arbiter compromissi terminos excesserit, quod hætenus statuit, ipso jure nullum est *l. non distinguemus 32. §. de officio 15. ꝛ. eod. tit.* Jam in altero respectu, quo Imperium per conventionem inter Populum & Rectores constitutum fuit, duos esse foederatos, nullum est dubium.

74. Tandem adeo, populum, etiam dissoluto conventu, retinere facultatem ejus juris, quod congregatus acquisivit vel actu habebat, dicendum est.

75. Nec minus verissimum esse, quod imperantes nullo modo plus obtineant, quam ex voluntate eorum qui imperium dederint. Et hæc quidem ex iis quæ dicta sunt, apparent.

76. Quare iterum negamus Hobbesio, *in omni civitate aliquem esse hominem vel concilium, qui quodve potentiam in cives singulos jure habeat tantam, quantum extra civitatem unusquisque habet in semet ipsum. c. 6. §. 13. in pr.*

77. Cum enim collatio illius juris pendeat ab eorum voluntate, nihil est causæ, cur non ita animum inducere possint, ut aliquanto minus potentia transferat velint; Quatenus defensionis communi vitandæque confusioni sufficere arbitrentur.

78. Instat ille; *Si potestas imperantium limitatur, necesse est, ut id fiat à majori potestate. Hæc vel sine limite est, vel iterum cohibetur ab aliâ majore. Et sic tandem ad potestatem sine limite deveniatur. ibid.*

79. Respondeo ad primam positionem; Si intelligit potestatem in Republ. jam ordinatâ, negamus, Limitationem inde proficisci debere: nos enim aut arcessimus eam à conventionem singulorum, per quam Civitas fundata est, ita ut limitatio præcesserit Rempublicam, sicut dictum; Aut si populus jam pridem coactus in civitatem, imperium transtulerit, limitatio est ab illo populo, qui fuit major potestas, quam tunc erat is cui imperium offerebant, idque ad hanc rem sufficiebat.

80. Verum Translato imperio, non manet illa potestas major; limite posito, definit esse potestas, & Imperium, sicut fundatum est, unica manet potestas, limite circumscripta. Quem limitem si Rex manifesto egreditur, eatenus non est Rex.

81. Hinc liquet, non esse necesse, ut progrediamur ad ejusmodi potestatem in Republ. infinitam, qualem sibi fingit Hobbes; siquidem causa limitans ante & extra formam Reip. collocari potest ac debet.

82. Addamus exemplum, ut videamus, an res facultatem usumque habeat. Rex constitutus est hac lege initio dictâ, *ne jus habeat indicendi tributa, nisi maximo populi comitio.* Hujusmodi Rex habet vere summam potestatem sed non integram. Si tributa solus indicat, Imperium ejus hætenus est ipso jure nullum, nec quicquam ei hac parte parere debet. Nec incognita sunt regna, ubi sic juris est & ubi adhuc quidem ita servatur.

83. Res igitur hæc redit, ultimum potentia consistere in singulis, qui sunt ipsi jus in infinitum habent. Potentia civitatis, ex universis eorum voluntatibus constata est, quas aliter ac aliter habere se posse diversitas Rerumpubl. demonstrat,

C A P. V.

De Legibus Fundamentalibus.

Imperantes simpliciter constitutos Legibus cunctis esse solutos, tam quoad directionem quam coactionem, quatenus in illis ad civilem obedientiam obligatio vertitur; at obligatione, quæ est juris Naturæ, Gentium & Divini haud dubie teneri, ut & fundamentalibus. Quæ sint tales. Non esse instituta, quæ tacite in omni Imperio excepta intelliguntur, sed esse constitutiones, quæ in fundando Imperio instar conditionum adiciuntur. illarum potestas, quando tollant, quando minuant vel restringant summam potestatem. Iura majestatis in una civitate penes diversos communicative non separatim consistere posse, ubi, an dentur Resp. mixtæ. Quid juris sit, ubi Imperantes salvis Legibus fundamentalibus, nullis tamen expressis, sunt constituti. Legem, ut controversiæ publicæ inter principem & ordines populi per arbitros terminentur, videri tollere summam potestatem. Etiam stabilito Imperio, communi Imperantium & subditorum consensu expresso vel tacito, per præscriptionem temporis immemorialis, oriri posse jura fundamentalia. Privilegia civibus indulta non esse fundamentalia, nisi forsitan vetustate cebrisque stipulationibus vim utrinque obligatoriam acceperint: quo modo aliqua Imperia è despoticis civilia sint facta. Quale sit genus obligationis è Legibus fundamentalibus.

Decantatus nihil est, quam *Principem Legibus esse solutum*, quæ est regula Juris Romani, verum ab omnibus politicis & juris publici scriptoribus adoptata, ex l. 31. *de Legibus*.

2. Nec tamen æquè usquam variant interpretationes, de quibus vide, sis Virum Cl. Ant. Matthæum *disp. 1. ad Pandectas*.

3. Nos in eo, qui habet summam potestatem, seu Populo toto, sive Optimatibus, seu Principe simpliciter constitutis, qualis erat Romanus ex formulâ Legis Regiæ Princeps, nullam agnoscimus exceptionem.

4. Proinde cunctis legibus eum solvi, nec ullâ omnino Principem teneri arbi-

tratur. Ne quidem illis (sine invidia dictum) quæ sanciant ea quæ jure naturæ, Gentium & Divino præcipiuntur.

5. Non quod adversus illa jura Princeps haud æque peccet ac privatus, sed quia legum vis consistit in necessitate civilis obedientiæ l. 7. *de Legibus*. Quam non cadere in summam potestatem voces ipsæ, nedum principia pridem posita, sponte docent

6. Proinde aliud est querere, num iste homo qui principatu potitur, jure naturæ, gentium divinoque teneatur; Aliud, num *Princeps qua salis*, legibus sit solutus. Vide tamen super hoc articulos quod scripsimus in *sect. 3. c. 1. n. 18. & seqq.*

K 3

7 Jura

7. Jura ejus personam obligant, ea vi quam efficere possunt; Nempse ut & Deo & hominum illis, quibuscum in statu naturali agit, quales sunt omnes exteri, devinciatur.

8. A quibus & cogi & ob delicta puniri potest; quoniam illis non est Princeps, & jus puniendi est etiam naturale, sicut Grotius in *C. de panis lib. 3.* docet.

9. At eorum respectu, qui ut principem eum agnoscunt, ista jura nullam adversus eum vim exercere possunt.

10. Qui enim cogi potest, is vel superiorem vel parem duntaxat habeat oportet. Quorum neutrum de populo toto, vel Principe simpliciter constituto prædicari potest, ut vox ipsa *summa* potestatis ultro significat.

11. Ne quidem excepimus Leges Imperii *fundamentales*, quibus alioqui principes teneri volunt. Non quod hoc negemus, sed quia in principatu simplici constituto nullæ præsumi possunt.

12. Nihil audimus jactari frequentius, nihil videmus intelligi rarius quam *leges fundamentales*, ut non immerito notat Hobbes alicubi in *Leviathano*.

13. Nos *legis* vocabulo primum considerato, submovemus ab hoc termino proprie accepto, *quicquid actu non est constitutum. Legem oportet esse latam & legem, ut vere pro lege possit haberi.*

14. Positivas igitur Leges, quæ dicuntur, proprie ad hanc classem referendas putamus. Unde, quæ in voluntariis Imperiis tacite excepta intelliguntur, ea non nisi analogice *fundamentales Leges* appellari videntur.

15. Si quis tamen legis vocem, ut potest fieri, tam latè malit extendere, ut omne *jus* appellet Legem, non repugnamus, quominus leges *fundamentales* duorum generum esse dicantur; quædam expresse quædam tacite constitutæ.

16. Ad tacite intellectas leges præter

ea, quæ *suprà* tacite in omni Imperio excepta intelliguntur, referemus sequentia, I. Salvam civibus libertatem personarum rerumque suarum dominium esse debere.

17. II. Imperantem nihil posse de Imperio ultra terminos vitæ itatuere, nisi id habeat in patrimonio.

18. III. Civitatem in partes subjectivas non distrahendam, id est, ex unâ civitate non fieri duas, aut alterum alterius membrum esse faciendum.

19. IV. Mares feminis, primogenitos minoribus natu in regnis successivis & non patrimonialibus esse præferendos, quæque similia *superius* exposita, vel adhuc explicanda sunt.

20. Expressæ leges *fundamentales* ut sciamus quæ sint, præmittemus, *Fundamenti* verbum id significare, quo tota structura nititur, & quod primò omnium ponitur, *ut cuiusvis suapte planum est.*

21. Leges igitur *fundamentales* erunt proprie, *Constitutiones*, quæ in *fundando Imperio ante plenam ejus translationem stabiliantur, ut juxta eas Respublica exercentur.*

22. Jus habere populum tales statuendi copiosè demonstratum est, *in cap. præced.* etiam Imperantes illis teneri jam dubio caret; Siquidem plus juris quam acceperint, exercere eos non posse, ex iis quæ disputata sunt, irrefragabile esse liquet.

23. Tollant autem vel minuant Leges *Fundamentales* Summam Potestatem, an arctius duntaxat faciant ejus exercitium, ex qualitate sententiæque singularum est colligendum.

24. Tollitur vel potius communicatur cum aliis & quia communicatur, idè tollitur in Principe, Summa Potestas, si constitutum sit, *ut nihil possit in jure imperandi maximum, sine assensu Senatus vel Ordinum populi.*

25. Spe-

25. Species illa quidem est societatis, sed qui socium, is habet parem; Qui habet parem, ille summus esse desinit.

26. Nec adeo minus juridicum aut philosophicum quam populare est, quod dicitur; socium habere, id est, dominum habere.

27. Quod si illud non in universum, verum de certis capitibus, ut plerumque fit, statutum fuerit, tum non tolli fed minui summam potestatem, rationi consentaneum est.

28. Nam ubi unum Imperii jus, quod ad summam Rempublicam spectet, si ve unum ex majoribus Majestatis juribus Principi relinquatur, obnoxium nulli, dicemus, ibi summam esse potestatem, etiam si non integram.

29. Ejusmodi porro communicationem totius vel pro parte majestatis posse fieri, ex ratione sæpius memorata clarum & experientia certum est, in ipso *Cæsare Germanico*, Rege *Polonia* aliisque ad hodiernum usque diem evidentibus exemplis.

30. Si talem intelligunt mixturam, qui de Republ. mixta loquuntur, non est quod negemus, eam & existere & diu consistere posse; sed multi fingunt mixturam, quæ mihi non videtur in moralem facultatem unius regendæ civitatis coalescere posse.

31. Scilicet hoc modo, ut integra Majestatis jura inter ordines diversos distribuantur, quædam uti princeps, aliqua primores, alia populus habeat, singulique sua jura, alii aliis non obnoxii, teneant & usurpent.

32. Excederet hoc notissimos Republicæ terminos, ac nescio quod monstrum repræsentaret.

33. Evanesceret comparatio concensus cum chordis aut animæ cum corpore, quam *supra* civitati & Republicæ accomodavimus.

34. Nec plane una sed omnino triplex foret majestas; tres enim potestates liquido & simpliciter summæ in ea specie consisterent.

35. Cæterum, non raro contingit, Imperium Uni vel paucis sub hac conditione deferri, ut salvæ sint *leges fundamentales*, nec tamen *ullæ conditiones exprimantur*, cujus rei vel hæc *Frisia* dare possit exemplum, quæ suis Rectoribus annuam defert summam potestatem, *salvis legibus fundamentalibus*: quarum tamen nullum corpus reperitur.

36. Sed talis adjectio fit, vel ab initio, vel in civitate jam pridem constituta; Si talia verba usurpentur in fundatione novæ civitatis, non apparet, quo pacto id genus adjectio effectum habere queat; proinde nullius momenti & ab initio & in futurum esse oportet.

37. Haud, secus ac si testator heredem scripserit, sub conditione, quam omnino servari velit, nec tamen expresserit. ut enim mortuus nihil præscribere potest, ita nec populus Imperio simpliciter translato; utpote qui tunc pro civiliter mortuo, quatenus utique est populus, haberi debeat.

38. Si quis tamen eo casu vim aliquam hisce verbis inesse velit, is per *leges fundamentales* intelligere possit ea, quæ in omnibus imperiis voluntariis *supra* diximus esse tacite excepta *sect. 2. c. 3. §. n. 15. b. 1.*

39. Verum enimverò si pridem constituta Civitas novum alicui deferens imperium, ita stipuletur, quod crebrius accidit, non perinde nulla ac inutilis promissio videbitur.

40. Intelligentur enim ea fundamenta civitatis, quæ tunc sunt, integra & immota relictum iri.

41. Item eas leges, quæ prioribus Imperantibus aut expresse impositæ, aut sine controversiâ observatæ fuerunt,

42. Deni-

42. Denique, partes civitatis *integrantes*, ut ita loquar, *non ministrantes*, eaque collegia, quæ exercitium iū bordinatum habent juriū Majestatis, fore inconcussa.

43. Conventus ordinum populi, Magistratuum in urbibus, jurisdictionum in agris minime submotum iri.

44. Non tamen, ut modus exercendi ista atque jura in ejusmodi Collegiis, omniaque capita moris olim observati pro *fundamentalibus* habenda sint; Modo ne tota tollantur, aut jura, in quibus vis & essentia illorum consistit, adimantur vel mutantur.

45. Ejusmodi autem fundamentalia pacta seu tacita sive expressa, non tollunt neque minuunt summam potestatem.

46. Populus enim desert liberam administrationem Reipublicæ illius, quæ in præsentia existit.

47. In quâ, si nihil aliud convenerit, minime cuncta imperii jura pro lubitu exercere prohibetur. Manente duntaxat eadem constitutione subjectivâ Civitatis & subintellectis semper exceptionibus, quas in omnibus Imperiis tacite reperiri diximus.

48. Quid verò, si novus princeps receptus sit à populo pridem formato, sub hac lege, ut jura & libertates, quæ competunt, fervet, *deque coortis controversis inter se & ordines populi, tertium patiatur judicem?* Qua conditione Frisii Carolum V. Cæsarem pro domino receperunt, ut legere est apud *Winfemium histor. vernac.* ad ann. 1515. *ubi ipsum instrumentum extat.*

49. Parum abest, quin ejusmodi Principatus non sit verè Summæ Potestatis, siquidem huic *naturaliter* competit, *esse judicem in propriâ causâ.*

50. Nempe ut *Naturaliter*, non sit simplici jure naturæ, sed necessario, &

secundum naturam potestatis, quæ suprema est, quemadmodum Jureconsulti dicunt, *naturaliter* opponi inter se hæc duo; testatum ac intestatum mori. *l. 7. x. de R. J.*

51. Enimverò quod princeps se tertio ut arbitro submittit, id nihil quidem officit Majestati, non magis quam privatorum libertatem minuit, quod aliquando in arbitros compromittunt.

52. Sed pactum ejusmodi inde ab initio adjectum imponit necessitatem: Et quidem talem, ut acta Principis infirmari hoc modo posse videantur, quod est essentialia *æternæ* summæ aut non summæ potestatis.

53. Sane causam armorum *Frisis* contra *Hispanos* hoc pactum sine dubio præbere potuit evidentem. Quia satis constat, *Philippum* Regem æquos arbitros sæpius imploratum deigere perseverasse.

54. Exiitimus porro & eas leges, quæ firmato pridem Imperio, per modum solennis conventionis, inter imperantes & subjectos legitime stabilitæ sunt, *hac mente*, ut pro *fundamentalibus habeantur*, utrimque esse obligatorias.

55. Cujusmodi illa fuit, quam dixere magnam chartam apud Anglos, cujus firmandæ modum valde notabilem sub *Henrico III.* Polydorus Vergilius & Bakerus in *ejus vitâ* referunt. Sancita erat devotione carminis horrendi in eorum, qui pactis non starent capita: Charta legebatur, Rege cum Proceribus erectis, faces manibus ardentes tenentibus, quas carmine perlecto, in terram projecerunt, iisque fumantibus exclamabant; *Sic extinguatur, ita foveat, qui fidem non servabit.*

56. Denique eandem vim habere putamus instituta Reipublicæ ad summam Imperii & jura ordinum spectantia, quæ longo usu tacito; consensu Imperantium & subjectorum indubitato recepta sint.

57. Nam

57. Nam & jura Majestatis præscriptione temporis acquiri vel mutari posse videbimus *in loco*.

58. Ratio, quare conventiones solennes inter Regem populumque vel proceres ita possint iniri, ut utrimque vim obligandi habeant, atque ut populo, jus inde contra Principem acquiratur, pendet ex iis, quæ *superius* disputata sunt.

59. Scilicet, populum considerari posse ut Univerſitatem juris capacem, etiam quando sub insperio est; Quod si verum est, nihil causæ fuerit, quare jus novum per liberam consensionem cum Imperantibus, acquirere nequeat.

60. An autem populus ab invitis Principibus novi quid exigere possit, haudquaquam temere adfirmandum videtur; sed hoc *inferius* excutietur.

61. At imprimis cavendum, ne *Privilegia*, quibusdam civibus aut Reipubl. membris liberaliter & ex gratiâ principum indulta, cum legibus Reipubl. fundamentalibus confundantur; siquidem in his nulla conventio vim obligationis utrimque firmat, ideoque solo honestatis, nullò necessitatis vinculo largitorem obstringunt.

62. Quo pertinet, quod Ludovicus XII. Galliarum Rex, Genuensibus in poenam rebellionis, omnes suas Leges, quibus ut fundamentalibus nitebantur, jure belli, ademit, easdemque postmodum quam privilegia, suo arbitratu restituit, ut auctor est *Guicciardinus in lib. 8. Histor. Ital.*

63. Quare monitos velim eos, qui de justitia armorum nostratium adversus Hispanos loquuntur, ne meritum causæ in violatione *privilegiorum*, ut loqui audent, statuere velint.

64. Nisi enim leges fundamentales ipsam violatas docere queamus, solâ possessione libertatis contenti esse deberemus.

65. Enimvero non verba sed res expendimus, & proinde sententiam eorum, qui de violatis privilegiis in causâ *Belgica* loquuntur, non reprehendimus; sed in recto usu verborum sæpe rationum momenta includuntur.

66. Neque tamen id à jure abhorret, *Privilegia*, quæ vetustate populique stipulationibus ac novis Imperantium promissionibus iterata sunt, aliquando vim legum utrimque obligantium adipisci, quod omnium fere Gentium usu probari videtur.

67. Quin etiam Herilia Imperia quandoque in civilia hoc modo fuisse mutata videmus, sicut in Anglia factum videtur à *Guilhelmi Normandi* temporibus; siquidem is jure belli regno positus eodem jure à *Normanibus*, ut libitum fuit, id exercuit.

68. Idemque à posteris æquè exerceri potuit, nisi crebrâ jurium largitione ac indulgentia solennique confirmatione sensim ab antiquo rigore, cui pares non erant, recessissent.

69. Cæterum, conventiones non cum toto populo, verum certis hominum ordinibus initæ minimè pro *fundamentalibus* habendæ sunt; at hic articulus pertinet ad caput de *promissis* summarum potestatum, de quibus *inferius*.

70. Obligatio, quæ ex fundamentalibus oritur legibus, haud alia esse potest quam Naturalis, quæ & juris Gentium dicitur; siquidem in eos qui habent summam potestatem vis civilium sanctionum intendi non potest, *quoniam hæc ab summâ potestate subjectis præscribuntur*. In nostrâ autem specie duo contrahentes, hæctenus pares, intelliguntur.

71. Sed naturalis obligatio est duplex, una officax, altera inefficax; Prior ita vocatur, quæ conscientiam debitoris afficit solam, alterique nullum jus exigendi tribuit, cujusmodi est obligatio domini &

ni & patris aliquid promittentium servo liberisque suis, item obligatio ad remunerandum, ut docet Jctus in l. 25. §. 6. *de Hered. pot.*

72. Obligatio Naturalis efficax est, quæ non modo debitorem promissoremve tenet, sed etiam creditori seu stipulatori jus exigendi exequendique tribuit; & talis oritur è conventionibus initis inter eos, qui se non habent ut subjecti & Imperantes, vel qui eidem summæ potestati non sunt subjecti: proinde etiam ex legibus hujusmodi fundamentalibus inter Regem populumque sancitis.

73. Prioris generis obligatio, quæ est inefficax, oritur etiam è privilegiis & promissionibus à summâ potestate factis & indultis; nam tales, etsi jurate non dant exigendi exequendique jus iis quibus aliquid concessum vel promissum est, exemplo servorum, liberorum & uxorum adversus dominos, Patres, maritos.

74. Ejusdem generis sunt etiam Pacta generalia cum regnantibus aut regnaturis, quæ nihil quam officium boni Rectoris exprimunt; veluti, se populum defensuros, cuique jus & justitiam, viduabus & orphanis quoque administraturos, denique facturos omnia quæ bonum amantemque Principem facere oportet, qualia in solutissimis quoque regnis præstari solent.

75. Leges, quæ fundamentales appellantur, debent esse *speciales*, & nominatim aliquid derogare de juribus Majestatis, ita ut facultates, sicut imperantes velint, exercendi tollatur; ac insuper, inquam, debent esse conventa totius populi vel maximæ partis ejus, aut eorum qui populum representant, quia pars minor in civitate rebusque imperii non habet jus personæ.

76. Ex his potest existimari de eò, quod Cardinalis Perronius in sermonibus

à *Pisbois editis* referebat; se intellexisse ex iis, qui conventus *Reformatorum* in Gallia frequentabant, eos pro regulâ tenere, certâ, Regem cum illis uti debere *jura Gentium*, quatenus bello gesto & pace factâ conditiones partibus suis stabiles impetraverant.

77. Nam si conditiones Edictis Regiis concessæ *Reformatis* irrevocabiles erant armisque vindicari possent, non simpliciter privilegia, sed leges fundamentales esse debebant, quarum, ut diximus, obligatio naturalis, sive juris Gentium est. *Ex jure civili summa Potestas in his quæ ad Imperium pertinent, necessitate nullâ potest obstringi, quia non habet, à quo cogatur.*

78. Sed opinio, *pergebat ita Cardinalis, quod sub jure Gentium vivant in Gallia*, *Reformatis* bene valideque excutitur; siquidem omni die in bonis & in corporibus violantur, adeoque tractantur injustè, *qu' ils trouvoient, peust-estre, moins de barbarie chez les Cannibales, que parmy leurs propres concitoiens*, hoc est, ut forte minus barbarica inhumanitas reperirent, inter populos hominum voratores, quam inter civos proprios. Hæc ante quinquaginta annos homo Cardinalis: quid his diebus diceret non Cardinalis!

79. Porro, ut in viam redeamus, quando ejusmodi sunt leges fundamentales, quæ communicationem summæ potestatis in quibusdam duntaxat juribus inferunt, tum Imperantes non desinunt habere summam potestatem.

80. Nam etsi populo jus ex iis legibus quæsitum affirmemus, non ideo superiore Principe constituimus. Possunt enim actus esse nulli ipso jure, ad quod superior alius non requiritur.

81. Quin id ipsum in despoticis Imperiis, quæ sine controversia sunt summa, locum habere potest. Persarum Rex haud

haud dubiè talis erat ; Qui tamen ad-
versus leges cum proceribus regni semel
stabilitas nihil agere, decernere poterat,
ut *Historia Danielis indicat.*

82. Sed ubi Rex nihil omnino absque
Senatu procerum vel populari, in majo-
ribus rebus decernere potest, ibi parum
abest, quin Aristocratia obtineat. Talis

hodie sine dubio *Dux Venetorum*, nescio
an & *Rex Polonia*, & Imperator *Roma-
no Germanicus* est. Proinde adversum
eos civilis legum obligatio valere posse
videtur.

83. Cæterum, de executione Legum
fundamentalium & quatenus resistere li-
ceat, inferius tractabitur.

C A P. V I.

De Juribus Majestatis majoribus.

Divisio jurium Majestatis in majora & minora. Primum, jus gladii, id
esse duplex, vitæ & necis in cives, belli in externos. Prius ut discrepet
à mero Imperio. In civili Republ. non esse jus Imperanti, quenquam
indictâ causâ necandi, nisi in extremo periculo. Ad hoc jus vitæ ac ne-
cis etiam asylâ referri. De jure belli. Alterum jus Majestatis de pace
ineundâ. De fœderibus, eorum differentia à sponsonibus. Jus mitten-
di Legatos. Tributa exigendi & vectigalia : idque male inter minora
referri. De dominio eminente : ut differat à ratione status. De jure
Legum condendarum, ubi & de statutis municipalibus. De creandis
Magistratibus, eos nihilo plus juris adversus summam potestatem ha-
bere quam privatos. De judiciis & de summâ provocatione.

Sed cujusmodi Leges sint fundamen-
tales, id in quâque Republicâ con-
siderandum est. Hæc nostra universalis
disciplina Summam Potestatem simplici-
ter spectat. Cujus proinde jura singula &
omnia, in quibus exercitium ejus con-
sistit, ordine recensebimus.

2. Vocantur & Regalia, vocalatius
sumpta & alicubi *prærogativa* Regiæ,
in Angliâ ; quatenus ea voce quælibet
jura præcipua & excellentia significantur,
dicitur à jure primæ classis Romanæ, quæ
cum sola plures haberet centurias & suf-
fragia quam reliquæ pariter omnes, prius
rogata, consentiens, legem cæteris quo-
dammodo præscribat.

3. Jura Majestatis, id est, Summæ

potestatis vulgo non male *in majora &
minora* dividuntur. ab illis incipiemus.

4. Principio certum est, quia non tan-
tum ob amorem societatis, sed etiam ad
tutionem vitæ bonorumque Civitates
constitutæ sunt, sine gladii potestate
nullam haberi posse Rempublicam.
Eamque tam ad coercendos maleficos in
civitate pertinere, quam ad propulsan-
dam vim externam.

5. Unde duplex jus Majestatis oritur.
Primum *vita ac necis*, alterum *jus belli*.

6. A priori discrepat merum Impe-
rium : quod est jus animadvertendi in
facinorosos, *jure Magistratus*, (liceat ita
loqui per Jctqs) quod est ministerium
summæ potestatis, competens.

L 2

7. Sed

7. Sed huic imperio non adest facultas proscribendi homines sine judicio, nec dandi veniam reis aut damnatis; Quod sub jure vitæ necisque omnino continetur.

8. Illud verò potest quidem semper, *verò tamen debet* exercere Summa potestas, At quando debeat, hoc ad caput *de judiciis* pertinet.

9. In civili Imperio licet absoluto, vita quidem nulli quam causâ cognitâ, jure potest auferri; Nisi forte secus ratio & periculum Reipublicæ postulet, neque res moram cognitionis ferat.

10. Cujusmodi *Regiâ manu*, quæ in paratâ executione consistat, non posse Republicam carere, Dictatura satis apud Romanos ostendit.

11. Judicium vero de ratione illâ necessitatis repentinae ad Imperantes pertinet; ut tamen si qua vis aut cædes, causâ non cognitâ, committatur, heic tamen cesset præsumptio, *quâ res judicata pro veritate habetur*; causam oportet esse liquidam & manifestam.

12. Denique, si quem Princeps more latronis invadat, is nec jure cæsus videtur. Quia nec in populari Imperio pars major eo modo quenkam sine injuriâ opprimere potest, *ut diximus pridem*.

13. Quid autem in ejusmodi casu liceat invasis, *infra* in loco communi differemus.

14. Non est etiam, ut putemus, Ordine cognitionis servato, manifestas oppressiones & injurias vim juris induere, sicut historia *Achabi & Nabothi* loquitur.

15. Porro ad jus vitæ necisque refertur constitutio locorum *asylorum*, quibus supplices contra vim privatam publicamque protegentur.

16. Cum enim eâ re sistatur vigor judiciorum, palam est, excedere hoc institutum, potestatem Magistratum. At

quatenus justa sit eorum usurpatio, id *atibi* tractandum.

17. Altera pars juris gladii adversus vim externam comparata est. Diversos enim populos inter se uti conditione status naturalis; Eumque recte dici *statum belli* haud gravate concessimus *Hobbesio*.

18. Quatenus contentiones facillime inter homines nullo judici subjectos oriuntur: Neque alio exitu, si connveire nequeant, quam decernente ferro, terminari possunt. Quod pertinet celebre dictum, *Ubi judicis desinunt, ibi incipere bella*.

19. Cum autem universæ Civitatis motum & discrimen hæc res contineat, clarum est, non posse id aliter quam ab eo *qui jus totius habet*, exerceri. Quod omnium populorum juriumque consensu maximo traditur.

20. Quatenus autem cum Magistratibus hæc potestas armorum communicari possit, *ut & reliqua jura bellorum, peculiari loco* trademus.

21. Heic enim simplici enumeratione juxta ac demonstratione, *cur ad summam potestatem quæque jura pertineant*, defungemur.

22. Proinde, cujus est bellum decernere, ejusdem est sine dubio, pactiones, quibus bellum finitur, id est, *Pacem* contrahere. In Democratia sine controversiâ id est majoris populi partis, alibi optimatum; Consequenter Regis in statu verè monarchico.

23. Modo rex ille jus habeat non impeditum per ætatem aut amentiam, vel denique captivitatem. Non enim credibile est à populo Imperium eâ lege delatum esse, ut etiam à non libero exercetur.

24. Eadem præsumptio est de exilio Regis, nisi voluntaria & plenelibera sit absentia. Sed hæc limitationes cunctis

juribus

juribus summæ potestatis videntur esse communes.

25. Paci adsimilantur *fœdera*, quæ sunt reliquæ conventiones diversorum populorum principumve inter sese.

26. Nam cum obligatio, nisi in personam cadere nequeat, & civitates per eos qui potestatem summam habent, *personæ fiant*, manifestum est, jus fœderis pangendi ad hanc classem, esse referendum.

27. Hinc oritur differentia inter *sponsiones & fœdera*, quorum illæ sunt conventiones absque mandato initæ à ministris summæ potestatis, de rebus ad ipsum pertinentibus, qualis *Caudina pax & sponsio Lucifariana*, quas ideo populus ratas non habuit. Liv. l. 9. à pr. Polyb. lib. 3. cap. 5.

28. Hicce cohæret jus mittendi Legatos, quorum ministerio fœdera contrahuntur; Quales cum hoc effectu, *ut jure Gentium sancti habeantur*, nullis quam qui vere habent Majestatem, mittere licet.

29. Nam in reliquos, qui mittuntur ab iis qui subditi sunt aliis, leges civiles valent. Quia plus juris delegatis quam delegantibus, qui leges accipiunt, adscribi non potest.

30. Atque hæc ad defensionem civitatis pertinent, quo etiam refertur jus *Tributa & vectigalia* exigendi, quod multi interminora Majestatis jura referunt.

31. Aded perperam, ut nullum in omni Republ. pluris faciendum sit; Nec aliud manifestius *veritas* absolutæ potestatis habeatur.

32. Nullum quoque frenum populi censeant esse adductius, nullum efficacius remedium, ad continendos in officio Principes, quam si hoc jus saltem ex parte sibi referent; Quando non minus in Republ. quam in privatis fa-

millis, *pecunie cuncta servire* compertum est.

33. Imperio alioqui civitatis simpliciter delato, nihil est causæ, quare non hoc etiam jus libere translatum videatur in Optimates aut Principes.

34. Siquidem adeo necessarium ad tutelam civitatis instrumentum, nullo modo ab Imperantibus separari potest, nisi id expresse liqueat esse factum.

35. Non moramur, quod prudentissimis visum est scriptoribus, *nulli principum in terra licere ab invitis civibus exigere pecunias*, dictum *Comminari*.

36. Habent hanc hypothesin, quod proprietas bonorum in Civilibus Imperiis relicta sit privatis; verum hoc non prohibet, quominus Imperantes singulis pecunias imperare possint.

37. Nam & Civitati aliquod dominium in bona civium tribuitur, quod privata quidem dominia non tollit, sed tamen eminent supra illa.

38. Unde à Grotio non absurde *Dominium eminentis* vocatur; Cujus hæc vis est, *ut ad Imperantes* (verba Senecæ) *potestas omnium, ad singulos proprietates pertineat*. Seneca 7. de benefic. 4.

39. Idque merito in numero jurium Majestatis collocatur; Fundamentum habens in *consensu eorum qui constituunt civitatem*.

40. Quos omnes ita velle manifestum est, ut si contingat, Reipubl. utilitatem non posse custodiri, sine incommodo damnove privatorum, utilitas Publica privatæ præferatur.

41. Quod cum maximi sit momenti modumque ordinariæ potestatis transcendat, consentaneum est, à nemine quam ab eo, qui summum habet imperium, esse exercendum.

42. In quem singuli *ex pacto cum singulis* in hoc jus transfulerunt, ut omnium atque singulorum rebus pro communi

muni bono, *in vitis etiam singulis*, uteretur.

43. Adeoque voluntatem Imperantium quisque sicut in aliis, ita hac in re pro sua voluntate reputare debet, *ut ex principis dudum positus* recordamur.

44. Hinc est, quod injuria non fit civibus, quando res suas non modo vendere, sed & sine pretio illis quandoque cedere coguntur: Sic tamen ut Respublica cum primum poterit, ad restituendum teneatur.

45. Quia certum est, populos quam minimo singulorum damno illud eminentis dominium fundare voluisse.

46. *Etiam hinc est, quod aliquando cives pro Republica certo exitio exponere liceat, cujus rei speciale principium sub fin. cap. 2. collocatum est.*

47. Denique, ex hac ratione defenduntur innumeræ leges, quæ duritiam & iniquitatem, *contra singulos, utilitate publica rependunt.*

48. Imo efficiunt, ne sit iniquum, quod seposito consensu ac fœdere civiû, foret iniquissimum. Nam quod ipse quilibet facere intelligitur, in eo factam sibi injuriam nemo queri potest.

49. Ita liquet responso, quæ occurrendum sit illis, qui statuentibus aliquid licitum fieri ob utilitatem publicam, quod in se ac simplicitate naturæ iniquum est, obijciunt dictum Apostolicum, *non esse facienda mala, ut inde eveniat bonum.* Volenti enim non fit injuria.

50. Cæterum, *Eminens* hoc, inquam *Dominium* vocatur, quia non tollit, sed limitat ac gubernat dominia privatorum.

51. Alii potestatem extraordinariam dicunt, non tam male quam odiose, quia sub hoc titulo flagitia dominationis latere creduntur.

52. Denique, *Rationem Status* huc plerique trahunt. Sed hujus appellatio pa-

ret latius; Æque enim adversus externos ac in cives exercetur.

53. Dominium autem eminentis ad solos qui cuique Imperio subjecti sunt, spectat.

54. Fuerunt jura, quæ ad *tutelam* Civitatis pertinent, aut illuc referuntur. Sequuntur, quæ ad internam *administrationem* requiruntur.

55. Tale omnium primo *ius est Legum condendarum.* Quibus cum tota Reipubl. conformatio inlit, palam est, à nullo, quam qui habet summam potestatem, eas posse proficisci.

56. Non igitur plebes olim Romæ, non Senatus, non Prætores, non JCI auctores Legum esse potuerunt.

57. Sed in libertate solus populus fuit *Κορυφαῖος νόμος* *supremus legis conditor*, ait *Theoph.* Postmodum Imperatores Cæsares.

58. Nisi quatenus summa potestas vim obligandi illis addere voluit, ut factum in plebiscitis lege Hortensia, in Senatus-Consultis à Principibus Romanis, quæ de re *dix. in lib. 1. Digress. cap. 2. & 3.*

59. *Municipia* quoque, id est, Civitates majori subjectæ imperio, nihil contra jus commune illius Imperii statuere possunt;

60. Nisi consensu summæ potestatis; ita, ut Ejus voluntate jus illud semper abrogari possit *l. 19. w. ad L. Rhod. l. 3. §. 5. w. de Sepulchr. viol.*

61. Sed jura provinciarum, quæ superiori non agnoscunt, & quæ *municipalia* sæpius nuncupantur, vere tamen sunt Leges.

62. Sæpius porro, non alienæ Potestatis Lege quæmque teneri res ipsa loquitur.

63. Unde Jus Romanum hodie nullos obligat; Nisi quatenus à liberis Europæ populis libere receptum est.

64. Cujus rei auspiciis Lotharii Cæsaris

faris memoriz adeo non exprobramus cum *Lipſio*, ut nihil ſalubrius, ſi hætenus ſubſtitiffet poſteritas, ullius principis extet factum. ſed hæc aliò ſpectant.

65. Legis-latoria poteſtas juſ quoque Leges interpretandi & mutandi continet, niſi ſint fundamentales. *Æquitas* etiam illa, quæ eſt *mitigatio juris ſcripti legum ſanctiõibus contraria*, ſolius eſt Majestatis; quia vim continet mutandi *l. 1. 7 ult. C. de Legib.*

66. Sic etiam juſ dandi privilegia, tam ſingulis perſonarum, quam certis hominum ordinibus, ut mulieribus, minoribus, orſico &c. non eſt diverſæ facultatis à Legiſlatoriâ.

67. Reſ etiam loquitur, Summam Poſteſtatem ſibi ipſi non ferre legem, non totum Populum in Democratiâ, quâ Totum, nec eos qui juſ populi integrum aut ſimpliciter delatum, ut *aliàs* dictum, habent. *l. pen. n. de Recept. qui arb.*

68. Legis enim virtutes ſunt, *Imperare, vetare, punire*, quas nemo in ſe ipſum habet. Nec ideo quæ Leges v. gr. patrimoniorum ſucceſſiones regunt, ad Summæ Poſteſtatis ſucceſſionem pertinent, ut de Jure *Devolutionis* in Brabantia viciniquæ regionibus, adverſus Gallicas *præſenſiones* *Stokmannus* alii-que demonſtrârunt.

69. Legum Miniſtri ſunt *Magiſtratus*, ut *Cicero* dixit, etſi vulgus, Reges vocet *Magiſtratus* ſummos, *contra Latina vocis uſum*, ait rectè *Grotius de Jur. S. P. circa ſacræ c. 1. nam Romanis*, pergit, *Magiſtratus, minorum Poſteſtatum nomen eſt*. Per hoc autem cum univerſus Reipubl. ordo exerceatur, non poſſunt aliunde *Magiſtratus*, quam à ſumma poteſtate proficisci.

70. Unde ſequitur, adverſus eum qui habet ſummam poteſtatem, nihilo plus juris habere *Magiſtratus*, quam infimum

quemque civium; Quemadmodum diſpenſator aut ordinarius in Familiis privati æque ſunt ſervi quam mediatiſini aut vicarii.

71. Proinde eos, Qui Regem exorbitantem non à quibusvis è plebe, ſed à præcipuis *Magiſtratibus* in ordinem redigi poſſe arbitrantur, errare neceſſum eſt.

72. Id enim à nullo poteſt fieri, quam ab eo, cui jure fundamentali id liquet eſſe commiſſum, ut *præcedenti capite probatum eſt*.

73. Cujus eſt creare *Magiſtratus*; ejuſdem eſt, abrogare & revocare, multo magis limitare & circumſcribere eorum poteſtatem; quâ de re cum cæteris ad *Magiſtratus & Leges* pertinentibus in *lib. 111. ad huc erit agendi locus*.

74. *Judicia* pertinent quidem maxime ad juſ privatam. Sed conſtitutio & ordinatio illorum ſine dubio eſt juris publici ac Majestatis.

75. Imò hac cauſa Principes maxime ab antiquiſſimis populis conſtitutos fuiſſe accepimus, qua de re vid. *Plutarcb. in Demetr. ubi de facto Demetrii libellos ſupplices in profluentem projicientis*.

76. Etſi vero pleraque *Judicia* per *Judices* ut miniſtros ſummæ poteſtatis expeditantur, *Summa* tamen *Provocatio* ſalva ſemper eſt ad illam; Sive appellandi, ſeu *Supplicationum* vel *Revisionis* aliovetitulo.

77. Item, juſ avocandi certas cauſas ad cognitionem Principis; quo quidem rarius utuntur boni Principes, ſeparari tamen penitus à ſummâ poteſtate nequit.

78. Denique, juſ *Comitia* indicendi ſolvendique eſt in monarchiâ juſ Majestatis.

79. Nam in Regno, ubi *comitiorum* facultas aliter quam juſſu Principis exerceatur, ibi certum eſt; Imperantis poteſtatem non eſſe abſolutam.

80. In-

80. In plurium Imperio jus Comitum indicendi Summæ Potestatis esse nequit; Quoniam ibi in Comitibus ipsa potestas summa residet.

81. Ideoque nihil ibi quam ministerium

est; etsi per artes politicas fiat aliquando Magisterium; At de his non agimus.

82. *Quæ plura de hisce juribus eorumque œconomia dicenda sunt, ad partem operis ultimam reservantur.*

C A P. V I I.

De Juribus Majestatis minoribus.

Divisio jurium majestatis minorum, quod vel utilitatem vel dignitatem spectent. & quæ ad hanc pertinent, rursus subdividuntur, quod vel in publicis collationibus, vel in privatis dispositionibus consistant. Prioris generis esse jus creandi magistratus inferiores, nobiles, equites, etiam comites, principes ac duces; ratione redditâ, cur eorum creatio ad majora non pertineat. Item creandi doctores, comites palatinos, notarios, concedendi nundinas & ferias. Dispensationis privatæ sunt, jus legitimandi liberos, famam restituendi, veniam ætatis largiendi, solennia Legum remittendi, debitoribus inducias dandi, onus fideicommissi bonis auferendi, res minorum sine decreto alienandi &c. Quæ ad utilitatem spectant, hæc sunt; Jus monetæ cudendæ, confiscandi bona damnatorum & mulcandi, successiones conferendi indignis, bona vacantia occupandi, item res derelictas, velut thesauros; haud tamen jure, bona naufragorum; sed & jus venandi, constituendi gabellas, portuaria, ripatica, angarias, parangarias, armandias & repressalias &c.

MInora Majestatis jura sunt, quæ ad functiones Reipubl. inferiores levioresque referuntur, nec tamen Magistratibus committi solent.

2. Hæc ita dispertimur, ut vel ad potestatem, vel ad utilitatem Imperantium spectent.

3. Quæ prioris sunt generis, ea vel in conferendis honoribus juribusque publicis, aut in privatis dispositionibus consistunt.

4. Ad primam classem referamus primo, jus creandi Magistratus minores, qui per oppida & agros juri dicundo præsint

5. Jus creandi Patricios, nobiles Equitesque, Ut nobilium ordini Duces quoque, Principes, Comites, Barones aliosque Germanicæ originis titulos accenseamus.

6. Quos quidem creandi jus mirabitur non nemo, ad minora Majestatis à nobis referri.

7. Sed ratio constat, quod ad Imperii explicationem hæc res directè non pertineat. Verum hoc sine illis tam summum quam integrum facile esse queat.

8. Si quis tamen ita faciendum putet, ut jus conferendi illustres nobilitatis gradus ad majora, cæteros ad minora Majestatis

jestatis jura referendum putet, nihil est quod refragemur.

9. Largiri facultatem *docendi Artes* studiorum publicè quæ exercendi, id ubique etiam Summæ Potestatis habetur.

10. Adeo, ut Doctores auctoritate eorum, qui superiorem agnoscunt, creati jure & ornamentis huic ordini debitis minime fruantur.

11. Ita necesse non videtur, jus condendi Academias huic numero adjicere. Quando in iis vix quicquam Majestatis proprium, præter istud jus conferendi honores studiorum, cum effectu tam latè diffuso, reperitur.

12. Tamen ita fieri solet, ut Academias sive Universitates studiorum constituere, juribus Majestatis adscribatur, nec satis est causæ, quare ab hoc more loquendi recedamus.

13. Præterea homines constituere, qui *Legitimare* natos contra præcepta legum, & creare Tabelliones aliaque jussu summæ potestatis facere possint, quales in Germania *Palatini* Comites dicuntur, id haud dubiè Majestatis est.

14. Nec ideo tamen minus ipsum jus ordinandi *scribas*, quorum fide instrumenta pro publicis à populo judicibus que habeantur. (*Notarios* vocant) ad potestatem summam referri debet.

15. Solent quidem hæc modica jura plerumque per inferiores potestates exerceri, sed origo juris & modus exercendi separatas habent rationes, ut *cap seq. videbimus*.

16. Denique & ad hunc ordinem pertinet jus constituendi celebriores mercatus, quos *Nundinas* vocamus.

17. Cum enim privilegii vis non uno sensu in illis contineatur, patet, ad summam quoque potestatem id esse referendum.

18. Sed minores peculiaresque *nundinas* nihil vetat à Magistratibus ordinari.

19. At in his tunc ea, quæ Nundinis alioqui tribuuntur, velut immunitas ab executione judiciali similiaque obtinere non possunt; Quia sistere aut impedire vigorem juris publici est supra Magistratum.

20. Ex eadem ratione constat, jus indicendi *Ferias*, quibus judicia intermittantur, esse Majestatis.

21. Sequuntur ea, quorum effectus in dispositionibus atque dispensationibus inter privatos locum habentibus consistit.

22. Etenim sæpe fit, ut ordo legum ob circumstantias æquitatis haud ita præcisè custodiri possit: Quod tamen Magistratus, qui sunt ministri Legum, facere debent.

23. Proinde iis, qui extra matrimonium sunt nati, jus dare Legitimatorum, id cum excedat manifestos ordinariæ jurisdictionis terminos, pertinet ad Majestatem.

24. Sive id per rescriptum identidem fiat, seu lex à Principe lata modum, quo id immediatè peragatur, præscribat, cujusmodi modos Græci Imperatores, Subsequens matrimonium & Curia oblationem tradiderunt *l. 3. 4. & l. 9. C de Natur. lib.*

25. Similiter jus restituendi natalibus, aureosve donandi annulos, quibus libertini homines fiebant ingenui, præcis Romanis pro jure Majestatis habetur.

26. Eos qui *infamia* sunt notati, causis non redditis, integræ existimationi restituere, id etiam Principis opus est.

27. Nam Magistratus & Judices non nisi per integram restitutionem, certas ob causas, id facere possunt.

28. Præterea adolescentes potestati curatorum subtrahere, *venidque etate* datà, rebus suis ante tempus lege constitutum præficere, hoc est supra ministerium legum, adeoque Majestatis *l. 3. in*

pr. π. de Minor. t. t. C. de His qui ven. et. impetr.

29. Eodem pertinet, concedere alicui, ut sine solennibus, quatenus testandi jus non habeat, *Testamentum* celebret, quod utique Legum ministri permittere non possunt.

30. Sed concedere, ut testamentum absque solennibus conditum vim & effectum habeat, id ne Princeps quidem potest.

31. Quia sic heredibus ab intestato jus suum imperfecto testamento stabilitum interverteret, quod extra usum Domini eminentis jure facere non potest.

32. Sufflaminare & differre jura hominum quominus aliquando possit, etiam contra ordinem legum, nihil impedimento est.

33. Huc pertinet potestas debitoribus inducias dandi moratorias, quinquenales, aut non multo longiores, aliasve dilatorias exceptiones, non peremptorias, nec quicquam aliud quo vires principalis negotii exhauriantur, ut sapienter rescripsit Imp. Conitantius in l. 2. C. de Precib. Imp. off.

33. Item judicis sui jurisdictioni alicquem eximere, iudicesque dare *extraordinarios*, id manifeste summi Imperii est.

34. Quemadmodum & bona fideicommissis subjecta hoc onere liberare; quia commodum posteritati hac ratione subtrahitur; nemo alius quam qui habeat summam potestatem supraque leges sit evectus, facere potest.

35. Sed an licet hoc omnino Summæ Potestati? Si verum est, ut modo diximus, Eum non posse cuiquam jus auferre suum? Jus quælitum certè non potest; jus futurum, maxime eorum, qui necdum sunt nati, potest aliquando præcidere graves ob causas, quales in

fideicommissis, maxime dividuis, sæpè se produunt. Vide Gros. l. 2. c. 4. §. 10.

36. Denique, res immobiles pupillorum atque minorum permittere alienari, citra causam necessitatis, *posito, quod hoc Lege prohibitum sit*, est etiam Majestatis.

37. Poterant plura recenferi ex Romanis & aliarum gentium institutis; Sed reliqua ex hisce dijudicari possunt.

38. Superest, ut ea quæ ad utilitatem Imperantium pertinent, breviter videamus. Inter quæ primo loco *ju monetæ cadendæ* meritò refertur.

39. Quæ in re quando commercii omnisque civitatis ratio summa vertitur, palam est, id nulli quam Summæ Potestati, vel cui illa hoc commiserit, licere oportere.

40. Jus publicandi *bona damnatorum* eaque in *fiscum* vel ærarium condendi sine dubio est Majestatis. Quia nec *fiscum* habere dicitur, quam qui universæ Civitati præest, ideoque municipiis negatur. l. 10. π. *Ad Municipal.*

41. Idem est de multis pœnarumque compendiis, tamen hæc non raro Magistratibus minoribus applicentur. Sed lucra successionum, quæ ut indignis auferuntur, in solum *fiscum* rediguntur, tam jure Romano quam moribus Gentium.

42. Præterea pleræque nationes suis Principibus ea quæ Nullius erant privati, concesserunt.

43. Quæ cum jure Naturæ occupantium fieri deberent, vi Legis, id est, communi consensu, adeoque justè, Dominio singulorum subducta fuerunt.

44. Talia sunt bona vacantia, quæ dicuntur, eorum qui sine herede decesserunt.

45. Agri inculti aut deserti, omniaque pro derelictis habita, inter quæ thesauri pro parte vel toti,

46. De-

46. Denique, feræ bestiarum, volucres, pisces omniaque animalia quæ cœlo, quæ mari atque terrâ continentur.

47. Quanquam alii jus illorum ad Majestatem referri nolunt; nos contra putamus.

48. Hæc enim communia omnium esse definire non possunt, nisi omnes & singuli de jure suo in gratiam unius vel paucorum decedant.

49. Atqui omnes cives nunquam suum jus pariter, nisi in eum qui toti præest civitati, transferunt. *Grot. lib. 2. cap. 8. §. 4.*

50. Secundum hæc ad Principem pertinent argenti & auri venæ, terræ visceribus reconditæ, quæ etiam sua natura Nullius in Dominio sunt, nec non redditus salinarum.

51. Denique, per Europam ita frequenter obtinet, ut bona naufragorum ejecta ad littora, cujusque Principis fisco tota vel pro parte acquirantur.

52. Sed non quicquid seculum vocatur, id juris esse dicendum est; Quod enim jus habet Fiscus in aliena calamitate, ut de re tam luctuosa compendium scèctetur? *l. 1. C. de Naufrag.*

53. Ne quidem eminentis vis legis, de qua satis alioqui constat, huc potest applicari, sicut alia non pauca adversus singulos iniqua, publicæ utilitatis respectu sub hoc clypeo defenduntur.

54. Constat enim pleraque naufragia exteros affligere, in quos illa vis legis aut Domini eminentis non habet locum.

55. Quare cum populus totus, vel quisquam privatus nullum jus habeat, res naufragas in suum agrum delatas aut à se repertas diripiendi;

56. Sequitur, neque per Legem, quasi ex civium consensu & jure eorum translato, tale jus populo vel principi rectè adscribi.

57. Partem tamen rerum aut certam

quasi præstationem vestigialis pro defensione & auxilio, quod Potestas loci, Dominis rerum impertitur, exigi, id ut sit, à jure & æquitate non abhorret.

58. Amplius, adversus eas gentes, quæ jus fisci contra naufragos avare exercent, fas esse eodem jure uti, dicitur regula juris Gentium, *Quod quisque juris in alterum statuerit, ut ipso eodem jure utatur.*

59. Denique, ad hanc classem jurium Majestatis referuntur etiam modica vestigalia.

60. Qualia à Feudorum interpretibus telonea seu *gabella*, portoria vel *portuaria* & *ripatica* dicuntur.

61. Sed viæ publicæ, quas & *Regias* vocant, *portus*, *flumina* publica, non tantum huc spectant, quod attinet ad vestigalia, quæ ibi colliguntur; sed etiam, quia protectione supremoque dominio ad Principem pertinent.

62. Memorant illi & *Angarias* & *Parangarias*, quæ videntur fuisse onera præstandi currus & jumenta ad publicos cursus veteribus usitatos, hodie *postarum* dixeris; quod tamen non, ut olim, provincialibus imponitur.

63. Ab his distinguuntur plaustrorum naviumque præstationes, ad transvehendos milites, arma, sarcinas, impedimenta exercitus aliaque onera portanda.

64. Hæc & si qua sunt alia, fere sunt quæ Regalia appellantur, in constitutione *Friderici de Regalibus. 2. F. 56.*

65. Tamen & *Armandie*, & jus munitendi, & jus *Repressaliarum* ad hunc ordinem referri possunt.

66. Quippe neminem armamentaria, quomodo *Armandie* interpretantur, neminem arces munitas, nisi Summa Potestas, aut cui specialiter ab illa permisum fuerit, habere posse, ratio Imperii manifestè dicitur.

M 2

67. De

67. De *Repressaliis* multo magis, Nam concedere civi, ut alterius Imperii quemlibet civem, eo quod ipse id antea passus est, deprædari queat, hoc quidem proxime ad bellum accedit, *ut alibi plenius.*

68. Enumeratione atque probatione.

quot & quod singula sint jura Majestatis, quatenus huic instituto opus est, defuncti videmur.

69. Inquirendum est, an & quatenus hæc jura ab Imperantibus alienari vel quando communicari possint, aut alienata vel communicata præsumantur.

C A P. V I I I.

De alienatione & exercitio jurium Majestatis.

Majora Majestatis jura non posse transferri inrevocabiliter & independenter, salvo Imperio; sed in quos hæc jura ita transferuntur, eos hæcenus summam habere potestatem. Ne quidem exercitium juris ullius majoris in totum posse conferri, sed Imperantes id quod est ultimum retinere semper. Quatenus belli jus transferri soleat aut non, item pacis & Legum & creandi Magistratus & res judicandi. Minora majestatis jura facilius tota transferri. Quid juris habeat is, cui generaliter vices Summæ Potestatis sunt delegatæ.

QUOD Jura Majestatis vulgò dicuntur *incommunicabilia* recto sensu capiendum; scilicet, quod communicari nequeant cum his qui imperio subditi sunt, ac uti salva & integra maneat *summa potestas* in eo, qui jura quædam cum aliis communicat; Nam qui socium accipit, is hæcenus verè *summus* esse definit.

2. Multò fortius illo respectu dicendum, quod in totum jura Majestatis alienari nequeant: Tametsi exercitium aliis committi possit.

3. Nam quod de Deo Tertullianus, *Imperium summæ dominationis penes unum, officia ejus penes multos esse*, suo modo non male ad Supremos populorum Rectores transtuleris. *Apologes. c. 24.*

4. Quod igitur jura Majestatis alienari, cum aliis communicari non posse diximus, eo non pertinet, ut Regem vel Optimates, alios in partem Imperii accipere posse negemus: Sed quod Rex &

Summa Potestas, quæ talis manens, illa jura cum aliis communicare vel alienare non posse intelligatur.

5. Proinde, quando Magistratibus, Curiiis, Præfectis jura quædam Majestatis demandantur, cum eorum respectu maneat Summa Potestas, ipsa jura non transferuntur, sed exercitium duntaxat, idque sibi semper obnoxium committit aliis Princeps.

6. Quare si quem Præfectum, Legatum aut Locum, *ut ajunt*, Tenentem constituat Summa Potestas, cui det jura quædam Majestatis, ea semper ut ministeria, *dependent* ab ipso, qui habet summam Potestatem, concedere intelligitur.

7. Etsi in conferendis juribus illis dictum sit, ea *privativè* concedi, conferri, dari: Id enim cum respectu ad alios magistratus aut collegia, non ad excludendum Ipsum, qui habet *Majestatem*, indubitato capiendum.

8. Hic semper exercitium ejusmodi
jurium

jurium Magistratibus injunctorum moderabitur, recteque an secus exerceatur, judicare potest & debet.

9. Sed duas Potestates Summas in unâ Civitate constituere, quod fit, si ullum jus Majestatis independentem ab aliquo præfecto vel collegio exerceatur, tam est absolum, ut ad hoc absurdum evitandum capienda sit ejusmodi, quam verba ferre queant, non vitiola interpretatio.

10. Quin etiam in ipso exercitio Præfectis aut Magistratibus deferendo, di-crimen majorum minorumque jurium, si rectè discernas, animadverti potest.

11. Nam majora ne quidem exercitio tenus in totum aliis committi solent; quin semper quod est ultimum in illis ipso usu sibi reservet Princeps, aut quicunque habet Majestatem.

12. Non inficiamur equidem, posse etiam in totum transferri exercitium alicujus è maximis juribus; verum semper revocabiliter & *dependentem*, ut ita loquamur.

13. Quod ita rursus comparatione Numinis, salvâ religione, illustratur verbis Hieronymi. *Deum solum, ait, naturaliter esse & immortalem & verum, ceteros ut angelos hominesque immortalitatem & veritatem ex illius largitione consequi; cum aliud sit, verum esse & habere quid per semet, aliud in potestate donantis esse quod habeas. in epist. ad Tit. in pr.*

14. Atque hujus dependentiæ hic est effectus, quod Summa Potestas, exercitium illud, quoties lubet, revocare potest.

15. Nam, ut dictum, si quid independens à Summâ Potestate in eadem Republ. existeret, hæc esset altera Potestas; quia Summum & independens non differunt. Id autem est ex iis, quæ in unâ Civitate fieri non possent. Nam ea est Summi conditio, ut nihil illud ad-quet, Tertulliani dictum.

16. Neque vis Imperii in obligatione & coactione consistens, ubi plures summi forent, explicari posset; Nam ut Chrysostomus, *ἰσολευία μὴ ἔστι τοῦ αἰ. Ἐqualitas pugnam facit. Regnum in se divisum dissipabitur.*

17. Proinde, qui magna illa jura sic exercitio tota habent, ut revocari nequeant, illi magis proprietatem & jus summum habere intelliguntur.

18. Quia competit illis definitio summæ potestatis, quod acta illorum infirmari nequeant; quod diversam supponit R republ.

19. Tales sunt, quibus in feudum jura majora conceduntur. Nam & vassallis rectè tribui summam potestatem antehac probavimus.

20. Exemplum non modò præbet rex Neapolitanus, qui à Pontifice jura Majestatis accipit, sed & Principes, ut videtur, Imperii Germanici.

21. Qui quatenus irrevocabiliter & intractabiliter jura Majestatis obtinent, summâ potestate non immeritò præditi esse dicuntur.

22. Non obstante, quod Imperatorem, Dominum suum clementissimum, se verò Sacri Imperii Fideles appelliant.

23. Scilicet ratione feudi, atque ita ut omnino integram eos non habere Majestatem concedamus: Quæ aliquo modo ex his quæ *suprà* de feodere *sect. 3. c. 2.* diximus, judicari possunt.

24. Æstimari quoque ex his potest, illius vulgati axiomatis valor, quod tantum Dux, Marchio, Comes, vel Civitas in suo principatu vel territorio possit, quantum Imperator in suo Imperio.

25. Nam in his juribus, quæ singuli Principes sine retractatione usurpant, nullam habent concurrentem potestatem.

26. Nec eorum respectu, in quibus Imperatori & Imperio sunt obnoxii,

sed in his est subordinatio, non concursus potestatis.

27. Si qua concurrentia dentur Imperia, quibus duo vel plures in una ditione pro indiviso imperent, quos vocat *condominos*, ea est species *πολυκεφαλίας*, quæ à nobis suo loco explicabitur.

28. Atque hæc nonnisi de Imperiis quæ separatam habent constitutionem, non in iisdem civitatibus, intelligenda.

29. Cæterum, in simplicibus, quæ unum corpus animamque repræsentant, civitatibus, nullum ex Majestatis juribus, quæ majora dicuntur, nec quidem ex reliquis, vim Imperii explicantibus, in totum aliis concedi potest; Nisi revocabiliter, inquam, & sub lege reddendi rationes.

30. Nec quidem ita, ut exercitium aliis competat *ἀνεξαρτήτως*, hoc est, *independenter*, quia semper summa potestas τὸ *αρχαιότατον*, id quod est ultimum & excellentissimum in illis, sibi reservat; & excellentissime repugnat, ut Magistratus, qui nihil est aliud quam minister summæ potestatis, ullius juris sibi commissi vel proprietatem vel exercitium habeat *independentor*.

31. Ita Magistratibus Curiisque merum Imperium, sive potestas gladii, ad animadvertendum in facinorosos permitti potest ac solet.

32. At semper potestas summa, si velit, habet jus avocandi causas vel ignoscendi damnatis, adeoque retinet jus vitæ & necis, quod transferre, salva quidem se ipsâ, hoc est, Summâ Potestate illasâ, non potest.

33. Idque perinde in plurium ac unius Imperio, locum habere certum est. Etsi in illis, ubi plus Leges valent, rarius usurpetur.

34. Quod si Rex verè amiserit eam potestatem architectonicam, ut sane fie-

ripotest, intelligitur, eum hos, quibus ita tenetur, in partem Imperii accepisse, quemadmodum in Angliâ Rex in quibusdam causis ignoscendi & dispensandi jus non habere creditur, & hæc tenus societatem Imperii cum Parlamento habere videtur.

35. Noli tamen credere, quod ubique Summa Potestas certum ordinem petendi remissiones & dispensationes præscribit, huic immutabiliter adstrictus sit, ut, si velit, aliter statuere nec possit.

36. Nam in dubio talia prudentiæ & ordinis causâ, non ad minuendum jus suum à Summis Potestatibus constituuntur; quemadmodum Imperatores Romani varia id genus instituta in Corpore Juris sanciverunt, de quibus in *tit. C. de Mandat. Princ. de Precibus Imp. off. in l. un. C. Quand. int. pup. l. 3. C. de Legib. & passim*.

37. Belli jus in externos raro ulla ex parte Magistratibus committitur; Nisi res moram consulendi Summam Potestatem non patiat, & periculum evidens subitis armis occupari possit, ut fecit *L. Pinaris Ennæ* in Sicilia, *apud Livium lib. 24. cap. 37.*

38. Quandoque tamen in Imperio latè patente Potestates inferiores possunt habere jus inchoandi bellum atque gerendi, nomine scilicet ejus, qui summam habet potestatem, cui rationem ipsi rerum gestarum reddere debent; hujusmodi jus datum est Gubernatoribus *Indiarum* à Regibus Hispaniæ & Lusitanorum.

39. Nostræ etiam Societates Indicæ ab Ordinibus Belgarum hanc potestatem acceperunt, non tanquam Magistratus, sed ut Rectores Imperii subordinati, quale sub alio sole cœloque possident.

40. Alioqui, si princeps negligere malit injurias Reipubl. aut privatis factas,

ctas, nemini licet eas armis ulcisci, nec adversus externos nec contra cives.

41. Ergo nec Repressalæ, ab iis qui passi sunt injuriam licet gravissimam, injussu Summæ Potestatis exerceri debent, si quidem hæ non modo præludia belli, sed & ipsæ, bella esse videntur.

42. Hinc Cicero, qui in *Philippicis Brutos Casiumque*, non expectato populi mandato, arma in *Antonios ac Dolabellam* capientes tam magnifice defendit, causæ potius servire, quam jure disputare censendus est, ut quidem *Grozius* existimat; vix enim est, ut præsumptioni voluntatis in tam gravi causâ locus esse videatur. Quanquam rati habitatione, quod minus jure fuit inchoatum, sine dubio convalescere potest.

43. Atqui *Ciceronem* ita ego exaudio, tam fidenter libertatis adsertores apud Senatum Populumque defendentem, ut eorum rati habitationem, in rebus optimo publico institutis impetraret.

44. Nec scio, an reprehendus sit idem *Tullius*, ad vindices libertatis scribens, non esse quod expectarent Senatus auctoritatem Populique jussum, qui nec in tantâ rerum confusione ac impunitate gladiatorum haberi, nec è tantis mariarum terrarumque distantibus spatiis expectari posset, *lib. x. epist. 16. ad Plancum. lib. xi. epist. 7. ad Brut. lib. 12. ep. 7. ad Casium*, ubi non dissimulat, Senatum Populumque in eadem fuisse lententia.

45. Porro, jus foedera pacemque ineundi, & tributa exigendi, dominiique eminentis, nec non Leges ferendi, creandique Magistratus majores, cum subordinatis potestatibus nunquam per omnia communicantur.

46. Hinc civitates municipales statuta quidem faciunt, Leges verò nequam ab his & ab omnibus qui summâ potestate destituuntur, condi possunt, ut *alio loco videbimus*.

47. A talibus etiam Magistratus minores facile, non perinde majores constitui solent: Aut si fiat, ea potestas semper revocabilis est.

48. Quam autem stulte & periculose Summa Potestas hoc jus totum vel majori ex parte mander aliis, ad politico pertinet ut commonefaciant.

49. Hoc verò & ad Juriconsultos, quod pauci potentiores in plurium Imperio pactionibus mutuis officia Magistratum & Imperia partientes, æque in Majestatem, quam si id faciant in principatu, delinquere possint; utique si privata conspiratione tali modo inter se coeant; Nam si ex Imperantibus sint qui sic agere atque pacisci instituant, oligarchica duntaxat industria vocatur.

50. Nisi in longius tempus quam delatum ipsis est Imperium, coeant. Hactenus enim & privati sunt & tanto minus illa parte juris habent, quanto iis, quorum est primævum jus imperii, plus à præsententi potentia præjudicii meruitur.

51. Præter quod nullum enormius in fundamenta civitatis commissum extat, quam actus summæ potentis ultra tempus dati Imperii producere.

52. Quid de facultate res judicandi statuemus? Hæc facilius videri posset in Magistratus Curiasque sæpe tota transferri.

53. Sed tenendum, quod potestas creandi judices supremos semper manet penes Summam Potestatem; Nec usquam fit, ut Princeps omnino se exuat potestate res judicandas avocandi; Magistratus vel judices nunquam debent esse *arbitros* ut loquitur *Mæcenas orat. ad Aug. apud Dion. lib. 53.*

54. Proinde, quando Summa Potestas civilem criminalemque jurisdictionem, declarat, se omnimodo in alium transferre, non est hoc ita capiendum, quasi privatio ad ipsum Principem referatur,

ratus, sed ad alios prætereum, qui summam potestatem habet *αὐτονομία*, ut *superius dictum*.

55. Quod autem attinet ad minora Majestatis jura, quominus pleraque eorum inrevocabiliter, aut in perpetuum cum inferioribus potestatibus communicentur, ratio juris non obstat; Unde & in feudum concedi possunt illis, qui vere manent subditi.

56. Sunt tamen ex illis, quæ difficulter aut nullo modo communicantur. Qualia quæ majoribus cohærent aut affinia sunt, ut de *Repressaliis* dictum, & de his quæ ad judiciorum ordinem mutandum pertinent.

57. Jus quoque majora *nobilitatis* insignia largiendi, nec non *fiscum* habendi, quæque similia, sunt hujus Naturæ.

58. Sed aliquid ad fiscum pertinens facilius in totum alienari potest.

59. Quæsitum dignum & hujus loci est, si Princeps aut Summam Potestatem habens Legatum sive *Vicarium*, aut plures constituat toto Imperio vel certis locis, neque discrete nominatim viderit, *quænam ejus potestas futura sit*; vel exprimat nonnulla, sed species generali clausula obsignet, quod frequenter usu venit, quænam facultas ejusmodi mandato contineatur.

60. Potest haud dubie talis *Vicarius* facere quicquid expresse mandatis est comprehensum, quod jam dictum neque dictu opus est.

61. Potest atque debet exequi omnia decreta Summæ potestatis, quæ hac fine ad eum mitti solent.

62. Disponere de omnibus, quæ in administratione Reipubl. secundum ordinem Lege constitutum adsiduo occurrunt; Quæ gratiâ id genus *Vicarii* potissimum constituuntur.

63. Eiusdem est, distribuere functiones Reipubl. ordinarias & inferiores; majores ipsa Potestas Summa sibi reservat, ut *dictum supra*.

64. Porro officium ejus est compellere omnes, ut Legibus ordinique antea constituto districtè pareant.

65. Sed in his, quæ excedunt modum quotidianæ administrationis, nihil novi à vicariis sine speciali mandato vel magnâ necessitate constitui potest.

66. Ne quidem exercere potest ul- lum ex ejusmodi juribus *Majestatis*, quæ non in continuatione exercitii, sed actu singulari consistunt, Velut est remittere delinquentibus pœnam, evocare causas à judicibus ordinariis.

67. Nisi id ei datum fuerit specialiter, Aut cohæreat ordinario alicujus juris, quod ei sine dubio competat, exercitio.

68. Vicarius enim nihil est quam Magistratus, Et Magistratus est Minister summæ potestatis ac Legis, ut *sepius dictum*.

69. Atqui continuare functiones jurium Majestatis, quæ in ordinario exercitio vertuntur, hoc est, Ministerium.

70. Sed actus extraordinarios summi Imperii motu proprio instituere, hoc est *αὐτονομία*, & *Magisterium*. Exemplis abstinemus, inter explicandum daturi.

CAP. IX.

De præscriptione jurium Majestatis.

Status controversiæ, an diversi ordines ejusdem civitatis contra se invicem jura majestatis per præscriptionem acquirere possint. Quod affirm. modo præscribens id faciat proprio nomine animoque sibi habendi. Hinc nullos magistratus aut judices contra Principem præscribere posse; hoc tamen effectu posse, ut subditi parere debeant, donec à Principe secus præcipiatur. Sed Principem, cui jura Majestatis non omnia data sunt, posse ea, quæ desunt, acquirere per præscriptionem; populum quoque aut optimates jura eodem modo Principi subducere & sibi acquirere posse. Utrumque rationibus probatur.

Vidimus, ut summa jura in totum vel exercitio tenus transferantur. Sed modus alienandi unus, *Præscriptio* superest.

2. De qua primò omnium quæritur; habeatne locum respectu Summæ potestatis; An, inquam, ex solo usu longi aut longissimi temporis, jura Summæ Potestatis acquiri possint.

3. Eam quæstionem nos hic non tantum, *de Principibus aut populo diversis*, sed etiam de *ordinibus* ejusdem *populi* diversis; etiam, & maxime de Imperantibus atque subjectis intelligimus.

4. Leges civiles de *Usucapionibus & Præscriptionibus* heic non habent locum, *ne quidem in eodem Imperio*, quatenus utique à jure Gentium discrepant, non obest ita quod habet Sieglerus *ad Grot.* 2. 4.

5. Nam si usquam verum, Majestatem Legibus esse solutam, id sine dubio in iis, quæ Summam Potestatem *quæ salutem* spectant, obtinere oportet.

6. Ratio juris Gentium heic sola valet, Secundum quam puramus; etiam in summi juribus Imperii locum esse præscriptioni, adeoque secundum jus Gentium ea quæ de jure *Civili* forte præferemus, intellecta volumus; Præeunte Grotio *lib. 2. de. J. b. & P. c. 4.*

7. Semper autem adesse debet requisitum præscriptionis fundamentale, ut usus ac quasi possessio illorum jurium *nomine proprio animoque sibi habendi ab eo*, qui in præscriptione se fundat, habita & exercita fuerit, secundum id, quod Imp. *Verus & Valentinianus* convenienter juri Gentium rescripserunt in *l. 2. C. de Præscript. 30. vel 40. ann.*

8. Alioqui nunquam initium habere potuit; quippe, cum Usucapio dominium sine animo domini per rerum naturam adjicere non possit, ut est notissima quoque doctrina Jurisconsultorum, *in omni acquisitione dominii animus domini adesse oportere.*

9. Quare nulli Magistratus, seu singuli seu collegia Magistratum vel judicum, quætales, quicquam juris hoc titulo *adversus Summam potestatem* adferere sibi possunt. Quia clarum est, illos nihil agere quam nomine jussuque Potestatis Supremæ, atque ut ejus Ministros.

10. Unde nihilo magis contra Principem præscribere possunt, quam hi, quorum ministerio in retinendâ possessione privatim utimur; ut *coloni & inquilini* adversus quemque nostrum, id est, dominos suos usucapere nequeunt,

N

cti

etsi per centum annos ipsi ac antecessores eorum fundos ut coloni habuerint.

11. Proinde, siquid tempore *quantumvis immemoriali*, à Potestate inferioribus usurpatum fuerit, hoc semper ab eo, qui summum habet imperium absque injuria tolli potest.

12. Quod tamen non impedit, quominus contra *multitudinem subjectam* jus illud præscriptionis, quod Magistratus longo usu acquisiverunt, vim suam obtineat, etsi nihil ejusmodi à Summa potestate habeant in mandatis.

13. Ita, ut Magistratus & iudices quod illo titulo decernunt & exequuntur, hoc jure facere censeantur.

14. Tu dices, Quare heic iterum non obstat ratio *superius* exposita, quod Magistratus nihil suo juri per præscriptionem addere possunt, eò quod *ut ministri*, non suo nomine agant; Responso est, hunc qualitatis defectum impedire, ne quid adversus Summam Potestatem, *cujus ministri sunt*, usucapere possint, non etiam obstat adversus inferiores, quorum utique ministri non sunt.

15. His nihil relinquitur quam præsumptio, quod augmentum illud potestatis usurpatum à magistratibus non aliter ab iis exerceatur, quam ex *sacità summi Principis voluntate* consensuque; siquidem illo vidente vel sciente, Magistratus jurisdictionem suam exercent.

16. Ita se res habet respectu Magistratum; Quæstio est, an Rex, cui Imperium non totum *populus detulit*, usu temporis integrum Imperium acquirere possit.

17. Vicissim, an Rex liber & absolutus *quædam jura usu contrario populi vel optimatum amittere* queat. Utrumque affirmamus.

18. Hobbes, cujus principia hoc adspiciuntur, nos jam nihil moratur; Nec

illi, qui Principem indistinctè faciunt populi Ministrum.

19. Utraque destructa sententia pati debet, ut & populus capax sit acquirendi, & Princeps nomine suo, non tanquam minister, agere dicatur.

20. Scilicet, *Hobbesii* hæc est hypothetis à nobis eradicata, quod populus, Imperio constituto, sit dissoluta multitudo, non gerens qualitatem personæ, nec ideo characterem præscriptionis ullo modo recipiens.

21. At *Junius Brutus*, *D. Albusinus*, alique homines clari, Princeps tantum habent ut Ministros & mandatarios populi; proinde nec hi ullum præscriptionis initium adversus populum facere possent, secundum commune requisitum præscriptionis & usucapionis *antea collocatum*. Utramque sententiam ante hac refutavimus, priore *sect. 2. c. 3. & sequ. posteriorem cap. 6.*

22. Quid autem; si quis Princeps Legibus sit subjectus, qualem Latini vere proprièque dicerent *Principem*, id est, *Primarium*; an is summam absolutamque potestatem præscriptione temporis acquirere possit? Arbitror adhuc posse, quia nil vetat, eum induere animum absoluti Imperantis, quod *habemus* sufficit.

23. Quemadmodum colonus & emphyteuta nostri, si per longum tempus rem suo nomine tanquam domini, non ut coloni & emphyteutæ tenuerint, neque mercedem solverint, haud dubie usucapere possunt.

24. Et vasallum contra dominum suum eadem ratione, ex feudo prædium liberum, *modò servitia non præstiterit*, acquirere posse, consentiunt Doctores, ut probavimus in *vindicis Amelandicis cap. 9. & 10.*

25. Hoc est, quod de ratione *superius* allegatà tenendum est, ministros præcti-

prescribere non posse; *videlicet*, quomodiu se gerunt ut *ministros atque subiectos*; ubi verò illum animum excusserint, idque verbis factive palam testati fuerint, nihil amplius obstat, quominus usucapionem incipere & abolvere queant. *d. tract. ubi exemplum.*

26. Populus etiam aut concilium optimatum, *quia jus corporis sive universitatis habet*, possunt ita animos inducere, ut Regem, licet ab initio cum verè summa liberàque potestate constitutum, deinceps in quibusdam aut plerisque negotiis nolint facere quicquam sine suo consensu; Proinde ut ipsi concurrentem cum Rege potestatem adepti, hætenus non ut subiecti per omnia, sed ut pares considerentur.

27. Personæ igitur, de quibus hæc queritur, sunt in terminis satis habitibus, ut prescriptio illis applicari queat; Modo *justitia causa*, qua omnis usucapio nititur, juribus Summæ Potestatis convenire videatur, de qua consequenter videndum.

28. Fundamentum usucapionis & prescriptionis est *presumpta derelictio*, aut *negligentia* domini rem suam non requirentis, aut jus non exercentis. Quibus accedit ratio; in quâ maxima humani generis utilitas vertitur, *Ut causa litium* aliquo tandem sine terminentur, quâ de re pluribus egimus *in prælect. ad tit. Inst. de Usucapion.* Tu vide, sis, Grotium *d. lib. 2. cap. 4. de Jur. B. & P.*

29. Jam vero prescriptio derelictionis facile in populum, qui jura quædam in Imperio deferendo exceperit, cadere posse videtur; Vel ob tardium confusionis, quæ sæpe de conflictu Principis Ordinumque populi solet oriri: Vel quia publicatum rerum administratio sæpius ex morâ vel dissidio non leve dispendium caput, ubi Summa Potestas communiter à diversis ordinibus exercetur.

30. Presumptio quoque neglectus in multitudine proclivis est; Cum, quia nihil sit crebrius, quam ut *seguis expeditans commissa negotia plures*; Tum, quia singulis in promptu est, privatam Principum gratiam adolendo *mereri* & re publicâ prodita, subrepere ad honores & commoda domestica.

31. Denique, tertia ratio *de assilata sive faciendarum* litium nusquam validior quam hæc videtur; siquidem nihil favorabilius est, quam litigia de jure Imperii aliquando finire.

32. Ne bella civilia, quibus nihil gravius, quæque nesciunt alium uberiorum fontem, æterna ex immortalibus rixis fiant. vid. Grot. *d. cap. 4. §. 6.*

33. Suffragatur experientia plurium in Europâ Imperiorum, *Francici* nominatim, Quod hodie perfectum *καταστασις* sive *pleni liberique Regni* specimen esse creditur.

34. Cum tempore *Hugonis Parisiensis*, cujus præsentis Reges stirps sunt, haud adductius, quam nunc Germania regitur, *ut historia loquitur*, gubernata sit.

35. Tam enormis Mutatio nullo quam prescriptiois jure niti videtur, hoc est, populi proceramque *derelictione*, mutuoque consensu vel *patientia* manifestâ.

36. Jam eadem rationes contra Reges ipsos, qui longo tempore quibusdam juribus haud liberè sunt usi, præsumi possunt.

37. Derelictio inde, quod sæpe contingit, ut Principes non bellicosi intelligent & experiantur, *in vitis populi Ordinibus ægerrime se rem publicam gerere posse*: Proinde, quod malint requirere consensum, quam cum perpetuis coluctari difficultatibus.

38. Neglectus, etiam rarior, vel ex socordia, quæ ferè magnam fortunam comitatur, venit, aut ex proposito Principum Heroicorum, quos id operam aliquando

quando dedisse constat, ut scepra legibus submitterent, quod institutum fuisse legimus *Servii Tullii, Marci Philoſophi, Helvii Pertinacis ac Ælii Trajani Cæſarum.*

39. Metus bellorum ex eadem cauſâ, quam modo in populo monſtravimus, colligi poteſt; Etiam vero metus ab æmulis & competitoribus ſæpe dominantibus ſubegit, ut remiſſius ac indulgentius cum populis agerent atque agere perfeverarent, quemadmodum *Angliæ hiſtoriam legenti frequenter occurret*, poſt *Gulielmum Conquæſtorem.*

40. Non negamus, has præſumptiones *contrariâ probatione vel fortiori præſumptione* poſſe removeri; nempe, ſi probatio liqueat è verbis factiſque in contrarium, teſtandi juridiſque ſervandi cauſâ ab alterutrâ parte interpoſitis.

41. Modò talia ſint, ut ad notiſſimam ejus, ad quem res pertinet, dicta factaque pervenerint; Etiam ut ſpecialia ſint; nam infinita proteſtatio de juridiſſimo Imperii non minuendis, qualem *Imperator Romano-Germanicus* præ ſe fert, nihil ad interrumpendam ſingulorum, qui olim ſub Imperio fuere, præſcriptionem efficit.

42. Præſumptio fortior ex metu aliove juſto impedimento oppoſitionis non factæ, adverſus uſucapiones illegitimas deſumitur.

43. Sed verba & facta, è quibus ejuſmodi præſumptiones deſumuntur, *evidentia* eſſe debent; nam hujusmodi argumenta in dubio adverſus præſcriptionem temporis obtinere non poſſunt; Verùm ad impediendam illam, probationes perfectæ requiruntur.

44. Ratio eſt, quia præſcriptio tribuit juſ non modo perfectum, ſed etiam ad quietem ſalutemque humani generis neceſſarium, quod temere ſubvertendum non eſt; factaque non præſumuntur, ſed probari debent, ut *Jſi, ratione naturali præſunte, docent.*

45. Denique, ſi præſumptio contraria ſumatur à metu, quo is qui de jure amiſſo queritur, ab interrumpenda præſcriptione deterritus ſit, dicemus, veriſimile non eſſe, metum per tantum temporis ſpatium, quod hæc præſcriptio requirit, duraviſſe; quin potius *in patientiam voluntariam* abiſſe videbitur.

46. Qua autem ratione, Præſcriptio nondum natis præjudicet, explicantem Vide *Grotium lib. 2. cap. 7. n. 10.*

47. Cæterum, qui totum civitatis Imperium, invito populo, invaſere, an & hi & quo pacto longi temporis beneficio legitimum imperandi juſ conſequi poſſint, *inferius* videndum.

48. Unum hoc loco ſuper eſt, quantum temporis ad implendam præſcriptionem requiratur. Et quidem quod memoriam hominum excedit, ſive id *centum annorum*, ſive, ut verius videtur, non paulo minus ſit, haud dubiè in omnem caſum ſufficit. *Quandoquidem longius pro cupiditate mortalitatis, dari non poſeſt.*

49. Sed & ſi præſumptio non vergat in contrarium, generationis humanæ intervallo, quod tertiam facit ſæculi partem, admitti poſſet. Suffragantibus autem circumſtantiis, quibus judicia voluntatis adfirmantur, non eſt dubium, quin & brevior, decem vel viginti annorum decurſus, ſatis haberi queat. *Th. vide ſis, Grotium d. cap. 4.*

50. Hoc tamen ſpatium inter immemorabile & brevius intereſſe videtur, quod in illo non requiritur bonum initium, cum id negatâ memoriâ tollatur; In brevioribus bona fides requiri videtur, ut rectè *Canones*, etſi aliter *Jus Civile. Dix. Vind. Amel. c. XI. n. 7.*

51. Sed quantumcumque ſit ſpatium implendæ præſcriptioni ſufficiens, id eſſe *debes continuum*; alioqui interrumpitur præſcriptio, jure non minus Gentium quam civili.

S E C T I O I V.

De Ecclesia.

C A P. I.

De Universitatibus Dei.

Jus aliquod sacrorum pertinere etiam ad Imperantes. Quid quantumve, id controversum. Genus humanum in duas universitates distributum, invisibilem & publicam. Priorem esse Universitatem prædestinatorum; Alteram, vel Civitatem vel Ecclesiam. Finis utriusque. Quale genus hominum civitates condiderit, quale genus in Ecclesias confluerit. Neutram universitatem esse generalem totius mundi, neque talem existere posse. Ecclesiam per intervalla temporum fuisse corruptam & reformatam. A Christo universalem esse factam, non tamen uno visibili corpore. Fundamentalis constitutio & regimen Ecclesiarum particularium. Ut plurimum accedere aliquam mixturam ex Imperio Civitatis.

Inter jura Majestatis majora Politici omnes & juris publici Scriptores referunt *jus rerum Sacrarum*. Adeo, ut & summam faciant divisionem illorum jurium, in *Civilia & Ecclesiastica*.

2. Quod etiam Justinianus Imp. vel potius *Ulpianus* velle videtur, quando jus publicum consistere ait, in *Sacerdotibus & Magistratibus*, hoc est, officiis illorum; quippe, cum plura dari jura singularia nescire non potuerit Jurisconsultus in *l. 1. §. 2. n. de Just.*

3. De jure sacrorum adhuc agere distulimus, quia rectius post cuncta Civilis Imperii jura, quicquid ejus est, secutorum videbatur.

4. Esse aliquod jus sacrorum penes eum, qui summum tenet Imperium civitatis, fere inter scriptores convenit & probatur à Grotio in *cap. 1. de Jur. S. Pat. circa sacra n. 7.* cujus auctoritate nos alioqui in hac disputatione non

utemur, ut dicenda satis indicabunt.

5. Dictat id Ratio, quæ in omnium oculos incurrat, eo quod absque aliquo jure circa sacra, Reipublicæ Imperium & quies gentium nullo modo teneri posset; sicut historia omnium gentium, *Pontificumque Romanorum*, & hujus seculi *Protestantium* abunde probaverunt.

6. Sunt enim multi Ecclesiæ antistites, qui *nisi parent, terrebunt: multitudine melius parente vatis, quam ducibus*. Et *οὐκ ἐστὶν ἡμῶν ἐκείνων, οὐδὲς ἀνακρίτων ἀποροσομένων*. Qui in sacris novant, etiam fere *leges & instituta civitatis mutant*.

7. Quæ ratio multos in omni antiquitate Principes movit, ut non modo imperium in sacrorum ministros; sed etiã in functiones sacerdotum occuparent; quod per se non videtur esse majus nefas, quam fuit sacerdotibus Judæorum, quod Imperium Reip. post captivitatem Babyloniam exerceuerunt, & quod Episcopi ho-

pi hodieque frequenter etiam Principes suorum populorum sunt.

8. Tametsi verius est, eam esse Pastoralis Ecclesie muneris gravitatem, ut civilium officiorum molestiam nullo modo admittat, præsertim Summæ Potestatis, quæ nullum magis distrahit animos curis, idque Paulus 2. ad Timoth. 2. v. 4. & antiqui Canones Apostolici diserte prohibent.

9. Esse tamen oportet aliquod jus Imperii in Sacris, neque de eo dubitatur. Sed quænam illius juris capita, quinam sint limites, intricatissima disputatio est; ad quam explicandam, paulo res altius inde ab initio repetenda videtur.

10. E sacris literis constat, omnis in mundo potestatis auctorem conditoremque esse Deum; qui totum genus humanum inde ab initio habuit divisum in duas universitatum species, quarum altera invisibilis & occulta, visibilis atque publica est altera.

11. Prior est universa multitudo eorum, qui destinati & electi sunt ad gloriosam vitam futuri seculi, iidemque in hac vita fere humiles nulloque præditi splendore degunt, non multi potentes, non multi divites, nobiles, sapientes; toti ad amorem Dei bonaque ventura intenti.

12. Hos Deus in illa parvitate vult continere, quo in tempore majus sit ei impenditur gloriæ ipsius, cum ineffabiles divitias bonitatis suæ in illos tenues effundet, & divites inanes destituet.

13. Hi communionem ejusdem spei gratiæque conjunguntur, & pariter in unum corpus, sub capite suo, CHRISTO DEI, coalescunt, nullo tamen loco palam congregantur. Atque hoc sensu de Ecclesia, Johannes Hu olim rectissime dixit, eam nihil esse aliud, quam *Universitatem prædestinatorum*, quam definitionem

Lutherus in comitiis Vormatiensibus suam fecit atque defendit, ut narrat *Sleidanus*. *Christus* autem is est, ad quem omnia visibilia se referunt, Ideoque & in ejus gratiam universitatis altera species, quam publicam diximus, & secundum ipsum, in gratiam electorum ejus, est comparata.

14. Universitates istæ publicæ duorum generum sunt; *Civitates & Ecclesie*; Priores ob usum & comoda hujus vitæ; Posteriores ob cultum Dei in communitate exercendum instituuntur.

15. Utraque electis erat necessaria; nam extra civitates, ubi nihil quam bellum est, non poterant tranquille secureque vivere Deoque vacare; & absque ordine Ecclesie non poterat verbum Dei prædicari, nec communio mysteriorum exerceri, neque mutuis hortamentis solatiisque fidei consortes excitari.

16. Reliqua, præter electos, multitudo vel civili modestiâ in æquitatem composita, vel insolentes, ambitiosi, rapaces, viriumque fiducia feroces fuere, venatores fortes, magni nominis Heroes. cap. 6. Genes. v. 4. & cap. 10. v. 9.

17. Cumque pravorum semper copia sit major, in primis ubi licentia animantur, non est dubium, quin horum promptissimi Civitatum imperia, jam ante diluvium, sibi arrogaverint.

18. Nam quod alii omnibus istis seculis, homines *patrum* fam. auctoritate putant fuisse contentos, sine regnis, non habet speciem veri, si quis violentiam, ambitionem, celebritatem, quæ gigantibus illis antiquissimis adscribitur, cum naturâ hominum usque temporum sequentiam comparet; quibus semper ira moris, si non juris fuit, ut potentior imbecilliorum ad imperata facienda cogeres.

19. Horum ferociâ Deus est usus, ad compellendos homines in ordinatas societates concedere, quas illi potentes, si fructu

si fructu ambitionis suæ gaudere vellent, instituere debuerunt, ut videlicet electi sub earum umbra latere atque hoc mortale ævum transigere possent; tamen & in universum divinâ sapientia dignum erat, ut *ne ferarum more sparsi infestique homines viverent*, ipsorumque natura illuc etiam inclinaret, quemadmodum antea dictum est.

20. Universalis civitas, vel ecclesiastica congregatio totius mundi nec fuit unquam, neque coaliscere, saltem, *ut res sunt hominum*, durare non posset; at in singulis Civitatibus, ubi Electi Dei reperiebantur, conventus celebrari & Ecclesiæ constitutæ sunt, in quibus nomen Dei invocaretur, cujus rei primus auctor Sethus laudatur. *cap. 4. Gen. in fin.*

21. Necessè quidem non fuit, ut tales congressus secundum civitates, suâ gratiâ, distinguerentur; sed tamen, ut diversis gigantum imperiis subiecti homines in magnos cœtus convenirent, neque ferri ab imperantibus neque tuto vel commodè fieri poterat.

22. Igitur hi conventus fuere particulares, *Catholica*, id est, *universalis Ecclesia totius terra non potuit esse, nisi invisibilis illa*, quæ non externo adspectu hominibus, sed communionem secreta Deo, corporis instar unius, cognita fuit ac est etiamnum.

23. Ad externam Ecclesiam confluxerunt omnes, qui promissionibus vitæ melioris auscultantes *studium religionis induerunt*; quanquam animi voluntas sanctissimo instituto usquequaque non responderet.

24. Hinc factum, ut tali colluvie Ecclesia suprâ modum repleta, Deus per intervalla, malis eradicatis, bonos se creverit, ad exiguum sæpe numerum redactos, ut factum ætate prima, immisso diluvio, *redactaque intra Noachi familiam Ecclesiâ*.

25. Qua deinceps auctâ cum genere humano, iterumque tota corrupta, cœtus Ecclesiæ familiis Patriarcharum conclusus fuit, quibus in Gentem *Hebræorum* propagatis, stetit intra eam Ecclesia, donec impietate sua obruta per *Asiam* dissipata est.

26. Restituta denuo è captivitate *Chaldaica* lapsu temporum tam mirificè deformata est in moribus & doctrina, ut *Servatorem suum in tempore venientem non agnoverit*.

27. Quo deinde per omnes Gentes manifestato & prædicato Euangelio, Ecclesia diffusa rursus eisdem manes, invalescente passim impietate, passa est.

28. Quo factum, ut sensim in *Asia & Oriente* sacris cœtibus extinctis, denique in Europam tanta corruptio invaserit, ut tandem *in ultimum occidentem & septentrionem Ecclesia tenax veritatis contracta fuerit*.

29. Esse porro vinculum commune cœlestis gratiæ, quo fideles, totius terræ junguntur, idque sola mente percipi, jam dictum est; cujus multitudinis regimen *Christus* sibi servat, nec ejus hac parte *vicarius universalis* in mundo est, aut ullo modo, ut videtur, esse potest.

30. Corpus etiam visibile totius mundi fidelium uno regimine externo junctum à Christo Apostolicæ non est constitutum, nec, *ut antea dictum*, in tanta imperiorum diversitate commodè haberi potest.

31. Vult tamen Deus, ut fideles in corpora cœtusque cœtant, ea, qua diximus, gratia: eumque in finem excitat homines idoneos, quos aut ipse mittit, *instinctu insolito*, vel à cœtu fidelium *eligendi aliterve* constitui curat, ut voluntatem suam in ejusmodi conventibus prædicent, verbumque revelatum interpretentur.

32. Vult etiam Deus, ut ab his corporibus

poribus segregentur, qui male de rebus sacris sentiunt, aut vitâ professioni non respondent, quibus ideo reliqui & maxime præcones declarant, eos non posse participes esse signorum gratiæ & unionis sacræ.

33. Hæc in coetibus illis institui possunt, etiam insciis & invitis Rectoribus cujusque civitatis, ex canone Apostolorum, *quod Deo magis sit obediendum quam hominibus*.

34. Sed quoniam administratio illa variis modis haberi potest, fere ita accidit, ut quæque Ecclesia peculiaribus institutis suo commodo & arbitrato utatur, in quibus auctoritate Civitatis, in qua degit, carere non potest.

35. Rectores quoque civitatis sæpe se Ecclesiis aggregant; unde fit, ut aliquando dubitetur, quomodo *Civitas & Ecclesia* erga se invicem habeant & nunquid alteri in alteram alteriusve res, juris & inspectionis sit comparatum; qua de re non parvus est conflictus utriusque fortis hominum Politicorum & Ecclesiasticorum.

36. Cæterum, ex prædictis & ex scriptis Evangelicis manifestum est, Ecclesiam visibilem, corpusque, id est, multitudinem Deo servientium, Imperio Civitatis esse subjectam, neque per se constituere *Statum*, ut hæc hodie vox sumitur.

37. Tametsi quo minus æquè latè pa-

teat quam Civitas & Respublica, vel Regnum, per se, quidem nihil obstat, sicut olim usu venit in populo Hebræorum, postquam is in Terra *Chanaan* à Deo collocatus & stabilitus erat.

38. Qui etiam, populo in duas Civitates & Regna divulso, potuit & debuit una manere Ecclesia, Religione sic constituta, ut nonnisi apud Hierosolyma celebrari posset; eaque unitas, etiam diffusa per omnes Orbis partes gente, duravit, quamdiu vinculum unitatis, Templum, stabat.

39. Sed tali præscripto certi loci, per missionem Christi cessante, vix est, ut una in diversis statibus esse queat Ecclesia.

40. Ne quidem in diversis urbibus ejusdem Reipublicæ; accidentaliter tamen non essentialiter, ut ita loquar, impedimento, quia certe in diversis pagis unam sæpè videmus Ecclesiam.

41. Conjunctio plurium Ecclesiarum sub uno homine vel collegio Rectore, sive in eodem sive in diversis Statibus, quam sit difficilis, Hebræicæ exemplum, ubi ordinatione divina erat necessaria, demonstrat.

42. Sub Evangelio cum non præcipiatur à Deo talis plurium coetuum in locis diversis conjunctio, ea pendet à conventionione, quam, ut arbitrariam, videri subjectam legibus & Imperio cujusq; vel plurium Rerump. è sequentibus patebit.

C A P. I I.

De Testamento Dei, quo jus Ecclesie fundatum est.

Transitus. Quid Testamentum, qua voce designetur in sacris. *Διαθήκη* significare dispositionem tam inter vivos, quam ultimam voluntatem, Testamentum sine mortis respectu, nullum intelligi. Dispositionem Patris Dei, qua Filio dedit electos in hereditatem non esse Testamentum. Removentur objectiones. Refelluntur alia Testamentorum Dei specimina. Deum Abrahamo non fecisse testamentum. Nec in deserto Sinaitico Testamentum esse factum, remotis objectionibus. Non esse, nisi unicum in verbo Dei Testamentum, Christi morituri. Testamentum vetus & novum specie non differre: Sed vetus esse clausum & mysticum; Novum esse idem apertum & clarum. E Testamento Christi hereditatem credentibus, sine ulla conditione & absque foedere, deferri.

NE de jure summarum potestatum circa Ecclesiam, illotis, quod ajunt, manibus, in opere juridico versari videamur, de fundamento deque statu Ecclesie, secundum *foedus & testamentum Dei*, quod in sacris literis traditum est, aliquanto latius, quam alioqui fert hujus instituti modus, agendum videtur.

2. Auctoritatem, praeter eam quae est Scripturae sacrae, nullam sequemur, & Summa dicendorum haec erit; Unum modo esse Testamentum, unumque *foedus*, quo jus Ecclesiae verae & invisibilis fundetur: Etiam vero visibilis & externa, quae non potest habere jus verum ab invisibili distinctum apud Deum: plura testamenta, diversa foedera Dei cum hominibus qui tradunt, eos suo arbitratu, non ex usu sacrae Scripturae loqui, ordine justo demonstrare conabimur.

3. Primo, quodnam sit unum illud Testamentum, quo jus Ecclesiae nititur, ejusque historiam & eventum quaeremus. Dein alia quae vulgo jactantur, non esse Testamenta probabitur

4. Prius ut ordine fiat, quid sit Testa-

mentum & qua voce designetur in sacris, explicandum est. Enimvero quid per Testamentum usu generis humani intelligatur, ex iis est, de quibus minime dubitatur. Est nihil aliud quam *Declaratio de eo quod aliquis post mortem suam fieri velit*. Nam sine mentione mortis nullum esse Testamenti usum, nec sine mortis eventu ullum esse Testamenti effectum, tenent omnes populi, tenet Auctor ad Hebraeos cap. 9. v. 16. *Ὁ πρὸς ἄλθην, ἵνα ἔσται ἀνάγκη φέρειν τὴν ἄλθην*: Ubi testamentum, ibi Testatorum mortem intervenire necesse est.

5. Sed Testamenti vox, utpote latina, non extat in sacris paginis: ubique vocabulum *Διαθήκη* in hunc usum adhibetur. Haec autem vox, etymologia & usu recepto significat *dispositionem*, à *Δι* & *θήκη*, *dispono*.

6. Quod verbum & inde derivata, *Διαθήκη* est commune nomen actibus inter vivos & ultimis voluntatibus, ut probat Budaeus in illis verbis, etiam frequentiore significato *testari & testamentum* significant.

7. Duplicem

7. Duplicem autem notationem illam in sacris etiam exerceri, ut tam secundus quam teitamentum dicat, novum est ac observatum à Belgis Interpretibus ad Galat. 3. n. 58. Unde, cum sæpe dubium sit, uter sensus cuique læo sit proprius; forte nihil erraverit, quibusque, *dispono & dispositio* vocatur, ut versus interpretis apud Lucam. 22. v. 29. bis redditur. *Διθέτωμαι. dispono & διθέτω διαποιέω*, ibidemque Belgæ bis verò dicitur.

8. Διαθήκη Testamentum, id est, Testamentum, sine dubio condidit CHRISTUS Dothinus, ut docet Apostolus in d. ad Hebr. 9. quo Electos à patre sibi datos instituit, heredes coelestium bonorum, quibus post mortem suam potrentur; cujusmodi dispositionis facultatem à Patre suo inde ab æterno consecutus erat, quemadmodum ipse declarat d. Cap. 22. Luc. 9. *Καθὼς Διθέτωμαι ὑμῖν, καθὼς διθέτω μοι ὁ πατήρ μου τὸ Βασιλείου*: Et ego vobis concedo, dispono, sicut Pater mihi disposuit regnum.

9. De hæc dispositione, quæ Christus reliquit electis hereditatem regni coelorum, nulla dubitatio est, quin sit Testamentum, *Διθήκη αἰώνιο*, dispositio sanguinis æterni, ad Hebr. ult. quæ morte & *Διθέτωμαι*, Testamentis, effectum accepit c. 9. Sed an dispositio Patris, quæ is filio mediatori electos dedit atque cessit, Testamentum sano sensu vocari possit, quaeritur.

10. Vulgo ita statuunt, sed errore loquendi manifesto; nam Testamentum esse non potest, sine morte Testatoris d. c. 9 ad Hebr. v. 16. cuius illa dispositione Patris nullum esse locum nimis clarum est. Donatio illa facta fuit conventionè, *Pete à me & dabo*, Psalm. 2. quod est idem cum eo, quod in stipulationibus frequentatur, *Dabis? dabo*; Quibus accedit, quod illa dispositio Patris est *consilium pacis inter ipsum & Virum*, cui nomen

est *Germen*, Zachar. 6. Adcoque est donatio conventionalis, sequuta post conventionem & expromissionem filii de solutione pro peccatis hominum faciendâ; quæ toto genere discrepat à Testamento.

11. Hæc liquida veritas habet objectionem unam & alteram; De Christo mediatoris traditum est, *Ὁ ἄριστος υἱὸς τοῦ πατρὸς, quem constituit heredem omnium*, cujus hereditatis partem esse constat, electos, ad Hebr. 1. v. 2. Atqui heredis constitutio est ipsum Testamentum. Respondeo; Constitutio heredis post mortem, est testamentum. Sed in regnis usus est frequens, ut Pater filium suum vivus in possessionem regni mittat, eumque ita heredem sine testamento constituat, quemadmodum heic, ut humano morte loquamur, est factum.

12. Altera objectio è Christi verbis supra eductis petita; *Καθὼς Διθέτωμαι ὑμῖν, καθὼς διθέτω μοι ὁ πατήρ μου Βασιλείου*. Ego vobis; ita vertunt, *testamento relinquo regnum, sicut Pater meus idem mihi testamento reliquit*. Nam à Christo relictum id esse fidelibus per testamentum vidimus; Patris autem dispositio similis alteri esse dicitur. At hæc objectio pridem occupata est observatione, quod *Διθέτωμαι* est commune verbum ultimis voluntatibus & actibus inter vivos; Quælis autem in quoque loco significetur, è natura negotii, de quo identidem agitur, colligendum; quam heic esse talem, ut patris declaratio, Testamentum dici nequeat, demonstratum est.

13. Satisfaciendum adhuc est objectioni, qua *Electi* dicuntur esse *coheredes Christi ad Rom. 8. v. 16.* Unde non Christus, sed Deus Pater sit Testator, cujus ille sit heres primus & Electi per illum coheredes. Hæc res haberet speciem, si nomen heredis non nisi è Testamento flueret; Sed Christus est heres à vivo

à vivo Patre factus, ut demonstravimus; hic electos ad consortium hereditatis sibi datæ per testamentum suum vocavit. Ita sunt coheredes, at non è communi Testamento, quod tantum à morturo conditum atque relictum est.

14. Alii declarationes Dei *ἰρηναῖος* in quibus *ἡ ἀμετάκλητος ἡ ἐκκλησία*, *irrevocabilis Dei voluntas* erga electos continetur, *Testamenta* vocare gaudent; in utili & incivili translatione vocis contra scripturæ sacræ & totius humani generis usum, contra & unice à Christo conditi Testamenti naturam, quod hoc modo involvitur & obfuscatur.

15. Quinque vel sex species Testamentorum, in divinis hac ratione distingui videmus. I. Testamentum commune, quo Christo & fidelibus eadē hereditas deferatur. II. Testamentum Patris, quo Filio dederit peccatores in hereditatem. III. Testamentum Christi, quo fidelibus antequis declaraverit & promiserit regnum caelorum. IV. Testamentum, quo Abrahamus hereditatem terræ Chanaanis accepit. V. Testamentum Sinaiticum, super eadem terra Chanaanis. VI. Testamentum post mortem Christi.

16. Primam & secundam Testamenti speciem esse nullam aliter demonstravimus; cum nihil sint quam declaratio irrevocabilis aut Conventio. Tres sequentes species alii sub unâ *Veteris Testamenti* appellatione comprehendunt, cujus manifestationem vel à lapsu vel à tempore Abrahami, vel à sanctione Sinaitica repetunt. Nos primo, nullum fuisse Testamentum in Abrahami gratiam conditum, nec apud *Sinai* quicquam Testamenti simile esse factum, neque fideles antiquos è Testamento, quod ab uno Christi morturo Testamento diversum sit, esse vocatos, probabimus.

17. In historia *Abrahami* nullum concurrere Testamentum è simplici narra-

tione, qua est *Genes. xv.* clare patet; ubi nihil quam Actus inter vivos & Contractus duorum, id est, *Fædus* memoratur, omnibusque circumstantiis describitur. Verba textus *vers. 18.* *In illa die percussit februa fædus cum Abrahamo:* Perpetratum fuit, promissione & acceptatione, quas revertitur textus, quæ sunt fœderis; in Testamento hæc duo concurrere non possunt; cum sit Unius voluntas. Accedit confirmatio solennis per *sectionem victimæ* in fœderibus usitata, nunquam in Testamentis; quam Deo visum fuit adhibere in gratiam *Abrahami*, fidemque ejus consignandam. Ne dicam, à morte Testantis & promittentis, cessionem terræ *Chanaan* non fuisse suspensam, quod ad Testamenti perfectionem requiri, Apostolus auctor est.

18. Quæ postea ad eundem *Abrahamum* ejusque filium & nepotem repetitæ sunt promissiones, nunquam per modum testamenti, ex parte vel in totum, semper, ut contractus & fœderis utriusque obligantis formulæ celebratæ sunt, ut *Genes. 17. v. 10.* ubi; *Hoc est meum fædus inter te & inter me & inter seminum;* nemo testator ita loquitur auctor potest.

19. Apud *Sinai* montem in omnibus actis & dictis inter Deum ac populum *Mosem*que mediatorem, nulla quoque *Testamenti* vestigia reperiuntur, omnia per modum fœderis ab initio ad finem usque transacta fuisse, tam clarè patet, quam quod est *ἑρμηνεύσεις*, *Exod. 19. v. 24.* adjectis quoque legibus, quarum observantiam Deus per *Mosen* stipulatus est, populus ad contractum fœderis rite perficiendum spondit *d. c. 19. v. 5. & c. 24.* accedente ratione tractata, quod mors ibi nulla Testatoris interveniret.

20. Tu dicis; victimæ mortem figuraverunt, earumque immolatio formæ Testamenti implevit. Responso est; victimæ

non ad formas Testamenti, sed foederis pertinere, sicut in foedere Abrahami, quod vidimus, hunc usum habuerunt. Idem heic iterum præstiterunt, ut ipse Moyses auctor est, dicendo; *Hic est sanguis Fœderis, quod Deus vobiscum fecit, super omnibus hisce verbis.* Nota 1. Fœdus. 2. Vobiscum. 3. super istis verbis, quæ clare concepta fuerunt hoc modo, *Spondes? Spondeo;* Adeo ut cuncta rem inter duos actam demonstrant.

21. Quod autem alii juxta fœdus & foederum repetitiones singula Testamenta collocant, vel diverso respectu eadem Fœdera & Testamenta intelligunt, non modo ἀγενερον, *Scripturis incognitum*, sed etiam ἀλογον, *rationi adversum est.* Fœdus enim & Testamentum nunquam pari passu ambulant, neque simul formari possunt; quia Fœdus non nisi duorum, & Testamentum aliter quâ unius voluntate nullo modo constitui potest, idque *post mortem*, cum fœdus sit actus inter vivos.

22. Ex his omnibus evidentissime colligitur, voluntatem æternam Filii Dei, hereditatem cœli electis à patre sibi datis, per & post mortem suam in tempore obeundam destinantis, esse *unicum & immutabile Testamentum*, præter quod nullum aliud à Deo in sacris literis invenitur esse conditum Testamentum, aut ultima voluntatis species.

23. Quid ergo fiet de Testamenti divisione *Veteris & Novi*? Idem quod Professores Leidenfes citati ab Hoornbeekio, *Inst. Theol. c. 8. n. 2.* ubi; *Duo Testamenta dicuntur, non per divisionem generis in species, sed subjecti secundum accidentia; quia res eadem specie & substantiâ variatur, secundum diversam œconomiae rationem & administrationis modum, tam ex parte Dei, quam ex parte hominum.* Statuunt igitur, unum esse Testamentum duplici modo distinctum,

quorum unius respectu *Vetus*, altero *Novum* dicitur (de sententia Pauli ad Gal. 3. v. 24. 26. & v. 15. in cap. sequ. videbimus *infra*) auctor ad Hebr. c. 9.

24. Summa horum modorum est, quod Testamentum Christi primo clausum & Secretum, deinde fuit apertum: Primo & olim obscure cognitum nec nisi per typos significatum, dein palam & clare detectum & prædictum. Non malè convenit huc, quod Leo Imperator Testamentum clausum vocat, *Διαθηκὴν ἐν μυστηρίῳ κειμένην, in mysterio situm;* Aliter Σύμψον ἐν ἱερῶν μυστηρίοις ἀποκρίσεων, *Compositionem mysticis constantem figurationibus:* Nov. LXIX. Sententiam vero talis Testamenti describit, ἀχλὺν ἰφθαλμοῦ κρύβου καὶ τὸ πρῶτον ἀναφίγει καὶ ψυχῆς, *quasi nubem expansam, intelligendi vim auferentem, ἀφ' ἧς τὸ ἐν τοῖς λόγοις ἀποκρίσιμον propter obscuritatem in sermonibus,* qui de sententia Testamenti clausi feruntur: Nov. XLII. Quæ obscuritas aperto cognitoque Testamento evanescit atq; in lucem claram vertitur. Hæc veteris noviq; ut dicitur, Testamenti naturæ, licet aliud agat Leo, exacte conveniunt.

25. Qui habebant Testamentum in manibus, cujus executores à Testatore constituti sunt, defuncto illo hac vitâ, Testamentum aperient & publici juris faciunt. Idem, heredes reddunt certiores institutionis factæ, & si nulla conditio prius implenda, illis imposita reperitur, statim illis copiam faciunt hereditatis adeundæ; monitis tamen iisdem heredibus, id agendum esse, ut Testamentum omnemque Testatoris voluntatem exacte implerent; alioquin fore ut tanquam indigni bonis priventur: Quâ de re stipulatio quoque & repromissio inter Executores testamenti & heredes fieri possunt. Et si enim Testamentum à contractu sit alienum, & jus è Testamento, sine ullo contractu

tractu, heredi acquiratur, quominus tamen super executione Testamenti Contractus ineatur, nihil impedimento est.

26. Christus Dominus morti propinquus Executores Testamenti sui constituit *Apostolos & Evangelistas*, quibus illud tradidit, ut post mortem suam publicarent, & ubique gentium denunciarent, *credentibus in Ipsum delatam esse hereditatem regni caelorum*, sine ulla conditione, nisi ut adirent hereditatem sibi delatam, hoc est, *Credens & præcepta Testamenti impleret.*

27. Cavendum heic est ab errore loquendi, quo fides & observantia præceptorum Testamenti, pro Conditione delatæ hereditatis habentur: Atqui Conditiō nihil est aliud, quam *Adjectio casus collati in futurum, à cuius eventu aliquid suspenditur.* Talem non esse hereditatis

aditionem neque præcepta Testamenti nec quicquam suspendere jus creditium, quominus incontinenti adeant & acquirant hereditatem satis constat; etsi verum est, eos ad servanda Testamenti præcepta teneri; sed hic est effectus hereditatis acquiratæ, non conditiō acquirendæ. Et fides non magis est conditiō successiōis, quam acceptatiō beneficii est conditiō donationis.

28. Cæterum, Stipulatio & repositio, quæ prædicatores novi Testamenti heredes ad servanda Testatoris præcepta obstringunt, habent quidem similitudinem fœderis, sed non pertinent ad deferendum vel acquirendum jus hereditarium, nec ideo Fœdus ullum, post obitum à Testatore mortem, ad hereditatem acquirendam celebratum est, quemadmodum plenius in *cap. seq.*

C A P. I I I.

De Fœdere Dei cum Ecclesiâ

Juxta Testamentum Christi unicum, fuisse & unicum fœdus ejusdem cum Ecclesiâ, adhibitum, antequam Testamentum esset apertum & vim haberet; ut bona Testamenti ante mortem Testatoris cum fidelibus antiquis communicarentur, cum hi aliter quam per antecedentia promissiones ante apertas tabulas bona Testamenti participare non possent. Igitur per fœdus illud cum Patribus initum, Testamentum esse *ἡνωθησαν εἰς Χριστόν*, præconfirmatum in Christum; hanc esse doctrinam Pauli ad *Gal. c. 3.* Fœdus igitur nihil fuisse quam *ἡνωσις*, anticipationem Testamenti per promissiones. Ejusque speciem esse unam, declarationes & repetitiones esse diversas, quarum momenta explicantur.

Sicut unum modo Testamentum Dei in Sacris invenitur, ita nec Fœdus esse, nisi unicum Dei cum Ecclesiâ, hoc capite demonstrabimus.

2. Est autem Fœdus, *Conventio publica cum effectu duraturo.* Conventio est

duorum vel plurium in idem placitum consensus. Publica dicitur, ut Fœdus à privatorum conventionibus, sicut ab iis est diversum, distinguatur. Cum effectu duraturo, quia contractus etsi publici, de rebus & actionibus transitoriis, Fœdera non

sa non sunt nec ita appellantur. Atque hæc definitio καὶ ἀσθησιον, bene convenit fœderi inter Deum & Ecclesiam.

3. Non posse Fœdus & Testamentum pariter celebrari, jam dictum & probatum est. Proinde, qui è Testamento hereditate potiuntur, mortuo Testatore, nihil Fœderis egent, cum jus succedendi è voluntate solius Testatoris oriatur, additioque hereditatis etiam fiat solius voluntate heredis, sine fœdere; nisi ad executionem præceptorum Testamenti aliquid instar fœderis adhibeatur, ut jam dictum cap. præced. & inferius reperetur.

4. Fœdus igitur Dei cum Ecclesia initum est ante mortem Testatoris, ut fideles antiqui cœlestium bonorum, quæ ante obitum Testatoris è Testamento capere non poterant, participes redderuntur, ut docet Auctor ad Hebræos c. 9. v. 16. Διαθήκη δ' ἐν νεκροῖς βιβαίη, Testamentum morte vires accipit, Ἐπεὶ μὴ πῶν ἰσχύι, ὅτι ζῆνός ἐστιν, siquidem vivente Testatore, nondum valet.

5. Cum igitur Christus mediator secundum cessionem à Deo Patre sibi factam, Electis hereditatem cœlestium bonorum Testamento suo reliquisset, idemque fideles ante destinationem mortis suæ tempus viventes, eorundem bonorum consortes reddere vellet, Testamento sententiam illis obscurius, & multa cum figurarum umbrâ significavit.

6. At quia vis Testamenti ante mortem suam illis applicari non poterat, ejus effectum omnemque fructum per promissiones acceptatas, id est, conventionem atque Fœdus illis repræsentavit, cum relatione tamen ad mortem suam ejusque virtutem. Ut intelligerent, se partem suam bonorum hereditariorum, ratione Testamenti morte aliquando confirmandi, præcipere eoque ἀνεργήματα τῆς ἐπαγγελίας, heredes promissionis testamentariae facti sunt.

7. In hunc usum Fœdus Dei cum ventis fidelibus esse contractum primo ex eo quod diximus, adstruitur; Facti sunt heredes cœlestium bonorum; no poterant id fieri propria directaque vi Testamenti ante mortem Testatoris, ut Paulus docet. Ergo per fœdus, id est promissiones acceptatas, quæ cum iis, ut satis constat, interpolatæ sunt, id oportet consecuti fuerint.

8. Docet hoc ipsum Paulus Apostolus ad Gal. 3. v. 15. & seqq. ubi primo ponit Διαθήκη ἀσθησιον καὶ κενωμένην Testamentum hominis confirmatum, de quo prædicat, quod nemo illud ἀσθησιον ἢ ἐπιλαβῆσαι, infirmare vel in eo quicquam mutare possit. Testamentum veritimum, non Fœdus, ut alii, interque eos Belgæ, qui tamen fatentur etiam posse verti Testamentum.

9. Sed hoc isti loco unice convenire, patet inde, quod Διαθήκη dispositio, καὶ κενωμένη confirmata, ἢ ἐπίδωξις ἀσθησιον, cui nemo derogare potest, manifesto sit eadem cum Διαθήκη ἐν νεκροῖς βιβαίη cum Testamento morte confirmato, quod nullam recipit mutationem, de quo ad Hebr. 9.

10. Fœdus autem, sicut omnes actus inter vivos, statim est firmum, & semper infirmari potest, eodem quo firmatum est modo. Ergo Διαθήκη, ἢ ἐπίδωξις ἢ ἐπιλαβῆσαι, quam nemo infirmare, vel mutare potest, non fœdus, sed Testamentum sit oportet apud Paulum.

11. Positioni de Testamento morte confirmato subjicit Paulus versu 16. τῷ δ' Ἀβραάμ ἐπαγγελίαι ἐπιπαγγελίας, Sed Abrahamo factæ sunt promissiones, siquidem Διαθήκη καὶ κενωμένη, Testamentum confirmatum ἐν νεκροῖς βιβαιον, morte Christi validum, Abrahamo tot seculis ante Christum Testatorem mortuum convenire non poterat.

12. Inde versu 17. deducit Apostolus Διαθήκη κενωμένην καὶ ἐπίδωξις ἢ ἐπιλαβῆσαι, id est Testamentum confirmatum, quod nemo potest infirmare, vel mutare.

τιν, Testamentum præconfirmatum à Deo in Christum. Fœdus non recipit antecedentem confirmationem, sed hoc vires è præsentia capit, statim ac utrimque conventum est. Testamentum vero diu ante mortem factum, vires demum inde post mortem capit, nec prius valet, nisi nisi promissione Testatoris in antecessum confirmetur. Res jubet, ut hic locus paulo pressius educatur.

13. Scopus Apostolici est in d. c. 3. demonstrare, quod salus non ex operibus legis, sed ex gratia per fidem donetur: 2. 6. & seqq. idque tam ante quam post Christum, neque legem posse iustificare peccatorem v. 11. &c. quia nos subjicit maledictioni, à quâ Christus, maledictio pro nobis factus, nos liberavit. Hoc comparatione Testamenti ab homine conditi illustrat & probat.

14. Ἀλλὰ ποί, inquit, καὶ ἄνθρωποι λέγω, secundum hominem loquor; Testamentum, cuius dona sunt meræ gratiæ, confirmatum mutari non potest: v. 15. Sed Abrahamo promissiones dictæ sunt, per quas Testamentum fuit præconfirmatum in Christum, id est, virtute mortis Christi futuræ: Ac ita per fœdus sive promissiones acceptatas Testamentum representatur, hoc est, vis Testamenti in antecessum Abrahamo præstat.

15. Sicut igitur, pergit, Testamentum est immutabile, sic idem præconfirmatum æque est inrevocabile; cum eundem per fœdus ἀκυρώσις, effectum præstet, ac si esset, κενυμένον, confirmatum morte, nec ideo per legem diu postea sequutam fuit abrogatum, quia mansit Testamentum. Si esset fœdus sine respectu ad calum mortis, per legem & novum fœdus abrogari potuisset, uti semper contractus posteriores inter easdem partes derogant prioribus; Sed Testamentum morte stabilitum, vel pactis ut ad statum mortis se refert, antici-

patum, nullos admittit terminos habiles mutationis.

16. Tales igitur fuere promissiones Abrahamo factæ, ut è Testamento morte Christi confirmando vires ac ceperint mereque gratuitæ essent, ac ita immutabiles, ut per legem sequutam non receperint aliam qualitatem, idque est ἵνα ἐπιπέσειν δειξέτω, quod demonstrare volebat Apostolus.

17. Dicendum igitur, Testamentum Christi æternum, quod semper unum & immutabile, meræque est gratiæ, habere duas ἀρτίους, dispositiones, Κύριον & ἀκυρώσιον, confirmationem & præconfirmationem. Confirmatio facta est, inquam, morte Christi Testatoris.

18. Præconfirmatio facta est antea, πάλαι, cum Testamentum suis necdum viribus subsisteret, idque per Fœdus, sive Promissiones sese referentes ad mortem & tempus confirmationis, cuius vis hoc modo retractata fuit εἰς ἀπαλιψωσιν ἢ ἐν πρώτῃ τῇ ἀσθενείᾳ ὡς ἑσθλάτων, ad redemptionem transgressionum sub priori dispositione commissarum. Hebr. 9.

19. Sed prior illa dispositio ἀκυρώσις sua præstantia multis modis cedit posteriori. Promissiones fuerunt obliquitæ, cærimoniis & typis adumbratæ, fidelibus ad aperturam Testamenti anhelantibus moleitissimæ ac intoleranda, ut Petrus in oratione Synodali loquitur Act. 15. Posterior autem dispositio clarum lucem ex ipsa Testamenti aperti Læctione, Prædicatione, gaudiumque perfectum τὸ χαρὸν πτωληρωδίου, ut Christus dominus ait, exhibuit. Denique, hæ sunt εἰς δύο ἀσθενείας, dua dispositiones, quarum una servitutem, altera libertatem parit Gal. 4. v. 24. & 26.

20. Sed Fœdus illud ἀκυρώσις, quo Testamenti vis ante mortem Testatoris antiquis Fidelibus representata est, quæ fuit παλαιὰ ἀσθενεία, vetus dispositio; cum aliquo-

aliquoties repetita fuerit, plenius & per partes explicanda videtur, ut probemus semper idem unumque foedus *σπουδαίως*, Testamenti vim representans fuisse atque mansisse, neque Testamentum ab illo quod morte Christi firmatum est, usquam diverfum reperiri, sed idem esse *σπουδαίως δὲ ἐπαγγελίας*, ante confirmatum per promissiones, cum eo quod postea *κρίμα*) morte constabilitum est.

21. Præcipuæ partes & momenta hujus antedaneæ confirmationis in summa tribus intervallis distinguuntur. I. Ab Adamo ad Abrahamum. II. Ab hoc ad Moysen. III. Exinde ad ipsam Testatoris *αἰάφωσιν*, adventum & apparitionem in Terris. Quibus spatiis incipit & finitur ἡ *παλαιὰ διαθήκη*, *vetus depositio*; quam alii serius auspicantur.

22. Initium *σπουδαίως* & primi intervalli est declaratio Domini in Paradiso; *de semine mulieris caput serpentis contrituro & de calcaneo seminis à serpente vicissim* conterendo.

23. In quibus verbis implicitam fuisse remissionem peccatorum & passionem dominicam, vitæque donum æternæ per Testamentum, omniaque à primis fidelibus esse percepta credimus, idque sacrificandi instituto *κατὰ τὴν μυστηριώδη τέχνην*, *mystico more*, ut Leo Cæsar de testamento clauso loquitur in Nov. 69. inde à primis temporibus adumbratum fuit.

24. Cum Noacho deinceps foedus inquit traditur Gen. 6. de ingressu in Arcam, arcendoque diluvio, quibus reconciliatio cum Deo facta supponitur, nulla tamen expressa promissio de summa hereditatis universæ ante Abrahamum facta proponitur, sed *ἀχλὺς καὶ ἀσπίθια*, *caligo & obscuritas*, ut Leo rursus de occulto testamento loquitur, in editione verborum *σπουδαίως* *præconfirmantium* vim mortis Christi & testamenti apparet.

25. Non est tamen, ut diximus, dubium, quin *plus indicatum & intellectum quam scriptum fuerit*, tantumque de sententiâ testamenti fidelibus innotuerit, quantum tis ad salutem fide consequendam erat necessarium, nec de illorum consensu ac ad stipulatione dubitari ipsa res & eventus patitur, nec Petri Apostoli testimonium *de Christo hominibus in tempore diluvii concionato*. I. Petr. 3: 19. &c.

26. Quatenus igitur è sacris literis constet, hoc tempus habuit dispositionem *σπουδαίως*, per pollicitationes, sine dubio tamen acceptatas, adeoque per *tacitum foedus*, sacrificandi ritu sancitum. Intellexerunt, se Deum amisisse per peccatum, eum se recuperaturos ex gratia per Christum mortuum. Hanc vim mortis sibi promissione *representari*, id est, in antecessum dari; nam hoc significat *representare* Latine. Mors Christi fuit etiam *representata* sacrificiis alio sensu, ut apparet; Atque hæc fuit dispositio primi temporis, *per foedus*, inquam, *tacitum*.

27. Clarior & luculentior fuit *σπουδαίως*, *antecedens confirmatio* facta Abrahamo, qui tandem accepit directam promissionem de summa rei; Proinde ab illo demum *αἱ ἐπαγγελίαι* promissiones ab Apostolo deducuntur, *αἷς ὁ Θεὸς αὐτῷ ἐπαγγελίησεν*, per quas Evangelium *anticipatum illi fuit propositum*. τὸ *ἐπαγγελίησεν* respondet τῷ *σπουδαίως*, Nam sicut τὴν *κρίμα*, simplicem confirmationem sequitur evangelium, ita τὴν *σπουδαίως*, præconfirmationem, *præevangelium*.

28. Verba præevangelii ad Abrahamum laudat Apostolus hæc; *ὅτι ἐν σοὶ εὐλογηθήσονται πάντες τὸ ἔθνος*, in te benedicentur omnes populi, d. v. 8. quæ promissio in semine ejus, ἡ *ἐν χροῖσι*, impleta fuit, hoc est, in Christo. Ac ita benedictiones & promissiones illas fuisse *spiritua-*

spirituales, fide ab Abrahamo perceptum fuit & à Paulo inculcatur.

29. Sed mos Dei est, *firmans fidei res veditibus terrestres*, quod imprimis τῆς ἀσκήσεως (Testamenti clausi & mystici τοῦ μυστηρίου κειμένου, ut Leo noster ait, conveniebat, quo fidem rerum maximarum palpabilius præsumerent.

30. Ideo Deus promissionem terræ *Chanaan*, in qua tunc erat & quam calcabat *Abrahamus*, ut hypothecam benedictionis suæ adjunxit, & super utraq; promissione, alterâ principali, alterâ accessoriâ fœdus cum illo pepigit, ac solenniter, non sine sanguine, tam in sacrificiis quam circumcissione confirmavit; nequam obliviscerentur, promissiones ab iis acceptatas, esse ἀσκήσεων *præconfirmationem* testamenti sanguine conditoris adhuc implendi. Ita facti sunt heredes testamentarii per promissiones, κληρονομοὶ τῆς ἐπαγγελίας.

31. Ultima ἀσκήσις, *præconfirmatio* Testamenti per ministerium Moïsi in deserto administrata est, prolixius & luculentius quam prius, ut fuerit ἰσχυρώσεως, solennis *renovatio* fœderis cum Patribus initi, primo quidem ad repræsentandam Testamenti vim per ritum proximè ad mortem Christi accedentem effusione & *adspersione sanguinis*, quo jus ad hereditatem cœlestem acquirendum erat, ut legitur *Exod. 24.*

32. Accessit tum per Moïsen, hypotheca sive pignus promissionis idem quod Abrahamo datum fuerat, terræ *Chanaanis*, quæ nullo modo fuit materia Testamenti, ut antea demonstratum, nec quidem fœderis separati; sed pars & accessio fœderis, quo gratia fructusque Testamenti cum verè credentibus communicaretur, ut intelligerent tam certo hereditatem cœli sibi præstitum iri, quam in illâ terrâ sedium positione stabilirentur.

33. Ex his jam satis constat, jus hereditatis cœlestis, per Testamentum morte Christi confirmatum fidelibus acquiri, tam veteribus quam novis: Sed veteres ad Testamenti fructum sine fœdere non potuisse admitti, quo Testamentum, ipsorum bono ἀσκήσεως, antea confirmatum est. Novis post mortem Testatoris nullâ ἀσκήσει (antececedenti confirmatione Testamenti, nec adeo fœdere opus fuisse: Cum nihil ad acquirendam hereditatem quam *aditio*, quæ est fides, requiratur.

34. Unde sic est habendum; post obitum Filii Dei Testatoris mortem, non fuisse locum *novo fœderi*, cujus vi Deus uteretur, ad jus vitæ æternæ dandum Electis. Nec adeo in sacris literis ullum Fœdus inter Christum dominum & Fideles, ad hereditatem ex ejus Testamento adeundam inveniri. Veteres fuerunt Ἐπαγγελίας κληρονομοί, *Promissionis heredes*, ut vocantur ad *Galatas* & ad *Hebræos*. Post Christum nihil ejusmodi, sed φανέρωσις, πλείωσις, τὸ ναὶ καὶ ἀμὴν *manifestatio, consummatio, rei veritas; non promissio ingeminatur. Rom. 6. v. 25: & sequ. 2. Ad Timoth. 1: 9. ad Tit. 1. 2. &c.*

35. Sed finiamus hanc disputationem, ubi quid inde nobis sedeat, denuo breviter collegerimus. Summa hæc est; Pacto Dei Patris & Filii liberatam generis humani esse constitutam. Christum, juxta illud Pactum, electos fecisse heredes ignaros *in sanguine æterni testamenti*, quod cum jus nullum nisi post veram sanguinis effusionem tribueret, Testator Deus antiquis promisit, se bona hereditaria, vi sanguinis sui effundendi, ipsis antea esse daturum.

36. Et quia nondum hereditatem adire seque pro heredibus gerere poterant, hoc officium per repromissiones ac ita per *fœdus* ab illis exegit, per leges *co-*

adstrinxit, circumfisione & terræ Chanaanis pignore carimoniisque res promissas adumbravit, atque ut oblationes gratiæ erant generales, ita sigillis, pignoribus, umbris, omnibus Deum profitentibus eorumque liberis uti permisit.

37. Aliud testamentum, præter æternum istud, putamus Deum fecisse nullū, nec foedus aliud quam quod testamenti

vim præoccuparet. Defuncto Testatore, cessasse diem successionis, id omnibus populis esse denunciatum, hereditatem promiscue oblatam, à credentibus vi gratiosi testamenti per fidem, sine ulla pactione vel exactiōe prævia, esse acquisitam; In exercitio juris delati & acquisiti, foederis aliquid instar inter Deum & fideles intercedere, ut explicitum dedimus.

C A P. I V.

Quo rationes quaedam adversus unitatem Testamenti & Fœderis refelluntur.

Removetur objectio duplex à discrimine Testamenti humani atque divini petita, à pr. Tertia removetur objectio ex, ad *Hebr. c. 8. v. 6. 9*; quo probetur dari duo Testamenta: Quæ per instantiam à divisione fœderis novi & veteris renovatur objectio refellitur. Denique satisfit objectioni à recepta doctrinâ, quod omnino etiam Fœdus novum detur, idque distinctione fœderis in acquirendo & exercendo jure hereditario adstructâ. Subjicitur confertim hujus doctrinæ confirmatio.

Et si objectiones quædam obiter remotæ sunt in superioribus, omittendæ tamen non videntur, quæ motæ sunt ab amicis aliis. Nostrum fundamentum est in eo, quod Testamentum sine mortis, quæ tantum una fuit, interventu, nullum sit, & quod fideles ante Christi mortem testamenti bona participare non potuerint, nisi per fœdus *ἀποκρίτως*, antecedente confirmationis, quod etiam unicum fuit.

2. Objectū est ita, eruditè; Inter hominū & Dei testamenta hoc interesse, quod ad humani testamenti valorem mors requiratur, ut mutationis metus auferatur; cujusmodi mutatio in Divino Testamento propter antecedente promissionis & jurjurandi fidem metuenda non fuerit. Unde sequatur, et si Testamentum Christi ante mortem ejus non valuerit, ab defectum

causa meritoria, fuisse tamen antea validum, quatenus certum erat, nunquam mutatum iri; propter quam certitudinem nullâ fuerit opus ἀποκρίτως.

3. Responso ad hanc objectionem sponte se prodit; cum argumentum ejus sit petitio principii. Unde enim certum fuit, ante mortem Christi, Testamentum ejus nunquam mutatum iri? Ex antecedente promissione jurisque jurandi fide, quam sequuta est acceptatio, ut ipsa suggerit objectio. Atqui antecedens promissio est ipsa *ἀποκρίτως*, quæ dedit vim Testamento ante mortem Testatoris, id est, Fœdus, eâ gratiâ inter Christum & fideles antiquos initum, ut Testamento fructu, antequam possent è Testamento, gauderent.

4. Quod de jurejurando in objectione dictum est, referri quoque potest

ad

Ad Patris adseverationem Filio promittentis hereditariam possessionem & materiam Testamenti condendi, qua promissio considerari potest, ut extendens se ad fideles tam novos quam veteres: Unde nihil inter eos hac parte sit differentiae.

5. Respondetur, promissionem Patris nullo modo tollere vel occupare Filii Testamentum: Sed hoc illâ niti: Nec ideo derogat promissio Patris naturæ filialis Testamenti, quæ hæc est, ut post mortem Testantis demum valeat, ante mortem vero non nisi per foedus vel actum missionis in possessionem, quam Testator vivus, velut heredi filio imperitur, valere possit.

6. Fuit alia objectio in hanc sententiam; Malè à naturâ Testamenti humani ad Divinum duci argumentum; quando in humanis hereditas morte Testatoris vacua soli cedit heredi, in divino heredes societatem bonorum post mortem Testatorum cum ipso redivivo habent: Quod magis est absolum, quam si heredes societatem bonorum ex Testamento ante mortem Testatoris cum ipso habere dicantur: ut ideo nihil opus sit *ἐκσυρόσους* instituto, an commento.

7. Responso est, I. diversitatem aliquam à posteriori, non arguere diversitatem planè separatam, à priori. II. Comparationem humani cum divino Testamenti, auctore Apostolo fieri, tam ad Galatas quam ad Hebræos quæ non vitatur à diversitate viarum, extra usum & scopum comparationis. Est plane ea diversitas heic loci, quâ Testator homo, mortuus hereditate non gaudet, secus ac Christus Testator, redivivus. Sed hæc diversitas in modo fruendi bonis acquisitis, nihil mutat jus primo deferendi hereditatem, quod Apostolus ipse docet Hebr. 9. à morte pendere, idemque ad Galatas bona Testamenti cum Veteribus vi foederis esse communicata demonstrat.

8. Plane, sufficit, mortem fuisse necessariam ad delationem hereditatis, si ve ad meritariam causam, ut in divino, si ve, ut conditionem sine qua non quam vocant, in humano Testamento. Quo constat, heredes non potuisse habere jus è Testamento ante mortem Testatoris, nisi ex præviâ confirmatione, per promissiones foederis, aut missionem in possessionem bonorum à vivo Testatore, cum respectu & virtute Testamenti ac mortis suæ, factam. Ut etiam hac viâ necessitas *ἐκσυρόσους* & foederis unici maneat.

9. Sed fortior objectio nasci videtur ex epistolâ ad Hebr. c. 8. v. 6. & seqq. ubi duo Testamenta eo modo describuntur, ut plane diversa videantur. Vocantur *πρῶτη ἡ δούτις Διαθήκη*; primum & secundum Testamentum. Hoc vocatur *πρῶτη*, melius, *ἡ πρώτη*, novum, non factum secundum id quod cum Patribus erat factum v. 9. idque prius *παραλαίωμα*, obsoletum fecit, v. ult.

10. Idem ad Galatas cap. 4. v. 24. Hæc sunt duo Testamenta, *δύο Διαθήκαι, μία ἐπὶ δὲ τοῦ Σινῆ*, Unum à monte Sinai, & quæ sequuntur. Idem est apud Jiremejam c. 31. v. 31. E quibus omnino dicendum videtur, esse duo Testamenta specie diversa, de quibus illic agitur. Materix quoque deterioris & melioris, prius de Terrâ Chanaan, ut pignore cœlestium bonorum; Alterum de bonis ipsius cœlestibus unicè & directè conceptum.

11. Ad hæc nostra sic est ratio. *Διαθήκη*, esse dispositionem voluntatis, unius vel duorum, antea probatum est. Priorem dispositionem, tam quæ apud montem Sinai repetita, quam prius facta erat, non fuisse Testamentum, sed factus evidenter & planè demonstravimus: A Græcis tamen veteris instrumenti Interpretibus *Διαθήκη* vocatur. Etiam hæc verba

verba *Gen. 15. percussit cum eo foedus*, quod est inter duos actum, quæ sic in Hebraico verbotenus sonant, כרת את בריתי ביני ובינך. Græci xxx. verterunt *διαθήκη* ἢ ἀβεγαίω ἀγῆθηκω; *dispositio cum Abrahamo diathecæ.*

12. At hæc voce *Testamentum*, æquè, imò frequentius significatur; Imprimis in novo Instrumento, ubi *dispositio*, quæ fuit olim foedus, est jam verè Testamentum. Non potuit igitur aliter Græcè, quam ut id quod cum Veteribus & cum novis fidelibus actum, unâ eademque voce ἀγῆθηκω exprimeretur, manente in rebus eâ diversitate, quam Deus illis impressit, ut olim esset foedus, hodie sit Testamentum.

13. Ergo δὲ ἀγῆθηκω, sunt duæ *dispositiones*, quas Deus super iisdem bonis, diverso tempore modoque fidelibus administravit; Ut verò Testamentum *utraque* dicatur, nec res, inquam, fert, nec in textibus objectis indicatur; non utique sanguinis effusio, quam in priorè *dispositione* adhibitam Moses refert & Apostolus observat *Hebr. 9.* peculiare Testamentum arguit, quia Moses diferte sanguinem *foederis* inter duos contracti appellat: Et Apostolus ideo sanguinem reserpsit monet, ut hæc *dispositio* mortem Testatoris typicè repræsentaret.

14. Nullo modo etiam liquet, materiam utriusque dispositionis esse diversam. Probatum est antea, cum Patribus & cum Abrahamo foedus in initum esse super bonis Testamenti adhuc clausi, cujus sententiæ illis obscurè significata est; factam esse ἀνεύθυν, *confirmationem præcedentem* testamenti, cujus accessio fuit, pignus terræ Chanaanis; minime hoc quidem foedus novum; non magis quam hypotheca humanis contractibus adjici solita per se negotium facit. *Διαθήκη ἀνεύθυν ἡμῶν οἷς Χριστῶς; ad Gal. 3.*

Præconfirmatio, *Testamenti in Christum*, non potuit esse de aliis bonis, quam in ipso Testamento comprehensis, & post mortem Testantis, palam factis.

15. Hæc uti cum Abrahamo inita erat, ita *renovata* est apud *Sinas*, ἡνέκα ἐνεκα, inquit Apostolus *d. ad Hebr. 9. cap.* Proinde nihil illic in summa, quam cum Abrahamo gestum fuerat, actum est vel agi potuit; major saltem adhibita solennitas & major intentio servitutis cærimonialis, quo respectu Apostolus ἡνέκα Χριστῶ Sinaiticum per excellentiam novo Testamento opposuit.

16. Alioqui nihil est certius, quam dispositionem veterem, sive Testamentum vetus esse æquale omni tempori, quo clausæ fuere Testamenti tabulæ, id est, à primâ in Paradiso promissione. Fuit enim hæc statim ἀνεύθυν, sive confirmatio antecedanea Testamenti morte implendi; quod hoc *πρωτῶν γενεῶν, morte Testatoris obitâ*, cederet, εἰς ἀπολύτωσην ἢ ἐπὶ τῆ πρώτῃ ἀγῆθηκῇ ἀβεγαίωσαν, *in liberationem à peccatis sub veterè dispositione commissis d. cap. 9. ad Hebr. v. 15.* E quibus verbis rectè pridem comprobatum est, *πρωτῶν γενεῶν ἀγῆθηκῶν*, primam dispositionem, sive *Testamentum Veteris*, æquè latè patere, quam patet retro, virtus salutifera mortis Christi, id est, ad primam usque peccati originem.

17. Quod autem recentior dispositio, sive Testamentum novum, à veteri tam insigniter distinguitur eique tam notabiliter à Prophetis & Apostolis præfertur, id non speciei, sed gradus & modi arguit diversitatem: Quod iterum melius quam à Paulo suggesta ratione demonstrari non potest.

18. Docet hic Galatas *cap. 4.* inter Veteres & novos fideles ejusdem hereditatis participes, id interesse, quod inter heredem puerum & adultum, cujus utriusque jus est idem; sed infans quod ad sensum

ad sensum fructuonis nihil à servo discrepat; regitur, manuducitur, cogitur, ut servus. Cum primum adoleverit, heredem se dominumque esse intelligit, libertate gaudet plenâque possessione, fructione, gaudio fruitur, ac ita posterior status ejus priore tanto præstantior & excellentior, quanto libertas servitio præstat & præcellit, habetur.

19. Parem ait esse rationem veterum novorumque fidelium. Veteres tanquam infantes, etiam heredes, vi testamenti promissionibus anticipati, *καὶ τὸ σὺχνα ἔχουσι διδασκαλοὶ ἰσθαι*, sub *elementis mundi*, id est, terrâ Chanaânis, esculentis, potulentis, carnibus, aquis omnique cærimoniarum mole *reducti erant in servitutem*.

20. Habebant pædagogum & quasi dominum, qui tanquam pueros & servos manuduceret ac custodiret; qui custos & pædagogus erat Lex, ut docet *cap sequ.* Paulus, *καὶ νόμοι ἰσχυροὶ καὶ ἰσχυροὶ ἰσχυροὶ*, sub *lege custodiebamur inclusi*. *ὁ νόμος παιδαγωγὸς ἡμῶν ἕως τοῦ Χριστοῦ*; Lex pædagogus erat noster ad Christum.

21. Cohibebat eos, ne in peccata ruerent, convincebat eos peccatorum commissorum, inculcabat maledictionem non servantibus, eoque spectabant fulmina, tonitrua, omnisque terribilis apparatus in sanctione Legis adhibitus:

22. Atque ita *servorum instar*, coarctati, compressi, cum nihil opis in Legge, nihil ibi quam onera, minas & diras, *statuta non bona*, offenderent, ad Christum adigebantur, ut sub molestissimo jugo ad tempus impleti testamenti anhelantes, ægerrimè bona, quæ multò facilius, hæreditate per mortem Testatoris delatâ, contingunt, adipiscerentur.

23. Sic igitur peccatorum causâ accersit fœderi Lex, *καὶ ὁ νόμος ἰσχυρὸς ἵνα*

καὶ ἵνα ἵνα, Gal. 3. v. 19. locupletissimo sensu, univèrso; etiam ad peccatum *καταλατρεῖας* nullum habeat peculiarem respectum; *Adjectus est promissioni custos & commentariensis*, cujus est *φρουρὴ* & *συγκρατῆς*, *custodire & concludere*. Lex, inquam, ad usque tempus aperti testamenti, quo & aperta custodia libertasque proclamata fuit ac præstita, cum plenâ perfectâque lætitiâ & plenius effusâ gratiâ notitiâque veritatis & vi spiritus sancti.

24. Ex his evidenter liquet, nihil de præstantiâ dispositionis novæ suprâ antiquam esse dictum, quod hac differentia non comprehendatur. Et tamen sicut heredis pueri ac adulti jus idem, eadem facultas est, idem utrique in Testamento addicitur & inculcatur, hoc solo discrimine, quod puer jus suum obscurius intelligit, eoque minus libere pleneque fruitur; Ita veteribus & novis fidelibus eadem facultas delata, denuntiata & inculcata est; Bona testamenti promissionibus ad mortem Testatoris spectantibus confirmata, fuerunt eadem, quæ post aperturam Testamenti heredibus præstita ab iisque percepta sunt.

25. Sed aperto Testamento, necesse non est, adhiberi ulla imitamenta, quibus implendi testamenti modus instar umbræ ob oculos figuretur, neque opus est prægustatione terrestrium bonorum, quibus ipsa bona cœlestia sine circuitu prægustanda offeruntur; nihilo magis pædagogo & custode dominove, qui nos ad Christum quasi procul adhuc remotum & occultatum, adigat atque constringat; cum ipse Dominus communionem sui, quæ est bonum aperti testamenti maximum, realiter offerat ac præstet; cessante difficultate ad eum per tot obstacula quæ fuerant, enitendi, quæ cum pauci olim perumperent, multis in medio cursu resistendi pedem.

di pedemque struendi præbuerant causam.

26. Directa verò isthæc gratia longè abundantius in corda hominum immissa non modò τὸ χαρῶν ἔχει πᾶσι ἀπολύτως, *letitiam Christi plenam* in iis excitavit, *Job. 17.* Sed & spiritum notitiæ, fiduciæ, amoris Dei, adeoque τὸ ἁδοπίνας, *adoptionis in filios*; in quâ sunt omnia hereditatis jura, latissime plenissimeque in eorum corda effudit, ut factum esse juxta vaticinium, *Jeremia cap. 31. v. 31.* testatur Apostolus ad *Hebraeos 8. v. 9 & 10.* Ex quibus omnibus manifestum est, diversitatem utriusque Dispositionis antiquæ & novæ esse talē, ut ei bene conveniat, quicquid Apostolus *d. loco* de utrâque dispositione collocat, sine specifica tamen; sufficiente & apparente solâ modali differentiâ.

27. Vulgarum ad hanc sententiam esse præjudicium è recepta Veteris & novi Fœderis, item Veteris & Novi Testamenti distinctione, è quibus saltem duplex fœdus & duo Testamenta dari, sit indubitatum, non ignoramus; At jam quo pacto novi ac veteris appellatio modi non speciei diversitatem inferat, è Lugdunensium institutione Professorum, exposuimus.

28. Revera quod vetus est, *Fœderis*; quod novum, *Testamenti* voce designandum erat. Sed quia Græci uno vocabulo *Ἀδοπίνας, dispositionis*, Testamentum & Fœdus expriment, hinc & veteri & Novæ *Ἀδοπίνας*, Latini utramque vocem adscripserunt, ac inde tam Veteris & Novi Fœderis quàm Testamenti fluxit appellatio: cum tamen Fœdus & Testamentum, id est, unius & duorum voluntas simul consistere nequeant, ætiusque diversi & oppositi generis contineant.

29. Scimus, hanc rem vulgo ita explicari; ut dispositiones Dei, quatenus

ipsius voluntate solâ constant, Testamenta sint; Eædem fœdera fiant, quando consensus & repromissio hominis accedit: Sed jam pridem ostendimus, non quamlibet unius declarationem, sed *morituri*, super eo quod post mortem suam fieri velit, esse Testamentum usu humani generis & Dei in verbo suo; tale verò esse unicum duntaxat, probavimus: ut & hoc; Testamenti jus Fœdere non indigere, nec id in successione Testamentaria usu venire, nisi ex post facto, quod dicunt, in executione Testamenti; Proinde illam translationem testamenti in fœdus ad acquirendum jus hereditatis cœlestis, negamus esse Scripturariam, vel convenire negotii naturæ exactè consideratæ.

30. Præterea, si dispositio unius Dei est illa voluntas æterna de salute Electorum, hæc est, una & immutabilis, non vetus & nova. Si vero per illam dispositionem intelligitur declaratio in tempore hominibus facta, hæc sine acceptatione nihil perficit nec ab eâ separari potest: Juncta autem cum illâ, contractus est & Fœdus, nec Testamenti rationem seorsim habere potest.

31. Difficilius forte quam quod de Testamento diximus, admissum iri videtur, quod nostra tenet sententia; juxta Christi Domini mortem apertumque Testamentum, non esse locum *Fœderi*; nec adeo dari *Fœdus Novum*, quo jus cœlestis hereditatis fidelibus delatum vel acquisitum sit.

32. Hujus rei ratio & probatio reddita est sub *fin. cap. præced.* definens in hac observatione, quod ad delationem & acquisitionem juris hereditarii, fœdus necessarium fuerit, antequam Testamentum valeret: Post illud impletum morte Testatoris, aditionem hereditatis incontinenti per fidem committi, nec amplius usum aut locum esse fœderi *ad jus heredi-*

hereditatis acquirendum: sed nihil quam lætum aperti Testamenti delatæque hereditatis nuncium resonare per orbem terrarum.

33. Mihi nihil adhuc oblatum est, quo vel *Testamentum* ullum, ante Christum, apertum; vel post illum, Fœdus contractum doceatur; quo, inquam, postea, largitionem salutis nostræ per modum conventionis & fœderis disponi statuendum sit, quemadmodum id vulgò concipitur, *quasi Testator ab herede aliquid exieret & stipularetur, quo præmissio, hereditatem ei relinqueret*. Formula talis stipulationis & promissionis nusquam, credo, reperitur, nisi in modo exequendi, & administrandi juris testamentarii.

34. Videndam igitur, ne non faciendum sit, ut per consequentiam fœderum cum veteribus, *in subsidium* atque ad anticipandum testamenti effectum initorum, fœderalem hanc viam adhuc insistamus, postquam dies testamentariæ successione liquidissimè cessit, & hereditas morte Testatoris delata cunctis adire volentibus, i. e. *credentibus* oblata fuit; adeoque, ne non utendum sit hac *ἀνεργία*, ut Fœdus antiquum pro testamento, & exitum testamenti pro fœdere novo accipiamus.

35. Nam etsi de utroque recte dicatur, illud esse viam Domini in servando peccatore diversis temporibus initam, verum tamen non sit, Fœdus & Testamentum per omnia pari passu ambulare, atque ubi testamentum est, ibi simul esse Fœdus intelligi.

36. Hæc verba, *Crede & vives*, quam formulam Fœderis post mortem Christi esse volunt, sit potius cohortatio ad acquirendam hereditatem modò delatam, quasi dictum esset, *Adi hereditatem & in æternum eâ frueris atque poteris*, eaque facultas & voluntas adeundi

cum spiritu novo, est ipsum testamentum aperti bonum: quod de vetustis temporibus dici non potuit; utpote, quibus illud jus nondum cesserat, verum per promissiones actusque inter vivos longe molestiori & obscuriore modo representandum fuit, atque representatum ac anticipatum est.

37. Denique, promissionibus & repromissionibus negotium salutis apud veteres actum & peractum fuit; *Ἐπαγγελία*, promissiones ubique de Patribus usurpantur, *φανερωσις, πλειονίς; & τὴν πρὸς ἀμὴν*, manifestatio, consummatio, res & eventus promissionum, temporibus Christi constanter & perpetuò adscribuntur. *Rom. 6. v. 23. & seq. 2 Tim. 1. 9. & seq. Tit. 1. v. 2. &c.*

38. Tu dices, novum Testamentum sit novum Fœdus, quando accedit Lex Christi, jugum ejus, cum promissione vitæ & salutis ad obedientes, detestatio autem & horrenda judicii comminatio adversus eos qui non credunt in Christum, non amant illum nec obediunt ejus imperiis: dum hæc in mundo ubique prædicantur ac proponuntur, cum pignoribus sacri Baptismi & Cœnæ; dum hæc credentes amplectuntur & accipiunt, tum fœdus contractum intelligitur.

39. Ad hæc ratio sic est; In præceptis Christi, quid est quod testamentum non cohæreat hæredisq; officio non æque ac promissioni inter vivos conveniat? Comminationes factæ non credentibus, quid aliud sunt quam exheredationes? quæ non minus quam hæredis institutio sunt pars testamenti, & diris ac fulminibus, etiam à parentibus contra filios non obedientes emissis comparantur, vimque dicuntur habere quasi condemnationis ad mortem; adeoque videndum, ne quicquam in illis sit, quod contractum, fœdus, aut conventionem inferat, Sacramenta verò ab ipso Domino

Domino Jesu Testamento novo adscribuntur, ejusque sigilla sunt. Quod autem & pignora vocantur, inde non sequitur esse *Fœdus*, cui accedant: Nam pignora non minus testamentis quam contractibus adjici possunt.

40. Denique, ita tenemus, delationem & acquisitionem juris hereditarii, vi mortis Christi directe, sine fœdere, ut positum est, committi, nec observantiam testamenti propriè Contractum esse appellandum. Nec conditionem ullam heredibus in Testamento *Jesu Christi* proponi, cum ipse conditionem salutis acquirendæ unicam, quæ est perfecta obedientia, prius impleverit, & nos *duplî gratiis, τῆ αὐτῆ χάριτι, per illius gratiam servemur.*

41. Conditionalis institutio non facit heredes, sed hereditatis delationem suspendit ab eventu & à præstatione facti alicujus, quod de efficacia mortis Christi neminem dicturum puto. Nec ad eò repetemus quod jam constat, *fidem non esse conditionem institutionis*, sed aditionem hereditatis, necessariam quidem, at non magis conditionem, quam extensio manus est conditio elemosinæ acquirendæ.

42. Verum enimvero non est nobis animus, negare fœderis usum & appellationem in novâ dispositione testamenti aperti; modo non *ad delationem & acquisitionem juris hereditarii*, quæ fit unice è Testamento morte Christi confirmato, Sed *ad exequendum illud, ac administrandum* referre contenti sumus; neque tantum id inter executores testamenti & heredes professos atque præsumptos, ut *suprà* dictum, concedimus; verum etiam inter Deum animamque fidelem, non, ut olim, scilicet, *conditum*, sed usu *exercitum*.

43. Est enim prorsus immane discrimen inter hæredes Christi Domini at-

que hæredes hominum Testatorum, in primis in eo consistens; quod hi post impletum testamentum mortui sunt & manent, quibuscum nec cogitationes nec verba commutari possunt; cum nos-ter cœlestis auctor hæreditatis revixerit & in coelos ad dextram Patris sui evectus, inde nos verbo suo instruat, spiritu suo gubernet ac adjuvet, ut ad finem usque nos dignè pro hæredibus geramus & tandem illic simus, ubi ipse nunc est. *Joh. 17. 24.*

44. Quod cum nonnisi post obitum ex hac vitâ, infinitis difficultatibus obseptâ, futurum sit, illum divinâ potentia scientiæque ubique præsentem adiduo contemplantur; ejus opem, imploramus, lapsus nostros confitemur, emendationem promittimus, ejusque Patri per ipsum nos humillime commendamus; atque nos totos ejus amori obsequioque dedimus ac devovemus: ille nos recipit suæque receptionis, per testimonium Spiritus Sancti, certiores reddit.

45. Hoc esse, *obligare* semet, etiam fœdus inire, si quis ita velit, non recusamus: imo si quis exercitium fidei, perpetuum *συνάμαρτος* dicere velit, *commutationem promissionum & repromissionum adfiduam*, id æque facile concedemus.

46. Sed justotum pendet è Testamento & à morte Testatoris, sine ullâ fœderis mixturâ; verum actualis dominii acquisitio ejusque exercitium, adeoque testamentarii juris *executio* fœderali modo administratur, tam inter Deum, inquam, & animam, quam inter executores Testamenti & Confessores, quo pertinet *επιτομή τῆ εὐλογίας ἡμῶν εἰς τὸ εὐαγγέλιον. Obsequium confessionis nostræ secundum Evangelium. 2 Cor. 9. 13.* non tantum, inquam, externe, sed etiam respectu Dei ipsius animæque hereditatem cernentis. *Jerem. 31. v. 33.*

47. Quæ

Quo Fœderis & Testam. unitas ab object. vindicatur. 121

47. Quæ res tamen non est, inquam, impedimento, quominus omnem delati & acquisiti juris hæreditarii causam beneficio testamenti, sine pactione fœderis, acceptam feramus; secus ac olim,

quando testamentum nondum valebat & à subsidiariis promissionibus ac fœderibus ad exitum futurum testamenti se referentibus, necesse erat petere spem salutis.

C A P. V.

Fœderis & Testamenti ius reverà non discrepare, pressus, etiam remotis objectionibus aliis, demonstratur, & natura sponsionis à Christo factæ explicatur.

Distinctione celebri inter *πίστιν* & *ἀφεσιν* statui specificum, non modale duntaxat inter N. & V. Testamentum, discrimen. Sed probatur, antiquos fideles æquè perfectè liberatos fuisse reatu peccatorum, quam post obitum Christi, Novos. Removetur objectio à naturâ sponsionis, quasi illa supponat, debitorem adhuc ipso jure obligatum ante Solutionem. Probatur esse genus sponsionis, quod debitorem perfectè liberat, etiam ante solutionem, quæ sit Expromissio; cujus proprietas & vis huic rei applicatur. Respondetur ad loca Scripturæ, quibus Veteres adhuc fuisse obligatos, probari videtur. Removentur ea, quæ applicationi Expromissionis hac parte objiciuntur.

UNum modo fœdus unumque Testamentum esse, quo jus Ecclesiæ fundatum sit, copiose demonstratum est. Fœdus idem veteribus præstitisse quod Testamentum novis fidelibus, nec aliud quam anticipatam Testamenti vim in Fœdere fuisse, pariter adstruximus. Discrimen in modo, in gradu claritatis & infrequentiore, nec non languidiore Spiritus sancti effusione, denique in œconomia cærimoniali postmodum abolitâ constituisse: Jus veterum fidelium per fœdus, idem reverà fuisse, quod novis è Testamento sit, inquam, abunde comprobatum est.

2. Haud ita pridem non paulo secus institutum est coeptumque doceri adseveratè, *Remissionem debitorum è peccatis quæ fidelibus in antiquo fœdere tribuitur, non fuisse liberationem perfectam, quia*

tunc necdum erat facta solutio, per quam Deo Creditori verè satisfieri potueris, utpote, quæ demum à Christo passo præstita sit. Hanc quoque naturam Sponsionis esse, quam filius Dei ab initio præstitit, ut ille quidem Fidejussor solutus esset, ipsa tamen debiti obligatio peccatoribus, tanquam principalibus & originariis debitoribus adhuc incumberet.

3. Proinde Veteris Testamenti peccata Deum magis præteriisse & dissimulasse, respectu Solutionis futuræ, quam abolevisse penitus & extincta voluisse: Nec aliter potuisse fieri. Unde celebris distinctio inter *ἀφεσιν*, remissionem absolutam & *πίστιν*, præteritionem, hanc veteri, illam novo Testamento convenire statuunt. Quâ de re superioribus annis tam crebro disputatum est, ut nihil tri-

Q

hil tritius. Heic tamen loci nova res videri, neque sane omitti potest.

4. Si verum est, quod antea probavimus, Fœdus antiquum nihil fuisse, quam *σπονδῶν* & vim Testamenti anticipatam, idemque Veteribus vim mortis futuræ, mediis promissionibus, exhibuisse, quod mors ipsa apertique Testamenti sententia novis dedit Fidelibus, fieri non potest, ut illa vocabulorum *Παρισίου* & *Αφισίου* distinctio reale discrimen habeat.

5. Si potest etiam doceri, veteribus adscribi plenam & absolutam à peccatis atque reatu liberationem, non minus efficaciter, quàm de novi Testamenti temporibus prædicetur, ultro corrui illa distinctio. Nos illa brevissimè collocabimus.

6. David sui temporis fidelibus *Αφισίου* adscribit *Pf. 32.* ubi Græci Interpp. *ἀφισίαν ἢ ἀμωσπας, οὐ λογιζόμεναι*, non imputari. *Ἐξυλοφθίται, Exungi, extincti.* *Ἐσπυγία, expurgari* hysopo, *ὡς π λουκασθίται ἐπιε χόρα, ut nive Candidiores fiant*; quod David de se occasione poenitentiae, propter adulterium & cædem actæ, adeoque in usu historico temporis ante Christum adfirmat *Pf. 51.* Idem *ἰλασμοῦ ὡς ἐν κείνῃ ἡμέρᾳ ὀνόματι αὐτοῦ*, Expiationem apud Dominum propter nomen ejus, id est, Messiam memorat *Pf. 130.* Christus etiam Dominus ante solutionem à se peractam, non semel *ἀφισίαν remissa, abolita* peccata ponit, ut *Lucæ VII. 47.* Quare & justificatio simplex veteribus adscribitur *Rom. 4. v. 3. Jacob. 2. v. 22.*

7. Vix est, ut efficaciora dicta significantæ remissioni plenissimæ in N. T. monstrari queant. Proinde, cum peccata veterum fidelium propter Christum penitus extincta fuisse liqueat, nullus locus superiori distinctio relinquitur.

8. Sed diversa sententia verbosior est.

Necesse videtur, ut rationes ejus videamus & removeamus. Primo, non parvam speciem & *εἰρησ* huicce opinioni dedit, consideratio sponsonis & solutionis nondum factæ ante Christi mortem. Quâ fieri videtur, ut aliter se res habere nequiverit; quàm quod ante solutionem à Sponsore factam ipso jure debitum peccatoribus adhuc incubuerit, etsi Deus pater se jus suum, Sponsoris fide contentus, non executurum declarasset. Ac ita præteritionem, *παρισίου* peccatorum à Sponsore Veteribus impetratam; *Αφισίου* remissionem novis credentibus ab eodem solutione peractâ fuisse præstitam.

9. Neque profecto hæc res aliter explicari posset, si tantum una Sponsonis species daretur, qua quis ita alienæ obligationi accedat eamque in se recipiat, ut principalis Debitor adhuc obligatus maneat; cujusmodi sponso, Fidejussio & *Adpromissio* vocatur à Jurisperitis.

10. Sed est aliud Sponsonis genus, quod vocatur *Expromissio* & *Delegatio*, quâ sponsor alienam obligationem ita in se recipit & transfert, ut primus debitor plane perfecteque liberetur, ejusque obligatio citra & ante solutionem penitus aboleatur & extingatur, quemadmodum à nobis in *Tract. de Fœder. & Testam. exercit. 5. antea citato* copiose demonstratum est: & Sponsor ille vocatur *Expromissor*, etiam Reus pro alio datus, qui non tantum ab alio delegari, sed etiam se ipsum delegare dicitur, *d. Exercit. sb. 8.*

11. Quamvis autem Debitor ab omni jure Creditoris per *Expromissionem* liberetur, verum tamen est, jus Creditoris manere integrum, adversus Sponsorem sive novum Reum. Ut, si quod habeat chirographum primi debitoris, id agnitum à novo Reo vigorem suum retineat adversus *Expromissorem*, in quem aut statim, aut tem-

pore

pore constituto competit exactio & executio.

12. Solutione autem factâ, quanquam Liberationi debitoris pristini, quæ pridem absoluta fuerat, nihil adjiciatur, hoc tamen novi accedit, quod *Substantia* debiti omnino perimitur & chirographum restituitur, aut aboletur. Quo fit, ut debitor etiam majore lætitiâ quàm prius efferatur, jure quidem eodem, sed evidentiâ majore liberationis, imprimis si antea non nisi obscurè Sponsionis acceptæ cœtior factus fuerit.

13. Maxime autem evidens differentia inter statum Rei liberati, ante & post solutionem Sponsoris, quod ad sensum & externam speciem, tunc apparet, quando, scilicet, Debitor liberatus, ante solutionem infans, & post solutionem adultus fuit. Quamdiu erat infans, non intelligebat, se liberatum esse, regebatur ut servus; Adultus vidit lytrum antea promissum solvi pro sese, eoque demum læto nuntio exultat plenèq; felicitatem suam agnoscit, quam vix antea capiebat; et si ad jus ipsius liberationis tum reverà nihil accesserit.

14. Ita sublata est difficultas à naturâ sponsionis. Etiam objectio *capite præced.* mota, quod duxerint *diastoca*, vetus & nova, melior & deterior; cujus rei sensus & heic & ibi satis est declaratus. Sed videamus, an loca Scripturæ singularia & adhuc intacta non inferant plus quàm modale discrimen: Hæc enim et si vulgaria tamen omitti non possunt.

15. Ad *Roman. c. 3. v. 23.* scriptum est, Deum proposuisse Christum ἀποτίνας, ἀπὸ τῶν πηρῶν ἢ ἀποχρησάμεναι ἀμάρτημάτων, propitiatorium per remissionem, an præteritionem peccatorum antea commissorum.

16. Non est quod dicamus, hæc verba, non nisi ad peccata præterita quorumvis fidelium pertinere, nec ad tempus

ante Christum esse restringenda, licet in verbis forte nihil sit huic sensui contrarium, Sed relinquamus hoc suo loco.

17. Vocabulum autem *παρεσις* idem esse quod ἀποσις pridem à græcæ linguæ peritis probatum est. Nec enim à *παρομι*, quod significat *prætereo*, sed à *παρομις* remisso derivatur. Si quis urgeat, et à *παρομις* aliquando *prætermittere* significari, in quem sensum verba Xenophontis ex Budæo proferuntur, *μηδὲν παρεσιον εἰς τὴν ἀκροπόλιν, neminem transmittere ad arcem*, unde non sit alienum deducere τὴν παρεσιον, id quidem per me & per interpretationem, quam sequi malim, fieri licet.

18. Ita enim illa vox non simplicem denotaret omissionem aut dissimulationem, sed transmissionem motivam, *de loco ad locum*; vel, si de hominibus agatur, *de personâ in personam*; cujusmodi transmissionem exacte convenire nostræ expromissionis instituto, è superioribus dictis manifestum est; ut pote, per quam debitum ab originali debitore transmittitur atque transfertur in Sponsorem: Eoque sensu nemo negabit, veteribus competere *παρεσιον*, per quam liberatio plena perfecta que & solutioni æqualis committitur.

19. Sunt, qui hoc ipsum per Hebraismum in sacris literis frequentem, quo Deus dicitur, *transire facere* peccata, videlicet à peccatore in mediatorem, significari intelligunt, quod suo merito relinquemus; et si res sit verissima. Enimvero id utique abunde liquet, istum Pauli locum minime factum esse, ut vim ἀπιστίας pro antiquis fidelibus tot locis adstructam auferre posse videatur.

20. Ex eadem expromissionis naturâ potest responderi ad ἀνοχὴν tolerantiam, quæ temporibus antiquis, ut voluit, ex eodem Pauli ad Romanos loco, adscribitur; si tamen, quod mihi non liquet, ibi

ibi temporum sit oppositio, & non simplex indulgentia Dei, adversus quoslibet electos, nondum fide mediatorem amplexos, prædicatur.

21. Sed demus, ἀνοχὴν fuisse veteribus peculiarem, quænam evidentior esse potest ἀνοχὴ, quam quod Deus pro debitore criminali, quem totum exigere & excutere, meritæque poenæ subjicere poterat; ejus loco suum filium intervenire totamque in se recipere patitur obligationem; quod denique & cum illis ante chirographum solutione perceptum, per gratuitas promissiones, bona cælestia communicavit?

22. Atque hæc est ἀνοχὴ, qua Deus usus est, cum adversus omnes electos, tum specialiter erga vetustos fideles: etiam adversus omnes, inquam; Fuit enim hæc divina bonitas, cum peccatores solvendo, nisi æternis poenis, nullo modo effemus, tam inexpectatam clementiæ, salva justitia sua, rationem inire, qua Filius infinita divinæ personæ dignitate, transitorio supplicio, temporis infinitatem, cui nos eramus obnoxii, adæquaret.

23. Hæc, inquam, sive ἀνοχὴ sive πῆσις, atque bonitas inest in Expromissione, qua simul divinæ justitiæ, consensu Dei Creditoris atque Sponsoris, quod toties dictum, plenissime satisfactum est.

23. Plus forte Valoris est in argumento, quod è Paulo ad *Hebr.* 10. v. 18. peti solet; Ὁ πῦρ ἀφίσις ἀμαρτιῶν ὅτι ἐν ὡσεὶ φρεσὶ ἀφί ἀμαρτίας, Ubi est remissio peccatorum, sive perfecta liberatio, ibi nullus est locus oblationi pro peccatis: Atqui ante Christum fuit oblatio. Ergo non fuit tum remissio sive perfecta liberatio.

24. Responso simplex est; dictum illud Apostoli verissimum esse, de remissione ac abolitione debiti ipsius, quod ante solutionem Sponsoris adhuc erat

integrum, supereratque chirographum debiti, quo peccator erat obstrictus, & quod solutione demum corporali perceptum esse constat. Quamdiu igitur supererat obligatio & chirographum debitoris, usum habebat oblatio, quæ nihil erat aliud quam typica representatio mortis Christi, ipsum debitum abolituræ & instrumentum obligationis rescissuræ.

25. Quod recte perceptum nullam relinquit difficultatem in eo loco, qui tractat de hac inductione & abolitione chirographi. Est locus Pauli ad *Coloss.* cap. 2. v. 14.

26. Ἐξαλείψας, inquit, τὸ κατ' ἡμῶν χειρογρᾶφον τῆς δόγματι, ὃ ἦν ὑπεναντίον ἡμῶν, καὶ αὐτὸ ἔκειτο ἐν ἑμῖν, ἀποπηλίσσας αὐτὸ τῷ σταυρῷ. Cum delevisset chirographum præceptorum contra nos, quod nobis erat adversum, cruci adfixum sustulit illud è medio.

27. Delevit per sanguinem, quod erat pretium solutionis.

28. Chirographum præceptorum, quod est Confessio delictorum, in exercitio cærimoniarum præscripto.

29. Contra nos, in nostrum nomen ac onus conceptum.

30. Quod nobis erat adversum, quod poenam continebat, quam ob peccata commissa nos fatebamur esse meritos.

31. Si quis ὑπενάντιον velit ita vertere, subadversum; quia non directe contrarium fuerit, haud repugno; Sed necesse non est, neque verbi usus adeo id insert, quam etymologia videtur. Chirographum ut conceptum fuit, ita planè adversum erat nobis; etsi vim suam contra nos prædem amiserat.

32. Sustulit è medio, post solutionem sibi traditum abstulit è manibus sui Patris, ut promiserat.

33. Adfixum cruci, quemadmodum obita in cruce morte demonstravit, omnibusque

nibusque deletum chirographum quasi ob oculos posuit.

34. Veteres in cœrimonis occupati fideles, sic animos induxerint suos: Hæc dogmata ritusque molesti commonefaciunt nos chirographi extantis in nostrum nomen, quo tatemur nos esse meritos mortem; quod Sponsor, in se poenâ jam recepta, auferet aliquando è medio. Beati, qui videbunt hoc in tempore, deletum oculis suis expositum!

35. Causæ fuisse abunde, quæ Deus hanc chirographi commonefactionem quotidie Veteribus, cœli vim ejus contra sese amplius non valere crederent, inculcari voluerit, ex iis quæ supra commemo:ata sunt, observari potest. Scilicet, eadem quæ legis universæ ratio fuit, ut prædagogus esset ad Christum.

36. Quid opus est addere de verbis Pauli, ὅσοι ἐξ ἔργων νόμου ἐσίν, ὑπὸ καταρα εἰσίν. Quotquot ex operibus Legis sunt, sub execratione sunt: ad Gal. 7. v. 10. Quasi Patres antiqui diris subiecti fuerint. Quis enim non videt, hoc de iis qui ex operibus Legis justificationem quærunt, non de fidelibus Vet. Testamenti esse dictum. Qui cum Legi nunquam per omnia satisfaciant, diris ejus, quatenus fide in Christum illis non eximuntur, sunt obnoxii, ut clarum è textu.

37. Hæc omnia nituntur eo quod diximus, Sponsonem Christi non fuisse fidejussionem sed expromissionem; quæ personas debitorum vi obligationis perfectè liberaverit, ipsum vero debitum & Chirographum obligationis ad solutionem usque relinquebat integrum.

38. Adplicationem hujus doctrinæ quominus facere liceat, opponunt aliqui, talem expromissionem non habere locum in poenis corporalibus delictorum; sed in illis reatum manere, donec solutio corporaliter fiat.

39. Est equidem verum, jure Civili

non probatam esse regulam, ut quisque membrorum suorum dominus esse dicatur, deque suo corpore vitæque, more contractuum, disponat: Sed jure gentium pro patria, parentibus, liberis & conjugibus aut amicis, se ad mortem cruciatumque corporis obligare, non modò non incognitum, sed etiam laudabilibus exemplis celebratum est.

40. Eaque res in filio Dei, cujus ad hypothesin hæc disputatio pertinet, minus habet dubii; quod in eo cesset regula juris, quod Dominus membrorumque suæ nemo dicitur; Christus enim ἔχει ἐξουσίαν ἑαυτῶν τὸν ψυχῆν αὐτῶν, habet potestatem de corpore vitæque suâ disponendi. Job. x. 18.

41. Necessè non erit, ut removeamus objectionem jam præoccupatam; quæ delegationem sive expromissionem, per quam omne jus creditoris tollitur, non nisi debitoris voluntate fieri excipiunt: Christi verò sponsonem ignaris peccatoribus esse commissam.

42. Nam præter quod hæc objectio fidejussioni, cui illi non contradicunt, æq; adversatur, probavimus supra, nihil ob stare, quominus & delegatio fiat ignaro debitore, quemadmodum Christus dominus se patri suo pro genere humano, sine ipsius concursu, præbuisse manifestus est.

43. Non licet adhuc dimittere instantiam adversus hunc liberationis effectum, ante solutionem, cujus modo meminimus, & qua Viros Cll. uti videmus; Consensu partium fieri posse dicunt, ut pecuniarium debitum eo modo aboleatur, Sed quod oritur ex maleficio, ex rigore justitiæ, ante solutionem poena non posse relaxari.

44. Qui sic instituunt, primò nihil proferunt, cur ita ponant, & cur expromissio, quæ vim solutionis habet, non subsistat, ubicunque valet solutio, quam

quam illi pro delictis alienis fieri posse concedunt.

45. Statuunt, inquam, Christum potuisse jure pro nobis *solvere, spondere*; per solutionem pœnæ pro alio factam, jus Creditoris & obligationem ex delicto æquè aboleri, quam debitum pecuniæ; non negant, hoc à voluntate Creditoris ejusdemque judicis pependisse; eundem id agere potuisse, ut sponsor vel fidejussor statim solveret, quo liberatio mox ob oculos foret. Igitur sola dilatio restat, quâ liberatio perfecta in expromissione Christi possit impediri, per quam tamen nihil in ratione juris & justitiæ mutari certum est.

46. Mora solutionis equidem non mutat reatum, nec eximit obligationi debitorem, ubi nulla fit novi rei substitutio; sed qui *hanc* concedit, male connectit, si effectum rei a partium voluntate retro posse operari neget; ut Liberatio per solutionem, suo tempore consensu creditoris & sponsoris facta, vi voluntatis ejus effectum in antecessum

habeat, per actum solutioni æquipolentem.

47. Est & alia objectio minoris subtilitatis; Si Christus in se debitum ante solutionem plane transtulisset, fore ut secuta solutio non pro nobis, verum pro ipso, qui jam solus debitor erat, præstita videretur.

48. Est cavillatio responsum vix requirens: Sponsor post expromissionem manet reus pro alio datus, & in hac qualitate non suo nomine, convenitur à creditore, hoc modo; *Quando tu pro Cajo te reum constituisisti, ajo, teolvere debere quod pro Cajo spondidisti*; nec aliter condemnatur.

49. Æque parum ad rem facit, quod in Expromissione, dicitur solutio deficere posse, ob inopiam sponsoris, secus ac in sponatione Christi. Quis enim negat, manere diversitatem, quæ est in terminis & accidentibus rerum humanarum; ac in proprietatibus divinis, quod toties dictum est? præter quod hæc objectio non expromissioni, sed cuilibet sponationi adversatur.

C A P. V I.

De Satisfactione CHRISTI.

Ufus observationis de propria significatione Satisfactionis. Quinque diversi sensus Satisfactionis, in negotio Salutis humanæ. Unum esse rectum, quo sumitur pro expletione justitiæ divinæ præcipientis & punientis. Hanc significationem à Grotio in libro de Satisfactione non esse adsertam. Sed eum urgere satisfactionem, qua Christus solverit minus quam debitum erat. Mortem fidelium temporalem nihil detrudere plenitudini satisfactionis. Objectionem esse vulgarem, sed difficilem; quomodo cum plena satisfactione concurrere possit gratuita remissio. De quâ & Grotiana sententia prolixius agitur, ut & de Æquitate Dei erga peccatores.

IN doctrina de Liberationibus vox Satisfactionis usitata est, de quâ nonnulla venerunt in mentem, quæ supra dictis cohærere, nec observationis indigna videantur.

2. Quæ autem à nobis de proprietate vocabuli in Jurisprudencia, & nisi fallor, in omni lingua veterum Latinorum, proferentur, nolo quidquam usui Scholæ recentioris Theologicæ præjudicare; quod nec periculum esse, ne fiat, opinor: verum inde supeditabimus, spero tales fore, quæ nec ipsis inutiles Theologis existimentur; præsertim, quando mihi quidem non constat, adhuc ulli subolevisse, quo pacto vocis hujus prætextu Grotius noster (ut civilis sapientiæ præstantissimum auctorem ita appello) in optimâ causâ prævaricatus videatur.

3. Primo omnium fati constat, Theologos orthodoxos per satisfactionem Christi intelligere, plenam expletionem justitiæ divinæ, cum præcipientis tum punientis, quam Christus pro homine peccatore Patri suo præstitit, juxta illud Pauli; ο' θε'ς αγιασε'ν' η'ς

αμαρτιας' εν' τη' σαρκι' αυτου, ινα το δικαιοματι' & η' ρημη' πληρωθη' εν' ημιν: Deus condemnavit peccatum in carne filii sui, ut jus legis in nobis impleretur.

4. Videamus, an Satisfactionis vocabulum hujus vim significationis eo modo exprimat, ut nulla cautione in intellectu ejus adhibendo opus sit futurum. De Jurisconsultorum usu latino vocis hujus diverso, pauca testimonia producemus, cum veniâ Lectoris, ita repositulante.

5. Cajus in l. 1. π. Qui satisfacere cog. Satisfacere dicimur ei, cujus desiderium implemus. Ulpianus in l. 9. §. 3. π. De Pignor. act. Satisfactum accipimus, quemadmodum voluit Creditor, licet non sit solutum, sive fidejussoribus, sive reo dato, sive pretio aliquo, vel nudâ conventionione; & generaliter dicendum est, quoties recedere voluit Creditor à jure suo, si, ut ipse voluit, sibi cavuit, videri ei satisfactum. Marcianus in l. 5. §. 2. π. Quib. mod. pign. vel hypoth. solv. Si convenerit, ut pro hypothecâ fidejussor detur & datus sit, satisfactum videbitur Labeo l. 14. eod. tit. Mercedis nomine fidejussorem à colono acco-

accepisti; *satisfactum tibi videri existimo.* Marcianus iterum in l. 49. *π. de Solution.* Si acceptum latum sit, solutionis quidem verbum non proficiet, sed satisfactionis sufficit. Plura, si necesse fuerit, in promptu sunt, quæ proferantur.

6. Creditori ex delicto dicitur etiam *verberibus satisfieri & satisfactum esse*, apud Ulpianum in l. 17. §. 4. *π. de Injur.* & in l. pen. *Si ex nox. caus. ag.* ubi, *verberibus de injuriâ satisfit*, plane ut Cicero lib. 3. in *Verr.* Satisfacere ait, esse tantum facere, quantum satis sit irato ad vindictam; quod etiam aliquando fit excusatione & deprecatione, quomodo Catullum, refert Svetonius, Cæsari de carmine famoso *Satisfecisse, visâ ejus cap. 73.*

7. Hinc Pontificii *Satisfactionem* vocant poenitentiae partem, juxta contritionem & Confessionem: non quod satisfactionem velint esse plenam expletionem justitiæ divinæ, quam Christo, ni fallor, adscribere videri volunt; Sed pro officio & præstatione peccatoris, quam in meriti aliquam partem nihilominus adsciscunt.

8. Ex his intelligitur, quando *satisfactionis* Vocabulum de salute generis humani per Christum administrata usurpatur, ex usu Latino & juridico, non tantum significari posse veram & proprie dictam solutionem, sed varias admodum species aliis alias efficaciores. Primum igitur, cui verè & corporaliter solvitur id ipsum quod debetur, huic etiam satisfit, quomodo *satisfacere judicato* dixit, opinor, Scævola in l. 4. §. 1. *d. Pact.* & hic sensus Christo passo adscriptus sine dubio rectus & orthodoxus est.

9. II. Qui solvit pretio aliquo dato, non quod totum debitum exhauriat, si tamen creditor contentus est, ille *satisfacit d. l. 9. §. 3. d. Pign. act.* Et hic est sensus, quo Grotius utitur, in rem suam, ut mox videbimus.

10. III. Qui nihil corporaliter solvit, verum dat reum alium sive expromissorem, qui totum in se debitum recipiat solus, ille *satisfacit, d. §. 3.* hoc sensu fidelibus antiquis esse consultum superiori dissertatione probavimus.

11. IV. Qui dat fidejussorem juxta se obligatum, ut ipse, inquam, obligatus maneat, ille satisfacit, *ibid.* quo sensu qui *πίστην* opponunt *ἀφίτη*, Christum pro veteribus *satisfecisse* interpretantur.

12. V. Qui acceptum tulit debitum, post conventionem de non petendo, ei rectè *satisfactum* dicitur, *d. l. 49.* quæ est ratio liberationis Socinianæ.

13. Ex his, inquam, patet, orthodoxos non tantum rectè dicere, Christum *satisfecisse*, eo quod solvit obedientiæ poenæque debitum, quo peccator erat obstrictus; sed etiam quod *expromissit* pro Veteribus ante solutionem corporaliter factam.

14. Eos etiam, qui intelligunt, Christum fuisse *fidejussorem* veterum, manente reatu, donec fiat solutio, rectè dicere Christum *satisfecisse.* Quin & Socinianos, dum volunt, peccatores sola Dei voluntate liberali esse liberatos, eamque Christum acceptationem impetrasse, & implevisse voluntatem Patris sui; in ejus executione administranda, tam Latine quam juridice posse dicere, quod Christus pro peccatis hominum satisfecerit.

15. Enimvero Socinianos ab hac disputatione satis removimus, eo quod necessitatem explendæ justitiæ divinæ pro nostri instituti ratione demonstravimus; De fidejussionis, an expromissionis hypothesi nihil etiam quod nunc repetatur, post superiores disputationes, superest.

16. Sed hoc nemo non fatebitur, oplus esse, ut *satisfactionis* vocabulum diserte limitetur, caveaturque, ne quid aliud

aliud eā, quam expletio divinæ iustitiæ secundum legis exactitudinem; perveram solutionem aut ejus expromissionem, ante diem solutionis cedentem, intelligatur.

17. Quod hæc cautio minus usquequaque sit observata, facilius Theologis, quam Grotio Jurisconsulto, ignoverim, qui in libro tantopere laudato de Satisfactione contra Socinum scripto, hanc satisfactionis laxiorem significationem nimis, ut viderur, cupidèlectatur, nec unquam suum lectorem de periculo ambiguitatis illius admonitum, imbuat doctrina, quæ si orthodoxam exprimit sententiam, fallor ego vehementer, et si falli me cupiam.

18. Est enim *¶* *¶* hæc sententia; Christum liberasse nos, aliquid pretii dando, minime quod toti debito iecundum legis rigorem æquale, sed quo Deus Pater contentus fuerit, qui reliquum remiserit, hoc est, dimiserit sine expletione, quod sit *¶* *¶*, id est, missum facere, ut docet pag. 66. edit. Londin. 1661. Loca ipsa proferemus. Docet Satisfactionem Christi in eo constituisse, quod Christus morte suā **MOVET DEUM**, ut nos à penā liberaret, hanc esse causam redemptionis cap. 8. *¶* *¶*. Eyrtrum quod solvit esse tale; quo **MOVETUR quisquam**, ut aliquem incommodo alioquin affecturus eo liberari patiatur d. cap. p. 161. edit. Lond. in fin. *¶* *¶* esse, quo liberator **SIMILE QUIDDAM** subit ei malo, quod ei imminabat, qui liberatur. pag. 165. in fin. *¶* *¶* Ab hoc debito liberationem nobis Christus impetravit **ALIQUID DANDO** pag. 177. Sic intelligit, Christum satisfecisse, quod impetraverit ut irā Dei placatā, ille nobis sit reconciliatus, pag. 120. 129. Expiatio in cruce facta Deum **MOVET** ad remittendum p. 214. *¶* *¶* Vice nostra Christum esse mortuum, hoc est, nisi Christus esset mor-

tuum, nos fuisse mortuos; quæ videlicet est causa sine qua non, ut loquimur. Denique, Satisfactionem Christi dictam esse, quia solvit aliud quam quod est in obligatione d. p. 120. nunquam de expletione legali divinæ iustitiæ quicquam reperitur.

19. Scimus, alios id libenter adoptasse, ut admoneant frequentes, solutionem Christi non esse proprie dictam solutionem, eo quod aliusquam verus debitor solvit, atque aliud pro alio solutum est: Sed ego longe malim retinere proprietatem solutionis, quam dubietatem satisfactionis, et si vocabulum hoc non improbamus.

20. Non desinit, inquam, solutio esse vere talis, & propria, quanquam alius pro alio, nec non alii pro alio solvatur. Justinianus, *Tollitur autem omnis obligatio solutione ejus, quod debetur: vel si quis consentiente creditore, aliud pro alio solvat, nec interest, qui solvat, utrum ipse qui debet, an alius pro eo. Liberatur enim & alio solvente; sive sciente, sive ignorante debitore, vel invito eo, solutio fiat. pr. Inst. Quib. mod. toll. obl. Idem est in l. 17. C. de Solutione.* Quare et si vere diceretur, Christum aliud pro alio solvisse, non desineret tamen esse vera solutio, modo id quod solvitur, expleat obligationem.

21. Sed tutius & rectius, opinor; dicemus, Christum non solvisse aliud pro alio. Peccator debebat poenam mortis, Christus luit eam poenam. peccator poenam debebat infinitam, Christus eam luit. Diversitas in ratione infiniti non sustulit æqualitatem quantitatis, quæ ad veram & proprie dictam solutionem sufficit l. 1. in pr. *¶* *¶*. d. *Contrah. emp. Verb. æqualitate quantitatis: juncta l. 65. §. 1. *¶* *¶*. d. *V. O. & d. l. 17. C. de Solus.**

22. Non est aliud, inquam, pro alio, quando in alia forma solvitur, modo in eadem quantitate solvatur. Poena

R

omnis

omnis æstimationis delicti est *l. 43. d. Pen.* Diversitas personarum in generibus poenæ nullam inducit varietatem, in iisdem delictis *l. 2. n. d. Term. mor. l. 4. §. 2. n. de Stellion. l. 28. §. ult. n. de Pen.* Quantitas tamen æstimationis semper tenet justam proportionem delicti & poenæ, quod explet veram solutionem, *ad. l.*

23. Idem & emptionis, quæ pretio facta sit, & passim de Liberatione per Christum inculcatur, efficacia dicat. Nusquam enim major exactitudo æqualitatis inter rem & pretium, quod solvitur, quam in emptione venditione conspicitur: *ἰσοπέδου τιμῆς Pretio empti effis 1 Cor. 20.*

24. At heic id non agimus, ut expletionem justitiæ divinæ, quæ præsupponimus, vindicemus: Sed fallaciam in voce & ex vocis usu demonstrare in animo erat. Pariterque obicem ponere multorum, ut dicere fas sit, imprudentiæ, qui Grotianis rationibus, contra Socinianos, omnia tribuunt.

25. In eundem tamen Grotii scrupulum impinguat, qui Christum pro morte Naturali fidelium, quatenus hæc est poena peccati, atque adhuc superest, satisfecisse negant: Ajunt enim, non esse epus, ut satisfactio omnem delicti & poenæ materiã exhauriat, si modo à Deo Patre pro sufficiente accipiatur. Verum hæc res pendet à significatione Poenæ latiori & stricta. Nam proprie poena est, *vindicta peccati*, quo sensu mors fidelium non est poena, sed transitus ad vitam meliorem. Sed poena etiam exigitur ab eo qui vindictam non vult, ad emendationem atque ad exemplum, ut *alibi* dictum & dicendum est. Hoc sensu mors fidelium omnesque eorum afflictiones etiamnum poenæ sunt. In satisfactionis autem doctrina prior & stricta poenæ Significatio sola usum habet, eamque more Christi sine dubio consumpsit. E

Emendationis & exempli poenæ ad satisfactionem non pertinent, ideoque nihil hactenus plenissimæ satisfactioni per mortem fidelium adhuc manentem detrahatur.

26. Hæc tam liquida tantique veritas momenti difficultatem habet tractatiæ neque minus ideo difficilis objectionis, quo pacto cum plenissima expletione justitiæ Divinæ consistere possit, quod nos *dupas, n. d. Jhu xpcem, gratis solaque Dei gratia servati dicimur*, in sacris literis passim.

27. Grotius in satisfactione, quæ non explet debitum, invenire potest concursum & *melioris* gratificandi & solvendi, sed talem nobis admittere religio est, nec cavillationibus Socinianis illa retelendis, sufficit; quia semper instare possunt, ut facit Crellius, liberalitatem gratiamque gratuitam ubique effusis verbis prædicatam non ferre solutionem vel præstationem ullius rei, ad remissionem, ex parte vel in totum procerendam.

28. Primum & proximum, quod heic in mentem venire queat & proferri solet, est hoc; Quod Deus, cui peccator homo erat obligatus, hunc impune dimiserit, aliumque reum debitorem, à quo solutio fieret, admiserit, ad quod scilicet, non tenebatur.

29. Quæ res ita quidem verissime affirmatur; sed & hoc confitendum est, illam præteritionem & substitutionem novi debitoris, à gratuita liberalique remissione valde esse alienam, quia nihilominus illa tendit ad solutionem & expletionem juris, quod Creditori competit, exacte perpetranda, cui opponitur donatio & liberalitatis exercitio.

30. Creditor quidem re ipsa declarat, se non esse morosum, nec incommodo debitoris, qui non est solvendo, gaudere. Sed tamen dum sibi præcise vult solvi totum quod debetur, hoc ipso liberalem

beralem gratuitamque præferre remissionem, videndum est, ne non satis cum natura negotii convenire videatur.

31. Doctissimi Viri ad hoc ita instituant, ut distinguant inter obligationem *realem & personalem*. Illam, hoc est, crimen & poenam esse sublatam, per sponsonem & solutionem Christi; hanc, quatenus, debitor in sua persona luere debebat, à Deo gratis, sine ulla satisfactione esse remissam; ut hoc modo pure & absolute dici queat, peccatorem ab obligatione sua gratuito esse liberatū.

32. Sensus haud dubie pius & orthodoxus est in hac responsione; Sed incommodum loquendi, quod pars obligationis altera sine satisfactione sit abolita, si non sit necessarium, magis est ut evitandum videatur.

33. Atqui obligatio tantummodo personalis est, nec fieri potest, ut res obligetur, aut realis sit obligatio, quæ est *jus, quo persona obstringitur, necessitate dandi vel faciendi*.

34. Equidem in obligationem deduci tam res quam facta personalia verum est: qui non dedit vel fecit, quod dare vel facere debuit, obligatus est ad poenam lege vel conventionem sancitam: qua præstita, debitor omni vinculo obligationis, quod est merè personale, solutus & liberatus est, sine ullo vestigio *æ iuræ obligationis*, quæ persona ejus ad rem obstricta fuit.

35. Unde apparet, Distinctionem obligationis realis & personalis tam alienam esse à significatione verbi quam à natura negotii; nec adeo dicendum videri, quod homo peccator ulla specie obligationis, ex parte vel tota liberatus sit, absque plena satisfactione & solutione.

36. Qui tamen hac distinctione gaudent, habeant instantiam, ut ita loquar, ad ejus approbationem demonstrandam.

Dicunt, *aliquid remansisse, quod à peccatore in sponsorem non potuit transferri; modum scilicet pœnæ peccatoribus ipsis infligenda, quo respectu fuerit locus remissioni ex mera liberalitate.*

37. Sed responsio recta & plana sit hujusmodi; Modum istum pœnæ debitori infligendæ esse ipsam obligationem personæ debitoris incumbentem, præterquam alia obligatio nulla fuit, & quam solutione debito æquali aut expressione pari per sponsorem facta, emptori extinctam esse jam pridem demonstravimus. Hæc igitur necdum suffecerint.

38. Sed explicetur adhuc prius, nodus, quem Socinus & Grotius, *dispari rationem consilio*, necunt; utrum Deus in hoc negotio ut *Creditor*, an ut *judex*, denique, an ut *supremus Rector* sit considerandus, qua de re non nihil occupatum est antea; sed res pleniorum meretur expositionem.

39. Socinus, Deum habere jus creditoris facile concedit, imo postulat, quo inde gratuitam remissionem sine Satisfactione deducat. Grotius eam *ratio* ratione pœnæ in Deo locum habere negat, tam ut Socino melius obstruat, quam ut *dispensationi*, qua minus exactum statuit à Christo quam fuit debitum, si recte puto, locum faceret. Hæc enim Rectori potius quam Creditori convenit.

40. Hac re explicita, dabimus operam, ut quomodo plenissimam Satisfactionem & gratuitam remissionem juxta se positas in executione salutis humanæ, ab omni obscuritatis nubecula liberam concipiamus, pro nostro captu, explicetur.

41. Ravenspergerus in *Censura libri Grotiani de satisfactione*, ad illam quidem interpretationem, qua justitiæ divinæ expletio tam notabiliter imminuitur,

tur, ambiguitate receptæ vocis, vulgo transmissa aut ignorata deceptus, nihil observat.

42. Verum, quod *Grotius* Deum ut Creditorem negat spectandum, sed ut Rectorem unice vult considerari, hoc animadvertit, Deumque triplicem habere *χρίσι*, Creditoris, Judicis & Principis contendit.

43. Quod ad *Judici* à Principe summo distincti personam attinet, plus rationis habere videtur *Vossius* Pater, in *apologia pro Grotio*, cum Deus ut Judex seorsum à Rectore *ἀνεκδύσει*, qui summam potestatem habeat, nullo modo intelligi queat, nec in eo *Grotium* aliud voluisse, contendit *Vossius*, quam bonâ fide occupare *Socini* argumentum, qui nihil obitare demonstrat, quominus Creditor Deus obligationem totam debitori gratis per acceptilationem remittat, ut cuique liberum est jure suo uti vel non uti; secus ac dicendum esse liquet, si Deus idem ut Rector & Justitiæ Vindex adspiciatur.

44. Sed existimo, non posse facultatem *Creditoris* magis à Deo quam *Rectoris* in hoc negotio abesse, *Rectoris* qui simul sit Judex *Ἀνυμύσει*, absolute summus; quales sunt omnes, qui habent verè summam & absolutam potestatem.

45. Rationes sunt hæc; Creditor est, cui ex qualibet causa debetur, ut ipse *Grotius* ex juris ratione definit: Atqui Deo ab homine debetur ex causa peccati, ut oratio Dominica & diversa Scripturæ loca testantur.

46. II. Ubi locum habet solutio, ibi est Creditor & Debitor; Nam solutio nihil est aliud, quam præstatio ejus quod debetur facta Creditori. At in hac causâ solutioni fuisse locum, nemo præter *Socinum* negat.

47. III. Satisfactio supponit Creditorem, ut ex locis suprâ ex jure collocatis

videmus. Hic est Satisfactio. Ergo Creditorem, cui satisfactum est, intelligi oportet.

48. IV. Qui habet chirographum obligationis adversus debitorem, is est Creditoris loco; Atqui Deus habuit chirographum obligationis adversus hominem peccatorem *Col. 2. 14*. Ergo.

49. *Grotius* in eo totus est, ut probet, creditorem in delictis alio sensu dici non posse, quam respectu ejus, quod ipsi abest à patrimonio. Propriè debiti & crediti causam ad patrimonium spectare non est quod negetur: Verum ut debitoris appellatio ad delicta pœnasque eorum extenditur, ita Creditoris, quod ei correspondet, vocabulum, eò similiter produci potest & debet; *Gajus lib. 1. ad Edictum; Creditorum appellatione non hi tantum accipiuntur, qui pecuniam crediderunt, sed omnes quibus ex qualibet causâ debetur l. 11. d. V. S.* Ita cui verberibus satisfit, cum aliter solvi non potest, vel *Lælius* non cupit, eum jus creditoris, ut antea dictum est, habere necessarium dictu est.

50. Sed *Grotius*, notandum est, inquit, vocem debere, non semper notare relationem inter duas personas: sæpe enim deo hoc facere, nihil aliud est, quam convenit hoc à tne fieri, sine respectu ad alteram personam. Ita deo pœnam, id est, dignus sum pœnâ & pati eam teneor, absolute, non autem relate ad hunc aut illum. Ideo perinde est, in quâ Republ. sub quo Rectore aliquis pœnas delicti hat; æquè enim apud omnes liberabitur: quod non ita procederet, si, ut aliarum verum, ita pœna certus extaret Creditor. cap. 2. pag. 64. Ad hæc, nostra sic ratio est;

51. De usu vocis debendi absoluto, non est quod litigemus, cum in hac hypothefi non illa vox simpliciter & sola, verum & solutionis, & satisfactionis vocabula respectu Dei, usurpentur; quin &

quin & Deus ipse Creditor statuitur; *debita vestra apud Dominum Deum vestrum* 2 Chron. 28: 2. *debitores coram facie tua* Ezr. 9: 15. Nec aliud frequentius Christo domino comparationis argumentum placuit, quam quod à Deo ut creditore adversus hominem debitorem, petatum est, ad hanc relationem demonstrandam. *Matth. 18: 23. & seqq. Luc. 7: 41. xvi. 5. 7.*

52. Verum est, jure Gentium, delinquentes ubique puniri posse, quod objicit Grotius: At hæc hypothesis Dei atque peccatoris, non recipit comparationem Oeconomix diversarum gentium, sed cum unius ejusdemque civitatis jure conferri debet: Unus enim Rector Deus est humani generis; atque ubi una est Summa Potestas, ibi unam quoque civitatem esse notissima politicorum est doctrina.

53. Atqui in una Republica cives obligantur Rectori summo ad pœnam, & Fiscus habet jus Creditoris, non tantum in *multis*, id est, pecuniariis pœnis, sed etiam in corporalibus, quando qui non habet in ære, luit in pelle, *quod a-junt*; quin etiam cum ab initio pœna corpori infligitur, ea nomine Rectoris, ut debita exigitur, & tanquam jus ejus consideratur. Unde hodieque Procuratores Generales jus ejus qui Summam Potestatem habet, exequi dicuntur, ac ita loquantur, in suis *processibus* causarum criminalium.

54. Quin etiam, ex conventionem, delinquentes obligati esse videntur; quatenus in legem peccant, ad cujus observantiam omnes cives pacto obstricti intelliguntur: quemadmodum in Lege *1. π. de Legibus*, Papinianus legem vocat *communem Reip. id est, civium sponsonem & simul delictorum coercitionem*; eo que pertinet Aristotelica divisio contractuum in voluntarios & involuntarios, quæ

sunt delicta, ut explicat Aristoteles *lib. 5. Nicomach. c. 2.*

55. Nihil autem notius est, quam è contractibus obligationem, constituere tam Creditorem quam debitorem, quod idcirco etiam in homine respectu Dei locum eo magis habebit, quo notius est, eum fœdere saltem tacito, ad observantiam præceptorum Dei, quod *fœdus operum* vocatur, fuisse devinctum.

56. Hinc liquet responsio ad hoc Grotii; *Si Deus est creditor, ratione pœna, debet id esse vel ratione juris, quod ex rebus ipsis nascitur, aut ex jure constituto pag. 61.* Sed neutrum dici posse contendit. In eo ex re ipsa nascitur, inquam, i. e. consensu, quo Legis observantiam peccator recepit, ne de supremi domini iussuque subjectionis justissimam peccatoris conscientia loquamur.

57. Et quidem hæcenus satis perspicue, Deum in exactione pœnæ non modo Rectoris, sed etiam jus Creditoris habere demonstratum est; quæ tamen in re, me non invito fiet, si Grotius non tam re ipsa, quam verbis ab hac sententia dissidere compertus fuerit.

58. Nam aliquoties ingeminat, Deum non esse *proprie* Creditorem in pœnis exigendis, quod ultro concessimus; Ut quemadmodum contractus & obligationis vocabula in delictis capitalibus improprie usurpantur, ita Creditoris & debitoris appellatio hic etiam sit impropria & analogica, ut in apologis Christi domini; sic jus Dei comparatione pecuniarii debiti, non nisi improprie & analogice, nec ideò minus efficaciter sumptum videri, haud gravatè concedimus.

59. Propius ad veritatem accedere videtur, quod habet in his verbis; *Insterim non negamus, Deum, qui peccata punit, vel impunita dimittit, rectè dici partem offensam: Sed punire aut impunitum dimittere, ei tribui, quæ pars offensæ est,*

est, negamus. Notissimum enim est, posse aliquid de aliquo dici, quod ei non conveniat, qua tali.

60. Hactenus bene; quod Deum, qui peccata punit aut remittit, habere duplicem personam & jus offensæ partis atque Rectoris, concedit. Sed non habet rationem negandi, quominus idem qua creditor est, poenam exigere, qua Rector eam infligere dicatur.

61. Bene etiam habet, quod ad objectionem, non posse Deum esse idoneum judicem *in propria causâ*, Grotius Respondet: eam regulam non habere locum in summis Rectoribus; tametsi Reges & Principes in terris ultro se iudicibus submitunt in his, quæ tanquam membra Communitatis gesserunt; idque ideo, ut privati à contractibus cum illis ineundis, minus absterreantur; cujusmodi cautioni non esse locum in Deo, res ipsa loquitur, eaque de re jam *superius aliquid est collocatum.*

62. Quanquam autem illo modo sensus minor esse videatur, nihil tamen opus fuisse puto tam prolixâ disputatione, ad evincendum, quod Deus in puniendo vel remittendo non habeat *quasi* Creditoris, quæ nullo modo excludi potest, ubi solutionis, satisfactionis, debiti appellatio, quæ Creditoris relationem necessario supponunt, frequentatur.

63. Et quicquid *Socinus* urgere potest à naturâ Crediti, nos conjunctione Judicialis officii supremi atque justissimi, cum jure personæque Creditoris, æque valide obtinemus, quam Grotius, excludendo jus Creditoris consequi posse videatur.

64. Ne dicam, haud procul abesse, quin Grotius à jure aut similitudine crediti *quod* avertisse videatur, ne doctrinam Satisfactionis ad rigorem justitiæ explettricis, quò jus Crediti pertinet, referre cogeretur: cum

ipsi in animo esset, eam ad Laxitatem attributricis seu distributivæ justitiæ, quæ Rectoris est propria, redigere; qua propter & Rectorem quàm Judicem plerumque dicere mavult.

65. Orthodoxi longe tutius, Deum quasi Creditorem & exactorem debiti, simulque ut justum judicem, quod adtinet ad *Satisfactionis* articulum, considerant; cui plenissima Redemptoris solutio & juris legalis expletio melius & validius, quam soli Rectoris officio applicari posse manifestum est.

66. Secundum hoc Rectoris officium, à Creditoris ratione penitus separatum, à Grotius actum Dei in accipiendâ Satisfactione, considerat *in cap. 3.* ut relaxationem, sive dispensationem, quam definit, *actum Superioris, quo legis mænentis obligatio, circa quasdam personas aut res tollitur;* quatenus non esse universaliter & simpliciter necessarium docet, ut *puniatur quisvis peccator poenâ tali, quæ culpæ respondeat, nihilque obstare, quominus Lex hoc ipsum imperans sit relaxabilis.*

67. Quæ cum præcedentibus ex ipso productis, de Satisfactione, per quam *Aliud*, perquam *simile* quid datur, præstat, satis indicant, quorsum hæc tendant, Scilicet *ad destructionem solutionis veræ & satisfactionis explettricis.* Quæ, si jus creditoris cum officio Judicis supremi conjunctum teneamus, longe validius & evidentius urgeri & custodiri potest, quemadmodum eam honori divinæ Christi que Domini gloriæ expedit urgeri atque custodiri.

68. Speramus etiam, ex hac conjunctione Creditoris & Supremi judicis consideratione, facilius explicari posse, qualis actus ille sit Dei, quo poenam pro nobis, qui æternam debebamus, à Christo temporariam exigere contentus fuerit, utrum is actus fuerit interpretatio *quod*

Interdum.

ἐπιείκεια, secundum aequitatem; an dispensatio sive relaxatio Legis, & qualis: nam derogationem Legis non esse, facile inter orthodoxos convenerit. Hæc res cum ex Jure petita sit, etiam heic seorsim expendi meretur.

69. Qui judicant, hanc fuisse explanationem Legis *κατ' ἐπιείκειαν* hoc fere modo instituunt. *Ἐπιείκεια*, id est, *Æquitas*, aliter *δυσιωμοσύνη*, utraq̄ voce Aristoteli aliisque in hoc sensu cognita, nihil est aliud, quam *ἐπιπέδησις τῶν κατὰ τὴν ἀρετὴν ἐπιπέδησις*; *Emendatio legis, quantum ob generalitatem verborum defectu laborat.* 5. ad Nicom. 10. Lex divina dicitur, *Qui faciet præcepta legis, vita æterna fruetur, Qui non faciet, morietur.*

70. Hæc generalia verba, dubium relinquunt, ajunt, utrum ipse qui vivet, præcepta Legis perfecte implere debeat, an vero alterius obedientia pro illo sufficere possit.

71. Est etiam dubium, ita pergunt, an necesse sit, ipsum qui non servat legis præcepta, mori, an vero alius pro illo morte defungi possit. Genus mortis etiam non est expressum, sitne temporarium, an necessario æternæ durationis esse debeat.

72. In hac generalitate, Deum *ἐπιείκειαν* sive *δυσιωμοσύνην*, æquitate adhibuisse judicium, ut statuerit, sufficere si alius legis obedientiam impleteret; alius morte fungeretur, & quidem temporaria; modo talis esset, ut iram Dei ferre infinitaque divinitate personæ, temporis infinitatem pensare posset.

73. Grotius hujusmodi æquitatis interpretationem hic locum habere negat: Nam, inquit, *ea interpretatio ostendit, aliquod factum aut personam, sub Legis obligatione nunquam fuisse comprehensam: At vero omnes homines (quippe conclusi sub peccatum Rom. 11. 32. Gal. 3. 22.)*

etiam hi, qui liberantur, natura sunt filii iræ Eph. 2. 3. hoc est, obligati Legis sanctione.

74. Ut hæc Grotii *ἐπιείκειαν* intelligatur, sciendum, est, *Æquitatem* oppositi stricto juri, τὸ ἀπεχθόνιστον, quod Aristoteles vocat, & est *captatio verborum Legis ad rigorem menti Legislatoris contrarium.* Cicero in orat. pro Cæcina, vocat hoc jus *scriptum*, jus *summam*, jus *callidum* & *versutum.* Jus scriptum sequi calumniatoris est, inquit, at *boni judicis, voluntatem Scriptoris*, eamque rem diversis exemplis illustrat. Edictum Prætoris est, pro *vi dejectis*, ut restituantur; verba duntaxat ei, qui *præcepta de superiore loco sit actus*, conveniunt, mens Prætoris *omnem vim* notat. Item *Actio* est, ait, in præsentem Actorem his verbis; *Quandoquidem te in jure conspicio, Hac actione Appius ille cæcus uti non possit, si verba &c.*

75. De sanctione pœnali exemplum est in lege; *qua cædi hominis pœna capitæ imposta est:* Quid si moderamen inculpatæ Tutelæ in cæde committenda servatum sit? Verba Legis hunc quoque tenent: sed ex mente legis auctoris, ille ne quidem ab initio sub pœna capitali comprehensus fuit.

76. Hujusmodi *Æquitas* est propria judicis l. 8. C. de Judic. qui non debet leges *εἰς τὴν λίαν ἀκρίβειαν* nimis accurate leges inspicere: ut inde *ἡ ἀπεχθόνιστος* exquisitum juris rigorem eliciat: sed verba legis duriora, secundum mentem & sententiam Legislatoris flectere ad humanitatem; hac ratione, quod ipse legis Auctor eo modo legem interpretaturus esset.

77. Sed quando mens legis est indubitata, verum sententia Legis est dura & sanctio iniqua, tum judicis partes cessant, & solus qui Summam Potestatem habet, inter æquitatem & jus scriptum discernere Legisque duritiam moderari potest

potest l. 1. C. de Legib. Hanc ultimam æquitatis speciem non habere locum, in expiatione generis humani, satis indubio loco positum est, cum legem Divinam, quæ poena mortis peccatori adflicta fuit, duritiæ nefas sit arguere.

78. Speciem alteram, cum inferat positionem, quod legis Auctor eum, de cuius supplicio agitur, sub poena Legis complecti noluerit, heic etiam non habere locum, Grotio concedendum videtur, quatenus peccatorem ipsum mortem esse meritum sine dubio constat.

79. Præterea, non est tam obscurus mens Legis divinæ, ut si Judex à Principe, Legis auctore, delegatus secundum eam sententiam ferre deberet, ambigere posset, utrum alterius obedientia peccatorem à poenâ inobedientiæ liberare posset, an alio se ad poenam offerente, maleficii reus dimitti posset.

80. Judex sanè reddendæ rationi subiectus verba legis, delinquenti poenam imponentis, ita non potuisset interpretari, ut alium, quam qui deliquerat, puniret; præsertim, si pars offensa consideraret, ut *animo suo poenâ ipsius delinquentis satisficeret*, quomodo loquitur Papinianus in l. 6 §. 1. ff. de Serv. export. Rectè igitur Grotius, interpretationem *ut iniquus*, secundum æquitatem, heic locum habere negat.

81. Ipse igitur ponit hac parte locum habere *Dispensationem*, quod est Juris Pontificii vocabulum, quo illi in Satisfactionibus poenitentiz relaxandis utuntur: in Jure civili ut vox, ita res ipsa ignota esse videtur. Nam Cæsares non tantum iudices secundum leges judicare, sed & ipsi ex earum præscripto jus dicere volunt l. 4 & l. 10. C. de Legib.

82. Quicquid Principi placuit, Legis quidem habere vigorem constat; at hoc in rebus novis aut veteribus scitis inter-

pretandis, non exemptionibus propagandis exercet.

83. Quod si in potestate Principis, relaxare legum rigorem, esse dicamus, quod negare non est animus; id tamen huic divino salutis negotio applicare non licet; quando satis constat & superius approbatum est, Christum *in divinis scripturis, jus omne legis implevisse & implere debuisse.*

84. Proinde, non est fas hanc rem explicare ex ejusmodi facultate dispensandi, quæ poena fuerit admittenda, *quæ delicto non respondeat*, ut loquitur Grotius, & qui legunt ejus vestigia.

85. Quid tu igitur, dicat aliquis, proferes melius; si nec abrogatio, nec derogatio, nec obrogatio, nec subrogatio Legis, neque dispensatio *minus Legem non implens*, ut rursus *iniquus*, neque tandem interpretatio *ut iniquus*, secundum aliquam æquitatis speciem, in hoc actu divinæ justitiæ vertetur? Nihil è longinquo, nihil quàm ex ipsa causæ visceribus petam: vel potius quod aliquoties innumarum est, repetam.

86. Ista omnia interpretamenta Deum ut Judicem aut Rectorem solummodo considerant. Conjungendum est jus Creditoris, à quo est *ἀνοχη*, *facilitas* alium admittendi Reum, per quem sibi plene cum indulgentiâ moræ ad solvendum, ac utriusque per eundem *Judicem* applicatione satisfiat.

87. Utrumque esse in potestate Creditoris, alium admittere Reum & indulgere moram temporis est manifestum; nec minus, in neutrà quicquam esse, quod juris implementum vigoremque justitiæ minuat.

88. Æquitas est judicis supremi vel interioris, Dispensatio Rectoris absoluti: Neutra sanctissimo negotio potest applicari. In novatione à Creditore admittenda supremique Judicis officio approbata,

bata, concurrat & ἡ δικαιοσύνη ἡ νόμος πληρωθῆναι, jus legis impletum & præteritio primi debitoris, sine ullo justitiæ & satisfactionis decremento, in quâ proinde videtur acquiescendum.

89. Sed longo satis intervallo recessimus ab eo, quod erat propositum, ut exponeremus, quo pacto cum plena Satisfactione justitiæ Legalis Divinæ conciliari possit τὸ δυνάμει τῆς ἡμετέρας χάριτος. Quod gratis gratiæque Dei gratuita servati dicimur.

90. Quandoquidem explicatio divini actus circa dimissionem peccatoris, quam è jure Creditoris officioque Judicis supremi accessivimus, non sufficere palam est, anteaque dictum à nobis; Creditorem, qui hætenus facilitatem demonstravit suam, ut alium pro alio solventem admitteret, hac lege tamen, ut novus Reus sibi ad ultimum quadrantem usque satisfaceret, ac solveret quod debebatur, longè magnificentius, quam par est, loqui; si præ se ferat, se debitori pristino δυνάμει τῆς αὐτοῦ χάριτος, gratis gratiæque gratuita remisisse debitum.

91. Laudetur ejus benignitas, quod jus suum contra personam debitoris, secus ac pro vigore justitiæ potuisset, non sit executus, verum potius ab unico suo Filio pretium, quo non potuit esse majus & infinitius, exigere, quàm peccatorem meritis adficere supplicii in animum induxerit.

92. Ingens equidem & incredibile bonitas: sed pariter immortæ & inflexibilis justitiæ, suprâ quam dici potest, notabile argumentum, quod obligationem debitoris, quâ persona ejus obstricta erat, nullo alio modo, quàm verâ quam propriâ debitoque adæquatâ solutione, vel ejus expromissione tolli perimique voluerit; cui rei, in quascunque nos vertamus partes, remissio, condonatio, meræque liberalitatis exercitio non potest non adveriari.

93. Quid ergo? dic, Remissionem gratuitam & liberalitatem absolutam, quæ prædicatur & adscribitur Deo, non esse quærendam in personâ Patris Dei & Creditoris infiniti debiti, cum relatione ad peccatorem eundemque debitorem, Sed aliunde, duplici respectu.

94. Primo in CONSILIO PACIS, quo Deus Pater & Filius, adstipulante Spiritu Sancto, id egit, egerunt, ut homo reus obligatione peccati gratis, gratiæque gratuita, sine ullâ præstatione, quam ipsi inter se constituerent, liberaretur.

95. Placet hoc uno alteroque simili illustrare; Si duo pluresve, quorum unus creditor, aut etiam omnes inæqualibus summis, amicam ære alieno præsum cum minimè solvendo sit, liberatum velint; ejusque debitum compensationibus & præstationibus mutuis inter sese extinguant, ignaro debitore, eique deinde significant, ipsum esse liberatum, nihil obitare opinor, quominus ille gratis gratiæque gratuita liberatus sit, etsi obligatio ejus veris realibusque præstationibus, inter socios beneficii extincta fuerit.

96. Vel pone patrem Creditorem & ejus filium, quos leges pro uno habent, miseratione debitoris in extremis angustiis constituti, rationem liberandi ejus hoc modo inire, ut filius de suo peculio satisfaciatur & plenè solvat creditori Patri, idque vel præsentis solutione, vel fide solutionis futuræ habitâ, ignorante debitore, constituatur.

97. Si pater deinde Creditor ac Filius debitorem faciant certiorum, tale consilium à se esse ininitum, quo ipse nulla re datâ vel præstitâ, liberaretur ignorans, existimo, nullam in hac specie difficultatem esse, quin & vera solutio sit, quam Filius Patri pro persona debitoris atque reatu præstiterit, & quin hoc

S

Consilium

Consilium Patris Filiique meræ liberalitatis ac miserationis specimen, ut est, sic etiam appellatur.

98. Non opus est applicatione tam præsentis apologi. Consilium Pacis & ratio illius exequendi EST INTER ILLOS DUOS; modus extinguendi obligationem non eget conscientia debitoris. ILLI DUO, ut resfert, hoc administrant; Debitor ipse CONSILIUM illud unice, ut beneficium, ut gratiosum & inexpectatissimum misericordię specimen considerare, magnificare potest.

99. Ad patrem solum se convertens, ut remissionem concipere gratuitam res non patitur, ita peccati odium justitięque vim inflexibilem, misericordiam & *φιλανθρωπίαν* adorat, quod ut utriusque locum faceret, unigeniti Filii sanguinem in solutionis pretium accipere non dignatus sit.

100. Ad Filium se convertens solum, Mens fidelis, heic nihil usquequaque,

præter bonitatem, misericordiam, amorem, liberalitatem gratuitamque remissionem invenit, amplectitur & admiratur.

101. Atque hic est alter ille modus, quo gratuitam remissionem liberalemque gratiam adversus peccatorem demonstrari posse liquidissimum ac omnibus in conspicuo est. Dominum JESUM esse illum; *ὁ ἡμῶν ἰσχυριστὸν πᾶσι τοῖς ἁμαρτανύχοις ἡμῶν, qui omnia nostra peccata nobis condonavit*, sacre literę patrum declarant, Qui nos sanguine suo, tanquam pretio dato, emit ac comparavit sibi que proprios fecit; ac ita nobis liberalissimus REDEMPTOR est factus.

102. Quando autem & hoc vocabulum è mediâ Jurisprudentiâ usque populari, quæ sunt res perpetuo conjunctæ, petitum est, non videtur committendum, quin etiam *de Redemptione* nonihil in medium proferatur.

C A P. V I I.

De Redemptione.

Emptionis venditionis similitudinem non semper in sacris habere adæquatam analogiam; habere tamen eam in Redemptione generis humani. Emptionis, redemptionis, & lytri significatio propria & qualis ea in sacris literis. Grotium aliter instituentem non fuisse imitandum. Deo Patri, non Diabolo solum esse lytrum. Instantiæ Crellii remotæ. Emptionis substantialia in negotio salutis demonstrantur. Remotæ objectiones. Et Grotius iterum notatus. Aliæ Responsiones patrum testimoniis illustratæ. Inde novum argumentum pro liberatione perfectâ veterum fidelium deducitur.

ENimvero non semper emptionis venditionis vocabulum in usu sacrarum literarum exhibere contractus hujus substantialia, verum sæpe notare

quamlibet mancipationem & acquisitionem, cum v. gr. peccato dicitur homo *venditus*, non est recusandum.

2. Sed in ratione salutis humani generis,

neris, tam crebro, tam signate institutum emptionis & lytri commemoratur, ut non posset non videri species quædam ἀποεργασίας, si emptionis venditionis substantialia, quæ dicuntur, more comparationis, heic non invenirentur.

3. Emptionem rotunde prædicat Apollolus de peccatoribus servatis 1. ad Corinth. 6. v. 20. ἡμεῖς ἐσθαι πτωχοί, *Empti estis pretio*. Emere est aliquid pro certo pretio ἰμῶν, id est, meum facere; Idcirco additur ibi, *nos corpore & animo Dei esse*, ἡμεῖς ἐσθαι πτωχοί διὰ τὸν Θεόν, Domini ex emptione nostri. 2. Petr. 2: 1. Ex eodem fundamento docet in eadem epistola, fideles pretio emptos à Christo, non esse quod hominum serviant, verum illi soli emptos, ut domino, se mancipatos intelligere debere. 1 Cor. 7. v. 23.

4. Frequentius alioqui τοῦ λυτῆρος ἢ λυτῆρος usurpatur; quod est *redimere*; & hoc in propria significatione de hominibus sumptum, denotat, aliquem è manibus hostis aut Domini, pretio dato, liberare: nisi quis adhuc magis propriè *redimere* idem esse velit, quod *iterum emere*, ut servus alienatus hoc sensu à domino *redemptus* dicitur ab Ulpiano in l. 9. §. *servus* 16. ff. de Hered. instir.

5. Quo spectarunt haud dubiè, si qui ex Patribus, ut refert, Socinus, dixerint, fideles è gentibus à Christo *emptos*, ex Judæis ab eodem esse *redemptos*. Non opus est, ut probem, liberatos ab hostibus & ex servitute Latine ac juridice *redemptos* dici, quando nihil est notius & tritius.

6. Ne de *lytro* quidem, post tam frequentes hominum doctorum probationes, id agere sultineo, ut ostendam, nihil hoc aliud esse, quam, ut Ulpianus ait, *quantitatem redemptionis*, in l. 15. ff. de Captiv. Est igitur redemptio personæ, ita propriè sumpta, species emptionis, atque ita fit, ut verum pre-

tium, quo servus aut captivus æstimatur, priori domino hostive præsteretur.

7. Hanc esse propriam lytri & redemptionis significationem inter omnes constat. Quare autem Theologi quidam eximii videntes eam urgeri à Socino, negent esse proprie dictam redemptionem, è captivitate & servitute, quam Christus obivit, minus animadverto, quam cur Grotius eam defugiat.

8. Nam is, cum neget solutionem veram & plenam à Christo esse factam, cavendam sibi emptionis & redemptionis, in qua pretium rei æquale exigitur, comparationem intellexit. Hinc in Cap. VIII. sæpe laudati libri, *Nos*, ait, ideo *causam redemptionis esse mortem Christi diximus, quod eà Deum moverit, ut nos à pœnâ liberaret*. Cur non ideo, quod pretium ad nos liberandos è servitute, persolverit, quo modo passim sacræ loquuntur Literæ?

9. An quia designari non possit, cui pretium sit solutum, ut vult Socinus? Cui vero id ali quam Creditori Deo solveretur, cui aliter satisfactum dici nequit, cui se Christus obtulit. *Ephef. 5: 2.* qui per peccatum factus erat hostis (hic autem lytrum accipit) & nos *filii iræ*, quam Christus pro nobis tulit. *Gal. 3. 13. 1v: 14?*

10. Diabolus etiam erat hostis & dominus, nosque ejus & peccati mancipia; Sed à Deo summo Domino iustissimâ vindictâ illi traditi eramus; eoque sensu ab illo redempti quoque dicimur; ne propterea Socinus & Crellius, si vera sit redemptio, pretium Diabolo solutum esse oportere cavillentur; etsi Patrum quoddam illuc, urgendo veram pretii solutionem, adactos fuisse prædicet Socinus.

11. Origines ita quidem in *Epist. ad Rom. l. 2. c. 2.* Si ergo pretio empti sumus, inquit, *ab aliquo sine dubio empti sumus*,

cujus eramus servi, qui & pretium poposcit, quod voluit, ut de potestate demitteret, quos tenebat: tenebat autem nos Diabolus, cui distracti fueramus peccati nostris. Poposcit ergo pretium nostrum, sanguinem Christi. Sed aliter Gregor. Nazian. Orat. 42. ubi magnum hoc quæritū πολλοῖς παραλείπον, multis neglectum, sibi λίαν ἐκτελέζοντες nimis sollicitè excussum, sic tamen determinat, ut Deo Patri in œconomia Personarum solum pretium esse dicendum sit.

12. Tortori custodibusque pistrini, quales erant Diaboli, non debetur lytrum, Sed domino qui captivos tradidit, constringendos, donec ad libellam usque solutum fuerit.

13. Instat Crellius, Deum non esse eum, qui captivos nos tenuerit, & cui pretium ad nos liberandos fuerit persolutum, inde perspicuum est, quod ipsemet redemptionem hanc fecerit ac procurarit, & pretium illud, quod pro nobis datum erat, impenderit, ἡ ἐκ τῶν λίτρων τῆ λαῶν ἀντὶ; qui fecit lytrum populo suo, Luc. I. 68. Quasi non sæpe & inter homines fiat, ut hostis aut herus, qui servum iratus in pistrinum tradidit, ad molam (vere molam peccati circumagit animalis homo) placatum adversus eum animum induat, eique viam quærendi suum lytrum ultro aperiat.

14. Exemplum leges nostræ evidentissimum præbent in servo ex peculio suo redempto l. 4. pr. & §. I. ff. de Manumiss. Hoc peculium est totum domini, per cujus conniventiam, servus, qui nihil suum habere potest, id exercet, d. l. 4. Quando igitur, tantum industriâ parimoniamque suâ collegit, ut pretium sui inde solvere possit, hæc est vera redemptio; servusque talis dicitur suis nummis redemptus, d. l. 4. in pr. l. 38. §. 4. d. Pan. & tamen dominus in rei veritate facit illud impendium ac ipse redemptionem

procurat, quod nec Algerienses aut Tunetani hodie recusent; si quis servus industriâ negotiandi, cujus copiam ipsis aliquando faciunt, tantum colligere possit, ut præcio redemptionis adæquando sufficiat.

15. Ex his quoque solvitur alia Crellii instantia, cum ait; Christus; quantum fuit, Dei fuit; ideoque nihil Deo dare potuit, quod Dei non fuisset. Servus et si nihil proprium habere possit, verum ipse cum rebus suis domini sit totus, sui tamen nummis redemptus dicitur, sicut cum nos ipsos Dei esse totos, omnemque terram cum plenitudine sua Dei esse constet, tamen & nos & res nostras Deo tradimus, veteretque ei suas iruges & pecudes obtulisse manifestum est. Præter quod falsum postularum est, Christum, quantum fuit, totum in Patris sui ditione fuisse, etiam alterius naturæ præstantioris respectu.

16. Diveria ab his est objectio Crellii & Ostorodi, quod nemo simul emptor & venditor esse, rem tradere & acquirere possit; verum quod servus redemptus in potestate ejus, à quo venditur, esse desinat: Atqui homines à Christo redempti, Deo mancipati sunt, ἡγορασται τῷ Θεῷ ἡμεῖς, emisti nos Deo, Apoc. 5. 8. Ergo non à Deo empti per Christum. Certe eodem respectu non possunt illa subsistere, ut è manibus Dei, Deo simus empti. Sed hujus quoque difficultatis resolutio ex institutis veterum peti potest. Vicarius servus in jure Rom. passim occurrit, quem Theophilus paraphrastes Græcus Institutionum Juris, vocat, ut est, οὐκίτην ἐκίτην, servi servum, in §. Cum autem Inst. Quod cum eo qui in al. & in §. si quis ancillas l. de Legat. Glossarium græcum eodem sensu δῶλον δῶλον. Etiam Josephus Potipharis servus dispensator, traditus in custodiam & servitusem commentariensis, potuisset

tuisset redimi è servitute servi, ut eodem loco apud pristinum dominum esset, si Potiphari de crimine præsumpto satisfactum fuisset.

17. Nos etiam ante peccatum corporibus animisque Dei fuimus, dein Diabolo traditi in servitutem, sed Deo subiectam, peccati: per satisfactionem Filii Dei, in priorem locum restituti sumus, non tantum ut servi, sed etiam liberi adoptione facti. Nec ita quicquam implicatum est in eo, quod è manibus Dei ut Domini supremi, ex servitute vicaria Diaboli redempti pariterque eirestituti sumus.

18. Ex his puto satis liquere, nullam fuisse necessitatem negandi proprietatem redemptionis, quæ sit pretio captivi aut servi, domino persoluto, ut quibusdam visum fuit; nec quibus nostrum nihil pridem placuit, habuisse rationem, hoc argumento probandi, terminos Juris in scriptura usurpatis, inde non recipere explanationem.

19. Nec adeo comparatione in alienum sensum usos esse Scriptores sacros, quando nos emptos pretio sanguinis Christi dixerunt: quandoquidem *substantialia*, quæ jure Gentium Emptioni Venditioni inesse dicuntur, in hac comparatione reperiuntur. Ea sunt Consensus, Merx, & Pretium.

20. Consensus in hac emptione est evidens; Pactum Patris & Filii super redemptione generis humani, de quo supersuperius actum est. Merx sunt electi; Pretium, sanguis Christi.

21. Jam si quis opponat, homines non esse res venales, pretium emptionis venditionis, non nisi in pecuniâ numeratâ consistere; is in id quod sæpe diximus, impingeret; comparationes semper relinquere diversitatem inter res significatas & inter res analogiæ adhibitæ.

22. Emptionis, pretii, solutionis,

captivitatis, vinculorum, similesque locutiones ex humano populari usu ad res similes divinas esse translatas, nemo negare potest. Crediti, Debiti, Sponsionis, Solutionisque vocabula nequidem delictis, ut inter homines, sine comparationis modo, adscribuntur. Hoc considerandum est, in uno tertio analogia concurrat, an omnes termini rerum comparatarum conveniant.

23. Quando quis *sub peccato venditus* dicitur, analogia in solo mancipationis effectu consistit: Sed quando Christus *nos emisse* dicitur, idque *pretio soluto*, secundum præviam *conventionem*, ibi non modo effectus acquisitionis, sed ipsa contractus substantia non minus evidens, quam in propria emptione venditione perspicitur.

24. Nec ideo quod Socinus metaphoram suam redemptionis enervat ac evanidam reddit, necesse fuit, per redemptionem designare *liberationem aliqujus à quovis incommodo*; quasi, ne scilicet, cogi videamur, translationem & tropum concedere. Metaphoræ non imminuunt rerum significationes, læpius intendunt ac evidentiore faciunt, ut panis, potus, manducationis, corporis, captivitatis, pignorum, sigillorum, plurimumque similibus rerum appellationes indicant *passim*.

25. Non fuit igitur faciendum, ut Grotium, qui per *lytrum* intelligit, *rem aut factum quodvis, quo moveretur quispiam, ut aliquem incommodo aliqui affecturus, eo liberari patiatur*, imitarentur Theologi, potius quam Paulum, qui dicit esse *λυτρον τῆς ἐσθλας, pretium, quo empti sunt peccatores*.

26. Quibus verbis et si impropriis, æqualitas satisfactionis expleticis longè melius, quam Grotianis propriis, quæ ad *aliquid aliud, ad simile quid præstitum* tendunt; declaratur.

27. Ille declinandas putavit locutiones, quibus vera & plena solutio exprimeretur; nos vero quicquid ad veritatem fidemque plenæ satisfactionis demonstrandam pertinet, enixe retinendum existimamus.

28. Nec tamen, etsi translationem tropicam agnoscimus, longius à proprietate redemptionis quàm res exigit, recedemus. Ideo ad objectionem, quod homo non potest esse merx emptionis, respondere licet; sane etiam homines utique vendi posse, videlicet servos, quales eramus electi.

29. Ad alteram instantiam, quod pretium emptionis in pecuniâ consistat, respondetur, verissimam esse, jure Gentium, sententiam illorum, qui nihil obesse statuunt emptionis naturæ, quod pretium in aliis rebus, quam in pecuniâ numeratâ constituitur; modo tale sit pretium, quod rei valorem, aut in poenis quod delicti meritum exæquet; etsi recentior Jurisprudencia maluerit hanc vocare permutationem, quæ prorsus ejusdem juris regulis consistit ejusdemque est efficaciz cum venditione; quare & Origenes in *Matth. 16. tract. 11.* Redemptionem nostram vocat *Commensationem*.

30. Ex his jam facile constat, quid ad Crellii dilemma sit reponendum; *Vel proprie, inquit, accipitur vox lysri & pretii, vel improprie. Si proprie, alicui proprie persolutum est hoc pretium, & nulli quidem alii quam Deo, cui satisfactio praestita à Giosio dicitur. Unde consequitur, Deum id etiam accepisse. Ex pretio autem improprie dicto, proprie dicta solutio, quæ hic intelligenda foret, colligi haudquaquam potest.*

31. Forensia vocabula de rebus divinis sine aliqua improprietate non possunt usurpari, Sed utcunque impropria, non desinunt efficacissimâ analogiâ, rerum si-

gnificatarum demonstrare naturam, ut in hoc negotio *supra* comprobatum est: tamen si improprietas hic adeo proxime ad rem ipsam accedat, ut nihil interesse videatur.

32. Ita Basilius in hoc articulo *humil. in Psalm. 48. Ευρίθη εν ομῶν πάντων ἀνθρώπων, ὁ ἰδῶν τις πρῶτην λυτρώσεως & ψυ. 35 ἁμαρτων. Una res inventa est, omnibus dignitate equalis, quæ data est in pretium redemptionis animarum nostrarum.* Augustinus in *Psalm. 95. Tenebantur homines captivi sub diabolo, & demonibus serviebant; Sed redempti sunt à captivitate: Vendere enim se potuerunt. Venit redemptor & dedit pretium, fudit sanguinem suum & erit orbem terrarum. Quæritur, quid emerit, videte quid dederit, & invenite, quid emerit. Sanguis Christi pretium est. Tanti quid valet? quid nisi totus orbis, quid nisi omnes gentes?*

33. Tam autem proximè ad ipsius pretii dati proprietatem sacræ locutiones accedunt, ut *nobis nihil subterfugiendum sit, quominus etiam esse, cui solutum sit pretium, concedatur; quâ incommodi consequentiâ, quo orthodoxam sententiam urgere se posse callidi homines arbitrantur, id nullius esse momenti, jam demonstratum est.*

34. Deniq; si verum est, comparatione Emptionis & Redemptionis, cum Liberatione generis humani per Christum factâ, sacræ literis commemoratam, per omnia convenire cum Emptione venditione jure Gentium usitatâ; facile nobis venia dabitur, inde novum petentibus argumentum; quo non esse faciendum probemus, ut loca Scripturæ sacræ, quæ vetustis fidelibus remissa peccata fuisse tradunt, ita accipiamus, ut minus plenè perfectæque liberati esse dicantur, quam qui post solutionem Christi Redemptoris fidei illius satisfactionem amplexifunt.

35. Quia

35. Quia pendet & profuit hoc argumentum è natura Emptionis Venditionis, quam habet inter Gentes & quam modo expositam dedimus, visum fuit, ejus hoc loco subjicere deductionem.

36. Emptio venditio quemadmodum in præcedenti exercitatione diximus, perficitur solo consensu, simulatque de merce pretioque convenerit, *quomodo nondum pretium numeratum sit*, ait Justinianus ex vetustis Juris auctoribus *pr. Inst. de Empt. Vend.* Sed dominium rei venditæ non aliter transfertur, quam per traditionem.

37. Verum ad hanc dominii translationem requiritur, ut emptor venditori pretium solverit, vel alio modo ei *satisfecerit*, velut *expromissore* aut pignore dato. Quod quamquam cavetur ex lege *xii. Tabularum*, rectè tamen dicitur, & *jure gentium*, id est, *jure naturali id effici*, inquit Cæsar Justinianus; atque venditor id semper agere creditur, ut sine pretio merci conveniente, dominium rei suæ amittere nolit.

38. Proinde, quotiens is qui vendit, *fidem emptoris secutus fuerit*, dicendum est, statim rem emptoris fieri, simulatque tradita fuerit, etsi pretio necdum soluto, quemadmodum docet Imperator in *§. Vendita vero, junct. §. præc. Inst. de Rer. divis.* Sic igitur est ratio juris Gentium. Quando consensus de merce pretioque perfectus est, si venditor emptori fidem habuerit de pretio, (cujus rei liquidissimum signum habetur, si terminus solutioni sit adjectus) tum vendita res & tradita æquè plene redempta videtur & transit in dominium emptoris, æquè perfectè, inquam, ante ac post solutum pretium.

39. Applicemus hoc bonâ cum venia. Deus mediator emit electos antea servos, à Patre suo; sic enim est compara-

tio, quâ Spiritus sanctus ipsemet utitur; quorum pars ei tradita fuit ante solutum pretium, verùm fide habitâ de pretio, terminoque solutioni adjecto.

40. Dico, quod pretium aliquamdiu non fuit solutum, id non ob stare, quominus ea pars emptorum fidelium, quæ ante solutionem tradita fuit emptori Christo, æquè plene perfectèque redempta, servitioque Christi acquisita fuerit, quam qui post solutionem fuere: Fides habitâ de pretio plenissime pro solutione cessit.

41. Emptos fuisse veteres à Christo mediatore, nemo negat; liberatos atque traditos fuisse eisdem redemptori nemo negat; fidem de solutione pretii Christo habitam fuisse à Patre nemo negat. Natura emptionis venditionis id insert, ut eo modo ante solutionem traditi emptique servi & redempti, æquè perfectè cedant in dominium *redemptoris* & à servitute priore liberentur, quam si pretium fuisset exsolutum.

42. Etsi conscientia redemptionis in illis servis, quibus ignaris, venditio facta minusque forte perspicue significata fuerit, in altero calu dejectior & intricatior, quàm solutione palam factâ esse potuerit; quod in electis antiqui fœderis cum recentioribus comparatis ita sese habuisse apud omnes in confessio habetur.

43. Cum igitur hæc sit notissima proprietas emptionis & venditionis nihilque sit in literis divinis, quod eam emptioni per Christum factæ, quam eadem litteræ ponunt, convenire vetet, rectè hujus appellationis argumento probasse videmur, quod fideles utriusque temporis antiqui & novi, per emptionem Christi eodem jure meritoque redempti & liberati fuerint.

44. Sed nimis longa fuit digressio; Redeamus ad institutum pressius.

C A P.

CAP. VIII.

De Ecclesiâ Visibili externa.

Causa Ecclesiæ Visibilis, externæ. Quatenus qui in hac reperiuntur, nec ad invisibilem pertinent, jus habeant à mystico jure distinctum; tam ante quam post Christum. Differentia inter utriusque temporis Ecclesiam externam & earum excommunicationes. Causa deformitatis Ecclesiæ externæ eamque emendandi ratio. An, separare se oporteat ob vitia Ecclesiæ. Catholicam sive Universalem externam non dari Ecclesiam, quæ corpus unum externum efficiat; nec esse caput unum Ecclesiæ universalis externæ. Non esse divinitus institutam subordinationem Ecclesiarum, vel prærogativam plurium in pauciores. Causa illius subordinationis & prærogativæ, quæ passim invaluit; Imperium Civitatis & Consensus. Ubi hæ causæ cessent, ibi statum Ecclesiarum esse independentem. In singulis Ecclesiis particularibus jus statuendi de rebus arbitrariis esse penes universos, nisi jus hoc in unum vel paucos transferant.

Us Ecclesiæ invisibilis, quæ est unum corpus sub capite Christo, è Testamento ejusdem fundatum, præviâ conventionione inter Deum Patrem & Filium atque Spiritum Sanctum fidelibus esse præstitum, supra intelleximus.

2. Sed ipsa quidem Testamenti dispositio occulta fuit, donec à morte Testatoris, prædicatione per orbem Terrarum factâ, cunctis gentibus exposita & ejus bona cum credentibus communicata sunt.

3. Idem ante mortem Testatoris per *Fœdus*, sive promissiones acceptatas, administratum fuisse demonstravimus.

4. Hæ promissiones sive *Fœdus illud* primo, & deinceps Evangelii prædicatione visibilem externamque produxerunt Ecclesiam; quâ comprehensi sunt omnes, qui prædicationi Fœderis aut delatæ hereditatis coelestis fidem habuerunt, vel habere se professi sunt: quem-

admodum *in cap. I. huj. sect.* expositum est.

5. Sicut autem fœdus & prædicatione ad ipsam Testamenti dispositionem se referebant, nec ab illa discrepabant, ita nemo eorum, qui se confessorum numero aggregabant, quicquam juris ad bona Testamenti habere poterat, quam si verâ fide membrum invisibilis Ecclesiæ fieret, legibusque fœderis & Testamenti satisfaceret.

6. Quæ res tamen impedire non potuit, quin simulatores, nec unquam membra corporis mystici futuri, res externas & signa gratiæ, sine fructu spiritali, participarent. Et quia promissio coelestis hereditatis etiam ad liberos pertinebat, cum his quoque signa gratiæ externa, quales fuit olim circumcilio, communicabantur, salvo divinæ destinationis, quid de illis aliquando futurum esset, arcana.

7. Idem

7. Idem de jure hereditario in terram Chanaan, statuendum viderur; cum illa, sicut antea demonstratum est, non fuerit materia Fœderis distincti, sed pignus & typus hereditatis cœlestis, quo bona spiritualia validius & palpabilius illis, pro disciplina illorum temporum hominumque rudium, inculcarentur.

8. Inde patet, inquam, non habuisse verum & proprium jus in Terram Chanaan ejusve partem, eos, qui ad ipsam Hereditatem cœlestem, viâ quâ ibant, pervenire non poterant; etsi ab externa illius Terræ communione, quamdiu Ecclesiâ externâ non ejicerentur, arceri non poterant.

9. Nam quia, sicut probatum est, ex cap. xv. *Genesios*, illa terra solummodo fuit *hypothecaria accessio* Fœderis, quod Deus cum *Abrahamo* de bonis cœlestibus iniverat, fieri non potuit, ut Pignoris, quo Contractus inter Deum & Abrahamum erat obliquatus, obligatio, latius quam ipse contractus principalis pateret, usumque ab illo separatum haberet.

10. Prædicatione Evangelii congregata Ecclesiâ externa habuit similiter fideles veros & simulatores, quibus antequam dejecti & exclusi sint à Communione Sacrorum, externa signa Gratiæ, etsi ad ipsa bona signis illis adumbrata nullum jus haberent, nihilo magis negari possunt, quam improbis Israëlitis usus terræ Chanaanis negabatur.

11. Differentia tamen inter externam veterem & novam Ecclesiam, est hæc inter alia; quod nova nullum habet pignus Terræ vel terrestrium bonorum, neque tali indiget, eo quod novis fidelibus datum est pignus longe nobilior Spiritus Sancti in cordibus illorum, abundantius effusi, & quo res ipsa sine typis & umbris, aperto testamento, illis panditur & exhibetur.

12. Hinc sequitur, Exclusionem ab Ecclesiâ veteri secum tulisse excommunicationem à jure civitatis & bonorum quæ erant in terrâ *Chanaan*; cujusmodi nihil est in Exclusionem ab Ecclesiâ, quæ fit inter Christianos, secus ac olim erat *Τὸ ἀποστρέφειν ποιεῖν*; etsi in quibusdam locis, nominatim in Angliâ, non longe hodieque inde recedunt.

13. Quanto etiam clarior est apertura Testamenti & evidentior effusio gratiæ cœlestis in fideles, post *αἰτίφωσις* Servatoris, tanto majorem quoque peritiam, clariorem scientiam & demonstrationem spiritus efficaciorum in his qui novæ Ecclesiæ dant nomen, esse debere, quam in iis qui veteri aggregati fuerunt, consentaneum est.

14. Nec admittendos ad eam, non modo qui doctrinam Evangelii & fidei professionem vita moribusque prostituunt, sed nec eos qui civiliter utcumque viventes, è statu naturæ tamen ad interiore cum Deo conjunctionem traducti non sunt, etsi fidem profiteantur ac intelligant, indubitatum est.

15. Sed quia facultas, illam animorum constitutionem discernendi, non nisi è dictis & factis, ut ad exclusionem sufficiat, exerceri potest, usu venit, ut genus illud posterius ab Ecclesiâ externâ difficulter excludi queat, nec unquam satis, ne quidem in primævâ Ecclesiâ secerni potuerit.

16. Nam ut potestas Episcopis & Pastoribus hanc rem suo arbitratu & secreta æstimatione judicandi fiat, neque periculum dominationis, nec ipsorum sæpe Pastorum imperitia spiritualis permittit.

17. Per quam causam usu venit, ut externa Ecclesiæ constitutio mirificam ubique deformitatem contraxerit; quæ neque per Retormationé superioris seculi, qua dominatio magis quam Spiritualis imperitia præfulum sublata est, cessavit.

T

18. Nec

18. Nec adeo spes videtur affulgere plenæ hac parte emendationis, nisi quando visum fuerit Deo, majorem in populos nomen ejus professos effundere copiam Spiritus sancti, cujus rei sperandæ locum vaticinia sacra multis facere videntur.

19. Quamdiu hoc non fit, & inter ipsos Pastores plerique à cultu interioris & novi hominis alieni cernuntur, neque sperari neque fieri potest, ut omnes vel major pars eorum, qui ad externam Ecclesiam confluunt, regeneriti sint, & vere membra myltici corporis Christi reperiantur.

20. Nec etiam, si verè pii Pastores quosdam inter confessores fidei cognoscant, in quibus existiment, non habitare spiritum Christi, quemadmodum, qui Deum in spiritu & veritate colunt, colloquiis & conversatione aliorum, non difficulter homines verè pios à naturalibus discernere possunt; tamen si illos ita convincere nequeant, ut aliis, ad quos eadem cognitio pertinet, idem liqueat, non habent jus illos ab externa communione signisque gratiæ, ut antea dictum, excludendi, habetque locum hætenus, quod dici solet, *de occultis non judicas Ecclesia*.

21. Idque ita inde ab ipsorum ævo Apostolorum videtur observatum fuisse, quatenus ex eorum qui pariter adsciscabantur, numero, & è statu Ecclesiarum illius temporis, in Actis etiam & Epistolis sacris exposito, non obscure colligi potest.

22. Et si quanto Rectores Ecclesiarum peritiores viarum Domini tum fuerunt, quam deinceps, & quanto major erat vis spiritus in Ecclesias effusa, quam est hodie, tanto minor erat disparitas inter membra Ecclesiæ externæ & Invisibilis, tum temporis, quam his diebus, ut è notis quas habemus in sacris literis, & quas

ex attenta consideratione confessorum hujus temporis animadvertere licet, intelligi potest.

23. Quamvis autem Rectorum imperitiam & oscitantiam hac parte nemo excusare potest, si tamen illorum vel majoris in Ecclesia partis culpâ indigni ad externos coetus admittantur, qui sunt ejusdem congregationis & errorem agnoscunt, ideo ab Ecclesiæ communione separare se non tenentur, imo nec debent.

24. Quia peccata vel indignorum fratrum vel eorum à quibus admissi sunt, aliis imputari non possunt; si quidem nullo dicto vel facto talem admissionem probaverint, vel eorum vitia participaverint.

25. Nam quod eosdem coetus frequentant eademque symbola gratiæ cælestis uno loco & tempore percipiunt, non fit ideo, quia probant id quod prohibere non potuerunt; sed quia præceptum Dei est, ut mortem Domini annuncient, donec ipse veniat.

26. Neque plus aut arctius ad me pertinet, quod in eodem templo indigni admittuntur, quam quod in aliis aliorum locorum Ecclesiis idem fiat; quia totum Ecclesiæ corpus est unum, neque magis illos quam his operam meam adhibui, sed in utriusque eadem mihi facultas fuit.

27. Sane, si possum me aggregare coetui, qui hac parte sanctius & severius consultit, huic me, si facultas detur, adjungem potius & adjungere tenebor; ne dignos, & indignos admittere mihi prope *indifferens* haberi videatur.

28. Nec tamen ita coetus, qui veritatem Dei prædicant, ideo quod disciplina remissior & dissolutior habetur, rectè negemus, externas esse Ecclesias: etenim magnam hac parte latitudinem dari vel Ecclesiæ septem Apocalypticæ doceant, neque

neque gradus perfectionis speciem variare potest.

29. Adeo, ut si contingat, in aliquo coetu numeroso, paucissimos esse veros fideles, si tamen verbum Dei purè in eo prædicetur & liceat ibi Deum colere & celebrare, quemadmodum ipse præcepit, huic se aggregare in eoque commorari licere statuendum sit.

30. Quippe, communio sanctorum & sacrorum est qualitas mystici corporis Christi, nec nisi ad vera ejus membra pertinet, in quibus orditur & desinit, neque verò impeditur ab iis qui corporibus adsistunt, animis non junguntur; secundum id quod vulgo & rectè dicitur; *utile per inutile non vitiatur.*

31. Verum est, extare præceptum *de non edendo cum falsis fratribus*; sed hoc primo de aperte improbis, non de quibusvis inregentis accipiendum; dein de tali societate mensæ, quam quis adfectet, vel quæ ab ipso dependeat; non quæ penitus ab alieno pendeat arbitrio.

32. Communio externa sacrorum aliter, quam in coetu Ecclesiæ haberi non potest, quam improborum admissio piis intercipere non debet, cum vera communio nonnihil inter verè fideles committatur.

33. Duntaxat admissis talibus, quorum impietas probari potest, faciendum videtur piis, quibus id grave est, ut hi ad quos ea cognitio pertinet, officii sui decorè commonefiant, judiciumque piorum non laudantium profanationem sacrorum, exiltat. Quo factò, rem Deo committant, nec quod homines perversè consulunt, ipsos arcere debet à Deo in conventu nomen ejus rite profitentium celebrando.

34. Qui aliter consulunt, seque ab Ecclesiis non exquisitâ disciplinâ utentibus, orsi in doctrina cum ipsis consentientibus segregant, ut coetum ex meris ve-

nisque regenitis colligant, experiendo se rem humano consilio majorem, quæ divinitus *operatur* & vires arcanas expetat, occupare sentiunt, nec in proposito suo durant.

35. Etsi autem Invisibilis Ecclesiæ universo mundo sit unū corpus, quod est *Universitas prædestinatorum*, verè Catholica Ecclesia, ut ex Hussi ore suprâ intelleximus, ejusmodi tamen unitatem externæ Ecclesiæ à Christo esse fundaram, non liquet, nec ea res, ut jam *suprà* indicavimus, habet facultatem.

36. Talis unio constitui non poterat, sine Imperio unius Præfulis aut collegii super omnes Ecclesias, cujusmodi potestatem si Christus Dominus ad se representandum in Terris, extare voluisset, non est dubium, quin verbis, ut erat momentum rei, maximè claris & præcipientibus usus fuisset.

37. Qualia nullo modo sunt ea, quibus usus legitur ad *Petrum* Apostolum, quando laudat ejus confessionem de personâ officioque suo, cum mentione *Petræ*, cui illam adsimilat. Nec etiam ea, quibus semel iterumque Pastoris partes illi mandat: Unde principatum in Ecclesiis *Pet. o* vindicare, vel Petri jus in Episcopum Romanum transferre, utrumque manifesta veritatis & prætextus inopiâ laborat.

38. Nihil etiam simile prodit usus Apostolorum & Ecclesiæ primævæ, quicquid de habitatione vel Episcopatu Petri apud Romanos, qui mirificè ab Actis Paulinis alienus est, statuendum fuerit.

39. Habuerunt Apostoli missionem & Spiritum ab ipsius ore Christi, ad omnes gentes: Unde auctoritas illis authentica vivis & mortuis, quod attinet ad scripta quæ reliquerunt: s. d. Auctoritatis hujus successores nullos habuerunt.

40. Verum conventus particulares, cum

Cum ordine certo docendi & regendi, passim condiderunt, quorum alii in alios fuisse Imperium, vel è multis factam fuisse Universalitatem, in qua pauciores voluntatem plurium sequi deberent, ex instituto & tempore Apostolorum, præter jus, quod de ipsorum auctoritate *Historia* diximus, minimè liquet.

41. Subordinatio Ecclesiarum, quæ nunc passim obtinet, è duplici causa fluxisse videtur; E Consensu membrorum & ab Imperio Civitatis. Consensus habuit usum, antequam Rectores civitatum Fidem profiterentur, quemadmodum ante Constantini Magni tempora jam late stabilita fuit.

42. Ratio illam introducendi duplex in primis fuit. Utilitas colendi fovendique consensum Fidei & disciplinæ per omnes Ecclesias, & persuasio Christianis populis insinuata, Ecclesiam visibilem æquè debere esse corpus uno sub imperio Unitum, quam est invisibilis Ecclesia sub Capite Christo.

43. Quæ res effecit, ut Imperium illud Ecclesiasticum sub uno capite, per universum orbem terrarum propagaretur & conjungeretur. Quod omnem suam vim & efficaciam habet ex inveterata persuasione populorum, illam esse constitutionem divinam.

44. Altera causa subordinationis manifesta est in iis locis, ubi illa credulitas Populorum recepta non est, quemadmodum usu venit, in hodiernis Protestantium Ecclesiis; qui Subordinationem suam haud aliunde quam ab Imperio accipiunt.

45. Idque ab opposito statu patet evidentius, in locis, ubi Imperium cum Ecclesiæ ordinatione non concurrit, eo quod vel improbet confessionem; ut in Ecclesiis sub Cruce, quas vocant, vel ubi Imperium discordat, ut in *Frisiâ Orientali*: Omnes enim istæ Ecclesiæ

sine ulla subordinatione vel Universalitatis conformatione in naturali *Independentissimo* non adfectato consistunt.

46. Unaquæque de suis rebus ita quemadmodum in timore Domini & ex animi sui sententia putat faciendum, consulit, nec una vel plures super alias quicquam juris aut imperii habent, salvâ conjunctione animorum & consensione fidei quam profitentur.

47. Quam ut omni meliore modo colant & foveant, non est inutile, conventus aliquos etiam statos celebrare, per legatos, in quibus se mutuo horrentur & commonefaciant; quales habent Reformati in eâ quam dixi *Frisiâ Orientali*, sed absque vinculo necessitatis; ut Ecclesiæ, quæ nolunt iis vel interesse vel auscultare, nullo modo ad hoc teneantur.

48. Quod si per conventionem tuam leges aliquas sanciant, iisque se submittant, *obligantur* equidem, sed armis & dictis tantum, nulla *coactionis* facultate comparatâ.

49. In singulis etiam Ecclesiis particularibus, deliberandi & concludendi jus de rebus arbitrariis est penes omnia membra, salvâ Presbyteris facultate denunciandi promissiones obedientibus & minas refractariis, secundum Evangelium.

50. Ut tamen etiam ex consensu, vitandæ confusionis, si velint, jus omnium in paucos, vel in unum, quod attinet ad eâ quæ sacris literis præscripta non sunt, deferre queant: De his enim ipsis nulla conventio, nulla renuntiatio vel translatio fieri potest.

51. Denique, singulis Ecclesiis competit jus Universalitatis, quod ad res attinet externas, si modo in Civitate non sint prohibitæ: Tales enim jus *Personæ civilis*, quam præferunt Universitates, habere non posse manifestum est, quâ de re in loco de *Universitatibus lib. 2. attendimus.*

SECTIO

S E C T I O V.

De Jure Summæ Potestatis circa sacrâ.

C A P. I.

*E variis opinionibus de jure Summæ Potestatis in Ecclesiam una eligitur;
& de Episcopatu Constantini Magni.*

De jure Summæ potestatis in Ecclesiam varias agitari opiniones, Primam esse Pontificiorum sententiam, qui totum hoc jus Papæ subjiciunt. Alteram eorum, qui presbyteriis omnia vindicant. Tertiam distinguere inter jus Ecclesiæ internum & externum, quasi ex mente Constantini M. Quartam Erastianorum, qui nihil quam confessionem fidei Ecclesiasticis concedunt, potestatem omnem Imperio adscribunt. Quintam Hobbessii, à quo nullum jus sacrum, nisi Imperio civili subjacens agnoscitur. Ex his media, quæ est tertia opinio, præfertur. Episcopatus Constantini M. Vera expositio, discrepans à vulgari, traditur ex Eusebio, probaturque, nihil eum esse, quam officium Principis in convertendis ad fidem pietatemque civibus extra Ecclesiam, hortatu, Legibus, exemplo.

Postquam jus Ecclesiæ Invisibilis ex fœdere & Testamento Christi domini, latius quàm fortè necesse fuit, & statum Ecclesiæ externæ in se consideratæ, quod satis sit, exposuimus; sequitur, ut quomodo se habeat Ecclesia Visibilis respectu Civitatis, sub cujus Imperio degit, & quid huic juris in illam sit comparatum, videamus; Aliquid enim id esse oportere, jam antea demonstravimus.

2. Et quidem diversas sententias, primam, ut quæque minimum juris tribuit Summæ Potestati in Ecclesiam, tum eas quæ plurimum ei vindicant, proponemus.

3. Qui magnum Præfulem Romanum colunt, hi sic omnia ad Ecclesiam spectantia pedibus ejus subjiciunt, ut Imperantibus nihil relinquunt, nec in his quæ

à Deo præscripta sunt, nec quidem in regimine Ecclesiarum externo; adeo, ut non pauci etiam Principes ipsos eorumque imperium Pontifici submittant.

4. Alii totum jus sacrorum pendere docent à collegiis Presbyterorum, tam quæ sunt in singulis Ecclesiis particularibus, quam quæ colliguntur è pluribus, sive una seu diversis subordinationis gradibus, secundum Classes & Synodos, quæ vocantur.

5. Et ex horum sententia Imperantes vix aliter quam è fidelibus singuli, aut omninò extranei ab hisce reputantur.

6. Nisi, quod defensionem Ecclesiæ & executionem eorum, quæ presbyteri decreverunt, quatenus manum requirunt, Imperio civili committunt.

T 3

7. Ipsæ

7. Ipsas quoque nonnulli Imperantium actiones in Reipubl. administratione censure Presbyteriorum committunt, Atque hi sunt, quos in Anglia & in Scotia vocant à re ipsa *Presbyterianos*.

8. Enimvero hæc sententia à priori in terminis quidem, & in eo, quod Pontifici jus toto orbe tribuitur, satis latè discrepat; Genere tamen doctrinæ, quæ ad hunc locum pertineat, quatenus utraq; civili Imperio fere tantundem relinquit, haud magnopere ab altera abhorret: Nempe, sicut Aristocratica potestas particularis differt à Monarchia Universalis.

9. Sunt alii hujus, ut videtur, classis secundæ, qui presbyteria repudiant, & singulis Ecclesiis omne jus sacrorum vindicant, ita ut omnia membra congregationis id pariter exercent, *independentes* à Classibus & Synodis. Hi sunt, quos *Independentes* & recentiori nomine *Congregationales* vocarunt, qui forte propius ad *tertiam* quæ sequitur, quam ad Presbytericam opinionem referri videntur.

10. Porro *Tertia* est eorum sententia, qui *internum* Ecclesiæ & sacrorum jus civili potestati negant; *Externam* verò administrationem ab illa dependere eique subjacere volunt.

11. Hujus autor sententiæ *Constantinus Magnus* laudatur, cujus hac de re convivalem ad Episcopos sermonem memorat Eusebius *l. 4. de Vita Constantini M. c. 24.*

12. *Quartò*, sunt, qui confessionem fidei nudam & solam Ecclesiæ concedunt, sed potestatem animadversionemque, vel audientiam foris se exercentem nullo modo, *nisi à Majestate dependentem*.

13. Proinde potestatem ejiciendi à communione Ecclesiæ & arcendi à sacris, quam prior sententia sub internis comprehendit, similiaque, negant Ec-

clesiasticis, utique ubi Magistratus sunt Christiani.

14. Tales ab *Eraſto* Helvetio, qui Medicus & Senator Ecclesiasticus superiore seculo fuit Hidelbergæ, vocantur *Eraſtiani*; quorum secta à *Colemano* Londinensi Concionatore in Anglia renovata turbas ibi, & in Scotia dedit, ut dixi *Histor. Civ. tom. 3. sect. 9. c. 4. n. 5.*

15. Denique *Hobbes*, & li qui sunt *Hobbesiani*, quicquid religionis aut juris Ecclesiastici in hoc mundo esse queat, id omne ad Imperium Civitatis pertinere contendunt.

16. Ipsum quoque jus (& hoc vel imprimis) statuendi de dogmatibus fidei Christianæ, Nulla re excepta; nisi hac una, *quod Jesus sit Christus Dei*.

17. Reliqua credendi capita, quæ in Ecclesiis proponuntur, *non esse fidei, sed obedientiæ*. In quibus si erraretur, Imperantes non subjecti rationem reddere debeant. *Hobb. de Cive cap. 18. §. 6. & 14.*

18. Ex his sententiis eligere aliquam aut improbare, ei, qui in universum excusari mallet, juris duntaxat scientiam professo, grave & anceps neque temerè tentandum videtur.

19. Faciendum tamen est, quando & operis institutum & exempla aliorum & necessitas refutandi pernitiola principia, id nobis imponunt; Si quid errati obrepat, veniam Jurisconsulti haud gravatè speremus.

20. Extrema vitabimus, sequemur *Christum* ex omnibus mediis, loco tertiam, quæ Constantiniano Magno adscribitur, sano sensu intellectam.

21. Neque enim adhuc satis explicatum videtur, quomodo *Constantinus* suam distinctionem *ἡ ἐκ τῆς ἑξῆς τῆς Ἐκκλησίας, rerum quæ intra & extra Ecclesiam sunt*, intellexerit, quod operæ pretium est indagare.

22. Euse-

22. Eusebius loco superius citato narrat, Constantinum lege vetuisse, idola poni in templis, in eoque totum fuisse, uti posset *σὺμπαντας αὐθρῶπυς δισθεῖς κερῶσαι*, omnes homines facere religioſos. In eum finem jussit omnes, qui in Imperio Romano essent, celebrare dies, quibus nomen à Christo inditum esset; etiam Sabba ha, in memoriam eorum, quæ Christus illis diebus egisset, in primis vero salutiferam diem lucis sive Solis, omnemque dies Christo cognomines appellavit *κυριακῆς*, dies Dominicos. milites quoque suos docuit, oculis, manibus ad cælum elatis (quo habitu se ipsum in nummis, qui hodieque supersunt, effingi voluit) preces Deo & Christo dicere, quarum formulam ipse concepit usque præxit, ut apud Eusebium videre licet; denique festis diebus *πῶσθ ῥῶμῃ ψυχῆς καὶ σώματος* διείλετο *εὐχαριστίας ἐπιλείβ*; totus animi & corporis viribus sacros cultus exercebat.

23. His præmissis, ita pergit Eusebius, *Ἐστὶν εὐχρῶπυς αὐτῆς ἐν ἰσάπτι ποτὶ δι ξιύμει* *ἐπισκόπυς*, λόγῳ ἀφῆκεν, ὡς ἀρχὴ αὐτῆς εἶν ἐπὶ *κρηπ*. Hinc non inmeritò ipse in convivio recipiens aliquando Episcopos, adseruit, se quoque Episcopum esse, ἀλλὰ πῶ αὐτῆς εἶπαν ῥημοσιν ἰφῆ *ἰμπεριεῖς ἀκρῶπυς*; his fere ipsis verbis nobis audientibus, utens, *Ἄλλῃ ἰμπερῆς ῥῶμῆς εἶσιν ἰσκλησῆς*, ἰσθὶ δὲ ἰσκρῶπυς ἐπὶ ἰσθὶ *κρηπδαμῆς* *ἐπὶ κρηπ* αὐ εἶν. Sed vos quidem eorum, qui vel quæ sunt in Ecclesia, ego verò eorum qui, vel quæ, sunt extra Ecclesiam Episcopus à Deo constitutus esse videor.

24. Addit Eusebius, *ἀκρῶπυς δὲ ἐν τῷ λόγῳ ἀκρῶπυς*, τὰς ἀρχῆμῆς ἀπαντῆς ἰσκρῶπυς, *κρηπῆς κρηπ*, ὡσπερ αὐ ἰσκρῶπυς, τῶν *δισθεῖς κρηπδαμῆς* βίον. Secundum hæc dicta, cogitans quid factò opus esset, ut episcopatum se gessit ergà omnes subiectos,

impellens eos, quantum poterat, ut religiosam vitam instituerent.

25. Ex his palam est, quomodo Constantinus suum Episcopatum iis quidem verbis acceperit, scilicet, *de officio boni Principis in convertendis ad resipiscendam, fidem pietatemque civibus suis, extra Ecclesiam, hortatu, legibus, exemplo.*

26. Non igitur de his quæ penitus extra Ecclesiam & ab hac aliena sunt, ut volunt, qui jus Principum circa sacra nullum agnoscunt; neque de actionibus externis duntaxat, ut *πὶ κρηπ*, interna, sint animi sensa, quæ non sint materia Imperii, ut Grotius vult in *d. tract. c. 3.*

27. Neque tandem de regimine Ecclesiæ externo, sicut vulgo putant & putavit Cl. *Vedelius in erudito libello de Episcopatu Constantini Magni*; nec etiam contra Paganos solos, ut destrueret eos, sicut *Perronius Cardinalis in sermonibus Pitheæan*, loquitur, *pour les destruire, comme l'Empereur dit nommément*, ut *Cæsar nominatim loquitur*, inquit; Ubi? Non usus est illis verbis, neque similibus, etsi verum est, idololatriam ab eo fuisse abolitâ.

28. Magis est igitur, ut Eusebio, qui sermoni interfuit occasionemque hujus dicti scivit, de mente *Constantini* credamus. Prorsus ut eodem modo suum acceperit Episcopatum, quo Imp. *Theodosius & Honorius in Epist. ad Marcellin.* ubi; *Neque enim aliud aut belli laboribus agimus, aut pacis consiliis ordinamus, nisi ut verum Dei cultum orbis nostri plebs devota custodiat.* Et *Augustinus*; *In hoc, ait, Reges, sicut eis divinitus præcipitur, Deo serviunt, in quantum Reges sunt; si in regno suo bona jubeant, mala prohibeant, non solum quæ pertinent ad humanam societatem, verum etiam quæ pertinent ad divinam religionem.* contr. *Crescent. lib. 3. c. 51.*

C A P.

C A P. I I.

Sententia electa de jure sacrorum confirmatur & explicatur.

Nihilominus tenendam esse distinctionem inter jus regendi Ecclesiam internum & externum, in hunc modum, ut ea quæ Deus determinavit & ad suum judicium immediate pertinere voluit, Imperio civili non subjaceant, secus ac illa, quæ aliter ac aliter se habere possunt. Immutabilia Dei præcepta esse vel naturalia vel revelata. Illa dictamine rationis rectæ, hæc autem dictamine Spiritus Sancti, quod è sacris probabatur, indubitata fieri; quorum neutrum imperiis subjectum esse humanis. Ratio Vedelii pro jure Summæ Potestatis in Ecclesiam improbata.

ET si vero Constantinus Episcopatum suum iis verbis ita non intellexerit, ut regimen externum Ecclesiæ significarent, nihilo secus tamen id ipsum sibi competere semper alias sensit, neque destitit ipso actu exercere, quemadmodum vel sola Concilii Nicæni historia, quæque deinde secuta sunt, edocere possunt.

2. Ejusmodi autem regimen externum ad summam potestatem pertinere, probamus hac ratione; Quod summa Potestas omnia rerum hominumque (de actionibus, non de animi sententiis loquimur) in civitate, suo Imperio complectitur, ut jam pridem demonstravimus, *exceptis* in, quæ vel nominatim à deferentibus imperium ei subducta sunt, vel quæ Deus *specialiter* ab hominibus exegit, & immediatè suo solius tribunali addixit.

3. Cujus generis non omnia, quæ ad Ecclesiam pertinent & ab Ecclesiasticis aguntur, esse, clarum & indubitatum est; quia multa aliter esse possunt, sicut ipsa re actuque alibi sunt, alibi non sunt, alibi sunt aliter, sine controversiâ.

4. Quæ autem Deus sine medio &

expresse postulat, ea non posse aliter se habere manifestum est, liquidem *necessaria* sunt; quod autem *necesse* est, ejusmodi est, ut sine eo res *nec esse* possit.

5. Igitur has positiones, quod omnia in Civitate, præsertim quæ ad universos spectant, summæ potestati absolute consideratæ subjiciantur, ita ut juberi prohiberique possint, & rursus, quod ea, quæ Deus necessario exigit suæque cognitioni sine medio reservat, humanis imperiis mutari nequeant, facile, puto, impetrabimus.

6. Scilicet eo sensu, quo Ambrosius, *Ea quæ divina sunt, inquit, Imperatorie potestati subjecta non sunt.* T. 3. ad Marcellin. *loc. epist.* utrumque membrum Bohemicæ Confessio Ecclesiæ expressit *art. xvi. Verbo Dei præcipitur, ut omnia Summis Potestatibus per omnia subdantur, in his tamen quæ DEO ejusque VERBO NON ADVERSANTUR.*

7. Haud tamen defugimus limitationem quorundam; Nisi quædam externa ejusmodi sint, ut interna quoque Ecclesiæ jura involvant aut impediunt, Nam talia magis est, ut pro internis & immutabilibus habenda sint. Exempla proferri

ferri non vidimus, si qua sint, ea vel hac interpretatione vel è sequentibus occupatum iri confidimus.

8. Quod autem multa sint talia in Ecclesiasticis, quæ aliter aliterque se habere queant, ut verbo Dei non advertentur, ex *infra* dicendis manifestum fiet, eaque omnia Imperio Civitatis, eo quo diximus argumento, sub ista limitatione tamen, subiecta videntur.

9. Nec utimur eâ ratione, quâ D. Vede-
lius in *d. tract. de Episc. Const. M. passim*, alique vulgò utuntur; quod Potestates Christianæ plerumque sint Ecclesiæ membra, & quidem præcipua; *Nam agimus de jure, quod Summæ Potestatis, quâ tali, adeoque etiam infideli competit.*

10. Ecclesiæ Membro, utcunque præcipuo, quatenus pars totius est, nihil juris quam è consensu Ecclesiæ adscribi potest. Eminentia posset quidem esse ratio suaforia & probabilis, ad ejusmodi jus è consensu acquirendum, sed per se nihil ad eam rem confert.

11. His contentaneum est, non morari nos argumentum, quod alii objiciunt; *Si potestas Civitatis habet regimem Ecclesiæ, oportet hoc habeat, vel ut Potestas, vel ut membrum Ecclesiæ; non priore sensu, ajunt, quia tunc etiam infidelibus adscribendum esset, quod absurdum rentur; non posteriorve, propter rationem modo à nobis collocatam.*

12. Jam diximus, externum regimen Ecclesiæ pertinere ad Summam Potestatem, sive Principem quâ talem, etsi ab Ecclesia alienum, vel infidelem, aut mulierem vel infantem; nec absurdi imputationem extimescimus, ut ex *sequentibus* intelligetur.

13. Nunc sufficit dixisse, jus illud externum esse partem, ut in scholis loquuntur, *potentialem* summi Imperii, nec ab eo separabilem; proinde, cum

hoc iptum infidelibus, feminis, infantibus competere possit, nihil insolens dixerit, qui jus illud Ecclesiasticum iidem tribuit.

14. Rarò equidem usu venit, ut Imperantes à fide alieni se rebus Ecclesiæ, quam pro tali non agnoscunt, misceant; Si tamen ita instituunt, ut sæpe fit in Ecclesiis quæ permittuntur, etsi non probentur, idem jus illis quod ejusdem fidei Regnantibus competit, esse tribuendum, ratio dicitur.

15. Adeo ut Patriarcha Græcus ex ordine Clericorum ejusdem nationis, à Turcico Imperatore constitutus, pro illegitimo non magis sit habendus, quam qui olim à Christianis Imperatoribus electi fuerant; & Synodi Gallicanæ quondam à Rege Pontificio Reformatis concessæ nihilo minus habuere juris, quam qui à Principibus aut Ordinibus Reformatis alibi convocatæ fuerunt.

16. Porrò ad approbationem sententiæ, quam suscepimus, duæ res explanandæ sunt. Prima, quænam sint ea, quæ Deus necessariò exigit, suoque tantum judicio vult esse obnoxia.

17. Dein, quæ res ad sacra pertinentes, non sint ejus naturæ, verum abesse aut diversimode se habere queant.

18. Necessaria Dei præcepta sunt vel *naturalia* vel *revelata*. Naturalia, de quibus actum *sect. 1. cap. 2.* sunt ea videlicet, quæ necessitatem aut turpitudinem habent moralem.

19. Nam ejus rei discretionem non habemus ex solâ informatione vel exemplis aliorum, ut quidam inutiliter volunt (*respice ad sect. 1. cap. 2. n. 14. & seqq.*) sed Deus cordibus nostris, quod indubitatò sentire queamus, eam inpressit.

20. Hoc est, *φύσει τῶν νόμων ποιῶν, ἔργῳ δὲ νόμου γράπτειν ἐν ταῖς καρδίαις, περὶ naturam facere quæ legis sunt; opus legum inscriptum cordibus. Ο ἰσὸς αὐτοῖς παραγε-*
σι, Deus

σι, *Deus ipsis manifestavit*, quæ omnia Paulus de gentibus adierit, 1. & 2. ad Rom.

21. Et Plato, novisse hoc discrimen *ἐνθὺς γενέσθαι ἡμῶν ἕκαστον, quemque nostrum simul ac natus*, id est, simul ac nativa ratione uti potest *lib. 8. de Legib.* adfirmat. Et Plutarchus, *ταυτὸν ἐπιπέδω Θεῷ, καὶ τοῦ πείθεσθαι λόγῳ, Idem est, Deum & rationem sequi*, quod de necessariis naturæ præceptis accipiendum; nam in probabilibus fallit.

22. Necessaria igitur naturæ præcepta, conscientiam generis humani ita obstringunt, ut imperio Civitatis nullam mutationem recipere possint, obstante majori Imperio divino.

23. Ita Rex Ægypti obstetricibus imperabat, Hebræorum infantes masculos interficere; Non paruerunt, *quia Deum timebant*, additur ratio: Jus enim Naturæ & ejus auctor Deus hominem scilicet innocentem neci dare vetabant.

24. Sequuntur Revelata Dei præcepta; & hæc sunt, quæ Deus benignè, salvâ justitiâ suâ, ad salutem corrupti & perditionis generis humani, *per filium suum procurandam, ministerio Prophetarum & Apostolorum manifestavit, & sacris utriusque fœderis libris comprehensa voluit.*

25. Quorum capita credimus à Deo esse, non ex auctoritate coetus præsentis fidelium, quem *Ecclesiam* vocamus; Neque ex historica fide miraculorum, quibus olim in terris eadem ob signata leguntur.

26. Quoniam efficacia rationum illarum fundamento auctoritatis humanæ carere non potest, in eamque resolvitur, ita, ut credulitas magis quam certa fides esse videretur.

27. Neque etiam solis nitimur indicibus & argumentis veritatem sanctimoniamque Scripturæ ita persuadentibus, ut naturali quoque rationi convincendæ sufficere possint.

28. Nam etsi reverâ talis *φανέρωσις εἰς πάντων συνείδησιν, demonstrativa vis ad omnem conscientiam*, ut Apostolus ait, 2. Cor.

5. 2. inhiat sit mysteriis Christianæ confessionis, cujus quoque rejectæ poenas dabunt reprobi, tanquam *ἀναπολόγητοι*, 1. ad Rom. 20. certum tamen est, quod sola ratione naturali in rebus fidei, fidei non liceat, 1. ad Corinth. 2. v. 14. cum rationes istæ tot dubiis & cavillationibus impiorum obnoxie sint, ut amplius aliquid opus sit ad plenam certitudinem, quam *πληροφορία* sacræ literæ vocant, animis inradicandam.

29. Quid ergo tandem? Quod Hobbes cum supercilio negat *c. 18. §. 5. & 14.* id nos adferere, quatenus Christiani sumus, non est quod pudeat, nec verebimur, ne idcirco *Apostate rationis*, ut ille amat loqui, esse videamur.

30. Si dixerimus, *Largiri Deum vere credentibus testimonium Spiritus sui*, quo de veritate eorum quæ sacris literis ad salutem suam necessaria continentur, certi, intimaque *πληροφορία* sint adseverati.

31. Illa est *ἀπόδειξις πνεύματος καὶ δυνάμειως, demonstratio spiritus & potentie.* Τὸ πνεῦμα τὸ ἐν ἡμῶν, ἢ αἰδωμένη, &c. *Spiritus qui ex Deo est, per quem intelligamus quæ a Deo sunt &c. ἢ Θεὸς ἡμῶν ἀπάλυψις ἀπὸ τοῦ πνεύματος αὐτοῦ, quæ Deus nobis detexit per spiritum suum*; eamque facultatem Paulus opponit τῷ πνεύματι καὶ διδακτοῖς ἀνθρώπων σοφίας λόγους *Persuasivis & eruditus humanæ sapientiæ rationibus*: 1. ad Corinth. 2. v. 4. 9. 12. 13.

32. *Αὐτὸ πνεῦμα συμμαρτυρεῖ τῷ πνεύματι ἡμῶν, Ipse spiritus suum testimonium jungit spiritui nostro*, ep. ad Rom. 8. 16. *Qualis spiritus? ἐν ἡμῶν καὶ ἐξ ἡμῶν, Ἄββὰ ὁ πατήρ, dixerat v. 15. & Gal. 4. 6. per quem vociferamur, Abbâ Pater*, quod non est ratiocinationis, sed *ἡμῶν βίαις*, ut sic loquar. Hoc est *sigillum & pignus fidei*.

dei; quam sequitur ἀπὸ τοῦ οὐρανοῦ καὶ πνεύματος ἁγίου ἐπιπέσει ἐφ' ἡμᾶς, pignus per quod, cum credideratis, obfignati estis: 1 ad Ephes. 13. 14. Omnia convenienter promissioni Servatoris ad finem mundi duraturæ. Iob. 14. v. 26. & 16. v. 13.

33. Ex quibus liquet, esse illam de qua loquuntur Dominus & Apostolus, ejusmodi gratiam, quæ non saltem comiteretur & adjuvet naturalem iudicii vim, ut capita fidei rectè apprehendat; quod tamen omnino quoque præstat.

34. Sed insuper, quæ a rationali demonstratione ac apprehensione, nec non à rectæ conscientie gaudio plane & perspicue diversa totoque genere distincta ac evidenter sine medio mentibus affusa est.

35. De qua Calvinus loquitur, cum ita scribit, Unde statuimus, fidei notitiam certitudine magis quam apprehensione consistere. Et paulo ante; Johannes testatur, inquit, fideles scire, se esse filios Dei, & sane certò sciunt; sed divinæ veritatis persuasionem confirmat magis, quam rationali demonstratione edocet. lib. 3. Inst. c. 2. §. 14. non quod ratiocinationem scripturis convenientem summus ipse ratiocinator excludat, verum quod hac sola, fidei certitudinem absolvi non putet.

36. Plura id genus undique proferri possent, si dubium esset, Christum non ira deseruisse gregem suum, ut cum eo prorsus non communicet amplius occultas, mirabiles, ineffabiles & veras in corde revelationes, sicut olim Synodus Arausica. apud Voss. de Pelag. in præf. loquebatur.

37. Frustra exceperis, quod imaginariū esse queat hoc testimonium; siquidem & ἀπὸ τοῦ οὐρανοῦ καὶ πνεύματος ἁγίου, nec verè credentibus aliquid ejusmodi evenire dicitur.

38. Cum enim consistat testimonium illud in ἀνεπιβεβαιώσιμα, id est, certitudine animique persuasionem penetrantissimā, scrupulus de veritate fallaciæ non cadit in illos.

39. Præter quod minime desunt rationes, quibus ludibria mentium passionisque animi ferventiore motu spirituum animalium concitata, vel imposturæ geniorum à sanctis motibus discerni queant.

40. Enimvero ad alios hujus rei argumento convincendos hanc observationem non esse idoneam, facile conceditur: neque pro se quisquam hodie ulterius eam extendere posse videtur, quam ad summam salutis per Christum partem inque sacris perspicue traditam; quod ad divinitatem totius scripturæ cuilibet conscientie adprobendam amoliendumque enthusiasum sufficit.

41. Ἀλλὰ τὴν μὴ τὴν; Quorsum hæc nobis? Ad id quod propositum erat; si certitudo Scripturæ Sacræ & summa credendorum divinitus præscripta, in cordibus nostris efficaci testimonio Dei obfignetur, palam est, fidem nulloquam solius Dei iudicio imperioque esse subiectam.

42. Idque non modo quod ad illam summam regulam attinet, Jesus est Christus Dei, ut Hobbes vult, sed respectu omnium quæ in scriptura traduntur; siquidem ea Deum habet auctorem, qui omnem suam voluntatem à singulis fidelibus vult percipi & impleri, quod hi certo norunt, etsi non omnia singulaque pari certitudine perspiciant.

43. In universum igitur, quicquid ad internum jus conscientie pertinet, seu naturale sive revelatum, cum immediate subditum sit Deo, ipsius duntaxat iussu prohibitoque in illis spectari debet; ideoque nulli Imperio Civili vel Ecclesiastico quicquam juris est in illis vel prohibendis vel augendis vel mutandis.

44. Hoc etiam post alios dicitur Confessio Belgica, dum ait; Cuncti homines, cujuscunque sint dignitatis vel conditionis ac status, Legitimis Magistratibus subijci debent & eis in omnibus obsequi &

obedire *QUÆ VERBO DEI NON REPUGNANT.*

45. Plane si hoc regimen internum Christi, quo ipse caput singula membra corporis sui mystici verbo & spiritu regit,

ab externo, quod homines vario arbitratu instituunt, bene discerneretur, non toties Papa vel Presbyteria pro Imperio Regis Jelu spiritali, suas constitutiones arbitrarias inculcarent.

C A P. I I I.

Quo usus sententiæ prioris exponitur.

Quæ ex naturalibus, præcepta, sint immutabilia honestate morali, quæque satis conscientiam edocere. Ex sacris propriè dictis, primo, confessionem fidei ad intrinsicum jus conscientiæ pertinere, quæque ad cultum Dei præterea spectant; jus quoque Clavium & Doctores statuendi. Circa illa tamen omnia, verti jus civilis Potestatis, modo, quæ divinitus præscripta, non mutantur: specialiter, quid faciendum, si de capitibus fidei non conveniat. Modum gubernandi Ecclesias videri externum, proinde imperio subjectum; idem forte de electione Pastorum, sub cautionibus certis. Personas & res Ecclesiasticorum non eximi Imperio civitatis. Bona tamen ecclesiarum alienari non posse ab imperantibus. Quid juris habeat Princeps, qui à civibus suis, in rebus sacris dissentit.

Pertinet igitur sine dubio ad jus illud internum *Confessio Fidei*, quæ ex sacris literis petenda est, & cujus ratio soli Deo debetur: Quam proinde Imperium civile nec imperare nec prohibere potest, ut *Religio imperarum potest*, *Cassiod. lib. 2. ep. 27.* *Bernhardus, Suadenda fides non imperanda. serm. 66. in Cant.*

2. Huic cohæret *facultas exercendi Convensus fidelium*, eo numero, qui ad excitandam religionem credentiumque communionem sit necessarius; cum ejus rei præceptum à Deo in verbo suo expressum extet, atque à fidelibus semper, invitis etiam Potestatibus mundi, hæc facultas exercita fuerit.

3. Eodem spectat judicium de fugiendo illorum consortio, qui fictam fidei adseverationem morum improbitate detegunt.

4. Nam ratio unionis inter fideles & metus contagionis è peccatis ad internum jus conscientiæ pertinet, & à *Christo Apostolisque passim inculcatur.*

5. Hinc sequitur, *ius clavium* quod dicitur, esse mere ecclesiasticum, Et à cœtu fidelium contra cujuslibet homines conditionis, sibi aggregatos, recte exerceri; non tantum denunciando minas & promissiones Evangelicas, sed etiam excludendo indignos à communionem Sacrorum.

6. Non quod juris aliquid coactivi, vel jurisdictionem, ut volunt, Consistorialem habeant à Potestate Reipubl. independentem, sed quatenus se illis duntaxat, quos sciunt esse pollutos, subducunt ipsisque separationem illam insinuant.

7. Quam

7. Quam ad rem necessum est, competere *Ecclesiæ* aliquod jus cognoscendi de moribus, & consequenter eosdem cœlestium rerum gratiâ pronuntiandi indignos.

8. Idque etiam ratione doctrinæ; non quod eam alii imperare queant, sed denunciare possunt dissentientibus, se non posse cum illis habere cultum eundem & signa communis gratiæ, quamdiu ita sentire se profitentur, ut in summam doctrinæ salutari impingere videantur.

9. Denique, Doctores ubi & Rectores, qui in omni cœtu sunt necessarij, præponere possunt *Ecclesiæ*, sicut eos præposuerunt tibi Apostolicæ, non volentibus etiam Imperatoribus civitatis, in qua debebant.

10. Primos ipse Christus Dominus speciali mandato instructos mitit, ad omnes populos, qui rursus alios singulis locis constituerunt aut creari curaverunt, adhibitis etiam ritibus certis, quibus surrogatio missionis primæ & divinæ ordinationis auctoritas adumbrata fuit, idque manu illorum, qui prius eo modo constituti fuissent.

11. Res tamen hæc ad eò necessarij usus non est, ut tametsi in aliquo cœtu fidelium non possit haberi talis surrogatio per ejusmodi manum, *Ecclesia* tamen, quæ est cœtus quilibet in nomine Domini congregatus, debeat esse destituta Pastoribus; ac ideo qui Spiritu & dotibus ad pascendum & docendum necessarijs instructus ab illo cœtu adscitus est, quominus pro Pastore vel Doctore legitimo habeatur, nihil ob stare videtur, & firmat promissio Domini Jesu, in medio cujusslibet fidelium congregationis sese adfuturum.

12. Hæc, inquam, omnia, ignaris quoque & invitis Imperantibus, fieri potest consentaneum est, sicut ab Apostolis primisque Christianis ex mandato Domi-

ni contra voluntatem Imperatorum instituta sunt.

13. Quamvis autem hæc & similia *Ecclesiæ* ab Imperantibus adimi & interdici nequeant, inde tamen non sequitur, nullas in his rebus esse partes Summæ Potestatis, quæ est in quaque Republica.

14. Nam generaliter verum est, Summas Potestates habere jus exercendi quoslibet actus jurisdictionis imperii que in suos cives & eorum actiones, omniaque dirigendi, quæ ad constituendum augendumque Dei cultum pertinent; modo nihil, inquam, derogent iis, quæ à Deo determinata sunt.

15. Ut per partes eamus, primò, quod ad fidei Confessionem attinet, si hæc Imperantibus ad animum pertinet, jus habent ea quæ vero cultui Numinis adversantur, impediendi & puniendi. Sic Ezechias amovit excelsa, fregit statuas, excidit lucos, ipsam etiam serpentem æneum à Mose factum, cui adolebatur, comminuit. 2 Reg. 18. Josias comburi jussit idolis consecrata, lucum incendit, altaria & excelsa idololatrica destruxit. 2 Reg. 23. Nebuchodonozor membratim discerpi jussit eos, qui Hebræorum Deo maledicerent. Dan. 3. 29.

16. Nec tantum in Atheis & Idololatrias animadvertere possunt, sed & omnes qui evidenter secus, quam fert publicis *Ecclesiæ* consensus, docere instituant, cohibendi atque coercendi jus habere videntur. Quemadmodum recepto in *Ecclesia* Sacrosanctæ Trinitatis dogmate, Imperatores, ne quis de eâ publice contendere audeat, sanciverunt, sit. C. de Summâ Trinit. & fid. Cathol. & ut nemo de eâ publice contendere audeat.

17. Quod si de consensu *Ecclesiæ*, super aliquo dogmate, dubitetur, partes utrimque, ad silentium, vel ad certos terminos de controversiis adigi possunt.

videntur, utique ad tempus & per modum *provisionis* quam vocant: Divisiones interitæ molientibus poena pro modo commissi staturâ.

18. Donec decisio ab iis qui numero in Ecclesia prævalent, interponatur; siquidem in hoc mundo alius controversiarum exitus non datur. Sed judicandi per se de rebus divinis facultatem, proque suo judicio imperandi Ecclesiis earumque Doctoribus, quo pacto capita Religionis controversia tractare debeant, habere non videntur, Quicquid hac de re prolixè Grotius in *suo tractatu* contendat, c. 6. & *seqq.*

19. Nam hæc res pertinet ad ipsam Fidei Confessionem, quæ ad verum jus internum à Potestate civili alienissimum pertinet; addito, quod antea diximus; Christiano Magistratui (voci usus ad Summam Potestatem producto) non plus competere quam Magistratui infideli, cui sane tale jus congruere non potest.

20. Porro, juxta consensum Ecclesiæ, Potestas edicta condere & leges, quibus concordia servetur, ipsique Ecclesiæ Doctores pareant, præscribere potest.

21. Convictis aut consensu reliquorum superatis separatique, tantum libertatis seorsim dabit, quantum expedire judicabit; Quæ res ad conscientiam cæterorum, quibus integra causa manet, spectare non videtur.

22. Quod si inferiores publicæ quieti non sint adversi, nec apertè blasphemii, poenis nec corporalibus neque pecuniariis mulctari posse videntur.

23. Nec quidem ob cætus modicos sacrorum causa duntaxat celebratos; nisi contra Schismaticos secus videatur; maxime, si discrimen adeo modicum sit, ut contumaciæ quàm religioni res prior videatur.

24. Alioqui jus celebrandi sacrorum

communione & divini cultus, Civili Potestati non esse obnoxium *antea diximus.*

25. Quemadmodum nec est Censura & animadversio morum atque doctrinæ; unde nec Appellandi facultas ad Summam Potestatem harum rerum causa datur, cum appellatio supponat Imperii subordinationem.

26. Quod tamen non impedit, quominus Imperanti advertere liceat, ne quid enormitatis hac occasione committatur, neve sub prætextu religionis aut censuræ factiones inimicitiaque exerceantur.

27. Præterea, modus & tempus aliaque circumstantiæ exercendi illa jura, hoc est, edendi confessionem fidei, instituendi conventus atque censuram, adeoque tota ratio gubernandi cætus credentium, non est ita proprius Ecclesiæ, ut Summæ Potestati hac parte nihil juris aut inspectionis sit comparatum.

28. Huc spectant Leges, quæ Baptismi ac Sacræ communionis canonem elata voce, ut à populo exaudiatur, pronuntiari jubent: *Nov. 137. c. 6.* Quæ ventant, sacra mysteria in privatis domibus peragi: *Nov. 58. & 131. c. 8.* Ne laici Litanias, id est, supplicationes publicas, nisi præsentibus Clericis, celebrent: *Nov. 123. c. 32.* Ne Presbyter fiat minor annis xxx: *d. Nov. c. 13.* Ne quis Episcopus absit ab Ecclesia sua, nisi Summæ Potestatis consensu, & ne sic quidem diutius anno: *d. Nov. c. 9.* & id genus alia *passim.*

29. Denique, in omnibus hæc potestas Civilis exerceri potest, quæcunque consensu Christianorum, salva religione fideique concordia, sacrisque literis *aliter ac aliter habere se possunt.*

30. Infinita enim sunt, de quibus in literis sacris nihil per omnia certum & immutabile constitutum legitur. Quæ autem

autem in illis primitus obtinuisse leguntur, hodie pleraque nusquam exacte servantur.

31. Inter quæ est, regiminis Ecclesiastici ratio, quæ hæctenus à Summa Potestate præscribi posse videtur, quatenus nihil a Domino prohibitum instituitur, *ut toties dictum.*

32. Multo magis in consiliis & conciliis Præfulum, Legatos Reipubl. adesse, tam juris quam politices ratio permittit & sæpe numero postulat.

33. Proinde & illis, quæ ad jus externum spectant, à collegiis presbyterorum ad Potestatem civilem appellari posse manifestum est.

34. Facultas eligendi *Doctores* rectius quidem omnino cœtui fidelium ipsi tota relinquitur: Nec tamen ad internum & inseparabile jus conscientiæ referendum videtur.

35. Modo non admittantur, quam qui à peritis rerum sacrarum idonei ad docendum sint iudicati; Omnibusque potestas conquerendi refutandique libera detur.

36. Quibus servatis, conscientiæ satis consuli nec absurdum vel impium esse videtur, jus eligendi ab Imperantibus immediatè vel per alios exerceri.

37. Sicut enim hæc res certo modo in sacris literis definita non extat, ita nec eodem modo à populis Christianis observata fuit: nec enim populus semper universus elegit, sæpe à certis Patronis sunt electiones, alicubi à paucis Aristocraticè; quod non tantum modo, sed etiam specie à populari electione discrepat. Et si enim Senatus Ecclesiastici repræsentare dicantur Ecclesias totas, illa tamen repræsentatio in plerisque populis non includit dependentiam à populo, cujus idcirco jus in Senatum privativè collatum est.

38. Quod hoc aliisque modis immu-

tari potest, hoc ad ea quæ divinitus præscripta ac immutabilia sint, referri non potest.

39. Si tamen usquam, heic verum est, quod antea occupavimus, ut venire posse, ut ejusmodi sint merita circumstantiarum, quibus jura specialiter non determinata divinitus, eo modo à Potestatibus Reipubl. tractentur & obtundantur, ut per consequentia in perfectam prohibendi rationem incidant, ipsumque jus *essentialiter*, ut loquimur, Ecclesiæ competens evertant. Cujus rei à prudenti dijudicatione singularium dependet existimatio.

40. Jam si ipsum eligendi jus, positum illis temperamentis & requisitis, penes civitatis Rectores esse potest; jus approbandi personas electas facilius ab iisdem exerceri potest: Et quidem sicut electio fit ab iis, quibus id jus competit, non redditis rationibus; ita nec causæ quicquam esse videtur, quare nec approbatio, quæ est pars ab electione decerpta, eodem modo fieri possit.

41. Cæterum, Personas & bona Ecclesiasticorum Imperio civili nullo jure subduci extra controversiam collocamus; Ut & publicis *præstationibus ac pœnis* propter commissa Legum sine dubio sunt subjecti.

42. Etiam ut ob malos mores, causâ cognitâ, non tantum stipendio, quod è publico capiunt; *sed & munere docendi certo & stato loco privari possint, non æquè caractere & jure prædicandi verbum Dei.*

43. Unde quibus certo loco interdictum est concionari aut agere, hos non prohiberi Evangelium alibi in eodem licet Imperio prædicare, statuendum est.

44. Bona quoque Ecclesiæ in usu Reipubl. Potestates convertere non possunt; Nihilo magis quam res cujusque privati.

45. Qui

45. Quia Ecclesiam esse cœcum à Civitate distinctum, secus ac vult *Hobbes*, nobis indubitatum est, & ex dictis jã liquet.

46. Quatenus tamen Respublica & Ecclesia aliter servari nequit, aut ob causas valde pias, alienari possunt; Quoniam ad tales usus illa bona vel maxime comparata esse videntur.

47. Bona autem corruptæ Ecclesiæ, modo Christianæ, dicata, licet addito fine *supersticioso*, fuisse & manere Ecclesiastica, etiam professio religionis emendata fuerit, dicendum putamus.

48. Perinde nec in hoc casu talia bona ab Imperantibus distrahi vel in usus profanos converti possunt, sed vitio ordinationis sublato, in religiosos usus pioſque converti debent, qua dere locus agendi *inferius* occurret.

49. Cæterum, quando facienda sit alienatio, si unquam facienda, ejus rei civile judicium est, neque per se, id Ecclesia potest decernere, cujus membra tantum habent usumfructum eorum bonorum.

50. Si quoque Princeps *universum* hoc suum jus externum in aliud Collegium aliamve personam singularem Episcopi, Superintendentis aliove titulo transferre velit, exercitio tenus, potest equidem; modo nihil ei tribuat, quod à corpore credentium separari non posse diximus.

51. Ex his & quæ similia sunt, potest colligi, quoniam sensu Principes *capita Ecclesiarum* dici queant; Solum jus externum huic titulo, si bonus est, facultatem tribuat, oportet; quo rectius omnino Principes abstinent, quemadmodum in Anglia cum *Welhelmus* Rex ibi nuper inauguratus est, abolitum fuisse accepimus.

52. Cæterum, esse liberum Summis Potestatibus, dissidere à cultu recepto, non minus quam privatis, res ipsa loquitur:

53. Nec ideo cives Principi aut Optimatibus obsequium negare possunt, quod de sacris aliter quam prævalens populi sui multitudo sentiat.

54. Quod tamen lege fundamentali aliter constitui posse, sicut in Anglia & Scotia nuper constitutum est, dubitari non potest.

55. Quin imo jus habere Summas Potestates, immunitatis publicæ et itis exercitium permittendi, *in universum quidem*, indubitatum videtur.

56. Quin & jus prohibendi aliter sentientibus, ne publicos solennesque conventus habeant, ne majoris corporis unionem stabili regimine forment, habere videntur.

57. Sed ne omnino conveniant, ne Doctores ullos habeant, ne libros legant, ne Deum suo more colant, id ab eis prohiberi nequit.

58. Quoniam hæc res sine medio pertinent ad necessariam conscientiæ administrationem, quæ non est subiecta Imperio.

59. Multo minus externis pœnis ob hæc novissima sævire licet, quia sanctio, quæ pars legis est, non potest habere locum, ubi lex ipsa cessat.

60. Sed interdicare civitate heterodoxos, salvis vita atque fortunis, si expedire judicet, eum posse existimaverim. Quoniam hoc præmunimenti adversus propagationem potius, quam supplicii rationem habere potest.

61. Etiam ut effectus aliqui juris publici illis præcludantur, velut, ne munera publica singuli, ne cæteris eorum è testamentis capiant, similiaque, decernere nihil vetat; cum his rebus fides & cultus Dei non prohibeatur.

62. Excedunt hunc modum Juris Romani sanctiones, non in eo quod hæreticis adimunt privilegia Religionis concessa *l. 1. C. de Hæret.* nec quidem
in hoc,

In hoc, quod nulla ipsis loca publica ad exercendos cultus permittunt, sed ea Catholicis donant l. 3. eod. Verum quod omnes eorum conventus sub gravissimis multis prohibent l. 3. §. 1. eod. Quod omni commercio illis inter vivos & mortis causa interdicitur l. 4. §. 2. & seqq. eod.

63. Imo hæresin faciunt crimen publicum, etiam mortis supplicio subjiendum, saltem de Manichæis & Donatistis d. l. 4. & 5. eod.

64. Communes autem hæreticos etiam nimis rigide distinguunt, dum ita statuunt; *Hæreticorum vocabulo continentur, & latis adversus eos sanctionibus succumbere debent, qui vel levi argumento à judicio Catholice religionis & tramite devecti fuerint deviare l. 2. §. 1. eod. tit.* Quid ex ratione juris Publici verè faciat hæreticum, videbimus alibi an defini possit.

65. Ex his omnibus judicare licet, utrum Ecclesiæ Præsulibus competat Legislatio, competat jurisdicctio circa sacra; an Summæ Potestati illud potius tribuen-

dum. Posteriùs affirmatur, quatenus nihil (*hoc sotes repetendum*) in his quæ à Deo præfinita sunt, mutatur.

66. De rebus intrinsecus ad sacra pertinentibus, nemo mortalis habet jus ferendi leges, quia in hisce jus ligandi conscientias Deus sibi soli reservat; denuntiatione, quæ ministerium est, commissâ duntaxat Verbi Ministris.

67. Tamen etiam *ἐκ τῆς*, de rebus, quæ aliter habere se possunt & circa ordinem rerum sacrarum utiles sunt, Ecclesiastici rectè canones faciunt; quorum ea vis est, quam præstare queant coetus, qui *ἀνυμνασίαν* coactivâ facultate carent, ita ut proprie vim obligandi à potestate civili accipere debeant, à qua etiam abrogari possunt.

68. Quemadmodum & reliqua Ecclesiis usurpata, quæ ad similitudinem jurisdictionis aut legislationis accedunt, haberi videntur ex speciali, aut generali delegatione summæ Potestatis, *sicut ex principio hujus doctrinæ semel stabilito, colligi potest.*

C A P. I V.

De monitiis quibusdam & cautionibus prioris sententiæ.

Jus Summæ Potestatis circa Sacra triplici modo variatum : pro bono & æquo , pro jure , quod est deterius , pro eo quod tantum obligat ad patientiam , & hoc quousque se extendat. Intelligendum autem illud & omne jus sacrorum de Potestate vere summâ & sine præjudicio Legis Reipubl. fundamentalis. In seditiosos gravius consulendum. Non distingui in hujus juris exercitio , inter rectè vel secus sentientes de sacris ; tamen ad apertè impias opiniones vel ad blasphemos non extendendum , sed hos gravius coercendos. Ubicunque major numerus suffragiorum pauciores obligat , illam esse potestatem externam & à Civili Potestate dependentem.

PRæcedentis Capituli positiones magni res momenti paucis verbis complectuntur , rationibus singularum à fundamentis ab initio adstructis & connexionem rerum pendentibus.

2. Sed observandæ sunt cautiones quædam , ad rigorem quarundam positionum , qui forte quibusdam inesse videbitur , vel si quid *alicubi* desit , supplendum.

3. Primo, repetenda est in memoriam distinctio Juris in *capite primo* collocata , quod Jus non modo significet bonum & æquum , sed etiam facultatem ad aliquid habendum vel agendum , etsi non rectè semper exerceatur , quod fit bifariam.

4. Potest enim aliquis exercere suum jus male quidem , sed ita tamen , ut nulli faciat injuriam , vel quod suum est auferat , qualis est qui prodige donat & suum jactat.

5. Potest etiam fieri , ut aliquis alteri faciat injuriam & tamen jus habeat hæcenus , ut illum obliget ad ferendum vel patiendum , quomodo pater jus habet filium nihil mali meritum verberandi , ut is reverberare non debeat.

6. Triplex ille juris usus in hac etiam materiâ de jure Summæ Potestatis circa Sacra discerni potest. Nam quod Ezechias , quod Josias , quod Constantinus , quod Carolus Magnus aliique religiosi Principes circa res sacras egerunt , ad primi sensus exempla referendum nemo negabit.

7. Rursus , quando Summæ Potestates errantibus sæctis prærogativam dignitatis in publico & solenni cultu , in præmiis & commodis externis tribuunt , hoc est quidem jus quo uti possunt , sed male sumptum & exercitum ; nihil tamen suum auferunt orthodoxis , quia tales externæ prærogativæ à Deo Ecclesiis necessariò addictæ non sunt.

8. Si Potestas Summa nolit Ecclesiæ concedere certam methodum habendi Consistoria vel Classes aut Synodos , nec electionem Pastorum & Doctorum suorum , sed ipsi præponat quos velit aut certis hominum ordinibus id permittat , servato quem supra diximus modo , jus quidem hoc est , sed ejus generis , quod secundo loco posuimus.

9. Si verò *Potestas Summa* res suas Eccle-

Ecclesiis adimat ejuſque bona in uſus profanos convertat, hoc quidem eſt ejuſmodi juſ, quod Eccleſiam obliget ad patientiam; ſed tamen injuriam facit Eccleſiæ & auferit ei quod plene pertinetque ipſius eſt.

10. Quod magis eſt, ſi Summa Potestas Confeſſores veritatis opprimat & ſuppliciiſ perſequatur, equidem, facit injuriam Eccleſiæ, nec tamen hæcenus non habet juſ, quo Chriſtiani fideles ad patientiam teneantur.

11. Ita Petrum Chriſtus, ita Petrus alios inſtituit, non eſſe gladio contra perſecutiones utendum; fugere, dolere, flere, gemere permiſit, *aliter nec debeo nec poſſum reſſtere*, ait Ambroſ. *adverſ. Aux. Matth. xxvi. 25. 1 Petr.*

11. 19. Nec aliter notiſſima veterum Chriſtianorum diſciplina tulit.

12. Vocat hanc Petrus *Gratiam, pati mala propter conſcientiam*; d. v. 19. quia Deus hanc humilitatem & patientiam ſua ſpirituali gratiâ remuneratur: Cum ex adverſo, qui armis veritatẽ defendunt, ferociam à Chriſti Spiritu valde alienam, quin & feritatem animis induere ſoleant.

13. Secunda admonitio, prioris erit limitatio; Quæ de Jure Sacrorum & de non reſiſtendo Potestati Reipubl. diximus, ea de Potestate verè Summâ, non de Principibus, qui magis primi quam Summi ſunt, neque de his qui cum Ordinibus populi Imperium pariter habent atque exercent, accipienda ſunt.

14. Nec etiam præjudicant ei, quod in quaque Republ. Lege fundamentali de Religione receptum & conſtitutum eſſe queat.

15. Quominus enim qui partem Imperii, vel Legum, quæ fundamentales dicuntur, cuſtodiam habent, juſ ſuum æquè pro Religione, quam pro aliis facultatibus exercent, non obſtat illa hu-

milis & patientia à Chriſto inculcata ſectatoribus ſuis.

16. Nec enim de nihilo eſt, quod idem juxta ſimplicitatem columbæ, viperinam commendat prudentiam, ut quiſque jure ſibi comparato, ad amolendas quoque religionis cauſa factas injurias, uti poſſit; quemadmodum Paulus Apoſtolus aliquoties haud ſegniter inſtituit.

17. Sequens admonitio eſt, de ſeditioſis, qui vere ſunt tales, prætextu vel deſentionis vel zeli in cauſa religionis demonſtrati; modo hæc calumnia, quemadmodum ſæpe fit, non impingatur ſinceris & intrepidis veritatis & pietatis confeſſoribus.

18. Quominus autem qui verè ſeditioſis, ſacro prætextu, rei fuerint, pœnâ ſeditioſis impoſita teneantur & adfici poſſint, nulla dubitandi ratio eſt.

19. Monendum & hoc; Quemadmodum in jure civitatis circa Sacra non diſtinguimus, cujus ſententiæ de Fide ſint hi, qui tenent Summam Potestatem, ita quod ad externi juris effectus attinet, non diſtingui, utrum cives, contra quos Summa Potestas illud ſuum juſ exercent, recte vel ſecus de Fide ſentiant.

20. Atque ideo Pontificios Rectores idem juſ habere in Eccleſias Proteſtantes, quod Principes aut Optimates Proteſtantium habent in Eccleſias Pontificiorum, aliasque diverſum ab his qui præſunt civitati, de ſacris ſentientes, omninò ſtatuendum eſt.

21. Etſi enim proprium juſ ad veritatis confeſſores ullo modo coarctandos, nullum eſſe poteſt, quia tamen hoc incertum, & quæque Summâ Potestas eſt Juxta in cauſa ſuorum & propria, non poteſt ea res à veritate vel falſitate ſententiarum ſuſpendi.

22. Quare etiam Orthodoxi æquo animo ferre debent, ab errantibus in fide Superioribus ſuis eadem, quæ Orthodoxi Reges & Principes in errantes exercent, &

ercent, & rursus H. non debent in errantes usurpare plus juris, quã *suprà* Potentati civ. li in Ecclesiam competere diximus.

23. Quod tamen in infinitum extendi non debet, ut etiam ad eos qui Deum ejusque verbũ & Christum agnoscunt, ad sententias tamen unanimiter à Christianis damnatas & impias deficiunt.

24. Talibus enim non modo civitate, ne venient, interdicti potest, sed etiam dum ibi sunt, omnibus sacrorum causã conventibus, idque multã aut corporalibus pœnis, vel exilio saltem, interdici potest.

25. Maxime, si audaciam & impudentiam addant impietati, adeoque blasphemii sint, quos Deus in verbo suo puniri voluit; nec Magistratus, ut fieri videmus, civilis commodi causa illos ferre deberent.

26. Quo respectu *Calvinus* de Serveto scripsit, eum solã *modestiam* ultimum supplicium redimere potuisse; si, ut alius in quãdam Curiam Impietatis accusatus, nihil aliud præ se tulisset, quam se in *simplicitate* cordis sui ita credere de Christo Domino & Spiritu Sancto, quemadmodum Servetus & Socinus præverunt.

27. Qui enim hoc modo loquuntur, pro *blasphemis* haberi non possunt, etsi tales sint eorum sententiæ, quas doceri nullo modo permittendum sit.

28. Multo minus ad Atheismum deficientes vel unicam modo Substantiam agnoscunt, ferendi videbantur, Etsi hucusque libertatis nimiam studium in quibusdam locis indulgentiam provexit.

29. Sed ratio juris divini & humani flagitabat, ut contra ejusmodi defectores, vetus severitas supplicii non modo corporalis, sed etiam quæ jure Dei statuitur, capitalis exerceretur.

30. Postremo velim hoc mihi, ad eorum quæ dicta sunt & sequentur adstru-

tionem, concedi: quod, ubicunque *pluralitas* suffragiorum valet ad obligandos pauciores, illa potestas sit externa, ideoque dependens à Potestate Civili Suprema.

31. Nam in his, quæ Deus præscriptit & certo modo definit, non potest habere locum prærogativa suffragiorum, sed quisque tenetur ad rationem conscientiam & obedientiam suam hac parte Deo reddendam.

32. Tu dices; inde non sequitur, quod pluralitas suffragiorum in rebus à Deo non definitis à Summa Potestate pendeat, cum possit oriri & orta videatur à Consensu Ecclesiarum.

33. Verius enim est, Ecclesiam in externis non habere plus juris, quam tenet Universitas Summæ Potestati subjecta, nec hæc plus juris habet, quam aliud ullum corpus aut Collegium habere potest, ut Jcti docent & habebimus in loco.

34. Unde sequitur, Consistoria, Classes & Synodos, sine consensu Summæ Potestatis, nec constitui nec haberi aut exerceri posse; quia vis eorum in prærogativã numeri prævalentis & obligatione pauciorum ad parendum pluribus, consistit, ne de coactione, quæ tota civilis est, dicam.

35. Instantia moveri potest ab Ecclesiis independentibus, quales primitus sunt omnes, ut antea diximus, in quibus obtinet pluralitas suffragiorum, & tamẽ non erant consensu Summæ Potestatis.

36. Respondetur, in externis & à Deo non præscriptis etiam tales Ecclesias nihil esse quã Universitas, ac ita Summæ Potestati subjectas. In Spiritualibus autem pluralitas suffragiorum nullius conscientiam obligare potest ad faciendum; Ad parendum potest.

37. Postremo, respondebimus ad rationem, quæ sæpius objecta est; per hanc *concessio*.

concessionem Summæ potestati in Ecclesiasticis externis factam, impediri Emendationem Ecclesiæ tantopere necessariam; cuius ne quidem initium fieri posse, quamdiu ipsa non habet manusliberas Ecclesiæ, queruntur.

38. Ad hanc objectionem mea sicest ratio. Præcipuum emendationis officium versari in exemplis & hortamentis ad pietatem & sanctitatem, quæ parte nihil impedimenti à Politicis expectandū est.

39. Quæ verò præceptis & facultate

coactiva Reformatio elaboratur, in animis à sanctitate alienis, ad quam Politica auctoritate opus esse potest, hæc communicatione potestatis externæ minimè tollitur.

40. Imo si maximè Ecclesiæ libertate gaudeat desideratâ, uti nunc quidem res habet, magis ad augendâ potentiâ quàm ad mores suos reformandos eam adhibiturus esse Præfules, multa probabile reddidit experientia. De vero Reformationis Ecclesiasticæ principio, *alibi* adhuc agetur

C A P. V.

Quo refelluntur diversae opiniones in excessu peccantes.

Ex eo, quod antea dictum, sub Imperio Civitatis comprehendendi omnia, quæ divinitus non sunt determinata, evincitur, Pontifici Romano in externis nihil esse juris perfecti, neque Presbyteriis. An Censura Ecclesiastica possit exerceri in rebus ad regimen Civitatis spectantibus, quod affirmatur, sed caute. Examinantur rationes eorum, qui plus juris Ecclesiæ in Rectores Civitatis esse volunt.

FX fundamento distinctionis inter externum internumque regimen Ecclesiæ, quam ut caput superioris doctrinæ posuimus, patet, quid de reliquis, à media recedentibus, sententiis, existimandum sit.

2. Cavendam esse, tanquam scopulum hanc positionem, quod in una civitate sint duæ Potestates sibi mutuo non subiectæ, quæ jus habeant, externarum actionum regendi; quando nihil dissolvendo Regimini paratius est, ut è supra dictis & re ipsa facile constat.

3. Excepto semper, quod Deus aut in cordibus hominum insculpsit, aut in verbo suo præscripsit: cuius obligatio supra humanæ potestatis imperia tantum eminet, quantum Deus est supra ipsos Imperantes

4. Idque sine metu conflictus in civi-

tate; quia Deus sua præcepta non modicum passiva obedientia conjunxit, sed hæc etiam à Regimine civili toto genere distant.

5. Si vero circa Ecclesiam non pauca vertantur, quæ Imperio Civitatis subduci nequeant, quemadmodum probavimus, Perperam earum rerum potestas sive coactiva sive obligativa duntaxat, alii extra Civitatem constituto adscribitur.

6. Quare Pontifex Romanus, si maxime esset vicarius regni, quod Christus habet in terris, ut nimium procul abest à vero, tamen nihil haberet juris, nisi in his quæ Deus suo solius iudicio addidit, & quæ ad regimen animarum per verbum & Spiritum, pertinent.

7. At jus Imperii nullo modo neque directè neque per consequentiam, concessio

cesso licet illo vicariatu, aſficere poſſet; quia toto genere diverſum eſt ab his quæ Deus certo modo præſcripſit nec aliter habere ſe poſſunt.

8. Atque adeo in omnibus iis, quæ præcedenti capite enumeravimus, Imperio cujuſque Reip. obnoxius eſſet, nedum ut civis vinculo ſubjectionis, quod immeni temeritate audet, cujuſvis prætextu rationis, exſolvere poſſet.

9. Quare quicumque in terris homiſe contenderet habere juſ delegatum in ejuſmodi rebus à Deo præſcriptis & limitatis, ille tamen non delineret, in cæteris, quæ diſpoſitioni Imperantium relicta ſunt, cujuſque Imperii Rectoribus eſſe ſubjectus.

10. Sed hujus rei argumentum conſtat immenſa diſputatione, qua dudum alii pleniffime demonſtrarunt; in iis quæ Deus præſcripſit & expreſſit, nullum eſſe vicarium Imperantem in mundo, ſed denuntiandi miſterium hæcenus Verbi Præconibus eſſe demandatum. In his vero quæ Deus indefinita reliquit, Papa non poteſt habere plus juſ, quam ſinguli Imperantes ei concedere volunt; quorum ſanè conſenſu Illius in Eccleſiaſticis Imperium hæcenus legitimum fieri poſſe, de jure quidem non eſt dubitandum.

11. Ergo ſufficit, quod ſuprà oſtendimus, univerſalem Eccleſiam viſibilem totius terræ nullam unquam fuiſſe nec eſſe; proinde nec ejus Præfectum in mundo dari poſſe, niſi ex ejuſmodi conſenſu ſingulorum.

12. Propius à verò abeſt altera ſententia de Presbyteriis, quorum ſaluberrimus eſt uſus; Modo non nimium ad ipſa quoque jura Imperii poteſtas eorum, obtentu regendi conſcientias, extendatur; Cujus rei ſpecimen in *Bolgiâ* Leiceſterano tempore, neque minus poſtea, luculentum habuimus in magna
BRITANNIA.

13. Certum eſt, nihilo plus juſ habere Presbyteria, quam ipſe coetus credentium, à quo juſ ſuum, ad curanda, quæ à multitudine commodè adminiſtrari nequeunt, adipiſci debet, habent.

14. Proinde cuncta, quæ Summæ Potestati circa ipſam Eccleſiam competere diximus, eadem ſine dubio adverſus Presbyteria inſtitui poſſunt.

15. Imo ſtabilis & legitimus ordo, habendi Conſiſtoria, exercendi audientiam & diſciplinam lege certi Collegii, omnemque Eccleſiam gubernandi, ſine venia & auctoritate Summæ Potestatis, conſtitui atque teneri non poteſt; multo minus Diceceſium Provinciarumque conventus generales.

16. Quia talis ordo non poteſt probari nominatim à Deo imperatus & Eccleſiæ eſſe præſcriptus; unde manet ſub iis, quæ à diſpoſitione Summæ Potestatis pendent, modumque ab ejus arbitrio accipiunt.

17. Ad hujus igitur ſententiæ exceſſum referemus eos, qui negant, Imperantibus in ejuſmodi rebus quicquam negotii eſſe cum Eccleſia; qui vim putant ſibi fieri, cum legati politici conventibus eorum interſunt; quando Summæ Potestates decreta Synodalia negant eſſe Leges, niſi à ſe confirmentur; qui gloriæ ſibi reputant, quod imperia Potestatum, de non concionando certis locis & temporibus, audent contemnere; qui ſe ingerunt in conſilia Principum, belli-que & pacis negotia ſuæ quoque cenſuræ eſſe putant, & id genus alia multa, nimis uſu atque opinionum conſictu nota.

18. Qua tamen in re non eſt, ut intactum relinquere poſſimus argumentum Cenſuræ Eccleſiaſticæ, quæ tam late patere videtur, quam materia peccandi, cui nihil exemptum, ex iis, quæ cauſam præbere queant, iram Dei membriſ Ecclēſiæ

clesiæ denunciandi & pertinacium consortio abstinendi.

19. Unde fuit Excommunicatio, & inde tanquam ex fonte derivata est omnis Pontificum Romanorum, & inter Protestantes, potestas Presbyteriorum, vel contentio de illa: Quamvis hæc equidem comparationis cum Papâ causâ nullo modo nominata velimus.

20. Non est tam facilis, dialectica ad illam objectionem responsio, quam est improbare consequentiam inde profluentem; quod Papa vel Presbyteri hoc modo se possunt & sæpe soliti suntingere in omnia civilium Potestatum consilia & actiones ad regimen publicum spectantes. Sed ita habendum est;

21. Primo è fundamentis antea positis statui debet, Presbyteria, Classes, Synodos, vel ullum hominem aut corpus alios repræsentans, qua tale, nihil juris habere contra Summas Potestates, à quibus dependet vel dependent, ut *supra* demonstratum est.

22. Sed verbi divini Ministri habent jus denunciandi minas Dei contra peccatores Ecclesiæ membra, non modo ut videretur, ob Privata, sed etiam ob publica maleficia; nusquam enim distinguitur; sub hac cautione.

23. Si delicta sint manifesta & indubitata: Nam in dubio pro Summa Potestate præsumendum; nec inquisitio vel examen in negotia Reipubl. Presbyteris aut ullis non Rectoribus permitti potest.

24. Et quia pro manifestis sæpe habentur, quæ omnino delicta non sunt, tutius Sacrorum Ministri illa censurâ omnino abstinere videntur.

25. Quemadmodum in Belgio usu venit, in ita cum Hispanis pace Monasteriensi, quam aliqui concionatores publice, ut perfidam in Gallos & impiam detestabantur; quod extante palam fœdere Gallico & pace contraria manife-

stum videretur; cum tamen optimo jure detendi poterit, ut *alibi* demonstratum est *Histor. Civ. tom. 3. l. 1. sect. 9. n. 3. & sect. 7. c. 7.* ac etiam *in hoc opere* comprobabitur.

26. Si vere manifestum ac indubitatum sit, non modo jus denunciandi Principibus iram Dei, sed etiam ut abstineant externis sacris, id inquam, denunciandi scilicet facultas Presbyteris negari non potest; quâ ratione factum illud notum *Ambrosii* contra *Theodosium* defendi posse videtur.

27. Modo ablit omnis conatus Presbyteriorum, miscendi se Regimini publico, detrahendive quicquam juri vel auctoritati Imperantium, nedum solvendi populum obsequii lege, duntaxat passivi, nequidem in iis ipsis rebus, quas improbant; contra quam Papa sibi arrogat, nec Presbyteria temper caverunt.

28. Nam jus illud denunciandi est mere cœleste, à tenore politici regiminis alienissimum, quod ideo Imperantes licet impie aliquando agant, Presbyteri quovis modo tueri & populis simul obedientiam inculcare debent.

29. Ex his intelligitur, Ecclesias independentes quæ dicuntur, non habentes Consistoria, Classes & Synodos, hac in parte à cæteris non discrepare; quando diximus omnes, adversus Summas Potestates; aliud nihil habere juris, quam quod Christus Verbi sui ministris & Ecclesiæ membris immediate mandavit, denunciandi & evitandi communionem peccatorum.

30. Sed majorem esse Ecclesiæ potestatem in ipsas Potestates Summas probari solet, primo ex illo communi dicto, *Imperatorem esse intra Ecclesiam, non supra*; quod Grotius verum esse ait de Ecclesia catholica, id est, Invisibili, quæ sub uno capite terreno nunquam fuit, nunquam erit, *Tr. de Imp. S. P. circa sacra. cap. 4. n. 3.*

31. Nobis.

31. Nobis etiam de vitibili Ecclesia particulari verum esse videtur, eo sensu, quem diximus; scilicet, quod ad jus denuntiandi Ministris datum & jus evitandi communionem in sacris, quæ consensus impietatis arguere possent, attinet.

32. Quod si Potestas, non obstant illa denuntiatione, tamen ingerat se Ecclesiae, non est jus aliquid faciendi, quo id defacto impediatur, Ecclesiae: nec inde metuenda contaminatio, quæ non nisi voluntaria est.

33. Sicut etiam Ministri, si quis eorum, cui denuntiatum erat, ut sacris externis abstineret, obtrudat se, non est jusprehendendi & duci illum jubendi.

34. Sed hoc à Potestate civili sola proficisci debet ab eoque implorandum est; ministrorum duntaxat negativa facultas est.

35. Ut tamen extraordinarios impetus ministrorum; sicut ejus, qui manum talis indigni panem sacrum contrectantis, arripuit ipsoque facto impediit; in bonam partem libenter interpretemur, juris id tamen esse non putemus.

36. Est alia objectio ex illo celebri loco *Jesaiæ Prophetæ*, qua Pontificii gaudent. Reges demisso in terram cultu ipsam adorabunt, pedumque ipsius pulverem lingent. Quæ verba *Grotius d. loco de Christo Domino* accipienda respondet, quod à literalis sensu alienum videtur.

37. Forte nihil erret, qui figuram illam de humili agnitione fidei in Ecclesia, post Christum à Regibus ipsis faciendam intelligat, vel vaticinium de statu Ecclesiae externo, qui nondum extiterit, & quem aliquando futurum, ut impii infra Ecclesiam reddantur, multi & multa probabile reddunt, in his verbis agnoscat.

38. Huc etiam pertinet, quod apud Ecclesiasticos scriptores aliquando repe-

ritur; *Servire Reges Ecclesie*; Nam *servire* est utilitati alterius consulere, quomodo Regnum *servitus* dicitur. *Tiberius apud Sueton c. 25 Dixi & nunc & saepe alias P. C. Principem, quem vos tantâ & tam liberâ potestate instruxistis, Senatui SERVIKE dovere, & univrsis civibus saepe, & pierumque etiam singulis.*

39. Moventur etiam loca quedam Scripturæ Sacræ, in quibus Presbyteris adscribitur *Regimen*, & fidelibus singulis *obedientia*. Sic I. ad *Timoth 5. v. 17.* Presbyteri regentes. De obedientia *Paulus XIII. ad Hebr. v. 17. Parete ducibus vestris & obtemperate illis.*

40. Quale vero sit illud regimen & an quicquam detrahat is, quæ ad Imperium Civitatis pertinere diximus, ex iisdem aliisque locis colligendum est.

41. Seniores bene regentes ab Apostolo vocantur *Πρεσβύτεροι κληρῶν ἐπιθῆτες*; Seniores bene præsidentes, præcipientes; Nam *ἐπιθῆτες* est primum habere locum. Ad Hebræos sunt hæc verba. *Πείθεσθε ἑαυτοὺς τοῖς ἡγουμένοις ὡς ἰησοῦ τῷ κυρίῳ ἔστι dicto auctores esse, ὑπακούετε, cedere, non opponere se. I. v. 12. ἡγουμένους ὑμῶν καὶ ὑποτάτους, præpositos vobis & admonentes vos*

42. Prohibetur τὸ κυλεῖν & ἐκκυρῆσαι, dominari & imperare. *Luce XXI. 25. Κατακυλεῖν τὸ κληρῶν, dominationem in Ecclesiam exercere. I. Pet. v. 3. Nec est Christi regnum hujus mundi, id est, externum, sed internum & spirituale, quod passim ingeminatur.*

43. Regimen igitur illud magis thet *sua tendi auctoritatem, quam jubendi potestatem*, qualia regna dari Tacitus auctor est. Vel si interatur necessitas, hæc est ejusmodi, qualem nuntii, præcones, legati, quæ nomina Verbi ministris tribuuntur, inferunt, de rebus à Deo mandatis & in ejus verbo definitis.

44. Quanquam Apostolos immediate à Deo

Deo missos & spiritu ejus indutos habuisse plus juris, antea diximus, ut eorum declarationes haberent necessitatem in rebus à Deo specialiter non definitis.

Quo pertinet illud Pauli, *Ἐγὼ λέγω, καὶ οὐκ ἔστι Κυριε*, non Dominus, sed ego dico I. ad Corinth. VII. 12. *Δοκῶ δὲ καὶ ἡμεῖς οὕτως εἶναι.* Puto autem & me spiritum Dei habere v. ult.

C A P. V I.

Quo refelluntur sententiae in defectu peccantes.

Sententia Erastianorum, Censuræ vim, Ecclesiæ negantium refellitur, & Hobbessii rationes, quod omne Religionis negotium ad Imperantes spectet, refutantur: ubi & de causâ Fidei supernaturali & de methodo Philosophendi Hobbessianâ, obiter.

Superfunt duæ posteriores sententiæ, in defectu laborantes, quarum prior est eorum, quos *Erastianos* dicunt, qui Ecclesiæ nihil juris quam docendi officium, sine ullo vigore disciplinæ aut animadversione, concedunt. In quâ sententiâ quid delideretur, ex his quæ superius dicta sunt, intelligi potest.

2. Jus enim præcludendi à communionem fidelium, eos, qui de fide male opinantur doctrinæque professionem moribus prostituunt, credentium cœtui non posse negari, nec consequenter ejusmodi causas cognoscendi, existimamus.

3. Nihil equidem coactionis, tantum jus evitandi & abstinendi esse penes Ecclesiam ultrò concedimus; sed audientia, notionis & pronuntiandi jus sine confusione salvaque Ecclesiæ integritate ab illa facultate excludi non potest.

4. Quin dolendum, quod hæc res, etiam ubi in usu est, pene redacta sit ad imitamentum civilis censuræ, quâ homines intra terminos vulgaris modestiæ, tolerabili saltem modo, contineantur.

5. In cæteris Erastiani fere eadem tradunt, quæ nostra sententia tenet, scilicet omnia quæ à Deo præscripta non sunt, esse independentiâ civili. Adde quæ dicta supr.

6. Sequitur, quinta *Hobbessii* sententia,

qui omnem sacrorum & religionis causam Imperio subjecit; Quæ etsi facilius cæteris, improbat, est tamen operæ precium audire aliquas hominis subtilissimi habiti, rationes.

7. Has ego potissimum tres reperio, quarum primam ipsius verbis collocamus ex Cap 19. de Cive §. 18.

Tantum jus civis in Imperantes transfulerunt, quantum potuerunt.

Atqui potuerunt transferre jus decernendi modum, quo Deus honorandus sit.

Ergo & transfulerunt

8. Sed propositionem hujus argumenti sæpe refutavimus: Nec minus adsumptionem esse falsam, ex iis quæ dicta sunt, apparet.

9. Siquidem modus Dei honorandi in sacris literis a Deo præscriptus est; qui nullo humanæ voluntatis arbitrio mutari potest.

10. Quo autem facilius inferat, Dei colendi modum esse humani arbitramenti, his verbis in rationem alteram se effundit; *Sanctitatem & fidem non supernaturaliter hominibus inspirari, sed studio & ratione naturali dumtaxat acquiri cap. 12. §. 6.*

11. Qua de re sectione sequenti dicturis haud opus est heic latius egredi; Nisi quod

Y

si quod opus est Cautione, ne quis putet, hæc male à nobis imputari *Hobbessio*, quoniam in locis citatis agat *de regno nature*. Verum si cui hoc incidat, is ad sequentia respiciat, ubi idem *Hobbes* iudicium de supernaturalibus & verbo revelato fidemque & sanctitatem naturæ viribus tribuit, ac à ratione pendere docet.

12. Item quod *Cap. 16. §. 16.* jus admittendi libros sacros pro verbo Dei, jus interpretandi scripturas ab auctoritate Regum in veteri Testamento pependisse contendit, idemque de his qui Christiani imperant, modo sint Christiani, tradit *in Cap. 17. §. 17. & 28.*

13. Ex quibus palam est, eum nihil hac parte diversi ponere inter statum Naturæ & revelationis, sed duntaxat, quod vult, hoc eum probare per partes.

14. Quin imo contrariam opinionem inter fundamenta seditionum periculosissima refert, Auctoresque illius, suavi convicio, Apostatatum Rationis increpat.

15. Hinc colligit, in causa fidei, ut in aliis omnibus institutis, quæ sunt ipsius, si quid certi ab universa civitate servandum, hoc à summo Imperio esse præscribendum.

16. Ad hæc autem, nostra sic est ratio; Non esse admodum in homine Christiani nominis insolentem hanc animi sententiam neque raram, licet indignam.

17. Nec est quod miremur ita colligentem, si fides & sanctitas supernaturaliter hominibus infundatur, nihil esse causæ, cur non sit propheta quisquis vere Christianus est; etiam in hac conicquentia nihil non sit verum.

18. Mirari potius liceat, quam obrem *Hobbes* caput summum doctrinæ sacræ, quod *Jesus sit Christus Dei*, ab Imperio civili exceptum voluerit.

19. Nam si fides naturali studio duntaxat

acquiritur; hoc ipsum, in quo summa fidei consistit, ex eadem causa proficisci oportet.

20. Quicquid autem à cujusque ratione & arbitrio pendet, hoc in Potestatem civitatis vult esse translatum. Quid ni igitur hæc credulitas, an aliquis & quis sit *Christus celestis*?

21. Scilicet, pudor eum retinuit, ut saltem non traderet, populum cogi posse ab Imperantibus ad *Muhamedismum*. Quod tamen ex ejus doctrina tam clare sequitur, quam quod est manifestissimum.

22. Unum obiter, ad id, quo idem *Hobbes* urget sententiam de causâ fidei & sanctitatis supernaturali, hoc scilicet incommodo; si vera esset, inquit, non video, quare rationem fidei nostra reddere juberemur, aut quare non unusquisque quid faciendum sibi sit, ex propria potius inspiratione, quam ex præceptis Imperantium aut rectâ ratione æstimaret.

23. Facillima ad ineptam objectionem responsio est; Scilicet: rationem minime excludi ab his, qui in rebus fidei necessariis lumen spirituale prædicant; Neque enim dogmata, quæ ratione non perceperint, sibi dicunt revelari.

24. Proinde nihil ex illis est, cujus non rationem reddere possint & debeant à scripturis, apud eos qui in divinitate scripturæ acquiescunt. Obsignatio & persuasio spiritualis nihil ad alios pertinet; sed ejus lapis lydius hic est, si cum literis sacris convenias.

25. Quod autem ad faciendam fugiendamque attinet, ex communi dictamine rationis, ea maxime ad honestatem moralem adeoque ad dictamen rationis spectant; Quæ tamen nihilo magis ad nuntium Imperantium mutari posse diximus, renitente quamlibet incassum *Hobbessio*.

26. Quem nunc videmus, quo sine in operis initio dixerit, nihil esse fas & nefas,

nefas, bonum aut scelestum, nisi quatenus à Lege civili pro tali habetur, ut cap. 3. notavimus.

27. Scilicet, ut non modo conscientiam in revelatis, sed etiam in naturalibus Imperio Civili subiceret.

28. Postremo, *tertio* ex Hobbesianis rationi paucis faciendum satis; Scilicet, ex nostra sententiâ duplex in unâ Civitate Imperium itatui.

29. A quibus contingat more humani ingenii, contrarios canones, præcepta contraria populo injungi.

30. Existimamus, si termini à nobis antea positi & stabiliti custodiantur, quam minimum ab hoc incommodo periculi futurum.

31. Nihil quippe in iis Ecclesie adscribitur, quod Imperium coercere possit, imo huic etiam contra illam forte plus adscripsimus, quam boni Principes & Potestates utendum arbitrentur, Nec metuenda consilio præceptorum, modo Imperantes in jus Dei non invadant.

32. Neque nos resistendi facultatem populo ob religionem pressodamus, nisi quatenus jure communi, quod in *sect. 2. c. 3.* dictum & *inferius* dicetur, competere possit.

33. Eat Hobbes suamque doctrinam atheismi nota tam bene liberet, quam nostra seditionis absolvi potest.

34. Incidit adhuc unum axioma Hobbesianum, quod ex supra dictis solvi quidem poterat, evolutum tamen non est, monituque dignum videtur, ut ad jus Summæ Potestatis universæ pertinens:

35. *Cognitionem de bono & malo spectare ad singulos, seditiosa*, inquit, *oratio est, Cap. 12, §. 1.* Alibi explicatius, & quidem, ait, *illa quot rebellionum causa fuit, quâ docetur, Imperata Regum justa an injusta sint, cognitionem ad privatos pertinere? vid. cap. 6. n. 9. c. 11. n. 6. in fin. Leviat Cap. 13. 29.*

36. Si de consiliis publicæ administrationis loqueretur, parum abest, quin admitti posset, *imperata Regum exequenda civibus esse, non interpretanda.*

37. Idem de iis, quæ per facultatem domini eminentis aut voluntate civitatis mutari & ex nefariis licita fieri possunt, judicandum.

38. Sed in universum, ut Hobbes postulat, intellecta sententiâ, ne exceptis quidem moraliter necessariis aut voluntati divinæ repugnantibus, intolerabilis est.

39. Utique, si de turpitudine meritisque causæ manifesto constet; Nam alioqui in dubio pro Civitate præsumendum esse facile conceditur, quem admodum de causis belli à Republ. suscepti, de quibus vid. Grot. *l. 2. c. 26. §. 3. & 4.*

40. At ille nullam admittit exceptionem, quod nobis admittere religio est.

41. Commentum, quod honestum & turpe, bonum & malum sit juris civilis, pridem refutavimus.

42. Nec alterum ei prodest figmentum, esse illud peccatum non obedientis, sed impotentis.

43. Aliter Scriptura & notissima generis humani conscientia dicat, ut refutatione sit indignum.

44. Quicquid autem diximus de iis quæ à Deo præscripta non sunt in verbosuo, vel in cordibus hominum, esse videlicet illa Imperio Civitatis obnoxia, de animorum sententiis minime, verum de actionibus externis intellecta voluimus.

45. Enim vero cogitationes ne quidem de rebus naturalibus & indifferentibus ad Imperantes ullo modo pertinere possunt, verum declarationes & expolitiones ejusmodi sententiarum publicæ prohiberi possunt, iisque interdictis parendum est à civibus; *est libertas moderata in hoc genere laudabilis est.*

46. Ista sunt, quæ Hobbes se non differe, sed

ré, sed computare, sed demonstrare scribit, aliosque juris & politices magistratos omnium seculorum in alia omnia descendentes vehementer contemnit.

47. *Quasi nemo eorum qui hanc materiam tractarunt, commodo usui sis docendi principio; se solum rationis invenisse, ait, in ipsis dubitandi tenebris, unde se gloriatur in lucem evasisse clarissimam. Ita scribit in præfat. tractat. de civitate & in epist. dedicat.*

48. At ex his tenebris quam lucem eduxerit, videmus, Rempubl. adeò immanem, ut monstrum potius quam Civitas videatur; Portentosius quam illud hominis fuit, ex cujus latere alius homo enascebatur; cum quo ille Regnum, in quo populus aliquid juris retinet, *alicubi*, comparandum censet.

49. Aut ego vehementer fallor, aut dicam ei grandem sciberent dubitationis magistri, *καταβολὴς τῶν σκεπτικῶν*, vel in eo, quod minime vacuus præjudiciis ad meditationes suas accesserit.

50. Dum haud obscurè nec uno loco indicat, indignatione atrocium in *Angliâ & in Scotia* turbarum, quibus speciem juris Brutina & nimis presbyterica dogmata neotericis crebrò adoptata circumdabant, se ad alia omnia excogitanda fuisse compulsum.

51. Id uti ageret, ne unquam populus justam adversus Reges belli gerendi causam habere posse diceretur. Quod se consecuturum desperabat, si quicquam publici privatique, sacri aut profani Summæ potestati subtraxisset.

52. Proinde in omni meditationis cursu hanc fecutus videtur *cynosuram*, ut Im-

perantium potestatem ubique faceret infinitam.

53. Quod cum repugnare consensui gentium & communi rationi videret, principiis opus sibi fore animadvertit inusitatis, quæ præjudicio adstructa habimus.

54. Cum autem Religio plurimum ad Summam Rempubl. habeat momenti, præcipuum operæ pretium in eo fore putavit, si quam longissimè à Principiis adhuc inter Christianos traditis recederet.

55. Non conveniebat ejus hypothesi, Pontificiorum sententia, qui principium auctoritatis Sacræ Scripturæ fideique Christianæ referunt ad Ecclesiam; si quidem ita Potestas à Rectore Civitatis in causâ Religionis, quæ tantosciet populorum motus, diversâ statuitur.

56. Non poterat etiam placere supernaturalis causâ persuasionis de Religione, quia sic homines latam nimis materiam Regnantium imperiis divinam opponendi auctoritatem, & provocandi ad illud Apostolicum, Deo magis obediendum esse, quam hominibus, haberent.

57. Denique nec à Rationis dictamine summa Religionis & auctoritatis, si omnem contradicendi materiam civibus hac parte, præcidere vellet, collocari poterat; cum ille fons effusæ libertatis, infinitæ regnantium Potestatis adversissimæ futurus esset. Ergo novam, ut vidimus, omniumque reversâ absurdissimam inivit rationem.

58. Quâ re factum est, ut nobis hic locus aliquanto latius exequendus videatur.

C A P.

S E C T I O V I.

De Principio cognoscendi divinitatem sacra Scripturæ & fidei Christianæ.

C A P. I.

Quo status controversiæ, quæ est hac de re, formatur.

Connexio cum præcedentibus. Quod Fides non habeat causam vel notam in animis credentium supernaturalem, hoc esse, *περὶ τοῦ ψεύδους* omnium, qui fundamenta Christianismi convellere student. Contrariam opinionem fuisse communem in Ecclesiâ Reformata, ante novam ratiocinandi methodum. Occasio & historia disputationis hac de re quæ causam dedit huic digressioni, ejusque termini. Quam connexionem hæc habeant cum doctrinâ de Jure Civitatis. Comparatio *Pajonismi* novæ in Galliâ doctrinæ, cum oppositâ nobis sententiâ. Quomodo in Belgium transierit & quo-pacto ibi habita sit.

Persuasionem de Fide Christianâ non esse præscripti vel arbitramenti humani, sed Deifolius imperio subjectam, inter alia inde *supra* evicimus; quod immediate ex instinctu divino generetur, & simili immediato Spiritus sancti testimonio in fidelium cordibus obſignetur.

2. *Hobbes* autem ut refelleret hanc persuasionem, quod Fides imperio Summarum potestatum subjecta non sit, omnium primo faciendum putavit, ut sententiam de immediata infusione celesti, quæ causa sit Fidei & de Testimonio Spiritus illam Fidem obſignantis refelleret ac inrideret, quâ dere *superius* coeptum in hunc locum plenius examen distulimus.

3. Haud temere quicumque Christianæ fidei mysteria & Scripturæ sacræ auctoritatem convellere studuerunt, hinc ab annis quinquaginta, aliunde initium duxere, quam ut veterem de immediata Spiritus Sancti operatione, tam in gene-

randâ quam in obſignanda fide, doctrinam subverterent ac eluderent, ut post *Hobbesiū instituit Spinoſa* in præfat. *Tract. Theol. Polit. & Auctor præfat. in Op. ej. postum.* aliique deinde plures, etiam inter Protestantes ipsosque Reformatos.

4. Quorum alioquin hæc est notissima doctrina, magno consensu à principibus Reformationis tradita & inculcata; *Fidem in his qui verbum Dei perceperunt, efficaci virtute Spiritus Sancti in cordibus Electorum immediate produci, eamque productam evidente Spiritus Sancti testimonio confirmari.*

5. Quod tamen ejusmodi esse, ut minime *ὡς ἂν τὸ μὴ λαβόντων, nec nisi ab expertis* intelligi possit, literæ Dei, ut *infra* videbimus, testantur. Unde factum, ut paulatim ingeniosissimi quique, verbis quidem primorum Reformationis auctorum insisterint usque sint, interpretationes vero dederint tam obſcuras & vagas, ut rem plerique suspectam reddi-

redditam postremo totam negandam putaverint.

6. Quos inter in Gallia novissimè fuit *Ludovicus Pajonus* Aurelianensis Ecclesiæ Minister, multæ vir eruditionis & acuminis in disputando, ut advertus Pontificios læpe & in hac ipsa controversia abunde probavit, ut colligere datum est, è *commentario ejus MS.* quem Synodo Gallicanæ exhibitum aliquando inspicendum mihi dedit Nobilis & Reverendus Theologus *D. de Hantecour*, Theologiæ in nostrâ Academia Professor dignissimus

7. Pajoni igitur hypothefes præcipuæ fuerunt hæc, *I. Mentem hominis, utpote rationalem, non posse moveri, nisi impressione rationali.*

8. *II. Illos, qui præter Rationem aliquid operationis extraordinariæ, in mente credentium agnoscunt, esse enthusiastas.*

9. *III. Corruptionem hominis & impotentiam ad recipiendam fidem, esse habitualement acquiritam, quæ suo sensu originalis quidem dici potest, verum tamen sanabilis sit, vi rationum & motivarum, ut loquitur, quibus mens nostra moveatur & excitetur.* Cl. Spanhemius *Elenc. Controv. pag. 285.*

10. Denique, in hoc omnia desinunt, Impotentiam credendi Euangelio esse à desidia, præjudiciis & adfectibus, quibus vitis auxilio divino detertis, vim mentis puram & nitidam cogitationibus sufficere detæcatis, ad accipiendam rerum divinarum persuasionem, per attentam ratiocinandi methodum. Immediatas autem Spiritus operationes cessare jam penitus, nec adeo mentes hominum amplius addici immediatè.

11. Hanc sententiam apud Belgas increbuisse vidimus, ab eo tempore, quo in Theologiam perripuit methodus ratiocinandi è Principio universæ dubitationis ad visionem certitudinis æquè in-

fallibilis, quam Deus est verax & fallendi nescius.

12. Proinde sic esse habendum; Veritatem Religionis Christianæ aliter quam methodo ratiocinandi auctui non posse; Tali, videlicet, quæ docet, omnibus exui præjudiciis, dubitare de omnibus, rerumque ideis bene ac attentè inter se collatis & comparatis, è dubitationum tenebris evadere in lucem claram, & induere conscientiam liquidissimæ veritatis, ut noster *Hobbes* prævit in *præfat. de Cive.*

13. Cum autem persuasio de divinitate Sacræ Scripturæ cum primâ veritate Religionis Christianæ conjuncta sit, iidem non dubitare visum est, Auctoritatem Scripturæ sacræ quod ad ejus agnitionem attinet, unquè pendere ab eadem methodo ratiocinandi.

14. Hæc res imprimis agitata est hinc ab annis tere triginta, occasione dissertationis, cujus inscriptio fuit; *Philosophia Scripturæ interpretis*; quam inter alios refellit Vir Clarissimus, ita, ut non minus clare & disertè immediatas Spiritus sancti operationes in mentibus fidelium dari negaret, quam is quem refutabat, nec minus veterani Theologi in ipsum, quam in adversarium ejus inveherentur.

15. De hinc usu venit propius ad nos, ut in quâdam disputatione Inaugurali, propolitæ fuerint hæc theses; *Divinitas Scripturæ, quæ omnis ejus auctoritas nititur, aliunde, quam ex Ratione, adstrui non potest.*

16. Unde colligebatur, esse flagitium erroris, ita putare, *Si ratio aliud quid nobis dicat, quam Scripturæ, huic, videlicet Scripturæ, potius esse credendum.*

17. Addebaturs usus rei, *Si quis bene servet methodum ratiocinandi, huic licere secure Philosophari & de cætero in utramque*

que autem otiosè dormire, fredo hac certissima regulâ, *Veritati à se perceptæ nullam veritatem fore contrariam; modo in his, quæ ad salutem necessaria sunt, ob reverentiam S. Scripturæ, si quid in ea veritati per Rationem repertæ, contrarium inesse videretur, examen reperiatur.*

18. In has positiones, cum mea, per occasionem, Oppositio impacta fuisset, easque Par lectissimum Theologorum doctissimum Viri suas fecissent, redactus sum ad eam necessitatem, ut sententiam, quæ adhuc magis orthodoxa erat habitata, contra illorum rationes, tueri oportuerit.

19. Qua in re, ut invidiam alienæ professionis invasæ amoverem, ita consulendum putavi, ut positiones meas in *libris de jure Civitatis* adversus Hobbesium hac de re collocatas, & ex parte *superius* repetitas, mutatis mutandis exciperem, & præsentî quæstioni applicarem, donec ulterius provecâ disputatione, liber de *Ratione Scripturæ* quæ singularis in eam rem editus est in lucem.

20. Quod jam olim in hisce libris de Jure Civitatis compendio scriptis, usu venit tractari, quod ad refutando Hobbesii noxia principia non potest omitti, spero Lectori non displiciturum, si in hac iteratâ & ampliori Editione eorundem librorum, plenius exequamur.

21. Non paulo tamen brevius, quam Hobbes in suo de *Cive* tractatu, excurrit in res Theologicas; cujus ad exemplum hanc Digressionem apud æquum Lectorem facile metuiturum existimavi.

22. De ipsâ re, primo sententiam à nobis defentiam, mox eam, quæ ab aliis adstructa fuit, collocabimus, dein nostram probabimus & oppositam refellemus, omnia breviter & perspicuè; remisso Lectore, si cui libet, ad librum eâ de re scriptum & designatum.

23. Nos tenemus, divinitatem Scripturæ, sacræ & simul Veritatem fidei Christianæ persuaderi Auditoribus electis, vi spiritus sancti mentibus speciali gratiâ cælitus adfusa, juxtaque verbum illis infinuata.

24. Auditionem & Rationem esse causas instrumentales, sine quibus persuasio non sedeat animis; sed instrumenti modum non obstare, quominus efficiens causa fidei, cœlestis immediata sit ac irresistibilis, etsi voluntaria & cum ratione conjuncta.

25. Diximus adhuc, Fidem animis receptam Testimonio Spiritus sancti in fidelibus obfignari, idque Testimonium à fide ratione percepta realiter esse diversum atque discretum.

26. Dissidentes, qui methodum dubitandi & per omnium rerum dubitationes, conscientiam certitudinis infallibilem colligendi hac etiam in re sequuntur, Deum ita faciunt auctorem fidei, ut Ratio sit unicum principium cognoscendi divinitatem sacræ scripturæ & quæ cum ea conjuncta est, veritatis Christianæ

27. In mente nihil esse, quam ratiocinationem, nec aliud quicquam in eâ dari posse contendunt; Sed causalitatem cœlestem esse voluntatem Dei, & Decretum, quo sic homo ratiocinetur, ut è dubitatione, collectione & comparatione idearum concludat, divinitatem scripturæ & veritatem fidei Christianæ;

28. Testimonium verò, quo nos fidem ratione perceptam obfignari diximus, & quod ab Ratiocinatione verè & actu distinctum esse putamus, è verbo Dei, id illi omnino negant, & fidenter enthusiasticum esse declarant.

29. Præterea, sicut iidem, quam è Pajono supra habuimus, hypothesebus indigent; ita non cessarunt, eandem in adstructione sententiæ suæ, licet occultius

tius aliquando proferre atque connectere cum suis positionibus, quas alioquin, ut in *prædicto libro sect. 3. c. 9. & seqq.* demonstratum est, stabilire non potuissent.

30. Quanquam autem hujus rei disceptatio parum nos jucundis inflixerit commissionibus, quominus tamen hanc hypothesein derelinquere, & eandem in

hoc loco penitus omittere possimus, religio facit, altoque, animo quod dicere fas sit, concepta veritatis conscientia.

31. Si cui volupe non sit, animum his rebus in institutione Doctrinæ civilis advertere, suo arbitratu ad sequentem sectionem, trantire potest. Videamus igitur rem ipsam, *unde præter ipsam præter-*

C A P. I I.

Quo verum Principium cognoscendi divinitatem Sacræ Scripturæ & veritatem Religionis Christianæ, probatur esse Lumen infusum à Ratiocinatione distinctum.

Principium cognoscendi divinitatem S. Scripturæ esse Revelationem internam Spiritus S. probatur è primis Reformationis auctoribus, è Patribus, è Cartesio, & imprimis ex ipsis Sacris literis, maximè è Paulo 1. *Corinth. 2.* qui locus inducitur ad explicationem, variis argumentis inde deductis; revelationem illam internam à Ratione esse distinctam, idque aliorum collatione locorum illustratur & confirmatur.

ESt equidem ex interioribus Theologiæ capitibus hic articulus, ejusmodi tamen, ut omnes Christianos ejus bene certos esse oporteat. Ideoque & alias hæc res à nostri ordinis hominibus tractata fuit, & ad refellendas Hobbetii rationes hic est necessaria. Quid autem est illud Principium?

2. Est id, ex quo unicuique nostrum constat, *Scripturam Sacram, quam habemus, esse verè divinam.* Hoc enim est proprie Quæsitum hujus loci, non quodnam sit principium earum veritatum, quæ in Scripturâ continentur, quod ipsam esse Scripturam non negatur; utique in his quæ Ratio sine Scriptura nullo modo scire poterat.

3. Pertinet igitur Quæstio, non tam ad singula Religionis capita, quam ad Summam fidei Christianæ & agnitionem

divinitatis Sacræ Scripturæ in universum. Ut tamen certum sit, quæstionem de ipsis Fidei capitibus ab illo quæsito separari non posse. Nam qui per rationem inquirere vult, an Scriptura sit divina, non debet subliterare in notis quibuldam generalibus è itylo & à Scriptoribus delumptis, & quibuldam rebus in ea contentis, ut sunt miracula & vaticinia; sed omnia, saltem præcipua dogmata excutere debet, an ea sint ejusmodi, ut Deo & ratione digna videri queant. Sed maneamus in priori Quæsito; quodnam sit principium cognoscendi divinitatem S. Scripturæ.

4. Ponamus igitur illud Principium; Est nihil aliud, quam *Revelatio interna Spiritus Sancti, qui fideles per internam adflatu docet in cordibus suis, inque efficaciter persuadet, ut firmiter credant, Scripturam, quam ha-*

benus in libris Prophetico & Apostolico esse verè & indubitato verbum Dei.

5. Utraque Thesis constat verbis Polani in lib. 1. Synagm. c. 16. qui in hac re consentientes habet omnes primævæ Reformationis auctores, nominatim & præcæteris Calvinum, ut in d. libro scilicet. 2. demonstratum est, quæ huc omnia transcribere nihil attinet.

6. Idem Patres magno consensu; Basilius in Psalm. 116. Πίστις inquit, ἡ ἐπιθεὶς λογικῆς μεθόδου τῆν ψυχὴν εἰς συγκελευσασθῆσιν ἡλικυα. Πίστις ἂν ἡ γαμυστερικῆς ἀνάγκης, ἀλλὰ ἡ παῖς τῆν πνευματικῆν συνεργίαν ἡγγνωσῶν. Fides quæ supra methodum ratiocinandi trahit animum ad consensum; fides, quæ non geometricis demonstrationibus, sed efficacibus Spiritus sancti operationibus ingenerata est. Idem ex Chrysostomo & Justino Martyre conversionis tuæ historiam memorante d. loco ostendimus.

7. His auctoritatibus unum addam ex recentioribus Cartesium, qui receptam inter omnes Christianos hac parte sententiam sequitur, cum alibi, tum Respons. 2. ita scribit; Ratio formalis propter quam fidei adfensimur, consistit in Lumine quodam interno, quo à Deo supernaturaliter illustrati, confidimus, ea quæ credenda proponuntur, ab ipso esse revelata, & fieri plane non posse, ut ille mentiatur: Quod omni Natura lumine certius est, & sapientiam, propter lumen gratiæ, evidentiuss.

8. Hæc est illa vis Spiritus, quem Christus à Patre suo mittendum & omnia suos electos edoctrum promisit Joh. XIV. 16. oppositus carni & sanguini, id est, naturæ & rationi naturali, ut idem Dominus ad Petrum, cui à Patre suo inditam adfirmabat notitiam sui.

9. Hæc est illa trahendi vis, sine qua Christus ipse prædicans verbum, fidem facere non poterat, Εὐὸ μὴ ὁ πατὴρ ἡλικύσῃ

αὐτῷ. Nisi pater illum traheret, & mentem aperiret ad spiritualia clausam Act. XVI. 14. Hujusmodi immediatam operationem, cum adflatu ignoti ortus, sed validissimi effectus adlerit Dominus Joh. III. 8.

10. Hæc est eruditio ὡς ἀποδείξει πνευματικῆς καὶ διάνους, in demonstratione spiritus & potentiæ, quam fidelibus ὁ Θεὸς ἀπεκάλυψε διὰ τῆν πνευματικῆν αὐτῷ, ἵνα εἰδῶμεν, detexit Deus per spiritum suum, ut cognoscamus 1. Corinth. 2.

11. Unde autem ille Spiritus, estne aliquid in homine novi, an verò fuit in mente, prius; ut saltem detectus videatur? Imo accepimus illum, inquit Apostolus, in cordibus nostris d. c. 2. v. 12. Ἐξαπέστειλεν ὁ Θεὸς τὸ πνεῦμα ἑῶν αὐτῷ εἰς τὸν καρδίας. Emisit Deus spiritum filii sui in corda fidelium Ad Gal. IV. 6.

12. Illum Spiritum emissum sicut Christus opponit carni & sanguini, sic Apostolus eum spiritui hominis opponit, quem etiam vocat Spiritum mundi d. c. 2. v. 10. & manifesto docet, Spiritum illum emissum & in solis fidelibus habitantem aliquid esse distinctum à spiritu hominis, eique superadditum d. c. 2. v. 10.

13. Spiritus autem hominis sine dubio est Ratio, sive mens rationalis, ὡς αὐτῷ, ἑῶν ἑῶν, qui novit ea quæ sunt in homine, vers. 11. id est, qui cogitat & scit quod cogitat: hoc autem non esse mentem, nemo negabit.

14. Jam satis ita clare; sed res planè meretur, ut aliquantò pressius demonstremus, spiritum cordibus fidelium à Deo immisum, esse facultatem fidelibus infusam, ab ipsa mente diversam, et in mentem agar & vim suam exerat atque exerat. Rationes quibus id evidentissimum est, sunt hæc;

15. Quæ diversis Nominibus in eodem homine discernuntur, ac inter sese opponunt-

opponuntur, ea sunt in rei veritate diversa; Spiritus sanctus in corda fidelibus immixtus diverso nomine separatur à mente, eique opponitur. Ergo.

16. Major est evidens, ex eo, quod nomina reperta sunt ad res significandas. Potest quidem una res habere diversa nomina; sed cum duo nomina sibi mutuo opponuntur, non potest fieri, quin res illis significatæ sint diversæ.

17. Minor est in *d. v. 11. & 12.* Το πνεῦμα ἑστὶν ἀδελφῶν ὅτι ἐστὶν αὐτῶν, Spiritus hominis, qui est in ipso. Καὶ τὸ πνεῦμα ὅτι ἐστὶν Θεοῦ ὁ Spiritus qui est ex Deo, quem esse in eodem homine docet illic, & liquet ex eo quod additur, ἵνα εἰδῶμεν, ut cognoscamus *v. 12.*

18. II. Argumentum: Quod est in homine quovis per se, hoc differt realiter ab eo, quod certis hominibus immittitur. Atqui, spiritum Dei accipiunt in corda immixtum Fideles: Mens autem seu spiritus hominis est in omnibus per se; & jã ostendimus *suprà* utramque propositionem.

19. III. Argum. Spiritus, qui in eodem homine divites habent effectus & diversas res cognoscunt, illi, quæ spiritus & realiter à se invicem differunt. Atqui Spiritus hominis sive Mens & Spiritus Dei diversas res cognoscunt. Ergo.

20. Major patet, quia cognoscere proprium est Spiritus, & proinde ubi diversi sunt cognoscentes, ibi Spiritus oportet esse diversos. Minor est in *d. cap. 2. v. 10. 11. & 12.* jam expositi.

21. IV. Argum. Quorum unus alterum reddit certiorum, unus alteri contestatur, hi plane diversi sunt; quod est ejusmodi, ut aliter concipi nequeat. Atqui vera est adsumptio, Ergo.

22. Probatur adsumptio è *d. v. 12.* Ἐλάβομεν ὅτι πνεῦμα τὸ ἐκ Θεοῦ, ἵνα εἰδῶμεν ὅτι ἵνα ὁ Θεὸς παραδίνα ἡμῶν Ἀccipimus Spiritum, qui ex Deo est, immixtum in corda nostra, *superius*, ut cognoscamus

mus ea, quæ Deus nobis largitus est. Cognitionem illam à mente percipi, non negabunt; sed habet illam mens à spiritu, qui à Deo menti additus est, ut textus loquitur.

23. Idem probatur *ex ad Romanos 8.* Το πνεῦμα ὅτι ἐλάβομεν συνμετρεῖται τῷ πνεύματι ἡμῶν. Spiritus quem accepimus, contestatur Spiritui nostro *v. 16.* Sunt duo Spiritus, quorum alter cum altero cogitationes communicat.

24. Hinc qui unum modo spiritum, id est, mentem solum habet, vocatur ψυχικός, animalis; quia nihil habet quam ψυχήν, animam rationalem.

25. Qui vero alterum accepit Spiritum menti suæ adjunctum & superadditum, Πνεῦμα πνεύματος appellatur ab Apostolo *d. cap. 2 v. 14. 15.* Nec veremur absurdi imputationem, ex eo, quod duo Principia cognoscendi in uno homine fidei intelligimus, ab his qui mentem nihil aliud quam cogitationem esse dicunt.

26. Non magis quam à Theologis Reformatis, quorum primicerius hoc modo loquitur, *Verbum Dei non faciet factum in cordibus hominum, nisi idem Spiritus, qui loquutus est per os Prophetarum, intret in corda nostra.* Calvin. 1. *Inst. c. 7 n. 4.*

27. Atque hoc est internum Lumen, de quo passim sacre literæ & Interpp.

28. Inde refellitur sententia Wolzogii, in *tract. contra libr. de Philos. Script. interpr.* quæ nunc est eadem Virorum Clarissimorum. *Internum lumen, verba Wolzogii, nil potest utique aliud esse quam Mens expurgata, quæ heteris squalore peccati affectibus scilicet & præjudiciis, ut alias loquitur, jam instar speculi recipit distinctissime rerum objectarum imagines* Quam sententiam alter CII. virorum, sicut olim erat, merito falsam esse probavit in libro *contra W.* & è duplici fidelium spiritu ex Paulo evidenter refellit.

29. Hoc lumen internum Johannes Aposto-

Apostolus vocat *χρῆμα ἀπο ἁγίου*, *Unctio* à sancto, ὅ ἐστι καὶ διδάσκει πάντες, quod habetis, & nostis omnia Ep. 1. c. 2. v. 27. Et mox, ὅ *χρῆμα* ὁ λαβὴν ἀπ' αὐτοῦ, μὴν ἐν ὑμῖν, καὶ ἡ χρεία ἐστὶν, ἵνα πᾶς ὑμῶν διδάσκη. *Unctio quam accepistis ea manet in vobis, nec opus est, ut quisquam vos doceat.* Pergit: *Τὸ αὐτὸ χρῆμα διδάσκει ὑμῶν πᾶσι πάντων καὶ ἀλλήλων ἐν ἑαυτῇ unctio docet vos de omnibus, & est vera.* vers. 27.

30. Habet igitur unctio illa vim docendi, & est principium cognoscendi, quo vult Apostolus uti Fideles, adversus eos, qui in errorem illos inducerent. Ταῦ-

τα ἔγραψα ὑμῖν καὶ ἡ πλαστογραφία ὑμῶν. *Hæc scripsi de his, qui vos in errores inducunt.*

31. Atque hisce dictis satis conveniens est, quod supra è Cartesio protulimus, *Lumen illud internum omninatura lumine certius est, & sæpe etiam evidentius.* Cui dicto & simplicitati Apostolicæ utinam Sectatores ejus, postquam in Ecclesiis nostris tantum fecere numerum, stare voluissent; neque se illis, qui ex diverso principio & negatione luminis illius Supernaturalis, à Ratiocinatione distincti, pleraque fidei mysteria eluserunt, aggregassent.

C A P. I I I.

Quo probatur: *Rationem non esse Principium cognoscendi divinitatem S. Scripturæ.*

Ponitur, & limitatur, antithesis, quod Ratio fit unicum in sacris cognoscendi Principium. Rationem intelligi, ut est in homine; hanc vero esse corruptam; Proinde non posse principium esse cognoscendi in sacris, quod iterum è Paulo probatur: vel qui sic statuunt, eos mentem statuere oportere in facultatibus suis incorruptam. Auctores verbi divini nunquam provocare vel remittere auditores suos ad Rationem; quod fieret, si Ratio esset principium. Quin ratiocinationes turbare magis animas fideles. Nec qui Ratione præ cæteris excellunt, primos esse in fide Christi amplectenda, sed contra magis; quod iterum à naturâ Principii alienum sit; idque iterum è Paulo & Justino Martyre illustratur.

EX his, quæ dicta sunt, evidentissime patet, illius dicti falsitas; *Divinitatem Scripturæ Sacræ aliunde non constare quam ex Ratione.* Transseamus ad destructionem sententiæ huic suppositæ, qua *Ratio dicitur esse Principium & quidem unicum cognoscendi divinitatem Sacræ Scripturæ;* ut hæc aliunde nullo modo adstruatur.

2. Si hoc tantum vellent, non posse

in disputando cum aliis, iisque persuadendo divinitatem Scripturæ, aliunde quam à ratione peti argumenta, non esset quo illis adversaremur.

3. Sed hoc repudiant, & diserte nec aliis nec sibi de Scripturæ divinitate constare posse, aliunde quam ex Ratione, contendunt, idque vult altera propositio; *Si quid Scriptura diversum à Ratione dicitur, illam huic non esse præferendam*

nec posse præferri sine flagitio, ut loquitur theus Virorum CII

4. Quomodo autem Ratio sumatur, etiam id minime dubium sit, tamen ut monendum sit, faciunt auctores novi. Nam se non nisi de Ratione recta verâque loqui, non de *corruptâ*, quod vocabulum de Ratione, nonnisi-contradictoriè, prædicari possit, protestantur.

5. Nos per Rationem intelligimus, vim percipiendi & judicandi de rebus per proprias rerum ideas; ipsorum verbis hæc tenus utimur, ita sicut illa facultas est in mente humana, post lapsum primorum Parentum.

6. Nec aliter illi possunt; Etenim, quando agunt de principio cognoscendi, ex quo nobis aliisque de Scripturæ divinitate constare queat, manifestum est, eos Rationem non fumere in abstracto, sed ut est in quovis homine, quales nunc alma natura producit.

7. At hi sunt omnes corrupti, non tantum in corpore, sed in mente vel maxime, id est, in ejus facultatibus, quæ cæcæ & mutæ sunt in sacris, ut ita tim videbimus.

8. Sed illi corruptionem mentis non constituunt in ejus facultatibus, sed in transversario affectuum præjudicio, adeoque in actibus & habitu inde contracto; quam corruptionem si recte mens attendat ac intendat se, detur evitare vel superare; maxime diuino adspirante auxilio, quod hæcenus agnoscunt; ut tamen menti, id est, facultatibus ejus nihil accedat, aut adiundatur ullo ad flatu immediato.

9. Proinde sic oportet omnes statuere, quemadmodum instituunt, qui Rationem principium cognoscendi divinitatē Scripturæ faciunt, Rationem, id est, vim mentis percipiendi & judicandi volendique non esse corruptam in suâ facultate; Alioqui dicere non possent, Quod

corruptum & cæcum & mortuum est in spiritualibus, esse principium cognoscendi divinitatem Scripturæ Sacræ.

10. Ideo nobis id primi argumenti loco est. Quod ineptum, cæcum & mortuum est in spiritualibus, id non potest esse principium cognoscendi res divinas. Atqui mens hominis, sive Ratio sicut in eo nunc est, in Spiritualibus inepta, cæca & mortua est. Ergo.

11. Nota sunt loca, è quibus cæcitas & impotentia hominis in spiritualibus probatur: Princeps est ille Pauli 1. ad Corinth. 1. v. 14. *Ψυχὴς αἰσθητός*, inquit, *Animalis*, mentalis homo. Quis? *Qui nihil habet ei μὴ τὸ πνεῦμα τοῦ Θεοῦ, quam Spiritum hominis*, id est, mentem ratione præditam, ut dixerat v. 11.

12. Quid ille? *ὁ Θεὸς ὁ ἰδὼν τὸ πνεῦμα τοῦ Θεοῦ καὶ τὴν ἰδέαν τῆς ἀληθείας, non recipit ea quæ spiritus Dei sunt, nec ea potest cognoscere.* Ne putes, eum duntaxat recipere non posse spiritualia, propter adfectus & præjudicia, vel actum & usum prævium. *Non potest*, non habet illam facultatem.

13. Quid ita? Jam dixerat, *τὰ τοῦ Θεοῦ ἰδὼν ἰδὼν, εἰ μὴ τὸ πνεῦμα τοῦ Θεοῦ* Res divinas nemo cognoscit, nisi spiritus Dei, quem illi non acceperunt; Sunt duæ facultates oppositæ, Spiritus hominis & Spiritus Dei; quod hic docet, ille non novit, nec scire potest, quia solus Dei Spiritus, quem fideles acceperunt, illa cognoscere potest.

14. Frustra igitur hunc locum detorqueant & pervertunt, qui pati non possunt, ut mens humana dicatur in suis facultatibus percipiendi, judicandi & volendi esse corrupta; Nihil clarius est inde, quam opus esse novo principio cognoscendi, priusquam homo sola mente rationali præditus spiritualia cognoscere queat.

15. Hinc fit, ut sint αὐτῶν μωροί.

scq

res spirituales ei stultæ videantur; quis spiritus hominis, id est, Ratio non est facta ad spiritalia; Non potest adsequi id, quod solus Dei spiritus *ἰσὺς ἀπὸ τοῦ οὐρανοῦ*, fidelibus detexit, iterum Paulus v. 10.

16. Ita summus Ratiocinator Calvinus hunc locum *ἡ ἀφ᾽ ἑαυτοῦ*. *Animalis homo non potest percipere ea quæ Spiritus Dei sunt, Quem vocat animale? Nempe, qui natura lumine nititur. Quid ita? An quia per ignaviam negligit? Imo etiam si enitatur, nihil potest, quia scilicet spiritualiter dijudicantur. Quid istud significat? quia humana perspicacia penitus abscondita per solam spiritus revelationem patet, adeo ut pro stultitiâ ducantur ubi Spiritus Dei non elucet. Et mox. Quid volumus? Pronunciat Apostolus infatigatam à Deo sapientiam hujus mundi & nos scilicet acumen ei tribuimus, quod ad Deum & cælestis regni adyta penetrare possit? Faceat à nobis tanta vœcordia. lib. 2. Inst. c. 2. n. 20.*

17. Hoc igitur primum contra principium Rationis in Sacris argumentum, dat locum alteri; Quod hæc sententia, de non aliunde quemadmodum ostendimus, egeat ista hypothesi fundamenti Christianæ Religionis adversa, mentem in facultate ratiocinandi ad huc esse integram; nec nisi in affectibus & præjudiciis adeoque in usu & actu & habitu inde producto consistere corruptionem.

18. Quæ interpretatione, sola pars hominis bruta, quæ carne & sanguine constat, infecta labe primævâ statuitur, eâ parte, quæ maximè hominem facit, intacta, & Imputationis peccati originalis ratio tollitur.

19. Cum fatius foret, si labes in utraque hominem constituyente parte non sederit æquabiliter, ita ponere, viscera cursumque sanguinis & spiritum ani-

malium, unde fere affectus, nihilo secus se habere nunc, quam in creatione prima, sed mentis imperium, quæ corporis ad honorem amoremque Dei servitio uti deberet, esse diminutum, iudicio in sacris atque spiritualibus extincto & in termortuo.

20. Quod si mens hominis in ipsa ratiocinandi facultate corrupta sit, manifestum est, eam non esse principium cognoscendi res sacras. Atqui Prius est certissimum Christianæ Religionis fundamentum, inquam. Ergo plana consequentia. Idque Sequens & tertium est argumentum.

21. Quartum alienis verbis collocabimus; *Ad quod principium Deus nusquam nos remittit in Verbo suo, quo etiam Christus ejusque Apostoli in confutandis falsis dogmatibus nunquam usi sunt, id principium Fidei & Religionis Christianæ esse nequit. Atqui ad Rationem humanam nunquam nos remittit Deus, nunquam etiam Christus ejusque Apostoli eo usi sunt. Major evidens est per se, quia dogmata Fidei & Religionis non traduntur aut adseruntur absque veris propriisque principiis. Veritas minorie confirmatur secundum utrumque membrum, ex omnibus divinis revelationibus in utroque Testamento, quibus Deus doctrinam Religionis hominibus patefacit. Verba Altissimi Theol. eleucht. Pag. 37.*

22. Idem Calvinus; *Summa, inquit, Scripturæ probatio passim à Dei loquentis personâ sumitur; non jactant Prophetæ & Apostoli acumen suum neque insistant rationibus l. 1. Inst. c. 7. Rursus; Adeo autem heic consternatur & deficit humana perspicacia, ut primus in domini schola proficiendi gradus sit, ab eâ deficere; nam eâ, cum obiecto velamine impedimur, quominus adsequamur Dei mysteria, quæ non revelantur nisi parvulis. lib. 3. c. 2. n. 14.*

23. Hæc nos ad quintum manu ducunt argumentum, quod verbis Basilii

hac dere agentis comprehensū sic habet ;
 Οἱ λογισμοὶ ὡς παλαῖον τὴν ἀδελφὴν ἀγαποῦν
 καὶ ἡρεσῶν, καὶ ἀποδείξαι σαφῶς ἐδὴ ὡς λέ-
 γουσι, ἔχουσι, ἀλλὰ τῶν αὐτῶν ποῖον, πα-
 ρεῖσιν: μὲλλον καὶ εἶπε πληρῶς καὶ ἀποδείξαι
 πᾶσι. *Ratiocinationes infirmos animos*
quatiunt & turbant, nec quicquam eo-
rum, quæ dictant perspicue demonstrare
possunt, sed contrarium efficiunt, pertur-
bando magis & caligine atque dubitatione
multa implendo. ad 1. Corinth. cap. 2.

24. Rationem hujus rei supra ex Ap-
 postolo intelleximus, quod nulla sit in-
 ter Rationem & spiritualia proportio vel
 convenientia. Calvinus inde, *Scriptu-*
ram demonstrationibus aut rationibus sub-
jectas non est. Iterum. Præpostere faciunt,
qui disputando contendunt, solidam scri-
pturæ fidem adstruere. lib. 1. Inst. c. 7.
 §. 5.

25. Sexti argumenti loco, prudens
 lector non neget hoc esse posse, petikum
 ex absurdo, quod Rationales nostri nullo
 modo defugiunt; Inter principium
 cognoscendi res naturales & artificiales
 fideique mysteria nihil esse diversū in
 homine. Nec aliud esse principium, quo
 Inregenti veritates divinas percipiunt,
 quam quo vere fideles easdem cognoscunt,
 quod ad principium, inquam
 cognitionis & persuasionis attinet. Et si
 enim ipsis hac parte nihil absurdi, nihil
 quod gloriæ Dei sit adversū, in esse videatur,
 secus tamen omnes verè pios in anim-
 um inducere certum & compertum est,
 atque è supra dictis infraque dicendis in-
 telligetur.

26. *Septimum* argumentum rursus e-
 jusdem supra laudati verbis addemus;
Si ratio humana est principium Religionis
Christianæ, qui perspicacia & acumine
ingenii & judicii acuratione excellent,
Religionem Christianam facilius capient, cu-
pidius amplectentur, plenius intelligent con-
stantiusque retinebunt. Consequens est fat-

sum, repugnans Scripturæ & experientia.
 Ergo. Henric. Alring. *à loco.*

27. Hujus rei locuples auctor est
 Paulus in 1. *ad Corinth. c. 1. & 2.* ubi de
 gratiâ agit, *ὅτι ἠπαυλίσθησαν ὅς πάντες λό-*
γον καὶ πᾶσι γνώσει, quod lo. upletati erant
in omni ratione & omni cognitione v. 5.
 c. 1. Sed quali? *Ἀπὸ ἀποκάλυψεως τῆν ἀποκ-*
λύσει ἰσχύει Χριστοῦ, Accepta foris hoc
 nim est, *ἀπὸ ἀποκάλυψεως, revelatione Jesu*
Christi; Non usum se *ἐπισημαίνον λόγου σο-*
φίας, neque πῶς αὐτῶν πῶς σοφίας λόγου,
non excellentibus & sua foris humane sa-
pientia rationibus, quas provocat & re-
jicit; Πῶ σοφία, πῶ συζητεῖ; Ubi Sa-
pientis, ubi disputator?

28. Quid ita Paule? Quid ni pro-
 vocas sapientes, ut vim Rationis expe-
 riantur? An nescis, dari methodum rati-
 ocinandi, qua per connexionem simpli-
 cium perceptionum argumentorumque
 rationalium, pervenire liceat ad tam
 certam rerum sacrarum scientiam, ut
 hominem nullo modo fallere possit? Ac-
 culares fallacias, temeritatem & ἀμειβοδία
 ratiocinandi, diligentiam attentionem-
 que justam exigeres. Tu vero *Ἐπισημαίνον*
ὁ Θεὸς τὴν σοφίαν ἔρχεται τέτυ. Deus sa-
pientiam hujus mundi insatuavit: Execu-
ti sumus huc locum pluribus in d. tract. de
Concur. Rat. & S. Script. pag. 94. Alia
 passim occurrunt disconvenientiam hu-
 manæ sapientiæ & Euangelii signifi-
 cantia, & quam pauci sapientes mundi
 & acuti ratiocinatores illam amplexi
 fuerint, ex ore Christi & Apostolorum.

29. Idem ex Ecclesiæ & omnis Chri-
 stianismi historiâ constat; quanto quis-
 que sapientior, etsi nullam odii proprii
 causam habens, inter gentiles fuit, tan-
 to à doctrina Crucis alieniores fuisse;
 ut è Taciti, Plinii, Marci Aurelii, Ju-
 liani, merito inter doctissimos habiti
 & plerisque Philosophis animadversum
 fuit.

30. Est

30. Est locus insignis hac de re apud Iustinum Martyrem, qui se adhuc philosophum & à Fide Christi alienum indicasse narrat apud litus maris, in senem venerabilem, cum quo in disputationem de Deo & veritate delapsus præ se ferebat, Τὸν λόγον ἡμῶν διὰ πάντων *Rationem omnium imperatr. cem.* Δι' ἧσ' ἔστι, πάντ' αὐθιγῶν φιλοσοφῶν ἡ τῶν μαθητῶν ἡ τιμιώτερον ἡ γὰρ δὲ λόγον δι' ἡμῶν ἡ τῶν; *Quare cuilibet homini faciendum est, ut Philosophetur, idque maximum & pretiosissimum ducat, reliqua secundo & tertio loco existimes.*

31. Si veritas aliunde quam ex Ratione adstrui nequeat, adientiri debuisset ille senex, nec aliud inculcare principium; Ille vero post alia; *Εὐχος.* inquit, δι' οὗ πάντων φῶς ἀνοίχθηται πῶλας, ἢ ἢ σὺν ἡμῶν, ἢ δὲ σὺν ἡμῶν πάντων ἰσὺν, οἱ μὴ τῶν οὐκ ἐστὶν σὺν ἡμῶν, ἡ ὁ Χριστὸς αὐτῶν. *Precare tibi, inquit, ante omnia lucis aperiri portas: Nec enim ab ullis hæc intelligi vel dijudicari possunt, quam quibus Deus & Christus ejus id dederint. Repliat Justinus, non posse illud esse aliud, quam Τὸ Ἔνδοξον, mens lumen, Pl. ne ut Auctores nostri in cap. I. hujus sectionis.*

32. At senex eum ad scripta Prophetarum & Apostolorum remittit, ut tamen ne heic quidem Rationem tanquam principium dijudicandi commendat, Ὁ γὰρ μὲν ἀποδείξω, inquit, πῶσ' ἡ τῶν λόγος, ἀπὸ ἀνοίξεω πῶλας ἀποδείξω, *Nec enim cum demonstratione sua scripta composuerunt, utpote quæ superarent omnem demonstrationem.* Næ ille Senex ingentem calumniæ dicam scripsisset, hac audita positione, qua sibi placent. *Si quis Rationi scripturam Sacram præferat, eum erroris se verum facere flagitiosum.* Secundum illorum hypothesin illum senem hoc modo loqui oportuisset; (detur venia huic *αὐτῶν (πῶλας)*)

33. *Bene habet ὁ Justine, quod Rationem rectam ut ducem & Imperatricem sequi paratus es; neque nos eam defugimus, neque divinas veritates ex alio principio approbamus aut exploramus: verum est, habere nos revelationes sacras quibusdam scriptis comprehensas; sed harum divinitatem, à quâ pendet omnis earum auctoritas, aliunde quam à Ratione adstrui non possetemur; nec contendimus: verum est, quam in animum inducas credere, quod non Ratio tibi dicet esse rectum & verum, & si quid eveniat tibi proponi, quod Ratio secus dicet, inde à principio tibi jam prædico, noli scripta sacra, quæ tibi proponuntur, Rationi præferre. Saltem hæc observa; exactam ratiocinandi methodum insitue, libera te præjudiciis, excute seignitiam; noli quicquam rebus tribuere vel negare, quod eis tribuendum vel negandum esse, nunquam animadvertisti. Inprimis cave tantum errandi flagitium committas, ut si quid ex ideis rerum adseverate collegeris, illis esse tribuendum vel negandum, id ipsum deinde neges eisdem rebus esse tribuendum vel negandum, aut dubites, an tribuendum vel negandum sit. Hoc in scriptura sanctæ gratiam facere, tam valide improbatum apud nos, ut etiam gradus ad eam culpam fieri absque flatio non posse merito censeatur; sed ita firmiter apud animum tuum constitue, non posse verum esse quod Rationi contrariatur, nec quod Rationi convenit iisdem literis sacris adversari posse. Præcide, si modo attendas rectamque viam meditandi institueris, de auctoritate scripturæ jubeo te esse securum. Nihil aliud à te stipulor, nihil omnino cautionis postulo, quam ut in his, quæ ad salutem necessaria sunt, eam serves sacre scripturæ reverentiam, ut si quid in illis suspicere contrarium his, quæ tu veraptes, novo & quam fieri potest accuratissimo examini ea subicias; cæterum, quæ recta Ratio tibi per sua feris, de illorum veritate*

ritate cave unquam dubitare sibi veniat in mentem; si modo legitime colligas rationes, in utramvis aurem omnino licebit otiose dormire. Hæc ab iis quæ dixit dicitur 2. q. 2. m. 2. discrepantia, cum his conferantur licet.

34. Sed tempus est, ut sententiam Chri-

stianæ Religionis necessariam vereque fundamentalem, objectionibus præter & post eas, quæ ab Hobbesio motæ & in cap. ult. sectionis præcedentis occupatæ sunt, liberemus.

C A P. I V.

Quo objectiones adversus priorem; & fundamenta posterioris sententiæ remonentur.

Objectio de confusione, quæ sit in orthodoxâ sententiâ, inducitur & refellitur. Etiam, quod à Prædicato Fidei desumitur, quod dicitur Rationalis. Plerumque methodum ratiocinandi in primis conversionibus abuisse, non semper: & inesse divinitatis notas Verbo ad persuadendum sufficientes, sed Rationem solam in transversum agi, nec piis simplicibus in ratione sola satis esse præsidii, contra dubitationes & tentationes: Nec acerrimos ratiocinandi magistros hac viâ ad fidem solidam Evangelio habendam adduci solere, quod exemplis abundè constet. Respondetur bifariam ad argumentum, è characteribus divinitatis verbo Dei impressis, quasi illorum collectio sit via ratiocinandi & unum Principium. Solam voluntatem sive decretum Dei, quod homo sit crediturus, non sufficere ad lumen supernaturale, quod Sacra Scriptura Fidelibus adscribit, adferendum.

Quemadmodum, qui Rationem faciunt principium cognoscendi divinitatem Sacræ Scripturæ & rerum in ea traditarum, præter injuriam quam faciunt Verbo & Spiritui sancto, incidunt in incommodum arbitrariæ interpretationis, quam in literas sacras inferunt, seque necessitati infinitis impiorum cavillis, quo nihil inutilius, respondendi implicant; ita Patroni Rationis omnium Imperatrix, ut Justinus loquebatur, nullius rei magis orthodoxos, quam obscuritatis hac parte coarguunt.

2. Neque prius hæc opinio, de Ratione quali Principio res sacras judicandi, antehac Socinianis propria & à Remonstrantibus adoptata perrupit in Ec-

clesiam Reformatam, quam è dubitandi tenebris emerfit, illa vis ratiocinandi, quæ tam certa & infallibilis quam Deus est verax, esse gaudet, ejusque usus in Theologia, quod auctor ejus enixe prohibuerat, obtinere cœpit.

3. Primum Confusionis argumentum petunt ex eorum dictis, qui in fide non opus esse ratione, qui fidem prævenire scribunt rationem, quomodo D. Heidanus, sed dubitandi methodo necdum initiatus, loquebatur, *fascic. disp. Socin. 1. r. §. 4.* Item Calvinus, *Talis est hæc persuasio*, inquit, *Fides, quæ rationes non requirat l. 1. c. 7. n. 5.* Alibi. *Unde statuimus, Fidei notitiam certitudi- ne magis, quàm apprehensione constare;*

Quod

Quod explicat; Dum persuasum habet, quod non capit, plus ipsa persuasionis certitudine intelligit, quam si humanum aliquid sua capacitate perciperet l. 3. c. 2. n. 14.

4. Jam olim hoc confusionis argumentum notavit Abelgardus Parisiensis Magister, cujus ingenium ut in eod. loco describit Barnardus epist. 190. Is explicans Sapientis dictum *Qui credit cito, levis est corde*; Cito creare, inquit, est adhibere fidem ante rationem, Quod de naturalibus verissimum, in spiritualibus sæpe falsum esse ex supra dictis manifestum est.

5. Etiam è modo & momento conversionum, quæ prædicationibus Apostolorum commissæ leguntur. Nam si Ratio est principium cognoscendi divinitatem verbi, oportet, Auditorem vel lectorem primo dubitare, res perceptas inter se & cum ideis innatis attente conferre, rationes in diversum tendentes diu multumque pendere, & tandem omnibus maturè examinatis, ubi ad visionem claræ & distinctæ perceptionis enisus fuerit, concludere, neque prius adsentiri.

6. Idque in mysteriis abstrusissimis de natura Dei unius & trini, cum humana natura conjuncti, duram pauperiem omniaque mala in terris perpeffi, à cruce suspensi, à morte resuscitati, in cœlos sublati. Judæum oportet examinare varicina de Messia, nunquid indeliqueat, Messiam esse *משיח*: Si prius quam hæc, pro rei momento accuratissime examinaverit, ad sensum præbeat, in leges impingit & ratiocinandi flagitium, si credimus Duum viris, Rationem esse unicum credendi Principium, committit.

7. Tu verò cum hac methodo comparas, conversionem trium millium per concionem Petri, Lydiæ prophyropolæ, Commentariensis apud Philippos, alia-

que sine numero. Nihil simile reperies; majestas & fulgor verbi prædicati, mentes eorum ita perculit ac penetravit, & sacra lux eum in modum iis adfulsit, ut occupata profligatæque ratiocinandi, deliberandi, eligendique cura & nube dubitationum, evidentius atque efficacius Dei verbo ad sensum fuerint, quam ulla idearum connexionem & argumentorum delectu censequi & efficere potuissent.

8. Subacti illa experimentorum evidentiam Dissidentibus, compendiosum ali-quod ratiocinandi in simplicioribus agnoscere videntur, ut omnino tamen Rationem illis principium esse contendant. Sed aut leges ratiocinandi, quas figunt & inculcant, non esse necessarias tateri illos oportet; aut certe in illis simplicibus, qui non obierunt illam methodum, non fuit ejusmodi perceptio veritatis, cujus ratiocinatio principium dici queat, sed credulitas quædam & festinata persuasio.

9. Nec tamen ideo, quod est secundum illorum idemque *Pajoni argumentum*, Spiritum Dei, ut in bruta, sic in fideles, vel ut in lapides operatum fuisse statuimus. Spiritus Dei effusus in illorum corda facit, ut spiritus hominis sive mens consentum præbeat adsertionibus prædicatis, sine methodo dubitandi & ratiocinandi, quæ, ubi Ratio est principium, nullo modo negligi potest.

10. Spiritus Dei efficit sæpe claram & distinctam perceptionem, sine prævio examine rationali, quod adesse oportet, ubi ex ratione concludendum est; plane ut ipsum Cartesium supra audivimus in sacris agnoscentem; quem illi scilicet, aut heic cæspitasse, vel lumen supernaturale, sine methodo, evidentius quam rationale, metu offensæ in nova institutione, Vulgo dare voluisse, quod eripere non poterat, arbitrantur.

A a

11. Nec

11. Nee alter accipienda quæ *suprà* ex Orthodoxis habuimus, de *Certitudine Fidei* opposita *Apprehensioni*, & de *persuasionem ejus quod non capit* Fidelis. *Cognitionem cum vocamus Fidem* ait Calvinus, *non intelligimus comprehensionem, qualis esse solet earum rerum, quæ sub humanum sensum cadunt* l. 3. c. 2. n. 14. quæ per collationes & concatenationes multarum peceptionum simplicium & rationalium argumentorum, desinant in claram visionem luminis naturalis: Nec his quidem negatur esse locus in sacris, negatur esse locus ut principiis, negatur unicè, *nec aliunde* constare posse de divinitate verbi, ut volunt illi.

12. Habent tamen instantiam, quod & *tertii* vicem *argumenti* tenet, Religionem Christianam esse *Rationalem*, *λογικὴν*, ut Apostolus, ad Rom. XII. 1. à qua proinde Ratiocinationem ejusque methodum exactam alienare, deforme fit & injurium in Auctorem Rationis & Scripturæ; in quo argumento valde se jactant & increpant discrepantes.

13. Sed quod ad Pauli locum attinet, huic facile satisfiteo, quod ille Rationalem qualitatem religioni Christianæ adseruit, comparatæ cum religione Mosaicâ, quæ externo & carnali apparatu sic erat involuta, ut rationalis qualitas in ea vix appareret.

14. Tum verò procul est ut à cognitione divinitatis S. Scripturæ, alienemus rationem aut Ratiocinationem, vel illam sustinere non posse credamus exactissimam ratiocinandi methodum; sed negamus eam à principio semper & necessario adhibendam, aut Spiritus sancti lumen sine illa methodo, credentem non posse reddere certum & certissimum abtque ulla dubitationis nubecula.

15. Neque tamen negandum, Conversiones, unquam fieri per viam Ratiocinandi; quemadmodum de Berœensibus

in *Actis* relatume est, eos inquisivisse diligenter in ea, quæ Apostoli proferebant, multosque tales, sola vi spiritus Sancti ante ratiocinandi methodum ad credendum non abreptos, sed mediis rationibus inductos; haud tamen aliter, quam adspirante spiritu sancto mentesque eorum ad accipiendas rationes aperiente, dicendum est. Cave tamen hos solos veram accepisse fidem, reliquos inde ab initio verbum ipsis expositum pleno ad sensu amplexos, temere credidisse putes.

16. Et si deinceps & ex post facto non est dubium, quin edocta mens eorū Lamine supernaturali, rationem Fidei & Salutis humani generis à Christo procuratæ, cum admiratione divinæ sapientiæ plenissime perspexerit, eamque Viam, quæ Rationi non illuminatæ *μυρία*, *Stultitia* videbatur, maximè rationalem Deoque dignam judicaverit; Utcunque Christus & Apostoli ad hanc Rationis convenientiam nullibi provocare compertissent.

17. Hæc tamen non obstant, quominus ejusmodi *κατήχημα*, sive notæ in Sacrà Scriptura & Verbo inde prædicato eluceant, quæ omnibus conscientiis testatam facere queant ejus divinitatem & Evangelii prædicati veritatem; quo pertinet locus Apostoli, Rationalibus nostris palmarius 2. *Corint.* 4. 2. *Τῆ φανερώσει τῆ ἀληθείας συνιστῶντες ἑαυτοὺς ὡς πᾶσαι συνείδησιν ἀνθρώπων, manifestatio-
ne veritatis accommodantes nos ad omnem conscientiam hominum.* Qui locus potest facere *Quartam* objectionem.

18. Responso occupata est, Inesse reventa Dei verbo ejusmodi vim veritatis, quæ ad arguendas refragantium conscientias eosque reddendos *συναπολογητός*, & convincendos sufficiat. Ut tamen æquè certum sit, illa *κατήχημα* notæque verbi esse ejusmodi, ut *ψυχικός*, mere homo rationalis sine spiri-

ne spiritu Dei illis ad fidem moveri non possit, verum sibi relictus in alia omnia discessurus sit.

19. Constat etiam, illas notas divinitatis tot cavillis & objectionibus ex Ratione depromptis impeti & involvi, ut si auditores pii & simplices nihil in cordibus suis habeant, quam methodum ratiocinandi, ab hac ipsa in transversum agerentur, minimeque in ea fatis præsidii in tentationibus & augustius spiritualibus haberent.

20. Quando palam est, etiam acutissimos ratiocinandi magistros, qui hanc ipsam methodum lacris adhibere docent, ab ea quam de verbi divinitate persuasionem ab incunte ætate habuerunt, sæpe dimoveri, & ejus contemptum, diligentia ratiocinandi, quicquid dissimulent, animis suis induere, ut exemplis patet manifestis & non manifestis.

21. Ex hisce quid de *quintâ* objectione sit habendum, intelligi potest. Ajunt *καθημερον* & notas divinitatis, quæ in verbo & Scriptura ab Apostolis & Prophetis editæ reperiuntur, esse totidè *medios terminos*, quibus auditor adsumptis, inde ratiocinatur & concludit, scripturam esse divinam, hoc modo; *In quâ oratione vel scripturâ reperiuntur notæ divinitatem Verbi infallibiliter arguentes, illam oportet esse divinam. Atqui in verbo scripturisque apostolicis reperiuntur tales notæ Ergo verbum & scripturam illam oportet esse à Deo*: Parique argumento quicquid in illis traditur: Et sic ratiocinatio est principium.

22. Hoc argumentum nonnullis maximè placuit, atque in eo toti fuerunt; postquam Socios, qui Rationem non modo Principium divinitatis Scripturæ, sed & ipsarum quæ in iis continentur rerum, esse docent, hæc tenus in speciem magis quam re ipsa deserendos putarunt.

23. Responso ad argumentum illud est duplex. Prima, non esse idem, cum dicitur; *Scripturæ divinitas aliunde quam ex Ratione constare non potest*, cum hac positione; *divinitas Scripturæ non potest aliunde quam ex characteribus divinitatis, quos ipse Deus Scripturus impressit, constare*. Nam characteres isti non sunt notionis insitæ menti, unde ratiocinatio ducitur; sed quasi fulgura, quibus tanquam propriis radiis ad convictionem omnis conscientiæ, Scriptura coruscet, quemadmodum recte ab aliis ad hanc instantiam pridem responsum fuit.

24. Fere ut subulcis usu venit, quibus Angeli naturæ Messiam denuntiarunt. An his etiam Ratio fuit principium? Ita scilicet, *Quod angeli dicunt, hoc est verum. Atqui puerum hunc esse Messiam Angeli dicunt. Ergo verum est*. Nugæ. Fiat tamen ita; Sed an ita pergent? *Quam rem Angeli nuntiant, hanc nos collatis rationibus ac ideis clare & distinctè percipimus?* Apage, ubi nihil fuit, quam *Τὸ ἐπιμαρτυροῦν*, verbum editum & intellectum cum gaudio Spiritus sancti *Luc. 2. v. 15. 20*. Si Rationales audivissent, primo dicta illa cum ideis menti insitis & cum vaticiniis Prophetarum conferre debuissent, ne quid ante rationem.

25. Altera sit hæc responsio; Non posse mentem hominis, ut nunc est, in facultatibus suis corruptam, ita suas cogitationes inducere, ut in illis quæ laudantur notis, etsi tales reverasint, infallibilem putet inesse demonstrationem, *quod verbum sit divinum*; cum istæ notæ sint eadem cum re ipsa. Unde multo plures hominibus sola ratione utentibus objectiones & difficiles cavillatoriæ, quam notæ veritatis à piis inde colliguntur.

26. Absit, ut valori istarum notarum detrahamus; sed ut sola rationalis inde collectio exceptionibus & objectionibus argutis

argutis & infinitis, simplices auditorum vel leætorum animas, nihil quam attentionem suam adhibentes, ad *πληροφωριαν*, id est, plenissimam & liquidissimam persuasionem, qualis est Fides, adducere possit, rei ipsius evidentia & experientia refellit.

27. Optimum arugmentum est ab even. u vaticiniorum. Sed quam nec illud ad infallibilem demonstrationem in piis, qui sola vi rationis utantur, sufficiat, his ultimus temporibus qui huic parti Scripturæ p̄sus operæ quam aliquot seculis datū est, compertum fuit, dum totidem systemata explicationum, quot Interpretes prodierunt; ut multo limus incertiores quam dudum.

28. Nequidem miracula quæ leguntur in sacris perpetrata, nunc infallibile præbent argumentum, quia nituntur fide Relationem in Scriptura extantium, quæ proinde requirunt idem principium cognoscendi veritatem, quod ad Scripturæ divinitatem est necessarium.

29. Efficaciora fuerunt in eos quibus coram edebantur, sed ramen ne in hos quidem valuisse quod satis esset ad *πληροφωριαν*, Christus ipse toties ingeminavit, quoties neminem nisi tractum à Patre suo, nisi cui is veritatem detegeret, credere posse professus est.

30. Quid de reliquis gnorismatis? Hæc à Viro docto novissimè ita recensentur. I. quod in Scriptura revelatum sit, quomodo Peccator modo *ἁμαρταν* cum Deo possit reconciliari, quod nullus homo excogitare potuisset.

31. Atqui hoc illud ipsum est, quod Theologus è multis unus (nomini pareamus) Reformatæ Pastor Ecclesiæ ab in-eunte creditum ætate, per Ratiocinationem amiserat, nec nisi in ultimo vitæ articulo singulari spiritus S. gratia in animum inducere potuerat. Idem est, quod hi, quibus hæc opera & omne studium est,

ut Religionem Christianam cum Ratione per omnia concilient, maxime repudiant & Rationi repugnare subtiliter demonstrant, mereque Rationalibus facile persuadent

32. Idem de secundo Viri docti argumento tenendum: *In qua Scriptura talia de Deo revelata sunt, quæ humano ingenio excogitari non poterant, veluti est doctrina de Trinitate, hanc oportet esse divinam. Atqui. Ergo*

33. Hocce, quod Rationales, ut specimen repugnantæ cum Ratione perpetuo objiciunt, argumentum erit, unde argumentum evincendi divinitatem Sacræ Scripturæ petatur apud negantes?

34. III. quam ponit Nota Vir Rev. de Vaticiniis, examinata est.

35. IV. Nota; *Quia Deus ipse cum Mose, caterisque Prophetis loquutus est, incidit in eandem circumstantiam, quæ de miraculis modo relata est.*

36. V. Nota; Simplicitas, & integritas Scriptorum, qui facta quæ scribunt, comminisci non potuissent, hæc facit, ut moralia ab illis sincere dictata putent Rationales: In rebus abstractis hoc illis præjudicium est in contrarium.

37. Plane ut hæc & similia magnivaloris sint apud animos à spiritu sancti lumine jam præventos, id quidem fatendum; sed ad eos qui sola Ratione, sicut, in quæ, ea nunc est in homine disposita, procedunt in rebus examinandis, minime sufficiunt ad convictionem & liquidam persuasionem; absterrent magis, & *μνησθη* stultitia videntur, ut Apostolus & res ac usus docent.

38. Longe præ cunctis rationibus confirmat fideles validius, illud *κεκρυμμενη*, per quod omnia norunt, *Unctio celestis* & contestatio Spiritus Dei ininuata menti, quam supra ex Paulo & ex Johanne percepimus; quæ facit, ut illæ notæ, sint quod esse videntur, & animos

animos intima clarissimaque luce perfundant.

39. Neque verò immediata vis illa luminis infusi absolvitur Decreto scilicet & Voluntate divina, quæ velit & discernat; ut homo tales & tales ineat cogitationes; ut tamen in mente nihil sit aliud quam collectio rationalium argumentorum, nec aliud in eâ statui possit abiq; enthusiasmo, ut Viri Cll. inculcant.

40. Non opus est repeti quæ protulimus, & ad hæc refutanda sufficiunt; Nec repetam quod ultro patet, hac interpretatione, mentem in suis facultatibus æque statui incorruptam, quam ab his, qui corruptionem in usu & actu & habitu acquisito constituunt. Quia Ratio sic etiam, ut est in homine jam corrupto, statuitur enixè, principium cognoscendi divinitatem verbû; quod, si in suis facultatibus corrupta & cæca sit, nullo modo esse potest *sine novo principio*.

41. Enthusiasmi notam à nobis amoliri necesse tunc erit, cû negabitur, quod adhuc factû non est, sententiam nostrâ esse communè veterum Reformatorum, quos ut confusionis, hodierni universæ dubitationis magistri insimulent, enthusiasitas tamen adhuc fuisse nemo di-

xit; neque dicendum putabit, quod mos Spiritus sancti motus, non nisi verbo Dei contentaneos, & secundum illud omnes motuum species, virtutes & qualitates examinandas censere cognoverit.

42) Destructa satis est hæc positio, *Quod divinitas S. Scriptura aliunde quam ex Ratione cognosci vel adstrui nequeat*. Unde Altera, quod si Ratio nobis aliud quam Scriptura dicitaret, huic non esset potius credendum, corrui; quæ manifesto nititur hac hypothese, quod Ratio æquè in homine certa sit, quam Scriptura; si modo recte inducatur; quod iterum præ se fert alia, hypotheses duas convellendo factas Christianismo, *Rationem in suis facultatibus adhuc esse incorruptam*, de qua diximus; & Veritates in Scriptura traditas ad rationis normam examinandas, nec aliter quam si cum illa convenient, esse admittendas; quod est thema Socinianum, Scripturam Philosophiæ subjiciens & plerisque mysteriis subvertendis comparatum. Sed nos in priore quæsito, de principio cognoscendi divinitatem S. Scripturæ subsistemus.

C A P. V.

De Testimonio obfignante Fidem receptam.

Inter conversiones factas ad fidem veram in primâ Euangelii prædicatione repentinas & eas quæ post receptam in orbe fidem per traditiones rationales committuntur, esse discrimen modi, non rei ipsius, ut alii aliis evidentius lumen supernaturale à ratione discernant. Fidem persuasam & animi conscientiam acceptam Testimonio Spiritus S. in verè fidelibus obfignari & oppignorari solere, idque sigillum & pignus à Fide rationali bene esse distinctum, è variis Scripturæ locis inducitur & probatur, secundum diversos conversionum modos. Pertinere id etiam ad cognitionem, exemplo mysterii, de cibo & potu carnis & sanguinis Christi probatur. Exponuntur altæ quædam operationes Spiritus S. in animis fidelium *Pignoris* & Testimonii usum exhibentes, & removeantur exceptio.

Quæ de causâ supernaturali Fidem producente *suprà* demonstravimus, hypothese in maxime Pagani ad fidem conversi, quales in primâ Euangelii prædicatione, requirunt, in qua persuasio de veritate & divinitate verbi plerumque cum generatione novi hominis conjuncta fuit.

2. Qui sic convertebantur, in his quidem fides non fuit sine ratione; sed principium credendi non fuisse Rationem, ex eo liquidissime patebat, quod plerumque fides methodum ratiocinandi & exactam argumentorum comparisonem præveniebat, ut tamen verissima & liquidissima Fides esset.

3. Hi verò deinde coelitus persuasi, introspectantes in mysteria fidei, dignam in illis Deo sapientiam adeoque cum ipsa ratione vera convenientiam, soli Rationi, ut est in homine corrupto, impenetrabilem agnoscebant; ac ita *visum* & conscientiam discriminis inter Ratiocinationem & tractionem Spiritus Sancti evidentem habebant.

4. In cæteris, qui post accuratum exa-

men & collationem argumentorum ad Fidem traducebantur, adfuit equidem illa vis eadem supernaturalis, nec defuit ejus à Ratiocinatione differentie conscientia; verum minus evidenti temporis ordine discreta vel foris apparens.

5. Recepta per orbem fide Christiana, persuasio de verbi divinitate in plerisque, sine ratiocinatione & sine speciali gratiâ coelesti, traditione Parentum & institutione præcipientium sedit animis hominum; cui dein Ratiocinatio in multis iterum sine salvificâ (ne de tralatiâ dicamus) Spiritus Sancti gratiâ accessit, ac ita Fidem historicam & rationalem adstruxit.

6. Sunt, quos misericors Deus è statu Naturæ per efficaciam Spiritus sui ad interiorum cum Christo, & per hunc cum se ipso conjunctionem tractos, novâ simul luce tam notabiliter perfundit, ut differentiam Ratiocinationis ab illo Lumine supernaturali clarissime pertentent.

7. Hujusmodi supervenientem Spiritus Dei operationem & illuminationem *incri-*

inſcriptione hujus Rubricæ, de Testimonio fidem receptam obfignante & pignorante, intelleximus, eique non modo, in his, quibus post fidem Ratione vel institutione solâ perceptam supervenit, sed etiam iis qui primitus à Spiritu Sancto rapiuntur ad fidem ante citraque ratiocinationem evenire, constat è sacris; Idque nunc ut probemus, faciendum est.

8. Non loquemur de prodigiosa Spiritus S. immiſſione, quæ facta est in Apostolos & ab illis converſos, qui vel statim vel aliquandiu post fidem acceptam ejusmodi Spiritu extraordinario, quem non visum fuit Deo in Ecclesiâ esse perpetuum, donabantur; sed loquimur de communicatione Testimonii, quod ad finem utque mundi duraturum esset in Fidelibus, juxta promissionem Christi *Joh.*

14. & 15. *ἵνα ἡμεῖς μὲν ὑμῶν εἰς τὴν αἰῶνα, ut vobiscum maneat in æternum, quod nulli nisi verè fideles cognituri essent v. 17.*

9. De hoc Paulus ita, *Ὁ δὲ θεὸς ἡμῶν ἀνὰ ὑμῶν εἰς χεῖρας ἡμῶν, Θεὸς, ὁ καὶ φρασεῖται ἡμῶν ἀφ' ἧς ἀρραβῶνα τῆς κληρονομίας ἐν τοῖς καρδίας ἡμῶν. Qui stabilivit & unxit nos vobiscum, Deus est, Qui nos etiam obfignavit & Spiritus sui pignus dedit in cordibus nostris 2. Corinth. 1. v. 21.*

10. Conferamus cum hoc loco alterum ad *Ephes* 1. v. 13. *Ἐν ᾧ καὶ ὑμεῖς ἀκούσαντες τὸ λόγον τῆς ἀληθείας, ἐν ᾧ καὶ πνεύματος ἱεροφάνης; Ἐν τῷ πνεύματι ἡμῶν ἐπισημασμένης τῆς ἀρραβῶνος, ἐν ᾧ ἀρραβῶνα τῆς κληρονομίας ἡμῶν. In quo Christo, postquam audivistis sermonem veritatis, in quo postquam credidistis, sigillo obfignati estis: Scilicet Spiritu sancto vobis promisso, qui est pignus hereditatis nostræ.*

11. Dux res heic à Paulo, re & temporibus distinguuntur, Acquisitio fidei, & ejus obfignatio atque oppignatio. Prima pars est in verbis, *ἀκούσαντες, πνεύματος;* Postquam audivistis, credidistis.

Item ὁ θεὸς ἡμῶν καὶ χεῖρας ἡμῶν ἐν χεῖρας; Priora dicta rem simpliciter, hæc modum & causam expriment, *fundationem & unktionem*, quâ fides à Sp. S. mentibus indita fuit

12. Hac ipsâ re commissa & collocata, sequitur obfignatio in verbis, ὁ καὶ φρασεῖται ἡμῶν, ἱεροφάνης. Item oppignatio, ἀφ' ἧς ἀρραβῶνα, ἐν ᾧ ἀρραβῶνα, &c. comparatione desumptâ à negotiis contractis & eorum confirmatione per sigilla & hypothecas vel pignora in manus tradita, sicut fert usus hominum atque rerum quotidianum.

13. In emptionibus venditionibus, locationibus conductionibus, Stipulationibus, Mutuo, Donationibus, & similibus ipsæ Conventions ita differunt & distinguuntur à sigillis atque pignoribus, ut hæc sæpius absint atq. postea subjungantur; Nec aliter in istis Pauli locis ordo verborum & analogia comparationis fert.

14. Ex bene dictis Marci Tulli est, nihil tam furiosum videri, quam verbis uti diversis sine distincto sensu; cujus rei exemplum videre licet in examine epistolæ Cæsaris ad ipsum, in his verbis; *Ut tuo consilio, gratiâ, dignitate, ope uti possim*: Operæ pretium est animadvertere, quomodo singula verba scrutetur, non ut hodiè quis in literis *complementa* civilitatis continentibus, quales erant istæ, verba negligentius effusa putaret; nullam syllabam sine proprio sensu gratis ab homine cordato statuit esse positam *lib. 9. ad Att. ep. XI. & sequ.*

15. Nos autem Apostolum; ut volunt, qui nullum Spiritus S. testimonium à fide rationali distinctum agnoscunt; in re gravissimâ fidei, sigilli, pignoris vocibus sine distinctis sensibus uti credamus? Sufficiat Scriptura, Verbum, Ratio illuminata, καὶ ἡμεῖς ad Fidem accipiendam, quis tamen dicet, *sigillum*

sigillum, quod imprimitur, pignus quod superadditur, à Verbo & à Scriptura ejusque intellectu non esse distinctum?

16. Sed qui hæc confundunt, præter quod ista & similia loca dictis inanibus eludunt, clarius, quinam & quales sint isti motus & quomodo à ratiocinatione discrepent, ab adferentibus exigunt. Si volunt clarius, quam in literis sacris expressum legitur, non habent rationem. Ibi vero Servator ait, ut modo intelleximus, *neminem eos motus scire posse, quam qui habet & sentis, Job 14. v. 17.* Paulus eos appellat *ἀνεκκαλίτους, ineffabiles*, easque *ἢ τῷ ὀδύνοσ ἀνακαλίτουσ*, à *nemine, quam à sentiente dijudicari*. Calvinus noster, *omnes quidem pios illos experiri, sed longe infra justam rei explanationem verba subsidere* 1. Inst. 7. §. 5.

17. Discrimen equidem à Ratiocinatione perspicuum est in his, qui prædicatione verbi sine methodo rationali fidem amplexi, dein per Ratiocinationem illuminatam mytheria veritatis ita perspiciunt, ut eadem Spiritus efficaciam, quæ primum eos sine exactitudine dispurandi, adflaverat, magis magisque confirmantur, in eaque longe validius acquiescant, quam sola ratione freti facere potuissent; ut quæ vis in amplectenda fide prius illos adfecerat; hæc in retinenda & confirmanda, testimonii loco sit efficacissimi.

18. Eo sensu Johannes unctionem Spiritus in utrumque usum conjungit. *Καὶ ὁ χρίσμα ὃ ἐλάβετε ἀπ' αὐτοῦ ἐστὶν ἡ ζωὴ καὶ ἡ χάρις ἵνα πρὸς ὑμῶσ διδάσκη. Uñctio, quam ab illo accepistis, in vobis manet, nec opus est vobis, à quoquam doceri* 1. Joh. 2. v. 37. Quæ unctio inde à principio vim luminis præbuit, ea deinde testimonii vel sigilli & pignoris usum præstare dicitur, eamque solam Johannes sufficere statuit ad munjendos fideles adversus seductorum cavillationes.

19. Eiusdem subsequentis testimonii virtus evidens hodieque est in omnibus, qui vulgari institutione & ratiocinatione, dum adhuc erant in statu Naturæ, de verbi fideique divinitate ac veritate persuasi, dein Spiritu Dei vivifico induti Christoque devoti, mirificam exinde luminis in dijudicatione Spiritualium rerum accessionem, non modo in amore zeloque, sed etiam in interiore notitia veritatis ac mytheriorum experiuntur: Quod ut per omnem Christianæ pietatis doctrinam liquidissime diffusum est, ita placet uno illustrare exemplo.

20. Verba Christi, quibus *carne suam esse vere potum*, non modo brevibus peremptoriisque verbis in institutione Sacræ Cœnæ, verum etiam fulius & *πεφυματικῶσ*, imprimis in *cap. vi. Joh.* docet, per rationem solam nemo unquam rectè satis interpretabitur.

21. Pontificii *verbum* quidem hætenus ut *principium* sequuti, cum manducationem corporis Christi spiritualem non perciperent, interpretationem crassam & Christo indignam prodiderunt, nec penitus hanc imperitiam spiritualem exuere, qui transmutatione materiali rejecta, corpoream tamen præsentiam amittere nequeunt. Nec quidem illi fortasse, qui nil nisi tropum aut figuram in Christi verbis agnoscunt. Denique, nec usus Spiritualis vel attentionis hac parte satis esse videtur in hisce, qui manducare corpus Christi nihil aliud esse volunt quam uno verbo, in Christum credere; qui forte nec à proximè præcedente sententia recedunt.

22. Non posse quidem aliam fingi manducationem, quam quæ per fidem exercetur, fatendum & concedendum est: At nihilominus pro certo habendum, non omnia quæ per fidem fiunt, aliud nihil esse quam *in Christum credere*. Spes, charitas est per fidem, gemitus

ineffa-

neffabiles, & omnis habitatio Spiritus in fidelibus est per fidem, ne tamen in illis omnibus nihil est aliud, quam uno verbo, *credere in Christum*.

22. Sed Calvini hac de re scripta legenti non imperito ejusdem conscientia, hoc inter alia exemplo patebit, quod in illo mirificè Lectori non impari passim ob oculos versatur; incredibile est, quantum homini ratiocinatori, qualis ille præ multis aliis fuit insignis, è spiritali istimàque rerum salutarium experientia lucis suboriatur.

23. Adeo, nec ille demonstrare, nec aliis sine pari experientia persuadere potuisset, manducationem corporis & potionem sanguinis Christi esse rem exhibitam verè que non figuratè præstitam, cujus anima fidelis penitus fiat particeps, ut ipse virtute in vitam Spiritualem vegetetur; non tantum, quatenus est sermo Dei æternus, sed etiam eo, quod descendendo è cœlis, vim istam in carnem indutam diffudit, ut inde vitæ communicatio ad nos promanet, & sic ejus caro vere cibus & sanguis ejus verè fiat potus, quibus in vitam æternam fideles educuntur.

24. Sacramentum quidem cœnæ non facit, ut Christus tum primum incipiat esse panis & potus vitæ; sed dum per symbola revocat in memoriam, se panem & potum vitæ esse factum, simul istius panis ac potus gustum & saporem præbet suis, ac ut vim utriusque alimenti sentiant, arcana virtute sua perficit, quæ se pasci & vivificari, sæpe cum imo medullas ipsas penetrante sensu divinæ bonitatis atque *gustu* præsentē effectuque non transitorio, sed robur in futurum animumque addente, persentiscunt.

25. Nec Calvino hac ratione mediam inter *Lutherum* & *Svinglium* insistere viam in mentem venisset, neque pii hæc interpretatio sedere po-

tuisset, si nullum quam rationis lumen in his veritatibus indagandis & judicandis sequuti fuissent. Nec quisquam ejus manducationis interno sapore non percepto, aliter in animum inducere potest, quam verum esse, quod Pontificii tenent, illusionem inanis argutiæ, nil nisi verborum sonos dantem, à Calvino esse excogitatem.

26. Præter hunc gustum adhuc in verbo Dei duas excellentes Spiritus sancti operationes à Rationali certitudine fidei, quæ per eam obfignatur & opignoratur, distinctas invenimus, quarum altera vocatur à Paulo *ἡ ἰσοπέρας πνεύματος ἄδοξης*, alteram vocat Petrus *ἡ χαρμίας χάρις ἀνεκλάλητος ἢ δόξα αἰώνιος* *exultationem gaudii ineffabilis & glorificati*, quæ ut verbis distinctis exprimitur, ita motu quoque & sensu non tantum consolationis, sed & maxime certitudinis fidei (de rebus ad salutem necessariis loquimur) in animis fidelium differunt; etsi quadantenus concurrere non posse non sit statuendum.

27. Obfignationis & pignorationis usum conjungimus, & tamen distinguiamus, quia Spiritui sancto conjunctim & rursus distinctè visum fuit eas esse, sicut intelleximus; propterea quod eodem fere motu sensuque filios Dei afficiunt, verum *figilla* dicuntur, quatenus *τοῖς πιστεύουσιν, ἰσὺς qui credere*, ferme in suis initiis immittuntur, quemadmodum figilla inde statim à principio. vel haud diu postea solent actis inprimi: *pignora* vocantur, quatenus eorum viva memoria vel repetitio gratiosa certitudinem inconcussam fidei acceptæ, cui tanquam pignori dato tantisper incumbant, fidelibus præstant.

28. De Spiritu adoptionis habemus duo loca Pauli Apostoli *ad Romanos c. 8.* & *ad Galatas c. 4.* quæ utcunque satis nota, non erit inutile denuo conferri.

B b

Ελαβε-

Ἐλάβετε πνεῦμα υἰοθεσίας, accepistis spiritum adoptionis, ait ad Romanos. Ad Galatas, Ὅτι δι' ἡμῶν, ἔκατισαν ὁ Θεὸς ἡμᾶς ὡς υἱοὺς ἑαυτοῦ, ἵνα ἡμεῖς ἴσως τὰς καρδίας ἡμῶν. Quoniam filii estis, emisit Deus spiritum sui filii in corda vestra; Utroque loco facit oppositionem hujus status & spiritus filialis ad versus statum & Spiritum servitutis, quæ sub lege fuit, cujus differentia explicatio non est hujus loci. Hoc magis ad rem præsentem pertinet, quod ait, quoniam estis filii; supponit, eos esse filios; facti sunt tales per fidem, cujus gnari sunt per fidei receptæ conscientiam, dicamus, rationale inluminatum. Insuper emisit Deus hunc suum spiritum filialem, qui hoc liquidius eos edoceret; ut exinde jam statim notitia & certitudo duplex intelligatur; una, quæ est ex collectio- ne Fidei rationali; altera, quæ est ab hoc spiritu in eum finem ἔκατισαν ἡμᾶς, specialiter scilicet, εἰς τὰς καρδίας in corda foris emisso.

29. Notabilis idem ex effectis elucet, ὅτι ἡ κεφαλὴ, ἀββᾶ ὁ πατήρ, in quo spiritu vociferamur, abbâ ὁ Pater, sunt verba in græco exotice vernacule ἀνομιᾶ- ποιηθέντα exquisitè ad significandam efficacius illam Θεοῦ βίωσιν, illam vim supernaturalem, quæ cum indicibili teneritubine fiduciaque infantili tum mentibus adfunditur; ut deficientibus verbis, erumpant in suavissimam compellationem atque in amplexum desinant. Nec mora, quin tam blande citatus ille Pater amoris sui sensum πάντα ὑπερίχθη ἡμῶν omnem vim mentis superantem benignissimè reflectat animisque eorum inlinuet. Atque hæc est ejusdem spiritus respon- sio: Ἄντὸ τὸ πνεῦμα, Spiritus idem, qui clamaverat, ἀββᾶ Pater, συμμνηστεύει ἡμᾶς, nos esse filios Dei, non voce remis- sâ, de quâ nihil in verbo hactenus, &

quâ nihil opus; verum sensu penetran- tissimo acceptatæ nuncupationis pater- næ, cum certitudine fiduciaque mirifica conjunctæ, ne tralatitiam & rationalem fiduciam hic animo concipiamus intelligi. Nulla tamen heic ἕκστασις, nulla mentis alienatio: quid enim? Συμ- μνηστεύει τὸ πνεῦμα τὰς καρδίας ἡμῶν; Con- testatur Spiritus, ille qui clamabat, Spi- ritui nostro.

30. Sunt igitur duo Siritus in actu & in operatione distincti, mutuoque se ad- ficientes apud fidelem, ne Paulus idem ad Corinthios adfirmans à se ipso discre- pet, ἡ κεφαλὴ, vociferans, ita se ipsum denotat Sp. S. καὶ ὁ ἡμῶν, & spiritus nos- ter, qui hoc perentificat, hoc sibimet applicat, & dum intentus verbo ratio- nibusque fidei, tam excellenti gratiæ divinæ sensu fruitur, suprâ omnes dubi- tationum nubes evecta, sigillum illud ve- ritatis impressum sibi, pignoris vice com- plectitur atque custodit. Si quis hac Re- velatione, qualis optimo jure dicitur, fidelis postea tanquam principio velit uti ad alias veritates salvificas, (nam extra negotium salutis id non extendimus aut urgemus) colligendas, fieri potest optime, neque fiet hoc per modum natura- lium perceptionum, vel idearum com- parationem atque connexionem, quam mens suâ naturali facultate componit, ut nostri Patroni solummodo fieri vo- lunt, sed immediate è testimonio Spi- ritus sancti; quemadmodum Paulus in dic- to ad Romanos loco instituit, cap. 8. ὕ. 16. 17. E contestatione Spiritus, quod simus filii Dei, colligit ita imme- diatè, εἰ δὲ τέκνα, ἢ κληρονόμοι, si filii, ergo heredes. Atque ita videmus, dari quoque principium veritatis exploran- dæ diversum à Ratione rectâ, idque Spi- ritum adoptionis præstare validius quam ulla Ratiocinatio connectere atque per- suadere possit.

31. Hæc

31. HÆc de Spiritu adoptionis è duobus illis locis *πνεῦμα πίδας, verbosus & ὀφθαλμοφανὴς ad oculum* pro modulo hujus instituti demonstrata sunt. Altera Spiritus sancti operatio in cordibus fidelium, è qua juxta consolationem de statu proprio, fidei certitudo absque Ratiocinatione confirmatur, est *Exultatio gaudii ineffabilis & glorificati*, de qua plenz sunt literæ Dei; sed non occurrebant vivaciora verba quam sunt hæc Petri, 1. Petr. 1. §. 7. 8. *Ἦνα πιδάκιωσι ἑμῶν τὸ πίδας ἀριθμῶν οὐ ἀποκαλύψει Ἰησοῦ Χριστοῦ, ὅν ἕκ εἰδότες ἀγαπᾶται, οἷόν ἐστι μὴ ὁραῖναι, ἀγαλλιάσθε χαρᾷ ἀνεκλάητον ἢ διδραχμῶν. Ut probatio fidei vestra reperiat in detestione J. C. quem non videntes, sic credentes, exultatis gaudio ineffabili & glorificato.* Το δούκιωσι πίδας, est probatio per ignem persecutionum, in quarum medio sustinentur per fidem absque visione; sed ejus loco immittitur à Spiritu sancto gaudium ineffabile, in eoque exultatio glorificata

32. Non habetur hic, infundi à Spiritu sancto? At Gal. 5. 22. Rom. 15. 13. *ἐστὶ καρπὸς τῆς πιδάματος ἡ χαρῆς; Gaudium est fructus Spiritus sancti. δύναμις πειράσθαι ἀγίου; Potentia Spiritus sancti.* Unde ἀγαλλιάσθε exultatio in medio luctu, ut in vers. 6. *λυπηθῆναι ἀγαλλιάσθε, Tristitiā affecti exultatis?* idq; ἀνεκλάητη χαρᾷ ineffabili letitia; ne putes effectum esse naturaliter ortum è consideratione impeni boni, quod fide apprehenditur. Hoc quidem erigere & firmare potest animum ad constantiam in adversis præstandam: at ipso actu exultationem indicibilis gaudii in medio mœrore, sæpe nulla consolationis expectatione, non præstat; divinitus illud, immediatum sit oportet, imprimis, si cogites διδραχμῶν χαρῆν, gaudium non simpliciter gloriosum, sed ut vox habet, *glorificationem*, elatum, affusum gloria; quatenus

Spiritus eos velut in sublimo raptos luce sua Cælesti (à corporeis tamen oculis aliena) circumspendet, verba Cl. *Wisii accon. sæd. 3. 11. 44.* Cujusmodi adtuliones repentinas non modo sæpe martyres in tormentis aut eorum expectatione, sed & alii fideles in maximis animorum angustiis haud raro experiuntur.

33. Nam ita fere se præbet hac parte Spiritus, quo majus ut *τὸ ἀπροσδιόντον* hujus gloriosæ exultationis, ut cum mens fidelis quassata tentationibus, dubitationibus & derelictione spirituali, ruentibus super ipsam ratiociniis suis, perdere sese & absorberi videtur, intenta verbo salutifero operique Dei unius & trini in negotio salutis, atque à JESU tenuissimo quasi filo pendens, ut tunc aliquando derepente mersum tenebris animum occupet lux & indicibilis lætitia, quæ velut in coelum raptus mirifice ad Deum laudandum & glorificandum excitatur, attollitur, inflammatur, impletur laude gloriaque Dei, non jam credens aut Ratione percipiens, quod præ hac luce tenebrosum & nauci est, sed videns & palpans id de quo Rationes non potuerant eum reddere securum aut animo tranquillum. simul clarior infinito quam capiat ulla Ratio, sentiens, vim cœlestis beatitatis atque lætitiæ omnem, in Deo laudando & glorificando exorsum neque consumptum iri.

34. Sed verissime dicitur hæc ἀγαλλιάσθε. id quod est in hac vitâ, *exultatio*, quam brevi actu vox indicat transmitti, atque ita plerumque paucis momentis absolvitur, & in pacem animique serenissimam tranquillitatem deunit, atque transfunditur. Non est ea tum proprie facultas *τὸ κερῆεν Αἰβᾶ ὁ πατήρ*, neque momentum, quo dicit arida mens, se repente me le medullaque pasci; licet utrumque fiat aliàs & multò sæpius usu veniat, quam hujusmodi exultatio-

glorificata, ut ariditas spiritus sic tubitò in abundantiam mutetur. Sed in hac exultatione, lætitia ineffabilis & plena gloriæ sic rapit & occupat omnem mentis & cogitationum facultatem, ut nullam dubitandi speciem recipiat, nubeculamque admittat nullam; nec unquam evidentius, ejusdem Petri sententiæ vis & ὄγκος apparet, qua fideles ait ἵνα φρασεως γινεσθαι κενωθῆναι, *Divinæ participes nature fieri*, ep. 2. c. 1. v. 4. quam in his momentis; attamen semper hæcenus ἀνομιαν, *sine mentis ullâ alienatione*, benedum sibi & proprio spiritui constant.

35. Hæc Petri verbis insunt, ita experti hodieque testantur, & modo semel ea frui contigerit, ejus viva semperque recens & præsens memoria sigilli atque pignoris usum, circa τὸ δέξιμον ἢ πίστις, quod Petrus appellat, non modo consolationis ergo, sed & maximè, inquam, circa veritates fidei suavissime solidissimèque præstat; tempore quidem Petri sæpius & copiosius, ut nunc res & funesta loquitur experientia, factis tamen adhucdum frequentur & evidenter (ut qui animas perite tractant adfirmare non cessant) ad omnem animi dubitationem, quæ adversus Rationes sæpe moventur, auferendam: Maxime, quoniam hoc utrumque sigillum

Spiritus adoptionis & Exultationis glorificatæ, temporalibus & defectoribus à Spiritu, cum quibus τὸ δῶρον ἔ μίλλοις αἰώνιον, *dona futuri seculi & superficialia gaudia quandoque communicantur, nusquam adscribantur, quo majorem ejus consolationem atque certitudinem esse consentaneum est.*

36. Non habuimus in *hoc capite* rationem eorum, qui pignus & Sigillum Spiritus sancti, de quo Scriptores sacros *suprà* loquentes audivimus, ajunt esse Virtutes & opera fidei receptæ consentanea; quia satis è verbis superius eductis liquet, Pignus & sigillum illud omnino esse distinctum à virtutibus & bonis operibus; Quia virtutes non sunt aut dicuntur, ipse Spiritus; sed fructus ejus & sequela: Pignus autem & sigillum, de quibus priora loquuntur loca, sunt & vocantur ipse Spiritus Sanctus *d. cap. 1. ad Ephes. 3. ἐφραζομένη τῆ πείρατι*. De virtutibus ac bonis operibus inde loco diverso Apostolus in *cap. 2.* agere instituit. Pignus & sigillum, de quo loquitur immediatè mentibus adhibitum designatur; ut plane diversi generis sit à virtutibus & bonis operibus, è quibus alioqui argumentum ad demonstrandam probitatem fidei, rectè peti non ignoramus.

C A P. V I.

In quo occupantur adhuc objectiones quaedam, & locus concluditur.

Quam varie pro temporibus se habuerit hæc doctrina de lumine testimonioque Spiritus Sancti. Obiectio, quod operationes Spiritus, quas piii præferant, sint è motu sanguinis & imaginibus cerebro impressis, remouetur; & demonstratur, eos motus sæpius euidenter absque ullâ collectione prævia & sine ideis antea impressis oriri. Remouetur & hæc obiectio, quod isti motus laudati non tam sint informationis & doctrinæ, quam consolationis. Limitationes quædam & cautiones sententiæ orthodoxæ adjiciuntur. Denique, in fundamentum ejus, quod Rationales adfirmant, non posse aliud apud hominis conscientiam esse, quam Rationem, inquiritur.

Nondubito, quin haud desint, qui me cucurbitas pingere, quam talia Tractatui de Jure Civitatis inserere malent. Sed hi velim credant, esse rationes, quare id ita consulendum fuerit, & si respiciant ad finem præcedentis initiumque præsentis sectionis, nihil ab operis argumento alienum, nisi forte modus expectationem superet, esse commissum videbunt: In modo autem extendendi locum Theologicum in hac arte usu venientem, cum Hobbes longe sit hac parte prolixior, nihil habere nos excusandum, maximè si genus utriusque comparatur, æquus lector, facile arbitrabitur.

2. Sufficit nobis, animi nostri constare sententiam, nec pudet magistri; etsi quæ protulimus ab hujus temporis non modo philosophiâ, sed etiam forte prævalente Theologiâ satis aliena visum iri non ignoramus.

3. Primi Reformatores de Testimonio Spiritus Sancti, pro divinitate Sacræ Scripturæ, tam diserte & signate loquuntur, ut ejus à Ratione differentiam non modo è sacris literis hausisse, verum e-

tiam usu vivæque experientiâ percepisse manifesti sint, eaque in multis ad extrema usque tempora duravit accuratio.

4. Non pauci deinceps eandem sequuti disciplinam eodem quidem modo loqui perseverarunt, ut tamen longè minus *συνόρις* & signatè de operationibus immediatis agere visi sint, nec fere aliud quàm ipsos terminos & hypotheses, quas Pontificiis & auctoritati Ecclesiæ opponerent, præferre soliti fuerint.

5. Qui nostro tempore novam dubitandi & ratiocinandi methodum ad literas sacras produxere, *τῆς καθόλου λόγου*, ut Aristoteles ait, *παντίου*, generalia ista vana crediderunt, neque plane quicquam in homine præter Spiritum hominis, id est, mentem & Rationem cunctis hominibus inditam inesse statuerunt: Solitig; nihil pro vero habere, nisi quod clare & distinctè perciperent, veteres Theologorum loquendi modos, de Testimonio Spiritus S: missos fecerunt, & Rationem pro unico Principio cognoscendi in sacris habere cæperunt.

6. Hastenus quidem jure meritoque;

B b 3

nihil

nihil quā Spiritum hominis *λαβόντες*, quod nullum aliud cognoscendi principium agnoscendum putarunt. Proinde quid aliud fieri poterat, quam ut scripturam eo modo interpretarentur, ut nihil quod ipsi non sentiunt, in ullo mortali inesse contenderent, & alium in piis habitantem Spiritum laudantes fidenter *επιβουλεύσαστας* pronuntiarent?

7. Fit hoc convenienter ei, quod nunc evertendis plerisque Fidei myteriis, quorum hoc è minimis non est, adhibetur, ut præjudicia claræ & distinctæ perceptionis, quā certissime nihil in se quam Rationem percipiunt, Sacræ scripturæ interpretationes occupent, prævertant atque pervertant.

8. Sed ajunt, illos motus piorum, qui Spiritui Sancto quasi illis adfusi tribuuntur, aliud nihil esse, quam vivaciores sanguinis & Spirituum animalium impetus & eruptiones, quos illi opinionis errore pro immediatis Spiritus Sancti operationibus accipiant ac imaginentur, quemadmodum vis imaginum cerebro impressarum juncta subitit spirituum & sanguinis motibus, hominum credulitatem mirificè potest & solet adficere, ne quid de subtiliore mali genii concursu dicatur.

9. Nec id quidem negat quisquam, etiam in religionis exercitio multis usu venire modis. Nec tamen ideo, quod aut imaginationes aut imposturæ hominum geniorumque, similitudine motuum divinorum fallunt, veritati adeo in facris literis testatæ præjudicandum; nec quod simulatores aut fanatici insaniant vel sibi aliisve imponunt, ideo vera solatia verè piis & sanæ mentis Dei cultoribus subtrahenda fuerint.

10. Quanquam etiam Spiritus Dei, sicut mentem, id est, Spiritum hominis quod Paulus docet, certiore facit, ita ministerio spirituum animalium, quæ

menti serviunt, utitur ad affectus se dignos in homine excitandos; nulla causa tamen est, ideo negandi, cautam eorum motuum esse à Spiritu Dei immediate, ut literæ Sacræ de gemitibus *ἀνεκλάλητοις* alitque adfirmant.

11. Modo adfint notæ, quæ certe non defunt, quibus veri Spiritus divini motus à spuris discerni queunt; si non aliter quam ad exitus fidei ac intentis verbo animis eveniant, nec quicquam in iis quam literis Dei bene conveniens & ad ejus gloriam pertinens exhibeatur.

12. Si quis tamen adhuc inde non liquere contendat *immediatissimo*, nec aliud in illis motibus inesse, quam effectum meditationis verbi dudum percepti, cum rationali collectione & collatione idearum sive imaginum in memoria inde præexistentium, vi volun atis sive decreti divini factâ, nec adeo nihil hæc teneus inesse putet in homine quam Rationem & affectus, is sic habeat.

13. Præcipuos & excellentiores illorum motuum, de quibus in *cap. præcedenti* actum, sæpius evenire piis, evidenter absque ulla collectione præcedenti, nec *ideis* in mente versantibus aliis quam divertis aut contrariis. Plerumque enim incogitantibus, in *maximis humilationibus & angustiis* nihil tale prætolitatis offeruntur, ut omnes qui hæc de re scribunt & loquuntur, adfirmant, nominatim Interpretes Belgæ ad *cap. 8. Rom. v. 15. n. 19.* & nos supra ex Apostolo demonstravimus. Adde Cl. Spanhem. *Theol. elench. ubi contra Rational. &c. Cl. Witf. in dissert. Epistol. bnj. argum. n. 7. & seqq.* Præter quod experti non temere dicent, ipsum genus & sensum, ab adfectibus è passione mentis à Spiritibus animalibus ortis differre evidenter & clarissime.

14. Sed videndum, ne non *ἀπροσλόγως* insinuletur, quod nos ea quæ consolationatio-

solationis esse videntur, ad quæstionem de principio cognoscendi, retulimus; cum alia informationis, alia consolationis usum in hoc genere motuum extraordinario obtinere videantur.

15. Ad hanc objectionem nostra sic est ratio. Pertinere ea primò ad refellendum, quod dissentientes volunt; nihil esse vel dari posse apud animum hominis quam rationem: Secundo ad id, quod dicunt, Scripturæ divinitatem *aliunde*, quam ex ratione constare non posse, quod non tantum à principio, sed etiam ex eo quod postea fit, aliter intelligi potest & supra demonstratum est.

16. Ex eo videlicet, quod est motus isti Spirituales immediati, consolationis usum præbeant maximum, tamen etiam intentis verbo salutitero anxiiisque animabus oblatis & exhibitis, Auctorem Deum ita loquantur & laudent; ut de veritate fidei, quam conceperunt & divinitate verbi, quod intellexerunt fideles, nullo modo ambigere possint; adeò ut veritatibus ipsis certius & validius cognoscendis & dubitationibus à ratione maloque genio objectis hæc quoque sigilla & pignora plurimum conferre manifestum sit; eodem modo, quo sigilla & pignora nihil quidem addunt novi rerum gestarum notitiæ, sed earum tamen fidem valide confirmant & addunt securitatem.

17. Unde simul intelligi potest, ejusmodi alloquia & testificationes Spiritus S. piis mentibus factas, posse quidem illis adfundere & augere certitudinè de Scripturæ divinitate & veritate Christianæ religionis universæ; sed non posse eadem certitudine singulis capitibus, nisi quatenus ad salutem necessaria sunt, aut singularium locorum interpretationibus, vel exquisitis difficultatibus applicari.

18. Quanquam hoc esse remotum à facultate Spiritus Dei, vel eam partem operationum ejus hodiè penitus ab Ec-

clesiâ vel fidelium conscientiis esse alienatam, nihil opus est statuere; sed excedit nostræ disputationis terminos; utrique non esse ad talia facile descendendum, res ipsa & evidentia periculi satis declarat.

19. Denique totum hoc de immediatis Spiritus S. illuminationibus & contestationibus, ad alios convincendos vel edocendos non pertinere, sed ad conscientias eorum quibus eveniunt, instruendas & confirmandas duntaxat utiles esse, res etiam ultro loquitur; nec adeo illas impedimento esse, quominus quisque rationem Fidei suæ reddat iis, quibus eam reddere debet, jam antea demonstratum est.

20. Nescio, an nova de natura mentis, quod nihil quam *Cogitatio* sit, opinio, dederit occasionem huic indignæ Christianismo Sententiæ, nihil hominis conscientiam adficere *posse*, nullum *posse* dari principium cognoscendi quam Rationem cunctis hominibus communem; ut toties affirmari videmus ab his, qui non contenti dicere, quod nihil sit in homine quàm tali quam ratio, sed etiam quod nihil aliud esse *possit* ingeminant.

21. Si dicerent, illas adfusiones immediatas, si quæ sint, etiam esse cogitationes, & sic à mente quæ cogitatio fit, non discrepare, consequentiam tamen non obtinerent: non magis quam sequeretur, menti à corpore separatæ & tanto arctius cum Deo conjunctæ, nihil accedere novæ virtutis & facultatis; quemadmodum mens præcipuis & excellentioribus Spiritus S. adfusionibus, ad illum statum, qui mentium erit separatarum, quam proxime accedit; nec aliis contingunt, quam qui mentes à corporalibus & naturalium rerum ideis abductas habeant quam longissimè.

22. Facilius in eam quis opinionem concederet, *non posse* aliud esse in hominis

minis conscientiâ quàm Rationem, supponere, non nisi unâ esse Cogitationem; licenî certè non posset alia esse cogitatio quam quæ cunctis hominibus est communis: Cum quâ hypothesi bene congruit id, quo, sine thesi illa priori nihil est verius, & quod illi juxta priorem thesin inculcant, *omnia esse plena Dei.*

23. Sed non magis id agimus, ut cuiquam negatas imputemus consecutiones, quam opinionem, quæ tam bene cum illa Sequela convenit, ut subvertendo Christianismo comparatam, detestamur; dum eandem ab his qui sacram Scripturam ludibrio habent, omnium primo adoptari & propagari videmus.

24. Sicut etiam ex hoc principio viam paratam esse videmus, in dubium vocandi atque negandi sanctissima fidei nostræ mytheria; cujus specimina deinceps ha-

buiamus, & juxta quæ tandem ita prævaluit reputatio periculi ex hac Thesi de Ratione sola *adstruente* divinitatis S: Scripturæ, ut cum prius verbis ambiguis à Synodo tam vernacula quam exotica notata fuissent, disertè in alia Synodo Belgicâ condemnata sit, anno MDCXCII.

25. Quod superest, hoc operam demus, idque Deum rogemus ut fiat, quo per viam abnegationis virium rationisque naturalium & devotionis nostri, peccato mortui, nos regimini Spiritus Sancti ejusque operationibus idoneos & opportunos exhibeamus. Ita futurum est, ut discrimen utriusque Spiritus, Hominis & Dei, in ipsa veritatum cognitione, liquidè percipiamus, nec opus sit, clarissima Scripturæ loca super hoc fundamento Christianæ Religionis eludere, studioque philolophiæ *parcipere*.

SECTIO VII.

De formis Reipubl. & de Monarchiâ.

C A P. I.

De tribus Reipubl formis.

Tres dari formas civitatis. Earum quæ sit præstantissima, quæstionem esse politicam. Obiter tamen pro Aristocratiâ & quidem laxiore disputatur, hac inprimis ratione; quod in eâ liberrimum imperium sine periculo Tyrannidis & confusionis haberi posse videatur &c.

Actum est adhuc de Imperio Civitatis, sine respectu ad certam Reipubl. formam; cujus diversitas ad Summitatem Imperii, vel jura Summæ Potestatis nihil propriè confert. Verum tamen in singulis jura quædam propria sunt *consideranda*, quæ non nisi distinctione Reipubl. juxta formas suas præmissâ, collocari & intelligi possunt.

2. Unde pendeat distinctio formalis, ut ita loquar, Rerumpublicarum, à Politicis, ad quos hæc Quæstio propriè pertinet, variè disquiritur. Optima ratio esse videtur, quæ ab Imperantium numero petita, jam olim prævaluisset videtur.

3. Nam cunctas nationes & urbes populus aut primores aut singuli regunt.

Delecta

Delecta ex his & constituta Reipubl. forma laudari facilius quam evenire, Vel si evenerit, haud diuturna esse potest scribit Tacit. lib. 4. annal. c. 33.

4. Nempe, si jura Majestatis ita inter diversos ordines distribuuntur; ut sua singuli non obstricti reliquis seorsim exerceant, quâ de re agendum inferius.

5. Tres igitur sunt formæ civitatis, *Monarchia, Aristocrata, Democratia*; nisi addere placeat, Timocratiam, de quibus ordine agemus. Quæ autem ex his formis Reipublicæ sit præstantissima, disputare Politicorum est.

6. Forte in unum, nihil, quod singulis applicari queat Civitatibus, determinari potest; Quando quæ forma uni populo saluberrima videtur, ea sæpius alteri anceps aut gravis est.

7. Scilicet, præstantiam non ex nobilitate aliave excellentia, sed ex solâ *subditorum utilitate* metiendam esse, ratio suadet.

8. Uti & illud; non esse quærendum, quæ sit perfectissima, ut omnibus careat vitiis, sed quæ incommodis laboribus minus gravibus & crebris, Reipublicæ forma.

9. Ita sine præjudicio faciendæ applicationis ad singulas in hypothesi civitates, videtur nobis Optimatum, merito præferri posse; Videlicet, eo sensu, quo supra *Calvini* Theologi auctoritatem laudavimus, quam habes in lib. 4. *Instit. Christ. Relig. cap. 21. n. 8.*

10. Scilicet: non quamlibet, sed ita constitutam Aristocratiam eligeremus, in qua *nemo sit ex populo, qui non in tempore & in loco secundum ordinem Legum, Imperantium numero aggregari possit.*

11. Insuper, ut non nimis exiguus sit ille numerus, sed pro magnitudine Civitatis amplior, quam restrictior. Rationem adducemus, quam forte novam dicere possis.

12. Quia, quanto quæque civitas absolus imperat, cum periculo quam minimo tyrannidus & seditionum, tanto Reipublica præstantior habenda est. Hoc autem nos de ejusmodi *Aristocratiâ*, quam modo descripsimus, adfirmandum putamus.

13. Absolutam potestatem, duobus illis incommodis liberatam, Civitati salutaris esse, neminem recte æstimantem censeo negaturum.

14. Quippe, cum ad expeditam efficacemque rei communis administrationem, quæ sine dubio utilissima est, nihil quàm soluta impedimentis agendi libertas, sit convenientius.

15. Eadem ad potentiam foras exercendam non minus efficax & utilis est; quo pertinet, quod Cardinalis *Mazarinus* in epistolis suis postumis, scribit, in colloquio Pyrenaico sibi & Ludovico de Haro Hispaniæ Regis ministro primo, in eo convenisse, agentibus de Anglis, qui tum Protectore sublato, Reipubl. liberam moliebantur; Hanc benefitabilitatem centuplo terribiliorem, idque sine exaggeratione, futuram, quàm Anglia sub regno fuerat aut foret.

16. Quod etsi paradoxum, non eget alio ad fidem faciendam argumento, quâ quod à Reipubl. Belgica sumere licet, Quæ sub Regibus nullo numero habita est in Europa; libera facta longe maximum in orbis terrarum rebus habuit momentum, ad eum ut pacis & belli vices toto orbe Christiano ab ejus motu vel quiete, novissimis imprimis temporibus, pependisse videantur.

17. Sed in Regnis ideo, cordatioribus populis displicet absoluta potestas, quia tam proclivis inde lapsus in tyrannidem est, ut à multis, etsi perperam, pro ipsâ Tyrannide habeatur.

18. Sed hoc periculum, in *Aristocratiâ*, ubi aliorum bonitas malitiam alio-

rum refrenat, nullum aut perexiguum est.

19. Quò pertinet, quod Cicero, collegium Consulatus, et si duorum saltem, ita singulorum impotentiam cohibuisse testatur, ut præter *Marium & Cinnam*, denique *Pisonem & Gabinium*, nunquam mali Consules ambo extiterint; et si de *Pisone* plus affectui quam iudicio tribuisse videatur ut *ex inorat. cont. L. Pis.* junctâ *Philippicâ primâ*, ubi laus *Pisonis*, liquet.

20. Decemviros aut Triumviros Romæ, Triginta Viros *Athenis*, non est quod mihi quisquam objectet. Extraordinariæ enim illæ potestates fuere, quas ratio & experientia testatur in primis esse periculi plenas.

21. Præterea, in regnis absoluta potestas suum finem haud perinde semper adsequitur. Quia populi & proceres sæpe Dominantes in exercitio *αυτοκρατορίας* suæ turbant, neque pati possunt, ut ab nutu unius omnia pendere videantur.

22. At in laxiore optimatum Imperio, non videmus ægre ferre populum, omnia cum libera potestate agi ab his, quibus Summa Imperii suo jure competit.

23. Aut si ægritudo non absit, motus tamen & destructio civitatis non facile contingit: Quia præcipui è populo, quorum ductu seditiones oriri debent, sunt vel participes Imperii vel futuri sperantur.

24. Quæ ratio est, quod nec de ho-

noribus tam facile tumultus nascuntur, ut in veteribus Rebuspubl. ubi plebs & patricii perpetuâ familiarum notâ discreti, seorsum ad honores, altero ordine exclusio, grassabantur.

25. Denique, facilius credunt populi, à se ipsis geitum videri, quod est actum ab his, qui ex ordinibus cunctis sui que medio ad Imperium evecti sunt.

26. Adeò, ut non pauci *Democraticam* formam jure primævo esse putent, quando Imperantes è populo promiscue tumuntur, quod tamen erroneum esse *videbimus in loco*.

27. Exempli fidem, si quis postulet, dabimus civitatem *Venetorum*, dabimus & Patriam & plerasque Belgarum civitates, in quibus est Aristocratia, sed admodum laxa, quæque specie Democratix fallere possit, neque paucos fallit externos & indigenas.

28. Haud temere alioqui sunt, qui arbitrantur in Imperio enormiter magno, quale fuit Romanum ultimis temporibus, viæ aliter pacem, quam sub Unius imperio posse servari.

29. Sed hujus rei disputationem pleniorē, quæ non tam juris quàm prudentiæ rationibus constat, à Politicis petendam relinquemus; etiam hanc considerationem, quod in modicis Imperiis plurium potestas bene procedit, in magnis populis laborat ibique fere monarchiâ opus sit. Videamus singulas Species.

C A P. I I.

De Monarchiâ & Condominiis.

Speciem primam Reip. esse Monarchiam, sive Regnum, à quo distinctum non videri Condominatum, cum plures in eodem Imperio singuli summam habent potestatem; quia pro plurium Imperio id haberi non potest, cum non sit collegium, nec pauciores plurium sententias sequi cogantur. Variæ Condominatus species aut magis modi enumerantur. Esse inter eos, quando Regina Virum Imperii facit participem, quod tamen in voluntario Imperio sine consensu populi fieri non posse. Quot modis uxor Imperatrix maritum habere possit. An femine Summis Imperiis rectè admoveantur.

Monarchiâ esse unius imperiû solo satis vocabuli argumento constat. Quod tamen ita præcise captari nolum, ut quotiescunque plures in uno regno Domini existerent, toties Reipubl. formam mutari statuamus.

2. Neque enim rectè existimaturus videtur, qui in Romano Imperio, si quando plures Augusti fuere, Principatum esse desiisse contendat.

3. Cum enim longius illa societas Imperantium ab Aristocratiâ quam à Monarchiâ distet, consentaneum est, ut ab ea specie, cui proxima est, appellatio petatur.

4. Ita Lacedæmoniis duo Reges fuerunt idque Regnum vocabatur, nec non verum fuisset Regnum, si potestas verè summa fuisset. Præter quod extraordinarius atque, ut ita loquar, *accidentalis*, ille plurium concursus plerumque sanè habetur.

5. Unde formas peculiare *Dyarchias* aut *Triarchias* in Artem introducere nec congrueret neque expediret; tamen si fatendum, Monarchiæ vocabulum tunc esse minus commodum.

6. Accedit, quod isti *Condomini*, ut hi, vel his similes à Germanis *Ictis* appellantur, non constituunt *Collegium*,

adeoque nec unus plurium sententiam sequi compellitur.

7. Nam ut hoc juris sit, opus est pacto. Condomini autem Imperium civitatis habent eodem jure, quo plures eandem rem sine tractatu societatis pro indiviso tenent.

8. Quo casu notum est, quemque liberum suæ partis arbitrium, nec reliquorum consensui obnoxium retinere jus suum l. 28. *Comm. divid.*

9. Ex quo apparet, quam sit fragile & anceps hoc genus Imperii, quoties vere summum est, ut fuit apud Romanos, cum duo tresve simul imperaverunt.

10. Nam ubi superior potestas penes populum ac senatum residet, ibi salubre institutum videtur esse, duos quam unum præficere summæ Reipublicæ, Quod exemplo Spartanorum Romanæque civitatis in Consulibus egregie approbatum est.

11. In exiguis quoque jurisdictionibus, sicut plerumque accidit in Germania, hoc genus communicationis periculo magis quam incommodo caret.

12. Alioqui in magnis summisque Imperiis, oportet Condominos alterumve ex illis summa moderatione vel indu-

stria præditos esse, veluti *Marcus* cum *Vero* comparatus fuit; Aut Imperium in partes subjectivas dividi necesse foret.

13. Quod vel ita fieri potest, ut secundum administrationem duntaxat partitio fiat, quod fecere *Diocletianus* & *Maximianus*. Vel ut Civitates omninò distinctæ constituantur, sicut postea Imperium Romanum in orientale & occidentale discessit; quanquam hi tum desinunt esse Condomini, & tantisper singuli, verèque monarchæ sunt.

14. Vices quoque imperandi constitui possent: Aut si nihil horum, tum fieri debet, quod *Pyrrhus* ad filios suos; regnatorum dicebat eum, cujus acutior foret gladius, teste *Plutarcho in ejus vita*.

15. Quomodo *Caracalla* & *Geta*, fratres, cum viam concordix divisionisque frustra tentassent, dirempti leguntur; *Geta* per fratrem in sinu matris *Julix* confosso; cum quidem illud divisionis consilium in Orientale & Occidentale, de quo fratres deliberaverant, magno nisu turbasset, oblato corpore suo, ut id prius partirentur, filiis ea de re serio cum amicis agentibus, narrante *Herodiano. lib. 4.*

16. Porrò Condomini fiunt, primò Hereditate, cum in ditione patrimoniali plures liberi pariter succedunt, idque ab intestato, vel dispositione ultimi regnantis, ubi hoc jus Principibus competit.

17. Secundò, electione, quando plures cum summa potestate singuli constituuntur, eaque vel est à populo, vel à Principe Collegam adsciscente, ut in Imperio Romano sæpius accidit.

18. Vel denique mixto jure, ubi primogenitura quidem obtinet, sed primogenitus ad regnandum ineptior à Proceribus aut à populo extra ordinem fratrem aliumve collegam accipit, ut his diebus usu venit in *Muscovitiis*.

19. Etiam, etsi diversa ratione mixturæ apud Anglos & Scotos, ubi *Wilhelmus* & *Maria* singuli summam potestatem in solidum acceperunt, jure quidem Electionis, successorio tamen haud procul.

20. Habent, inquam, singuli summam potestatem; in hoc quippe diversitas hujus regiminis à *polyarchiâ* consistit, quod optimates, ut universitas, Imperium accipiunt; Unde singuli pro subjectis habentur, & sunt revera è numero subditorum.

21. Quod de *Condominiis* istis nullo modo intelligi potest. Proinde cum ab *Aristocratiâ* sint prorsus alieni, non est, quod aliò quam ad Regnum referantur.

22. Oportet a. in Electione diserte exprimatur, singulos fore Augustos: Nam Imperio simpliciter pluribus delato, non singulis, sed ut universis summa potestas delata intelligitur; velut *Decemviris* Legum condendarum, & *Triumviris* Reipubl. constituendæ causa, utrisque apud *Romanos*.

23. Eadem fere species per feminas regnatricis nuptias contingit, Quando maritus ut particeps & collega imperandi adsciscitur, Quomodo *Ferdinandus Arragonius* cum *Elisabethe Castellana* fuit conjunctus.

24. Quod tamen non aliter quam populo consentiente in regnis voluntariis fieri potest: Excedit enim id notissimos Voluntatis, qua delatum est Imperium certæ familiæ, terminos, & quidem magis quam si Princeps post mortem de imperio disponat.

25. Multo fortius dicendum, *populi consensum esse necessarium*, si Regina se exercitio Imperii exuere totumque viro committere velit. Utroque enim casu Vir summam potestatem vere consequitur, illic ut socius, heic etiam solus.

26. Quanquam utroque casu revocabiliter, sub conditione, morientis ante ipsium

ipsum Conjugis. Maritus enim ubi esse desit, jus quoque tanquam marito delatum finiri consentaneum est.

27. Cujusmodi tamen conditio temporalis non impedit, quominus Imperium æque ut Summum, ac si perpetuum foret, quemadmodum antea diximus *sect. 3. c. 2. n. 40.*

28. Cæterum, potestas maritalis, quæ juris Gentium fertur, in priore casu, vix est ut effectum habere possit; Nisi quatenus mulier, et si jus imperandi non abdicaverit, administratione tamen, honore contenta sponte abstineat, ut fere *Elisabeth Philippi juncta Alberto* in B l g s.

29. Aliquando Condominatus ita ab initio constituitur, ut actus primus & signatus utriusque sit in solidum, actus secundus & exercitus apud unum: quod singulari exemplo placuit in *Anglia*, ut Rex præiens habeat solus facultatem Summæ Potestatis, eandem Regina, dum Rex abest sola jure proprio teneat.

30. Multo evidentius cessat matrimonii Lex, cum Regina totum & jus & exercitium Imperii sola reservat, nec aliud quam Regis titulum viro impertitur. Quomodo *Johanna Neapolitana*, & forsitan *Maria Britanna* suos maritos habuerunt, utique *Scotica*, Nam de *Maria Angla* paulo aliter videtur.

31. Tali casu, maritus non dispari jure utitur, quam Augustæ apud principem Romanum, estque subditus uxoris suæ Vir, quod aliquando male cedit iis, ut *Andree Neapolitano & Henrico Stuardo*, qui uterque ab uxoribus non modo regia potestate privati, sed & è medio vitæ sunt sublatis, *si fides Historia dix. Hist. civ. tom. 1. ad ann. 1250. c. 3. & tom. 2. ann. 1588. c. 13. n. 4.*

32. Sed est ne juris, ut Femine Summis Imperiis admoveantur, quas Deus & homines ab omni publica administratione tam in Ecclesia, quam in Republ. voluit exclusas, & quas naturalis pudor ac infirmitas ad parendum potius quam ad imperandum creasse videtur?

33. Respondeo, Jus Naturæ & Gentium non excludere feminas simpliciter ab omni Imperio, ut apparet in matribus-familiarum, quæ in liberos & servos utcunque magno numero, habent potestatem, item in pagos ditioneque hereditarias: sed ubi cum viris concurrunt, cæteris paribus, excluduntur, ut in imperiis Domuum, viris existentibus, & Magistratibus, ad quos viri semper haberi possunt. Eodem modo in Summis Imperiis, postponuntur viris, cæteris paribus. His in familia regnatrice deficientibus, non excluduntur, nisi lege positiva.

CAP. III.

De Speciebus Monarchiæ, ubi de Dominatu & Imperio violento.

Regnum heroicum, Æsymmetricum, Laconicum, non esse distinctas regni species, quod ad juris rationem attinet. Non nisi duas esse tales, Regnum, *πυρρασιακόν* & Dominatum, *βαρβαρικόν*. Definitio utriusque & differentiæ. Posse & justum esse Dominatum. Quo jure subditi bello victi ad obsequium obligentur. Nullâ in re Despotas vide. i populis obligatos, nisi, ne totam perdant civitatem.

Species *Monarchiæ* plures numerantur *Sexto Aristotele* Politici, sed plerasque ad juris diversitatem pertinentes. *Aristot. l. 3. polit. c. 10. & 11.*

2. Nam *Heroicum* Imperium, quo ad regnum evchuntur hi, quos spectata inter bonos moderatio & valoris ac virtutis reputatio commendat, quales initio rerum hominumque Reges esse creatos volunt antiqui, jure potestatis nihil ab reliquis discrepat.

3. Nihilo magis *Æsymmetricum* regnum, quando ad tempus aliquis summæ Reipubl. præficitur. Quia pridem ostendimus, durationem temporis non variare speciem summæ potestatis, modo acta imperantium intra suum tempus infirmari nequeant.

4. Quare & *Dictatores* magis est, ut nos pro *Monarchis* habeant, non minus quam *Decemviro* pro *Aristocratiâ* summâ; quanquam eorum potestas non semper integra conservata est, partim facilitate ipsorum, partim importunitate populi, ut diximus *sect. 3. c. 2. n. 47.*

5. *Legitimum* Regnum, quod Legibus subiectum & Spartanz civitatis exemplo *Laconicum* dicitur, tale duntaxat est nomine tenus, reverà constituit *Aristocratiâ*.

6. Non quia Reges erant duo, sed

quia domi magis Præfides Senatus, foris nihil quam Duces belli erant. Prorsus ut hodie dux Venetorum, aut potius, ut *Arausionenses* in Belgio Principes.

7. Quâ comparatione liquet obiter, ejusmodi Ducatus quamvis perpetuos, cum libertate populari vel Aristocraticâ non male convenire, posito habilitate Reipublicæ; nam est etiam, ubi res secus evadit.

8. Nobis igitur plures *Monarchiæ* non sunt considerandæ, quam hæc duæ, *Regnum & Dominatus*, sive Imperium, ut Aristoteles, loquitur *πυρρασιακόν* aut *βαρβαρικόν*.

9. *Regnum* verum & plenum est, ubi Princeps habet summam & liberam potestatem, faciendi in civitate quod è re communi videbitur, *salvâ tamen civium libertate & proprietate rerum.*

10. Plane de his illa omnia prædicare licet, quæ *superius* de efficacia Imperii voluntarii & simpliciter delati, denique de jure summæ potestatis nullis legibus obfesso fufe disputavimus.

11. Existere igitur hanc regni speciem putamus, ubicunque potestas civitatis uni homini sine modo, sine conditionibus, voluntate civium simpliciter defertur.

12. Quemadmodum Lege Regiâ in *Caes.*

Cæsares Romanos, ut Jurisconsulti tradunt in l. 1. n. de Constit. Princ. & nostro tempore Danicum regnum ex electivo & legitimo factum est absolutum & arbitrarium Solenni Ordinum populi consensu.

13. Nec aliter hodieque regnum Francorum haberi videmus, præscriptione tamen magis quam jure primævo, quod etiam fuisse legitimum docuit Hottomanus in Franco-Galliâ.

14. Cæterum, promissio Regum, quod julte imperaturi sint, nihil juris addit civibus, ex quo potestas regnantium mutetur aut restringatur, sed hoc Speciale & exceptum esse oportet; Generalis ejusmodi promissio regnantium animos duntaxat obstringit, ut ante-hac demonstratum est.

15. *Dominatus* finitur, quod sit Imperium, quo Princeps sibi subjectis, ut paterfamilias servis imperat, omniumque, tam quod ad res quam corpora attineat, Dominus existens, actiones publicas ad suam præcipue utilitatem dirigit.

16. Differentiam ejus à Regno ex definitione triplicem colligimus. Primam, quod *proprietas bonorum, quæ singulis possident, ad Imperantes pertinet.*

17. Alterum, quod *personæ subditorum dominio Principis ita subjectæ sunt, ut servitio illarum uti, deque vita ac nece disponere possit; Idque promissive, arbitrariæ potestate, causaque etiam indictâ.*

18. Non quod vitâ immerentem julte exuere possit, secundum id quod justitiæ ratio *intrinsecus* dicitur: Sed quod ex causâ jure Gentium valida habeat *externam* ita agendi facultatem, de quo discrimine juris diximus in *sect. 2. c. 1. n. 14. & sect. 2. c. 3. n. 11. & seqq.*

19. Ex his tertia resultat differentia, à fine diversò petita, qui est in Regno

civili originaliter, *utilitas subjectorum*; Quanquam illa sine commodo Imperantium obtineri non potest.

20. In Dominatu originalis scopus Imperii itabiliti, est *utilitas Revertentis*. Quæ nec ipsa tamen abique commodo subjectorum potest custodiri.

21. Ex his reliquæ differentiæ, inter Dominum & Rectorem, servos ac cives, de quibus *Claudius* ad Meherdantem apud *Tacitum*, 12. *annal. c. 11.* quæque similia, per se intelliguntur.

22. Causam hujusmodi Imperiorum primam vix aut rarè, nec tamen nunquam esse, *Voluntatem liberam* populorum, sed plerumque vim aut necessitatem diximus, *d. cap. 3. n. 11. &c.*

23. Nec tamen pro injustis habenda esse id genus Imperia ibidem probavimus: Si vel justo bello vel deditione voluntaria tali formâ constituentur.

24. Non magis quam privata servitus ex hac causa olim injusta fuit, quam scimus niti ratione suppeditatâ à Justiniano in §. 3. *Inst. de jur. Pers.* Scilicet ab ipsa servorum etymologia, quos ait appellatos à *servando*, quia cum victores bello captos occidere possent, eos *servant* ad serviendum, quod multò magis eis facere licet; eodem argumento, quo *Cicero* scripsit, *non esse injustum spoliare, quos occidere justum nec inonestum est, lib. 3. off.*

25. Et quidem Dominantibus ratio sui juris ita satis constat. Etiam subjectos, qui se necessitate subacti dediderunt, ex pacto ad parendum, eo modo teneri manifestum est.

26. Sed an bello victi, & quo jure hi in tantum obligentur, & an status belli adhuc duret illis, quando sub stabilem dominatum sunt redacti, quæri potest.

27. Plerumque superfluum facit hoc quaeritum mos omnium victorum, qui nihil

nihil prius habent quam pacatos armis in verba sua adigere, fidemque stipulari.

28. Aut si nullam expresse promissionem fieri contingat, quando victor parit dediticiis, armaque & vis præfens utrinque cessant, ita ut populus gaudeat sub certo jubendi parendique ordine vitâ bonisque frui; non est dubium, quin ex re ipsa consensu eorum ad obsequium satis elucescat, quanquam jus dominantis omnino sit evidentius per promissionem diserte factam.

29. Promittere autem videntur, se tantum potestatis Domino concessuros, quantum ipsi jus Gentium & belli tribuit, si pactis nihil derogetur. Atqui hoc sine controversia est libera rerum hominumque potestas. *Grot. lib. 3. cap. 7. & 8.*

30. Cui se libenter subicere intelliguntur, ut præfenti vitæ honorumque jacturæ eximantur. Qui proinde actus cum sit voluntarius, non potest non obligare promittentes.

31. Quippe cum certum sit, eum qui vi metuque injusto coactus promisit, naturaliter teneri, quatenus voluntas cogi nequit; ut tamen verum sit, æquè naturaliter, metus injusti auctorem, teneri ad alterum obligatione rursus liberandum.

32. Quod si justus fuerit metus, ut in bello supponimus, nihil est, quod aut nasci obligationem impediat, aut infirmari natam requirar.

33. Quippe, Jure Gentium in bello ex causa licet injusta orto, si modo externa solennis belli requisita adsint, justam intelligi causam, quod ad externos obligationis effectus attinet, indubitatum est, ut docet *Grot. in l. 3. c. 19. §. II. de Jure B. & P.*

34. Non audimus igitur illos, qui Principes hoc herili Imperio utentes inditinctè *Tyrannos* appellant.

35. Nec qui tradunt ita; victorem Principem posse quidem delere vel dissipare populos: si autem formâ Civitatis conjunctis sibi que obligatos retinere velit, esse quod juri armorum renuntiet, populoque non nisi liberè consentienti imperet; Proinde jus idem patitur, quod in voluntariis Imperiis, illi cunctis Principibus incumbere docent.

36. Nobis ratio dissentiendi constat, ea quæ exposita est, omniumque seculorum exemplis firmatur. *vide, sis, Grotium d. lib. 3. c. 7. & 8.*

37. Porrò talis olim notissima Persarum & suetæ Dominis Syriæ totiusque Orientis consuetudo fuit. Nec aliter hodie omnes ab ultimis Sinentibus ad usque Russos in *Europam*, populi à Despotis suis administrantur, idemque in *Africâ*, omnique barbarie servantur.

38. Quæ res cum in iisdem gentibus ab omni seculorum memoria pari tenore servata fuerit, ut oblatum quoque remissius Imperium sprevisse legantur, parum abest, quin *Aristotelis* sententia de servitute live aptitudine ad serviendum naturali, quam *ante hæc* indicavimus, vera & evidentissimis exemplis confirmata sit, ac ita dominatus in illis gentibus, etiam *in ætate præterita, propria populorum voluntate* niti videatur.

39. An & *Israëlitæ* petentes ab *Samuele* Regem ejusmodi, qualem habebant vicinæ gentes, sua quoque voluntate se Dominatui submisisse videntur, quemadmodum ex oratione *Samuelis*, qua illos erudit de jure Regis, qualem petierant, intelligi possit? Equidem in ea cernuntur duo *exempla* despoticæ Imperii, dominium in personas, *accipient filios & filias vestras*, atque in res, *agros vestros, &c.* At tamen de voluntate populi istius aliter existimandum esse probavimus in *sect. 2. c. 7. sub fin.*

40. Quem-

40. Quemadmodum & hoc factis constat, Labefactata Regum potentia post Salomonis excessum, non tenuisse Reges Judæ eandem potestatem, in longitudine.

41. Tu dices, nihilne igitur tales dominos suis civibus promittere intelligimus, ut nunquam juris externi ratione, Imperio abuti possint?

42. Existimo, præter quod in præfenti, cum in statu belli fuerunt, incolumitatem pollicentur, eos ad universæ quoque multitudinis salutem in perpetuum procurandam esse obligatos.

43. Proinde, si tam immanem ostendant animum, ut ad omnium principem contendant, tum verè perfidi atque tyranni dicantur; Natura enim negotii, quod geritur, constituendæ civitatis,

fine hac, tacita duntaxat, obligatione consistere non potest.

44. Cæterum, haud temere patrisfamilias in definitione posita est comparatio: Siquidem hujus in servos & in liberos potestas evidenter Regni & Dominatus differentiam exhibere videtur, utique sicut Patria potestas jure gentium & recentiori jure Romano comparata est.

45. Habet Paterfamilias in utrosque tam liberos quam servos vere & æquè summam Potestatem; Sed in servos insuper habet dominium tam Personarum quam rerum. Liberi sunt liberi personis, ut vendi nequeant, & res habent à Paternis distinctas.

46. Denique finis Patriæ potestatis in utilitate reliberorum; Dominicæ in utilitate herili consistit.

C A P. I V.

De causis constituendi Monarchiam.

Modos deferendi regnum ordinarios, Electionem esse & successiōnem, & hanc in patrimonialibus solam. De voluntariis quæritur, si nihil sit dictum, utrum præsumatur, electivum esse, an successivum Imperium. Prius contrà Hobbesium affirmatur. Argumenta in utramque partem ventilantur; Concluditur, hoc argum; Successio aut ex Lege fit, aut expressâ vel tacitâ voluntate defuncti. Lex nulla hæc esse potest, quia casum ponimus, quo nihil sit dictum. Voluntas ultimi defuncti in patrimonialibus quidem regnat imperiis, in voluntariis nullo modo; cum ibi voluntas fundatorum attendatur, hoc est, primæva populorum. Adde; si in dubio, est successivum intestati imperium, poterit etiam testamento de eo disponi; si hoc, tum & intervivos alienari: Atqui hoc absurdè de imperio libere à populis statuto affirmatur. Ergo.

Post species Monarchiæ sequuntur modi, quibus Regna acquiruntur. hi sunt vel ordinarii, vel extraordinarii.

Priores duo sunt, *Electio* & *Successio*. Extraordinarii perinde duo, *Matrimonium*, & *jus belli*.

D d

2: De

2. De jure belli & matrimonio dictum quod satis sit, *in superioribus*; de Sorte nihil quidem, sed hæc rarissime in usu est, aut pro electione fungitur, ut olim apud Persas in Dario Hyttaspide.

3. Utrum autem imperia melius per electionem, an per successionem deferrantur, id à Politicis disquirendum.

4. Verum sitne Imperium aliquod Electivum, an Successivum; & penes quem sit eligendi facultas, ea juris est quæstio, in hypothesi tamen potius quam præceptis generalibus determinanda,

5. Plane, origine cujusque civitatis inspectâ, *nullum non Regnum ex voluntate populi ortum, fuit electivum.*

6. Sed diversitas electionis & successionis deinceps orta est, cum quædam ex Imperiis ita sunt delata Principibus, ut identidem sedes vacua per electionem repleretur; Quædam ita, ut successio secundum ordinem certum propinqui sanguinis ab uno in alium devolveretur, ex præscripto Legis.

7. Hanc quidam vocant Electionis speciem; quomodo Althusius in *Polit. suâ* c. 19. n. 78. & seqq. qui negant ullum dari Imperium jure familiæ hereditarium sed totum à populo dependens, quod & in Angliâ multi opinantur.

8. Si dicerent, Successionem esse nihil quam Electionis primævæ continuationem, nihil errarent. At si jus imperii nunquam à populis alienari velint, res redit ad statum disputationis *suprà* aliquoties peractæ.

9. Quâ per Electionem, ipsum jus Imperii independentem alienari posse probavimus, ad vitam, vel etiam pro hereditibus; quæ tunc est Successio non amplius à primis eligentibus dependens, sed familiæ propria, per actum alienationis.

10. Planè quominus etiam successio

possit ita constitui, ut successores inferiorem populo & Ephoris habeant potestatem, dubitare non patitur aut ratio, aut exemplum Lacedæmoniorum & similia passim.

11. Alierè diametro instituunt, qui Imperium immediate à Deo esse volunt. Hi negant, Imperium ullo modo à voluntate populi pendere, nec à civibus quicquam juris ad Imperantes manare, nec adeo causam monarchiæ aut ullius in civitate Potestatis esse populum, quos inter D. Sieglerus ad *Grotium lib. 1. c. 3. & c. 4.* Et hi dictum Petri Apostoli à nobis aliquoties adductum, quod Imperium sit *utique a Deo deditum, humana creationis*, interpretantur, quod sit hominibus proprium, vel ratione causæ instrumentalis, quia per homines exercetur.

12. Ufuntur argumento è sacris, de potestate solvendi, ligandi & administrandi Sacramenta, quæ ministro Ecclesiæ competit. Quemadmodum igitur populus eligendo Pastorem non confert potestatem illam nec contrerè potest, quia non habet eam ipse, nihilque agit, quam ut personam electam Potestati à Deo immediate proficiscenti applicet; Sic etiam populus, quando eligit Regem, non confert potestatem imperandi, sed personam electam producit eamque adhibet exercitio Potestatis illi à Deo immediate conferendæ vel collatæ.

13. *Nec sequitur*, ita pergit Sieglerus, *homines ab initio sponte adducti in Societatem civilem coierunt, & ex hoc ortum habuit potestas civilis. Ergo talis potestas origine est humana: Sic enim perinde liceret argumentari: Adam & Eva sponse adducti coierunt in matrimonium. Ergo matrimonium institutione non est divinum.*

14. Sed ego ita existimo, rerum moralium & civilium naturam maximè ab effectis

effectis æstimandam. Si Deus certam Imperii formam & tenorem, cujus limit. excedere non liceat populis, præscripterit, electionem personæ fatemur ejus juris vim infringere non magis posse, quam cæteris fidelium poteit auferre jus ligandi & solvendi suis pastoribus, aut uxor viro principatum domus invito adimere poteit.

15. Sed hoc de Imperio Civitatis à Deo non legimus esse determinatum; hæc tenus quidem, debere aliquem esse ordinem imperandi atque parendi, cui omnis anima debeat esse subjecta; non tamen qualis & quanta in ejus ordine esse debeat; nec quominus Imperium populus retineat, si id expedire judicet, Deus intercessit: multo minus quo partem aliquam Imperii reservaret, unquam prohibuit; quod de ministerio Ecclesiæ institutoque matrimonii nullo modo adfirmare licet.

16. Tuior igitur inter has extremitates est media via; Nec populos à causæ secundæ Jure in Imperiis condendis excludi posse; Nec eos semper Rectoribus suis esse superiores. Sed Imperium simpliciter delatum cenferi vere & inrevocabiliter esse alienatum; cui deferentes, non modo singuli, sed & universi subjiciuntur, idque vel certis legibus vel absolute, ad vitam, vel etiam in heredes: ut prior species electiva, posterior successoria sit. In illa Imperium identidem Rege mortuo, relabatur ad populum, in hac non nisi ordine Successorum extincto.

17. Cæterum, in *patrimonialibus* Imperiis non voluntas populi aut Lex, verum sola voluntas expressa vel tacita postremi Regnantis in Imperio propagando spectatur: Prorsus ut quisque privatus jure Gentium de suo patrimonio disponit.

18. Idem in plerisque herilibus, quæ

fere simul sunt patrimonialia, dicendum; nisi quod aliquando Lex quoque in illis ordinem præscribit, ut jam *suprà* innuimus.

19. Sed in voluntariis merito dubites, quid juris sit, si populus Regem simpliciter constituerit, non expresso, *Electivum* in posterum, an *successivum* foret Imperium; utrius conditionis sit futurum, quemadmodum Romæ species illa fuit & in Regibus & in Cæsaribus, juxta hypothesein Legis Regiæ.

20. *Hobbes* non dubitat adfirmare, successivum non modo, sed absolute hereditarium illud Regnum esse habendum *de civæ cap. 7. §. 14. & cap. 9. §. 13. & seqq.* Adeo ut cuilibet Imperanti suo arbitrio successorem declarare liceat.

21. Idque etiam tunc vult obtinere, cum populus diserte Imperantes ad tempus & ad vitam duntaxat suam constituit, Tempus tamen locumque non præsnivit, quo rursus eligendi causâ convenire deberet.

22. Nobis hoc improbandum videtur, & quidè ad posterius primo respondemus. Esse quidem factum illud imprudentissimè, statumque illius Imperii lubricum esse fatemur.

23. Sed casus, quando Imperium uni vel pluribus est delatum, nulla surrogationis mentione facta, bifariam considerari potest; Aut enim imperio delato, tempus adjectum est, vel certi spatii, vel ad vitam, aut nullum tempus adjicitur.

24. Certo tempore præsnito, putamus hanc esse rationem: quod populus fœdere civitatis, cujus perpetua est obligatio, conjunctus, unique Imperium sui *ad tempus* deferens, hoc ipso tacite, at valide stipulatur, *ut antequam tempus expiret, Imperantes comitia de Imperio habeant.* Quod si negligat facere præsens Rector, acta quidem Imperii, quæ post

post lapsum temporis exercet, ipso jure nullius momenti sunt, eamque ad vim nulla potestate superiori opus est.

25. Neque vero tunc adhuc populum in statu naturali esse dicemus, *quia manet fœdus æternum civitatis*, quod omnes singulique contraxerunt.

26. Sed quilibet civium jus habebit populum vocandi, deque his, quæ ad salutem communem pertinent referendi, ut olim Romæ factum à *Virginio & Icilio* contra Decemviros, apud *Liv. lib. 3.*

27. Idemque necessarium dictum est, ubi ad vitam Imperium uni delatum est, *nullo in antecessum ordine conveniendi præfinito.*

28. Nam tunc à Rege non potest exigi, ut is ante mortem suam populum hac gratia convocet, propter incertum vitæ humanæ & periculum designandi successoris, quod *Elisabeth Angla* tantumdem esse dicebat, ac involvere se vivum linteo mortuali.

29. Quanquam tamen rectius faciet talis Princeps, si in tempore successorem designari sibi curet, ex *Hobbesii* vel potius *Naturali regula, de reddendo bono pro bono.*

30. Falsum igitur liquet esse, quod Rex, cui diserte ad tempus vel ad vitam datum est regnum, id aut sibi retinere, aut alium pro lubitu surrogare possit, quando cum definitione temporis & vitæ constitutum est.

31. Regem post annos expressos, vel in tempore, post mortem nihil juris habiturum, & ejusmodi conditionem privare Principes jure faciendi contrarium *abunde probatum est.*

32. Secundum hæc, cogitandum, an id liceat Principi, cui simpliciter data est summa potestas, nulla futuræ Electionis aut successoris lege stabilita, non adjecto quoque, ad tempus vel ad vitam; Sicne tum, inquam, *electivum an successivum* Regnum, hæc levis dubitatio est.

33. Argumenta pro successione hæc

spernenda se offerunt. Populus Regem creans exiit se Imperio totumque jus suum transfert in illum; utique ubi nihil excepit, præter id, cujus gratia civitatem condidit, scilicet incolumitatem, *eo sensu, quo priorem diximus.*

34. Atqui dispositio de successione, à libertate dominioque rerum, quibus salvis, incolumes sumus, evidenter aliena est. Quid obitat igitur, quominus & hæc potestas in principem simpliciter constitutum transita dicatur?

35. Jam, si de præsumpta voluntate judicandum, quid faciendum sit, ubi expressa nulla est; quid proclivius ad credendum est, quam populum, qui tædio suæ potestatis regnum inivituit, nolle rem ad statum priorem reduci, quod tamen fieri oportet, si Rege mortuo alium sint electuri?

36. Præsumtio est anticipatio iudicii, ex eo quod plerumque fit in similibus, præsentis cuique negotio applicata, *ut fœdus tradunt.*

37. Plerisque autem populis, qui regnantur, placuisse videmus *successionem*; Proinde & hanc in dubio nostri casus, populum in conspectu habuisse præsumendum videret.

38. Quibus addere licet ea, quæ de salubritate ordinis successorii, præ incertitudine & *ambiguitate* Electionis à politicis cumulantur.

39. In diversam tamen partem inclinat sententia, prævalente hac ratione; Quod in dubio, si *electivum* non sit Imperium, non modo oporteret *successivum* ad liberos esse proximique sanguinis respectu, sed & absolute *hereditarium*; Ut ultimus Princeps testamento quoque extraneum surrogare possit: Imò ut & vivus Imperium in quemlibet alium transferre valeat.

40. Nam quod est Hereditarium, æque testamento quam ab intestato potest or-

dinari, & de quo licet ultimâ voluntate constituitur, de eo non minus facultas inter vivos disponendi competit.

41. Hæc ita cohærerere, nemo juris gnarus n gaverit, nec quidem Philolophus. Hæreditarium enim nihil est, nisi quod perfectè proprium est, sicut in modo Jurisconsulti, sed etiam Plutarchus docet in *vita Solonis*, ubi narrat Athenis olim non viguisse jus testandi; Solonem id iis dedisse, *Qua re factum, est in iusticiis Plutarchi, ut fecerit & ἡ κληρονομία κτήματα ἢ ἰσχυρὰ, ὡς quisque Dominum ac arbiter rei sua perfectus fieret.* Atqui vis perfecti Domini maxime consistit in facultate alienandi. *Aristot. lib. 5. Rhetor. c. 5. ὁ δὲ ἵσχυρὸς ἐστὶν ὡς ἐν αὐτῷ ἔστιν ἀποκλινομένης; definitio Domini est, ubi penes ipsum est alienandi potestas.*

42. Jam vero, ut ejusmodi libera alienatio competat Imperantibus, quibus Imperium simpliciter voluntate populi delatum est, utcunque *Hebbero* indubitatam sit, nobis minime, de voluntario, inquam, Regno, concedendum videtur.

43. Non, (per partes ibimus) ut Rex Imperium suum vivus transferat in alium; Quia tantum id juris habet, quod datum est ipsi: Populus autem dedit jus imperandi, à quo alienandi potestas toto genere diversa est. Populus *ipfi* dedit jus imperandi, non *alii*. Proinde ut ipse non habet, nisi quod po-

pulus dedit, manifestum est, nec aliter plus competere posse.

44. Jam si vendere vel donare suum regnum vivus, simpliciter electus Princeps non potest, clarum est, ne testamento quidem disponere posse: Nam & hæc est donatio quam maxime, secundum memoratam Plutarchi notissimamque Juris sententiam.

45. Si testamento extantibus relinquere nequeat successionem, dicimus, nec ab intestato ad sanguine proximos, ab ipso posse devolvi.

46. Quoniam hæc fundamentum suum habet in absoluta proprietate defuncti, cui potestas adit alienandi. Item in præsumpta ejusdem voluntate, quæ successio illis datur, quibus eam defunctus, nisi mors prævenisset, daturus fuisse creditur. *Dix. in prælect. ad Nov. 118. lib. 3. in pr. Instit.*

47. Proinde, cui expressa voluntatis declaratio negatur, hujus tacita vim nullam habere potest.

48. Plane, ejusmodi successio, qualis in plerisque regnis voluntariis obtinet, ut ad sanguine proximos ordine certo deferatur, ea Legem expressam manifesto requirit.

49. Ideo talis in nostrâ hypothese, ubi nihil de successione dictum, nullo modo obtinere potest. Rationes oppositæ ex his quæ modo & pridem sunt dicta, facile refelli possunt.

C A P. V.

De Electione Monarchica.

Jus eligendi competere originaliter iis, quorum Imperium fuit primævum, vel quibus eorum jus datum est, expresse, vel per præscriptionem, quâ maximè Electores Germanos niti videri, & Cardinales, qui Pontifici dant vere summam potestatem in urbem Romam subjectaque ditones. Inde sequi, Imperatorem nihil habere juris in illam urbem cum annexis: nec proinde ad Pontificis creationem requiri illius consensum, nec Imperatori faciendo, Pontificis voluntatem. Species electionis à latitudine eligendorum desumptas vix usum habere. De modo & effectu electionis. Posse populum, Rege mortuo, mutare formam Reipubl. Quæritur, an & hoc liceat, cum jus eligendi contulit in certas personas: Distinguitur, utrum in hos ut ministros, an veluti jus proprium translata sit eligendi facultas.

Igitur Electivi & Successivi Regni differentia principem unum imperio vitave jam functum præsupponit; liquidem originaliter nullum non regnum ab electione habet ortum suum, ut *præced. capite* diximus.

2. Porro jus eligendi, sive surrogandi Principem in vacuam sedem, naturaliter iis competit, quorum jus imperii primævum est: Adeoque penes eos, quibus populus suum jus concessit.

3. Sive identidem Legatos ad eam rem constituent, vitandæ confusionis; causâ Sive jus hoc in perpetuum certo hominum ordini dederint, qui hac partè loco universitatis fungerentur.

4. Veluti possessoribus immobilium rerum, ut in Frisia; vel Nobilibus, ut in Polonia, denique certis Principibus, ut in Germania, Aut Præsulibus, ut in concavio pontificio.

5. Sic tamen, ut immemorialis temporum usus, sæpe pro tacito omnium consensu fungatur, quo fundamento niti videtur jus Electorum Germanicorum;

nec enim satis constat, unde horum numerus & facultas originem habeat, nisi quod paulo ante annum à Nato Christo millesimū, id institutum cœpisse videatur quâ de renovissime ex Abbate Stadiensi Mainburgius *decadenc. de l'Empir. lib. 2.*

6. Eodem fundamento præscriptionis, si non & expressa populi voluntate, sacerdotes *Cardinales* Pontifici Romano dant summam potestatem,

7. Quod cum usu tot seculorum in vim juris externi invaluerit, clarum est, nullum hodie principem, præter *Papam*, habere imperium populi Romani & ditionum ei subjeetarum.

8. Quod tamen non impedit, quominus *Imperator Romano Germanicus* in reliquas extra *Germaniam* Civitates, quæ se pari jure præscriptionis non exemerant, antiquum jus retineat.

9. Quandoquidem à pluribus seculis Germanorum Genti jus hoc quæsitum fuit, ut *Reges ipsorum, Imperatores Occidentis essent.*

10. Sed ut plerique populi ope præscriptio-

scriptionis, sui juris facti sunt, ita id ipsi, inquam, Romanæ civitati accidit; cæteris, quibus id non contigit, (hi quidem extra Germaniam sunt pauci) subiectis Imperatori manentibus.

11. Jam facile constat, qua ratione Romanenses negent, Cæsaribus esse jus creandi vel confirmandi Pontifices; Et vicissim, cur Cæsares Romani Germanorum, spernant Pontificem jus sibi arrogantem approbandi Imperatorem, quatenus extra Germaniam Romano præsit Imperio.

12. Nam quatenus ille Rex est Germaniæ, nihilo meliorem juris habet prætextum Pontifex, quam adversus Regem Francorum aut Britannorum.

13. Cæterum, quod alii per Germaniam Præfules sunt etiam Principes, ejus rei non tam à populis origo, quam à Carolo Magno repetitur. Ita Cranz. 1. Sax. 23. Scip. Gent. de Regal. §. 25. & 26. Grotius in lib. de jure summ. pos. circa sacra Ottonibus hoc institutum adscribit cap. 10. n. 25.

14. Institutum hoc, ratione præsentis utilitatis, ut feræ gentes sacerdotali Imperio mitescerent, haud inutile; attamen fatendum est, synceritatem & humilitatem Christianissimi, lapsu temporis inde non parvam labem contraxisse; nec enim cum institutis Christi illa conjunctio litui & gladii idoneo modo conciliari posse videtur.

15. Vulgo tres electionum species memorantur; quarum prima intra certam familiam, cujus tamen exemplum habeo nullum, altera ad nationem unam restringatur; tertia nullo termino circumscripta sit.

16. Hujus autem posterioris generis Electio quælibet, simpliciter instituta, esse intelligitur: Limitationes diserte exceptæ probari debent. Alioquin ex usu potius, & facti quam juris esse videntur electiones intra certam familiam aut gen-

tis ambitum factæ: ut plerumque videmus Electiones etiam illimitatas haud facile egredi familiam ultimi Regis defuncti; quæ res tamen diversum in jure modum non infert.

17. Sed & aliæ limitationes non desunt, qualis in diplomate sive aureâ bullâ CAROLI IV. ne infra Baronum dignitatem Cæsarea electio demittatur, & ad Germanos restringatur, ut Electores apud Sleidanum lib. 1.

18. Sed in Polonia nemo eligi prohibetur, nec in Conclavi nationes discerni ulla Lege sancitum, & exempla sunt in contrarium; Tametsi Pontifices fere Itali, ob politicas rationes creentur; sed jus non est ita præcisum; exempla quoque non desunt in secus.

19. In eligendo secundum prærogativam numeri, concludendum esse res loquitur, nec enim alius datur exitus: Numerus autem præsentium inicitur; absentium ratio haberi non potest, neque solet; Quin etiam, an notabilis sit pluralitas non attenditur, nisi quid specialiter convenerit aut constitutum sit, quomodo in conclavi Romano duas præsentium partes consentire oportet.

20. Effectum electio secundum majorem suffragantium numerum habet, nisi quid Leges certi præscribant: ut in electione Pontificis duas partes consentire oportere diximus; sive id per scrutinium, ut loquuntur, sive per adorationem fiat.

21. De valore electionis, quæ per vim metumque fiat, in capite de tyrannide agetur, nisi quatenus in articulo de Dominatu ex parte jam diximus.

22. Est autem, vacante regno, tam libera electio, ut etiam non eligere possint Regem aliamque Reipubl. formam introducere. Nempe, si totus populus aut omnes optimates eligendi facultatem exercent, non si in alios transfulerint.

23. Hos enim nihil aliud posse dicemus

mus, quàm quod ipsis commissum, scilicet, replere sedem vacantem.

24. Sed potest difficile quæsitum videri, an Populus aut Optimates jure eligendi perpetuo in certos homines translato, vacante regno mutandi libertatem retinere censeantur.

25. Nam & Electores privare potestate sua, & rursus, extincto sine successore eo, qui summam habuit potestatem, populum vel Optimates sui juris haud esse, durum videretur.

26. Quod si populus, ut heic primò videtur, suæ potestatis sit, facultatem de regimine Civitatis libere disponendi, cum ea necessario conjunctam esse dixeris.

27. Sed ratio postulat, ut eo casu dicamus, foedere civitatis ordinem Imperii non minus stabilitum esse, quam Legge de successione lata; propemodum, ut in *Aristocratia*, ubi jus surrogandi Imperantes in loca demortuorum est apud superstites.

28. Voluit populus, Rege mortuo, non referri ad se de electione, adeoque jure, Convenit hac gratia celebrandi semet ipsum privavit.

29. Idque ex naturâ pacti, quod singuli cives cum singulis habent, ut *supra copiose dictum*, pro æterno ac immutabili habendum.

30. Nisi constet, ex verbis, quibus delatum est jus eligendi, vel re ipsa naturaque Reipubl. *Electores* nihil esse quam ministros, quo casu quid juris sit *alio intelligitur*.

31. Porro, etiam in Successivis Imperiis, quæ voluntaria sunt, locus fit electioni, post defectum familiæ regnatricis, non æquè per abdicationem ultimi imperantis.

32. Quid si Rex imperium committat, hoc est, suis factis vel tyrannide causam præbeat, ipsum Regni jure privandi, an Successores ejus pariter jure

suo cadunt? Respondetur; in Regnis simpliciter hereditariis electioni fit locus, quia Successores ibi suum jus ab antecessore quod perit, acquirere debent: In Successione lineali quæ dicitur, secus est; quoniam ibi jus succedendi non ab ultimo Imperante, sed à Legge primævâ descendit.

33. At in patrimonialibus Regnis Electioni locus non fit, defectu familiæ Regiæ, si modo ultimus successorem sibi surrogaverit: Quo non factò, dicendum est, Electioni locum fieri.

34. Populus enim serviens, Domino absque successore extincto, non potest non esse liber, consequenter habet facultatem faciendi quod libet.

35. Pacta Gentilitia, quibus unâ deficiente familia, succedit alia, in Imperiis summis Patrimonialibus per te valida sunt. In voluntariis non aliter quam populo proceribusve consentientibus, ut è principiis instituti nostri dudum expofitis constat.

36. Denique, in iis qui Superiorem agnoscunt, hujuscerequiritur consensus, ut in Germania, Imperatoris; maxime, quia ditiones feudales, deficiente omni vasallorum sanguine, Imperatori aut aliis teudorum dominis acquiruntur. *Sleidan lib. 1. hist. Germ. in capitul. Car. V.*

37. Proinde jus habet idem Imperator ejusmodi in fisco redactas ditiones aliis iterum concedere jure Principatus liberi, qualem alii Germaniæ Principes in suos populos habent, & præcedentes qui defecere Principes aut Comites obtinuerunt; aut Cæsar in iis, tantum juris sibi reservare potest, quantum videtur; ut pote, quæ ipsi pleno jure sunt acquisitæ.

38. Sed liberis populis, sive singulares civitates, sive integræ nationes sint, Imperator nullo modo dominos imponere

ncro

nate potest, nisi ex voluntate populo-

rum.
39. Sicut olim *Frisi* aliquoties in ditionem concessi à *Cæsaribus*, exteris Principibus, eos semper recusarunt, freti libertate à *Carolo Magno* vel do-

nata vel exinde constanter usurpata; donec ultrò *Saxonem Albertum* introduxerunt. Nec diversa ratio esse videtur Orientalium *Frisiorum*; Quorum idcirco Imperiorum initia pro voluntariis habenda sunt.

C A P. V I.

De jure Successionis hereditariae.

Successionem regnorum esse duplicem, hereditariam & institutivam. Illam ex testamento, vel ab intestato. Harum priorem expressâ, posteriorem tacitâ ultimi regnantis voluntate niti. Locum esse hereditariæ succ, in patrimonialibus imperiis. In his posse patrem, cui velit ex liberis, vel extraneo relinquere successionem, sine deductione Legitimæ, modo hæc aliunde præstetur. Ab intestato regnum deferri illis, quos defunctus habuit carissimos, quales in dubio proximi sanguine præsumuntur. Videri tamen, quod defunctus Rex, ubi nihil dixerit, regnum voluerit esse individuum, ob diversas rationes; Inde sequi, mares feminis, primos posterioribus natu præferendos, licet grandiores ante regnum acquisitum sint nati. Dissentire in quibusdam ex hisce *Grotium*. Fratres secundo genitos non videri in ejusmodi regnis præferendos nepotibus primogenitorum, sed junioribus. Naturales liberos excludi, non adoptivos. Paulò secus videri, de modicis principatibus, qui magis ad exhibitionem vitæ Illustris, quam ad subsistendum per se in statu belli, pertinent. De repræsentatione & ejus effectu; differentiæque patrimonialis & Herilis Imperii.

IN *Electio*ne, mortuis Regibus, Interregnum exercitationem summæ potestatis interrumpit. In Successione persona Imperantis, non Majestas deficit, quia successio sine ullo humano factio sequentis gradus Principem solio imponit. Quo sensu dictum est, *Reges* in ejusmodi Imperiis non mori.

2. Idque non modo verum est de actu primo, sed etiam de actu secundo & exercito Summæ potestatis; quem proinde à solennitate inaugurationis, ut interre-

gno opus sit, non pendere, certa res est. Et sicubi in Regnis successivis, ut nuper factum vidimus, in gente, quæ gloriatur successionem bis mille annorum, ea lex imponitur successoribus; ne quid potestatis, ante jusjurandum solenniter præstitum, exerceant, hi postulatam ingens Imperio & juri successionis injungunt.

3. Sed de ordine succedendi multiplex consideratio est. Sunt nam statui-mus differentiam inter patrimonialia & institutiva seu voluntaria regna; intelli-

E c

ge libe-

ge liberè voluntaria, non ubi deditio facta est, quando necessitas elicit voluntatem de qua dictum sect. 2. cap. 1. Talia enim magis patrimonialia sunt, utique deditio simpliciter facta, utin. *et loco*.

4. Porro in patrimonialibus est Successio *Hæreditaria*, quæ tranlit eodem modo, quo hereditates privatæ, hoc est, per expressam ultimi decessoris dispositionem, quæ *Testamentum* est, vel ex tacita ejusdem voluntate, quæ est fundamentum *successionis ab intestato*.

5. *Hobbes* origine quidem modoque constituendi differre concedit illas species Imperii, *patrimonialis & voluntarii*; at semel constitutas habere omnes easdem proprietates & idem utrobique succedendi jus esse contendit, *locus antea citatus*.

6. Sed hæc judicatio pendet ex iis, quæ pridem disputata sunt; utrum populus deferens Imperium, transfuisse, quicquid *potuit*, aut quicquid *voluit*, intelligatur. Si prius, necessaria est *Hobbesii* in hoc articulo sententia. Sed voluntatis consequentia, quam nos probavimus, evidentem discriminis causam suggerit.

7. Patrimonialia igitur Regna (voce regni pro omni Monarchiâ sumptâ) pendunt unicè ab arbitrio & dispositione Dominantium, qui quovis tempore rerum potiuntur; Idque tam inter vivos quam mortis causâ.

8. Adeo ut Imperia ejusmodi populorum, aliis donari, vendi, similibusque modis cedi possint; cujus rei exempla nec in sacris neque in profanis desunt historiis.

9. Inprimis testamento relinqui potest successor, aut ex liberis unus, citra ætatis, aut è cognatis sine propinquitatis privilegio, vel extraneus amicus, quemadmodum testator sibi populo suo expedire judicat; quo jure Ptolomæus *Primum* de Ægypto, Malanissa &

Eumenes atque de suis olim regnis disposuerunt.

10. Neque heic liberis querela inofficiolæ voluntatis, aut detractio certæ portionis, quæque civili jure id genus remedia ob æquitatem à lege introducta tuere, competunt.

11. Summa potestas ejusmodi Legum commentis minimè subjacet, quamquam naturalis alimentorum ratio in istis quoque valet; sed huic facile absque Imperii sectione satisfieri potest, ut sit omni die in individuis ditionibus, per pecunias aut fructus terrarum, quæ sub eodem Imperio manent.

12. Ab intestato viget in patrimonii præsumpta defuncti voluntas, quam proinde hic unice oportet attendi. Aliarum gentium scitis, diversi sæpe respectus æquitatisque interpretationes obtinent, velut, *unde bona venerunt, illuc us revertantur* & similes.

13. Hic talia non æstimantur, nisi quatenus conjectura de voluntate ex iis colligi possit, sanguinis propinquitate tacitam ultimi possessoris voluntatem efficacius arguente, quam grati animi respectu; etsi aliter velle videatur *Grotius in lib. 2. c. 7. n. 9.*

14. Præsumptio gratitudinis, quæ in ultimo possessore fuerit, imbecillior est, quam ut ab intestato quicquam mutare possit. Efficacissima ratio naturæque ingenii humani convenientissima est, *us propinquitatis sanguinis*, ubi nihil expressæ voluntatis extat, *mensura sit affectionis*, quemadmodum *Romano* jure scimus esse consultum.

15. Unde consequi videtur, eos, qui æque sunt sanguine propinqui, pariter succedere in regnum, & si convenire nequeant, æqualiter id esse partiendum.

16. Idque sine discrimine fixus, quam *αὐτοκρατορία* Natura in hereditatibus, quæ à liberâ dispositione dominus pendent,

pendant, interprete jure Romano, ignorat. Naturæ acculatores appellantur à Justiniano, qui discrimen illud ad consequentiam juris urgent. *l. 4. C. de lib. prat.*

17. Quare, si mortuus sit Dominus Imperii patrimonialis, cujus ab ipsius arbitrio pependerat dispositio, sine ultimâ voluntate, non habetur dubium, quin dividuum sit Imperium, adeoque dividenda sint inter primò & postea genitos, inter mares & feminas, naturales & adoptatos, quoniam & hi perinde jure privato vocantur & habent voluntatem defunctorum; nisi aliud more gentis receptum aut à defuncto præceptum sit.

18. Prærogativam autem marium & primogenituram non aliter ibi valere docet eadem ratio, quam si Imperium expresse individuum sit factum.

19. Planè in *Comitatibus* & *Baronatiibus*, ut dicuntur, aliisque modicis ditionibus, quæ aut superiorem habent, aut sub umbrâ aliorum degunt, sic observari docet experientia, idemque evincit ratio manifesta, quod in iis nihil aliud quam affectio paterna vel consanguinea spectetur.

20. Cujusmodi exemplum habemus ob oculos in *Amelandiâ* Fritiæ littori prætexta, parvi insulæ momenti, sed tamen independentis imperii, quæ jure patrimoniali habetur, nec alio modo quam bona cujusque patrisfamilias, vendi potest; in quolibet autem heredes sanguine proximos transmitti solet, ut à nobis in *vindicis Amelandicis* demonstratum est.

21. Neque dici potest, quamobrem plus in ejusmodi ditionibus spectari deberet; quatenus exigui & subordinati principatus magis ad exhibendum principalis vitæ cultum, quam ad subsistendum in statu belli contra alias Civitates, sunt comparati.

22. Sed videndum, ne non difficile sit,

sandem in omnibus Imperiis quæ est in privatis Patrimoniis, rationem sustinere, maxime in his quæ Summa nec alius obnoxia neque spernendæ sunt potentia.

23. In illis modicis, inquam, ut & quibusvis hereditatibus, simplicitas naturæ, remoto sexus ac ætatis discrimine, prævalet; idcirco Quia respondent debito alimentorum, quibus parentes ex necessitate juris naturæ adversus omnes ex æquo liberos obligantur.

24. Cui accedit ratio, quod in illis nihil est, unde præsumptio de voluntate decessoris colligatur, præter animum paternum & sanguinis caritatem, quæ omnes æque propinquos pari honore, in univèrsum, haberi præstat.

25. Sed in Imperiis Summis & majoribus, considerandus in primis est amor Principum erga subjectos. Qui tantò major in patrimoniali quam diverso Imperio esse solet, quantò tenerius avita ac hereditaria bona, præ usufructuariis aut fideicommissariis amamus.

26. Adde, si liber, tralatitium *Hobbesii* juris Naturæ principium, *de non redierido malo pro bono*, quod longe majus est in majoribus regnis, quam in modicis ditionibus.

27. Id enim frequentissima omnium temporum experientiâ testatum est, haud temere ullum gravius malum populis evenire posse, quam est *concurfus successorum* in ejusmodi Regnis.

28. Unde vel divisio, id est, prope certa destructio civitatis, aut afflictio duntaxat gravissima & prope inevitabilis, expectanda.

29. In quod ferale minimeque obscurum discrimen, quis in dubio præsumat, Regem voluisse populum, à quo tot tantaque commoda percepit, præcipitatum? Maxime, cum id disertè adverteretur desiderio, quod habet, de Imperio in familiâ suâ conservando.

30. Juxta quod, patrem horrescere oporteat omen tragicum, cujus meminit Lu pides in *Pheonissis*;

Θύλησ σδύρη δύμη ἀγλαχύντιδι, &c.

Fratres acuto regnum ferro dividant. quod è concursu iucceffionis contulæ prope necessario, ut sunt æmulationes regnorum, fequeretur.

31. Adde, quod jus primogenituræ & prærogativa, ufu generis humani invaluerit, adeo quidem ut Principes qui hunc ordinem in Imperiis quoque patrimonialibus exprefa voluntate mutant, *contra jus Gentium* decernere dicantur, quomodo Iuftinus de Ptolomæo loquitur *lib. 16. cap. 2.*

32. Quare, fi nihil effet dictum à Ptolomæo Patre, nemo dubitaffet, quin Ptolomæo Cerauno majori filio potius debita fuiffet Succelfio, quam minori Philadelpho; Jus autem primogenituræ fupponit individuum regnum.

33. Porrò, quod ad obligationem naturalem, per quam alimenta debentur, atinet, huic aliunde potefit fatisfieri, quemadmodum antea diximus. Inftitutum in hanc rem falubre multis in regnis obtiner, ut reditus certæ partis, *sub obfequio primogeniti Imperantis*, pofthabito concedatur, quod barbarè *Appennogium* appellatur.

34. Enimvero, fi *exprefsa* de patrimoniali regno ultimi Imperantis *diffofio* extet, illa cunctas fuperat præfumptiones, quæ tamen ideo non tolluntur in calu interftati.

35. Verum in teftamento potefit ita inftitui divifio, ut incommoda, quæ alioquin è promifcua fucceffione fratrumque divifione orrentur, prudenti confilio teftatoris præveniantur & cohibeantur.

36. Inducimus igitur in animum, ut putemus, Imperium Patrimoniale, quoties nihil à rege defuncto vel more jam

recepto exprefsum eft, in *partibus fubjeffivis*, hoc eft, in terris non recipere mutationem, fed manere unum & conjunctum, etfi à Grotio non tam contra quam nihil hoc fuper articulo fit collocatum in *d. cap. 7. lib. 2.*

37. Quo præmiſſo & præfuppoſito, facili confequentiâ intelligimus, mares potiore loco habendos effe, quam feminas, & inter mares primogenitos effe præferendos.

38. Eo quod hi valore ſexus & judicii maturitate videntur aptiores, aut citius futuri ſperantur, ad ſuſtinendum grave cuncta regendi onus.

39. An aliter Grotius, quando ait, *in regnis patrimonialibus, ſi dictum fit, ne dividatur regnum, nec cui cedere debeat exprefsum fit, ut quiſque natus eſt maximus, mas aut femina regnum habebit d. cap. 7. n. 13?*

40. Eſt quidem hæc ratio pro femina primogenita, quod hæc jus individuum in ſpe ſuccedendi conſiſtens occupaverit. Sed in regno hereditario nullum eſt jus potentiale ſucceſſoris, Rege vivo; ut eſt in lineali ſucceſſione, vi Legis: heic enim à voluntate exprefſa vel tacita ultimi poſſeſſoris omne jus pendet, ultimum autem Regem in dubio, ſuppoſita individuitate, marem feminæ prælatum voluiſſe, non potefit dubitari.

41. Niſi forte Grotius mares & feminas non comparet in illis verbis, ut femina primogenita mari præferatur, ſed ut primogenitum *marem*. vel ſi mas non ſit, tum feminam primogenitam vocari velit.

42. Porro, eadem ratio docet, filios ante regnum acquiſitum natos haud minus habere juris, quam qui poſtea ſunt geniti, quæ de re olim toties magnis animis certatum fuiſſe legimus.

43. Cum enim Patris ſola voluntas ſpectetur eaque non pendeat à tempore acquiſiti

æquifit regni, sed æqualis fit erga omnes liberus, primogenitum simpliciter in regno individuo vocari consentaneum est: quemadmodum in aliorum successione bonorum, tempus acquisitionis non attenditur.

44. Magis inexpectatum videtur, quod placet quibusdam, fratres secundo genitos nepotibus è primogenito ætate minoribus esse præferendos, in regnis Patrimonialibus, de quibus hic agimus.

45. Quid ni enim hic obtineat representatio, sive substitio liberorum in vicem parentum, per quam nepotes ex filio primogenito in locum Patris emergunt?

46. Quippe, cum illa maxime sit naturalis, ideoque in Rege mortuo præsumenda, quemadmodum in aliis hereditatibus obtinet. Quid enim hac parte recedere jubet ab analogia privatarum successionum, quam cum patrimonialibus regnis antea comparari vidimus?

47. Opponitur; in privatis successionebus, qualis etiam hæc est, Representatio non plus efficit, quam ut nepos filio, quod ad gradum adinet, æquiparetur; quæ æquatione factâ, qui habent jus ejusdem gradus, omnes æqualiter ad bona vocantur; quod secus in regnis individuis & in jure primogenituræ se habeat.

48. Eo quod fratris ratio sit mere personalis, quæ ad liberum ex simplici ratione naturali non transit, sed opus est dispositione positiva, ad ejusmodi jus personale tribuendum successoribus; cui accedit, quod idem sit contra fundamentum præsumptæ defuncti voluntatis, quæ sumitur ab ætate, ad aptitudinem regnandi.

49. Priusquam respondeam; oportet obiter observemus, eos, qui tersius amant latine loqui, jus quo liberi in locum parentum mortuorum surrogantur, non

appellare *Representationem*; quod hoc vocabulo, apud veteres nihil significetur, quam alicujus rei in antecessum exhibitio. Ita Cicero, se Tyroni suo diem libertatis promissæ *representaturum* scribit, hoc est, ut aliàs loquimur, anticipaturum. *xvi. epist. 14.* Temporis medicinam ratione *representare*, id est, præsumere solatia, quæ tempus alioquin adferret. *v. epist. 16.* Ita Jæcipissim, referente Brissonio *de. V. 8.*

50. Nec aliter temere apud antiquiores. Sequiore seculo deflexum est ad usum, grammaticæ forte magis congruum, ut representare significaret iterum sistere, præsentem reddere: quomodo Diocletianus & Maximianus, pro frumento *representare* oleum dixerunt in *l. 7. C. de Rer. permut.* Iidem *Representare se*, pro *sui præsentiam facere* *l. 8. C. Quom. & quand. Jud.* Et quod propius ad usum hujus seculi, Alexander *Representare jus* in aliquo loco dicit Magistratum in *l. 1. C. Ubi caus. stat.*

51. His exemplis aliquanto commodius liberi dicuntur representare suum Patrem mortuum, id est, iterum quasi præsentem sistere & exhibere jus atque personam ejus, efficacissimo sensu; quem proinde quominus in hæsitatione sequamur, nihil obstat.

52. Jam, quod Representatio nihil quam adæquationem gradus efficiat in hereditariis successionebus, aliter liquet in eo; quod fratris germani liberi cum fratre defuncti uterino concurrentes, representando patrem suum, non modo huic adæquantur gradu, sed eundem etiam excludunt. Et, si nihil aliud quam adæquatio gradus fieret, nepos primogeniti unicus, concurrentes cum filiis secundo geniti pluribus, in hereditate dividibili, non haberet plus quam unus ex his obtinere posset, quod verum non est; cum solus tantundem, ac plures filii se-

filii secundi fratris simul, accipiat, idque è præsumpta voluntate defuncti.

53. Magis igitur est, ut cum præsentatio in regnis hereditariis non excludatur, primogeniti filius ab avo in locum Patris affectu præsumpto substitutus videatur; etsi in eo cesset præsumptio majoris aptitudinis ob ætatem. Hæc enim præsumptio non potest tollere jus perfectum præsentationis.

54. Cum eadem tacitâ voluntate consentit, quod liberi absque justo suscepti matrimonio, non admittuntur, quia vel ideo Rex non videtur eorum matrem in uxorem duxisse, quod illam liberosque justo affectu non prosequeretur.

55. Quod secus, scilicet, est, ubi vel legitimatio vel sufficiens voluntatis actus intercessit, aut nulla inter legitimas uxores concubinasque differentia fuit defuncto, ut *Dominus Turcorum* post *Bajazetem*, cum ejus uxor nimis contumeliose à *Temirano* habita fuisset, observatum est.

56. Adoptivi tamen liberi, quos expressè defunctus pro filiis adscivit, ex illa clara voluntate, non alio jure quam reliqui naturales liberi, videntur habendi; adeoque & *filiabus* præferentur.

57. Nam postremò etiam his, quando potioris sexus liberi defunt, præ cognatis remotioribus successio debetur, quia sine dubio major affectus patris erga suam prolem est, quam respectu cognatorum; nec enim ille iudicium de aptitudine ad imperandum comparasse videtur extra suam domum.

58. Hæc ita in regnis *patrimonialibus*, secundum probabilem defuncti voluntatem, quæ sola in iis spectari potest, si nihil cautum sit, habere se videntur.

59. Quod, si constet, Regnum esse & alias fuisse dividuum, jam non hærobimus, quin liberi omnes majores,

juniores, masculi, feminae, adoptati, (non tamen notii) & secundum eos, reliqui agnati aut cognati secundum gradus prærogativam, sint admittendi, ut *Grot. d. cap. 7. n. 12.*

60. Patrimonialis igitur & Hereditaria Successio hæctenus est eadem; Patrimonium enim & hereditas non differunt; *Patrimonium tibi gratulor*, ad Curionem Cicero post mortem Patris ejus. Idem; *Liberis nostris satis amplum patrimonium relinquimus*, *Pro dom. Fratres commune patrimonium diviserunt l. 38. n. Famil. orcis.*

61. Salvo tamen hoc discrimine, quod Patrimonialis Successio pendeat à voluntate primi Imperantis; licet detur etiam hereditaria, quæ pendet à voluntate populi vel superioris, ut *infra* videbimus.

62. Oportet autem hic denuo observetur, aliud esse Patrimoniale, & aliud Herile imperium. Multæ enim ditiones sunt patrimoniales, in quibus admodum est modica potestas imperantium, ut in nostra *Amelandia*: non pauca etiam sunt Herilia, in quibus nec aliqñandi neque testandi potestas obtinet, adeoque ubi non est hereditaria, sed *instituta* successio.

63. Gujusmodi est Turcicum Imperium, in quo cum hæc seculo *Amurathes* Imperator fecisset Testamentum solenniter confirmatum & à ministris primariis juratum, quo fratrem *Ibrahimum* excludebat, hoc tamen minime ratum est habitum, ut retulimus in *Histor. Civ. ad ann. 1640. in cap. rer. Turcic.*

64. Quin aliquando usu venit, ut herilia regna sint Electiva, quale fuit Imperium *Mamalucorum* in Syria & Ægypto, quod *Selymus* Turca destruxit, ut diximus, *Histor. Civ. tom. 2. l. 1. sect. 3. c. 11.*

Tantum abest, ut herilia cum patrimonialibus eadem sint, vel cum illis semper conveniant.

C A P.

CAP. VII.

De Successione institutivâ.

Succeſſionem inſtitutivam eſſe, quæ ex voluntate populorum originem habet, eamque eſſe vel ſimpliciter hereditariam, vel linealem. In illâ, multo magis in hac, fere eaſdem naſci præſumptiones, quæ ſunt in patrimonialibus, ex tacitâ ultimorum intentione regnantium. I. Non eſſe dividendam civitatem, quia nihil publicæ quieti exitiabilius. II. Ut mares & primogeniti præferantur, etiam qui ante regnum patri delatum ſint nati, nepos quoque primogeniti filio ſecundo licet majori, non æquè, ut Succeſſio ſtet intra descendentes primi Imperantis, ſecus ac Grotius; Id eſſe proprium Succeſſioni lineali, cujus à Priore differentia exponitur. In hac etiam filium ex Patre nondum Rege natum præferri nato poſt regnum acquiſitum. Quid ſi delatum ſit Imperium Tali & filii ex eo naſcituris? Neptem ex filio præferri ex filiâ nepoti, & filiam fratris ſororis, filio; niſi feminis excluſis: quo cauto, natos etiam ex feminis cenſeri excluſos. Liberos illegitimos nec non adoptivos ab hoc loco eſſe alienos. Ceſſare hic teſtamenti factionem, proinde & exheredationis effectum, quin & abdicationis, quia non pendet hoc jus ſuccedendi à facto ultimi poſſeſſoris, ſed a lege primaeva. Ortâ de ſucceſſore controverſiâ, nullum eſſe iudicem, quam ferum, niſi forte populum per modum interpretationis.

Fuit Hereditaria & arbitraria Succeſſio, ſequitur *Inſtitutiva*, quæ deſertur ſecundum voluntatem ac inſtitutum ejus qui primû Imperium fundavit, ſive populus fuerit, ſive major Princeps, qui Imperium in alium contulit, ut ſunt domini feudaliû regnorum, in quibus ideo ſimplex hæreditaria ſucceſſio & teſtamentaria communiter non obtinet *cap.*

1. *in pr. de ſucceſſ. feud.*

2. Plane, quominus voluntaria aut ab alio conſtituta Imperia ſunt etiam hereditaria, ſi hoc modo conſtituta fuerint, nihil vetat, quæ poſſunt etiam eſſe patrimonialia, quibus hereditaria ſucceſſio propria eſt, ut intelleximus.

3. Quid enim vetat, quominus qui in alium confert Imperium, id ita tranſferat, ut accipiens hoc etiam vendere deque eo teſtari poſſit, quemadmodum in Feudis aliquando uſu venit: Et, ſi populus ita, Imperium ſui in alios conferre velit, poteſt hoc æque facere, quam te ipſum in ſervitutum dare poſſe, jam pridem demonſtravimus.

4. Quid autem juris ſit, quando populus imperium ſimpliciter alicui detulit, quod Romæ factum, non expreſſo, electivum, an ſucceſſivum ut futurum, ſuperius probatum eſt; videri tunc eſſe electivum.

5. Quid ſi delatum ſit alicui jure hereditaria.

reditario, five pro se & heredibus Imperium? Verbis equidem Patrimoniale videri posset, quia quod alicui pro se & heredibus relinquitur in testamentis, ejusmodi habetur: sed ex negotii natura & præsumptâ populi voluntate, potestas alienandi atque testandi de regno voluntario non videtur esse delata.

6. Ex eadem præsumptâ voluntate condentium Imperium, eadem fere nasci videntur conclusiones, quas modo ex tacita defunctorum regnantium voluntate collegimus in patrimonialibus.

7. Primò, non esse dividendam Civitatem, quia populus id sui ipsius causâ multo fortius, quam Rex ob amorem populi, pacemque familiæ, voluisse videtur.

8. Secundum hoc, ut alii ne vocentur, quam qui ex justo sunt nati matrimonio, tam ratione præcedenti capite laudatâ, quam quod extra matrimonium nati, sanguinis incerti habentur.

9. Tertium ponit Grotius, ut Successio stet intra eos, qui descendunt à primo Rege: Quod in terminis regni simpliciter hereditarii, five pro illo & heredibus ejus, constituto, ut Grotius ponit, in d. cap. 7. n. 14. & seq. verborum proprietate nullo modo fert; Ut scilicet hereditarii appellatio non tantum ad cognatos, sed etiam ad solos descendentes restringeretur. Idem mox iterum occurret.

10. Sed hoc tuto ponere licet IV. quod *mares feminis in pari jure sanguinis præferantur*; deficientibus demum viris, sequior sexus admittatur, ob eandem rationem.

11. V. Ut *primogenitus* solus his qui postea sunt nati, *anteponatur*, propter rationes etiam suprâ collocatas, in regno patrimoniali.

12. Quod nepos è *Primogenito* natu licet minor, præferendus sit *filio secundo ge-*

nito ætate majori, jure repræsentationis; Hanc enim in Successione constitutâ ut simpliciter hereditaria vel successiva sit, habere locum, dubitari non potest.

13. VI. Quod ordo Successionis aliquando transire potest ad eos, qui non sunt de sanguine primi Imperantis, ut læpe contingit, posteros alicujus habere cognatos heredes, ab illo alienos.

14. Aliter Grotius, qui in Regnis ex voluntate hereditariis statuit, præsumendum esse, quod constituentes voluerint, ut Successio stet intra eos, qui à Primo Rege descendunt, eo quod hæc ob nobilitatem electa censeatur, qua finitâ, regnum redire debeat ad populum d. lib. 2. c. 7. n. 15.

15. Sed hæc præsumptio infirmior est, quam ut jus hereditarium, quod habent proximi heredes cujusque regnantis, superare queat. Nam qui Regem ita constituit, ut successionem hereditario jure deferat, si maxime Testamentarios heredes exclusisse videatur, alios tamen consanguineos, peremptorie vocasse non potest negari, quod & in Feudis obtinet.

16. Quippe restrictio, ut heredum appellatio, primo ad consanguineos, dein etiam ad descendentes, sine ulla horum speciali mentione, restringatur, id profecto est *vis* verbis inferre manifestam.

17. Cæterum, illa Grotii positio videtur esse propria Successioni, quam *Linealem* vocant, secundum quam non proximi Regis quâ tales, sed qui à lege designati & dispositi sunt, vocantur.

18. VII. Huic hereditariæ & in iuribus successioni proprium, in quo discrepat à patrimoniali, sit, quod ex hereditatio in eo fieri non potest, quia non proficitur, neque pendet à Regis sed à populi voluntate, nec adeo testamenti super regno faciendi jus, unde facultas exheredandi pendet, tribuit.

19. Deni-

19. Denique, & hoc est peculiare, quod etsi regnum hoc sit *Hereditas*, tamen à privata hereditate diversum sit; idcirco licet illa non adeatur, regnum tamen ab herede acquiri possit; quemadmodum in bonis feudaliibus, emphyteusmodis & fideicommissariis usu venit, ut etiam docet Grotius *d. cap. 7. n. 19.*

20. Positiones præcedentes etiam omnes locum habent in illa Successione, quæ *Linealem* vocari diximus, quæ à lege, secundum certam succedentium *lineam* ordinatur; excepto, quod diximus, Successionem hereditariam ad tales etiam heredes pervenire, qui non sunt orti ab imperante primo, cum *Linealis* ad solos ab ipso descendentes pertineat.

21. Præcipuum, quo hæc species à priori differt, est igitur, quod simplex hereditaria Successio ordinem suum accipit ab ultimo imperante, neque Successor quicquam juris habeat, nisi per hujus mortem. Sed in lineali, quamquam *Lex* effectum succedendi, non nisi *Vacuo* regno, cui libet proximo tribuit, iustamen *potentiale*, quod Grotius vocat, etiam prius, etiam remotioribus addicit Successoribus.

22. Hinc quæri potest, non modo de lineali; sed de quavis hereditaria successione; An etiam filius ante regnum quæsitum Patri natus habeat succedendi jus, quemadmodum de patrimoniali Successione diximus. Ratio dubitandi, quod in successione patrimoniali, sola Patris voluntas spectatur, quæ non est minor erga filium antea, quam postea natum: Verum in regnis, ubi Legis dispositio regit Successiones, potest dici, quod jus successionis nequeat incipere, nisi positis succedendi terminis habilibus, qui non sunt in filio ante tempus regni à Patre quæsitum nato.

23. Hanc rationem suggestit Dema-

ratus exul rex Spartanus Xerxi apud Herodot. ejusmodi cum fratre Artabazane litem agitati; quæ & apud Lacedæmonios vim juris habuit, plenæque sunt hoc genere exemplorum historiae.

24. Verum illa ratio non est idonea ad hanc diversitatem inferendam. Nam si tunc, ubi successio primum constituitur, jam natus sit filius, ut accidit in imperiis recens acquisitis, clarum est, eam maxime designari per filium, qui fuit in conspectu.

25. Nisi forte dictum fuerit, imperium dari *Tali & filius ex eo nascituris*, quo argumento nixum fuisse Ludovicum Sforzam adversus Galeatium fratrem, in controversia ducatus Mediolanensis, refert Grotius *d. c. 7. n. 29.* quod pro exemplo bonum est, pro historia non æquè. Nam Ludovicus Galeatio & ejus filio se prætulit eo, quod ipse haberet investituram à Maximiliano Cæsare, quam Pater & frater & fratris filius omnino neglexissent; addito, quod ipse natus esset Patri jam Duci, Galeatius antea; quæ ratio fuit utraque in literis investituræ Cæsareæ, ut auctor est Guicardin. *lib. 1. de bell. Ital.* qui de *Nasisturn* nihil.

26. Quod si de filiis, longiori à lege lata tempore natis, antequam ordo successionis ad Parentes eorum pertigisset, quæretur, pro his adhuc evidentior est ratio; quia talis filius ante regnum Patri actu dotatum, jus illud potentiale, quod in lineali successione versatur, acquisiverat, ante filium, qui post regnum à Patre acquisitum natus est, cui idcirco antefereendus est.

27. Sicut in patrimoniali & hereditario idem fit jure repræsentationis, ut demonstratum est, quod non habet locum præcisè, quo tempore liberi nascuntur, sed omni tempore vitæ: Nec enim minus fuit filius is qui adoleverat, cum

F f

Pater

Pater Rex fieret, quam *impugnatus*.
in *purpura natus* & regius intans.

28. Denique & in lineali successione minus est dubii, quin nepos è primogenito, licet ætate filio secundo minor, huic tamen præferatur; Quoniam filius primogenitus, patre vivo mortuus, jus quo tum spem habebat præcipuam, quodque jus *potentiale* diximus, ad suam problem transmittit.

29. Sed an non obstat heic, ratio minoris aptitudinis ad regnandum, ex impari ætate, & an non hæc, respectu populi, validior est quam in Rege, qui jus Patrimoniale transfert in posteros suos?

30. Non videtur, quia vis expressæ sanctionis validior est, quam illa præsumptio esse queat; Lex vocat filium primogeniti sine discrimine, cujus ætatis sit; quia semel successionem in universum stabilire volens, ob exquisitos casus, nullam varietatem recipere potuit.

31. Tunc enim successorum ordinationem expressæ tacitæque ultimorum Imperantium voluntati committere debuisset; quod ne fieret, successionis ordinem definivit.

32. Unde, nec primogenitum, etsi longe ad res gerendas ineptiorem, modo non furiosum aut mente captum, ordo Legis prætervehitur.

33. Hæc in lineali successione nullam habere difficultatem, fatetur Grotius; In hereditariis, seu patrimonialibus sive institutivis, modo individua sint, ita existimat, *Repræsentationem nihil facere quam æquationem gradus*; Ideoque majorem natu, sive is nepos è primogenito, sive, quod plerumque usu venit, sit filius secundo genitus, esse præferendum; quod cur nobis minus sedeat, in fine *cap. præced.* ostendimus.

34. Secundum hæc, fratris majoris filius vel filia, secundo genitum fra-

trém antecedit, imò & nepos vel nepotis illius, adeoque in infinitum hoc valebit.

35. *Nepos* quoque ex filio præferenda erit nepoti ex filiâ, quia filius filiam præclarus fuisset, suamque spem ad problem suam transmittit; filia, quæ nihil habuit nihil suo gnato tradere potuit.

36. Lex quidem mares etiam præfert, & prætulit in hoc casu filium filiæ; sed jure in filium stabilito, inter illius liberos, si utriusque sexus extent, idem discrimen servat; si verò filias tantum reliquerit, hæc jus à Patre transmissum retinent; Nepos ex filia nihil habere potest, quia mater ejus nihil juris habuit, & lex non potest retrò operari per saltum, ut relicta nepte ex filio, recurrat ad nepotem ex filia; Ideoque feminis tantum repertis, in his subsistit, nec retrò currere potest.

37. Eadem ratione, filia fratris potiori jure, quam filius sororis utetur, ac ita in cæteris.

38. Ultro autem intelligitur, hujusmodi successionem, in iis obtinere populis, ubi feminæ non penitus excluduntur, sed ubi maribus duntaxat posthabentur, ut in plerisque Christianorum regnis usus & juris est.

39. Quo casu etiam, ubi Lex viros produxit ad folium, si postea pares gradu deficiant, retrocedit ad feminas, potius quam ad agnatos diversæ lineæ pergat.

40. Id enim extra controversiam collocamus, nihil ob stare, *quominus femina ad imperia populorum*, talvâ juris Gentium ratione, positis causis habilibus, extolli possint, quâ de re diximus in *cap. 2. huj. sect. in fin.*

41. Utrum rectius prudentiusque penitus excludantur, quam in subsidium, deficientibus masculis, vocentur, Politicorum, disputatio est, de quâ rationes & exem-

de materia in utraque partem historia suppleat.

42. Nec de nihilo observatum fuit, nullas gentes plus à feminis esse perpeffas, quam quæ maxime gloriantur, eas penitus ab hæc à successione regnorum, exclusas esse, quod nominatim de Gallis animadvertum est.

43. Porro, ubi omnino excluduntur, quæ *suscessio linealis agnatica* vocatur, ibi non modo cognati remotiores illas præcedunt, sed ne feminæ quidem, deficiente omni sanguinis lineâ, admittuntur, *expressâ prohibitione omnem tacita voluntatis excludens præsumptionem.*

44. Quod ipsum in maribus ortis è feminis haud dubie statuendum, quia Successio est ordo continuus, qui per saltum ferri nequit, obstanti regula, *ubi excludens te excluditur, multo magis tu excluderis.*

45. Atque is ordo lege stabilitus, quo jus potentiale certæ lineæ quæsitum est, ne quidem à populo toto, vel Proceribus immutari potest; cum ille suum jus etiam in futurum alienaverit, ne quidem si ultimus Rex suum adhibeat consensum; quia dispositio ipsius neque viventis neque mortis causâ, in talibus imperiis quicquam mutare potest, ut sæpe demonstratum est. Exempla quæ in diversum non defunt, facti non juris esse, vi veritatis imperat, ut statuamus. vid. quæ dixi. *Hist. Civ. rom. 2. l. 1. sect. 1. c. 5. n. 3.*

46. Sed discrimen hereditariæ & linealis in regno voluntario Successionis plerumque ex usu & interpretatione populorum superveniente magis colligitur, quam ut lege certa ab initio declararetur, ut in Franciæ regno manifestum est, Quippe ibi lex Salica quæ dicitur, nudum fere nomen est, cum de eâ nihil constet, quam quod Salii olim Francis juncti solos mares ad hereditates privatas vocaverint, in regno an obtinuerit,

non fuit decisum antea mentem Ludovici Huttini, anno Chr. 1316. & an linealia esset, præcis annis postea. *Dix. in hist. Civ. rom. 2. ad d. ann. cap. 5.*

47. Jam de naturalibus spurisque liberis nemo dubitat, quin æque ab institutiva quam ab hereditaria successione penitus arceantur; alimentorum quæstio à jure publico aliena est.

48. Adoptivos in patrimonialibus solâ defuncti Regis voluntate sat ipso actu declaratâ vocari diximus, quæ cum in voluntariis regnis cesset, nullum in his locum dari adoptatis manifestum est.

49. Jam non est quod moneatur, Regibus in hujusmodi Imperiis non esse jus faciendi testamenti, quo successio nis ordo mutetur, ut jam expositum est ac ultro liquet;

50. Proinde ex heredationem, nec ob ingratitudinem licet atrocissimam, fieri posse cum effectu, tam in hereditariâ quam in lineali successione, uti jam diximus. Nec abdicatio principis cum præjudicio posteritatis fieri potest in lineali, quoniam jus ei *Lege* quæsitum, non ab regnante profectum est.

51. Sed in hereditariâ simplici, regno tamen voluntario, quia jus heredis à defuncto in proximum venire debet, qui tempore mortis nihil habuit, is nec in heredem quicquam transmittere potest. Idem de derelictione judicandum.

52. Cæterum, controversiâ de successione ortâ, non potest alius esse iudex quam Ferrum, utique cum decidendi potestate, quæ succumbentem obliget ad parendum.

53. Populus enim, quandiu stirps familiæ regnatricis superest, omni jurisdictione manet exutus; Neque superstes princeps ultra vitæ suæ terminos quicquam de Imperio disponere potest.

54. Quamquam si compromittere velint, nullum rectius arbitrum, quam Regem

gem vivum, esse mortuo, populum vel primores eligere possunt.

55. In Imperiis, ordine successivo non bene stabilitis expedit & solet fieri, ut Reges filios suos vivi curent vel successores declarari, vel etiam pro Regibus agnosci atque inaugurari.

56. Successores declarantur vel simpliciter, vel cum titulo Summæ Potestati proximo, quomodo Cæsares in Imperio veteri Romano sub Antoninis & postea, distincti ab Augustis, in hodierno Imperio Reges Romanorum declarantur.

57. Quando Reges sunt vivis Patri-

bus, rum vel Imperii *Collig. ad Tit. 1. c. 1.* tur, ut Severus Antoninum filium per modum Condominatus, auctoritate dispari, potestate pari; vel Pater se jure imperii abdicat, ut filius eo solus potitur, quod factum à Ptolomæo Lagi in Philadelphū filium, cui pater in ipso actu inaugurationis apparuit, *officium regi filio inter satellites exhibens*, ut Justinus lib. 16. c. 2.

58. Si quis tamen dicat, populum non quidem per modum jurisdictionis, sed interpretationis in causâ dubiâ licet decidere posse, quoniam jus *ad Romanis legis conditæ ab illo profectum est*, non admodum refragemur.

C A P. V I I I.

De Tutelis Regis.

Tutores Regii an habeant summam potestatem. Quotuplex sit hæc Tutela, & quis eam statuere possit. Legis dispositionem per Testamentum hæc non posse mutari. Quando Tutela finiatur, & an detur Cura regia, ubi & de jure Devolutionis obiter.

Porro, si Principem, cui successio debetur, infantem aut furiosum esse contingat, palam est, TUTOREM ei esse dandum, vel Curatorem, qui & Protector & Regens *alicubi* appellatur, cujus rei tractatus ad hunc locum pertinet.

1. Ille Tutor, Regens aut Protector cum habeat facultatem juris, cujus Acta nemo infirmare queat, *summam quoque potestatem habere dicendus est*, sed exercitio tantum, proprietate penes pupillum manente.

2. Deferre tutelam nemo alius, quam is, cujus primævum jus fuit imperandi, potest. Quippe, cum *præsens* Rex nullum habeat animi judicium, nec defunctus habuerit potestatem faciendi quicquam in tempus post mortem suam.

3. Ergo cum Tutelæ privatæ sint To-

stamentariæ, Legitimæ & Dativæ, priorem speciem in Regnis, populorum voluntate constitutis, secundum ea quæ sæpe dicta sunt, non posse locum habere palam est; quia Testamenti factionem in hujusmodi regnis omnino cessare constat.

4. Loquimur de non patrimonialibus; nam in regnis, quæ jure patrimonii habentur, non est dubium, quin Rex moriturus Tutorem constituere, vel ejus dispositione cessante, propinqui aliquem eligere possint.

5. Si qua in regnis voluntariis exempla tutoris à Patre dati extant, ea commendationis tantum habuere vim, quomodo & de successione ipsâ multi Reges testati leguntur, at *sæpius absque officio*. Exemplum notabile deditur in

Hisp.

Hist. Civ. ad ann. Chr. 1642. cap. 3. & 4. de tutelari dispositione Ludovici XIII. Galliarum Regis, quæ in magno Senatu Parisiensis irrita facta est, aliaque passim extant.

7. Voluntas populi aut per Legem fundamentalem, aut hac deficiente, per expressam declarationem significatur.

8. Per quam potest fieri, ut non unus, sed plures constituantur Tutores, qui per modum universitatis aristocraticum, teneant jus summum; uno licet præside statuto, cui nomen Tutoris aut *Protectors* vel simile detur.

9. Cujusmodi tutelæ administratio in Angliâ, commendante *Henrico VIII.* super *Ednardum* puerum, constituta fuit; ubi consentaneumerat, eum cui nomen Tutoris dabatur, qui & capite multatus est, non habuisse potestatem Summam: *Baker. in Edu. VI.*

10. Causas Tutelæ diximus esse ætatem puerilem & dementiam, cum qua Leges merito comparant prodigiam sive insaniam morum, quæ præditi, licet mentis compotes videantur, furiosum tamen exitum faciunt; qua ratione vel prætextu nuper ulos vidimus Lusitanos in amovendo Rege suo.

11. Tutela pubertate finitur: Inde olim adolescentes in suam Tutelam venire dicebantur, nec Curatores accipiebant, nisi causâ cognitâ, propter furorem, vel amentiam. A Marci Philosophi tempore adolescentes non redditus causis, sub Curatoribus esse cœperunt usque ad ætatem xxv. annorum, quo posteri demum compleri virilem vigorem arbitrati sunt.

12. In Regnis frequenter reditum est ad veterem morem, ut post pubertatem adolescentes in suam tutelam venire censentur; Et quidem ut annus inchoatus

pro completo habeatur; quomodo in Gallia & alibi frequenter observatur; ut anno xlii. decurso, Reges majores declarantur. Alibi, ut in Germaniâ, placuit annorum ætas xviii; ut cuique populo visum fuit.

13. Ratio, quæ minoris ætatis Curæ non ubique recepta sit æqualiter, etiam major ad regimen publicum maturitas & prudentia requiratur, est politica, quæ ut sæpe fit, juridicum parit effectum; scilicet, periculum è longiori regimine Tutelari pro ipsis Adolescentibus; neque minus ad evitandum turbas, quæ frequenter adversus alienæ potestatis exercitium moventur.

14. Ex his omnibus abunde liquet, jura privata, quæ cuique patrifamilias jus liberè disponendi super pecuniâ tutelæ rei suæ largiuntur, l. 120. n. d. v. s. ad jus publicum Civitatis non esse producenda.

15. Proinde nec tutelæ Electorales ex Aureo Diplomate, quo fratres defunctorum vocantur, ultimâ voluntate mutari posse videntur, quâ de re dix. part. 3. lib. 3. *Digress. cap. 5.* & in notis ad lib. 1. *Hist. Civ. tom. 1. c. 2. verb. Tutel. & omnis jus Reg.*

16. Aliter olim disputarunt Marquardus Freherus & Dionys. Gotofredus pro testamento Friderici IV. Electoris Palatini, qui excluso Philippo Wilhelmo Neoburgico, ad quem ex Imperii *Lego* pertinebat Tutela, vocaverat Johannem Bipontinum; Reformati libenter adsentiti sunt Frehero & Gotofredo, quos inter D. Wissenbachius noster *ad Inst. de Tut. n. 20.* magis quod partium in Palatinatu intererat, quam ex solido vero, ut probant Tulden. & Perez. ad T. C. *de Tutel. vel cur. illustr.*

17. Nihilo magis jura intestati legitimæque successionum devolutiones de patrimonio vel de feudis privatis constitutas

tutas sine magno errore ad summa Imperia transferre licet.

18. Quò sine dubio pertinent *commissa secundarum nuptiarum*, quibus alicubi, bona, quæ parentes sub finem prioris matrimonii habuere, post transitum ad *secunda vota*, liberis primi conjugii acquiruntur, usufructu dumtaxat à parentibus retento, qui, mortuis illis, cum proprietate consolidatur.

19. Non pertinere ad Imperia, hæc familiaque statuta vel uno clarum est argumento, quod ab Summâ Potestate proficiantur, ut subjectos ad parendum, non ut ipsos obligent imperantes, de quibus insanum est cogitare, quod secundis nuptiis Imperio semet ipsos privare voluerint. *vid. Grot. lib. 2. cap. 4. §. 12.*

20. Proinde, ubi maxime jus illud *Devolutionis* obtinet, nihil tamen hærendum, quin filius secundi, filix prio-

ris matrimonii sit in Imperio *preferendus*; quâ de re superioribus annis inter Hispanos & Gallos armis & libris acerrime certatum est.

21. Non defugimus alioquin id quod Grotius in *d. cap. 7. n. xi.* statuit; in dubio, quoties expressiora voluntatis indicia nulla sunt, credi, quemque id de sua successione statuisse, quod Lex aut mos habet populi, non tantum ex vi imperii, sed ex conjecturâ, quæ etiam in eos valet, quorum in manest summum Imperium. Nam & hi probabiliter creduntur in rebus suis *acquissimum* judicasse, quod aut legibus sanxerunt ipsi, aut moribus probant; in quibus de nullo ipsorum damno agitur: Quod damnum in illo Devolutionis instituto quàm maximè agebatur; ideoque ad hoc, ejus loci argumentum minime pertinet. Enimvero illis verbis hoc caput non incommode claudemus.

SECTIO.

SECTIO VIII.

De Plurium Imperio.

CAP. I.

De Jure Aristocratico.

Plurium Imperium esse duplex, Aristocraticum & Democraticum, definitio Aristocratiz, De numero imperantium in hac republ. nihil dari certum, modo sit longè pars minor populi, licet aliquot millia. modum continuandi Aristocratiam esse vel successivum aut electivum. Refutantur, qui Democratiam esse volunt, ubicunque omnis generis ordinisque homines surrogari possunt, aut ubi populus deficientes optimates supplet. Discrimen hinc pendere, utrum acta imperantium infirmari queant vel non, sed utrum perpetua an temporaria sit potestas, nihil referre ad specificam differentiam. Igitur annuos optimates, qui jus habent faciendi quod è Republ. videbitur salvis legibus fundamentalibus, verè summam habere potestatem; quâ proinde careant hi, qui illos delegaverunt. Non posse tamen illos transferre jus summum, nec unumquidem ex juribus Majestatis, nec ullum imperii actum ultra suum tempus exercere. non teneri verò ad reddendas rationes delegantibus suis. Plusculum de illa specie Aristocratiz, ubi possessores immobilium habent jus constituendi annuos optimates. An optimates Imperium alienare vel formam Reipubl. mutare possint.

Fuit Monarchia, Unius Imperium. Quod à pluribus tenetur, est vel Aristocraticum vel Democraticum.

2. *Aristocratia*, cum summa potestas est penes *Optimates*, hoc est, minorem & eminentiorem populi partem.

3. *Democratia*, quando jus summum Imperii à populo non transfertur, sed ab eo retinetur in summa, administratio tantum per Magistratus exercetur, ad instar aristocratiz.

4. Numeri Imperantium in hac formâ Civitatis magna est latitudo, ut defini

nullo modo possit, nisi quod subest civium partem longe oporteat esse majorem.

5. Est ubi *Decem viri*, *Triginta*, *Quadragesima* Viri, plus minus; fuit ubi *Centum*, *Quadragesima*, mille vel plures sunt, ut apud Venetos & Frijos.

6. Imo in *Polonia*, ubi jus summum est apud Nobiles quinquaginta & quod excedit, numero millium, formam esse aristocraticam, necessarium dictu videtur:

7. Quia cæterorum incolarum multitudo, quos etiam communi nomine ci-

ves licet rusticos, dici posse non est dubium, immenso numerosior est, & *Nobiles* utique *Optimates* sunt.

8. Hinc ubi jus supremum est penes dominos insignium prædiorum, licet alioquot millia forsitan hominum efficiant, quia tamen plebs sine terris immenso major est, ejusmodi Rempubl. dicimus *Aristocraticam*, ut in *Frisiâ* nostra Nisi quartam Reipubl. formam quæ sit *Timocrasia*, statuere placeat, quæ de re *infra* agendum.

9. Fatendum interim, quod majores Imperantium numerus, eò propius ad *Democratiâ* similitudinem accedi, ut forte plus inter quasdam *Aristocratiâs*, quam inter aliqua optimatum & popularia interfit Imperia.

10. Quæ res efficit, ut multi pro *Democratiâ* accipiant ejusmodi Respublicas, quæ accuratè æstimatæ sunt *Aristocraticæ*.

11. Nimirum, potest fere, ut Regnum, dividi *Aristocratiâ* in *Successivam* & *Electivam*, plerumque quoad singulas attinet personas, non etiam universos; tamen ad universos quoque, ut in *Frisiâ* universi quotannis mutantur Imperantes substituti.

12. *Successiva*, ubi dignitas optimatum est hereditaria, ut summa Reipubl. concilia nulli quam è certis familiis nato ingredi liceat, quod *Poloni*, *Veneti* alique servant.

13. *Electiva*, quando in locum deficientium, alii ex eminentioribus civitatis per suffragia surrogantur, ut in *Belgiâ* *opsinet*.

14. Errant autem sine dubio, qui *Democratiâ* esse volunt, quando cujusvis generis & ordinis homines, nemine excluso, surrogari possunt.

15. Nam et si nullus ordo hominum à capacitate electionis excludatur, tamen ubi perpetuo verum est, Summam po-

testatem esse penes partem longe minimam, ibi certum est dari *Aristocratiâ*, ut ex supra dictis colligi potuit.

16. Perinde atque Regno nihil decedit, ex eo, quod quilibet ad illud eveni possint, neque minus est *Monarchia*, qui ex omnibus, quam qui de paucis fuit seligendus.

17. Electio *Aristocratica* dupliciter habetur; Aut enim ipsi *Optimates* jus habent loca deficientia suo arbitrato, ut fit in *Hollandiâ*, supplendi, aut populus totus ejusve Præcipui novos identidem Senatores eligunt, ut heic in *Frisiâ*.

18. Illam sunt qui *Aristocratiâ* veram, hanc qui in se spectatam volunt esse *Democratiâ*, modum duntaxat administrandi *Aristocraticum* videri.

19. Sed arbitror, esse distinguendum, juxta principium toties positum, utrum acta electorum Procerum à populo dependeant, ab eoque infirmari possint, an omninò sint rata.

20. Si acta, gesta illorum rationibus reddendis, abolitioni aut animadversioni subiecta sint, concedemus, fundamentum Imperii esse *Democraticum*.

21. Verum si plena & irrevocabilis potestas illis tribuatur, nulla ratio est, quare dicendum sit, electionem populi magis impedire *Aristocratiæ* appellationem, quam *Monarchiæ*, ubi multitudo eligit Regem; siquidem utrobique eligentes omni potestate se ipsos abdicarunt.

22. Hæc distinctio firmior videtur, quam quæ alii utuntur, in eor potestatem optimatum *temporariam* & *perpetuam*.

23. Si *temporaria*, volunt proprietatem Imperii manere penes populum, nihil vero quam usum & exercitium esse penes illos *ad tempus* optimates.

24. Equidem si nihil ab hac disputatione penderet, quam quo nomine sit exprimendum jus illud, quo populus Imperium affectum habet, in casum temporis

poris elapsi, quæstio exigui foret momenti.

25. Sed illi volunt, temporarios Optimates nihil esse quam magistratus, id est, *ministros* adeoque ad rationes reddendas esse obligatos. Unde patet, hoc quæsitum in utramque partem Summæ Potestati essentiale videri.

26. Etiam *Hobbes* ita; Si populus, electis Imperantibus ad vitam aut certum tempus, decretum prius fecerit de conveniendo, post tempus imperii elapsum, rursus ad diem locumque certum; quod tunc medio tempore Summum Imperium in populo ut domino, usus autem in Proceribus temporariis fuerit. *tract. de Cive cap. 7. §. 14. & cap. 9. §. 13. & seqq.*

27. Nos hujus doctrinæ nullum agnoscimus effectum, neque putamus quicquam posse proferri, quod minus in potestate sit optimatum temporalium quam perpetuorum.

28. Proinde ex his terminis differentiam Summæ potestatis inferre, ut antea improbavimus, ita nihil adhuc causæ videmus, cur sit faciendum. *vid. supr. sect. 3. cap. 2. n. 46.*

29. Diximus ibi, rerum civilium naturam ab effectis æstimari, quæ à tempore non recipiunt diversitatem; sed qui facere possunt idem, alius ad tempus alius in perpetuum, illis idem juris oportere adscribatur.

30. Scimus, *dominium revocabile* dari, ut mariti in dote & heredis fiduciarum, qui forte non omnia possunt quæ domini irrevocabiles; *quatenus ad restituendum tenentur.*

31. Sed hoc discrimen in Imperiis non habet facultatem; siquidem nullâ re plus valent, *inquam*, perpetui, dum vivunt, quam temporarii; dum regimen eorum durat, Imperantes, *dum durat*, inquam.

32. Aut si hæc differentia in Impe-

riis obtinere debet, sic erit accipiendum, quod, sicut maritus in dotali, vel fiduciarius in re fideicommissariâ nihil facere possunt, quod impediatur restitutionem suo tempore faciendam, ita Regnantes temporarii prohibeantur facere quicquam, ad corrumpendam restitutionem Imperii sibi commissi; Atqui id ipsum prohibetur & his, quibus Imperium *perpetuo*, hoc est, ad vitam delatum est.

33. Cæterum, si quis illud jus, quod Imperium ad populum reverti debet, proprietatem velit appellare, ut in Jure quandoque, matrimonio adhuc consistente, *dominium* dotis, quod viri est, ad mulierem pertinere dicitur *analogicè*, id quidem concedi potest.

34. Sed Imperium accuratè loquendo, ab jure quod populus interim retinet, est diversum, *ut ex definitione Summæ Potestatis constat.*

35. Neque prorsus in specie aliud est jus, quod populus retinet, quando Imperium defert ad certum tempus, durante eo tempore; quam est jus populi, quod retinet in omnibus Imperiis voluntariis, etiam regnis successivis, in quibus aliquando jus summæ potestatis ad populum redire potest.

36. Porro eadem ratione, quæ ex *Democratia*, fit *Aristocratia* per translationem juris supremi in minorem numerum; fit etiam ex *Aristocratia* laxâ & diffusâ, status *Aristocraticus* strictior, sicut in agro *Frisiæ*; ubi jus summum competens dominis veterum prædiorum facit Aristocratiam, latè quidem patentem, sed juxta *superius* dicta, tamen *Aristocratiam*, id est, minoris numeri potestatem in populum universum.

37. Ab his autem quotannis creantur *Optimates Lxxxii. plenæ potestatis*, quibus datur jus intrâ annum vertentem faciendi quicquid è Republicâ videbitur, nulla

lāve exceptā; nisi, ut Leges Reipubl. fundamentales servantur, & paucis quibusdam aliis capitibus specialiter expressis.

38. Postremo repetamus oportet, heic, quod in *sect. 2. cap. 5.* & alias sæpe demonstratum est, Optimates æquè jus habere delatum à populo sui juris, quam Reges & Principes.

39. Proinde in Imperio simpliciter delato, illos aut posse vel non posse, quicquid Monarchis ex jure sibi delato facultatis esse vel non esse diximus.

40. Ex qua sequi videtur, Optimates non posse Summam Potestatem in alium transferre, non magis quam Reges id facere posse *suprà* vidimus.

41. Quod tamen cum ab usu alienum esse constat, exemplis, videndum, an non optimates magno numero, in Republ. ubi totus populus in diversas civitates & regiones diffusus nunquam coit & difficillime coire potest, considerari queant ita, ut jus omne populi de imperio quovis modo disponendi complectantur.

42. Quomodo sane si Poloni Nobiles regnum ex electivo & legitimo facere vellent hereditarium, nemo dubitaret, quin id facere possent; nec si possessores Immobilium in Frisia principa-

tum erigere vellent: nam Legatos ad Comititia, id ibi vel in Polonia facere posse nullo modo statuendum est.

43. Nec de magno quidem Senatu Veneto, licet ibi plebs facilius convocari possit, dubium sit, quin si vellent speciem Ducatus in regnum mutare, suo jure id facere posse crederentur.

44. Quemadmodum ne in Hollandia quidem dubitatum est, cum Rectores omnium Civitatum, populis inconsultis, Principi Wilhelmo seniori Summam Potestatem detulissent, quin id jure factum videretur; etsi dialectica juris ratio, quam diximus, & quæ Optimatibus non tribuit plus juris quam Monarchis simpliciter constitutis, in diversum tendat.

45. Est tamen considerandum, inquam, an non optimatibus hac parte tacito populorum consensu plus quam Principibus datum videatur, maxime, si magno sint numero; Quasi præsumptione populari, quod ejusmodi Optimates hac potestate minus facile sint abusuri quam Principes, & quod in magno Optimatum numero spissior & validior sit totius populi representatio, quam in singulis Imperantibus.

C A P.

C A P. I I.

De Republica annui Imperii, qualis in Frisia.

Aristocratiam magni numeri annuam, esse raram. Jus annui regiminis in Frisia vere supremum esse, sub exceptione legum fundamentalium, Interpretatio hujus exceptionis & consequentia. Juris & prudentiæ hac parte diversa ratio. Populum aut delegantes in tali specie non esse superiores delegatis intra suum tempus, ab iisque non posse animadverti vel abdicari. Remota objectio à naturâ mandati, qua tales delegati constituuntur. Examen ejusmodi mandatorum. Status talis Reipubl. in fine cujusque anni.

Momentum hujus rei non minus quam in Patriam affectus exigit, ut heic paululum subsistamus, & quamquam ratio instituti nostri nihil quam jus publicum universale ferat, non est tamen, ut hoc genus summi Imperii Annui, quod etiam rarum & juris inusitati, at tamen salubris temperamenti plenum est, silentio transmittamus.

2. Summam juris ejus delati annuis Rectoribus esse diximus, facultatem statuendi & agendi quicquid è Republ. ipsis videbitur: quibus verbis inesse perfectum & supremum jus regendi Civitatem, ex eo quod *superius in sect. 3. c. 1. de summâ potestate* diximus, evidenter liquet; siquidem & hoc ipsum est in formula Legis Regiæ, quâ Cæsares olim arbitrium Reipubl. acceperunt.

3. Maximè, cum lecti optimates nostri de rebus propositis ad Delegantes, priusquam decernant, *referre non cogantur, nec eorum acta deinde retractari possint*, quod apud nos, post annum hujus seculi xxx. constanter obtinuit.

4. Ex principiis dudum in *capite de summâ potestate & seqq. tituloque præcaente* firmatis, clarum & certum est, ejusmodi annuos Imperantes æquè habere summam potestatem in suo tempo-

re, quam Rex Galliarum habeat; non obstante, quod eliguntur, quod delegantur, quod annui sunt, & quæ præterea pridem ostendimus Summæ potestati non adversari.

5. Quocirca Delegantes summâ potestate tam oportet careant, quam populos Gallorum, eâ carere palam est.

6. Nisi, quod Leges fundamentales, hic in *Frisia*, inquam, præscribuntur quas tamen non tollere summam Imperii, ita simpliciter exceptas, *diximus jam supra sect. 3. c. 5.*

7. Quæ autem sint Leges fundamentales, & quales, ubi nullæ sunt expresse, intelligantur, in loco generali dicere occupavimus. *ibid.*

8. Applicanda similiter huc esse, quæ de voluntariis Imperiis *suprà* diximus, quatenus termini habiles conveniunt, ultrò intelligitur.

9. Proinde ejusmodi annales Imperantes jus suum in alios transferre non possunt, neque præficere Reipubl. aut unum principem aut plures, qui cum summâ potestate suas vices per certa temporum spatia gerant.

10. Sed legati ab illis constituti, eo jure præditi erunt, quale *suprà* vicariis supremæ potestatis adscripsimus pag. 166.

G g 2

11. Ne-

11. Neque in sequentem annum suo loco Imperantes, neque vicarios, ordinare possunt.

12. Nec partes Reipublicæ alienare tam *potentiales*, id est, jura Majestatis, quam *Subjektivæ*, sive membra civitatis possunt.

13. Quod si ultra tempus sibi præscriptum exercent Imperium, acta illorum ipso jure nulla erunt, & cuilibet civi non parere licebit.

14. Tamen si populus nullum alium constituerit ordinem, rursus, janno elapso, conveniendi, quam ipsis, aut vicariis illorum convocantibus.

15. Non obstante, quod *Hobbes* in hac specie Aristocratix, Imperium tempore ac intentione infinitum esse disputaret, ex suis principiis *sapius expositu*.

16. Secundum hæc, non possunt annui Rectores decernere, quid juris sequentium annorum Imperantes exercere debeant: aut si decreverint, nullius id momenti esse videtur.

17. Multo minus præscribere possunt, quid populum secuturis annis noviter eligendis optimatibus mandare oporteat; aut si præscribant, populus tamen vel primores, qui Annuos Regentes eligunt, suo arbitratu hæcenus uti posse videntur.

18. Ne dicam, eos, qui sub conditione reddendi rationes referendique de gravioribus causis electi sunt, statuere non posse, nec relationem neque rationes, aut nunc aut impofterum efferendas.

19. Siquidem, hoc obtento, Optimates delegati fiunt absoluti Imperantes, & universa Reipubl. forma convertitur; quod non esse in eorum potestate multo clarius est, quam quod in jure privato traditur, neminem sibi ipsi causam possessionis mutare posse. *l. 19. §. 1. r. de Acq. poss.*

20. Quod si eveniat, ut aliquid in futurum circa fundamentalia mutandum videatur, in iis locis, ubi Rectores sunt electi, hac lege, *ne quid in fundamentalibus mutent*, juris est, ut hoc ad populi conventus primum referatur, per libera suffragia decidendum.

21. Quanquam sæpe salubrius est populis, nihil habere, quam jus eligendi, atque satius sit, ut electi absolutam exercent potestatem; aliquando etiam ipsis eligentibus præscribere queant, in pofterum quid facere debeant.

22. Scilicet multæ plebes amplius habent jus quam expedit ipsis, ut de *Groningana* civitate scribit *Grotius* in *Histor. Belg.* ad ann. 1594. Quicquid tamen de utilitate sit, ad juris rationem inde nullo modo licet argumentari.

23. Nam hac ratione possis evincere & ipsos Optimates imperium in unum posse, nec non debere transferre; obtentu, quod hoc sit utilius, id quod tamen neutiquam licere *probavimus*.

24. Adeo diversæ rationes sunt facultatis ac utilitatis, juris atque prudentiæ, Politices & hujus Artis, in quâ versamur. Atque hæc è principiis superius collocatis deducuntur.

25. Ex iisdem judicari potest & illud, quod *repetimus*; populum, durante annuo Imperio, non esse electis superiori; Nec ullam penes eos esse majestatem, quia nihil circa Summæ potestatis jura faciunt aut facere possunt.

26. Idcirco inter res novas & usurpationes *Leicestrianas* observatum fuit à Patribus nostris, quod is aliquando literas de rebus summæ Reipubl. ad Nobiles & Prædarios, qui potestatem delegandi habent, non ad Legatos Plenipotentarios, qui dicuntur, miserit, instantu quorundam res novas molientium, etsi *tunc* jure meliori, quam *nunc* id fieri potuerit.

27. Interim

27. Interim nihil vetat, eosdem Delegates quosque suis locis, jure suo, disponere de aliis rebus particularibus ad summam Rempubl. non pertinentibus, ut fit apud nos omni die.

28. Præterea manifestum ex prædictis est, Optimates, nec omnes nec singulos, prius aut post annum teneri suis Delegantibus ad rationem reddendam ejus, quod à se dictum factumve fuerit, in Republ. juxta alios regendâ; multo minus, eos idcirco poenæ vel animadversioni Delegantium esse obnoxios, nisi ob delicta publicorum judiciorum ordine legitimo.

29. An etiam Delegati à Delegantibus inviti intra annum revocari sive abdicari possunt? Affirmant Ordines Frisiæ, congregati Seneæ in suâ deductione publicata d. 16. Novembr. 1672. fol.

13. quod ego fateor, me non intelligere, quâ conveniat cû hoc Principio, quod Respublica pro certo habet; Legatos Plenipotentiariorum habere summam potestatem.

30. Sanè repugnat hoc omnibus iis, quæ de naturâ Summæ potestatis antehac disputavimus: neque mihi constar, id unquam accidisse, nec credo quonquam in locum talis Plenipotentiariorum à delegantibus suis abdicati unquam esse admissum; quin late nimis pateret ac perverfè cederet illa praxis; si mutatis partium viribus & studiis, legati ad comitia semel approbati atque recepti pro lûbitu delegantium ante suum tempus revocari possent. Fas igitur sit, heic iuribus & suspendere judicium.

31. Tu dices, Quid si tales legati per Mandatum constituti, nec aliud quam Procuratores sint? cujusmodi apud nos sine dubio esse videntur, cum ipsi codicilli potestatis eorum, Procurationes & ipsi vernacula voce appellentur ejusmodi, quæ tam procuratores quam Plenipotentiariorum significat?

32. Sed non hac in re sola contingit, ut, mutatis rebus, nomina maneant, olim, cum legati ad Comititia res majoris momenti referre debebant ad delegantes suos, aliterque acta decretaque eorum non valerent, re vera nihil erant quam Procuratores & mandatarii; sed postquam libera potestas iis est data, statuendi quod è Republ. videatur, sine relatione ad Committentes suos faciendâ, sine rati habitione eorundem expectandâ, facti sunt verè *avon. bovi* & *Plenipotentiariorum*, quemadmodum loquuntur; nomina tamen ipsorum literarumque, per quæ constituuntur, eadem quæ prius fuerant, ut amat fieri, manserunt.

33. Cum autem super electione Procuratorum sive legatorum istorum ad Comititia studiis partium sæpe contendatur, opus est aliqua persona vel collegio plurium personarum, à qua vel quo literæ mandati sive plenæ potestatis singulorum legatorum examinentur probenturque, vel improbentur; Quod arbitrium maximi esse momenti res ipsa loquitur.

34. Nec tamen ideo tale collegium eo temporis articulo habet summam potestatem, vel ei quicquam detrahit alibi existenti, non magis quam *Censores Romani* illam habuere, quibus erat jus movendi Senatu & in Caritum tabulas redigendi quos è primoribus aut à populo vellient, eosque ita jure summi in Republ. suffragii privandi.

35. Ubinam igitur est Summa potestas eo tempore, quo veteres legati tempus suum finierunt & novi necdum stabiliti sunt? Non potest alibi esse quam penes multitudinem delegantium.

36. Nam sicut Rempublicam, in qua populus ejusmodi annuos optimates absolutos, sine referendi rationelque reddendi lege constituit, esse diximus Aristocraticam.

37. Ita quoque certum est, eandem

quotannis ad naturam conditionemque Democraticam necessario relabi.

38. Quæ res ne confusionem *voluntatis* pariat, utilissime ad continuandum præsentem statum, maxime in Civitate per varias urbes dioecesisque diffusâ instituitur, ne universus populus in unum conveniat, quo conspiratio & mutandi libido frangatur.

39. Fit etiam, ut ejusmodi *Aristocratia* non resolvatur in Democratiam, sed, ut antea monuimus, in laxiorem

Aristocratiam; quod evenire putamus, ubi jus eligendi annuos optimates, est penes immobilium aut omnium aut certarum rerum possessores, sicut, inquam, apud nos obriuet.

40. Nam quia pars reliqua populi longe numero maxima & præcipua est, quia non minus cives sine dubio omnes habendi sunt, non potest fieri, quin & originalis illa Reipubl. constitutio sit *Aristocratica*, sicut prædiximus.

C A P. I I I.

De Aristocratia patrimoniali.

Formæ regiminis, quæ jus summi Imperii prædiorum Dominis addicit, *ἀριστοκρατία*. Ejus causam esse voluntatem populi saltem tacitam. Jus hoc Imperii, esse patrimoniale aristocraticum, Inseparabile à prædiis. Effecta quædam singularia potestatis ejus exponuntur. Esse quidem hoc jus patrimoniale, non tamen Despoticum. Usus hujus juris, non proprietatem, seorsim à fundis ad tempus posse transferri. Ratio emendandi enormitatem hujus formæ, respectu peregrinorum, feminarum, puerorum, mente captorum. Excludi ab eo hæreticos improbiore; an etiam infames Quæritur.

Regna quædam dari patrimonialia, quæ sint in patrimonio dominantium; Quædam instituta, quæ ab aliorum, quam qui habent imperia, voluntate pendent, jam pridem demonstravimus.

2. Sed dari tales Aristocratias, credo apud omnes Historicos & juris publici privatique Scriptores inauditum esse; maxime si addam, esse quandam regiminis Optimatum formam, quæ jus *ἀριστοκρατίας* Imperii tribuit dominis prædiorum sine discrimine marium, feminarum, peregrinorum, incolarum, puberum, impuberum, sapientum & mente captorum, quæque similes in regimentis populorum differentie servantur.

3. Quia tamen Patria nostra & quædam vicinæ gentes suum regimen hoc modo custodiunt & experiuntur salutare, detur nobis venia paucis etiam hæc de re agendi.

4. Causa, per quam possessores immobilium hoc patrimoniale jus sunt adepti, quoties de jure belli aliove involuntario non constat, proxime à voluntate populi repetenda videtur, saltem tacita, ubi à tempore immemoriali hoc jus constanter adeoque per præscriptionem exercitum est.

5. Quæ præsumptione de voluntate reliquorum civium acrius adjuvatur, si nulli è populo facultas comparandi id genus prædia;

prædia, quibus suffragii jus cobaret, præcludatur; quæ species ut proximè ad Democritiam accedit, ita quam maxime volentibus populis instituta videtur.

6. Hoc jus recte dici *Majestatem* non est quod negemus, siue cuncti possessores actu regimen obeant & ad Comitia vocentur, siue Rempubl. per delegatos, de quibus *cap. præced. actum*, administrant.

7. Nam & tunc jus summæ potestatis originaliter est *penes dominos prædiorum*, ac etiam actu, quovis tempore, quo novos eligunt Imperantes, ideoque nec est, quod hoc pro exemplo Majestatis realis, quam non agnoscimus, ut *suprà. sect. 3. cap. 1.* probavimus, habeatur.

8. Utrique sic juris est, quando reliquus populus non congregatur, nec ad summôs Imperii actus pariter admittitur; quemadmodum, nisi per seditionem, in Frisia nunquam fieri solere constat.

8. Denique illam speciem juris imperandi esse *patrimonialem Aristocraticam* res ipsa loquitur, quia omnes & singuli, at pars longè minor populi, jus hoc habent in patrimonio, pari scilicet jure, quo prædia habentur:

10. Ita, ut testamento & ab intestato, nec minus inter vivos unà cum prædiis transferri possit omnique die transferatur.

11. Non tamen absque prædiis; vel ut seorsim ab ullo, nisi quatenus est prædii dominus aut domini hac parte jus habet, exerceri possit.

12. Impensè enim Rempubl. interest, immotum esse illum ordinem, cum separato à rebus jure suffragii, consilio inde enormis oriretur.

13. Jam quod est in singulorum proprio jure, hoc quoque in patrimonio universorum esse oportet; siquidem unitas è singulis componitur, & jus omnium in unum coalescit.

14. Unde sequitur, illos immobilium possessores habere facultatem, jus verum summæ potestatis in alios pauciores transferendi.

15. Quod in Regnis quasi fructuariis non licere *pridem*, & in Aristocratiis esse dubium antea diximus; nec proinde paucioribus, in quos, ab immobilium possessoribus regimen transfertur, idem juris esse *simpliciter, antea dictum conveniens est.*

16. Huic consentaneum est, hos solos habere jus mutandi formam Rempubl. Imperiumque in Principem ordine successorio aut electivo transferendi; dominos, inquam, ipsos prædiorum hoc facere posse manifestum est.

17. Potestas denique alienandi partem territorii aut patrimonium populi, illis duntaxat, non legatis eorum competere videtur: siquidem hisce non plusquam Principibus summa cum potestate constitutis licet, quibus id genus alienationibus interdictum esse *nota res ac antea dictum est.*

18. Cave autem putes, ex eo, quod nos hoc genus Imperii diximus esse patrimoniale, sequi dominos prædiorum, uti posse jure despotico siue herili adversus reliquos Civitatis consortes, ex illo jure patrimoniali, tamen si facilis harum rerum sit conjunctio, Patrimonialis, inquam & herilis Imperii.

19. Namque dari patrimonialia Imperia, quæ civilia tamen sint, hoc est, in quibus libertas & bonorum proprietas singulis salvæ maneat diximus antea *sect. 3. c. 2. n. 20. & seqq. & in fin. sect. 7.*

20. Nunc addimus, Imperia quædam libere voluntaria posse fieri *patrimonialia*, si populus ita expresse constituat, vel immemoriali temporis usu ita sine controversiâ obtinuerit, quemadmodum apud nos haud dubie invaluit.

21. S
ed

21. Sed hoc nullo modo consequitur; Populus voluit jus imperandi esse in plena proprietate Regnantium: ergo & libertate suorum corporum dominioque rerum semet ipsos privare voluerunt.

22. Quod ipsum omni scrupulo caret, ubi usus longi ævi & indubitata juris observantia, civilem regiminis æqualemque formam agnoscit & monstrat, ut rursus apud nos antiquissima libertatis possessio loquitur.

23. Quemadmodum & è contra, usus omnium temporum servitutem subjæctæ civium partis arguere posset, qualis forsitan in rusticis Polonorum elucet, qui libertate Reipubl. quæ est in ipso regno, vix aliqua ex parte frui videntur.

24. Aliud igitur est quærere, quid & quantum juris sit translatum, aliud quo modo habendum. Ad modum pertinet, temporarium an perpetuum, revocabile sit, an irrevocabile, fructuarium an patrimoniale sit illud, de quo agitur, Imperium.

25. Quare, si maxime in patrimonio sit jus Imperii, si tamen *invitis non sit* impositum atque deinceps ita exercitum, mensuram aliunde, quam à conjecturâ voluntatis accipere non potest.

26. Cæterum, quia Domini prædiorum jus illud suffragii non simpliciter, sed quatenus prædiis cohæret, habent in patrimonio, certum est, quod seorsum illud alienare, vel à fundis separare non possint.

27. Quominus tamen usum juris pro tempore aut ad vitam in alium, qui respectu ejusdem prædii in Comitibus admittatur, transferant, nihil ob stare videtur; Idque tam per testamentum quam inter vivos fieri potest.

28. Multo potius dicendum, quod prædia sub hac lege; ut venditor jus suffragii, dum vivet, retinet, vendere liceat.

29. Nam quod alioqui juris est, de publicis rebus, ut pote extra commercium positus, non licere nec in ultimâ voluntate neque per contractum disporre, id heic cessare puto.

30. Quoniam illa prohibitio habet hanc rationem, quod unusquisque de eo quod ad se pertinet, obligare se & disporre possit; privati autem in publicis nihil habeant proprii; quæ res in hoc jure, de quo nunc agimus, contra se habet, cum hoc sit tam cuique proprium, quam res ipsæ sunt in dominio.

31. Denique, usufructu talium bonorum constituto; jus suffragii non penes Dominum, sed apud fructuarium & esse debet; quod tamen, si non haberet rationem patrimoniale nec esset alienabile, fieri non posset.

32. Jus hoc quando agitur de certo negotio in Republ. terminando, vendi non posse vel præstinari, communis ratio adversus sordes corruptionesque in regimē civitatum stabilita, singulos ultrò commonefacit.

33. Etiam Publica utilitas sæpius exigit, ut adversus oligarchicas artes illa potestas transferendi jus suffragii in alios, legibus aut prohibeatur aut restringatur, quemadmodum ex usu cujusque Reipubl. fuerit.

34. Postremo, reflectendum paulisper ad id, quod in principio diximus, esse in hac forma regiminis quædam singularia, vehementer abhorrentia ab usu aliarum gentium, quæ Imperio multorum utuntur; scilicet quod *feminae, pueri, mente capti, exteri*, licet nunquam litus Frisicum viderint, Regiminis publici hac ratione participes fieri possunt.

35. Nec enormitas illa legibus cohibita vel restricta fuit à majoribus; siquidem prædia, quibus suffragia cohærent, æque libere possunt alienari, tam per ultimas voluntates (licet hæc à vicinis si-

simil

mili formâ utentibus coerceantur, quam inter vivos, ac aliæ res quæ sunt in patrimonio.

36. Sed hoc incommodum respectu exterorum quidem, numero & administrandi modo obtegitur, in pueris & mente captis per Curatores qui cives sunt, emendatur; feminas admitti inter tot millia virorum, non potest insolens videri, si quis cogitet, in regnis aliquando solas admitti; maxime, cum heic administrationis nullo modo participes fiant.

37. Cæterum, quia Religio est vinculum, quo animi civium Reipubl. efficacissimè conjunguntur, aut alienantur ab eâ, Lege cautum est merito, ne quis eo jure gaudeat, nisi qui Religionis publicè receptæ confessor aut amator sit, cujus usus maxime adversus Pontificios viget, qui zelo prædomi-

nantis in Europâ superstitionis acrius in dissentientes animantur, cupidique mutationis & *ausuri* creduntur.

38. De infamibus quid juris erit? Lex quidem nulla de illis extat; sed consequentia juris communis excludere eos videretur, quia dignitatibus & honorariis civium juribus privantur *l. 2. C. de Dignitas*. Proinde nec habent infames jus comitiorum, sicut Romæ, qui in Cæritum tabulas redacti erant, eo carebant.

39. Atqui conventus omnium totâ Provinciâ suffragantium nihil est aliud, quam maximum populi Comitium: In quo si quis ipse non habeat jus sistendi se ferendique suffragium, multo minus id absens per nuntium aut per literas facere potest; quod tamen apud nos commo suffragantium, usu receptum est. His de rebus iterum *in cap. sequ.* aliquid occurret.

C A P. I V.

De Democratia.

Democratia vis & comparatio Imperii cum Arbitris. Definitio & divisio Democratia in resolutam atque restrictam, Illius exempla Romæ & Athenis fuisse, hujus generis videri pleraque hodierna. Nullam tamen in Belgio Democratiam esse videri. Quid juris, si populus ab his, quibus id mandatum erat, non convocetur. Esse Democratias, ubi jus suffragii sit penes peregrinos, feminas, infantes, furiosos, surdos, mutos, cæcos, infames; qua de re exemplum. Denique de modo ineundi suffragia & censendi, quibus suffragandi jus competat.

Quæ ultimo loco à Politicis collocatur, *Democratia* superest; quam proxime ad statum naturæ primævum accedit, ideoque omnium primò ejus naturam in exemplum Imperii, quod ubique gentium obtinet, atque in argumentum juris, quod Imperio univer-

so tribuendum sit, à nobis proposita fuit *in sect. 2.*

2. Cujusmodi autem hoc sit, cum antea abunde expositum est, tum à Cicerone declaratur, his verbis, *in oratione pro Plancio*. Est enim conditio liberorum populorum præcipue hujus Principis populi

H h

populi & omnium gentium Domini atque vi-
toris, posse suffragiis vel dare, vel de-
strabere quod velit cuique. Nostrum au-
tem, qui in hac tempestate populi jacta-
mur ac fluctibus, ferre modicè populi vo-
luntates, allicere alienas, retinere par-
tas, placare turbatas; honores si magni
non putemus, non servire populo; sin eos
expectamus, non defatigari supplicando.

3. Hoc Cicero, qui alioqui minime
erat *dux populis*, sed Aristocratix quan-
tum poterat, itudebat; quique eadem
oratione, paulo antè, de populo dixe-
rat, eum non dolectu aliquo aut sapientià
duci ad judicandum, sed impetu nonnun-
quam & quâdam etiam temeritate; non
est enim consilium in vulgo, non ratio,
non discrimen, non diligentia &c.

4. Tamen illam potestatem æquo a-
nimo ferunt homines à majore parte po-
puli; Quid vetat igitur, quominus id
eodem animo accipiatur ab his, quibus
idem jus delatum est, quod antea pe-
nes populum fuit?

5. Pertinet hoc ad ea, quæ *sect. 2 cap. 3. &*
seqq. disputata sunt; Quibus illustran-
dis velim adhuc observari; Constitutio-
nem Imperantium eleganter compa-
rari posse cum Arbitris, qui bifariam de-
cidendis causis eliguntur, ab his qui libe-
ram potestatem de suis rebus habent, ut
vel pronuntient quid ipsi æquum videat-
ur, quo ita partes concilient; vel ut
causam liberi instar judicii decident.
Priore casu ipsi eligentes manent Do-
mini atque arbitri rerum suarum, nec
obligantur dictis iudicioque electo-
rum, nisi quatenus expedire sibi ju-
dicent.

6. Posteriore casu intelliguntur om-
neluum jus abdicasse, adeoque stare de-
bent sententiâ Arbitrorum receptorum,
sive æquum sive iniquum sit, quod hi
pronuntiaverint *l. 27. §. 2. π. de Recept.*
qui arbitr. recep. idque vi *compromissi* 2

quo litigantes inter inter se obligati sunt
& promiserunt alter alteri, se staturos
eo, quod arbiter dixerit: inter compro-
mittentes & arbitrum nulla est obliga-
tio, quæ vim tribuat sententiæ, sed tan-
tum quatenus arbitrium receperunt *l. 11.*
§. 2. & passim d. tit.. Cæterum, omnis
potestas Arbitrorum pendet à compro-
misso; cujus limites si excesserint, nul-
lius momenti est, quod egerint *l. 22. §.*
15. π. eod.

7. Confesantur hæc cum iis, quæ su-
prà toties de Imperio collocavimus. Ho-
mines extra Imperium in statu belli, ut
litigantes, constituti, compromisso ge-
nerali recipiunt Imperantem; cui dant
rerum suarum arbitrium, promittentes
se staturos iis, quæ Ille decreverit. Pro-
inde contenti esse debent eo, quod is
dixerit, fecerit; æquum, iniquum nihil
interest: at si Arbitræ Reipubl. fines com-
promissi excesserit, jam nihil est, quod
agit; si, inquam, disponat de rebus suo
arbitrio non commissis.

8. Est hoc, igitur, uti vox indicat;
π. & dixi negr. &, populi Imperium, ut
Aristocratia, *αἰετιν* optimatum pote-
stas; populus autem universos cives aut
partem saltem maximam significat.

9. Nam etsi sæx infimæ plebis à jure
comitiorum alicubi excluderetur, sicut
olim, ut videtur, Romæ factum, sex-
tâ classe populi constitutâ, cujus qui e-
rant, proletarii & capite censi diceban-
tur, qua de re *dix. lib. 4. Digress. cap. 32.*
non ideo *Democratia* esse desineret, ubi
duntaxat pars major civium Imperii com-
pos haberetur.

10. Sed distingui potest, quod ad
modum administrandi *Democratia*, in
laxam vel restrictam.

11. Laxam sive Resolutam dicimus,
quando universus populus ad concionem
vocatus omnia summæ potestatis jura
saltem majora, secundum plurium sen-
tentias

ventias exercet atque disponit, ut *Athenis* in Ecclesiis, *Romæ* in Comitibus.

12. Hæc, cum ferè navis in mari vasto fluctuantis sit instar, duobus quasi anchoris teneri firmarique debet, Senatu & Magistratibus.

13. Ut per *Senatum* ea quæ populus decrevit, quæque assiduò in Republ. occurrunt, neque in universum à populo decerni possunt, expediantur.

14. *Magistratus*, ut functiones ordinariæ & inferiores ad ordinem civitatis necessariæ per eos administrantur.

15. Restricta Democratia hoc solo ab altera differt; quod rarius convocatur populus, & plura senatui ac magistratibus committuntur, cujusmodi nunc fere sunt, quæ habentur, populares civitates per Germaniam ac *alibi*.

16. At in Belgis nullam cognovimus *Democratiam* proprie dictam; nisi quod municipales quædam urbes membra majorum Provinciæ, regimen suum ad instar democratici exercere videntur.

17. Cæterum, In utraque specie democraticæ populus retinet facultatem infirmandi acta senatus & magistratuum, eosque gravius in Rempubl. delinquentes puniendi.

18. Nam si nihil quam jus constituendi Senatores & Magistratus, etsi quotannis, sit penes populum, electi verò absolutam in suo tempore potestatem habeant, hanc non esse *Democratiam*, præcedenti capite probavimus.

19. Jus conveniendi competit ipso jure, si populus certum tempus locumque ad id præfixerit; alioquin, ubi convocatus fuerit.

20. Jus convocandi est penes eos, quibus id populus, dum erat congregatus, faciendum commisit, ut *Romæ* magistratibus majoribus, ex auctoritate Senatus, de qua dix. *lib. 1. Digress. c. 3.*

21. Si ab his convocatio, tibi res po-

stulat, non fiat, nemo quidem alius habet jus comitia indicendi; Sed acta, quæ non vocato fiunt populo, & tamen ab illo dependent, sunt ipso jure nulla.

22. Si perseverent non vocare, idque data opera, vel per discordiam, non est dubium, quin populus ultro convenire, initiumque à quolibet fieri possit, ut jam pridem diximus.

23. Idem de illis judicandum *Aristocratiis*, quæ in numero admodum magno consistunt, de quibus ante paulo egimus, & de quibus omnia, mutatis mutandis, quæ de populari Imperio tradidimus, intelligi debent.

24. Ergo ubi certum tempus ad convocandos nobiles aut proprietarios jure suffragii præditos, veluti quotannis, *ipsis Kalendis, locis certis*, statutum est; illi possunt convenire, tamen ab his quibus convocatio mandata erat, conventus non sint indicti; maxime si tum novi Imperantes creandi, neque receptum sit interregnum.

25. Casu quoque ejusmodi extraordinario, Magistratus, qui alioqui jus convocandi non habent, id exercere possent; quatenus omnes Rempubl. præstare debent incolumem.

26. Nec aliud juris erit in ipsis annuis Imperantibus, si contingeret eos ab his, quibus id commissum erat, non vocari.

27. Cæterum, in *Democratia* certum est, jus suffragii non dari quam civibus, puberibus, masculis, honestis, non peregrinis, pueris non feminis, nec infamibus personis; nec etiam alii pro alio nomine procuratorio suffragari possunt.

28. Eademque moribus ac legibus cunctarum gentium in *Aristocratiis*, imò & comitiis populi vel optimatum, quæ in regnis habentur, obtinere notissimum est.

H h 2

29. Ratio

29. Ratio quoque juris in promptu est, quæ civium duntaxat suffragia admittit, peregrinos excludit, tametsi bona in solo Reipubl. habeant; *quippe unio civitatis vinculo personalis obligationis, non sine bonorum continetur.*

30. Impuberes satis remouentur, quia nullum est eorum animi iudicium, ut & omnes alii, quibus hæc ratio convenit.

31. *Feminae* idcirco, quoniam à cunctis virilibus officiis, ubi virorum copia est, maximèque à cœtibus publicis, venerationis & naturalis, arcentur.

32. Infames quoque à publicis functionibus suo merito excluduntur, ut dictum modo & in *sine præced. capitis.*

33. Procuraciones autem in publicis suffragiis receptæ non sunt; quia nemo potest alii jus dare, quam de his quæ habet in patrimonio, quale non est jus suffragii; denique publica utilitas postulat, ut ad quem res tanta pertinet, quilibet ipse per se negotio interfit.

34. Tamen esse *Aristocratis* haud procul à *Democratis* recedentes, in quibus peregrini, feminae, infantes, furiosi, prodigi, surdi, muti, cæci, infantes, quique suis rebus ipsi superesse nequeunt, jus suffragii saltem per alios exercent, *præcedenti capite* expositum est.

35. Poterant hæc contra rationem juris per abusionem artesque politicorum eo modo recepta videri, quo facilius ad ambitum via sterneretur:

36. Sed nec à jure hæc abhorere in ejusmodi Imperiis, ubi jus suffragii datum est possessoribus immobilium, facit id quod antea diximus, esse illud jus in patrimonio singulorum.

37. Ex quo sequitur, unumquemque de illo jure disponere posse, quatenus nihil publico adversum instituit.

38. Hoc autem nihil aliud postulare

videtur, quam ut is qui nomine cujusque prædii jus suffragii immediatè exercet, sit civis, habilisque ad publicas functiones obeundas.

39. Suffragatorem autem statuendi facultatem quilibet habet, eadem ratione quæ patrimonii administrandi, potestatem exercet.

40. Proinde peregrini & feminae per se, infantes, furiosi quibusque bonis interdictum, per tutores curatoresque suos statuere possunt, qui pro suis prædiis sententiam dicant.

41. Juri publico enim satisficit, inquam, si is qui summum jus imperii liberè potestatem (nam talem substitutionem intelligimus) exercet, habeat ea requisita, quæ juris & Reipublicæ ratio adesse flagitet.

42. Sed ut peregrini immediatè vel præsentem, aut per literas nominatim constituent Imperantes aliaque jura exerceant in eâ Republica, ubi non sunt cives, *hoc notissimos juris publici terminos egreditur.*

43. Quin & ipsum illud jus substituendi alios, summâ cum ratione poterat illis negari, non minus quam iis aufertur, qui ob diversam cultus divini professionem haud perinde cum Republicâ conjuncti videntur.

44. De feminis alia ratio est; neque enim illis quicquam ob stare videtur, quam quod in publico virorum cœtu indecorum sit, illas conspici.

45. Quo impedimento per substitutionem civis idonei sublato, nihil est causæ, quare suum jus patrimoniale exercere non debeant.

46. Quin, ubi receptum est, ut qui jus suffragii habent, id per literas edere & declarare possint, *ut apud nos fit*, ibi feminis tam hoc jus exercere, quam eadem in monarchia imperare fas est.

47. Nempe, ut nuptæ, quatenus hæc res

res est patrimonialis maritalipotestati subesse intelligantur, quemadmodum & reliqui omnes qui sub curatoribus degunt, per eos suum jus sine medio & sine dubio exercere possunt, etsi non sint immobilium Possessores.

48. Quatenus, iterum hæc res est patrimonialis; quæ in re discrepat à regnis, in quibus feminæ sub viris non sunt. Hæc igitur proprie ad Aristocratiam Patrimoniale spectat.

49. Cæterum, in democratia simpliciter constituta, civium suffragia sine discrimine personarum numerari consentaneum est, ut apud Romanos in tabellis, apud Athenienses in ostracis sive testis observant.

50. Aliquando ad tædium computationis evitandum, ex adpectu, præpollens multitudo colligebatur, quod etiam Romæ in Senatu fiebat, quando pedibus in alia & alia Senatores ibant. Alias è dispari clamore dissentientium, discessus partium in diversas campi partes aut colles fiebat, ut olim Spartæ factum fuisse accepimus. *Ubbæ Emmsii Græc. vet. part. 3. de Republ. Lacædemon.*

51. Etiam ubi de consensu majoris populi partis liquet, reliquorum suffragatio sibi potest, ut Romæ ex Servii Tullii instituto, post ordinatas classes & centurias fieri solitum est.

52. Quibus & hoc Arcanum Aristocraticum inerat, quod vilior pars populi raro interrogabatur, quia secundum centurias numerus inibatur, in quarum prioribus erant primores, & cum hæc majore numero consensissent, rarissime ad sequentes classes descendebatur: erat autem in primâ classe pars dimidia centuriarum *Liv. l. 1. Dionys. Halic. lib. 4.*

53. Eadem arte factum, ut pars quoque minima populi jus majoris obtineret; siquidem inferiores centuriæ longe plura capita quàm primæ continebant, & numerus centuriarum, non hominû advertebatur.

54. Nec tamen ideo forma Imperii mutabatur, quia reliquarum jus erat idem, licet eluderetur; & in comitiis diversi generis, eadem artes haud perinde obtinebant.

55. Jus erat & Romæ Censoribus, male meritos civium in *Ceritum* tabulas redigendi, id est, jure suffragii privandi, ut & prætereundi Senatores adeoque senatu arcendi, ut superius dictum.

56. Ex quo liquet, non obstare naturæ status DEMOCRATICI, nec consequenter *Aristocratice* latè diffusæ, quod Magistratibus certis jus sit examinandi judicandique, an & quinam jus habeant ferendi suffragium, quive legitime sint electi à populo, ut Imperium Reipubl. temporarium exercerent.

57. Verum summâ prudentiâ in hoc negotio provisum est à Romanis, ut qui exercebant hanc facultatem judicandi, quinam civium suffragia ferre deberent, vel non, remoti essent ab eo quod intererat ipsorum, adeoque nec Imperii, quoad exercitium, participes forent.

58. Satis enim constat, Censuram fuisse quidem honoris reputatione maximam, sed potestate exiguam, ab Imperio & jurisdictione ambituque remotam, & quasi complementum coronamque reliquorum magistratum, iis tantum qui cæteris Reipubl. functionibus erant defuncti, solitam deferri, *Plutarch. vitæ Crassæ.*

59. Si ad hoc exemplum jus examinandi suffragia populi vel primorum magni numeri comparatum esset, equidem occasiones querelarum hoc respectu, quas nunc in Rebusp. liberis frequenter audivimus, bono ingenti publico præciderentur.

60. Si quæ præterea differentie popularium Imperiorum traduntur, eæ ad modum administrandi potius quam ad juris rationem pertinere videntur.

C A P. V.

De Timocratia, sive de Regimine Censuali.

Democratiam esse ex omnibus Rebuspubl. absolutè independentem, fecus ac reliquas; etiam Timocratiam, cujus ab Aristocratia & Democratia differentia & omnis ratio exponitur. Esse eam duplicem, alterà specie proprius ad Aristocratiam, alterà ad Democratiam accedente. Utraque exemplis illustratur. Quæ sit Imperii Timocratici potestas.

Theophilus Interpres Græcus Institutionum Justiniani, agens de speciebus Juris, quæ secundum formam Reipubl. variant, populum vocat *ἡγεμονία Νομοθέτου*, *Conditorem Legum absolutissimum lib. 1. tit. 2.* utpote, qui solus suum jus ab alio non habet, sed à quo jus in alios Rectores proficiscitur.

2. Ex quo manifestum est, ut alias probavimus, eos qui omne jus populi habent, seu singulos seu plures, verè absolutam habere potestatem.

3. Talis etiam esse videtur, quam non possumus hic præterire, quamque Aristoteles quartam Reipubl. formam vocat *Τιμοκρατία* *Timocratiam*, *ἡ δὲ τιμοκρατία ἐστὶν ἰσχυρὰ*, *Imperium à censibus*. Ubi non quilibet è populo, sed qui censu sunt & censum præstant, habent Reipubl. quos vulgo in Belgis *Capitalistas* vocant, Democratiam vero Aristoteles vocat *πλεισθία* *excessum & corruptionem Timocratiz.*

4. Hæc sententia habet hanc rationem; quod ita fere eveniat, ut talis civitas in se ipsam ruat, in quâ omnes indigent, homines liberi, imperii sint participes, maxime, si latè pateat ac in plures urbes & pagos diffusa sit Respublica.

5. Unde vix est, ut ullus populus adeo democraticè regatur, ubi non vilior plebs à publico concilio submoveatur, admittis tantum qui opibus aut honestate no-

tabiliores sunt: quod utrumque *πῦρ* vocatur ac inde *Timocratia*.

6. Cum autem apud omnes alios nuper & olim Juris publici Scriptores, *Democratia* tertiam faciat Reipubl. speciem, & tamen dari Timocratias non sit dubium, quæri potest sitne Democratiz illa species, an Aristocratiz adnumeranda.

7. Si verum est, quod nos antea posuimus, Differentias Reumpubl. à numero imperantium æstimandam, sequitur, si numerus censorum sit minor quam proletariorum, dicendam esse Aristocratiam; si major esse Democratiam.

8. Sed mihi non videtur absurdum, in minore numero tantam esse latitudinem, ut duæ species inde civiliter formari queant; *Aristocratia*, si non major sit numerus, quam ut *Senatus* inde constitui possit; *Timocratia*, si jus actuale imperii & Summæ Potestatis, tot penes sit homines, ut ad *Senatum* exhibendum sit inconditus; qualis est species Nobilium in Polonia, vel possessorum Soli in Frisia.

9. Quo sensu *Timocratia* tamen specie à Democratia diversam occupat; quæ demum hæc est; quando totus populus omnesque numero civium habiti concurrunt ad jus & exercitium Summæ potestatis, quo jure fuit Ecclesia, sive Concilio Atheniensis.

10. Hæc

10. Hæc enim ex Lege Solonis de Senatus actis judicabat, leges antiquas recognoscebat, novas, relicterente, jubebat, bella decernebat & pace finiebat, magistratus majores & belli duces terræ marique creabat, fœdera inibat, Legatos etiam mittebat, civitatem exteris dabat, etiam judicia de quibusdam criminibus, maxime de quibus certæ Leges non erant latæ, exercebat.

11. Sed & Timocratia subtilius distinguipotest, quod vel *jure* sit talis, vel *modo* duntaxat administrandi. Prioris exemplum Poloni & Frisii, ut demonstravimus, exhibent; Posterioris speciem Romæ fuit, ex instituto Servii *Tullii* & *Fabii* Maximi.

12. Servius hoc modo instituit; populum partitus est in sex classes, singulisque suas dedit centurias admodum disparis numeri: Nam prima classis, quæ ditissimos cives tenebat, numero pauciores, ut fit, divisâ erat in centurias *xcviii*. Quatuor sequentes opibus gradatim inferiores omnino habebant centurias *xciv*. Sexta classis unica erat centuria, hominum numero facile reliquas omnes adæquans aut superans, sed absque censu; Suffragia juxta centurias ferebant. Ergo consentientibus primæ classis centuriis, hæc jure suffragiorum cæteris prævalebat. Ultima verò, civium, inquam numero pauperiorum, partem dimidiam omnis populi continens, verbo tenus unum è *exciii*. suffragiis habebat, sed nunquam id exercebat; quia cum major pars rogata consenserat, reliquæ non rogabantur.

13. Hæc res, ejectis Regibus, Rempubl. Romanam ad instar Timocratia rededit, modo tamen potius & arte quam jure, nec aliter quam in Comitibus

centuriatis; donec Fabius Max. idè in tribus Comitibus effecit, redactâ omnimultitudine viliori in quatuor tribus urbanas; honestioribus qui non faciebant majorem numerum, unam & triginta tribus occupantibus, ut probatum est à nobis *in part.*

2. *Digress. l. 1. c. 10.*

14. Si quis ternario Rerump. numero contentus quartam non putet recipiendam, hanc quidem Timocratia speciem Romanam, referat licet ad Democratiam: Priorem vero, quæ Polonorum & Frisii exemplis demonstrata est, ad Aristocratiam. Et si nihil, inquam, vetat, illam pro quartâ reputare formâ.

15. De causâ Timocratici Imperii, si queratur, ubi non constat de vi & bello, oportet eam statuere voluntariam: Proinde, quod subjecta populi pars in subjectionem sui consenserit, aut expressè, ut Romæ per Legem Fabiam; aut tacitè, ut in Frisia factum videmus.

16. Quicquid igitur de voluntario Imperio simpliciter dictum est, & quicquid ejusmodi Imperantibus licet in subjectos, ac his vicissim in illos; id de talibus Imperiis Timocraticis, eadem ratione prædicandum videtur.

17. Quemadmodum, si Timocratia suum initium à vi & armis habeat, ut de Polonis dicendum videtur, idem illic universitati Nobilium in populum subjectum comperat juris, quod Dominantibus in populos armis devictos licere intelligitur, qua de re *superius* actum & agendum adhuc *inferius*.

18. Quanquam autem in voluntariis Imperiis alienandi jus non competit Imperantibus, quæ tamen ratio hac de remilitat in laxioribus Aristocraitiis, ea validius prodit in utroque genere Timocratia. diximus *in fin. c. 3. sect. præced.*

C A P. V I.

De mixtâ rursus & violentâ Republ.

Mixtam Rempubl. ubi plures sint ordines, singuli habentes sum nam potestatem, non dari. Quæ sententia rationibus confirmatur & objectionibus liberatur. Observationes de speciebus mixturæ tali similibus, at tamen diversis.

EXplicitæ sunt tres vel iv. formæ Rerumpublicarum. Multi quartâ vel v. specië inculcant, quam mixtam appellant.

2. At nos suprâ aliquoties indicavimus, Respublicas propriè, id est, ex diversis formis mixtas nec esse nec unquam fuisse videri, neque civiliter dari posse, vel antehac extitisse, propriè & ex vero sumptis.

3. Tali utique mixtura, qualem dissentientes describunt, *ut jura summæ potestatis quædam Regi, quædam paucis, quædam omnibus seorsim adtribuuntur*, sunt verba Arnisæi de mixta Republ. agentis. *System. Polit. cap. 6. sect. 1 n. 38. 39.*

4. Adhuc expectamus, dum talis Respubl. plures habens Reipubl. formas specie diversas, ex omni seculorum memoriâ nobis monstretur, quæ extiterit vel ætatem ferre potuerit.

5. Atque in ea sententia fuisse Tacitum antehac è verbis ejus probavimus; Ad cujus approbationem rectumque intellectum & interpretationem hujus sententiæ, quædam adhuc rationes & observationes collocandæ sunt.

6. Rationes sunt; Quod Civitas & Imperium ita differunt, ut Corpus atque mens in homine, quemadmodum suprâ demonstratum est; Proinde sicut unus homo non magis potest habere plures mentes quam plura corpora, sic etiam una Civitas non potest habere nisi unum Imperium sive summam potestatem.

7. Atqui in populo, ubi diversa jura Summæ potestatis sunt penes diversas personâs exercenda seorsim, ibi diversa dari Imperia Summæque Potestates non potest negari.

8. II. Summum non potest esse, nisi quod unicum. Cum primum enim duo Summa statuuntur, de neutro dici potest id esse summum, ut dicere occupavimus in *sect. 3. c. 1. sub fin.*

9. Unde & alia ratio, quæ hic usum habeat, III. Quod fieri non posset, quin personæ vel ordines diversi seorsim exercentes jura sua, quandoque pugnantia populo imperarent; unde confusio in ordine imperandi & cogendi necessaria.

10. Nec juvat exceptio, quod è diversis juribus non sit periculum edi imperia diversa; Sunt enim imperandi jura sic inter se connexa, ut unum sine alterius contactu explicari non possit.

11. Quæ est, IV. ratio quamobrem ejusmodi mixtura, quæ diversa jura seorsim penes diversos collocat homines aut ordines, non habeat facultatem.

12. Accedit experientia, quæ nondum ejusmodi mixturæ, quod ego putem, exemplum dedit, usum ejus & rationem adseverans; et si multæ sint species, quæ similitudine aliquâ minus peritis imponere possint.

13. Nam & in *Condominatu*, de quo suprâ diximus, duo Summa Imperia videri possent; nisi in loco demonstratum

stratum esset, unam esse potestatem, quæ à duobus in solidum tenetur; planè ut obligatio, cujus duo rei debendi vel stipulandi sunt, una duntaxat est in usu Juris.

14. Sæpe etiam fit, ut in una Republ. diverſi Ordines jura quædam Summæ Potestatis pariter exerceant, quæ tunc omnes simul habent eandem potestatis speciem; quemadmodum in Anglia jus indicendi tributa ferendique Leges.

15. Aliquando etiam usu venit, ut omnia jura Majestatis majora simul à Rege & ab Optimatibus habeantur, exerceantur, ut in Polonia; in quibus exemplis non est etiam quod negetur, dari mixturam; sed non ejus generis, de qua hic loquimur.

16. Ratione quoque administrationis multifariam misceri civitates, ejusque rei speciem plerisque imposuisse, ut Spartzæ, Romæ ac alibi propriè mixtas fuisse Respubl. putarent, pro certo habendum, qua de re dix. lib. 1. Digress. cap. 3.

17. Sed nec rarum, ut diversæ urbes regionisque diversæ utentes forma regiminis in unam coeant civitatem, eadem retenta diversitate regiminum, nec ideo tamen mixturam faciant; quia summa Imperii, non singulæ partes considerandæ sunt, ut in Frisia aliquæ civitates democraticè, rursus aliquæ reguntur optimatum more, summa tamen regiminis Aristocratica est.

18. Fit etiam, ut plures populi sub diversis regimentis, non planè in unam civitatem, sed in foedus arctum conveniant, quædam tamen jura communiter exercent, *sub uno principe fœderis*, sicut *aliàs* diximus.

19. Cujusmodi & hodiernam Imperii Germanici constitutionem esse, non poterit negare, qui consideret, omnia Majestatis jura plenamque *πρωβασιλείαν* à Germanis Principibus in suos populos, nec minus in externos jura belli & pacis, liberè citraque veniam Imperatoris exerceri, ut *aliàs* dictum & dicendum.

20. Non est tamen forte an, ut præcise negari queat, posse fieri, ut unum aliquod alterumve jus Majestatis ab Imperio verè dividi & decidiqueat, unique personæ vel ordini seorsim adtribuatur; Id enim in minoribus Majestatis juribus non habet dubium; cur magis in ejusmodi aliquo jure majori, quod conflictum notabilem in Civitate non faciat; Ut si Judicia de vita bonisque civium dentur alicui Ordini independenter, ut alicubi juris esse, duntaxat ita disputari novimus?

21. Imò in quadâ gente vicinâ populus & primores habent jus tributa indicendi, sine Principe suo, quod est notabile mixturæ specimen; at ejusmodi, ut simul indicet ejus periculum, & quam stare non posset ejusmodi Regimen, si non vi externa fulciretur.

C A P. V I.

De Imperiis Involuntariis.

De Imperiis coactis primò remissive , Esse ea justa vel injusta. Utraque vel quoad formam talia , vel etiam quoad causam. Non semper ex victoriâ belli , Dominatum sive Herile Imperium nasci. Dari quoque Imperia mixta, partim violenta & ex parte voluntaria.

HActenus de Imperiis voluntariis, Sequuntur Involuntaria, Verum antehac etiam de involuntariis & violentis actum, *sect. 2. cap. 1.* de quibus alioquin heic demum locus erat agendi.

2. Probatum obiter in loco prædicto, violenta Imperia non semper esse injusta. Possunt enim esse justa vel inde ab initio vel ex post facto. Ab initio justa sunt ratione formæ tantum, vel etiam ratione causæ.

3. Priore modo justa sunt Imperia, quæ imponuntur bello solenni, quod scilicet illatum est ab his, qui jus belli inferendi habent, modoque jure Gentium recepto gestum fuit; Nam ejusmodi bella tribuunt effecta juris vitæ necisque & Imperii in victos, sine discrimine causæ bonæ an malæ, ut docet Grotius *Lib. 3. cap. 3. de jur. Bel. & Pac.*

4. Sed videndum, ne non distinguendum sit, inter jus victoriæ adversus Regem & contra populum subjectum acquisitæ, ut posteriore solummodo usu, jure belli Imperium acquiri videatur; quomodo si intelligi voluerint in Anglia nuper, qui Imperium jure belli non posse acquiri contenderunt, hac ratione freti videantur; quod Rege victo, non populo, Imperium ad hunc, unde venit, relabitur: A quo victor id absque novo bello, non nisi consensu, habere possit. Quomodo Wilhelmus Normannus Haraldum Regem bello petiit, non

Anglorum gentem directè; & clarius nuper Wilhelmus Arausionensis, Jacobum, à quo populus causam separaverat suam.

5. At hoc quidem exemplum in hanc rem justum equidem, sed valdè rarum est; plerumque enim populus cum Rege causam habet conjunctam, ut historia de Wilhelmo Normanno adfirmat, ac ita fere semper usu venit; Nisi quando gens aliqua sub alienigena domino agit invitata, quod accidit Africanis; Gilimero cum Vandalis suis à Justiniano victis.

6. An ejusmodi casibus, voluntarium sit Imperium, à populi consensu profectum, an jure belli fundatum, dubitari potest. Pro hypothefi, quod Imperium semper sit proprietate populi & Reges ejus mandatarii, ut quidam volunt, dicendum esset, novo contra populum opus esse bello, & sine eo victorem non aliter quam è populi voluntate consequi jus Imperii; quia licet Regi priori corona fuisset erepta, cum hæc tamen ejus propria non fuisset, plus è victoria quam ille habuerat, juris acquiri non potuit. Sed Imperium priori ademptum exercitio, manebat ejus proprium, cujus & antea fuerat, ipsius, inquam populi.

7. Sed in hypothefi, qua populus Coronam in Regem ejusque Familiam alienavit, videri posset hoc jus perfectum regni acquisiti jure belli, ultimo Regi & consequenter ejus heredibus esse ademptum

ptum; quod etiam verum est, si regnum patrimoniale sit; verum si usufructuarium fuerit, ut pleraque sunt à populi voluntate profecta, jus regni cum persona Regis finitur, & ipso jure vel redit ad populum, vel ad eos, quibus post ultimum possessorem id à populo delatum fuit.

8. Plane, si quis armis invadens alienum regnum, id se non occupandi Imperii, sed auxilii oppressis ferendi animo facere declarat; et si prætextus ab intentione fere in actionibus hominum discrepent; tamen si victoria sub hoc titulo parta sit, is neque jus belli adversus Regem, et si pulsus, nec adversus populum obtendere potest; quia nemo plus juris habet, quam habere se velle professus est, secretis animorum inductionibus nullum juris externi effectum tributibus.

9. Cæterum, quando Possessor regni & populus Invasori communibus armis, ut fere usi venit, restiterunt, unaque victoria subacti sunt, Imperium victoris, jure Gentium, quale vult, in eo fundatum est, ut probat Grotius *lib. 3. de jur. B. & P. c.*

8. non modo si victor incontinenti, sine ulla pactione suum jus exerceat, quo casu status belli reciprocos durat; sed etiam, si consensu declarato populus, victoris Imperio se submittat; cui per voluntatem populi tantum detrahatur vel temperamenti adjicitur, quantum pactis specialibus hic est stipulatus.

10. Si nullæ conditiones excipiantur, illa voluntas nihil est aliud, quam belli jus agnatum, quomodo dedititii apud Romanos se habuerunt, idque similiter obrinet, si quando nullam populus edit voluntatem; sed positis armis imperio victoris illum in gratiam & protectionem suam recipientis, se tacite submittit, fere uti jam diximus *sect. 2. cap. 3. n. 12. & seqq.*

11. Atque hæc ita se habent, etiam sine discrimine causæ belli, justum an injustum sit, modo requisita juris Gentium habeat, ut docet Grotius in *lib. 3. de jur. B. & P. c. 3. & seqq.* Quod tamen non impedit, quominus vere justa sint quædam Imperia jure belli fundata.

12. Sic enim ratione Causæ, justa sunt Imperia, quæ imponuntur victis bello, quod ipsi vel Imperantes eorum meruerant. Cum enim tales liceat occidere, non est dubium, quin sub Imperio jure merito continentur.

13. Injusta autem ratione formæ sunt, quæ jure victoriæ usurpantur ab his, qui jus belli gerendi non habent, vel qui solennia bellorum requisita, secundum jus Gentium, non servant. *De his sequenti capite loquemur, ubi de tyrannio, titulo talibus, agetur.*

14. Injusta ratione causæ quæ sint, ultro intelligitur; quando bellum quidem solenne fuit, quo victor Imperium quæsit, verum sine causâ justificata adversus eos, qui Imperio subjiciuntur.

15. Modus Imperii est in arbitrio victoris, ratione sæpe dictâ, quæ est à majore ad minus; si victor habet jus occidendi, habet quoque jus servandi ad serviendum §. 2. *Inst. de Jur. Person.* sed vide quæ modo diximus & in *sect. 2. c. 3. n. 11. & seqq.*

16. Neque tamen semper ex jure belli initioque violento Imperium herile, quod Dominatum supra diximus, oritur. Sæpe generositas & mansuetudo victoris nihil quam civile obsequium exigit; sæpe nihil aliud vult prudentia. *Sic populo Romano melius visum, amicos quam servos querere tutiusque rati sunt volentibus quam coactis imperitare, sunt verba Taciti in Agric.*

17. Denique sunt Imperia, quæ mixtam habent causam, ut exposuimus in *præd. sect. 2. o. 1. & seqq.* quando vi metuque

metuque, voluntas elicitur, eaque vis antea ab Imperante novo, aut aliunde infertur.

18. Ab illa, cum Populus armis ad deditioem, certis conditionibus, faciendam compellitur, ita ut in ditionem victoris transeat, vi quidem coactus, sed tamen vi pacti.

19. *Aliunde*, quando populus armis externis aut intestinis ed redigitur, ut exitum e malis suis, nisi Dominum alienigenam recipiendo, non reperiat,

sicut olim Campani a Samnitibus pressi, quorum *præd. loco* meminimus; nec multo aliter Frisii & Groningani Carolus V. & certis quidem legibus hi, quas Campani nullas stipulati leguntur.

20. Quod jam ad vinculum obligationis attinet, id in hisce postremis speciebus, ubi deditio non ultimâ vi, sed medio pacto perpetrata est, non habet difficultatem; de prioribus quod satis est, diximus supra *sect. 6. c. 3. n. 16. & seqq.*

SECTION IX.

De Corruptione & interitu Summa Potestatis.

C A P. I.

De Tyrannide Usurpationis.

Tyrannidem esse Triplicem, ritulo tantum, qui Pisistratismus, exercitio tantum seu Neronismum utroque Phalarismum. Rex de facto, an idem sit, quod Usurpator. Quinam verè sint titulo tyranni & quomodo tales esse definant. Numquid juris Imperata illorum habeant, & quid adversum eos liceat.

Dicamus aliquando de Tyrannide, quæ post omnes Reipublicæ species & jura sequi debet, cum sit *Corruptio Reipubl. cujuslibet reſtæ*, quod tamen ita nolim accipi, ut quælibet corruptio Tyrannis vocetur. Sic enim sola *perfecta* Reipubl. quæ nulla est in mundo, non esset Tyrannis, cum, ut alias e Platone diximus, olim hodieque, *ἔμπροσθεν πάντων κακῶς πολιτείας*, omnes civitates male administrantur.

2. Proinde Oligarchia certè, quæ est corruptio Aristocratiz, non statim est Tyrannis; cum vix ullus aut plane nullus detur optimatum Status, in quo non

fiant coitiones, quibus potestas ad paucos redigatur.

3. Ita non statim, ubi Princeps utilitates suas a populi sui rationibus dividit, suisque potius commodis quam utilitati publicæ servit, statim pro Tyranno habendus. Quotus enim quisque Principum in mundo ejus culpæ foret expers?

4. Nec alio forte sensu *Alphonsus* Rex, Sapiens vocatus, bonos Reges dixisse fertur esse tam paucos, ut illorum nomina uni annulo inscribi possint,

5. Sed de omni hoc negotio, maximi in hac arte momenti, videndum accuratius;

satus; Usus hujus vocis strictè de Monarchis, latius & à nobis de quavis inquam, Republ. usurpatur.

6. Est verò duplex Tyrannis, alia *titulo* sive Usurpationis; alia in *Exercitio* quæ dicitur; nisi & *mixtam* dicere velis, titulo simul & exercitio.

7. Primam *Pisistratissimum*, alteram *Neronissimum*, tertiam *Phalarissimum* à celeberrimis singulorum exemplorum auctoribus appellare licet.

8. Tyranni titulo, aliter *Invasores* & *Usurpatores* dicuntur. Et hoc quidem vocabulum arbitrarii usus à Politicis in hanc rem trahitur; cum Jurisperitis usurpatio sit usucapionis interruptio l. 2. *π. de Usucap. & Usurp.* Sed hæc fit jure vel vi. Et ab hac specie transit in hunc usum, ut quidem videtur.

9. Sunt igitur Usurpatores, qui Imperium civitatis nullo jure tenent, seu singuli sive plures, ut Romæ *Decemviri*, post Leges XII. latas, Athenis aliquando *Quadringenti viri*.

10. Nam triginta, quos dicunt, tyranni, huc non pertinent, etsi eorum exemplum crebrius in hanc rem vulgò citatur; nam hi justam causam, jure victoriæ à Lacedæmoniis constituti habuerunt, ideoque Tyranni exercitio fuerunt. *Plutarch. in Lysand.*

11. Est ubi distinguunt inter Regem de jure & de facto talem. Et quidem de facto Rex idem cum Usurpatore sive titulari Tyranno multis esse videtur; At hoc non æquè verum, quam quod de jure Rex, etiam Legitimus Rex sit.

12. Quid apud Anglos, ubi hæc inventa est distinctio, sit Rex de facto, patebit exemplo. *Henricus VII.* ducta in uxorem *Elizabethæ Eduardi IV.* filiæ, regnum ejus nomine adire volebat, etsi id populus mallet, ne magis *Reginæ* maritus quam Rex videretur. Suo non audebat, quia minus erat populare jus

Lancastriæ domus, ex qua ipse erat, præ *Eboracensi*, unde erat uxor. Jure belli quoque non audebat uti, licet Antecessorem suum prælio vicisset. Sumit igitur diadema, nullam juris speciem præferens. Et ne hoc vim Imperii dissolveret, Legem ferri curavit, quæ Regi ab Ordinibus agnito & coronato regiamque dignitatem de facto possidenti parere jubet. *Verulam in Henr. VII.*

13. Quâ Lege non stabilitur Usurpator neque supponitur Tyrannus titulo, sed inquiri prohibetur in jus Regnantis publice constituti & agniti, ut inde civium obedientia suspendatur. Et hæc res in Anglia nuper rursus habuit ulum notabilem, non ab omnibus eodem modo acceptum.

14. Nos teneamus, Usurpatores & Tyrannos esse qui regnum nullo jure tenent, qui Regnum injustum tenent, cujus indolem & dotes si tenerent ambitiosi principes, minus multi id appetent;

*Bellum lachrymasque metumque
Cognatumque nefas injusti muneris regni.*
apud Pap. St. *Theb.* 4.

15. Nullo autem jure videntur Imperium habere, qui id, *invisis* in quorum est verum jus imperandi, de quo *superius* actum, tenent, sive is populus, sive optimates, aut unus sit.

16. Proinde sicubi, expulso Rege vero, consensum licet amplissimum à populo Invasor impetraverit, tamen non definit esse tyrannus, ut nostra memoriâ apud Anglos usû venit in *Cromwel. No.*

17. Sed in populari Imperio, ubi consensum Invalor à civibus impetrat, exinde legitimus incipit esse Princeps, quod à *Gelone Syracusis*, à *Servio Tullio Romæ factum*. *Diodor. Sicul. lib. IX. c. 26. Liv. lib. I.*

18. Sed qui cives ad consentiendum
I i 3 vi aperç

vi aperta & terrore presenti adigit, is invitis adhuc imperat, nec desinit esse tyrannus, ut Romæ de Triumviratu constat, nisi jusjurandum sit interpositum, quo qui obstricti sunt, non habere de metu exceptionem probat Grot. l. 3. c. 19, n. 5. & 6.

19. Non idem, quod de vi aperta, censendum, quando populus civem unum adeo videns potentem, ut, si velit, omnes cogere possit, imperium illi defert, antequam vim faciat, ut populus Romanus in Augustum ab Actiâ victoriâ reducem, quâ de re diximus in lib. 1. Digress. cap. 17.

20. Similiter, si vis primum adhibita, dein tolerabili Imperio diu populus acquieverit, nec penes alium sit verum jus imperandi, videtur etiam è tacito consensu definere esse Invasio.

21. Nihil enim causæ est, quare non heic etiam præscriptio temporis locum habere debeat; cum in eâ, quæ longissimi & immemorialis est temporis, non requiratur titulus aut bonum initium, ut docent Jurisconsulti.

22. Quippe non minus verisimile est, populum haud velle in æternum fluctuare statum Imperii, quam privati creduntur, dominia nolle semper esse incerta, quæ est ratio usucapionis & præscriptionis rerum, quæ sunt in patrimonio.

23. Cæterum, Invasor qua talis, non potest obligare cives ad obsequium, neque valent ejus præcepta, nisi quatenus sine extrema confusione ordo jubendi parendique non potest everti.

24. Tum enim is, ad quem pertinet jus imperii, malle præsumendus est, ut tyranno pareatur, quam ut universa civitas gravissimo afficiatur incommodo, vel præceps in exitium ruat.

25. Violentum alioqui & notorium

Invasorem vim adhuc continuantem cuiusvis ut hostem publicum interficere licet. Neque minus ubi vim desinit adhibere, jussu videlicet ejus, ad quem jure pertinet imperium.

26. Nam si ille usurpationi acquiescere, quam bellum civile subire malit, injusta videtur habenda cædes tyranni; Ideoque probandum non videtur, quod Brutus & reliqui conjurati apud Lucanum gloriantur,

Detrahimus dominos urbi servire paratæ.

27. Aliter deinde Brutus idem Epist. ad Ciceron. defendens se, quod Antonios hostilis animi in Rempubl. manifestos, pro civibus habendos scripserat, id à se justissime factum ait, & pergit; *Quod enim nondum Senatus censuit, nec populus Rom. jussit, id arroganter non præjudico neque trabo ad arbitrium meum.* Quo jure igitur Cæsarem occiderunt ipse lociique, cui senatus solenniter fidem dederat, quem populus amabat ut quem maxime? rogare licuisset eundem Brutum.

28. Si tamen Lex præexistat, ut eum, qui externum aliquod inque oculos incurrens factum commiserit, hunc liceat occidere, velut qui satellites habuerit, qui arcem occupaverit; eam Legem non expectato jussu, exequi fas est, quo jure tyrannicidii olim statutz atque coronæ decretæ leguntur.

29. Cæterum, in Invasoribus mores non distinguuntur, adeoque juris ratio est eadem, seu Pisistratus, qui nulli injuriam fecit & quem Cæsar imitatus est, ut *in vitâ utriusque Plutarchus*, seu Phalaris civitati incumbat, adeoque clementissimus & humanissimus Invasor æquè tyrannus est titulo, quam qui cædibus & rapinis grassatur.

C A P. I I.

De Tyrannide in exercitio.

Exercitio tyrannus quis, ejusque definitio ex Aristotele. Paraphrasis ejus Heinsiana notatur & sententia Philosophi illustratur exemplis. Non tamen congruere definitionem illam omnibus Imperiis. Proinde alia definitio traditur & exponitur, conveniens omnibus formis Reipubl.

Sequitur Tyrannus in exercitio. Quando Rectores jure constituti, potestatem suam ita exercent, ut hoc nomen mereantur, qualis Nero, Caligula, & alii plures.

2. Quatenus id verò fiat, locus aliquanto difficilior est, non modo quænam vere talis dicenda sit Tyrannis, verum etiam quid adversus eam juris competat.

3. Aristoteles describit Tyrannum, quod sit *Μοναρχία ἀνάνθη*, *ἡ δὲ ἐστὶν ἐν αὐτῆς συμφερί, ἀλλὰ μὴ αὐτῆς τῷ ἕξει ἡδύν.* *Unum imperium, quod ad suam ipsius, non ad subditorum utilitatem in invitum exercetur;* quod est oppositum veri Regis officio, qui civium causâ, sicut omnis potestas, constitutus est. *lib. 4. polit. cap. 10. sub. fin.*

4. Debere in Invicem esse tyrannidem sæpe dictum est, utroque intelligitur, *ἄλλος ἢ ἑαυτὸν ἀνάνθη τυραννίζει;* *Nemo enim vultus ejusmodi fert imperium;* ut idem Philolophus; Quippe volentibus, si qui tales reperiantur, non fieret injuria.

5. Daniel Heinsius in Paraphrasi d. cap. 10. verba definitionis ita explicat, *non tam ad eorum quibus imperat, quam ad suam utilitatem.* Velim abesse illud, *tam, quam;* nec enim est in Græco, nec convenire videtur; quia propria Imperantis atque subditorum utilitas simpliciter, *positivè* non *comparativè* opponuntur, *ἡλικίης* non *συγκριτικῆς* specie non gradu.

6. Si enim pro tyrannis habendi sint, qui *magis* querunt *suam* quam *civium* utilitatem, quotus quisque Regum & Principum tyrannidis absolvi possit? ut à princip. *cap. præced.* observatum est.

7. Erit igitur Tyrannus Aristotelicus, qui omnia dirigit ad propriam utilitatem, populi vero commoda penitus negligit aut evertit, cujusmodi *Neronis* institutum erat, cum Præfecto inculcaret; hoc agamus, *ne quisquam quicquam habeat;* ut *Suetonius* narrat.

8. Multo magis, si quis exitium populi totius querat; modo sanus homo illuc insanire venire possit, ut serio velit, quod Caligula optabat, *universis populus ut unam cervicem haberet;* quam unico ictu præcidere posset, *apud eundem Suetonium in vit.*

9. Quare in Imperio summo simpliciter delato Tyrannus erit, ejusmodi Institutum, quale nec in *Democratia* ferendum à minore populi parte diximus; velut si pars major, coitione factâ, id agat, ut reliquos omni modo vitâ, fortunive suis evertat. *Sect. 2. c. 3.*

10. Verum hæc definitio non convenit, nisi hypothesei Summæ Potestatis simpliciter delatæ. Opus est descriptione generali, quæ omnis generis Imperio tam limitato quam absoluto, plurium & unius Potestati congruat; et si de monarchiis, id nomen imprimis usurpetur, ibique potissimum usu veniat, quo sensu verum

rum est, Regnum & Tyrannidem differre, velut virtutem vitiumque, laudem ac vituperium, adeoque *ἀρετὴν καὶ κακίαν*; æque latè patere quam regnum ait, *Arist. l. 4. Polit. cap. 10.*

11. Denique; pro nostro instituto *Tyrannum exercitio* vocabimus, qui terminos summæ potestatis sibi jure delata notoriè & præfactè egreditur.

12. Summam in tyrannide propriè dictâ potestatem supponimus; siquidem ejusdem generis cum singulis Imperiiformis, quæ summæ intelliguntur, esse debet, nec aliter *Philosophus d. cap. 10.*

13. Igitur, qui potestatem summam nullâ sibi ex parte delatam exercet, cum titulo potius quam exercitio tyrannum existimamus, velut si dux Venetorum *ἀντιπύριος* regnare vellet.

14. Si quis tamen ejusmodi Principes, cujusmodi olim erant *Spartani*, & sunt hodie *Poloni Reges*, suprâ Leges se evententes, malit *hujus generis* nuncupare tyrannos, potest id suo sensu fieri.

15. Ex his jam sponte sequitur, quid sint tyranni exercitio tituloque simul, scilicet, qui, cum nullum jus imperandi habeant, tamen Imperium, quod usurpant, impotenter acerbeque tractant, ut factum à Phalaride Agrigenti.

16. Terminos potestatis, habetur in definitione. Imperium deferri simplex aut limitatum, pridem intelleximus. Quod simpliciter delatum est, non habet terminos expressos; nec tamen est infinitum; quinam limites ejus tacitè intelligantur *suprà* exposuimus.

17. Proinde qui illa quæ in omni Imperio tacitè excepta diximus, notoriè &

præfactè violant, hos potestatis sibi delatæ terminos excedere & esse tyrannos, si modo excessus non sit contra singulos vel paucos; ut modo de Nerone & Caligula diximus, est statuendum.

18. Secundum hos, qui potestatem summam quidem, at non integram vel lege fundamentali limitatam acceperunt, his esse terminos suos, liquet, & posse ejusmodi terminos Imperantibus poni, positosque servandos esse, quin eos qui illos egrediuntur, nihil agere atque abuti potestate suâ, sæpius & copiose demonstravimus.

19. Tamen sicut unus actus non facit habitum, nec una hirundo ver adfert, ita nec quilibet actus Imperantium notam tyrannidis imponit; sed opus est crebris actibus iisque indubitatis & violentis, ut Imperantes pro Tyrannis haberi possint. hoc est, quod in definitione collocatum est; *notoriè atque præfactè.*

20. Quicumque igitur nondum à commissis adversus Leges Fundamentales desistere, neque cautionem in futurum melius consulendi recusant, nec emendationis spem consumserunt, hos pro tyrannis habere non licet.

21. Atque ex his jam constat, in Imperio simpliciter delato, Rectores multum improbitatis exercere posse, priusquam pro Tyrannis haberi queant; secus ac hi, quorum potestas Legibus est limitata, qui hoc nomen & jus incurrere possunt; etiam, quando respectu aliorum absolute, imperantium, pro moderatis haberi posse viderentur.

CAP. III.

De jure resistendi Tyrannis in exercitio, vel tyrannico agentibus.

Adversus Tyrannum superius descriptum, quid liceat subjectis, ratione & exemplis docetur; distincte tamen; esse enim aliud juris in eo, qui non habet summam potestatem, aut non integram; atque in eo, cui Imperium sine exceptione delatum est; examinantur Barclaji & Grotii sententia. Distinctio proponitur & ab objectis adseritur: semper tamen ejusmodi personæ Principis parcendum. De tyranno ex Aristotelis sententiâ, ejusque usu & executione.

Quod Aristoteles de viro bono aberrante dixit, *ad Nicom. lib. 5. ad Nicom. c. 6.* id de actionibus Imperantium, contra jus sibi delatum institutis usurpare licet; sæpe eos tyrannice quidem agere, non esse tamen tyrannos, quamdiu non appareat, eos id agere præfractè.

2. Quatenus tamen antea probatum est, acta, quæ fiunt contra jus Imperantibus delatum, ipso jure nulla esse, superest videndum, an singulis è populo jus illis resistendi competat, ut ex nullitate actuum consequi videtur?

3. Quoniam Imperantes, manifesto excedentes potestatis suæ terminos, privati sunt & pro talibus habendi; quibus idcirco vim opponi non sit à ratione alienum.

4. Verum Salutis publicæ discrimen non semper admittit dialecticas conclusiones, adeoque ut singulis detur illa facultas resistendi, sola Nullitatis ratio efficere non potest.

5. Potest enim fieri, ut nullitas, acquiescente eo, cui jus contra comparatum est, effectus aliquos valoris habeat; ut de testamento, quod ob præteritionem filii familias ipso jure nullum est, traditur à Jectis, id ipso acquiescente ex bono & æquo sustineri in l. 17. *de Injust. rupt. test.*

6. Proinde, quoties hac de re queritur, omnium primò, videndum penes quem sit jus supremum.

7. Sane ubi unus tali principatu fungitur, ut regimen infra leges habeat, ibi jus summum necessario est penes Senatium aut Populi concilium.

8. Si hoc præsens & sui potens acta ejusmodi principis aliorumve parem vim habentium tacitè adspiciat, pro consentiente haberi debet; unde quod illegitimum erat, hoc modo legitimatur & obligat subjectos.

9. Ex quo liquet, concilium illud, si potestate suâ velit uti, jus habere *cohibendi* illos, qui principale regimen in absolutum convertere satagunt.

10. Quominus autem hoc semper faciant, rationes equidem esse possunt, verum politicæ magis. Nam de jure non debet omittere tale Concilium, quominus sententiam suam & officium Principis cordatè significant & demonstrant.

11. Quod si tamen is, inconsultâ vi & manu fretus pertendat, neque à Senatu in ordinem redigi possit, idque notorium sit, jam nihil hærendum, quin singulis è populo resistendi facultas jure competat.

12. Nam quid singuli vel plures valeant

K k

leant

leant aut quid expediat, servire, an pugnare, facti magis & politices quam juris est.

13. Idem statuendum, si Rex summam quidem sed integram non habeat potestatem, verum quaedam Imperii partes una cum Senatu aut popularibus delegatis exercere debeat, idque facere adsperneretur.

14. Quomodo cum *Dux Alba*, nomine *Philippi* Regis, decimam à *Belgio*, Ordinibus quibusdam invitis, exigeret, idque manifestum esset, haud injuria singuli cives, clausis officinis, exactoribus resisterunt.

15. Nec alia ratione potest defendi, quod in plerisque civitatibus defectio ab *Hispanis ex plebe* initium habuerit.

16. Quia satis constabat, pleraque *in Hispania* facinora, reclamantibus populorum Ordinibus institui, nec minus certum erat, jure fundamentali id omnino esse prohibitum.

17. Collocatur tamen longius hæc res extra controversiam, si Regis electioni *Lex commissoria* adjiciatur, ut si Rex non fervet jura fundamentalia, populus omni vinculo obsequii solvatur, ut de veteribus *Brabantis fertur & Poloni* hodieque stipulari solent.

18. Idem est, si in delatione Imperii sit dictum, ut certo eventu Regi resisti possit; cujusmodi pacta populi adversus Regem habere posse effectum naturalem, contra *Hobbesium supra* demonstratum est.

19. Quin etsi nullus sit optimatum senatus aut populi concilium, tamen, si verum est, sicut est, Regem, quatenus ei delatum non est, nec habere jus Imperii, sed hæcenus esse privatum, sequitur, Imperatis ejus, quæ non *dubie* excedunt potestatem concessam, posse resisti.

20. Nihil fiat, quod *supra* faciendum disputavimus, ut si quid istius generis

occurrat, convocentur hi, quorum fuit primævum jus Imperii.

21. Utique tamen semper, casu necessitatis inopinæ excepto, qui etiam in simplici Magistratu officio exceptus intelligitur, quomodo olim *Epaminondas & Pelopidas*, etsi Imperium in exercitum diutius quam ipsis à Thebanis erat concessum, retinissent, se defendunt. *Cornel, Nep. in vit. Epaminond.*

22. Scimus hoc præteritu necessitatis Imperantes abuti posse atque solere; sed ideo non cessat esse juris, quod verâ estimatione, legi certæ subjici non potest.

23. Necessitas autem rigidè accipienda est, ut sit ejusmodi casu, sine quo nec esse possit, ut aliter consulatur; nam hoc demum *necesse* dicendum est.

24. Ideo vix est, ut dubium esse queat, utrum necesse sit, ordinem juris negligere, vel secus: nec utique sane in dubio dicendum, Regem cui modus *Legis præscriptus* est, judicem & arbitrum illius esse necessitatis: magis videtur, hoc arbitrium ad eos, quorum consensus requiritur, pertinere.

25. Et hæc quidem, ubi jura Majestatis non omnia absolute sunt penes Imperantes.

26. Imperio autem *simpliciter* delato, consentaneum est, nullam resistendi facultatem subjectis dari, nec ob publicas neque privatas ob causas.

27. Infinitatem tamen *Hobbesianam* sana ratio averfatur, quâ de re non habemus quod addamus iis, quæ *superius* copiosè disputata fuerunt.

28. Idem exempla antiquissimorum temporum evincunt, quæ suos Reges simpliciter sine anxiis stipulationibus statuebant, nec tamen furias tyrannorum in infinitum perpetiendas crediderunt; tamen si in hujusmodi exemplis meritum hujus disputationis non collocemus.

29. *Barclajm ipse*, quem ut Regii Imperii

perii fortissimum Assertorem laudat Grotius l. c. 4. §. 7. *vers. Barclajus*, huc tamen descendit, disputans contra Monarchomachos, maxime adversus Brutum *κατωβολαγωγόν*, ut si Rex verè hostili animo in totius populi exitium feratur, non modo resisti illi queat, sed & regnum amittat. *lib. 3. advers. Monarchom. c. 8. & lib. 6. cap. 23. & 24.*

30. Verum id haud facile continget in Rege mentis compote, nisi pluribus populis imperans in gratiam unius, alterum velit perditum, ut colonias ibi faciat; quod *Philippo II. Belgis irato*, atroci murmure majores nostri imputaverunt.

31. Largitur & resistendi facultatem *Barclajus* populo toti vel insigni ejus parti, adversus sævitiam Regis immanem.

32. Grotius autem vix aut nihil alioqui cedens *Barclajo* in patrocinio Regum, idem singulis civibus ad vitæ suæ tutelam concedit, utique jure naturæ & veteri divino, haud perinde *Evangelico d. cap. 4 §. 7.*

33. Quod si verum, ut debet, est, id quod *suprà* diximus, non esse in novo fœdere severiorem morum disciplinam, ac in veteri fuerat, introductam; hæc differentia non potest admitti.

34. Mihi non abs re videtur, dicendum, aliud juris esse, cum Rex ordine legitimo ad disceptationem juris factique civem vocat innocentem & damnat; aliud, cum sine medio illum injustè opprimere & occidere parat, quomodo *Saul Davidem* apud lares transigere conatus, dein more latronis persequi non destitit.

35. Sed judiciali ordini vim opponendam non esse, licet potestates eâ abutantur, parum abest, quin primitivo fœdere civitatis constitutum videatur.

36. Adeo, ut ne manifestâ quidem innocentia, licet propositum iniquum

Imperantis haud obsecrum sit, vis & arma judicii opponi posse videantur.

37. Quia præviderunt populi, hoc concessio, nunquam prætextusturbandi judicia defuturos.

38. Sed ut ad libidinem vel fortuitam Imperantium iram inauditros trucidare fas sit, id nullâ ratione in voluntariis Imperiis consensu civitatis potest dici constitutum.

39. In violento Dominatu jus quidem externum ita faciendi Despotæ comparatum est, ut *suprà docuimus*, quemadmodum dominus in servos jus vitæ & necis, sine respectu ad causam, habet, ubi id lege non restringitur, sicut Romæ jure novo consultum fuit. *§. ult. Inst. de His qui sui vel al. jur.*

40. Verum nulla tamen adeo valida obligatio est, quæ quenkumque ad mortis sine ulla ratione vel submissione præviâ, patientiam obstringat, ut ipsemet *Hobbes* fatetur.

41. Quare nec *David* adhuc privatus (nam unctio in antecessum à *Samuele* facta non exemerat eum, vivo *Saule*, numero subjectorum) non dubitavit se componere ad resistendum, etsi *Saul* jus absoluti Imperii in suos, ut omnes Orientis Reges, obtineret.

42. Idemque de *Machabeis*, qui *Antiocho* ut *Alexandri Magni* successori absolutoque Imperatori serviebant, ut videtur, existimandum est.

43. Unde, cur idem Christianis contra immanem sævitiam non liceat, veluti *Gallis*, postquam ex *laniena Lutetianâ* aliisque constiterat, hoc agi, ut omnes Reformati jugularentur, difficile dictu est.

44. Vel quod non multo secus est, quando Rex sine judicio magnam civium partem bello invadit, omnique cruciatu vexat, ut eos adigat ad hoc, quod im-

perandi jus non habet; quomodo nuper in Gallia consultum est.

45. *Grotius* Christianis eam facultatem quam veteribus largitur, quoddam secutus, non concedit; citato Patrum & Servatoris nostri exemplo, qui Petrum jussit gladium recondere, quod Petrus idem omnibus imitandum inculcat. *E-pist. 1. cap. 4. v. 12. & seqq.*

46. Sed præter quod Judæi & Procurator *Pilatus* speciem ordinemque judicii, quæ de re diximus, servarunt, notum est etiam, Christum Dominum noluisse ullo modo remorari id quod fieri debere toties prædixerat.

47. Esse enim vero laude & admiratione dignos, qui malunt injuriam & mortem pati, quam armis oppositis sanguinem fundere, non est negandum.

47. Quomodo veterum Christianorum miro & heroico certamine ad martyrii gloriam festinantium exempla videntur accipienda.

48. Ideo tamen eos omnes indiscretè damnare, qui ultimo necessitatis præsidio renunciare noluerunt, prædurum videtur.

49. Maximè, si hoc temperamento sint usi, ut personæ ejus, qui summam haberet potestatem, parcerent, quod & *David* sedulo fecit, & juris ratio faciendum dicitur.

50. Quia, licet primæva civium consensus moderamen extremæ tutelæ admiserit, non ideo civitatem, ut sublato Imperio contingeret, dissolvi voluerunt;

quod cum ultimum malorum sit, ob minus malum evitandum committi non debet, nec quidem ex Lege caritatis fas esse videtur.

51. Jam quod vitæ servandæ causâ, ex naturâ fœderis, quo civitas constat, juris est, id propter bona resque alias (nisi forte pudicitiam) non videtur concedendum, ut occupavimus dicere *sect. 2. c. 3.*

52. Præterea, doctrinam Aristotelis huc applicabimus, quâ Tyrannidem ille definivit ita, ut à nobis expositum est in *cap. præced.* secundum quæ, si quis Rex id agat, ut omnia dirigat ad libidinem utilitatemque suam solius, idque multiplici experientiâ palam sit; omnibusque tentatis remediis, nulla spes superfit emendationis, & Rempublicam pessum ire sit indubitatum, nihil in eâ sententiâ videmus iniqui aut absurdæ, quæ resistendi facultatē tribuit subjectis.

53. Et quanquam, ubi certò constat rem ita se habere, initium resistendi à quovis fieri potest & Magistratus nihilo plus habere juris quam infimos civium adversus Summam potestatem *alias diximus*; at tamen rectius & tutius hoc casu principium à summis Magistratibus fieri videtur.

54. Eo quod sanius eorum hac de causâ sit judicium, & quod minore confusione res geri possit ab illis, ut factum à *Bruto* contra *Tarquiniū*, à *Galbâ* adversus *Neronem*, à *Wilhelmo Arausionensi* contra *Philippum II.*

CAP. IV.

De jure puniendi Tyrannos.

Tyrannos Usurpatores cum non habeant Summam Potestatem sine dubio posse puniri. Tyrannos exercitio, tunc, quando commiserunt, ut Imperio exciderint. Qui utroque sensu Tyranni sunt, hos indistincte posse puniri. Jus puniendi competere iis, ad quos Imperium, amoto presenti Rectore, competit; etiam Magistratibus summis. Modum pœnæ in Usurpatores esse, non modò exilium, sed & mortem ordinariæ executionis vel subitam ex insidiis. De pœna Tyrannorum Exercitio variè eandemque differitur.

Hoc caput, etsi ancipitis plenam periculi doctrinam continens, omitteri non potest. Absolvemus id autem his articulis I. an Tyranni omnino puniri. II. à quibus & III. quâ pœnâ mulitari possint.

2. Prima Quæstio super Tyrannis titulo qui dicuntur, sive Usurpatoribus ex parte jam in cap. I. definita est, ubi promiscuè de modo resistendi & puniendi illos, actum fuit.

3. Puniendi facultas alioqui sequitur resistendi actum, His enim tyrannus in statum adduci potest, ut puniri queat; etsi ex jure resistendi non sequitur jus puniendi, cum sæpè fiat, ut resistere liceat ei, quem punire non licet.

4. Tyrannos igitur titulo, qui totum Imperium invaserunt, in potestatem reductos quominus punire fas sit, pro modo commissi, non dubitatur; committunt enim crimen læsæ Majestatis, sive perduellionis, cujus est gravissima pœna, tam si à libero populo vel ab optimatibus quam à Rege legitimo Imperium usurpent.

5. De Tyrannis in exercitio difficillima Quæstio habetur. Quæ difficultas magis exinde, quod ignoretur quis sit Tyrannus, quam applicatione juris ad

hypothesein veri Tyranni, orta videtur.

6. Enimvero jus resistendi, de quo capite superiori egimus, hac parte non semper in iisdem terminis juri puniendi respondet.

7. Nam resistere licet quibusdam injustis & violentis regnantium actibus; ut supra intelleximus, etsi non ideo statim Tyranni sint.

8. Punire tamen non alios quam perfectè Tyrannos licet; quia dum adhuc Rex est & manet, nulla in eum jurisdictionis, quæ ad pœnam intelligendam in civitate requiritur, competit.

9. Hujus igitur loci jus, ex eo quod præcedenti capite dictum, fuit, ut sciamus, quando Imperantes è causâ Tyrannidis, tales esse desinant; quo casu existente, quominus puniri queant, juris quidem expletorii non obstat ratio; dignitatis & attributricis prudentiæ diversa potest esse consideratio; de qua tamen hic non agimus.

10. Amittitur autem Imperium, si commissus sit casus, cui Lex commissoria fuit adjecta, vel si & alias potestatis suæ terminos notoriè & præfracte egrediatur.

11. Nam si hoc evidentè constat,

K k 3

adeq

aded. ut spes emendationis civiliter nulla sit, eo casu vel Rectores excidere potestate sua, vel terminos illos frustra positos esse oporteret.

12. Idcirco tali casu existente, poenam aliquam adversus ejusmodi Imperio ^{functos} decerni posse, ratio dicitur.

13. Multo magis id quidem, si Rectores simpliciter constituti hostilem erga cives suos animum induant totumque Rectoris officium omni immanitate pervertant.

14. Atque his ita de Tyrannistitulo si-ve usurpatione simul & exercitio seorsim collocatis, nihil hærendum, quid de Usurpatoribus efferis & cruentis itatuumdum sit.

15. Superest, ut qui poenam exigere possint, videamus; quod etsi invidiosissimum tamen nec omitti potest. Deusequidem hoc officium frequenter occupavit, ut in sacris legimus; eoque ultore si defungiliceret, contenti forent Tyranni, qui hunc solum agnoscere gaudent.

16. Jus Dei, vicarius ejus in terris Pontifex Romanus sæpe sibi & verbis arrogavit & facto exercuit, prætextu excommunicationis, cujus sequela sit, interdictio communionis cum principe devoto facta omnibus Christianis ei subjectis, quæ vinculum obligationis in imperando & parendo fidemque mutuam tolleret.

17. Sed jam pridem edocti sumus, Vicariatum Christi, quem Pontifex sibi arrogat, siquidem ei deberetur; consistere in exclusione τῶν ἰσὺν τῆς ἐκκλησίας, à mysteriis sacris, cum quibus nihil habet commune Civilis Potestas; siquidem & infidelibus in Imperio constitutis obsequium nihilo secus debetur. Neque Christus ejusmodi potentæ causâ in mundum se venisse declaravit, aut in Apostolos suos tale quicquam contulit unquam.

18. Ex supra dictis intelligi datum est,

Tyrannum, hoc ipso quod definit habere jus Summæ Potestatis & incipit esse privatorum loco, fieri subjectum iis, ad quos, ipsamotò, pertinet Imperium; Unde hos oportet esse eos, à quibus poenæ exigi possint.

19. Secundum hos eandem potestatem habere videntur, qui gravissimis criminibus coercendis & Judiciis publicis sunt præpositi.

20. Igitur Usurpatores alienorum regnorum à veris Regibus; & Invasores liberorum populorum ab his suum jus vindicantibus plecti posse, inquam, non est dubium.

21. Possunt etiam à Senatu vel summis Magistratibus tam Usurpatores, quàm Tyranni exercitio animadverti, sicut à Romano Senatu, damnatus est Nero.

22. Scilicet, Tyrannidis commissum esse debere manifestum ac indubitatum, & personam Tyranni in potestate, res ipsa & superiora dicta loquuntur: Alioqui res non tam jurisdictionis quàm belli est & in dubio pro Imperantibus præsumemus.

23. Privatis non esse permittendum hoc puniendi arbitrium, nisi quo antea modo circa Tyrannos titulo, dum adhuc in vi flagrante versentur, vel si Lex in certa quædam facta tyrannica singulos armet, omnino statuendum est.

24. Superest de genere modoque poenæ tyrannis infligendæ, consideratio, qua parte distinguendum est iterum inter Usurpatores si-ve titulo Tyrannos & exercitio tales.

25. Abdicatio si-ve dejectio ab usu imperii in tyrannis Titulo si-ve usurpatoribus poenæ loco haberi non potest, cum nihil suum amittant, etsi aliquando populos vel Principes pro rerum suarum statu hæctenus fuisse contentos accepimus, ut cum Pisistratidis actum Athenis.

26. Exsilium publicatis aut etiam salvis patrimoniis sæpe Usurpatoribus irrogatum

periturus; quomodo tamen poena mortis ipsam infligatur nihil obstat, maxime si usurpationi sevitiam aliaque injusta facta addiderint, ac ita simul titulo & exercitio tyranni fuerint.

27. Plane, ut juris ratio de mortis poena dubitare non sinit, ita prudentia & politica consideratio sæpe aliud luadet; etsi nos hic de jure quærimus; secundum quod usurpatione perduellio, si res inter eisdem Reipubl. confortes agatur.

28. In qua hypothese nihil vetat, ordinaria jurisdictione, cognitione modoque in executione uti, quomodo Solon adversus Usurpatores procedi voluit, ut testis est Plutarchus.

29. Verum si id tuto fieri nequeat, ut plerumque usu venit, non abhorret à ratione juris, vi subita invadere & opprimere Invasorem, quomodo Jojada Sacerdos jure & nomine Regis pueri a viam hujus Athaliam oppressit ac interfecit. 2 Chron. 23.

30. Eadem ratione Percussorem Invasori immittere licebit, ut veteres arbitrati sunt, etiam ubi leges non erant id sancientes, quemadmodum post Solonem non fuerunt Athenis; ubi tamen Harmodius & Aristogiton hoc nomine tantopere laudati sunt, ut dissentire vix licuerit.

31. Quod si tamen bellum sit inter Regem verum & Invasorem, non videtur recedendum à communi jure Gentium, quo immissiones percussorum & propinationes veneni, utcumque simplici jure Naturæ permixtæ adversus eos qui mortem meruerunt, in bello prohibita sunt, ut Grotius probat l. 3. c. 4. n. 15. sequ.

32. Quod ad tyrannum exercitio rursus attinet, difficilior est articulus. Multi negant ullo modo poenam in eum competere, quæ de re Bodinus ita; *Quod si monarchia quedam est summa*, inquit,

Unius potestate constituta, qualis est Francorum, Hispanorum, Anglorum, Sctorum Turcarum, Tartarorum, Persarum, Indorum, & omnium pene Asia & Africa Imperiorum, ibi reges sine controversiâ jura omnia Majestatis habent, nec singulari civibus nec universis fas est summi Principis vitam, famam aut fortunam in discrimen vocare; etiamsi omni scelerum ac flagitiorum, quæ in Tyrannos ante convenire diximus, turpitudine infamis esset. lib. 2. de Republ. c. 5.

33. Huic per omnia de jure non possumus adsentiri. In facto hæret omnis difficultas, an aliquis Princeps verè sit Tyrannus; quod ubi constat, ratio nostra superius exposita vult, eum definire summam habere Potestatem & privati loco habendum, ideoque nec omni poenæ eximendum.

34. Nec recedimus à definitione Tyranni, quod sit is, qui notoriè & præfractè egreditur potestatis sibi delatæ terminos; quos semper esse aliquos in loco demonstravimus.

35. Bodinus Imperia voluntaria & violenta Francorum, Turcarum, Anglorum & Persarum malè confundit; etsi hæcenus sane conveniunt, quod in omnibus, si Imperantes se ut hostes populi gerant, Rectores esse desinant.

36. Præterea in voluntariis, si notorie & præfractè ea quæ tacite in Imperiis simpliciter delatis excepta diximus antea, adversus omnes vel majorem aut notabilem populi partem instituant, dicendum est, tyrannidem committi & poenæ esse locum.

37. Nam si non nisi contra singulos vel paucos vim faciant, ob ea quæ imperio excepta sunt, etsi jus resistendi datur illis paucis vel singulis, non est tamen adhuc, quod pro tyrannide habeantur.

38. Similiter alienatio totius Imperii vel subjectio, quod idem, infra aliam potestatem

potestatem, si fiat præfracte ad effectum, pro tyrannide habenda fuerit; non æque partis alicujus alienatio, tametsi hæc etiam ipso jure nulla sit.

39. In imperiis majore quidem parte Summis, at tamen limitatis, si Imperantes aperte violenterque in eo sint, ut Leges fundamentales evertant, commissam videri tyrannidem, antea probavimus.

40. De genere modoque poenæ in his exercitio tyrannidis, quicquam statueri preëmptorie, res est difficilis & periculosa in primis.

41. Nam & in proclivi abusus est veræ doctrinæ, nec usquam juridicæ & politicæ rationis, facultatis & dignitatis respectus magis configere & sibi mutuo officere videntur.

42. Quibus sit, ut in hypothese, Regem in judicium adducere & ad causam cogere dicendam, denique subeundam condemnationem atque poenam, absurdum videatur.

43. Nec ullum magis in promptu Bodinus argumentum habet; *Quod ad judicium attinet*, inquit, *nulla Magistratibus ac multo minus privatis in summum Principem potestas est; cum non solum ab ejus unius omnia omnium imperia pendeant, sed etiam eo presente Magistratum & Collegiorum omnium potestas conquiescat. Subdit igitur Principem jure rogare aut in jus vocare, judiciumque de vitâ famâ ac statu illius constituere si nefas est; si denique nulla clienti in patronum, servo in dominum jurisdictio est, quonam modo manus intentare Tyranno Licet?*

44. E contra juridicè procedit hoc argumentum. Si poena potest irrogari Tyrannis, ut posse vidimus oportet judicium de illis posse celebrari. Et tamen cû tyrannorum exempla punitorum non desint, judicii tamen exemplum adhuc inauditum est. Nam quod nostro tempore vidimus actum, non fuit in Tyrannum; fuit in

Regem, qui ut excessus & errores aliquos obiit; tyrannidem nullo modo commiserat. Et tamen si maxime excessus illi fundamentales & præfracti fuissent ad notam usque tyrannidis, indignatio tamen hominum major fuisset ob processum judiciale & manum obificis, quam si clam fuisset necatus.

45. Sed non hic solus est casus, quo grave sit oculis, quod disputando sustineri potest; & quo Dignitatis respectus à juris merito difficulter separari possit, ut olim Mariæ Scotorum Reginæ judicialis executio inexpiablem Elizabethæ creavit invidiam, præ quàm mors clandestina fecisset; Et tamen Burlegus Jæus in ejus Consilio contra Leicesterium Comitem venenum suadentem sanctè protestatus est, urgens judicium; rectè pro jurisconsulto; politicè rectius alter. Etiam Johannes Suetiæ Rex amotum quali ob tyrannidem Ericum fratrem condemnavit quidem, at tamen judicio abstinuit & venenum dedit.

46. Perinde, quod Senatus Romanus in Neronem decrevit, non fuit judicium, sed decretum quasi in re notoria; tamen si causæ cognitio juridice ne quidem in maximè notoriis omitti possit.

47. Tenendum igitur, juridicè Tyrannos, qui verè sint tales, judicio posse condemnari; politicè rectè consuli, ut oculis multitudinis parcatur.

48. Bodini autem vis argumenti ex his quæ pridem posuimus, Tyrannum delinere esse Potestatem, eumque ipso jure, si commissum tyrannidis sit indubitatum, fieri privatam, satis labefactur.

48. Videndum, ne adhuc obftet, quod antea diximus, Regis personæ parcendum, etsi vis contra eum justa sit; Quod est verum, si casus extet, quo singulis vel paucis resistendi facultas competit, non etiam ubi Tyrannis in universum perpetrata extat.

49. Non

49. Non spernimus equidem aliud ejusdem Bodini argumentum: *O quanta sit Tyrannorum multitudo*, inquit, *si Tyrannos subditis occidere liceat, quam multis innocentes ac optimi Principes suorum conspiratione perituri*: ut parum ablit, quin tutius videatur populis, malos Principes, ita ut tempestates vel iram Numinis terre, quam bello civili vindicare libertatem.

50. At non semper ab utilitate pendet juris consecutio, neque certæ rationes probabilibus evertuntur: Nec veritati rerum vitis hominum aut detorsione calumniantium præjudicatur.

51. Sed qua tandem poena utendum in Tyrannos? magnam ut commissorum, ita poenarum varietatem esse oportet. Si intestabilis lævitia & immanitas fuerit, ut miseratione dignitatis præteritæ consumptā, nihil quam homo & sceleritas in conspectu sit, vix est ut ullum mortis supplicium videatur esse nefarium, ne quidem quod in Neronem placuisse constat & quidem genus indignissimum, quo vilissimus quisque mactari solebat, ut verberibus exanimatum corpus securi percuteretur, vel etiam ut virgis ad mortem capite furcæ inserto cæderetur, ut Suetonius refert.

52. Nec possumus admittere exce-

ptionem Bodini, qui negat Neronem habuisse jus summæ potestatis & Imperatores Romanos tantum fuisse primores contendit. Aliter à nobis probatum in *sect. 2. c. 7.* & luculentius in *lib. 1. Digress. c. 16. & seqq.*

53. Magis tamen laudemus eos, qui dejectione & exilio Tyrannorum contenti fuere; quomodo Athenienses in Pisistratidas, Romani in Tarquinius consuluerunt, vel carcere perpetuo, quod Suecis in *Ericum* superiore seculo placuit.

54. Si non propter immanitatem, sed ob institutum violandi Leges fundamentales decretorium & pertinax, in tyrannidem incidisse judicati sint, non videtur ultra abrogationem potestatis procedendum, quomodo novissimè in Scotia expressè verbis, in Angliâ tacite atque re ipsa decretum videmus.

55. Nisi, quod exilium vel custodia perpetua, securitatis causa accedere solet & tere necessaria est. Quando post Cyrum non constat, ullum Regem in potestatem redactum, Imperto, salva libertate, fuisse dejectum, nisi quod nuper eo modo in magna Britannia vidimus consultum.

56. Sed de amissione Summæ Potestatis locus adhuc *inferius* occurret.

C A P. V.

De Fide & perfidia Summarum Potestatum in contractibus.

Hoc capite agi de conventionibus, quibus Summæ Potestates jam constitutz obligentur. Tenent illas cunctis promissionibus naturaliter: civiliter per se nunquam, sed tantum si velint, quod præsumi in contractibus privatis. In jus tamen vocari & judicari ne tum quidem posse, nisi voluntariè certis iudicibus se submittant; quo præsuppositione nec naturaliter absolute, neque civiliter, eos posse negare solutionem sine manifestâ injuriâ. Conventionibus quæ regimen civitatis spectant, jure Naturæ principem duntaxat teneri: consensum in civilem obligationem heic non præsumi. An restitutio in integrum contra effectum naturalis obligationis in executione, tam respectu exterorum, quam ipsius populi aut certæ populi partis detur. Quomodo successores teneantur, per distinctionem explicatur. Et quid jus-jurandum promissionibus addat.

Tyrannidem committi factis, quæ constitutioni Summæ Potestatis & fundamentis Imperii adversentur, è superioribus intellectum est: At sæpe fit, ut perfidia Regnantium, sine Tyrannide committatur.

2. Quod ut intelligatur, videndum paucis, quid de illis conventionibus, quibus non defertur aut minuitur Imperium, sed quæ postea contrahuntur, & quibus nullum jus Summæ Potestatis auferatur, vel cum alio communicatur, sit habendum. Cum enim vis obligationis, quæ necessitate adstringit, à superiore, vel saltem à pari proficisci debeat, & per ejusmodi conventiones, quibus nemo in participium imperii vocatur, Rectores nulla parte delinant habere Summam Potestatem; merito, qui talis obligatio justum habere possit effectum, dubitatur.

3. Jure Naturali Gentiumque regnantes obligari satis est clarum, quia nihil præ cæteris habent mortalibus quam jus certi populi, qui cum ipse legibus na-

turæ totiusque humani generis institutis teneatur, Imperantes iisdem teneri necessum est.

4. Jam promissiones expressæ de jure in alium transferendo pleneque acceptatæ sine dubio vim habent obligandi naturalem, jusque perfectum alteri contrahenti tribuunt, ut bene probat *Grævius lib. 2. c. 11. de jur. Bell. & Pac. & nos alibi adstruemus.*

5. At civili vinculo, contractus Summarum Potestatum per se nunquam obstringuntur, seu cum subditis imperio, five cum exteris ineantur.

6. Non, sicum civibus contraxerint, quia obligatio est juris vinculum, quod necessitate obstringit secundum jura civitatis; Atqui Summam potestatem non posse cogi, & omni jure civili solutam esse, jam toties dictum est; Cum externis autem non sunt termini habiles civilis obligationis, quia non sunt ejusdem civitatis.

7. *Per se*, inquam; nam ex natura negotii & circumstantiis, præsumptio nasci

nasci potest, quod secundum jus civile, prout est in loco, partes sive ejusdem sive diversi imperii agere voluerint.

8. Quod de privatis Regnantium conventionibus, ut sunt emptiones venditiones, locationes conductiones, stipulationes, transactiones similetque, omnino statuendum.

9. Quoniam tales actus non à Rege quâ Rege, sed quasi ab alio quovis instituuntur, adeoque, ut est membrum *Communitatis*; quod & ipsius utilitas postulat, quia nemo alioqui cum Principibus contrahere velle.

10. Hinc Imperantes ex emptione sine pretio, locatione sine mercede, pacto nudo ex hypothese juris Romani, nec agere nec conveniri possunt.

11. Perinde ex testamento imperfecto ut non cogitur Princeps solvere legata, ita nec ipse de tali quicquam petere potest. *§. ult. Inst. Quib. mod. testam. infirm.*

12. Ino & Leges municipales cujusque loci; in quo contractus celebratur, æquè in Principibus ac in aliis servantur.

13. Possunt tamen exprimere in antecessum, se illis Legibus nolle teneri; quomodo; si Rex faciat ipse *testamentum sine solennibus*, aut *emphyteusim sine scriptura*, ubi Lex eam requirit.

14. Etsi vero Leges heic obligationem actionemque adversus Summas Potestates producant, coactio tamen sequi non potest adversus eos, quatenus, à quo cogantur, nemo existit, *nisi quod dixeris belli jus comparatum sit.*

15. Hoc ut evitent, simul & æquitas ac utilitas impulit Principes, ut tam à subditis quam ab reliquis conveniri se apud certos iudices patiantur, cum alioquin ipsi in sua causa iudices esse possent, quâ neminem habent superiorum.

16. Porro, in illis tribunalibus, iisdem juris remediis, quibus alii cives utuntur, se tueri, neque plus ulla parte privilegii arrogare sibi possunt aut debent.

17. Neque plane satisfactionem negare postulantibus, nisi petant *restitutionem in integrum*, ex iisdem causis, è quibus alii cives eam jure compunitur petrare possunt.

18. Quia tamen hæc sunt submissivæ, non ex amissione Summæ Potestatis; sciendum est, Imperantes, sicut reliqua suis subjectis, sic etiam ea, quorum ipsi debitores sunt, jura ex causâ adimere posse.

19. Primo, in pœnam admissi, publicatione omnium vel partis bonorum factâ, veletiam *illius specialiter*, quo Ipsa Delinquenti obstricta est, quod tamen ut invidiæ plenum ut evitetur operanda est.

20. Potius id fiat ex probabili causâ domini emineñtis, ob utilitatem magnam vel necessitatem Reipubl. modò tali prætextu non tegantur iniquitates & calumniæ.

21. Si quid tale fiat, & generaliter, quoties sine delicto creditoris, aut sine extremâ Reipubl. necessitate obligationi se subducit Princeps, tenetur ad reparandum damnum.

22. Proinde sic etiam, si solâ utilitatis publicæ ratione, res unius è civibus publicatæ fuerint; nam etsi hac causâ, Domini eminentis aliquis usus esse queat, tamen alia viâ patientibus indemnitate Reipubl. præstare debet.

23. Quod enim *alias* dictum est, singulos jura sua publicæ utilitati submittere rebusque suis renuntiare videri, idque libero civium consensu sancitum esse, non potest accipi, nisi sub conditione quam minimum lædendi singulos & reducendæ æqualitatis inter cives, quatenus fieri potest.

LI 2

24. Proinde

24. Proinde, si privatorum agri munitio in securitatem publicam occupandi sint, nulla est cautela, cur non pretium boni viri arbitrato vel statim vel deinde solvendum sit, etsi quibusdam in his & similibus dissentire vitum est.

25. Imo si contra agant Imperantes, faciunt quod illi, qui pro lubitu cives spoliant, quo casu quid juris aut patientiæ competat, *superius* dictum est.

26. Paulo diversa est ratio conventionum de rebus ad summam potestatem pertinentibus initarum, quas Reges non ut membra, sed ut capita civitatis, aut ut civitates ipse contrahunt.

27. In his palam est, non habere locum Leges civiles, quoniam illæ consistunt in imperando, cogendo, quod non cadit in summam potestatem; proinde nulla exinde quam ex præsumptione voluntatis oriri potest obligatio.

28. Porro ab hac naturali obligatione Princeps in ejusmodi negotiis semet in integrum restituere, propter causas jure civili proditas, non potest, ut contra Bodinum *Grotius* rectè statuit *l. 2. c. 14. in pr.*

29. Quia restitutio in integrum à superiori Potestate proficisci debet, qualem non dari supra potestatem, quæ est Summa, res ipsa declarat, etsi aliter Bodinus *lib. 1. c. 8.*

30. Rem tamen fere eodem in effectu recidere oportet, uti Regibus per modum exceptionum, quæ sunt juris Gentium, profint causæ justæ, propter quas obligatio naturaliter resolvi nequeat, ut sunt dolus malus, metus injustus, *hanc perinde etas*, nisi quid Rex pupillus suo motu, sine Tutore consilioque, pueriliter egerit.

31. Atque eo modo conciliari possunt hac in re discrepantes hominum doctorum opiniones, qui frequentes hac parte discedunt à Grotio: quemadmo-

dum & mores populorum interpretamur, qui viam restitutionis in integrum ignorant, ut ad eundem effectum per modum actionis aut exceptionis homines ducant.

32. Quod autem quaeritur, an exceptio metus, doli, ætatis habeat locum in legibus regnorum fundamentalibus; dicendum habere, si à Rege pridem simpliciter constituto ejusmodi promissiones eliciantur metu, dolo, ætatis lubrico: In Imperiis novis aut electivis vix est ut Quæstio locum habere queat.

33. Quid statuendum, si promissiones jurejurando firmatæ fuerint, in loco proprio de *juramentis* considerandum, & mox aliquid subjiciemus.

34. Hoc vero è prædictis ultro intelligitur, An & quatenus rectè sit dictum, *Principum contractus esse leges*. Respectu eorum qui cum his contraxerunt, id nullo modo verum esse palam est; nili ipsas conventiones, quibus imperio se quis alieno subjicit, contractus appellare velit, ut sunt revera. Vel etiam, quibus leges fundamentales statuuntur; Tales enim hæ sunt leges, quæ non minus ipsos Principes quam Populum Procereque ligant ac obligant.

35. Reliqui contractus tribuunt jus illis, qui cum Principe contraxerunt in ipsos, quod à vi legis est alienissimum. Respectu tertii tamen fieri potest, ut contractus aliquam Legis vim habeant, quatenus executio contractuum ad cives aliquando pertinet, ut usu venit in locationibus vestigialium in itis cum publicanis.

36. Porro effectus obligationis illius, quam diximus, naturalis, quis sit, respectu exterorum, facile dictu est; nam ubi desinunt *judicia, ibi incipiunt bella*.

37. Quid etiam, si cum toto populo in itus sit contractus, *eâ mente, ut in legem*

legem abeat fundamentalem, sit juris, perinde diximus in sect. 3. c. 5.

38. Nam si tacite longoque usu contrario potest recedere Princeps à jure suo, nihil est causæ, quare non idem uno actu & expressè voluntate fieri possit.

39. Quod autem sponte & liberaliter per modum PRIVILEGIÏ, (secus in donationibus propriè dictis) conceditur, id contrario privilegio tolli potest, uti Lex lege contraria potest abrogari. quâ de re vide quæ dix. d. cap. 5. n. 60.

40. In cæteris cum populo initis contractibus super rebus ad majestatem spectantibus, (non tamen, quibus ipsum jus aliquod Majestatis tollatur) idem une dubio juris est, quod modo de privatâ negotiis per se consideratis tradidimus.

41. Scilicet ut naturalis inde nascatur obligatio eaque efficacissima, & jus perfectum populo acquiratur, ita ut contra quam conventum est, Imperantes facere non possint.

42. Sed ut leges civiles ad hos contractus non producuntur, ita nec tribunal aut judicium datur ullum, in quo de hisce controversiis disceptetur; quin si tale tribunal daretur, hoc ipso desineret esse summa Potestas.

43. Qui sunt in statu naturali, his licet obligationem Naturalem armis exequi; sed populus sub Imperium redactus longissime ab eo statu remotus est.

44. Quare si pactis stare nolint Imperantes, ratio cogendi illôs, nulla datur subjectis; nisi quatenus hi in societatem Imperii, saltem pro parte, recepti sunt.

45. Proinde, si Rex armibus civilibus armis cum populo vel ejus parte colluctatus, pacem certis pactiõibus iniverit, easque jure-jurando quoque firmaverit, tenetur quidem omni modo, gravissimoque perjurus est, si si eis convenerit.

46. Si tamen stare nolit, dabiturne ad arma regressus? Nulla quidem juris ratio id populo permittit, nisi in partem imperii recepto.

47. Quod si populus in Regem absolutum extra causas, in capitulo de tyrannide expositas, arma ceperit, superatoremque conditiones extorserit, non videtur Rex ad eas servandas cum effectu obligatus.

48. Quia metus injusti auctor, ut alias dictum, tenetur ad eum quem coegit, obligatione, qua summo jure & directè obstrictus est, liberandum.

49. Hæc est ratio, quod omnes qui in suos Principes inturgunt & sapient, post arma capta nunquam ei se fidunt; quia norunt, Principes, non modo se non putare obligatos, sed etiam nihil ultioni prævertere, si possint; quod Angliæ Ordines in Edicto publico, quominus pactiõni se cum Rege victo committerent, aperte præ se tulerunt.

50. Contractus optimatum inter se de jure Imperii valent equidem & pariunt obligationem naturalem; sed ut quælibet conventiones contrario partium consensu tolluntur, ita quominus ab his contractibus, etli jurejurando firmandis, communiter abire possint, nihil obstat, ut in Hollandia factum anno hujus seculi LXXII. de separanda civili & militari præfectura Provinciæ. Plane, si cives in Regno vel Aristocratia pactum conventum de Republ. iniverint, juratum, vel secus, ut in Angliâ & Scotia ante annos fere quinquaginta factum, id ipso jure nullum esse, ratio manifesta docet; quia jus publicum pactis privatorum mutari vel adfici non potest l. 38. n. de Pactis.

51. Hæc de obligatione Rectorum, & qui cum illis contrahunt. Civitatem ex illis teneri satis inde conitatur; quod Summa Potestas est ipsa Civitas, ut sepins dictum.

dictum: An etiam populi tenentur, è contractibus cum tertio initis, ab his qui invalescent Imperium? Qui respondent *decisionem esse difficiem*, magis ad difficultatem ducendum Invafores à Recto-ribus legitimis & quando desinunt esse Invafores, quam ad ipsius Quæstus meritum respicere videntur.

52. Nemo enim juris gnarus dubitare potest, quin populus non teneatur eorum contractibus, qui nullum jus imperandi habent, quos privatorum loco de jure habendos pridem ostendimus, nec dubitat Grotius *in lib. 2. c. 14. n. ult. secus ac alii* qui ad illum commentati sunt.

53. Videamus de successoribus, quomodo hi ex contractibus teneantur.

54. Notum est, jure naturæ haud minus quam civili, obligationem, quæ ex conventionibus est, transire ad heredes.

55. Sed hoc ideo, quia qualitas heredis ex tacita vel expressa defuncti voluntate deduci solet; *tacitâ*, cum successio ab intestato defertur; *expressâ* vi testamenti.

56. Quam in regnis voluntariis utramque secus se habere, ex iis quæ *supra* de successione dicta sunt, intelligitur.

57. Nam ibi successores non accipiunt suum jus ab eo, qui proxime defcessit, sed à populo, qui *voluntatem suam Lege perpetuâ semel stabilivit*.

58. Nihilio secus dicendum, successores Regum, etiam ex contractibus teneri, sed cum distinctione.

59. Rex enim habet & *Patrimonium* peculiare & *Regnum*, quæ post mortem deversa relinquit, tam ubi hereditaria quam instituta viget successio.

60. Regnum quid sit, per se intelligitur; *Patrimonium* peculiare est omnne id, quod vel ante imperium delictum habuit, aut aliunde ei advenit, vel tempore imperii lucratus est, atque à ratio-

nibus publicis seorsim habuit. In jure Romano vocantur *res dominicæ*, *res Cæsars*.

61. Hæc etiam in hereditariis Imperiis à regno separata sunt, quia, ut supra disputavimus, hoc Rex plerumque manere vult unitum & in unum devolvendum, *quemadmodum & in voluntariis*, non æquè privatum peculium.

62. Nisi quatenus aliter discretè constitutum est, quemadmodum in regno Francorum, res dominicæ, sive bona quæ Valefii, quæ Borbonii Principes ante regnum quæsitum habebant, statim atque regno admoti sunt, ad Coronæ jus uniantur & coalescunt.

63. Alioqui patrimonium defertur ab intestato ad omnes in pari sanguinis gradu constitutos, *qui proinde pariter defunctum representant*, ac ita omnes pro hereditariis partibus è privatis liliis contractibus obligantur.

64. Proinde qui Regno potitur, si partem de patrimonio tulerit, pro virili etiam tenetur; sin exclusus vel sponte abstinuerit, æris quoque alieni omniumque præstationum liber est.

65. Sed obligationes, quæ propter Rempublicam incite sunt, tenent omnino successorem, non ut heredem, sed ut caput civitatis, imò ut ipsam civitatem.

66. Hæc enim absolute considerata, ut omnes coetus uniti, facultatem habet obligandi se ipsam; idque jus in alium transire potest.

67. Transiit autem in summos Imperantes, qui personam Civitatis constituunt, ejusque jus omne & integrum exercent.

68. Limitant hoc tamen gravissimi scriptores, ut procedat, *si cetera Regni defessorum habeant probabilem rationem*, non si ratione careant probabili. Grotius *l. 2. c. 14. §. 13.*

69. Pror.

96. Prorsus ut de administratoribus Civitatum jure Romano proditum est, valere contractus, si res in utilitatem civitatis versa sit, valere transactiones ab illis factas in rebus dubiis, non si quod indubitato debeatur remiserint; & de tutore, cum Domini loco haberi, cum ream administrat, non cum pupillum spoliat. l. 28. §. 1. *de Pact.* l. 22. *C. eod.* l. 7. §. 3. *Pro empt.*

70. Nos intelligimus, si quid turpe aut manifesto absurdum planeque stultum contraxerit Rex, aut deciderit, quod in ipsius potestate non erat, ut si partem regni alienaverit, id non esse in terminis habilibus propagandæ obligationis ad successores.

71. Verbatamen *probabilisationis* nimis laxa videntur, magisque exempla tutorum & administratorum, qui legibus tenentur.

72. Etenim Imperantes supremi possunt omnia facere, quæ Civitas ipsa potest, si non egrediantur terminos potestatis sibi delatæ; & civitas potest quicquid Dominus & quilibet arbitrer rerum suarum, qui pro libitu de rebus suis disponit, teneturque, tam si male quam si bene rem gesserit, veluti si prodigas fecerit donationes.

73. Plane, quod à Summâ Potestate populo imperatum, non haberet vim eos obligandi, id neque per contractum in obligationem deductum poterit obstringere cives: sed è contrâ, quod vim adversus illos parendi haberet, id cum in potestate Ro-

nantium sit, valebit, utique etiam, ubi per conventionem alii jus inde comparatum fuerit.

74. Sed de jurejurando Promissionibus Summarum Potestatum adjici solito, non est hoc loco præterendum, quod aliqui putant, inde multum accedere ad arctitudinem obligationis; id magis esse, ut ita se non habeat; Erga Deum e quidem rectè, sed hominum respectu jusjurandum nihil mutare potest.

75. Natu vel adjectum est legibus Imperii fundamentalibus, vel aliis publici privati que juris constitutionibus & conventionibus. Prioribus tenentur Rectores omnimodo, etiam vi coactivâ, idque sine jurejurando, non minus quam juratis, quoniam per has leges excepta sunt, in quibus non habent jus Summæ Potestatis, idque eorum respectu videntur & revera sunt privati, ut supra in *cap. de legibus Imp. fundamentalibus* dictum est.

76. Si jusjurandum aliis legibus accesserit, tenentur quidem Rectores Civitatis, ut tamen æque tenentur è simplici promissione; nisi quod jam perjurii crimen erga Deum accedit. Verum tamen quia promissio circa res, quæ non spectant ipsum jus Summæ Potestatis, non facit, ut desierint esse omnibus superiores, apparet, vim coactivam super ejusmodi legibus aut conventionibus non sequi ex jurejurando; Sed notam perfidiæ & impietatis sequi è sprete religione, quæ de re dix. in Eunom. Rom. ad l. 31. *de Legib.*

C A P. V I.

Quibus modis Summa Potestas finiatur.

Modi recensentur decem indubitati, amotâ prius falsâ opinione; Mors, tempus imperio præfinitum, præscriptio, abdicatio, derelictio, existentia conditionis commissoriæ, feloniam, animus imperantis hostilis, jus belli, unio. Modos, de quibus dubitari queat, esse, captivitatem, alienationem, subjectionem infra alium factam, negligentiam, bellum contra cives, regno necdum delato, gestum.

Absolutis, quæ pro hujus instituti ratione de juribus summæ potestatis suppetebant, non erit abs re *modos* percurrere, *quibus finiatur Summa Potestas*; in quod omnimethodica deânit oratio atque tractatus.

2. Quo loco prius amovenda est ab hac Arte eorum sententia, qui libertatem esse volunt rem meræ facultatis, quam semper populis, si possint, repetere liceat ac Imperium excutere; quod sine est verum in Imperiis voluntariis, si Rectores nihil sint quam Mandatarii.

3. Sed quia nos pridem ostendimus, Imperium simpliciter delatum esse Alienationem, quod pressius in calce hujus libri demonstrabitur; id autem quod est alienatum sine nova causa repeti non potest, sequitur in Imperiis voluntariis id ita procedere.

4. Nec etiam in violentis seu jure belli fundatis Imperiis illa sententia valet, nisi quatenus adhuc in statu belli partes consistunt: nam si illo finito, intervenit pactio, ut fere usu venit, saltem tacita, exinde jus quæsitum victori auferri non potest. vide Grotium *lib. 2 c. 4. n. 14.*

5. Finitur autem vel unâ cum civitate tota, vel consistente reliquo corpore, sola extinguitur. De illo casu postmodum in loco agetur.

6. Primus igitur, quo sola Majestas finitur, modus est Mors, cunctarum ultimæ lineæ rerum; est enim Potestas summa, facultas personalis. *suprà sect. 3. cap. 1.*

7. Idque non tantum in Electivis, sed etiam in regnis maxime & immediate Successivis, utcumque receptum ibi sit dictum, *Reges non mori*: Hanc enim patet esse fictionem ejus generis, quod Juriscontulti suo heredi adscribunt, in quem potius continuari quam transferri dominium, ut nulla videatur Successio fuisse, tradunt *l. 11. n. de lib. & postb.* Quod etiam multarum gentium leges de ipsâ possessione receperunt, ubi dictum usus Gallicani obtinet, *Le mors Saisit le vif.*

8. Secundò; finitur *Tempore*, quod ab his, quorum est primævum jus imperandi, paucis vel uni præfigitur; postquam *suprà* obtinuit, temporariam non desinere esse vere summam potestatem.

9. Tertio, *Præscriptione*, cujus, ut alias & in tempore præcipua vis est, cæque duobus modis exercetur; primo si Rex verus populo, vel Proceribus subiciatur, aut populus liber proceresque suum jus summæ Potestatis amittant. & manente eodem corpore civitatis, *Principi*

clpi subiciantur, quæ de re dictum *sect.*
3. *cap. ult.*

10. Si populi vel Principes, qui partem alicujus Imperii fecerant, huic se subducant, nec id amplius agnoscant; sed libertate palam utantur, ejusque usum & quasi possessionem à tempore immemoriali continuaverint. Idem est, quando Rex aliquis alienam ditionem sine justo titulo occupat & longissimo tempore possidet, quo catu prioris domini Summa Potestas finitur.

11. Nam & in his præscriptionem duntaxat *immemorialem* habere locum, iisdem rationibus evincitur, quæ de prioris calu prolata sunt in *d. cap. ult.* & confirmantur à Grotio *lib. 2. c. 4.* Etiam à nobis in *vidiciis Amelandicis: cap. 8. 9. 10.*

12. Modo etiam in eocasu, quo populus aut princeps aliquis ita se alieno imperio subducit, ut novum Reip. corpus seorsim constituat, animum independentiæ palam præ se tulerit. Idem in omni ulucapione & præscriptione requirit, non modo Jurisperiti docent, sed etiam *res ipsa* loquitur; quia sine animo sibi habendi nulla acquiritio perfici vel inchoari potest *l. 2. C. de Præscript. xxx. vel xl. ann.*

13. Immemorialem autem possessionem, non respectu memoriæ literarum; ejusmodi nulla, nisi apud gentes literarum expertes, dari queat; sed nimirum, recordationis hominum præsentis generationis, intelligendam esse, non opus esset moneri, nisi quosdam ejusmodi opinionis errore ineptiisse animadvertisum esset. Temporis autem ejus spatium non est certo definitum; utique maximum esse trium *seculorum*, id est, centum annorum, convenit inter Juris publici privatique Scriptores.

14. Sed in iis casibus, quibus præscriptio tendit ad diversum corpus Rei-

publ. constituendum, facilius & frequentior quam in eadem civitate solet esse *protestatio*, qua jus suum qui possessione carent, reservant; cui fini aptissima est usurpatio continua nominis & titularum, quam Principes hæud facile negligunt.

15. Modo usurpatio illa specialis sit. Nam generalis hac parte non sufficit, qualis est, Imperatoris Romani, dum se ait, semper Augustum, id est, Amplificatorem Imperii; quomodo Germani vocabulum Augusti interpretantur.

16. Non sufficiunt etiam ad interrumpendam Præscriptionem, Declarationes per modum conventionis inter Imperantem & Ordines suos; quales sunt *Capitulationes Cæsareæ*, quas aliqui in hunc finem adducunt; Conventionum vis ad tertium non pertinet, quæ de re diximus in *Vindic. Ameland. Cap. xi.*

17. Quartò, finitur S. Potestas *abdicatione*, quando Rex Imperium deponit, sive reddat populo Rempubl. ut *Servius Tullius* voluit, ut *Augustus* simulavit, ut perpetuus Dictator *Sylla* fecit; seu transferat in alium, ut *Diocletianus* & *Maximianus*, nec non *Carolus Cæsar V.* & *Christina Suetiæ*.

18. Sed an hoc ipso, quod abdicavit, etiam sit subjectus vel subjecta? Non potest aliter; quia non est in civitate medium inter Imperantes & subjectos, et si Magistratus aliquo sensu medii inter Rectores & privatos appellentur.

19. Quid si pactus vel pacta sit independentiam, ut *Christina Suetiæ*? Hoc quidem vim suam habebit, eorum à quibus id est pacta, respectu: Æque enim singuli imperio eximi possunt ac urbes aut pagi intra terminos Imperii alicujus sit, sicut olim *Ivetotiensis* regnum, vel hodie principatus *Arausionum* in Gallia.

20. Sed extra fines Imperii, in quo ejusmodi Pactum intercessit, nullam
M m juris

juris effectum habere potest; quia pactum non egreditur pacifcentium personas. Proinde, quod alibi Ex-regibus ejusmodi honos, ut nulli subjectis habetur, id humanitatis & indulgentiæ, non juris est, in quo sit vinculum necessitatis.

21. An autem qui in aliquâ civitate summam habet potestatem, si in alieno territorio versetur, ejus jurisdictioni subiectus sit, diversi loci quæstio est.

22. Quintò, si Rex Imperium pro derelicto habeat, vel revera deserat atque destituit; hæc enim nihil aliud quam tacita abdicatio est.

23. Derelictionem oportere esse voluntariâ, ipsa res loquitur. Proinde, qui justo vel injusto metu commotus se regno suo populoque subduxit, hunc abdicacionis aut derelictionis reû arguere non licet. at oportet etiam hoc animo fiat, quod quis amplius Rex esse nolit; nam si abeat è regno peregrinandi, belligerandi aut novi regni suscipiendi causâ, abdicasse vel dereliquisse dici non potest; ne quidem *Henricus* Poloniæ Rex eo quod è Poloniâ aufugit, ut Franciæ regnum susciperet; quia tamen Rex manere voluit & nomen Regis Poloniæ per omnem vitam præ se tulit.

24. An vero Poloni ob ejusmodi abitum cum animo, ut videbatur, non redeundi, sit est ibi Respubl. justam illum regno privandi causam non habuerint, alia Quæstio fuerit.

25. Sextò, finitur Summa Potestas, existentia conditionis, ad quam delatum est Imperium, ut si lex commissoria regis electioni adjecta sit; ubi hoc vel illud Rex admiserit, fore uti jure suo cadat.

26. Septimò, per *feloniam* amittitur feudale regnum, id est, grave delictum vasalli adversus Dominum; posse enim in feudo summam esse potestatem jam dudum probavimus.

27. Octavo, si Rex *hostiliter* animum contra populum suum induat, aut aliter Tyrannidem committat, excedendo notorie & præ fracte terminos Potestatis sibi jure delatæ, quâ de re *suprà* diximus, Imperium haud dubie perdit.

28. Denique, nonò, jure belli summa potestas auferri potest & solet, quia victor in devictos jure Gentium, cuiusmodi vult, Imperium adipiscitur.

29. Decimus finiendæ Majestatis modus est, unio cum aliâ majore civitate; nam tunc, ut *suprà dictum est*, civitas, quæ prius ipsa per se habebat summam potestatem, sit membrum majoris Imperii & pars corporis subjecti, quomodo in Gallia majores provinciæ *Normandia, Britannia, Aquitania, Delfinatus, Provincia* aliæque majestatem amiserunt.

30. Secundum hæc aliqui sunt modi, de quibus *ambigi* potest, tollant, an non tollant summam potestatem.

31. Inter quos tamen non referimus Voluntatem populi; qua regiam vel optimatum potestatem semper abrogari posse volunt, qui Rectores nil nisi mandatarios populorum esse volunt, quam sententiam esse falsam, post ea quæ à nobis dicta sunt alias, probare supervacuum est.

32. De *captivitate* primum, quæ est aut erat olim mors civilis; utique ex hypothese servitutis antiquæ; dicendum videbatur, summo jure amitti Regnum; sed *postliminio*, quod est juris Gentium restitui: at inter eos populos qui servitutis rigore non utuntur, exercitium amittitur, jus ipsum retinetur, sicut in Gallia Rege *Johanne & Francisco* captis, illo apud *Pictaviam*, hoc apud *Paviam*, accidit.

33. *Alienatione* aut *subjectione* regni in alium aut sub alio facta à Rege, jus Majestatis amitti tradit. *Barclajus l. 4. c.*

26. *cont. Monarchom.* à Gratiano reprehensus, eò quod talis actus sit ipso jure nullus, cujus proinde nullus esse queat effectus, nisi ut populus alienationem vel subjectionem Regi executuro vi resistat, ut Angelus adversus Johannem, qui se Pontifici vassallum addixerat, fecerunt. *Gros. lib. 1. cap. 4. §. 10.*

34. Equidem in regno patrimoniali non potest esse vera *Barclaii* sententia, si mo- lo loquatur de illo. In voluntaria tunc erit vera, ubi alienationem Rex jam sit executus & traditione impleverit; nam Rex novus non est Rex, eoque excusso, nihil est causæ, cur venditor sit restituendus in locum quem dereliquit.

35. Verum ob nudum alienandi contractum, et si contractus sit perfectus, non posse Regem spoliari Imperio, prorsus cum Grotio statuendum est, nec etiam, si duntaxat alii se submiserit: sed ultra nullitatem justamque impediendi causam non videtur procedendum; nec enim ulla causa liquet, cur plus decerni debeat, quam ne conatus sortiatur effectum.

36. Ququam exempla non desunt efficaciora; Veluti *Johannis Balioli* in Scotia, & *Caroli Lotharingi*, in Gallia, quibus hoc imputatum fuit ad juris regii commissionem, *Buchanan. Histor. Scot. lib. 8. Reg. 95. Mezeray. compend. Histor. Gall. regn. Hug. Capeti. Joh. de Serres ibidem*; qui sic ea de re; *Ainsi per cet hommage & reconnaissance il avoit comme quitté tout le droit, qu'il pouvoit prétendre à la Couronne de France.*

37. Id est, per illud homagium & subjectionem omne jus, quod in Gallia Coronam præferre poterat, quasi dereliquerat. Atqui non Galliarum regnum, sed Lotharingiarum Ducatum duntaxat ab Othone Cætare agnoverat. Quid hoc ad commissum regnum Gallicani?

38. Potest etiam quæri, an per negligentiam Rex cadat Imperio, ut Franci in ultimis *Merovingiorum* servarunt. De facto nil frequentius est. De jure tamen non videtur; sed si per eam civitas *per se* periclitetur, dicendum est, populum aut optimates Regi aliquos adjungere posse, qui pro conservatione totius, quod primum civitatis fundamentum, invigilent, haud tamen ultrà quam postulet necessitas, ut *jam diximus, in loco suo.*

39. Idem juris est, si Rex incidat in furorem, ut *Carolus VI. Galliarum.*

40. Sæpe quæsitum est, an quod Rex ante regnum initum hostis regni fuisset, hinc in successivo Imperio amittat jus Regni, quomodo Galli *Carolus Lotharingum* hac etiam causa excludere, non *Ludovicum Aurelianensem*, in quo brevi murmure parem causam transmiserunt *Guicardin. lib. 4. de Bell. Ital. sub fin.*

41. Quod fuit justius; nam juris ratio minime commissum regni ob illam causam infert, modo non maneat hostis, ubi regnum ipsi delatum fuerit.

42. *Hinc jus stirpis Capovingiarum*, nobilis Galliarum historicus, ita inquit, *benedictione divinâ & possessione continuâ, cui præteritio Caroli prioris locum fecerat, Serresius in regno Hugonis Capeti, ubi, Certe Election estans esté authorisée par la benediction de Dieu, qui en a maintenu la possession: ou la posterité successive de Capet &c.* perinde ac diceret; *usurpatione felici & longissimo tempore.*

43. Rem tamen aliter accipit *Hottomannus* in *Franco-Gallia*, quid factum docet ab universo corpore populi Franco-Gallici; quemadmodum adversus priorem *Stinpcan Merovingiam* decretum fuerat. Cujus facti ratio: inde pendet, utrum potestas Regia tum vere *Suæ* quæsi- siva fuerit *παρθεναία*, an verò *ρόμιμη* & populo subiecta.

44. Quomodo nunc in Gallia se res habent, inde ab aliquot seculis, omnibus constat; neque jam à Gallis ulla ratio mutationis illarum, quam quæ est in ver-

bis *Serresis* reddi posset; neque tum quidem olim quod ad successionem attinet, aliter se res habuisse videtur.

C A P. V I I.

De fine vel duratione Romani Imperii, ad Grotium lib. 2. c. 9. n. XI.

Proponitur Quæstio, cujus hodie sint ea, quæ olim Romani Imperii fuerunt. Varietas opinionum ea de re, ex Peckio & hujus sententia ipsius absurda satis. Removentur à quæsito ea quæ jure belli, derelictione vel præscriptione populo Romano subducta sunt. Imperium Romanum non esse quidem translatum ad Germanos, sed tamen Regem à Germanis electum ipso jure fieri ac esse Imperatorem Romanum. Populum Romanum esse nunc eundem, qui fuit olim, Grotio conceditur; verum inde non sequi, illum idem jus habere quod olim, siquidem eligendi jus Imperatorem suum transtulit in Germanos. Olim jus eligendi Imperatoris fuisse penes S. P. Q. R. conceditur: qui nec Constitutione Antonini desit esse princeps gentium populus. Verum hoc jus principale communicatum fuisse cum novâ Româ sive Constanti-ponoli. Nec Imperatorum electionem, secus ac Grotius, ibi factam, à populi Romani approbatione pependisse. Per Herulos & Gothos omne jus antiquum populo Romano fuisse ademptum; nec à Græcis, qui deinde Romam ceperunt, veterem principatum illi esse restitutum nec postliminio esse recuperatum. Populum Romanum à Græcis non videri jure defecisse, quod hi feminæ imperium detulissent: Nec imaginum fracturam, nec imbecillitatem fuisse causam ab illis deficiendi justam. Jus eligendi Carolum Magnum, nullo alio jure habuisse populum Rom. quam belli. Non liquere, quod electio Caroli M. fuerit personalis. Certè Imperium Romanum illi delatum, fuisse distinctum à regno Francorum & Longobardiæ, nec quicquam tribuisse Carolo suprâ titulum, præter id, quod jam Pontifex habet jure supremo, et si dein Italiæ sive Longobardiæ regnum Imperio sit adnexum, haud tamen cum eo confusum: nec ideo subjectum fuisse populo Romano. Sed hunc, translato in Germanos eligendi jure, non retinuisse pro se vel Papâ jus confirmandi electum à Germanis Imperatorem, sed nihil habuisse, quam ritum inaugurandi. Male à Grotio jus regni Italiæ acquiri ab Imperatore, statui, per approbationem Pontificis, nomine populi

puli Rom. cum Italiae regnum nunquam à Papà vel urbe Roma dependit, post invasionem Longobardicam: denique, Imperatori Romano. post usurpationes Pontificias nihil superesse quam titulum majestatis Romanæ. Pontificem non habere jus tribuendi investituras in regno Italiae, vacante Imperio. Nec eundem esse vicarium vel posse vicarium constituere, Imperatore mortuo vel mente defecto, secus ac Grotius, qui in his præ studio adulandi Papæ minus valide instituerit.

PRO mantissâ, placet addere disputatiunculam de Fine vel duratione Imperii, quod populus Rom. habet habitum nunc aut olim, quâ de re prolixius quam solet, de rebus singularibus, & tamen minus solide, nisi valde fallor, agit Grotius, in loco supra scripto: quem heic exhibere & aliquid instar commentarii, cum ad hujus maximè sectionis materiam pertineret, addere visum fuit.

2. *Nobilis admodum est & illaquestio, inquit, apud Historicos & Jurisconsultos, de his quæ Romani Imperii fuerunt, cujus nunc sint.* Non est igitur hæc de urbe Româ, sed de omni Romanorum imperio, quod olim fuit, quæstio, quam Grotius movet.

3. *Multi ea nunc esse volunt, Germanici sive regni, ut olim vocabatur, sive Imperii; utro autem nomine appelles, ad rem non refert.* An igitur de nihilo est, quod Imperator se vocat distinctè in Edictis & nummis cæsis, *Electum Romanorum Imperatorem, Regem Germaniæ &c.* Quin etiam differunt regionibus: Nam imperiû se refert ad urbem Romam & Italiam, Regnum ad Germaniam. Et si verum est, in concreto Germaniæ Regem etiam dici Imperatorem, respectu Germaniæ, & hanc vocari Imperium; sed abstractione civili differunt omnino.

4. Est sane vetus quæstio apud Juris Interpretes, an Imperator hodieque sit dominus mundi, *quam ibi quæstionem*

deduxerunt in centum opinionum myriadas, verba sunt Peckii ad l. 9. d. L. Rhod. de jact. inter quas sane, de tractatitiâ multæ satis ineptæ sunt opiniones.

5. Haud facile tamen dixerim, an ulla sit absurdior, quam Peckius ipse in eodem loco adseruit his verbis: *Ego sane, inquit, in eorum sententiam transeo, qui Imperatorem respectu universalis regiminis, de jure, Mundi dominum esse declarant; & quamvis alia ad Particulares Principes pertineant, Universitas tamen de jure ad Augustum solum.* Igitur est diversa regna diversi Reges obtineant, tamen omnes, nisi speciali Privilegio exempti reperiantur, Imperatori non secus subesse, quam Pontifici Cardinales ceterique Ecclesiastici ordinis videntur.

6. Qui de jure publico scribunt, imperiti juris privati, non possunt evitare, quin aliquando impingant; Non putarem, juris privati interpretes, quos inter Peckius eminet, juri publico non deditos, tam enormiter evagari posse, quam usu venit in hac expositione Peckio, cujus singula refellere nec opus est nec libet.

7. Quid enim insanius, quam Imperatorem Romano Germanicum habere nunc idem jus propriè, quod Augustus olim habuit non sine ingenti hyperbole.

8. Bene Grotius, Quæstionem infinitè in supra dictis propositam, inveniunt limitat, - ut excipiantur ea, quæ pactionibus

si quis aut delecti occupatione, aut victoria jure in aliorum populorum imperium concesserunt, ideoque de his tantum loquitur, quæ adhuc hodie sub imperio Romano comprehenduntur.

9. Hæc igitur ipsa pertinere ad Imperium Germanicum, negat Grotius, contra eos, qui nescio, inquit, quam surrogationem hujus Imperii in locum illius sibi fingunt, cum tamen notum satis sit, Germaniam magnam, id est, transrhenanam, totam maximam temporis parte fuisse extra complexum Romani imperii.

10. Veritatem hujus facti historia adferat. Sed cum surrogatio nihil hac parte sit aliud quam translatio juris, quid obstat, quominus hæc fieri possit in alium populum? Quare populus Romanus suum jus in Germanos transferre non potuit, æque ac alius privatus in alium privatum juris translationem committit? Et si hoc fieri possit, ut certè potest, diversitas Imperiorum non impedit surrogationem Imperii Germanici in locum & jus Romani.

11. Verum tamen est, quod Grotius subjungit: *Sibi non præsumenda videtur, ait, mutatio aut translatio, nisi certis documentis probetur.* Modo non urgeat aliquod instrumentum transferendi jus Imperii speciale, quod heic scilicet, deesse feretur Historia.

12. Videndum, ne non sufficiat, quod Grotius infra collocat, *populo Romano placuisse, quo certius præsidium haberet, Regem non proprium sibi sumere, sed eum, quem Germani fecissent, quod ipsum ethi nullo speciali documento sit consignatum, tamen esse factum constat, & usu plurium seculorum est confirmatum.*

13. Hoc decretum, si forte Romanum Imperium non faciebat partem regni Germanici, tamen illud Regibus Germaniæ subiciebat, imperii jure simpli-

citer constituti, & efficiebat, ut ea quæ ad Imperium populi Romani pertinerent, Germaniæ Regibus essent subiecta.

14. Unde patet, Grotium non male contendere, populi Romani Imperium non esse translatum ad Germanos, neque Germanicum Imperium Romano surrogatum esse; verum tamen jus imperiumque populi Romani translatum esse ad Germaniæ Reges: quicumque à Germanis eligerentur, ut hoc ipso forent Imperatores Romani.

15. Pergit Grotius; *Quare & populum Rom. eundem esse dico, qui olim fuit, quamquam extraneorum accessione admixtum & imperium penes eum mansisse, tantumquam penes corpus, in quo esset ac vivere. Identitas, ut sic loquar, populi Romani potest concedi, secundum philosophiam Alpheni in l. LXXV. §. de Judic. Etiam Imperium penes eum ut corpus remansisse concedi potest, subjective; sed non ut animam, formaliter, quo sensu fuit apud Reges Germanorum.*

16. Nam quæ olim, Grotius, jure potuit facere populus Romanus, antequam Imperatores Romani regnarent, idem faciendi jus habuit, ut quisque Imperator mortuus erat, alio nondum existente Electivum scilicet Imperium fuisse Romanum statuit, in quo jus summum, mortuo cui delatum id fuerat, redierit ad populum.

17. In hoc videtur velle, quod hodieque populus Rom. Imperatore mortuo in Germania, si velit alium creare sibi Imperatorem, id faciendi jus habeat. Id enim vult connexio cum priorè periodo, quæ populum Romanum idem jus hodieque habere dixerat, quod olim Quirites habuerunt.

18. Quod ita sustineri poterat, si nihil juris à populo Romano in Germanos translatum fuisset: Sed existimo, si decre-

decretum, quod Grotius agnoscat, de habendis iisdem Regibus quos Germani haberent, Romanum Imperium non facit partem Regni Germanorum, saltem his tale jus tribuere, quo Romanum Imperatorem eligere possint, electusque Rex ab ipsis, sit ipso jure simul Imperator Romanus, quod satis in confesso habetur.

19. Atqui hoc sufficit ad impediendum, ne populus Romanus, Imperatore mortuo, quicquam de novo Imperatore surrogando statuere possit; siquidem hoc jus alienavit, eamque alienationem semel factam tot seculorum decursu firmatam approbavit; etsi interim subjectionem, qua ipse populus Romanus Germanicæ Regi aut Imperatori suo, verâ submissione addictus erat, sustulerit & deleverat; quam usurpationem Grotius in hoc loco, & ratione quæ sequitur, juris prætextu induere velle videtur.

20. Grotius; *Imo & electio Imperatoris ad populum pertinebat, & aliquoties à populo per se, aut per Senatum facta est: Quæ autem à Legionibus modo his, modo illis fiebant electiones, non erant rata ex jure legionum (nam in vago nomine jus certum esse non poterat) sed ex approbatione populi.*

21. Hæc ad statum veteris Romæ spectant, quæ ad quæstionem propositam, cujus nunc de jure sit Imperium urbis Romæ ejusque ditionum, nihil faciunt, ut in progressu videbimus; Tantum eo pertinent, ut probetur, populum Romanum eundem esse idemque jus habere, quod Roma vetus olim habuit. Prius jam concessimus, Posterius inde non sequitur; non magis quam ut idem homo semper idem jus habere dicatur.

22. *Cum his non pugnat, quod Antonini constitutione quotquot in orbe Romano sunt, cives Romani effecti sunt, Hæc re populum non desisse eundem populum esse, nec amisisse jus suum in ditiones subjectas fateri licet.*

23. *Conferunt enim sunt ea Constitutio subditi Romani Imperii, ea jura, quæ olim habebant Colonia & municipia & provincia togata, ut & honorum participes essent & jure Quiritium uterentur. Nihil hic est, quod concedere non liceat, sine detrimento sententiæ nostræ, quod hodiè ditiones, quæ de populi Romani imperio superiunt, ad Reges Germanicæ pertineant, ut jam diximus & amplius patebit. Egimus & amplius hæc de re in Eumom. Rom. ad l. 17. n. de Stat. hom.*

24. *Pergit: Non ut in aliis populis, ita ut in populo Rom. fons imperii esset: quod facere in potestate Imperatorum non fuit, qui habendi Imperii modum ac causam mutare non poterant. Propius ad controversiam accedit, an per Constitutionem Antonini in l. 17. n. de Stat. hom. qua omnes qui sunt in orbe Romano facti sunt cives Romani; jus Imperii subjective considerati, per univertum orbem Rom. æquabiliter sit diffusum, an vero manserit orbis Reipubl. in urbe Romæ, reliquis gentibus ut subjectis Imperii membris secundum suâ discrimina consideratis, ut antea res se habuerat; quod est verius, cum Antoninâ Constitutio, sicut omnis jurisprudentiæ corpus, non tam ad juris publici, quam ad privati juris rationes facta & comparata fuerit.*

25. *Nec quod Imperatores postea Constantinopoli quam Roma habitare maluerunt, de jure populi Rom quicquam imminuit. Si nihil aliud mutationis à Constantino M. introductum fuerit, quam quod locum habitationis, Româ transfugerent Byzantium, hæc sola res in jure Reipubl. nihil mutare potuit. Sed omne jus quo Roma præcelluit, cum Byzantio, una cum nomine; quippe nova Roma dicta; communicavit, quod & effectum habuit & secutis temporibus observatum est; duobusque*

bioque procul & ab initio cum S. P. Q. R. consensu factum, vel dein ab eodem approbatum. Hujusmodi communicatio juris, quod ad summam Rempubl. pertinebat, & quo re ipsa Constantinopolis exinde Romam exsuperavit, non potuit, quin de facto non tantum, sed etiam de jure Civitati Rom. detraxerit.

26. Grotius; *Sed tunc quoque electionem factam à parte sui, quæ Constantinopoli habitabat, unde Byzantinos Quirites vocat Claudianus, ratam populus totus habuit, jurisque sui monumentum non tenuit servavit in urbs suæ prerogativâ.* Primo adverte, Grotium agnoscere communicationem juris quod habuit Roma, factam cum Byzantio, sive Constantinopoli, etiam in ipso Consulatu, quæ non potest non esse juris diminutio, nisi quis hoc capter

Παίον ἀ μισοι παύσας,

Præstat pars una duabus.

27. Illam potius nota captionem logicastro quam gravi Juriscto dignam, quod populum Rom. vocat unum totum, cujus Byzantini pars fuerint; ita, ut quicquid Constantinopolitani agerent, id populus qui Romæ erat, agere censeretur, utique id ratum habere deberet, ante quam valere posset.

28. Quid nugatur? Duo populi fuerunt, qui Romæ & qui Constantinopoli erat, neque hæc, ab illo tempore subiecta fuit Romæ, nec utique hujus colonia. Fuit nova Roma, par antique, ut in omnibus, ita iidem elogiis ornata, quibus Romæ vetus. Constantinopolis Æterna urbs Nov. 23. *de præd. civit.* Sacratissima urbs l. 7. C. de *Advoc. divers. jud.* l. 30. C. de *Donat.* Regia urbs l. 25. C. de *Nupt. S. ult. Inst. de Satisfat. ubi etiam caput omnium civitatum & nova Roma inquam, l. 4. C. de oper. publ.* Socrat. *bist. Eccl. l. 3. c. 8.*

29. Neque verum est, Electionem

Constantinopoli factam non valuisse; nisi per ratificationem populi Romæ habitantis. Hic sua functus sit electionis parte, vel potius alterius præjudicium sequi solita est: Quando enim Imperatorem Constantinopoli creatum agnosceret detrectavit populus Romæ? Fuerit hoc facti; quanquam ego non dubito, quin & juris, stabilito in Græcia Imperio, sit habitum, ut Imperator Constantinopoli electus Romæ quoque Cæsar & Augustus esset: Utique par jus cum esset Constantinopoleos, Roma hujus partes occupare vel justificare non potuit.

30. Non agnoscimus igitur sequentia Grotii; *Quare jus omne, quod hi, qui Constantinopoli habitabant, ad eligendum Imperatorem Romanum habere poterant, pendebat à voluntate populi Romani.* Nec enim de jure, id ulla vel ratione vel auctoritate probat; de facto contrarium obrinuisse palam est in Historia.

31. Grotius; *Et cum illi, Græcos intelligit, contra mentem ac morem populi Romani, femine Irene subissent imperium, ut alias causas omittamus.* Ingentem saltum committit heic Grotius, à statu Imperii, quem stabilivit Constantinus Magnus cum Byzantii, tum Romæ, ad id tempus quo Carolus Magnus à Romanis est electus Imperator, quod fuit Irene regnante apud Græcos.

32. Nam interea temporis immane quot & quantas mutationes populus Romanus & urbs olim dominantium subiit! Primo rex Odoacer cum suis Herulis & Turcilung's Italiam invasit, Urbem occupavit & omne jus Imperii quod habuerat, belli jure illi ademir & extinxit. Hunc iterum Gothi expulerunt & regno per integrum sæc. seculum Romæ potiti sunt.

33. An tunc etiam vetus Imperii jus populo Romano mansisse Grotius contendet?

tendet, ut idem populus idemque jus semper habuisse dicendus sit? Id quidem ab ipsius institutione fuerit alienissimum, quo docuit, hoc esse jus belli, ut victor imperet victis uti libet, & populus liber, victus victoris servus & subjectus fiat.

33. Quod si jus Imperii, quod olim Roma sola, dein juxta Constantinopolin pariter habuit, per Gothicam & Herulicam servitutem amiserit; quæram, quando & quomodo jus amissum recuperaverit? Nam quod semel est extinctum sine nova causa reviviscere non potest, ut Jurisconsulti, non minus quam philosophi naturales intelligunt.

34. Pulsi deinde sunt Gothi à Justiniano & ejus successoribus, Græcis Imperatoribus, viribus Græcorum, sive Orientalis Imperii, cujus sedes erat Constantinopoli, & Roma rursus Imperio adjuncta est Romano, quod dicebatur, non jam amplius à populo veteris Romæ, quæ serviebat, nec fons erat Imperii, quo ipsa plane carebat, nec isti nomen dare poterat Imperio; sed hoc à novâ Roma tum fuit petendum; jure veteris Romæ penitus, inquam, extincto.

35. Nec verò postliminii jus datur populo à majori imperio vi bellica abstracto & dein recuperato, nisi per novum novi victoris decretum, quâ de re in *capite de postliminio* pressius agetur; & habuimus exemplum recens Belgæ, cum quædam nationes foederatæ à Gallis subactæ, armis recuperatæ, primo ita sunt habitæ, quasi bello captæ; dein speciali decreto in foedus denuo receptæ sunt.

36. Sed Græci Imperatores Romanos tam liberaliter non habuerunt: nunquam aliter quam subjectis usi sunt, jure victoriæ & odio æmulantium nationum; Tantum abest, ut veterem excellentiam juris & Imperii pridem amissam illis restituerint. Mansit igitur amissum

jus istud & Roma ab illo tempore nihil fuit aliud quam municipium majoris Imperii.

37. Unde igitur hoc, quod Grotius subjicit; *merito populus Romanus illam concessionem sive expressam sive tacitam revocavit, & per se Imperatorem legit, Carolum Magnum.* Qui jus suum ante aliquot sæcula amiserat, nec unquam ullo juris actu restitutionem in integrum acceperat, quam ille concessionem expressam vel tacitam in victorem dominumque suum jure belli factum conferre potuit, aut revocare collatam?

38. Imo si victor populus, qui fuit Constantinopolitanus, à quo Gothis ereptus & Imperio iterum subditus erat, in animum induceret, Irenæ feminem parere, quod usu venit sub finem sæculi VIIII, quid hoc ad populum, qui nihil amplius ad Electionem conferebat, quæ imperia à Constantinopoli accipiebat, veteremque præcellentiam inde jam olim perdiderat? non poterat reculare communem cum dominante civitate fortunam atque parendi Legem.

39. Verum si hæc ita sunt, ut à nobis disputatur, quo jure Carolus Magnus à Romanis Imperator electus dicitur? si enim populus Rom. Imperatoribus Constantinopolitanis ita subjectus fuit, ut ipse nec amplius esset Princeps populus, sed pars subjectarum gentium, ex quo libertate à barbaris capta exciderat, nec à Græcis Imperatoribus antiquo principatui restitutus erat, non appareret, quo jure se Græcis subducere aliumque Imperatorem creare potuerit.

40. Grotius alias dari causas indicat, quæ sint, non expoluit. Pontifices præ se tulerunt *circumlocutione*, cum Leo Imper. circa annum Xp. MCCXXXII cœpisset imagines è templis ejicere, quo tempore Gregorius II. & III. Papæ Leonem videntes in Græcia & in Asiâ satis occupatum, &

patum, & opibus Longobardorum, qui Græcis æmulierant, confiti, non modo Synodales Græcorum canones de vetito cultu imaginum abolere detestariæ & auctores excommunicare, sed ipsam quoque Romam cum suis dependentiis Leonis & Græcorum imperio, rebellione facta, subducere sunt ausi & sustinuerunt.

41. Hanc causam à Græcis deficienti fuisse justam, Grotius ipse, credo, non contenderet; nec quod præterea allegatur, Græcos non fuisse pares tuendæ Romæ contra Longobardos, & Saracenos; opus fuisse potentiori patrocínio. prætextus hi sunt, quos Romanis nequidem periclitari visum est.

42. Nihil reperio, quam belli qualecunque jus, idem quo aliæ gentes ab Imperio Romano defecerunt. Etenim est verum, Romanos per annos sexaginta & amplius fuisse in statu belli cum Græcis, usurpata *αυτονομία* & libertate, quam & ad extremum usque, Græcis in vitis, retinuerunt: Quo autem jure defecerant à Græcis Imperatoribus, eodem jure novum sibi Imperatorem adsciverunt. *At voce primi civis ita pergit Grotius, id est, Episcopi sui (quomodo & in Judaicâ Republ. rege non existente, prima erat summi Pontificis persona,) pronuntiarunt.*

43. Satis pellucet animus, quo Grotius in hunc locum digressus sit, adulandi Pontificiis gratiâ: Quid enim simile habuit jus Pontificis Judaici, ex instituto post captivitatem Babilonicam in gente stabilito, Sacrorû & Reipublicæ Præsidis, cum Pontifice Romano? Ubinâ liquet, illo tempore, populum Romanum, Episcopo suo dedisse principem locum in Republ? Episcopi sui ductu & ministerio tunc usi sunt, ex more illius & sequentium seculorum, adhibendi vocem manumque sacram actibus inaugurationum.

44. *Fuit autem hæc electio personalis in Carolum Magnum & quosdam ejus successores.* Velim hoc probetur; Nam Ludovicus quidem Pius à Patre Carolo in Comitibus Francorum Aquisgrani congregatis, declaratus est Imperator & collega Patris, sine ulla Pontificis aut populi Rom. interventione, quod constat, nec auctoritate vel approbatione requisita. Inter successores quidem variæ fuere contentiones, quas Pontifex inauguratione festinatâ, sæpe decidit aut prævenit, factio magis quam jure. Sed primam Imperii in Carolo constitutionem verisimilius est fuisse successivam. Et si ab hac re meritum quæsitum principalis factis est alienum. Magis ad eam pertinet, quod sequitur

45. *Qui ipsi jus Imperii, quod habebant in Francos, ut & in Longobardos, à jure Imperii in Romanos, ut novâ causâ quæsito, sollicitè distinxerunt.* Et merito, quia pridem illas ditiones, antequam Imperatores salutati essent, obtinuerant.

46. Unde patet, quantum sit, quod populus Romanus Carolo tum dare potuerit; Germaniam & Galliam jure regni Francici tenebat, Italiam jure victoriæ Longobardicæ. Exarchatum Ravennensem, qui nunc Romania dicitur, dederat ipse Pontificibus. Extimam Italiæ partem, quæ nunc est regnum Neapolitanum, Græci adhuc tenebant.

47. Nihil igitur extra urbem accepit illâ creatione Imperatoriâ, præter *αἰῶνος* nominis, ut Imperator Romanorum diceretur; cujus populi gloria vetus & memoria potentiae pristinae adhuc aures hominum implebat opinione Majestatis, etsi tam res quam jus omne suum pari jure belli, quo creverat, jam funditus amisset.

48 Imperium certè in urbem ejusque territorium, quod Patrimonium S. Petri appellatur, ipsumque, opinor, Exarchatum

archatum Ravennensem jure directio illa delatione consequutus est; nec enim aliter donationes Pontifici factæ, quam salvo jure Supremi domini, quod tum quidem Pontifices adhuc potestate seculari præ se non terebant, intelligi possunt.

49. Enim vero, Longobardiarum regnum, à Carolo scilicet nomine regni Italici tunc & deinceps habitum est; siquidem eodem tempore, quo Carolus Magnus Imperator Romanorum proclamatus est, filius ejus Pipinus Italici Rex inauguratus fuit. Postea cum Imperatoriâ dignitate conjunctum fuit, ne penitus inane fieret, Imperium Galliarum & Germaniâ inde aliquantisper alienatis, donec ab Othone conjunctio Germanica commissa fuit: quæ de re sic ait Grotius.

50. Postea diviso Francorum populo in Occidentalem, qui Galliam nunc obtinet, & Orientalem, qui Germaniam sive Alemanniam tenet (duo Francorum regna vocat Frisingensis) cum populus Francorum Orientalis eligendo sibi Reges facere cepisset (nam & ad id tempus Francorum regum successio quasi agnatica, non tam à jure certo, quam à populi suffragiis pependerat) placuit populo Romano, quo certius præsidium haberet, Regem non proprium, sibi sumere, sed eum quem Germani fecissent.

51. His de facto nihil habemus adversum, sed collectio Grotiana merito displicet; populus Romanus, ita instituit, semper fuit idem, nec aliud hodie quam fuit olim, jus habuit. Olim Imperatore mortuo, sui juris erat & de Imperio disponere poterat; Ideo & deinceps idem facere potuit, hodieque potest, adeoque in promptu est ratio, justificandi usurpationes Pontificum seculares contra Cæsares, ipsumque Imperium quæ tale Pontifici subjiendum.

52. Quam non idem jus populo Ro-

mano semper fuerit, demonstratum est supra; quod decretum de agnoscendo ut Imperatore quem Germani Regem elegerint, fuerit actus alienandi jus Imperatorem creandi perpetuum, similiter dictum, eaque est in dubio natura obligationis, ut perpetua sit; denique verba hujus pactionis, ut à Grotio ipso relata sunt, translationem juris eligendi Imperatorem in Proceres Germaniæ, manifesto præ se ferunt: nec enim decretum fuit *pro beneficio* populi Romani, sed conventio inter Imperatorem atque Germanos & Romanos, ut Historia declarat, etsi instrumentum & verba specialia non extant.

53. Quod si populus Romanus, aut qui potestatem ejus postea nactus est, Pontifex, eam facultatem semper revocare potuissent, aut singulis Imperatoribus, si displicerent, obsequium negare, fuisse illa quidem absurda & elusoria concessio; præter quod ipsius Grotii verbis contraria, quæ non de singulis, sed de universo jure eligendi concepta sunt; placuisse, uti, quem Germani Regem sumissent, is etiam suus Imperator esset: quod ipsum eventus efficaciter demonstravit; siquidem consensus gentium haud aliunde, quam ab hoc instituto, fastigium Imperiale Cæsareum Germanis proprium fecit.

54. Nisi quod Grotius addit; *Ita tamen, ut jus sibi aliquod probandum vel improbandum electionis, quantum scilicet ea res ad se pertinebat, retineret. Jus aliquod, incertitudinis nota; cum, si vere jus probandi & improbandi fuisset, id diserte reservatum oportuisset. præsertim, cum per illud tantum non adimeretur facultas, quæ delata fuerat. Probandi jus aliquod reservatum fuisse, ut apparet, non esse Romanum Imperium regni Germanici partem, non est abs re; sed improbandi facultas Germanicam electionem*

ctionem ludibrio exponebat, si præcipuum dignitatis fastigium suo Imperio adimeretur. Et Pontifices tum necdum eo provecti fuerunt arrogantiae, ut cum ab Othonibus Pontificum approbatio dependisset, ac ab illis aliquoties exercita sit improbatio; eodem tempore (nam ad hanc aetatem hujus rei origo refertur) ausi sint stipulari, ut ipsis competeret jus Imperatores approbandi vel improbandi. Si quid unquam ejusmodi, Cæsarum alicui impositum fuerit, id, ut alia nonnulla quibusdam ex iis, indigna Majestate Augusta, leguntur extorta, transitorium fuit, neque in facultatem convaluit, cum semper à Germanis ista Pontificum Arrogantia, de jure & de facto refutata fuerit.

55. Credo, quicquid ejus est, resolvi in solennem coronationis actum, de quo Grorius porro; *Hæc quoque approbatio per Episcopum edici & sollemniter testata fieri peculiari coronatione solebat.* Hanc Pontifices Romanos impertiri solitos esse Imperatoribus usque ad Maximilianum I. satis constat. Sed ut hic, & post Carolum V. omnes Imperatores illam coronationem neglexerunt, eoque nihilo minus Cæsares Romani fuere, quam qui coronæ capiendæ causa Romam profecti erant; ita clarum est, Actum illum coronationis nihil fuisse quam ritum inaugurationis, sine quâ jus Regium habet integritatem suam, non minus quam si maximâ pompâ coronatio celebrata fuisset.

56. *Quare ex electione septem Principum, qui Germania corpus referunt, qui electus est, jus habet imperandi Germanis, secundum eorum mores: Ex approbatione verò populi Romani fit idem Rex, aut Imperator Romanus, aut ut Historici sæpe loquuntur, Rex regni Italiae.* Cui bono igitur decretum illud, quo ipse refert, placuisse populo Romano, & quod satis

usu venisse constat, Germanis Imperatoribus ipsis id agentibus & in ipsorum gratiam; ut quem Germani Regem elegerint, hic Imperator Romanorum esset; si non vi electionis Germanicæ juxta illud decretum, incontinenti Imperator Romanus fieret.

57. Negandum adeo, quod electus Germaniæ Rex fiat Imperator Romanus, vi approbationis à populo Romano id est, à Pontifice faciendæ: fit Imperator Romanus virtute decreti illius perpetui & electionis secundum illud in Germaniâ factæ; quemadmodum ratio exigit & usus tot seculorum probavit.

58. Quod autem Imperatoris Romani & Regis Italiae jus unum idemque statuit esse, non fit etiam accurate. Nam quo tempore Carolus Magnus Imperator est salutatus, Regnum Italiae, quod fuerat Longobardorum, Carolus jam pridem tenebat, idque nunquam à Pontifice populoque Romano profectum, ab eorum confirmatione nullo modo pendere potuit: sed Imperium, quod illi Carolo tribuerunt, in urbe Romæ usque; territorio latino consistebat; quod dein usurpatione & præscriptione, vel potius impotentia Cæsarum Germanicorum, Imperatorio juri penitus subtraxerunt.

59. Verum quidem est, Caroli Magni posteros deinde regnum Italiae cum Imperatorio nomine conjunxisse; verum idcirco jus regni illius in populum Romanum, à quo diu fuerat amissum, non contulerunt, ut Grotius hic loci falso supponit.

60. Prorsus hodieque jus Imperii Romani à regno Germanico & Italico sive Longobardico distinctum, nihil habet materiæ, quam ab urbe Româ & patrimonio ejus *περίου*; Quod ipsum quia penitus Imperatoribus sublatum est, apparet, nihil de Imperio reliquum esse, quam quod ipsi Imperatores Carolini cum

cum eo conjunxerunt, & quod Otho Magnus dein acquirit, jure belli ademptum Berengario: quod proinde non habent Germani à Romanis aut à Pontifice, neque per verus illud decretum, neque multo minus per singulares confirmationes, quæ penitus sunt commentitiæ.

61. Ex quibus apparet, quid quantumque sit in his verbis Grotii; *Atque eo titulo*, approbationis scilicet Pontificiæ, *sub se habet quæcumque populi Rom. fuerunt, neque pactionibus aut derelicti occupatione, aut victoriæ jure in aliorum populorum imperium concesserunt.* Quam modicum hoc sit, demonitramus, & hoc ipsum modicum non habet Imperator titulo confirmationis identidem renovatæ, sed ex vetere æternoque decreto, habendi pro Imperatore Regem à Germanis electum, ut toties dictum est.

62. Pergit Grotius; *unde illud quoque intelligi facile potest, quo jure Episcopus Romanus, vacante Imperio, investituras tribuat feudorum Imperii Romani, quia scilicet in populo Rom. tali tempore libero, primas obtinet.* Huc omnia redeunt; Episcopo Romano ut consuletur; Huic enim placere voluit Grotius in hoc quidem articulo juris non levis momenti, contra veras solidasque juris & Historiæ rationes; vix enim est ut aliter ab homine doctissimo sed cum Pontificiis *syncretizante*, liceat ita loqui, tam male coherens accipi possit disputatio.

63. Quod attinet ad investituras vacante Imperio tribuendas novis Imperii vassallis in regno Italiæ (nam de hoc intelligendus est Grotius, quia in urbe Roma & ditione subiecta Imperator Romanus nihilo plus juris habet aut exercet hodiè, quam Lutetiæ Parisiorum & per Insulam Franciæ) non videtur eas Pontifex ullo jure sibi vindicare, quia regnum Italiæ à populo Rom: non

dependet, nec unquam post invasionem Longobardorum ab ea dependit; unde nec ad Papam, ut primam urbis personam, quomodo Grotius loquitur, id est, Principem, dispositio de partibus ejus regni spectare potest. Jus enim Vicarii, quo Palatinus & Saxo præditi sunt in Germaniâ; nunquam in Pontificem, quod ad Italiæ attinet, translatum est; etsi Grotius in notis, Papæ jus cum illorum vicariatu comparat.

64. Hinc evanescit, quod Grotius subjungit his verbis; *Solent autem quæ sunt corporis alicujus, per primam personam, corporis nomine, expediri.* Nec enim corpus Romani civitatis jus regni Italiæ à Longobardis jure belli ademptum unquam recuperavit; unde nec primæ ejus personæ quocumque prætextu adscribi potest.

65. Quid autem de primâ persona nupetur Grotius, conterens Papam cum primatate Poloniæ Archiepiscopo Gnesnensi, qui vacante regno sedeat in throno? quasi Episcopo Romano idem jus competat. Nam ad regnum Italiæ nihil attinet ille; In urbe vero eique subiecto territorio non primæ personæ jus accessitum è Poloniâ & Judæa, quemadmodum Grotius instituit, sed verum jus Principis & Regis habet atque exercet.

66. Ideo inde à pluribus seculis, si regnum Italiæ ab urbe Româ dependet, Papa non vicarius Imperatoris, sed jure suo Rex est regni Italiæ, & Imperator nihil habet quam dignitatis *αξίωμα*, adhuc reliquum in opinione gentium ab excellente memoria populi Romani.

67. Sed, ut dictum, Italiæ regnum ab Imperio populi Rom. separatum, & cum eo deinde quidem conjunctum, non tamen constitutum fuit; ut Papa ejus feuda minimè conferre possit, abique speciali concessione Imperatorum aut populorum, quæ nunquam facta legitur; quem-

admodum de vicariatu Saxonis & Palatini factum videmus.

68. Quis igitur est Vicarius, dicat aliquis, dum vacat Imperium in regno Italix? Nihil profertur, quare necesse sit, aliquem statuere Vicarium, ubi nemo constitutus legitur, non magis quam in principatu Pontificis Romani, vacante sede, Vicarius est quisquam.

69. Iterum quaeritur, quo jure Rex Germanix sit pariter regni Italici Rex; si decretum æternum Populi Romani, quo placuit, Imperatorem suum esse, quem Germani Regem suum elegerint, ad regnum Italix non pertinet?

70. Respondetur, id esse clarum à tacita populorum, qui regnum Italix constituant ac indubitato consensu, qui per tot secula nunquam id egere post Othones, à quibus pleno jure redacti sunt in potestatem, ut alium Regem quam eum quem elegerint Germani, haberent.

71. Sequuntur ultima Grotii verba; *Neque vero male Cynus & Rasmus tra-*

didere, si Imperator Romanus morbo aut captivitate impeditur, fungi Imperio, posse ei vicarium dari ab ipso populo Romano. Nugatoria quaestio, pari de fione; nam in Germania dandi jus Vicarii nequidem ipse Pontifex jure populi Romani vindicabit; in regno Italix nemo in ipsum hoc jus contulit, nec id ab Urbe Roma dependet. In hac autem ipsa non laborabunt de Vicario Imperatori dando; à cujus imperio ipsum non minus quam Gallix aut Polonix Regem excluderunt.

72. Et hæc quidem hætenus ad locum Grotii, notabilem; magis studio in Pontificem Romanum, quod nisi plurimum fallor, ejus judicio præstrinxit; quam soliditate collectionis iuridicæ vel historicæ; qui tamen propter auctoritatem viri & momentum negotii, silentio neutiquam transmittendus videbatur. Qui plura cupit, videat *Limæum addit. ad jus publ. tom. 5 ad lib. 1 c. 4. n. 24.* & Commentatores Grotianos *aa b. loc.*

S E C T I O.

S E C T I O X.

Exhibens dissertationem de Imperio,

Sine vi, à populo sui juris, constituto, primum editam anno MDCLXXXIX. adversus Orationem ejusdem inscriptionis, habitam Franckeræ in Templo Academico, Kalendis Juniis ejusdem anni, quâ rationes Auctoris in *Lib. I. Sect. 2. & 3. de Jure Civitatis* expositæ, primum oppugnatae fuerant.

C A P. I.

Constitutio Quaestionis & de Origine Imperii Voluntarii.

Incertitudo Quaestionis de Imperio, ut non male dictum sit, fidei magis eam esse quam doctrinae. Occasio praesentis disputationis, contra sententiam, quod Imperium simpliciter constitutum primitus & unice à natura Mandati sit arcessendum. Ampliationem, quod pacto deinde plus juris in Imperantes sit translatum esse inritam; quia pacta semper detrahunt Imperio simpliciter constituto. Ne quidem pactum successionis si accedat, augere jus Imperii simpliciter delati, quia successio tantum est continuatio Imperii primum delati. Si Imperium mandati jure censetur, Imperium Regi semper abrogari posse. Non esse improbandam Hobbesii positionem; statum naturalem esse statum belli, facto, non jure scilicet. Ad hunc evitandum, opus fuisse unione civitatis perpetuâ & indissolubili, qualis non est à mandato.

Disputationes de Jure Imperii, quod non à vi bellicâ, sed à voluntate liberi & sui juris populi originem habuit, nostro saeculo à clarissimis ingeniis agitatae, his diebus, occasione motuum Britannicorum, denuo incaluerunt.

2. Nec abs re forte quis ita existimaverit, inanem hujus rei esse disputationem; quando Regnantes ubique tantum juris habere creduntur, quantum manu complecti & viribus exequi possunt; ut

hic fere unus sit Arbiter hujus Quaestionis.

3. Praesertim, quando tam immanis est diversitas opinionum, ut cum omnium singulorumque rationes examinaveris, incertior sis multò quam primum.

4. Non displicuit adeo institutum cujusdam ex *Anglia* scripti, quod publico nomine, vtro an praetexto, prodiret his debus, narrans, eò rem disputando esse redactam,

redactam, ut fidei potius quam doctrina
Questio Res videatur.

5. Proinde sibi esse propositum, ajebat, exemplis rem conficere, ut quod *Britanni* fecerunt, id jure factum videri, approbet iis Populis, qui exempla duntaxat ab ipismet edita refellere nequeant.

6. Non est tamen hæc omni ratione destituta res, & quanquam victoriæ ratio non redditur, causam tamen quisque suæ causæ præterdit; quin nec parum in animis populorum momenti habet juris conscientia.

7. Quanquam enim mortalium res facta magis quam jure constant, ita tamen non fedit humano generi, jus in viribus & potentia consistere, quod Hobbes & Spinosa volunt.

8. Cujus rei ratio quanquam satis e ducta & demonstrata fuit in *lib. 1. de jure Civitatis*, nova tamen occasio nata est, de naturâ summi Imperii, propriâ agendi dissertatione, quâ si nonnulla ex his quæ alibi collocata sunt, repeti videbuntur, in summâ tamen hac parte non metuimus offensam vel tædium Lectoris.

9. Dux sunt opiniones summæ, de efficaciâ Imperii non violenti; altera quæ *Principibus*, altera quæ *Populo* infinitam potestatem tribuit.

10. Prior duplici viâ procedit, unâ, quæ potestatem Imperantium à *Deo immediate* arcessit; alterâ, quæ populum in Reges omnia, quæ transferre potuit, transfussisse contendit.

11. Sed hanc, uti nunc est, paulispermissam faciemus. Utrique ejus membro satisfacimus *in loco*, & refutavimus utramque hypothesin. Ut tamen causæ voluntatis humanæ singulari modo supereminet divina voluntas, quæ submissione voluntariam hominum, sine quâ civitates ipsique homines salvi esse

nequeunt, auctoritatis suæ religione sacrosanctam facit.

12. Posterior sententia, *Potestatem supremam semper & in omni Republica populi* esse commemorat; idque nunc quasi jure suo postulat ab iis, qui successu Anglicano gaudent, nec illa consilia laudare non audent.

13. Angli tamen diligenter id agunt, ne hoc jure suum Regem nuper expulisse videantur; quando se Regi Imperium non abrogasse, sed hunc illo se abdicasse videri voluerunt, idque decreto publico enixe prosecuti sunt.

14. Quo magis nescio quam gratiam ab illis inrituri sint, qui se *Britannicam methodum* aliter quam *Miltonianis* rationibus tueri posse desperant.

15. Meo loco jam pridem factum est, ut cum hæc pars juris, cujus est, eam tractare Quætionem, mihi commissa fuisset, curæ habuerim, ut Auditores mei intelligerent, non opus esse ad *effrenem dominandi licentiam intra jura cancellos coercendam*, ut omnis Imperii vis aboleatur.

16. Quod parum aut nihil abest, quin è sententiâ, quæ statuit, *Imperantes nihil esse quam populi procuratores Mandatarios* fiat.

17. Procul habeo causas ægre ferendi, quod adversus rationes meas, quibus inter *impotentiam tyrannidis & insolentiam plebis mediam viam* curatè indagaveram, apud Academiam nostram disputari declamarique videmus & audimus.

18. Nam etsi id actum fuerit, ut rationes mihi propriæ resellerentur, quia tamen est problema tralatitium, ineptus sim, id si ullo modo succensendum putem.

19. Quin gaudeo potius, occasionem mea pressius examinandi exponendique veritatem liquidius, esse datam.

20. Quod

20. Quod quidem plane faciendum mihi fuit, ne primum caput Artis, quam fere quotannis vivâ voce tradimus, in defensum in loco destituisse videamur.

21. Modo æque faciles habeamus eos, qui hanc ipsam disquisitionem inchoaverunt, ut ferre queant dissentientes, quorum ipsi rationes primi impugnarunt.

22. Sententia, quam volunt esse hujus temporis, novissime renovata est his verbis; *Imperium à libero & sui jure populo in Magistratum, Principem aut Regem simpliciter collatum, primitus & unice ex natura Mandati arcessendum; vim autem majorem aliquam esse a Pactis inter populum & Principem initis.* In quibus terminis prora & puppis, initium & finis Orationis hac de rescriptæ & habitæ in templo Accedemix Franckeranz, kalendis Junii MDCLXXXIX. continetur.

23. Bene habet, quod Collator Imperii statuitur *populus liber & sui jure*, ut vis belli, præcipua & antiquissima Regnorum origo, ab hac disceptatione removeatur.

24. Sed hoc novum est in illa propositione, quod cum Imperii constitutio simpliciter in civitate facta, MANDATO perpetrari dicitur, *vis aliqua major* è Pactis inter populum imperantelque initis proficisci statuitur.

25. Nam quæ Pacta inter populos atque Reges iniri videmus hodie, vel quæ unquam inita fuisse accepimus, omnia pertinent *ad Regiam potestatem limitandam*, ac intra certos terminos coercendam.

26. Qualia certè videmus esse, quæ Germani, Britannorum, Polonorum aliique populi olim novissimeque cum suis Regibus inaverunt.

27. Adeo, ut si potestas Regia simpliciter delata nihil sit quàm *Mandatam*, pacta nihil esse possint quam circumscriptioes & quædam *instruções* mandati

exercendi ac administrandi, ne sit Procurator *cum Liberâ*, quem vocant.

28. Nec mihi venit in mentem, ulla unquam pacta cum Regibus augendi juris eorum causa fuisse inita, nisi per abolitionem pactorum, quibus Summa Potestas prius adstringebatur, ut nostrâ memoriâ factum est in Dania.

29. Si facultatem successionis ad heredes, quæ sepe venit ex pacto, & naturæ mandati non inest, huc referendam putes, fac cogites, hoc pactum efficere, ut jus delatum vere alienatur; neque mandatam quod morte extinguatur, amplius esse queat; cum translatio in heredes, alienatio in primis liquida & perfecta sit.

30. Præter quod, jus Successionis utcumque sit alienatio, tamen intensionem augmentumve potestatis præstare non potest; cum sola temporis extensionem adferat.

31. Nam constitutio successionis, nihil est aliud, quam juris primo delati in heredem continuatio.

32. Quod autem successoria Regna plerumque videmus esse liberioris potestatis, non juridicis, sed politicis causis accepto terendum; eo quod artes & usurpationes regnantium in successivis, facilius quam in Electivis Imperiis intercedunt.

33. Sed jus heredum per se nec majus neque minus est, quam fuit ejus, cui Imperium simpliciter est delatum, quemadmodum & de Magistratibus hereditariis obtinere manifestum est.

34. Unde colligi potest, quam juris & prudentiæ sit inops hæc sententia, *quæ Regiam potestatem simpliciter & sine Pactis delatam, à natura Mandati pendere statuit.*

35. Nam si Regia potestas simpliciter delata, *eodem quo constituta est arbitrio* revocari & aboleri potest, ut natura Mandati fert & novi Auctores disertè statuunt, *palam est,*

O o

36. Man:

36. Mandatum cum pactis adjectis; ne successorio quidem excluso, plus continere non posse, *quam ut mandatarius semper ab arbitrio mandantis dependeat.*

37. Proinde, si Britanni suum Regem ex Lege Mandati destituerint, ut hujus sententiæ Auctores velle debent, non est recusandum, quominus eadem Lege Mandati, Rex novus, ubi populis visum fuerit, ab re ipsorum administranda curandaque removeri atque dimitti possit.

38. Idque, tametsi Leges Mandati exactè servaverit; sub præstatione *indemnitas*, ratione impensarum, & *gratiarum actione* pro opera præstita.

39. Nam hanc facultatem in esse mandati obligationi, notissima juris omnium gentium ratio & observatio dicitur.

40. Sed absit Omen! credo, ipsos mandati Regalis Patronos esse dicturos.

41. Quamdiu tamen Pacta Britannorum cum Regibus suis *ad auendam potestatem Regiam simpliciter positam iusta*, non demonstrantur, Thesis nobis contrariam ita ferre fati est manifestum.

42. Atque hæc ad statum controversiæ. In ipso tractatu Quæstionis occurrat primo adversus *Hobbesium* disputatio de jure *Naturæ*, nobiscum *Oratori* communis.

43. Nisi quod minimè negandum est, ut visum illi, *Statum naturæ esse statum belli*; hæc est, naturam hominum adeo esse corruptam, ut suos quoque proximos oderint, eosque si prævaleant, spoliare cupiant; adeo ut, si homines sine imperio agant; pax inter eos custodiri nullo modo possit.

44. Et si hæc humanæ naturæ perversitas non juris, ut *Hobbes*, sed injuriæ causa sit; quandoquidè ratio naturalis, ut unquam corrupta in alia omnia concedit.

45. Hunc casum belli promiscui, in quem incidit omnis *Anarchia*, tam ne-

cessario, quam id semper & ubique factum vidimus, *ubi nulla Civitatis erat unitas cum Imperio*, maximum esse malum, cujus sit capax humanum genus, non potest negari & fatentur dissentientes.

46. Idcirco hanc acerrimam hominibus causam extitisse *constituendi civitates*, tam clara res est, quam certum, *anarchia* vitium, non nisi contrario stabiliendi Imperii instituto posse devitari.

47. Non excluso licet, amore societatis & mutuarum necessitudinum communicatione, rerumque judicandarum necessitate, de quibus *Orator* prolixè.

48. Quæ bona sine pace & unione Reipubl. haberi non possunt, & cum bello promiscuo pariter amittuntur.

49. Quamobrem *nihil actum erat* ab hominibus, quam diu talem non statuisent *Unionem*, qua statum illum funestum arcere bonaque pacis conservare possent.

50. Proinde nec dissolubilem, nisi ob mala non minora, quam erat ille status belli promiscuus, absque Imperio inevitabilis.

51. Hoc populos voluisse tam est dictu necessarium, quam illos *bellum omnium contra omnes* quam maximè averfari manifestum est.

52. Verum enimvero modus formandi talem unionem, in libero *suique juris populo* inde ab initio plane est arbitrarius.

53. Sive Imperium *uni* demandare homini, vel *pluribus* simul, aut *ipfi per se* retinere velint, ut contendit *Orator* & fateri necessum est.

54. Sed hoc è necessitate unionis illius & cautione necessaria vitandi statum belli, fati intelligitur, Mandati contractum nullo modo videri potuisse sufficientem; utpote, quod semper in proximâ sit potentia revocationis; quali facta, sublato Imperio, recidit populus incontinenti in statum belli.

55. Et sic

55. Et sic velim, hoc observetur, hunc qui statuit, Imperium in Principem aut Regem simpliciter constitutum, primitus & unice ex natura mandati arcessendum, idem necessario statuere oportere de omnibus Imperiis hodieque simpliciter constitutis.

56. Quippe inter Imperia simpliciter stabilita sine Pactis specialibus, ut sunt pleræque Aristocratæ, sicut hodie extant,

& quæ primitus sine Pactis simpliciter fundata sunt, non potest esse diversitas; quæ sanè à tempore solo proficisci non potest.

57. Nullam igitur vim facimus illorum sententiæ, quando æque illam ad hodierna, quam ad primæva Imperia simpliciter, inquam, constituta, pertinere diximus, quoniam aliter res intelligi nequit.

C A P. I I.

De Jure Imperii Popularis, quale fuit Athenis ac Romæ.

Populos cordatos Imperium sibi retinere solere. Formam popularis Imperii esse pluralitatem suffragiorum in singulis Imperii actibus. Ejus rei effectus. Singulos cives intelligi, renunciare libertati suæ, in casum, si numero suffragiorum uniantur, sine discrimine juris, an injuriæ; quo spectare obedientiam, vulgo dictam, passivam; quam tamen non patere in infinitum, etsi ad minora mala non possit restringi, quod exemplis illustratur & objectiones quædam remouentur. Relinquere tamen licere Civitatem, si qui male habiti sint. Non obstare huic sententiæ secessionem plebis Romanæ. Responderur ad aliam objectionem. Concluditur, in populari omnique Imperio, Magistratus quasi mandato constitui. In exercitio Summæ Potestatis nullam dari speciem Mandati.

Contemplemur omnes Civitatis formas, & videamus, an usquam inveniamus Mandati contractum in Imperio primitus simpliciter constituto; & primo quidem ratione Democratæ, sive Imperii popularis.

2. Primo omnium, In quavis Reipubl. formâ Summam Potestatem, si modo summa sit, eandem, quod ad vim ac intentionem ejus attinet, esse oportere, manifestum est

3. Qualis autem illa vis ac intentio sit, nos viâ quâdam demonstrationis propriâ indagavimus in Libro 1. de Jur. Civitatis, cujus etsi ab Oratore comiter

intrisæ, cur nos poenitere debeat, ad huc causam non videmus.

4. Initium facimus à facultate Imperii in civitate Populati, quam proximè à statu naturali longissimeque ab invidiâ, quæ hominum judicia præstringere solet, abesse manifestum est

5. Nihil est propius & promptius, quàm ut populus sui compos & generosus ipse retineat Imperii moderamen, nec aliis se committat, summæ memor hominum improbitatis, avaritiæ sevitæque, dum adest licentia.

6. Nec aliter cordatissimi quique populi vel inde ab initio, vel post experientiam

rientiam, præcipuis auctoribus Romanis & Atheniensibus, consuluerunt.

7. Modus exercendi regimen populare ab iisdem est editum, idemque est unicus, qui in multisitudine, daripotest; prærogativa numeri SUFFRAGIORUM in rebus summis, & MANDATUM improprie dictum in minoribus per Magistratus procurandis, quorum jus scilicet à majoris partis voluntate pendet.

8. Effectus conclusionis à majori parte factæ fuit idem, qui est in omni Universitate, qua certo regimine continetur, ut decretum majoris partis omnium & singulorum voluntas censeatur.

9. Quod tamliquidæ in campo Martio fuit observantiæ, ut cum pars major centuriarum consentiret, reliqua centuriæ, cum earum voluntas majori parti inesset, ne quidem rogarentur, ut morboris prodidit Dionysius Halicarnassensis.

10. Hoc autem ex præviâ submissione & renuntiatione singulorum manasse, tam certum est, quam clarum, quod in libero populo non detur exitus dissensionum, nisi hac viâ, vel pugna belli.

11. Insignis igitur juris imprudentiam animadvertere licet in his verbis, de unionione liberi populi factâ in civitatem, prolatis; Coiere fœdus & societatem, sui equaliter conservandi causâ, nec ulli suo jure, in quod erant geniti vel verbis vel animo RENUNTIAYERANT (pag. 26.)

12. Namque libertas faciendi quod libet, in quam maxime sumus geniti, per fœdus civitatis & imperii popularis, majoris partis arbitrio subjicitur, in casum, si quem in minore numero esse contingat, eaque tam late patet renuntiatio, quam pene sunt actiones humana.

13. Proinde sine renuntiatione facultatis illius faciendi quod libet, si populo secus videatur, nullam posse constitui Civitatem, manifesta res est.

14. Nec quicquam refert, quod ad vim obligandi attinet, utrum rectius an pejus major pars sentiat; alioqui Lis super hoc judicio rem identidem ad primam redigeret confusionem, quam ut omnium malorum maximum, cives supra omnia vitare voluerunt.

15. Nec aliud dicendum, etsi malitia in parte majori adversus aliquos appareret: Ejus enim injuriæ patientia longe optabilior est, quam bellum. *ἀναξίας*, idque singuli, antequam eveniret, rogati, præferre non cunctarentur.

16. Proinde, quod in thesi quisque censuit esse faciendum, id in hypothesi nemo improbare potest.

17. Hoc Cicero dixit his verbis: *Est enim Conditio liberorum populorum præcipueque hujus Principis populi & omnium gentium domini atque victoris; POSSE SUFFRAGIS VEL DARE VEL DETRAHERE QUOD VULT CUIQUE.* *Nostrum autem, qui in hac tempestate populi salvamur ac fluctibus, est, ferre modicæ populi voluntates, alligere alienas, retinere partas.* Orat. pro Planco.

18. Hæc est obedientia, quam vocant Passivam, Oratori nimis exotâ, FERRE populi VOLUNTATES & injurias; Nam jus verum populus inique agendo non magis quam Privatus quilibet adsequitur: Et hinc pendet judicium de Petalismi ac Ostracismi antiquorum.

19. Nec tamen infinitum durat hæc submitio & renuntiatio; non sane, si pars major coitione facta idagat, ut reliquos omnes aut magnam partem vitâ bonisque pro lubitu exuere possint: Id enim non esset minus malum, quam promiscuum bellum.

20. Verum ut vis aut damnum singulis illatum imperii solvendi causam præbeat, id Reipubl. conditores nullo modo voluisse palam est; salvo tamen moderami-

deramine inculpatae tutelae, contra vim more latronis illatam.

21. Ita enim in animum omnes inducunt; non posse rempub. sine magnis injuriarum exemplis haberi, quae ferenda, eo quod utilitate publica contra singulos videntur, ut de hoc genere Tacitus.

22. Atque ad hujusmodi contentionem submissionemque, populi facile descendunt, quoniam in fœdere Democratico conditio, spes & ratio par est omnium: Nec quisquam magis se superatum iri, quam alios superaturum, praesumere potest.

23. Equidem ab Oratore conceditur, minorem partem utcunque dissentientem ad sequendum majoris partis sententiam teneri, ferenda etiam minora quaevis incommoda.

24. Sed majora mala, liberorum abductionem, mancipationem, decimationem gregum, armentorum omniumque proventuum, non esse ferendam.

25. Ad ea sic est ratio; Si pars major in id conspiraret, ut minorem partem simul, aut carptim eo modo vexet, affligat & exhauriat, hic casus à nobis jam olim est exceptus, *etsi vix facultatem habeat, neque extet, opinor, exemplum.*

26. Injuriae singulorum paucorumve ferendae sunt, ut Cicero monet: *Est enim haec conditio & facultas populi ex primo instituto acquisita, faciendi injurias impune.*

27. Nec ideo tantum laudabiliter fecit Aristides & Camillus, quod exilia injusta patienter tulerunt, sed Themistocles & Coriolanus injustè quoque fecisse judicantur, quod ob similes injurias, quas pati debuissent, bellum Patriae intulerunt aut paraverunt;

28. Imo, ajunt dissentientes, nec injuriae neque juris iniqui quicquam, major pars Civitatis in minore habet aut exercere ullam speciem vel colorem potest.

29. Imo pars major, addam, agit per-

fide & scelere, quis neget? jus tamen ex contentione stabilitum est, propter injurias privatis illatas, Imperium Civitatis non resolvi, nec vi agendum.

30. Dicitur vetus & sanctum est, vim patriae & parentibus non inferendam. Hoc tamen tantum de Patria parentibusque beneficis accipiemus? Digna res monitu, scilicet! ad duros & iniquos inprimis spectat.

31. Quid opus heic notissimam Juris, quod est bonum & aequum, & juris, quod est, facultas ad aliqua habendum vel agendum, inculcare distinctionem? qui nescit vim ejus, etsi terminos usurpet temere se talibus immiscet.

32. Sed ajunt; *Saltem secedere fas erit.* Fugere quominus liceat male habitis, nulla vetat ratio. Sed novam per secessionem in iisdem sedibus instituire Remp. contra fœdus unitatis esset, & belli principium inevitabilis.

33. Ajunt; *Romana plebs, quum à Senatu, quocum comparata, erat veluti minor, certe inferior civitatis pars, durius tractaretur, secessit plus semel ex fœde Patria, quod nemo veterum non laudavit. pag. 66.*

34. Verlamur in hypothesi Popularis Imperii, quale fuit Roma vetus, & hæc verba majorem partem è dignitate metiuntur! Tu dic, Senatus fuit inferior pars, quia numero minor. Auctoritatis aliquid, potestatis nihil habuit, *quæ tota fuit populi, ut partis majoris.* Denique, nihil apertius in rem nostram, quam specimen illud exempli proferri potest.

35. Superest aliud argumentum, *Major, ajunt, pars, si à toto populo separari ac distingui potest, omni populo est inferior; quippe qui semper rescindendi potestatem habet, quicquid major illa pars stauerit.*

36. Arguantur & fingunt majorem partem, quali semper eandem, iisdem semper

semper hominibus constantem; etsi nec sic quidem hæc consecutio valeret; nam major pars se & semper eadem, nunquam subjecta fieri posset.

37. Sed *major pars in singulis decretis cum minora comparanda est, ut ratio Imperii intelligatur*, neque ulterius extendi potest; cum ipsa facultas perpetua penes populum sit, qui Imperium in se habere, saltem actu exercere non potest: sed ratio imperii, inquam, in singulis actibus, decretis & maximè in ultimo quovis decreto elucet.

38. Non quidem est impossibile, ut totus populus, nullo excepto, consentiat; sed quia hoc ut plurimum aliter se habet, ponendum est id, quod fallere non potest, ut decreta populi voluntate majoris partis inita intelligantur. Neque totus populus etsi consentiens plus juris habet, quam major pars; ac ideo nulla inter eos est oppositio.

39. Id vero plus quam manifestum est, partem majorem eventu suffragiorum identidem repertam obligare cæteros, non vi *mandati* ab his accepti, sed per modum renuntiationis & submissio-

nis in hunc eventum à singulis antea factæ.

40. Si qua pacta in antecessum, quæ major pars servare debeat, adjecta sint, hæc servari debere non est dubium; sed de his commodius infra agetur.

41. Non deest equidem Mandati usus aut similis in Imperio populari; Nam Magistratus, quibus administratio Reipubl. quotidiana committitur, per mandatum, vel saltem per jussum constituuntur.

42. Qui proinde semper obnoxii sunt populo ad reddendas rationes, novisque præceptis regi & circumscribi possunt, injurias etiam ferre populi, non secus ac quilibet Privati: Sed hoc ad Summum Reipubl. Imperium, quod est identidem in numero prævalente, nullo modo pertinere, non est quod moneamus.

43. Illud verò, quod Magistratus jussu potius quàm Mandatu constitui diximus, id hanc habet rationem; quod Mandatum sit inter pares, jussus est superioris ad inferiorem, & habet parendi necessitatem; quæ est etiam in muneribus publicis respectu Sum. Potestatis.

CAP. III.

De Imperio Optimatum.

Momentum differentiarum, utrum Imperii causa sit Mandatum, an Alienatio, exhibetur in exemplo Aristocratia. Cujus potestatem raro Pactis limitari. Si Imperium ex Mandato sit, unam modo esse Reipubl. formam, Democratiam. Plerumque Aristocratias prescriptione temporis atque ita tacite & sine pactis constitui. Posse tamen & expressè, exemplo declaratur; eum actum non esse Mandatum; Jus Aristocratia lapsu temporis stabilita demonstratur & explicatur. Si tamen expressè Pacta cum Optimatibus ineanantur; hæc & servanda, & quæ contra fiunt, ipso jure nulla esse.

Verum ejusmodi species popularis Imperii jure modoque administrandi, vix est, ut ulla detur amplius in Mundo; Confusionum tumultuumque experientia Monarchias vel Aristocratias, five Regna & Optimatum Imperia passim introduxit.

2. Utraque, si de vi bellica non constet, *populi voluntate ac consensu expresso vel tacito, post Deum, constituta esse oportet.* Tertium enim non datur, nisi tyrannides ponas.

3. Nos de *Optimatum potestate*, quæ proxime à populari civitatis genere abest, primo videbimus; *sive per Mandatum, an per translationem juris irrevocabilem, constituta.*

4. Quantum inter sit, utrum stituas, ex supra dictis intelligi potest. Nam si *Mandatum* sit principium Aristocratia. *Populus aut major ejus pars semper est superior Optimatibus Reipubl. prepositus. Hi semper tenentur ad rationes reddendas; semper in ordinem redigi & puniri possunt; Denique, semper iis potestas, etsi ad tempus certum aut ad vitam constituti sint, adimi potest.*

5. Hæc enim est notissima Mandati

natura, quod cum totum sit in gratiam mandantis, *quicquid de tempore aliorum conditionibus sit adjectum, à Mandantis nutu, qui manet rerum suarum arbiter & moderator, dependet.*

6. Non valde acutum esse opus est; ad intelligendum, quantum è Republica petatur hoc imprudentissimo postulo, *quod omnis Imperii simpliciter constituti vis & jus petendum sit à Natura Mandati.*

7. Nec minuitur insolentia dicti, hac limitatione; *quod pactis inter populum & imperantes major aliqua potestas deferri soleat.*

8. Quid enim hæc limitatio in Reipubl. valeat, NIHIL scilicet, jam primo capite probatum est.

9. In Aristocratia adhuc minorem habet usum; *quia in stabilis Aristocratia, præsertim laxioribus, rarior aut penitus nullus pactorum usus venit.* Nulla sunt in Venetis, nulla, vel pauca, si qua sunt, in Batavis, in Frisiis & vicinis Nationibus.

10. Singulorum municipiorum sua sunt privilegia; sed totus populus non habere solet pacta cum *Proceribus Reipubl.* ad uni-

ad universum regimen spectantia, quem admodum Frisiz populis *nulla habet potestas cum Immobilium possessoribus*, quos penes est summa potestas.

11. Nihil apparet quam simplex Imperii constitutio, quæ proinde ex Oratoris disciplina, pendet unice ex Lege Mandati neque differt ab Imperio primitus & simpliciter constituto, siquidem nihil ad summam, novè, potestatis accessit.

12. Ac ita subjecta est populo, *semper ab eo dependet*, huic reddenda ratio, ab hoc aboleri, mutari, ad mandantes revocari aliisve deferri potest.

13. Hæc non sunt consequentia, quibus adversam opinionem oneramus, sed explicitæ notissimæque Mandati proprietates, quæ hunc titulum audienti ultrò sese offerunt.

14. Si quis autem in his rebus Optimum Imperio adscribendis nihil incivile reperiat, eum nec hoc movebit, *quod secundum hanc sententiam, una tantum sit Reipubl. species, DEMOCRATIA*, modis administrandi variata.

15. Nam *Democratia est, quando summa potestas est penes totum populum, qui mandat, vel injungit exercitium sui juris Magistratibus, ut ministris suis. Mandatum semper relinquit jus ipsum penes Mandantes.*

16. Proinde, si mandatum à populo proficiscatur in Regnis & Aristocratibus; *hæc non sunt species oppositæ*, quomodo adhuc creditum est, *Democratia*; sed huic *subordinatæ*, sive modi illius.

17. Summa Potestas est *Anima Civitatis* eique dat formam; *Si hæc semper est penes populum, non potest aliunde forma Reipubl. quam à populo arcessi.*

18. Quanto rectius *Populi* jus in Optimum translatum, iisque Summa Potestas, in Aristocratibus, *nulli extero subjectis*, competere dicitur!

19. Nemo quidem antehac dubitavit,

quin Summa Potestas, ut in Democratia penes populum est, ita in Aristocratia penes *Proceres*, in Regno nullis potestatis limitato penes Regem esset; ita finire sunt soliti juris publici intelligentes.

20. Sed qui ad omnia solita pridem nauseare sunt visi, non est mirum, si & alia paradoxa præferant.

21. Cæterum, exempla populorum, quæ Democratiam, habita deliberatione & expresso consensu, mutaverint in Aristocratiam, vel hanc primitus constituerint, pauca memoriæ prodita sunt, adeo ut *pleraque sanè à tacitâ voluntate repetendæ videantur.*

22. Cujus rei hanc ego rationem existimo esse; quod plebs libentius pareat uni cælo Principi, quam pluribus se paulo majoribus, quibus non facile per specialem voluntatis actum se submittit.

23. Facilius patitur, quando à Demagogis non incitatur in Optimates, ut hi summam Potestatem exerceant & præscriptione temporis adipiscantur, quo modo summum jus æque perfecte quam per actum voluntatis expressum acquiri, in capite de *Præscriptione S. P.* supra demonstratum est.

24. Quo casu cum locus non sit Patris, Imperium simplex & quasi primitus delatum sese conspiciendum præbet.

25. Quominus tamen Aristocratia expresso quoque stabiliatur actu, ratio nulla vetat; exempla quoque non desunt; etsi pleraque, ut in Belgis usu venit, è præscriptione longissimi temporis, aut memoriæ excedentis, profecta videantur.

26. De Florentinis notabile est, quod cum hi populariter agerent, aliquando suum jus totum in paucos conferre sunt soliti, ad tempus & ad certas causas, *instar Dictaturæ.*

27. Modus

27. Modus; quem deinceps in perpetua translatione sed involuntaria, similiter observarunt, his verbis describitur à Guiccardino *Histor. Ital. lib. XI.* quæ cum venia Lectoris heic collocabo.

28. *Convocato insu la piazza del Palazzo, col suono della campana grossa, il popolo al Parlamento, consentirono, che à circa cinquanta cittadini fusse data sopra le cose publiche la medesima autorità, che haveva tutto il popolo. Chiamano Fiorentini questa potestà così ampla, BALIA;* Id est, Convocatus in forum patii, per sonitum campanæ magnæ, populus ad Comitia, consentit, ut in quinquahinta circiter cives conferretur eadem potestas in res civitatis, quam totus populus habebat. Hanc potestatem adeo amplam vocant Florentini, *Baliam*, quasi projectionem.

29. Credo nec oratorem negaturum, si hoc modo liber & sui juris populus optimates in perpetuum civitati præficiat, *quin hi verè summam potestatem non ex mandato, quod summo juri repugnat, sed per translationem habeant.*

30. Verum ubi de tali translatione non constat, videndum, quid tacitus consensus ferat; Qualis erat futurus, si populus Romanus acquievisset in usurpatione Senatus, post Reges expulsos eique Rempublicam permisisset.

31. Quemadmodum in nostra Patria contigit, post ejuratum Dominum; Summa potestas nonnisi ad populum *per se* redire poterat, nec adeo ad Rectores Civitatum in *Hollandiâ*, nec ad possessores immobilium in *Frisiâ*.

32. Quoniam pauci vel saltem longe minor pars populi non possunt in omnem habere potestatem, nisi vel ex *Consensu*, vel ex *Bello*.

33. Posterior cum nullum fuerit, quo Proceres plebem subegerint, nihil superest, quam *consensus*, quo summa potestas vacua denuo stabilita fuerit.

34. Quando igitur nihil expressum est, fieri debet, quod unice in rebus humanis fieri potest, ut dubia voluntas è conjecturis & effectis colligatur.

35. Ex his autem manifestò liquet; nostrates populos non mandasse tacite, sed abdicasse ab se jus summæ potestatis, ac ita transfalisse in Optimates.

36. Passi enim sunt inde ab initio; Rectores civitatum & Possessores immobilium non *expresse* ab ipsis constitutos, sine ullis pactis suo arbitratu Rempublici administrare.

37. Ipsi populi nunquam de publicis rebus in unum convenerunt, ut vel præscriberent optimatibus, vel rationes ab illis exigerent.

38. Existimarunt quod res erat, ejusmodi conventibus universi populi, bonum publicum retardari, & omnium rerum foveri confusionem.

39. Neque deinceps dubitatum est, quod optimates egissent, perinde habendum, ac si à populo toto id actum fuisset.

40. Ardua quæque pacis & belli negotia ultimis & peremptoriis Procerum decretis constitui & finiri, ne tacitis quidem rumoribus unquam sunt questi, idque jam toto sæculo continuatum est.

41. Nullus ordo, nulla facultas, nulla potentia totius populi in unum convocandi. Nec ulli unquam fuere tales conventus, nisi per deformes & insanas seditiones.

42. Quas qui jure summæ potestatis, in populo sitæ, factas adseveret, tam egregius auctor politicus fuerit, quam qui omne Civitatis Imperium è populi mandato arcessat.

43. Quod igitur nunquam habet actum exercitum, ei nec actum primum nec adeo juris facultatem adscribere fas est.

44. Atqui jus totius populi majorive partis

P p

partis apud Frisios & in cæteris nostratibus liberis populis (sive *Provinciis*, ut more sæculi loquar) nullum habet actum exercitum, ne habuit unquam.

45. Ergo nec actus ei primus, qui semper & necessario est in Mandante, potest adscribi.

46. Consequenter, tam sua voluntate nostrates populi jus suum, quod ipsi plurimum prærogativâ exercere potuissent, transtulerunt in Optimates, quam populus Romanus id se nolle facere palam testatus est, quando Senatui summam Potestatem usurpanti se opposuit, apud Livium *lib. 2.*

47. Non potest igitur populus *Ventorum, Batavorum, Frisiorum* à suis Optimatibus repetere jus quod alienaverunt, quod transtulerunt, & quod repetere illique adimere possent, si Proceres mandatum à populo haberent potestatem.

48. Ne quidem etsi perverse consulant Proceres, etsi publicam rem negligant, majorem sui commodi, ut sit, quam communis rationem habeant, multisque hominibus præter rationem graves & iniqui sint, non est tamen populo jus arma capiendi atque resistendi.

49. Cum enim nihil sit contestatius & liquidius hodiè, quàm quod olim Plato ad Dionem de sui temporis civitatibus scripsit, *ὅτι κακῶς ἐγίγονται πολιτείας. quod omnes malè administrantur*; sententia, quæ mandantis jus Populo, mandatarii Regnantibus adscribit, nullum unquam stabile jus parendi imperandi que relinqueret.

50. Duntaxat, nisi palam sit, hoc a-

gere Optimates, quod vix fieri potest, ut hostes se populi sui gerant, vel datâ operâ civitatem pessumdent; hoc casu cessare fœdus civitatis, antea demonstratum est.

51. Quod si populus *certa pacta* cum Optimatibus inierit, inde ab initio vel deinceps, aut si *ad tempus* illos præesse voluerit, non est dubium, quin acta factaque optimatum, post illud tempus, aut contra leges conventionis, *sint ipso jure nulla.*

52. Tantum abest, ut pacta *vim aliquam majorem, Mandato scilicet Imperii,* quod Orator volebat, circumdent.

53. Neque tamen etiam illa pacta conditionesque faciunt, ut delatio Imperii fiat *Mandatam*; verum, ut sit Translatio conditionalis efficiunt.

54. Hac ratione Decemviri apud Romanos, accepta sane potestate summâ, verum ad tempus & ad certum finem, elapso tempore vel expleto fine præscripto, nihil erant quàm privati; ut jure Cives, etiam privati illis restiterint.

55. Nec idem adfirmare verear, si qua Respublica Rectores habeat annuos, cum summa potestate, qui post annum ut Imperantes se gerere perseverent.

56. Ut adeo frustra Decemvirali exemplo in rem suam & mandati probationem utantur Oratores.

57. Verum, ut antea dictum, Pacta vitandæ tyrannidis causa in Optimatum Imperiis adeo pauca sunt, quam rara tyrannidis in *Aristocratiis*, præsertim laxioribus, exempla, memoriæ sunt prodita.

C A P. I V.

De Jure Regni simpliciter delati.

Constitutionem Regis sine pactis non habere naturam Mandati, probatur à quatuor Mandati proprietatibus; quæ in tali regno non habent usum. Ergo nihil superesse, quàm ut sit translatio juris & alienatio, Eligentesque fiant subjecti, ut in matrimonio, Tutelâ Curâque fit. Eam rem esse evidentiorē, si populus aut Ordines nullos habeant statos conventus. Idem sentire populos, quotquot Regum primitus & simpliciter constitutorum potestatem limitant pactis, quod in mandato fieri nihil est necesse, cum Mandatarius semper à mandante Leges accipere possit & debeat. Rursus idem indicare populos, qui ut regnum faciant absolutæ potestatis, nihil aliud agunt, quam ut pacta prius adjecta aboleant; quod Danico exemplo illustratur. Unde conclusio formatur ad subjectionem populi totius in regno simpliciter delato. Denique, jus divinum confertur & explicatur. Et de jurejurando, quod Rectores simpliciter creari præstant.

Sed Imperium Regale, quod jure belli non est fundatum, voluntate populorum expressâ plerumque constituitur, idque vel simpliciter, vel cum certis pactis.

2. Quantum inter sit, utrum constitutio Regis simplex sit *Mandatum*, an *translatio* juris, quod populus habet, *superius* intellectum est.

3. Nos ita existimamus, *Constitutionem Regis simpliciter factam, esse Translationem* juris imperandi totius, quod habet populus, aut alioquin optimates; cui *Pacta* tantum derogant, quantum in iis continentur.

4. Orator constitutionem Regis simpliciter factam vult esse *Mandatum*; sed *Pactis* fieri, ut quandoque major aliqua potestas regnantibus tribuatur, contendit (pag. 10.)

5. Videamus primo de Rege simpliciter constituto, sine ullis pactationibus, quales plerique Orientis Reges olim ho-

dieque habentur, qualis & *Gallia & Danica* Rex nuper creatus.

6. Ejusmodi simplicem Regis constitutionem non esse *Mandatum*, probabimus, tam ex naturâ Mandati, quam ex jure, quod in talibus regnis, omnes inveniri solentur.

7. Ad naturam Mandati pertinet, primo, quod *Mandans est superior*, Mandatarius *inferior & minister*, ac ita appellantur.

8. II. Mandans de singulis rebus Mandatario præscribere potest, & hic non tantum de dolo, sed etiam de culpa negligentiaque tenetur.

9. III. Mandans semper revocare potest *Mandatum*, modo indemnem præstet Mandatarium; non tantum si male res gerat, sed etiam, quoties *Mandator* per se vel per alium res suas administrare mavult.

10. IV. Mandatum suâ naturâ non transit

transit in heredes, sed morte semper extinguitur; quia in illo certæ personæ industria eligitur, cujus æstimatio non semper transit in heredes, idque non modo civili, sed etiam universo jure moribusque Gentium servatur.

11. V. Concessio alicujus juris Illi & heredibus ejus facta, nihil est aliud quam alienatio, quæ est Actus, quo jus ali- quod de personâ in personam transfertur. Proinde nec magistratus jure hereditario delati, sunt amplius officia de manda- ta, sed munera proprio jure competentia, quæ nec adimi possunt, etsi legibus cer- tis & nomine superioris administrantur.

12. Quippe omnes hæ proprietates non modo in privatis, sed etiam in publi- cis Procuratoribus, id est, Magistratibus, qui Mandatu vel jussu summæ potestatis constituuntur, ita se habent, ac ita ob- servantur, tam in Democratia quam in aliis civitatibus.

13. Sed in Regibus simpliciter con- stitutis nullo modo habent usum.

14. Nam I. Reges à populis suis vo- cantur *Domini Clementissimi*, non tan- tum à singulis, sed etiam ab universis, nec modo per *complementum*, ut ajunt, civilitatis, sed etiam *περὶ ἡμᾶς* & so- lenniter; populi se appellant, *subjectos si- delissimos*, ut non modo Dani, sed etiam *Angli manducæ* congregati.

15. Ita nemo unquam Dominus man- dans adversus Mandatarium suum locu- tus est, aut loqui potest.

16. II. Nunquam populi Regibus simpliciter constitutis de singulis rebus præscribere instituunt; etsi aliquando supplicantes, quod mandantis qualitati repugnat, videas; extremis solummodo violentiis resistere quandoque solent.

17. III. Nullus unquam populus con- tendit, ut jam postuletur, *jus sibi esse Regi simpliciter constituto abrogare pote- statem pro libitu & pari libertate quâ*

constituit illum, ut naturæ mandati con- sentaneum esse diximus. nihil naturæ negotii manifestæque partium voluntati magis est contrarium.

18. Quod si Regnum certis Legibus sit delatum, ut nuper Anglicanum; in cæteris, extra Leges exceptas, aliter ha- bere se non potest, quàm ut primitus & simpliciter constitutum.

19. At si hoc à mandati naturâ sit æ- stimandum, nihil obstat, quominus Ordines populi, deinde novas leges Re- gi præscribant, quibus ejus potestas ma- gis m. gisque restringatur.

20. Quod tamen ita non esse juris, Angli ipsi, quorum disciplina minus quam aliarum gentium à mandataris opinio- nibus abhorret, arbitrantur, aliterque observant.

21. Regna primitus & simpliciter de- lata, pleraque successiva sunt, multo paucioribus electivis: Atqui jus succe- sionis mandati naturæ adversum esse, nihilque liquidius arguere alienationem antea demonstravimus.

22. Ex his omnibus liquet, Regiæ potestatis constitutionem nihilo secus se habere, quam fert natura cujuslibet potestatis, cui se aliquando volentes, subiciunt.

23. Minor, qui Curatorem; Uxor quæ virum, servus qui Dominum eli- git (juris est Hebræi, atque Romani,) quam potestatem voluntate sua fecerunt, ei subjecti sunt, ut eadem se eximere nequeant.

24. Quod si jus Regium non sit ex mandato, sicut inde non esse probavi- mus, debet esse à translatione juris, quod eligentes habent & quod Regi ces- serunt, dederunt.

25. Hoc est evidentius, quando po- pulus, Rege constituto, dilapsus est, ut nunquam redeat, nec ullus ordo, nulla facultas conveniendi & de publicis re- bus

bus deliberandi jubendique reservata est.

26. Nullum enim potest evidentius signum esse, quod totum jus suum abdicaverit, idque univertum in Regem transfulerit, quam hujusmodi ininita dissolutio.

27. Presertim siantes, cum juris non parum ipse populus & optimates retinuerint, coavenire sint soliti, quemadmodum in *Dania* vidimus factum.

28. Quod tendens ad hanc positionem, *Rex nunquam in mandata sibi à populo Republ. tantundem juris obtinet, quantum ipse populus; nisi is disertissime id ei concesserit, & clarissimis verbis indubiiisque locutionibus suum à se pro suo & plane in Regem illum transfulerit (pag. 67.)*

29. Valde vereor, ut qui sic loquuntur, quid *Mandatum* sit intelligant, dum à mandato *translationem* juris, quæ sunt res oppositæ, excipiunt.

30. Verum qui antea *Mandatum* ita explicauerunt, quod sit, *ubi potestas quo arbitrio data est, eodem adimipotefti*, oportet heic memoria connexionis sint lapsi.

31. Tu potius ita collige; Si Imperium non sit ex mandato, ut demonstratum est, sed ex translatione juris, simplex ejus constitutio est alienatio universalis.

32. Propter hanc regulam; *Oratio indefinita æquipollet universalis*, non minus in populari sermone, quàm in definitionibus Artium.

33. Hoc agnoscunt omnes populi, quibus solenne est, simplicem Regni delationem limitare pactis, & exprimere, quas res Imperio delato velint exceptas.

34. Quod nullius usus & ineptum foret, si vera esset Oratoris sententia; *simplicem Imperii delationem unice affirmandam à Natura Mandati*. Tunc enim nihil proprium haberet Rex, nihil quod excipi opus esset, aut excipi posset, penes eum existeret.

35. *DANI* cum absolutum in Regem suum Imperium totumque jus populi & optimatum nuper in illum, transferrent, nihil aliud fecere, quam quod *Pacta Legisque Regia potestati præscriptas aboleverunt, libramque eorum, Regi tradiderunt*, ut testatur oculatus testis *Terlonius* in suis memorialibus.

36. Argumento; se *Pactis* sublatis, rem intelligere esse redactam ad statum Imperii primitivum & simpliciter constitutum, & ad summam sine fine potestatem, nisi quem finem populus & optimates ipsi habuissent.

37. Verba *Terlonii* cum venia Lectoris, et si pergrina, apponam; *Les États s'assemblerent dans la grande salle au Chateau, ou le Sénateur Trolle presenta au Roy de Dannemare, de la part de la Noblesse, Le Handfestnung, qui est un livre, que l'on nomme ainsi, ou sont toutes les Loix contraires à la Souveraineté, qui s'alloit établir. Id est, Ordinibus in Aula majore congregatis, Senator Trollius Regi Danig tradidit librum, cui nomen, erat Handfestnung, quia in eo continebantur omnes leges contrarie absolute potestati, quam erigebant, idque nomine Nobilitatis, urgente imprimis populo, ut satis constat.*

38. Omnis igitur ratio generis humani omnino conspirat in hoc, quod Juris *Consulti Romani* colligunt ex *Lege Regia*; Imperio populi simpliciter in Regem vel optimates *translato*, totum quod populus in se suatque res habuit, jus esse translatum.

39. Atque adeo populum vi suæ voluntatis non posse redire ad bellum, nisi *Rex hostis populi sit factus*, atque ut talem se gerat, quem casum & in *Democratia* excepimus.

40. Quod facere intelligitur, *fidatâ operâ quolibet ex populo perimat, spoliât, vexat;*

veres; in eoque praefractè perseverent, auctores fuisse Prophetas, ne quidem fere ut unus solimanis; Hoc agamus, ait. *ut quisquam quicquam habeat.*

41. Verum ut singuli ob ejusmodi injurias, *quamdiu institutum illud non patet nimis late, nec sit generale, se armis opponant, nec convenit cum natura foederis, quo Civitas constituitur.*

42. Multo minus cum patientia Christi populo imposita, neque cum literis sacris, aut usu veterum Christianorum.

43. Quatenus satis constar, in Dei literis nihil esse, quo potestas fiat, ob injurias corporis aut bonorum, vel populo toti aut ejus parti, ob talia quæ non arguant animum hostilem, aut presentem Civitatis magnæve partis ejus ruinam, se Regum actis opponendi armis belli. De moderamine inculpatæ tutelæ contra vim more Latronis illatam, antea diximus, nec est hic agendi locus.

44. De Textu Samuelis *πρωσι βασιλευς* & βασιλευς alibi à nobis absoluto, probatum est, nihil opus esse, ut vocem Hebræam aliter quam solito more per *Jus* reddamus; Sed *Jus*, quale Prætor facit, quando *inique* decernit, ut Paulus docet in *l. pen. d. Justitia*, obligans scilicet *ad patientiam, sive passivam obedientiam*, in quam vocem valde ringuntur politici Mandatarii.

45. Novi quidem ad locum istum nihil admodum adtulerunt. Nam quod multis verbis populo non fuisse propositum, se Regum injuriis subicere, sed judicia & ducatum in bellis quæstisse contendunt, hæc est indubitata mens omnium qui veniunt in civitatem.

46. Sed quia prudentium est scire, quam perverse homines potentiâ sibi delatâ soleant uti; secunda consideratio est, quam Samuel iis inculcat, fore ut, si Reges male regnent & injurias committant idcirco jugum excutere nequeant.

47. Nec id unquam legimus populo

auctores fuisse Prophetas, ne quidem adversus Reges impientissimos.

48. Nam defectio decem tribuum à Roboamo, unde juris argumentum ducit Orator, justo quidem Dei judicio & decreto, sed nullo bono exemplo confiliorie, via per vulgata tumultuantis plebis, & ambitione tyrannidi imminenti, perpetrata est.

49. Valde sibi placent dissentientes in eo, quod Prophetam à Deo inspiratum, morem tyrannicum juris nomine fuisse demonstraturum, minime credendum sit.

50. Ego vero jus esse statuo, per quod filius à Patre, Uxor à Marito, Servus à Domino, Civis à Civitate male habitus, ad *passivam*, fas erit hac voce, opinor, uti, *obedientiam* tenentur.

51. Ejusque juris Deum Auctorem, atque eundem injuriæ à parte facientis vindicem esse probo, quæ nullo modo pugnare sciunt divini atque humani Juris Consulti.

52. Definendum igitur in hoc est. Regiam potestatem simpliciter à Populo, nullam Imperii partem excipiente, delatam, non esse Mandatum, sed esse juris quod populus habebat, translatione, ita, ut de Aristocratiis antea intelleximus.

53. Atque ideo de Regibus ita constitutis, recte dixeris, quod Argivi antiquissimi ad suum Regem, apud *Æschylum*

ΣΥΤΟΙ ΠΟΛΙΣ, ΣΥΔΕ ΤΟ ΑΥΤΟΝ ΜΙΟΝ ΠΡΥΤΑΝΙΣ ΑΚΡΙΤΟΣ ΟΝ.

TU QUI ES POPULUS TOTÆQUE CIVITAS

JUDEX JUDICIS EXPERS.

Quod hodie nemo de Senatu Venetorum de Ordinibus Baravorum & possessoribus Immobiliùm in *Frisia*, juxta urbium Rectores, prædicti nimium arbitretur. Ergo nec de Regibus insolens haberi potest.

54. Multi opinantur, Reges simpliciter constitutos per jusjurandum, quod se jus

se Jus & Justitiam administraturos spondent, arctius obligari.

55. Sed probatum est aliàs, per jurandum non contrahi novam obligationem, sed eam quæ fuit, sanciri, fir-

mioremque non arctiorem fieri, Reges male consulentes fieri perjuros & divinæ vindictæ obnoxios; populos ad resistendum nihilo plus juris quam prius habuerant, adipisci.

C A P. V.

De Contractu Originali & Jure Regni Pactis Limitati.

Sententia illorum, qui negant inter Imperantes & Subjectos ullum dari contractum originalem, nihilque esse quam compromissum inter subjectos, pluribus exponitur. Non probatur tamen, sed in diversum disputatur. Possè Rectores à populo per mandatum constitui, si hoc expressè agatur. Sed mandati hypothese in Imperio simpliciter delato esse ab re alienam. Dari sane contractum Originalem in Imperio, & hunc esse Cessionem sive Juris sui in alium translationem; In quâ factâ etiam simpliciter, exceptiones dari tacitas, cum geuerales, tum Regno speciales; quæ recensentur. Expressas aliquando tollere, aliquando arctius reddere Imperium. Jus ex illis acquiri, & Leges fundamentales fieri, non modo ex mutuo consensu inde ab initio, sed etiam stabilito Imperio & ex præscriptione. Quando thronus Regni vacare dicatur. An & quo jure successionis ordo interrumpi possit.

Probavimus, delationem Monarchiæ primitus & simpliciter factam non esse à Mandati naturâ processendam. De regno Pactis inter populum & Imperantem munito, non est, quo id agamus, ut mandati naturam ei convenire probeamus; quia dissentientes ipsi per Pacta recedi volunt ab originali mandato.

2. Sed tamen ad Imperii simpliciter aut certis pactis constituti naturam pertinet Quæstio, nuper etiam in Angliâ mota, an inter Imperantes atque subjectos intercedat omnino aliqua Conventio, sive *Contractus*, quo primum fundetur Imperium, unde *originalis* vocetur.

3. Qui negant, hi simplicem Imperii constitutionem per modum *Compromissi*

omnium singulorumque civium inter se considerant.

4. Ne de illis, qui Imperium à Deo, sine medio supra cives impositum, derivant, loquamur, ut aliàs factum.

5. Quando litigantes metu belli judicii in Arbitrum *compromittunt*, hoc fit mutua conventionione inter ipsos; *Quod Titius de nostra controversia statuet, id tu servaturum te spondes? Et Tu vicissim? Spondeo*, dicitur utrimque. Hoc est compromissum, cujus vi partes stare coguntur Arbitri sententiâ, sive *æquâ sive iniquâ*, sine ullo provocationis remedio.

6. Quanquam autem omnis Arbitri potestas ex compromisso veniat, nullus tamen inter litigantes & Arbitrum vertitur *Contractus*, quo hic se bene judicaturum

curus promiserit, sed taptum *Contractus*, quo Arbitrium recepit.

7. Interim, Litigantes certos limites Arbitro futuro præscribere solent; quod si excedat, ipso jure nullum est, quod facit & jubet; quia potestas ejus unice de compromisso partium pendet.

8. Eodem modo, ajunt, qui illorum sunt moderatores; Civitatis Imperium metu belli fundatur in reciproca promissione Civium, hujusmodi in *Democratia*; *Quod pars major populi statuet, id tu facere, pars spondes? Spondeo. Et Tu vicissim? Spondet* similiter: sic totus populus conjungitur. In Aristocratia, in Regno: *Quod optimates, quod Rex statuet imperabit, faciet, ei se pariturum spondes?*

9. Hactenus cives inter se conjuncti sunt; pars major, quæ tam adhuc nulla est, cæterique Imperantes, etsi recipiant Imperium, sub lege, certo modo regnandi, eo, quem diximus, nullo tamen contractu tenentur.

10. Sitamen ante receptum Imperium certæ leges regnandi præscribantur, has limitare potestatem regnantis, ut acta contraria sint ipso jure nulla, dictum & certum est.

11. Non quod Leges istæ per modum Contractus eum obligent, sed quia vim habent legum *fundamentalium*, nec plus juris habere possit quam Populus voluit.

12. Sicut enim Arbitr, qui compromissilimites excedit, nihilquam jus privati, sicut est, in reliquis habet, ita nec Imperantes extra terminos in primæva Imperii constitutione sibi præfixos, aliud quam privati intelliguntur.

13. Jusjurandum, quod fere sequitur imperii delationem, non facere novum cum populo contractum, Imperio jam pridem stabilito, sed obstringere Imperantes Deo, jam diximus, ac ita sancit leges priores, aut officium Imperantis simpliciter constitui.

14. Quin ante præstitum jusjurandum Rex electus aut hereditarius eandem potestatem exercet, quam postea; Nisi aliter expresse cautum sit, ut nuper à *Scots* factum accepimus.

15. Hæc in casu Regni constituti, sic, ubi de contractu inito non constat, haud insubtiliter disceptantur.

16. Imò, in dubio contractum inter Regem populumque, præter acceptationem ejus quod cives inter se compromiserunt, præsumi non posse videtur, quia contractus sunt facti, quos ut probari oporteret, præsum non licet.

17. In Democratia non videtur ejusmodi contractui locus esse posse, quia pars major, quæ exercet Imperium, stabilitio demum imperio, existet.

18. In Optimatum quoque Republica, vix est ut talis stipulatio interveniat; quia plerumque stabilitur in incertas personas, sicut in exemplo *Baliae* Florentinæ *superius* demonstratum est.

19. Adversus hanc tamen sententiam disputavimus in *lib. 1. de Jure Civit. sect. 2. c. 4.* ubi probatum, in ipsa quoque Democratia dari *fedus* inter Imperantes atque subiectos.

20. Idcirco Nos, si non proponant sibi, ut Legem Supremam, populi salutem, perfidie reos non modo in Deum, sed in ipsum quoque populum fieri demonstravimus.

21. Si tamen, ut ab illo foederis articulo separatus sit alius, qui est de Imperio ob injurias imperantium non dissolvendo.

22. Quæ ratione Rectores male consulentes sunt quidem perfidi; sed tamen ad injurias regnantium ferendas tenentur subiecti.

23. Nisi ob demonstrationem hostilis in populum animi, vel ob causas specialiter expressas.

24. Tenemus igitur in universum, dari contractum originalem, inter quemlibet po-

bet populum Imperantemque à populo constitutos.

25. Sed contractus ejus partes plerumque multo evidentiores sunt in Regno quam in Aristocratiâ.

27. Qualis sit contractus species ex re gesta natura negotii intelligendum est.

28. Plane si populus ita faciendum putet, ut Regem Mandato constituat, quominus ita faciat, nihil magis impedimento est, quam in Magistratibus constituendis.

29. Quin si Magistratibus suis Regum nomen tribuere velint, nec vocis etymologia, nec forsitan exempla deficiant, etsi à more populorum, imprimis Latino- rum id est alienum.

30. Talis Rex Mandatarius fuit The- seus Atheniensium, ut ipse quidem fa- tetur apud Euripidem.

Δῆμος δαίμων, κ' ἔχ' ἰσὺς

Ποῦς ἀνδρῶν ἀρχαὶ πόλις.

Heic populus imperat, nec unus

Subiecta civitas tenetur.

31. Hoc autem fit, quando ipse populus jura summæ potestatis sibi referat, pacis & belli, ferendarum Legum, summam provocationem, creationem Magistratum præcipuorum, & cætera & negotia instrumenta.

32. Quando autem populus Regem simpliciter constituit nihilque sibi retinet; si quis tum velit Mandatum concipere, is amat contradictoria, nec potest aliam imperandi formam habere in animo, quam fuit in castris apud Tro- jam ex sententia Achillis, Ajacis & alio- rum; Qui sic Agamemnoni parituros se quatenus bene imperaret; si perperam consuleret, dicto se non fore audientes profitebantur. Verba Euripidis in hanc rem alibi exhibuimus.

33. Hæc omnino est ratio Mandati, Quamdiu placet administratio, continua- tur; quando piget, revocatur.

34. Et credo eos, quibus à puero Ci- vitaris imperium à Mandato pendere vi- sum est, difficulter limites inventuros, quos ultro citroque Rectores simpliciter creati procedere nequeant.

35. Aut enim Mandatum non est; aut à Populi abitrio, non à Rectorum prudentiâ judicium, bene an male fun- gantur regimine, dependet.

36. Quam bene autem se talis civitas habitura sit ad pacem, si quis ad intelli- gendum demonstrationis egeat, cum eo de his rebus disputari non posse, merito quis dixerit.

37. Qualis igitur est contractus? Est cessio & alienatio, cujus titulus Impo- rium, eaque vel simplex vel limitata pa- ctis & conditionibus.

38. De simplicia actum, capite præceden- ti, deque eâ tenendum; Etsi nullæ con- ditiones ei palam adjiciantur, inesse ta- men nonnullas ex natura negotii, quod agitur.

39. Præter eas, quibus etiam in De- mocratiâ locum esse diximus, de ani- mo hostili & de vi more Latronum facta.

40. In voluntariis tacite intelligitur, I. Salvam civibus esse debere libertatem personarum, rerumque suarum Domi- nium.

41. II. Imperantes non posse aliena- re civitatem vel ejus partem, Regesque nihil utrâ terminos vitæ de Imperio sta- tuere posse, & si qua similia.

42. Sed expressa Pacta in Imperiis voluntariis plura vel pauciora sunt, ut quisque populus libertatis suæ providus aut fiducia erga Principes securus est.

43. Nam in Aristocratiis, ut sæpe di- ctum, maxime laxioris numeri, pauca vel nulla sunt, inter populum & Optima- tes, pacta conditionalia.

44. Utrum autem tollant conditio- nes Potestatem summam, an arctius duntaxat exercitium ejus faciant, ex

Q 9

qualita-

qualitate sententiæque singularum est colligendum.

45. Tolle videtur, quando sic constitutum est, ne quicquam Rex in summâ Republ. sine consensu Senatus vel Ordinum populi facere possit.

46. Quo casu, Summa potestas inter populum Procereve cum Rege communicatur, atque ita omnino in hujus persona definit esse *Summa*, sicut usu venit in *Polonia*.

47. Quod si communicatio non fiat in universum, sed de certis capitibus, ibi non tolli, sed minui summam potestatem, ratio dicitur, ut fit in magna Britannia.

48. Hujusmodi conditiones tribus modis constitui videntur. Aut per modum ferendi leges, inde ab initio, vel prævio consensu Regnantis, vel per præscriptionem.

49. Inde ab initio, per modum Legis, prius quam Regnum constituatur, vel cum postea *thronus vacat*.

50. Vacare thronus dicitur in Electivis regnis, quoties Rege mortuo, novus eligitur, cui novæ conditiones identidem præscribi possunt, ut fit in *Capitulationibus*, quas vocant.

51. In successivis Regnis *vacat thronus*, quando Regia stirps deficit. aut quando successio interrumpitur.

52. Quod jure fieri nequit, si verum est, quod probavimus; Imperium à populo esse alienatum; nisi quando *verè* casus exiit, quo Respubl. *aliter salva* esse non potest, qui casus est *facti*.

53. Quod si demonstrare voluerint, qui nuper in vicino regno ingeminabant, *Rege opus esse de jure, vel de facto*, & hunc modum posse legitimari; nec ratione nec exemplis, destitui videntur.

54. Quatenus nulla forte gens tam monarchica aut successoria est, in qua plura ejusmodi exempla juris facultatem non induerint, sicut bis apud Francos Galliarum usu venit.

55. Non vacante throno, novæ regnandi Leges stabiliri non possunt, nisi Rege contentiente per modum Contractus, quorum obvia sunt exempla, nullumque *negy μολυάτιον*, quam in Frisia Orientali.

56. Denique, Præscriptione Regna simpliciter delata sæpe fieri conditionata, quemadmodum limitata quandoque simplicia & absoluta fiunt, probavimus in *lib. 1. de jure Civit. cap. 23.*

C A P. V I.

De Sanctione Legum Fundamentalium.

Leges fundamentales habere sanctionem, sive clausulam executoriam; eamque expressam vel tacitam. Quid illæ, quoad effectum, differant.

A quo & quomodo fundamentalium executio Legum fieri possit.

An violatis illis Legibus, Imperantes excidant jure potestatis suæ, ubi de clausulâ Commissoriâ. Quis sit Tyrannus; eaque res exemplis illustratur, Belgarum & Anglorum.

Conditiones alienationi Summæ potestatis adjectæ, sive per modum Legum, quas Fundamentales vocant, sive per modum pacificendi concipiuntur, *Sanctione* sive clausulâ executoriâ, quæ det illis effectum, confirmantur.

2. Sanctio autem illa est expressa vel tacita. Expressa, quando populus aut Proceres stipulantur, *ut si Rex non servet eas Leges eave pacta, tum cives ad obsequium non teneantur.*

3. Talem Poloni & Hungari suis electionibus adjicere sunt soliti, & illi quidem non desierunt; hi novo Regi suo volentes nolentes, eam nuper sub titulo de Edicto Regis Andræ tollendo, remiserunt.

4. Tacita *Sanctio*, quæ verbis non exprimitur, sed ex animo sententiaque partium negotiique naturâ tacite intelligitur.

5. Inter expressam autem & tacitam hoc interest, ut videtur. Vi expressæ sanctionis, singuli cives aut Magnates habent jus opponendi se & resistendi his, quæ contra pacta fundamentalia fiunt.

6. Sicut in Polonia singuli Nobiles habent jus Tribunitium intercedendi & comitia rumpendi, atque in Edicto Regis Andræ continebatur, Rebelles non fore, qui Regum actis contra leges susceptis vim opponeret.

7. Ex tacita sanctione, quam recte dicas inesse cunctis Imperii pactationibus originariis, duplex effectus oriri videtur; primus & secundarius.

8. Primus est nullitas, quatenus acta Regum Pactis fundamentalibus contraria, sunt ipso jure nulla.

9. Quia Rex potestatem sibi delatam notoriè excedens, hactenus ipso jure fit privatus.

10. Secundarius effectus est, qui inde mediâ oritur, *Jus de facto*, ut ajunt, se opponendi atque resistendi.

11. Hoc singulis non competit, verum his qui pacti sunt, aut parti illorum majori.

12. Nam singuli, qui non pacti sunt, jus univerforum occupare non possunt, quibus competit existimare, quando Leges exequi vel pacem præferre velint.

13. Proinde, singuli tenentur *ad obedientiam duntaxat, passivam*, ut ne consentiant, nec faciant quicquam parendi causâ, sed vim duntaxat ne opponant.

14. Quod si tantus sit excessus Legum & tanta vis dominationis, ut nullum sit dubium, quin hi quorum est jus pacti, si possent, opponere se vellent, dicendum est, initium à paucis fieri posse.

15. Rati habitio quoque libera eorum, qui jus pacti habebant, eandem vim heic

loci, quam semper, obtinebit, ut pro Mandato habeatur.

16. Harum rerum evidens usus venit in motibus Belgicis, qui à paucis Proceribus & infima plebe, non ab iis quibus ab antiquo jus populi erat, sunt inchoati.

17. Sed postquam de nullitate plurimum à Principe actorum non dubitabatur, nec etiam de animo majoris Procerum partis, ut ex rati habitione liberima dein approbatum est, acta gesta paucorum legitimita sunt.

18. Idem in novissimo Angliæ Scotiæque processu ac eventu curatè observatum esse, palàm animadvertum est.

19. Ex his facile colligitur, in Regnis & in Aristocratiis simpliciter constitutis, ubi nulla sunt Pacta originalia, non oriri tale jus primævum aut secundarium; nisi faciant Imperantes contra quod tacitè in omnibus Imperiis excipi *suprà* demonstravimus.

20. Sed an violatis quibusdam pactis originalibus, Imperantes idcirco excidant Regno, si clausula *Commissoria* expresse non sit addita, non facile dictum est.

21. Fit autem clausula *Commissoria*, hoc modo; Si is, in quem rei vel juris aliquid translatum est, non stet pactis; tunc illam rem vel jus illud amissum iri.

22. Satis constat, si pacta contractibus adjecta non servantur; agi ad reparationem, non ad rescissionem contractus.

23. Nam illi plurimum errant, qui inter pacta contractibus adjecta & inter conditiones, à quibus contractus suspenduntur, non distinguunt.

24. Dicendum igitur, jus removendi Imperantes, non oriri ex violatione quorundam pactorum fundamentalium: sed jus in ordinem illos redigendi.

25. Verumtamen & hoc certum est, tyrannos posse removeri, non tantum

eos qui titulo tales dicuntur, sed etiam qui jure constituti in exercitium tyrannidis degenerant.

26. Quid autem sit *Tyrannus*, perplexa disputatio est. Tu nihil errabis, opinor, si dicat; Tyrannum esse in Imperio simpliciter delato, qui hostilem animum induis adversus suum populum.

27. Et in Imperio pactis limitato; Qui jus sibi delatum notorie atque præfractè egreditur, idque exequitur.

28. Egressus notorius inchoat, executio præfracta absolvit tyrannum.

29. Ne quis putet, hoc vocabulum solis convenire sanguinariis.

30. Quando igitur Princeps non contentus egredi terminos potestatis sibi delatæ, monitus aut rogatus non desistit, sed iis se nolle teneri demonstrat, in eoque præfractè perseverat, hunc esse tyrannidis reum & posse removeri, nulla de jure dubitatio est.

31. Hac ratione, Belgarum populi sunt usi, qui plus decennio se intra terminos resistendi continuerunt; antequam Principi suo Imperium abrogarent.

32. Nec id faciendum credidere, nisi postquam in *Præfractè* multiplici experientia constiterat, cujus momenta in decreto *Abrogationis* sollicitè recensuerunt.

33. Ut tamen longi temporis spatio, quod decennio à Juris-Consultis finitur, non sit opus, ad colligendam ejus rei certitudinem: præsertim si quis populus Regem suum habeat præsentem, ejusque acta testis oculus inspiciat.

34. Hoc etiam inter tyrannum populi hostem & Factorum violatorem, interesse merito statuatur.

35. Ut qui animum erga populum hostilem ultro & ex libidine suscipit eumque demonstrat, is etiam jure possit occidi, adeoque si res ferat, per sententiam damnari, ut factum est in Neronem.

36. Qui

36. Qui vero pacta duntaxat servare præfractè nolit, in hunc poena, Remotio ab Imperio & Cautio, ne redeat, ex juris quoque ratione sufficit.

37. Denique, Personam Principis

extra consequentiam remotionis, male haberi, nec juris neque dignitatis, nec humanitatis ratio patitur, ut exemplo Davidis in Saalum rectè probatur.

C A P. V I I.

Comparatio Mandati, à quo Imperium pendere dicitur, cum priorè sententiâ.

Non esse Mandatum in Imperiis simpliciter constitutis repetita probatio. Alienationis & mandati differentia exemplis Reipubl. Venetorum, Batavorum, Frisiorum demonstratur. Quid periculi in sententia de Imperio Mandatario resideat. Quæ utcunque non imputentur auctoribus hujus sententiæ, populum tamen habentem jus domini Mandantis, Rectores jure suo ad quælibet, etiam iniquas condiciones adigere posse. Comparatio malorum ex opinione, de absolutâ potestate simplicis Imperii & de Mandato. Concluditur.

EX his rebus expositis denuo satis evidenter intelligitur, nullos populos Imperium simpliciter deferentes ita existimare, sese cum Imperantibus suis inire *Mandatum* & hos esse Procuratores suos.

2. Cui bono Leges fundamentales, jura reservata, pacta limitantia Regiam potestatem, ut his violatis potestas Imperantium revocetur; cum Mandata semper revocari possint?

3. Quia satis indicant populi, inquam, in Imperiis etiam primitus constitutis, se excipiendo casus certos, quibus Rectoribus suis negare possint obsequium, ita statuere; quamdiu leges illas servant, non posse iis obsequium à civibus negari, & sic non esse Mandatum.

4. Denique, Mandati & Alienationis discrimen circa Imperium non minus est ob oculos in quibusdam Aristocratias, ut *Venetorum* exemplo jam pridem illustratum est, quam in singulorum Imperiis.

5. Manifestior quam in *Venetis*, datur oppositio Mandati & Alienationis in florentissimâ *Batavorum* Reipubl. ubi Summa Potestas est penes *Ordines*, hoc est, Equites & Civitatum Rectores, verissimâ Aristocratia.

6. Hi per Legatos in unum coeunt, quos esse veros Procuratores & Mandatarios Ordinum, non Ordines ipsos, res ipsa demonstrat.

7. Quia de singulis rebus sibi mandatis, quas egredi nequeant, instruuntur, denique perpetuo à suis Mandatoribus dependent.

8. Sed hi Mandatores iterum non sunt mandatarii populorum, ut ab his ita, quemadmodum Procuratores à suis Mandantibus, dependeant.

9. Cujus enim rei nulli sunt effectus, hanc in civilibus non existere certum est: Nec tamen ulla pacta sunt, quibus majorem aliquam potestatem acceperint Ordines à populo: ut adeo Imperium sit verè simpliciter ac ut primitus constitutum.

Q 9 3

10. Unde

10. Unde igitur, quod à populo non dependent, quod rationes ei reddere non coguntur, quod populus formam regiminis mutare non potest?

11. A Deo, sine medio. voluit Graswinkelius in *Tract. de summa potest. Ord. Holl.* & vult Sieglerus in Grotium, volunt alii plures.

12. Sed non est resedendum à doctrinâ Petri Apostoli, quod Imperium sit *κρίσις ἀνθρώπων, humana creatio*; licet ad curam divini moderaminis eximie pertinens.

13. Proinde, si volente & consentiente populo, ut hic est necessarium, inde ab antiquo structum est Imperium, quod populus nullo modo participat, oportet esse simplicem atque inrevocabilem alienationem; à Mandati natura diversissimam.

14. Vi similis Mandati, cum eo, quod est in Batavis, Patrum nostrorum memoria Conventus Ordinum Frisæ agebantur: Legati erant veri Procuratores & Mandatarii.

15. Nomen idem manet hodieque: Tabulæ quibus instructi ad Comitia mittuntur, vocantur *Procuraciones*, ipsi Procuratores *cum liberâ*, barbæ, *Plempotentarii*.

16. Sed accidit, quo nihil in jure frequentius, ut re mutata, nomen idem manserit.

17. Olim à Mandantibus, qui sunt Immobilium possessores & Senatus Urbium, dependebant, ad quos de rebus majoris momenti referebant, nec iis inconsultis, quicquam novi decernere poterant.

18. Deinde, comperto, multitudine mandantium, publica consilia inretiri, placuit, ut annua potestas independenter & sine relatione, Legatis daretur.

19. Aquo tempore constitutio Legatorum fuit, *Translatio juris*, quod ha-

bent Constituentes; ita, ut omne eorum jus ad Rempubl. spectans habeant *Plempotentarii*, sic jam dicti *ιμφορμάρη*, non ut Mandatarii, sed ut ita loquamur, *Cessionarii, jus plenum habentes*.

20. Non tamen ultra annale spatium, quo finito, jus eorum sponte finitur: Nihil enim vetat, Translationem juris æquè fieri ad tempus ac in perpetuum.

21. Non tenentur igitur tales Legati ad rationes reddendas, non possunt ante annum elapsum revocari aut circumscribi, juberi, vetari à constituentibus: quæ facultates sunt inseparabiles à Mandato.

22. Cujus quidem hypothese nihil periculosius aut Imperantium Majestati inimicium & imprimis à juris ratione alienius excogitari potest.

23. Ultimum isthuc abunde demonstratum est, & consequentia reliqua res ipsa loquitur.

24. Credendum est equidem obstantibus viris egregiis Dissidentibus, nunquam illos fuisse tumultuanti & seditiose plebi, quam fatentur esse terribissimam pestem & sentinam Civitatum.

25. Sed qualiscunque sit populus, etsi fæx Romuli, si modo cives & major pars sit, in Mandatore & ejus potestate non distinguuntur mores. Quisque liber est arbiter & moderator suarum rerum, bonus an malus, prudens an imprudens sit, nihil interest.

26. Si populus semper habet supremam potestatem, si Mandator sit Imperantium, hi debent *ὀλιγαρχίαν*, nec ægre fere, quod à pessimis Dominis pendeant, & repolcentibus rationes aut summam Imperii non habent negandi causam.

27. Quod igitur Mandati Regalis aut Optimatum Imperii Auctores restantur; *nihil sibi cum plebe seditiosâ, neque nunc nec unquam aliâs commercii aut negotii velle,*

genti velle, bene habet ac credi fas est.

28. Sed hæc ratio non convenit cum hypothefi Mandati. In Democratia major populi pars, efi pessime conlulat Imperio, poteftatem Magiftratibus optime meritis abroget omniaque mifceat, jure tamen fuo, licet injuriam committat, utitur.

29. Idemque juris eft, ubicunque fumma Imperii à Mandato populi, quod eft fundamentum Democratix, pendet.

30. Si plus juris habet populus quam ipfi expedit, ut de quadam in Belgis civitate fcribit Grotius, hoc ad juris quæftionem non pertinet; non magis quam prodigentia Patrifamilias, cui nemo interdicit, vim dominii infringit.

31. Frufta dantur Imperantibus vires & copix, ab Oratoribus, per quas cohibeant tumultuan es; Frufta additur modus; ne sales fint copix, quibus ipfum populum opprimere & in fervitutem redigere queant.

32. Hæc funt monita prudentix; Jus mandatarii à voluntate Mandantis populi pendet, qui vel nullas tribuit copias, vel quas tribuit, has iterum, ubi vitium fuerit, adimit.

33. Ut nihil fit manifeflius, quam motus populi rerum domini & mandatoris, fi quando major pars confenfit, quicquid etiam moliatur, nullo jurifpagulo poffe cohiberi.

34. Plane, deftitutam ratione & ordine fententiam ratione & ordine velle gubernare, tam eft irritum, quam conciliare rem ipfam cum philofophiâ juris eft *en τ' ἀδριάντις τῆ ἀνομιῆς*.

35. Ajunt præterea, *in finitio modis plura eveniffe mala in humanum genus ex eo quod fræna laxantur tyannidi*, quam quod fumma poteftas populo vindicatur.

36. Sed præter quod Anarchias ma-

la facile vincunt Tyrannidem, velim & mihi viciffim credant Oratores politici, *me nunquam faviffe tyannidi*, led contemnere populos, qui Imperia fimpliciter & fine exceptione tranfierunt in Principes.

37. Laudare me Aristocracias, populosque prædicare beatos, quibus fub optimatibus agere licet, in quibus parum à tyrannide periculi.

38. Aut fi Regno careri non poteft, cenfeo id agendum eiffe, ne poteftas Regum fit effrenis & nefcia legum.

39. Verum ut populi, qui fponfe fe abdicant Imperio nihilque facultatis refervant, fupremam poteftatem in Reges & Optimates retinere dicantur, miror civili judicio præditos homines non animadvertere, quam fit alienum à ratione juris & evidentia rei gefix.

40. Præter quod nondum liquet, res v. gr. Danorum fe domi forifque multo pejus habuiffe, poftquam abfoluto, quam dum limitato funt ufi imperio; vel Poloniæ aut Germaniæ populos eiffe multo beatiores quam Francogalli ab aliquot feculis egerint.

41. Atque hæc ad explicationem fententiæ noftræ & demonftrationem, quam inconfulta fit contraria, fufficere arbitramur.

42. Ex his quæ Mandatum originale, quod omnibus Imperiis det fundamentum, noviffimè adftruxerunt, nihil quod ullam oppofitionis fpeciem haberet, omiffum recordamur.

43. Pleraque utrimque concessa transmilimus, qualia cum Oratoribus ingeminare licet: *Utinam ubi vix Gentium re ipsâ effer, fimul Salus populi Suprema Lex, fimul declarata ejufilem voluntas & Confenfus, Supremum jus!* & id genus alia passim.

44. Atq; hæc eft repetita collectio & refutatio rationum, quæ contra noftram de Im-

de Imperio sententiam inde à quinto anno publicatæ fuere, quas incontinenti incepit hæc dissertatio. Jam bis terve Replicatio publicè conducta fuit, quam speravimus tot annis & votis notabilibus nimis dilatam, ante iteratam hujus libri editionem esse prodituram, quo nobis occasio fuisset, rationes, si quæ novæ

collatæ fuissent, suis locis occupandi & refellendi. Nam seorsim, reciprocare terram contentions super hoc quæstro, quæ minus placeat, aliquoties *in loco* & in tempore demonstravimus. Ideo finem ejus disputationis, quicquid impofterum proferatur aut intra veteres minas substat, heic esse volumus.

FINIS LIBRI PRIMI.



L I B.



Juris Publici Universalis

S I V E

DE JURE CIVITATIS.

LIBER II.

Qui est de jure eorum, qui subjecti sunt Imperio Civitatis.

SECTIO I.

De jure Familiae.

C A P. I.

De jure Personarum universis.

Post Imperium Civitatis sequi de subjectis, eorumque personis aut rebus. Personas primo considerari cum respectu ante familias. Hoc sensu distingui homines in natos & nascituros, & his primo suum jus competere. De tempore, quod inter conceptionem & nativitatem sit Legitimum de certitudine Patris. Differentia juris inter mares & feminas, ubi & de Hermaphrodytis. Differentia majoris & minoris ætatis, item sanorum vel mente captorum &c.



constituitur lib. 1. Polit. cap. 4.

Cita est admodum comparatio Aristotelis, quæ Civitatem ait esse animalis instar, quod ut ex animo & corpore consistit, ita civitas Imperio & multitudine

2. Quemadmodum naturale est corpori, parere animo, sicetiam vult ratio naturalis, ut multitudo pareat imperantibus. Ita Philosophus, καὶ φῶσι καὶ συμπίπτει, τὸ ἀρχαῖ τῶ σώματι καὶ τῷ ψυχῆς, ut Corpus regatur ab animo, secundum naturam & utile est. Τὸ δὲ καὶ ἢ ἀντίπαλον, βλαβερόν τε. *Equalitas autem vult*

R 1

ut const.

us contra fiat, utriusque damnosum est, ait d. cap. 4.

3. Pertinent hæc ad ea, quæ superiore libro disputata sunt, nec minus ad ea quæ nunc aggredimur, ad jus, inquam, eorum, qui subjecti sunt Imperio.

4. Scilicet, cum duabus omnino partibus constet Civitas, Imperantibus atque Parentibus sive subjectis, absoluto Imperio, res jubet, ut de his qui subjecti sunt, eorumque rebus loquamur, qui in definitione civitatis monstrantur, voce *Familie*.

5. Prius tamen de statu singulorum hominum sive *personarum*, quatenus familiam præcedunt & ad juris rationem pertinent, agendum. Ideo de jure personarum hoc caput inscripsimus; etsi plura sub hoc titulo comprehenduntur, quam quæ familiæ respectum præcedant.

6. Personam idem significare, quod hominem semper & rotunde, quod communiter ajunt, vix est ut obtineat. Etsi enim Juris Rom. tituli de statu hominum & de jure personarum pro parallelis habeantur, minus tamen latinè dici *tot personae*, pro, *tot homines*, arbitrator. Nec adeo *Personam* aliter quam cum relatione ad certum statum vel jus aliquod, reperiri existimem.

7. Qui nondum est natus tamen dicitur homo; *Persona*, quod putè, nusquam. Sic Paulus Jurisconsultus eum qui poculum abortionis propinavit, ita ut mulier, id est, *mater*, aut homo, id est, *fœtus* inde pereat, summo supplicio adficiendum scribit in l. 38. §. 5. *de Part.*

8. Est igitur prima hominum differentia, quod sint vel nati vel nascituri, quorum hi ventres à Jurisconsultis tropice vocantur, etiam postumi; sed hoc discrimine, quod postumi, dum in utero sunt, heredes quidem instituuntur &

tutores accipiunt, habito respectu ad usum natiuitatis, ut pro jam natis & pro personis habeantur: namque dum in ventre sunt non accipiunt v. gr. tutores, qui dantur personis; sed Curatores, ut Juris auctores observant.

9. Sed fœtus in utero dicuntur homines, quando sunt animati; prius homines non sunt, etsi vita illis adscribitur: Quando autem animati censentur, & an mentes à prima generatione fœtibus adsint, non est querere, multo minus, decidere nostrum.

10. Sed quicquid hac de re sit, homines dici non posse, priusquam organicum corpus formatum sit, indubitatum est. Quod enim Tertullianus, *Homo est*, ait, *etiam qui futurus & qui in semine est*, *Apolog. c. 9.* improprie dictum patet, æque ac illud Martialis in masturbatorem.

Illud, quod digitis, Pontice, perdit, homo est

11. Sed pro homicidio non habetur, si quis fœtum antequam formatum sit, abegerit, quo modo plerique Jesti conciliant l. 4. *D. de Extraord. crim.* quæ crimen abacti partus exilio temporali puniunt, cum d. l. 38. §. 5.

12. Est hac de re locus *Exodi XXI. v. 22.* *Si quis percusserit mulierem gravidam, ita ut occidatur fœtus ejus, nec tamen sit exitium, omnino multator, prout imposuerit ei maritus mulieris. Sin autem exitum sit, reddes vitam pro vitâ.* Quæ verba, ut in Hebræo textu sunt, tam de mulieris, quam de fœtus exitio intelligi possunt: Interpretes Græci locum ita vertunt, ut distinguant inter fœtum *in utero* & *in mundo*; *fœtum formatum & informatum*, quos sequitur Augustinus in cap. 8. *de Civ. d. 32. q. 2.* ubi disputat contra eos, qui volunt animam esse è traduce.

13. In favorabilibus tamen nihil vetat, etiam fœtui nondum formato, quasi jam homini, aliquid juris adscribere, quomodo

quomodo Juris-consulti inde à primâ conceptione, libertatem foetui quaesitam conservari, nec sequarâ matriservitute rursus adimi statuunt, ut docent in tit. Inst. de Ingen. & alibi.

14. Secundum hæc, ad juris rationem pertinet, ipatum temporis, quod inter conceptionem & natiuitatem partus vitalis; minimo & maximo intercedit, quâ in re multum valet auctoritas naturæ interpretum, quos inter laudatur Hippocrates, quâ minimum tempus statuit esse mensis septimi, ut refert Paulus in l. 12. n. de Statu hom. quod tempus impleatur die centesimo octuagesimo secundo l. 3. §. ult. n. de iur. & legit. hered. Hippocrates sic ait; Οὐδὲν ἐν ἑτάμοιο γινώσκον ἄνθρωπον ἐκ τῆς ἐπιτομῆς γενέσθαι, ἕως ἄρα ἑβδόμητος μηνὸς, καὶ ἑξήμητος μηνὸς; Septimestres nascuntur, diebus octuaginta duobus & parte diei sequentis. Prius enim sex menses non sunt impleti, quam major pars diei supra octuagesimum, tertii sit elapsus.

15. Quod tam exactè determinandum, quia vir natus post sextum à nuptiis adimpletis mensem, ex ratione juris agnoscere cogitur; prius non tenetur, etsi de sexto mense, si nullum sequoris exte suspicionis argumentum ex æquitate iudices indulgere solent, ut à Senatu Gratianopolitano iudicatum refert Autumnus confer. ad tit. n. de stat. hom. de aliis aliè.

16. Maximum inter conceptionem & partum mulierum tempus est, decem mensium completorum, ut magno generis humani consensu receptum est, etiam à Jurisconsultis, qui necin hoc termino ad auctoritatem Medicorum, ut refert manifestâ, provocant l. 3. §. pen. n. de iur. & Legit. hered. l. pen. C. de posth. hered. inst. nec aliud à Justiniano iure novissimo constitutum esse, probavimus in præf. ad tit. n. de Stat. hom.

17. Exempla rara longioris gestatio-

nis pleraque sunt dabæ fidei, quemadmodum sane est illud de Principe Condao, quem tredecim mensibus post obitum patris natum esse volunt, famâ quæ valde increbuit, adfertâ quoque à Buissono in vitâ Thronois. Deberet præsentis Condao esse proavus, de quo est editio vulgi, quem tamen ex Historia non nisi sex à patris obitu mensibus editum esse constat, ut testis est Mezeræus in Henrico IV.

18. Quod si vera quædam ejusmodi exempla dentur, & physicæ rationes supra decem menses eniti possint, ea tamen ejus momenti non sunt, ut Legem infringere vel mutare queant universalem. Το γὰρ ἀπὸ τῆς ἡθικῆς, ὡς ἀβελήτων οἱ νόμοι; Quod enim semel aut bis usu ventis hoc prætererunt Legislatores, qui jura constituunt in his, quæ in τὸ πλεῖστον, plerumque, non quæ ἐκ ἀπρόσδοκον, ex inopinato eveniunt l. 3. & l. 6. n. de Legibus.

19. Si quid durius in eo situm esse videatur, quod post decem menses matris dehonestentur; longe majus est incommodum, fenestram partibus aperire supponendis & hereditatibus per occulta viduarum supra captandis. Valeat hæc etiam Taciti dictum, vir ullam esse legem, quæ non exquisitis casibus habeat aliquid ex iniquo, quod utilitate publica contra singulos rependitur.

20. Cujus quisque sit filius aut filia, quod ad genitricem attinet, facile demonstrari potest; de Patre opus est fide implicitâ, quo pertinet Teletmachi responsio ad Minervam, se filium Ulyssis esse dicentis.

Μήτηρ ἐστὶν ἡμῶν φωνὴ Ἰουλιανῆ, αὐτῆς ἴσχυς,
Οὐκ οἶδ', ἢ γὰρ πῶς ἔστι γένος ἀνδρὸς ἀνέγνω.

Mater enim vero me genatam dicit Ulyssis,

*Est ego qui scirem, quis Patrem no-
verit unquam?*

21. Sed jure Gentium reperta est nota certi Patris, matrimonium, quod tamen in mulieris fidem resolvitur. Unde Minerva Telemachum honore paternæ nobilitatis solatur, hac ratione,

Ἐνὶ σὲ γὰρ τοῖοις ἔχουσιν Πυλάοντια.

Quoniam talem genuit te Penelopæa.

Quare sicubi gentium matrimonia jure publico clausa non sunt, ut in pluribus Indiæ populis, Patres familiarum non suæ domus, sed sororum liberos, habent successores bonorum suorum. Sed hujus rei consideratio, quemadmodum & legitimorum ac illegitimorum distinctio sequitur & pendet ab expositione Familiz.

22. Hujus loci discrimen adhuc est inter Mares & Feminas; nam in dichotomia subsistere licet, etsi natura quandoque producat hermaphrodytum vel Hermaphrodyten;

Cui forma duplex, nec femina dici

*Nec puer ut possit, neutrumque &
utrumque videtur,*

*Nec duo sunt, ut Ovid. 3. Meta-
morph. 7.*

At quia rara sunt hæc portenta, non visum fuit operæ pretium, inde tertiam constituere speciem: Proinde, cum Ulpiano Juris-consulto, satius est dicere, hermaphroditum ejus sexus astimandum, qui in eo prævalet. Vix enim utriusque sexus officio pares sunt, vel si fuerint, rari magis & minus heic oportet variare Speciem.

23. Etsi autem portenta vocavimus hermaphrodytos, haud tamen *monstra* sunt; Hæc enim vocantur, quæ contra formam humani generis converso more procreantur, ut loquitur Paulus in l. 14. *de Stat. hom. non humana figura, sed alterius magis quam humani partus.* l. 135. *d. V. S.* A quibus differunt *ostensa*, tri-

bis forte manibus aut pedibus prædita l. 31. *d. t. de V. S.* quo & Hermaphroditos referre licet: Verum monstra, si non habeant ejusmodi conformationem, è quæ rationis indicia colligi possunt, adhibita cognitione Magistratum è medio tolluntur. *Anton. Matthe. de Crim. Tit. de Sicar. c. 1. n. 6. infra.*

24. Differentia sexus latiore habet usum in civitatibus, & quidem multas naturæ simplicitate magis quam ab utilitate civili abhorrentem. Simplicitas apud Justinianum Romani Juris, ut nunc est, conditorum prævaluit, adeo ut is increpet discriminum inter mares & feminas auctores, tanquam *Natura accusatores*, quia *non omnes masculos generaverit, ut unde plures generarentur, ne existere* l. 4. *C. de lib. præ.* Qui tamen effectus differentiarum à Justiniano viruperati, in vitâ ipsius erga molliorem sexum indulgentiâ, in plerisque populis renovati & ampliati sunt.

25. Nostræ disciplinæ ratio simplicitatem præfert naturalem & Justinianæam; è quâ resultat una summa discrepantia, quod in his quæ ad dignitatem spectant, Viri præcellunt; in iis verò quæ ad infirmitatem, feminæ magis exemptæ sunt. *Quis enim mulierum non miseratur!* ait uxorius Cæsar in l. ult. *C. Qui pot. impign.*

Γυναικὲς ἰσχυρὰ ἀδελφικῶς φεβῶ.

Quid feminæ sumus? miserimæ creaturæ;

ait Medæa apud Euripidem.

26. Bene igitur est, quod feminæ ab omnibus officiis civilibus & publicis remotæ sunt, & ideo nec judices esse possunt, nec magistratus gerere, nec postulare, nec pro aliis intervenire, nec procuratores existere, sed à maribus solis omnia ista fieri possunt l. 2. *d. Reg. Jur.* Etiam in pœnis feminæ mitius habentur l. 38. §. 2. *de L. Jul. de adole. l. 6. pr. ad L. Jul.*

Jul. Pecul. quod tamen ad notabile discrimen in gravioribus delictis non erat producendum, ut visum Justiniano, qui poenam capitalem adulteris viris infligi, feminas virgines cælas monasterio includi voluit, unde à viris mollioribus cis biennium repeti possent *Nov. 134. c. 10.* Quod miror in gravissimâ Germanorum gente multis locis observari, ut testis est Carpzovius in *Crimin. Quæst. 53. n. 27. ex confis. crim. Car. V. art. 120.* Monasterii loco relegatione substituta, quam vir, si libet, pariter subire potest. Non potest alia talis indulgentiæ, quicquid adferat Carpzovius, ratio reddi, quam quod vir facilius unâ muliere, quam vir sub uno viro exercere possit *videtur addit.*, ut Jocasta loquitur in *Phaniff.* quæ tamen ratio Theodorâ quondam scenicâ, dein Augustâ, quam Cætare dignior esse videtur.

27. Denique, ad hunc locum pertinet hominum divisio in majores & minores annis. Quousque autem minores intelligantur, non eadem omnium populorum & temporum observatio fuit. Romani veteres eos, qui togam puram sive liberam & virilem acceperant, pro viris habebant tuncisque virilibus officiis in foro militiæque adhibebant. Tempus autem tyrocini illius, sicut appellabant, erat ab anno decimo quinto usque ad decimum nonum, prout tardius aut celerius animi corporisque vigor implebatur, neque tunc amplius erant in tutelâ neque curæ subjiciebantur, nisi dementes aut prodigi essent, quemadmodum eâ de re latius actum in *lib. 3. Digress. c. 15.*

28. Postea Marcus Philosophus instituit, ut non modo prodigi & furiosi, sed

omnes adolescentes acciperent Curatores, quibus se subducere non possent ante annum xxv. impletum, quousque minores annis vocabantur; nisi Principis speciali privilegio veniam ætatis impetrassent, puellæ annis xviii, adolescentes xx. annis impletis. *Capitolin. in Marc. l. 1. §. 3. n. de Minor.* atque ab eo tempore minores annis discreti sunt in Impuberes, qui sub tutoribus, & Puberes, qui Curatores habebant, nisi ambo essent in Patriâ potestate.

29. Mores gentium recentiores, etsi novissimam humani moris differentiam frequenter amplexi sunt, in eâ tamen omnes nequaquam substitere; cum plures viginti aut uno amplius annis ætatem majorem sive virilem definiverint.

30. Nec reverà inde abhorrent, qui minores usque ad annos xxv. censent, quando veniam ætatis largiuntur omnibus frugi adolescentibus, qui viginti annos attigerint & biennio citius puellis veniam desiderantibus.

31. Postremo ad præsentem de personis locum pertinet differentia hominum, quod sint vel sanæ mentis vel insani; quæ non pender à respectu familiæ; Sed quia deinceps aliæ plures hominum differentiæ nobis occurrent explicandæ, rectius consulturi videmur, si & hanc in eum locum reservemus.

32. De ratione, de natura, dignitate hominum, multa philosophice, & oratoriè multa dici poterant, quæ prætervehimur. Pleraque juris habentia relationem, in præcognitis, maxime in capitibus de jure naturæ, dein etiam, ubi de Ecclesiasticis actum, absolvimus.

Nunc igitur ad *Familiam transeamus*

C A P. I I.

De Familiâ.

Recte tractatus de Familiâ ad hanc artem pertineat. Quot modis familiæ vox usurpetur. Quid sit hoc loco. Explicatur definitio, & defenditur contra Bodinum & Arniseum. Constare eam societate triplici, & quatuor personis ad minimum, si perfecta sit. Quis sit maximus familiæ numerus. Ejus imperii diversitas. Imperfecta familia quot modis dicatur.

A Familiâ Aristotelem tractatum Politicis auspiciatur; quæ Aristum eisdem terminis contineatur, quibus hæc de jure Civitatis disciplina; nobis saltem eam partem, quæ de subjectis Reipublicæ membris agit, ab eadem ordiri licebit. Quare autem de Imperio prius agere visum sit, ratio, ni fallor, satis in conspicuo est, neque minus hæc, quod jus familiarum ad juris universi de civitate considerationem vel maximè pertinere.

2. Unde tamen non sequitur, rectè Aristotelem à Bodino reprehensum esse, quod Oeconomicam Artem Xenophonis exemplo à libris de Republ: seorsim tractaverit, quasi membra singula ab universi corporis compage divelleret & quasi urbem sine ædificiis construere vellet *d. cap. 4.*

3. Incepit quidem Politicæ suæ, ut liquet & diximus, ab expositione Familiæ; verum non omnia, quæ ad exactam servorum liberorumq; educationem, servorum occupationes, bonorum acquisitionem pertinent, in Politicis tractanda putavit. Sed ut disciplinæ quamlibet diversæ, magis tamen sibi mutuo commodant, ita quod de Familiâ nonnihil in Politicâ prælibat, Artium diversitati non derogat.

4. Nobis hac parte minus est difficultatis; quia de jure diversorum ordinum qui familiam constituunt, solummodo

do, non de rebus ad utilitatem, quæ est œconomicæ tractationis, spectantibus, agendum habuimus.

5. Familiam Græci *oikos* vel *oikia*, id est, domum appellant: at usum ejus variè tam hi, quam Latini accipiunt; origo verciam monstrat, eam primo significare multitudinem famulorum live servorum, qui sunt in ejusdem Patris-familias potestate, quomodo passim Cicero & Festus; si tamen non potius sanuli à familia dicti, ut Festus. II. Pro corpore servorum, qui certi usus gratia pariter habentur, ut grex gladiatorum, apud Ciceronem aliosque; item numero servorum veteratigalibus colligendis præpositorum, ut in Edicto Prætoris de Publicanis. I. 1. 1. sumitur pro bonis & patrimonio, unde familiæ emptor apud Festos. 4. Pro omnibus, qui ab ejusdem ultimi progenitoris sanguine proficiuntur, adeoque, pro gente, sicut familia Julia. l. 195. §. ult. x. de V. S. 5. Pro stirpe peculiari gentis; duæ familiæ claruerunt, Calvinorum & Aenobarborum, Suetonius in Ner. 6. Pro corpore hominum, qui sunt in unâ domo, ut heic. vid. Brisson. d. V. S. lib. 4.

6. Posteriore sensu definiemus Familiam, hoc modo. *Cætus plurium personarum, quæ unim potestate, ætate aut jure, quotidiani usus causa, sociatæ sunt.*

7. Ge-

7. Genus dicere maxime *Catum*, quam, ut Bodinus in *lib. 1. de Republ. c. 2. Moderationem*. Arnizæus *lib. 4. polis c. 2. Gubernationem*, exemplo differentie, quæ est inter Civitatem & Rempublicam, quarum hæc est ordo, illa *multitudo*, ut ipsi docuimus in *lib. 1. cap. 8.*

8. Verum Civitas & Respublica tam re quam verbis eodem modo distinguuntur, ut *suprà* vidimus; in Familia simile discrimen, ut verbis inusitatum, ita re ipsa ignotum est.

9. Non quod regimen à personis non differat, sed quia id nusquam *familia* dicitur; at hæc semper ad personas refertur, etiam à Jurisconsultis, à quibus nostra definitio leniter inflexa mutuo sumpta est. *l. 195. §. 2. de Verb. Sig.*

10. Addito tamen sine, quem Aristoteles ait esse, *eis πικρὸν ἡπίκρην*, ad usum quotidianum *lib. 1. Polis. cap. 1.* nam his verbis à collegiis discernitur, quibus & Juridicam Familie definitionem convenire putat Arnizæus.

11. Ideo vult addi vocem, *patrisfamilias*, pene frustra; nam qui nescit, quid sit Familia, eum vox *patrisfamilias* certiorum non faciet.

12. Sed differentia ab reliquis collegiis, præter *finem*, constat inde, quod de illorum essentia non fit, ut sub unius potestate habeantur, neque ut personas continentant tam *naturâ* quam *jure* sociatas, quod utrumque est in familie definitione.

13. Personæ *jure* sociatæ sunt conjuges & servi; *Naturâ*, liberi, ex quibus familia perfecta componitur.

14. Nam quod idem Arnizæus, liberos negat esse partem familie, eod quod finis familie sunt, non habet rationem. *Arnizæ. lib. 1. cap. 1. sect. 8. de Republ.*

15. Quia, præter quod partem & finem esse diverso respectu non est absurdum,

videtur proles matrissonii potius quam familie timis esse.

16. Perfecta igitur familia constat triplici conjunctione *Patrisfamilias*, cum *Uxore*, cum *Liberis*, cum *servis*.

17. Ita & Aristoteles *πῶς ἡ δόξα πλεονεξίας, δεινότης ἢ δειλότης, ποτὶς δὲ καὶ ἄλλοι, Πᾶσις ἢ τίς; Prima & simplicissima membra familie, dominus & *servus*, vir & *uxor*, pater & *liberi*. *d. lib. 1. Polis. c. 3.**

18. Sunt tria paria, sed quatuor personarum, non pauciores; quia Dominus, Vir, Pater sunt unus *paterfamilias*. Liberi possunt esse plures, est etiam ubi uxores plures in unitate familie sunt; Deficiente ex his uno, fit imperfecta familia; magis aut minus, prout deficiens membrum magis aut minus est necessarium.

19. Arnizæum tres personas duntaxat requirentem, eliminatis liberis, modo notavimus. Bodinus quinque personas ad familiam requirit *lib. 1. cap. 2. à pr. Patrem ac matremfam.* & tres, quæ liberos quæ servos, quod nihilo plus habet rationis; nam servi tres sorte requiruntur ad familiam servorum, ut diximus, eam vocem sumi; at hoc sensu nostro familia, id est, *οἶκος*, uno filio filivæ & uno servo ancillave contenta est ad perfectionem sui.

20. Numerus Familie, qui maximus esse queat, non est expressus. Sane potest esse major quam aliquando Civitas. Dari enim civitates, quæ non possunt trecentos in armis exhibere, quot, & quod amplius fuit, Abraamus eduxit adversus reges Mesopotamie, palam est. Quadringentos servos sub uno tecto habuit *Fundanius* præfectus urbi apud Tacitum, qui non absurde scribit, fuisse, *qui nationes servorum haberent*.

21. Porro Aristoteles Imperium *Patrisfamilias* triplex esse tradit, in *lib. 1. Polis,*

Polis. cap. 8. διακομιγή, ευστασία, πολιτεία. Illud in servos, istud in liberos, hoc in uxorem competens.

22. Ad hanc formam Juris civilis ratio comparata est. Pater-familias est *Princeps familiae & in domo dominium habet l. 196. n. de Verb. signif.* juxta Homericum illud Aristoteli laudatum, *Θμιστορ) ιζασ; Παίδων τὸ ἀλόχων.* Jus quisque dicit liberis & conjugibus.

23. Etiam verò servis; at his quidem *beriliter* & duriter; liberis *regiè*, id est, absolute quidem, at cum *pietate*, non cum *atrocitate*, Uxori cum multâ *æqualitatis* observatione; sicut Magistratus agunt in Republicâ liberâ cum civibus; hoc enim est *πολιτικῶς*.

24. Nec abs re Aristoteles aliique moment, Familiam videri parvam esse Rempubl. ubi sunt Imperans & subjecti, *medii* uxore, quæ unâ cum viro præest domui, etsi infra virum ut principem domus; quemadmodum magistratus medio loco sunt inter Rectores & cives. Finem certe regimenque familiæ ad utilitatem publicam esse dirigendum, quia partes civitatis integrantes familiæ sunt, ratio dicitur. Nec minor quàm Reipubl. cura esse debet, ut bene sit familiis; quâ parte non est dicere nefas, aliquanto minorem hoc seculo, quam apud cultiores veterum fuit, adhiberi diligentiam.

25. Cæterum, ea, quam descripsimus, tripartito composita Familia intelligitur esse *perfecta*. Non raro autem usu venit, uti palàm est, aliquam ex enumeratis qua-

tuor personis in domo desiderari, quæ tum adhuc quidem familia manet ac vocatur, sed defectu laborans & *imperfecta*.

26. Nam primo, si deficiat Servus aut ancilla, nemo neget, defectum aliquem ad bene commodeque vivendum in usu quotidiano, qui est finis familiæ, committi.

27. Major, imo maximâ est imperfectio in defectu liberorum, quorum gratiâ vel imprimis instituitur Familia, & quorum respectu ad Rempubl. plurimum contert; imo vix est, ut definitio Familiæ sine liberis constet, ob verba *jure sociata*, quæ in liberis solis usum habeat. Vult tamen usus populorum, ut societates domesticæ abique liberis, etiam familiæ appellentur.

28. Matris-familias defectus addit novam imperfectionem, nempe si fuerit ac esse desierit: Nam si nulla domum ducta sit, verum cælebs cum servis aut ancillis eam occupet, hæc, ut societas domestica sit, Familia ex arte dici non potest, utcumque latitudo vocabuli ad hanc quoque significationem adhiberi possit ac solet.

29. Quod si morte Patris-familias destituta sit domus, an adhuc erit Familia? Imperfecta quin sit omnium maxime non est dubium; vocabuli tamen usus adhuc manet, & forte definitio consistere potest, si jus Patris-familias defuncti, quantum ad familiæ regimen attinet, transferatur in Matrem-familias, quod nec à jure naturæ forsitán abhorreere videtur, quare diximus in *l. 2. Digress. c. 3.*

C A P. I I I.

De Matrimonio.

Definitio Matrimonii Grotiana improbat. Juris-consultorum præfertur. Quid in ea, *individua*. Polygamiam ne quidem naturali ratione probari. Secundas nuptias omni jure esse licitas, etsi odiosas. Consensum perficere connubium, non deductionem in domum, neque *ισεθλογίαν*. Corporum conjunctio quoad usque in Nuptiis requiratur. Dolus & error quatenus matrimonium faciant irritum. De prohibitione contrahendi nuptias ratione propinquitatis. Communionem bonorum non nisi per Legem stabiliri.

Prima conjunctio, quæ constituit Familiam, fit per Matrimonium, quod Grotius ex ratione juris Naturalis & Mosaicæ nihil ait esse, quam Cohabitationem maris & feminæ, quæ feminam constituat quasi sub oculis & custodia mariti, eamque fide data mari obstringat. *lib. 2. c. 5. n. 8. inf. & n. 9. in pr.*

2. Nescio, quid sibi velit à *μύτρα*; hoc commento definitionis; nisi concubinatum, polygamiam & divortium ejus complexu protegere & velamento juris, saltè naturalis, induere tenter.

3. Magis placent Jurisconsulti, quibus Matrimonium est, *viri ac mulieris conjunctio individua vitæ consuetudinem continens* §. 1. *Inst. de Patr. Post.*

4. Individua consuetudo significat arctissimum illud consortium corporis, animorum omnisque vitæ, quod natura & mos Gentium, non minus, quam jus divinum conjugio inesse debere dicitur, *de quo in l. 1. w. de Rit. nupt.*

5. Prorsus nihil est aliud *individuum* consortium, quam conjunctio in carnem unam, quæ non est juris positivi divini, sed ab ipsa origine, negotii naturæ instat fuit à Creatore, qua de re dix. in *Digress. Justinian. lib. 2. cap. 10. & 11.*

6. Sic verbis *individua consuetudo*, major inest efficacia; ad vim matrimonii exprimendam, quam in his quæ Grotius ponit, *ut femina sub oculis & custodia viri sit.*

7. Neque placet, quod uxoris ille fide viro dandam exprimit solam, sine viri mutua fide: multò minus causa, cur id fecit; ne quid obeffet, quominus viro plures jure naturæ & Hebraico ducere liceat uxores; ut ille quidem existimat.

8. Verius videtur, multitudinem uxorum non posse cum arctitudine illius consistere, adeoque internæ conjugii naturæ adversari polygamiam, haud obstante peremptoriè, singulari conniventia, qua Deo visum fuit uti adversus Patres veteris Testamenti, ut latius ostendimus in *d. lib. 2. Digress. c. 16.*

9. Secundæ nuptiæ etiam apud veteres minus honoratæ & pene vituperatæ fuerint, tam à Christianis quam à gentibus, ut multis probavimus in *part. 2. Digress. l. 1. c. 44.* sunt tamen legitimæ, tam jure naturæ quam divino; ne de Civili dicam, ut *ibidem* probavimus.

10. Scilicet, etsi hic locus, juxta alios plures, fit ex iis, qui concurrentem Juris publici & privati tractatum recipiunt,

S f

piunt, ea tamen in utroque genere discrepantia manet, atque à nobis servabitur, ut heic ea solummodo quæ Juris naturæ vel gentium sunt, educamus, eaque à Juris civilis principiis leporemus, quod habet utilitatem in ipsa Juris privati disciplinâ.

11. Cæterum, *Polygamia*, quæ *simulanea* dicitur, nec ad eam rem, cui unice inservire debebat, utilis reperitur, Scilicet ad replendam populo civitatem; quatenus compertum est, non tam huc facere gignendi, quam alendi liberos facilitatem.

12. Etenim terræ Muhamedanorum & paganorum, qui pluribus utuntur uxeribus, frequentia hominum cum Christianis populis comparandæ non sunt; sive Divina benedictio, *Crescite & multiplicamini*, irrita reddatur iis, qui non servant primævum institutum; sive ab exhaustis onere domestico familiis, propagatio novarum domuum haud perinde possit administrari.

13. *Consensu* perfici matrimonium, ratio dicitur, corporum conjunctio illud impler; mos tamen populorum ita fert, ut solum consensum *sponsalia* vocent; & *Sponsos*, qui tantum consensu matrimonium inierunt, quâ de re latè diximus in *lib. 2. Digressio. c. 7. 8. 9.*

14. Etsi autem Concubitus ad implementum magis quam ad essentiam matrimonii pertinet, aptitudo tamen ad concubitus in contrahentibus requiritur; alioqui nullum est matrimonium, si de impotentia constet; ut si vir eunuchus, mulier tam arcta sit, ut mulier fieri nequeat, qualis apud Ulpianum in *l. 14. §. 7. d. Edil. Ed.*

15. Cum sterili tamen muliere vel frigido non desperatæ facultatis, matrimonium consistit; cum priore simpliciter, quia, si cum tali non licet adsequi *procreatio liberorum*; evitatur tamen *procreatio liberorum*, Uri; quem utrum-

que finem Apostolus agnoscit *1. Cor. 7.* Sed cum frigido non consistit diutius, quàm de impotentia peremptoriè constet, cujus rei tempus olim biennio, postea triennio definitum est à Justiniano *Nov. 22. c. 6.*

16. Quid si partes consentiant? durabit societas & cohabitatio; Quod si ab initio constet impotentia, ne quidem volentibus permittenda videtur copulatio, ut rectè judicatum est à Senatu Parisiensi *d. VII. Januar. 1665*, referente Eruditorum diario.

17. Ne quidem senibus admodum decrepitis, ex ratione Juris Gentium benedictio conjugalis impertienda videtur, ob eandem rationem; maxime si alter adhuc vegetior sit, ut olim Lege Papiâ rectè consultum fuit, etsi remissum in *l. 27. C. de Nupt.*

18. Sed & meritò plerisque placuit gentibus, ut publico ritu matrimonium celebretur, veluti deductionis in domum apud Romanos; Christianis verò, in cœtu publico fidelium copulatio, præviâ publicatione sponsaliorum, si forte aliorum intersit.

19. Horum tamen rituum neglectus nullitatem actus, matrimonio inferre non potest; nisi vi Legis expressæ, quoniam individua consuetudo sine hoc ritu consistit, & multis gentibus istæ ceremoniæ inusitatæ fuerunt.

20. *Individua vita consuetudo*, quam tenet definitio, non includit communionem bonorum, nec tamen eam penitus excludit; quatenus sine bonis & aliquâ communione rerum, individua vitæ consuetudo haberi non potest.

21. Ergo ut omnium bonorum communio inter conjuges statuatur; *opus est Lege vel pacto: Sed quatenus ad sustentandum vitam consortium requiritur*, necessitas illam inferre videtur.

22. Hactenus enim ratio vult, ut singuli

guli contribuant quod quidem possint, quoniam aliter matrimonium, quod individuum inierunt, consistere non posse intelligunt.

23. Mores gentium hac parte variant, Romani nullam bonorum communione inter conjuges habebant; quædam nationes hodiernæ universam confusione probant, eamque laudat Martialis *lib. 4. Epigramm. in Nigrinâ.*

Te patrios miscere iuvat cum conjugæ census,

Gaudentem socio participemque Viro. Eamque comparationem idem cum *Euadne & Alceste*, quæ morte voluntariâ cum, vel pro viris obitâ, celebrantur, inducit.

24. Placet tamen, ut in omnibus, ita heic quoque *medium*; ac ideo videtur optimæ Leges eorum populorum, quæ ad quæstum & dispendia restringunt societatem; nam quæ ad substantiam rerum eam producant, matrimonium quasi captatoria reddere videntur.

25. Fuit definitio matrimonii, & quicquid jure Naturæ vel Gentium ad ejus essentiam requiri videtur; quod indubius consistit: In Consensu & Individuitate, per quam concubinatus à matrimonio distinguitur; et si Grotius hunc pro vero & rato haberi posse conjugio tradit, quemadmodum in servi atque ancillæ, civis & peregrini conjunctione nihil ad matrimonii naturam desit, si jus Gentium spectemus *Lib. 1. d. jur. b. c. p. c. 5. n. 15.*

26. Sed in contrarium nos vocat, quod in concubinato dici non potest inesse *individua consuetudo*, quia procul hinc est illa Societatis æstus, quæ in matrimonio desideratur; cum vix ulla quam voluptatis communicatio in concubinato fiat, qui & in eum modum inde ab initio contrahitur, ut pro lubitu ac unius voluntate dissolvi queat, uti fert usus ac etiam vilitas apud Romanos *l. 1.*

pr. n. de Concubin. et si vulgo turpitudini velandæ *matrimonium conscientia*, oppositum publico, appelletur.

27. A concubinato verò multum discrepat Instar Conjugium, quod vulgò ad *Morganaticam* vocant, iniri solitum à Viris Principibus, qui & amoris & conscientia & dignitati pariter obsequi cupientes, feminas ignobiles ducunt in matrimonium, sine præjudicio liberorum prioris matrimonii vel agnatorum. Tales enim quibus sint vere matres-familiarum, quando nullum matrimonii requisitum deficit, nihil obstat. Vid. Puffendorff. *l. 6. de jur. N. c. 1. §. 36.*

28. Consensus, quod est alterum essentialiale Nuptiarum requisitum, debet esse reciprocus, cum aliter non sit consensus. Ideo, quamdiu alter non acceptavit, alterius oblatio revocari potest, non modo sine injuria; sed etiam sine inconstantia, si credimus Grotio *l. 2. c. 11. n. 14. 15.* Sed posterius magis est, ut pendeat à singularibus factis, & à causâ mutationum impulsivâ.

29. Quid si arrhasit data, ut sit? Adhuc videtur revocari posse consensus ab eo, qui arrham dedit: Obligatio enim ante acceptationem non erat perfecta, & arrha quæ tantum est accessio, non potest operari ultra conventionem ipsam: Quod si tam diu expectaverit is qui dedit arrham, donec altera pars acceptationem professa fuerit, tum quidem frustra revocare conabitur; quæ de re non semel usu venit disputari.

30. Consensum Parentum, in quorum potestate sunt contrahentes, naturalis quidem ratio svadet ut probabile requisitum, non præcipit, ut necessarium, sicut demonstravimus in *l. 2. Digress. c. 15. n. 3.*

31. Consensui adversatur *Invitum*, quod duplex est, per vim & per ignorantiam. Per vim est vel merè invitum vel mixtum. Illud *ἢ ἰσχυρῶς ἢ ἄσθενῶς*, cuius

principium agendi est extra agentem, quando is qui cogitur, nihil ad actionem confert, ut si ab alio impulsus nolente lædam. Hoc genus Invidi in matrimonio non potest habere locum.

32. Mixtum aliàs quoque dictum est, quod majoris mali metu fit, idque facultatem habet crebram in hac materia. Tales autem nuptiæ, metu v. gr. mortis initæ, simplici jure valent, quia consensus ibi fuit *μὴ ἀκούσιτος*, cum deliberatione & electione, ut Aristot. docet 3. ad Nicom. c. 1. deliberavit enim & elegit nuptias præ malo instante; comparato sensu non valent.

33. Nam is qui metum injustum intulit, eum qui promisso stare nolit, liberare tenetur, etsi in actu illicito versatus fuerit: Adeoque deprehensus in stupro, & vi coactus inire matrimonium, restitutionem implorare potest, quem admodum Juriscti docent, de fure, qui *ἐν ἀπορροῇ* deprehensus pecuniam dare vel promittere coactus fuit, ne detegeretur l. 7. §. 1. π. *Quod mes. c. Gros. lib. 2. c. 11. n. 7.*

34. Invitum per ignorantiam contractum aut dolo partis alterius, aut temere. Dolus dans causam contractui vel matrimonium ipso jure nullum reddit, vel causam restitutioni præbet; quia promissio fundata in aliqua præsumptione facti, naturaliter nullam habet vim, ut Grotius docet *lib. 2. c. 11. n. 6.* idque sive error dolo procuratus ad essentiam negotii pertineat, an secus, indistinctè, quia consensus deficere intelligitur, ut Grotius *ibidem*.

35. Sed in errore fortuito distinguitur, inter ea quæ necessaria sunt, & quæ abesse possunt. Ad primum genus pertinet error circa personas contrahentium & essentielles conjugii qualitates.

36. Qui aliam pro alia ducit, pro-

culdubio nihil agit, nec tenetur, etsi Patriarcha Jacobus sibi passus est imponi *Genes. 29.* quomodo & alios pudore temeritatis accidit acquiescere in eo quod irritum facere potuissent.

37. Idem est, si faciendæ proli alter ineptus, aut servilis conditionis, aut prohibito gradu sanguinis reperiatur: quæ cum ipsam conjugii facultatem tollant, consensum quoque mutuum sine dubio intervertunt.

38. Sed error absque dolo in rebus ad essentiam matrimonii non spectantibus, non eximit errantem obligationi. Quid si pro virgine duxerit aliquis corruptam? non est utique essentialis error, sed an non repudio causam præbeat, *infra* videbimus.

39. Plane, si per modum conditionis adjecta sint talia, quæ ad essentiam matrimonii non pertineant, hujusmodi conditione tamen deficiente, non est dubium, quin obligatio nulla sit; deficiente videlicet consensu; quatenus generaliter verum est, promissiones sub conditione qualibet factas spem facere duntaxat obligationis, quæ non nisi post existentiam conditionis impletur, ut non minus jure naturæ, quam civili & Canonico cautum est §. 4. I. de Verb. obl. c. de illis 3. c. super eo §. x. de condit. appof.

40. Sed hic bene distinguendum est inter conditionem, qua suspenditur obligatio, & modum, quo limitatur & ordinatur usus negotii, qualia multa pactis nuptialibus comprehenduntur, etsi forte per SI, concipiantur, quod è cujusque promissi natura judicandum. Talia licet officiant matrimonio, corrumpendo non sufficiunt.

41. Sed laudatum aliquoties requiritur matrimonii, de justa propinquitatis inter contrahentes distantia, suam exegesia requirit.

42. Ratio:

42. Rationem juris Naturæ, quâ Nuptiæ per tot cognationis & adfinitatis gradus prohibeantur, quod usu populorum & jure divino observari videmus, solidam assignare, non modo difficile, sed etiam ex iis esse quæ fieri nequeant, haud temere Grotius adfirmat in *lib. 2. c. 5. de jur. b. & p. §. 1. 2.*

43. Plutarchi rationes hac de re in *Quæst. Rom. n. 105.* meliores sunt ad utilitatem juris positivi, quam ad characterem juris naturæ demonstrandum, ut probavimus in *lib. 2. Digress. c. 14.* neque diversi generis est Rabbinica à Grotio adoptata, ne familiaritas quotidiana cognatorum, nimis crebram stupris & adulteriis occasionem præberet, si nuptiis conglutinari possent. *cap. 5. §. 13.*

44. Nihil solidius est, quam quod Paulus J. C. Naturale jus & pudor, inquit, in *contrahendis matrimoniis, inspicendus est l. 14. §. 2. r. de Rit. Nupt.* Cujus pudoris ratio quâ in re consistat, variè philosophantur auctores de jure Naturæ, nec id dicere satis expeditum est. *Humana,* inquit Augustinus, *verecundia generatricem libidinem,* NESCIO QUO MODO, à *propinquitate continet l. 15. de C. D. c. 16. Divina QUADAM providentiâ, Justin. §. 11. Inst. de F. N. G.*

45. Insitam esse naturæ humanæ illam aversationem negant, qui nihil ejusmodi in jure Naturæ, quâ de re *aliàs* dictum, agnoscunt; & tamen dum hujus pudoris causas rationales adducunt; parum abest, quin hæc tam sint obscuræ,

ut nihil magnopere, quam insitum naturæ affectum declarent; fere ut nuper in physicis, qui occultas rerum qualitates in scholasticis irident, nihil nobis aliud quam illud ipsum in *tali & tali* dispositione particularum exponunt.

46. De cognatis ac adfinibus in lineâ rectâ fere conveniunt Scriptores, horrorem ab ejusmodi nuptiis in naturâ hominum esse talem, ut plenam efficiat eodem jure naturæ prohibitionem; quâ de re Grotius *ibidem* & nos in *d. libr. 2. Digress. c. 14. n. 4.*

47. De collateralibus multi existimant, non esse rationem juris Naturæ necessariam ad prohibitionem, quod etiam Romani juris interpretes sentire videntur in *l. ult. r. de Rit. Nupt.* ubi; *Jure gentium,* inquit, *incestum, committunt qui ex gradu descendendum vel ascendendum uxorem duxerit: Qui vero ex latere &c.* ubi incestus in lineâ collateralis opponitur incestui juris gentium.

48. Sed nos contrarium in *d. libr. 2. cap. 18. Digressionum,* rationibus & auctoritate probavimus, idemque adversus Grotii sententiam in *capite sequ.* de gradu tertio sanguinis duntaxat, tentavimus. Circa adfinitatem gradus secundi & tertii, non idem juris esse videri, quod ad naturale jus attinet, verùm prohibitionem hæcenus esse juris positivi, copiose demonstravimus in *cap. 21. & 22. d. libri 2.* quæ huc transferre nihil attinet.

49. An & qualis actio detur è matrimonio ad *sequentia* reservabimus.

C A P. V I.

*De potestate maritali, jure agendi inter conjuges, modisque
finiendi matrimonii.*

Potestas maritalis, quæ & unde sit, distinctè exponitur. An & quatenus ei renuntiari possit; quousque extendi queat aut nequeat. Romanus hac parte mos. Qualis actio inter conjuges detur: & de modis, quibus solvitur Matrimonium.

Diximus, quid sit Matrimonium, & quomodo contrahatur, ut initium det Familæ. Jure societatis & secundum primam naturæ simplicitatem familiæ Imperium feminæ pariter cum viro debebatur, ut probavimus *lib. I. Digest. cap. 3.*

2. Sed quia æqualitas parit rixas, *in omni parte*, ut ait *Chrysof. ad cap. 4. Ephes.* idcirco viri ob præstantiam sexus prævalet auctoritas, ordinis tamen magis quam subjectionis causâ, ex sententiâ *Aristotelis*, quam supra dividimus.

3. Idque notissimo jure Gentium, monstrante naturali ratione, nec minus jure divino, in tantum invaluit, ut neque Lex neque pactum in diversam partem sine probro valeret; quo scil. vir imperio in uxorem renuntiaret, etsi id ipso factò non paucis hominibus claris & integris nationibus imputetur.

4. An autem illa sexus præstantia viro imperium in uxorem tam necessario addicat, ut id nullo modo aliter se habere posset, haud facile dixerim: quia muliebre in regnis imperium, quod domesticum absorbet, utique *jura* esse creditur. Unde videndum, ne non ex jure Gentium positivo, naturali ratione, quid rectius sit, monstrante, petit videatur.

5. Principatus autem ille Viri super Uxorem pertinet ad ordinem regimenque

familiæ duntaxat. Nam universa cura bonorum, quæ viris hodie plerumque tribuitur, est à jure Civili, cui proinde nihil obstat, quominus renuntietur.

6. Hinc sequitur, illud jus pacto quoque nuptiali amitti posse, quemadmodum mulieres in *Hollandiâ* sæpe stipulantur à viris, ne sub Curâ illorum sint. Imovidi pacta dotalia, in quibus mulier stipulata erat, ut *auctoritas maritalis cessaret*, his ipsius verbis; ratione bonorum scilicet; alioqui contra bonos mores fuisset Pactum, cujusmodi dotalia pacta non valent. *¶. de Pact. dotal.*

7. Tantum abest, ut pares simus eorum sententiæ, qui jus vetus Romanorum Germanorumque, devitæ necisque potestate in uxores, restitutum cuperent; qua de re *vid. Bodini lib. I. de Republ. cap. 4.*

8. Nec enim satis causæ habet ille, quamobrem privatæ disciplinæ rigor ad capitalem animadversionem procedere debeat, tanto præsertim periculo à perversitate suspicionum irarumque maritalium: Potius iis adsentiendum, qui ne verbera quidem maritis permittenda putent, quod ipse Cato sacrilegium putabat. *Plutarch. in vit. Cat. Cens.*

9. Quia vix aliter in liberos & servos, quò in officio continentur, pater dominusque animadvertere possunt; & quoniâ ad regimen familiæ plus adversus hos, quam

quàm illos, opus esse videtur: est autem inter hos & uxores evidens discrimen.

10. Nec tamen id eò pertinet, ut maritis præcedatur facultas, indomitam uxorum contumaciam salutariter severitate justaque gravitate privatim coercendi, potius quam ut jurgia domestica foras proferantur, quod merito *Bodinus d. cap. 4.* vituperat, ac *Alcibiadem* laudat, qui uxorem id agentem humeris suis à tribunali domum reportavit. Utique, si non sit animus, Præceptorem *Alcibiadis Socratem* imitari, tolerantiam infinita mulieribus insolentiam semet efficaciter in patientia exercentem.

11. Quid autem rei, obiter; hoc est? quod Romani jus vitæ necisque in uxores habuisse dicuntur, si verum est quod *Plutarchus* narrat in *Quest. Rom.* 30. solitam fuisse apud præcos Romanos mulierem nubentem dicere novo marito, *Ubi tu Cajus, ego Cajo*; quæ verba *Plutarchus* ita interpretatur, *ἔγω οὐ κέειν & ἡ ἀνδραπέτης, ἡ ἰσὴν κερία ἡ ἀνοδύσσουα.* *Ubi tu Dominus & Paterfamilias, ibi ego domina & Materfamilias?* Recentiores autem Romani in Pandectis quid? *Peto à te Domina Uxor, ajebat maritus in l. 41. inpr. π. de Legat. 1. Domina sanctissima in l. 12. §. 1. π. de ann. Legat. Semproniz Domine mee l. ult. §. 1. π. de Aur. & arg. leg. in §. 2.* At *uxoribidem* simpliciter scribit, *vir meus.* E alibi, *Gajum Virum meum commendo tibi filia l. 34. §. 7. π. de Legat. 2.*

12. Scilicet, illud dictionem nuptiale vel erat licentiæ sponalitæ, vel eo spectabat, quod mulier nupta sui juris, nec in potestate viri, civiliter accepta, erat *l. 4. π. de hu qui sui vel al. jur.* imperio interim familiæ illæso. Jus autem vitæ necisque posterior ætas sustulit; denique salutationes istæ nuncupationesque honorificæ, civilitatis forte nimis ac adulatores fuerunt, ad juris consequentiam non pertinent.

13. Quanquam autem recte *Bodinum* intelleximus improbare judicia inter uxorem virumque, non est tamen hoc ita capiendum, quasi tuncta de matrimonio judicia cessarent.

14. Nam primò, quæ inter veteres Romanos obtinebat actio è Sponso in id quod interest, teste *autore nostr. Ast. l. 4. c. 4.* juri naturæ satis conveniens erat, et si ad cogendos eos qui recusarent implere matrimonia, non dabatur actio, quia licitum erat dicere, *Conditione tua non utor.*

15. Sed repudiis sublati, an jam non datur actio adversus recusantes implere matrimonium? non est dubium & fiunt omni die condemnationes. Sed in executione laboratur. Jure Canonico non placet, ut invitus aliquis aut invita nuptiis, in Ecclesiâ ipso actu celebrandis adigatur *c. 17. x. de Sponsal.* Idque in multis locis servatur, ubi vis executionis consistit in eo quod interest solvendo, impediendoque damnato, ne ad alias nuptias transeat.

16. Sed efficacior exequendi ratio non abhorret è natura negotii, nec ideo reprehendendi mores eorum, qui condemnatum per Executorem publicum duci jubent in templum, ut ibi solennibus promissionis & Cærimoniis defungatur, domumque ducat uxorem invitus vel invitam. Quod si deinde neget *πὸ ἰσχυροῦ ἡννοῖα*, multæ dictione, vel pignorum capione subigi posse videtur.

17. Quid si pactum adjiciatur Sponsalibus, ne liceat alteri alterum judicio convenire ad implendum matrimonium? Non videtur valere Pactum, quia conditiones matrimonio adversantes illi adjicere, bonis moribus ac utilitati publicæ repugnat *l. ult. x. de Condit. oppof. in despons.*

18. Porro, apud Romanos hac parte gravissimi exempli auctores, *de moribus* ut agere liceret inter conjuges, cautum fuit,

fait, idque ne pactis quidem dotalibus excipi potuit *d. l. 5. §. de Pact. dotal.* Mulier etiam pro extremo sævitæ & prodigentæ maritalis remedio, auctoritate judicis carere non potest, agendique jus habet ad petenda alimenta, ut interdicatur ei bonis sævitiæque, sub Legge suæ modestiæ &c. Vir quoque, si uxor apud parentes aliosque latitet; agere potest ad exhibendam uxorem *l. 4. §. de lib. exhib.*

19. Sequuntur modi, quibus Solvitur matrimonium, qui sunt Repudium inter sponfos, Divortium inter conjunctos; etsi hæc vocabula sæpe confunduntur *l. 101. §. de V. S.* Prius mutua partium gratia fieri posse videtur, nec non alterutro graves ob causas renunciante. *Cap. 5. & cap. 10. x. de Sponsal. cap. 25. x. de jurejur.*

20. Matrimonium partium consensu nullo modo solvi potest; quia non, ut reliqui contractus mere consensuales contrario consensu ad statum infecti possunt redire, sic quoque status prior conjugum eodem modo potest reintegari; quoniam arctissima illa conjunctio, per quam duo in unum coaluerunt, ita comparata est, ut non recipiat separationem neque retractari possit.

21. Ergo ejusmodi oportet esse causas, quæ fœdus conjugale penitus destruant, quales duæ esse videntur, Adulterium & Desertio, quæ fit cum animo non revertendi, quam, *malitiosam* vocant, ut jure divino cautum. *Matth. 5. v. 32. & cap. 19. v. 9. I. ad Corint. 7. v. 17.*

22. Adulterium proprie cum nuptâ committitur, ac ita cum de accusatione poenæque publicæ agitur, accipiendum esse videbimus in loco, probatumque est in *Prælect. ad tit. Inst. de Nupt. n. 5. & ad tit. π. L. Jul. de adult.*

23. Attamen Vinculum conjugii non

modo à muliere, sed etiam à Viro rem cum aliâ soluta habente disrumpitur, quia fides mutua jus in corpora utrique largitur idem *1. ad Corint. 7. v. 4.* tamen gravius vir quam uxor suppolutione partus lædatur

24. Unde licet diversæ delicti species & nomina esse queant atque poenæ; ut multis visum Legislatoribus, *l. 6. §. 2. π. ad l. Jul. de adulter. Levit. 20. v. 10. Deuterom. 22. v. 22.* tamen utraque species matrimonio sufficit dissolvendo *d. cap. 5. & 19. Matth.*

25. Idem efficit malitiosa & obstinata derelictio tecti aut thori, quæ tollit peremptoriè omnem *curiam & curiam*, non minus naturaliter quam jure divino; etiam thori, inquam, uti nostro tempore Princeps illustrius, hoc prætextu divortium novasque nuptias velabat, ut dix. *Prælect. ad π. tit. de Divort. & repud. n. 12.*

26. Si aliter mores femine sint intolerabiles, non ultrà quam domo exigi potest. Nec illa se alio modo sævitæ viri opponere, aut luxuriæ suas res subducere potest; quanquam Justinianus, Princeps religiosus, exemplo Mosaico, libellos divortii pro ultima discordantis matrimonii medela permittit *Nov. 140.*

27. Et hæc quidem Jure divino, Juri naturæ, saltrem suo magis consentanea, quam sunt causæ plures in Jure Romano traditæ, de quibus actum *in nealunõs* in parte 2. *Digress. lib. 1. c. 18. n. 4. & 5.* etli non desunt tam Theologi, etiam ex rigidioribus, quam Juriscti, qui hac parte multo sunt remissiores, de quibus in *d. c. 18. & in Prælect. ad tit. π. de divort. & repud.*

28. Diversæ à causis divortii sunt rationes *Nullisatis*, per quas ab initio nullum fuisse conjugium intelligitur, ut est impotentia post experimentum triennale, de quo *superius*; propinquitas

tas sanguinis aut adfinitatis ignorata prius, & quæ præterea matrimonium inde ab initio nullum reddere diximus in cap. præced. & in Prælect. ad x. tit. de divort. n. 16.

29. De impotentia si dubitetur, quid juris aut consilii in re accipiti? In foro Pontificio mos est vetus, instituendi visitationem & exigendi specimen congressus, quod institutum impudentissimum graphice describit Robertus lib. 4. *Res. judic. c. 10.* multasque rationes, quibus id improbandum sit, adducit; quemadmodum à magno Senatu Parisiensi ante aliquot annos, occasione singularis & illustri eventus, eum inquisitionis morem fuisse prohibitum accepimus. Dix. ad tit. x. de Rit. Nupt. sub. fin.

30. Sed quæ ratio igitur finiendæ litis super impotentia virili? Si vir neget & res dubia sit, viro potius adfirmanti, quam mulieri neganti credendum videtur: Nisi gravissimæ præsumptiones & circumstantiæ faciant, ut mulieri iusjurandum quandoque deferendum videatur.

31. Hoc etiam ad juris publici rationem pertinet, Rescripto Principis, ob exquisitas æquitatis aut publicæ utilitatis causas, rigorem nullitatis posse mitigari, maxime propter temporis diuturnitatem statumque liberorum, ut notabili exemplo Marcus & Verus demonstrant in l. 57. x. de Rit. Nupt.

32. Sed hujus loci quæstio est; Si corrupta pro virgine, ab ignorante ducatur (sciendi enim nulla querela) utrum

hæc sit Nullitas, vel divortio sit locus, an neutrum? Nullitas, si non hæc conditio adjecta fuerit vel dolo causam dante secus adfirmatum sit, hac re non committitur. Divortio magis est, ut causa dari videatur; maxime, si res ab initio statim detecta sit: Nam inveteratum conjugium hac causâ difficulter distrahitur *Deuterom. 22. v. 21. in Nov. Leon. 93.* Dix. latius in *Prælect. ad tit. x. de Divort. & repud. n. 17.*

33. Hactenus de vero Divortio. Est & aliud instar divortii, quod dicitur, à Mensa & Thoro; propter mariti sævitiam, aut uxoris procaciam intolerabilem, vel utriusque, ut fere usu venit, odium irreconciliabile; Idque vel discessione simplici, vel causâ cognitâ, iudicis auctoritate fieri solet. Privatim ita, ut apud Homerum Il. E.

Ἡδὴ καὶ διέθρον ἄλλων ἀπέχον
Εὐνὴς καὶ φιλόπαιτος, Ἐπὶ ἥλος ἑωπίου
Ζυμῶ:

Inter eos pridem chari communio lecti.

Et consuetudo tristem cessavit ob iram.

34. Sed ut effectum juris habeat illa separatio, causæ cognitione opus est; tentatis prius omnibus & auctoritatis & suadendi remediis: plerumque enim mulierum querelæ sunt, quales in *Plauti Menachm.*

Pater, vivere hic non possum, neque durare ullo modo;

Proin tu me hinc abducas:

idque de vitilitigiis, ut illic à Pare filiæ inculcatur.

C A P. V.

De Parentibus & Liberis, & de Tutelâ.

Post conjuges, membra familiæ esse, liberosex justis natos nuptiis; è concubina tamen editos, mediante legitimatione, posse familiæ aggregari, modo mater fuerit, cum qua nuptiæ esse potuissent. Improbatur mos exponendi liberos, aut fame incestuosos necandi. Adoptatos quoque ad familiam pertinere, Patria potestas jure Gentium qualis esse debeat. Refellitur Hobbes, qui jure Naturæ partum, matris in potestate solius esse putat. In nuptiis liberorum, quæ sit patria potestas, quæ in publicis causis & in bona liberorum. Quibus modis patria potestas & regimen Familiæ solvatur, ubi de & Tutelis.

Videntur quidem hæc inprimis ad jus privatum pertinere, sed quia tractatus de Familia, ad civitatem necessarius est; nec ea, nisi partes explicentur, intelligi potest, res jubet, ut obiter hæc delibentur; sed obiter, ut fit ac quatenus ad jus universale, quod est Naturale vel Gentium, sufficit.

2. Igitur, altera in familia societas orta è priori, inter parentes liberosque ex justis nuptiis natos, intercedit. Nam qui absque matrimonio suscipiuntur, non fiunt membra familiæ, quia deficit principium familiæ, quod conjugium esse vidimus.

3. Hoc igitur qui contraxere, dare debent operam proli multiplicandæ, licet molesta sit futura liberorum multitudo. Proinde vel abortus procurare, vel exponere & necare infantes, jure naturæ, quo *παρρη*, Proles amor hominibus inradicatus est, illicitum; sicut primævo conjugii instituto, quod Sacræ literæ produnt, adversus est; haberi oportet.

4. Et si aliter gentes antiquæ & philosophi, interque eos Aristoteles *lib. 7. polit. c. 16.* ubi expedire docet civitati,

ἡ πρὸς τὴν ἀνάγκην τὴν πόλιν. multitudinem proli generanda limitari; quia civitatis incremento non tam servit numerus natorum, quam facultas educandi & elocandi natos & natus. Si Lex vetet expositiones, auctor est ille *περὶ ἀπορίας ἰσχυροῦς ἐξ ἑσῶν, ἡμπαυροῦς τὴν ἀμβλωσιν, ἀντεquam factus sit vitalis, abortum procurari.*

5. Sed rectius aliæ Leges, crimen id esse statuunt *l. 38. §. qui abortionis 5. π. de Pœnis*, levius quidem in principio, necdum animato foetu; ut illo tamen casu etiam crimen sit, non tantum, si quis partum perfoecat, sed etiam, si alimenta denegat *l. 4. π. de Agnosç. & alend. lib. d. §. 5.* convenienter isti Euripidæ, *Ἄπαν δ' ἀνθρώπων ἴ ψυχὴ τίναται. Cunctis hominibus liberi vita altera*, idque donec ætate, vel arte aliqua, cui à Parentibus additi fuerint, exhibere se possint *l. 5. §. 7. π. d. tit. de Agnosç. & alend. lib.*

6. Qui tamen è muliere, cum quâ conjugium esse posset, sunt nati, suppleto defectu, quo à familia removebantur, possunt cum illâ redintegrari. Scilicet, subsequente parentum connubio,

bio, aut, sublato alterutro, per Rescriptum Summæ potestatis, quæ est *Legitimatio*, aggregans illos familiæ, sine præjudicio legitimæ natorum, & sine effectu Successionis in regna & feuda, de quibus in *loco*.

7. Sed differentia juris Romani inter eos, qui domi è concubinis & qui foris è furtivo amplexu nascuntur, non est juris gentium, quo sufficit patrem esse certum, ut liberi pro naturalibus & aptis ad legitimandum habeantur.

8. Verum nati è coitu nefario, incestuoso vel adulterino, non sunt in terminis habilibus, ut cum familia parentum unquam coalescant: quia vitium illis obftans nunquam potest tolli, & turpe videtur eo modo natos familiis aggregare. Quominus tamen Principes speciali rescripto jubeant eos in civitate, effectisque civilibus haberi pro honestis & quasi pro legitime natis, ratio non prohibet, idque *fit passim*.

9. Sed quod ad eos attinet, qui ex nuptiis sine parentum consensu initis sunt nati; horum status per ratihabitio- nem avorum ad originalem integritatem reduci potest, qua de re proluxa quæstio juris non est hujus loci. dix. ad *tit. 8. de Rit. nupt.*

10. Neutiquam tamen nefariæ proles abjici alimentisque privari debent, quæ sententia Justiniano, in *Nov. 89. cap. ult.* minus merito adscribitur, ut in *prælect. & pr. lib. 111. Inst. exeg. Nov. 118.* demonstratum est; quanquam ut inhonorati in civitate degant, id juris ratio non abnuat, imò postulat.

11. Multò minus ille mos veterum probandus, quo Patribus erat permiffum, liberos etiam juste natos tollere aut exponere, quo pertinet τὸ ἔγγυς ἴσθαι Atheniensium, Ἐπὶ τῷ ἔγγυς ἴσθαι τὴν παιδίαν, ut Scholiastes Aristoph. *Ran.* quia, *infantes exponebant in ollis fictili-*

bis, quod nec Romanis incognitum fuisse, probavimus 2. *Digress. 5.* et si Justinianus id execratur in *Nov. 153. c. 1.*

12. Sed ubi Servitus in usu est, ibi nefas non videtur, vendere liberos, si quos parentes ultima pressa paupertate alere non possint, ut *Lege Thebanâ* atque Romanâ, de liberis recens natis fuit cautum, teste *Æliano lib. 2. var. hist. cap. 7. L. ult. C. De patr. qui fil. distraz.* de quorum locorum collatione notabili diximus in *l. 2. Digress. c. 5.*

13. At in bene constitutis Civitatibus non desunt, neque debent deesse media, per quæ talibus de alimentis prospiciatur.

14. Parentes sane tam extra quàm in matrimonio, propter necem liberorum rigidè puniuntur; neque discernendus pater à matre, quod fit aliquomodo, dum mater ut jure Romano parricida, pater ut homicida plectitur *l. 1. ad Leg. Pomp. de parricid.*

15. Denique, tædio orbitatis commentum adoptionis repertum & à multis gentibus usurpatum est, quo extranei in nomen & jus liberorum, auctoritate publica, adsciscuntur.

16. Publica auctoritas ad hunc effectum est necessaria, quoniam sine illa jura gentilitia familiarum & successionum, quæ jus liberorum comitantur, privato arbitrio stabiliri non poterant.

17. Quod si illa adhibeatur, non video, quamobrem Adoptio nec hodiè liberorum jura tribuere nequeat, ut plerique tradunt; errore, nisi fallor, infrequentia vel spuria adoptionis, qua privatim adolescentes aliquando pro filiis adscitici dicuntur.

18. In Frisia sane, ubi non magis adoptio quàm alibi frequentatur, dubium tamen non est, quin si accidat, jus liberorum inter vivos & mortis causâ tribuat; quomodo usu venit in illustri exemplo

xemplo alibi commemorato, quo jus etiam successionis ab intestato, vi adrogationis coram Suprema Curia factæ, acquisitum & exercitum fuit. *Dix. Prælect. ad tit. Inst. de Adopt. sub fin.*

19. Nam Adrogationis & Adoptionis discrimen, quod Romanis placuit, ut qui sui juris sunt, imperio Principis aut Ordinum liberi populi adrogentur, qui vero alieni juris sunt, hi per Magistratus adoptari possint; non est juris Gentium; adeoque nihil vetat, utramque speciem à Magistratibus administrari, quomodo Frisius in illo visum exemplo, Gentium magis quam Romani juris respectu.

20. Forma adoptionis pro more cujusque populi diversa, sed inter vivos fieri debet; nam quæ testamento facta memoratur in Historiis, magis est adsumptio in nomen honoremque familiæ atque bonorum, quam Adoptio; quia nullum continet respectum patriæ potestatis aut necessitudinis filialis; cum non nisi post mortem adoptantis usum habere possit, quomodo Julius Dictator pronepote ex sorore Augustum adoptavit, & Augustus ipsam uxorem Liviam *Tacit. l. 5. Ann. in pr.* Qua de re latius actum in *lib. 2. Digress. c. 23. n. 2.*

21. Sunt etiam adoptionis imitamenta quædam, nomen idem, effectum minime eundem habentia; qualis quæ apud veteres Germanos fiebat per capillum & per arma. Per capillum fiebat adoptio, quotiens ritu solenni Principes, juvenum cæsariem inciderent, quod sumere capillum vocabant, de quo Paulus Diacon. *lib. 6. de gest. Longob. Per Arma*, quando juvenes è manu illustri equos, enses, clypeos, hastas aliaque belli instrumenta acciperent, ut est in epistola Theodoricæ Gothi, quam refert Olaus Magnus *lib. VIII. a pr.* quomodo & Justinianum ab Athalarico Gotho adoptatum memo-

rat Cassiodorus *lib. 1. var.* Nihil aliud hi ritus fuere, quam solennes belli initiationes, cum appellatione patrum & filiorum.

22. Potestas parentum in liberos ejusmodi esse debet, quæ ad regimen familiæ sufficiat, & quidem, ut par est in Civitate, ubi major est potestas præditæ gladio.

23. Proinde, jus vitæ & necis, quod olim Romæ habebant parentes, recte novis constitutionibus aliarumque gentium moribus in modicam coercitionem est mutatum *l. un. C. de Emend. prop. l. 3. C. de patr. pot.*

24. Merito etiam displicuit Romanis junioribus aliisque populis antiqui juris Quiritium rigor, ut Patria potestas æque valida & infinita esset in liberos ac erat in servos, etiam ut Patri filium vendere liceret, qua de re nos egimus in *lib. 2. Digress. c. 4.* quod tamen in filiabus an habuerit locum, dubitari potest, per ea quæ diximus in *parte 2. Digress. l. 1. c. 15. n. 6.*

25. Sufficit, inquam, parentibus, tantum potestatis, quantum moderandæ familiæ necessarium est, salva publici privatique juris & coercitionis differentia; quemadmodum apud Græcos olim Solonis, Pittaci, Charondæ aliorumque Legibus cautum fuisse, testatur Dionysius in *lib. 2.*

26. Nec quidem ille dubitat, Leges Romanas institutis Græcorum præferre, etiam in jure vitæ necisque & graviori coercitione per omnem vitam exercenda; quanquam & naturæ & gentium jure positivo, mores antiqui Græcorum τῆν ἰσοδυναμίαν, seculi præsentis usu, magis convenire videntur.

27. Cum autem familiæ Imperium sit penes virum, sequi debuit, ut potestas in liberos, quæ civiles validosque haberet effectus, patri soli permitteretur;

honore

honore interim & obsequio pietatis matri equaliter præstando.

28. *Hubbes* arguitur, jure naturæ partum esse in potestate matris solius, quia per naturam puerpera prima suo foetu potitur, verum patriam potestatem esse vel ex pacto matrimonii, vel ex Lege civili. *Tract. de Civ. cap. 3.*

29. Nostra ratio contrahit, honestatem naturalem exigere, ut mulier se non det pluribus viris, sed sub oculis unius agat eique cohabitet.

30. Unde ex eadem naturali ratione sequitur, virum qui solus cum muliere semen communicavit, jus in eundem filium recte sibi vindicare, quia ex ipso est, & dum nascitur foetus, æque & facilius manum ei injicere potest quam puerpera.

31. Sed ratione generationis dicendum, utrique parenti commune & par jus comparatum esse; prærogativam patris, jure Gentium, naturali ratione quod melius erat monstrante, fuisse introductam. *Dix. in Digress. lib. 2. cap. 3.*

32. Cæterum, jura Patriæ potestatis tam ad personas liberorum quam ad res & bona illorum pertinent. *de quib. vid. Gros. lib. 2. cap. 5. §. 1. & seqq.*

33. In personalibus id juris habet pater, ut quamdiu filius aut filia imperfecti est iudicii, per omnia Patris imperio subiectus sit; Etiam quando adolevit; attamen pars manet Paternæ domus, in omnibus quæ ad regimen familiæ spectant, ut in iis filius nihil sine Patris consensu possit, adeo ut pater acta ejus irrita facere queat. In separatum à familia, cessat potestas; sed auctoritas in Parente, reverentia in liberis manet in perpetuum.

34. Quin etiam alia nonnulla, in quibus liberi, dum adhuc sunt in familia, tenentur quidem parentes revereri & observare, sed facultas perfecta patri in illis competere non potest.

35. Cujus generis videtur esse jure naturæ *Matrimonium*, quod non ad regimen familiæ, sed ad ejus dissolutionem spectat; præter quod gignendi facultas tam propria & cuique singularis esse videtur, ut imperio subijci non possit.

36. Sed ratio summa honestatis & gratitudinis communisque utilitatis plebrosque Legislatores impulit, ut necessitatem vimque coactivam huic rei adderent; adeo ut divino & Romano aliisque juribus, excepto Canonico, in vitis parentibus contractæ nuptiæ nullius momenti censeantur, *pr. & §. 1. Inst. de Nupt. Exod. 22. v. 17. Deuteronom. Cap. 7. v. 31. Corinth. 7. v. 36. C. Sufficiat ca. 27. qu. 2. Cap. cum causâ x de Rapt.*

37. Plura personalia Romani patriæ potestati adscribere, veluti, quod inter Patrem & filium nulla lis, nulla obligatio existeret potest; quod vox patris ut filii, vox filii ut Patris intelligitur *l. 4. π. de Judic. §. si quis alii 4. In de Inutil. stipul.* Quæ & similia nituntur hac regulâ; quod Pater & filius una eademque persona esse videntur: Quæ cum sit fictio Legum, positiones inde pendentes ad jus gentium minime pertinent; nisi quatenus eveniat, ut liberi nihil patrimonii adeoque nullam litem aut obligationis materiam à patre suo seorsim habeant.

38. Cæterum, in causis ad Rempublicam pertinentibus, clarum est, cessare debere patriam potestatem; eaque est regula Juris Romani, Gentium juri conveniens *l. 9. π. de his qui sui vel al. jur.*

39. Quanquam olim secus apud Romanos obtinuisse Dionysius auctor est in *lib. 2.* narrans ex Lege Romuleâ de Patria potestate, *Viros Illustres, Summos Magistratus gerentes & conciones pro rostris habentes, senatui quidem adversas, plebi vero gratas, à patribus sæpe detractos & domum abductos fuisse, pænas eorum arbitratus daturus: ita quidem, ut nec*

consules, neque tribuni plebis, aut ipse populus eos eripere possit. Videtur id omnino facti magis & reverentiæ erga Parentes fuisse, quam juris publici & necessarii: quemadmodum diversi quoque generis exempla, filiorum, qui patres suos Magistratui honorem habere compulerint, apud eosdem Romanos non desunt.

40. Jus in bona liberorum eodem fundamento nititur; sane, quam diu liberi sunt pars familiæ paternæ, consentaneum est, fructus reditusque bonorum ei cedere ad familiæ sustentationem, ut & lucra illorum, quæ ad ipsos à patre profecta sunt.

41. Quæ præterea jure præsertim Romano constituta sunt, ea Legum commenta suo loco non inutilia, sed à jure universali aliena sunt; veluti, quod bona, quæ aliunde liberis acquisita sunt, olim Patris etiam propria fuerint, quod recentiori jure Romano, ad analogiam juris Gentium, quam diximus, reformatum est in *tit. C. de Bon. quæ lib. & de Bon. matern.* Quod liberi de bonis suis per ultimam voluntatem disponere non possunt, nisi de quibus Lex iis hanc potestatem specialiter dedit *l. pen. C. Qui testam. fac. non poss.* Imo quod pater liberis suis impuberibus heredem in bona adventitia dare queat, in *tit. I. 1. & C. de subst. pupil.*

42. Solvitur patria potestas jure Gentium, non morte tantum, sed & ademptione libertatis & civitatis, aut etiam Emancipatione voluntaria; qui modi jure Romano sunt cogniti *tit. Inst. Quib. mod. solv. patr. pot.*

43. Sed & matrimonio separatâque habitatione, quia tunc ipsi liberi novam condunt familiam. Igitur ætate verius est, non solvi potestatem Jure Gentium, contrâ quam nonnullis populis in usu est; modo filius pars maneat paternæ domus; tantisper enim imperio Patris

sui, quod ad regimen domus attinet; subjectus manet. Cæterum, Educatio liberorum, etiam maximæ in Republ. utilitatis & exactam requirat disciplinam, ab hac Arte tamen aliena, neque tam ad politice quam ad Oeconomicam, quæ propriis terminis constat, referenda sit.

44. Quid si pater familias moriatur, an omnis potestas familiæ solvitur? Ita Romanis visum; sed à jure Gentium non videtur abhorre, ut mater, quæ fuit sociæ regiminis, & cui potestas, ordinis saltem causa, utque cederet marito, negata erat, quemadmodum *suprà* intelleximus; ut hæc, inquam, patre defuncto, succedat in Imperium, donec societas domestica manebit.

45. Quâ ratione bene consultum est recentiori jure Romano moribusque populorum; quod matres sunt Tutrices Legitimæ liberorum suorum. Quippe Tutela est patriæ potestatis vicaria.

46. Si mater non sit, vel hæc secundo marito se submiserit, aliis Tutoribus committendi sunt adolescentes, donec virilis vigor in illis completus fuerit: qua parte quod Romani inter Tutelam impuberum & Curam puberum distinxerunt, non est juris Gentium, nec ideo ab aliis populis observatur, quando & Græci ipsius juris Romani interpretes *ανδρμονας* & *αφύλικας* eodem modo promiscue sumunt, quo Germani *Vormunders* & *minderjarigen*.

47. Jus dandi Tutores primo quidem ad Patres pertinet, non tamen jure Patriæ potestatis, sed per consecutionem disponendi de bonis suis, juxta Legem XII. Tabularum, cujus verba constat hujusmodi fuisse; *pater familias uti super pecuniâ tutelæ rei suæ legasset, ita jus esto*; quo jure quilibet Testatores pupillis hereditibus à se institutis, quos volunt, Tutores dare possunt, jure Gentium.

48. Quin etiam jure Romano *l. 4. 1. de confirm.*

de confirm. Tut. et si postmodum à Jurisconsultis introducta est Tutela Testamentaria, Patribus jure potestatis suæ propria, quæ jus in personam & bona liberorum adventitia daret, cujusmodi species excedit terminos juris Gentium.

49. Quando pater aut mater, vel quicumque pupillum heredem scripsit, Tutorem ei non dedit, ratio vult, ut Civitas Patrum vicarios, iis qui seipso regere non possunt, constituat; quod vel fieri debet generaliter Lege, vel officio Magistratus.

50. Lege, nulli melius vocari possunt, quam sanguine proximi, cum, propter affectum naturalem, tum ob spem emolumentum à successione, si pupillus moriatur, hoc intuitu, quod Tutela sit onus, ut est revera.

51. Proinde sine discrimine cognatorum & agnatorum, ut Plato in sua Republ. quam respectu universali formavit, instituerat, *ἰπαικόπυς εἶναι τὸς ἐξοικωθεὶς γὰρ οὐκ ἐπιλόγῃς καὶ πατέρος*, Tutores esse debere proximos à familiâ paternâ seu maternâ.

52. Quod si ad agnatos solos successio pertineat, ut olim Romæ factum, nunquid & hi soli ad Tutelam vocabuntur? Ita visum Romanis, ob rationem juris, ut illi putant, naturalis, Illic onus Tutelæ constitui oportere, ubi est emolumentum Successionis. Contrarium placuit Soloni in Legibus Atticis, teste Diogene Laërtio, qui *καλίστην δὲ κακῆν*, inquit, hoc etiam pulcherrimè constituit, *μηδὲ ἐπιλόγῃς, εἰς ὅν ἢ ὑπὸ τῆς ἐξοικωθεὶς ἰπαικόπυς πατέρος τῶν. Ne Tutor fiat is, ad quem post obitum pupillorum, hereditas per-*

veniet; metu insidiarum ab auri sacra fame. Cur tam varie Romanus & Græcus in eodem negotio Legislator, ediservimus in *part. 1. Digress. cap. 5. n. 2.*

53. Cæterum, modus deferendi Tutelam Legitimam, qui Romanis placuit, ut sine medio & factio hominis, adeoque sine decreto Magistratus, Agnati proximi vocentur ad Tutelam, minime Juris Gentium, aut universalis est, Nec Græcis olim, nec hodiernis populis id usitatum est; sed ratio magis vult, Magistratus, qui sunt ministri Legum, ex agnatis maxime idoneum eligere, vel si nemo reperiatur idoneus, hoc onus imponere extraneo. Quæ præterea ad Tutelas & Curationes pertinent, ab hoc loco aliena sunt. Fontes juris Gentium aperire, leviterque educere fundamenta, earum rerum, quæ maximè Juris Privati sunt, satis est in hoc quidem Tractatu.

54. Porro per connubia filiorum (nam filix innubunt in alienas familias, unde & capita & fines familiarum dicuntur) propagatur familia, omnesque nominis & cognationis participes, ejusdem familiæ esse dicuntur, *l. 195. §. pen. ult. π. de Verb. signif.*

55. Sed cum origo sanguinis ultra memoriam hominum provehitur, desinit agnatio, & eadem stirpe progeniti *gentiles* dicuntur, distributi in diversa familiarum cognomina, licet omnes ultin à progenitoris appellationem retineant, *d. l. 195.*

56. Ita fit progressus à familiis proprie dictis ad agnatos, ab his ad gentes, è gentibus Civitates colliguntur.

C A P. V I.

De Dominis & servus, atque famulus.

Definitio servitutis Grotiana. Præfertur Juris-consultorum, quæ explicatur; ubi de causis justæ servitutis. Solvitur quæstio duplex: an liceat illis, resistere dominis, & an servi fugere possint. Rectene hodie sublata sit Servitus. De famulis hodiernis.

Quanquam servi per se membra Civitatis non sunt, tamen ad familiam sine dubio pertinent, atque ita sunt in Civitate, cujus partemolim magnam Romæ & per omne Imperium aliisque gentibus fecerunt.

2. Quæ de re notabile est, quod Athenæus lib. 6. *Deipnos*. c. 8. scribit, *ἡ τῶν εὐδαίμωνων τῆν Κορινθίων πόλιν, αἱ κτίσασθαι δὲ τῶν μυριάδας εἰς ἑξήκοντα ἑξακκτὸν*. Adeo floruisse Corinthiorum civitatem, ut servorum sex & quadraginta myriadas contineret; hoc est, *quadringenta sexaginta millia*: nihil animadvertente Casaubono, qui notat eodem loco Dalecampium, quod narrantem de Masone Phocensi, illum habuisse Mille servos, Athenæum emendasset, legendo *centum*. Quin & Romanos cives fuisse, qui servorum habuerint decem & viginti & plura millia scribit idem.

3. Servum Grotius definit, hominem, qui perpetuas operas pro alimentis debet, exemplo Chryssippi apud Senecam, qui servum ait esse, perpetuum mercenarium. *Grot. lib. 2. Cap. 5. §. 27. Seneca 7. de benef. 4.*

4. Non malè; nam tales sunt servi, quales apud Erythræos Thraciæ, mulieres, quibus ἡ ἰσχυρὴ ἐν σπυρίδι βίβη, δόλιον cum essent liberæ, victum ibi exercebant serviendo, ut scribit Pausanias in *Achaic. lib. 7.* at non plenè, quia plus ex ratione juris Gentium inesse potest Ser-

vituti, quicquid scilicet: dominio rei cuiusvis in esse potest, abutendi quoque & perdendi facultas.

5. Unde efficacius Icti, Servitutum esse docent; Constitutionem juris gentium, qua quis dominio alieno contra Naturam subjicitur. §. 1. *Inst. de jur. person.*

6. Contra Naturam, id est, contra statum Naturæ, sive conditionem hominum primævam, non contra jus Naturæ, sive dictamen rectæ rationis.

7. Multæ enim servitutis justæ possunt esse causæ, veluti conventio, cum quis impos sui tuendi se dedit alii defendendum aut alendum; hac lege, ut in ejus potestate sit, & imperata faciat, quod jure Romano & Mosaisco permissum, §. 4. *Inst. de jur. Person. Exod. 31. v. 6.*

8. Secundò, alimentorum præstatio; Nec enim est iniquum, ut pro alimentis operæ præstentur, ut is qui infantem, verbi causa, expositum aluit, accedente Legis autoritate, cum habeat in dominio. *l. 2. C de infant. expos.*

9. Tertio jus belli, nam quos occidere honestum est, ut jure belli notissimo constat, eos servare ad serviendum non potest esse inhonestum neque injustum.

10. Quarto, nativitate, cujus ratio non tam est, quia, si domini nollent, liberi è servis non nascerentur, ut *Grotius, l. 2. c. 5. §. 29. & l. 3. c. 7. §. 5.*

11. Sed

11. Sed potius, quia pars sequitur jus totius, & quia factus à domino, tam ante quam post nativitate alicuius est; cui non obstat, quod partus hominis in fructu non est §. *In pœndum* 37. *Inst. de A. R. D.* eius enim rei diversa ratio est.

12. Denique, propter delictum potest quis iuste redigi in servitutem, ut hi qui in metallum vel ad remos, aut ergastulum perpetuum damnantur.

13. Duo præcipue de servis quaeruntur: primum; an & quâ ratione prohibetur illis sit, resistere Dominis? Dein, an jure suo fugere possint.

14. *Hobbes* distinguit, ut si in vinculis aut ergastulis habeantur, non modo fugere illis liceat, sed & resistere, imò occidere dominos. *de Cive cap. 8.*

15. Quod si dominus servum nec vinculum neque inclusum teneat, videri tacitum intercedere pactum, quo servus ad parendum patiendumque pro vitæ præmio, quod victorei largitur, se obligaverit, cujusmodi plerumque etiam pactum expressum intercedit.

16. Plane in his qui bello sunt capti, non videtur aliena à ratione hæc distinctio; quin solidius servilis patientiæ fundamentum, quam alii tradunt, suppeditare videtur.

17. Quapropter resistendi facultas ejusmodi servis, iusto, id est, solenni bello captis neutiquam danda videtur, idque sine differentiâ justæ vel injustæ belli suscepti causæ.

18. Neque id tantum externo jure, sed ita, ut animi quoque servorum vi expressæ, vel tacitæ conventionis adficiantur, ut nefas sit occidere eum, à quo, cum haberet jus occidendi, vitam ut spoliū opimum, adepti sunt.

19. Verum ad obligationem non fugiendi, tacita illa conventio sufficere non videtur, maxime ad suos & durante bello; longe enim potentius est recuperan-

dæ libertatis desiderium, quam ut ei tacite renuntiatum videri possit.

20. Cæterum, quandiu capti bello non recipiuntur in gratiam, sed in vinculis habentur, palam est, nullum pactum expressum vel tacitum inter ipsum atque victorem intercedere. Proinde tum captis omnia, quæ in hostem, licere, non est dubium.

21. Quod si bellum careat solennibus juris Gentium requisitis, non fiunt capti, jure servi; proinde nec ejusmodi tacita oritur obligatio, ut in his qui piraticâ aut latrocinio barbarorum capiuntur.

22. Porro, cum his qui ob delictum sunt servi pœnæ, nullum initur pactum neque tacitum neque expressum; justamen resistendi non habent jure damnati; fugere quæminus jure possint, nihil ob stare videtur.

23. Voluntaria Servitutis obligatio modum accipit ab expressa vel tacita voluntate contrahentium. Expressa per se terminatur, tacita in qualibet civitate jus habet idem, quod publice de servis receptum.

24. Sic tamen, ut liberum jus vitæ & necis, haud competat; quia id ex pacto non oritur, sed jure externo tantum valet, quatenus in civitate impune exercetur.

25. Plura de hisce nihil attinet dicere; quia Christiani servitutis utrum inter se pridem sustulerunt, iidem infideles armis suis minus infestant, sed innumera illis mancipia ipsi undique suppeditant.

26. Non desunt, qui Servitutis usum inter populos Christianorum ita penitus nollent sublatum; speciosum esse caritatis obrentum, sed inutilem; multam inde colluviem hominum redundasse, quos licentia & egestas ad flagitia aut mendicitatem adigit, qui lege servitii melius tenerentur; dum, ut nunc est, ministeria

ministeria familiarum coarctantur, pro-
caciibus ingenuorum operis, *vid. Busbe-*
ga. epist. Turc. 3.

27. Adde, cædes, servitute sublata,
esse frequentiores, quod Romani in ci-
vilibus bellis experti, quibus non fiebant
servi. *Tacit. lib. 1. hist. c. 44. Plutarch. in*
Oth. & Jc. in l. 21. §. 1. 1. de Captiv. &
postlim. rev.

28. Videntur tamen nonnullæ certis
in locis superesse reliquæ servorum, e-
jus generis, quos Latini *adscriptitios* vo-
cant, homines certo fundo colendo ad-
dictos; qui à Gallis *manus mortue*, Ger-
manis, homines *proprii* vocantur; qui
pariter cum fundis vendi possunt, &
quicquid acquirunt, dominis suis acqui-
runt. *vid. tit. C. de Agric. & censit.*

29. Moribus alioquin hodiernis, u-
timur, ut dictum, *servis ingenuis*, aded,
ut qui servi ex Indiis aut aliunde huc ad-
ducuntur, statim atque fines nostros at-
tingerunt, ad libertatem proclamare pos-
sint, ut omnium fere gentium in Euro-
pâ Scriptores citati à Groenewegio *ad*
tit. Inst. de jur. person. testantur.

30. Igitur famuli famulæque non ali-
ter quam ex sua conventionione, secundum

naturam rei quæ agitur, idque ad tem-
pus, sunt obligati. Natura autem negotii,
ad quod se locaverunt, hæc est, ut di-
ligenter imperata faciant, operamque se-
dulam dent iis rebus, ad quas se loca-
runt, ita sicut vir prudens defini-
verit, idque toto tempore quo suas operas ad-
diderunt.

31. Et quoniam sunt membra subje-
cta familiarum, nulla fiet illis injuria,
si dicantur è tacita illa conventionione, non
minus obligati ad patientiam, ac liberi
respectu suorum parentum; consequen-
ter non tantum pati debent à dominis
verbera linguæ, sed etiam manus, si ex-
orbitent; nisi mores generis aliter ferant,
ubi tum, si quando servitii pactique Lo-
ges egrediantur, à Magistratu coerceri
possunt.

32. Domini vicissim debent ipsis om-
nia, de quibus inter eos convenit, vi-
ctum & mercedem omnique humani-
tatis officia, quæ *salva* subordinatione
status ipsorum, civiliter præstari queant;
nec antetempus eos, nisi causa cognita,
dimittere possunt: ni lex aut mos loro-
rum aliter ferat, quæ admodum hac par-
te variant.

SECTIO II.

De Civibus eorumque differentiis.

C A P. I.

Quid Civis sit, & quomodo desinat esse.

Quid sit civis, obscuram esse. Quid sit reverà explicatur è definitione, probaturque etiam mulieres, filiosfamil. rusticos & qui imperii nullo modo participes sunt, esse cives. Etiam qui aliunde orti sedem fortunarum in civitate collocant; licet aliter jure Romano, quo tales incolæ dicuntur.

Qui domi sunt membra familiae, hos in Republica Cives appellamus.

2. Qui autem verè sint cives, tam obscurum ac aliud in tota hac arte quicquam, esse videtur.

3. Aristoteles pro civibus habere videtur eos tantum, qui imperii & judicii participes sunt, verum magis ad popularia Græcorum instituta, quem ad universam civitatem, ut videtur, respiciens *lib. 3. Polit. cap. 1. in verbis, Ο δὲ πολιτικός ἐστὶν ὁ ἀποκρίνων τὰ κοινὰ ἐπὶ τῆ πόλει. Is quem diximus, in democratia maxime civis est.*

4. Romani vocabant Civem, qui in urbe habebat tribum, centuriam & jus suffragii, quibus solis inter se jus connubii, successionis & commercii aliaque juris civilis effecta competeabant, de quibus *Sigon. de jur. Civ. Rom. lib. 4. c. 1.*

5. Habuerunt tamen & cives ex Latio, & colonos & municipales civibus accensebant, diverso tamen jure singulos, & ab his omnibus provinciales separabant, denique incolas neque cives

neque municipales appellabant, *ut idem Sigonim docet.*

7. Moribus hodiernis, cives illi duntaxat haberi videntur, qui in urbibus habitant, sæpe & ordinis plebeji duntaxat; ita, ut neque rusticos neque nobiles civium nuncupatione impertiantur; differentiâ interim civium & incolarum minus exactè servatâ.

7. Nos secundum principia hujus artis universæ, remota nube tot distinctionum, pro civibus habemus, omnes tam mares quam feminas, filios & patres familiarum, tam nobiles quam plebejos, etiam Doctes, Principes & Comites; tam rusticos quam urbanos, tam subjectos quam imperii participes, denique tam incolas quam naturales.

8. Prorsus sensu Papinianæo, secundum quem, constitutione Antonini Caracallæ, omnes qui in orbe Romano erant, præter servos, effecti sunt cives Romani *l. 17. s. de Statu hom.*

9. Definiamus igitur Civem. *hic rhodus, hic saltus!* utique si politicos vulgè confulas. Nihil tamen facilius, nihil certius,

tius, si ad definitionem civitatis dudum collocaram respiciamus.

10. Civis est, *homo liber, qui juris fruendi vitæque feliciter agenda gratiâ, cum aliis, sub eadem summâ potestate, sociatus est.*

11. Et hoc quidem ad Civem in genere constituendum sufficit. Alias excellentiores civium appellationes hæc definitio non implet; imprimis eam, quæ cives intelliguntur, qui civitatem alicujus Imperii Principem incolunt, qualis Roma fuit & sunt hodieque Venetiz, Florentia, Genua aliæque paucæ; in quibus est fons imperii in reliquis ditiones subjectas.

12. Liberam autem oportet esse Civem, quia servilis conditio, ut jure Gentium constituta est, non recipit terminos habiles civilis societatis, ut probavimus in *l. 1. sect. 2. cap. 3. n. 7. & seqq.*

13. Quin servus pro re magis in commensio positâ, quam pro personâ habetur. Quamquam naturaliter idem rectè Persona dicitur, quatenus est membrum societatis humanæ, *l. 2. n. de l. Aquil. Rubr. & tit. Inst. de jur. person.*

14. Sed mulieribus tam nuptis, quam solutis nihil obstat, quominus unione & communionem civium, juxta naturam civitatis, comprehendantur; siquidem & sociatæ sunt & jure frui & beatè agere juxta viros cupiunt ac possunt.

15. Etiam *filii familiarum* definitio illa convenit, nihil obstante patria potestate; quia constat, hanc in publicis nullum creare præjudicium, sed ad familiæ regimen, quod à Reipubl. diversum est, referri duntaxat.

16. Jam ultrò liquet, dignitatis differentiam nihil facere ad summum Reipubl. & civitatis characterem, nec habitandi locum, in agris an in urbe sit.

17. Siquidem & Romæ constat ex **xxxv.** civium, quatuor tantum urbanas,

omnes reliquas fuisse rusticas tribus. Athenienses ante Theseum omnes erant agricolæ, ut Plutarchus auctor est in *Theseo*; denique, in antiquâ Germaniâ nullas urbes, civitates extitisse multas, notares est. *Tacit. lib. de mor. German.*

18. Quod ne Incolas quidem à Civibus discernimus, multis ab re alienius videbitur; sed incola quis est? tu dices, qui aliunde ortus domicilium sedemque fortunarum in alta civitate collocavit, ut finiunt Romani, à quibus est discriminem civium & incolarum *l. 239. §. 2. d. Verb. Signif.*

19. At hæc ipsa definitio implet manifeste naturam Civitatis; quis enim magis est focus ad juris fruitionem vitæque civiliter beatæ communionem, quam qui sedem fortunarum certo loco stabilivit?

20. Advenas temporarii rectè à civibus distinguuntur, quia nec sunt uniti in eandem societatem, neque id agunt, uti vitam in ea civitate transigant, etiam imperio illius Reipubl. tantisper ubi degunt, subjecti sunt; Bodini tamen definitione continentur Advenæ, quæ est inde ovitiosa, quando civis dicitur esse, *homo liber, qui summa alterius potestati obligatur, lib. 1. de Rep. cap. 6.*

21. Scrupulum movet heic, quod Romanis ita visum est, ut qui civilis alicujus civitatis est, ille si aliud transferat domicilium, ibi incola censeatur; at civis seu municeps ibi, unde discessit, talis manere judicetur *l. 239. §. 2. & l. 29. n. Ad Municip.* unde & civis & incolas differre necesse fuerit.

22. Sed distinguendus est à Cive Municipiceps. Civis à nobis cum respectu ad universam Reipubl. dicitur, ac ita Cives etiam in Imperio Romano erant omnes liberi homines, non peregrini, in universi finibus Imperii, tam incolas quam originarii *l. 17. n. de Stat. hom. Muni-*

Municipes cum respectu certæ urbis, quæ subest majori Imperio vocantur, sive cujusque civitatis cives, ut J.C. in l. 1. *π. ad Municipal.* Atque in his aliam rationem tenuerunt Jcti, quæ *adhuc* ad nos non pertinet; nostro igitur sensu non distinguitur civis ab incola, qui habeat animum perpetuo in civitate manendi.

23. Verum oritur hæc alia quæstio; numquid aliquis diversarum civitatum possit esse civis uno eodemque tempore. Negabant Romani, non modo respectu municipiorum ejusdem Imperii, de quibus agit d. l. 29. sed etiam ratione Romanæ civitatis erga populos externos, ut probavimus in lib. 3. *Digress. cap. 8.*

24. Vera juris Publici Universalis sententia hæc est; In diversis municipiis eidem summæ potestati subjectis, nihil vetat, unum duobus locis civium muneribus oneribusque subjectum haberi, ut jure Rom. qui migrabat, in priorē loco tanquam civis seu municeps, in posteriore tanquam incola tenebatur d. l. 29. *π. ad Municip.*

25. Verum ut unus idemque in diversis Rebus publicis summo Imperio distinctis proprie sit civis, id non habet facultatem, non magis quam ut unum idemque duorum corporum esse queat membrum.

26. Potest quidem civi alterius Reipubl. liberum jus commercii aut aliud civile privilegium concedendo, jus quoque honorarium civitatis dari; ut olim Corinthii, solentque hodie Veneti & Helvetii exteris quandoque largiri. Sed unio civilis sub obsequio Summæ potestatis nullo modo uni homini duobus locis tribui potest.

27. Atque hoc bene Romani veteres: Nec illi reverà diversum sentiunt ab eo, quod nos posuimus; neque de municipiis diversis in eodem Imperio, neque

de civibus Imperiorum diversorum. Etenim de his idem in terminis quod à nobis est traditum, affirmantes audivimus. De municipibus urbium variarum, discrepantiam potius in verbis, quam in re ipsâ consistere intelleximus.

28. Quid autem? An civis non habet liberam discedendi facultatem, ita ut vinculo foederis, quæ civitati innoxius & imperio obnoxius est, solvatur? Hæc acerrima disputatio est, ac fuit olim hodieque, de qua vid. *Arnise. System. polit. cap. 5. sect. 7. & 8.*

29. Multi negant; quippe, cum nemo duorum Imperiorum civis esse queat; volunt, eum qui ex una Reipubl. in aliam se confert, manere civem in priori, incolam in posteriore civitate habendum esse.

30. De municipiis ejusdem Imperii sic esse doctrinam juris Romani jam diximus; at nos prius de ratione juris universalis, & de civibus Reipubl. totius agemus; postea de municipalibus.

31. Qui negant, hoc imprimis fundamento nituntur; Ajunt, non posse originarios Reipubl. cives, suo discessu liberari obligatione civili, quæ & concivibus & summæ potestati obstringuntur; denique, obligationem esse perpetuam, & quod primo voluntatis, id postea necessitatis esse.

32. Hoc certe evidentius patet in hevilibus imperiis, ubi jus domini Imperantibus nullo modo adimi potest. Adeoque de his largiemur, quod cives Dominatui subducere se nequeant; ut in *adscriptitiis* obtinet; idemque de voluntariis statuendum Imperiis, ubi per Legem in antecessum, migratio ex civitate prohibetur, ut de *Moschis* & de *Sinensibus* memoriæ proditum est.

33. Sed ubi nihil expressum, multi etiamnum acriter contendunt, ipsius foederis vim, quod æternum est, ita in perpetuum

perpetuum operari, ut cives qui sponte discedunt, mancant tamen quovis tempore ad reditum obligati, adeoque *semper revocari possunt.*

34. Res inde judicanda est, utrum in primævâ constitutione civitatis id inter contrahentes populos actum censeatur; an non potius fuerit tacita foederis conditio, ut obligatio maneret, dum cohabitatio duraret, eam tamen mutare singulis liberum esset.

35. Hoc enim videri voluisse populos, est ratio quæ suadeat evidens, & quæ dissuadeat nulla magnoperè, quo faciunt quæ habet *Grot. lib. 2. cap. 9. §. 24. ubi, Soles hic illud queri.*

36. Quod enim ad rei familiaris commo- dum & sæpe necessitatem, efficacissimum est, publico autem nihil præjudicat, hoc nihil est causæ, cur non ex præsumptâ populorum voluntate permissum videatur.

37. Atqui talis est migrandi libertas, ut privatis aliquando summopere optanda, publico nullum inferat detrimentum; maxime, cum ejusmodi libertas sæpe sit causâ majoris frequentiæ aliunde redundantis, ut exemplo vicinæ *Hollandiæ* patet, earumque urbium maxime, quæ libertatem veniendi abeundique omnium minime restringunt.

38. Inde autem colligitur, si contra se res habeat, & majore frequentia discessus instituat, eum jure meritoque impediri.

39. Item, si intempestive aliqui discedere parent, aut cum grande res alie-

nam collatione factâ publico exsolvendum, aut belli majus imminet urgetque periculum; nisi videlicet abiturus offerat id quod interest.

40. Denique, Lege semper potest caveri, ne imposterum discessus aliter quam veniè publice impetratâ instituantur; aut præstationes quædam patrimonii abeuntium imponantur.

41. Emimvero qui non deposuerunt animum revertendi, vel de quibus hoc non constat, habentque suas res adhuc in Rep. possunt sub poenâ publicationis honorum edicto revocari, ut fit.

42. Tales plerique sunt, qui militandi causâ foris operas suas locant, qui proinde revocari possunt. Nisi quatenus obligati sunt his, quorum stipendia faciunt; qui suum jus ideo remittere non coguntur, etsi humanitatis causâ raro negant Patriæ suæ Rectoribus.

43. Sed eorum, quibus statim consilium absentiae perpetuæ, non videntur obstricti esse animi, adeoque nec bonâ vinculo obligationis teneri. *Adde Grot. loco citato.*

44. Omnes igitur incolas, qui sedem fortunarum lætæque suos alicubi fixerunt, hos recte *Cives* appellamus.

45. Etsi nec jurejurando nec ullâ promissione devincti, consociatione tacitâ; quatenus sæpe, & originales maxime, nullâ promissione expressâ obligantur, neque etiam allecti, præterquam in urbibus, ibique soli *Patresfamilia- rum.*

CAP. II.

De Municipibus.

Municeps origine, adoptione & manumissione. Qui alio migrat eum & loco originis, ut Municipem, & domicili loco ut Incolam subjectum esse. At ex universalijure publico, quemque ibi civem videri, ubi habitat. Diversis quidem municipiis unius Reipubl. posse aliquem simul esse subjectum, ut cum jure Rom. aliquis est municeps uno, incola simul alio loco, sed diversarum prorsus Reipubl. neminem pariter fieri posse civem. Advenas non esse Cives, neque municipes quae tales. Specialiter & per excellentiam nomen civium quandoque de solis quibus Imperii sunt consortes, aut qui urbes; denique vel metropolim incolunt, usurpari. Modi, quibus finiatur jus civitatis & municipii.

Cives cum respectu ad civitatem dicuntur & civitas cum Republ. æquiparatur, municipia autem sunt urbes majori subjectæ imperio, cessante differentia, inter Municipia, colonias & oppida provincialia: Nos hæc omnia majoris Imperii membra subjecta, Civitates intelligimus & Municipia vocamus.

2. Eodem modo differt à *Municepe* Civis; hic, qui unitus est cum Republ. ille, qui certo municipia se conjunxit, dicitur inde, quod capiendis muneribus in aliquâ civitate sit subjectus ut supra dix. ut hoc & præcedens caput cohereat.

3. Usus seculi fert ita, ut hoc genus peculiariter *Cives* dicantur; reliqui Principes, Comites, Nobiles, agricolæ, quique alij sunt hominum ordines suis singuli appellationibus distinguuntur, contra usum veterem & juris rationem.

4. Sed moribus hodiernis, isti etiam urbani, in plerisque imperiis soli fere jurejurando subjectionis & fidelitatis singuli obstringi solent, ad quod tamen reliqui, dum exigatur, æque tenentur.

5. Porro, Municipem apud Romanos

causa facit triplex; Origo, manumissio & adoptio. *d. l. 1. in pr. π. ad Municip.*

6. Origo cujusque à patre æstimatur, ut ubi is fuit municeps, ibi & filius esse dicatur; nisi forte materna origo per modum privilegii præferatur; tunc enim juxta eam municipalis origo censetur, *d. l. 1. §. 2.*

7. Manumissio ad servos pertinebat, qui cives fiebant, cum libertate donabantur; idque vel optimo jure, vel latino tantum; aliqui prorsus non erant cives, dedititius seu provincialibus similes, donec hæc discrimina ab Antonino Caracalla tollerentur, *l. 17. de Stat. hom. & Tit. Cod. de Latin. libert. toll.*

8. Denique, Adoptio municipem faciebat, ut qui pro filio adicitus erat, perinde municeps in loco adoptantis fieret, atque si natus ex eo foret.

9. Tam autem in adoptatis, quam naturalibus liberis non spectabatur locus, quo forte ipsi in lucem erant editi, vel adoptati, sed quo parentes, inquam, jure municipum gaudebant *d. l. 1. §. 2.*

10. Migrare de loco in locum non erat prohibitum; sed qui de suo municipio

pio in aliud transibat, is *Incola* dicebatur, & parere tam his magistratibus apud quos civis fuerat, quam iis, ad quos secesserat, nec tantum municipali jurisdictioni in utroque municipio subjectus erat, verum etiam omnibus publicis muneribus fungi debebat, *l. 29. d. sit.*

11. Enimvero proprietate vocis *Incola* etiam in nova Civitate, dicendus erat municeps, quia muneribus fiebat obnoxius; sed postquam obtinuit, ut suæ quisque civitatis civis municeps diceretur, secundum tres causas prædictas; consequenter hunc oportuit *Incolam* dici.

12. Hæc ita Romanis visa sunt. Atqui ex eo quod de Cive respectu totius Reipublicæ *præced. cap.* diximus, intelligi potest, eum quem *Incolam* vocant Romani, quique in civitatem receptus ibi munera capit, vere municipem esse:

13. Consequenter ratio vult, eum desinere esse municipem in eo loco, unde discessit; neque proinde subjectum esse duobus Magistratibus, sed ei tantum, sub quo degit.

14. Hæc ita, inquam, si Lege contra non sit cautum; quod haud dubie licet; alioqui ex ratione juris universalis nec locus originis neque nativitatis, sed domicilii tantum tribuit forum & munerum capionem, idque convenienter juri Gentium, quod moribus hodiernis ubique, ni fallor, observatur; ut mutatione domicilii jurisdictionem mutare liceat.

15. Salvis tamen iisdem exceptionibus, quas supra in jure civitatis, ratione totius Reipublicæ collocavimus, ut *si intersit* municipii, ad hoc ille, qui discedit, teneatur, nec effusa migratio concedatur.

16. Tamen & in eo differt jus municipale à jure majori civitatis, quod

ratio nulla vetet, municipem esse duobus in locis (manet enim ejusdem corporis ejusdemque Reipublicæ membrum) ut, si quis voluntate suâ diversis in urbibus semet intruxerit fortunæque collocaverit, vel jus municipale utrobique, civium privilegii usus, impetraverit; tunc enim utrique Magistratui parebit, oneraque duplicia ferre debet. *l. 6. §. 2. d. sit. r. ad Municip.*

17. Ex his liquet, inquam, civium generale nomen esse, pertinens ad omnes eos qui cum Reipublica sunt uniti; quales tamen non sunt advenæ, homines peregrini, ad tempus in civitate degentes, cum animo se mox aliò recipiendi, sedemque rerum suarum alibi habentes aut destinantes. Illi dum manent in civitate, subditi quidem sunt Imperio & jurisdictioni, sed foedere civitatis non continentur, nec munera capiunt.

18. Est etiam per excellentiam Civium nomen usitatum, de his qui Imperii sunt participes, aut eam incolunt civitatem, in qua sedes Imperii est, ut tum qui in subjectis habitant civitatibus, municipes dicantur.

19. Sic olim in Imperio Romano sefe res habuit; Unde dicitur civium, qui optimi juris erant, qui ex Latia, atque Provincialium, qui olim cives non dicebantur. Generaliter ex usu juris publici & respectu totius Imperii, Provinciales quoque cives fuerant, etiam antequam *Antonini* lege tales declarati fuerunt.

20. Rectores municipiorum sive Magistratus municipales etiam à municipibus creantur, jurisdictionis tamen & Potestatis suæ modum habent à Summâ Potestate, quæ fons est omnis in Reipublicâ Potestatis, non à municipibus.

21. Proinde, si magistratus municipales non habeant Imperium merum, municipibus

nicipes id in eos nullo modo conferre possunt, nec etiam jus imponendi tributa & vectigalia, cum horum collatio sit jus Majestatis.

22. Ergo perperam dicitur, Magistratus municipales repræsentare municipales, & obligari municipium ex eo quod Rectores eorum contraxerunt, quasi quicquid Magistratus egerint, id populus municipalis fecisse judicandus esset; cum ejusmodi repræsentatio sit liberæ duntaxat Reipubl.

23. Quando igitur Magistratus isti, nomine Municipii aliquid instituere, contraxere, videndum est, an ab Summâ Potestate jus ita faciendi ac instituendi acceperint; ac ita quod actum & contractum est valebit aut non valebit.

24. Hinc pendet illa Quæstio, an Civitas municipalis teneatur ære alieno à Magistratibus suis contracto. Non teneri cives ideo, quod Magistratus ipsum repræsentent, jam diximus. Ergo videndum, utrum hujusmodi jus à Summâ Potestate acceperint, an secus.

25. Et, si hæc illis potestas specialiter facta non sit, possunt tamen obligare civitatem, quod ad bona universitatis & municipii propria, quoniam his sunt præpositi.

26. Verum ut Municipes ad solvendum de suo teneantur, à Magistratibus suis obligari non possunt; quia non habent jus imponendi civibus præstationes pecuniarias, veluti tributa & vectigalia; quæ à Summâ Potestate solâ injungi possunt.

27. Qui hoc non potest, is multo minus obligare potest Municipes, ad solvendam pecuniam ab ipsis mutuo acceptam.

28. Nec quidem hoc possunt excusâ utilitatis vel necessitatis Municipii. Cum enim pecunias imperare, traditur esse jus Summæ potestatis, id vel maxime de casu necessitatis aut utilitatis intelligendum.

29. Planè, quominus Municipes de suo pecunias conferant, aut in futurum se obligent ad solvendum, nihil impedimento est; quâ parte tamen qui consensum non præbuere, non teneatur.

30. Quia, ut minor pars majorem sequi debeat, id Imperii est; sed hujusmodi collatio mere patrimonialis est. Latius hac de re dix. *ad tit. π. de Reb. cred. n. 8. & seqq.*

31. Denique, Finitur jus civitatis aut municipii non tantum morte, qui modus est tralatitius, sed & libera cujusque voluntate, mutatâ fede rerum, ut aliquoties dictum; nî lex intercedat.

32. Dein, per sententiam, si quis in exilium agatur, aut in opus publicum, vel ad regnos damnetur.

33. Discrimen relegationis & deportationis apud Romanos in *l. 4. de Interdict. & releg.* est juris peculiaris: Nam relegati, licet præcipua quædam jura civium, quatenus hi per excellentiam dicuntur, & cujusmodi Romæ multa fuerunt, retinere queant; tamen unione Reipubl. ex qua ejecti sunt, non comprehenduntur.

34. Nec quidem refert, temporale an perpetuum sit exilium, quia quo tempore sunt expulsi, non sunt membra civitatis, neque participes functionum publicarum, neque jurisdictioni subjecti.

CAP. III.

De Civium qualitate & differentia.

- Cives 1. esse mares vel feminas; 2. liberos aut servos. 3. Legitimos & illegitimè natos 3. Majores minoresve annis. 4. Sanos aut morbosos, vel mente captos. 5. hosce rursus quadruplices. 6. bene aut male moratos. 7. Divites vel pauperes. Horum singulas differentias suos habere effectus.

Qualitas civium ex variis eorum differententiis intelligitur.

2. Et quidem primo, distinguuntur in Mares & Feminas: sed juris *diversitas à sexu* dependens in primo hujus sectionis capite, ubi & aliæ quædam hominum differentiarum, sunt occupatæ.

3. Secundo, à statu distinguuntur homines in *liberos & servos*, de quibus similiter dictum.

4. Non est autem hæc tam divisio civium, quam hominum, quia servos factis constat non esse cives: sed hodiè famuli, quibus utimur, ingenui, si aut originales sint, aut animum semper habeant in civitate remanendi, merito inter cives numerantur.

5. Altera à statu petita differentia inter filios & patres familiarum, perinde occupata est *in superioribus*.

6. Habet etiam juris publici effectum differentia legitime & illegitime natorum; Priores, qui ex justo, tempore suo, nati sunt matrimonio. Illegitimi sunt vel nothi vel spurii. Nothi sive naturales simpliciter dicti, aliter, ex ratione juris Gentium quam sit à Romanis, intelligendi sunt.

7. Nam hi solos è concubinâ, quæ cum cælibe vivit uxoris loco, susceptos habent pro naturalibus: è furtivis amplexibus certo licet patre natos vocant spurios, qui *nullum* jus successionis, imo nec petitionem alimentorum habent
Nov. LXXXIX.

8. Sed juris universi hæc est ratio, quæ & moribus observatur, ut omnes certo Patre nati pro nothis sive naturalibus habeantur, etsi non è concubina, sed è furtivo amplexu sint editi. Spurii vero vel proprie vel latius accipiuntur.

9. Spurii proprie dicti sunt, *incerto Patre nati* ex meretrice. Latius omnes contra præcepta Legum nati sic appellantur; quales è nuptiis sine consensu Patris, in cujus potestate sunt, contractis suscepti; item adulterini & incestuosi, quos etiam proprio vocabulo Nefarios appellant.

10. De quibus vel maximè capiendum, quod modo de Spurii diximus, eos ne quidem alendos esse jure Romano, etsi de omnibus illegitimis, præter nothos, id affirmat Justinianus *d. Nov. 89. c. f.* Id autem quomodo line absurditatis sævitæque notâ sit accipiendum, diximus *in part. 2. Digress. l. 1. c. 3. n. 5. & in prælect. ad Inst. lib. 3. a pr.*

11. Differentia Juris inter Legitimè & illegitimè natos consistit in successionibus atque honoribus; quibus de rebus, quod satis est, in Juris expositione privati diximus, nisi quod de honoribus heic etiam locus *inferior* dari poterit. Hactenus igitur *Nonnulli*, *Legem laborant*, ut *Enripedes*, *male nati*.

12. Præter honoris publici & successionis damnum, Spurii in aliis, quibus honestorum numero habentur; nec enim
infames

infames aut jure gentium aut civili habentur. Quin verum reperitur, quod apud Euripidem in *Andromache* Peleus ait,

Νῆδυ π παλοῖ γυναικῶν ἀμείβοιαι.

Sæpe Legitimis sunt meliores spurii

Et alibi;

Ὅτι μὲν μιλῆται ἔϊδον, ἃ φέροι δ' ἴση

Nomen nothorum pejus est, natura par vide tamen Deuteron. 23: 2.

13. Neque defunt illustria nothorum & spuriorum exempla, quibus natales non oblitere, quominus & gloria belli & honore populorum & jure successionis potirentur, ut Romuli, Cyri, Constantini Magni aliorumque docent historiæ. Quin hodieque Regum Spurii, utcunque successione non gaudeant, ab aliis tamen præcipuis honoribus minime excluduntur; præter quod nec gentes defunt, in quibus nothi à Legitimis natis non distinguuntur, nequidem in successioneibus. *Gros. l. 2. c. 7. n. 1.*

14. Tertio, ab ætate cives dicuntur, majores aut minores annis, punctum dividens hæc intervalla non minus ex ratione naturæ quam exemplo juris Romani & gentium plerarumque est, quæque supra viginti annorum, etsi aliquæ gentes hoc tempus coarctaverint.

15. Juris diversitas hinc oriunda, præter rel familiaris effecta, est, quod majores ad munera functionesque Reipublicæ, hæc perinde minores adhibeantur. *l. 8. n. de Muner. & honor.*

16. Nam hi propter lubricum ætatis ne suis quidem rebus præfunt, sed curæ aliorum subjiciuntur.

17. Sunt autem hi, puberes vel impuberes, quorum illi magis quod ad res suas, hi etiam quod ad actus personales in curatione habentur; quod discrimen Latini, terminis quoque *Tutela & Cura* diversis expresserunt, & regula notissima,

Tutor datur personis, Curator rebus; quod tamen *συκελαικός*, potius quam *Θεταικός*, nec *ἀποτέμνος* accipiendum, ut *Cura magis* sit propter res, *Tutela magis* in personas dirigatur.

18. Mulieres jure gentium, majores annis, nullis subjiciuntur Curatoribus. Ine quidem nuptæ; nam maritalis potestas longe à Curatoriā distat: & quod bona uxorum à viris reguntur, hoc juris & institui civilis est.

19. *Cura*, enim illa, sicut vulgo appellatur, esse non potest; quoniam hæc vel ob ætatem vel ob sexum foret; ob ætatem non est introducta, quia maritalis potestas etiam anus complectitur; neque propter sexum; quia virgines viduæque non sunt in Curâ.

20. Præterea, ætas virilis aut senilis est, habetque suas, etiam juris effectus, quod senes à muneribus Reipubl. excusentur; ad honores, si velint & pares sint, magis admittantur; senectus autem à septuaginta fere annis duci videtur. *l. 2. n. de Excusat. l. 3. d. jur. inhumanis.* Olim sexagenarii vocabantur *deportant*; id est, honoribus & comitiis impares, quasi à ponte, per quem transitus erat ad ferenda suffragia Romæ, dejiciendi; scilicet arbitrio magis vulgi, quam jure publico.

21. Præterea, differunt cives ratione habitus corporum, animorum, disciplinæ, famæ, fortunæ, natalium, artificii, dignitatis, & si qui modi sunt alii respectum ad juris publici rationem habentes.

22. Quod ad corpus, sunt vel sani vel morboſi. Morbus est habitus corporis contra naturam, id est, qui impedit usum earum functionum, propter quas natura nobis sanitatem dedit, sive ex intemperie, ut febres, tabes, vel ex conformatione prava, ut mutus & cæcus. *l. 1. §. 7. & 8. n. de Edil. Ed.*

23. Nisi quis hoc vitium dicere malit; sed

lis; sed vitia Juris-consulti dicunt, quæ deteriorẽ duntaxat usum functionis alicujus reddunt, ut vitiosi sint myopes, balbi: *Morbos*, qui tollunt naturales functiones; unde mutos, surdos, cæcos pro morboſis habent *d. l. i. §. 7. l. 9. l. 10. §. 3. & pass. eod.*

24. Morbi prætere avel fontici, aut secus dicuntur. Horum alii excusant à muneribus, alii excludunt ab honoribus, prout magis aut minus impediunt, levioresque aut graviores sunt.

25. Ab animo, sunt etiam sani vel mente capti: In sanis magna est latitudo magnique gradus prudentiæ noscuntur, quorum in publicis haud leve quidem momentum consistit, in univèrsium tamen definiri nequeunt.

26. Mente capti sunt vel dementes, qui ad omnia sunt cocci, vel fatui. Illi aut dementes in specie vel furiosi, quos agitabat rabies; Illi ferè perperuum, hi plerumque ad tempus laborant.

27. Fatuos licet dicere, qui, ut Cicero loquitur *3. Tuscul. sub. fin.* mente quidem sunt capti, hoc est, non sani, ad omnia tamen non cæcutiunt.

28. Hi videntur esse quadruplices, fanatici, moriones, melancholici & stupidiores, vulgo, *macarones.*

29. Fanatici sunt, qui caput jactant & responsa ferunt, quod plerumque temporarium est *l. 1. §. 9. & l. 4. §. 1. x. de Edil. Ed. Moriones*, qui non sapiunt quidem, scurrilibus tamen dictionibus aliquid simile ingenii ostendunt; *melancholici*, qui certis imaginationibus aberrant, cætera non absurdi.

30. *Grossos* dicunt vulgò, qui *civ. leg. mo. & illos*, ut de Claudio Augusto apud Sueton. in Claud. qui minus valide sapiunt, ut Ulpianus in *l. 4. §. 7. d. tit. de Edil. Ed.* qui mediocritatem civiliū officiorum vitæque communem cultum atque usitatum tueri possunt,

verba Ciceronis, nulli tamen rei seriæ apti facti. *d. lib. 3. Tuscul. sub. fin.*

31. Illi omnes à publicis functionibus, ubi locus electioni, excluduntur; ab hereditariis dementes similiter remonentur, ut & moriones.

32. Furiosi, quia sperantur *ἀναισθητοί*, ut & fanatici, melancholici & stupidiores, magis est, ut Curatoribus subjiciantur.

33. Porro; A disciplinâ homines sunt bene vel malè morati aut exercitati, denique docti vel indocti; sed harum rerum in publicis usus magis ad Politicam pertinet, ut in quâque functione optime exercitati moratique adhibeantur.

34. Doctrinam, qui ad publica negotia resque agendas inutilem existimant, incitiam suam produnt, omnisque ævi excellentissimorum hominum exemplis refutantur.

35. Sed erroris causa duplex; una, quod qui ætatem in libris agunt, dexteritatem expeditam agitando ferè amittunt; altera, quod qui iudicium aut à natura aut *ἀπειρία* minus rectè habent formatum, ostentatione sapientiæ, hanc faciunt ridiculam.

36. Quare, qui Reipublicæ cupit ad moveri, teneat ex sapientia doctrinamque modum; facilius tamen nimium, quam nihil doctus suum corriget defectum, nisi *παιδαγωγισμῶς* sit, qui nunquam exolefcit, de quo dix. in Orat. de Pædantisimo *Auspicio domestico. Oration. x.*

37. Ex famâ cives sunt honesti vel famosi, quos alii cives desinere esse tradunt; male; ut tu ex definitione civis sponte videris.

38. Sed infames ab officiis magistratum honoribusque excluduntur; Nempe, qui ob causas Legibus proditas infamiâ notantur; nam qui opinione hominum, licet prudentium, pro talibus habentur, hos non tam juris quam Politices

lites ratio ab ingressu templi Divæ Honoris arce.

39. Fortuna distinguit cives in divites & pauperes, in vihores & honestiores. Divites, quatenus maxime eorum interest, salvam esse Rempubl. ad re-

gimen honoresque præ pauperibus admittendi sunt, idque olim hodieque passim servatur. hinc pendet vilium & honestorum oppositio: honestis scilicet hic non ab honestate sed ab honore nuncupatis. §. 4. *Inst. de Publ. jud. & passim.*

C A P. I V.

De Nobilitate.

Octava differentia, Nobiles aut ignobiles. Nobilitatem varie censerî, distinguî ab eâ dignitatem Equestrem, item Patriciatum, sive ordinem in Republ. Plebi, ratione publici regiminis, oppositum. Quæ proprie apud Græcos & Romanos Nobilitas, quæ hodie sit, inprimis inter populos Germanicæ originis, qui monarchicam auctoritatem requirunt. Sed juris rationem velle, ut æque in liberis Rebuspubl. Nobilitas acquiri possit, haud secus ac apud eruditos olim populos. Etiam præscriptione Nobilitatem rectè acquiri. Quod ejus non sit, & quodnam sit fundamentum. In quos propagetur, & quibus modis finiatur, aut quæ officiant Nobilitati &c.

Ratione natalium cives sunt nobiles vel ignobiles, qui ab honestis & vilibus, prope ut genus & species discernuntur.

2. Nobilitas nihil est aliud, quam *Excellentia generis ex claritudine majorum ad posterum propagata.* unde *clarum genus, claritudo natalium,* pro Nobilitate *passim,* quo pertinent quæ copiose differit *Tiraquellus tr. de Nobil. c. 1.*

3. Per hanc autem definitionem à Nobilium ordine separamus eos, qui pro suis tantum personis nobilitate donantur, aut pro Nobilibus habentur, ut aliqui equites aurati quos vocant, & Comites Palatini.

4. Quin omnes, qui creantur nobiles, ipsi quidem ab ista definitione sunt alieni; tales enim à latinis *novi homines* dicuntur; qui passim nobilibus opponuntur apud Ciceronem aliosque; Nobilitas

aliquam vetustatem requirit, adeoque non nisi per traducem & natalibus communicatur.

5. Hinc homo stirpis antiquæ pro nobili, vetustas generis pro nobilitate apud Suetonium, Tacitum & alios. Ita Sallustius *præf. Jug.* homines novos virtute aliquando Nobilitatem antecire. Hinc *imagines* vetustate *fumosa,* nobilitate gloriantibus adscribuntur, de cujus tamen vocabuli sensu est quod observetur, ut diximus in *l. 2. Digr. c. 24. in pr.*

6. Quod, si quis Nobiles recens creatos sub definitione putet esse comprehendendos, quia reverà jus nobilium hi vel maximè habent, definitioni modo positæ addere possit hæc verba, *vel quibusdam specialiter tributa.*

7. Sive illa specialis concessio fiat ob merita, vel favorem Principis, aut pecuniam,

curiam, vel denique ratione *patrimonii*, quatenus in quibusdam Rebus publ. dantur bona, quorum possessores jure nobilitatis utuntur fruuntur.

8. Cæterum, ad hanc locum non pertinet consideratio Nobilitatis, ut est ordo Reipubl. sive equestris sive Patriciorum; hoc enim ad regimen civitatis pertinet; heic nihil est aliud quam civilis qualitas in sola honoris supra plebem eminentiâ consistens.

9. Claritudinem illam parentum, unde reputatio Nobilitatis, diversæ gentes aliter atque aliter æstimaverunt.

10. Apud Græcos & Romanos, Nobiles habebantur, quorum progenitores summis in Republ. honoribus præfulserant; qui primi honores meruerant, novi potius quam nobiles dicebantur.

11. Igitur Romæ postquam honores maximi cum plebe communicati sunt, etiam ex plebe nobiles fuerunt, ut de Claudiis constat, qui omnes nobilissimi, pars tamen plebeji censebantur; perinde ac equites ibi plebejos fuisse constat. *Sueton. in Claud. in pr.*

12. Scilicet, Romanus populus in plebè & patricios dividebatur. Sub plebe erant equites; Patriciatus erat gradus major nobilitatis, eorum, qui ex antiquissimis senatoriis familiis oriundi, vel postea numero illarum extra ordinem erant inserti. *Sigon. lib. 2. de jur. civ. Rom. C. 20.*

13. Unde patet, suo magis arbitrato quâ latine loqui inter nostrates, eos, qui ex familiis honoribus claris sunt nati, quod cum nobiles se ferre non audeant, modestive causa *Patricii* gaudent appellari, quod certe non minus, imo proprietate latinæ sermonis amplius, quam *Nobilitas*, est; quanquam jure suo isti tales & nobiles & patricii poterant vocari, ut istam videdimus.

14. Apud gentes Germanicas, quæ per omnem Europam se diffuderunt,

Nobilitas ex remilitari oritur, accedente Principum auctoramento, qui vel feudum cum titulo nobili, vel præmium nobilitatis per se, aut cum insigni ordinis equestris largiuntur: Unde ad posterum propagatio.

15. Quod tamen ita nosim ad rem militarem restringi, ut causa quorū Imperatores & Reges nobilitatem largiantur, non sit etiam *Doctrina*: *Scientia nobilissimos facit*, habetur in *l. providendum C. de Possul.* Unde sententia crebris Doctorum calculis probata, *Doctores esse Nobiles*, de quâ prolixè agit Tiraquel. *d. trakt. de Nobil. c. 5.*

16. Denique, sola monarcharum auctoritas fons nobilitatis vulgò in univèrsùm habetur, adeo ut in populis qui plurium Imperio reguntur, vix ulli Nobiles fieri posse credantur.

17. Sed hæc ratio perperam se habet, dandaque est opera, ut hujus rei doctrinæ ad exemplum Græcæ Romanæque disciplinæ intelligatur, potius quam ex barbarico instituto, ut de hoc genere nobilitatis non nemo locutus est; quatenus quicquid eruditus populis ignotum ab exteris & incultis receptum est, barbarum solet appellari. *Sciopp. in Scallig. v. m. s. q. nos lib. 2. Digress. cap. 24.*

18. Plane, si jus creandi Nobiles sit ex juribus Summæ potestatis, quod nemo negat, manifestum est, illud æquè in plurium quam Singulorum Imperiis posse constitui.

19. Quod si in liberis Rebus publicis feuda talia vel diplomata non distribuuntur, dicendum est, sufficere ad nobilitatem aliâ argumenta voluntatis eorum, qui summam habent Potestatem.

20. Tale est in Republ. Vepetorum jus communionis in Imperio Civitatis, cujus qui participes sunt, eos vocant Patricios eisdemque jure meritoque Nobiles.

21. In Republicâ, ubi Imperantes seu perpetui sive temporales, ex plebe partim & ex Nobilibus creantur, ut in nostrâ; hi, qui pro Nobilibus in supremo Comitio admittuntur, maxime si hoc sæpius factum, ipsi quidem non fiunt propter nobiles, si prius non fuerunt, sed eorum posteris haud immerito nobilitatem vindicare sibi possunt; modo opes professioni respondeant, sine quibus hoc decus comparari vix potest; etsi partum custodiri facilius.

22. In cæteris sequemur institutum, quod apud Græcos & Romæ, juris publici fuit, ut Nobiles putemus eos, quorum majores insignia Reipublicæ munia gesserunt. Neque enim ulla ratio proferri potest, quare id minus hodie proferi sit, minusve moris esse debeat.

23. Quo autem majores sunt dignitates, eo major quoque nobilitas propagatur, quemadmodum jure Romano alii magistratus sunt *Illustres*, ut præfectus prætorii & urbis, alii *Specstabiles* ut proconules, denique *Clarissimi* ut prætores; etsi clarissimorum vox aliquando & spectabiles complectatur & Illustres veteribus idem quod Nobiles sint, ut Tiraq. d.C.2. probat; ut distinctiones istæ sint recentioris inventionis, quando Senatores iisdem gradibus & terminis distinguebantur. vid. *Pactum Isag. ad tit. D. defenator. & nos Eunom. ad l. ult. d. tit.*

24. Non quod nati ex illis simpliciter Illustres, Clarissimi, Spectabiles sint (etenim magistratum hi sunt tituli) sed quia de majoribus genitum esse illustribus, amplius est; sicut Romæ, qui ex familiis censoriis, consularibus, prætoriiis similibusque orti aliis erant nobiliores.

25. Denique, usu temporis immemorialis cum jura quælibet, etiam Majestatis acquiri possint, nihil est causæ, quare nobilitas eodem modo quaesita

haud perinde legitima censei debeat; quasi ex tacita voluntate eorum, quicujusque Reipublicæ tenent Imperium.

26. Et quidem hic modus idem cæteris validior videtur, quia Nobilitas admodum inepta res est, si reputatio ejus cum populari existimatione minus conveniat, affectataque magis quam credita videtur; præscriptio autem sive usus longissimi temporis in ipsâ populari usurpatione consistit.

27. Huc accedit, quod etiam à Principibus nobilitati non modo censeantur, qui expressis verbis & diplomatibus hoc jus & decus acquisivere, sed etiam tacite nobilitatos censei, quos Princeps lateri suo adjungit; unde *Comitum* decus. Etiam quibus certa armorum insignia gerenda largitur, ut probat Tiraq. d. tract. c. 6. ubi plures vide sis tacitæ nobilitationis species.

28. Quicumque igitur docere possunt, quod à longissimo tempore, ab omnibus habiti & agniti sint pro Nobilibus, etsi nullum initium causamve decoris sui producere possint, tamen optimo jure nobiles se ferunt, atque hoc modo verum est, veteres divitias multos rusticos fecisse ac etiamnum facere *Nobiles*. Quatenus opes excellendi copiam præbent ac inde imparium adulatio & nobilitatis usurpatio. Qua de re Euripides in Andr.

Ἰχθὺς μίση

Πλῆτες, λαβὼν τῶν ἐργῶν ἀνίχ
Multum valens

Opes, quibus potius, sis vir nobilis

Idem in Æolo

Τὸν δ' ἀγάνιστον ὡς θεῶν, μὴ μοι λήθη,
Ἐν χερσίν τοι' ἴσθι.

Quid per Deos de stirpe jactas nobilit?

Hæc in pecuniis sita est.

29. Et quidem præscriptio Nobilitatis non tantum in Populari vel Optimum imperio valet, sed etiam in ipso principatu vel Regno; nempe, si temporis

poris *inmemorialis* sit, in qua verius est nullum requiri titulum vel scientiam superioris, ut evincit Tiraquellus *d. tract. c. 23.*

30. Scilicet, quatenus in Civitatibus hæc res aliter non est definita legibus; Quid enim si album, sive matricula nobilium familiarum extet? præscriptio non potest ex usu tacito tribuere, quod expressam nominationem requirit.

31. Majoris excellentiæ gradus, ut *Baronum, Comitum, Marchionum, Principum, Ducum*, proprie sunt nomina Potestatum seu summarum sive aliis tam feudi quam civitatis jure subjectarum.

32. Atque ita non nisi per modum successionis propagantur, quod tamen secus in quibusdam gentibus obtinet, ubi plerique titulorum istorum, exemplo Nobilitatis, ad omnes posteros, etsi potestas penes unum maneat, transmittuntur.

33. Ex his jam colligi potest, fundamentum Nobilitatis non consistere in virtute neque fama rerum gestarum, sed esse eam nihil quam hereditariam in civitate honoris prærogativam, quæ tantò major quidem est, quantò cujusque majorum fama virtutum meritorumque celebrior fertur; adque ea tamen perinde haberi potest, ac sæpe honores alii cum dignis & indignis communicantur.

34. Honos virtutum, quique belli & pacis artibus defertur, à reputatione hujus eminentiæ toto genere diversus est, ut frustra sint, qui nobiles esse negant omnes à majorum virtutibus degeneres.

35. Interim Nobilitatis initium à virtutibus fama que secundà ut plurimum duci, multisque eam à Summis potestatibus in præmium virtutis tribui, quin & hanc præstantissimam esse nobilitatem haud ægre concedimus.

36. Ut tamen his, quibus auro vendi-

tur Nobilitas, aut favore, sine judicio datur à Principibus, non minus quam isti sint nobiles; perinde ac Prætor æquè fuit *Vatinius* quam *Cato*, Consul tam *Gabinus* quam *Cicero*.

37. Ratio alioqui primitus impulsiva recipiendi Nobilitatis fuit hæc sine dubio, quod populi sperarent, virtutes eorum qui bene Rempubl. gesserant, imitaturus esse, qui nascerentur ab illis.

38. Item, ut eò magis quilibet ad virtutem accenderetur, si intelligeret, se non perituram, verum usque seros nepotes victuram dignitatem esse adepturum.

39. Proinde si primi familiæ conditores potentiam suam insignibus vitiis corruperint, hi quidem vera æstimatione idonei nobilitatis auctores non sunt aut eam certe non parum dehonestant.

40. Momentum, quod Nobilitas habet in Republicâ, non modo quod ad inania honoris, sed & in functionibus Reipubl. capiendis ignotum est nulli.

41. Quæritur, an & jus aliquod hoc parte, Nobilibus competat, quo urgere & exigere possint, ut aliis præferantur, in tantum uti secus, injuria illis fieri dicatur, quod *Catilina* præ se ferebat, ideo civile bellum se movere, quod ipse & socii nobilitas statum dignitatis suæ non obtinerent *in Epist. ad Catul. apud Salust.*

42. Fuit hæc res in Græcis civitatibus creberrima seditionum materies, sed Ratio est, nobilitatem nihil juris habere proprii & perfecti, nisi ex conventionione civitatis, id est, *Lege*; citra quam probabiliter tamen aliquod præcipuum illis tribuendum, minime vero ut injuriæ & ultionis causa, si neglecti fuerint, ipsis inde oriatur.

43. Quin & prærogativa illa cedit haud dubie virtutum & doctrinæ meritis, ut *Cicero* passim adversus eos qui *Ap-pietatibus*,

pietatibus, & Lentulitatibus se vendita-
rent, præ se tulit, Tales Seneca notos
potius quam Nobiles vocat; *Qui imagi-
nes, inquit, in atrio exponunt & nomi-
na familiae suae largo ordine & multis illi-
gata flexuris in parte primâ ædium collo-
cant, noti magis quam nobiles sunt; lib.
3. de benef.* Unde & hoc colligitur, quod
alias constat, insignia Nobilitatis apud
veteres fuisse Imagines; quarum loco
Germanicæ nationes picturas armorum
flexibus illigarunt.

44. Cæterum, in honoranda nobili-
tate, justum est, cæteris paribus præferre
nobiles, sed eosdem postponere meritis
potiores; plane, ut Franciscum Gallia
Regem servasse vel distitasse ferunt;
quod pluribus honorem ambientibus,
primùm, quis laude moribusque ad illum
aptior, rogabat; nullo notabili discrimi-
ne, eum qui nobilitate excelleret,
præferendum judicabat.

45. Quis conferat nobilitatem, ex su-
prâ dictis constat, Is qui habet summam
Potestatem, eamque in posteros propa-
gari, æquè intelleximus. Sed quousque,
disputant Jurisperiti. Sunt enim qui sim-
plicem nobilitatem ultra filios non trans-
mitti volunt, per *l. Sed & milites 8. §. 1.
π. de Excusat. Tut. & l. laudabile 4. C. de
Advoc. divers. jud.* Sed cum hi textus a-
gant de privilegiis militum & Advocato-
rum duntaxat, ad nobilitatem male
transferuntur.

46. Alii volunt ad pronepotes dunta-
xat extendi jus nobilitatis, per *l. Divo
Marco 11. C. de Quæst.* Ubi eminentissi-
morum de non torquendo privilegium
ulterius non extenditur. Sed dicendum,
illas qualitates eminentissimorum & per-
fectissimorum, magis ad dignitates quam
ad familiam aut genus pertinuisse. Ideo-
que ab illis ad nobilitatem, quæ generis
est, non valere consequentiam. Aucto-
res recenset Tiraqu. *d. loco c. 15.* idemque

in *cap. 10.* probat, quod *suprà* diximus,
copiosè, nobilitatem quo sit antiquior,
hoc esse meliorem.

47. Propagari nobilitatem in liberos
etiam adoptivos, ex opinione veterum,
non est dubium, ut ex Oratione Cice-
ronis pro domo suâ apertissime liquet.
*Filios adoptivos sequi conditionem statum-
que Patris adoptivi; ut si hic esset Patri-
cius, adoptatus etiam si plebejus, talis fiet;
& è contrario si Pater adoptans esset
plebejus, talis quoque filius adoptatus cen-
setur.* Adoptivi jura cognationis *l. 8.
§. 4. π. Unde cognati.* Jura consanguini-
tatis *l. 43. π. de Adopt.* omniaque familiæ
adipiscuntur. *l. 11. §. 2. π. de bon. poss. sec.
tab.* inter quæ jus imaginum; Ex imagini-
bus Nobilitatem fuisse collectam, passim
est obvium atque à nobis demonstratum
in *lib. 2. Digest. c. 24.*

48. Sed aliter multi, etiam Tiraquel-
lus in *d. tract. c. 15. n. 6.* qui nobilitatem
per traducem seminis & sanguinis unicè
propagari volunt: sine ratione, cum
nobilitas naturæ incognita usuque hono-
rum ab hominibus reperia sit, contra
quam ingenuitas, quæ sine medio est à
nativitate, quam idcirco non tribuit a-
doptio *l. ult. π. de Adoption.*

49. Quod autem Spurius & nothi à
participatione Nobilitatis alieni sint,
non eget multæ probationis, quam ta-
men confert Tiraquellus in *d. tract. n. 10.
& seqq.* ubi rectè monet, secus obser-
vari in familiis illustribus Regum &
Principum.

50. Qui Legitimati sunt, maxime per
subsequens matrimonium, omnes sunt
legitimi. Ex eo tamen quod de Adop-
tione diximus, statuendum, etiam Re-
scripto Principis, à quo maxime Nobi-
litas oritur, legitimatos pro Nobilibus
esse habendos.

51. Sed an liberi ante quæsitam Pa-
tri nobilitatem, Nobiles fiant, magis du-
bitatur;

bitatur: Etſi nec ratio magis hac parte, quam aliàs de Succeſſione dictum eſt, dubitare patiatur; eo quod non modò filius in nativitate ſua patrem repræſentet, verum ſemper quamdiu filius eſt, idque firmat *argum. l. 5. n. de Senator. non obſtante ruruſus l. ult. C. de Decurion.* in verbis, *progeniti filii, antequam Parentes ad fiſci Patronatum pervenerint, in conditione priſtinâ remaneant.* Alia enim dignitatum, alia Nobilitatis eſt ratio. Plura Tiraq. *d. c. n. 9. & ſeqq.* Sæpe etiam uſu venit, ut liberi Principum ex imparibus nuptiis, quas vulgo ad *morgenaticam* vocant, gradu Nobilitatis Patri liberisque dignioris matrimonii cedant, quod frequenter uſu venit in illuſtribus Germanorum familiis.

52. Ad collaterales agnâtos Nobilitas recens acquiſita, non niſi, quæ patrimonialis eſt, una cum bonis tranſit, ut recte probat Tiraquellus *d. tr. c. 17.*

53. Sed uxores, quæ maritos habent Nobiles, hujus participare Nobilitatem juris ratio ferre videtur, eo quod mulieres è dignitate maritorum cenſeantur, ſicque unionis arctiſſimæ effectus eſt civilis, *L. feminæ 8. n. de Senator. L. Cum te & l. ult. ubi; & ſentias ejus fulgorem C. de Nupt. & l. 10. C. de Incol. lib. x.* ubi hæc verba; *Mulieres honore maritorum erigimus & genere nobilitamus.* Idem expreſſe, in *l. mulieres C. de dignit. l. xii.* quemadmodum è contra nuptæ ignobilibus feminæ nobiles, hiſi ſunt pares *arg. dd. ll.*

54. Quo minus dubii eſt in liberis Patre nobili, matre natſi ignobili, quin hi Nobilium loco habeantur, cum & aliàs in matrimonio Patris conditionem, extra matrimonium Matris, ſpectari, juris ſit *l. 17. n. de Stat. hom. in quam rem plura cumulat Tiraqu. d. tr. c. 18. n. 21.*

55. Non eſt tamen dubium, quin Nobiliores ſint, utroque parente nobi-

li inſignes, ut Ovid. *lib. 4. de Ponto, eleg. ult.*

Maternos Cortas cui Meſſalaſque paternos

Maxima Nobilitas ingeminata de-

Hinc apud Saluſtium Hyempſal ignobilitatem Jugurthæ, quia materno genere impar erat, deſpiciebat, *bell. Jugurth. & Antonius* hoc nomine Auguſti Nobilitatem inſectabatur, quod *materna* origine vilior eſſet. Xerxes Darii Hiſtaſpis filius, Artameni fratri prælatus eſt, ob maternam Nobilitatem, ex Atolſâ Cyri filiâ natus, apud Herodot. idemque inter Demetrium & Perſeum interfuiſſe Livius obſervat. Adde Tacitum, qui *l. 14.* Rebello Plautio *maternam Nobilitatem* ex Juliâ familiâ adſcribit.

56. Neque deſunt Gentes, ubi vir feminâ ignobili ductâ, polluere Nobilitatem dicitur, ut Tacitus iterum *lib. 3. annal. c. 29.* Nec adeo verè Nobilibus aggregetur, qui non inſignia ab utroque latere Nobilitatis oſtendere poſſit, quâ de re pluribus agit idem Tiraquellus *c. 19. n. 30. & ſeqq.*

57. Prærogativa Nobilitatis maximè conſiſtit in honoribus, quibus plebejſi & vilioribus præferuntur, qua de re teſtimonia cumulare non eſt hujus loci, fecit id copioſe Tiraquellus in *d. tract. c. 20. in pr.* diximus aliquid *ſuprà.*

58. Ratio autem præferendi Nobilitatem in honoribus, eſt probabilis duntaxat, non perfecta; ideoque ſæpe fit, ut cedere debeant virtutibus & meritſi. Aliquando etiam forma Reipubl. talis eſt, ut Nobilitas parum aut nihil habeat præ cæteris.

59. Quæ præterea de Nobilibus prædicantur, quod major illis fides in teſtimoniis habeatur; quod armati incedere poſſint & debeant; An cogi poſſint ad homines ſuſpendendos & ſimilia, de quibus

quibus prolixè Tiraquellus in *cap. 20. d. tract.* neque perpetus, nec ejus momenti sunt, ut nobis prosequenda videantur

60. Sed majoris momenti est, quod Nobiles in deliciis mitius haberi dicuntur. Nam ob quas causas viliores corporum poenâ adficiuntur, ob has honestiorum bona publicantur, §. 5. *I. de publ. jud.* Imo, cum humiles capite puniuntur, altiores deportantur in insulam *l. 3. §. pen. π. ad L. Corn. de Sicar.* Idem in aliis Scriptoribus ubique videas. Stobæus ex Eurip.

Φειδύμωδ' ἀειδῶν δ' ἀγαθῶν, φειδύμωδ' ἄν.
Parcite Nobilibus, parcamus Nobilitati

61. Quod tamen non ita accipiendum, quin delicta dentur, in quibus Nobilitas augeat crimen, ut est, prodicionis, fugæ in bello, nec tam in plerisque atrocioribus ipsum poenæ, quam generis poenæ remissionem Nobilitati indulgendam merito quis dixerit; sed quatenus hac causâ poenâ variari possit, ad caput de Poenis pertinet.

62. Porro, sicut Nobilitas à Summâ Potestate confertur, ita ejusdem decreto ex causa rursus adimi potest. Verum sola vitæ turpitudine & infamia magis est, ut privilegia Nobilitatis, quibus infamis nullo modo gaudere potest, quam ipsum sanguinis characterem amittat, quem idcirco ad liberos decore viventes pergere statuendum est, et si aliter Tiraquellus *cap. 24.*

63. Paupertate Nobilitatem amitti vir sapiens Euripides statuere videtur. *Phœnissis*

Πῖνος, ἢ δ' ἄδιν δ' ἀγαθῶν ἀνάξ.

Vir Nobilis pauper quid est? nihil.

In *Electra*

Λαμπροῦ δ' οἷς γίνῃ γὰρ χημεῖται δὲ δὲ

Πῖνος, ἢ δ' ἄδιν δ' ἀγαθῶν ἀνάξ.

Qui genere nobiles egent pecuniis
Exinde jure nobilitatis excidunt:

Sed hoc de vulgi, non de prudentium judicio esse verum, idem indicat apud Stobæum *serm. 86.*

Ἡ' οὐκ ἐστὶν ἐστὶν ἀλλοτρίω μὲν,

Ἡ' δ' ἀγαθῶν ἐκ τῶ γένει μὲν.

Esti pecuniâ nostrum genus caret,

Generositas & Nobilis sanguis manet.

Sed verum est, quod idem de Nobilibus *serm. 89.*

Πῖνος ἄνθρωπος ἔστιν ἰσοφύμιστος ἴπ.

Cum pauperes sunt, amplius non eminent.

Unde à dignitatibus, quæ alioquin à nobilibus geri solent, ferme excluduntur, ut Romæ in Senatoribus, qui censu carebant, observatum fuisse, Tacitus & Suetonius testantur.

64. Ingressus in ordinem religiosum dignitates quidem in Nobilitatem conferri solitas, sed ipsam nobilitatem minime præcidit, quemadmodum nec Verbi divini ministerium: Et si quod aliqui huic debiti officio, insignia nobilitatis & instrumenta pompæ huic fortunæ convenientes ostentare gaudent, omnem stultitiam superat & se destruit ipsum.

65. Judicandi vero munus neque jus neque dignitatē aut privilegia tollere vel minuere manifestum est; cum etiam Regium sit officium, res judicare, quemadmodum hac causâ primo sunt constituti & optimi quique Principes ad siduo jus dixisse leguntur. *Sveton. Aug. c. 33.*

66. Nec quidem Advocati munus tollere, nec etiam debonestare Nobilitatem sola probat *Lex, Advocati C. de Advoc. divers. Jud.* quod secus de Procuratoris officio videtur, ut probat Tiraquellus *d. tr. c. 30.* qui Medicos *cap sequ.* prolixè defendit ac adserit etiam Nobilitati: ut de Medicis amplius, quam in toto libro de Nobilitate loquatur.

67. Imo tamen nulla major oppositio quam

Y y 2

quam inter Nobiles & rusticos esse videatur, tamen nec agriculturam officere Nobilitati vetus & constans hominum gravissimorum opinio est; *Omnium rerum, ex quibus aliquid acquiritur, nihil est agriculturâ melius, nihil uberius, nihil dulcius, nihil homine libero dignius, ait Cicero 1. off.* Idque pressius antiqui Consules & Dictatores ab aratro confirmant, nec etiamnum ab agricultura Nobiles alieni sunt, etiam manus operi non semper admoveant

Τὸ γὰρ γεωργεῖν ἰσχυρὸν εἶναι αἰνεῖται.

Nam fodere terram munus servile habetur

68. Sed mercatura Nobilitati magis adversa videtur. Unde Nobiliores natalibus, mercimonium exercere prohibentur *l. 3. C. de Commerc. & mercat.* Inter humiles & abjectas personas referuntur, qui quæve publicis mercimoniis præfuerunt *l. 1. C. de Incest. Nups.*

69. Sed mercatura nostro seculo, postquam populi & Principes ingens ejus in Republ. momentum animadvertent, magis honestaricæpit; præsertim in Imperiis Optimatum aut popularibus, Venetorum, Genuensium, Batavorum, quin & in Florentino Principatu, regnisque etiam, ut in Angliâ & alibi; Nec adeo mercaturâ Nobilitatē his diebus ubique amitti, dicendum videtur; nisi quæ *ultima* dicitur in *l. ne quis C. de dignis.*

& sordida, quam vocat Cicero *1. off.*

70. Prævalet omnino tamen in gentibus hæc opinio, quod Mercatura deroget Nobilitati; nisi quod in nonnullis populis pro statu Reipubl. diversum placuerit, ut copiose conclusit & probat Tiraquell. *cap. 33. passim & n. 20.*

71. Orta est hæc sententia contra Mercaturam, ut videtur, inde, quod Principes Nobilitatem sibi addictam in armis habere, plebem ut subjectam cum sibi tum Nobilitati habere voluerunt.

72. Quod tamen jam pridem contra vertit; postquam Principes mercenariam militiam ex sæce hominum, ad vim imperii exercendam, adsciverunt: Exinde enim nobiles ab armis alienati, æque oneribus publicis & rigidiori imperio subjectos habuere quam plebejos.

73. Melior est ratio, quam Honorius & Theodosius præferunt, qui Nobiles, conspicuos & ditiores ideo à commerciiis excludunt, ut inter plebejos & negotiatores facilius sit emendi vendendique commercium *l. 3. C. de Commerc.* quâ, nec non inveterata populorum opinione apud ipsos Batavos, in quibus mercatura pridem maximè viguit, antiqua Nobilitas adhuc mercaturam dedignatur. At satis heic nobis. Reliqua plena manu D. Antonius Matthæus A. F. A. N. in opere exquisito *de Nobilitate.*

C A P. V.

De diversis Civium Ordinibus.

Antiquissimum genus Civium fuisse agricolas. Dignitate etiam mercatoribus olim potiores habitos. Secus hodie. Ratio differentiarum. Quæstio, an naturaliter liceat in emendo vendendoque se invicem circumscribere, terminatur. De sceneratoribus, & an scenus jure naturæ divinoque sit licitum; Aff. non tamen id quod vulgo Lombardicum vocatur. Mercatores sequi Piscatores & Mechanicos artifices, sed milites ordinem in civitate proprium non constituere; At eruditos omnino, tam qui docent artes studiorum, quam qui faciunt illas. Ubi quid juris hac parte Theologis.

HÆ fere sunt differentiarum ex qualitatibus civium; Dantur & aliæ ex variis vitæ generibus ac professionibus: Unde ordines hominum diversi componuntur.

2. Antiquissimum vitæ genus est *Agricultura*, idemque innocentissimum, nec minus Reipubl. utilissimum: ideoque apud præcos omnes populos merito honoratum.

Cum caperet fasces à curvo Consul a-
ratro

Et faceret Patrio rure Senator a-
gros.

3. Unde & Legibus fovenda tuendaque imprimis, ut à Romanis factum, quod pertinet, quod instrumenta rustica loco pignorum capi & agricolis auferri prohibentur; etsi hoc moribus hodiernis nusquam servatur, utcunque ratio, qua veteres movebantur, apud nos forte non minus obtineat, quam apud illos usu venerat, *vid. l. 7. & 8. cum Ausb. Agricult. C. Quæ res pignor. oblig. non poss.*

4. Quominus Imperii in civitatibus Rustici participes habeantur, nullaquidem ratio obstat, idque olim in lauda-

tissimis civitatibus, *Spartâ* exceptâ, obtinuisse, nota res est.

5. Hodiernis temporibus aliter usurpari videmus, ubique penes urbanos aut nobiles summâ consistente rerum: non aliâ ex causâ, quam quod hi, qui opibus & ingenio pollent, agriculturam odio laboris fastidiant, eamque iis relinquunt, qui ad rem nullam, præterquam ad serviendum, sunt apti, quod & *Lycargo* probatum. *Plutarch. in vit.*

6. Post agricolas, sunt origine Mercatores; illos necessitas, hos utilitas commendat; quando nullâ re compertum est, celerius crescere & rursus deficere, quam florente vel coarctata mercatura, populos & civitates.

7. Plerique veterum dignitate post agricolas collocant mercatores; an, quia sane apud hos minus simplicitatis & crebræ fraudes ac imposturæ?

8. Ideone & his diebus Nobiles agros, saltem per alios, ipsimet exercent, mercaturæ misceri indecorum existiment? sed hæc ratio aliter constat.

9. Monarchæ ut liberius imperarent; plebi arma excutere eaque soli committere Nobilitati curæ habuerunt; atqui à

studio armorum nihil alienius esse constat Mercaturâ.

10. Accedit & ratio coercendi monopolia, quæ per homines potentes & nobiles facile contraherentur, quomobrem jure Romano cunctis potentioribus mercaturâ interdictum *l. 4. §. 1. ult. C. de Commerc.*

11. Philosophi idcirco illam deteriore loco habere videntur, quod cum simplicitate juris Naturæ minus conveniat, rem eandem minoris emptam vendere pluris; nam in venditionibus, commercia fere consistunt.

12. Fundamentum hujus quæstionis decidendæ petendum est à voluntate contrahentium; His enim consentientibus in eam, quæ arguitur, inæqualitatem, nulla ratio naturalis aut civilis eam reprehendendi superest.

13. Voluntas autem ementium ex indigentia colligitur; prout enim quisque magis aut minus aliqua re indiget, ita pluris aut minoris eam æstimare solet.

14. Sic tamen, ut indigentia respectu singulorum non spectetur, ita ut venditor caperet unius necessitatem, eamque precio enormi circumferibat, sed in universum, quatenus æstimatione communi res quæque censetur.

15. Proinde, non modo tale lucrum, quod simpliciter pensationi laboris operæque respondeat, sed & juxta subitum indigentiae incrementum majus aliquid licite capi potest.

16. Est omnino tacitus ubique gentium & publicus in hanc rem consensus, ut res emptas cum lucro distrahere liceat, quæ generalis consensus in jus Gentium abit, idque frequenter Naturale dicitur; unde Romani læti; naturaliter licere contrahentibus se invicem circumscribere docent. in *l. 16. §. 4. π. de Minor. adde Grotium lib. 2. cap. 12. §. 14.*

17. Quanquam monopolia, per quæ

jus vendendi certis hominibus, exclusis reliquis, permittitur, ut plurimum esse prohibita, satis hinc intelligatur, quia commercii libertas juris Gentium est.

18. Nihil tamen vetat, quin civitas ob civiles quandoque causas, ea permittere possit, quale fuit monopolium *Josephi in Ægypto*, & est *Indica societas* in Belgio.

19. Cæterum, dignitas Mercatorum in liberis Rebus publicis aliquantò major habetur, atque solet apud populos qui regnantur; Quanquam & ibi diversa quam solebat olim, invaluerit existimatio; ut ubi lucrum est, ibi quoque Principes ipsi aggregari mercatoribus non dedignentur.

20. Juxta mercatores censerî cupiunt *Fœneratores*, qui pecunias pro mercede mutuo elocandis suam vitam exereant, quos alii penitus è civitate vellent ejectos, & Fœnus in universum juri Naturæ & divino contrarium judicant: non scilicet ejusmodi fœnus, quod damnum penset illatum aut lucrum cessans, nec quod puniat debitores frustrantes, ut hæc distinximus *ad tit. ff. de Usur.* sed merelucraticum.

21. De jure Naturæ nobis certum est, id non prohiberi, siquidem nulla est ratio, cur non ex pecunia meâ lucrum immediatè percipere queam, perinde atque ex aliis rebus pecunia comparatis.

22. Jure divino, fundamentum prohibitionis est *Charitas*, cujus Legibus si possit usura non advesari, dicendum, dari quoque usum ejus non nefarium.

23. Atqui ut ab eo qui nostrâ pecunia in suum commodum utitur, mercedem capiamus, id non repugnat officio caritatis.

24. Nec audimus *in jura* à se ipsis dissentientem, quando sufficere debere ait Legem Hebræis datam, ne à gentilibus suis espiant usuram; cujus cum honesta

honestas sit materia, Christianos quoque per illam vult obligari, quippe vocatos ad majora virtutum specimina. Grot. lib. 2. cap. 12. §. 20. de jur. b. & p. Aliter in introd. jur. Holl.

25. Nos hanc consequentiam in his quæ mere sunt moralia, licet non necessaria, ut aliàs dictum, concedimus; Eiusmodi autem hoc præceptum esse non videri, ex conditione illius populi, agrestis & à commerciis alieni liquet; nam idcirco & aliæ gentes versuram interdixisse leguntur; quam alii suis rebus necessariam experiuntur.

26. Præterea, quod morale totum est, id omnibus ex æquo populis congruere oportet; hanc autem de fœnore Legem Deus ipse ad alienigenas noluit extendi, à quibus Judæi fœnus capere, jure potuerunt.

27. Quatenus autem Legi dilectionis adverteretur usura, id ex solida & infucata dijudicatione circumstantiarum, quæ in universum terminari nequeunt, cuique colligendum.

28. Nos utcumque eos qui artem τελεσιουργικῆς exercent, ob necessitatem tolerandos, ita qui fœneratorium toto vitæ instituto artificium exercent, laudandos minime putamus.

29. Quoniam etsi mutuum, quod sua natura gratuitum est, non male quandoque fiat usurarium, id tamen extraordinarium juvandiue alterius causa, non promiscuè, ut faciunt mensularii, debet fieri.

30. Quemadmodum, etsi bellum sit licitum, non ideo, quibus bellum est Ars, idque agunt, ut conducenti cuius operas suas locent, vitæ genus justum sequividentur.

31. Plane, qui apud nos trapeziticam exercent, quorum primi è Lombardia oriundi nomen gentis professioni addiderunt, & qui sub pignoribus enor-

me fœnus capiunt, ne quidem, uti res haber, ferendi in civitate erant, nisi ipsos Magistratus tenerent implicitos; quæ tamen honorifica societas nihil argentariis istis ultra impunitatem tribuere, neque labes Reipublicæ internam rei spurcitiem tollere potest.

32. Mercatoribus jure meliori succenturiantur, qui rem nauticam & Piscatoriæ maxime Oceani, quique mechanicas artes exercent; quos à veteribus adspersanter haberi videmus, à Xenophonte in Oecon. ab Aristot. in Polit. tanquam abjectos & nullius pretii homines l. 3. c. 3. & lib. 6. cap. 4.

33. Sed usu discimus in hoc hominum genere, ut his temporibus agunt, esse honestissimos & religiosissimos mortales, qui civitates numero & vectigalibus, Ecclesias quoque vivis & solidis incrementis amplificant.

34. Milites ordinem in civitate proprium constituere non videntur; utique non, si delectu civium habito, identidem bello confecto, ut olim Romæ, dimittantur; tunc enim pars civitatis sunt, non ordo civium peculiaris.

35. Neque verò, si perpetuis stipendiis modo in præsidiis habeantur, ut recenti Romæ; nam qui tum cives ex illis sunt, manent cives jure priori, alienigenæ mercenario servitio civilis unionis non sunt participes.

36. Proinde nec originariis civibus militare ministerium quicquam juris, quo civilis character mutetur, superaddit: quod verò fecus apud Romanos obtinuerit, id vitium ac pestis, non jus fuit Reipublicæ.

37. Sed qui studiis honestarum artium exercentur, hi optimo merito civilis ordinis censentur: sunt autem in duplici differentia, qui docendis tantum eruditæ disciplinis dant operam, & qui

qui faciunt artes, seu praxin earum, ut vulgo loquuntur, exercent.

38. Qui institutionem scientiamque earum artium profitentur, quibus Ecclesie & civitates reguntur, & utilissimi humano generi & ab omni seculorum memoria honoratissimi fuere; præterquam ubi corruptis moribus præmia virtuti & doctrinæ debita ignavis bonarum artium promiscuè tribuuntur.

39. Qui exercent in Civitate disciplinas, hi quod attinet ad rerum divinarum scientiam, alium locum quam est is, de quo jam loquimur, in Republ. tenent, idemque de Jureconsultis in loco videbimus.

40. Heic autem observandum, Theologos in plerisque gentibus Reipubl. regendæ in primis admoveri solitos fuisse, apud Hebræos, maxime post *αλων*; apud Romanos Pontifices, ut Cicero *pro domo*. Idem Carolus Magnus instituit, apud Germanos imprimis, ut Episcopi simul essent Principes, quemadmodum adhuc sunt, nec aliis frequentius Reges & Principes utuntur Consiliariis quam Theologis.

41. Nisi quod apud Protestantes id

rarius instituitur, ita persuasos, ne jure quidem id fieri posse vel debere, quasi id esset *αλασητος πικροπις* & polypragmosyne à Christo Apostolice prohibita, quo Pastores animarum se totos huic curæ, quæ totis hominibus occupandis sufficit, dedere possint, & Recte equidem; etsi cujus gratia id instituere principes Reformantium, haud usquaque fideliter impleatur: quod tamen juris rationem non mutat.

42. Medicos apud Romanos minus honoratos fuisse, libertinis & servis hac arte delegata, constat equidem, sed postquam chirurgica & pharmaceutica ab eruditore medicina separata est, majore quam apud Græcos olim, honore ceperunt haberi & habentur etiamnum, ut etiam Reipubl. non raro adhibeantur; etsi non ita, ut Juris-consulti, qua tales.

43. Philosophi apud Veteres multo quam hodiè majori honore habebantur, cum & sacris & legibus condendis omnique disciplinæ adhererent; quæ postquam hodiè à Theologis & Jurisperitis occupatæ sint partes, philosophis in civitate parum loci atque momenti relictum est.

S E C T I O I I I.

De jure Universitatum.

C A P. I.

De Universitate, in genere.

Post singulos, corpora hominum consideranda & Universitates. Definitio illarum difficilis, tentatur tamen, ut & divisio, quod vel singulæ personæ, vel integræ in eas familiæ, cum omnibus rebus conveniant. Definitio alia & accuratior Universitatis, ejusque exegeſis. *Basium* prohibetæ. Regimen Universitatum, cum jure condendi statuta de rebus suæ professionis. Jus personæ Universitatibus competens, etiam in Contractibus & delictis.

QUæ adhuc dicta sunt, ea singulis fere civibus conveniunt; plerumque autem vel plures personæ vel integræ familiæ communis utilitatis causâ in unum conveniunt, quæ Corpora sive Universitates dicuntur.

2. Quid sit Universitas, difficile dictum est, prope ut hic illud Aristotelicum usu veniat, ἡ δὲ πόλις ἕκαστος ἑστίν; nam quia diversissimæ Universitates sunt naturæ, definitio ægrè, omnibus quæ conveniat, dari potest.

3. Forte facilius negante quam ajente sensu; Universitas est *Multitudo, communis utilitatis causa, certo regimine ordine sociata, qua nec sit familia neque Respublica*; sicut diximus *ad tit. Inst. de Acquir. Rer. dom.*

4. Nam quia verba priora definitionis, his quoque conveniunt, nec tamen hæc Universitates sunt hujus generis, nominatim leparandæ videntur; deficientibus, ut videtur, verbis, quibus aliter distinctio illa colligi possit; nisi quid forte statim melius occurrat.

5. Partiemur Universitates, quod vel personæ singulæ, vel integræ familiæ cum omnibus suis rebus conveniant.

6. Corpora, quæ personali tantum unione constant, propter usus aut civiles aut sacros congregantur.

7. Illi, vel ob mechanicas artes, vel ob studia bonarum artium haberi solent: suntque *Collegia* artificum, & ex adverso *Academix*; nam scholæ & gymnasia per se Universitates non sunt, quia nullo regimine civili continentur.

8. Quæ ob sacra congregantur Universitates, *Ecclesie* dicuntur, quæ utcumque à Republica separatæ sint, membra tamen civitatis esse, negari nequeunt.

9. Universitates, quæ non modò personas, sed & familias domosque complectuntur, sunt vici, pagi, oppida seu municipia, territoria, provinciæ & similes, in quibus priores continentur: Nam dari universitatem in Universitate habet facultatem & usum.

10. De his omnibus in genere statutuendum,

Z z

tuendum, Nullas jure constitutas videri universitates, nec ullas omnino tolerandas, nisi quæ ab eo qui summam habet potestatem, aut si minoris momenti sint, ab his qui delegatam à Principe habent potestatem, probatæ vel confirmatæ sint.

11. Ratio, quia prætextu collegiorum, fundamenta seditionum stabiliri possunt; præter quod nihil in civitate majoris momenti sit, quod ab alio quam à summa potestate constitui queat; nec quicquam facile pluris occurrit momenti quam civium in Civitate societates.

12. Unde haud immerito, criminis extra ordinem rei sunt, qui *imelius* sodalitia, collegia formaverint, ut non tantum jure Romano receptum, sed etiam Universalis jure Publico statuum est, *vid. tit. 1. de Corpor. & colleg.*

13. Facit, quod in civitatibus, maxime, ubi fundamentum Imperii est Democraticum, Universitates civium, quasi usum habent Curiarum, ut olim populus Romanus in xxx. curias divisus de publicis rebus confulebatur.

14. Forsitan ex his omnibus definiri potest Universitas, paulo concinnius quàm modò, *Cæsus*, sive corpus *subditorum* alicujus civitatis, *sub certo regimine, permissu summæ potestatis, ad utilitatem communem sociatus.*

15. *Cæsum* dicimus, quia ipsum corpus civium pro universitate habemus; iterum spreta eorum subtilitate, qui *formam moderationis* proprie loco generis collocatam vellent, ut vult Arnulphus *lib. 1. de Republ. c. 1. sect. 7. n. 2.* tanti putans hac causa reprehendere Platonem, Speusippum, Ulpianum, Bodinum aliofque, prope ambitiosæ nugæ!

16. Dicuntur etiam Societates, & Collegia *in l. 1. 1. 1. Quod cujusque univers.* Sed hæc nomina conveniunt etiam ejusmodi coetibus, qui nullo regimine con-

tinentur; neque rursus satis conveniunt; pagis, oppidis & Provinciis, quæ tamen universitates sunt.

17. Numerus Sociatorum variè se habere potest; minimus omnium, à quo initium capere possit Universitas, habetur, trium personarum *l. 85. 1. d. Verb. signif.*

18. *Subditorum*, non civium; siquidem & advenarum temporaria possunt esse collegia & universitates, ut mercatorum, studiosorum, denique Ecclesiæ & Monasteria.

19. *Sub certo regimine*; his verbis constat differentia à Societatibus, quæ non raro pro Universitatibus fallunt, quales Publicanorum & Mercatorum, etsi Romæ quidem publicanis universitates permittæ fuerint, ut indicat Cajus *in l. 1. 1. 1. Quod cujusque univers.* non æquè militibus, etsi illis, conferre stipem & semel in mense coire permittitur, at sine regimine peculiari. *l. 1. 1. 1. de colleg. & corpor.* quod nihilo magis hodie publicanis permittendum videretur. Enimvero nomina ne quem decipiant, tenendum, Societates sæpe dici, quæ sunt maxime Universitates, ut *Indica* apud Belgas.

20. Proprietas autem & nota hujus regiminis est, quod alii sunt Imperantes, alii ad parendum tenentur; sive Imperans sit unus, vel pauci, vel ex omnibus identidem major pars, aded ut Universitates ad instar civitatum, tribus formis administrantur.

21. Plerumque penes universos socios, hoc est, pœnes majorem partem est regimen, ita ut secundum plura suffragia concludatur & minor pars sequi cogatur; nisi aliquid certi hac parte placuerit: Ut in Collegio Cardinalium duas partes præsentium consentire oportet in eligendo Pontifice, quod tamen ad alium locum magis pertinet.

22. Quot

22. Quot autem adfint Universitatis membra, nihil refert; si modo conventus legitime fit indictus, sine dolo & captatione absentiarum; nisi rursus aliquid certi hæc parte fit constitutum, ut apud Romanos receptum fuit, ne pauciores quam duæ partes adfuerint l. 3. & 4. r. *Quod cujusque univers.*

23. Habent etiam ejusmodi Universitates arcam communem, & possunt habere Syndicum sive actorem, per quem quod communiter agi fierique oporteat, agitur, ut fit; habent & notionem sive aliquid instar jurisdictionis, omnia ad instar Republicæ l. 1. §. 1. *Quod cujusque univers. nom.*

24. Permissu summæ potestatis, plerumque immediatè, aliquando per Magistratus. sic autem à familiâ discernitur universitas, quæ non eget consensu publico. simul à civitate; cujus anima est Summa potestas, nec ante civitatem existit; at quod supremæ potestatis permissu fit, hoc eam præexistere supponit.

25. Denique, hæc verba, exercitus terrestres & maritimos, etiam singulas naves bellicas separant ab Universitatibus, quia non permissu, sed nomine & jussu summæ potestatis, inque ministerium ejus ac commodum immediatè sociantur.

26. Excludunt etiam hæc verba prohibitas Universitates, quæ non habent jussionem vel decretum permissionis à summâ Potestate, utcumque suum regimen habeant, & tolerantur, & libertate gaudeant, quod discrimen evidens est, in collegiis hæreticorum & schismaticorum, qui à publicâ Ecclesia separati suo sensu & more Deum colunt, & quorum quædam per conniventiam tolerantur, alia decreto Civitatis stabilita sunt.

27. Quæ sunt posterioris generis, hæc vocantur & sunt Universitates, non etiam quæ prioris, etiam actus aliqui à vo-

luntate summæ Potestatis descendentes subinde circa eas exerceantur; quia semper in statu sunt, ut tolli queant & debeant, adeoque sunt Universitates facti, non juris, ut ita loquamur.

28. Sed an diuturnitas temporis Universitatum jus illis tribuere non potest? Existimo posse, si nulla prohibitio scientis Magistratus præscriptionem interrumpat, ut apud nos Pontificiorum Universitates perpetuo prohibentur & tolerantur, his tamen præscriptio non currit.

29. Secus ac Anabaptistis, ut videtur, quibus integri tolerantia seculi palam facta jus Universitatis acquisivisse videtur. Quare enim minus hoc jus quam omnia reliqua lapsu temporis acquiri nequeat, ratio nulla reddi potest.

30. Ideoque ejusmodi Universitatibus, jus personæ omnesque civium facultates & standi in judicio & acquirendi bona juraque competere videtur.

31. Ad communem utilitatem; Finis in omni legitima universitate necessarius; vox communem recipit duplicem sensum, pro communi sociorum, & publico bono. Utrumque requiritur; neque enim aliter ab Imperantibus hujusmodi corpora permittuntur.

32. Merito igitur Romani Principes veterunt esse *imicis sodalitia*, in quibus commessandi potissimum gratiâ homines conveniebant, meritòque in *Academis* tam Germanicis, quam Belgicis abolita sunt collegia Studiosorum Nationalia, quæ finem præcipuum symposia publicæque disciplinæ everfionem habebant.

33. Nominatim Ordines Frisæ hanc rem tanti fecerunt, ut solenni Legatione undecim virorum è primariis Reipubl. Collegiis in Academiam factâ, rem utilissimam sæpe etiam vi tentatam consilio & auctoritate confecerint, anno MDCLXVIII.

34. Regimen universitatibus, quantum ad cuiusque moderationem satis est, nec ultra conceditur, ut quam minimum publicæ autoritatis *vigori decedat, idque moribus passim obtinet.*

35. Porro, quia per regimen suum Universitas ad unitatem redacta est, hinc jus personæ ei rectè adscribitur. Ideoque habet dominium à singulorum dominio separatum, quomodo res Universitatis è rebus singulorum distinctæ sunt, ut docent Juris-consulti, in *l. 6. §. 1. π. Quod cuiusque univers. nom.* imo contrahere & delinquere possunt Universitates, in *l. 17. §. 1. Quod cui Univers. l. 9. §. 3. π. Quod met. c. l. 27. d. Reb. cred. Auth. nulla Communitas C. de Episc. & Cler.*

36. Scilicet, ipsa Universitas est Persona; ideoque singula Universitatis membra de contractu vel delicto Universitatis non tenentur, utique non quatenus sunt singuli; verùm uti concurrunt ad unum corpus cum aliis constituendum, sic etiam pro suâ parte tenentur, modo causa obligationis ita contracta sit, ut Universitas inde valide obligetur.

37. Quo autem hoc fiat, alterutrum necesse fuerit, vel ut omnes & singuli Universitatis consortes voluntatem suam declaraverint; vel, ut Universitas quibusdam jus plenum & absolutum dederit, de omnibus rebus maximis & minimis liberè statuendi; perinde ac si ipsa Universitas & tota consulisset, ita ut ista persona vel istud collegium totam Universitatem repræsentet.

38. Hoc enim in patrimonialibus singulæ Universitates suo quidem arbitrato facere possunt; Sed extra Patrimoniales

causas non dari talem in Universitatibus repræsentationem, *in loco demonstratum est.*

39. Quod attinet ad delicta, cum in illis requiratur dolus proprius, qui non cadit in Universitatem *l. 15. π. de dol. mal.* sequitur, illam ita non posse delinquere, ut singuli è delicto teneantur.

40. Proinde, poena propter delictum Universitatibus singulatim infligi non potest, nisi constet, quis verè delicti particeps fuerit. Unde sequitur, si omnes facinus participaverint, ex rigore juris, omnes posse puniri, licet æquitas aliquid temperamenti postulet.

41. Deus lane totas urbes & nationes ob peccata, quibus se inquinaverant, aliquando proscripsit atque delevit. *Deuteron. XIII. 12. & seq.* Aliàs fortitio vel decimatio instituitur, quæ fuit disciplina militiæ Romanæ, vel Duces & antesignani puniuntur.

42. Tamen & Universitati quæ tali poena rectè imponitur, etiam de auctore delicti non constet, quemadmodum populos sæpe suis privilegiis & ornamentis obfessiones, privatos legimus.

43. Alioqui notissimum in Historia institutum est, puniendi Universitates ira, ut poena paucos adfligat, metus ad omnes perveniat. Raro fit hoc, quod Minerva apud Homerum *Iliad. 6.* de Jove denuntiat irato;

*Μάγνη δ' ἰκέειν ἐς ἄνθρωπον ἐν κοίλῃ
Σοῦτες ἰφόντεςque manes promίσκουα
pena*

44. Hæc de Universitate in genere dicta sunt; Transeamus ad singulas species.

C A P. I I.

De Universitatibus artificum mechanicorum & Mercatorum.

Differentia Societatum & Universitatum re & nominibus, ubi de Artificibus, Publicanis. Considerationes super usu illarum. De Societatibus Indicis, quo jure teneant Imperia ditionum quas habent foris, jure Summæ Potestatis, an domini duntaxat. de potestate Universitatum res judicandi & statuta condendi.

Secundum partitionem supra positam occurrunt primò Universitates, quæ personas tantum, sine respectu rerum & domum suarum, continent, idque tam propter usum sacros quam civiles.

2. Ex his primo sunt Artificum & Mercatorum collegia, quatenus hæc regimine certo continentur; nam et si Universitates sint etiam Societates, non quælibet tamen Societates sunt Universitates.

3. Cujus rei effectus notabilis in hoc elucet, quod in Societate pars minor non cogitur sequi majorem Sociorum partem, sed quod pluribus in re communi placuit, id cuique dissentienti prohibere jus est *l. 28. x. Com. divid.* quod in Universitate secus est, ut antea diximus.

4. Proinde, ubi hæc forma regiminis additur, ut prærogativa suffragiorum valeat, ibi Societatem mutari contingit in Universitatem, quod accidit in artificibus mechanicis, qui plerumque suas habent universitates, ut Romæ habuere pistores & navicularii *l. 1. x. Quod cuj. Univerf. nom.* & sunt hodieque omnium fere professionum & artificiorum in plerisque civitatibus.

5. Adduntur, ut jam supra vidimus in *d. l. 1.* publicanis, quorum hodieque Societates sunt plurimæ, Universitates quod sciam, nullæ: nec ut hodie res sunt, expedire judicaretur Reipubl. ut id genus hominū

ordine certi regiminis audaciam & capacitatem suā auctoritate majori stabilirent.

6. Fuerunt etiam apud Romanos Societates eorum, qui argenti & aurifodinas atque salinas exercebant, quæ similiter Universitatis jure donatæ sunt & donari possunt hodieque, ubi dentur; sicut & Piscatorum, nihilo secus ac aliorum artificiorum.

7. Denique, Mercatorum Societates huic numero accensentur, quæ similiter, ut supra diximus, aliquando Universitatis jure donantur; quod tamen haud temere, nec nisi magnā utilitatis publicæ ratione faciendum.

8. Quia cunctæ Universitates artificum & mercatorum, genus quoddam monopolii exercent, quo alii extra universitates illas ab ejusdem artificii vel mercimonii exercitio excluduntur, quod ut plurimum præpostere cedit.

9. Dum sæpe peritiores, qui sumptus ad ingressus Collegiorum injunctos ferre nequeunt, suo & aliorum incommodò arcentur à communione victus exercendi aliique utiliter inserviendi.

10. Quæ ratio facit, ut ubi collegia à Summis Potestatibus concessa non sunt, Magistratum auctoritas inferiorum, ad creandum aliis præjudicium non sufficiat, ut bene recteque in contradictorio scimus esse judicatum.

11. Denique, multi non temere existimant,

stimant, plerumque satius esse, promiscuam Artificibus copiam sui præbere, ut quanto quisque diligentior & peritior est, tanto majore commodo gaudeat, nec Universitatum prærogativa meliores, quod sæpe fit, præcludantur.

12. Multo magis in mercatoribus id observandum, ne Universitatibus stabilitis, promiscui usus libertas, quæ auget hominum industriam & civitatem locupletat, coercetur.

13. Sunt tamen justæ causæ, propter quas Summa Potestas artificibus & mercatoribus collegia & universitates, cum exclusione aliorum, concedere potest; si quando aliter utile Reipubl. commercium administrari nequeat; ut in longinquis Indiarum & novi Orbis navigationibus ac commerciis usu compertum est.

14. Quarum institutum nuper inchoatum, inter alia plura, id habet singulare, quod, extra territorium ejus Potestatis, à quâ recipiunt auctoritatem, regimen suum extendunt; cum alioquin Universitas sit Corpus hominum in una Civitate, cujus extra limites suas jurisdictionis extendi non potest.

15. Tamen, inquam; Indica Societas, quæ est Universitas stabiliti regiminis, habet civitatem, imo Rempubl. & Imperium sub alio sole cœloque: An illud Imperium est Societatis proprium; quatenus, inquam, Imperium est, an Ordinum Fœderatorum? Nam de privato dominio nemo dubitat, quin hoc sit ipsius Societatis proprium.

16. Quid? dices, Universitas subiecta Civitati, quæ Civitas ipsa non est, Civitatem Rempubl. & Imperium habebit? Cui hoc in mentem veniat? Atqui privatum hominẽ, alii Principi vel Reipubl. subiectũ, nihil vetat, habere foris Imperium idque independens; quid ni & Universitas, quæ jus habet personæ?

17. Domini Amelandiæ cives sunt Frisii, & tamen imperium ipsius in vicinam insulam ab Ordinibus tam Frisiz, quàm Belgii fœderati agnatum & habitum est independens. Hoc jus Universitas aliqua Belgarum acquirere posset; haberet eadem jus æquẽ independens ac illi habuerant, quod proinde non caret facultate civili.

18. Quare distinguendum est: Si Universitas sive Indica Societas nihil aliud ab Ordinibus accepit, quam permissionem constituendi & habendi tale corpus, vel si insuper acceperit privilegium, ne quis alius è Belgis commercia per Indias exerceat, hæcenus nihil apparet, quur Imperium illis proprium & independens competere non videatur.

19. Non obstante, quod apud Belgas subiecti sunt, atque heic etiam in jus vocari possunt: Id enim de rebus in Imperio suo foris administratis, non magis haberet locum, quam Princeps aliquis in nostro agens territorio, ad rationem sui regiminis forensis reddendam teneretur, quemadmodum de Amelandiæ domino Frisii nunquam exigendum putarunt.

20. Quod si Indica Societas eâ lege constituta sit, ut puto constitutam esse, quod Summa Potestas futura sit penes Ordines Fœderatos, ipsique Socii foris adversus externos Principes Ordinum nomine Fœderatorum utantur, uti constat eos uti, jam rursus dubitari non potest, quin Summa Potestas illius Imperii forensis sit penes Ordines Fœderatos, à quibus etiam Leges & reliqua jura Reipubl. administrandæ acceperunt, & ad quos etiam de rebus apud illos foris judicatis provocari potest.

21. Unde patet, ne quidem illos accepisse Regalia ab Ordinibus Generalibus, quemadmodum vasalli accipere solent, quos veretumnam potestatem habere,

bere, licet feudi servitio obstrictos, aliàs demonstratum est.

22. Porro etiam fieri potest, ut tot Artificum & mercatorum collegia sint in aliqua Civitate, uti omne fere civium corpus in iis sit comprehensum, quod Argentorati, Coloniae, Groningae & alibi usu venire constat.

23. Atque in iis locis ita fert aliquando status Civitatis, ut principium & extremum popularis imperii in ejusmodi Collegiis contineatur, pari fere modo, quo Romae se res habuisse cum Curiis antea diximus, & in prænominatis civitatibus haud ita pridem se res habuit.

24. Porro, collegia artificum & Mercatorum habent notionem causarum ad institutum suum spectantium, eaque causâ multæ dictionem, Imperium tamen sive facultatem exequendi regulariter non habent; nisi foris, ubi manu publica adjuvari non possunt, agant, ut in longinquis navigationibus, ubi quoque meri Imperii exercitio privatis Societatibus concedi solet.

25. Jus etiam habent condendi Statuta professioni suæ convenientia, dum ne aliquid ex publico jure corrumpant; aut aliorum commodis adversentur, cujusmodi sunt quæ ad monopolia spectant.

26. Quibus accensetur, si artifices statuunt, ne opus ab alio inchoatum alter absolvat, aut plus nomine pretii vel

mercedis exigant, quam Lex vel consuetudo permittant, quæque similia lucrari sacra fames hominibus suggerere solet. *Vid. tit. C. de Monopoliis & conventibus negotiatorum illicitis, vel artificum erga laborum & passionibus illicitis.*

27. Aliquando tamen è Republica est, ut monopolii quoddam genus certis collegiis permittatur, cum varias ob causas, de quibus Politici, tum ideo, quod majori opus sit concordia potentiaque ad stabiliendam mercaturam, contra vim æmulantium, quod magno cum fructu in societate Indicanâ apud Belgas factum.

28. Quâ de re disputatum audivimus apud Anglos, an Rex ejusmodi monopolium, quo alii cives à commercio certæ partis marium & terrarum excluduntur concedere possit, eo quod hæc res ad proprietatem rerum, quæ Imperio subiecta non sit, pertineat. Ibi quidem Parlamenti auctoritas adhibita fuit, sed est juri consentaneum, quod hæc sit facultas Domini eminentis, quod habent Rectores Civitatis, ut ejusmodi privilegia concedere possint.

29. Ejusmodi universitates, quatenus suum corpus extra fines civitatis, cui sunt subiectæ, extendunt, habent se infra Reipubl. subordinatæ, omnes Imperii actus velut in civitate exercentes, qui tamen infirmari ob iniquitatem prohiberi que possunt.

CAP. III.

De Universitatibus Studiorum.

Scholas triviales non esse Universitates, neque Scholas illustres, quæ dicuntur. Expositio celebris *Ausb Habita*. Illam primo non fuisse, nisi pro peregrinantibus & Legum Professoribus. Ratio quæ ita, & quomodo postea res mutata sit. Quid proprie faciat Universitatem in Academicis. Quatenus Studiosi habeant electionem fori.

ETiam studia bonarum Artium suas habent Universitates, aded ut nomen hoc Academicis majoribus singulari modo & per excellentiam adscribitur.

2. Etsi autem hæc appellatio trivialibus & illustribus Scholis negetur, ex usu tamen ejusmodi *U. S.* non sequitur, Universitatis naturam illis nullo modo competere.

3. De Scholis equidem trivialibus haud difficilis responsio est, illas esse quidem Collegia, non esse universitates, quia nullum civile regimen, nulla jurisdictio in illis apparet, nisi iussa & Disciplinam pædagogorum, jurisditionis & imperii loco habere placeat.

4. Sed gymnasia & illustres Scholæ quæ dicuntur, an sint *Universitates*, etsi appellatione communi pro talibus non habeantur, haud immerito dubitatur. Res hinc pendet, utrum in illis gymnasiis aut Scholis illustribus, sit regimen aliquod aut notio vel jurisdictio, saltem de rebus ad professionem earum pertinentibus, an secus.

5. Quia verò plerumque ejusmodi illustres Scholæ suos habent Rectores & Senatum atque notionem & audientiam de rebus studiorum, hinc statuendum, eas ut plurimum esse habendas pro universitatibus.

6. Duplex igitur omnino est differentia gymnasiarum & Academicarum;

Quod in his & regimen est certum & jus promovendi studiosos ad honores Facultatum suarum; quorum prius ad jus universitatis, posterius ad hanc rationem minus pertinet.

7. Sed gymnasia & Academicæ, quæ sunt Universitates, ab Imperatore Frederico Barbarossâ, non tantum notionem, sed etiam jurisditionem & Imperium in suos acceperunt, in *Ausb Habita C. Ne fil. pro patre*.

8. Sic tamen, ut etiam Academicæ sint, quibus notio de rebus studiorum duntaxat tributa est, quæ & sufficere videtur ad regimen universitati constituendæ necessarium, ut in collegiis artium mechanicarum fieri videmus.

9. Sed dignitas liberalium scientiarum præ vulgo aliquid etiam externi decoris postulat; præsertim, quia imperiti & profani literarum, læpius insolenti odio erga divinarum artium cultores feruntur, quorum scientia totus illuminatur mundus, & ad obediendum Deo ac potestatis vita subiectorum informatur, ut prædicat de illis fortissimus Imperator *Fridericus Evobarbus, in d. Ausb. Habita*.

10. Quæ cum jus fere commune faciat hac parte, & ad hunc locum spectet, argumentum ejus paucis exponemus. Ait Imp. *Omnibus, qui studiorum causâ peregrinantur, scholaribus & maxime divinarum atque humanarum Legum*
Pro.

Professoribus hoc nostræ pietatis beneficium indulgemus.

11. Rudia fuerunt initia; Non fuit propositum, omne Studiosum nomen in unum corpus redigere, vel municipes locorum, in quibus studia coluntur, suis magistratibus subducere. Peregrinis, *scientiæ causâ exsulibus*, ut infra loquitur, consultum voluit Imperator, dare privilegium fori nullum habentibus, non eximere foro jam pridem subjectos.

12. Neque Professoribus cunctis, sed juris Antecessoribus tantum datur hujus beneficium Legis; *Scholaribus studiorum causâ peregrinantibus, & maxime divinarum atque sacrarum Legum Professoribus*; nihil de Theologis, Medicis aut Philosophis; An igitur hi nihil pertinent ad jus universitatis? nihil quidem ex hac *Auth.* aliter sequentium mores temporum introduxerunt.

13. Non possunt hoc ferre, qui usum ab origine juris minus attente discernunt: Hi Legum Professores *maxime* quidem designari volunt, sed hac voce reliquos *συγγενητός* comprehendere putant: quod esset verum, si hoc modo esset Scriptum, *Professoribus, maxime sacrarum Legum.* Sed est ita, Scholaribus & maxime Legum Professoribus.

14. Quod si verbum *maximè*, comparisonem Professorum inferret, quæ ratio tulisset, Legum Professores anteferri Theologis? imprimis cum hæc Constitutio in fronte præferat Episcoporum & Abbatum ante Duces & Judices nomina, qui sanè Theologorum honori non defuissent.

15. Verum à nobis exigitur, ut causam, quamobrem Juris Doctores hic præ Theologis & Philosophis honorarentur, exponamus. Ratio, quare Theologi & Philosophi non sint comprehensî hoc privilegio, hæc est; quia Professoribus Theologiæ sat cautum fuerat Legibus an-

tiquis & exemptionibus auctoritate Pontificum stabilitis, quemadmodum & Philosophis; quia satis constat, Philosophiæ, non minus quam Theologiæ professionem iis temporibus & diu postea penes solos fuisse Clericos; utraq; Monasteriis fere inclusa.

16. Quare his Imperatoris privilegio nihil opus fuit, nec uti illo ausi fuissent. Juris Doctores nihil tum privilegii habebant, imò à Pontificibus supprimebantur: Ideoque Imperatori in hoc solenni Conventu apud Roncalias insinuata est supplicatio, ab his qui Pontificum arrogantiam melius refutari non posse videbant, quam per ordinem Summum eruditorum, qui à Cæsarea Majestate dependerent, cum antea omnis doctrinæ professio penes Clericos & in subjectione Pontificum fuisset.

17. Juris autem Doctores paucis ante editionem hujus Constitutionis annis, cœperunt apparere in Italia, unde per reliquam Europam propagati sunt.

18. Cum enim in Imperio Occidentali, per invasiones Germanicas omnium Occidentis Provinciarum, Civile jus Romanum, Legibus Gothicis, Longobardicis, Salicis aliisque oppressum fuisset, accidit anno Mccxxxvi. ut exemplar verus Pandectarum MS. à Pisanis inveniretur, in expugnatione urbis Amalphitanæ, quæ est inditione Neapolitana; quod agnitum à quibusdam non indoctis & servatum Pitisque diu custoditum, dein hac civitate à Florentinis subactâ, jure victoriæ Florentiam translatum est; Ex cujus editione libri mirificum in hominibus eruditis studium excitatum est, ad Artem Juris-prudentiæ propagandam.

19. Pontifices hac ratione subruere videntes præcipuum potentis suæ fundamentum, quod erat in omni Doctrinæ possessione & inscitia reliquorum Ordinum

num, nihil quæ sua inerte se judicant, quam ut hoc Juris Romani studium in herbâ, quod a jure, opprimerent; adeo ut sanctionibus gravissimis, sub pœna excommunicationis, cujus tunc animas hominum timor immanis occupaverat, Jus civile doceri prohiberent; quæ de re videri potest testimonium Mezeræi Scriptoris Pontificiæ religionis in regno *Philippi Pulchri*, cap. de reb. *Ecclesiasticis*.

20. Fridericus igitur Barbarossa, qui hoc tempore viam opponendi se Pontificum usurpationibus & Regalibus Imperii vindicandis ingressus erat, haud segniter animadvertit, nihil ex adverso, suâ magis interesse, quam ut ordo Jurisconsultorum independentem à Pontificibus stabiliretur. Qua gratia sic instituit, ut Juris Studiosi, in primis in Universitates cum suis Doctoribus redigerentur & proprio fori privilegio, tanquam aliquid novum Cleri genus coalescerent, Cætareaque auctoritate defenderentur; Id accidit annis xxxi. post inventos Pandectas à Pisânis: nam hæc Authentica tempus editionis habet ann. MCLXVII. ejusque præsidio Juris studium brevi in Professiones publicas effloruit, signum egregiæ æmulationis attollente Irnerio, sive Werbero, nam Germanus fuit, Professor Bononiensis.

21. Hoc initium habuerunt Universitates studiorum, quod etiam adfirmat harum rerum sedulus indagator Conringius *dissert. Acad. 5.* ita scribens de seculo Chr. XII, quod est Friderici nostri: *Universam Europam duntaxat unicam habuisse Scholam Parisiensem publicam, in quâ rudior quædam philosophia & Theologia, ut tum erant tempora, non male docebantur: Non multo post tempore pergit, doceri publice Bononia in Italiâ cepit Jus Civile Justinianæum*

22. Ab hoc instituto Universitatis Juridicæ, postea compositæ sunt Uni-

versitates reliquæ per Europam, quæ deinde non solos sacrarum Legum, sed omnium Facultatum doctrinæ Professores & Studiosos complexa sunt; adeo ut nunc Universitates studiorum vere sint universales, omnium Professores & Studiosos Artium comprehendentes, quarum jura qui probare volunt ex hac Authentica, vulgarem errant Pragmaticorum opinionem, qui usum & practica temporum ex antiquis legibus probare solent & gaudent.

23. Quid autem juris datum est Professoribus & Studiosis, qui in Universitatem redacti fuerant? Namque docentium & discipulorum cœtus, qui ab omni antiquitate fuere, non esse Universitates, ex iis quæ *superius* dicta sunt, probatum est.

24. Fuit hoc; ut ne Professores & Studiosi foro communi & Jurisdictionibus Magistratum, in quorum Territoriis agebant, subicerentur, verum ut cœtus illorum haberent peculiare regimen & Rectores judicesque proprios, quæ res facit Universitates, ut toties dictum: cui juri alia quædam sunt addita, libertas eundi commeandique cum rebus & *nuntiis*, id est famulis, *ne quis illis injuriam inferre præsumat*, & quæ præterea nobis exposita sunt in *Prælect. ad tit. n. de Judic. n. 70. & seqq.*

25. Prærogativa Jurisdictionis ad Universitatem solam spectat, eaque est ejusmodi; *Ut studiosi conveniantur coram Domino vel Magistratu suo, vel ipsius Civitatis Episcopo, quibus se hanc jurisdictionem dedisse profiteretur Imperator, hujus rei optione datâ Scholaribus, coram utro scilicet conveniri malint, Domino sive Magistro, quæ synonyma sunt, id est, ut nunc fere loquimur, Rectore suo; an vero apud Episcopum.*

26. Numquid etiam habent electionem, utrum apud Magistratum Loci oppida-

oppidanum; an Academicum con-
veniri velint? Respondeo, non æ-
què, sed vocati ad Dominum, sive
Magistrum aut Rectorem suum, cum
hic sit Forum ejus Legitimum, sistere
se debent; etsi, cum ad Magistratum ur-
bis vocantur, habeant privilegium.

27. Verum, quid si ad Magistratum
urbis vocati, apud hunc judicium susci-
pere non graventur, an non poterunt
huic se tacite submittere? Sine dubio
possunt, nemo enim suo privilegio uti
cogitur, omnesque licentiam habent, his
quæ pro se indulta sunt, renuntiare *l. 51.
C. de Episc. & Cler.* ubi renuntiationem
Fori privilegiati à Clericis factam, sta-
tuit esse irrevocabilem, eamque regu-
lam in omnibus ejus generis casibus esse de-
bere constituit.

28. Quod si tacite privilegium fori
omittere possint, expressè quominus id
facere queant, ob stare potest nihil; nisi
lege speciali prohibitum fuerit, ut qui-
dem, Pontifices Clericos submittere se
Magistratibus vetuerunt *c. si diligent. 12.
x. de for. compet.*

29. Factum hoc ab illis, quo separa-
tionem Clericorum à reliquo populo
facerent evidentior, suamque potesta-
tem quam longissimè remotam à jurif-
dictione seculari præcisius stabilirent, id-
que fieri potest, ut alibi consimilis ex-
empla prohibitionis dari constat.

30. Sed ubi nihil tale constitutum est,
ibi nulla pars liquidior esse potest, quam
hæc renuntiandi libertas: Imo, quod ma-
gis est, si quis Studiosus nolit esse sub
foro privilegiato, sed ordinario conten-
tus sit, nulla ratio est, quæ invitum ad
usum privilegii cogat, per *d. l. 51. &
communem beneficii naturam l. 69. de
R. 7.*

31. Quod si hæc res in Universitate
studiorum pariat confusionem, Lege,
at à Superiori potestate latâ, caveri po-

test, ne Studiosis id facere liceat; nec
tamen idcirco à publicis doctrinæ au-
dientis excludi possunt; à privatis (etsi
durum est, municipalibus aut exte-
ris impertiri nolle bonarum artium in-
stitutionem) excludi posse videntur: ut-
tique si renuntiatio facta sit in fraudem
Universitatis.

32. Plane, qui, dum est subjectus u-
niversitati, contractu vel delicto se ob-
strinxit, hunc se jurisdictioni Universi-
tatis subducere nullo modo permitten-
dum est, etsi Fridericus hoc casu de
electionem Magistri vel Episcopi. Alia
est ratio in electione fori oppidani vel
Academici.

33. Plura ad hanc rem in thesi & no-
minatim de Academiâ, cui nos ætatem
discendo docendoque impendimus, ac-
ctum est copiosius in *d. loco. Prælect. tit:
de Judic. n. 70. & seqq.*

34. Habent igitur Academiæ jurifdi-
ctionem, consequentur & Imperium,
quod mixtum vocatur, & in executione
ac modica coercitione consistit, sine
quâ nulla jurisdicção exerceri, nec ju-
ventus, hac præsertim morum ætate,
in officio contineri potest.

35. Cum jurisdictione habent & om-
nia Academiæ, quæ magistratus aliarum
Universitatum & urbium in suis exer-
cent, quatenus usum in his inveniunt.

36. Proinde Magistratus oppidorum,
in quibus sunt Academiæ, nihil juris
ulla ex parte in cives Academicos exer-
cere possunt, non magis quam in alte-
rius civitatis incolas.

37. Quippe, diversitas jurisdictionum
non pendet à mœnibus aut latifundiis,
sed à distinctione juris, quod non mi-
nus inter Academiâ & urbem sui loci
diversum est, quam inter urbes diversis-
simi situs.

38. Proinde, ineptos se admodum præ-
sent, qui jurisdictionem ideo non com-
petere

petere Academiis cavillantur, quod territorium non habeant; quippe, cum nihil sit clarius, quam jurisdictionem Universitati, quæ ex hominibus constat, adscribi, non glebis & silicibus.

39. Merum Imperium, sive jurisdictionio criminalis, haud aliter ad Academiis pertinet, quam si diferte à Summa potestate concessa sit, *ratione in loco reddenda. Vide. l. 1. in pr. ff. de off. ej. cui mand. est. juridict.*

40. Cujus auctoritas in Universitatibus studiorum eo magis necessaria est, quod jus conferendi honores artium supremos sit ex minoribus Majestatis, quæ causâ honorati in Academiis ad usum & praxin doctrinarum in omnibus Reipublici. partibus admittuntur.

41. Scholæ tamen illustriores hoc jure destitutæ, generali sensu *Universitates* non male appellantur; quatenus quædam, notione aliqua de rebus ad professionem suam spectantibus non carent; *sumpta tamen per excellentiam universitate, ut sit, hac appellatione non gaudens.*

42. Quid judicandum de Academiis, quæ nihilo plus jurisdictionis habent in Studiosos quam illustres Scholæ, sed honores summos largiuntur? Dicendum

has, nihilo magis esse Universitates; Nec enim privilegium dandi literarios honores facit Universitatem; Sed Jurisdictionio vel saltem notio.

43. Quare, sitales Academiæ Rectorem & Senatum habeant, atque de rebus ad studia spectantibus cognitionem & judicationem, etsi careant facultate coactivâ, sunt tamen Universitates. Si nunquam ibi judicia fiant, nec ulla subjectio sit studiosorum infra suos Magistros, non possunt esse Universitates, ut dictum.

44. Proficisci debet, ut supra diximus Universitas à Summa Potestate; proinde & Academiæ: Qua in recertum est, non advertendum esse, cujus impentis Academiæ habeantur, sed quis jura legesque dederit: in quo solo sufficit esse Potestatem summam ad hunc effectum, licet ille, qui fert sumptus, alii sit subjectus.

45. Jurisdictionem Academiæ esse penes Rectorem & reliquos juventutis Magistros à *Friderico Casare in d. Auth. habitâ* constitutum & ubique receptum est: de reliquo regimine, quod est peculiare Academiis, heic supersedebimus; *Locus communis erit infra de Jurisdictionio.*

C A P.

C A P. I V.

De Universitatibus sacrorum.

Ecclesiæ non male convenire definitionem Universitatis. Ordinem Clericorum sub Pontifice Romano videri Civitatem, & Imperium ejus esse Monarchicum; Removentur objectiones. Etiam Monasteria esse Universitates. An nec inter Protestantes, cœnobiadari possent Quæritur; & de instituto Labadistarum obiter.

Ecclesias quoque inter Universitates posuimus, non eo sensu, quo jam pridem diximus *Johannem Hus* rectissime definivisse, teste *Martino Lutero* in *duatâ Vormatiensi* apud *Sleidanum* lib. 3. *rer. German.* Ecclesiam esse *Universitatem prædestinatorum*; nec etiam, cum quemlibet cœtum, qui communionis sacræ causâ, quovis tempore habetur, hoc nomine appellamus, quo sensu in *lib. 1. sect. 4.* habuimus unum caput de Universitatibus Dei.

2. Sed Ecclesiam hic vocamus Multitudinem credentium Deo, quæ certo loco publicum & stabilem religionis cultum exercet, quam recte Universitatem dici arbitramur, quia definitio superius collocata perspicuè illis convenit.

3. Est enim quævis Ecclesia, *cœtus subditorum*, tam civium, quales ut plurimum, quam advenarum & peregrinorum.

4. Habetur *communis utilitatis gratiâ*, quam nos in definitione ad commoda, quæ pecuniariam habent rationem, non restrinximus, cum & Academiis sit diversus utilitatis suæ finis.

5. *Permissu* quoque *summæ potestatis* institui debent Ecclesiæ, quæ sunt Universitates; nam et si conventus sacrorum causâ, invitis Imperantibus celebrari possint, Universitates tamen ita, cum effectu juris civilis, non sunt.

6. Exempli causa: nullus cœtus potest habere jus & effectus personæ competentis, nisi aliqua civili unione constet; non potest resacquirere, non vindicare suum jus, non stare in judicio, nisi permissu civilis Imperii stabilitus; non addimus tamen, si probatus sit; etenim publicum permissionis decretum sufficit.

7. Ecclesiæ igitur prohibitæ non sunt Universitates ex ratione juris publici, nec proinde hereditates aut legata relicta capere, non emere, conducere ullave commercia exercere, multò minus in judicio stare possunt.

8. Quæri potest, an & hoc ejusmodi ecclesiis tribui debeat, quæ publicè tolerantur, cultumque suum libere profitentur, & in corpora conveniunt; improbantur tamen, & pro hæreticis aut schismaticis ab his, qui civitati præsunt, habentur.

9. Dicendum, illis hætenus jura personarum videri concessa, quatenus ad exercitium liberi cultus necessariò requiritur, non etiam in illis quæ ad *in* *ivou*, ad meliorem conditionem eorum faciendam pertinent.

10. Possunt igitur emere, conducere domos, in quibus convenient, in quibus suos ministros collocent, aut fundos redditusque alios, ex quibus impensæ necessariæ redundent, comparare; atque in his similibusque habebunt legitimum

nam in judicio standi personam, omnibusque legum beneficiis fruuntur, quamdiu palam tolerantur.

11. Non idem in lucrativis, ut hæreditatibus legatisque vel aliis rebus, quæ ad amplificandam rem illarum faciunt, statuendum videtur, quia, quatenus non apparet eas veniam accepisse, nihilo secus ac illicita collegia considerantur.

12. Alia res est cum Ecclesiis, quæ per modum conventionis receptæ & stabilitæ, perque omnia juris publicæ communione donatæ sunt, ut non modo tres Religiones in Germania, sed & Reformatio in Galliis Edicto Nantessiano; quod non ita pridem postquam per singula membra lentis ictibus contusum & laniatum erat, tandem uno ictu præcisum est.

13. Atque hæc obiter; Ultimum in definitione Universitatis Ecclesiæ applicandum est, id quod posuimus, *Regimen certum*, quod in omni Ecclesiastico cœtu haberi nemo ignorat.

14. Quanquam autem regimen ad exercitium potestatis clavium spectans Imperio non subjacet, ut in priore libro vidimus, executio tamen non modò sine ope extraordinaria Potestatis civilis fieri nequit, sed nec ordinaria administratio, quæ per modum judiciali similem fieri debet, aliter quam externi juris, adeoque dependens ab Imperio censeretur potest.

15. Plane omnis *hierarchia* sive gubernatio Ecclesiarum, quæ jure divino præscripta non est, haut aliter quam Imperii summi permissu constare potest, ut præcedente libro comprobavimus.

16. Unde sequitur, omnia corpora Ecclesiastica esse *Universitates* suo modo civiles (*nam & aliter civilibus opponuntur*) quia civiles personarum habent effectus in rebus acquirendis, in causis judicio persequendis vel suscipiendis, de-

nique in omnibus, quæ non ad internum jus sacrorum à Deo præfinita sunt.

17. Ideo, quod apud nos à Consistoriis ad Classes, à classibus ad Synodos, aut prius ad eorum Legatos provocatur, hoc civile esse apparet, maxime respectu earum rerum, in quibus ultima provocatio ad summam potestatem fieri debet, cui proinde inferiores appellatos, quales, oportet fuisse subordinatos.

18. Hoc eodem modo se habere in vetustâ subordinatione presbyterorum aliorumque inferiorum, sub episcopis, archiepiscopis seu metropolitanis, denique Patriarchis, sive, ut Latini, sub Primatibus, notum, fideque historiarum testatum est, Imperatores ultimam manum Ecclesiasticis imposuisse controversis; intellige semper ea, quæ supponimus, de rebus externæ administrationis.

19. Postquam verò Pontifex Romanus obtinuit, ut in ejusmodi quoque rebus ad sese ultima fieret Provocatio, per hoc ipsum non modo sibi jus Principum arrogavit, sed universum quoque ordinem Ecclesiasticum Imperio atque Reipublicæ subduxit.

20. Unde sequitur, immensam multitudinem illam hominum Ecclesiasticorum totâ Europâ diffusam, qui fide infiniti obsequii Papæ subiecti sunt, *nam constituere Rempublicam, sine territorio, sub una summâ potestate, monarchicâ; nam respectu proprii in Italiâ Imperii Papa nihil discrepat ab aliis Principibus.*

21. Sed hoc Imperium Universale Ecclesiasticum nullo quidem jure exercet, nisi quod contentus Principum & populorum causam juris illi præstat inrefragabilem.

22. Esse eam Rempublicam, formæ licet mirificæ, patet ex definitione Reipubl. partibusque ejusdem. Est *ibi/uma potestas, Monarchia Electiva; subje-*
cti non

Si non desunt, immensus numerus; neque mediis Magistratus desunt, per quos ordo regiminis exerceatur.

23. Atqui hac triplici conjunctione, Civitatis ordo componitur, quem esse Republicanam diximus in *lib. 1. sect. 2. cap. 2.* nec est in ulla civitate loci unius, major & arctior *Unio*, quam est inter illum Principem Religionis & subiecta membra.

24. Nec quod territorium non habet, ideo civitas & Respublica desinit esse; sicut enim antea de jurisdictione respectu Academicarum diximus, eam non consistere in glebis & in silicibus, verum in hominibus; ita quoque certum, non esse in partibus Republicanam, sicut olim *Themistocles*, ac post eum *Pompejus* dixerunt, cum urbem patriam relinquere, ille civibus, hic senatu abductis.

25. At forte, quominus ordo Ecclesiasticus sub Pontifice summo, vere Civitas sit, obstat, quod est familiis non constat, deficiente matrimonio: Proprie quidem dictæ familiæ non sunt, ut apparet; habent tamen imperfectas aut improprie dictas.

26. Quid enim aliud cœnobiaz sunt, quam magnæ familiæ, in quibus neque pater neque mater, licet absque matrimonio, desunt: Qui vero extra monasteria vivunt, habent sanè familias, utcumque suo modo imperfectas.

27. Monasteria alioqui per se *Universitates* sunt & membra magnæ illius *Reipublicæ*. Quæ etsi vitiiis laborent, dicendum tamen quod res est; eorum institutum Civitatibus, in quarum ambitu reperiuntur, valde esse commodum; eo quod præclaram facultatem præbeant, exoncrandi familias; quæ res habet fructum inæstimabilem boni publici, neque forsitan male consultum fuisset; si, ut Ecclesiæ, sic etiam monasteria potius reformata quam abolita fuissent.

28. Tentatum est aliquid in hoc genere à *Johanne Labadiâ*, & post eum à *Petro Ivono Gallo*, qui primo diversis in locis morati, postremo in *Frisiâ* sedem fixerunt, hoc instituto, ut cœnobium haberent Reformatum sine coelibatu, ad ideam primævi Christianismi, in communionem bonorum & regimine certo, tam in sacris, quam in bioticis stabilito.

29. Nec potuit non cum fructu durare, si cum prudenti œconomia pecuniæ operæque communis, juxta permissionem *Reipubl.* in quâ degebant, jus *Universitatis* habuissent, & eos qui semel conferant, ad Leges receptas obstringere potuissent. Experti sunt, humanis res non ferre multitudinis imperium sine copia juris publici, & sine potestate obligationis, id est, vinculi, per quod aliquâ necessitate consortes obstringantur.

30. Prætextus instituti illius fuit, corruptio immanis Ecclesiarum, quæ totas civitates unâ complectuntur *Universitate*; quâ sit, ut membra *Universitatis* ad ejusmodi normam, qualem instituti sanctimonia postulat, exigere nequeant. Unde quidem opinati sunt, operam esse dandam, ne *Universitates sacrorum* nimis sint numerosæ, quod in *Angliâ* fatagunt hi, quos vocant *Congregationales*.

31. Nec male *Labadistæ*, si ab hoc proposito sane quam laudabili Ecclesiam reformandi, schismaticum institutum separassent, Ecclesiisque cæteris omnibus, in tonante convitio *Babelis* caractere imputato, repudium non misissent, Absq; eorum forte eò deduxissent, ut ad publici juris communionem admissi legum præsidio se munire potuissent. Enimvero, ut in hanc materiam, superiore libro delibata, denuo excurramus, præsertim, quia de Reformatione locus adhuc peculiaris occurreret, ubi forsitan hujus instituti ratio rursus in æstimationem veniet, committendum non est.

C A P.

C A P. V.

De Universitatibus familiarum.

Vicos & cohabitationes, quæ nullo peculiari regimine continentur, non esse Universitates. Urbes distingui in metropoles & inferiores, hæcque vel subjectione vel reverentia. Quæ videntur nec tamen sint metropoles. Prærogativa urbis Romæ, quamdiu continuata sit. De territorio & de provinciâ; Non omnes uniwersitates videri. Neque Collegia Magistratum aut judicum. An & quatenus ex factò vel contractu Rectorum Universitates teneantur.

Fuerunt Universitates, quæ utcumque sine rebus non habeantur, per se tamen personales sunt, etsi quædam familiaræ tanquam accessiones, aliquando personas sequi possunt; quemadmodum in Academiis, Uxores siquæ sint, Studiosorum, vel Professorum atque ministrorum, sub Universitate comprehenduntur, & ejus jurisdictioni subiectæ sunt.

2. Sed hoc usu venit extra ordinem. Universitates, aliæ sunt, quæ principaliter ex familiis cohabitandi causâ institutis componuntur, ut pagi; territoria, oppida, Provinciæ &c.

3. De quibus ex definitione pridem positâ tenendum, quod non aliter sint universitates, quam si aliquo regimine peculiari contineantur.

4. Hinc vici, in quibus nihil est quam vicinitas incolarum, sine ullo magistratu vel rectore proprio, non sunt universitates; etsi forte res quasdam habeant communes earumque respectu agere & conveniri possint, ut personæ: Nam hoc de omnibus, qui rem habent communem, seu cum, seu sine societate, juris est notissimi.

5. Atque in hoc ipso differunt à vicis, *Pagi* (mittimus hic significationem, quâ territoria *Pagi* dicuntur, ut Germani veteres Helvetiique in pagos divide-

bantur) quod pagi certo regendi ordine consistant; seu per unum Rectorem vel paucos, aut totius plebis suffragationem is ordo exercentur.

6. Idem evidentiùs in Urbibus, quæ abique regimine vix unquam fuere, liquet, tametsi exemplum Capuæ extet Romanis deditæ, & in pœnam defectionis ad Hannibalem, omnifacis civitatis privatæ dissolutæque, ut nihil fere quo Universitas dici posset, retineret, ut apud Livium hæbetur *lib. 26.*

7. Distingui solent Urbes in *Metropoles* & inferiores, hæc autem vel subjectione vel reverentiâ; minores subjectione dicuntur, quando Summa potestas aut originale duntaxat Imperii jus est penes metropolitanos, ut Romæ, Venetiis, Genuæ & apud Florentinos.

8. *Reverentia*, cum reliqua oppida comiter observant metropoleos dignitatem, ut coloniæ Græcorum & foederatæ civitates Atheniensium ac Spartanorum, quæ sub ducatu quidem, at sub Imperio nequaquam tenebantur.

9. Falluntur autem, qui *Metropoles* appellant, omnes magnitudine aut opibus præcellentes, vel eas, in quibus Principes summave Reipubl. collegia suas habent sedes, ut *Lutetia* in *Parisiis*, *Londinum*, *Amstelodamum* aliæque similes.

1. Cæ-

10. Cæterum, Coloniz Græcorum & metropoles non tam erant Universitates quam Respublicæ; nec Roma fuit Universitas, quia non habuit conformationem à summa Imperii distinctam, sed Magistratus Senatusque urbis Romæ iidem erant Imperii Universi.

11. An igitur Roma fuit Respublica? per se sola non fuit; nec enim Italia & provinciæ, non erant membra Reipublicæ. neque plus quam una fuit Respublica; caput igitur aut cor Reipublicæ fuit Roma; fons & summa Imperii, *Armarum legumque parens, quæ fudit in omnes Imperium*, penes quam fuit etiam jus eligendi Imperatorem, throno vocante, ut recte Grotius *lib. 2. c. 9. n. 11.*

12. Hoc jus deinde communicatum fuit cum Byzantio, sive urbe Constantinopolitana, postquam Cæsares hanc incolere cœperunt, & nova Roma dicta est civisque, *Byzantini Quirites*, ut à Claudio vocantur; neque sublaturum est jus veteris Romæ, desiit tamen *summum* esse quod fuerat, quia Constantinopolis paria faciebat.

13. Postremo, jus illud prærogativæ Romanæ penitus extinctum est, Româ primum ab Herulis, dein à Gothis belli jure subactâ, novumque redactâ sub regnum, quo non modo jus illud excelens, sed etiam publicâ illa libertas communis, quæ fuerat omnium Romani Imperii populorum, amissa fuit.

14. Postea, rursus à Græcis Imperatoribus erepta barbaris, rediit quidem ad corpus Imperii, sed Græci illis prærogativam amissam nullo modo restituere; sed imperio subditam suo tenuerunt, ut alias civitates.

15. Non potest igitur concedi Grotio quod statuit, non modo populum Romanum hodieque esse eundem, qui fuit olim, sed etiam imperium penes eum mansisse tanquam penes corpus, in quo

esset ac viveret. *d. §. 3. Dis. l. 1. sect. 9. ult.*

16. Censeo, id esse extinctum jure belli à Barbaris, nec à Græcis Imperatoribus deinde restitutum. Ipso jure non potuit reverti, quia quod semel extinctum est sine novâ causâ reviviscere non potest: nec enim postliminium ad talia produci fas est, ut *in loco* videbimus.

17. Cæterum, aliæ non tam matres quam primariæ urbes, quales modò nominatæ, sunt verè membra subjecta, Universitates nostræ definitionis; nihilo plus juris, nisi ex pacto vel speciali privilegio, habentes, quam minimæ quæque civitates.

18. Plures pagi corpus territorii, plures insuper urbes faciunt provinciæ, neque tamen numerus sufficit, quo dicantur Universitates: Ut enim sint tales, ordo proprii regiminis, quo connectantur singuli pagi & urbes, requiri certum & antea dictum est.

19. Quare in Despoticis Imperiis Provinciæ, quæ missis ab aula regnatrice Præsidibus & Præfectis immediate gubernantur, sine ullis populi aut Nobilium Ordinibus, Universitates non sunt, verum partes tantum Imperii, limite, non jure distinctæ; quanquam tales regiones è multis universitatibus, ut urbes & pagi constent.

20. Contra, provinciæ majores, quæ regimine certo Summæ potestati subordinato passim continentur, sunt veræ Universitates, quales in Galliâ habentur, Normandiæ, Britanniæ, Aquitania, Languedociæ, Desinatæ aliæque.

21. Rursus, si qua Respublica è diversis provinciis confecta in unum, non nisi pariter & junctim regatur, peculiari nullo regimine stabilito, singulæ provinciæ universitates non sunt, etsi ordinis causa in concursu regiminis, ut distinctæ, considerentur.

B b b

22. Ex.

22. Exemplum liquet domesticum. In Frisia Urbes XI. partem regiminis quartam constituentes, Universitatem constituere non videntur unam; neque etiam tres pagani tractus, è quibus reliquam corpus Reipubl. componitur: quia non junguntur inter se uno peculiari regimine; quanquam singulæ urbes & singulæ Præturæ sunt Universitates; quam rem ita intelligi, sicut re-

vera se habet, communis utilitatis interest.

23. Denique, Collegia Magistratuum totius Reipublicæ non esse Universitates ex definitione præmissa facile colligitur, quia in universitate requiritur, ut scopus & usus à summa Republ. diversus, & coeuntibus sit peculiaris, quod de collegiis, quibus jura Majestatis exercenda committuntur, adfirmari non potest.

C A P. V I.

De Jure, quo ex facto Universitatis tenentur singuli.

Explicatur diversitas juris, quo Universitas & quo Civitas liberæ personæ instar habentur. E contractibus eorum, qui regunt Universitates, non aliter has obligari, quam si in rem communem versum sit, aut mandatum intervenierit. An singuli cives conveniri possint è contractu per Rectores universitatis inito, & an hi repræsentent suum populum, an potius summam potestatem.

Universitatem habere jus Personæ, dictum est aliquoties, quod tamen videndum, ne non ita capi oporteat, ut de Civitate dictum est aliàs. Quæ res ejus momenti est, ut tamen si aliquid eà de re dictum sit in primo *hujus sect. capite*, paulò tamen pressius repeti mereatur.

2. Scilicet, in Republ. Summa potestas, est Persona civitatis, ita ut quicquid illa facit, contrahit aut delinquit in Imperio exercendo, id civitas tota facere & contrahere videatur; quæ exinde, sine discrimine, versum, an non versum sit in rem publicam, obligata intelligitur.

3. Nam primò in delictis, utique non videtur; quicquid ordo Municipii aut rectores universitatum admiserunt, hoc corpora consociata luere oportere, idque non modo in corporalibus poenis, sed ne quidem in pecuniariis multæis statuendum videtur.

4. Imò & de contractibus, nominatim de mutuo, jure Romano proditum est. Civitatem mutui datione posse obligari, si ad utilitatem ejus pecuniæ versæ sunt, alioquin ipsos solos qui contraxerunt, non civitates teneri *l. 27. ff. de Reb. cred.*

5. Intelligitur, hæc dici de Civitatibus, quæ per modum Aristocratico similem gubernantur; nam si Democratizæ instar se habeant, non est dubium, quin aut civitas tota teneatur, si populus sit consultus, aut non teneatur, si inconsulto sit gestum.

6. Ratio autem diversitatis inter fœdus civitatis & constitutionem Universitatis, obscura non est; siquidem populus liber, Imperio translatò, Imperantes ita suo loco statuit, ut nullo remedio se, utique adversus externos, tueri possit.

7. Nam si Imperantes officii limites excesse-

excesserint, ea inter populum & ipsos sit disceptatio, Exteri id quod ob oculos, est sequuntur, *Personam scilicet, so-*
tam civitatem representantem.

8. Quod si tamen Imperium ita sit delatum, ut Imperanti non liceat imponere subjectis tributa, vel imperare pecunias, dicendum est sine dubio, non teneri quoque populum è pecuniis à Principibus mutuo sumptis.

9. Inter Universitatem & eos qui præfunt, nunquam est conventio generalis, & obligatio, per quam hi nomine communionis omnes res gerant; verum potestas Rectorum Universitatis pendet à tenore mandati, quod habent à Summa Potestate, à qua jus suum habet Universitas.

10. Proinde, si pecuniam in rem universitatis non converterint, præfeci tenentur ad damnnum Communitati faciendum, qualis actio inter supremos Imperantes & subjectos, ut ex principiis *libri præcedentis* clarum est, nulla dari potest.

11. Ideo tenentur quidem Universitates è contractibus Rectorum, nomine publico initorum; sed illorum onus, nisi credito in rem verso, in præfectos redundat, apud quos pecunia refedit, vel qui in culpa sunt; Id ubi non liquet, omnes qui administrare, tenebuntur *d. l. 27. §. de reb. cred.*

12. Rectoribus comparantur Administratores rerum, qui non ipsi Universitati sed rebus ejus præfunt. Sitales mutuum acceperint pecuniam, non aliter obligant Universitatem, quam si creditor doceat, mandatum speciale publicum intervenisse, aut pecuniam in rem communitatis esse versam: nec aliter modo relata juris Romani sententia capienda videtur. Tu vide, sis, *Joh. à Sande lib. 3. decis. Fris. tit. 2. def. 3.*

13. Jam in delictis, quorum ratio mere personalis est, minime dubitatur,

quin soli delinquentes ad poenam tenerantur: quod si adeo sit populare commissum, ut innocentes discerni nequeant, poena in universitatem, non in singulos exercenda, ademptis juribus auf multâ indictâ vel dissolutâ universitate: Decimatio aliæve graves poenæ, quæ nocentes & innoxii involvuntur, magis ad publicæ utilitatis, quam justitiæ & æquitatis exempla referenda.

14. Cæterum, ut Universitas à singulis differt, ita res & bona, perinde ac onera singulorum distinguuntur; Nec proinde singuli magis de ære alieno Universitatis, quam hæc ob debita singulorum, tenentur.

15. Quia tamen ex partibus totum componitur, fieri non potest, quin ubi Universitas obligatur, onus ad singula membra redundet.

16. Si quis patriæ meæ, ut recte Seneca, pecuniam credat, non dicam me illius debitorem, nec cives ad æs alienum portionem suam dabunt, tanquam pro se solventes, sed tanquam pro patria conferentes. *l. 6. de benef. c. 19. in fin. & cap. 20.* Proinde, non bona tantum Universitatis à creditoribus distrahi possunt, verum omnes quoque & singuli, collatione factâ, pro communitate persolvere debent.

17. Hoc ita, si Universitas rite sit obligata, quod fieri potest, ita; si vel omnes & singuli consenserint, vel his, qui præfunt Universitati, jus datum sit pecuniam singulis imperandi; quod jus accipere debent à summâ Potestate, vel à consortibus Universitatis.

18. Verum ab his tantum in singulis causis; in universum ejusmodi facultas dari non potest sine Lege, quam Universitas condere nequit: Contribuere identidem de suo non prohibentur cives; at jus indicendi tributum est è Re-

galibus; Universitates suis Rectoribus id dare non possunt.

19. Nec valet heic argumentum, quo alii utuntur; Rectores Universitatum repræsentare suos cives, ita, ut quicquid illi agunt, id omnes singulique cives agere videantur; nam talis repræsentatio tantum habet locum in liberâ Republ. non in eâ, quæ alteri summæ potestati subiecta est.

20. Rectores ejusmodi subiectarum Civitatum, non repræsentant suos cives, nec ab iis modum Præfecturæ suæ habent, verum à Summâ potestate; Proinde quod agunt, non ad mandatum populi, sed Principis exigendum est.

21. Populus ne quidem si velit, augere potest Jurisdictionem potestatemque suorum Rectorum. Exemplo sint Frisicæ civitates, quarum Magistratus non habent cognitionem criminum; an cives eam illis tribuere possunt? Nullo modo, neque magis indictionem tributorum.

22. Jam quibus pecunias indicere non licet, hi nec municipes obligare possunt ad solvendum pecuniam, cis aliquod tempus; est enim id ejusdem utrumque facultatis.

23. Quid si major pars obligationem

probaverit, aut pecunias conferre de creverit, an pars minor sequi cogitur? Non videtur; quia pars major civium non potest habere plus juris in pauciores, quam Rectores Universitatis habent in omnes, secundum ea quæ *libro primo sect. 2.* disputata sunt. In his quæ ad regimen Universitatis à summâ potestate stabilitum pertinent, pars major trahit minorem jure collegii; sed extra eos limites cessat illa complexio.

24. Hinc etiam sequitur, Quando Universitas civium consensit, ipsos qui se devinxerunt eorumque heredes teneri; non eos, qui postmodum Universitati aggregati sunt, quia res hæc patrimoniali ratione constat, non vi regiminis publici.

25. Atque hæc omnia valent, etsi pecunia credita in rem civitatis versa sit; Nam hac causâ res communes Universitatis tenentur, non res singulorum. Nemo potest alium obligare, nisi qui hanc potestatem legitimâ causâ acceperit; sane, si qui sint, quorum patrimonio aliquid ex hoc credito accessit, hos teneri, hætenus æquum & certi juris est. Conferantur cum his velim, quæ in Prælect. ad π . Juris, Tit. de Reb. cred. exposita & disputata sunt.

CAP. VII.

De Hierarchiâ Ecclesiæ Romanæ.

Artificium hierarchiæ Romanæ eximium. Pontificis potestas & electio. Episcoporum ordo triplex; Patriarchæ, Archiepiscopi, Episcopi. Horum officium, Electio, ejusque modi tres. Postulatio Episcoporum. Confirmatio, Consecratio. Translatio. De Archipresbyteris, Archidiaconis, Vicariis & Coadjutoribus; item de capitulis; de Legatis Pontificis eorumque differentiis, & de Nepotismo. De sacerdotibus & Presbyteris simplicibus, nec non Diaconis aliisque inferioribus sacrorum Ministris. Vitia Clericatus prohibitoria. De Canonicis & Monachis. Quot modis hi fiant, de votis & Ordinibus eorum ac Abbatibus. Res Ecclesiasticæ Spirituales, temporales, earumque differentiæ & prohibita alienatio & Immunitates. De peculio Clericorum &c.

ANtequam de Universitatibus Sectionem relinquamus, placet Universitatem hierarchiæ Romanæ tam latè per orbem diffusam, ac ita partem juris publici Universalis constituentem, brevi delineare sciographiâ: seorsim scilicet, ab Imperio Pontificis, quod is habet in ditionibus sibi subjectis, nullâ re ab aliis separatam Principatibus.

2. Elaboratum est hoc corpus Hierarchicum ingenti hominum eruditorum artificio, primo quidem non advertentibus Civitatum Receptoribus, à Fide adhuc alienis, & dein superstitione ignorantique circumventis; ut paterentur Imperium sacri ordinis, quàm latè patet Ecclesia, diffundi, sibi que jus omne Ecclesiasticum arbitrariæ moderationis auferri, & in præjudicium Potestatis Civilis, ad unius Monarchiæ ab ipsis non dependentis, potentiam stabiliri.

3. Is est Pontifex Romanus, qui verè summam, post Christum, potestatem habet in Ecclesiâ universali; *de jure externo loquimur*; omnes judicat, à nemine judicatur, exceptus Concilio genera-

li (suprà, an infrà quod sit, disputatur) & hæresios causâ. Convocat sane Concilia, præsidet, actaque eorum approbat; Appellatur, omnis mediis, ab omnibus, & sententias fert nulli subjectas appellationi.

4. Eligitur à Cardinalibus & è corpore Cardinalium, qui sunt Senatores Pontificis, & dividuntur in Episcopos, Presbyteros & Diaconos, habitâ ratione titularum & beneficiorum, quibus insigniuntur. In electione soli præsentibus habent suffragium, nec aliter electus Papa censetur, *quam duabus presentium partibus in unum consentientibus*.

5. Monarchia Ecclesiæ stabilitâ, opus fuit dignitatibus Ecclesiasticis, ejus Majestati decore subordinatis. In universum Episcopatus vocantur, quorum ordo triperitus est. I. Patriarcharum, sive Primatum, qui sunt quatuor, *Constantinopolitanus, Alexandrinus, Hierosolymitanus & Antiochenus*, in Oriente omnes; quibus à barbarie oppressis, superest in Occidente tanto majore superior intervallo, Papa Romanus.

B b b 3

6. Or:

6. II. Ordo est Archiepiscoporum, qui sunt integræ Præfules alicujus Provinciæ, in sede metropolitana reliquis præfidentes III. Episcopi simpliciter dicti, qui Civitatibus præfunt frequentioribus & pagis oppidisq; circumjectis. Et hi omnes habent jus ligandi & solvendi; altaria consecrandi, purgandi, sacrum chrisma conficiendi, visitandi, Clericos ordinandi, suspendendi, deponendi, item excommunicandi, dispensandi, solennemque poenitentiam imponendi.

7. Constituuntur Episcopi intra tres menses sedis vacantis, idque per *Electiorem* aut per *postulationem*. Electione tales vocantur, qui canonicè ad episcopatum novum habiles sunt. Postulantur, qui electionis non sunt capaces. Eligendi jus est, penes collegium Canonicorum ejusdem Ecclesiæ, vel ad eos qui pacto, vel privilegio, aut consuetudine jus illud obtinuerunt, ut in Galliâ Reges.

8. Electio Canonica fit tribus modis, *Strutino*, *compromisso*, & *inspiratione*, quod discrimen etiam in ipsius Papæ electione servatur. Per scrutinium, quando vota secreto & sigillatim exquiruntur, & juxta prærogativam numeri, electus pronuntiatur, quis sit; nisi notabilis discrepantia sit dignitatis, & numeri exigua, *c. 57. de Elect.* nam si duplo major sit pars consentiens, eo casu nulla reliquorum dignitatis ratio habetur *c. si quando 9. de Elect. in 6.*

9. Compromissum, quod rarè usu venit, est, cum eligendi potestas uni vel pluribus idoneis, etiam extra Collegium, viris committitur *c. 8. & 30. de Elect.* Per inspirationem electio fieri dicitur, quando eligentes simul omnes, quasi divino impulsu, in electionem consentiunt *c. 42. d. 1. de Elect.* In Pontifice Maximo id etiam fieri dicitur, *per adorationem*: quando concursu facto, novus rapitur & adoratur Papa. Inspiratio aliquando in

ipso scrutinio usu venire potest, ut accidit in electione Hadriani VI. Quod retulimus in *Histor. Civ. ad ann. 1519 & c. ult.*

10. Postulantur, qui non ob corporis aut animi vitium, sed ob alterius defectum qualitatis eligi nequeant, ut, si minor annus xxx. vellaicus, aut alterius Ecclesiæ Episcopus sit, nisi dispensationem Pontificis impetraverit. At si unus sit electus, alius sit postulatus, ille tamen confirmandus est; nisi postulatus duplo majorem suffragiorum numerum habeat *C. scriptum est x. de Elect.* quæ res nuper usum habuit memorabilem, inter *Clementem Bavarium, & Wilbelmum Furstenbergium, apud Colonienfes.*

11. Electus intra mensem ad sensum suum præbere debet, & intra tres menses à superiori impetrare confirmationem à Metropolitanano, vel à Pontifice summo, ad quem Electus intra mensem iter facere eique fidelitatem jurare debet *c. cupientes 16. de Elect. in 6.* Quæ re, matrimonium cum Ecclesiâ ratum esse dicitur, & quæ jurisdictionis sunt, acquiruntur, ut potestas judicandi, excommunicandi, & beneficia conferendi, *c. transmissum 15. in f. c. nosti 9. c. quod sicut 28. §. præterea de Elect.*

12. Sed ut ea, quæ sunt ordinis, faciat, velut ordinare, deponere Clericos, chrisma conficere, virgines benedicere, ecclesias & altaria consecrare, debet Episcopus etiam esse consecratus *d. c. 15. & c. licet 4. d. Translat. Episc.* idque citra legitimi causas impediementi, intra tres à confirmatione menses fieri debet *c. 2. dist. 75.* per unctionem capitis & manuum, chrisma, solennia verba, precesque ab Archiepiscopo & suffraganeis, à tribus ejusdem Provinciæ Episcopis, jussu Archiepiscopi. In Abbatibus loco consecrationis est benedictio *Lancelos. 1. Inst. 10.* Pontifex à Cardinali

lialiquo,

li aliquo, maxime Hostiensi consecratur, *can. in nom. dom. dist. 23*. Et Metropolitanus insuper de corpore B. Petri sumere debent pallium, Pastoralis officii plenitudinem designans, quo tantum in solennibus festis utuntur, quod aliis commodare nequeunt, & cum quo sepeliuntur. Summi Pontifices eo semper utuntur *Lancel. d. lib. 1. tit. xi.*

13. Translatio Episcopi ad aliam Ecclesiam, non nisi Pontificis auctoritate fieri potest *c. 2. de Translat.* Nec Renuntiatio voluntaria, vel permutatio, nisi auctoritate Superioris, ad quem pertinet confirmatio, causâ cognitâ, rectè fit. *Idem. tit. 19.* Denique, non residentes, etsi Cardinales, officio suo privandos esse volunt Canones *c. 2. de Cleric. non resident.* quod usu parum servatur.

14. At habent Episcopi Archidiaconos, à quibus pleraque pro illis administrantur, in externis, maxime ad jurisdictionem spectantibus; Item Archipresbyteros, qui curam illorum in spiritualibus sublevant; imo & Vicarios, qui absentis Episcopi partes obeunt, ut tamen puniendi & à beneficiis amovendi jus, nisi nominatim concessum, non habeant. A vicario appellatur Archiepiscopus; sed ab Archidiacono ipse Episcopus *d. lib. 1. tit. 13. 14. 15.* Erant olim & Corepiscopi, Episcopis adjuncti, & plurium ministeriorum participes, quorum usus est sublatus *can. corepisc. & sequ. dist. 68.* Sed habentur adhuc Coadjutores, qui ægritudine aut fere senio impeditis Episcopis adjunguntur, de Capituli majoris partis consilio & consensu, cum auctoritate Pontificis & cum spe successionis, causâ tamen prius à Pontifice cognitâ *Concil. Trident. c. 7. sess. 25.*

15. Episcopali sede vacante, Capitulum, id est, Coetus Canonicorum illius Ecclesiæ potestatem & jurisdictionem Episcopi exercent, iis quæ ordinis sunt

exceptis, ad quæ administranda vicarius Episcopus evocatur *c. suffragan. de Elect.* Novi autem nihil à Capitulo institui potest *c. 2. de Instit.*

16. Omittendi hoc loco non sunt Pontificis Legati, quorum tres sunt species, Legati à latere, legati missi, nati. À latere legati sunt, Cardinales, qui ex senatu Pontificis, quasi à latere ipsius, in provincias mittuntur, eoque modo Pontificem repræsentant, ut omnia, præter excepta solique summo Pontifici reservata, quæ requirunt mandatum speciale, possint. *c. quæ de causâ 9. 2. qu. 5. & c. 4. de off. leg.*

17. Legati missi vocantur, qui non ex ordine Cardinalium, in provincias cum mandato & potestate mittuntur, quorum potestas è tenore mandati, quo constituti sunt, intelligitur *c. fin. dist. 97.* quod etiam de Legatis, qui nati improprie dicuntur, tenendum, ut qui jus Legationis habeant è privilegio vel beneficio possessio *c. 1. de off. legati.*

18. Incogniti sunt magis furi Canonico quam Aula Pontificiæ, Cardinales Patroni, qui plerumque sunt Nepotes Pontificum, quibus hi, ut primis ministris omnium fere potentibus utuntur; qui omnis Pontificiæ magnitudinis arbitrium, pro moribus, ac ut plurimum insolenter avareque exercent. Unde sæpe vetitus ille patronatus & Nepotismus, eradicari tamen non potuit.

19. Atque hi omnes sunt altioris ordinis Sacerdotes; sunt & alii inferiores, qui Sacerdotes simpliciter & Presbyteri appellantur, quorum est officium, Sacramenta celebrare; non tamen baptizatos chrismate linire, nec virgines benedicere, nisi mandatu Episcopi; multo minus Ecclesias consecrare, Clericos ordinare, excommunicare, pœnitentes publicè recipere, quæ reservata sunt Episcopis *c. quamvis dist. 68. & c. 1. vers. ad Episc. dist. 25.*

20. Sunt

20. Sunt etiam, qui in Sacris constituti, nec tamen propriè Sacerdotes sunt, quales Diaconi & subdiaconi. Diaconorum officium est, Episcopum custodire, Sacerdotibus sacra facientibus adfiteri, Evangelium prædicare, nec nisi extrema necessitate baptizare, vel Eucharistiam populo erogare *c. constat baptisma 16. de consecrat. dist. 4.* Subdiaconi minoribus adhibentur ministeriis *c. 1. vers. subdiaconos dist. 25.* Utrique tamen per manus impositionem ritu solenni constituuntur, *dist. 23. per tot.*

21. Dantur adhuc inferiores sacrorum ministri, nec in Sacerdotio, nec in sacris constituti, ut Psalmistæ sive Cantores, Ostiarii sive clavigeri, & Custodes, Anagnostæ sive Lectores, Exorcistæ, sive dæmonum fugatores, & Acoluthi sive pedisequi, lumina accendentes, ferentes, & suggesta parantes.

22. Et hi matrimonium contrahere possunt, ut tamen beneficiis suis eo casu priventur. *c. 1. c. 3. c. 5. de Cler: Conjug.* cum, qui in superioribus sunt ordinibus, matrimonio penitus abstinere debeant, *dist. 26. & 32. per tot.*

23. Atque hi omnes sunt Clerici, per consecrationem ordinati ab Episcopo, vel si minores sint, ab inferiore Prælato; si non prohibeantur ætate, vitio animi vel corporis, aut natalium aliove vinculo. Ætas inhabilis, in ordinibus infirmis est infantia, in subdiaconis 18. annorum, Diaconis 20, Sacerdotibus 25, Episcopis 30. annorum. Vitio animi, si furiosus, aut scenicus, aut homicida fuerit, etsi pœnituerit: In aliis criminibus pœnitentia tollit reatum. Ob vitium, luteus ordinari non potest, nec qui se ipsum mutilavit: Denique, illegitime nati arcentur à Sacerdotiis, ut & bigami, uxore secundâ licet mortuâ *Lancelot. 1. Inst. 25.*

24. Præter illos omnes, sunt adhuc

alii sacris additi, tam in laicatu quam in Cleriatu constituti, quales sunt Regulares sive Canonici & Monachi. Primi sunt quasi Adfessores aut Confiliarii Episcoporum, in regenda Ecclesia illis adjuncti, fere ut Cardinales Pontifici; ut quemadmodum hi Papam, ita illi Episcopum eligant; ubi Electiones, scilicet Ecclesiastici juris manserunt.

25. Monachi notiores sunt, quam ut definitionis egeant. Fiant tribus modis, Paterna devotione, suâ Professione, vel emissionem voti. Sed primus modus est conditionalis, si filius pubes factus consenserit. Professio fit, post annum probationis, qui tamen ex causâ, ad biennium vel triennium produci potest, quando quis habitum Religionis, quam elegit, palam solenniter suscipit, promittens hæc tria in summâ; *obedientiam*, & juxta eam propriæ voluntatis abnegationem; *paupertatem*, cum abdicacione proprietatis Universalis, & *Castitatem*, cum abstinentiâ à matrimonio & concubinato; contra quæ ne Papa quidem dispensare potest *C. cum ad monasterium 6. & c. in singulis 7. de Stat. monach.* Denique, Voto qui se obligare possunt, tenentur ad Religionem suscipiendam, quàm se inituros voverunt animo deliberato & solenniter declarato *c. un. de Voto in 6.* nam si quis simpliciter dixerit, se Monachum velle fieri, non obligatur. *c. 3. de Regular. & Monach.*

26. Ordines monachorum in summa quatuor sunt, à Basilio, Benedicto, Augustino, Francisco, à quibus reliqui ut è fontibus oriuntur, exceptis forte Carthusiensibus; numero fere innumerabili; claustris gregatim comprehensi; sub regimine Abbatis, qui de congregatione monachorum eligitur, etsi multis locis, ut in Gallis, à Principibus constituantur. Hæc de personis, de quibus

bus plura vide apud Lancelot. *Inst. Can. lib. 2.*

27. Res Ecclesiæ sunt vel Spirituales vel Temporales. Prioris generis sunt Sacramenta, item Res sacræ sive Sanctæ & Religiosæ. Sacræ sunt Ecclesiæ, Altaria, Reliquiæ, vasa & vestes sacræ. Religiosas vocant, quæ piis usibus sunt destinatæ, ut sepulchra, cæmeteria, domusque religiosæ, ut monasteria, orphanotrophia, nosocomia, Xenodochia & similes.

28. Huc quoque jura sacra pertinent, qualia, Præbendæ, Jus patronatus, census, exactio, procuratio, canonica portio. Præbenda, est Jus percipiendi reditus Ecclesiastici, ratione divini officii, quo aliquis fungitur; dicitur aliter beneficium & Titulus, quibus sæpe *Personatus* sive dignitas Ecclesiastica major aut minor conjungitur.

29. Quando vacat, fit ejus vel *Collatio*, à Capitulis aut aliis, quibus ex lege vel consuetudine jus hoc datum est, ita, ut singuli singulis fruantur beneficiis C. 8. c. 20. c. 25. de *Præbend.* vel *Institutio*, ab his qui jus patronatus habent, seu clerici sive Laici sint, id est, jus præsentandi aliquem ad beneficium vacans, ferè cum jure census annui è præbendâ percipiendi c. 2. de *Cens.* quod datur his, qui Ecclesiam fundarunt, ædificarunt, dotaverunt, quod jus ad heredes transit, & ad singulares possessores quoque, una cum bonis, quibus adnexum est. c. 14. de *jur. Patron.* c. un. eod. in 6.

30. Obnoxie sunt Præbendæ adhuc Exactioibus, ex causâ justa, extraordinariis c. 10. & 12. de *Censib.* & *exact.* Item, procurationibus, id est, exhibitioni sumptuum, Prælati Ecclesias visitantibus faciendæ c. 6. & c. 12. de *Censib.* & c. Item Canonice portio, quartæ vel etiam ampliori, Prælati decidendæ, Lancelot. *lib. 2. n. 26.* Est ubi Principes, ut in Galliâ, conferunt præben-

das; etiam, ut pro Laicis & militibus, plures & arbitrarie pensiones illis imponantur.

31. Mixtæ res inter Ecclesiasticas & temporales sunt, Decimæ, Primitivæ & Oblationes, ad similitudinem Levitici moris introductæ. Decimæ sunt portiones lucri vel fructuum Deo, id est, Ecclesiæ debitæ omnibus, qui non sunt exempti; suntque vel prædiales de fructibus, vel personales, de lucris industriz. Priores debentur Ecclesiæ, sub quâ res sita est; Posteriores, ubi quis sacramenta percipit. Episcopo cujusque Ecclesiæ Quarta decimarum deciditur. Lancelot. *d. lib. 2. s. 26.* Primitivæ faciunt cum minimum, quadragesimam; cum plurimum, sexagesimam fructuum partem c. 1. de *Decim.* Oblationes sunt, voluntarie præstationes, quæ Sacerdotibus pro peccatis offeruntur c. 13. *quis sacerdotes.* 10. *Qu. 1.*

32. Res merè temporales Ecclesiæ, nihil habent diversæ considerationis à rebus aliorum hominum aut Universitatum, nisi quod alienari non possunt, quâ de re diximus alias; ita, ut sub prohibita alienatione contineatur, Emphyteuseos, feudi, hypothecæ & precariæ concessio. Quid est Precaria? reliqua factis nota sunt aliunde; Est contractus cum Ecclesiæ œconomio initus, quo prædium perpetuo, vel ad longum tempus pro certo canone fruendum conceditur, ut tamen de quinquennio in quinquennium renovetur c. 4. *precariæ & sequ.* 10. C. 1. de *Precar.*

33. Clerici, præter Monachos, habent quoque Peculium sive Patrimonium proprium, partim è beneficiis Ecclesiasticis, partim è successioibus aut donationibus acquisitum. De priori inter vivos disponere, non testari possunt *cap. ult. de Pecul. Cleric. cap. 9. de Testam.* Monachi & ipsi Abbates monasterio re-

linquere debent *can. 7. quia ingredient.*

19. q. 3.

34. Rebus Ecclesiasticis immunitas tribuitur, ab oneribus tributorum aliarumque exactionum, quæ à Potestate seculari imponuntur; nisi magnâ Ecclesiæ & Reipubl. necessitate, consulto Pontifice, in diversum consentiant *c.*

adversus 7. §. verum d. Immunit. Ecclesi. Personæ etiam Clericorum à jurisdictione Laicorum & muneribus exempti sunt personalibus *C. non minus 4. de Immunit. Ecclesi.* Et hæc quidem de Universalitate Ecclesiæ Romanæ, ex hoc instituto dicta sufficiant. *Plara Lancelot. lib. 1. & 2. Instit. Jur. Can.*

SECTIO IV.

De Subjectione rerum.

CAP. I.

De significatione & differentiis rerum.

Res cujusque loci, subjectas esse eidem Imperio, cui personæ sunt. Divisio rerum, in corporales & incorporales; rursus illæ mobiles aut immobiles: vel in patrimonio vel extra illud. Quæ extra, vel nunquam in bonis fuerunt, vel esse desierunt. Prioris generis esse res communes, quæ explicantur. Desisse res ad tempus vel in perpetuum, & Species utralibet enumerantur: Quæ sunt in patrimonio, hæc esse publica vel privata. De publicis agitur, earumque differentia probatur à Communibus & rebus Universitatis &c.

Post homines, qui subjiuntur Imperio, transeamus ad res. Intelligimus autem per res in Jure, ea quæ Græci *πραγαματα* appellant, quæ Aristoteles ait esse, *παντα ὅσα ἢ ἀξία τοῦ σώματος μνησθῆναι*; *Omnia quorum valor pecuniâ æstimatur 4. ad Nicom. cap. 1.* quæ & bona dicimus à beando; unde latinè beati, id est, divites. Seneca *epist. 45. Beatum appellant, ad quem pecunia magna confluxit & 1. controversi. 6. Insolens malum, beata uxor; Cui, quid aliud quam beate serviemus?*

2. Cum autem propter homines habeantur bona, consentaneum est, eos

qui Imperium habent in personas, eandem in res habere potestatem.

3. Nempe, ut antea diximus, tam proprietatis bonorum, quam libertas corporum singulis in civitate, salva intelligitur; Imperium nec non eminentis dominium, in singula vim suam extendunt, eo modo, quem in loco explicavimus. Symmachus appositè ad hanc rem; *Omnia regis, sed suum cuique servatum, ad Cæsares epist. 54.*

4. De jure rerum tractatus est si maxime Juris privati esse videatur, hic tamen omitti non potest; ut intelligatur, quid Juris in singulas Reipubl. comparatum sit;

fit; Eo modo tamen de illis agemus, ut nihil quam quod Juris Gentium est ac Universale, persequamur.

5. Incipiendum est à divisione rerum, quarum prima & simplicissima est, in Corporales & incorporales; quam quod plerique petitam à philosophis putant, de verbis ferri potest, de significatione non æquè. Philosophi enim res incorporeas vocant Substantias materiam non habentes, de quarum naturâ nobis sola cogitatio constat: quæ substantiam supponit efficacissimam, & à materia penitus remotam.

6. Res incorporeales in Jure sunt Facultates ad aliquid habendum aut agendum, sicut Herilis & Patria potestas, Matrimonium, Agnatio, Tutela, Dominium, Usucapio, Hereditas, Obligatio & Actio, quæ circa res corporeas quidem versantur: sed ipsæ notiones sunt à rebus abstractæ, quâ de re disputationem antiquam exhibuimus inter Wesembœcium & Vinnium, an hæc jura bene dicantur, Entia rationis; quod sunt equidem eo sensu, quo Theophilus interpres Græcus ad tit. *Inst. de obligat.* & alibi sæpe de talibus agens, Est, inquit *δικαιον τινὸς καὶ λαμβανέμενον*; *ius aliquod mente comprehensum & abstractum.*

7. Res corporales iterum sunt mobiles vel immobiles; sub illis etiam res se moventes ipsique homines continentur, etsi liberos homines significatione rerum eximere solemus; utpote, quibus omnia creata serviunt. Immobilia sunt res soli.

8. Res, quæ constant pondere, numero & mensura, maxime pecuniâ, duplicem habent proprietatem; sunt enim corporales, quatenus contrahi possunt; Incorporalis intelligitur esse quantitas earum, quæ functionem in genere suo recipit, ita ut una, vice alterius absque ullâ inæqualitate fungi possit.

9. Utæque tam res mobiles quam immobiles, sunt vel in patrimonio, siue in bonis, vel extra patrimonium. In patrimonio, quarum nomine competit actio non habentibus, & exceptio retinere volentibus, ut J.C. in l. 51. d. A. R. D.

10. Quæ sunt extra patrimonium, vel nunquâ in eo fuerunt, vel esse desierunt. Nunquam in eo fuerunt, quæ Communes & nullius dicuntur, & sunt, quarum usus & proprietas cunctis hominibus æqualiter competit, vi divinæ largitionis, condito & instaurato generi humano factæ *Genes. cap. 1. & cap. 9.* Dicuntur & Nullius, eo quod peculiari dominio à nemine adhuc sint comprehensæ.

11. Quæ sunt hujus generis, eæ vel sunt tales, ut à quolibet occupari queant, aut penitus domini sunt incapaces.

12. Prioris naturæ sunt omnes res, quæ possessionem & occupationem stabilemque custodiam recipiunt, ut sunt feræ bestię, volucres, pisces, gemmæ, metalla nondum effossa, res derelictæ, aqua profluens, omnesque maris insulæ regionesque desertæ.

13. Ejusmodi res naturali ratione cedunt occupantibus. Etenim postea quam à communionem primævâ consensu non minus, quam necessitate humanæ societatis recessum est, constanter receptum fuit, ut, quod unusquisque apprehendit, cum nullius existeret, & quidem cum animo sibi habendi, id ei à nemine citrà injuriam eripi posset. *Vid. Gros. lib. 2. de jur. bell. & pac. cap. 2. §. 2. & lib. 2. jurispr. Holl. cap. 5.*

14. Quod enim aliqui disputant, (Böwlerus *commens. ad lib. 2. Gros. rap. 3. §. 2.* Strauch. *de Imp. mar. Joh. Bapt. Burg. lib. 1. de Dom. Reip. Genu. in mar. Ligust.*) ea quæ de communionem primævâ dicuntur esse fictitia, id demum vere, si quid unquam, fictitium est.

15. Nam si communio sit jus, quo res eædem

eædem, plurium pro indiviso propriæ sunt, res loquitur, cum creator Deus cunctis mortalibus dedit jus in res hujus inferioris naturæ, nihil potuisse illud esse quam Communionem: adeoque penè ridiculæ sunt in contrarium rationes.

16. Neque verò metuendum, eo quod fatemur, in quibusdam rebus statim defuisse communionem, ne nobis ipsi obloquamur; quasi communio ne quidem, ut isti loquuntur, animo concipi possit, eo quod proprietas sit in ipsa possessione.

17. Nam quia factum saltem, id est, occupationem, si non pactum expressum, ante primum à Communionem recessum, requirimus, palam est, mente saltem aliquod jus, ante illud factum, esse concipiendum.

18. Dein, etsi quædam res, incontinenti desierint esse communes, multæ tamen diutissime tales manserunt: neque enim nisi lapsu multi temporis pleraque terrarum occupari potuerunt, quæ nec etiamnum omnes tenentur.

19. Præter quod in animalibus, quæ coelo, quæ mari terraque continentur, in aqua profuente aliisque rebus, non potuerit desinere communio, quia nancquam desinere poterat occupatio singularum, quemadmodum his de rebus disputavimus *in part. 1. Digress. lib. 4. cap. 11. & 12.*

20. Res quæ desierunt esse in patrimonio, cessarunt vel ad tempus, vel in perpetuum. Ad tempus, Res hereditatis jacentis, cujus qui fuit dominus, est mortuus, & novus adhuc non existit, item res pro derelictis habitæ & thesauri. Priores & posteriores quidam negant esse nullius, quia non sunt occupantium; sed hæc, est alia quæstio deinde sequutura.

21. Quæ in perpetuum desierunt esse in patrimonio, recensentur à Jctis hæ

res, Sacræ, Religiosæ & Sanctæ; sed hoc membro divisionis carere nobis licet in hac Arte quidem.

22. Quippe res Sacras Romani dixerunt, quæ rite per Pontifices Deo sunt consecratæ, nec abludunt recentiores Romani Christiani *in §. 8. Inst. de Rer. div.* à quibus separantur res piis usibus destinatæ, quas alii haud ineptè *quasi sacras* appellarunt.

23. Sed, res res verè sacras in statu renovati foederis per Christum, esse nullas, cum ratione dicendum; quia consecratio, per quam character aliquis rebus imprimatur, sine dubio ex genere cærimoniarum est, quæ, ut umbræ, per adventum Corporis evanuerunt.

24. Res sanctæ, quas Romani dixerunt, muri & portæ civitatum, nihil præter superstitionem habent, quo à publicis aut Universitatum rebus separantur.

25. Denique, Religiosa loca, *Sepulchra*, præter memoriam humanæ fragilitatis, quam repræsentant, nihil etiam à privato jure dominii, separatum continent, cum & in commercio perinde ac aliæ res habeantur; nisi quod apud *Pontificios* cærimonii quibusdam sepulchra consecrantur.

26. Res quæ sunt in Patrimonio, dividuntur in publicas & privatas. Publicæ iterum sunt vel tales in specie vel Universitatis: Priores, quæ ad populum liberum spectant, posteriores, quæ ad Universitatem.

27. De prioribus novum videtur, quod in patrimonio esse dicuntur; nam Universitates satis constat eodem jure, quo privati utuntur, uti solere. Sed etiam publicas in Patrimonio esse, probat tam ratio quàm usus & auctoritas.

28. Ratio, quia populus liber æquè jus, personæ habet, Acquirendo, conferendo, amittendo, quam *Universitas* &

& evidentius per suos Rectores ad unitatis facultatem redigitur, quam fit in Universitatibus subordinatis.

29. Usus & auctoritas est à Jurisconsultis Romanis, sed idoneis Latinæ linguae auctoribus, quos ita sentire & docuisse, probat *lex 14. §. de Acquir. R. Dom.*

30. Hinc patet, quam difficulter hæc scienti, in mentem venire possit, quod nuper Eruditis quibusdam placuit, Res Communes & quæ Publicæ dicuntur, non habere differentiam realem atque stabilem.

31. Nam quæ res evidentius differre possunt, quam quæ in ordinata divisione sibi invicem opponuntur? Res communes sunt extra Patrimonium, Publicæ sunt res in Patrimonio, docente non tantum Jurisprudentiâ Romanorum, à *pr. §. Inst. de Res. divis.* sed etiam statu juris Gentium, manifesto & necessario. Quod ut plenius intelligatur, sic est habendum; Ubi non est dominium, ibi nec in res Imperium dari potest; hoc enim illud præsupponit.

32. In qualibet gente duplex occupatio rerum fit, per fundos & per universitatem, ut exposuimus in prælectione Justinian. *lib. 2. tit. 1. §. 3.* hæc tempore prior est, & plenam occupatæ regionis inde ab initio continet proprietatem, tam quod ad dominium quam Imperium.

33. Dein per fundos instituitur partitio, quâ singuli cives dominium suæ portionis consequuntur, Imperio apud Universitatem relicto.

34. Flumina tamen & lacus majores omnesque terræ, cultoribus vacuæ & quicquid dominum singularem non recipit, manet in primævo statu, quo cuncta pleno jure fuerant Universitatis.

35. Hinc etiam discimus, quæ res sint, quas *Publicas* appellamus, sc. qua-

rum proprietatis certi alicujus populi est; eæque duplicis sunt generis; Aut enim in occupatione per universitatem substituerunt nec à singulis divisæ sunt; aut ex post facto originem habuerunt.

36. Prioris generis sunt Portus & flumina, Lacus plerique, & loca deserta ac Vacua, aut ab initio ad sustentationem Imperantium vel publicos usus sequestrata.

37. Ex post facto publicum dicitur, quicquid ex collatione singulorum, aliove instituto, proprium liberæ Reipubl. constituitur; ut est ærarium, bona vacantia, fiscalia, & quicquid præterea cujusque in populi patrimonio notatur.

38. Sed quod de confusione rerum communium & publicarum quibusdam placuisse diximus, id de priori genere publicarum rerum accipiendum est, quâ de re plenius egimus in *parte 2. Digress. l. 2. c. 1.* & de effectu disputationis illius agendum erit inferius.

39. Id verò neminem movere debet; quod etiam res Communes atque Nihilus aliquando Publicæ dicuntur; quasi populicæ, quæ sint omnium populorum. Id enim fere omnibus Juris & usus civilis terminis accidit, ut voces late & improprie, vel strictè & proprie accipiuntur, quemadmodum juxta alias rationes, in hanc rem demonstravimus, *d. c. 1. lib. 2. part. 2. Digress.*

40. Denique, res Universitatis sunt, quæ pertinent ad Universitatem qualem, non ad singulos, quarum rerum natura potest intelligi ex his, quæ supra de Universitate copiose dicta sunt.

41. Hæc à publicis esse distinctas, ne quidem hi negant, qui communes & publicas res nullam habere differentiam volunt realem. At tamen res Universitatis, ut sunt theatra, stadia, Curiæ, scholæ, vocantur etiam publicæ, tam jure

civili, quam usu communi *l. 17. n. de*
W. S.

42. Sequuntur res privatæ, quæ per-
tinent ad patrimonia Singulorum, tam
corporales, quam incorporales, jure do-
minii vel crediti; sive ut recentior amat
loqui Jurisprudencia, *jure quod in Re vel*
ad Rem dicitur.

43. Jura in Re sunt hæc; Dominium,
& Jus ei proximum, quò pertinent Su-
perficies, Emphyteusæ & Feuda. Pos-
sessio in plerisque eodem refertur; Dein,
Hæreditas, Servitus & Pignus. Quæ
species quid significant, & quas habeant

proprietates, nondum hujus loci est;
deinde videbimus.

44. Sed quod nonnulli inter res cor-
porales & incorporales usu temporum
volunt esse discrimen, non debet hic
præteriri. Sublatum esse discrimen, quo
nullum magis est naturale, cave credas:
sed est verum, in Legibus populorum sæ-
pe fieri, ut patrimonia discernantur, in
res mobiles & immobiles: Ubi hoc fa-
ctum fuerit, ita servari solet, ut incor-
poralia, veluti Jura & obligationes, Mo-
bilibus accenseantur, qua de re dix. ad
tit. n. de Rer. Divis.

C A P. I I.

De jure rerum corporalium, maxime earum, quæ nunquam fuerunt in Patrimonio.

Differentia juris publici inter res mobiles & immobiles, ubi de jure Con-
fiscationis. Quid juris sit in rebus Nullius, ubi de vi & merito Occu-
pationis, specialiter in Mari, de quo discrimen inter Imperium & Do-
minium rejicitur. &c.

Post rerum differentias, de jure sin-
gularum specierum, quatenus ad Juris
publici rationem spectare queant, paucis
agendum, eodem quo divisæ fuerunt,
ordine docendi. Rerum corporalium di-
visio, in mobiles & Immobiles, non nihil
etiam momenti, quod ad juris publici
causam pertineat, habere videtur.

1. Nam quia mobilia proxime & im-
mediatè ad usum personæ spectant, ideo
subjacere volunt hæc imperio illius, cui
ipsa persona subjecta sit, quocunque lo-
co bona reperiantur.

2. Adèo ut Princeps, qui bona civis
sui propter delictum redigit in fiscum,
ea quoque mobilia, quæ sub alterius
Imperio latent, jure sibi vindicet.

3. Similiter Leges & Statuta de suc-
cessionibus bonorum, quæ in locis, ubi
quisque civis est, obtinent, iis quoque

in bonis, mobilibus scilicet, quæ sub
alterius ditione reperuntur, effectum ha-
bere dicuntur.

4. At secus in rebus soli, sive immo-
bilibus esse dicendum est; nam hæc cum
partem Reipublicæ subjectivam, id est,
Territorii constituent, non possunt al-
terius, quam qui regit eandem civita-
tem, sequi auctoritatem.

5. Ideo leges de Successionibus, quæ
in unâ obtinent Repul. quod ad res alibi
sitæ, ubi diversum jus viget, non posse
valere, idemque de confiscationibus.

6. Hæc ita, quod attinet ad res
immobiles, solidâ ratione constant; ut
demonstravimus in *prælect. ad Pandect.*
sect. de conflictu Legum divers. n. 14.

7. Sed in mobilibus haud usquequa-
que; Nam ut Leges & dispositiones ex-
terne Potestatis, in alio territorio effe-
ctum

Quam habeant, non potest, nisi à rati-
to populorum contentu fieri, commu-
nis utilitatis causa, æque in mobilibus
ac immobilibus.

9. Hæc voluntas mutua gentium in
Successionibus obtinuit quidè ubique: in
his enim ita observatur, ut, quando luc-
cedendi ratio locis variat, mobilia defe-
rantur secundum jus domicilii; quia
nullum in eo præjudicium, quod ad Po-
testates aut singulos ex populis in univer-
sum pertineat, vertitur.

10. Sed in publicatione bonorum res
aliter se habet: Per hanc enim ipsi Prin-
cipes bona in Fiscum redacta lucrantur,
quod ut alius Princeps faciat, nulla Po-
testas aut Populus in suo territorio de
rebus ibi existentibus, etsi mobilibus,
facile permittit; saltem ad hoc non ten-
etur. Nec adeo fit, opinor, ut bona
damnatorum, v. gr. in Gallia, sicutunque
mobilia, in Hispaniâ redigantur in Fis-
cum gallicum; nisi per singularem inau-
ditam indulgentiam.

11. Verum est, Jurisperitos plures aliter
statuisse, quos adducit Wissenbachius
ad tit. n. de bon. damnat. Sed contra-
rium frequentius usu invaluit, teste
Peregrino §. *de jure fisci* 1. n. 143. &
Clarus §. *fin. Qu. 78. n. 27.* Quod au-
tem Wissenbachius noster rationem hac
parte superatam esse putat à Consuetu-
dine, de eo quid opinandum sit, ex his
quæ dicta sunt, intelligi potest.

12. Inter res quæ sunt extra patrimo-
nium, primo loco sunt *Communes*, sive
Nullius, quarum aliæ sunt tales, ut oc-
cupationem recipiant, aliæ secus. Inter
eas, quæ apprehensione rediguntur in
dominium, sunt feræ bestię, volucres
piscis; Quas certum & notum est, jure
Gentium fieri occupaniam: Occupatio
autem facta censetur, cum res apprehen-
sæ in potestate nostra sunt, custodiæque
nostræ coercerentur, ut docet Justinianus
in §. *feræ d. A. R. D.*

13. Apprehensionē non manu dunta-
xat vel actu immediatè corporali æstima-
mus; sed instrumentis quoque, velut re-
tibus & laqueis; modo ad hinc duo requi-
sita; primò ut instrumentum sit in no-
stra potestate, deinde ut fera ita inclusa
sit, inde uti exire nequeat, docente
Grotio *lib. 2. c. 8. §. 4.*

14. Proinde, pisces, qui piscinis, & fe-
ras, quæ vivarius continentur, occupa-
tas esse non dubitatur; sed an obstru-
ctio itagni & circumseptio sylvæ, sint
actus sufficientes ad dominium præstan-
dum ambigitur; negavit Nerva filius
in l. 3. §. 14. n. *de Acquir. poss.* Adfir-
mat Grotius in *lib. 2. de jur. b. & p. n. 2.*
hac ratione, quod animalia sic inclusa
sunt, ut exire nequeant.

15. Nerva negat hanc esse inclusio-
nem, piscesque & feras adhuc in naturali
sua libertate relictas esse contendit; i-
deoque, si piscem è tali stagno vel feram
ex ejusmodi sylvâ quis furripit, nega-
ret hoc esse furtum, quod Grotius,
scilicet, adfirmat: & videtur hujus,
jure Gentium solidior esse ratio; siqui-
dem privati juris sint stagnum & sylvâ,
quod in hac disputatione supponitur:
non possunt enim pisces & feræ in na-
turali suâ libertate esse videri, quibus
evagandi facultas interclusa est.

16. Ex his liquet, apprehensionem
corporalem præferri fictitiæ atque sym-
bolicæ; quo pertinet inter Andrios &
Chalcidenses quæstio vetus apud Plutar-
chum *Qu. Gr. 29.* Civis Andrius & Chal-
cidensis Acanthum urbem ab hostibus
desertam occupaturi, cum Andrius
Chalcidensem adsequi non posset, hastâ
in portam eminens infixâ, se priorem in
occupatione terebat, Chalcidensis ur-
bem prior intraverat. Arbitri litis, ad
utros urbs pertineret, electi, duo pro
Chalcidensibus, unus pro Andriis pro-
nuntiarunt. Vicerunt igitur & rectè Chal-

Chalcidenses, et si Grotius Andrios vicisse referat, errore memoriae, ut puto. *l. 2. c. 8. §. 6.* Hæc latius exposita sunt in *lib. 4. Digress. cap. 18.*

17. Porro ex naturâ communium rerum, quæ reperiuntur in aliqua gente, in has certum est, totum populum æquale jus habere, tam in feras, volucres, pisces, quam in metalla thesaurosque subterraneos, qui in territorio ab ipsomet occupato deteguntur.

18. Unde clarum, quod communi consensu, id est, per legem, singuli à jure suo recedere, idque in unum vel certas personas transferre possint.

19. Atque hoc est fundamentum, quo jus feras venandi, aucupia, piscationes, metallifodinæ, thesauri & similia Principibus aut Proceribus hodierno gentium usû vindicantur, qua de re diximus in *part. 1. Digress. lib. 4. c. 19. & seqq.*

20. Non tamen id efficere potest Lex, quod vult Grotius *lib. 2. c. 8. n. 4.* ut Principes immediate domini ferarum, etiam ante occupationem, fiant, quia jus illorum non potest esse prius, quam populorum, à quibus illud habent; atqui feræ donec capiantur, manent nullius, tam respectu populorum quam singulorum.

21. Sed hoc potest Lex, ut quicumque aliquam feram capit, hoc faciat, ut minister ejus, in quem populus suum jus commune transtulit: adeoque ut Princeps in ipso occupationis actu, dominio potiatur.

22. Unde non male dicitur, eos qui feram lucri faciendi animo detinent, aliquando furti se obstringere; quod negant, qui solâ venatione privatis interdictum, dominia autem ferarum principibus nullo modo adfecta putant: quod inde refellitur, quia ne fortuito quidem feræ captæ cedunt occupantibus, sed in publicum deferendæ sunt. Dix. latius in *lib. 4. Digress. cap. 20. & prælect. ad tit. n. de A. R. D. n. 7.*

23. Ex his clarum est, quæ res extra territorium cujusque populi vacuæ sunt, eas à nemine, quam per occupationem acquiri posse: occupatas autem ab aliis omnino neminem rectè sibi vindicare.

24. Quare non immerito barbarus Rex Peruanus irruit immanem Pontificis Romani arrogantiam, à quo terras novi orbis, quæ ab indigenis antiquissimâ possessione tenebantur, Regi Hispaniæ donatas intellexerat.

25. Atque hæc de rebus communibus occupationem recipientibus; supersunt res domini incapaces, cujusmodi esse videntur tam hær quam mare.

26. Nempe, ut distinguantur aquæ marinæ & aeris particulæ ab aère atque mari ipso. Illas enim occupari & in dominium redigi posse, nulla dubitatio est.

27. Sed mare per se totum, vel quoad præcipuas partes, non recipere dominium, cum effectu, ut jus sit Principi vel populo alios prohibere piscari in eo, navigare, aquam haurire, conchas & naufragiorum reliquias colligere, probatur hisce rationibus.

28. Prima, quod in mari cesset ratio, per quam dominia, instinctu studioque pacis & necessitatis ab hominum primis divisa fuere.

29. Nam reliquæ res humanæ inter singulos dividi oportuit, quia non omnes pariter ad usum sui admittebant, & quod suus cuique labor prodesse deberet.

30. At mare commodissime toti humano generi sufficit, nec opera permanentis industriæ, quæ auctores sibi solis vindicare debeant, recipit.

31. Alterum argumentum sit, quod mare propter fluiditatem & vastitatem occupari nequeat. Quæ res, inquam, non recipit possessionem, ea nec domini, jure Gentium, capax est; quia naturalis causa ac iterum effectus domini est,

est, ut res sit in potestate nostra eique insistamus.

32. Sed mare non recipit possessionem, quia possessio est sedium positio & rei detentio; at in mari neque sedes unquam poni, nec ipsum detineri aut custodiã coerceri potest.

33. His accedit auctoritas juris Romani, quo mare inter ea refertur, quæ in primævâ communione manserunt, perinde ac feræ bestiæ, volucra, pisces & terræ desertæ, habentque se, ut ea quæ primum à naturâ sunt prodita, & in nullius adhuc dominium pervenerunt. §. 12. *Inst. & l. 2. r. d. R. Divis.*

34. Ex his sequitur, jus piscandi, balænas capiendi, in omnes terras navigandi & commercia exercendi, à nullo Principe vel populo jure prohiberi posse.

35. Quæ autem de dominio maris ubique scriptorum leguntur, & ab Seldeno aliisque accumulata sunt, ea non aliter quam de potentia rei maritimæ intelligi posse, res ipsa loquitur, & alibi nobis probatum est, in *lib. 4. Digress. cap. 13. & seqq.*

36. Recipit tamen hæc sententia cautiones aliquas & limitationes.

37. Prima sit, quod & aer & mare sub dominium veniant, quatenus sunt partes & accessiones terræ, quoniam hactenus requisita veræ occupationis conveniunt.

38. Hinc dicimus, eundem, qui dominus est soli, esse dominum cœli, quod supra illud solum est; & qui partem aliquam maris undique suis terris complectitur, eam hanc partem satis occupasse atque possidere intelligi.

39. Nam ut privatus particulam maris fundo suo immittens, dominium ejus consequitur, uti fecit *Lucullus Neapoli*, sic nihil est causæ, cur non Rex aut populus sinum maris occupare queat

suis terris undique comprehensum, ita ut dominio suo perfecte contineantur.

40. Dein, conventionione populorum fieri potest, ut quidam jure & usu ceræ maris cedant, alique liberam ejus dominationem permittant; quod scilicet universale jus non mutat.

41. Tertio observandum, fieri quoadque, ut divisio maris instituat (& divisio aliquam supponit occupationem) non ad possessionem stabiliendam, sed ob curam piratas coercendi & securitatem præstandam.

42. Denique, ratione territorii adjacentis, pars vicina maris videtur esse sub Imperio Principis aut populi, qui navigantes è terra pro lubitu cogere potest: tunc enim custodia illius coerceri videtur.

43. Extra has causas, nec dominium neque imperium maris, jure cuiquam competere posse, prædictis rationibus constat.

44. Fuit, cum Imperium facilius quam dominium acquiri posse, idque minus juris continere putavimus *d. cap. 13. lib. 4. Digress. pr. edit.* sed verius est, imperium tribuere potentiam omnium, quæ dominium maris Principi aut Populo tribuere queat; adeoque si jure imperii exteris prohiberi & piscatio & navigatio posset, æque ac introitus in terras, alienigenis, ab eo qui imperat Civitati, potest interdici; non minus scopum suum, qui à nobis dissentiunt, obtinerent Imperio concessio, quam si Dominium maris illis concederemus.

45. Habet quidem Dominium effectus ab Imperio separatos, sed Imperii illa vis est, ut exteris illos domini effectus præcludere possit.

46. Perinde, ac jus in feras omnium quidem est hominum, sed dominus in suo fundo quilibet impedire potest, ne quis illuc ad venandum procedat.

D d d

47 Cre;

47. Credimus igitur, idque è supra dictis patet, eum qui Imperium Maris occupare potest, æque dominium ejus acquirere posse, si velit; Facto enim opus est animique declaratione ad occupationem utriusque perficiendam; sicut Romanos Maris mediterranei imperium occupavisse legimus, eo quod mare suum, τὸν Περσικόν, Ῥωμαίων, γῆν καὶ θάλασσαν, sibi ὑπέλαβον, mare tertiamque sibi subdidisse scribunt; ut hæc à Seldeno ipsoque Grotio adducta sunt, de quibus & nos agimus in *lib. 4. Digress. c. 14.*

48. At dominium ab iisdem non fuisse, nec à populo universo, nec à singulis vindicatum, quando mare jure naturali omnium hominum commune tradunt, in §. 1. *Inst. de Rer. Divis.* & passim alibi, certum est, ut Grotius demonstrat in *d. lib. 2. c. 3. n. 9.* & in *Mari libero*, ut hoc repetamus.

49. Sed non adentior eidem, quod imperium maris facilius quam dominium acquiri posse tradit in §. 13. *eiusdem cap.* Quippe in summâ controversiæ, quatenus hæc ad jus publicum pertinet, sufficit, opinor, Regibus & populis, qui leges aliis populis præscribere volunt, Imperium; dominio magis ad privatos pertinente.

50. Nec committendum, ut ex qui-

bus locis dominium maris probari posse negavimus, ex iisdem Imperium adstrui concedamus, cum per eandem rationes, quibus dominium refellitur, Imperium æquè refutari possit, ut ex iis, quæ *d. c. 14. Digress.* ad Seldeni argumenta respondimus, intelligi potest.

51. Sane, quantum ad occupationem attinet. Nam de consensu vicinorum diversa forte sit ratio; quatenus vicini possunt renuntiare juri suo, quod ipsis in partem aliquam maris sit comparatum, in gratiam alterius vicini, non tantum expressè, verum etiam tacitè, per patientiam temporis immemorialis; si modo alter actus imperii interim usurpaverit: Quo sensu Reipubl. Venetæ imperium in Adriaticum mare vetustatè subnixum forte defendi potest.

52. Loca Grotii peculiaria, *d. c. 2. §. 13.* quibus probat, olim foedera fuisse inita, quibus sociis navigare permitteretur, per mare, quod ad alterius partis terram pertineret, quid aliud illa fuisse, quam conventiones de non impediendo transitu per aliquam maris partem? Nam quod mare mediterraneum populi Romani esse dicitur, hoc ad exceptiones concessas referendum est; siquidem mare illud undique terris Romanis comprehensum fuit.

C A P. I I I.

De jure rerum, quæ in Patrimonio esse desierunt.

De jure rerum hereditariarum, animalium amissorum; rerum pro derelictis habitarum & deperditarum! de jure rerum sacrarum & Ecclesiasticarum; ubi, an hæc mutata religione, alienari, vel in promiscuos usus converti possint, copiose varieque dissertitur.

Sequuntur res, quæ in Patrimonio esse desierunt, ad tempus vel in perpetuum. Prioris generis Hereditarias; id est, res hereditatis jacentis, nondum aditæ, & res derelictas esse diximus. Illas in præsentem non esse in patrimonio palam est, ideoque nullius dici nil vetat; communes sunt qui esse negant, quia non fiant occupantium, utique res hereditariæ.

2. Atqui in se consideratæ, si maneant tales, eodem loco sunt, quo cæteræ communes, quarum jus Fisco acquiri solet; ubi vero Fiscus jus non est stabilis in talibus, occupanti cuilibet, utique, si ab herede non adeantur, secus ac plerumque fit, acquiri debent.

3. Quæcunque enim res à dominis amissæ non transferuntur in alios, hæc in causam primævæ communionis reverti videntur, adeoque fiunt occupantium: Et amittendi causæ vel modi sunt duo, defectus successoris & derelictio, idque tam in rebus animatis quam inanimatis obtinet, extra quam, videlicet, si res ipsæ pereant.

4. An vero in rebus animatis etiam intentio rei dominio subjectæ pro tertiâ causâ amittendi dominium haberi potest? de jure Gentium quidem non videtur. Nec enim homo redactus in dominium, ex causâ jure Gentium justâ se fugâ domino subducere potest, nisi redierit in patriam jure postliminii, vel ad gentem,

ubi libertas ipso jure competit omnibus & singulis humani generis consortibus, quo casu ipse sibi homo restituitur.

5. Ergo, quod Romani Jurisconsulti dominium in feras omitti volunt, ex eo quod ita è conspectu dominorum, evaserint, ut difficilis earum sit persecutio, quasi libertatem hoc modo amitterent, ad juris amittendi rationem sufficere non videtur.

6. Nam etsi verum esset, quod illi volunt, brutis animalibus competere aliquid analogum rationis & juris, attamen dominis fugæ intentione non magis quam homines subducere se possent; etsi nihil interim certius est, quam feras ejusmodi vagantes jure Gentium fieri capientium.

7. Grotius, rejectâ, quam è Juris Romani auctoribus & nos rejecimus, causam hujus acquisitionis ait esse difficultatem & desperationem recuperandi feram, in domino, sed neque hanc sufficere videri, statim videbimus, *Gros. in lib. 2 c. 8. §. 3.*

8. Dicendum igitur, promiscuam vendendi feras facultatem non recipere discrimen veteris dominii, quod in ejusdem generis animalibus infinite vagantibus discerni nequeat. quæ ratio in hominibus aliisque rebus, quæ facilius discernuntur, aliter se habet, aliterque etiam in ipso feras, si qua torqui vel crepundiis inscriptum habuerit veteris memoriam domini.

D d d 2

9. Porro

9. Porro, defectus successoris facit, ut res nullius censeatur, si quis sine herede sit mortuus, aded ut ex simplici ratione juris Gentium ejusmodi res occupantium fierent: nisi compertum esset, perquam raro id usu venire, ideoque à Magistratibus in usum heredum emergentium, sequestrandam esse, ratio dicitaret.

10. Quod si planè fiat, ut Successores nulli, quorum facultas jure comparata sit, inveniantur, status communionis, in quam ejusmodi res sua sponte redigerentur, Lege prævenitur, & dominium addicitur Universitati, vel potius Reipubl: quæ hac parte jus Universitatis habet, hoc est, Fisco; quemadmodum ubique gentium servatur; eodem consensu populorum, quo jus vendendi aliæque facultates communes juri communionis eximuntur.

11. Sequitur Derelictio, quæ est Actus voluntatis, quo dominus res suas abjicit; hoc animo, ne sint amplius in dominio rerum suarum; quod ubi constat, nihil est causæ, quæ illæ res non fiant occupantium, nec ad eas Filii jus produci placuit; haud dubie, quod casus ejusmodi singulares, ipsæque res minoris momenti sunt. Etenim si integra contingeret derelinqui Patrimonia, vel res soli, non est dubium, quin etiam fiscale jus eo produceretur.

12. Pro derelictis non esse habenda, quæ amissa sunt casu fortuito, satis constat, etsi in viâ publicâ vel in littoribus inveniantur, nisi discerni nequeant, ut sæpius accidit in gemmis & lapillis, quas vel quos inter res quæ sunt occupantium, si in littoribus inveniantur, haberi scriptum est in l. 3. *de Rer. divis.*

13. Quid autem, si res amissæ, diu quæsitæ pro desperatis habeantur & quæri desierint? Grotius amissum cen-

seri docet id quod amissum est ita, ut spes recuperandi abjiciatur, ut porcos à lupo raptos, & quæ naufragio ammittimus nostra desinere Ulpianus ait in l. 44. *de A. R. D.* non statim, sed ubi recipi non possunt, id est, ubi nulla talis voluntatis indicia extant *lib. 2. c. 4. n. 5.*

14. Sed Ulpianus in d. l. 44. distinguit inter feras, pisces, aves, quæ venando capiuntur & res alias amissas; Priora docet amitti, quando in libertatem naturalem redierunt; in aliis rebus id non procedere, ne quidem ovem à lupo raptam & ablatam, quam dominus, nullâ spe recuperandi, non persequitur, ab alio receptam fieri occupantis, sed priori domino reddendam, sub pœnâ furti, idque è sententia Pomponii, qui ipse in l. 8. *§. ult. d. Famil. ercisc.* id quod à lupo vel aliâ bestia eripitur, manere nostrum, quamdiu non fuerit consumptum; imo idem in gemmâ ab ave transvolante raptâ statuitur in d. l. 44. de quibus rebus non posse dominum habere civilem recuperandi spem satis evidens est.

15. Nec prorsus usui judiciove communi populorum convenire videtur; ut quicquid amissum, à domino quæri desierit, ut desperatum, inventoris fiat, nec à priore domino repeti possit.

16. Non est tamen negandum, ut temporis in Jure magna vis est; si quid amissum, longo tempore desperatum quæri desierit, utique si in profundo latuerit, olim repertum, inventoris fieri & acquiritum videri.

17. Id id ita de rebus naufragis indicat Ulpianus in d. l. 44. cum ait, si quid naufragio amissum sit, non STATIM de nere esse nostrum. Longo tempore elapso, quid juris esse debeat innuens, quod pertinet, quod Angli nuper res veteris naufragii Hispanienses ingeniosâ industriâ è profundo & scopulolo mari extra-

ctas;

ctas, repetenti Legato non restituerunt, neque jure Gentium teneri ad restituendum visi sunt. Adde quæ diximus in *lib. 4. Digress. c. 26. & in Eunom. ad l. 8. §. f.*

18. In universum; Domino rei fortuito amissæ non reperto, quid juris sit inventori, non est expeditum. Egimus ea de re in *lib. 4. Digress. c. 27.* ubi dictis addere velim, si longo tempore Dominus non innotescat, etsi proprie termini Usucapionis, ea specie non existant, dominium tamen inventori, secundum ea quæ modo protulimus, addicendum videri.

19. Eodem fundamento nititur adquisitio Thesauri, cujus depositionis domini que memoria non extat. Acquiritur etiam inventori, secundum simplicitatem juris Gentium, quam Romani & qui instituta illorum exacte servant, Frisii sequuntur. Alibi Fisco fere, ut reliquæ res *Nullius*, addicuntur. Plura in hanc rem collocavimus in *d. cap. xxvii. lib. iv. Digressionum.*

20. Hactenus de jure rerum, quæ ad tempus in patrimonio esse desierunt. De rebus in perpetuum exemptis, quæ supra sunt expositæ, Sacræ, sanctæ & religiosæ, quid juris sit, ex ipsa rerum differentia superius exposita colligi potest, non dari consecrationes rerum, nisi in usu sacramentorum fidei, tempore Novi Testamenti; Alias res mobiles ac immobiles consecrandi, usum esse ceremoniale hodieque supersticiosum.

21. Proinde res sacræ omnes sunt Ecclesiastici juris. Et quia Ecclesia jus Universitatis habet, ut supra demonstravimus, hinc bona Ecclesiastica, tam quæ sine medio cultui divino adhibentur, quam quæ ad sumptum, quo res Ecclesiastica sustinetur, præbendum serviunt, habent jus Universitatis, & quidem talis, quæ causam habet perpetuam & salutaré.

22. Quare & alienatio sine discrimine juris Romani, quod res sacras non nisi casibus exquisitæ necessitatis, Ecclesiasticas ob utilitatem alienari permittit; *Nov. 119 & 120.* æquabiliter fieri potest; attamen animo non diminuendi, sed ut Ecclesiæ consulatur ac utilitatis causâ.

23. Ex illo principio decidi potest Quæstio magnis, animis in Belgio imprimis, agitata, medio fere hoc seculo, an Respublica de bonis Ecclesiasticis arbitrata suo disponere, vel in profanos usus ea conferre possit.

24. Non posse, statuendum est, quia nec aliarum Universitatum bona Princeps sibi vindicare potest; Ecclesia autem non minus habet juris, quam civitates & pagi singulæque familiæ habent, quibus relicta bona nullo modo adimi posse, non dubitatur.

25. Idem juris est Monasteriis omnibusque Cœnobiis & ordinibus atque Collegiis sacris, in res olim & nuper ipsis Legatas & acquisitas, ubicunque bona sita sint, etiam in locis, ubi institutum alioquin istorum ordinum non probatur, si modo non sint in statu belli.

26. Quapropter Ordines Pontificii si qua bona vel res sitas habent in ditionibus Protestantium, quo minus illis utantur & fruantur, nihil magis obstat, quam quod singuli Patres familiarum jus rerum in diversis regionibus sitarum non amittunt, sine respectu religionum, quas apud se profitentur; idemque juris viceversa Protestantes habent in ditionibus Pontificiis.

27. Quod si Pontificii res Ecclesiarum Protestantium apud se forte sitas publicare instituunt, idem juris erit his adversus illos, secundum regulam juris Naturalis, *Quod quisque juris in alterum statuerit, ut ipse eodem jure utatur.*

28. Sed religiones in Patriâ prohibitæ tanquam Universitates interdictæ, si do-

mi non possunt habere communia bona; non habent rationem id jus alibi, locorum exigendi; quia jus personæ inde ab initio non habent, ac ideo id alioversum diffundere nequeunt, nisi ex speciali indulgentiâ.

29. Cum alioqui jure Gentium Civitates id tacito consensu passim observent, ut jus aliquo loco legitime acquisitum ubique pro legitimo agnoscat, ut loco deinde proprio videbimus.

30. Quod igitur jure Romano proditum est, utilitatis causâ res Ecclesiæ vendi posse, locum etiam habeat in ipsis templis & vasis sacrorum; ne de altaribus & donariis dicam; quorum illa, post sacrificium crucis, nulla sunt aut esse debent, hæc sunt Ecclesiæ & in usum pauperum cedunt, quorum gratiâ quominus alienentur, nihil equidem obstat.

31. Proinde, si templa vetustate vel ætate Ecclesiæ non sint utilia, quominus, aliis extructis, alienari, in macella vel armamentaria similesque usus promiscuos converti possint, nihil iterum obstat.

32. Quippe cum nihil sint aliud quam loca tuendis coetibus fidelium adversus coeli injurias parata; cum alioqui coetus isti sub dio vel in horreo aut stabulo habiti, æquè sancti sint, quam qui in magnificis templis celebrantur.

33. Bona templorum ab Ecclesiasticis equidem discerni solent, ut plerisque locis à separatis etiam œconomis administrantur; ut tamen hoc, in modo magis quam in juris specie consistat; si templa vel ex opibus Ecclesiæ, vel ab aliis animo donandi Ecclesiæ, structa fuerint.

34. Ex his non difficulter, quid de jure bonorum Ecclesiasticorum, si confessio religionis mutata fuerit, existimandum sit, intelligitur. Etsi hæc res superioribus annis ingentem cum in Germaniâ, tum in Belgio controversiam,

nunc aliis subtilioribus oblitteratâ excitaverit, modo tacta, sed plenius exequenda.

35. Quæstio considerari potest, tam respectu Reipubl. & Ecclesiæ, quam ratione diversarum in Ecclesiis Confessionum.

36. Mutatâ Religione, quod sæpe fit etiam verio statu Reipubl. Imperantes fas esse putant, Ecclesiæ bona sibi vindicare & secularizare, ut vulgè loquuntur, quasi causa proprietatis ob improbatam Religionis confessionem laborante, juxta rescriptum Honorii & Theodosii, quo sic loquuntur: *omnia loca, quæ sacris error veterum deputavit, nostræ rei jubemus sociari l. 5. C. de Pagan.* indicante rubricâ de gentilium sacris id esse accipiendum.

37. De Christianorum diffensionibus aliter statuendum; per eas non mutari jus Ecclesiæ; ne quidem si in deterius mutata sit confessio; non magis quam personæ aut familiæ suum jus quæsitum ob ejusmodi causas admittit, utique si fundamenta Christianæ fidei non penitus convellantur.

38. Multo minus Ecclesiæ res publicari possunt, si ubi emendata sit Religio & in melius reformata fuerit, quod semper, si Rectores Civitatis habet consentientes, pro certò habetur & in consequentiam juris externi præsumitur.

39. Idque nec aliter se habet, si acquisitiones, per quas illa bona Ecclesiis addictæ sunt, vitio aliquo superstitionis adfectæ fuerint: Nam vitio deteriso, manet proprietas Ecclesiæ, & usus superstitionis in alium illi adfinem sed vitio carentem transmutatur, quo pertinet argumentum. *l. XVI. x. de Usufr. Leg.*

40. Plane, quominus in defensionem Ecclesiæ & Religionis, bona, quibus Ecclesia carere potest, alimentur, in sumptus belli, ipsius Ecclesiæ voluntate fieri intelligitur, idque ita recte consulitur.

41. Proin-

41. Proinde sine ejusmodi vel necessitate vel evidenti utilitate, Fiscus aut Princeps, vel Respublica de bonis Ecclesiasticis in fraudem Ecclesiæ (statuere non potest, nisi juris potius quam libidinis suæ rationem habere voluerint.

42. Quod si Universitates sint aliquæ ad Ecclesiâ pertinentes, conformationem tamen habentes separati corporis, ut sunt Monasteria, collegia Regularium sive Canonicorum, Ordines sacri equitatus & similia, cum jus personæ, quod est Universitatis, habeant ab Ecclesiâ distinctum, dominia quoque rerum, quæ ad ejusmodi Universitates pertinent, diversa sunt à dominiis rerum Ecclesiasticarum.

43. Proinde, si tales Universitates aboleantur, earum quoque jus & dominium extingui consentaneum est, nec ad Ecclesiâ, quæ personam habet distinctam, transferri videtur.

44. Non obstante, quod res semel ad pios usus destinatæ ad profanos converti nequeant; Id enim ut effectum habeat, personam, cui dominium competat, existere oportet: quâ sublata, jus ejus ut maneat, fieri non potest.

45. Melius quidem consulitur, si ad Ecclesiâ bonarum collegiorum referantur; sed ut hoc postuletur, jus perfectum, non probabile requiritur.

46. Videntur igitur Rectores Civitatis bona monastica & Canonica, illis corporibus abolitis (quod an jure factum sit, vel secus heic non disquiritur) in Fiscum redigere posse.

47. Quid si Collegia illa maneat, externa nuncupatione & œconomia, sed usus eorum primævus & authenticus instituto Ecclesiæ & Reipubl. abolitus fuerit, an his antiqua bona conservari debent aut possunt?

48. *Debere* non dixerim, quia sublato usu pristino, desierunt esse quod fuerunt; nisi usus in alium meliorem &

Ecclesiasticum transmutetur; quo casu valet idem jus Universitatis, quod olim fuit, ut de ipsis Ecclesiis, verâ confessione, demonstratum est.

49. *Posse* videntur, quia cum illa bona, deficiente personâ cujus fuerunt, in Fiscum redigi possint; eadem ratione cuilibet alii. consequenter etiam hominibus ejusdem nominis, etsi non ejusdem professionis, à Principe concedi posse videntur.

50. Nec obstat, quod à pristinis Auctoribus & fundatoribus in usus pios destinata fuerunt: Usus enim & finis solus non efficit statum proprietatis, qui est personæ, à qua pendet jus vindicandi vel non alienandi.

51. Quando igitur bona Monasteriorum & Regularium Collegiorum, his extinctis, alienantur, aut in usus promiscuos convertuntur, nemo est, qui illa sibi vindicare possit; utique nec ipsa Ecclesiâ, quæ distinctum corpus est ab illis, habentibus suum proprium regimen & separatam conformationem, adeoque jus personæ distinctum, ut antea dictum est.

52. Quid si Respubl. mutaverit confessionem fidei, Ecclesiâque suæ religionis fundaverit, manente prioris Ecclesiæ corpore, an hæc sua bona retinebit? Distinguendum reor, utrum prior Ecclesiâ, cujus sunt bona, post mutatam Imperantium fidem, sit permessa, an prohibita.

53. Si decreto publico permessa sit; existimo bona manere, quemadmodum manent in Germaniâ, ubi Principes religionem mutant, suamque publici juris faciunt; relicta priori in suo statu & regimine. Tunc enim hæc manet corpus & Universitas, & bona sua retinet.

54. Si prohibita sit, ut Pontificiæ ecclesiæ in plerisque Protestantium ditioribus, desinit esse corpus & universitas & omne suum, quod habet, quâ talis, amittit,

mittit, retinetque solummodo id, quod Christus illis dedit, Apostolique usurpant, etiam invitis Potestatibus mundi.

55. Quid si toleretur duntaxat, nullo freta publico decreto? Si nulla prohibitio intervenerit, manet quod fuit, & tolerantia vix est *hactenus* ut à permissione distingui possit; ideoque & jura sua retinet. Ut tamen bona Rectorum ejusmodi Ecclesiarum, qui sublatis sunt, publicentur, deficiente personâ, cuius eorum comparabat, ut nunc usu venit in Scotiâ.

56. Cæterum, quod ad res sanctas attingit, quas Romani à sacris dividunt, ut sunt muri & portæ civitatum, hæc

superstitione demptâ, sunt publici juris, non universitatum, id est, civitatum majori imperio subjectarum; quæ jus muniendi ad *Armandiam*, quæ dicitur in jure Feudali, id est, armorum & belli jus adeoque ad summam Potestatem pertinet.

57. Religiosæ res, id est, Sepulchra, quæ Romani quoque dominio & commercio exempta voluerunt, præter usum humanitatis & pignorationem futuræ vitæ, nihil habent, quo ab aliis in patrimonio rebus separantur, aut commercio interdiciantur, ut sane venduntur & hereditibus relinquuntur atque alienantur, eodem manente scilicet usu.

C A P. I V.

De rebus Patrimonii publici.

Divisio rerum in publicas & privatas. Publicæ vel tales simpliciter, vel Universitatis. Prioris vel usu esse omnium vel mere publici usus. Inter illas esse flumina, de quorum jure copiose agitur, sub distinctione, fluminis, amnis & alvei; ubi & de jure præscriptionis in publicis rebus. De Ripa, Alluvione & Avulsione. Denique, de Principum bonis tam privatis, quam dominicis, Fiscalibus & Ærario.

Sequuntur res, quæ sunt in patrimonio, quatenus ad ordinem Reipubl. habent relationem. Patrimonium est vel publicum, vel privatum. Publicum est vel proprie tale, vel Universitatis. Proprie, quoad Rempubl. liberam pertinet; quam & patrimonium habere, vult ratio & usus Jurisconsultorum in *l. 14. ꝛ. de A.R.D.* idque minus inexpectati habet in Universitatibus, quarum res etiam publicæ dicuntur in *l. 17. ꝛ. de V.S.* & jure privatorum utuntur *l. 16. eod.*

2. Quid sint Publicæ & Universitatum res *superius* expositum est. heic de jure illorum in ordine civitatis agen-

dum. Publicas esse duorum generum inde *suprà* constat; vel tales, quorum usus est omnium, ut sunt portus & flumina, vel quibus singuli non utuntur, ut fisci res atque ærarii, quod discrimen ab Augusto inventum *λογη μὲν μοι ἤϊερον, verbo magis, ut Dion, quam te*, dedimus expositum in *parte 1 Digress. lib. 3. c. 21.*

3. Inter publica prioris generis sunt flumina & portus. Flumina scilicet, perennia; Nam torrentes atque hyemales, qui per æstatem non durant, magis sunt privatorum, per quorum agros currunt, ut traditur in *ꝛ. l. 1. §. 2. & sequ. De Fluminibus. At in flumine consideratur Amnis, Alveus,*

veus, Insula, Ripa, de quibus breviter & distinctè. Primo de universo.

4. Flumem esse inter ea, quæ à populo certam regionem sua ditione complexo, per universitatem occupantur, superius dictum, nec controversum, neque dubium est, quin primarius scopus in usu amnis promiscuo, qui confusus in navigando piscandoque; nam id omnibus suis civibus commune voluerunt esse Romani, sicut in terminis primæ occupationis esse debebat.

5. Quia tamen occupatio illa ab universo populo facta, eidem jus proprietatis præstat, non est dubium, quin populus ejusmodi leges navigando piscandoque imponere possit, quales expedire sibi putat; ideoque vectigal imponere navigantibus, externos etiam navigando in eo prohibere queat, utique mercaturæ causa; sed transitus innoxios prohibendi jus non habet, multo minus aquam profluentem hauriendi, quod Latona barbaris apud Ovidium exprobrat,

Quid prohibetis aquas? usus communis aquarum est.

6. Piscationibus autem, nedum exteris, etiam suis prohibere potest, quemadmodum à plerisque populis hodie consultum videmus, ut piscandi jus in fluminibus addixerint Fisco; Et si non desint, qui in terminis primæ occupationis ab universo populo factæ substituerint, quos inter Frisii nostri; quibus sufficere visum, leges imponere piscationibus, duntaxat generum servandorum causâ requisitas: etsi in portibus eadem libertas non placuerit, in quibus alioquin idem jus ac in fluminibus obtinere consentaneum est, & Romanis legibus obtinet.

7. An verò jus piscandi præscriptionibus subjectum est, ut usu temporis à singulis occupari & in jus privatum re-

digi possit? Non videbatur, exemplo viæ publicæ, quæ usucapione vel præscriptione à privatis acquiri non potest; ut in *π.* sancitum est *l. 2. de Viâ publ. l. 45. de usucap.* Est tamen ubi aliud obtinere videmus.

8. Etenim in Pandectæ Juris traditum est, si quis in fluminis publici diverticulo solus pluribus annis piscatus sit, hunc alterum eodem jure uti posse prohibere, secundum Martianum in *l. 7. de Divers. præscript.* à quo non dissentit Papinianus in *l. 45. d. Usucapion.* si casum de fluminis diverticulo contines ita, ut priorem casum, accipere, quo præscriptionem loci ædificando in litore occupati non procedere dixerat, si domus interim diruta fuisset, ac ita occupari desisset; proinde si alter piscari desisset jus prohibendi non haberet.

9. Eodem modo Pagos aliasque universitates apud nos; videmus sibi vindicare piscandi certis lacubus, vel tractu certo fluminis publici; quod jus aliquando in certos prædiorum dominos conferunt, ea lege, ut hi pontibus aut aliis operibus in perpetuum reficiendis teneantur. An hæc nullo jure; vel quo jure fieri dicemus?

10. Distinguendum videtur, inter res & jura publica, quæ possunt esse in Patrimonio singulorum & utilitatem præstant stabilem, atque inter ejusmodi jura, quæ non accipiunt usum patrimoniale singulorum, nec in reditu certæ utilitatis, sed in merâ facultate Reipubl. vel omnium civium & quasi *possensid* consistunt, ut in prioribus habeat locum præscriptio, non æquè in posterioribus: Loquimur de civibus ejusdem Reipubl.

11. Non habet locum præscriptio in tributis & vectigalibus, quia sunt posterioris generis *l. 6. C. de præscr. 30. ann.* nec in viis publicis, *d. l. 2.* in quibus
E e e non

non est patrimonialis, sed communis usus iter faciendi & mera facultas civium. Sed quominus piscationum & venationum jura certis in locis præscriptione temporis acquirantur, nihil magis ob stare videtur, quam quod in aliis patrimonialibus causis Princeps longissimi & immemorialis utique temporis præscriptioni non est exemptus, ut docet Grotius in *lib. 2. c. 4. n. 9. & 11.*

12. Jus navigandi in flumine publico simile est viæ publicæ, nec ideo præscriptione temporis auferri potest; ut tamen jus imponendi victigalia navigantibus, salvum sit Imperantibus, quod rursus ipsum nullâ præscriptione tolli posse diximus.

13. Hactenus de Flumine. sequitur Alveus, quem esse partem fluminis quod populus occupavit, et ejus esse proprium, utique dum continet amnem, manifestum est. Ergo si flumen alium sibi fecerit alveum veteris siccum destituerit, ex simplici & directâ juris ratione, derelictus alveus non potest alterius esse, quam populi; Quod enim ex re meâ superest, id meum est ejusque vindicandi jus habeo, regula non minus est juris gentium quam civilis; sicut domo diruta, non est dubium, quin area maneat ejusdem, cujus fuit domus.

14. Jure tamen Romano aliter cautum est, quasi ex jure Gentium, ut alveus eorum fiat, qui juxta flumen habent propinqua prædia, ut Justinianus è vetustis Juris auctoribus tradit in §. 23. *I. de A. R. D.* quod non esse conveniens rationi juris Gentium bene demonstrat Grotius *l. 2. c. 8. n. 9.*

15. Duo profertur possunt in diversum. I. quod alveus sit pars adjacentis terræ; unde flumen alveum decerpserit, quem restitutum, illuc, unde separatus fuit, redire oporteat: Sed in universum dici nequit, alveum ab adjacentibus terris esse

detractū, cum ejus rei plerumque memoria nulla sit, & occupatio fluminis à populo facta præcesserit divisionem per fundos, unde privata dominia & eorum extensio ad alveos adjacentes fluxit.

16. Alterum, quod populus flumen occupasse non videatur, nisi quatenus eo volebat uti, id est, quatenus erat flumen & amnis. Ubi desierit esse flumen definit quoque populi intentio, alveumque pro derelicto habet, quo non amplius utitur: quo pertinet, quod Celsus filius apud Pomponium in *l. 30. §. 1. d. A. R. D. Cum exsiccatus est*, inquit, *alveus, proximorum sit, quia jam populus eo non utitur.*

17. Hæc ratio bona est, ad probandum, quod populus Romanus alveos derelictos sibi non vindicans, ejus animi fuerit, ut nihil de flumine, quam jus amnis, & quatenus flumen esset, occupare voluerit, ideoque alveum siccum pro derelicto habuerit: sed non efficit, ut talis occupatio restricta, juris Gentium sit, nec impedit, quominus occupatio simpliciter facta, de toto flumine cunctisque ejus partibus accipienda sit.

18. Romanos sub occupatione per Universitatem, solum amnem comprehendisse, liquet etiam inde, quod insulas in fluminibus natas populi esse tradunt, eas demum, quæ alveo non adhærent, sed virgultis aliave levi materiâ sustentatæ fluctuant neque solum tangunt *l. 65. §. 2. n. d. A. R. D.*

19. De reliquis insulis in flumine natis alveoque coherentibus, Romani statuunt idem, quod de alveo extincto; illas jure gentium vicinis prædiorum dominis acquiri, quod rationi non magis quam de alveo dictum est, convenire, tam certum est, quam insula pars est alvei, ut Grotius *d. loco* probat & nos in *part. 1. lib. 4. Digress. c. 21.* comprobavimus. idemque Labeo sensit in *l. pen. §. ult. d. A. R. D.*

R. D. Si id quod in publico innatum aut inaedificatum, publicum est, inquit, insula quoque, quæ in publico flumine nata est, publica esse debet, etsi quomodo hæc verba cum aliis Juris locis eademque Lege §. 1. convenient, hujus loci non sit, inquirere. Hotomanus quidem legendum putavit, *Non si id quod in publico &c. l. 1. obs. ult.*

20. Nec ille solummodo in Juris Romani hic sibi non constare cupit, sed nec aliter ita constitui debuisse ratiocinatur. Quia scilicet, insula in flumine publico nata fluvium dilatat, ac vim profluentis contra vicinos agros allidit, eoque tantumdem fere in adversa ripâ terræ abradit aut occupat, quantum insula in amne continet ac implet.

21. Verum hæc ratio, sicut inepta non est, ad approbandum jus positivum, & quod Romani non sine causâ tribuerint accolis insulas, in compensationem damni ab iisdem insulis accepti, ita non sufficit evertendo validiori fundamento superius posito, quod domino soli, superficies acquiratur: solum est alveus, à populo occupatus, insula quasi superficies & sane pars ejus, ac ideo causam totius & soli substrati sequitur.

22. Planè, cum occupationis effectus ab animo pendeat occupantis, in eo quod diximus acquiescendum; quod populus non habuerit animum occupandi alveum, sed flumen qua tale, quatenus eo volebat uti. Non videtur etiam insulæ dominium per occupationem primam acquisivisse, eoque ubi deserit esse flumen, definit etiam intentio populi & effectus occupationis in alveum atque in insulas.

23. Hinc etiam pendet consideratio ripæ. Nam si populus Romanus alveum per se non putavit occupandum, multo minus id de ripâ propositum habere potuit.

24. Nam si ripa finiatur ita, quod

flumen naturalem cursus sui rigorem tenens continet, ut est in *l. 1. §. 2. d. Flum.* est immediata pars alvei, nec ejus causam sequi non potest; proinde cum alveo toto cedit accolis. Quod si largius accipiatur, ut ripa sit, ex quo terra primum à plano vergere incipit usque ad aquam, ut habet Paulus in *l. 3. in fin. eod. tit.* jam forte magis est pars adjacentis terræ, quam alvei, ac ita plenius & evidentius ad vicinos pertinet: è suppositâ scilicet intentione propriâ populi Romani: Nam ex jure Gentium simplici, ripa vix ab alveo separari potest.

25. Pars ripæ sit, Alluvionis incrementum, ideoque & hoc eandem habet rationem; Ex jure Gentium simplici sequitur ripam & alveum, qui sunt populi; ex intentione populi Romani pertinet ad accolas; etsi jus gentium quoque laudant Jurisconsulti Romani.

26. Quod per avulsionem aliunde vehementiore fluminis impetu adjicitur, manet ejus, cujus antea fuit; quod si non agnoscat aut repetatur, eandem in exitu habet rationem, quam Alluvio: cujus rei argumentum in Romanis legibus habetur, si pars adjecta sic unita sit cum agro, cui accessit, ut discerni non possit, quo casu dominium magis acquiritur adjacenti terræ, ob præsumptam pristini domini derelictionem, quâ quod unio & coalitio per se, causam domini præstare queat. Ideoque id ex instituto magis peculiari quorundam populorum est, quam ex simplicitate juris Gentium, vel potius Naturæ.

27. Nam si de jure Gentium ex usu populorum sit existimandum, fere ita fervatur, ut incrementa fluvialia cedant accolis; nisi quod extant exempla notabilium incrementorum, quæ Principes populivæ sibi vindicaverunt; indicantes ita se jure posse, plerumque nolle sibi vindicare alluviones.

28. Idem fere de maritimis incrementis tenendum: Cum enim littus proprietate sit nullius, non vicinorum, incrementa littoris ad eisdem recto jure non pertinent; sed populi sunt, qui per Universitatem quoque littus occupavit: Ideoque si velit, incrementa sibi vindicare, potest Princeps habens jus populi; quomodo ad Frisiz nostrz littus incrementum alluvionis Biltanz Albertus Saxoniz Dux olim Frisiz Dominus sibi vindicavit, à quo ad Carolum & Philippum Reges, ab illis ad populum Frisiz reddit.

29. Ipsi etiam Ordines Frisiz aliquando serio proscripserunt incrementum alluvionis, quod est in ostio fluminis Eze; tamen si venditio non processit, & manserunt incrementa illa vicinorum, quomodo adhuc habentur; indulgentià quam dixi ordinarià populorum; quz & præsumentur esse commissa, quando fluminum & maris accolz non agros habent limitatos, sed usque ad mare vel flumen infinite possident, ut recte Grotius 11. 9. 11.

30. Cæterùm, quo pacto & quam evidenter Publicz res, ita propriè dictz, à Communibus differant, in *cap. 1. hujus sectionis* expositum est; effectum utrumque discretionis illius in hunc locum rejecimus, etsi ex ipsa divisionis explanatione præsumi potuit.

31. Publicz res sunt in Patrimonio populi vel Principis, populi jus habentis, comprehensz sub occupatione per Universitatem; in quo proinde quisque populus habet idem jus, quod habet in suo patrimonio quilibet privatus. Ac ideo sicut privati alios prohibere possunt, ne vendendi piscandive causa fundos vel lacus suos ingrediantur, ut etiam si quis id invito domino faciat, injuriarum teneatur l. 13. *inf. d. Injur.* Ita Populi Principesque prohibere possunt externos, ne flumina sua commercii piscandive causà in-

grediantur; etsi transitus, innoxios jure negare nequeant; exemplo terrarum, per quas an idem negari possit, amplius in loco videbimus.

32. Si negare potest ingressus fluviorum & portuum suorum exteris, Princeps ob usus non necessarios, sequitur, eum permissionem ejusmodi legibus ac etiam vectigalibus quz velit, onerare & limitare posse, quibusdam etiam interdicere, quibusdam concedere posse liberos aditus, suo arbitratu.

33. Nec est aliud in transitu mercaturz causà, cum aliis ejusdem fluminis accolis exercendz. Cum enim quisque jus habeat in fluminis, suo territorio comprehensis partes, etsi innoxius mercaturz causà transitus videatur, quem ultra modum operz vel ejus quod reverà interest, onerare non possit, terrz adjacentis dominus, validior tamen est prior ratio dominii perfecti.

34. Quod jus habet populus in externos, id etiam habet in semetipsum, vel Princeps in cives suos. Proinde cum jus piscandi in portu Fluminibusque cuilibet è populo competat §. 2. *Inst. de Rer. Divis.* potest hoc jus Principi vel Proceribus deferri, ut in usum publicum locetur, ac ita secundi generis publicarum rerum fiat; quomodo in plerisque populis hodie instituitur. Idem de vectigalibus aliisque præstationibus intelligitur.

35. Explicite est de Publicis rebus, quarum usus suà natura patet omnibus in Civitate, sequuntur res Principis aut populi, quarum usus non est omnium, sed Reipubl. vel Principis, quz talis.

36. In Principatu sive Monarchia res principis possunt esse quadruplices; Privatæ, Dominicæ, Fiscales & Ærarii. Privatæ res, sunt Principis patrimoniales. quz ante & citra respectum Principatus ad illos pertinent, quales sub primis Imperatoribus, Res Cæsaris diceban-

ceantur, cum Caesarum vox adhuc propria nuncupationis esset.

37. Hodie plerumque tales cum dominio Regni conjunguntur & ununtur, ut in Gallia in primis: Exemplum discrepantiæ tamen evidens est in præfenti Angliæ Rege, qui res suas in Germania, Belgio & alibi sitas seorsim ab Angliæ regno bonisque Regiis servat & disponit.

38. Secundum genus est rerum *Dominicarum*, de quibus est *Rubrica in Cod.* magis ut tamen ibi mentio fiat earum rerum, quam quod describantur. Plerique Interpretes eas appellant privatas Principum res, quod mihi videtur accipiendum, ut Ulpianus in l. 2. §. 4. *Ne quid in loc. publ. res Fiscales quasi proprias & privatas ait esse Principis*, quæ Principis scilicet, non Patrimoniales.

39. Quid igitur Dominicæ res à patrimonialibus differunt? Non possumus iterum meliore exemplo uti, quam quod est ob oculos, Wilhelmi Angliæ Regis. Res ejus Patrimoniales sunt, quas habuit ante regnum & seorsim à regni opibus tenet: Dominicæ res, quæ in Patrimonio sunt omnium Angliæ Regum.

40. Pari modo res Dominicæ Imperatorum Romanorum, posterioribus imprimis temporibus, fuere bona perpetua & stabilia Principum, non hujus aut illius, sed omnium, unde se aulamque suam exhibent.

41. Consequenter *Fiscalia* sunt, quæ ex emolumentis ferè casualibus, & maxime per confiscationes acquiruntur. At hæc cum Dominicis sæpe junguntur, cum in jure Romano, tum moribus hodiernis, quomodo apud nos quoque in Frisia res Fiscales cum Dominicis sive domanio conjunctim & eadem Quæstura habentur.

42. Jura, quibus bona Fiscii acquiruntur,

ad rem ejus vel augendâ vel tuendam pertinent. Ad augmentum spectant commissæ vectigalium, Indignorum, variz multæ, Caduca, Bona vacantia, res nullius & similes *confiscationum* species.

43. Commissa vectigalium sunt publicationes mercium & bonorum, de quibus professio vectigalis aliorumque onerum publicorum causâ facta non est, de quibus Jurisconsulti agunt in *tit. de Vectigal. & Commiss.* unde peti possunt, quæ huc conferri nequeunt. Ipsa vectigalia ad *Ærarium* referuntur.

44. Commissa Indignorum, sunt publicationes hereditatum & Legatorum, quæ his quibus relicta sunt & qui se variis ex causis indignos beneficio defuncti reddiderunt, adimuntur & Fisco vindicantur, de quibus est *tit. in Pandect. de His quæ ut indignis*. Quo etiam referuntur, quæ personis incapacibus, quas Leges capere vetant hereditates & legata, clam relinquuntur: Nam relicta palam incapacibus, habentur pro non scriptis & manent penes heredem, quæ de re dix. ad *tit. 1. de His quæ pro non script.* In quibusdam populis hæc indignorum commissæ in desuetudinem abierunt; in aliis merito observantur.

45. Multæ delictorum frequenter etiam in Fiscum rediguntur, tam omnium, quam tertiz vel quartæ partis bonorum vel certarum quantitatum, de quibus in loco de Pœnis agendum. Justinianus Imperator eas valde præcidit, quando capitis damnatorum bona publicationi subduxit, eaque proximis addixit consanguineis in *Nov. 134. c. ult.*

46. Idem Caduca ab Augusto in Fiscii commodum introducta, scilicet, hereditates & Legata, quæ ante aditam hereditatem, sive ante apertas tabulas, eorum quibus relicta fuerant defecerant, sustulit ac ad heredes transmitti permisit in *l. un. C. de Caduc. toll.*

E e e 3

47. Bona

47. Bona vacantia dicuntur eorum, qui sine heredibus mortui sunt, quod raro quidem accidit; attamen si contingat, Fiscus admittitur, si modo intra quadriennium denunciata sint bona, quæ de re nos egimus ad *Inst. lib. 3. in pr. ad Nov. 118. sub fin. & ad tit. x. de jure Fiscii n. 3.*

48. Res Nullius quæ sint, ut jam pridem intelleximus, ita non repetemus. Sed populi Principibus suis adsignaturi certos redditus, nihil prius invenerunt, quam quod sine ullius injuria vel damno dare poterant, Nullius scilicet res, ut sunt Metallum fodinæ, feræ bestiarum, volucres pisces, id est, jus venandi, accipandi, piscandi, denique naufragorum bona, quæ à nemine vindicarentur; item the-

sauri inventoribus acquirendi. Et si illa secundum usum gentium varios aliter alterque se habent.

49. Hæc ad augendum Fiscum. Ad conservandas ejus res multiplicia jura & privilegia pertinent, de quibus *ad tit. x. de jure Fiscii actum*, & quamvis ad hunc locum pertineant, tamen alibi dicta repetere non sustinet animus.

50. Claudimus igitur hoc caput in *Ærario*, quod maxime constat Tributis & Vectigalibus; quorum illa sunt pecuniarum, è censu aliisque collectæ patrimonialibus oneribus. hæc sunt præstationes mercibus, quæ invehuntur & evehuntur, imponi solitæ; è quibus onera pacis & belli omnemque Reipublici necessitates suppletur & præsidia comparantur.

C A P. V.

De Dominio Rerum.

Res singulorum haberi, jure quod in Re vel ad Rem dicitur, quæ jura definiuntur. Jus in Re esse perfectum vel imperfectum. Illud esse Dominium. Causæ dominii acquirendi, primo originariæ, Occupatio & Specificatio suo modo, & quædam Species accessionis, ubi de scætura animalium tum Grotio disputatur. Fructuum perceptio. Derivativas acquisitiones esse vel juris vel facti; hujus generis esse Accessionem artificialem, Confusionem & Traditionem; An hæc jure gentium ad dominium requiratur. Acquisitionem juris, fieri per Usucapionem & Præscriptionem; de cujus justitiâ disquiritur, & de requisitis, tam inter diversas gentes, quam inter ejusdem Reipublici consortes, tam in publicis quam in privatis rebus. Per ultimas quoque voluntates dominia jure, sine facto, transferri, nec aditionem hereditatis jure gentium videri ad dominium acquirendum requiri. De prohibitâ alienatione rerum tam privatarum quam publicarum.

Post ea quæ publicè diximus esse Patrimonii, sequuntur Privata, sive res singulorum; quas ad Juris Privati disciplinam pertinere non est quod moneamus.

Nec est consilii nostri, quod nec habet facultatem, ut terminos Artium confundamus. Nisi detur ratio quædam de illis agendi ab hoc instituto non aliena, quam

quam & Grotius sua methodo preffit, quatenus ad Jus omnium Gentium commune referri possunt.

2. Jus igitur circa res privatas est duplex, unum, quo res tenetur per se, alterum, quo persona tenetur *ad rem* præstandam: quæ differentia sic in hodiernæ institutione Jurisprudentiæ exprimitur, ut prior species appelletur *jus in Re*, altera *jus ad Rem*.

3. Jus in *Re*, est Facultas homini competens in rem, sine respectu ad ullam personam; cujus vi, manum, ubicunque reperitur & à quocunque possideatur, rei injicere quis potest. Jus ad *Re* est, quo alius nobis tenetur ad aliquid dandum vel faciendum, ex quo ipse vel heres ejus, non alius quilibet, ut ex jure in *Re* contra quemvis agi potest, tenetur.

4. Juris in *Re* species variæ exponuntur. Videtur distingui posse bifariam, in perfectum & imperfectum. Perfectum jus est Dominium, quod est Facultas, *de aliquâ re perfecte disponendi, aut eam vindicandi, nisi Lex vel Conventio obstat*.

5. Perfecta dispositio consistit in duobus, in liberâ ~~facultate~~ *administrandi & alienandi*, quæ restringitur prohibitione legis, aut conventionione partium; idque pertinet ad caput, de prohibita alienatione, quod est juris privati; nisi quatenus ad publicas & universitatum res extenditur, uti mox videbimus.

6. Causæ, quibus dominium acquiritur, distingui possunt, in originarias & derivativas, cum Grotio *lib. 2. c. 3*. Originaria est divisio & occupatio. Divisionem potuisse locum habere, duntaxat in primâ generis humani conjunctione scribit ibidem Grotius in *pr. d. c.*

7. Imo & hodie in terris primum detectis & vacuis, vel paludibus, opinor, existatis. Nam et si occupatio quædam per uni-

versitatem in talibus præcedere soleat, dominium tamen, quod est singulorum à nemine in eos, quibus singulæ res aut partes assignantur, est derivatum; ideoque originarium esse videtur.

8. Sed præcipuus acquirendi modus originalis, est Occupatio rerum quæ nullius sunt, & si Grotio credimus, hodiè non datur alius. Egimus hac de re, quod satis, ubi de rebus quæ Nullius sunt, tractavimus.

9. Ad hoc genus etiam refertur à Paulo in *l. 3. §. genera 21. d. Acquir. Poss.* Specificatio, *per quam ipsi, ut aliquid in rerum naturâ esset, fecimus*, quo nihil magis originarium esse videtur. Negat id tamen Grotius *d. cap. 3. n. 3*. Ex nihilo enim cum nihil fiat, aut species ait, ex re nostra, aut alienâ, vel ex re nullius fit. Si primum, est continuatio domini, si posterius est occupatio prius, & dein continuatio domini, Quod si ex aliena re fiat nova species, rem vult esse communem, inter materiæ dominum & Specificatorem *d. l. 2. c. 8. n. 19*.

10. Ergo, vel hæc tamen saltem est modus originalis acquirendi Specificatio, quatenus is qui rem fecit & formam dedit, particeps est domini: Et si juris Gentium est distinctio à jurisconsultis veteribus post multam adoptata disputationem; ut, si quis speciem fecerit, quæ reduci non potest ad primam eandemque materiam, hic solus fiat dominus, qui fecit; videtur admittendum, quod Paulus indicat, specificationem esse modum acquirendi originalem.

11. Si videlicet res ad principium suum reduci nequeat, ut navis à ligno, vestis à lanâ. Nec enim ante specificationem fuit navis aut vestis, sed lignum & lanâ. Dominium rei, quæ prius non fuit, Originarium, ut vult Paulus, haberi posse videtur.

12. Evidentius ad originariam Acquisitionem

fictionem referuntur Insulæ in mari & in fluminibus natæ; priores ad occupationes & res Nullius, de quibus actum; posteriores ad Accessionem referuntur, ut in tractatu de fluminibus dictum. Utræque sine dubio, cum sint res in naturâ Universi novæ, sunt originales.

13. Alluviones huc etiam pertinent. Etsi enim pleraque ab alienis agris abradantur, quia tamen ignotum est, unde veniat, & bona pars materiæ est ab ipso mari, non possunt ad acquisitionem derivatam referri: quod etiam de foeturâ animalium dicendum, qui cum antea non extiterint, eorum dominium non potest dici derivatum.

14. Sed quibus acquiratur Foetus jure Gentium, Dominio genitricis an genitoris, vel utriusque, non otiose quaeritur. Juris Romani prudentes dominium genitricis præferunt solum, idque velut ex jure Gentium; cujus tamen rationi Grotius id negat convenire *lib. 2. cap. 5. n. 29. & cap. 8. n. 8.*

15. Duas habet rationes; primam, quia in multis animantibus patres non minus quam matres foetus curam gerunt; hoc ipso ostenditur, ait, *factum utriusque esse communem*; alteram, quod de utriusque substantiâ procreetur. Unde comunem colligit esse debere foetum animalium, domino genitoris & genitricis, *ὅτι ἡ ἀφοσίωσις τῶν γονέων*; ut Plutarch. *lib. de prole. amo.*

16. Bene, quod ad affectionem naturæ, quæ ne bruta quidem animalia sint expertia: sed hæc à ratione dominii est aliena, quæ materiam æstimabilem requirit. Substantia, quam mas confert, licet ad vim quidē & facultatem procreandi non sit minor, quam quod à genitrice proficiscitur; ad pecuniariam tamen æstimationem, quæ in dominio spectatur, per exigui est momenti; materia corporis est à ventre, cujus pars & accessio Foetus est; maris semen *πρόσθετον*

est, spiritus aëris, ut physici docent. Hæc plenius in *l. 4. Digr. c. 23. & in Eunom. adl. 5. §. 2. de R. V.*

17. Profsus eadem ratione, quæ in fructibus agrorum, qui sementem fecit, non fieri dominum, sed eum, cujus est ager, discimus ex §. 32. *Inst. de A. R. D.* Nam & fructuum perceptio ad originariam acquisitionem pertinere videtur, Quæ scilicet is, qui non habet jus in fundo, fructus tamen ex eo perceptos & primum à naturâ productos facit suos; nam in iis terminis fructuum perceptio intelligitur, pro cultura & cura §. 35. *Inst. de A. R. D.* Nam qui jure soli percipiuntur, magis ad genus derivativum pertinent.

18. Propterea dominus fundum suum vindicans, fructus extantes jure dominii vindicat. In fructibus consumptis bene distinguit Grotius, inter fructus rei & fructus industriz *lib. 2. c. 10. §. 4.* Fructus rei sunt, quos vulgo naturales vocant, & *bi dominum rei sequuntur*, ait; jure videlicet Accessionis; quatenus quicquid solo imponitur, causam dominiumque fundi sequitur. *verum industriz fructus, etiam si sine re non procederent, rei tamen non debentur*, inquit. *d. loco.*

19. Cui nam igitur causæ debentur hi fructus? Cui vero, nisi ipsi industriz, hoc est, curæ & culturæ, quam Justinianus ut naturalem rationem laudat in §. 35. *Inst. de R. Divis.* Requisitum vero, sine quo acquisitio non procedit, est bona fides, idque esse juris Universalis, approbatum est in *lib. 4. Digr. cap. 23.* ubi contra dissentientes disputatur.

20. Hæc de originariis acquisitionibus sufficiant. Derivativæ sunt, quibus dominium ab uno in alium transfertur, eæque vel facti vel juris esse videntur. Priores, quæ actu & contractu corporali; posteriores, quæ legali operatione committuntur.

21. Facti

21. Facti acquisitiones præcipuæ sunt Adjunctio five Accessio artificialis, Commixtio five Confusio & Traditio. Adjunctio fit, quando quis alienam rem ita suæ rei adjungit, ut ejus pars fiat; veluti de purpura aliena suo vestimento adtexta, de aliena gemma suo annulo indita, domo vel arbore solo alieno imposita *similibusque rebus docent Jurisconsulti ad §. 26. l. de Rer. divis.*

22. Has etiam Grotius vocat acquisitiones naturales facti *lib. 2. c. 8. n. 21.* sed alio sensu, quam nos heic Factores acquiri tradimus. Nos per factum intelligimus actum corporalem: Ille factum juri opponit, & negat ex ratione juris Gentium, specificantem aut adjungentem suis, res alienas, harum fieri dominum; quod non habet nullam rationem.

23. Quæ enim factum alterius meum mihi jus & dominium auferat, nihil causæ reddi potest; Nec quidem factio quicquam impedit, annuli vel purpuræ dominium ejusdem manere, cujus fuit, vel ædificantem in alieno habere jus plenum superficiæ, five domus, five plantata vel sata sint.

24. Quare, quod ob prævalentiam, aut certis in casibus Lex Romana constituit, ut accessorium suo principali cedat & dominium ejus extingatur, id naturale non est, sed civile, ad commodius transigenda negotia; natura tamen non repugnante, quia lex habet jus domini dandi. *Grot. d. cap. 8. n. 2.*

25. Sed ubi res non capit alium exitum, ibi dominium pro parte vel in totum transferri vel communicari certum est, & juris naturalis, ut in confusione res docet. *dix. Ennom. ad l. ad l. 23. n. de R. vind.*

26. Confusio & Commixtio, subtiliter quidem ita distinguuntur, ut illa sit liquidorum, hæc aridarum rerum, sed quod ad dominium acquirendum attingit, nullum discrimen recipiunt.

27. Quando enim res diversorum dominorum, voluntate eorum miscentur aut confunduntur, in hoc, ut communes fiant, non est dubium, quin communicentur. At si quando fortuito commixtas vel confusæ sint, non fiunt communes, nisi ex necessitate eventus, si non recipiant separationem; ut non modo, si duorum vina, vel mulsæ, sed etiam, si duorum farinas vel grana confundi & misceri contigerit, ex ratione juris Gentium dictum necessarium est, etsi paulo aliter Justinianus in §. 26. & 27. *Inst. de Rer. divis.*

28. Sed præcipua species acquisitionis derivativæ corporalis est Traditio, per quam Dominium jure Romano & plurius aliarum gentium, tam ante, quam post atque secundum jus Romanum, ab alio in alium transfertur.

29. Esse tamen hoc juris Naturalis, & instituti necessarii non videtur, per ea quæ Grotius habet in *lib. 2. de jur. b. & p. cap. 6. in pr. & §. 1. Cap. 8. §. 25. nec non introduct. jur. Holland. lib. 2. c. 5.* & quæ nos super hoc ipsa quæstione collocavimus in *lib. 4. Digress. cap. 8.*

30. Summa huc redit; cum dominium sit *δικαιον*, ut Theophilus interpret Justiniani Græcus ait, *τὸ κτλ. ἀνεπιβραβεῖον ἄρον*, *Fusmente comprehensum*, nihil vetat, quominus ita sicut omnia jura transferuntur, per declarationem voluntatis ab alio in alium transeat & perfectè acquiratur; Traditio ex simplici ratione Juris Gentium nihil quam possessionem à dominio bene distinctam præstat.

31. Quia tamen satis constat, & ipse Grotius fatetur, Romanos institutum Traditionis ad dominium transferendum ab aliis accepisse gentibus, idemque ferè à populis hodiernis observatur, non est insolens ita dicere, Traditionem esse modum Juris Gentium positivum, quo dominium inter vivos actu corporali

li transfertur & possessione confirmatur.

32. Sed ex eo, quod ratione naturali Traditionem non esse necessariam diximus, intelligi potest, dari causas domini proximas, quibus id sine actu vel contractu corporis in alium transferatur, qualis est *Usucapio* & *Præscriptio*; vocibus his promiscuè sumptis: Etsi Romanis Jurisconsultis, à quibus repertæ sunt, distinguuntur, hoc modo novissime, ut *Usucapio* de corporalibus, *Præscriptio* de rebus incorporalibus usurpetur.

33. Est autem *Usucapio* nihil aliud, quam *Adjectio* domini per possessionem realienæ, cum animo sibi habendi, justo tempore continuatam.

34. Prima dubitatio est, an res aliena sine facto & voluntate domini ad alium solo temporis lapsu transire possit; nam bona fides, quæ nihil est quam opinio domini aut titulus possessionis, manere possunt invidiam, non præbere causam acquisitionis sufficientem & justam.

35. Fundamentum, quod huic acquiritur modo subternitur, scilicet præsumptio derelictionis aut negligentiae domini, qui per tantum temporis spatium non inquisiverit in rem suam, non est adæquatum negotio; quia res etiam per usucapionem ignorantia aufertur; etsi nec, ubi esset, rescire potuerit, ut Romano jure cautum *l. us. C. de usucap.* & alibi observatum est.

36. Recurritur ad utilitatem publicam, ne dominia semper in incerto sint. Verum ut hæc objectionem, non esse faciendam mala, ut eveniat bonum, sustinere queant, addenda est ratio, de consensu civium in singulis nationibus, quam in omni obligatione Legum intervenire dictum est alias, vel potius de consensu generis humani; quæ nisi concedimus, acquiescisse illos in gravissimo incommodo, ac licet de rerum dominiis ullo tem-

pore finiantur, statuendum est. Quæ ratio juncta cum usu omnium populorum, de justitia præscriptionis & *Usucapionis* ambigere non patitur, ut pluribus demonstrat Grotius in *lib. 2. c. 4.*

37. *Usus* ejus in hac arte bifariam occurrit, uterque juris gentium; cum is qui juris civilis est, huc non pertineat. Primo inter cives cujusque, sed unius Reipubl. Alter inter populos Principesque diversos.

38. Utrique lateri quæstionis respondet definitio, quæ nihil requirit, quam possessionem justo tempore, cum animo sibi habendi continuatam. Sine tali animo non posse initium fieri acquisitionis, ipsa res loquitur. Proinde, qui possidet cum animo alii rem habendi, ut Colonus, creditor, commodatarius nunquam usucapere potest: Animus autem intelligitur declaratus: decretum enim cogitationis adversus alios non valet.

39. Justum autem tempus univèso jure Gentium videtur esse, quod hominum memoriam excedit, quod cum longissime sumitur, est Centum annorum, sæpe brevius, ut Jurisconsulti non magis quam ratio definiunt. Grot. *lib. 2. c. 4. n. 7.*

40. Debet etiam hoc tempus esse continuum; quia cum præsumptæ derelictione jus præscriptionis nitatur, significatione voluntatis ante tempus in contrarium facta, cessat hæc ratio.

41. Bona fides aut justus probatio tituli, in hac præscriptione, quæ temporis immemoralis est, requiri non potest, quoniam hæc qualitates in hominum memoria fundatæ sunt; quæ ut ex viventibus, non ut è monumentis literarum haberi potest, intelligi debet; hoc enim modo nulla sæcula memoriæ hominum subducere se possent.

42. Quod autem in hac præscriptione, bona fides titulusque non requirantur, id juxta illam rationem ipsa Pontifex, à quo

quò bonæ fidei requisitum Præscriptionibus, etiam ubi jus civile eam neglexit, additum est, declarat in *cap. 1. de Præscript. in 6. Bonæ fides*, inquit, *non sufficit, sed est necessarius, Titulus, qui possessori causam tribuat præscribendi. Nisi tanti temporis allegetur præscriptio, cujus contrariæ memoria non existat.* Quibus verbis quod nonnulli Titulum duntaxat justum, non bonam fidem remitti volunt, non habet rationem. Præter enim quod bona fides difficulter adesse potest, ubi deficit initium justum, ut recte Cujac. *ad cap. si diligentis 16. x. de Præscript.* quis non videt, bonam fidem in *d. cap. 1.* supponi, titulum superaddi, ut hujus remissio illam involvat. Ac ita recte Decius *conf. 496. Boer. decis. 12. n. 7.*

43. Per hanc igitur præscriptionem, non modo res singulæ, sed etiam regna ditionesque majores ab uno populo vel Principe ad alium jure transire possunt & sæpe transferunt, ut probat exemplis & dictis veterum Grotius *d. cap. 4. n. 2.*

44. Sic fuit Præscriptio inter diversas nationes. Alter usus est in hypothese unius ejusdemque Reipubl. In quâ cum inter cives, tum inter Summam Potestatem & subjectos imperio, res verti potest.

45. Cives inter se, quod ad jus Gentium attinet, non possunt alio jure censerî, quàm de imperii hominibus diversi dictum est; sunt enim hæcenus utriusque pares inter se; verum illi præterea civilibus suæ Reipubl. legibus, de quibus hic non agimus, tenentur.

46. Inter Summas Potestates etique subjectos, quætales, hoc est, quatenus subjecti se tales esse fatentur, non potest habere locum præscriptio in ejusmodi rebus, quæ ad imperii summi naturam pertinent: quia cum illa professione non convenit animus sibi habendi, quem in omni

acquisitione, adeoque & in præscriptione necessarium esse diximus antea, quo pertinet lex 6. C. *de Præscr. 30. vel 40. annor.*

47. Aliud esse juris in rebus separationem à summo Imperio recipientibus, cum in his animus sibi habendi cum subjectione concurrere possit, ratio docet & Grotius in *d. lib. 2. c. 4. n. 13.*

48. Possit etiam cives & subjectos Imperio alicujus, induere animum & præ se ferre voluntatem, eximendi se imperio, & vel separatam constituendi Dominium, vel Imperii partem in unione Reipubl. occupandi, ac ita jure præscriptionis Summæ potestati sese eximendi in *lib. 1.* cum de præscriptione jurium Majestatis actum est, demonstravimus.

49. Sic igitur Usucapio & Præscriptio dominium & jus plenum interpretatione juris transferunt. Idem faciunt ultimæ voluntates tam de singulis rebus quam de Universitate, quæ est Hereditas.

50. Singulæ res per legata & fideicommissa transferuntur, quibus etiam jure civili Dominium & jus plenum sine actu corporali acquiruntur; convenienter juri Gentium, quod ut in actibus inter vivos non requirit ex ratione necessaria Traditionem, ut modo intelleximus, ita in morientium donationibus, quæ naturaliter actum donantis corporalem non recipiunt, eam multo minus admittent.

51. In hereditatibus Testamentariis eadem est ratio; in iis autem quæ sine Testamento proximis cognatis interpretatione juris acquiruntur, actus acquirendi corporalis primo auditu excluditur. Possessionis enim, quæ à corpore initium habet, ratio à dominio separata est.

52. Omnes autem istæ acquisitiones, etsi plenum jus ante declarationem acquirentis tribuant, quominus tamen repudiari possint, nihil obstat; quod voluntate se-

tate semel declarata, in aliorum præjudicium retractari non potest, quo pertinet aditio hereditatis & pro herede geitio quam vocant.

53. Unde, eventu inspecto, isti modi dominium rerum hereditariarum apud Jurisconsultos, demum præstare dicuntur; Et si quominus sola juris vi & ex voluntate defunctorum, dominium æquè per Universitatem, atque per singulares actus, ut de Legatis iidem Juris auctores tradunt, in heredem transeat, idonea ratio nulla sit.

54. Discrimen etiam, quod inter liberos in potestate Patria constitutos, quos excellenter suos heredes iidem auctores vocant, ut illi ipso jure demum acquirant hereditatem, hi non aliter quam facto additionis aut pro herede gerendi, hoc juris positivi, non naturalis aut gentium est; nisi quod Romanum Jus à multis gentibus hodiernis adscitum & quasi commune factum est.

55. Unde, quemadmodum Sui heredes etiam ignorantes hereditarium jus iterum in successores suos transmittunt, etsi hereditatem adierint, vel bonis se miscuerint, ita cum jus perfectum in omnes heredes transeat, eosdem habere jus illud transmissionis immediatæ statuendum est.

56. Unde apud eas Gentes, ubi Jus Romanum pro domestico adoptatum est, heic tamen naturalis ratio tacitè invaluisse videtur, ut non modo liberi omnes, etsi patria potestate non comprehensi, sed omnes etiam infantes & mente capti hereditates sibi delatas ad heredes suos, mortui, transmittant; imò parum abest, quin mera subtilitas & iniqus rigor habeatur, heredes eorum, qui juris sibi delati ignorantes erant, à successione excludere, sensimque ad simplicitatem juris naturalis, mores gentium deflexerunt.

57. Etiam hac in re, quod decantatam Juris Civilis doctrinam, qua nemo testatus simul & intestatus mori posse dicitur, unanimi fere consensu repudiaverunt, utcunque Romani juris conditores, earum rerum naturaliter esse pugnam statuunt, testatus & intestatus L. 7. n. de Reg. Jur. quod profecto non de jure naturæ vel gentium, sed ex hypothese Juris Civilis accipiendum, ea quæ contraria sunt, etsi jure positivo, non posse pariter consistere naturaliter.

58. Quod attinet alioqui ad jus Successionis ab intestato, sicut hoc à Romanis ordinatum est, ita nihil ad ordinem rationemque Juris Naturæ propius accedere videtur, ut fluctuationes populorum, qui alias rationes sequuntur, indicant luculenter; ejusque rei illustre specimen Hollandia præbet, quæ singulis fere civitatibus & territoriis diversum hac parte jus servat, tanta omnes cum micatione varietatis, ut memoriam fallat & captionibus occasionem præstet: quæ de re videatur Grotius *Introduct. lib. 2. 28. part.*

59. Atque his fere modis, jure Gentium acquiritur Dominium, cujus vim consistere diximus in Administratione & Alienatione, nisi quibus alterutra justas ob causas prohibita fuerit; quo pertinent omnes, qui sub Tutela Curaque sunt; de quibus hic agendi locus non est, etsi causa prohibitionum illarum sine dubio sit ex jure naturali & Gentium, ut qui rebus ipsi præesse nequeunt aliorum auctoritate regantur.

60. Quibus administratio interdicitur, his æquè alienatione prohiberi consentaneum est: Sed hac parte plures sunt causæ, in favorem personarum maxime, quomodo pupillorum & minorum utilitas fere ubique gentium res eorum quæ à Tutoribus & Curatoribus libere administrantur, immobiles quidè, sine cau-
sa ne-

fr necessitatis ac decreto Magistratus alienari nequeunt. Nam de mobilibus, quæ servando servari possunt, etiam jus Romanum idem statuerit in l. 22. C. de Administr. Tur. usum tamen Gentium nec sine ratione, secus observatur.

61. Quibus Respublicæ & Universitates non immerito comparantur; Respublicæ, inquam, liberæ & municipales: De prioribus apud omnes populos receptum est, ne qui Rempublicam regunt omniaque libere administrant, è potestate sibi à populo suo delatâ, res tamen & bona Reipubl. alienare possint: *Domania* vulgò appellantur, quod in regnis quidem apud omnes Juris publici Scriptores indubitatum est.

62. Nam de popularibus Imperiis nulla ratio prohibendi alienationem subest, quia populus & Respubl. non sunt distinctæ considerationis. At Principes in voluntariis Imperiis (secus in patrimonialibus, ubi nulla prohibitio intellectam habet) tantum usufructu, cum Reipubl. ipsius administrandæ, tum bonorum quoque publicorum gaudet; cuius juri contrariam esse alienandi potestatem res ipsa loquitur.

63. Sed an optimates in Aristocratiâ jus alienandi bona Reipubl. habeant, magis de jure, quam de facto dubitari posse videtur. Nam ubique Optimates eam facultatem suo arbitratu exercere videmus. Nec enim Senatum Venetum, aut Ordines Hollandiæ, qui habent Aristocratiâ, si quid dominiorum Reipubl. alienare velint, populorum suorum adhibere consensum, palam est.

64. De Jure tamen hæc obstat ratio, quod Imperium & administratio Reipubl.: non defertur illis alio modo vel jure, quam Regibus simpliciter constitutis, neque plus aut minus valeant quam Principes summâ & absolutâ cum potestate creati, quibus cum hæc alienatio

interdicta sit, unde vel quam ob rem Optimates hac parte plus valeant, haud obvium nec facile dictum videtur.

65. Siquidem in populis, qui de Regnis in Aristocratiâ redacti sunt, occasionem hujus juris inde natam scimus, quod sub Regibus populi jus in Ordinum conventu residebat, quorum consensu, in alienandis Reipubl. bonis sufficiebat, unde remotis Regibus, res in eorum voluntate subsistit.

66. Etsi reverà tunc ejusmodi accidit mutatio, per quam Summa Potestas, quæ in personâ Regis aut Principis fuerat, ad Proceres pervenit; nisi dicas Regium jus cum universo jure populi in Ordinibus sive Proceribus esse consolidatum, eosque jus populi, quod prius habuerant una cum jure Principatus, retinuisse: quam populorum opinionem adeoque tacitum esse consensum satis ex re ipsâ liquere videtur.

67. In popularibus Imperiis, ubi Rectores à populis constituuntur & jus ultimum Majestatis ab illis adhuc aliquâ parte exercetur, non est dubitandum, quin patrimonium populi sine ejusdem consensu alienari non possit, non magis quam in Principatu.

68. Hæc ita de Rebuspubl. liberis. Bona Civitatum aliarumque Universitatum, quæ non male pupillis comparantur in Jure Romano, non possunt etiam à Rectoribus eadem libertate alienari, quâ administrantur. Sed res eorum sunt duorum generum. Vel enim ad jus Regalium pertinent, vel patrimonialia sunt. Prioris generis sunt portus, flumina, viæ publicæ, muri quoque & portæ Civitatum, quia Jus muniendi & *Armandia*, quam vocant Feudales, ad Regalia pertinent, cujusmodi res nullo modo posse alienari, nulla dubitatio est.

69. Quare nec ejusmodi res, ob Universitatis debita, executioni subjicere
Fff 3

sunt, nec si qua Civitas bonis cedere velit, etiam portis & muris suis, nedum viis & portibus cedere debet; quemadmodum Civitatem quandam in non ignobili Belgarum provincia consultam à Juris privati magis quam publico peritis, instituisse recordor.

70. Rectius alia civitas eodem incommodo æris alieni subacta, cum bonis cedere vellet, non modo portas & muros, sed etiam Fœra & Pontes, imo Curiam excepit; nec enim hæ res videntur esse patrimoniales, sed ad civitatem, quatenus liberæ membrum Republ. constituit, spectant, cujusmodi rebus se absque Summæ potestatis consensu exuere & ad membrum Reipubl. ex-

hibendum ineptam reddere non potest.

71. Sed bona patrimonialia, domus, agri, omniaque redivus stabiles civitati præbentia, ita demum alienari possunt, si consentiant ipsæ Universitates, sive major pars non tam Rectorum, quam Possessorum vel Civium à quibus Rectores constituuntur, vel quibus Universitas eam potestatem nominatim dedit, ut convenienter juri gentium est in *l. ult. C. de vendit. rer. civit.* Quod etiam de hypothecis sive oppignorationibus, è quibus alienatio sequi potest & debet, intelligendum esse, ratio vult & Juris civilis sanctio in *l. ult. C. de reb. alien. non alienand. Dix. in Prælect. ad Pandect. Quæ res pign. vel hypoth. dari non. poss. n. 7. 8.*

C A P. V I.

De jure Possessionis & reliquis imperfectis juribus in Re sitis.

Possessio quid & jus possessionis quid ab eâ differat, cum divisione Possessionis. Quomodo hæc acquiratur, amittatur, in heredes an transmitatur. Fideicommissi origo, definitio, divisio & usus. De naturâ Servitutis, Ususfructus & Emphyteusos. Ad feuda transitus.

EGimus, ex modo instituti, de jure in Re perfectè constituto, quod est *Dominium*; sequuntur imperfecta jura, de quibus non est libera potestas administrandi, alienandi & ad heredes transmittendi; cujusmodi sunt *Fideicommissa, Pignora, Servitutes, Ususfructus, Emphyteusis & similia.*

2. Sed antequam illas species attingamus, committi non debet, quin de Possessione, quæ similiter est imperfectum jus, etiam in Re non constitutum, post dominium, quatenus ad juris Gentium & publici Universalis rationem pertinet (evidenter autem ad eam pertinet) breviter agamus. Et quidem Possessionis definitionem facit difficilem varietas

& ambiguitas vocabuli, cujus septemplex usum apud Juris auctores exposuimus in *Prælect. ad tit. n. de Acquir. possess.*

3. Ex ratione Juris Universalis, dicendum videtur, Possessionem esse, *Detentionem rei corporalis, cum animo sibi aut alii rem habendi.* Nam etsi Coloni, Commodatarii, Creditores, & Ususfructuarii, magis in possessione esse quam possidere dicuntur; quia tamen retinent, cum hoc effectu, ut illis ante finem juris, quod in rebus habent, eripi non possint, nihil vetat illis adscribere possessionem.

4. Hoc enim est Jus Possessionis, ad pacem generis humani maxime pertinens;

nens; ne cui res possessa, priusquam liqueat, alterum habere jus potius, eripiat. Unde nihil decantatius, quam possidentes se tueri commodo possessionis, & spoliatum ante omnia restituendum.

5. Jus autem potius, causâ cognitâ vel manifestâ, comparatis omnibus, dijudicandum, ut etiam colonus, commodatarius & cæteri nomine alieno in possessione commorantes habeant jus potius, non modo præ extraneis, sed etiam præ dominis res suas reperentibus, ante finem juris ad usum aut detentionem illis concessi.

6. Etiam enim coloni vel commodatarii contra dominos suos, jure civili, non habeant interdicta retinendæ possessionis, implorare tamen possunt officium judicis, si in usu juris sui, ante tempus & sine justâ causâ ab illis turbentur. Creditores autem & usufructuarii non carent etiam prorursus animo sibi habendi, ad tempus vel in certum eventum, si debitum in cuius securitatem pignus est datum, non solvatur: Imo dominus, furti reus est, illis auferendo possessionem, docente Justiniano in §. unde constat 1. de Oblig. ex del.

7. Secundum hæc, Universalis & juris Gentium est divisio possessionis in Naturalem & Civilem, ut illa sit, quando quis tenet rem, cujus scit, se non esse dominum; civilis contra; Sed illa rursus est vel justa vel injusta; Prior, ut Creditoris, usufructuarii, Coloni & similia. Injusta, Furum & Prædonum.

8. Ergo tales etiam jure possessionis, ita ut est, vitiosæ gaudebunt? Gaudent jure Romano l. ult. d. Acquir. poss. ratione non propria Quiritibus, sed omnium gentium communis, quæ vult, ne quis suum aliter quam per judicem reponat, sine discrimine, quo jure possessor rem detineat, ad evitanda bella & pugnas, quæ ex privata occupatio-

nibus & ademptionibus evitari non possent, quia possessori vim vi repellere licet.

9. Quod si vis major illata resque ablata sit, in eo quod diximus, leges & mores omnium gentium conspirant, spoliatos ante omnia restituendos, id est, Antequam utrius sit res in proprietate, discutiarur, possessori quod ablatum est in eodem situ restituatur.

10. Ex his apparet, jus possessionis esse diversum ab ipsa possessione. Nam hæc est detentio, sive actus primus detinendi rem corporalem. Jus possessionis est, facultas illam detentionem conservandi & eripere volentibus resistendi: plane sicut dominium discrepat à jure domini, quod est, administrare, alienare, vindicare; & Servitus à jure servitutis, quod est ire, agere, ac ita in cæteris.

11. Ne quis heic jus possessionis imaginetur, quod latius pateat, quam ipsa possessio; aut extet, ubi possessio non extat. Nec enim jus adipiscendi aut recuperandi possessionem rectè Jus Possessionis simpliciter appellatur; non magis quam jus crediti, quo quis ad dominium consequendum agere potest, jus Domini rectè dixerit.

12. Proinde qui hoc agit, ut possessionem adipiscatur, aut recuperet, illum non agere ex possessione, neque ex jure possessionis, etiam de possessione agat, manifestum est. Agit ex æquitatis jure, quo contendit sibi detentionem rei esse præstandam vel restituendam.

13. Unde perspicuum est, Possessionem non esse ejusmodi jus, quo manum rei, ubicunque sit, injicere possumus; quemadmodum Jus in re constitutum, quod dicitur, antea definitum est, in cap. 5. n. 3. ut alibi latius demonstratum est in prælect. ad tit. Inst. de Interdict.

14. Possessio igitur ut nostra sit, oportet

portet rem actu detinere, saltem actu primo, inquam; nec enim, ut actu secundo & exercitio rei semper incumbamus, aut nobiscum ut testudines, circum feramus, humanarum rerum conditio fert.

15. Sed initium possessionis necessario debet esse ab actuali & corporali detentione, junctâ cum animo sibi habendi, si definitio *suprà* rectè collocata est; nec enim detinere est animo solo concipere detentionem, sed rem in manibus & in potestate habere, ac ideo quod jus Romanum tenet; possessionem *nonnisi animo & corpore simul acquiri l. 3. §. 1. π. de Acquir. poss. ex ipsâ rei natura petitum & juri naturæ consentaneum est.*

16. Quemadmodum æque rationi communi esse conveniens, ut animo solo per aliorum ministerium retineamus possessionem, haud minus expeditum & jam dici occupatum est.

17. Amissio possessionis quominus animo solo fiat, cum absque animo sibi habendi Possessio non consistat, nihil impedimento est, ut eodem jure Romano, convenienter juri Gentium, obtinet *d. l. 3. §. 6.*

18. Quo pertinet *Constitutum Possessorium*, quando quis, rem tenens & retinens, eam alii se possidere profiteretur, quo factolle fit minister alienæ possessionis, eâ quere nihil est hodie frequentius.

19. Unde etiam constat, infantes & furiosos, qui tali animo carent, per se possessionem acquirere non posse, nisi aut Tutorum aut Curatorum suorum ministerio *l. 1. §. 20. l. 32 §. 2. d. Acquir. poss.* Nec aliam Civitatum esse rationem, per suos Administratores *d. l. 1. §. 23. & sequ.*

20. Quod si tales aut aliorum Procuratores, officii ratione neglecta, diversum in Juant animum, neque se dominis

suis, verum sibi aliisve se acquirere profiteantur, instrumenti medio deficiente, non potest etiam dominis acquiri possessio *d. l. 1. §. 19. & 20.*

21. Nec aliud in amittendo, juris esse potest; si colonus, inquilinus, Procurator aliisve minister possessionis eam dereliquerit, aut in alium; etsi ignorante domino, transfulerit; cum hic possideat, alterum desuisse possidere oportet. Idque nonnisi jure positivo seu lege mutari potest, quod novissime factum à Justiniano in *l. ult. C. de Acquir. poss.*

22. Etsi quando minister rem modo dereliquit ab alio non occupatam, quominus eam primus adhuc animo possidere videatur, nihil obstat: Sed ut prioris animus pro possessione habeatur, ubi alius actu possidet, id utique non habet facultatem. Ac ita res est, etsi Juris civilis auctores nonnihil hac parte variant, de quo non est hic locus agendi.

23. Id verò præteriri non potest, utra positio Juri Gentium melius conveniat; quod *morte possessio extinguatur*, in heredem nullo modo transmittenda; vel *quod in Heredem transeat* absque novo actu occupationis. Prior est Juris Romani; posterior, hodiernarum Gentium, saltem plurium sententia & consuetudo, juxta celebre dictum, sermone Francorum passim cognitum, *Le mort saisit le vif*, Id est, *Mortuus vivum mittit in possessionem.*

24. Sed hæc sola phrasis satis indicat, illam missionem in possessionem viventis à mortuo factam, esse figmentum juris positivi, & cum morte, possidendi actum etiam primum extinguere, novamque detentionem facto heredis inchoandam esse, jure naturali & Gentium.

25. Alioqui possessio consideratur ut jus abstractum, habens consistentiam sine actu saltem primo detentionis, quod

cjg

Qua naturæ & definitioni *suprà* collocatæ adverstatur.

26. Cæterum, illud jus & commodum possessionis, quo quis habet facultatem tutelæ publicæ, qualiceat ipsi rem detinere eaque frui, quamdiu aliuseam jure non evicerit, in hac imperfectâ Republicarum constitutione & tarditate ac ambagibus judiciorum, non immerito magni momenti habetur.

27. Cum autem detentio in facto consistat, frequenter usu venit, ut eâ de re, violentæ concertationes orientur: ac ideo ad publicæ quietis rationem maxime pertinet, de controversiis possessoriis, ne occasio rixis & pugnis detur, imprimis expedite jus dici, quod Legibus populorum diligenter cautum est.

28. Non esse Possessionem eam Jus in re constitutum, antea diximus: Et si, cum circa rem veratur, in hoc capite omitteri non potuit. Sed ex juribus ejus generis imperfectis primum hujus loci, occurrit *Fideicommissum*; quod est, *Onus rei impostum, quo is, cui per ultimam voluntatem, res prima relicta fuit, eam alii restituere debet.*

29. Romanis hæc ratio continuandi ultimas voluntates diu ignorata, serò in mentem venit, occasione personarum incapacium, quibus lege prohibitis capere testamento, hereditates & legata, ministerio alieno relinquebantur, rogando personas jure capaces, ut sibi relicta, aliis restituerent.

30. Sed cum brevi displicisset hæc elusio Legum, vindicatis Fisco rebus ita relictis, mansit tamen usus Fideicommissorum, transformatus in modum substitutionis, ita ut post mortem primi heredis aut legatarii, res ad alios perveniret; quod olim in potestate testantium esse non credebatur, sed hodiè perrupit in morem & jus gentium, abiitque in varias species.

31. Est enim Fideicommissum Universalis vel singularis; Illud de totâ, vel de parte hereditatis, hoc de rebus singularis. Utrumque vel expresse vel tacite relinquitur. In expresse sunt duæ institutiones heredis aut legatarii, quorum ab uno res ad alterum devolvitur. In tacito prohibitio alienandi respectu certorum hominum aut certæ familiæ, à quibus alienatæ res vindicari possunt, adjicitur.

32. Consequenter; Fideicommissum est dividuum vel individuum, perpetuum vel temporarium; de quibus differentis hæc observatio est *hujus loci.*

33. Cum fideicommissa sint dispositiones in longum, minor est humane vis prudentiæ, quam ut omnes casus, è quibus dubia oriri possint, à testantibus prospici possint. Unde nulla fertilior est controversiarum leges, quam Fideicommissarium institutum, in primis si dividuum maximeque si perpetua sint.

34. Quæ res in causa fuit, ut in more & jus Gentium valide abierit, quod jure Civili dubium habetur, *Fideicommissa perpetua quarto gradu terminari*: quia merito ad Rempubl: pertinere creditur, ut litigiorum fontes aliquando præcidantur.

35. Quin si perpetua & dividua in rebus singularibus, ut Agris & domibus, condantur, Fideicommissa, res eo sæpe redigitur, ut domus collabantur, atque possessiones in summam redigantur incertudinem; cujus exitus non nisi sublato per rescriptum Principis onere Fideicommissi, deinceps reperiri possit.

36. Unde non immerito dubitari possit, an rationi juris Gentium, publicæque utilitati non esset convenientius, Testandi libertatem intra primam post orbitum disponendi facultatem, quæ consistat in jure instituendi heredes legandique, & in casum, si primus, heres non fiat, substituendi, coerceri, quam per-

mittere patri, ut etiam intra pubertatem de bonis filii propriis & cuilibet Testatori, ut de bonis suis in æternum ac in infinitum disponere possit.

37. Prius quidem de Substitutione pupillari quæ dicitur, ut moribus populi Romani arbitrariis introducta fuit, ita plerumque moribus hodiernis Gentium abrogatum videmus. Posterius in pleno viridis observantiæ rigore manet: Imprimis id, quod ad conservationem & splendorem familiarum pertinet, ut sit facultas custodiendi bona vel cuncta, vel notabilia quædam adversus vim sævientis fortunæ vel prodigentiæ successorum, in usum atque subsidium posteritatis.

38. Hæc de Fideicommissis collocata sufficient. De Servitutibus rerum minus adhuc præsentis instituti in hunc locum congruit. Digitum intendisse fat erit. Est Servitus nihil aliud, quam *Jus in Re alienâ constitutum, quo dominus aliquid in nostram utilitatem patitur, vel non facere cogitur.*

39. Debetur autem nobis, ratione Rei vel ratione personæ. Unde servitus est realis, vel personalis. Illa, quæ nobis ut possessoribus prædii Rustici vel Urbani competit aliquid juris in prædium vicinum; velut, eundi, agendi, vehundi, aquam ducendi, pecus ad aquam appellendi; nec non immittendi stillicidium vel flumen, prohibendique, ne alius tollat ædificium suum, ne luminibus nostris officiat, & similia.

40. Ex eo, quod talia nobis jure servitutis debentur, intelligimus, neminem ejusmodi jura in alienis rebus, sine causa servitutis acquisitæ, exercere posse; ne quidem innoxie, si quis hanc obtendat, utilitatis causâ; nec quidem si absque incommodo suo realienâ carere nequeat: opus est tamen consensu domini impetrato, cui id excusare vel recusare, qua-

tenus alieno incommodo jus alterius non impeditur, licet:

41. Nisi Magistratus publicæ utilitatis causâ, vel ne malitiis indulgeatur, partes suas interponat, quo minus agricultura vel commercia impediuntur; aut homines summo jure per injuriam vexentur.

42. Quo pertinet Petronæ Constantinopolitani exemplum, qui structa domo magnificâ, viduæ cujusdam luminæ penitus obscuraverat, quod sane cum nullam servitutem vicinæ deberet, si modo vicinâ superficie abstineret, ei licebat, per l. 8. C. d. Servitus. l. 9. & l. 14. v. d. Servit. urb. Theophilus tamen Imperator adeo tulit ægrè, quod per luxum pauperi viduæ insultasse videretur, ut domum destrui, hominemque publice per vicos flagris cædi jusserit, at ex Manasse probavimus & illustravimus in part. 1. lib. 4. Digress. cap. ult.

43. Usum Servitutis consistere in Utilitate diximus, eaque vel Rei vel personæ. Proinde servitus est realis aut personalis. Et in priori, quæ per excellentiam Servitus dicitur, utilitas excedere non potest usum prædii: nec valet, instituta commercii, aut etiam voluptatis causâ l. 8. l. 19. de Servit. l. 5. d. S. R. in fin.

44. Sed an non hæc est positivi juris subtilitas, cum in jure Gentium nihil sit, quod talia ex ipsis prædiis concedi prohibeat? Non est tamen ita, sed ad ipsam rei naturam hæc à Juris auctoribus satis presse exacta videntur. Personalis obligatio de quibuslibet rebus non turpibus contrahi potest, sed jus in re, quod rem adficiat eique inhæreat, non nisi rei naturæ conveniens imponi potest; nec rei quicquam, nisi reale, deberi potest: non voluptuarium, non commerciale; nec quod ejusmodi est, inter rem & rem intercedere potest.

45. Eadem ratio dicat, naturam Servitutis

vitutis in faciendo conſiſtere non poſſe, ſiquidem facienda qualitas in rem, in prædium nullo modo congruere poſteſt: Ideoque & illud ad rei naturam expreſſum eſt, ſervitutis uſum in patiendo vel in non faciendo conſiſtere. Si quod faciendi jus rei imponatur, ad hoc perſona conſtituentis ejuſque heredes obligantur; prædium ipſum non adſcitur, ideoque adverſus tertium inde poſſeſſorem agi non poſteſt, qua in re ſervitutis efficacia conſiſtit.

46. Ne quidem in Servitute perſonali, quales ſunt Uſuſfructus, Uſus & Habitatio, faciendi qualitas uſu venire poſteſt: Sed quia perſonæ debetur, & hæc voluptatis atque commercii capax eſt, nihil vetat, emolumentum Uſuſfructus ad voluptatem quoque & ad commercium adhiberi.

47. Eſt enim Uſuſfructus, Percipiendi jus omnis emolumenti ex rebus alienis, cum vitâ finiendum, ſalva rerum ſubſtantia. Verum Servitus Uſus quæ dicitur, ut à Romani Juris auctoribus eſt prodita, ſolam continet neceſſitatem, & à commercio uſuque voluptuario remotus eſt: quas Servitutes ita quidem diſtingui nihil vetat, ex ratione juris Gentium; Attamen vix eſt, ut eodem jure Gentium poſitivo, diſcrimen illud receptum ſit; quia determinatio neceſſitatis illius, ab utilitate reliquâ ſeparatæ, tam lubrica & intricata foret, ut parum abſit, quin uſu gentium Servitus Uſus ignoſcatur aut improbatuſ ſit: Exemplum certe nullum unquam cognovimus.

48. De uſuſfructus natura participat Emphyteuſis & Feudum. Emphyteuſis enim, ſi jus conſtitutum, à conventionæ qua conſtituitur, ſepares, ita finiri

poſteſt. *Jus quoddam utendi fruendi re immobili alienâ, ſub Lege penſionu annua quam diu illa ſolvitur, & res tota non interit.* Ita medium jus eſt, inter Dominium, & uſum pro mercede, vel ulumfructum gratuitum.

48. Duplex uſus, propter quem hoc jus ſit introductum, eſſe videtur. Primus, ut agri inculti, quos Domini ſolitis conditionibus locare non poterant, jure dominio proximo, & pro modicâ penſione, in perpetuum transferantur.

49. Alter uſus, ut, qui rebus ſuis ipſi commodè ſupereſſe non poterant, alios quaſi in partem domini, quod utile dictum eſt, admitterent, ut ratio Mei & Tui illos in re cuſtodienda faceret diligentiores: Quâ cauſâ Principes & Civitates hujusmodi agros veſtigiales ſive emphyteuticos frequenter exercere videmus.

50. Hæc ita levi manu attingiſſe ſufficit; De pignore, deque Superficie & jure Cenſitivo quod dicitur, ſimilibuſque in Re conſtitutis juriſibus, omnino ſuperſedebimus, quia nihil de illis à privati juris rationibus ſeparatum heic collocandum habemus.

51. Sed de Feudiſ, quæ non procul ab Emphyteuſi recedunt, hujus diſciplinæ ratio poſtulat, ut latius agamus; Cum enim uſus eorum omni Europâ ſere ſit Univerſalis, exceptis Angliâ & Friſiâ; tamenſi apud nos haud penitus ignoſcantur; à jure publico Univerſali, quod eſt præ manibus, omnino dividi non poſſunt. Ergo ſectionem de illis propriam operæ pretium erit, complecti. Agemus id & breviter & perſpicuè, ut erit facultas.

S E C T I O V.

D E F E U D I S.

C A P. I.

De Feudi definitione, & divisionibus.

Definitio, etymologia & Origo Feudi. Divisio in masculinum & Femininum. Novum & Antiquum. Nobile & ignobile. Ecclesiasticum vel seculare. Corporale aut incorporale. Ligium vel non ligium. Hereditarium, vel ex pacto & providentiâ. Temporale vel perpetuum. Dividuum vel Individuum, denique proprium vel improprium.

Definitio Feudi sit hujusmodi, *Jus quoddam utendi fruendi re immobilis, ex beneficio domini, sub lege fidei constitutum: Ususfructus vocatur in lib. 2. F. 1. 32. sub f.* Sed improprie, ac ideo dicitur jus quoddam utendi fruendi, quia differt à simplici Ususfructu, per Legem fidei, & quod ad posterostransmittitur.

2. Nomen Feudi est à fide, longobardicè *fede* 2. F. 3. in f. vel à Germanico *Feida*, quod bellum significat, etiam Longobardis, qui fuere Germani. Feuda enim à belli usu originem habent, unde *κρηματα στρατιωτικά, prædia militaria* vocantur hujusmodi Possessiones, apud Harmenopulum 1. *epitom.* 16.

3. Victores enim antiqui agros & prædia jure belli publicata, suis ducibus & militibus in præmium assignabant, ut inde se suosque in armis exheberent, evocatique dominis suis præsto essent, ad quam originem potius quam ad universam Feudorum naturam pertinet Hottomanni definitio Feudi; quod sit, Clientela militaris, eâ lege contracta, ut cliens pro beneficio accepto, militarem operam præbeat, vicissimque Patronus

suam illi fidem & benevolentiam præstet *disp. Feud. c. 4.*

4. Hoc autem institutum vetustissimi omnium gentium usus, à Germanis, cum pleraque Europæ ditiones occuparent, præ cæteris, & à Longobardis maxime in Italia stabilitum, ibique in disciplina celebrem redactum est, auctoribus imprimis Gerardo Nigro & Oberto de Orto, Jurisconsultis & Consulibus Mediolanensibus.

5. Sed usus Feudorum, deinceps, ut fit in rebus humanis, admodum auctus & mira varietate indutus est: Unde varietatis species, quæ distingui possunt in summâ, quod vel sint ab Origine desumptæ, vel à materiâ, vel à formâ, vel à quibusdam aliis qualitatibus.

6. Ab origine sunt tres divisiones. I. Feudum est masculinum, vel femininum, prout à mare vel à femina primo est acquisitum, etsi aliis femineum est, in quo femina quoque succedunt; *c. un. pr. 2. feud. 30.* Et quidem in dubio præsumitur esse masculinum, pro natura fidei & servitorum.

7. II. Feudum est novum & Antiquum.

quum. Novum est, cujus causam acquirens non habet ab alio, sed immediate à domino & à se ipso. Antiquum, cujus causam quis non habet à se ipso, sed ab alio, qui primus Feudum acquisivit *c. un. vers. novam invest. 2. F. 32.* hoc etiam Paternum dicitur. In dubio, possidente vasallo, præsumitur antiquum.

8. III. Feudum est vel Nobile vel ignobile. Prius Nobilitate excellit, quod in dubio præsumitur *2. feud. 10.* Ignobile contra intelligitur. Nobile rursus aut Regale, vel non Regale vocatur; Illud quod Summi Principis auctoritate concessum est, cum dignitate regali, voce latius accepta, ut non modo Regnum, sed etiam Electoratus, Ducatus, Principatus, Marchionatus, Comitatus & Baronatus intelligatur. Denique, omnes qui Capitanei dicuntur, Regale feudum habere censentur *2. F. 34. in pr.* Non Regale quid sit, è Contrario intelligitur; & hoc qui habent, Valvasores simpliciter vocantur. *d. c. 34. in pr.* et si Valvasorum quoque generalis appellatio est *1. F. 1. in pr.*

9. Ratione materia sunt duæ divisiones summæ: 1. Feudum, est vel Ecclesiasticum vel Seculare. Ecclesiasticum variè sumitur, à personis constituentibus *1. F. 1. in pr.* Ab his, quibus conceditur *2. F. 40.* maxime à rebus, in quibus feudum constituitur, si res Ecclesiæ sint *2. F. 35.* plerumque autem illi respectus concurrunt. *dd. ll.*

10. II. Feudum est rei corporalis aut incorporalis, quæ pro immobili habetur; ne à definitione abludat hæc divisio. Exprimitur etiam his terminis, *in Curte vel extra Curtem.* In Curte dicuntur Feuda jurium rebus coherentium, quæ res manent ipsæ in Curte, sive Palatio concedentis. Extra Curtem, sunt Feuda prædiorum, quæ extra domum concedentis, possessione transferuntur in alienas manus *2. F. 51. in pr.*

11. Feudum in Curte dicitur, de *Camera* vel de *Cavena*. *2. Feud. 2. §. 1.* Illud est stipendium vasallo à domino concessum, è camera, id est, ærario suo; vocatur etiam Soldatæ, à præstatione solidorum *2. F. 10. in f.* Hoc vero, præstatio victus è cavena, id est, è cella domini. Cujac. *ad d. c. 2. §. 1.* Utrumque mere gratuitum esse potest, sub lege fidei, sine ullo onere: Utrumque morte dantis & accipientis finitur *d. c. 10. in f.* Sed Feudum Habitationis morte solius accipientis finitur *2. F. 105.* Verum hæc species à naturâ Feudi ordinaria latius notabiliter, ut apparet, discrepant.

12. Ratione formæ, Feudum est vel Ligium, vel non ligium. Feudum ligium est, pro quo vasallus domino fidelitatem debet, adversus omnes, Deo & Imperatore exceptis *4. Feud. 99.* à ligando dictum. Exceptio Imperatoris est in *l. 2. F. 1. 55. in f.* Etiam Pontificis Romani *2. F. 101.* Inde sequitur, Vasallum Ligium habere non posse, nisi Imperatorem vel Regem aut Principem, qui nullum habet superiorem. Item duobus neminem ligio Feudo teneri posse *2. F. 52. §. 2. & c. 99.* ubi tamen id ipsum, per facultatem Substituti, respectu alterius, datam, videtur eludi. Quid sit, non Ligium feudum, ex oppositione colligi potest.

13. Celebris est divisio Feudi in *Hereditarium, & ex Pacto & providentiâ.* Hereditarium vocant, in quo transmissionis ad heredes fit mentio, quam ex dispositione juris communis procedere volunt. Ex pacto & providentiâ dicitur, in quo filiorum & sanguinis mentio fit tantum, ubi successio vadit ex dispositione juris Feudalis. Sed verius est, hanc divisionem eo sensu non esse accuratam, sed mentionem heredum in constitutione Feudi, pro materia subjecta esse intelligendam. Et cum regulariter Adscendentes,

dentes, feminae, cognati, adoptivi, naturales à successione Feudi excludantur, ut *infra* videbimus; heredum vox eo modo quem rei natura fert, capienda videtur, pro filio sive masculo, quod & probatur, 1. F. 13. *vers. Esti clientulus* 2. F. 34 § *similiter v. ut, si habeat* 1. F. 1. §. *cum vero* 2. F. 18. & 26. §. *fin.* Plene, quominus pactis specialibus Successio Feudi ad juris communis regulam disponatur, nihil impedimenti est, sed eo quem diximus, sensu, Divisio non videtur habere facultatem.

14. Ex aliis qualitatibus, Feudum dividitur I. In temporale & perpetuum. Temporalia primitus erant omnia Feuda, semper ad libitum domini, instar precarii; dein ad annum firma fuere, postea ad vitam, denique ad filios, postremo ad omnes posteros mares continuata sunt 1. F. 1. §. 1. Et sic hodie Feuda pleraque sunt perpetua, exceptis, quae *in Curte* diximus, & quae specialiter ad tempus, vel ad beneplacitum concessa fuerint.

15. II. Feudum est dividuum vel individuum. Et quidem dividua sunt pleraque, inter eos, qui ad successionem vocantur. Sed Regalia sunt individua 2. F. 55. §. *firmiter vers. Præterea*, quod consuetudinibus dein ad Regale proprie dictum fuit restrictum; reliquis Principibus in Germania & Italia dividi so-

litis; quod tamen novissime plerisque familiis illustribus merito displicuit. Alicubi, ut in Hollandiâ, Feuda generaliter individua sunt. Neoltad. *Obs. Feud.* 8. 9. Grot. 2. *Introd.* 41. n. 3. ubi & distinctio Feudi in bonum & malum. Hoc appellant, in quo soli mares primogeniti descendentes admittuntur, absque jure representationis. Feudum bonum vocant, quod non redit ad dominum, quamdiu ullus è cognatis superest, ut Grotius *ibidem*.

16. III. Feudum aliud est Proprium, aliud improprium. Illud, quod ad communem Feudorum naturam est conformatum, quod & rectum à multis vocatur; licet alii Rectum dici putent, à causa, quasi Legitimum, & bonâ fide iustoque titulo quæsitum. Improprii variae sunt species. Supra habuimus, Feudum è Camera & è Cavenâ, atque Habitationis. Huc etiam pertinet Feudum Guardiae & Gastaldiae 1. F. 2. Prius est custodia prædii, pro mercede. Alterum, procuratio prædii, æque pro mercede. Utrumque post annum auferri potest *d. cap.* 2. ibique *Cajac.* Est etiam Feudum Advocatiæ, cujus mentio *fis.* 2. F. 27. §. 5. Utrum vero sit pecuniarium, an prædiale non exprimitur; causam designante vocabulo, quod defensionis & patrocinii gratiâ concedatur.

C A P. I I.

De Constitutione Feudi.

A quibus Feudum constitui, à quibus acquiri possit. Quæ in Feudum dari queant, & quid illis cohæreat, ubi de jurisdictione. Causas constituendi esse Pactiones & stipulationes, etiam posse ultimas voluntates. Modum acquirendi esse Investituram, quæ exponitur, & Præscriptionem. De juramento Fidelitatis & de Servitiis.

IN Constitutione Feudorum agendum est de Personis, de Rebus & de modis. De personis tam constituentium, quam his quibus Feudum conceditur, videndum. Constituiere possunt Feudum novum, omnes qui non prohibentur, & rerum suarum administrationem habent, etiam feminae, 2. Feud. 3. Plerumque ita, ut constituentibus beneficium tribuant vasallis; Sed deinceps invaluit, ut multi sua prædia Principibus deferrent, à quibus eadem rursus in Feudum acciperent, varias ob causas, de quibus ad Hollandiam quod attinet, Grot. 2. Introd. 41. n. 13. 14. Prohibentur igitur, qui alienare non possunt; sive dominio careant, ut Tutores, Curatores & Procuratores; multo magis, qui nihil juris in re habent; sive pupilli & minores & quicumque sub Curatoribus agunt.

2. Accipere Feudum novum possunt omnes d. c. 3. etiam qui dare prohibentur, ut infantes & furiosi per suos Tutores & Curatores, etiam filii familiarum; sed hoc ex ratione juris civilis, ita, ut usufructum Patri suo, jure Patriæ potestatis, acquirant, l. ult. C. de Usufr. Feudum eidem quoque, dum in potestate sunt, acquirere videntur, cum nihil jure Feudali contra statutum reperitur. Infames etiam, recte donantur Feudo, nisi dignitatem habeat conjunctam, per l. 2. C. de Dignis. Neque non

Clerici, modo servitia non imponantur Feudo, quæ ab illis præstari nequeant, aut officia illorum impediunt. d. c. 3.

3. Quin etiam superiores ab inferioribus Feudum accipere possunt, iisque fidem & servitia debere, saltem per substitutum; adeo ut Imperator ipse eâ lege teneatur 2. F. 100. Quemadmodum plures alii Reges & Principes, vasalli sunt aliorum, ut ex Historia constat. Quod autem Imperator Romanus Pontifici fidelitatem in d. c. 100. post Deum, ut habetur *ibi*, debere dicitur, id de Spiritualibus, ut Vicario Christi, qualis *voynus* *ivras*, pro superstitione temporum, est intelligendum.

4. Res, in quibus Feudum constituitur, sunt corporales & immobiles, iisve cohærentes vel æquipollentes, ut sunt jura, Soli rebus adnexa 2. Feud. 1. §. ult. Huc igitur pertinent, fundi, ædificia, sylvæ, horti, metalli aliæque fodinæ; castra quoque, pagi, urbes, territoria, Provinciæ cum titulis dignitatum. Mobilia scilicet, nisi rebus immobilibus cohæreant, vel *in* accedant, in Feudum dari non posse, nisi admodum improprie, inde jam satis liquet.

5. Si queratur de rebus concedenti cum aliis communibus, de rebus alienis, accipientis propriis & generaliter omnibus, quarum alienatio Lege vel testamento, vel denique pactione prævis prohibita

prohibita est, eas nec in Feudum dari posse, cum hæc etiam species alienationis sit, omnino statuendum est, 2. F. 3. *sanctâ l. ult. C. de reb. alien. non alienand.* Neque tamen refragatur iis, qui pari sensu & iisdem casibus, quibus illæ res jure civili possunt vendi, etiam in Feudum dari posse videantur, quod & juris civilis rationibus petendum heic loci explicari non potest.

6. Proinde res alienæ, jure quidem in Feudum dari non possunt 1. Feud. 9. & 2. F. 35. Nisi consentiente possessore, & ejus successoribus. In futurum autem aut in casum, si præiens Possessor sine herede Feudi capace decedat, sine præjudicio ipsius, dum vivat, ejus Feudum à domino in alium conferri posse videtur. 1. F. 27. §. 1. quod tamen in Feudis Ecclesiasticis non procedit, 1. F. 3. & 9. Item 2. F. 25. §. 1. & 35.

7. Accedunt autem rei in Feudum concessæ non solum quæcunque nominatim expressa sunt, verum & alia, quæ rei concessæ necessario cohærent. Quæ parte quæsitum est, an castro, vel pago cum jurisdictione concessio, Imperium, quoque vasallo concessum intelligatur; quod de Imperio minore sive mixto, non habet dubium, cum sine eo nulla sit jurisdictione *l. ult. x. d. off. ej. cui mand. est jurisd.* De majore sive mero Imperio locus est, cum, quia hoc non est jurisdictione, ex usu juris communis, *l. 3. x. d. jurisd.* tum quod nulli quam cui specialiter nominatimque datum est, competit *l. 1. x. d. off. ej. cui. mand.*

8. Quid si adjectum sit, *cum omnimoda jurisdictione*? Ex ratione juris civilis adhuc idem dicendum *l. 16. & 37. de jurisd.* Sed cum in usu fori prævaluerit hæc sententia, duas esse jurisdictionis species, Civilem & criminalem, vox *omnimoda* non potest habere vim suam, nisi utraque species, quam in forensi tri-

tura sub eâ comprehendunt, adeoque & Merum imperium intelligatur. Quod si Feudum vetus vel castrum, habens jam pridem merum Imperium, alicui detur in Feudum, in hunc, Castrum, sicut est, adeoque merum etiam Imperium transire, non videtur dubitandum.

9. Porro modus Feudi primum constituendi differt à causis, eodem fere sensu, quem in dominio acquirendo Interpretes Juris communis observant; ut causæ sint *tituli*, quibus Feudi jus acquirendi fundatur; Modus sit *Causa proxima*, per quam Feudum in actu & in *esse*, quod ajunt, constituitur. Causæ igitur sunt Pactiones & Stipulationes aliique tractatus, quibus aliquis ad Feudum alteri concedendum obligatur. Quominus etiam in ultimâ voluntatē quis heredi suo jungat, ut Feudum alteri concedat, ut de Usufructu, Servitute, Emphyteusi aliisque juribus fieri constat, nihil obitare potest.

10. Modus, sive causa proxima vocatur *Investitura*, quæ nihil est aliud, quam solennis *Feudi Cessio*, ut optime Cujacius, aliquanto melius, opinor, quam ut alii, Contractus, quo id agitur, ut Feudum sit: Obertus de Orto possessionem proprie Investituram, Cessionem illam solennem improprie sic appellari scripsit in *lib. 2. tit. 2. & 33.* Ut ex ejus sententia, Contractus Feudalis sit causa Feudi constituendi, Investitura modus, quo ipso actu acquiritur vel traditione præsentī, vel ejus repræsentatione solenni.

11. Solennitas consistit in hoc, ut adhiæantur testes, minimum duo, qui sint Pares Curie; id est, Convassalli, ab eodem domino Feudum in eadem ditione recognoscentes; qui si absint, expectandi, si desint aut adesse nequeant, extranei testes capiendi sunt 1. F. 26. & 33. Coram quibus Dominus volunta-

tem

tem suam declaret, simulque possessionem ipsam, vel feudali non præsentem, corporeum aliquid, ut hastam vasallo, vel ejus Procuratori 2. F. 3. §. 1. in med. & 2. F. 58. §. 2. tradat d. cap. 33. Si talis investitura vel in re præsentem, vel actu solenni non fiat, sed dominus vasallum simpliciter Feudum tenere jubeat, id ultra vitam accipientis non extenditur 1. F. 25. pr. Testes iidem Instrumento adhibentur; Sine quo tamen subsistere Feudum probatur ex 2. F. in pr. vers. nam si instrumentum defecerit.

11. Si de Investitura vel instrumento non constet, At per triginta annos alienum prædium aut territorium quasi jure Feudi, continuo possessum fuerit, eâ præscriptione Feudum, non minus quam per investituram acquiritur 2. Feud. 26. §. Si quis per xxx. Ubi additur, si *Servitium domina præstiterit*, quod sufficere videtur, si dominus semel receperit 2. F. 33. vers. *Inde, etiam*. Ubi & unius anni præscriptio memoratur, ad fundandam præsumptionem investituræ factæ, si dubitetur, an facta fuerit, quæ contrariis argumentis refelli potest: quibus non extantibus, annalis præscriptio jurejurando vasalli confirmari potest. d. c. 33.

13. Præscriptio decem aut viginti annorum, quâ jure Communi res immobiles acquiruntur, in Feudorum Consuetudine recepta non fuit, nec usquam exprimitur, nisi quod in l. 2. Feud. t. 87. longi temporis præscriptio, quæ jure civili est x. vel xx. annorum memoratur; & ex hujus usu juris de triginta annis accipienda videtur. Sed requisita, quæ in præscriptione longi temporis jure communi nota sunt, justus titulus & bona fides, (etsi de titulo magis ambigitur) in præscriptione Feudi triginta annorum adesse debent; nec qui malam habet fidem, ullo tempore præscribere potest d.

cap. 87. quod ex jure Canonico petendum c. pen. in f. & c. ult. de Præscript. c. literas §. Porro de Restit. Spol.

14. At tamen hæc requisita in præscriptione temporis immemoriali cessare, dictu necessarium est; siquidem qui memoriam initii extare negat, ut facit is, qui in immemoriali præscriptione se fundat, non potest ad tituli justæ bonæque fidei probationem teneri, quâ de re diximus in *Vindic. Ameland. cap. 8. & seqq.* Rursus tamen animus habendi rem feudum jure, declaratus, est requisitum omnium præscriptionis necessarium: Unde, si res quasi pignus possessa fuerit, præscriptio non procedit; Quid a. juris tû sit, cognosci potest ex c. un. F. 28. cujus interpretatio tamen non est extra controversiam.

15. Investiturâ facta, nec prius, tenetur vasallus, ad juramentum Fidelitatis, cujus argumentum est in 2. F. c. 4. & 5. 6. 7. Quod si neget, se præstiturum, Investitura quoque, licet promissa, negari potest d. l. 2. c. 3. in f. & cap. 24. §. 1. Præstitatur autem per se, vel per procuratorem speciali ad hoc mandato instructum 2. F. 3. §. 1. in med. 2. F. 58. §. 2. vers. *Item investitura*; qui tamen textus de Investiturâ, non de jurejurando loquitur: quo tamen usus & communis Dd. sententia hanc substitutionem extendit. Quominus tamen pacto remittatur hoc jusjurandum, nihil obstat, modo fides præstetur, quæ nullo modo abesse potest 2. f. 3. in f.

16. Juramento præstito, vasallus tenetur ad servitia quælibet honesta pro conditione Feudi & personarum, domino vocanti & petenti præstanda 2. F. 26. §. licet vasallus, & c. 28. §. 1. maxime in bello, si oppugnetur dominus, indistinctè bellum inferenti, sub limitatione, nisi aperte injusta belli causa fuerit 2. F. 28. in pr. Idque contra omnes, ne, fratre, quidem filioque & Patre exceptis

H h h

ceptis

ceptis, nisi feudum vasallus amittere ma-
lit *d. c. 28. in fin.* Dominus tamen sump-
tum prorogare debet, extraordinarium,
maximè, si foris operam bello navent,
2. F. 107. Possunt etiam mittere substi-
tutos, Vasalli, domino gratos, aut
dimidio redditus annui, quem ex feudo
percipiunt, defungi 2. F. 55. §. *firmiter* 1.
cum quo non satis convenire videtur lo-
cus 2. F. 40. *fin. pr.*

17. Servitorum obligatio pactis res-
tringi potest, ut certum aliquod &
determinatum præstetur 2. F. 2. §. *pra-*
terea. Et *cap. 22. in fin.* cujusmodi feu-
dum castrense *burglern / hofleern / vo-*
catur; vel convenire potest, ut annua
pensio, quod Servitium reale vocant, præ-
stetur, vel denique nullum penitus, quod
est Feudum francum, quomodo plera-
que hodie feuda concedi Feudista tradit
1. F. 104. cum originalis natura feudi sit,
ut vasallus & ejus heredes domino fide-
liter serviant, 2. F. 2. *in fin.* Ergo tale non
est, si nulla servitorum mentio sit facta;
tunc enim est indeterminatum & gene-

rale pro natura feudi, *d. c. 2. in fin.* sed
oportet claris investituræ verbis exprimatur,
liberum à servitiis & francum
esse Feudum? Alioqui non potest non
retinere naturam suam *d. c. 32.* quod ta-
men an ita se habeat usu recentiore, post-
quam pleraque Feuda sine servitiis habentur,
juxta *d. c. 104.* merito dubites.

18. A præstandis servitiis, excusat
necessitas impedimenti, ab ætate vel
pupillari vel senili, scilicet ultra LXX. annos,
vel à morbo, hæcenus, ne in propria per-
sonâ dominis præsto sint, Substituti quo-
minus mittantur, etsi de pupillis aliter
quidâ volunt, nihil obstat 2. F. 26. §. *si quis*
decesserit. Paupertas innocens excusat à
sumptibus etiam ordinariis, ab ipsis per-
sonalibus servitiis non æquè *arg. l. 18.*
de Oper. Libert. Ut ipsum dominum ad
paupertatem redactum alac Vasallus, nus-
quam obligatus legitur, nec à libertis
qui Patronum alere debent, *l. 5. §. 18.*
& seq. d. Agnost. aut al. tuto satis argu-
mentere; nisi compensationem servitio-
rum remissorum huc applices.

C A P. I I I.

De Usu, Successione, & alienatione Feud.

Quid juris Feudum tribuat. Successionem Feudi esse Legitimam, non Te-
stamentariam. Feminas regulariter non admitti, nec ad servitia inhabi-
les, nec illegitimè natos; nec Ascendentes, nec collaterales primi ac-
quirentis. De prohibitiâ testandi & alienandi Feudi potestate. De renova-
tione investituræ & de Subinfeudatione.

V Idemur, quid sit Feudum, quo-
tuplex, & quo pacto primum con-
stituatur, id quod Novum dicitur. Ac-
quisito vasallus utitur fruitur, jure domi-
nio proximo, quod utile vocatur ab In-
terpretibus, & omnia complectitur, quæ
ex re feudali sequendum ejus naturam pro-
voniunt, etiam opera cuncta, non fecus

atque de usufructu, ac etiam de Emphy-
teusi, jure communi constat, quo per-
tinet etiam Quæstio de thesauro in fun-
do feudali, aut vestigali invento, quam
vid. in *Prælect. ad tit. x. Si ag. vestig.*

2. Regalibus etiam, siquid cum specialiter
ab eo qui potest dare, concessa fuerint, u-
titur vasallus, qualia recententur 2. F. 96.

Quod

Quod si Princeps concesserit Feudum, cum omni jure, quod in Castro vel in pago habet ipse, Regalia comprehensa videntur, salvo tamen jure Summæ potestatis. Ideoque Superioritas, quam vocant Territorialis, non competit vasallo, nisi nominatim expressa fuerit, ut et gaudent Principes & Civitates Imperii Germanici; quod tamen fieri non posse, nisi ab his, qui jure patrimonialiter tenent Imperium, vel ipsorum populorum consensu, ex iis quæ libro 1. de jure Imperantium & Subditorum dicta sunt, omnino statuendum est.

3. Agendum de transmissione Feudi ad heredes, quæ sensim recepta fuit, ut Feudista docet in l. 1. F. c. 1. §. 1. & seqq. Est autem hæc transmissio, sive Successio Legima tantum, non Testamentaria 1. Feud. 2. F. 11. Gradibus expresscripto juris civilis potius, quam Canonici computandis 1. F. 1. §. 4. Verb. secundum usum ab antiquis sapientibus constitutum 2. F. 37. c. 1. in fin.

4. Primo igitur vocantur Liberi, naturales & legitimi simul, sine discriminae suorum & emancipatorum, in æquales partes, jure tamen post primum gradum representationis 1. F. 8. salvo etiam jure primogenituræ in feudis individuis & regalibus 2. F. 55. §. 1. vers. præterea, quod tamen usu in omnibus Feudis regalibus non observari, diximus antea, & in singularibus locis multa singularia vigent, ut de Hollandiâ Grotius 2. Introduct. c. 21.

5. Filias, utpote servitorum incapaces admitti in Feuda, non placuit, nisi Feudum sit femineum, id est, specialiter dictum fuerit, ut ad eas quoque pertinet 1. F. 1. §. 3. quo tamen expresso, aliter non admittuntur, quoniam masculis deficientibus liberis 2. F. 30. Nisi datum sit Feudum ad certum genus Servitii, quod mulieres æquè obire possint ac viri, quo casu femine

cum viris, etiam non sint comprehensæ, admittuntur, quemadmodum etiam, si dictum sit, ut femine sicut viri, admittantur 2. F. 104. Denique, pacto deinceps, & consuetudine in familia vasallorum, quasi tacito domini consensu, id introduci posse receptum est: cum aliqui generaliter ita, ut de primâ constitutione dictum est, accipiantur 2. F. 17. & 51. §. similiter. Feminas autem semel exclusas, semper intelligi exclusas, neque deinceps admitti, sed ad dominum reverti Feudum traditur in 1. F. 6. etiam multis id ut durum & iniquum displiceat.

6. Inter ræres etiam excluduntur, qui ad Servitium sunt inhabiles, ut Clerici, qui feudum, quod prius habebant etiam amittunt 2. F. 26. §. clericum verb; hoc ipso. 2. F. 30. V. ex hoc illud 2. F. 21. & 36. ubi comparantur cum feminis, mutis & surdis, adeoque ne per substitutum quidem admittuntur. De mutis quod feudum amittat, est textus in 1. F. 6. §. ult. nisi quod de magno feudo alimentis eis relinquuntur; cui è diametro adversantur Obertus & Gerardus alique statuentes, matrem etiam ita natum retinere feudum paternum; saltem de postea facto matro non dubitatur 2. F. 36. idque magis æquitati est consentaneum.

7. Filius amittit successionem feudi paterni, si nolit esse heres patris sui in allodialibus, id est, non feudalibus bonis, eaque ad agnatos transmittitur, absque necessitate adeundi hereditatem ultimi possessoris, nisi filius, agnatis consentientibus, novam à domino impetraverit investituram 2. F. 45. Proinde, si filius à Patre iusta ex causa sit exhereditatus, à feudo quoque exclusus videtur arg. 1. F. 24. §. 2. vers. præterea, quæ modo etiam, si Patris culpa vel delicto Feudum sit commissum, ad filium transire non potest 2. F. 26. §. si vasallus culpam.

8. Filii non ex jure matrimonio sub-

H h h 2

cepti in Feudo non succedunt, quales adoptivi 2 Feud. 26. §. *Adoptivus*, Et naturales, etsi legitimitati d. c. 26. §. *Naturales*, ubi simpliciter ita, nec usquam aliter scriptum; Etsi multis, de legitimitate per subsequens matrimonium, secus videatur. Nati è matrimonio ad *morgematicam*; id est, quorum mater hac lege ducta est, ne liberi ex illà nascituri plus quam Pater illis pacto nuptiali addixit, habeant, etiam à Feudis excluduntur 2. F. 29. Etsi aliter scriptum est d. cap. 26. §. *Fili nati*; cui inserunt negationem fere omnes.

9. Deficientibus filiis & filiabus, ubi hæ admittuntur, Ascendentes, si forte superstites sint, non vocantur ad successionem Feudi, nec veteris, quod venit ab Ascendentibus; neque novi, quia servitiorum præstatio difficilius in illos cadit 2. F. 50. Idem receptum est in Collateralibus primi acquirentis 1. F. 8. §. *ult.* & 2. F. 11. §. *his vero*, *vers. quod ita*. Quod ampliatur, etsi duobus fratribus communiter datum sit Feudum 1. F. 1. §. *cum vero*, *vers. quod est communiter*, idque ut usu venerit, ex eodem loco potest animadverti; scilicet quia feudo primo ad lubitum, dein ad vitam dari solito, mox ad liberos, & paulatim ac consequenter ad alios agnatos producta fuit successio; ad collaterales primi acquirentis semel præteritos redire non potuit.

10. Pacto tamen convenire potest, ut frater etiam primi acquirentis succedat 1. F. 8. *in fin. c. 14.* §. *fidari* & c. 20. Si Feudum quoque communi fratrum nomine, vel de utriusque bonis, sciente domino, sit emptum, commune habetur d. c. 20. eoneliciente, fructus solummodo communes erunt 2. F. 12. Cæterum, collaterales vasalli in vetere Feudo, secundum gradus jure communi cognatos & salvo jure representationis

succedunt in infinitum; juxta lineam scilicet masculinam 1. F. 1. §. 4. 2. II. 30. 45. 50. & *passim*. nisi Feudum sit femininum, quò de re dictum *superius*.

11. Successor autem vasallus intra annum & diem (aut mensem, scriptum est in 1. F. 22. *pr.*) novam petere debet investituram à domino, sicut idem vasallus ad eandem à successore domini petendam tenetur 2. F. 24. *in pr.* 2. F. 40. *in pr.* 2. F. 55. §. *Præterea*, *siquis infend.* Et si plures sint heredes, singuli ad fidelitatem jurandam tenentur 2. F. 26. §. *omnes filii d.* 2. F. 55. §. *firmiter vers. præterea*. ut tamen Servitium maneat unum idemque, præstandum vel ab uno, quem elegerint vasalli, si dividi nequeat, vel à singulis pro parte sua *arg. l. 2. §. 2. vers. non enim x. de verb. obl.* Proinde, si plures domini sint heredes, uni omnium nomine recipienti, fidelitatem & servitia præstari contentantem est.

12. Testamentum de Feudis condere non est permissum 1. F. 8. *pr.* nequidem ad pias causas, vel Principis indultu; quia jus agnatis quæsitum auferri non potest, non magis quam ulli hominum l. §. *d. his qui sui vel al. jur.* Hæc ita, nisi aliter Pactis convenerit, ut etiam de Feudo testari liceret, Feudumque simpliciter hereditarium sit factum, expresso, quod ad quoslibet heredes sit transiturum. Nam si heredum mentio simpliciter sit facta, magis est, ut heredes ex providentia juris Feudalis intelligantur; etsi verba tam generalia esse queant, ut alienandi adeoque etiam testandi potestas sub illis comprehendatur, ut si concessum sit cum clausula, *quicquid placuerit, faciendi*; vel *in quos volueris*; Feudum *transferendi*; vel *quibus dederis*. Possit etiam *mixtum* fieri, cum deficientibus agnatis, testandi & alienandi potestas datur. Sed in dubio non est recedendum.

cedendum à jure feudali, quod negat disponendi facultatem vassallis; nisi rursus aliter moribus populorum cautum sit, quales non desunt omni Europà; de Hollandiâ nominatim tradit Grotius 2. *In troduct. c. 42.*

13. Sic olim etiam consuetudine receptum fuit, ut Feudum inter vivos alienare liceret 2. *F. 9.* donec prohibitz sunt alienationes à Lothario in futurum, 2. *F. 52.* dein à Friderico etiam in præteritum, tam veteris quam novi, tam partis quam totius Feudi, sine ulla temporis præscriptione 2. *F. 55.* comprehensis sub alienatione cunctis speciebus, quæ sub alienatione prohibita jure communi continentur *l. ult. C. de prohib. rer. al. d. cap. 55.* Judicio experiri & transigere de Feudo, sine venia domini potest vassallus; modo sine fraude, nec id agatur, ut Feudum in alium transferatur 2. *F. 26. §. si vassallus de beneficio, & 2. F. 43.* Divisio quoque inter plures Feudi consortes, vel collatio, in unum à pluribus libere fit. 2. *F. 50.* nisi majoris sit dignitatis 2. *F. 55. §. 1. vers. præterea* Plane, quo minus, volente domino, vel si plures sint, omnibus consentientibus, fiat alienatio, nulla lex aut ratio vetat, quod ad dominos quidem attinet. Agnatis enim non præjudicatur, nisi & ipsi consenserint 2. *F. 26. §. Titius;* quo factò, descendentes etiam suis, etsi non heredibus præjudicare videntur, non æquè cæteris collateralibus *arg. l. 149. d. R. 7.*

14. Denique, Subinfeudatio, quæ est Translatio feudi pro parte vel totius in alium, sub eadem conditione fidei & servitorum, vulgo, *een Achter-leen* etiam sine domini consensu, non est prohibita; neque Subinfeudato vetitum est, alii rursus idem concedere, nec ea res limitem habet, jure Feudali 1. *F. 2. fve-ro vel totum, vers. quod & ipsum 2. F. 26. §. beneficium. 2. F. 34. §. similiter 2. F. 56. §. Item sciend. vers. item ead. leg. modo sine fraude & sine pretio 2. F. 55. in pr. vers. callidus,* exemplo sublocationis, jure civili *l. 6. C. Locat.* Proinde, non desinit ex prioris vassalli personâ censeri Feudum; ut ne Agnatis, mortuo sineliberis feudi capacibus, primo Vassallo, præjudicetur; nec etiam dominis, Feudo per defectum lineæ vel culpâ finito; quin ut videtur, ne quidem subvassallum ad servitia sibi ingratum admittere cogitur, etsi aliud olim in usu fuerit *d. c. 9. lib. 2. F. in fin. pr. v. tunc eo excepto.* Cæterum, Alienatione prohibita, subinfeudationem esse vetitam, etsi communiter statuunt, à jure tamen prædicto abhorret.

15. Postremò, Investitura in futurum facta, si Feudum ad dominum revertatur, effectum habet, ubi Feudum actu reversum fuerit, ad Investientem vel ejus heredem. In Ecclesiastico ejusmodi Expectativæ jus, cum morte concedentis finitur, & Successor de Feudo ad se reverso pro lubitu constituere potest 2. *f. 26. §. moribus.*

CAP. IV.

De modis finiendi & amittendi Feudum, deque Jurdicio Feudali.

Casus, quibus sine culpâ Vasalli Feudum finitur, ubi & de Refutatione, Præscriptione. De amissione Feudi per culpam, regula generalis: & casus speciales. Neglectus investituræ. Alienatio, Felonia, ejusque species: Quatenus hanc dominus committat. Quibus actio inde competat; Quis sit Judex in Feudalibus, & specialia hujus judicii.

Cum Feudum sit, Ususfructus quidâ, à proprietate separatus, consentaneum est, ut certis modis ad eam revertatur; quod sit vel ob culpam, vel sine culpa vasalli. Quomodo sine culpa finiatur, primò videamus. Inter eos casus est princeps, si vasallus sine heredibus feudi capacibus sit mortuus *arg. l. f. c. 1. §. 1. & seq. & l. pen. C. de Usufr.* Cui mors civilis, licubi species ejus adhuc usitatæ sint, æquiparatur *d. l. pen.* Ut tamen cesset hic, quod jure civili cautum; Filio mortuo, Ususfructum ad Patrem pertinere, naturâ Feudi, quod non transit ad adscendentes, repugnante, quod *suprà* demonstratum est.

2. Morte Domini quoque sine heredibus, Feudum esse finire, & cum directo dominio consolidari, in favorem vasalli, dicendum est; nisi Fiscus hereditatem sibi vindicet, quo casu dominium directum ad ipsum pertinere, quid impediat, ego quidem non video, etsi aliter Vultejus *l. f. 11. n. 7.*

3. Finitur etiam Feudum, contrario consensu eorum, quorum interest, quo pertinet, Refutatio & Remissio Feudi. Et hæc quidem sit à Domino dominium directum vasallo remittente. Refutatio est Feudi à vasallo facta renuntiatio, maxime in manus domini; improprie enim

fit, agnatis aliisve, in quos Feudum licite transfertur, quæ non tam reusuratio est, quam alienatio *2. f. 14.* Potest autem refutatio fieri, domino quoque invito *2. f. 38.* modo ne fiat intemptivè & in fraudem, ad eludenda servitia quædam insignia. Et quidem Feudi noviter refutatio sit absolute, solo consensu ejus qui Feudum acquisivit, nisi & agnatorum contemplatione discrete conditum fuerit. Sed antiquum Feudum, cujus ut ita loquar, potentiale jus agnatis jam quæsitum est, illorum præjudicio refutari non potest, quin post mortem refutantis à proximis repetatur *arg. 2. f. 39. in pr.*

4. Tertio, sicut Feudum triginta annorum spatio acquiri diximus, ita ejusdem præscriptione temporis extinguitur, idque bifariam; primo quidem præscriptione libertatis, quæ sit, denegatione fidei & servitorum lapsusque ab eo tempore, triginta annorum. Rursus, si dominus aut quilibet alius Feudum, animo sibi habendi possederit & vasallus non possederit, idque per annos xxx continuatum sit, dubium non est, quin Feudum sit amissum, *argum. l. f. 26. vers. si quis per xxx. l. 7. C. d. Præser. 30. vel 40. ann.* In casu alienationis, sine domini consensu, à vasallo, factæ nullum esse locum præscriptioni, jam

jam dictum; è 2. f. 40. §. *Præterea* & 2. f. 55. *in pr.* quibus derogatur 2. f. 9 §. *prescriptione autem.*

9. Rei quoque interitu Feudum interire, dubitari non potest, totali scilicet; nam in parte quæ superest, plerumque manet; nisi pars reliqua nomen & naturam totius amiserit, argumento eorum, quæ de Usufructu finiendo, jure communi traduntur ad §. *per. I. de Usufr.* Denique, per occupationem hostilem in bello solenni, Feudum amittitur, salvo jure postliminii l. 20. §. 1. *d. Captiv. & postl. rev.*

6. Feuda Gardiæ & Castaldiæ dicta, post annum à domino, quodocunque voluerit, adimi posse vasallo, dictum & notum est è 1. f. 2. Sicut & Habitationis Feudum morte accipientis finitur 2. f. 105. Cameræ & Cavenæ, sive Soldatæ, tam dantis quam accipientis, morte pereunt 2. f. 10. *in f.* utcunque hæc species Feuda recta appellentur 2. f. 2. §. *si vero vasallu.* Id enim ratione causæ vel tituli, non quod hæc propria Feuda sint, intelligendum; secus ac nonnullus visum.

7. Sine culpâ, præter hos casus, nec à domino, nec à Principe quidem adimi potest Feudum 1. f. 7. nisi ratione domini Eminenti, de quo *alias* dictum. Exceptis etiam, quæ à minoribus dominis in alios transferuntur 1. f. 1. §. *ult.* & 15. ubi duo casus subexcipiuntur Jure recentiori volunt in minoribus, idem quod in majoribus, esse receptum, 1. f. 7. *in f.* quod alii negantes, in *d. tit.* 7. pro *moderni legunt, Mediolani.*

8. Sequuntur modi, quibus Feudum per culpam finitur, intellectis culpæ nomine dolo, & larâ culpâ, non leviori negligentia 2. f. 52. §. *fin.* ubi, *si vasallus non dolo* 1. f. 17. *c. un. verb. sciens* 2. f. 7. *c. un. fin. pr. verb. Numquam factam sciens.* In unum versus ita proditum est ab Interpretibus; Ex quibus causis, jure communi

donatio revocatur, & filius exheredari potest, similibusque & gravioribus, eisdem amitti Feudum *arg. lib. 2. f. 24. §. predictu modis.* Nomen etiam generale tribuunt harum causarum singulis, *Feloniam Longobardis*, idem quod Scelus; Latinis.

9. Inter speciales causas, prima est, neglectus renovandæ investiture, Dominus aut Vasallo mutato, intra annum & diem à tempore scientiæ vasalli, petendæ, idque in veteri Feudo 2. f. 24. *in pr. T. 49. pr. T. 54. c. ult.* Annus & mensis habetur 1. f. 22. *in pr.* Si novum sit Feudum, nec adit vasallus ad jusjurandum præstandum, tribus vicibus, decem intervallo dierum, citandus est ad accipiendam Investituram; Contumacia, feudi jacturâ punitur 1. f. 24. §. *est & alia*, non exclosa tamen utrobique justis excusatione impedimenti 1. f. 22. *in pr.* Similiter Alienatione Feudi à Vasallo factâ, Feudi quoque jus amittitur 2. f. 55. *verbo parâ.*

10. Cæteræ causæ magis propriè ad Feloniam referuntur, Ut, si Vasallus domino graves injurias intulerit; si *castravit* eum, id est, cum ejus uxore, filiâ, nuru, sorore, nepte rem habuerit, aut turpiter lusit. Ipsum vel castrum ejus, domino illic agente, oppugnaverit. Si quis in periculo vitæ illum deseruerit, criminis accusaverit, abnegaverit dominum, si testimonium adversus eum dixerit, arcanum ejus revelaverit, in jus vocatus se non stiterit, servitia requisitus non præstiterit, si parricidium aut aliud grave scelus admiserit 1. f. 5. 17. 21. & 2. f. 22. 23. 24. 28. §. *ad hæc. T. 37. 39. in fin.* 51. §. 1.

11. III. Ut autem fides & obligatio Feudi est reciproca, sic etiam Dominum ob feloniam contra Vasallum, amittere jus Domini directi; quod dicitur, jure Feudali proditum est 2. f. 47. Tametsi

etsi Dominus æquè jus suum quàm Vasallus alienare prohibetur, 2. F. 34. §. *ex eadem Lege* 2. f. 55. §. *firmiter vers. præterea*. nulquam tamen ob hanc alienationem jure suo cadere dicitur, nec id æque ac in Vasallo, ratio permittit; quia de jure suo disponit, contra legem quidem, sed tamen nulli obnoxio, nec ab alterius beneficio manante; ideoque magis est, ut domini alienatio simpliciter sit nullius momenti, nec vasallus alium dominum agnoscere cogatur, ac ita per consequentiam Feudum quidem finiatur; veteri tamen domino, alienatione retractata, subducere se non possit Vasallus, etsi aliter multi sentiunt.

12. Porro propter non petitam Investituram, tempore legitimo vel propter alienationem, in viâ vel ignaro Domino factam, & generaliter ob quamlibet feloniam, quâ dominus proprie læditur, Feudum soli domino committitur; ideoque ei soli hoc nomine competit actio, non agnatis vasalli, nec quidem ejus liberis 2. F. 55. *in fin. pr. ubi*, & *ad Dominum liberè revertatur*.

13. Qui vero sint causarum Feudalium judices, non est in facili, exactè definire. Sed in summâ ita videtur, In Feudis regalibus, Imperatorem vel Regem omnibus superiorem, solum esse Judicem 1. F. 18. 2. f. 34. *in pr.* Inter Vasallos inferiores, Dominum Feudi communem 2. F. 55. §. *ult.* Inter dominum & Vasallum Pares Curie, de quibus antea, Judices ordinantur d. 2. F. 55. §. *ult.* 2. f. 16. & 39. §. *si inser* 2. F. 22. §. 1. vel qui super illos Judex est & vocatur ju' ex Curtis 1. F. 18. Cæterum, hodiè in plerisque locis Jurisdictio Feudalis certis collegiis demandatur, cujus rei notitia è cujusque Reipubl. legibus petenda est.

14. In processu & ordine judiciali super Feudis, recepta sunt quædam peculia-

ria, cujus generis hæc sunt; I. In judicio Feudali non præstatur juramentum calumnix, præcipue cum vasallus dominum convenit, ob reverentiam; Dominus vero nec à Vasallo id exigere potest, consequenter 2. F. 33. §. *In quibus*.

15. II. Quod Investitura Feudi novi, non probetur, nisi per Pares Curie, vel breve testatum ab illis subscriptum 1. F. 4. §. 3. 2. F. 32. De veteri Feudo non est idem proditum; sed hoc per extraneos, modo mares sint, rectè probatur; nam femina non potest esse testis in Feudalibus d. t. 32. *in fin.* Felonia non nisi quinque retribus probatur 2. f. 57.

16. Deficiente probatione, Reus purgare se debet per jusjurandum, cum duodecim sacramentalibus, id est, amicis, qui pariter in ipsius conscientiam jurant 1. F. 10. 26. & 2. f. 33. §. *Et cum*.

17. Et hæc quidem pro hujus instituti ratione sufficiant. E quibus id in universum ad juris publici observantiam colligi datur; à Feudorum naturâ & scopo, qui fuit ab initio, militaris, ut magni Principes semper in promptu haberent exercitum; usu temporum non minus, quam in jure successionis aliisque proprietatibus, longe fuisse recessum; ut hodie nulla fere, quam mercenaria, vix usquam Feudalis militia in usu bellorum conspiciatur.

18. Quod non tantum mutationi temporum, cujus maxima vis est in rebus humanis, & usurpationibus vasallorum, otio & libertate gaudentium; sed Principum quoque consilio adscribendum videtur. Qui quod his diebus multo validius & adductius, quam olim, populis suis imperitant, nulli causæ, quâ mercenariæ militiæ, efficaciori accepto ferendum est; cum Feudalis olim militia à vasallis immediatè dependeret, cujus rei argumenta sæpius ex usu rerum gestarum in Historia Civili animadvertimus.

SECTIONO.

SECTIO VI.

De Jure in personam.

CAP. I.

De jure in personam, quâ talem, maxime ad pœnam.

Transitus ad Jus in personam, idque vel in personam, quâ talem, ut Pœna vel ad Rem. Species prioris. A Superiori id maxime fieri posse, tamen & à pari. Inde quæstio decisa, sitne punire licitum duntaxat, an necessarium. Fines pœnæ quinam. Delicti definitio & proprietates. An & quantum obligatio, ad Pœnam spectet. ubi cum D. Puffendorffio disputatur.

Ius privatum esse duplex, in Rem & in Personam, superius declaratum est. Juris in Re species breviter, ut hic ulu veniebat, executi sumus: Sequitur jus in Personam, quod iterum distinguitur, ut vel sit in personam quâ talem, vel in personam propter Rem. Utrumque est obligatio; etsi posterius obligationem strictius sumptam peculiariter constituat.

2. Jus, quod in personam quâ talem oritur, est ad subjectionem vel ad pœnam. Subjectio est ex jure Parentum in liberos, dominorum in servos, mariti in uxorem, Civitatis in cives, Universitatis in singula membra, quibus omnibus implicitum est jus personæ subiectæ erga superiorem. Jus Societatis ab his diversum magis ad jus in personam Reale referendum videtur.

3. Jus parentum in liberos oritur ex generatione, quod ut res loquitur, ita Grotius docet 2. de jur. B. & P. c. 5. in pr. patriendi opera sub generatione comprehensâ, ut ad Tyndarum Orestes. Eurip.

Πατὴρ ἄρ' ἰφύδατο μοι, σὶ δ' ἴκκηταις,

Pater me seminavit, tuâ vero me peperit filia.

inquit, quâ ratione κενὸν ἀμοφοπέγεις τὸ θηρόδρον, foetum utrique parenti communem esse, diximus aliàs è Plutarcho. Sed Orestes patri dat prærogativam, non modo propter sexus præstantiam, ut Grotius, sed etiam ob imparem in generando operam

Ἐλογισάμην ἐν τῷ γένει δόξα γὰρ
Μακροὶ μὲ ἀμύνην τ' ἰσότητος τροφῆς.

Colligebam, inquit, primo generis auctori

Me vindicate magis debere, quam qua aluerat.

4. Sed non est sollicitè indaganda ratio, quæ Parentum jus in liberos stabiliat; de quò jam dicere occupavimus in sect. 1. cap. 1. supposito in primis matrimonio, quod liberos in potestate Parentum, maxime Patris, necessario & sine medio constituit, nec ea de re, post locum illum communem, actum agere libet.

5. Eadem ratio non patitur, ut de jure, quod inter Dominos & servos, maritum & uxorem, Imperantes & cives,

Cives, Magistratus & municipales vertitur, hic denuo tractemus; maxime, cum in libro I I I. quatenus hæc res ad civitatis administrationem pertineat, eodem loco se rursus oblatura sint.

6. Superest obligatio ad Pœnam, quæ est animadversio maleficii, vel potius, ut è Scholâ Grotius, *malum passionis, quod infligitur ob malum actionis*, à posteriori facta denominatione; siquidem & omissionis malum pœnam recipere posse non dubitatur. Sed pœna rursus aut mere personalis, aut ad rem comparata est, priore sensu ad hunc locum, altero ad sequentem referendo.

7. Quod si nonnisi à superiore pœna infligi posset, ad articulum de subjectione referri potuisset. At naturaliter etiam à Peri (superiorem viribus eum qui puniat, esse oportere, satis ipsa res loquitur) delinquentibus irrogari posse pœnam, ex eo patet, quod cum licentia & impunitate delictorum genus humanum, etsi nullo imperandi parendique ordine distinctum, consistere non posset: Ac ideo cuilibet humanæ societatis, quam natura constituit, membro, jus in ejus violatores animadvertendi, comparatum esse oportet, sub hac limitatione, si paria non deliquerit, quo pertinet Christi dictum *Job. VIII. 7.*

8. Verum Republicâ stabilitâ, jus puniendi non cuilibet viribus prævalenti; sed Potestati summæ vel magistratibus ad hoc constitutis permitti potuit, iisque delatum est, cum alioqui jus puniendi promiscuum bello & armis, quibus evitandis civitates constituræ, occasionem daret assiduam. Ut tamen etiamnum qui jure sunt Pares, quemadmodum populi & Principes diversi, jus puniendi in alios sibi non subiectos exercere queant; quomodo Rex Galliarum anno hujus seculi LXXII. Belgis federatis a-
liisque deinceps intulit arma, prætextu

illos *puniendi*, cum nihil equidem deliquissent. At si causa facti subesset, juris causa negari non poterat, etsi non superior, sed par duntaxat iis, quos oppugnabat, erat ille suo jure; de facto enim qui puniendi animum præfert, hunc se viribus superiorem præsumere, manifestum est.

9. Ab illo discrimine, status naturalis & Reipubl. pendet ejus decisio dubii, Punire maleficium, sitne tantum ex licitis, ut Grotius vult *l. 2. c. 20. n. 1.* an necessarium. In statu naturali est licitum, quia delinquens meretur equidem pœnam, & puniens utitur jure suo, sed nulla necessitas singulos ad puniendum cogit. In Republicâ quam præmiis & pœnis recte contineri dixit Plato, Princeps aut Judex, maleficiis coërcendis præpositus, si delicta relinquit impunita, non facit officium suum, & peccat, utique, si maleficia juri Naturæ, Gentium & divino repugnet, quo pertinent hæc dicta scripturæ sacræ, de maleficiis; *Ne parcat ei oculus tuus. Ne miserere maleficum. Abripies eum ab altari meo Gen. 9. v. 5. & 6. Exod. 21. v. 12. & 14. Lev. 20. v. 4. Lev. 27. v. 29. Num. 35. v. 31. Dent. 13. v. 18. XIX. v. 12. & 13.* Quod analogicè ad Deum ut Judicem bene referri, demonstratum est in *Lib. I. Sect. 4. cap. 6. sparsim.*

10. Nec temere ita dicitur humani generis conscientia, nolle Deum ignosci maleficiis, ne quidem occultis, sed ignoscentibus imputari crimina, *Levit. 18. v. 25. Esai. 26. v. ult. I. Reg. 2. v. 31. seqq.* Quo pertinet, Melitenisium dictum in Paulum à vipera admorsum, *πῦρος φόνος ἐστὶν ἡ ἀφροσύνη ἐπὶ τοῖς ἀγαθῶν, ὡς ἡ ἀφροσύνη ἐστὶν ἡ ἀφροσύνη ἢ ἡ ἀφροσύνη ἢ ἡ ἀφροσύνη. Profrus hunc hominem oportet esse homicidam, quem è mari servatum divina vindicta vivere non sinis. Plato lib. IX. de Legib. Ἄφροσυνος δὲ πῦρος φόνος ἐστὶν ἡ ἀφροσύνη. Impunitum*

Impunitum omnino neminem ullo modo relinqui oportet sceleratum.

11. Unde videndum, ne non sufficiens enumeratio finium pœnis propositorum sit, quos Grotius è Senecâ 1. de Clément. 22. & Gellio 6. Noct. Att. 14. tres inculcat d. cap. 20. n. 6. & seqq. *Peccatis puniendis tres sunt rationes*, ait Gellius; *Emendatio peccantis: Vindicatio læsi, exemplum in vulgus.* Quibus cessantibus, aut aliâ viâ facultatem habentibus, vel etiam finibus aliis æquè utilibus & necessariis concurrentibus, pœnam remitti posse docet *id. ibid.*

12. Ita cessare Emendationis finem, ubi reus verbis & pœnitentiâ emendatus est. Vindicationem sive reparationem læsi, cum aut verbis satisfactum est; aut benemerita delinquentis ejusve parentum erga partem læsam, delictum æquare videantur. Exempli necessitatem cessare, ubi peccatum paucissimis cognitum sit. Quorum concursu fieri posse, uti vel pœna prorsus exigenda; vel omnino remittenda sit, vel utrumvis fieri possit. Vindictam sane extra causam utilitatis, non esse justam jure naturæ, multò minus Evangelico puniendi causam, fatendum; sed est *ἀπὸ μῆτις ἀδυνάτου, ex eodem animi morbo, τὴν ἀνομιάν τῆς ἀδικίας, procedit ultio & prior injuria*, Dion apud Plutarch. in vit.

13. Rectè, quatenus ad affectum ejus qui læsus est explendum, Ultio adhibetur: sed nemesis & Justitiæ severitas impressâ divinitus humano generi conscientiâ, maleficiâ, licet occulta, citraque respectum satisfactionis, ut è suprâ dictis intelligitur, puniri vult, idque latius probatur ab Antonio Matthæo tract. de Crimin. Tit. Quib. mod. crim. extingui. cap. 5. n. 2. Idem firmatur è natura contractus involuntarii, quem in delictis inesse fatentur omnes ex Aristotele, qua-

tenus qui peccare voluit, eodem actu in id quod peccatum illud consequeretur, consensisse, pœnæque se ipsum subdidisse videtur, ut Juris auctores loquuntur in l. ult. C. ad L. Jul. maj.

14. Atque hæc omnia faciunt, ut Pœna non modò juste possit, verum etiam debeat exigi; quod tamen ita non esse accipiendum, ut Summa Potestas nunquam ignoscere possit, infrâ, ubi de Pœnis, quatenus ad officium administrandæ Reipubl. pertinet, videbimus. Hic tantum de jure partis læsæ & obligatione delinquentis agimus, quo spectat quod de contractu diximus Involuntario.

15. Scilicet, improprie Contractum ita sumi; cum alioqui maleficio opponatur, non est dubium: Quid Contractus proprie dictus, alibi videndum; sed *Crimen* nihil est aliud, quam Factum turpe, quod Legibus punitur. Dicat aliquis, nonne sufficit ad delicti naturam, ut sit factum turpe, quod tantum generis loco ponitur? Non sufficit, quia sanctione legis opus est, ut factum prodelicto habeatur, quo sensu, si Hobbes voluisset, ex lege sola colligendum esse, quid fas, quid nefas, quid honestum aut scelestum sit, non esset tam intolerabilis ejus sententia, quam esse probavimus, in sect. 1. c. 3. n. 4. 13. & 30. & part. 2. Digress. lib. 1. c. 8. n. 10.

16. Si nempe fuisset in ea sententia, quam adversus Grotium tuetur D. Puffendorffius in lib. 2. de jur. N. & G. c. 2. §. 6. & lib. 2. c. 3. §. 4. nullos actus pro illicitis habendos, nisi è legis præcepto, seu civilis, sive naturalis, eo sensu quo vidimus in lib. 1. sect. 1. c. 2. n. 15. & cap. 14. n. 18. quod tamen usque adeo intendi nolim, ut distinctio juris congeniti & positivi, sive in cordibus scripti & ex voluntate divina constituti, quod ille vult, tollatur.

17. Pleraque enim Juris naturalis capita ita esse comparata, ut supposita humani generis creatione, aliter habere se non posse, ab homine intelligi queat, evidens est, nec a ipso negatur: à quibus alias divini juris constitutiones arbitrarie discrepare, non minus est manifestum est: unde hæc positivas, Priores congenitas & naturales appellare, nihil obstare debet aut potest.

18. Sed Hobbes ex sola lege civili vult esse colligendum, quid bonum, malum, fas aut nefas sit, quod in Philosophia juris Naturalis falsissimum, in ordine civitatis de æstimatione delicti verum & rectum est. Sicut enim non omne quod honestum, legibus ut necessarium præcipitur, ita nec quicquid est turpe punitur. Plurima hominum conscientiarum & verecundiarum relinquuntur. Ea solummodo faciuntur, quæ civitati conveniunt & obtineri possunt. Ingratitudo nusquam punitur, ubique improbat, ait Seneca 3. de Clem. c. 7. Idem in Ebrietate aliisque innumeris, *quæ tantum odio damnamus & ad vindictas Deos mittimus, ut ibidem Seneca.* Hinc meretricia voluptas apud veteres tolerata fuit. Hinc masturbatio Delictum non est in vulgo cœlibum, Et si Martialis haud de nihilo dicat;

*Scelus est, mihi crede, sed ingens
Quantum vix animo concipis ipse
tuo!*

19. Sed quod delictum vocatur FACTUM, primo requirit hoc monitum superius occupatum; non modo Commissiones, sed etiam Omissiones, in quibus aut dolus aut enormis culpa animadvertitur, etiam rarius, efficere posse delictum. II. Non consistere delicti naturam in solis animi actibus, sed adsumto actu externo, crimina esse intelligenda, ut docent Juriscti, in l. 225. d. V. §. eoque pertinet eorundem dictum,

cogitationis poenam neminem pati. l. 18. d. Pen. III. Cogitationem, et si ad factum processerit, non dare formam delicto, si corpus sive materia facti non conveniat, ut, si quis credat, invito domino, se rem ejus contrectare, domino autem volente, id fiat, furtum non fit §. sed & si credat I. de Obl. ex del. Qui cum aliena uxore cubare se putans, ancillam amplectitur elusus, non est adulter, quia non est verum, quod alienam uxorem corruperit l. 6. §. 1. x. adl. Jul. de adult. Et si coram Deo tales plane rei sint, tam Furti, quam Adulterii; cum Juris Divini, adde, Philosophi sit, crimina mente metiri; Legislatoris, quatenus manu rem tenere potest, ut Cicero dixit.

20. Hæc aliaque ad poenarum modos & species pertinentia, in loco de Poenis & delictis, qui erit in lib. III. rursus occurrent. Hic proprie agitur de jure, quod in personam delinquentis competit; quod Obligatio dicitur, quam à Jurisperitis ita definitur constat; Juris vinculum, quo necessitate adstringimur alicujus rei solvendæ, secundum nostræ civitatis jura. Nec est dubium, quin hæc verba Delicto in Civitate commisso non male conveniant. Quis enim neget, delinquentem necessitate solvendi aliquid astringi; cum & poena deberi, lui, solvi dicatur; utpote delicti æstimatio quomodo appellatur in l. 41. x. de Poenis?

21. Argutatur hæc in re, alios argutiæ infimulans D. Puffendorffius lib. 8. de Jur. Nat. c. 3. n. 4. Delinquentes ad poenam teneri, consequenter obligatos esse negans, eo, quod se ipsos poenis offerre non teneantur, & nemo, nisi volens teneri dicendus sit. Quod cur ita recipiendum sit, nihil idoneum profert. Nam teneri & obligatum esse continet necessitatem, quæ reos criminum obstringi manifestius est, quam quod Aristote,

ristoteles, omni posteritate consentiente, dixit, esse contractus involuntarios, *οὐκ ἐκ βουλῆς ἀλλ' ἐκ βίας*, quæ, ut involuntaria sint in executione, principio sui, quatenus omnes cives obligare se creduntur ad ferendam, si deliquerint, pœnam, voluntaria esse negari non possunt.

22. Si nolit dicere, quemadmodum instituit §. 5. pœnam *deberi* maleficis, quo tamen nihil usitatus, Cicero *pro Sexto*. *Quibus omne supplicium atque omnis jure optimo pœna debetur*; eo quod is cui debetur, in debitorem jus habet, ut *debitum illud ab ipso exigere possit*, ambiguitate verbi abstinere licet, tamen notum sit, *deberi* aliquid dici, non tantum quod ab alio exigi potest, sed etiam quod fieri & exequi & alii quovis modo tribui oportet: Denique, sic potius ineamus; haud adeo pœnam maleficis deberi, quam hos eam debere, vi tacitæ vel expressæ consensionis in Leges Civitatis: quo pertinet, quod apud Tacitum, femina, quæ ignaro domino, se alieno servo miscuit, *in servitutem sui*, quæ est pœna, *consensisse* dicitur, & quod in sacris literis ipsaque oratione dominicâ peccata vocantur debita, quibus adde sis, *l. 34. de jur. Fisc. l. ult. C. ad L. Jul. Majest.*

23. Non satis justa ratione Puffendorffius huic receptæ generis humani sententiæ refragatur, eo quod dici nequeat, *aliquem directe & immediate in pœnam suam consensisse*. Quid opus illud, directe & immediate, An nemo se, nisi directe & immediate, obligare potest? Qui vendit, tenetur ad Evictionem, et si nihil de illâ dictum sit; non quidem directe & immediate; nihilominus vere, quoniam hæc est proprietas venditionis ex jure Gentium, ut venditor præstet, rem habere licere. Cives obligant se mutuo ad leges servandas, expresse vel tacite. Ergo etiam ad sanctio-

nem, quæ jure Gentium est pars Legis & ad pœnam sanctione comprehendam.

24. Excipit Vir Cl. *Nemo delictum admittit, quin simul speret, sese latendo aut aliâ ratione pœnam declinaturum*, Proinde non consentit. Quasi venditores etiam sæpe non sperent, evictionis præstationem se declinaturos, invitique ad eam compellantur, idque præcedentem illorum obligationem & consensum evertet. Initium in delictis, maxime priusquam committantur, in casum quo quis reus fiat, est à consensu, cujus vis in executione, per indutam voluntatem contrariam, subverti non potest.

25. Si pœna est in obligatione, cum illa sit vinculum duos colligans, oportet etiam sit, qui pœnæ jus exigendæ habeat; quod cur iterum Grotio adfirmanti *lib. 2. c. 20. §. 2.* neget Puffendorffius in *d. §. 1.* justa ratio non est; Ait, Ei qui jus puniendi habet, esse quidem ita faciendi, id est, puniendi jus, sed hunc non esse actum Justitiæ explettricis, quò pœnas refert Grotius, & quò contractus referuntur. Actum justitiæ dici respectu ejus cui inest obligatio, ad aliquid alteri tribuendum, cui facultas sit illud exigendi: quod de maleficio & officio punientis dici non posse arbitratur.

26. Ego in ordine civitatis & juris publici disciplinâ nullam in eâ re difficultatem reperio. Non potest exerceri Justitia liquidius quàm Suum cuique tribuendo, à Magistratu cui jus est ita puniendi maleficos, ut si hoc negligat, evidentissime Justitiâ negligat & quidem explettricem. Quid hic deliderat Puffendorffius; cum delinquentes pœnam perfecte & adæquatè mereantur, cum & Magistratus ad hoc teneantur, & ipsi delinquentes è prævio consensu in Leges, quo fit, ut hoc ab illis exigi possit, ut pœnam pati, luere, solvere debeant?

27. Idem clarius est in privatis delictis,

Etis, de quibus hi tantum agunt, ad quos commissum pertinet, vel ad damnatum faciendum, vel multas cuique delicto legibus impositas; Etenim has, delinquentes optimo jure debere læsis, & illos his non minus solvere debere, quam hi exigere possunt, æquis, omni die, quod fit, dubitare queat? In quibusdam locis ipsi, quibus injuria facta est, eam æstimant, Lege præcipiente; quo casu plenum esse debiti & crediti jus, ne Puffendorffius quidem, credo, negabit: Alibi Lex æstimat multas eodem jure, quod inter partes vertitur, exigendas & præstandas.

28. Quin etsi poena corporalis infligatur, adhuc, etsi minus proprie, jus debiti & crediti vertitur. Nam qui furem deducit ad Præfectum vigilibus, vel ad Præsidem, existimandus est, elegisse viam, quâ rem persequeretur, ait Julianus in *l. 56. §. 1. ꝑ. de Furt.* quemadmodum si quis actionem, quæ ex maleficiis oritur, velit exequi, aut pecuniariter agere, aut extra ordinem ejus rei poenam exercere potest *l. ult. d. Privat. del.* utrovic modo tenetur reus, ad satisfaciendum læso; nam & verberibus satisfieri potest, ait Ulpianus in *l. 17. §.*

4. ꝑ. de Injur. & Papinianus, animo læsi poenâ delinquentis satisfieri solere scribit in *l. 1. §. 6. ꝑ. de Serv. export.*

29. Paulo diversa ratio est in publicis Judiciis, de quibus olim quilibet ex populo, moribus hodiernis Reipubl. Procuratores agere soliti sunt; quatenus omnium interest, delicta puniri: Inter omnes & singulos sponsio sive conventio de Legibus servandis & ferendisque delictorum poenis inita est, quas ideò ex illo consensu omnes & singulos exigere posse, manifestum est.

30. Illud verò, jus omnium, ubi compertum est, minus à singulis pro vigore publicæ disciplinæ exerceri, Magistratibus, unique potissimum ejus rei Procuratori placuit committi; cui proinde jus exigendi competere, manente eadem obligatione præstandi in delinquentibus, quæ fuit antea, consentaneum est.

31. Quod autem aliquoties in hisce connexionibus dictum est, in Legge Civili Consensum civium verti, quâ id ratione constet, & quomodo accipiendum sit, in loco de Legibus, qui *in princ. libri sequ.* occurret, videbimus.

CAP. II.

De jure in personam ad Rem comparato, ejusque causâ, & primò de commercio sermonis.

Transitus ad jus & Commercio Sermonis, Mendacium esse prohibitum & vile imprimis. Pertinere prohibitionem ejus ad secundam Decalogi tabulam, & ad læsionem proximi. Qua in re mentiendat jus proximi; sine dolo in rebus admisso. Casus ab homine enuntiati falsiloquii, in quibus nulla ejusmodi læsio committitur. An in mendacio sit repugnantia cum naturâ Dei, sine respectu ad jus hominum inter se. Responsum ad argumenta Siegleri & Augustini.

Res privatorum, Jure vel in Re, vel ad Rem, quod dicitur, distingui communis est recentior, ignotaque veteribus, est doctrina. Et de Jure quidem in Re constituto ejusque speciebus in *sect.* 4. quatenus ad hanc Artem spectare videretur, egimus. Jus ad rem, quod dicitur, habet causam, Obligationem, quæ vel est à conventionione, vel delicto, vel à variis causarum figuris. Ex omnibus oritur jus in personam, non in Rem directè: sed vel in Personam quâ talem, de quo genere egimus in *cap. præced.* vel in personam ob rem, sive ad rem præstandam; Facto etiam sub Re comprehenso, quæ res habet utilitatem pecuniariam. Et hoc est, quod vulgo λέξις, JUS AD REM appellari diximus.

2. Videamus primo de jure in personam, propter, vel Ad rem, à Conventionione oriundo. Conventio est duorum vel plurium in idem placitum consensus. Et hic est vel expressus vel tacitus. Ille sermone vel literis exprimitur; Tacitus à factis colligitur. De expresso consensu, ad quem tacitus exigitur, primo agendum; de quo videtur intelligendus Plato, quando ex Simonide *lib. xi. de Republ.* Justitiam dicit esse, ἡ ἀληθὴ λέξις.

ἡ ἀληθὴ λέξις, id est servare fidem; ut præcipuum, non totum, opinor, Justitiæ officium designaret.

3. Et sane verum dicendi officium è fundamentis humanæ societatis est unum, quo nihil sanctius, expressa imago Rationis, quâ proximè ad Deum accedimus, ejusque donum, ad hoc datum, ut cogitationes suas humanum genus inter se mutuo communicet; quod ideo ex instituto Creatoris sui & Rectoris hujus mundi, ita sibi invicem debent, ut non modo nullum damnum alter alteri mentiendò inferat, sed & in ipso orationis commercio illam æqualitatè servent, ut ne aliter verba, quam usus & convenièntia cum ratione, cujus interpretatiònè præferunt, exigit, inter se commutent.

4. Proinde, qui talibus utitur verbis, quæ alio sensu, quam à mente loquentis discrepante sumi non possunt, ille mentiri dicitur, quo nullum in sacris & in profanis literis vitium decantatus est. Alii falsiloquium id esse dicunt; Mendacium id tantum appellant, respectu ejus, qui jus habet, ut animi mei sententiam liquido debeat intelligere. Ita Puffend. *L. 4. c. 1. n. 9.* Quam distinctionem ut non spernimus, ita necdum hæc usu venit nobis. Prius igitur hic Falsiloquium

Falsiloquium & mendacium promiscuè accipiemus; dein res ad illam distinctionem nos manuducet.

4. Juxta furiosos, & homicidas ponuntur mendaces *Pf. 5. v. 7. Prov. 6: 17. abominabiles Deo Prov. 12: 22. Spirans mendacia non evadet, peribit. xix. 5. 9. Mendacium pars veteris hominis, abjicienda piis Eph. 14: 5. Coloss. 3: 9. Auctor mendacii Diabolus Joh. 8: 44. Decus è contra verax Rom. 3: 4. qui mentiri non potest Hebr. 6: 18. Et qui prohibitionem hanc contulit in decalogum, caput ejus 1x., adeoque ad tabulam secundam; quia verba sunt instituta, ut per ea in aliorum hominum notitiam cogitationes nostras transmittamus, atque adeo hominibus proprie falsum testimonium, id est, mendacium dicimus; quia veritatis observantiam uniusquique proximo suo debet, ex obligatione naturalis & divini juris, ut docet Amelius *lib. 5. de Consc. c. 53. n. 7. & 12.**

5. Unde liquet, non aliter committi peccatum mendacii, quam si jus proximi ex obligatione, quæ homines erga se invicem obstricti sunt, lædatur; non quidem ut detrimenti quid alterius patrimonio, incolumitati aut honori inferatur, cujusmodi aliquid cum falsiloquio plerumque conjunctum, peccati deformitatem auget ac intendit in primis; sed etsi nulla sit, quam deceptio in verbis, à mente loquentium ita diversis, ut sano sensu aliter accipi nequeant, hæc est læsio alterius in re sanctissimi instituti & ordinationis divinæ; quo respectu læditur hoc peccato Majestas Dei, qui veritatis auctor & amator talis est, ut mentiri non possit & imaginem suæ veracitatis homini impreslerit conservandam: quibus accedit, quod illa deceptio verbalis, etsi in rebus tralaticis commissa, signum est animi levis ac impo-

storis, ab omni candore, & ingenuitate alieni; quod & objectum alicui, sensibilis injuriæ loco habetur, & exulat à conversatione civili.

6. At hæc omnia supponunt formale Mendacii adesse, læsionem scilicet proximi in commercio sermonis; cujusmodi læsio, ne de alio detrimento alteri intentato dicam, si nulla committatur, oportet illa vilitas & levitas, illa violatio instituti & majestatis Dei, & quicquid in mendacio turpe inesse demonstravimus, cesset. Si nihil, inquam, in eo reperitur, quod tabulam Decalogi secundam, quæ ad proximum se refert, imminuat eique fraudem faciat.

7. Quare; I. Si quis enuntiationes falsas ex ore suo proferat solus, sine animo & usu cum aliis communicandi, hunc non mentiri certum est, etsi actus ille possit esse ineptus & vitiosus, non tam respectu sermonis, quam cogitationis & actus ipsius, si nihil ad honorem Dei & usum rectæ rationis atineat.

8. II. Si quis etiam enuntiet verbis, quod non habet in animo, ad eos qui non habent usum rationis; cum oratio sine ratione nulla sit, ac ideo commercium orationis sine ratione haberi non possit; in eo non esse mendacium, quia commercium sermonis, aut jus alterius hoc respectu non læditur, statuendum est: Unde, si quid furioso, quod ita non est, adfirmetur, non magis est mendacium, quam fides conventionis & contractus cum illo initi non servata, perfidia est; eademque ratio erit infantium. Etsi id genus falsiloquia, sine aliqua ipsorum utilitate, rectius omittuntur, ut ineptæ saltem & nugæ.

9. III. Sequitur, quando res aliter quam sunt, enuntiantur, apud eos, qui fictionis vel præmoniti, vel ex negotii naturæ gnari sunt, non esse mendacium, quia non violatur commercium sermonis, aut jus alterius

alterius, eo respectu æque manifestum est, ut cum in Apologis, arbores & animalia bruta loqui dicuntur; aut etiam hominibus, ea quæ non egerunt, adscribuntur, eruditionis inde colligendæ causâ. Eodem pertinent fictiones Legum, ut cum Filius in movendâ Querelâ inofficiosi testamenti dicit; ita fingi lege jubente; Patrem suum, cum faceret testamentum, non fuisse sanæ mentis, & id genus alia, quo nomine parum scite Censuram in Artem Juris exercent quidam, ut probavimus in *Ennom. Rom. ad l. 2. π. de Inoff. testam.* modo id fiat, cum aliquo fructu utilitatis aut honestatis publicæ, quod Juris auctores fategerunt.

10. V. Si, non quidem præmonito vel gnaro; sed tamen, re compertâ, consensuro & gratias habituro aliter res, quam est, adleratur; nulla sit ejus lætio, nihil præjudicii hoc respectu creatur, adeoque mendacium non committitur. Eò pertinet Maximi Tyrii dictum, καὶ ἰατρὸς ἐν τῷ νόσῳ καὶ ἀποκρίσας, καὶ ἑρμηνεύς ἐρμηνεύων, καὶ κυβερνήτης Ναυῆος; καὶ δὴ τὸν ἰατρὸν. *Medicus ægrotum, Imperator exercitum, & gubernator navigantes decipit absque malo*; rursus sub eadem limitatione boni, & consensus saltem taciti, evidentis. Exempla passim obvia nihil opus est commemorari.

11. VI. Qui in hoc est, ut societatem humanam nefarie lædat, alioque contra jus naturæ vexet & opprimat, huic, eo respectu, quo melius id efficiat, non debetur hoc Commercio sermonis & communicatio cogitationum, nec ideo mendacii peccatum in vero dissimulando contra illum committitur. Quo pertinet obfretticum adversus Pharaonem adleveratio, cui quod Deus benedixisse legitur, indigere non videtur illâ distinctione, quæ in sacrum textum majori, ut videtur, subtilitate, quam soliditate inferitur. *Exod. 1. 19. 20.*

12. Inde VIII. nec hosti in bello iusto, ferrum & flammam Patriæ nostræ inferenti, cui vitam & opes eripere fas est, nihilo magis hoc respectu, sermonis illud officium & jus commercii, quod cum eo nullum est, debetur; quam rem etiam latius pateat quam prius, aliqui facilius concedunt. Quos inter Zieglerus, qui in cæteris contra Grotium disputans; hac in re, *Non negaverim tamen, inquit, hostem Reipubl. tam gestu & signis, quam confictu sparsisque literis, aut vulgato falso rumore falli licite posse; quandoquidem ille commercium juris Gentium jam violavit, & per ordinariam juris viam in ordinem redigi non potest, ad Grot. lib. 3. de jur. B. & P. c. 1. §. 17.*

13. IX. Reptori supremo Reipubl. propter commune vel singulare bonum concedit falsum dicere Plato, eoque refert Grotius adleverationem Salomonis, de scindendo in partes infante, cum animus ei longissime à tali voluntate abesset, *d. c. 1. n. 15.* Ejusque rei causam referre oporteat, ad tacitum civium consensum; qui omne suum jus, adeoq; etiam id quod è promiscuo sermonis commercio singulis debetur, propter utilitatem publicam, in Imperantes suos contulerint.

14. Hæc & similia sicut à nobis absolute non adfirmantur, ita concedi non posse fatemur, si in Falsoquio sit vitium quo Dei naturæ, sine respectu ad jus proximi, contrarietur; vitium, inquam repugnantix cum natura Dei; abstractum à respectu mutux obligationis hominum inter sese; quod si est ita, quæ magis ad secundam, quam ad primam Decalogi tabulam referatur mendacium, non animadvertimus.

15. Equidem esse Deum veracem, nec esse non posse, quis non agnoscat? æque ac eundem esse justum, nec esse non posse fatentur omnes. Quin etiam non exercere justitiam, vel ipsam puni-

K k k

toriam,

toriam, non posse Deum statuamus, idéo tamen non sequitur, non multos Justitiæ actus inter homines circa res, circa vitam illorum, dispensante Deo, aliter aliterque habere se posse, vel etiam sine dispensatione, variantibus objectis, salvâ scilicet Dei justitia; quemadmodum falsiloquia, quæ vitio carere putamus inter homines, salvâ Dei veracitate fieri, non est quod dubitemus.

16. Instantiam tamen à Deo, inquam, valde urgent, qui Falsiloquium indistincte damnant. Sieglerus in *d. ad Grotium loco §. 5. At si licitum quid est homini in relatione ad hominem, quidni id liceat Deo erga homines? Et si ea est natura mendacii, ut ex circumstantiis in genere licitorum poni possit, quid est, quod Deo id tribuere prohibeat: Vel hinc ergo apparet, eam esse mendacii naturam, ut nequidem propter circumstantias laudari atque ab hominibus probari queat.*

17. Placet eâ de re quid Plato dixerit, referre. Τὸ ἐν τοῖς λόγοις ψεύδῃ, inquit, ποτὶ καὶ τὸ χρεῖσθαι, ὅτι μὴ ἀξιοῦν εἶναι μίμνῃς; Ἄρ' ἔστι τὰς πολυμίαις, καὶ τὸ κηλεθῆναι φίλων, ὅπως ἀφ' ἑμεῖον, ἢ ἕνα ἀποῖον, καὶ ἴσθι ἐπιχρηῶσι περὶ πῶν, τὸ π λυπεῖται ἔτι καὶ, ὡς φερέμενον, χρεῖσθαι χιτιῶν; Mendacium, quod verbis committitur, nunquid aliquando est utile, ut odio dignum non sit? Nonne adversus hostes & eos qui amici vocantur, quando propter furorē vel insaniam quandam, aliquid mali aggrediuntur, nonne tunc avertendi causâ, tanquam remedium, utile fit mendacium? lib. 2. de Republ. sub fin. Subjungit deinde, Κατὰ τὴν δὲ ἐν τύπῳ, τὴν θεῶν τὸ ψεύδῃ χρεῖσθαι; Qua parte verò batur rerum vel usuum, Deo mendacium est utile? Καρὶ δὲ ἀπὸ τοῦ θεοῦ ἀπλῶς καὶ ἀληθῆς ἐπὶ τὸ ἕρῃ καὶ ἐπὶ τὸ λ' γρ, καὶ ἐπὶ αὐτῆς ποσῆς ἔστι, ἔπὶ ἀπλῶς ἀξιοῦν, ἔπὶ κατὰ φωνήσια, ἔπὶ κατὰ λόγους, ἔπὶ κατὰ σημεῖον ἀπλῶς, ἔπὶ ἕρῃ, ἔπὶ ὄψε. *Plante Deus*

simplex & verax opere atque verbis est, nec ipse mutatur, nec alios decipit, neque per visiones, neque verbis neque signis, aut ostentis, nec per vigilias neque per somnia d. loco. Idem summatim repetit d. princ. lib. 3.

18. Primo quidem, si verum est, quod Plato ait, & quod neminem scio negaturum, Deum neminem vel per signa gestusque in errore deducere; neque tamen quisquam negat, ex justâ causâ signis & gestibus aliud præ se ferre, quam sit in mente, licere, quo pertinent stratagemata belli aliaque in sacris & profanis Historiis infinita exempla, argumentum à Deo ad hominem labascere oportet.

19. Plato significat, idque verum est, Deo nec opus esse neque dignum, adhibere signa vel voces, quibus aliud præ se ferat, aliud velit, ut hominibus prodesse queat, sicut usus venit hominibus ob ignorantiam & impotentiam. Est enim imperfectio in homine tali indigere circuitu, ut alii profit. Quanto unumquodque minorem ab objectis mutationem accipit, tanto perfectius est, ait idem Plato lib. 2 paulo superius. Ἀλλὰ ποῦ, addit, ὁ θεὸς π καὶ τὸ θεῶν πῶν ἀεὶ ἐξ ἑ. Enimvero Deus, inquit, & quicquid est Dei omni ex parte optime & perfectissime se habet. Imperfectionem igitur esse falsiloquium, aliquando innoxium, patet, quale in hominem quidem sine delicto, in Deum cadere non potest.

20. Ex his etiam intelligitur, quo pacto illud celebre dictum Augustini, nullum mendacium non esse peccatum, ne quidem si ob gloriam Dei fiat, accipiendum sit; etsi maxime non concedatur in ejus sententiam rigidiorē, non admittentis ullum scientis falsiloquium; non esse videlicet, quod gloriam Dei per se & directè, ejusmodi commentis & ambagibus innoxii, quæ tamen imperfectionem

fectionem & infirmitatem continent, sine respectu ad hominum officia inter se, promovere studeamus.

21. Damus etiam Augustino, mendacium non ideo delinere esse peccatum, quia possumus aliquando alicui prodesse mentiēdo. Possumus enim & furando alicui prodesse, si pauper, cui palam datur, sentit commodum, & divos, cui clam solitur, non sentit incommodum. Nec ideo tale furtum quisquam dixerit, non esse peccatum, ut loquitur in *Enchirid. c. 22.* Dives enim habet hoc jus ex Lege naturæ, Gentium & Divina, ne quod proprium ejus est, ipsi auferatur: sed cui falsum persuademus, in casibus supra exceptis, non habet jus, ut verba cum eo commutemus, ejusdem significationis, cujus est nostra mens aut voluntas: ubi hoc jus habet alter, ibi Mendacium esse peccatum intelligimus & dictum est.

22. Idem servit ad hoc; Possumus & adulterando prodesse, inquit, si aliqua, nisi ad hoc ei consentiatur, appareat moritura, & si vixerit, paritendo purganda, nec ideo peccatum negabitur sale adulterium. Nemo dicet, utilitatis causâ licere mentiri, si tam veri copia debetur ei, quicum res est, quam uxorum jus alteri debetur. Instat Augustinus, Si autem merito nobis placet castitas, quid quaeso offendit veritas, ut propter alienam utilitatem, illa non violeatur adulterando, & violeatur ista mentiēdo? Si violatio veritatis inter homines magis intelligi po-

test sine respectu juris alieni, quam castitatis ab adultero sine tali respectu violari potest, argumentum valebit. Sed cum neutra tali respectu carere possit, quid ab adulterio, quod jus alienum indigne violat, argumentemur ad falsiloquium nostræ hypotheseos, in quo nulla ejusmodi juris alieni violatio vertitur?

23. Denique, non ideo mendacium poterit aliquando laudari, quia nonnunquam pro salute quorundam mentiamur, ait ille; Recte; pro salute aliena non est mentiendum; si talis est is, ad quem verba proferuntur, in quo locum habet obligatio illa juris naturalis & divini, ut internas loquentis cogitationes intelligere debeat. Si talis ille non sit, furiosus gladio armatus; aut tyrannus vel latro innocentem ad cædem quærens, huic ego cogitationes meas convenientibus verbis, aperire non teneor; sed verba dare, sine mente, quibus in furore suo impediatur, jus & fas videtur.

24. Jam, si quis id quod contra obligationem illam naturalis & divini juris profertur, Mendacium; quod inde alienum ac innoxium est Falsiloquium, appellare velit, ut Puffendorffius instituit, nihil refragamur: Quemadmodum si quis ipse verum putans, falsum enuntiet, aut si verba sint ambigua, vel tantummodo reticentiam veri totius vel pro parte contineant; hæc ut à controversia remota, ab aliis petenda relinquimus, vid. *Grot. lib. 3. c. 1. & Ames. d. cap. 53.*

C A P. I I I.

De Pactis & jurejurando.

Conventio sive Pactum quid. Non obligare pactum, nisi per acceptationem ejus cui promissum est. Requiritur in utroque usum rationis, non æquè deliberatum animi consilium, nisi aliter lege civitatis cautum sit. Non videri opus esse, ut acceptatio innotescat promittenti, sed morte jus acceptandi extingui. Rem promissam in potestate promittentis esse debere, tam rei quam personæ respectu; proinde Curam, turpitudinem, commercii prohibitionem, dationem factumve alterius, nisi mandatum intervenerit, impedire obligationem. Alius pro alio an stipulari vel acceptare possit, disputatur, adversus Grotium. De jurejurando, quid, & an licitum sit. Per se hoc non producere obligationem, nec efficere, ut obligationes valeant. Quid de obligationibus solo jure civili prohibitis hac parte juris sit. Reliqua remissive.

Acturis de jure, quod ad rem ex conventionione oritur, quemadmodum supra institutum in antecessum, de præcipuo conventionionis instrumento, quod est Sermo, & de commercio illius agendum actumque fuit: nunc ad ipsam Conventionionem pergendum.

2. Est autem nihil aliud Conventio, quam duorum pluriumque ratione utentium, in idem placitum consensus; aliter Pactum & pactio appellata. Declarationes autem ab una parte factæ non pariunt obligationem, quæ est vinculum inter duos, sed in potestate sunt ejus à quo prolatae sunt, ut impleantur vel mutentur: Quemadmodum in ultimis sit voluntatibus, quæ usque ad supremum vitæ exitum ambulatoriæ esse dicuntur & sunt.

3. Nec valet à naturâ Dei, cujus dictum est *ἀμετέωρον κέρως, res immutabilis*, ut ait auctor ad Hebræos, argumentum in contrarium. Est enim infirmitas, mutare consilium, qualis ut ho-

mini sine scelere evenire potest, ita in Deum nullo modo cadit.

4. Conventio igitur non obligat, nisi per translationem juris in alterum factam, quæ non nisi per actum voluntatis, id est, per acceptationem alterius committi potest; nisi quod Lex aliquando supplet actum voluntatis in acquirente, quemadmodum in ultimis voluntatibus accidit, & rogatio præcedens postsecutam promissionem sine dubio vim acceptationis habet.

5. In utroque tam promittente, quam acceptante requiritur usus rationis; Unde furiosos, & infantes neque promittere nec acceptare posse manifestum est. Quin etsi omnes qui intelligunt quid dicatur aut agatur, è conventionibus teneri videantur, omnium tamen usu gentium paulo major ætas ad efficacem conventionionis effectum requiritur, cujus determinatio juris positivæ est; quemadmodum eodem jure negatur aliquando effectus obligationi, quæ per ætatem a-

liquis

liquis obstrictus fuerit, quemadmodum de his qui sub Curatoribus agunt, *infra* videbimus.

6. Quidam præter usum rationis, tequirunt animum in promittente deliberatum; etiam Grotius ita, *Quod sit*, inquit, *animo non deliberato, id nos quoque ad vim obligandi non credimus pertinere lib. 1. de J. B. & P. c. x. n. 4.* Deliberationem, qualis ad quemlibet actum animi voluntarium, à philosophis requiritur, quem Electio sequitur, si intelligit, bene est; Si vero populariter in promittente requiri putant ejusmodi præviam deliberationem, quã non nisi bene subductis rationibus, homines ad conventionem accedunt, hoc requisitum incideret in sententiam eorum, qui pacta non aliter obligare putant, quam si bene seriò animoque determinato fiant ac interponantur: Temere autem inita non ceniunt esse obligatoria, nec aliter quod jure Romano de nudis Pactis docetur, accipiunt, quã de re diximus in *Eunomia Rom. ad l. 7. n. d. Pact. & in Prælect. ad d. tit. n. 8.*

7. Verius est, eos, qui mentis compotes temere promittunt, bene tamen intelligentes quid agant, nec in facto deceptos, ad servandam fidem datam teneri, ut ipse Grotius probat *l. 2. c. xi. à pr.* & esse quod sibi temeritatem suam imputent. Acceptatione ab altero facta, jus ei quæsitum est, & promittens stipulatori obnoxius tenetur: Alioquin hoc prætextu quilibet contractus atque alienationes in dubium vocari possent: siquidem in promissione, causa est alienandi & juris in alium transferendi. Docet idem rex sapientissimus in *Proverb. c. 6. Si spondidisti manumque dedisti, illaqueatus es oru tui eloquio & teneris, venisti in manum proximi tui, cui se subicias eique satisfacias oportet.*

8. Si qua tamen Civitas, inutile esse

arbitretur, inter cives suos è quibuslibet conventionibus actiones dari, statuatque in eum finem certam aliquam & solennem formulam, qualis apud Romanos stipulatio fuit, esse requirendam, hanc constitutionem è consensu vel Legge justam fieri posse, non est, quod negemus, eaque ratione quod è pactis nudis jure Romano non datur actio, ut in *dictis locis* probavimus, defendi potest; tamen si jure Gentium, quod hodie merito viget, aliter obtinere jam diximus.

9. Cæterum, acceptatio tribuit jus ei, cui promittitur, etsi facta sit absenti; modo contractus inter absentes per leges celebrari queat, nec opus esse videtur, ut acceptatio promissori innotescat, nisi id pactus sit; ne quidem in negotiis reciproce obligationis, secus ac vult Grotius *d. cap. xi. n. 15.* Quid enim? si quis addixerit absenti rem certo pretio, & hic coram testibus acceptaverit, an venditor revocare poterit, si poeniteat, ante quam acceptatio ipsi renuntietur? Non habet rationem: Transtulit in emptorem jus, si acceptaverit. Acceptavit: tenet igitur obligatio. Ante acceptationem, posse revocari jam dictum est.

10. Si ante acceptationem mortuus sit ille, cui promissio facta fuit, ad heredem ejus nihil transit, quia nihil defuncto acquisitum fuit; jus acceptandi non transit: quia non est jus quæsitum, sed est res meræ facultatis, sive potentie, quæ cum personâ extinguitur. Quid si promissor sit mortuus, an is cui promissum est, acceptare potest? Sane potest; sed & heres promissoris ante acceptationem revocare potest, sicut ipse promissor potuisset.

11. Plane, si plures sint promittentes aut stipulantes, singulos pro partibus obligare & obligari, naturalis juris est; Ut in solidum singuli teneantur, non fit,

nisi per expressam conventionem, quæ sunt duo correi stipulandi & promittendi; vel quod res sint individuae, ut quædam facta & res incorporales. Eadem ratio est in heredibus ejusdem promissoris aut stipulatoris.

12. Hæc de consensu utriusque vel plurium. Sequitur materia pacti, *in idem placitum*, ut in definitione fuit. Qualitas materię expressa non est, neque potuit exprimi ob infinitam varietatem: Sed hoc ultro intelligitur, rem ejusmodi esse oportere, quæ sit in potestate promissoris, quæ deficit, vel ratione personæ, vel rei. Priore sensu quicunque sub Curatoribus agunt, promittendo, cum effectu non obligantur. Etsi enim quominus ex conventione teneantur, qui ratione utuntur, nihil obstat, effectus tamen, qui consistit in alienatione, ab iisdem proficisci non potest, cum hæc auctoritate Curatoris impediatur; quod universoni convenienter, etiam à Romanis observatum est; *l. 101. n. de Verb. obl. & l. 3. C. de in int. res.*

13. Respectu rei, non valet promissio rerum, non modo impossibilium, sed etiam commercio exemptarum, ut sunt res sacræ, sanctæ, religiosæ, publicæ, liberi homines; sed rerum quæ nullius sunt, aut alienarum promissio, in casum, quo nostræ futuræ sunt, promissio valet; & sic etiam publicarum vel sacrarum, in casum si quando privatæ & postæ sint futuræ; modo in illâ spe vel destinatione nihil sit turpitudinis, qualis esse videtur in promissione matrimonii futuri, ab eo cave, qui conjugem nunc habet, tamen etsi aliter, quod mirere Grotius in *lib. 2. c. xi. n. 8. in fin.* Quanquã autem qui promittit res in commercio positas, sed nunc alienas, ad ipsarum præstationem in præsentem non obligatur; si tamen eas purè promiserit, in id quod

interest tenebitur, ad quod si promissio penitus nulla sit, ob defectum commercii, cessantibus omnino terminis habilibus, non tenetur.

14. Ad nullitatem pertinet etiam promissio rerum vel actionum turpium, quas nemo in potestate habere censetur, & unde ne quidem, post rem gestam, oritur obligatio, secus ac Grotius docet in *d. cap. xi. n. 9.* argumento ejus, quod Juda egerit, erga Thamarem virum, cui solvit mercedem stupri *Genes. 38.* Sed unde probat Grotius, si non solvisset, eum fuisse peccaturum? solvit generositatis profanæ causâ, ne veniret in contemptum, ut indicat ipse *vers. 23.* nec facile persuadebit *divinum*, eum qui sicario conducto post cædem peractam solvit mercedem promissam, non magis probare factum, quam explere iustitiam: Cæterum, quod is qui sine causâ promissit, non tenetur Lege civili, id magis ob præsumptionem turpitudinis, quam quod promissio sola deliberate animo facta non teneat, fieri videtur, ut idem recte *n. 10.*

15. Non est etiam in potestate Promissoris, alium esse daturum quid vel facturum, nisi de se Promissor expresserit, effecturum se, ut alius det vel faciat: tunc enim nisi id effecerit, in id quod interest tenebitur. Sane qui mandatu alterius promissit, is sine dubio mandantem obligat, sive mandatum generale seu speciale fuerit, etsi Promissor mandati generalis fines excesserit; quatenus mandans eum præficiendo rebus suis, quicquid in iis egerit & promiserit, se ratum esse habiturum tacite recepit; haud tamen ultra scilicet quam res patent, quibus est præpositus, quod in Exercitoribus, Institutoribus, etiam in Legatis usum habet.

16. An alius pro alio acceptare alii-ve stipulati possit, quod jus Romanum optimum

optimus alioqui juris naturæ interpret negat, in eo Grotius distinguit inter *promissionem mihi factam de re dandâ alteri, & inter promissionem in ipsius nomen, cui res danda est, collatam. Si mihi facta est promissio, omissâ inspectione, an mea privativim intersit, quam Jus Rom: introduxit, naturaliter videtur mihi acceptandi jus dari, ad efficiendum, ut ad alterum superveniat, si & is acceptet. d. c. xi. §. 18.*

17. Atqui Jus Romanum non negat, promissionem mihi factam, ut ego alii dem, valere; sed negat alium alii posse stipulari, hoc modo; *centum Titio dare spondes? §. alteri 18. l. de Inutil. stipul. l. 38. §. 17. n. d. V. Obl. Ad id quidem hanc rationem, quod obligationes sunt inventæ, ut unusquisque acquirat id quod sua interest: sed hæc ratio cessans efficere non potest, ut thesis ignota juri Romano adstruatur, & stipulatio, quâ quis sibi dari stipulatur quod alii det, non valere dicatur: eo quod statuit, alium alii propter illam rationem non posse stipulari. Præter quod, non possit non interesse stipulantis, sibi acquiri quod alii det; sive negotium alteri gerat, quo casu habet actionem; sive quod donatum ei velit, quo beneficii debitorem accipiat, quod minime remotum est à facultate civilis negotii: Nec adeo sic Juris auctores negant, quod Grotius illis ut negatum imputat, in his verbis, *Nam is sensus juri Naturæ non repugnat, & verbum talis promissionis maxime congruit, neque nihil mea interest, si per me alter beneficium accipiat. Non sunt hæc revera contra jus Romanum, ut recte etiam observat D. Sieglerus ad hunc Grosii locum. Valet igitur stipulatio tam jure civili quam naturali hoc modo; Centum mihi dare spondes, quos ego dem Titio?**

18. Pergit Grotius; *Quod si promissio in nomen ejus collata est, cui danda res*

est, distinguendum est, an qui acceptat, speciale mandatum habeat acceptandi; aut ita generale, ut talis acceptatio ei inclusa censeri debeat: an vero non habeat, Ubi mandatum tale antecessit, distinguendum ultra non puto, sine persona sui juris, nec me, quod Romanae leges volunt, sed plane ex tali promissione obligationem perfici. Ego adhuc puto distinguendum, saltem in possessione dominioque rerum, utrum is qui stipulatur, sive acceptat in alterius nomen, ex ejus mandato generali, vel speciali; mandatum illud præferat, an non. Si præferat mandatum, acquirit etiam mandanti, l. 13. n. de Donat. Quod si mandatum non præterat meus Procurator, acceptans pro me; tunc idem, quod ad Promissorem est, ac si deficeret mandatum: quod enim ignoratur, in civilibus habetur, ac si non esset. l. 1. §. 20. n. de Acquir. Pposs. Hæc etiam obligatione acquirenda valeant; etsi paulo secus hæc parte jus Romanum l. 49. §. 1. n. de Acquir. Poss.

19. Hoc igitur querendum est, an deficiente mandato, valeat in nomen Tertii Stipulatio, sive acceptatio, in hunc modum, *Centum Titio dare spondes? spondeo. vel ita; Titio centum dabo. Alius præfens subjicit, accipio pro Titio, id ignorante, neque prævio mandato. Romani putarunt, ego etiam magis puto, talem promissionem non habere majorem vim, quam si nemo acceptasset, quo casu revocare liceret promissum. Quod enim ego me Titio daturum profiteor, quid hoc ad Tertium, qui in Titium non habet potestatem? Arbitratu meo emisivoce, in Titii favorem; hanc excipit Cajus aut Sempronius: non contrahitur inde vinculum, quo promissor obligetur promissario. Titius est promissarius; ego promissor; nos duo colligandi sumus, ut vinculum*

vinculum obligationis nascatur: non ego & quilibet alius, cui nihil promisi. Si veniat is qui acceptavit, dico; nihil tibi promisi: si veniat Titius, dico, Sum equidem professus metibi daturum: sed revocavi antequam acceptares, per te vel per ministrum, quod erat liberum facere. Non est hæc subtilitas, est vera rei gestæ historia & consecutio.

20. Grotius duplicem ejusmodi promissionis in ærem factæ, ab eo, ad quem non pertinebat, acceptatæ, statuit esse effectum: primus est, ut promissori revocare promissionem non liceat, antequam is, quem spectet promissio, eam ratam habuerit aut irritam. Hoc jus promissarii (liceat ita loqui cum Grotio) ut ab ejus rati habitatione pendeat promissio, consistere debet in vinculo, quod ipsum & promissorem colliget, quod in hac specie deficere probavimus. Ait Grotius: *si promissor revocet, non facit contra jus proprium alterius, sed contra fidem.* At qui nos agimus de obligatione, quæ jus proprium alteri tribuit; ubi non est jus proprium alteri quæsitum, ibi non est obligatio, Perfidia quoque non committitur, ubi fides data non est ei, ad quem res pertinet; mutatio consilii & levitas non est statim perfidia.

21. Alter effectus Grotio est, quod is qui acceptavit, medio tempore promissum remittere possit, id est, antequam is cui promissio facta fuit, ipso acceptante, eam ratam vel irritam haberet. Sed qui nihil juris acquisivit, ut Grotius ipse fatetur, sibi nec alii, non habet etiam quod remittat. Quid ni verò qualemcunque fidem à me datam, in Tertii nomen, ipse remittere possit, cum nullo pacto illi tertio teneatur. quid hic conqueri potest? Pone casum; Ego dixi, *Titio centum dabo.* Tertius subjecit, *Accipio pro Titio:* cui nullâ re tenetur, & qui rem totam ignorat. Si quid inde juris

ortum sit, hoc est penes Tertium acceptantem; nihil adhuc penes Titium. Tertius antequam referat Titio, promissum mihi remittit; quid habet de quo Titius queratur, cui nihil ademptum, nihil quæsitum fuerat?

22. Promissionibus crebro accedit Jusjurandum, quod est, Adseveratio; cum invocatione Numinis in testem, & cum imprecatione nostri: Et si posterior pars, haud expressa licet, ultrò intelligitur, cum, qui Deum invocat, superiorem citat, habentem *ἐκδικῶν ὀμνῶν*, vindicem oculum: Quod Mennonitæ nostri, quibus jurare religio est, animadvertentes, cum diu usi essent indulgentiâ legis, quæ permittit iis solâ invocatione numinis in testem, *ἀπὸ κατὰ πάς*, sine imprecatione defungi, postremo qui ex illis rigidiores sunt, id ipsum repudiarunt; neque plus quam simplices adfirmandi vel negandi formulas à Christo permissas arbitrati sunt. *Matth. V.* Quemadmodum inter ipsos paganos non defuere, qui videntes, non nullos hominum esse nimis faciles ad jurandum contemptu religionis, in adversam partem se recepere, *perquam timidi in Jurando, metu divini numinis, usque ad superstitionem,* ut refert Ulpianus in l. 8. *π. d. Condit. Insuper.*

23. Nec est dubiû, quin non nisi in magni rebus momenti, minimè in tralatitiis, aut incertis adhibendum sit jusjurandum. Eaque mens videtur esse Christi domini & Jacobi Apostoli juramenta prohibentium, non ut ex usu judiciorum rerumque maximarum penitus aboleantur; Id enim propositum Servatoris nostri declarantis, se non venisse *καταλύσαι τὸν νόμον*, abolendi Legem, in quâ olim sancitum esse jus jurandum latis constat, idemque sanctorum exempla in ipsâ novi testamenti œconomia abunde refellunt.

24. Idem igitur velle videtur, Christus,

Christus, quod Philo; *καμισταὶ ἐβωφιλίσταται ἐν ἀρεστίαι λογικῇ φήσει τὸ ἀπέμνησθαι, ἕως ἀλλοτρίου ἐν ἰσότητι διδωγμῶν, ἀετὸς λόγος ὅπως εἶναι νομίζουσιν.* Optimum atque utilissimum & rationali natura conveniensimum est, juramento abstinere, atque ita se veracitati advescere, ut verba pro juramento accipiantur. Proinde τὴν ἀποκρίσιν τῶν ὁμοίων προσηύχθησιν πρὸς τὸ ἰσχυρομένωσιν ἐν ἀρεστίαι ἀβωφίλων ἐξ ἰσότητος & πίστεως, Imperat igitur abstinentiam jurisjurandi de contingentiis, sive de his, quae possunt & non possunt fieri & incertis habens eventus terminum ut Hierocles.

25. Non est animus omnem exhaurire Jurisjurandi materiam, quod actum in *Prælect. d. tit. π. de. Jurejur.* Sed hic de eo, quod promissionibus accedit, agimus. Per se non parit obligationem inter homines, quia se refert ad Deum; sed conventionem firmat: Quæ si non est obligatoria, jusjurandum eam vim inter homines addere non potest. Unde pacta nuda, quæ jure Romano non obligant, eam quoque virtutem non adipiscuntur ex jurejurando, ut eodem jure proditum est; non quod jurantis conscientiam obligari coram Deo negent; sed quia forensam inde actionem dari non probant, tam ratione jam dicta, quam quod usu promiscuo jurisjurandum violaveret, quæ de re prolixè egimus in *Eunom. Rom. ad l. 7. §. 16. d. Pact.* ubi & illud, Jusjurandum contra bonos mores non valere, quia nec ipsa valet obligatio, cui adjicitur, & jusjurandum non debet esse vinculum iniquitatis. Idem est in impossibilibus, de quibus omnibus ad Grotium; in *lib. 2. c. 13. n. 6. & seqq.*

24. De his quæ jure Civili solo prohibiti sunt Contractibus, non conveniunt Romani & Pontificii Juris auctores.

Utrique sane in eo conveniunt; si quis jurando promiserit rem naturali & divino jure licitam, sed positivo jure prohibitam quidem, attamen in alterius privati aut Reipubl. præjudicium non vergentem, ut is coram Deo teneatur: Sed jus Canonicum vult tale jusjurandum etiam habere juris externi effectum *cap. 28. x. de Jurejur.* ubi exemplum, si mulier jurejurando consenserit in alienationem rerum dotalem lege civili prohibitam. Item *cap. 2. de Pact. in 6.* Ubi filia juravit, se dote contentam, hereditate paternâ abstenturam; cujusmodi renuntiatio Legibus invalida est. Sed Jus Romanum non agnoscit ejusmodi juramenta in Foro, *l. 5. C. de Legib.* idque nec immerito, quia sic Leges eluderentur: Qui non est idoneus ad contrahendum, ille jurando se contra sententiam Legum idoneum facere non potest, nec etiam posse debet; quæ de re similiter actum, ad *d. l. 7. §. 16. d. Pact.*

25. Quamvis autem ex jurejurando, qua tali, novum jus alteri non acquiritur, promissio tamen, cui adjicitur, inde fit firmior, ut etiam præstari illam necesse sit, etsi aliquid promissario, cur promittentem liberare debeat, objici potest, quales sunt hostes, impii, latrones & tyranni, quæ de re Grotius *d. cap. 13. n. 14. & 15.* quod tamen vinculum religionis cum mere personale sit, heredibus, quominus contra promissarium, juris quantantur remediis, non obstat, ut idem probat *n. 17.* Quis sit effectus jurisjurandi, quo Reges & alii summam potestatem habentes civibus suis obligantur, aliquoties in loco diximus. Quibus autem modis conventiones & jusjurandum obligare definant, alibi commodus explicabitur.

C A P. I V.

De Contractibus.

Differentiæ Pacti & contractus à Grotio & juris civilis Auctoribus prodita ad Artis rationes examinatz. Summa Contractuum divisio in Consensuales & Reales. Consensualium primus, Emptio Venditio; ubi, an rem minoris emptam multo pluris vendere, philosophia civilis permittat. Periculum rei venditæ necdum traditæ ad Emptorem ipso jure naturali pertinere. Idem esse analogicè in locatione conductione, quod ad mercedem & usum fructumve rei. In locationibus facti non liberari contrahentem præstatione ejus quod interest, altero invito. In Societate, si nihil convenerit, esse videri Æqualitatem arithmeticam, etsi rerum vel operarum dispar sit collatio, Mandati & Jussus differentia. Mandantem non obligari Tertio, qui cum mandatario contraxit, nisi ex eo quod specialiter actum sit. Ratio non excedendi fines mandati, distincte exposita. Cur Societas & Mandatum, secus ac alii Contractus, morte finiantur. Ad consensuales contractus etiam posse referri Stipulationem, cujus usum adhuc non esse nullum. Quin & Fidejussionem, cujus differentia & materia subjecta, ubi & de obligatione sui ad mortem vel ad cruciatum, exponuntur. Donationem quoque ad hoc genus rectè referri: Nec eam sine Acceptatione donatarii valere; sed de omnibus, etiam futuris bonis, quominus fiat, nihil obstarè. Denique, Transactionem ejusdem esse generis. De contractibus, realibus, imprimis de Mutuo & pactione usuraria breviter. Eodem posse referri Contractus Innominatos.

A Pactis & jurejurando transitus est ad Contractus, de quibus hic etiam nonnihil quod ad universam eorum considerationem Juris publici ratio postulet, est collocandum. Quale etsi & Grotii institutum fuerit, in *d. lib. 2. c. 12.* ejus tamen partitiones à methodo juris Romani consulto in philosophicum & inexpectatum abeuntes non sequemur; cum ordo Juris Latini æquè sit idoneus ad recipiendas hujus Artis observationes, ad memoriam vero & perspicuitatem aliquanto sit expeditior.

2. *Conventio sive, Pactum quid sit,* antea dictum est. Ab ea Contractum aliter Grotius, aliter veteres Jurisconsulti distinguunt. Grotius *omnes actus alii utiles, extra mere beneficos,* contractuum nomine appellari docet *d. lib. 2. c. 12. n. 7.* minus cautè, ut videtur; nam pacta sive promissiones, quas à Contractibus separat, & de quibus agit in *cap. præced.* sunt etiam aliis utiles: Mutuum vero & Commodatum sunt etiam *mere benefici,* neque tamen non sunt contractus.

3. *Juris Romani Auctores differentias*

tias habent ejusmodi, quæ non sunt universales aut naturales. Prima est ab effectu; quod è contractibus obligationem & actionem nasci volunt, è Pactis contra; sed hæc è ratione juris gentium universalis æque ad actionem producendam sufficere, quam contractus *suprà nos & Grotius in pr. c. XI.* plenius probavit, idque moribus omnium gentium, qui maxime ad hanc artem pertinent, aliter observari videmus.

4. Alterum à priori discrimen Juris Romani est; quod contractus habeant vel nomen certum, vel causam; Pacta, nec nomen speciale, nec causam habere dicuntur; ita ut, per causam intelligant dationem vel Factam ab una parte impletam vel impletum. Sic Emptio Venditio, Locatio Conductio, Mutuum, Commodatum, Depositum, Pignus alii-que plures species habent nomen certum, quo propter usum eorum frequentem opus fuit. Pacta, quæ dando vel faciendo ab una parte consummata sunt, hæc, Causam habere dicuntur, ac inde sunt Contractus Innominati. Specimina liberalitatis, in quibus non essent reciproæ præstationes, ut Donatio & Precarium, Romani à contractibus etiam removerunt.

5. Postquam vero iisdem placuit, Pactis nudis, id est, conventionibus, quæ nec habent nomen certum, neque causam, ita, ut diximus, intellectam, actionis effectum non dari, opus fuit illis Obligatione verborum, quam dixere Stipulationem, quæ per solennem verborum conceptionem Pacti vice fungeretur. Quibus dein accessit obligatio literarum, quæ tenetur is qui ante biennium confessus est chirographo suo, se pecuniam quam reverà non accepit, accepisse, eo solo, quod ita scripsit.

6. Reliquos contractus bifariam distinxerunt, in Consensuales & Reales.

Nam qui expeditioris erant commercii, his è solo consensu vim obligandi dederunt, quales Emptio, Locatio, Mandatum, Societas. Reliquis, minus forensibus magisque beneficiis, ut sunt Mutuum, Commodatum, Depositum, obligandi vim, non nisi post rei interventum & traditionem dederunt, quibus accessit Pignus, eo quod hoc non esset per se Contractus, sed alterius accessio.

7. Hæc differentias probabiliter ratione constitutas esse, non est, quod negemus. Sed nobis ex simplicitate juris universi nulla causa videtur, quamobrem omnes Conventiones, vim obligandi habentes, non sint accensendæ contractibus, idque moribus hodiernis magis observari videtur. Quid enim vetat, cum stipulationes sint Contractus, Pacta quæ nihil hodie differunt à stipulationibus, eodem nomine designare? Donatio verò, Transactio, Fidejussio, Constitutum & Precarium à contractibus ipso jure civili tam parum differunt, ut plerumque illis adnumerentur, & vix aliud quam nominis sonus interfit.

8. Sequamur igitur hanc simplicitatem, non rejecta tamen consensualium & Realium differentiâ Contractuum, quæ & in mores gentium abiisse videtur: iis qui verbales dicuntur ad Pacta, qui à literis appellantur, ad Mutui doctrinam relatis, nec verorum & quasi tallium qui dicuntur, denique nec nominatorum & innominatorum spectâ differentiâ. Ac ita locus præcedentis capituli fuit communis, hic de singulis contractuum speciebus agetur, quatenus, ut dictum, hujus instituti ratio postulat.

9. Consensuales igitur contractus sunt, Emptio Venditio, Locatio Conductio, Mandatum, Societas, Donatio, Transactio. In Emptione Venditione scrupulum movet, quod usus & vita ejus consistit in licentiâ rem pluris quam com-
tata

rata fuit, distrahendi; quod Philosophi imo & Juris quidam magistri, censores, ut adversum præcepto Juris naturæ, Alterum non lædendi, reprehendunt. Sed in Eunomiâ Romani ad l. 16. §. 4. de Minor. inæqualitatem illam non esse iniquam, ne quidem ut jure Romano permittitur, approbavimus, è tacito quidem sed indubitato generis humani consensu, præter id quod Grotius ex interiore philosophiâ depromptum habet in lib. 2. c. xi. n. 26. quibus accedit ratio Juris publici Universalis, ab utilitate maximâ, per quam fit, ut nullâ re magis floreat civitates, quam Commerciis, quorum anima est illud lucrum: Nec quidem limitatio Juris Romani, ne ultra duplum procedat inæqualitas ex l. 2. C. de Resc. vend. hic locum habet; cum illa supponat uniformem æstimationem mercium; nos in commerciis, pretia rerum fluxa & æstimationis incrementum supponimus; cui varietas indigentix & affectionis hominum certos poni limites non patitur.

10. Venditio consensu perfectâ, non tantum parit obligationem, sed ex naturali ratione dominium quoque rei nondum traditæ in emptorem transfert, secundum ea quæ supra diximus, Traditionem ad dominii translationem non requiri, ut late probavimus in Digress. lib. 4. c. 8. n. 2. & inserto ibi tractatu de jure in re & ad rem c. 16. Quod etsi jure Gentium positivo mutatum sit, ut dominium nonnisi post traditionem in emptorem transire censeatur, tamen periculi ratio, si forte res casu fortuito pereat ante Traditionem, mansit in simplicitate Naturali, etiam Jure Romano; nam periculum re quoque nondum tradita pertinet ad emptorem; quoniam in rei veritate dominium, Jure naturali in emptorem est translatum.

11. In Locatione Conductione, quæ

proxima est Emptioni Venditioni, cum nihil quam usus rei transferatur in Conductorem, periculum ipsius rei nonnisi ad Dominum Locatorem spectare potest: Verum sicut usus rei, & merces in ea respondet dominio & pretio, quod vertitur in Venditione, sic etiam periculum usus ita transit in conductorem, ut ille mercedem debeat, etsi usus ipsi fuerit inutilis, nisi vis major foris adveniens æquitati locum faciat; omnino, sicut Emptor pretium debet, etsi res pereat; nisi quod ibi differentia casuum excluditur à causâ dominii infinitâ, secus ac in locatione bene consultum est à Romanis in l. 15. §. 4. n. de Locat. conduct.

12. Ita in Locatione rerum. Si quis factum locaverit, conduxerit, eum non teneri ad factum illud specificè implendum, sed præstando id quod interest in omnibus facti obligationibus, promissorem, liberari posse, frequenter à Juris interpretibus proditum est; quod non habet rationem. Quid enim magis à fide quam dederis, servandâ, in faciendo, quàm in dandolibere quem possit, non apparet: Etsi verum est, si quis præfractè nolit facere, quod se facturum promissit, eum præcisè cogi non posse, tamen à Judice condemnatur ad faciendum; nec enim voluntas absolute cogi potest; sed illa consideratio non impedit, quominus & perfidiæ notetur & judicialibus cogendi remediis, veluti pignorum captione, multæ, dictione custodia ad servandam fidem adigi possit; quibus tamen id non efficientibus, rem in exactionem ejus quod interest, oportet equidem desinere, sed hoc minime in debitoris facultate positum esse, vel ipsum ab obligatione faciendi quod promissit, liberare, statuendum est; forte ne quidem jure civili, ut probavimus in Prælect. ad tit. Instit. de V. O. n. 5. vers. Quod si promissor.

13. SOCIETATIS fundamentum singulari modo, quæ vel est ab expressâ conventionione, vel à tacitâ, quæ Communio dicitur, est *Æqualitas* lucri & damni inter socios, proportionem, quam vocant, geometricâ, *ὅτι πλοῖον λαμβάνει τὴν συμμετρίαν τοῦ κέρους καὶ τῆς ἀπώλειας lib. VIII. ad Nicom. cap. ult. Ut qui plus conferunt, etiam plus capiunt* lucri atque damni: Idque non modo in pecuniariis collationibus, sed etiam in operarum, laboris & periculi præstatione locum habere, vult ratio & docet Grotius *d. lib. 2. c. xii. n. 24.* Sed hujus rei æstimatio nonnisi ex arbitramento boni viri, facta comparatione pecuniæ & operarum, fieri potest; quæ res cum sine factò & prævia conventionione peragi nequeat, si absque ulla conventionione de partibus lucri & damni Societas inita sit, partes videntur esse æquales & viriles, tam respectu collationis operarum, quam pecuniæ, quas contrahentes inter se compensasse videntur; quod etiam ita jure Romano constitutum esse probavimus in prælect. ad *tit. Inst. de Societ.*

14. Sed quia communiones & societates multis obnoxie sunt diffensionibus, ut unus etiam, quod reliqui omnes volunt, impedire queat; accusque facultati id inest, ut res suas ubi velit, sibi seorsim habere liceat, si quem pro ratione pecuniæ operæve suæ poeniteat æqualitatis, is semper ad divisionem aut ad meram conversionem provocare potest: quod adeo est insitum naturæ domini & societatis, metu discordiarum; ut ne quidem pacto convenire posse videatur, ne unquam à Societate recedere liceat; etsi temporalis ejusmodi conventio, tanti non est præjudicii, quin secundum fidem datam consistere possit, ob propinquæ spem reparationis; idque tam juris universi quam Romani, esse videtur.

15. Mandati usus in Jure publico fre-

quens est, à quo Jussum haud immeritò distinguitur. Quippe mandatum est inter eos, qui *manum dans* ex libera utrimque voluntate; Jussum est ab eo qui jubet, id est, *jus habet* imperandi, & est superioris erga inferiorem. Fit autem vel ita, ut is qui jubetur, tantum sit minister & pararius alienæ voluntatis, neque personæ jus separatæ in illo negotio exerceat; vel ut ipse fidem suam apud Tertium, nomine jubentis, interponat. Hoc sensu, modo magis quam specie discrepat à Mandato; cum ex utroque duplex obligatio nascatur. Una inter mandantem & Mandatarium; Altera inter hunc & eum quicum contrahit aut negotium gerit, qui Tertius est: sed inter mandantem & Tertium nulla vertitur obligatio, quia nihil inter sese egerunt: Nisi mandans Tertio promiserit, se quod mandatarius egerit, ratum esse habiturum, aut perinde, quasi à se gestum esset, haberi velle. Quin etsi hoc generaliter declaraverit, sine mentione certæ personæ, quilibet hanc ejus emissam declarationem acceptare, ac ita cum ipso Mandante vinculum obligationis contrahere potest; quæ res usum habet frequentem, suis locis occursum. Sine tali prævia declaratione res ipsa quandoque tacitè id infert, ut ob utilitatem mercaturæ sit, in Exercitoribus & Institoribus, de quibus ad *tit. Inst. de His qui in al. pos.*

16. Mandatarius ad fines Mandati exactè servandos tenetur Mandanti; quos si excesserit, haud dubie illi obligatur in id quod interest; ad implendum verò contractum, ei, cum quo contraxit ex suâ personâ, vel similit hic, aut aliter fieri nequeat, etiam in id quod interest Per æquipollens tamen aut quod magis expediat, si mandatum impleverit, minimè dici potest excessisse fines Mandati; neque etiam, si per substitutum

id executus sit; modo nihil interfit Mandantis, aut etiam peculiari modo ipsius industria personalis, vel administratio certæ formæ in terminis præscripta non sit; quo pertinet, quod apud Gellium hac de re legitur, *in lib. 1. c. 13.*

17. Cum autem Mandatum, quod semper est gratuitum, amicitiae industriaeque personalis fiducia, quæ ad heredes utriusque partis non transit, incatur, morte non minus extinguitur, quam Societas, quæ similis fiduciae personalis respectu contrahitur: Et si aliorum contractuum obligatio, quæ ratione patrimoniali constat, ad heredes transire soleat. Non minus etiam quam Societas pro lubitu finitur, Mandatum à partibus liberè contrahentibus, re adhuc integrâ, revocari aut renuntiari potest; quâ in re differt à Jussu, qui habet necessitatem parendi; verum ubi res integra esse desierit, tam inter ipsos quam ratione Tertii, manet obligatio, ad præstandum id quod convenit, vel si res ita non fieret, ad id quod interest.

18. Inter Consensuales Contractus videtur etiam merito referri Stipulatio; postquam non modo solennitas verborum recentiori jure Justiniani sublata est, sed nihil præter qualemcumque, modo claram voluntatis declarationem, moribus Gentium, requiri coepit. Verum tamen verò cum apud Romanos Stipulatio vix alium habuerit usum, quàm ut aliis conventionibus firmandis & quasi obliquandis subjiceretur, quod hodie supervacuum habetur, dicendum fuerit, nunc quis usus stipulationis ex hodierno jure Gentium superfit. Primo, etsi conventiones hodie non minus validæ sint, tamen si nulla Stipulatio subjiciatur, revera tamen in omnibus fere majoris momenti, Pactionibus & Contractibus subjicitur clausula Stipulationis, quâ partes stipulantur & promittunt reciproce,

quicquid inter eos placuit, hoc se mutuo servaturos, præstituros, quæ nihil est aliud quàm veterum Stipulatio: Et si nunc ea non sit ejus vis & necessitas, ut obligationis & actionis efficacia inde suspendatur. Præterea, cum ipsæ conventiones quælibet, non habentes aliud nomen, reipsâ nihil differant à Contractibus, Universalis hujus Artis disciplina inde non abhorret; ut quæcunque de rebus licitis conventiones sine rei interventu verbis aut literis inter absentes vel præsentem contrahuntur, hæc cum vim obligandi habeant, Stipulationes appellantur, ac ita censo, observemus.

20. Eò pertinet etiam Fidejussio, quâ quis obligat se pro alio, quod sit bifariam, ut vel primus debitor juxta Sponsorem, maneat obligatus, vel is penitus liberetur, & omnis obligatio in Sponsorem transferatur. Prior modus Adpromissio, Fidejussio, Constitutum à Jurisconsultis vocatur. Nam etsi Constitutum à Fidejussione; præter antiquam Stipulationis, quâ hæc, & pacti quo Constitutum fiebat, differentiam; adhuc subtiliter distinguitur, ut demonstravimus in *Prælect. ad tit. 1. de Constit. Per. n. 3.* Id tamen in hac universali disciplina attendi non potest. Altera Sponsionis, quâ primus debitor omnino liberatur, species, Expromissio vocatur; quando quis se reum pro alio & debitorem priori obligatione peremptâ, constituit; cujus rei usum in ipsâ re Theologicâ vidimus in *lib. 1. sect. 4. cap. 5. n. 10.*

21. Usus & materia Sponsionum tam late, quam Obligationis & Contractus, quorum Accessio sunt, patere videtur: Ac ideo cum nihil obstat, quominus se aliquis ad mortem, ad cruciatum corporis & ad carceres obliget, omnibusque in delictis obligatio & infra contractus (unde Aristotelis *ἐναθάσσεται νόμος, Contractus involuntarii*) vertatur, ra-

tur, ratio vult, ut etiam Sponsor & Fidejussor ita se obligans pro patria vel pro amicis teneatur, idemque usus Obsidium, & Historia confirmant: Et si in Foro Judiciiisque ordinariis Sponsio ad mortem, cruciatum, carcerem, Exilium recepta non sit, ut diximus in *Prælect. ad Tit. Inst. & v. de Fidejuss.* ratione magis civili, ut ibi probavimus, quam naturali. Non certè eà, quæ Jurisconsulti, neminem ajunte esse dominum membrorum suorum. Hoc enim nihil indicat aliud, quam vitam & corpus hominis liberi non esse in commercio, nec æstimationi subjectum.

22. A Sponsionis naturâ non est alienus *Adsecurationis* quid dicitur, Contractus, quo quis alienarum mercium in se periculum pro certo præmio recipit; nisi hæc species magis ad Contractus innominatos referenda videatur; utique, si non prius initium habere censetur, quam præmium sit præstitum & numeratum, ut fere servant Mercatores; Tunc enim magis est Contractus innominatus, ut *infra* demonstrabitur.

23. Quominus etiam Donatio inter Contractus consensuales referatur, ex eâ quam adstruximus, doctrinâ, non est dubitandum, etsi Juris Romani conditores, paulo aliter instituerint; sicutamen, ut Donationem juxta Contractus sæpe recenseant, & discrimen quod superest & *suprà* indicavimus, subtile magis quam populare sit. Verum interim est, quod Donatio quandoque Traditione perficiatur; sed hæc non magis efficit, ne sit consensualis; quam Emptio venditio desineret esse talis Contractus, si Traditio incontinenti accederet. Plane quod aliquæ gentes donationem nullo modo valere statuunt, quam si Traditione perfectæ fuerint, unde Gallicæ præces dictum circumfertur, *Donner & retenir, ne veut, id*

mere positivum & ad restringendam donandi libertatem institutum esse oportet, qua de re dix. in *Prælect. ad tit. v. de Donat. n. 2. in fin. & n. 4.*

24. Ex proprietate Contractus & quidem Consensualis sequitur, non valere donationem, nisi acceptata fuerit à donatario: Consequenter, si donatarius ante acceptationem moriatur, donatio fit caduca, nec ad heredes transmittitur, secundum ea, quæ de natura Conventionum *præced. capite* diximus, & quæ nec usu Fori hodierno, qui est optimus Juris Gentium positivi interpretis, improbantur, ut docet Joh. à Sande *lib. 5. Decis. Eris. tit. 1. def. 1.* Ubi & improbat, quod à nonnullis populis receptum est, ut si Tabellio donatarii nomine, donationem acceptaverit, etsi absque mandato, sub conditione rati habitationis, hæc à donatore revocari non possit, ut de Hollandis suis testatur Grocius *lib. 3. Introd. jur. Holl. cap. 2. n. 21.*

25. Quid quantumque sit donandum, si donator liberam rerum suarum habeat potestatem, ratio non præscribit, Ideoque valet etiam de omnibus bonis, etsi ratione minus probabili facta; Nam prodigæ donationis vitium impingit in probabilitatem, non in facultatem juris; nisi lex illam probabilitatem convertat in necessariam juris prohibitionem, ut factum est à populis, qui donationem omnium bonorum præsentium & futurorum non patiuntur habere necessitatem obligationis, idque sine discrimine causæ justæ an injustæ, quâ de re diximus *ad tit. v. de Donat.* Ubi sicut ex jure Romano docuimus, illam sententiam adstrui non posse; ita nec philosophia civilis obstat magis, infinitis donationi, quàm heredis institutioni; maxime, si donator usumfructum retineat; quem si forte stipulari negligat, alimenta ipsi à donatario deberi, tam valida gratitudinis

titudinjs & tacite obligationis ratio dicitur, ut actioni producendæ sufficere debeat.

25. Denique *Transactio* inter consensuales, ex hujus Artis hypothefi, Contractus etiam referenda videtur: Est conventio de lite nondum finita vel quavis re dubiâ, dato aliquo vel promisso, vel retento, componendâ: cujus maximus favor, ob utilitatem litium finiendarum in Republ. esse debet; ut tamen, quod in omni alio contractu requiritur, ne causa vel res inhonesta sit, de quâ contrahitur, hic minime cefset; quo tamen non pertinere Transactionem de Criminibus sanguinis pœnam ingerentibus, quatenus hoc tantum agitur, ut aliquis sanguinem suum redimat, defendi potest, ita, quemadmodum jure civili constitutum est, & explicari solet, à nobis etiam explicitum est, ad Tit. x. de *Transact.* & in *Eunom. Rom. ad l. 1. §. 3. x. de Calumniat.*

26. Fuere contractus, ut pro hoc instituto sufficiat, Consensuales. Sequuntur Reales, qui sunt Mutuum, Commodatum, Depositum, Pignus, & si qui ad hoc genus alii referri possint: Omnibus commune est, quod cum non nisi post rei interventum & traditionem perfecti sunt; conventiones super illis inite, ante traditionem nihil quam pacta nuda sint, cum illo effectu, quem jus Gentium illis tribuit, ut vim actionis in id quod interest, habeant: si quis ex eo quod alius mutuum se daturum, vel depositum accepturum pollicitus erat, damnum passus sit; et si jus Romanum ejusmodi pactionibus nullam nisi conscientie obligandæ vim tribuisse videatur l. 30. x. de *Reb. cred.*

27. Tribus etiam prioribus commune est, quod sint beneficii, nec ullam recipiant accessionem mercenariam; et si Mutui naturam hac parte mores Gentium

subegerint, ut nihil frequentius quam usurariam pactionem recipiat. Romani quidem hanc speciem ei circumdederunt, quod nisi è peculiari conventionne debeat, & Mutui natura maneat intacta benefica: Sed cum stipulatio usuraria non habeat aliam, præter Mutuum, causam, non potest negari, quin mutuum illo & omnium populorum jure, sit usurarium. An autem & quatenus usura sit licita, cum alibi, tum hoc ipso libro. 2. sect. 2. cap. 2. n. 20. declaratum est, Cætera, quis usuræ sit modus, quibus ex causis debeat & deberi desinat, aliaque et si à Juris univerti tractatu usuque Reipubl. aliena non sint, hic tamen facile, ne vel de his, vel de Mutuo, Commodato, Precario, Deposito, Pignore latius agi necesse videatur, obtinebimus.

28. Verbo monendum; Ad reales Contractus, videri & illos ex hujus instituti ratione referendos, qui à Jurisperitis Innominati contractus appellantur, utique tales, qui non habent initium, nisi à dando, ut est contractus Do, ut tu des, sive Permutatio; Item Do ut facias, quia non habent formatam Contractus naturam, nisi post dationem ab una parte impletam. Reliqui duo, qui sic exprimuntur, Facio ut des, & Facio ut facias, analogice & latissimo rei significatu ad idem genus referri possunt. Sed ut hisce non præjudicatur diversæ Juris civilis methodo, ita speciebus hisce latius explicandis non est hujus instituti ratio comparata.

29. Sed quorsum referemus ad eod celebrem his diebus *Cambium* quod dicitur, seu *Collybium*, ut Græci. Contractum innominatum ut appellemus, postquam nihil eo frequentius in hominum commercio esse cœpit, non fert ratio, et si crebro volunt Juris-Consulti. Sed et si non habet locum aut nomen proprium

prium in methodo Juris Romani, nos in hac Arte tamen non dubitabimus inter Contractus referre nominatos. Est revera Mandatum, quo quis alteri mandat, ut tertio numeret pecuniam suo nomine. Plerumque duplex, ut qui pecuniam amico curare vult foris, mercatori mandat, ut is Secundo mandet, amico illi numerare pecuniam. Veteres Latini, pecuniam hac via permutari dicebant, quâ de re diximus ad Tit. 8. Mandati. sub fin.

30. Possit hic etiam agi de Sponsionibus in fortuitos rerum eventus, quos alii licitos, alii prohibendos arbitrantur; neque res hæc non directe ad institutum præsens & Juris publici disciplinam pertinet. Sed moles rerum & operis coarctandi necessitas hic etiam remissione defungi nos jubet, ad locum ejus proprium in prælect. ad Pandectas Juris Tit. de Alearioribus n. 5.

C A P. V.

De obligatione à variis Causarum figuris; specialiter ex dominio.

Ad varias causarum figuras primo referendos quasi Contractus, inter quos Negotiorum gestio, quæ ex jure Nat. probatur adversus Grotium. Communionem. Indebiti solutionem, Tutelam, Exercitoriam obligationem, de quâ cum Grotio differitur. Huc etiam pertinere Patrum obligationes à contractibus filiorum sam. Locupletationes & cum alienâ jacturâ. De quasi delictis remissive. Quo sensu nascatur Obligatio à Dominio & ex juribus in Re cæteris. Inventorem alienæ rei esse obligatum ad restituendum. Quid si dominus non inveniatur, Quid si ille jam pridem de recuperandâ re desperaverit. Obligationem tacitam de restituendâ re Domino, esse validiorem expressâ, de restituendâ re non domino. De fructibus rei restituendæ, & de causâ fructus acquirendi à non domino. Emptorem rei alienæ teneri ad restitutionem, non recepto pretio; nec quidem venditori illam restituere posse; sed ipsi domino teneri ex jure Naturæ.

Cum duæ sint principes obligationis causæ, Delictum & Contractus, & tamen ea varietas rerum actionumque sit humanarum, ut certis nominibus aut terminis contineri nequeant omnes, hinc Gajus Jctus in lib. 2. Auctororum, Obligationes, inquit, aut ex contractu nascuntur, aut ex maleficio, aut proprio quodam jure, ex variis causarum figuris l. 1. in pr. 8. de O. & A. ita ut summa causa sit Æquitas, cujus in-

finitæ sunt hypothefes. Unde Paulus Adfessor cum de specie iacti, in qua nihil cum altero actum erat, quævisisset, an obligatio inde oriretur, subsistit, inquit; sed mox, propius est, ut obligari te existimem, quia bonum & æquum est.

2. Species ad hanc varietatem figurarum pertinentes, quædam propius ad naturam contractuum, quædam ad maleficiorum similitudinem accedunt: Ad contractus; si quis amici absentis nego-

M m m

tia, non

lia, non rogatus administraverit, quæ dicitur Negotiorum gestio, quam ex æquitate naturali non minus quam ulu civili introductam esse docet lex i. n. de Negot. gest. ubi; Hoc Edictum necesse est. Equum enim est, ut & ipse qui gessit, rationem reddat, & amicus eum indemnem præset. Quo magis miror, à Grotio scriptum, *Negotiorum gestorum actionem, nullum habere eorum fundamentorum, ex quibus natura obligationem inducit.* lib. 3. c. 10. n. 2. quod inconsiderate videri Grotio excidisse, demonstravimus in *Ennom. Rom.* ad l. 1. n. de Negot. gest. Si duo sine conventionione, res tamen itaferente, incidant in *Communione*, ut si duobus eadem res legata vel donata sit, æquitas easdem inter eos præstationes, quæ sunt in Societate, producit, quemadmodum præcedens species haud procul à Mandato distat. Qui pecuniam indebitam, sibi per errorem solutam accepit, æquitate jubente, tenetur ad eam restituendam, non modo si facti, sed etiam, si juris error fuerit; etsi distinctio hac in parte, utrum is qui solvit, de vitando factum damno, an de captando lucro certet, ita, ut lucrum capti juris error minus proficit, ab Æquitate remota non sit.

3. Inter Tutorem etiam & pupillum, etsi nihil sit gestum, quia Tutela publicum officium est, etiam in vitis imponi solitum: Administratio tamen illius officii parit obligationem, quæ Tutor ad reddendas rationes & pupillus ad indemnitatem tenetur, non è contractu, nec utique è delicto, sed è negotio, quod propius à Contractu, quam à delicto abest. Denique & Heres, qui adit hereditatem, sibi Testamento vel lege delatam, nihil cum legatariis aut Creditoreibus agit: Sed tamen hoc ipso, quod suscipit hereditatem, obligare se videtur ad satisfaciendam Legatariis & credito-

ribus defuncti; etsi quod ad hos ultimos attinet, hac obligatione subsidiaria, cum heres pro ipso defuncto habeatur, non sit opus, quæ de re dabitur *infra à dicendi locor.*

4. Huc etiam pertinet Exercitoria & domini præponentis Infitorem; Obligatio, quæ tenentur his, qui cum præpositis contraxerunt, haud tamen ultra, quam de rebus, quibus sunt præpositi. Nam hæc ipso, quod eos præposuerunt, videntur casibus in se recepisse onus obligationum, quas illi in officio contraherent. Sed in hos, qui cum præpositis contraxerunt, non est eadem actio præponentibus; quoniam his applicari non potest alia ratio, quam quod alius per alium, nisi ratione potestatis vel officii, non obligatur: Extranei illi cum præpositis contraxerunt; his igitur sunt obligati, non præponentibus, quos non noverunt; nec ullum extrat eorum factum, quo alii quam ei, quicum egerunt, teneri debeant; quod ita quoque jure civili rectè constitutum est; nisi quod in extremo æquitatis casu, cum præponentes suum à præpositis, quos obligatos habent, adipisci non possunt, in subsidium adversus eos qui cum illis contraxerunt, agere possunt. l. 2. n. de Inst. Ab.

5. Quod autem plures numero præponentes in solidum singuli tenentur, id male Romanis Legibus introductum esse Grotius adfirmat, cum id neque naturali æquitati conveniat, quæ satis habet, si pro suis singuli partibus teneantur; nec publice utile sit, cum ita homines ab exercendis navibus absterentur, si metuant, ne non ex facto magistris in infinitum teneantur. lib. 2. cap. xi. n. 13. De ultima ratione consentimus; sed hæc facit, ut quod Grotius vult, sit juris positivi; naturalis æquitas videtur esse pro jure Romano quod instituit, si exercitores per se plures, na-

ycm ex,

veri exerceant, singulos pro suis partibus teneri; Si vero suas rationes & iura in unam personam compingant, quae pro omnibus uno actu cum aliis contrahat, non possunt ab his contrahentibus exigere, ut hi de eo, quod cum uno pro omnibus in unum conjunctis egerunt, adversus plures agere cogantur. Utilitas mercaturae fecit, ut ab illa simplicitate rationis evidentissima recessum fuerit.

6. Eadem ratio est in Contractibus filiorumfam. ac ut olim fuit, servorum, qui peculis à Parentibus, in quorum potestate sunt, aut ab Heredis instructi sunt, ut Patres & domini à contractibus servorum & filiorumfam. teneantur in eam quantitatem, quae est in peculio, cui liberos & servos praeposuerunt: Unde liquet, hanc obligationem non nisi ad peculium, quod ex illorum bonis profectum est, non ad id quod filii aliunde consequuti sunt, pertinere.

7. Quando quis ex alieno factus est locupletior, eum id alteri abest, haec etiam est iusta obligationis causa, modo non ex datione vel facto alieno ad illum iusto titulo pervenerit, quo casu ille cui res abest, adversus eum qui in alium id contulit, actionem habet, non interitum. Nisi quod Pater & dominus à contractu servi vel filii-familias locupletiores facti, ob arctitudinem potestatis & conjunctionem personarum, probabili ratione, de in Rem verso tenentur Jure Romano. Sed qui immediate locupletior est factus, Re obligari dicitur: quomodo & reliquae species obligationum, quae non habeant speciale nomen, sed quas ipsa res & aequitas dicit esse dandas, aperte designantur. Adde Grotium *d. cap. 10. n. 2.*

8. Ex istis quidem species Contractibus sunt adfines; De his quae ad maleficiorum similitudinem accedunt, locus

est in Jure Civili, de quo nihil habemus singulare, quod hujus sit instituti; Etiam latius patet illa quasi delictorum obligatio, quam ut certis terminis comprehendi possit. Quia, ut hae species intermediae contractuum & delictorum varie miscentur, ita quandoque in eodem facto quasi contractum & quasi delictum posse committi, animadvertere licet: Quemadmodum Nautae, Caupones, Stabularii de rebus in nave, caupona; stabulove receptis & furto sublati, tenentur à quasi contractu, recipiendo rem, & à quasi delicto, quod infidis hominibus usi fiat. *T. n. Naut. comp. stab.*

9. Ad variis causarum figuras videtur etiam referenda obligatio ex Dominio, de qua caput proprium habet Grotius, *in lib. 2. c. 10.* & consequenter ex omni jure in Re constituto; quod minus à definitione obligationis, à Jurisconsultis tradita, quam eorundem usu abhorret. Est enim in omni jure, quod in Re dicitur, maximeque in dominio, vinculum Juris, quo necessitate obstringimur ad ejus rei solvendam, secundum jusque civitatis Jura. Nam Juris in Re vis à parte domini, aut ejus cui jus est quaesitum spectatur; obligatio respectum habet, ad quos ea res vel lucrum inde pervenit. Recte enim, ad quem res mea pervenit, teneri dicitur, ad eam rem mihi restituendam, non modo repetenti, sed etiam ulro & quidem gratis, etiam non suis impensis, nisi post moram, aut per malam ejus fidem.

10. Quae Obligatio cum sit universalis, nullam admittit exceptionem personarum. Ideoque male Judaei rem à gentili deperditam sibi retinere dicere statuunt, & si quid indebitum vel nimium per errorem solverit gentilis, fas ajunt hoc retinere Israeliticum; idque ea ratione, quod jure naturali domino res

tuas petenti quidem sed non ulro restituenda sit. Inter ipsos autem aliter esse Juris, ex ratione peculiari nihil attinente ad gentiles, ut tradit Selden. *in lib. 6. de jur. Nat. & Gent. Hebræor. c. 4.*

11. Verius est, inquam, discretis rerum dominiis, hoc quali pactum humanæ societatis esse contractum, ut quicumque rem alterius in suâ potestate haberet sciens, quantum in se foret, efficeret, ut in domini potestatem veniret, etsi hic quo loco res esset, ignoraret: Ideoque nec Usucapione, secundum hanc Humani generis conventionem, aliena res à sciente acquiri potest; etsi pacis & litium minuendarum causâ, immemoriali aut longissimi temporis exceptione injustis etiam detentoribus, ut aliâ dictum, prodesse placuerit.

12. Proinde, qui rem ab alio deperditam invenit, non tam servare debet Legem Platonis, *ἢ μὴ κατὰ μὴ φίλων; Quæ non possidisti, ne tollas, sed ἐὰν κτίσθῃ, in loco relinquat. Νομίζου φυλάσσειν ἰσθῆος δαιμόνα ἢ τοιαῦτα; Credens Deam Itinerariam talia custodire, ut ille vult in lib. xi. sed tollat & domino restituat gratis; nec enim μισθωτός sive ἰσθητός mercedem inventionis aut indicationis exigere jus est, etsi ulro oblatum, vel promissum accipere nil vetat. Denique, sic rectè Juris Interpretes inculcant, eum qui inventa retinet nec indicat, aut publicat, se rem non suam invenisse, nihilo secus ac furem teneri; nisi in litore aliove loco, ex quo credibile sit, rem non habere dominum, invenerit, quo casu omiâ publicatio non potest talem mereri notam.*

13. Si dominus rei non inveniatur, cum obligatio restituendi cesset, plerique Juris-Consulti monent, quod inventum fuerit, pauperibus esse donandum: quod juris esse non videtur. Quid enim si dominus diu desideratus aliquan-

do supervenerit? Res sine actu voluntatis ab ejus dominio exire non potuit: Quomodo igitur Inventor jus de eâ disponendi exercere potuit? oportet aded res apud Inventorem maneat, aut alibi custodiâ mandetur, si res sit ejusmodi, quæ servando servari possit. Nam si durare nequeat, ab Inventore, si velit, consumi potest, aut si malit, id jam magis laudabimus, ut eam det pauperibus.

14. Quid si Dominus, omni sperem suam recuperandi pridem abjectâ, præter spem, reperram cognoverit, an Inventor & possessor eam, sine ulla temporis exceptione, restituere cogitur? Usucapionis terminos hic non obtinere satis constat, ex iis quæ dicta sunt ad tit. *x. de Usucap. pro derelictâ*. Nequidem præscriptionis longissimi temporis, si quidem possessor, qui non habeat animum furandi, dominum adhuc extare crediderit; quia tunc absque animo sibi habendi fuit, sine quo nullum præscriptionis initium fieri posse, docet ratio, non minus naturalis quam Lex civilis in *l. 2. C. de Præscript. 30. vel 40. ann.* Si verò crediderit, non extare dominum, etsi defectus tituli Usucapionem non ferat, præscriptio tamen longissimi temporis impediri non potest:

15. Sed an opus est usucapione, vel præscriptione hoc casu? nonne per desperationem incontinenti perit dominium, ut Inventor rem nullo modo restituere cogatur, quemadmodum Grotius? Actum est hac de re superius *sect. 4. cap. 3. n. 13. & seqq. & lib. 4. Digress. cap. 24. & plenius Eunom. Rom. ad l. 8. §. ult. n. Famil. Ercisc.* hac summâ; Videri manere dominium, quandiu res manet & desiderium eam recuperandi: Sed diuturnitate temporis, id ipsum desiderium, unâ cum jure domini obliterari, & rem denuo occupantis fieri, in primis si magno sumptu periculoque res sint recuperatæ:

peratæ: quod latinus executi sumus in
diff. Eunomia loco.

16. Obligatio possessoris ad restituendam vero Domino rem suam, etsi tacita, validior est; quam obligatio expressa inter possessorem & non dominum, de restituendo. Quare etsi D. positi, Commodati, vel Mandati sanctissima fides est, ut res deponenti, commodantive petenti restituatur, domino tamen supervenienti, si non dubitetur, potius est reddenda, quo pertinet philosophia Tryphonini in *l. bona fides 31. n. Depositi*, & quod diximus in *Eunom. Rom. ad l. 8. §. 1. n. de Negot. gest.*

17. Est autem restituenda res cum fructibus adhuc extantibus, qui dum pendunt, sunt pars & dein accessio rerum, nec potest hac parte distingui inter naturales & industriales, ut visum Grotio *d. cap. 10. n. 4.* Est regula Juris naturæ; Quod ex re meâ superest, id meum est ejusque vindicandi jus habeo, *l. 49. n. de R. Vind.* atque ut ipse Grotius ait, qui dominus est rei, idem naturaliter est dominus fructuum rei; Grotium movit ratio hæc, *Industria fructus, etiam si sine re non procederent, rei tamen non debentur*, ait; Quod ad compensationem industriz attinet, concedimus; petitionem fructuum extantium impensis operæque pretio minui. Sed deducto eo quod bonæ fidei possessori pro industria curæ culturæque debetur, reliquum est rei, nec aliter quam rei deberi potest.

18. Re sine mala fide possessoris extinctâ, hic non tenetur, nisi quatenus inde locupletior est factus, quâ de re modo egimus & egit prolixè Grotius *d. c. 10. n. 2.* quod ipsum de fructibus, qui sunt accessiones rei, statuendum, sine distinctione naturalium & industrialium; etsi aliter è quibusdâ Juris civilis textibus à nobis disputatû est ad *§. 35. Inst. de A. R. D.* Nam si ob rem ipsam vel extinctam vel consump-

tam, non tenetur bonæ fidei possessor; non potest fieri, ut de fructibus rei diversum jus statuatur. Quod autem rei singularis possessorem de fructibus consumptis, ne quidem un locupletior est; teneri volunt Juris civilis Interpretes, secus ac in Hereditate juris sit, hoc adeo repugnat æquitati Juris Naturæ, ut verius sit, ne quidem ipso jure Romano aliud esse constitutum, ut à nobis demonstratum est in *Prælect. ad d. §. 35.* remotis objectionibus in *parte 2. Digress. lib. 2. c. 4.*

19. Qui sunt in eâ sententiâ, tenent, causam, per quâ bonæ fidei Possessor fructus lucratur, esse Bonâ fidē; quæ proinde sufficiat ad fructus omnes ei plene acquirendos, ut ne quidem teneatur, quatenus est locupletior. Sed cum bona fides nihil sit aliud quam opinio, quâ quis credit, se esse Dominum rei possessæ, ratio non patitur, ut unius opinio sit causa juris aliis auferendi vel minuendi; opinantem absolvere potest à delicto, non præjudicare tertio. Quod ut fiat, opus est aliqua reali causa, qua non potest esse justior & perfectior jure Naturæ, quam Juris civilis Auctor Justinianus prodidit, Cura & Cultura. *Naturali ratione placuit, fructus quos percepit, ejus esse pro curâ & culturâ*, ait in *d. §. 35. l. de A. R. D.* quod plenius adstructum & à discrepantium rationibus vindicatum est, in *parte 1. Digress. lib. 4. c. 23. n. 2. & 3.* Ubi & hoc probatum est, *n. 4.* à ratione naturali alienum esse, quod alii tradunt, consumptionem esse causam acquirendi, cum potius sit effectum acquisitionis. Quæ etsi ad hunc locum & hoc institutum pertinent, alibi tamen exposita non repetemus.

20. De malæ fidei possessore non dubitatur, quin etiam ex facto suo teneatur, si res per culpam ejus perierit, tam de re ipsa, quam de fructibus; aded ut de

M m m 3

consum-

consumptis, etiam non locupletior factus teneatur; imo nec iniquam sibi conditionem inferri jure queri potest, si de non perceptis etiam, quos honeste percipere potuit, teneri dicatur, ut Jure Romano consultum est *l. 33. n. de Rei Vind.* secus ac de bonæ fidei possessore, collocat Grotius in *d. cap. 6.* ut ne quidem de his teneatur fructibus, quos liberaliter in alios contulit; quatenus *ad idem*, sive remunerationes acceperit, ut Ulpianus rectè in *l. 25. §. 11. d. Hered. per.* cui nec male Grotius addit, nisi & alioquin, utcumque fructibus illis non auctus, idem donaturus fuisset. n. 7.

21. Vis obligationis ad restituendum Domino, quod ipse est, non pendet, ut diximus, ex eo, quod cum alio actum gestumve sit; ne quidem si Possessor rem bona fide iustoque titulo, & quidem oneroso emptionis aliove acceperit, etsi pretium solverit; nec quidem negare potest restitutionem, dum sibi pretium refundatur. Est enim prior & potentior obligatio ex dominio cum ipso genere humano prodita, ut quisque societatis humanæ particeps cuique suæ rei, quantum in ipso est, copiam faciat; quod per acta gesta posterius auferri non potest; ac ita bene rescriptum ab Alexandro in *l. 16. C. de Eviction.*

22. An saltem regiredi potest Emptor ad venditorem, ut huic rem, pretio recepto, restituat, quo is illam dein vero domino restituat? Ne id quidem; quia ex quo res in emptoris potestate fuit, ipse tenetur ad restituendum, nec alium huic obligationi substituere potest, idque, ni fallor, vult Grotius in *d. cap. 10. n. 10.* Sed venditor etiam re non recepta, tenetur ipsi ad pretium restituendum, non ex hac obligatione domini; sed ex emptionis venditionis natura, quæ est evictionis apud Juris Auctores obligatio.

23. Excipiunt hodie aliquot casus plurium mores populorum; primum, si quid in nundinis comparatum sit. Alter est pro mensulariis, qui publice mutuas exponunt pecunias, sub pignoribus. Tertius, pro pannorum, sive tritarum vestium mercatoribus: quos omnes ita demum teneri volunt ad restituendum, si pretium illis restituatur; verum has exceptiones non esse juris Gentium, sed è privilegio sive jure positivo cujusque civitatis esse receptas, probavimus in *Prælect. ad tit. n. de A. R. D. n. 2.*

24. Hæc omnia, salvo impensis, à possessore deducendis, de quibus ad *Tit. n. de Rei Vind.* dicta, non est quod hic referamus.

C A P. V I.

De jure Ultimarum voluntatum.

Transitus ad Successiones, Quid sit Hereditas, & quibus modis deferatur. Ultimam voluntatem, quâ quis alteri dat jus, non nisi post mortem suam inchoandum, non videri esse juris naturalis. Sed esse causam ejus rei probabilem in hominum naturâ, quæ dedit occasionem Legibus gentium, ejusmodi potestatem morituris faciendi. Inde Testamenta recte publici juris esse dici. Quia per Legem Domini vis extenditur, ultra suam activitatem naturalem. Quid sit Testamentum, ubi de Puffendorffii in Grotium notâ. Ad Testamenti naturam, ex ratione juris Gentium, plus non requiri, quam ut certo constet, quod, & quid Testari voluerit defunctus. Esse tamen graves causas populis, qui exquisitas huic rei solennitates præscriperunt. Quibus neglectis, Testamenta non obligare, ne quidem hominum conscientias regulariter, ad implendam defuncti voluntatem. Qui possint condere Testamenta, Materia duplex, universalis & singularis. Heredis institutionem jure Naturæ esse liberam; exceptis liberis, ratione alimentorum. Probabili tamen ratione naturali, coarctari illam libertatem. De Substitutione heredum ejusque speciebus; solam vulgarem quæ dicitur, esse naturalem, supposito testandi instituto. De præteritione & Exheredatione, ejusque causis. De singularibus Testamentorum capitibus & de Nuncupativo Testamento.

ET si doctrina de Successionibus magis ad Jus in Re constitutum, quam quod ad Rem dicitur, pertinere diximus *se& IV. cap. 5. n. 51.* quia tamen ut prima ejus delatio ad posteriorem, ita proxima Hereditatis acquisitio ad Jus in Re solet referri; cum & illic, ubi de hoc Jure fuit actum, vix obiter hanc materiam attigerimus, instituti ratio postulat, ut quid de Successionibus Testamentariis & Intestatis, ad Juris Publici universalis tractatum & Subjectionem rerum politicam faciat, animadvertamus; eadem quæ prius, habita curâ, ne Juris privati adfinitas sic *de mo 260.* ad transitum diversigenis nos abripiat, aut in tædiofa repetitione detineat.

2. Hereditas igitur nihil est aliud; quam Universum jus, quod defunctus, cum moreretur, habuit; fere ut Juris-Consulti in *l. 24. d. V. S.* Tantum quod illi dicunt, *Successio in universum jus;* cum obscuritatem interpretationis apud eos faciat, facile heic abesse potest. Jus hic est, facultas ad aliquid habendum aut agendum; ut intelligamus, Hereditatem non esse res ipsas, et si frequenter ita sumitur, cum v. gr. Hereditatem vendimus; Sed facultatem, qua defuncti res ad nos pertinent, et si non possideantur, nec adhuc existant, veluti fructus rerum adhuc percipiendi, quos *res* partem Hereditatis vocamus, et si rerum singularum pars non fiat.

3. Dicitur

3. Dicitur & Universum Jus, quia Hereditas est *Colbo* Hebræum, *Pandelte* quàm Græci dicunt; quo continetur, quicquid in patrimonio est, & quicquid utilitatem præstare potest, tam corporalia quam incorporalia: propria, debita, quin & aliena, bona fide possessa, conducta, commodata, pignerata, deposita, quatenus defuncto jus in iis rebus fuit, activum vel passivum; heres enim in eadem qualitate tenetur & alios pari modo devinctos habet.

4. Modi, quibus hereditas defertur, duo feruntur; Testamentum & Lex, ut illud priore loco censeatur; neque Legis ordini, quam deficiente Testamento, locus sit. Hoc quidem ita, quod ad Ordinem bonorum devolvendâ vivis in mortuos attinet. Ipsa enim Successionis determinandæ facultas magis est, ut à Lege sola esse videatur.

5. Possunt equidem viventes naturaliter de bonis suis disponere suo arbitratu, si res aut jus rerum in alium perfecte transferant, ut hoc jus maneat, illis quoque sublatis, in perpetuum; sed ut alium suo loco statuant, qui non nisi post obitum ex hac vitâ jus in bona à se relinquenda sit habiturus, cum ipsorum nulla facultas erit aut potentia; non habet rationem naturæ, neque multis gentibus usitatum aut probatum est.

6. Sed ramen justâ desiderii causâ, ut homines illam potestatem sibi dari cupiant, ac ideo voluntate communi, id est, Lege civitatis; bene & merito recipitur hoc institutum, ut cuique liberum de bonis suis post mortem quoque disponendi arbitrium præstetur; ut supremæ voluntatis, postquam aliud velle jam non possunt, liber sit stylus, & licitum, quod iterum non redit arbitrium, ut olim Constantinus Imperator edixit ad populum; Ratione magis, inquam, probabili, quâ jus hoc commune stabilia-

tur, quam juris perfecti, & justitiæ explicitricis in statu naturali.

7. Intererat etiam publicæ quietis & securitatis hominum in civitate agentium; ne bona mortuorum quasi nullius, cui libet occupanti cederent; quod naturaliter futurum erat, cum mortuus ipse, nullus esset, nec consanguinei plus quam rationem haberent probabilem, sicut hodieque nihil amplius habent.

8. Enimvero sententiam Auctoris *Novæ Jurisprud.* qui vult, ultimarum voluntatum jus nisi immortalitate mentium, quæ adhuc vivunt & volunt, & dominia rerum suarum, usufructu tenus, heredibus relinquunt, non examinabimus sed Lectori dijudicandam relinquemus cum *Puffendorffio l. 4. c. 10. n. 4.*

9. Postquam igitur visum est cultioribus populis, hucusque dominii vim extendere, ut voluntas ejus qui velle nec potest, tum demum ubi ipse non erit amplius, operari incipiat, duæ positiones inde sunt ortæ: Una, testandi potestatem esse Juris publici, ut recte dixit Papinianus in *l. 3. D. qui Testam. fac. pos.* Altera, quod ultima voluntas defuncti præcedat dispositionem Legis, super ordine successionis; nec esse Legi hac parte locum, nisi deficiente Testamento, quod merito Romanis etiam placuit *l. 39. de Acquir. Hered.*

10. Quanquam nec minus verum esse, liquet è suprâ dictis, hoc ipsum testandi Jus validum & plenum à Lege proficisci; cum ipsa quidem hanc dispositionem occupare potuisset, hereditates simpliciter deferendo liberis aut cognatis defunctorum, absque licentia illum ordinem mutandi; maxime, dum in extremis agunt domini rerum, *ὅταν ἀποίωται καὶ ἀκαταρρηκτοῦ ἔχουσιν οὐκ ἀδίκτου; quando insipienter & corrupte plerique se habent*, ut Plato *lib. xi. de LL.* non probans id quod Solon Atheniensibus dederat,

rat, *ni lawru dandi daj, swas, di idly to wapians, de suis rebus, quomodo quisque velit, simpliciter disponere*, quod Romani à Solone transscriptum suis legibus inseruerunt *l. 120. n. de Verb. Signif.*

11. Retenta etiam hac Pofitione, quod Lex in summâ quidem cuique patri familias dedit potestatem testandi & legandi de rebus suis, ut tamen præscriptum recte rationis & publicæ utilitatis observarent; underegula Jurisprudentiæ, non minus Universalis quam civili conveniens; Nemo facere potest, quominus Leges in suo testamento valeant.

12. Est igitur vis illa Domini, Lege adjuvante, plenissima, de qua Plutarchus ait in *Solone*, Eum fecisse, ut *ni xpi-mas, ni xpi-ma, ni xpi-ma essent; bona cuique sua plenissimo jure fierent*. Ac ab eo tempore, Lex nihil aliud, quam vicarium defunctis ministerium præbuit, Admittendo ad Successionem bonorum, quibus ea defunctus, à morte non præventus esset, relictorus fuisset; ex ejs inquam, voluntate præsumpta, quemadmodum mox videbimus. Hæc confer sis, cum dictis in *lib. 4. Digres/ cap. 29*

13. Quid sit Testamentum, qui non hebecamus in animo methodicum de illo Tractatum, necesse non erat dicere, nisi daret occasionem Grotius, cujus nihilo magis hoc erat institutum, qui in *lib. 2. c. 6. n. ult.* sic ait, *Alienatio in mortis eventum, ante eam revocabilis, testamento interim jure possidendi ac fruendi, est Testamentum*; contra quam definitionem disputat Puffendorffius in *lib. 4. cap. 10. d. pr.* Sed mihi non videtur ibi Grotius, in animo habuisse, definire Testamentum, sed aliquid prædicare de Testamento, quod erat verum; Ejusmodi alienationem esse Testamentum: sed non hoc ipsum & solum esse Testamentum. In definiendo, nihil est causæ, re-

cedendi ab exemplo Jurisconsultorum; Proinde verbulo addito, teneas ita, Testamentum est *Voluntatis nostræ iusta sententia, de eo, quod quis post mortem suam, de bonis suis, fieri velit.*

14. Verba hujus definitionis simpliciter accepta non suppeditant discrimen inter Testamentum & Codicillum, quod Romanis posterioribus placuit; Multo minus inferunt tot solennitates, quot ab illis introductæ sunt, diligentia quam *nimiam & miseram* vocat pater familias apud Scævola in *l. pen. §. ult. n. d. Legat. 2.* qui sic arbitratur, habendam esse pro jure legitimo sani hominis voluntatem, quam is animi sui rationem sequutus dictaverit.

15. Et est certum, Jure Gentium simplici, nihil amplius ad Testamenti formam valoremque requiri, quam Romani in Testamento militis & in primo codicillo requirendum putarunt; uti constet, *Quod, & Quid* defunctus testari voluerit; hoc est, illum serio habuisse in animo supremam condere voluntatem; & voluntatis illius capita liquido constare, vel per scripturam, de qua non dubitetur, vel per testes duos aut tres, & fide dignos, si nuncupata sit voluntas.

16. Attamen nulla res hominum cupidates magis ad nefaria quæque præcipites agit, quam ditescendi spes, cujus compendium est Successio; quo pertinent *Aqua Hereditaria & Pulveres Successorii*, quales superioribus annis in Gallia inclaruerent; item, quod Lex Cornelia de Falsis olim *Testamentaria* dicta est, ut auctor est Justinianus Imperator ex veteribus in *§. 7. Inst. de publ. Jud.*

17. Ubi autem jure publico receptæ sunt, ibi non est dubium, quin eandem vim habeant, quam Leges probabili ratione conditæ habere debent inter homines, eorumque in animos: Ut quibuscunque Testamentis solennitates præ-

N n n

Scriptæ

scriptæ non sunt adhibitæ, illa non teneant cives inter se, nec ipsas in universum quidem obligent conscientias, ut prolixè à nobis disputatum & demonstratum est, in *lib. 4. Digress. c. 34. & seqq.* qua de re forte locum in *libro sequenti* agendi occupabimus. Ut tamen ex imperfecto testamento acquiri hereditatem, si nemo jure publico contra nitatur, nihilo equidem prohibeat.

18. Jus ultimas voluntates condendi habent, quicunque rerum suarum domini & administratione potiuntur & voluntatem suam exprimere possunt; nisi Lex, sicut potest, quibusdam hanc facultatem interdixerit: Quod tamen ex ratione juris Gentium non habet causam faciendi omnibus, quos Romana Lex sub prohibitione comprehendit; non certe peregrinis, aut filiis familiarum, de rebus, in quibus Patri nec proprietas nec ususfructus acquiritur.

19. Materia ultimarum voluntatum bifariam dispescitur, in universam & singularem. Illius caput est Heredis institutio; at hæc in legatis aliisque pro lubitu cujusque dispositionibus & præceptis consumitur: Atque in eo, si qua sit Testamenti & Codicilli differentia, consistit, Nam quæ in forma disponendi, Romanis placuit, non est Juris universi, nec ubique observatur.

20. Heredis institutio Jure naturali, supposito testandi instituto, est libera, ut institui possint vel non possint, quos voluerit Testator, modò liberis, si ipsi exhibere se nequeant, de alimentis prospiciatur: Extra quam necessitatem, ad cujus Legem factum procreationis parentem obligat, non nisi probabilis, et si valde ratio probabilis, addicit liberis hereditatem.

21. Cujusmodi probabilitas cum sit præcipua Legum condendarum materia, rectè à plerisque populis provisum

est, ut aliquanto plus inde verteretur in necessitatem; non modo respectu liberorum, quibus certa bonorum portio necessario relinqueretur, sed etiam in favorem parentum & fratrum atque sororum, ne penitus aut infinita libertate exheredari queant; imò & remotioribus alicubi cognatis, quod ad partem aliquam bonorum, maxime rerum soli hereditarium attinet, ita ut cuique populo visum, consulitur.

22. Institutio Heredis est prima vel secunda, quæ vocatur Substitutio; Cujus è quatuor speciebus jure Romano proditis, una tantum est Juris Naturæ, quando secundus heres vocatur, in casum, si primus heres non fiat, quæ Vulgaris dicitur. Nec enim aliud hæc in effectu est, quam institutio heredis, qui in jus defuncti immediate succedit. Sed pupillaris Substitutio, qua Pater de bonis filii sui impuberis, quem habet in potestate, non à se profectis, arbitratus suo disponit, notissimos Dominii terminos egreditur, & est specimen enormis illius Potestatis, quam Romani Patribus dederunt, alix Gentes non probaverunt.

23. Exemplaris, quæ dicitur, habet eandem rationem. Non est quidem absurdum aut incivile, pro liberis, qui ipsi non possunt testari, Parentes ut fungantur: Sed nihil etiam incommodi in hoc erat, quod bona talium liberorum adventitia, proximis eorum consanguineis relinquerentur, ut sit hodie, Substitutione pupillari fere per delictum, nem aboleri.

24. De Fideicommissaria Substitutione quid judicandum sit, pro ratione juris Gentium, colligi potest ex his quæ diximus in *sect. 4. cap. 6. n. 28. & seqq.* Quibus addi potest; Si Testamentum, è quo non nisi post mortem loquentis alii jus oritur, excedit terminos naturalis

turalis potentiae, nec sine Lege facultatem habere potest; fidei commissariam Substitutionem, quae non nisi post mortem secundi vel tertii heredis alii distribuit, duplo triplove longius à simplicitate naturali recedere. Quia tamen ambitio & imperandi in homine voluptas ne vitae quidem termino finitur, hinc usu venisse videmus, ut Fideicommissariae Substitutiones in omnium feregentium mores & jura confertim abierint, ut jam superius dicere occupavimus.

25. Institutioni Heredis opponitur Exhereditatio & Præteritio. Sed utraque supponit instituendi necessitatem; privatio enim præsupponit habitum, ut in Scholis loquebantur. Ac ideo non habet usum in consideratione juris Naturæ, nisi respectu liberorum, ratione alimentorum; & dein, quatenus jure Civitatis instituendi necessitas in quibusdam personis est determinata. Personis, inquam; Si enim rebus certis imposita Lex est, ut ad sanguine proximos deferantur, neque de illis testari liceat, exhereditatio vel præteritio in illis non habet terminos habiles.

26. Sed quando Lex, inquam, personis consulit, fieri potest, ut ob justas causas exheredentur, quas expedit esse certas, ut novissimo jure Romano bene consultum est. Et si forte non est rationis necessariae, quod eodem Jure placuit, ut solæ species ingratitude admittantur: magis enim est, ut justæ parentem causæ movere possint, quo familiæ suæ expedire judicet, ut quidam è liberis suis, etsi non male meriti, ab hereditate suâ removeantur: ut, si quidam bonis adventitiis copiosi, alii sint inopes & miserabiles; forte nec id, aut si quidsi mile sit, procul ab eo recedit, quod vetus Jurisprudentiâ recepit, nec ultimo Jure sublatum est, ut si parens non ex odio, sed ut liberis consulat, illos exhe-

det, ferenda sit ejus voluntas: Etsi enim hoc proprie de providentiâ consulendi exhereditatis cautum sit, ejusmodi tamen extensionem ratio facile dicitur.

27. Sed differentia præteritionis & Exheredationis, ut illa nullitatem patriat, in hac opus sit actu rescissionis, est juris positivi; nec in eventu interest; cum si is, cujus favore nullitas constituta est, acquiescat, æquè effectum habeat voluntas, etiam jure Romano; quàm si actio ad rescindendum non moveatur; & imploratio judicis officii ob nullitatem, ab actione rescissoria, non nisi formâ discrepet externa.

28. Sanè, quod Paulus Apostolus de Testamento morte confirmato scribit, ad Galatas & ad Hebræos, quod illi *ἔδωκεν ἰσχυρῶς, καὶ ἔδωκεν ἀπὸ τοῦ οὐρανοῦ*, nemo illud mutare vel abolere potest, de Testamento jure factio esse intelligendum, res loquitur. Nam de vitis vel formæ, ubi certa præscripta est, quemadmodum fere ubique est, vel naturæ, si cum jure naturali vel civili pugnet, querelâ vel nullitatis vel Rescissionis agi licere, non est dubitandum.

29. Præter universam Heredis institutionem, tot singularia Testamentorum, capita sunt, quot rerum genera, de quibus in mentem venit Patrifamilias de morte cogitanti, disponere; modo talia sunt, quæ ipsius voluntate solius contentent: Nam Contractus & plurium conventiones, quæ sunt & vocantur Actus inter vivos, nihil habent commune cum ultimis voluntatibus. Adeo ut donationes mortis causâ, quæ non nisi à donatario acceptatæ valent, non tam pars sint Testamenti, quam species ultimarum voluntatum distinctæ.

30. Enimvero Codicilli, ut dicere occupavimus, à Testamentis universalibus jure non habent stabilem differentiam. Nam etsi voluntas ultima, continens

N n n 2

heredis

heredis institutionem, non male Testamentum, & Rerum singularium, Codicillus vocari possit, accidentale tamen hoc magis quam reale discrimen & perpetuum esse videtur. Ut adeo, si quis se Testamentum condere dicens, Heredis institutionem omiserit, tamen utiliter testari & proposito satisfacere credatur, usu Gentium hodierno; etiam quæ Juris Romani disciplinam sequuntur.

31. Cæterum, ultimas voluntates non modo per scripturam, sed etiam vivâ voce comprehendi posse, jam diximus, ut nuncupatio in primis usum habeat, quando repentina vis morbi non fert scribendi moram. Sed nuncupatione facta, testandi actus absolutus est, & Scriptura, quæ dein adhibetur, usum habet probationis, ut solet in aliis rebus gestis.

32. Et si autem in subvertendis ultimis voluntatibus è causis jure cognitis, Querela nullitatis & Rescissio per actionem in effectu parum differant, usumque populorum in executione discerni non soleant; non est tamen quod hac de re Jurisperiti Romani distinxerunt, evanidum vel effectu penitus carens.

33. Nam Testamenta, quæ non sunt condita secundum requisita Lege præscripta, inde ab initio à Judice rejiciuntur, nec ullum producere possunt effectum; nisi quem hi, quorum interest

sponse sibi mutuo præstare velint. Idem juris est in Nullitate, quam Lex ob præteritionem liberorum introduxit; et si discrimen inter eos qui in potestate sunt vel non sunt, minime fit juris universi, nec hodiè à pluribus observatur. Si cuius ex ejusmodi testamento comparatum sit, is hoc ab invito ne quidem ab initio nec unquam impetrare potest.

34. Sed quæ ex post facto rescinduntur, hæc ab initio, Testamenta valent, & quæ relicta sunt in illis, peti possunt, antequam existat casus & causa, per quam rescindantur, ut sunt ea, quæ per Agnationem posthumi rumpuntur; antequam postumus nascatur, vel cum iterum ante Testatorem decessit. Aut cum exheres scriptus deliberat, utrum de Inofficioso Testamento queri velit. Si enim actu Querelam non instituat, Testamentum valet, omnesque habebit effectus adversus eos, qui causam querendi non habent.

35. Postremò; Quod ex voluntate imperfecta nequidem id, quod jam constat, valere volunt Romani Jurisperiti, ut, si quatuor heredes se nuncupaturum præfatus, cum tres nominasset, defecerit, nemo sit heres *l. 25. Qui Testam. fac. id.* et si subtilitatis positivæ videatur, pro naturali tamen habendum est, ne voluntas inchoata duntaxat vim habeat perfectæ.

C A P.

C A P. V I I.

De Hereditatibus intestato morientium.

Successionis ab intestato regendæ necessitas & diversa populorum hac parte judicia Hollandiæ exemplo declarata. Legem sequi posse, quod velit, principium. Sed testandi libertate civibus permisâ, consequens fuisse, ut præsumpta voluntas & affectio defuncti sit principium ordinis intestati; & præsumptionem illam esse pro sanguine proximis. Primo quidem pro liberis, sine discrimine sexus & ætatis, aut potestatis, etiam adoptatis, non tamen spuris & nothis, ne quidem respectu matris. Repræsentationem in nepotibus esse ex eadem voluntate præsumpta. Post liberos vocari parentes, eosque nec abdicari posse, secus ac liberi; posse tamen exheredari, & quidem facilius quam fratres, jure Romano; Quir ita? præferendos esse Parentes fratribus & sororibus, etsi aliter jure Rom. Inter ascendentes ultiores bona magis secundum lineas, quam in capita dividij, sine distinctione, unde bona venerint; quam rationem esse ordinis diversi, non habentis principium à tacitâ voluntate defuncti. Post ascendentes ex simplicitate rationis naturalis sequi reliquos agnatos & cognatos, solâ graduum prærogativâ; cum differentia tamen unius aut utriusque lateris, usque ad fratrum & sororum liberos, quos inter repræsentationem quoque locum habere, licet nulli fratres sororesve supersint. Cognationem illegitimam ne hic quidem admitti. Cur amicitia & conjugalis amor non pariant jus successionis, ubi principium intestati successionis est præsumptus defuncti affectus. Fiscus locus supremus.

Quid juris sit in Successione Imperiorum, priore libro expositum, non repetemus. Hic de privatis hereditatibus, cum respectu ad Jus publicum Universale queritur: Si paterfamilias, nullo testamento facte, sit mortuus, non esse è re publica defuncti patrimonium relinquere in statu quo fors id deprehendit, ut nullius sit, hoc est, mortui, quod acerrimis civitatem certaminibus impleret, respici loquitur.

2. Quia cohibitis certaminibus, cum

ne sic quidem satis constet inter homines, ad quos ex juris ratione bona pertineant; dum alii mares feminis præferendos; & inter illos potiore primogenitorum causam esse voluat: Liberis autem deficientibus, quidam bona sanguine proximis; alii delata velint his, & quorum latere pervenerunt, quemadmodum hæc judiciorum diversitas hodieque varias populorum exhibet consuetudines; opus fuit Legis præscripto, id est, prudentium virorum consulto

N a n 3

ad hæc

ad hanc incertitudinem determinandam.

3. Poterat autem Lex, id est, communis civium consensus, suffragio vel ejus eorumque qui jus omnium habebant, arbitrio, talem succedendi ordinem statuere, qui pro cuiusque populi sensu proximè ad æquitatè accedere videretur. Qua in re, quam varia sint populorum judicia, si quis compendio nosse velit, Hollandiæ consuetudines hac parte sibi ponat ab oculis, ubi duæ summæ discrepantia, ab Attis sive Azis & Scabinis nomen habentes, primitus stabilitæ, deinceps in mixtum genus abierunt, unum rursus summum, at dein pro cuiusque civitatis & pagi arbitrio desiderioque in eum modum variatum, ut memoriam prope intentam fallat, quam instruit eâ parte Grotius *Introd. ad Jus. s. pr. Holland. lib. 3. cap. 28.*

4. Sed postquam placuit, civibus dare liberam de bonis post mortem suam disponendi potestatem, ita ut Legis ordo, non nisi deficiente Testamento, locum haberet, consentaneum fuit, ut Lex aliud ne ageret, quam ut defectum ultimæ voluntatis suppleret, iisque deferret successionem, quibus eam defunctus, si viveret, delaturus fuisset, ex ejusdem voluntate præsumpta.

5. Præsumptio voluntatis aliunde melius quam ἐγγυῖ, id est, amore sanguinis, colligi non potuit; cum ita fere sint animati mortales, ut in sanguine suo mortalitatis solatium quærant, nec cuiquâ libentius, bona sua, quam propinquis, relicta velint, & in dubio, qui proximus est gradu, idem proximus affectu esse credatur: Ut tamen identidem causâ novi Affectus incidente, diveritas aliqua suboriri possit.

6. Hæc ratio, quæ est Juris Romani, sine dubio proximè convenit hypothefi, qua cuique Patrifamilias à Lege datur potestas suo arbitratu de bonis suis

per ultimam voluntatem disponendi. Cui sane consentaneum erat, ut si morte præventi nihil expressè declaratum reliquissent, ipsorum tacita voluntas secundum propinquitatem sanguinis eadem Legi indulgentiæ prævaleret.

7. Probabilius, quam aliæ gentes, quæ licet eandem testandi licentiam morituris indulerint, nulla tamen ultimâ voluntate existente, succedendi æquitatem aliunde, quam à præsumpta defunctorum voluntate petierunt, in primis eos spectantes, ut bona illuc unde protecta sunt, reverti curentur.

8. Verum ad affectus ratio, licet à sanguine sæpe recedat ad extraneos, & fieri possit, ut proximi odio se quam maximo invicem proficiantur, juxta illud, οἱ τὴν κληρονομίαν καὶ τὴν τιμὴν μισοῦσι, in materia tamen successionis, quæ secundum tacitam defunctorum voluntatem regenda erat, affectus causa merito à necessitudine sanguinis alienari non debuit, cum, quia Lex est generalis, & amat ea quæ plerumque usû veniunt; nec ad singularia attendere solet aut potest; tum quod plerumque tamen, bona, qui proximis succentem, manere malunt in familiis suis, quam per amicos extraneos in alienas transferri domos, quod ὑπερβαλὼν οὐκ ἔστιν, morientibus odiosissimum, dixit Pindarus.

9. Primo igitur, cum nihil carius homini sit liberis à se procreatis, ad quos etiam exhibendos se naturaliter teneri sentit, his omnium primo sua bona destinavit. Hinc Julianus Imperator, cum dixisset in *Casariis* Παισὶν νόμιμον ἐπιτηδεύειν καὶ διαδοῦναι, *Leges Successionem Liberis permittunt*; addit hanc rationem, καὶ τὴν ἀναγκαίαν ὑποχρῆσιν. *Et hoc est, quod omnes optant fieri.*

10. Discrimen amoris erga liberos etiam parentes sæpe non tralatitium habent, in universum tamen Lex è tacitâ voluntate nihil

nihil differentiae praesumere potest; ideoque parentes, omnes liberos mares & feminas, primo & post genitos, emancipatos & suos eodem loco & affectu habere creduntur: Unde & par jus omnibus in succedendo.

11. Distinctiones, quae nonnullis placere gentibus, in favorem marium & maxime primogenitorum, suo loco non improbables, & ad conservandum decus familiarum pertinentes, à principio Successionis ab intestato, quod diximus, permissaque omnibus testandi Libertate, quin & à naturali simplicitate, ad jus positivum & arbitrarie utilitatis rationes deflectunt.

12. Pro liberis adptatis est eadem ratio adfectus, quae pro naturalibus; siquidem alia gratia, quam ut jure locoque liberorum haberentur, adsciti non sunt: Idcirco Parentibus suis naturalibus, à quorum familia segregati sunt, non habent quo succedant; nisi ex adoptiva domo rursus exierint; tunc enim naturae suae denuo aggregantur.

13. Sed inter liberos è legitimo natos conjugio, & nothos atque Spurius est manifesta differentia, non tantum quatenus spurii incerto patre sunt geniti; sed etiam quod affectus relinquendae successionis non convenit iis, quos ad familiam propagandam non creaverunt, & quos sine dedecoris memoria adpicere non possunt. Ideoque non est, ut quicquam illis liberis, quam alimentorum exhibitio è tacita Parentum voluntate debeat, quod mores omnium fere gentium sequuntur.

14. Etsi autem Romanis eorumque exemplo aliis pluribus aliter visum est in successione matrum; quod tamen hac parte magis ad certitudinem geniturae, quam ad affectum referentem se ad intentionem propagandi familiam, & relinquendi successionem, spectarunt; in eo

à principio Successionis ab intestato superius collecto abudere, vel potius abhorreere videntur: Cum in matribus ratio adversus nothos & spurios paulo supra collocata non minus evidens sit, quam in genitoribus.

15. In liberis diversorum matrimoniorum, respectu parentum, nulla affectionis diversitas praesumi potest, ideoque omnes ab intestato communi parenti aequaliter succedunt. Attamen, quia novercalis aut vitricalis consuetudo, sequiorem erga prioris matrimonii liberos affectum generare solet, haud temere fit, ut hac parte Lex à communi principio ordinandae Successionis recedat, & degenantem illum affectum revocet in contrarium, figendo aliquid pro liberis prioris matrimonii, plus minusve, ut singulis gentibus sedit, prorogativae.

16. Sed quibusdam è liberis ante Parentem mortuis, è quibus nepotesque supersunt, haec est insita naturae hominum affectio, ut in illis praedefunctos filios filiaque suas libenter sibi repraesentent, hoc est, iterum quasi praesentes sistant, adeoque liberos parentum loco habeant, ament, neque vero per obitum quorundam è liberis suis immaturum, conditionem reliquorum velint imputatam. Unde nihil expeditius, quam ut plures ex eodem filio filiave nepotes defunctum parentem repraesentent; neque plus aut minus universi capiant, quam ille superstes habiturus fuisset: quod est jus Repraesentationis communiter dictum; non inconcinne ad rem, ut alibi indicavimus, exprimentam; etsi forte vox illa veteribus ita non sit cognita Latinis.

17. Secundum liberos, praecipuus erga parentes est amor, & esse debet, ob acceptorum beneficiorum memoriam, & necessitudinem arctissimam. Etsi enim parentibus non debetur filiorum hereditas, propter

propter votum parentum, & naturalem erga filios caritatem; turbato tamen ordine mortalitatis, non minus parentibus quam liberis pie relinqui debet, ait Papinianus in l. 15. in pr. 7. de Inoff. Testam.

18. Una quoque, paternum jus filiali præfertur, quod filius abdicari, ac ita sine exheredatione, tamen Romanis id inusitatum fuerit, à bonis excluditur; pater abdicari non possit, ut observat Aristoteles 8. ad Nicom. 14. Δὲ πατὴρ οὐ δύναται ἀδικεῖν, inquit, ἢ ἀδικεῖν ἢ παρὰ τὴν ἀδικίαν δύναιτο; Πατὴρ δὲ οὐκ; dicendum igitur, inquit, Patri licere filium abdicare; secus ac filio patrem, Ratione addita, τοῖς γὰρ γυνόντων αἰεὶ ἐφείδεται τὸν υἱόν. Parentibus enim liberi semper, ait, debitorum sunt.

19. Exheredare tamen quominus Patrem filio, gravi ex causa liceat, ratio obtare non videtur, sed difficilius quam Patri licet adversus filium, ut videtur, & visum Romano Legislatore; qui cum filium exheredari permittat, ob causas quatuordecim; in Patre duntaxat octo probat; Nec dubitares, eandem esse rationem, quam prævit Aristoteles; nisi de Fratribus esset proditum, illos non nisi tribus de causis exheredari posse, eodem jure Romano: Quibus tamen plus debere fratrem, quam patri filium, dici non potest.

20. Quir igitur pater facilius exheredari potest quam frater? Quia quo tenerior est necessitudo sanguinis, eo facilius violatur & exquisitius observari debet. Hoc ut inter fratrem & patrem habet rationem differentie, ita in filio nihil vetat, observantiam, & gratitudinis obligationem majorem, quàm patri obstrictus est, efficere; ut illi plures ingrati tudinis causæ imputentur.

21. Cum igitur propinquitas & affectus erga parentes quam erga fratres sit

major, ex simplicitate juris Naturæ; supposito Successionis, quod diximus, principio, Parentes fratribus & sororibus præferendi fuerint, non æquandi, ut Romanis Legibus visum; qui in hoc articulo videntur à communi tuo principere deflectere ad diversæ utilitatis rationes, ut juvenes ad nuptias & novas domos excitandas sint instructiores.

22. Secundum analogiam Repræsentationis in descendentiis, quam vidimus; solent homines in adfectu animi cum relatione ad statum familiæ & Successionem, in personâ Patris adpicere paternos ascendentes, in Matre maternos: Cui bene contentaneum est, ut successiones in Ascendentiis ulterioris gradus, secundum lineas potius quam secundum capita personarum æstimentur, adeoque paterni & materni ascendentes singuli semissem bonorum auferant.

23. Idque licet disparis numeri sint, & forsitan ab altero latere nulla venerint ad defunctum bona; quia in hac hypothesi, quam sequimur, in quâ ratio succedendi pender à jure, quod defunctus habuit tempore mortis, & à præsumpto ejus affectu, nihil habet commune, cum visione originis, unde bona venerint; quia tam jus illorum, unde prorecta sunt; quam voluntas expressa vel præsumpta inde jam olim cessant, nec amplius quicquam operari possunt.

24. Longe aliter gentes, quibus hæc regula placuit, ut bona redeant illuc, unde venerunt, quæ proinde brevi seredactas esse viderunt ad inhumanam Constitutionem; ut ne patens, altero parente mortuo, superstes filio, huic defuncto succederet; quia scilicet à superstite parente nulla venit ad defunctum hereditas, sed bona vadunt ad cognatos ultiores intermortui lateris; quæ res in hypothesebus fert secum multam duritiem. Et quæ præterea sint in hoc genere succedendi,

cedendi, vide sis Grotium *d. cap. 28.*

25. Deficientibus liberis & parentibus, amor & affectus relinquendi bona post mortem, transit ad reliquos sanguine junctos, *ut in ista sententia patet per nos in art. 2. proximos, & familiam paternam vel matrem*, ut habet Plato *lib. xi. de Re-publ.* Amor enim non distinguit; et si populis multis visum est, inter agnatos & cognatos interesse oportere, decori familiarum custodiendo.

26. Sed Romani, cum prius ad conservanda in familiis patrimonia, solos agnatos ad Intestati successionem vocassent, non tulere deinceps incommoda distinctionis illius, & duritiæ adversus cognatos, cui par non fuit posteritas. Ideoque Prætor Edicto suo jam olim cognatos ante penitus exclusos, duntaxat post Agnatos vocavit, & postremo res ad simplicitatē affectionis naturalis rediit, ut in hanc successionem, quam gradus propinquitatis spectaretur, Nov. cxviii. c. 4.

27. Cum autem perspicuè major sit ad eum adveniens utrimque conjunctio fratres atque sorores, quam erga uter nos & consanguineos, hinc merito Lex utrimque conjunctos & conjunctas, qui germani germanæque vocantur, præter his, qui ab uno latere sanguinis sunt juncti, nec eadem cum germanis propinquitatem gradus à deuncto ducunt, ut affectus rationem cæteris prævalere constet rationibus.

28. Sed post fratrum liberos memoria nevercalis aut vitricalis aversationis in hominibus languescit aut obliteratur, ut exinde duplex vinculum, ab unius cognitione lateris tam notabiliter non distinguatur, ut graduum ordinem & prærogativam superare possit: Ideoque in ulterioribus sola propinquitatis affectionis suffragium meretur, idque populos observare videmus.

29. Hinc etiam prædefunctorum fratrum atque sororum liberi, pari cum fratribus & sororibus ipsis, loco, et si gradu remotiores, habentur; quia sic fertur hominum affectus & consuetudo *apud*, ut fratrum liberi defunctos quoque parentes repræsentent, eosque patet & vinculi cum tali respectu libenter sibi apud animos suos proponant; quasi parentes denuo vivi & præsentis forent.

30. Verum, quod Lex Romana restringit hanc Repræsentationem, ad casum, si adhuc unus vel una deuncti fratrum aut sororum supersint, recedere videtur ab illa simplici consideratione *apud*, & deflectere ad rationem extrinsecus adsumptam; scilicet, repræsentationem, qua plures in unius mortui locum subeunt, quæ est successio in stirpes, amittere terminos habiles, ubi nullus stirpes superest.

31. Atqui non verat hæc ratio, quominus in lineâ recta plures nepotes, in avi successione, parentem tuum repræsentent, et si nullus liberorum primi gradus superfit, ut ipse Romanus Legislator posuit: Ratio autem ab ingenio *apud* & affectionis erga deunctum in liberis suis exhibitur, & repræsentationis, quam tibi quisque apud animum suum, conterendo, vivos cum mortuis facit, utrobique est eadem, ideoque diversas juris positiones producere non potest. Sed ut Repræsentatio in descendentibus indistinctè habet locum, ita cur in fratrum liberis diversum obtineat, ratio non apparet.

32. Sed post fratrum liberos affectio sanguinis non est tam valida & præsens, nec memoria defunctorum adeo viva & efficax, ut hæc magis quam ipsi cognati, in conspectu deuncti fuisse censeantur: Idque satis evidenti hominum usu & consuetudine *apud* compertum esse videtur. Ut exinde solius

ius propinquitatis ejusque graduum in successione computatio valeat: Sine ulla sexus, natiuitatis, cognationis aut agnationis differentiâ.

33. Sed matrimonii apud celtiores populos is est honos & ad successionem bonorum comparata relatio: Ut necno hereditarem ad eos, qui extra matrimonium nati sunt, quamdiu legitime nati superant, pervenire velle credatur.

34. Idque tam respectu feminarum, quam marium valere videtur: Unde, quod mores populorum, etiam Leges Romanæ, frequenter abouant; ut in successione feminarum nothi, & spuzi à Legitimis non discernantur, id à præsumpta defunctorum voluntate non videtur repetendum; sed à certitudine prolium, que respectu feminarum est eadem in liberis & propinquis, tam extra quam ex conjugio natis.

35. Si autem præsumpta defuncti intentio, regula Juris naturalis est, in Successionibus intestatis; quemadmodum supposito testandi instituto verius esse probauimus, certitudo propinquitatis non absolvit hujus rei momentum; sed & reliqua voluntatis ad successionem peruenientis argumenta in censum veniunt.

36. Nam quod solus amor & benevolentia non sufficiant ad argumentum successionis in bona intestatorum, patet inde, quod nusquam gentium, nequidem jure Romano, quod adfectus rationem imprimis sequitur, Amicitia cum

Patre vel matrefamilias culta defunctis, quenquam ad Hereditatem illorum vocat.

37. Nec quidem Amor conjugalis, etiam ipsum amorem sanguinis, maxime remotioris, longè superat, ut ex duobus hominibus quasi unum faciat, ad hunc effectum valet; quia non solent esse conjuncti affectus isti cum intentione relinquendi bona post mortem; que homines ad propinquos & sanguinis sui participes translata, inque familiis suis conservata fere cupiant, ac ita velle præstantur.

38. Conjugalis amor tamen usque adeo non est alienus à respectu bonorum & successionis, ut sanguinis linea deficiente, non præbeat hac in parte voluntatis argumentum. Reliquarum amicitiarum, que non habent terminos adeo stabiles, neque fixum principium aut durationis tenorem, prorsus ab hoc effectu & jure successionis alienantur, nec usquam gentium huic emolumento admoventur.

39. Defectis omnibus, qui voluntatem defuncti ad obtinendam successionem, aut suffragium Legis habent atque merentur, Fisco locum esse, non è præsumpto defuncti affectu, sed ex universali Juris publici disciplina & consecutione jam diximus in *sect. 4. cap. 4. n. 47.* quæ de re in *prælect. ad princ. lib. 3. Inst. à princ. in enarr. Nov. 118. sub finem* cogimus. Adde omnino dicta *sect. 4. c. 5. & seqq.*

DE JURE CIVITATIS.

LIBER III.

Qui est de jure Administrandi rem Civitatis.

SECTIO I.

De Summâ initioque Administrationis.

C A P. I.

De inauguratione Imperantium, & arte Legislatorik.

Continuatio. Partitio rerum, quæ ad administrationem requiruntur, & Grotio. Nos secuturos ordinem magis historicum, præmissâ tamen divisione administrationis, in internam & externam. Primum, quod in civitate constitutâ sit, esse solennem fidei dationem atque inaugurationem in Regnis: quæ tamen non sit necessaria, neque juris novi quicquam inferre solet. Stabilis Imperio, primam esse Legum Curam, Difficultas Artis Legislatoriæ. Quis proprie sit Legislator.

Postquam de jure Imperantium & eorum qui subiecti sunt, singulis libris egimus, superest, ut de *Civitate Administrandâ*, quatenus ad juris rationem pertinet, eadem quâ coeptum, methodo, persequamur.

1. Partes administrandæ Reipubl.

alii plures, alii pauciores enumerant; Grotius in *lib. 1. c. 3. §. 6.* ita partitur: Qui civitatem regit, eam partim per se, partim per alios regit. Per se autem versatur, aut circa universalia aut circa singularia. Circa Universalia versatur, condendo Leges easque tollendo, tam circa sacra quam circa profana.

3. Singularia, circa quæ versatur, sunt aut directè publica aut privata quæ

O o o 2

dem,

dem, sed quatenus ad publicum ordinantur. Directè publica sunt, vel actiones, ut pacis, belli, foederum faciendorum; aut res, ut vectigalia & siquæ his sunt similia; in quibus & Dominium Eminens comprehenditur. Privata sunt, res controversæ inter singulos, quarum disceptatio juris quidem privati est, sed cura & dispositio generalis de illis, ad jus publicum spectat.

4. Quæ per alterum expediuntur, ea per Magistratus, aut per alios geruntur ministros, quales & Legati. Nobis quidem hæc partitio potest suggerere materiam dicendorum, quæ in capite de jure Majestatis pleraque sunt occupata, sed obiter. Nunc tamen pro instituti ratione, magis placet ordo simplicior & quasi historicus, hoc tamen supposito; administrationem esse duplicem; aut enim spectat ad internam civitatis constitutionem, vel habet respectum ad externos. De priore prius agendum.

5. Primum post Imperii constitutionem est Inauguratio, quæ est Actus sollemnis, quo Imperantes iniciantur Imperio. Et duas habet partes, ut fit; Scipulationem & Consecrationem. Quicquid autem hujus est, de Jure non necessarium esse, ratio & usus attendenti ad sequentia, facile patebit.

6. Nam constitutio Imperii fit Consensu libero, vel mixto. Consensu libero, fit vel per Compromissum populi, vel per contractum cum Imperantibus electis. Initur Compromissum, quando Cives inter se promittunt & constituunt, se certis Rectoribus esse parituros, idque vel certis limitibus eorum potestati præscriptis, vel sine ullis conditionibus, ut fere in talibus usu venit. Idque perfectum est, ubi primum Imperantes suum consensum declaraverint.

7. Per Contractum inter Imperantes & subjectos; quando hi per consensum

uniti Imperium Electo deferunt, vel simpliciter, vel, ut in talibus usu fere venit; certis conditionibus, quas aliter acceptat; ac ita contractus utroque citroque obligatorius initur.

8. Consensum dicimus mixtum, quando non libera sit electio, sed necessitas elicit consensum subjectionis; quæ necessitas est vel ab ipsis Imperantibus, aut aliunde. Ab illis, quando populus armis superatus victori promittit obsequium; quæ de re dictum est in *lib. 1. sect. 2. c. 3. à n. 11.* Aliunde, quando populus ab hoste coarctatus, se Tertio mancipat; in patrimonium & obsequium, ut olim Campani se Romanis dederunt.

9. Omnibus hisce casibus, Inaugurationem esse rem non necessariam, patet inductione specierum. Quippe, in plurium Imperiis, quæ jure parendi ac imperandi à monarchiis non discrepant, Inaugurationes fieri non solent, neque semper in Principatibus; Primo non, ubi per modum compromissi fundatum est unius Imperium, ut Augustus sponcione populi Romani, per Legem Regiam quæ dicitur, cum Rempubl. redere veller, electus, non etiam actu sollemni inauguratus est, ut nec fidem dedisse vel accepisse legitur à populo Rom. secus ac in Daniâ vidimus factum.

10. Imperio ibi quoque per Ordinum Compromissum ex Electivo Hereditario factò, & Legibus soluta, sequuta est Inauguratio; sed nemo dubitat, quin ante solennitatem illam Jus Regium fuerit perfectum, nec quicquam Summæ potestati inde vel accesserit vel decesserit; quemadmodum in regnis Successivis, omnibus satis constat, Principes non cunctari actus Imperii publicos exercere, priusquam inaugurati fuerint, nec quidem in Electivis

td ha-

id habet dubium, cujusmodi nuper & in Angliâ vidimus exemplum.

11. Nullumne igitur Juris effectum habet Inauguratio? Nullum habere, dicendum non est. Quid enim si constitutum sit, ne Princeps ullum Imperii actum, ante jusjurandum solenne præstitum, ut nuper in Scotiâ statutum fuisse accepimus, exerceat? Si quæ leges etiam fundamentales per modum conventionis inter Principem & Ordines populi stabilitæ sint, quas successores jurejurando firmare debeant, ante solennem ejus præstationem, ad plenum Imperii exercitium ut admittantur, exigere non possunt.

12. Sed contractus ut facti sunt, ita probari debent; In dubio magis est, ut Imperium per modum compromissi institutum videatur, quemadmodum aliter in Optimatum Imperiis intelligi vix potest, nec aliter in plerisque successivis, aut quæ ipso jure comperunt, obtinet. In quibus aliquando sine præjudicio juris omitti possunt Inaugurationes, quemadmodum Cæsares qui nunc sunt, vi legis æternæ Othonianæ, per electionem ad Regnum Germaniæ factam, sunt etiam Reges Italiæ & Imperatores Romani, sine ullo actu Inaugurationis, quam Aultriaci inde à Maximiliano I, Carolo V. excepto, neglexerunt.

13. Proinde, si omitti possunt Actus illi solennes, ut fere antiquis temporibus ignoti fuere, non est verum, quod multis persuasum est, tum inter Imperantes & subjectos novum iniri contractum, quo non modo Cives Principi, sed etiam Principes civibus, aut his quibus jurant, obligentur, quomodo Pontifices Romani inde captarunt argumentum, quod Germaniæ Reges per jusjurandum Inaugurationis, ipsi, ut Christum vel populum Romanum representantibus obligarentur, imo Vasalli fierent, quo per-

tinet notum illud distichon, quod Innocentius Pontifex, ab Inauguratione Lotharii Aulæ parieti inscribere ausus est, Sigonio teste;

*Rex venit ante fores, jurat primo
Urbi honores,*

*Mox homo fit Papa, sumit quo dant
te Coronam.*

14. Nihil magis inter populos & Principes, nisi id specialiter actum sit, per Inaugurationem novus initur Contractus; Sed populus, id ad quod per Electionem aut Jus Successionis jam obligatus erat, hoc solenniter repetit; Princeps sui officii antea suscepti & acquisiti partes jurejurando confirmat, quo nihil novi, quam religio erga Deum, continetur, quâ de re dictum est in *lib. 1. sect. 9. cap. 5. n. 74.*

15. Nil enim fere Princeps, quam se Jus & Justitiam administraturum populo, Rempublicam & Religionem defensurum; Etiam *alicubi*, Leges & jura præcipua servaturum; ad quæ jampridem ex officio, quod susceperat, tenebatur, promittit: Populus fidem & obedientiam, ad quam Rectoribus constitutis, vel compromisso inter se, vel contractu cum illis, obligati erant, pollicetur. Vel si fides alicubi sola exprimitur, obedientia, salvis Legibus, quæ constitutæ fuerint, sub illa continetur.

16. Adjunguntur cærimoniarum quædam & ritus ad venerationem animis populorum incutiendam; quo maxime totus Inaugurationis actus, magis sane quam ad juris augmentum vel adstructionem pertinet, inventi; de quibus hic non est agendi locus. De Homagio, quod Vasalli præstant dominis Feudorum, quod hinc est alienum, egimus in *loco suo.*

17. Ex dictis illud quidem ultro liquet, Inaugurationis solennia nihil quoque facere ad dignitatis ordinem & jus præcedentiæ, quam vocant, ut quâ ratione

Superiori seculo usus est Antonius de Prato, Gallix Cancellarius, in congressu Calerano, Regem Gallix non debere cedere Carolo V. propterea, quod is quidem Imperator electus, sed nondum à Pontifice inauguratus esset, quod è Chassaneo membra Arumæus in *orat. d. Sessionis prerogativa*.

18. Sed hoc cives Imperium stabilientes adinadvertere oportet, ut, si Rectoribus suis Imperium simpliciter deferre noliunt, legibus inde ab initio fundamentalibus constitutis; his solis rem non committant, sed Ephors & Nomophylacas, id est, homines Legum custodes Rectoribus adjungant; aut hoc agant, ut ordines populi certis temporibus conveniant, qui de rebus ad salutem publicam & libertatem reservatam pertinentibus agant & decernant; cum altoqui Rectores singuli vel plures nihil habeant potius, quam emancipare se conari vinculis & repagulis absolutæ potestatis.

19. Summâ regendæ Civitatis, quam recentem & legibus inconditam adhuc consideramus, stabilitâ, Rectores, quos simpliciter constitutos jam intelligimus; nihil prius agere debent, quam ut Legibus universam Reipubl. administrationem, inde ab initio complectantur: Ne usu veniat novæ Civitati, quod Romanis accidit, ut primis quidem temporibus manu Regum, id est, arbitraria potestate gubernarentur, donec à Decemviris Leges acceperunt; etsi ne sic quidem aliter quam crebris seditionibus & malorum experimentis ad Stabilem Reipubl. constitutionem pervenerunt.

20. Qui dialecticis fueri sunt argutiis, ac in iis summam ingenii & judicii vim constituunt, rem facilem esse putant, condere Leges, eamq; sapientix partem, quæ in moribus & Legibus versatur, præ Theoreticâ adspiciantur. *Οἱ σοφισ*

οὐκ, inquit Aristoteles, φαίνοι διὰ τὴν ἰσχυρὰν τοῦ νομοθετικῆς, Sophista nihil facilius esse putant, quam ferre Leges lib. 8. ad Nicom. c. ult. Νομοθετικὴ δὲ τῶν ἀδυναμιχῶν ἐστὶν ἰσχυρὰ, καὶ κατὰ τὴν ἰσχυρὰν ἀείρου. Obviam enim esse, ex Legibus celebriores colligere & optimas inde excerpte, quemadmodum Decemviro instituisse legitur Romanos in XII. tabulis condendis.

21. Ex adverbio nihil in rebus humanis esse difficultas exempla sapientissimorum, qui his rebus admodum fuerunt, omnium temporum usus docuit; siquidem regulas, quibus infinitæ hominum actiones circa infinita rerum objecta regantur, excogitare, præscribere, sine dubio res est, quæ ad divinæ vim providentiæ quam proximè accedit. *Ὁ δὲ φαίνοται, inquit iterum Aristoteles, καὶ τὸ νομοθετικὸν ἔργον, ἀλλὰ ἀσπίδι ἰσχυρὰν ἰσχυρίας. Neque tati res est, ut è scriptis comparatur; sed opus est usu verarum. Πῶς δὲ ἐν τῷ οὐρανῷ νομοθετικὸν γένει ἀδυναμίας; Quomodo igitur è Sophistis Legum ferendarum peritus aliquis fiet? Εὐνοίας τῆς θεῆς διὰ τὴν ἰσχυρὰν αἰσθητικὴν δύναμιν. Etsi verum est, eruditos ad eam rem præ cæteris aptiores esse videri.*

22. Imprimis lumini ad hanc rem momenti fit, nosse populi naturam & nativam omnium civitatis Ordinum inter se relationem, quod non tam generalibus præceptis, de quibus agit Bodinus lib. 5. *Polit. cap. 1.* quam attentâ consideratione morum & ingeniorum populi, in quo versamur, rerumque in eopridem actarum memoriâ & comparatione status præsentis, acquiritur.

23. Antequam autem ad caput de Legibus progrediamur, sciendum, Voce Legislatoris, pierumque Legis conditorum, qui jus habet sanciendo Leges, intelligi; sed revera & Lat. nè, Legislatorem esse eum, qui fert, hoc est, proponit Legem sancientiam; ut Magistratus in urbe

in urbe Romanâ, qui Leges à populo condendas illi proponebant, easque ad Comitia ferebant; quo sensu bene dictum est, non Deum sed Moysen fuisse Legislatorem Judæorum; Deum fuisse *Nomosetam*.

CAP. I I.

De Legibus.

Ad internam administrationem primo spectare Legem; quæ definitur.

Quo sensu dicatur Commune Præceptum. Sponsio Reipubl. & fœdus civium, de Summâ potestatis influxu in Leges, & quatenus ab his, qui illâ carent, proficisci possint. Discrepantia Juris Municipalis à Lege propriè dictâ. Honestatis & Rationis in Lege requisitum quid ferat, & quatenus Ratio sit anima Legis. De generalitate Legis & de privilegiis. Virtutes Legis, ubi de permissione, aliter ac Puffendorffius. De Sanctione, sive pœna Legis. Grotii triplex effectus Legis examinatur & declaratur. Differentia Legis perfectæ & imperfectæ. Quod est contra Leges generaliter, ipso jure nullum esse videri. Quid si pœna specialis adjecta sit. Jusjurandum Legibus adjectum quid faciat; An in Leges injustas aliquando jurare liceat. Legem ad futura spectare; posse tamen aliter. A quo tempore lex incipiat obligare. Tolli Legem ab eo qui jus condendi habet, idque rem sapius exigere. Huc etiam referri Æquitatem, de quâ distincte agitur. Quid juris, ubi ratio Legis in hypothesis cessat. De Consuetudine vim Legis habente; denique, de Legibus adoptivis.

Nihil igitur prius in Civitate Imperio fundata, solet esse, quam Legibus ordinare Rempublicam. Proinde non intelligi hoc loco Legem Naturæ, Gentium & Divinam, sed duntaxat Civilem res ipsa loquitur.

2. Hoc modo sumpta Lex definitur, *Commune præceptum Summæ Potestatis honestati conveniens, omnesque Imperio subditos ad parendum obstringens*. Dicitur *Commune præceptum*, quia non de singulorum sed universis rebus, non de raro contingentibus, sed de his quæ ut plurimum eveniunt, concipi solet ac debet.

3. Quod tamen vide sis, ut rectè capias, non more Solonis, qui parrici-

dio pœnam non posuit, *di n' oindianis*, quod non crederet, quenquam fore tam immanem, qui parentem occideret. *Solone sapiensius majores nostri*, inquit *Cicero*, *qui cum intelligens, vibile esse sape sanctum, quod non aliquando violaret audacia, supplicium in parricidas singulare excogitarunt. Orat. pro Rosc. Amer.*

4. Non igitur simpliciter, sed comparate sumendum hoc requisitum: In materia Legi proposita, sanctio ferenda non est secundum id quod raro in eadem materia, sed plerumque usu venit. Ex gr. In usufructu potest fieri, ut Dominus res sua, sine culpa ipsius, interceptur; sed hoc raro accidit: usufructus

ne vero non recepta, plerumque lites antiquæ & intricatæ civitatem vexant, Igitur, id quod plerumque fit, præferre Legislatorem oportet ei, quod rarius accidit, idque Theophrasti vult dictum in l. 3. & l. 6. x. de Legibus.

5. Sciendum etiam, quo sensu, Papinianus Legem vocaverit Sponzionem Reipubl. in l. 1. x. de Legibus. Directe quidem spectavit ad morem Democraticum urbis Romæ, ubi Leges erant Rogationes, quas Magistratus iaciebant ad populum, *Velitis, jubeatis Quirites?* populus autem respondebat, *Uti rogas, ita jus esto.* Sic erat Sponsio perfecta inter duos, populum & Magistratus.

6. Paulo aliter ab Aristotele Lex vocatur *Ὁμολογία τῶν πολιῶν*, sive, ut Demosthenes in l. 2. x. de Legib. *συνθήκη τῶν πολιῶν, sædus & conventio civium*, inter ipsos scilicet; qui singuli cives in Leges earumque sanctionem consentire videntur, non modo in singulas, ut quæque feruntur, sed etiam in universas; sive considerentur, ut primi auctores ejusmodi consensionis, sive ex postfacto.

7. Primævæ consensionis exemplum est primum in Atheniensibus, qui cum Soloni darent potestatem condendi Leges, se prius omnibus, quæ ab illis sancirentur, servandis obstrinxerunt: His similes sunt, quicumque Unius Imperio se submitunt. Alterum est Romanorum, qui Decemviris Legum creandarum causâ creatis, primò, se omnes ab illis sancendas servaturos promiserunt: Et cum his merito, quicumque se Optimum Imperio submitunt, comparantur. Summa enim potestate jus condendi Leges imprimis comprehenditur.

8. Qui vero Civitati pridem constitutæ se aggregant, hi manifesto in Leges ibi receptas consentiunt, quia nec aliter se receptum iri, nec Civitatem aliâ ratione salvam manere posse; denique Leges in-

venire se, non adferre novas intelligunt.

9. Hujus rei usus est luculentus in Jure publico privatoque; maxime in iis, quæ vocantur in controversiam æquiratis: nam volenti non fit injuria; Loquimur autem de læsione patrimoniali, non de turpitudine morali, quæ nullo consensu Legitima fieri potest: Proinde, si qua lex adversus singulos quandoque durior videatur: is tamen in quem illa durities incumbit, non habet conquerendi causam, quia pridem in id consenserat, ut si cui tale quid eveniret, esset hoc ferendum; sine offensa regulæ Apostolicæ, non esse faciendâ mala, ut inde bonum eveniat: hoc enim de malo turpi in se, noster consensus de malo tristi, cui se aliquem subicere nil vetat, intelligitur.

10. Non recusat vel removet hanc pactionis & Legis obligationem, Hobbes Anglus, ut vidimus in lib. 1. c. 3. n. 4. Nec habet D. Puffendorffius justam rationem negandi Leges habere vim pactionum in lib. 3. de Jur. Nat. & Gent. c. 6. n. 2. ubi dicta veterum supra laudatis similia. Reprehendit Græcos & ait, eos in conspectu habuisse domesticas civitates suas. At qui Romani non destiterunt ita loqui, tempore jam adulto Principatus, ut Papinianus sub Severo l. 1. x. de Legib. Id vero tatenitur, in eoque desinit Puffendorffii dissentius; Pacti vim, qua legis obligatio nititur, in media e in ipsa Legis sanctione non semper versari, sed in eo quod legislationem præcedit, adeoque in primævæ constitutione Imperii, ex quo legum sanctio immèdiatè fluit, in primis. Cui non potest opponi præcipuum illius argumentum; quod inviti etiam Lege tenentur, pacto nequaquam. Nam invitus nemo civitati, cujus imperium est voluntarium, aggregatur, aut in eo perseverat.

11. Sequitur in definitione; *Suprema Potestas*

Potestate, quam ad Legis auctoritatem requiri, ex eo, quod in *lib. 1. sect. 3. cap. 6. n. 55. & seqq.* ubi dicta non repetemus, collocatum est, intelleximus. Proinde regno simpliciter delato, jus hoc ferendi *Leges* apud Regem, in Aristocratica penes optimates; In mixta suo sensu *Reipubl.* apud utrosque pariter est; atque si mixtura plebejorum ordinem pariter comprehendat, apud omnes simul hoc jus residet; quemadmodum in *Democratia* apud universum populum. Quia cum talia *Summæ potestatis jura* frequenter in Reges aut optimates alienentur, ulu tamen sæpe venit, ut jus ferendi *Leges*, in quo *Summa* *Reipubl.* vertitur, vel à populo retineatur, vel sine ejus consensu; nihil novi juris statuatur.

12. Fit etiam aliquando, ut qui *Summam Potestatem* non habent, *Juris* tamen introducendi, adeoque *Legis* condendæ potestatem exercent; consensu videlicet ejus, qui habet *Summam potestatem*, quod imprimis in *Romana* *Reipubl.* perspicuum fuit utu & exemplis. Nam etsi plebs absque patriciis seorsim non haberet jus summum *Reipubl.* tamen ita juris fuit, ut *Plebiscita* vim *Legis* haberent, prævio totius populi consensu, per *Leges*, *Valeriam*, *Publiam* & *Hortensiam* declarato. *Prætores* erant tantum magistratus; Sed *Edicta* ab illis promulgata vim legis habuerunt, populo in id consentiente; quod ita compertum esset, jus XII. tabularum egere quibusdam mutationibus & supplementis, ad statum præsentem accommodatis. Quæ causa fuit, ut etiam *Sententiæ* *Interpretum*, sive prudentium vim juris obtinerent. Quemadmodum & sub ipsis *Cæsaribus*, cum penes solos esset *Summa Potestas*, *Senatus* ex illorum arbitrio *Leges* condebat; unde *Senatum* jus facere posse non dubitatur, ut veteres

jam *Principatu* scripsit *Ulpianus* in *l. 9. n. de Legibus*.

13. Nec aliter hodieque usu venire videmus, quam ut *Magistratibus* & *Curis* universæ *Reipubl.* officium administrantibus, in rebus eo pertinentibus *jura legesque civibus præscribere* liceat, quæ prærendi necessitatem in *Curia* illa versantibus & agentibus injungat.

14. Quando igitur, qui non habent *Summam Potestatem*, *jura* condunt, *Edicta* promulgant, hæc proprie non esse *Leges*, si *Consensu Summæ Potestatis*, majores non accipiant vires, inde satis intelligitur. Tales sunt *Leges*, dictæ à *Rectoribus Municipiorum*, quæ sunt *urbes superioremagnoscences*, vel etiam *integritatis majoris Imperii* membra, quorum *jura* vulgo *Statuta*, ut à *Legibus* optimo jure dictis separentur, appellari solent; etsi non raro hac voce *Leges* hodiernæ liberarum gentium, à *Romanis Legibus* discernuntur, imo & ipsas *Leges Imperiales Statuta* vocari nihil veter. *l. 3. §. 5. n. de sepulchr. viol.*

15. *Rectores* illi *municipii* à *Summâ Potestate* præpositi, nõ modo singulares, sed etiam universas *injssiones*, *imperia* & *decreta municipibus* suis præscribere & promulgare possunt, vi *Jurisdictionis*, quàm à *Potestate* *supremâ* acceperunt; sed eorum *Edicta*, præter causam obligationis, in eo discrepant à *Legibus*, quod non valeant, si *Juri communi* illius *Imperii*, cui subsunt, adversentur; quomodo *Antoninus Imperator*, *Legem* *Rhodium* de re nautica jubet observari, *ἢ οἷς μὴ πῶς ἢ ἡμῶν τῶν νόμων τῶν ἑσθῆρας*, quatenus nulla *Romanarum Legum* ei adversatur, in *l. ditionis* *9. n. de L. Rhod.*

16. Ex quo loco discimus & hoc, usu venire posse, uti *Lex* aliqua *municipalis* fiat *universalis*, adoptione & sanctione *Summæ Potestatis*, quod ad vim obligandi totius *Imperii* *cives* attinet;

ut tamen originalis & authentica qualitas dependentiæ municipalis à summa potestate, maneat; nequid à Jure prius in Republ. constituto per ejusmodi Statuta mutetur.

17. Eadem municipalis à Superiori Potestate dependentia facit, ut si aliter foderit Principi, aut Rectoribus Universæ Reipubl. jus illud municipale, quod ad communè regimen ejus loci pertinet, mutandum putet, suo arbitratu id facere possit; Imo Leges universæ toto Imperio publicatæ, Statuta municipalia illis adversa tollunt iisve derogant, quæ admodum Hadriani Rescriptum poenale, de non sepeliendis in civitate cadaveribus, derogare juri municipali, quo permissum id erat in aliqua civitate, tradit Ulpianus in l. 3. §. 5. d. sepulchr. viol.

18. Sequitur in definitione Legis, *Honestati conveniens*. Debet enim esse honesta Lex, hoc est, non inhonesta, ut nihil quod necessitati morali & divinis præceptis adversatur, præcipiat, Hoc enim si fiat, vim suam perdit, cives obligandi, quoniam juris Naturæ & divini prior ac superior haud dubie est obligatio.

19. Quod non æque dicendum, si qua Lex dubiæ sit rationis, nec quare ita placeat, civibus constat; imo ne tum quidem, si contrarium probabilius videatur. Sufficit enim, nihil in Lege necessario merum dictamini contrarium posse reprehendi.

20. Hinc merito prohibent Legumlatores, ne quis in rationem Legis inquirat; neque ita, ut si ratio non liqueat aut probetur, tum legi obsequium sit negaturus. l. xx. & seq. de Legib. Quo loco recte illud applices: *Habere sanum*, non competere civibus discretionem boni & mali: Quoniam nihil magis ad resolvendam Imperii vim pertineret.

21. Supposita igitur convenientia cum jure divino morali & Naturali, dicendum est, à singulorum judicio non pendere examen rationis, quæ Lex nititur; non quod in rationes inquirere non liceat; id enim maxime commendatur; verum ne, si fiat, ut cives interpretari quam exequi malint Leges, multa quæ modo certa sunt, ut ait Neratius, subverterentur l. xxi. e. de LL.

22. Quid sibi vult igitur, dicat aliquis, Rationem esse animam Legis? Ait: Ratione juris naturalis & gentium valeat regula, valeat sensu quoque civili: Sed tum ratio intelligatur, quæ Legis auctori placuit; non quam ratiocinator excogitet. Illa plerumque recta, tametsi non omnium optima semper, est equidem anima Legis, & verba sunt corpus, quæ à ratione, quæ motus est Legis auctor, animantur, & juxta placitum Summæ Potestatis, effectus suos exercent; ut ubi ratio illa cessat, verba veluti cadaverosa vim obligandi non habeant.

23. Non est heic loci prætereundum, male quosdam ita in animum induxisse, Rationem esse principium cognoscendi cum omnes disciplinas, tum in primis Jurisprudentiam; quod nobis in disputatione de principio cognoscendi divinitatem sacre Scripturæ, quam executi sumus in lib. I. sect. 6, objectum est. Ostendimus enim in libro de Concurfu Rationis & S. script. sect. 3 impetivè illos confudisse Philosophiam civilem, quam in hisce libris executimus, cum Jurisprudentiâ. Principium cognitionis in illâ sane est Ratio, sed in Jurisprudentiâ nihil est Ratio, quam instrumentum cognoscendi voluntatem Legislatoris, quæ licet minus Rationi conveniens, quam civilis philosophia dicat, præferenda tamen est ei, quod ratio in abstracto potius præferretur; Si verò principium esset Ratio, fieri non posset, ut quod ratione præstat

præstat, ei quod est deterius, postponeretur; quin flagitium alioquin, ut illi amant loqui, committeretur. Vide sis, quæ in *Eunom. ad l. 21. de Legib.* collocata sunt.

24. Sed redeamus ad definitionem; Dicitum adhuc est in definitione, quod Lex omnes Imperio subditos obstringat, non cives duntaxat, quia Legis obligatio à subjectione dependet, quæ continet etiam peregrinos & advenas, ut inferius explicandum occurret. Ubi-
cunque igitur illa summæ potestatis est mens, ut omnes teneantur, ibi vis legis, adeoque Lex est, quacunque forma emittantur; sive ut Edicta, seu rescripta, vel ut epistolæ aut decreta, modo publicè innotescat ea mens Imperantis, ut prudenter constitutum est à Theodolio & Valentiano in *l. 3. C. de Legib.* quæ de re diximus in *Prælect. ad tit. 11. de Constitut. Princ. n. 5.* & in *Eunom. ad l. 1. d. Constitut. Princ.*

25. Personales constitutiones, quæ in gratiam, vel in odium certarum personarum statuuntur, Privilegia dicuntur, quomodo & Cicero in *Orat. pro Dom. Legem Clodiam*, qua in exilium actus fuit, privilegium appellabat; maxime tamen exemptiones à jure communi hoc nomine usurpantur. His quidem æque obligantur omnes, ut respectu personæ privilegiatæ, constitutioni effectum tribuant & tribui patiantur; sed ad alios eodem jure onerandos aut onerandos minime valent.

26. In plurium Imperiis privilegia propter studium æqualitatis rariora sunt, legibus XII. tabularum prohibita, in Monarchiis aliquanto frequentiora sunt; videlicet, de his quæ vere sunt talia, loquimur. Enimvero exemptione, quæ integris hominum ordinibus, ut pupillis, mulieribus, Fisco tribuuntur, etiam privilegia dicantur, diversi tamen generis sunt; quia non singulis, privatique,

sed universæ civitati concessæ videntur, de quibus actum latius in *Prælect. ad Tit. 11. de Legib.*

27. Sequitur in definitione; *omnesque ei subditos ad parendum obstringens*; hæc est virtus Legis in universum; Sed à Juris consultis Virtutes Legis enumerantur hæc; Imperare, vetare, permittere, punire *l. VII. 11. de Legib.* Imperantur facienda, vetantur contraria, permittuntur licita: & quidem permissio differt à tolerantia: Nam quod permittitur, id juris habet effectus; Toleratur, quod Lex impune saltem transmittit, ut ebrietatem & ingratitude.

28. Ita Lex Mosaica permisit divortia, Lex Romana concubinarum; sed meretricias libidines idem jus Romanum tolerat, non permittit, ut alia civitates ebrietatem, ingratitude aliaque vitia, quæ ubique improbantur, nusquam puniuntur, *Seneca 3. declam. cap. 7.* Certe enim propter civiles rationes potest aliquid & tolerari & permitti, quod non sit honestum, utique propter necessitatem, haud perinde ob utilitatem; ut tamen pro necessitate habeatur, si permissione minoris vitii majus evitari queat. Nec offenditur hoc casu Regula Apostoli *Rom. 3. v. 8.* non esse *facienda mala, ut inde eveniat bonum*; nec enim Legislator eo facit aut probat malum, sed regit ac intra limites coercet, ut Moses divortia, libelli impetratione pro remedio extremo discordiæ proposita.

29. Hanc permitti ad virtutem negat esse legalem Puffendorffius in *lib. 1. de J. N. G. c. 6. n. 15.* Nam permissio non est *actio legum*, inquit, sed *actiois negatio. Quæ Lex permittit, ea neque præcipit neque vetat, adeoque circa eadem nihil agit.* Sed est petitio principi, quod nihil sit medium inter præcipere & vetare: potest aliquis nec vetando, nec præcipiendo, non agere ni-

hij. Nam dare jus externum super eo, quod alioqui non liceret, non est nihil, ne tamen est vetare vel præcipere, quod in exemplis modo relatis est perspicuum. Non habet adeo rationem Vir Cl. adferendo, quod differentia inter permittere & tolerare, non habent rationem.

30. Suadere, non est virtus Legis; cum parendi necessitatem ejusmodi decreta habere non possint, quales illæ Claudii Cæsaris, ut *uberi vinearum proventus bene dolia picarentur. Nihil æquè facere ad vipera morsum, quam taxi arboris succum.* Sueton. in Claud. Sunt & Romani juris aliquæ admonitoria leges, majoris tamen momenti quam Claudinæ; sed nec hæc Leges rectè dicuntur, ut est consilium, quod Justinianus suggerit Patribus, substituendi liberis heredem in casum mortis ante pubertatem, dum metuunt, ne substituti filiis insidiantur, ut successorem occupent §. 3. *Inst. de Pupill. subst. adde l. 34. ff. de Legib. l. 24. ff. de Rei vind. Nov. 22. c. ult. in pr.*

31. Ultima virtus Legis est, Punire, id est, pœnam constituere in violatores Legum, quæ pars Legis Sanctio dicitur, ut Justinianus docet in §. *sancta quoque Inst. de Rer. Divis.* idemque probant exempla, quotquot in vetustis supersunt monumentis, Legum Romanarum. Eaque pars Legis adeo propria fuit, ut quæ sanctione carebat, Lex imperfecta diceretur. Et si non semper pœna specialis imposita fuerit; aliquando nil nisi *improbe factum*, si quis adversus ea fecisset, adjectum esse legimus, ut de Lege Velleja narrat Livius *lib. 10. c. 1.*

32. Grotius effectum Legis statuit esse triplicem. Primus est obligationis, etiam quod ad animi conscientiam attinet. Secundus effectus est, Pœna, si hæc legi adjuncta sit, eaque ad obligationem patiens valet, si quando per judicem ex-

igitur, alias minime, nisi quid secus in Lege reperitur. Tertius est rescissio omnium actuum, quæ Legi repugnant, si Lex id exprimat, aut adimat ipsam facultatem, vel quando factum habet in se perpetuam turpitudinem, *Introduc. Jur. Holl. lib. 2. c. 2. a pr.*

33. Obligatio Legis civilis, de qua hoc loco agimus, venit à Summa potestate; Sed unde Superior habet potestatem obligandi conscientiam & voluntatem? cum verissimum sit, *πεγαυρίων ἀπορίας ἰδιὰ τὴν ἐξουσίαν, nimirum alienæ voluntatis esse dominum*, ut Epictetus, & omnis Philosophia dicitur. Enimvero pœnam à superiore proficisci, facile constat, hoc ipso, quod superior est; sed animi obligatio à sola qualitate Superiori non potest oriri, ut probatum est in *lib. 1. sect. 1. cap. 2. n. 18. & seqq.* Meretur hic locus theoriarum explicari, quod fiet in *cap. seqq.*

34. Reliqui duo Grotiani effectus; sunt partes Sanctionis, quæ cum perfecta erat, non modo pœnam, sed etiam contra actuum rescissionem continebat, ut Ulpianus docet in *fragm. tit. de Legib.* Aliquando pœnam sine rescissione; vel etiam rescissionem sine aliâ pœnâ. Pœnam Lege sancitam, ita sicut expressa fuit, esse irrogandam, non est dubium, & si rescisso simul imperetur, habemus quod liquido sequamur, ut tam pœna quam rescissio locum habeat. De jure obligationis ad pœnam, de qua in Grotii verbis, actum est à nobis in *lib. 2. sect. ult. cap. 1.*

35. Si lex simpliciter aliquid prohibeat, sine rescissione vel pœnâ, Grotius acta contra legem non esse nulla vel rescindenda statuit, eo quod exprimi vult in lege rescissionem ad hunc effectum; duplici tamen exceptione, facultatis alicui ademptæ & perpetuæ turpitudinis.

36. Hæc sententia non probatur Imperatoribus Theodosio & Valentino in *Constit. Non dubium est 5. de Legib.* ubi statuunt, *eaquæ Lege prohibentur, si fuerint facta, non solum inutilia, sed pro infectis etiam habenda esse; licet Legislator fieri tantum prohibuerit, nec specialiter dixerit, inutile esse debere quod factum est;* sine discrimine rerum perpetua moralitate turpium & civili ratione prohibitarum; nec quidem admittit differentiam Actus in suis requisitis illiciti, & cuius facultas alicui adempta sit. Nec videtur hæc ratio Imperatorum, à Jure naturali, vel publico univèrsali abhorre; Quod enim lex fieri vetat, id factum quominus pro non factò haberi velle videatur, nihil adferri potest.

37. Nisi forte nullitas ad præjudicium non peccantis, sed tertii pertineat, tum respectu tertii quominus actus valeat, nihil obstat: Quemadmodum, si prohibeat Legatum, etsi dictante testatore, sibi adscribere; Si tamen id alii Testator restitui iusserit, huic suum jus salvum manere, bonum & æquum est, ut definitur in *l. 14. §. adl. Corn. de Fals.*

38. Quod si hæc est vis Legis, simpliciter aliquid sine poenâ prohibentis, hujus adjectio, secundum illâ Imperatorum sententiam efficere non potest, ut actus contra Legem institutus valeat; nisi poenâ sit ejusmodi, ut ex ejus usu diversa Legislatoris voluntas intelligi possit; Nam si poenâ locum habente, non possit actus esse nullus, inde necessario colligitur, jubendo certam poenam exigi, Legem supponere actum valere, non etiam nolle, ut actus subsistat. Quæ limitatio à Juris interpretibus tradita, vera quidem est, sed usu parum obvio vel exemplis trito.

39. Civilius distingui posse videtur, utrum Lex ipsum actum directè prohibeat, an prohibitio spectet requirita

quædam ad ipsam actus substantiam non pertinentia. Si prius, dicendum est. Actum non definire esse nullum, per specialem poenam, nisi talis sit, ut modo designatum est; quæ non possit habere locum, in hypothesi Actus jure subsistentis. Exempla poenæ ad requisita, non ad actum ipsum pertinentis obvia sunt; Matrimonium publice promulgandum & celebrandum est, sub poenâ XII. Librarum. Non spectat ipsum matrimonium, aut ejus essentiam, sed modum & circumstantias. Rursus, matrimonio incesto aut aliter Legibus interdicto imponitur poena, quod nihil alter ab altero percipere possit lucri, vel beneficii; inde non sequitur, matrimonium jure valere, si poena locum habeat.

40. Novimus aliquando Leges jurejurando fuisse sancitas, ut Lycurgus Spartanos suos obligavit, & Romæ sæpe factum legimus. Cujus rei nec alius esse potest effectus, quam quod obligationi jam in eodem vigore sancitæ, ac in eadem latitudine firmatæ religionem Numinis addit; novam inter omnes obligandi vim adferre non potest.

41. Hoc tamen adfert novi Jusjurandum, quod si Leges sint aperte iniquæ & turpes, earum executionem injuratæ cives pati debeant; etsi facere secundum eas Leges, & actiones suas instituere non possint; hætenus enim verissimum est illud Apostoli; Deo magis obediendum esse quam hominibus. Etgo nec in ejusmodi Leges jurare, pietas & religio permittere videntur; nisi forte passivæ quam diximus obedientiæ causâ.

42. Atqui Catonem in Leges, quas injustè rogatas putaret, sæpe jurasse, narrat & defendit Cicero, in *Orat. pro Sext.* ratione reddita; *Ne cum Reipubl. mibi prodesse, sive Reipubl. privaret.* Credo, quod contra jus & utilitatem Reipublicæ

licet magis, quam contra honestatem mo-
ralem late fuerint istæ Leges; vel de
patientia civili juramentum illud præ-
stitum fuerit: Et non minus idem Cicero
laudat Metelli constantiam, qui in exi-
lium abire, quam jurare maluit in Leges
à Saturnino latus.

43. Sed Cato ac quidem exequi de-
tractavit legem Clodiam, quæ manifesta
Ptolomæo Cyprio Regi injuria fiebat;
qui fretus imperio populi Romani reg-
no paterno atque avito rex amicus pa-
catus, quietus, nullâ injuriâ comme-
moratâ, nullis repetitis rebus, cum pur-
pura & sceptro & insignibus regis om-
nibusque bonis suis publicatus & præ-
conio publico subiectus est; Ad hoc mi-
nisterium iniquitatis, eadem Lege Clo-
diâ delectus Cato rem injustitiæ plenam
executus est; Sequutus rationem quam
Cicero his verbis exponit; *quoniam illa
in Republ. macula regni publicati ma-
neret, quam nemo jam possit eluere: Quod
ex malis bonis posse in Republ. provenire, id
utilius esse, per se conservari, quam per alios.*
Non potest civis actiones suas ex præcri-
pto Legis injuste instituere: Sed quomi-
nus, quod is qui habet summam potesta-
tem decrevit, sibi improbatum, exe-
quatur, ut quam minimum in detrali in
Republ. vel privatos rodundet, ei non
videtur obstare boni viri officium.

44. Denique, proprietates Legis, ut om-
nium præceptorum, est, quod respectu
futuri intelligatur, ad præterita non per-
tineat, nisi casus præteriti temporis di-
ferte exprimantur, quod in terminis ha-
bilibus iusta ratione aliquando fieri po-
test. *l. 21. ff. & l. 7. C. de Leg. l. ult. C.
de Publ. sign. Nov. 114. c. 1. in fin.*

45. Potest tamen fieri, ut tametsi
non sit expressum, nova tamen Lex ad
veteres & præteritos casus etiam perti-
neat. Primum, si Lex nova non tam sit
dispositiva novi juris, quam declaratoria

juris antiqui, ut in hoc exemplo;
Lex est, ut inter Conjuges lucra &
damna communicentur; dubitatum
utrum id ipso jure fieret? Nova Lex id de-
terminavit; cujus sententia non minus
ad præterita quam ad futura matri-
monia spectare, judicatum est. Idem usum
venit, quando nova Lex aliquid facti
injungit his, qui antiquo jure uteban-
tur; veluti Lex est lata, quod heres
ex beneficio inventarii intra lex men-
ses, rationes reddere & Curatorem bonis
potere debeat; hæc etiam ad heredes,
qui jam pridem beneficium Inventarii
impetraverant, merito pertinere visa
est. Extra hujusmodi casus nihil verius
est, quam quod Cicero in Verrem 1.
*Cedo mihi, inquit, Leges Atinias, Ti-
tias, omnes præterea de jure Civili, hoc re-
peries, in omnibus statui jus, quo post eam
Legem populus uteretur.*

46. Porro, Lex habet suam perfectio-
nem statim atque decreta est, et non scri-
batur, ut rhetoræ Lycurgi, cujus inter alia
instituta fuit, *non est de rebus, sed de
uti legibus scriptis*, ut tanto fidelius im-
pressa memoris, sanctius custodirentur.
Neque verò, ubi maxime scribuntur
Leges, scriptura ad essentiam illarum re-
fertur. Lex erat, quam populus jusse-
rat, quam plebs sciverat; cum roganti
Legislatori, *Velitis jubereis Quirites*, res-
ponsum erat, *uti Rogat*. Verum est ta-
men, ut Leges obligent cives, inno-
scere eas & publicari debere, quod vix
aliter commode, quam per scripturam fie-
ri potest. Expedit autem præscribi tem-
pus, ex quo sint valituræ, velut jure
novissimo Romano bimestre spatium,
antequam poenæ violatarum Legum
exerceantur, præfinitum est à Justinia-
no in *Nov. 66. cap. 1.*

47. Postremo, quod Juris & Com-
munis ratio dicat, unumquodque tolli
eo modo, quo est colligatum, id æquè
in Legi-

in Legibus obtinet. Voluntas Summæ Potestatis ut Legem facit, ita Legi tollendæ sufficit eadem & sola requiritur, eoque pertinet illud, *Αιμωγανισμεν. Αβελινα ιξουεππερ. 7 ου αυτην τινι. Constituciones posteriores prioribus sunt validiores l. ult. n. de Constit. Princ.* sive priores Leges omnino tollant, quod est *abrogare*; sive ex parte, quod est *derogare*; sive aliquid Legi præcedenti adjiciatur, quod *subrogare* dicitur; denique, si quid ex priori Legge mutetur, quod est *abrogare*, teste Ulpiano *fragm. tit. 1.*

48. Mutatio temporum hominumque sæpe id officium ejusdem civitatis Rectoribus injungit; quâ de re Apulejus in *Apolog.* paulo crudiori eloquentiâ; *Nonne vos quotidie, inquit, experimentis illuminantibus tenebras antiquitatis, septam illam veterem & squalem sylvam Legum, novis principalium rescriptorum & Edictorum securibus erucatis & caditis? Nec solummodo magnis temporum intervallis, sed eadem hominum ætate res & usus id sæpe fieri tuadent, quomodo ingenue Justinianus, Ου δ' ἀπορησθη, οτι η νεωτερα, η αν αυτην προπερ η παλαια, ανωτερο εσθωρη, τω ε νομοθητη η η αν αυτην. Ου τοις ανωτεροι δδωκα η αν αυτην διαγραψαν. οιοθη, αλλα η αν αυτην ανωτερον η ανωτερο η αν αυτην. Nec enim e-
subescimus, inquit, si quid à nobis melius, quam primò dixerimus, inventum fuerit, id ipsum sancire, novæque emendatione priora cogitata è nostro penu in melius reformare, nec expectare, dum Leges nostra ab aliis corrigantur, Nov. 22. in fin. Bene & generoso.*

49. Hujus etiam facultatis est, Æquitatem adhibere Legibus applicandis; sed opus est hac parte, distinctione, quæ hoc loco omitti non debet. Æquitas generaliter ab Aristotele recte vocatur *Επιαιθηθη 7 νομιου*, *Correctio Juru Legatu 5. ad Nicom. 10.* Fit autem hæc

Correctio bifariam, vel cum mens & sententia Legis est liquida ac indubitata, sed dura & aspera; tum Princeps vel qui jus Summæ Potestatis habet, non Judex aut Interpres, in applicatione ad singulas facti species rigorem mitigare potest. Quâ de re Constantinus Imperator ita rescripfit, Inter æquitatem Jusque intropositam interpretationem vobis salu & partes & licet inspicere l. 1. C. de Legib. Hujus specimen est, quod de Claudio habet Suetonius, *Nec semper præscripta legum sequutus, duritiam lenitatemque mutatum, ex bono & æquo, gerende ut officiorum, moderatus est, c. 14.*

50. Altera species Æquitatis est; quando verba Legis generalia producuntur ad casum, quem Legis auctor probabiliter sub eo comprehendere voluit; quam speciem Aristoteles vocat *επιαιθηθη νομου, η αν αυτην η αν αυτην. Επαιθηθη νομου, quatenus ab generalitate verborum defectu laborat. Captare & volu verborum est Summum & strictum jus; Excipere casus, ex præsumptâ Legislatoris voluntate, id est Æquitatis; de qua idem Constantinus & Licinius ita rescripserunt; placuit in omnibus rebus præquam esse justitiæ æquitatique quam stricti juris rationem in l. 8. C. de Judic. Sit Lex ejusmodi; Qui sanguinem humanum fundit, ejus sanguis vicissim effundetur. Hujus Legis verba, tenerent etiam illum, qui moderamen inculpatæ Tutelæ servavit, imo, qui venam secuit. Æquitatis est, utrumque casum eximere pœnæ. De hoc genere Cicero loquitur; Scriptum Jus sequicallumianioris est, ait, boni Judicis voluntatem Scriptoris, idque variis exemplis illustrat, in *Orat. pro Cæcilio*. Et diximus hac de re latius in *lib. 1. Digress. cap. 6.**

51. Quando igitur usu venit, ut Lex in universum æqua & recta, in hypothese dura videatur, si tamen non dubitetur, quia

quin ille casus sub sanctione comprehendatur, Judex ita dicere cogitur; *Tantum id quidem durum est, sed tamen Lex ita scripta est, quæ est Ulpiani inueniam; in l. 12. §. 1. ꝛ. Qui & aliquib. manum.* Princeps secundum merita circumstantiarum aliquid remittere potest, ut Claudius prævit, & Constantinus in *d. l. 1. C. de Legib.* declarat

52. Quid si ratio Legis in certis casibus sub Lege comprehensis eviderenter cesset, an tunc saltem Judex aliud statuere potest? Videtur ita, secundum illud vulgatum; Cessante ratione Legis, cessat ipsa Lex. Attamen verius est, ob rationem Legis in certis casibus cessantem, non posse Judicem aliud quam Lex jubet, statuere; Principis ad hoc opus rescripto, eumque esse usum Æquitatis à Summâ Potestate implorandæ. Exempli gr. Minor annis XIV, non potest facere Testamentum, quia nullum est ejus animi judicium. Detur puer callidior quam alius pubes. Queritur, an ille possit, hic verò non possit testari. Dicendum est, non obitante rationis diversitate, puberem posse, Impuberem non posse facere Testamentum. Idem multis in jure publico privatoque instantiis illustrari possit: Oportet igitur aliquam partem materiæ Legalis universalem esse, in quâ Ratio fallat, ut ita regulæ usus & locus detur.

53. Et hæc quidem de Legibus, pro modo hujus instituti. Vim quoque Legis habet Consuetudo, sive Jus non scriptum, quod tacito populi consensu vim obligandi accepit *l. xxxi. i. ff. de Legib.* Hujus initium nunquam est à scriptura; siquidem naturalis ejus proprietas est, quod auctorem initiumque habeat incertum: sed postquam vigorem suum obtinent mores, & possunt & plerumque solent scribi, ut factum in consuetudinibus Feudorum.

54. Proprie, in popularibus Imperiis viget hæc species, nempe ut sua vi nitatur; neque enim in diversis imperiis populus, qui expressè nullius auctor juris esse potest, sed ipse leges accipit, tacite jus introducere potest. Verum in Monarchiis aut Aristocratiis valet nihilominus consuetudo, ex tacito imperantium consensu, sic tamen ut contrario placito semper abrogari queat.

55. Debet autem, ut consuetudo obtineat, his prædita esse requisitis; ut honesta sit, ut generalis, & certa. Honesti, pari sensu, quo *suprà* de Lege dictum. Generalis, id est, ab universâ Republ. vel potiori parte recepta, perinde ut Lex à toto populo fertur: Quatenus enim parimodo obligant, ab una ad alteram rectè argumentamur. Hinc Municipiorum consuetudines eandem habent vim quam Statuta, ut teneant; quatenus juri moribus que *Reipubl.* non adversantur.

56. Ut de certitudine constet, requiritur longum tempus, & frequentia actuum, quibus recepta fuerit & probata consuetudo. Quantum vero temporis & quales actus esse debeant, à Magistratum vel judicium arbitrio pendet; modo talia sint, unde, quod satis sit de veritate consuetudinis, constare queat. Adde quæ *scrips. ad sit. ꝛ. de Legib.* & quæ inferius per occasionem sequentur.

57. Quanquam autem alieni Leges Imperii, ad alios non spectant, sæpe tamen usu venit, ut aliorum Statuta populorum ab aliis recipiantur & observentur; præsertim in ejusmodi rebus, quæ alibi maxime in usu, & excoltæ fuerint; quemadmodum de re Nauticâ apud Rhodios constat, quorum Leges ideo de re maritimâ ab ipsis Romanis adoptatæ fuerunt, ut superius probatum est, *ex l. 9. ꝛ. ad L. Rhod.* idemque à populis

gulis Hollandiæ vicinis; si non per sanctiones expressas, at tamen tacite per consuetudinem, qua de re dictum in *Prælection. ad d. tit. n. de Legib. n. 14.*

58. Hinc etiam evenisse videmus, ut Jus Romanum per omnes fere cultiores populos receptum sit, hæctenus, ut quæ Statutis Gentium propriis definita non sunt, ea secundum Jus Romanum, quatenus Reipubl. & temporum status non refragatur, decendantur, aut saltem ad svadendum & illustrandum magnam habeant auctoritatem.

79. Postremo loco, nec id, quod maxime pertinet ad caput Administrationis, omittendum erat, Principem & Recto-

res Civitatis esse quidem Legibus solutos; sed hoc tamen eos agere, ut ultro se illis submittant: nisi hunc articulum, quod satis est, executi essemus in *lib. 1. sect. 3. cap. 1. n. 29. & seqq.* Id etiam antehac observatum est, non sequi ex eo, quod Leges certâ forma ferendæ sunt, nec sine approbatione, vel ut alicubi loquuntur, *verificatione* alicujus Senatus publicantur. penes Imperantes solos non esse potestatem Legislativam; Quemadmodum Cæsares, Rescripta sua, nisi causâ à Magistratibus cognitâ, effectum habere noluerunt *l. 7. C. de Precib. Imp. off. vid. d. cap. 1. n. 29. de Sen.*

C A P. I I I.

De obligatione Conscientiæ ex Legibus

Conscientia an errare possit, ubi de voce. Quid sit Conscientia, & partes ejus. Obligationem Conscientiæ ad solum se referre Deum. Quatenus Naturæ jus conscientiam obliget, accuratius exponitur, & an valeat distinctio inter honestatem & necessitatem juris Naturalis. Non omnia, quæ svadentur ut meliora Jure naturæ, etiam præcipi ut necessaria. Jus Gentium an, & quatenus obliget Conscientiam. Eadem quæstio de jure divino per omnes ejus species exigitur. Quæ sit ratio, quod Lex Civilis obligat conscientiam. An & quatenus hoc juri Naturæ derogare possit. Quantam stragem juri publico inferat hæc positio, quod Lex civilis juri naturæ, quod ad facultates pecuniarias attinet, derogare non possit. Retellitur illa positio, & contrarium probatur. Exemplo id uno alteroque illustratur, & Amesii rationes contrariæ refutantur.

SI conscientia non potest errare, quemadmodum nuper admodum viri docti quidam, primo sibi, credo, dein aliis persvaserunt, frustra occupati sumus in indagandis regulis, quibus regatur & errare prohibeatur. Sed nos sequimur communem generis humani conscientiam, quæ ut errare posse creditur, ita

regulis atque præceptis, ne quid erret, indigere semper exultimata est: Reservatus est hic locus à capite præcedenti scorsim tractandus, idque nunc instituiamus. Primo, quid sit Conscientia, videamus.

2. Et quidem si vocabulum, ut primo in Arte loco fieri solet, consideremus: nihil est aliud conscientia, quam

Scientia cum alio, vel nullo cum: Ita adsumere alium in conscientiam, ita Conscire tibi homines omni die dicuntur: Et posterior ad hoc initiarum pertinet, ut Conscientia sit, Scientia ejus, quod ipse quilibet apud se cogitat.

3. Nemo enim cogitat sanus homo, nisi cogitare se sciat, nec hactenus errare potest conscientia; sed quando cogitationes errant, ut fieri posse, difficile est negare; qui cogitando errat, habet conscientiam cogitationis errantis; sed non est sibi concius quod errat; ideo conscientia proprie non errat; sed cogitationes errant, cogitantique adest ac inest conscientia cogitationum erronearum. Si volunt hoc, qui conscientiam errare negant, fiat adfertio; & conscientiam non errare; cogitationes, quarum habemus conscientiam, errare quandoque dicamus.

4. Verum tamen est, quod Conscientia veritatis non sit, nec esse possit erronea, & quod clara & distinctio perceptio rei, sicut est, non differat à conscientia veritatis. Si hanc igitur solam vocant Conscientiam, & eos qui cogitando errant, sine conscientia esse statuunt, habemus adfertionem adeo veniam, ut fere inepta sit inculcatu; Conscientiam excellenter dictam, quæ veritatis est, errare non posse. Simul autem se & omnes qui hoc tenent, quoties minus valide philosophantur, ut à veritate quam habere se putant, aberrant, sine conscientia esse, teneant, ut quidem videtur, oportet.

5. Sed nullis argutiis, quarum interpretationem auctoribus suis relinquimus, re ipsam cernamus. Non habemus causam recedendi à communi doctrina, secundum quam, Conscientia est Judicium hominis de se suisque actionibus coram Deo. Judicium hoc nihil est aliud, quam Applicatio juris ad factum, quod proinde notum

esse oportet. Notitia facti solet vocari evidens. Applicatio juris est corruptiva, ut hi termini sunt fere recepti.

6. Facti notitia est vel ipsius, ut ita loquar, corporis facti, vel *non ipsius* singularium & circumstantiarum. Utraque ad hoc iudicium enixe requiritur, ut Jus applicari possit: quomodo qui patrem suum in bello habet oppositum, ut applicet jus ad factum, non modo scire debet, hostem esse, verum etiam Patrem esse, quem oppugnat. Qui mulierem corrumpit, solutane sit, an materfamilias, cognosca oportet, ac ita in similibus.

7. Sed de facto homines errare posse notius est, quam regula Juris; Facta prudentissimum quemque fallere possunt. De Jure fieri posse, ut homines similiter errent, creberrimæ sapientissimorum hominum disputationes & dubitationes indicant. Ac ita, cum in utraque parte Conscientiæ error ulu veniat, difficile dictu est, quomodo Conscientia errare nunquam possit. Nam dicere, Notitiam veram, Judicium verum, solummodo esse Conscientiam, est Claudianum; cum rogatus sententiam in conflictu opinionum, proauntiare, secundum eos se sentire, qui vera dixissent, ut Syetonius auctor est.

8. Nos in hocce Tractatu Facti notitiam supponimus, de Jure presens institutum est. Etsi autem de Lege Civili hic proprie agamus, placet tamen per omnes Legis & Juris species hoc quaesitum exigere: Etsi de jure Naturæ, quod satis esse videri queat, actum est in lib. 1. sect. 1. cap. 2. n. 18. & seqq. Ubi dicta ad hunc articulum transferre licet.

9. Principium decisionis in hac questione, peti debet ex ultimis definitionis Conscientiæ verbis, CORAM DEO: id est, prout homo Dei iudicio subjicitur, ut Amæus loquitur *pr. d. Conscient.*

Cum

Cum enim hoc iudicium sit actus animi, nulli quam Deo cognitum, qui solus est *regulator, conditor servator*, fieri non potest, ut rationalis creatura equam suarum cogitationum, quam soli Deo, rationem reddere debeat aut possit. Nec ideo, ut aliunde quam à solo Deo rationes & regulæ, quibus animi iudicium teneatur & regatur, proficisci possint.

10. Pertinet etiam ad Questionis statum, per obligationem ut sciamus, quid intelligatur; nec id melius quam ex eo, quod Jurisconsulti de obligatione prædicant, explicetur; Est juris *vinculum*, ajunt, Obligatio, *que necessitate quis adstringitur ad aliquid dandum vel faciendum*. At in his de eo, quod aliter facere non liceat, quam iudicium illud coram Deo, id est, conscientia dicit. Hoc est *quod dicitur deus*; quod divinitus etiam gentes noverunt, *et dicitur deus in scripturis*; Quod Deus illis notum fecit: ut Paulus *1. ad Rom. 2. autem hoc vult sibi ipse Lex est conscientia*, cui si non pareant, eadem minatur illis poenam. *Ad Rom. 2.*

11. Sed jus naturæ, dictum est *in loco*, esse vel præcipiens, vel permittens, vel svadens. Prima species obligat haud dubie conscientiam, ut aliter facere non possit homo, quam ejus regulæ cordibus insculptæ immutabiliter dicunt; quæ spiritus reddunt hominem *divinum* & *lawbrantiam*, defensionis expertem & sui ipsius iudicem, ut Apostolus copiose in *1. & 2. ad Rom.* docet.

12. Jus permissivum non potest eum, cui facultas datur, obligare; sed alios, ut quemlibet jure naturaliter permissio uti patiantur, nec eos impediant, obligat: Veluti, occupare, in dominium redigere quod nullus est, ratio naturalis permittit, nec alius alium in exercendo hoc jure turbare vel impedire, salva juris & animi conscientia, potest; nemo

tamen ad hoc, ut ras nullius occupet suasque faciat, obligatur. Idem est, in moderamine inculpatæ Tutelæ, contra vim injustam; quæ ut licet, ita non tenemur ad usum ejus; nisi forte aliorum, quibus tuendis obligati sumus, respectu.

13. De jure Naturæ Svalosio major est *avaliopora*. Habemus enim præcepta, Christiani nominationem, *ut quælibet pietatis, quælibet ambulandi*; dandam esse operam, ut ubique servemus *ut iuxta quod in iudicibus, quod decorum est bene sedeat*, fugiendi verè non tantum *avalia*, perasia, sed etiam *ut in iudicibus incongrua*; etiam talia, quæ minus conveniant gravitati, ut etiam vetet Apostolus *in epistola Ephes. 5.* quæ tantum non virtus est in conversatione civili. Hinc gravissimi homines increpant Jus Canonicum, ob usum distinctionis inter Honestatem & necessitatem moralem; ut hæc obliget, illa saltem commendat facienda: Pessimo divortio honestatem & necessitate separant Canonistræ, ait D. Willenbach: *D. 6. ad Inst. 22. quæ de re dix. in part. 2. Digress. c. 7. §. 4.*

14. Verius tamen est, non quicquid ut laudatur & commendatur, etiam præcipi & necessarium esse videri, neque peccare, qui non adsequitur, quod optimum est. Sunt quæ *quælibet opusculum*, alia *vel in partibus* injunguntur; quædam præcipiuntur, quibusdam venia datur, ut Apostolus distinguit *1. Cor. 7.* Est quod *ad hoc & hoc, omnes vixi in pietate & iustitia*. *Habeat aliquid improbabile; neque tamen est prohibitum*, ait Leo Philolophus in *Nov. 24.*

15. Ita cælibatium, quo melius Deo vacemus, non obscure commendat Paulus *1. Corinth. 7.* negat tamen peccare nubentes et si melius faciant contra. Coniubinam vel Sponsam filii in uxorem ducere, non est prohibitum neque peccatum; melius tamen abstinere talibus nuptiis

nuptiis, pudor, & Jus naturale svadet, adeo ut multæ gentes eas enixe prohibuerint. Etiam Romani aliquando de consobrinis, & de sponsa filii semper. At necessarium id esse juris naturæ præceptum, nemo dixerit. Beza quoque, sponsæ filii prohibitionem non dubitat appellare duram, *lib. 2. de Polygam.*

16. Consilium est Pauli Adressoris, *In re dubiâ certius & modestius esse abstinere, tametsi non peccet*, qui aliter contulit *l. 14. §. 3. d. Rit. nup.* Modo scribet *ἐπισημαίνω ἰν' ἰδίῳ νόθῳ, ut bene certus sit apud animi sui conscientiam*, ut Paulus Apostolus enixe monet. De comâ, reminimâ, ut loquitur Calvinus, idem Paulus, *ἡ φύσις ἀδύναται, natura docet*, inquit, *ἐν ἀντιθέσει τοῦ νόθου, ἀπὸ τοῦ ἀντιθέσει ἰσ.* quod comam alere viro sit inhonestum *1. Cor. 11* oppositè ad mulieris *ἡ ἀδελφὴ*; *decus mulieris in Comâ.* Non tractat eam rem, ut moraliter turpem, aut ubique peccatum, sed deterius esse, comam è viro ali non dissimulat.

17. Quin etiam posse dari circumstantias & occasiones, quibus abstinere talibus, sit præceptum, nec aliter institutum, peccati sit expers; fatendum videtur; sed quicquid natura svadet ut melius, id statim non esse peccatum, vel sola successio ab intestato probat: cognatis enim agnatisve proximis bona relinquere non potest negari, naturæ convenientius esse, quam extraneis, neque tamen, sine peccato aliter decerni posse, quisquam dubitat. Ergo in his est latitudo quædam; *Ἐν ὁμοίᾳ ἀποβίῃ, vobiscum ipsi existimate*, monet Paulus, *ἡ ἀποβίῃ ἰσ.* an deceat. Regula sic est, ut diximus.

18. De Jure Gentium major est dubitandi ratio: Si hoc à jure Naturæ diversum sit, non habet immediatè auctorem Deum, nec ullam Potestatem humanam, quæ cunctas gentes obliget,

cum nemo sit omnium pariter Gentium superior; ac ideo nihil quod vel mediate, vel sine medio conscientiam adficere possit, apparet.

19. Dicendum, pleraque Juris Gentium capita, non esse quidem immediatè è dictamine rationis; sed tam evidenti consecutione tamen inde esse deducta, ut ab eadem auctoritate non immerito derivari possint.

20. Quæ vero inde sunt remotiora magisque positiva, communi populorum, maxime quidem Imperantium consensu recepta, factis inde causæ mutantur ad animos singulorum obligandos, ex voluntate, inquam, Rectorum cujusque populi; à quibus instituta paci & utilitati generis humani servientia non minus quam propria cujusque Civitatis scita, expresse vel tacitè sancita videntur; præter, quod omnes homines ratione utentes in Jus illud, quemadmodum ejus expositio indicat, in *lib. 1. sect. 1. cap. 5.* consentire intelliguntur.

21. Sequitur Jus divinum, cujus auctoritatem directe ad obligandam conscientiam pertinere, palam est, modo illa mens sit divini Nomothetæ, ut omnes populi suis Legibus tenerentur. Directè universo generi humano jus à Deo datum non Legitur, nisi recens condito, & à diluvio instaurato, sed paucis articulis constans; donec postremo per filium Dei latius cautum est.

22. Quæ per Moysen latæ sunt Leges, ad Hebræos diriguntur, *Audi Israël*; Attamen quæ sunt ejus sententiarum, ut aliis gentibus exacte convenient, valere debent, ad obligandas omnium conscientias, ut sunt *decem dicta*; si quartum excipias de Sabbatho; & quæ ad exegesis illorum inter politica reperiuntur, ut de vestitu discrimen sexus indicante præceptum, & similia.

23. Quæ peculiarem ad temporis & gentis

gentis illius disciplinam; pro parte vel in totum habent respectum, quatenus à statu nostri solè & seculi discrepant; ut nostros animos obligent, deficiente Summi præceptoris voluntate, fieri non potest; quò pertinet de asyris, de perityliis tectorum, aliisque rebus innumeris specimina; de fœnoribus etiam & de pœnis delictorum; secundum ea quæ in *lib. 1. sect. 1. cap. 9.* ubi actum de Jure divino, collocavimus; & quæ singulis locis de cuiusque præcepti naturâ, ulu venit, aut veniet observari.

24. Quod Christus Dominus in Evangelio credentibus in se præscripsit, haud obliè omnes singulosque obligat directè conscientias; etsi propositum illi non fuerit, novum condere jus morum: sed vetus repetere & ad principia sua reformare, ejusque veram & spiritualem fidelibus observantiam inculcare voluit. *Matth. 5.*

25. Prophetæ & Apostoli Spiritu licet divino ducti nullam ex se novi juris condendi vel conscientias obligandi auctoritatem habuere; sed interpretari voluntatem Dei revelatam, & collectiones inde ac arbitraria deducere, quæ novas inferrent positiones, veteri doctrinæ implicitas, id potuerunt. Nec aliter accipiendum videtur illud Pauli, *Ἐγὼ ὁ κύριος, ἔχῃ ἡ ἀρχὴ.* Ego, non Dominus, edico, *Δοκῶ δὲ κύριος πνεῦμα Θεοῦ ἔχειν.* Censeo & ego, me habere spiritum Dei *1. Cor. VII. 12. & ult.*

26. Transeamus ad Leges civiles, quæ à summa Potestate cuiusque Reipubl. proficiscuntur. Et hæcenus quidem non valent in conscientias nulli humanæ jussioni subjectas; sed in Imperiis voluntariis inde ab initio, vel ex post facto certissima hypothesis est, omnes suo consensu obligatos esse, ad Leges Civitatis suæ observandas, ut in *libro 1. sect. 2. lib. 2. sect. 6. & in capite precedenti*

copiosè demonstratum est. At servare fidem datam, conscientiæ officium, & præceptum Dei est, cujus etiam hæc est declarata voluntas, Imperiis Summarum Potestatum esse parendum, *ὁ μὲν, ut Apostolus, ἀλλὰ τῷ ἐγγύῳ, ἀλλὰ τῷ ἐγγύῳ, Non modo propter iram & metum pœnæ, sed etiam propter conscientiam.* Inde, quem civilis potestas in hominum conscientias habeat influxum, in summa, satis intelligitur.

27. Sed opus est, hanc rem paulo enucleatius exponi, ad applicationem ejus, quod Juris auctores de Lege, quatenus à jure naturæ discrepat, in Arte sua tradunt; quando sic ajunt; *Jus civile est, quod neque in totum à naturali vel gentium recedit, nec per omnia ei servit: Ita, que cum aliquid addimus, vel detrahimus juri communi, jus proprium, id est, Civile efficitur,* verba sunt Ulpiani *in lib. 1. Institut. in l. 6. n. de Inst. & Jur.*

28. Atqui Jus naturale convenire cum eo jure, quod in foro Conscientiæ attenditur, frequente consensu, non modo Theologi, sed etiam Jurisconsulti tradiderunt, ut videre licet apud Bachovium *ad Tr. 2. disp. 10. sb. 5. Vinium ad §. 3. Inst. de Testam. n. 8. Ames. 5. Conscient. c. 45. n. 10.* ubi sic ille; *Nisi igitur jure à Deo, vel in natura vel in verbo publicato, constat, domini titulum esse Legitimum & verum, in foro conscientiæ consistere non potest.*

29. Hujus rei late patet usus & obligatio. Sic enim illi statuunt; *Qui in Testamento jure Naturæ valido, sed ob requisita juris Civilis vitioso heres, aliquid præstare justus est, ex animi conscientia tenetur ad hoc præstandum; Qui obligatus est è contractu jure naturæ Legitimo, sed jure civili invalido, tenetur ad implendum, & peccat, si prætextu requisitorum Juris, fidem implere recuset.*

Superiori seculo usus est Antonius de Prato, Gallizæ Cancellarius, in congressu Calerano, Regem Gallizæ non debere cedere Carolo V. propterea, quod is quidem Imperator electus; sed nondum à Pontifice inauguratus esset, quod è Chassaneo membra Arumæus in *orat. d. Sessionis prerogativa*.

18. Sed hoc cives Imperium stabilientes animadvertere oportet, ut, si Rectoribus suis Imperium simpliciter deferre nolint, legibus inde ab initio fundamentalibus constitutis; his solis rem non committant, sed Ephoros & Nomophylacas, id est, homines Legum custodes Rectoribus adjungant; aut hoc agant, ut ordines populi certis temporibus conveniant, qui de rebus ad salutem publicam & libertatem reservatam pertinentibus agant & decernant; cum altoqui Rectores singuli vel plures nihil habeant potius, quam emancipare se conari vinculis & repagulis absolute potestatis.

19. Summâ regendæ Civitatis, quam recentem & legibus inconditam adhuc consideramus, stabilitâ, Rectores, quos simpliciter constitutos jam intelligimus; nihil prius agere debent, quam ut Legibus universam Reipubl. administrationem, inde ab initio complectantur: Ne usû veniat novæ Civitati, quod Romanis accidit, ut primis quidem temporibus manu Regum, id est, arbitraria potestate gubernarentur, donec à Decemviris Leges acceperunt; etsi ne sic quidem aliter quam crebris seditionibus & malorum experimentis ad Stabilem Reipubl. constitutionem pervenerunt.

20. Qui dialecticis sucti sunt argutiis, ac in iis summam ingenii & judicii vim constituunt, rem facilem esse putant, condere Leges, eamq; sapientiz partem, quæ in moribus & Legibus versatur, præ Theoreticâ adspiciantur. *Οἱ σοφισταί*

σαί, inquit Aristoteles, *ἴδιον ἔστιν ἡμῶν το νομοθετικόν*. Sophistæ nihil facile esse putant; quam ferre Leges lib. 2. ad Nicom. c. ult. *Ἐπινοήσαντες δὲ τὰς ἀδυναμίους νόμων, ἐπιβλεπόντες ἡμῶν τὰς ἀείρους*. Obviam enim esse, ex Legibus celebriores colligere & optimas inde excerpere, quemadmodum Decemviris instituisse legitur Romanos in XII. tabulis condendis.

21. Ex adverso nihil in rebus humanis esse difficultatis exempla sapientissimum, qui his rebus admoti fuerunt, omnium temporum usus docuit; siquidem regulas, quibus infinitæ hominum actiones circa infinita rerum objecta regantur, excogitare, præscribere, sine dubio res est, quæ ad divinæ vim providentiæ quam proximè accedit. *Ὁ δὲ σοφιστῆς*, inquit iterum Aristoteles, *οὐκ ἐπινοήσαντες τὰς ἀδυναμίους νόμων, ἀλλὰ ἐπιβλεπόντες ἡμῶν τὰς ἀείρους*. Neque talis res est, ut è scriptis comparatur; sed opus est usu rerum. *Ἡ δὲ ἡμεῶν ἡμῶν ἐπινοήσαντες νόμων ἀδυναμίους*. Quomodo igitur è Sophistis Legum ferendarum peritus aliquis fiet? *Ἐπινοήσαντες δὲ τὰς ἀδυναμίους νόμων ἡμῶν τὰς ἀείρους*. Etsi verum est, eruditos ad eam rem præ cæteris aptiores esse videri.

22. Imprimis iummi ad hanc rem momenti sit, nosse populi naturam & nativam omnium civitatis Ordinum inter se relationem, quod non tam generalibus præceptis, de quibus agit Bodinus lib. 5. *Polit. cap. 1.* quam attentâ consideratione morum & ingeniorum populi, in quo versatur, rerumque in eopridem actarum memoria & comparatione status præsentis, acquiritur.

23. Antequam autem ad caput de Legibus progrediamur, sciendum, Voce Legislatoris, plerumque Legis conditorum, qui jus habet sancienti Leges, intelligi; sed revera & Latè, Legislatorem esse eum, qui fert, hoc est, proponit Legem sancientiâ; ut Magistratus in urbe

in urbe Romanâ, qui Leges à populo condendas illi proponebant, easque ad Comitia ferebant; quo sensu bene dictum est, non Deum sed Moysem fuisse Legislatorem Judæorum; Deum fuisse *Nomothetam*.

CAP. I I.

De Legibus.

Ad internam administrationem primo spectare Legem; quæ definitur. Quo sensu dicatur Commune Præceptum. Sponsio Reipubl. & fœdus civium, de Summæ potestatis influxu in Leges, & quatenus ab his, qui illâ carent, proficisci possint. Discrepantia Juris Municipalis à Legge propriè dictâ. Honestatis & Rationis in Lege requisitum quid ferat, & quatenus Ratio sit anima Legis. De generalitate Legis & de privilegiis. Virtutes Legis, ubi de permissione, aliter ac Puffendorffius. De Sanctione, sive poena Legis. Grotii triplex effectus Legis examinatur & declaratur. Differentia Legis perfectæ & imperfectæ. Quod est contra Leges generaliter, ipso jure nullum esse videri. Quid si poena specialis adjecta sit. Jusjurandum Legibus adjectum quid faciat; An in Leges injustas aliquando jurare liceat. Legem ad futura spectare; posse tamen aliter. A quo tempore lex incipiat obligare. Tolli Legem ab eo qui jus condendi habet, idque rem sapius exigere. Huc etiam referri Æquitatem, de quâ distincte agitur. Quid juris, ubi ratio Legis in hypothesis cessat. De Consuetudine vim Legis habente; denique, de Legibus adoptivis.

Nihil igitur prius in Civitate Imperio fundata, solet esse, quam Legibus ordinare Rempublicam. Proinde non intelligi hoc loco Legem Naturæ, Gentium & Divinam, sed duntaxat Civilem res ipsa loquitur.

2. Hoc modo sumpta Lex definitur, *Commune præceptum Summæ Potestatis honestati conveniens, omnesque Imperio subditos ad parendum obstringens.* Dicitur *Commune præceptum*, quia non de singulorum sed universis rebus, non de raro contingentibus, sed de his quæ ut plurimum eveniunt, concipi solet ac debet.

3. Quod tamen videbis, ut rectè capias, non more Solonis, qui patri-

dio poenam non posuit, *dei n. vindictam*, quod non crederet, quenquam fore tam immanem, qui parentem occideret. *Solone sapientius majores nostri, inquit Cicero, qui cum intelligens, nihil esse tam sanctum, quod non aliquando violaret audacia, supplicium in parricidas singulare excogitarunt.* Orat. pro Rosc. Amer.

4. Non igitur simpliciter, sed comparate sumendum hoc requisitum; In materia Legi proposita, sanctio ferenda non est secundum id quod raro in eadem materia, sed plerumque usu venit. Ex gr. In usufructu potest fieri, ut Domino res sua, sine culpa ipsius, intercipiatur; sed hoc raro accidit; usufructu-
ne vero

ne verò non receptà, plerumque lites antiquæ & intricatæ civitatem vexant, Igitur, id quod plerumque fit, præferre Legislatorem oportet ei, quod rarius accidit, idque Theophrasti vult dictum in l. 3. & l. 6. *π. de Legibus.*

5. Sciendum etiam, quo sensu, Papinianus Legem vocaverit. Sponzionem Reipubl. in l. 1. *π. de Legibus.* Directe quidem spectavit ad morem Democraticum urbis Romæ, ubi Leges erant Rogationes, quas Magistratus faciebant ad populum, *Velitis, jubeatis Quirites?* populus autem respondebat, *Ut rogas, ita jus esto.* Sic erat Sponzio perfecta inter duos, populum & Magistratus.

6. Paulo aliter ab Aristotele Lex vocatur *Ὁμολογία κῆρι, πόλις*, sive, ut Demosthenes in l. 2. *π. de Legib. συθήκη κῆρι πόλις, sœdus & conventio civium*, inter ipsos scilicet; qua singuli cives in Leges earumque sanctionem consentire videntur, non modo in singulas, ut quæque ferretur, sed etiam in universas; sive considerentur, ut primi auctores ejusmodi consensionis, sive ex postfacto.

7. Primæve consensionis exemplum est primum in Atheniensibus, qui cum Soloni darent potestatem condendi Leges, se prius omnibus, quæ ab illis sancirentur, servandis obstrinxerunt: His similes sunt, quicumque Unius Imperio se submitunt. Alterum est Romanorum, qui Decemviris Legum creandarum causâ creatis, primò, se omnes ab illis faciendas servaturos promiserunt: Et cum his merito, quicumque se Optimum Imperio submitunt, comparantur. Summa enim potestate jus condendi Leges imprimis comprehenditur.

8. Qui vero Civitati pridem constitutæ se aggregant, hi manifesto in Leges ibi receptas consentiunt, quia nec aliter se receptum iri, nec Civitatem aliâ ratione salvam manere posse; denique Leges in-

venire se, non adferre novas intelligunt.

9. Hujus rei usus est luculentus in Jure publico privatoque; maxime in iis, quæ vocantur in controversiam æquitatis: nam volenti non fit injuria; Loquimur autem de læsione patrimoniali, non de turpitudine morali, quæ nullo consensu Legitima fieri potest: Proinde, si qua lex adversus singulos quandoque durior videatur: is tamen in quem illa durities incumbit, non habet conquerendi causam, quia pridem in id consenserat, ut si cui tale quid eveniret, esset hoc ferendum; sine offensa regulæ Apostolicæ, non esse facienda mala, ut inde bonum eveniat: hoc enim de malo turpi in se, noster consensus de malo tristi, cui se aliquem subjicere nil vetat, intelligitur.

10. Non recusat vel removel hanc pactiois & Legis obligationem, Hobbes Anglus, ut vidimus in *lib. 1. c. 3. n. 4.* Nec habet D. Puffendorffius iustam rationem negandi Leges habere vim pactiois in *lib. 3. de Jur. Nat. & Gent. c. 6 n. 2.* ubi dicta veterum supra laudatis similia. Reprehendit Græcos & ait, eos in conspectu habuisse domesticis civitates suas. At qui Romani non destiterunt ita loqui, tempore jam adulto Principatus, ut Papinianus sub Severo l. 1. *π. de Legib.* Id vero tatenit, in eoque desinit Puffendorffius dissentius; Pacti vim, qua legis obligatio nititur, immedia e in ipsa legis sanctione non semper versari, sed in eo quod legislationem præcedit, adeoque in primæva constitutione Imperii, ex quo legum sanctio immèdiatè fluit, in primis. Cui non potest opponi præcipuum illius argumentum; quod inviti etiam Leges tenentur, pacto nequaquam. Nam invitatus nemo civitati, cujus imperium est voluntarium, aggregatur, aut in eo perseverat.

11. Sequitur in definitione; *Summe Potestatem*

Potestatis, quam ad Legis auctoritatem requiri, ex eo, quod in *lib. 1. sect. 3. cap. 6. n. 55. & seqq.* ubi dicta non repetemus, collocatum est, intelleximus. Proinde regno simpliciter delato, jus hoc ferendi Leges apud Regem, in Aristocratiâ penes optimates; In mixtâ suo sensu Republ. apud utrosque pariter est; atque si mixtura plebejorum ordinem pariter comprehendat, apud omnes simul hoc jus residet; quemadmodum in Democritâ apud universum populum. Quia cum talia Summæ potestatis jura frequenter in Reges aut optimates alienentur, usu tamen sæpe venit, ut jus ferendi Leges, in quo Summa Reipubl. vertitur, vel à populo retineatur, vel sine ejus consensu, nihil novi juris statuatur.

12. Fit etiam aliquando, ut qui Summam Potestatem non habent, Juris tamen introducendi, adeoque Legis condendæ potestatem exercent; consensu videlicet ejus, qui habet Summam potestatem, quod imprimis in Romanâ Reipubl. perspicuum fuit usu & exemplis. Nam etsi plebs absque patriciis seorsim non haberet jus summum Reipubl. tamen ita juris fuit, ut Plebiscita vim Legis haberent, prævio totius populi consensu, per Leges, Valeriam, Publiliam & Hortensiam declarato. Prætores erant tantum magistratus; Sed Edicta ab illis promulgata vim legis habuerunt, populo in id consentiente; quod ita compertum esset, jus XII. tabularum egere quibusdam mutationibus & supplementis, ad statum præsentem accommodatis. Quæ causa fuit, ut etiam Sententiæ Interpretum, sive prudentium vim juris obtinerent. Quemadmodum & sub ipsis Cæsaribus, cum penes eos solos esset Summa Potestas, Senatus ex illorum arbitrio Leges condebat; unde Senatum jus facere posse non dubitatur, ut vetere

jam Principatu scripsit Ulpianus in *l. 9. n. de Legibus.*

13. Nec aliter hodieque usu venire videmus, quam ut Magistratibus & Curis univêrsæ Reipubl. officium administrantibus, in rebus eo pertinentibus jura legesque civibus præscribere liceat, quæ prærendi necessitatem in Curia illa versantibus & agentibus injungat.

14. Quando igitur, qui non habent Summam Potestatem, jura condunt, Edicta promulgant, hæc proprie non esse Leges, si Consensu Summæ Potestatis, majores non accipiant vires, inde satis intelligitur. Tales sunt Leges, dictæ à Rectoribus Municipiorum, quæ sunt à Reipubl. superiorioremagnolcentes, veletiam integritate majoris Imperii membra, quorum jura vulgo *Statuta*, ut à Legibus optimo jure dictis separentur, appellari solent; etsi non raro hac voce Leges hodiernæ liberarum gentium, à Romanis Legibus discernuntur, imo & ipsas Leges Imperiales Statuta vocari nihil veter. *l. 3. §. 5. n. de sepulchr. viol.*

15. Rectores illi municipis à Summâ Potestate præpositi, nõ modo singulares, sed etiam universas jussiones, imperia & decreta municipibus suis præscribere & promulgare possunt, vi Jurisdictionis, quàm à Potestate suprêmâ acceperunt; sed eorum Edicta, præter causam obligationis, in eo discrepant à Legibus, quod non valeant, si juri communi illius Imperii, cui subsunt, adversentur; quomodo Antoninus Imperator, Legem Rhodiam de re nautica jubet observari, *in d. c. n. n. §. imperatoris verum inasitum*, quatenus nulla Romanarum Legum ei adversatur, in *l. d. Rhod. 9. n. de L. Rhod.*

16. Ex quo loco discimus & hoc, usu venire posse, uti Lex aliqua municipalis fiat universalis, adoptione & sanctione Summæ Potestatis, quod ad vim obligandi totius Imperii cives attinet;

P P P

ut ca.

ut tamen originalis & authentica qualitas dependentiæ municipalis à summa potestate, maneat; nequid à Jure prius in Republ. constituto per ejusmodi Statuta mutetur.

17. Eadem municipalis à Superiori Potestate dependentia facit, ut si aliter fecerit Principi, aut Rectoribus Universæ Reipubl. jus illud municipale, quod ad communè regimen ejus loci pertinet, mutandum putet, suo arbitrato id facere possit; Imo Leges universæ toto Imperio publicatæ, Statuta municipalia illis adversa tollunt iisve derogant, quemadmodum Hadriani Rescriptum poenale, de non sepeliendis in civitate cadaveribus, derogare juri municipali, quo permissum id erat in aliqua civitate, tradit Ulpianus in l. 3. §. 5. d. sepulchr. viol.

18. Sequitur in definitione Legis, *Manifestati conveniens*. Debet enim esse honesta Lex, hoc est, non inhonesta, ut nihil quod necessitati morali & divinis præceptis adversatur, præcipiat, Hoc enim si fiat, vim suam perdit, cives obligandi, quoniam juris Naturæ & divini prior ac superior haud dubie est obligatio.

19. Quod non æque dicendum, si qua Lex dubiæ sit rationis, nec quare ita placuerit, civibus constet; imo ne tum quidem, si contrarium probabiliter videretur. Sufficit enim, nihil in Lege necessario morum dictamini contrarium posse reprehendi.

20. Hinc merito prohibent Legumlatores, ne quis in rationem Legis inquiret; neque ita, ut si ratio non liqueat aut probetur, tum legi obsequium sit negaturus. l. xx. c. seqq. de Legib. Quo loco recte illud applices: *Hobbesianus*, non competere civibus discretionem boni & mali: Quoniam nihil magis ad resolvendam Imperii vim pertineret.

21. Supposita igitur convenientia cum jure divino morali & Naturali, dicendum est, à singulorum judicio non pendere examen rationis, quæ Lex nititur; non quod in rationes inquirere non liceat; id enim maximè commendatur; verum ne, si fiat, ut cives interpretari quam exequi malint Leges, multa quæ modo certa sunt, ut ait Neratius, subverterentur l. xxi. c. de LL.

22. Quid sibi vult igitur, dicat aliquis, Rationem esse animam Legis? Añtimatione juris naturalis & gentium valeat regula, valeat sensu quoque civili: Sed tum ratio intelligatur, quæ Legis auctori placuit; non quam ratiocinator excogitet. Illa plerumque recta, tametsi non omnium optima semper, est eadem anima Legis, & verba sunt corpus, quæ à ratione, quæ motus est Legis auctor, animantur, & juxta placitum Summæ Potestatis, effectus suos exercent; ut ubi ratio illa cessat, verba veluti cadaverosa vim obligandi non habeant.

23. Non est heic loci prætereundum, male quoddam ita in animo induxisse, Rationem esse principium cognoscendi cum omnes disciplinas, tum in primis jurisprudentiam; quod nobis in disputatione de principio cognoscendi divinitatem sacre Scripturæ, quam executi sumus in lib. 1. sect. 6. objectum est. Ostendimus enim in libro de Consursu Rationis & S. script. sect. 3. imperitè illos confudisse Philosophiam civilem, quam in hisce libris excutimus, cum Jurisprudentiâ. Principium cognitionis in illa sane est Ratio, sed in Jurisprudentiâ nihil est Ratio, quam instrumentum cognoscendi voluntatem Legislatoris, quæ licet minus Rationi conveniens, quam civilis philosophia dicat, præferenda tamen est ei, quod ratio in abstracto potius præferretur; Si verò principium esset Ratio, fieri non posset, ut quod ratione præstat

præstat, et quod est deterius, postponeretur; quin flagitium alioquin, ut illi amant loqui, committeretur. Vide sis, quæ in *Eunom. ad l. 21. de Legib.* collocata sunt.

24. Sed redeamus ad definitionem; Dicitur adhuc est in definitione, quod Lex omnes Imperio subditos obstringat, non cives duntaxat, quia Legis obligatio à subjectione dependet, quæ continet etiam peregrinos & advenas, ut inferius explicandum occurret. Ubi-
cunque igitur illa summæ potestatis est mens, ut omnes teneantur, ibi vis legis, adeoque Lex est, quacunque forma emittantur; sive ut Edicta, seu rescripta, vel ut epistolæ aut decreta, modo publicè innotescat ea mens Imperantis, ut prudenter constitutum est à Theodoro & Valentimiano in *l. 3. C. de Legib.* quæ de re diximus in *Prælect. ad tit. n. de Constitut. Princ. n. 5.* & in *Eunom. ad l. 1. d. Constitut. Princ.*

25. Personales constitutiones, quæ in gratiam, vel in odium certarum personarum statuuntur, Privilegia dicuntur, quomodo & Cicero in *Orat. pro Dom. Legem Clodiam*, qua in exilium actus fuit, privilegium appellabat; maxime tamen exemptiones à jure communi hoc nomine usurpantur. His quidem æque obligantur omnes, ut respectu personæ privilegiatæ, constitutioni effectum tribuant & tribui patiantur; sed ad alios eodem jure ornandos aut onerandos minime valent.

26. In plurium Imperiis privilegia propter studium æqualitatis rariora sunt, legibus XII. tabularum prohibita, in Monarchiis aliquanto frequentiora sunt; videlicet, de his quæ vere sunt talia, loquimur. Enimvero exemptione, quæ integris hominum ordinibus, ut pupillis, mulieribus, Fisco tribuuntur, etiam privilegia dicantur, diversi tamen generis sunt; quia non singulis, privatisque,

sed universæ civitati concessæ videntur, de quibus actum latius in *Prælect. ad Tit. n. de Legib.*

27. Sequitur in definitione; *omnesque ei subditos ad parendum obstringens*; hæc est virtus Legis in universum; Sed à Juris consultis Virtutes Legis enumerantur hæ; Imperare, vetare, permittere, punire *l. VII. n. de Legib.* Imperantur facienda, vetantur contraria, permittuntur licita: & quidem permissio differt à tolerantia: Nam quod permittitur, id juris habet effectus; Tolerantia, quod Lex impune saltem transmittit, ut ebrietatem & ingratitude.

28. Ita Lex Mosaica permisit divortia, Lex Romana concubinarum; sed meretricias libidines idem jus Romanum tolerat, non permittit, ut alix civitates ebrietatem, ingratitude aliaque vitia, quæ ubique improbantur, nusquam puniuntur, *Saneca 3. de Clem. cap. 7.* Certe enim propter civiles rationes potest aliquid & tolerari & permitti, quod non sit honestum, utique propter necessitatem, haud perinde ob utilitatem; ut tamen pro necessitate habeatur, si permissione minoris vitii majus evitari queat. Nec offenditur hoc casu Regula Apostoli *Rom. 3. v. 8.* non esse *facienda mala, ut inde eveniat bonum*; nec enim Legislator eo facit aut probat malum, sed regit ac intra limites coercet, ut Moses divortia, libelli impetratione pro remedio extremo discordiæ proposita.

29. Hanc permittendi virtutem negat esse legalem Puffendorffius in *lib. 1. de J. N. G. c. 6. n. 15.* Nam permissio non est *actio legum*, inquit, sed *actionis negatio. Quæ Lex permittit, ea neque præcipit neque vetat, adeoque circa eadem nihil agit.* Sed est petitio principii, quod nihil sit medium inter præcipere & vetare: potest aliquis nec vetando, nec præcipiendo, non agere nisi,

hil. Nam dare jus externum super eo, quod alioqui non liceret, non est nihil, ne tamen est vetare vel præcipere, quod in exemplis modo relatis est perspicuum. Non habet adeo rationem Vir Cl. adferendo, quod differentia inter permittere & tolerare, non habent rationem.

30. Suadere, non est virtus Legis; cum parendi necessitatem ejusmodi decreta habere non possint, quales illæ Claudii Cæsaris, ut *uberi vinearum proventus bene dolia picarentur. Nihil æque facere ad viperæ morsum, quam taxi arboris succum. Sueton. in Claud.* Sunt & Romani juris aliquæ admonitoria leges, majoris tamen momenti quam Claudinæ; sed nec hæc Leges rectè dicuntur, ut est consilium, quod Justinianus suggerit Patribus, substituendi liberis heredem in casum mortis ante pubertatem, dum metuunt, ne substituti filiis insidiantur, ut successorem occupent §. 3. *Inst. de Pupill. subst. adde l. 34. ff. de Legib. l. 24. ff. de Rei vind. Nov. 22. c. ult. in pr.*

31. Ultima virtus Legis est, Punire, id est, poenam constituere in violatores Legum, quæ pars Legis Sanctio dicitur, ut Justinianus docet in §. *sancta quoque Inst. de Rer. Divis.* idemque probant exempla, quotquot in vetustis supersunt monumentis, Legum Romanarum. Eaque pars Legis adeo propria fuit, ut quæ sanctione carebat, Lex imperfecta diceretur. Et si non semper poena specialis imposita fuerit; aliquando nil nisi *improbe factum*, si quis adversus ea fecisset, adjectum esse legimus, ut de Lege Velleja narrat Livius *lib. 10. c. 1.*

32. Grotius effectum Legis statuit esse triplicem. Primus est obligationis, etiam quod ad animi conscientiam attinet. Secundus effectus est, Poena, si hæc legi adjuncta sit, eaque ad obligationem patiendi valet, si quando per judicem ex-

igitur, alias minime; nisi quid secus in Lege reperitur. Tertius est rescissio omnium actorum, quæ Legi repugnant, si Lex id exprimat, aut adimat ipsam facultatem, vel quando factum habet in se perpetuam turpitudinem, *Introduc. Jur. Holl. lib. 2. c. 2. à pr.*

33. Obligatio Legis civilis, de qua hoc loco agimus, venit à Summa potestate; Sed unde Superior habet potestatem obligandi conscientiam & voluntatem? cum verissimum sit, *πεποιθετος αιμορτίας ιδινα κίελο, τιμα, nimum alienæ voluntatis esse dominum*, ut Epicætus, & omnis Philosophia dicitur. Enimvero poenam à superiore proficisci, facile constat, hoc ipso, quod superior est; sed animi obligatio à sola qualitate Superiori non potest oriri, ut probatum est in *lib. 1. sect. 1. cap. 2. n. 18. & seqq.* Meretur hic locus teoriarum explicari, quod fiet in *cap. seqq.*

34. Reliqui duo Grotiani effectus, sunt partes Sanctionis, quæ cum perfecta erat, non modo poenam, sed etiam contra actorum rescissionem continebat, ut Ulpianus docet in *fragm. tit. de Legib.* Aliquando poenam sine rescissione; vel etiam rescissionem sine aliâ poenâ. Poenam Lege sancitam, ita sicut expressa fuit, esse irrogandam, non est dubium, & si rescissio simul imperetur, habemus quod liquido sequamur, ut tam poena quam rescissio locum habeat. De jure obligationis ad poenam, de qua in Grotii verbis, actum est à nobis in *lib. 2. sect. ult. cap. 1.*

35. Si lex simpliciter aliquid prohibeat, sine rescissione vel poenâ, Grotius acta contra legem non esse nulla vel rescindenda statuit, eo quod exprimi vult in lege rescissionem ad hunc effectum; duplici tamen exceptione, facultatis alicui ademptæ & perpetuæ turpitudinis.

36. Hæc sententia non probatur Imperatoribus Theodosio & Valentino in *Constitis*. Non dubium est §. de *Legib.* ubi statuunt, *eaquæ Lege prohibentur, si fuerint facta, non solum inutilia, sed pro infectis etiam habenda esse; licet Legislator ferit tantum prohibuerit, nec specialiter dixerit, inutile esse debere quod factum est;* sine discrimine rerum perpetua moralitate turpium & civili ratione prohibitarum; nec quidem admittâ differentia Actus in suis requisitis illiciti, & cuius facultas alicui adempta sit. Nec videtur hæc ratio Imperatorum, à Jure naturali, vel publico univertali abhorreere; Quod enim lex fieri vetat, id factum quominus pro non factò haberi velle videatur, nihil adferri potest.

37. Nisi forte nullitas ad præjudicium non peccantis, sed tertii pertineat, tum respectu tertii quominus actus valeat, nihil obstat: Quemadmodum, si prohibeat Legatum, etsi dictante testatore, sihi adscribere; Si tamen id alii Testator restitui iusserit, huic suum jus salvum manere, bonum & æquum est, ut definitur in l. 14. §. *adl. Corn. de Fals.*

38. Quod si hæc est vis Legis, simpliciter aliquid sine poenâ prohibentis, hujus adjectio, secundum illâ Imperatorum sententiam efficere non potest, ut actus contra Legem institutus valeat; nisi poena sit ejusmodi, ut ex ejus usu diversa Legislatoris voluntas intelligi possit; Nam si poenâ locum habente, non possit actus esse nullus, inde necessario colligitur, jubendo certam poenam exigi, Legem supponere actum valere, non etiam nolle, ut actus subsistat. Quæ limitatio à Juris interpretibus tradita, vera quidem est, sed usu parum obvio vel exemplis trito.

39. Civilius distingui posse videtur, utrum Lex ipsum actum directè prohibeat, an prohibitio spectet requirita

quædam ad ipsam actus substantiam non pertinentia. Si prius, dicendum est. Actum non definire esse nullum, per specialem poenam, nisi talis sit, ut modo designatum est; quæ non possit habere locum, in hypothefi Actus jure subsistentis. Exempla poenæ ad requisita, non ad actum ipsum pertinentis obvia sunt; Matrimonium publice promulgandum & celebrandum est, sub poenâ XII. Librarum. Non spectat ipsum matrimonium, aut ejus essentiam, sed modum & circumstantias. Rursus, matrimonio incesto aut aliter Legibus interdicto imponitur poena, quod nihil alter ab altero percipere possit lucri, vel beneficii; inde non sequitur, matrimonium jure valere, si poena locum habeat.

40. Novimus aliquando Leges jurejurando fuisse sancitas, ut Lycurgus Spartanos suos obligavit, & Romæ sæpe factum legimus. Cujus rei nec alius esse potest effectus, quam quod obligationi jam in eodem vigore sancitas, ac in eadem latitudine firmatæ religionem Numinis addit; novam inter omnes obligandi vim adferre non potest.

41. Hoc tamen adfert novi Jusjurandum, quod si Leges sint aperte iniquæ & turpes, earum executionem injurati cives pati debeant; etsi facere secundum eas Leges, & actiones suas instituire non possint; hætenus enim verissimum est illud Apostoli; Deo magis obediendum esse quàm hominibus. Ergo nec in ejusmodi Leges jurare, pietas & religio permittere videntur; nisi forte passivæ quam diximus obedientiæ causâ.

42. Atqui Catonem in Leges, quas injustè rogatas putaret, sæpe jurasse, narrat & defendit Cicero, in *Orat. pro Sext.* ratione reddita; *Ne cum Reipubl. nihil prodesset, sine Reipubl. privaret.* Credo, quod contra jus & utilitatem Rei publicæ ma-

licet magis, quam contra honestatem omnem late fuerit istae Leges; vel de patientia civili juramentum illud praestitum fuerit: Etiam non minus idem Cicero laudet Metelli continentiam, qui in exilium abire, quam jurare maluit in Leges à Saturnino latus.

43. Sed Cato ne quidem exequi decreta vit legem Clodiam, quae manifesta Ptolomæo Cyprio Regi injuria fiebat; qui fretus imperio populi Romani regno paterno atque avito rex amicus patrus, quietus, nullâ injuriâ commemoratâ, nullis repetitis rebus, cum purpura & sceptro & insignibus regis omnibusque bonis suis publicatus & praetorio publico subiectus est; Ad hoc ministerium iniquitatis, eadem Lege Clodia delectus Cato rem injustitiae plenam executus est; Sequutus rationem quam Cicero his verbis exponit; *quoniam illa in Republ. macula regni publicati mandet, quam nemo jam posse eluere: Quod ex malis bonis posse in Republ. provenire, id vitium esse, per se conservari, quam per alios.* Non potest civis actiones suas ex praescripto Legis injuste instituere: Sed quominus, quod is qui habet summam potestatem decrevit, sibi improbatum, exequatur, ut quam minimum in detrali in Republ. vel privatos redundet, ei non videtur ob stare boni viri officium.

44. Denique, proprietates Legis, ut omnium praecceptorum, est, quod respectu futuri intelligatur, ad praeterita non pertineat, nisi casus praeteriti temporis diferte exprimaatur, quod in terminis habilibus iusta ratione aliquando fieri potest. *l. 21. ff. de l. 7. C. de Leg. l. ult. C. de Publ. sign. Nov. 114. c. 1. in fin.*

45. Potest tamen fieri, ut tamen non sit expressum, nova tamen Lex ad veteres & praeteritos casus etiam pertineat. Primum, si Lex nova non tam sit dispositiva novi juris, quam declaratoria

juris antiqui, ut in hoc exemplo; Lex est, ut inter Conjuges lucra & damna communicentur; dubitatum utrum id ipso jure fieret: Nova Lex id determinavit; cujus sententia non minus ad praeterita quam ad futura matrimonia spectare, judicatum est. Idem usus venit, quando nova Lex aliquid facti injungit his, qui antiquo jure utebantur; veluti Lex est lata, quod heres ex beneficio inventarii intra lex menses, rationes reddere & Curatorem bonis petere debeat; haec etiam ad heredes, qui jam pridem beneficium Inventarii impetraverant, merito pertinere visa est. Extra hujusmodi casus nihil verius est, quam quod Cicero in Verrem 1. *Cedo mihi, inquit, Leges Atinias, Titias, omnes praeterea de jure Civili, hoc reperies, in omnibus statui jus, quo posteam Legem populus uteretur.*

46. Porro, Lex habet suam perfectionem statim atque decreta est, etiam non scribatur, ut rhetor Lycurgi, cujus inter alia instituta fuit, *non enim de moribus leges, non uti legibus scriptis*, ut tanto fidelius impressa memoriae, sanctius custodiuntur. Neque verò, ubi maxime scribuntur Leges, scriptura ad essentiam illarum refertur. Lex erat, quam populus jussit, quam plebs sciverat; cum roganti Legislatori, *Velitis iubeatis Quirites*, responsum erat, *uti Rogas*. Verum est tamen, ut Leges obligent cives, innovare eas & publicari debere, quod vix aliter commode, quam per scripturam fieri potest. Expedit autem praescribi tempus, ex quo sint valiturae, velut jure novissimo Romano bimestre spatium, antequam poenae violatarum Legum exerceantur, praesinitum est à Justiniano in *Nov. 66. cap. 1.*

47. Postremo, quod Juris & Communis ratio dicat, unumquodque tolli eo modo, quo est colligatum, id æquè in Legi-

quin ille casus sub sanctione comprehendatur, Judex iradicere cogitur; *Tantum id quidem durum est, sed tamen Lex ita scripta est, quæ est Ulpiani inueniri in l. 12. §. 1. ꝛ. Qui & aliquib. manum.* Princeps secundum merita circumstantiarum aliquid remittere potest, ut Claudius prævit, & Constantinus in *d. l. 1. C. de Legib.* declarat

52. Quid si ratio Legis in certis casibus sub Lege comprehensis eviderenter cesset, an tunc saltem Judex aliud statuere potest? Videtur ita, secundum illud vulgatum; Cessante ratione Legis, cessat ipsa Lex. Attamen verius est, ob rationem Legis in certis casibus cessantem, non posse Judicem aliud quam Lex jubet, statuere; Principis ad hoc opus rescripto, eumque esse usum Æquitatis à Summâ Potestate implorandæ. Exempli gr. Minor annis xiv, non potest facere Testamentum, quia nullum est ejus animi judicium. Detur puer callidior quam alius pubes. Queritur, an ille possit, hic verò non possit testari. Dicendum est, non obitante rationis diversitate, puberem posse, Impuberem non posse facere Testamentum. Idem multis in jure publico privatoque instantiis illustrari possit: Oportet igitur aliquam partem materiæ Legalis universalem esse, in quâ Ratio fallat, ut iti regulæ usus & locus detur.

53. Et hæc quidem de Legibus, pro modo hujus instituti. Vim quoque Legis habet Consuetudo, sive Jus non scriptum, quod tacito populi consensu vim obligandi accepit *l. xxxi. i. ff. de Legib.* Hujus initium nunquam est à scriptura; siquidem naturalis ejus proprietas est, quod auctorem initiumque habeat incertum: sed postquam vigorem suum obtinent mores, & possunt & plerumque solent scribi, ut factum in consuetudinibus Feudorum.

54. Proprie, in popularibus Imperiis viget hæc species, nempe ut sua vi nitatur; neque enim in diversis imperiis populus, qui expressè nullius auctor juris esse potest, sed ipse leges accipit, tacite jus introducere potest. Verum in Monarchiis aut Aristocratiis valet nihilominus consuetudo, ex tacito imperantium consensu, sic tamen ut contrario placito semper abrogari queat.

55. Debet autem, ut consuetudo obtineat, his prædita esse requisitis; ut honesta sit, ut generalis, & certa. Honestata, pari sensu, quo *suprà* de Lege dictum. Generalis, id est, ab universâ Republ. vel potiori parte recepta, perinde ut Lex à toto populofertur: Quatenus enim parimodo obligant, ab una ad alteram rectè argumentamur. Hinc Municipiorum consuetudines eandem habent vim quam Statuta, ut teneant; quatenus juri moribus que Reipubl. non adversantur.

56. Ut de certitudine constet, requiritur longum tempus, & frequentia actuum, quibus recepta fuerit & probata consuetudo. Quantum vero temporis & quales actus esse debeant, à Magistratum vel judicium arbitrio pendet: modo talia sint, unde, quod satis sit de veritate consuetudinis, constare queat. Adde quæ *scrips. ad tit. ꝛ. de Legib.* & quæ inferius per occasionem sequentur.

57. Quanquam autem alieni Leges Imperii, ad alios non spectant, sæpe tamen usu venit, ut aliorum Statuta populorum ab aliis recipiantur & observentur; præsertim in ejusmodi rebus, quæ alibi maxime in usu, & excoltæ fuerint; quemadmodum de re Nauticâ apud Rhodios constat, quorum Leges ideo de re maritimâ ab ipsis Romanis adoptatæ fuerunt, ut superius probatum est, *ex l. 9. ꝛ. ad L. Rhod.* idemque à populis

gulis Hollandiæ vicinis; si non per sanctiones expressas, attamen tacite per consuetudinem, qua de re dictum in

Praelection. ad d. tit. n. de Legib. n. 14. § 8. Hinc etiam evenisse videmus, ut Jus Romanum per omnes fere cultiores populos receptum sit, hætenus, ut quæ Statutis Gentium propriis definita non sunt, ea secundum Jus Romanum, quatenus Reipubl. & temporum status non refragatur, decendantur, aut saltem ad svadendum & illustrandum magnam habeant auctoritatem.

79. Poitremo loco, nec id, quod maxime pertinet ad caput Administrationis, omittendum erat, Principem & Recto-

res Civitatis esse quidem Legibus solutos; sed hoc tamen eos agere, ut ultro se illis submittant: nisi hunc articulum, quod satis est, executi effemus in *lib. 1. sect. 3. cap. 1. n. 29. & seqq.* Id etiam antehac observatum est, non sequi ex eo, quod Leges certâ forma ferendæ sunt, nec sine approbatione, vel ut alicubi loquuntur, *verificatione* alicujus Senatus publicantur. penes Imperantes solos non esse potestatem Legislativam; Quemadmodum Cæsares, Rescripta sua, nisi causâ à Magistratibus cognitâ, effectum habere noluerunt *l. 7. C. de Precib. Imp. off. vid. d. cap. 1. n. 29. & seqq.*

C A P. I I I.

De obligatione Conscientiæ ex Legibus

Conscientia an errare possit, ubi de voce. Quid sit Conscientia, & partes ejus. Obligationem Conscientiæ ad solum se referre Deum. Quatenus Naturæ jus conscientiam obliget, accuratius exponitur, & an valeat distinctio inter honestatem & necessitatem juris Naturalis. Non omnia, quæ svadentur ut meliora Jure naturæ, etiam præcipi ut necessaria. Jus Gentium an, & quatenus obliget Conscientiam. Eadem quæstio de jure divino per omnes ejus species exigitur. Quæ sit ratio, quod Lex Civilis obligat conscientiam. An & quatenus hoc juri Naturæ derogare possit. Quantam stragem juri publico inferat hæc positio, quod Lex civilis juri naturæ, quod ad facultates pecuniarias attinet, derogare non possit. Resellitur illa positio, & contrarium probatur. Exemplo id uno alteroque illustratur, & Amelii rationes contrariæ refutantur.

SI conscientia non potest errare, quemadmodum nuper admodum viri docti quidam, primo sibi, credo, dein aliis persvaserunt, frustra occupati sumus in indagandis regulis, quibus regatur & errare prohibeatur. Sed nos sequimur communem generis humani conscientiam, quæ ut errare posse creditur, ita

regulis atque præceptis, ne quid erraret, indigere semper existimata est: Reservatus est hic locus è capite præcedenti seorsim tractandus, idque nunc instituiamus. Primo, quid sit Conscientia, videamus. 2. Et quidem si vocabulum, ut primo in Arte loco fieri solet, consideremus: nihil est aliud conscientia, quam

Scientia cum alio, vel noſitum: Ita adſumere alium in *conſcientiam*, ita *Conſeire* ſibi homines omni die dicuntur: Et poſterius ad hoc inſtitutum pertinet, ut Conſcientia ſit, Scientia ejus, quod ipſe quilibet apud ſe cogitat.

3. Nemo enim cogitat ſanus homo, niſi cogitare ſe ſciat, nec haec tenus errare poteſt conſcientia; ſed quando cogitationes errant, ut fieri poſſe, difficile eſt negare; qui cogitando errat, habet conſcientiam cogitationis errantis; ſed non eſt ſibi conſcius quod errat; ideo conſcientia proprie non errat; ſed cogitationes errant, cogitationeque adeſt ac ineſt conſcientia cogitationum erronearum. Si volunt hoc, qui conſcientiam errare negant, fiat adſertio; & conſcientiam non errare; cogitationes, quarum habemus conſcientiam, errare quandoque dicamus.

4. Verum tamen eſt, quod Conſcientia veritatis non ſit, nec eſſe poſſit erronea, & quod clara & diſtinctio perceptio rei, ſicut eſt, non diſſerat à conſcientia veritatis. Si hanc igitur ſolam vocant Conſcientiam, & eos qui cogitando errant, ſine conſcientia eſſe ſtatuunt, habemus adſertionem adeo veniam, ut ſere inepta ſit inculcatu; *Conſcientiam* excellenter dictam, quæ *veritatis* eſt, *errare non poſſe*. Simul autem ſe & omnes qui hoc tenent, quoties minus valide philoſophantur, ut à veritate quam habere ſe putant, aberrant, ſine conſcientia eſſe, teneant, ut quidem videtur, oportet.

5. Sed niſiſ argutiis, quarum interpretationem auctoribus ſuis relinquimus, re ipſam cernamus. Non habemus cauſam recedendi à communi doctrina, ſecundum quæ, Conſcientia eſt Judicium hominis de ſe ſuiſque actionibus coram Deo. Judicium hoc nihil eſt aliud, quam Applicatio Juris ad factum, quod proinde notum

eſſe oportet. Notitia facti ſolet vocari *ovisidens*. Applicatio juris eſt *erroneas*, ut hi termini ſunt ſere recepti.

6. Facti notitia eſt vel ipſius, ut ita loquar, corporis facti, vel *rei quæ* *ipſius* ſingularium & circumſtantiarum. Utraque ad hoc judicium enixe requiritur, ut Jus applicari poſſit: quomodo qui patrem ſuum in bello habet oppoſitum, ut applicet Jus ad factum, non modo ſcire debet, hoſtem eſſe, verum etiam Patrem eſſe, quem oppugnat. Qui mulierem corrumpit, ſolutane ſit, an materfamilias, cognoviſca oportet, ac ita in ſimilibus.

7. Sed de facto homines errare poſſe notius eſt, quam regula Juris; Facta prudentiſſimum quemque fallere poſſunt. De Jure fieri poſſe, ut homines ſimiliter errent, creberrimæ ſapientiſſimorum hominum diſputationes & dubitationes indicant. Ac ita, cum in utraque parte Conſcientiæ error ulu veniat, difficile dictu eſt, quomodo Conſcientia errare nunquam poſſit. Nam dicere, Notitiam veram, Judicium verum, ſolummodo eſſe Conſcientiam, eſt Claudianum; cum rogatus ſententiam in conſpectu opinionum, pronuntiaret, ſecundum eos ſe ſentire, qui vera dixiſſent, ut Svetonius auctor eſt.

8. Nos in hocce Tractatu Facti notitiam ſupponimus, de Jure præſens inſtitutum eſt. Eſt autem de Lege Civili hic proprie agamus, placet tamen per omnes Legis & Juris ſpecies hoc quaſitum exigere: Eſt de jure Naturæ, quod ſatis eſſe videri queat, actum eſt *in lib. 1. ſect. 1. cap. 2. n. 18. & ſeqq.* Ubi dicta ad hunc articulum transferre licet.

9. Principium deciſionis in hac quaſtione, peti debet ex ultimis definitionis *Conſcientiæ* verbis, **CORAM DEO**: id eſt, prout homo Dei judicio ſubjicitur, ut *Ameſius* loquitur *pr. d. Conſcient.*

Cum

Cum enim hoc iudicium sit actus animi, nulli quam Deo cognitus, qui solus est *λογισμός*, *καρδίαν scrutator*, fieri non potest, ut rationalis creatura cuiquam suarum cogitationum, quam soli Deo, rationem reddere debeat aut possit. Nec ideo, ut aliunde quam à solo Deo rationes & regulæ, quibus animi iudicium teneatur & regatur, proficisci possint.

10. Pertinet etiam ad Questionis statum, per obligationem ut sciamus, quid intelligatur; nec id melius quam ex eo, quod Jurisconsulti de obligationis prædicant, explicetur; Est juris *vinculum*, ajunt, Obligatio, *quæ necessitate quis adstringitur ad aliquid dandum vel faciendum*. Atimus hic de eo, quod aliter facere non liceat, quam iudicium illud coram Deo, id est, conscientia dicitur. Hoc est *το γινώσκω τὸ Θεοῦ*; quod divinitus etiam gentes noverunt, *ὁ Θεὸς ἀποδείξας ἑαυτοῦ*; Quod Deus illis notum fecit: ut Paulus 1. ad Rom. *Ἐαυτοῦ ἡμῶν κτλ.* Sibi ipsi *ἔσται* conscientia, cui si non pareant, eadem minatur illis poenam. *Ad Rom. 2.*

11. Sed jus naturæ, dictum est *in loco*, esse vel præcipiens, vel permittens, vel svadens. Prima species obligat haud dubiè conscientiam, ut aliter tacere non possit homo, quam ejus regulæ cordibus insculptæ immutabiliter dicant; quæ spræte reddunt hominem *ἀνεπίστατον* & *ἀσυνετόν*, defensionis expertem & sui ipsius iudicem, ut Apostolus copiose in 1. & 2. ad Rom. docet.

12. Jus permissivum non potest eum, cui facultas datur, obligare; sed alios, ut quemlibet jure naturaliter permissio uti patiantur, nec eos impediant, obligat: Veluti, occupare, in dominium redigere quod nullus est, ratio naturalis permittit, nec alius alium in exercendo hoc jure turbare vel impedire, *salvè juris & animi conscientiæ*, potest; nemo

tamen ad hoc, ut res nullius occupet suasque faciat, obligatur. Idem est, in moderamine inculpata Tutele, contra vim injustam; quæ ut licet, ita non tenemur ad usum ejus; nisi forte aliorum, quibus tuendis obligati sumus, respectu.

13. De jure Naturæ Svatofio major est *ἀναπόσιον*. Habemus enim præcepta, Christiani nominati, *τὸ ἀρεστὸν πρὸς πάντας, ὡς ἑαυτοὺς ἀγαπᾶτε*; dandam esse operam, ut ubique servemus *τὸ ἕκαστον ὡς τὸ ἑαυτοῦ, quod doctorum est ἵνα bene sedeat*, fugiendi verè non tantum *ἀνάγκη*, peraria, sed etiam *τὸ ἐκ ἀνάγκης*, incongrua; etiam talia, quæ minus conveniunt gravitati, ut etiam vetet Apostolus *ἰερογλυφικῶς Ephes. 5.* quæ tantum non virtus est in conversatione civili. Hinc gravissimi homines increpant Jus Canonicum, ob usum distinctionis inter Honestatem & necessitatem moralem; ut hæc obliget, illa saltem commendat facienda: Pessimo divortio honestatem à necessitate separant Canonistæ, ait D. Wissenbach: *D. 6. ad Inst. 22.* quæ de re dix. *in part. 2 Digress. c. 7. §. 4.*

14. Verius tamen est, non quicquid ut laudatur & commendatur, etiam præcipi & necessarium esse videri, neque peccare, qui non adsequitur, quod optimum est. Sunt quæ *κατὰ συνήθειαν*, alia *κατὰ ἀνάγκην* injunguntur; quædam præcipiuntur, quibusdam venia datur, ut Apostolus distinguit 1. Cor. 7. Est quod *ἀδελφοὶ ἡ ἑστέ, ὁμοῦς ἕχοντες πνευματικὰς ἀνάγκη*. *Habeat aliquid improbabile; neque tamen est prohibitum*, ait Leo Philolophus in Nov. 24.

15. Ita cælibatum, quo melius Deo vacemus, non obscure commendat Paulus 1. Corinth. 7. negat tamen peccare nubentes, et si melius faciant contra Coniobrinam vel Sponsam filii in uxorem ducere, non est prohibitum neque peccatum; melius tamen abstinere talibus nuptiis

nuptiis, pudor, & Jus naturale svadet, adeo ut multæ gentes eas enixe prohibuerint. Etiam Romani aliquando de consobrinis, & de sponsa filii semper. At necessarium id esse juris naturæ præceptum, nemo dixerit. Beza quoque, sponsæ filii prohibitionem non dubitat appellare duram, *lib. 2. de Polygam.*

16. Consilium est Pauli Adessoris, *In re dubiâ certius & modestius esse abstinere, tamen si non peccet*, qui aliter contulit *l. 14. §. 3. d. Rit. nup.* Modo ieruet & *ἐπισημασθῆναι ἰν' ἰδίῳ νότῳ, ut bene certus sit apud animi sui conscientiam*, ut Paulus Apostolus enixe monet. De comâ, reminiâmâ, ut loquitur Calvinus, idem Paulus, *ἡ φύσις ἀδύνατον, natura docet*, inquit, *ἐν ἀντιθέσει τοῦ νόμου, ἀλλοιῶν ἀντὶ τοῦ νόμου quod comam alere viro sit inhonestum 1. Cor. 11* oppositè ad mulieris & *ἰνδύων; decus mulieris in Comâ.* Non tractat eam rem, ut moraliter turpem, aut ubique peccatum, sed deterius esse, comam è viro ali non dissimulat.

17. Quin etiam posse dari circumstantias & occasiones, quibus abstinere talibus, sit præceptum, nec aliter institutum, peccati sit expers; fatendum videtur; sed quicquid natura svadet ut melius, id statim non esse peccatum, vel sola successio ab intestato probat: cognatis enim agnatisve proximis bona relinquere non potest negari, naturæ convenientius esse, quam extraneis, neque tamen, sine peccato aliter decerni posse, quisquam dubitat. Ergo in his est latitudo quædam, *Ἐν ἰσχυρῶν ἀποστολῶν, vobiscum ipsi existimate*, monet Paulus, *ἰν ἀποστολῆν ἰσχυρῶν, an deceat.* Regula sic est, ut diximos.

18. De Jure Gentium major est dubitandi ratio: Si hoc à jure Naturæ diversum sit, non habet immediatè auctorem Deum, nec ullam Potestatem humanam, quæ cunctas gentes obliget,

cum nemo sit omnium pariter Gentium superior, ac ideo nihil quod vel mediate, vel sine medio conscientiam adficere possit, apparet.

19. Dicendum, pleraque Juris Gentium capita, non esse quidem immediatè à Deo origine rationis; sed tam evidenti consecutione tamen inde esse deducta, ut ab eadem auctoritate non immerito derivari possint.

20. Quæ vero inde sunt remotiora magisque positiva, communi populorum, maxime quidem Imperantium consensu recepta, satis inde causæ mutantur ad animos singulorum obligandos, ex voluntate, inquam, Rectorum cujusque populi; à quibus instituta paci & utilitati generis humani servientia non minus quam propria cujusque Civitatis scita, expresse vel tacitè sancita videntur; præter, quod omnes homines ratione utentes in Jus illud, quemadmodum ejus expositio indicat, in *lib. 1. sect. 1. cap. 5.* consentire intelliguntur.

21. Sequitur Jus divinum, cujus auctoritatem directè ad obligandam conscientiam pertinere, palam est, modo illa mens sit divini Nomothetæ, ut omnes populi suis Legibus tenerentur. Directè universo generi humano jus à Deo datum non Legitur, nisi recens condito, & à diluvio instaurato, sed paucis articulis constans; donec postremo per filium Dei larius cautum est.

22. Quæ per Mosen latæ sunt Leges, ad Hebræos diriguntur, *Audi Israël*; Attamen quæ sunt ejus sententiæ, ut aliis gentibus exacte convenient, valere debent, ad obligandas omnium conscientias, ut sunt *decem dicta*; si quartum excipias de Sabbatho; & quæ ad exegesis illorum inter politica reperiuntur, ut de vestitu discrimen sexus indicante præceptum, & similia.

23. Quæ peculiarem ad temporis & gentis

gentis illius disciplinam, pro parte vel in totum habent respectum, quatenus à statu nostri sœculi & seculi discrepant; ut nostros animos obligent, deficiente Summi præceptoris voluntate, fieri non potest; quò pertinet de asyliis, de peritiliis tectorum, aliisque rebus innumeris specimina; de fœnoribus etiam & de pœnis delictorum; secundum ea quæ in lib. 1. sect. 1. cap. 9. ubi actum de Jure divino, collocavimus; & quæ singulis locis de cujusque præcepti naturâ, usu venit, aut veniri observari.

24. Quod Christus Dominus in Evangelio credentibus in se præscripsit, haudobè omnes singulosque obligat directè conscientias; etsi propositum illi non fuerit, novum condere jus morum: sed vetus repetere & ad principia sua reformare, ejusque veram & spiritualem fidelibus observantiam inculcare voluit. *Matth. 5.*

25. Prophetæ & Apostoli Spiritu licet divino ducti nullam ex se novi juris condendi vel conscientias obligandi auctoritatem habuere; sed interpretari voluntatem Dei revelatam, & collectiones inde ac arbitramenta deducere, quæ novas inferrent positiones, veteri doctrinæ implicitas, id potuerunt. Nec aliter accipiendum videtur illud Pauli, *Εγώ δευ, ἢ ἔξ ἰσχυροῦ. Ego, non Dominus, edico, Δοκῶ δὲ κατὰ τὸ πνεῦμα Θεοῦ Ἰησοῦ. Censeo & ego, me habere spiritum Dei 1. Cor. VII. 12. & ult.*

26. Transeat ad Leges civiles, quæ à summa Potestate cujusque Reipubl. proficiuntur. Et hætenus quidem non valent in conscientias nulli humanæ jussioni subjectas; sed in Imperiis voluntariis inde ab initio, vel ex post facto certissima hypothesis est, omnes suo consensu obligatos esse, ad Leges Civitatis suæ observandas, ut in libro 1. sect. 2. lib. 2. sect. 6. & in capite precedenti

copiosè demonstratum est. At servare fidem datam, conscientiæ officium, & præceptum Dei est, cujus etiam hæc est declarata voluntas, Imperiis Summarum Potestatum esse parendum, ἢ *μὴ οὐκ*, ut Apostolus, *ἂν μὴ ἰσχυρῶς, ἀλλὰ ἢ ἀκούσας, Non modo propter iram & metum pœnæ, sed etiam propter conscientiam.* Inde, quem civilis potestas in hominum conscientias habeat influxum, in summa, satis intelligitur.

27. Sed opus est, hanc rem paulo enucleatius exponi, ad applicationem ejus, quod Juris auctores de Lege, quatenus à jure naturæ discrepat, in Arte sua tradunt; quando sic ajunt; *Jus civile est, quod neque in totum à naturali vel gentium recedit, nec per omnia ei servit: Ita, que cum aliquid addimus, vel detrahimus juri communi, jus proprium, id est, Civile efficitur, verba sunt Ulpiani lib. 1. Institur. in l. 6. n. de Inst. & Jur.*

28. Atqui Jus naturale convenire cum eo jure, quod in foro Conscientiæ attenditur, frequente consensu, non modo Theologi, sed etiam Jurisconsulti tradiderunt; ut videre licet apud Bachovium ad *Tr. 2. disp. 10. nb. 5.* Vinnium ad *§. 3. Inst. de Testam. n. 8.* Amel. *5. Conscient. c. 45. n. 10.* ubi sic ille; *Nisi igitur jure à Deo, vel in natura vel in verbo publicato, constet, domini titulum esse Legitimum & verum, in foro conscientiæ consistere non potest.*

29. Hujus rei late patet usus & obligatio. Sic enim illi statuant; *Qui in Testamento jure Naturæ valido, sed ob requisita juris Civilis vitioso heres, aliquid præstare justus est, ex animi conscientia tenetur ad hoc præstandum; Qui obligatus est à contractu jure naturæ Legitimo, sed jure civili invalido, tenetur ad implendum, & peccat, si prætextu requisitorum Juris, fidem implere recuset.*

Q 493

30. Proinde

30. Proinde mulier, quam pro aliquo intercessit, tenetur ad salvandum, & non potest se tueri beneficio Senatus-Consulti Velleiani; nec filiusfamilias pecunia mutuo sumpta Senatufconsulto Macedoniano. Nec minor annis 25. per beneficium restitutionis in egrum, si contractus ab ipso, confules initus, jure Naturæ sit validus: Nec ullum adeo privilegium, quo quis juri ab alio quaesito subducere se queat, illi conscientia, exerceri possit.

31. Ubique enim locum habet Amelii argumentum d. cap. 45. n. 15. *Per hujusmodi contractus, inquit, minus solennes, ex omnium consensu inducitur obligatio juris naturalis: quia sunt per liberam voluntatem, ex consilio deliberato. Sed jus civile non potest abrogare jus Naturæ. Ergo.*

32. Huic assumptioni ante omnia satisfaciendum est; & jam occupate videatur responsionem, in cap. proxima antecedente n. 12. Ne de jure permittente sit fraudente naturali dicamus, cui jure civili derogari posse, nemo negat; etiam de Precipiente sciendum, hoc vel circa ea, quæ moraliter in se turpia, nec aliter habere se possunt, versari; vel circa officium tribuendi suum cuique in facultatibus externis æque pecuniis.

33. De prioribus nihil jure Civili constitui posse, quod hominum Conscientiæ à jure naturæ avertat, expeditum est, juxta illud immortum Escipidii, canente choro, in *Phœnissis vers. 221.*

*Ora pater à me quævis dicitur
quævis*

*Quod turpe in se est, id omnino
fieri honestum.*

Sed Lex circa facultates civium generaliter disponit, ut propter certas rationes & circumstantias, quæ publico expedire judicantur, uni damp-

nium vel jus crediti magis quam alteri sit cooperatum, tamen in simplicitate naturæ aliter obtineret, hoc vel turpe non esse oportet, vel omnium populorum jura necesse fuerit resolvi.

34. Si vero qui tali jure utuntur, conscientie iacturam faciunt, quid fiet de omni Arte ususque Jurisprudentiæ, cujus universum hoc institutum esse vidimus, ut Juri Naturæ modo addat aliquid, modo detrahat? nonne, dum bonis civium consulere satagit, animabus toxicum parat, & pecuniæ compendium æternæ salutis dispendio permutare docet?

35. Proinde sic habemus; Dispositiones Legum de patrimonio civium, à simplici jure naturæ divertas & probabili ratione submissas, habere vim conscientis præstanti securitatem; imo quod magis est, ad earum observantiam conscientias obligandi; perinde ac quibuslibet aliis Summarum Potestatum præceptis, necessitati morali non adversis, obligati sunt cives.

36. Ratio peremptoria pendat à confessione civium in *Leges Reibl.* cui sunt aggregati, toties adstruenda, nec minus à veteribus agnita, quam in ipsius rei naturâ fundata. Quæ confusio ut nihil potest in dictis Dei moralibus Verbis aut naturæ invertendis, ita de facultatibus pecuniisque disponendi facultatem habet arbitrariam, indubitatam; Cujus rei nulla peior est sequela, quam quod singuli, certis casibus, aliquid damni se passuros recipiunt; In quo nihil adeo illicitum est, ut in omnibus, quæ tristia mala dicuntur, eandem voluntariam submissionem fieri posse credamus.

37. Exemplo res fiet clarior. Ad evitandas fraudes in Testamentis, placuit, ea non valere, nisi certæ solemnitates adessent. Ita Romæ vitium fuit in *Comitiis*, vel in *Campo Martio* mandari.

In hoc

In hac constitutione talis conventio est; Si cuiquam nostram hereditas in tali testamento imperfecto relinquatur, is hereditas ab intestato bona vindicantibus cedat. Si quis heres in tali testamento iustus erit, Legatum præstare, negare poterit solutionem; neque Legatarius injuriam sibi fieri putabit. Eoquid in eo, quod conscientiam lædat, animadvertitur?

38. Potest equidem heres ab intestato, si velit, hereditatem relinquere scripto heredi, neque ab hoc violari jus conscientie dicemus, si nemine contradicente, hereditatem ex voluntate defuncti retineat. Sed heres Legitimus nihil magis illud jus lædit, quod utitur, jure quo placuit omnibus ejusmodi existentibus casu, utendum esse. Neque Testatoris, qui Legem hanc sequi tenebatur, voluntas, nec hereditas scripta intentio, qui Legi, inquam contentenerat, contraria, jus proximi cognati vel ejus conscientiam pervertere potest.

39. Instat Amelius § 13. d. c. 41. *Solemnitas hæc idcirco solum præscribitur, in Legibus civilibus, ut evitaretur fraudibus & dolo, qui in salubris contractibus (quos cum Testamentis, de quibus agit ibi, theologice confundit) plerumque committi solent: Sed quando constat manifestè de voluntate eorum, qui hujusmodi contractus fecerunt, etiam si prætermissa sit solemnitas illa, cessat ratio ista, atque adeo cessat vis juris civilis; quia cessante causa, cessat effectum.*

40. Impingit Amelius in id ipsum, quod præced. capite n. 52. ubi dictum est de regula, *Cessante ratione Legis, cessat ejus vis;* Et probavimus, id equidem esse verum, si ratio cederet in universum, non si in singulis forte casibus cesset. Lex fertur ob rationem certam, quæ plerumque, non semper, obtineat: Lata ob hanc rationem Lex, valet æquabiliter, nec amplius ab alia ratione pendet in singulis

hypothesebus; quod si fieret, nihil ejusmodi legi fluxius & dissolutius foret:

41. Non potest etiam concedi, quod Amelius §. 16. ponit; *Intentio ipsa juris Civili est, inquit, in ejusmodi contractibus irritatis, tantummodo non adjuvare ipsos in foro externo, vel non dare ipsi obsequium, propter commune bonum. Relinquit igitur obligationem omnem ex jure naturæ consurgentem.* Non ita consentient juris Auctores, quando jus civile tradunt esse, quod Juri Naturali modo addit, modo detrahit, ut supra intelleximus, eo quod diximus sensu & modo; Si negaret actionem, & conscientiam relinqueret obligationem Jus civile, faceret quod abominatissimum, ut auctor esset bonis consulendi, animam perdendi.

42. Verius est, eum, qui jus naturale de rebus ad patrimonium spectantibus, contra legem sibi notam, urget, verè Ordinationi divinæ resistere, quæ parère jubet Potestatibus, in his quæ Deus non vetuit; Nec verat, Rectores populorum de patrimoniis civium ad utilitatem publicam contra singulosita disponere, ut huic modo & illi aliquid detrimenti imponatur: Ne repetam, eum qui Legem in quam consentit, urget; quia sic usu venit, ut ipsi præjudicium creet, quod alias eidem utile & proximo forte damnosum fuerat; non levare tesseram bonæ conscientie.

43. Labitur ergo, quod subjicit Amelius in §. 18. *Non potest igitur, inquit ille, in cujus favorem Lex irritum facit talem contractum, salvâ conscientia, contra eundem agere, coram justitie, aut petere, ut declaretur irritus aut nullus, si constet ipsi de veritate.* Excipiam potius ego, nisi dolo ejus, qui Legis auxilio utitur, interveniat. Abique dolo minimè recte colligit Amelius. Quid enim? Frater meus heredem instituit extraneum, testamento vitiosè, mea ret

md.

men absque operâ, condito; sed quod Testatorem valere voluisse constat. Dico testamentum nullum & vindico hereditatem mihi jure sanguinis debitam. Hoc salva conscientia non licebit? Magis ille scriptus heres viderit, an salva conscientia opponere se possit juri publico, ratione probabili constituto, retinere volens hereditatem sine causâ in Civitate approbara.

44. Eodem fundamento nititur Amelii censura de Usurpatione. *Possessor rei alienae*, in §. 19. *invito proprio Domino, quamvis continuata sit, quoad Leges requirunt, ad prescriptionem vel usurpationem in foro conscientie non confert dominium possessori, non modo si mala sit fidei* §. 20. *sed etiam, si alienam bonâ fide possideat, quia hæc tantum est falsa opinio, quæ justum dominii titulum adferre non potest in foro conscientie* §. 21.

45. Cum litibus antiquæ originis nihil sit molestius in civitate, populus Romanus sponfione civium inter se facta, eas legelata præcidere volens statuit; Siquis intra tot annos rem suam non vindicasset, actionem non habebit contra bonæ fidei possessorem, sed Res manebit suo loco. Quid veteret, Quiritæ, omnes singulosq; renuntiare juri suo, in ejusmodi casu, ob publicam utilitatem? Et quis eorum qui

renuntiavit, si quis adversus eum hoc jure utatur, juxta præviam conventionem, opponens se, potius actoris quam suam accusabit conscientiam? Nec est, quod me quisquâ exemplum popularis Romanorû Imperii, ad consensum in Leges arguendum, ad sectare putet; eadem ratio, licet mediate, in Aristocratiâ & in Principatu est, ut *lib. 1. sect. 2. demonstravimus.*

46. Plane, si malam fidem habuerit possessor, hunc salva conscientia negamus uti posse jure præscriptionis, etiam longissimæ, quam leges ipsi impertiuntur, jure solummodo externo hæctenus, ad litigia immemorialis causæ extinguenda; minime ut furem vel prædonem injustitiæ perfidieque notâ liberent, quod tenendum ad convitium Amelii, quod facit Jurisprudentiæ in §. 20.

47. Quam late fete Jurisprudentia patet, hujus rei observantia se extendit, nec pluribus uti exemplis, hujus instituti ratio patitur; Atque id plenius in Quæstione; an Conscientia è Testamento imperfecto obligetur, quam *in parte 1. Digress. lib. 4. cap. 34. & seqq. ad finem libri* plena manu tractavimus, aliarumque rerum exempla sparsim in *Ennemiâ Romanâ* occurrent, & jam exposita sunt ad *l. 7. §. 5. & §. 12. r. de Pactis.* ac alibi passim.

CAP. IV.

De Senatu.

Definitio Senatus, qualitas, numerus Senatorum. Præter consilium, quandoque Potestatem illis tribui. Maximus Senatum usus in Democratiâ. Ibidem periculosus & omnia in se vertere solitus; nisi Custodes libertatis popularis statuatur, Idem in primis usu venire, quando libertas, abolito regno, populo restituitur. Optima juris inter Senatum & populum discretio. Usus Senatum minorum & sanctorum in Democratiâ, tam olim, exceptâ Româ, quàm hodie. Senatus Judiciales etiam Romæ, deque aliis rebus. Senatus Municipales. Senatores perpetui & temporales quid differant. Ordinum Conventus an Senatus dicendi. In laxioribus Aristocratiis fere eandem hac parte rationem esse, quæ in popularibus Imperiis. Nomen etiam Senatus aliter sæpe, quam nostra ferat definitio, sumi. Ratio Senatum in Monarchiis minus Regiæ, vel absolutæ potestatis. Ordinum conventus in Regnis, sintne Senatus è mente nostræ definitionis, an partem Summæ Potestatis obtineant, distinctè expositum. Quantum intersit, tempora conventuum illorum à Regibus pendeant, an secus. Et quàm, magni Conventus isti, Imperantium Potestati sint graves. Unde, qui possunt, Reges, illos atterere aut abolere, vel ad alios usus convertere. De Præsidio & Relatione.

Civitas ordinata Legibus, quæ surdæ & mutæ sunt, Conservatores, & Executores, Summa potestas autem Ministros & Adjuutores requirit. Quia sine statim post formatum Legibus Statum Civitatis, necesse fuit, creati Senatum & Magistratus. Primo de Senatu videndum.

2. Et si autem quid Senatus sit, nemini prima fronte dubium videri crediderim, tamen ne hic quidem apta definitio carebit sua *post regis, in imperia, justo ad ea quæ sequuntur, momento.* Est igitur Senatus, *Prudentium virorum cætus, ab eo, qui summam Reipubl potestatem habet, ad consilium sibi de publicis rebus subministrandum, adscitus.*

3. Prudentes esse debere Senatores,

nemo dubitat. Et quoniam prudentia sine rerum usu, & hæc sine provecioriæ tate non comparatur, oportet in Senatum legi Seniores, unde nomen Senatus: quod adeo in usu recentiorum quoque gentium invaluit, ut pleræque gentes Europæ Seniores, pro dominis & Rectoribus suis usurpent; cum Nihil sit aliud Gallicum *Senieurs*, quàm *seniores*, à quo Itali & Hispani minus adhuc derivatione recedunt.

4. Quot numero esse debeant, ut de facto summa varietas cernitur, ita medium heic quoque, sicut aliàs, plerumque, tutius esse dixeris. Romæ tempore libertatis ultra quingentos fuisse, facile constat, & sub Imperatoribus aliquanto plures; Venetis mille & am-
plices

plius. Ex adverso Spartzæ nonnisi triginta, & intra hunc numerum Genueſes ſubſiſtunt. Rurtus apud Hebræos ex inſtituto divino ſeptuaginta duo; quem numerum ſi quis ut medium, iduoque præſtantiorem conſiderandum putet, nihil vel rationis, vel auctoritatis cauſa videtur erraturus.

5. Etſi autem conſilii cauſa Senatus in primis adſciſcitur, fieri tamen & poteſt, & plerumque ſolet, ut auctoritas & poteſtas quarundam rerum minoris momenti, & quæ moram ferre nequeunt, illis tribuatur, cujus rei pro forma cujuſque Reipubl. variat uſus, quemadmodum ex inductione ſequentium patebit.

6. Nuſquam major Senatum uſus & neceſſitas eſt, quam in Imperiis popularibus. Ubi, cum populus univerſus raro conveniat, nec niſi de rebus ad ſummam Reipubl. ſpectantibus conſulti poſſit, quotidianæ adminiſtrationis ratio curam ad Senatum deducit, ut Pomponius de Reipubl. Romanâ loquitur, in l. 2. §. 9. r. de Orig. Jur.

7. Videamus igitur de Senatu, prius in Democratia, unde pleraque reliquis applicari poterunt. Difficultas & raritas Comitiorum univerſi populi, cum pleraque Regiminis publici ad Senatum deducatur, non poteſt fieri, ut per modum Conſilii duntaxat illis adhibeatur, ſed & poteſtatem & jus perfectum in iis ab Senatu exerceri conſentaneum eſt, idque tam latè plerumque patet, ut multi in dijudicatione talis Reipubl. fallantur; Aristocratias pro Imperiis popularibus accipientes; quem exteros etiam de Romana Reipubl. erraviſſe errorem, Politiæ aliique obſervant.

8. Neque tamen exteri tantum erroris opinione in illâ ſpecie verſati ſunt; verum in plerisque Civitatibus Democratias, id operam dant, ſcio Senatus,

quo Summam Poteſtatem ſibi totam vel majori ex parte vindicent, ut creberrima Romæ pluriumque Græciæ Civitatum, quin & hodierna Coloniz, Baſileæ, Hamburgi aliorumque exempla populorum demouſtrant.

9. Quin ille tranſitus *de auctoritate*, in ejuſmodi Conſtitutione, tam propè naturalis eſt, ut nec fieri poſſit, quin Senatus in ſe paulatim omnia derivent & populare jus obliterent, quemadmodum Democratiz fere omnes, nominatim in Holandia, exoleverunt; niſi populus habeat Magiſtratus *Neupolitani*, Legum & Libertatis cultodes, quales Tribuni plebis Romæ fuere: Neque tamen ita graves hac cauſa turbas avertere & occupare poſſunt, potuerunt; quia Senatus non Conſilium populi, ſed partem Juris ſupremi & quidem potiorem ſibi vindicare conaretur.

10. Non diſſimilis apparet uſus & ratio, ſi quando Regia poteſtate abolita, Libertas ad populum redeat. Nam in illo tranſitu rerum id agere ſolent Optimates, ut ſummam poteſtatem naturaliter ad totum populum pertinentem, ejuſ injuſto uſurpent ſibiſque vindicent, animum minus advertente multitudine, læta ſatis revolutione rerum & abolitione Tyrannidis; nihil omittente Senatu, quo ſtarum Aristocraticum, perſuadeat eſſe Libertatem; etſi verum ſit, optimates ex inſtituto ſibi neceſſario plebem cohibere preſſus, quam Principes ſoleant.

11. Non neglexit hæc occaſionem Senatus Romæ poſt Regifugium; nec obtentum durare non potuiſſet, ſi patricii primores plebi in conſortium ſuæ prerogativæ admittere voluiſſent, que ab illis ſpreto, nata ſunt Tribunitiz turbe: Cum in aliis populis, ubi nulli aditus ad honores præcluditur, & Optimates utriusque ordinis in Senatum cooptantur.

cooptantur, plebs orba duabus, jure suo facile privetur, ut in plerisque Belgii civitatibus accidisse videmus; Ac ita fiunt à popularibus Imperiis Aristocratiz, jure præscriptionis, de qua diximus in *lib. 1. sect. 3. cap. 9.*

12. Verum quando *sup* populifalvum manet, status inter ipsum & Senatum, ut videtur, optimus, qui Romæ pulis Regibus, post primos motus, est stabilitus, hujusmodi esse videtur, ut in populo potestas, penes Senatum sit auctoritas, hoc sensu; ne quicquam ad populum feratur, nisi auctore, id est, approbante Senatu. Neque tamen Senatus quicquam per se de Summa Reipubl. decernat, verum hæc unice à populi jussu pendeat. In cæteris autem ad quotidianam Reipubl. administrationem spectantibus, imperia Senatus vim juris obtineant, ut in eadem Civitate Romana servatum est, inde ab eotempore, quod recert Livius in *lib. 1. c. 17.*

13. In plerisque Civitatibus plures Senatus haberi contat; etsi Roma uno contenta fuit, eoque numero, ut intelleximus: Nec probatus est illis mos Græcorum, qui *πρωβουλος, consilia selecta* habere soliti sunt, in quibus cum arcana Reipubl. tractarentur, tum imprimis administratio quotidiana civitatis curaretur. Quomodo Solon Athenis, ubi non minus quam Romæ populare fuit imperium, præter Senatum quadringentorum, instituit *Αροπαγίτων* è quinquaginta plus minus, nec enim certus fuit numerus, civibus, Consilium. Etsi gravissima sæpe belli & pacis consilia atque disceptationes Senatoriz magis, quam populares, in Ecclesiis universi populi, ventilitas fuisse legimus & miramur, apud *Thucydidem, Xenophonem & Demosthenem.*

14. Eodem modo Carthaginensibus Democratiæ habentibus, fuit Consi-

lium paucorum, in quo arcana & maxima quæque Reipubl. negoti tractarentur, haud amplius Triginta Procerum, quod *Sanctius* Consilium vocat Livius: At Romanis nihil ejusmodi fuit, nec ullissent id genus senatos, per quos corrumpi Libertatem Senatoriam arbitratifuisent.

15. Verum quotquot hodie, vel inde ab aliquot seculis populi Democratiçè gubernati sunt, Atticam & Carthaginensè potius, quam Romanum hæc parte consilium sequuntur & secuti sunt; prævalente publici commodi necessitate, nimis dissolutæ libertatis studio, quod vergentibus in pejus populi Romani moribus, in parte caularum fuit; quibus libertas & status popularis in ruinam incubuit.

16. Judiciorum tamen causâ Senatui habuere peculiarem & ipsi Romani, quanquam Senatum minime dixerunt: Sed consilium Centumvirale, tribus à singulis tribus in id selectis, exacte numero quinque supra centum, qui de causis gravioribus, ubi de jure potissima ambigeretur, cognoscebant; Levioribus & facti quaestionibus ad recuperatores & iudices pedaneos ablegati.

17. Idem frequentius aliz gentes, ut judicandi causâ senatus habeant, instituerunt; etiam de aliis rebus ad Reipubl. spectantibus, de *Ærario*, de re militari, de Causis maritimis & omni administratione publica; cujusmodi Collegia non tam more Romano, quam ex nostræ definitionis & instituti ratione *Senatus* appellari possunt.

18. Sed quod Collegia Decurionum in municipiis, hoc est; Civitatibus majori subjectis Imperio, vel partem illarum constituentibus, hodie *Senatus* appellantur, non magis cum nostrâ definitione, quam usu Romanæ linguæ consentierit:

19. Jus habent singuli Senatores perpetuum vel temporarium. Inter quæ, etiam notabile discrimen, ut apparet, existat, juris tamen effectus eisdem habere, temporarios, dum funguntur, & perpetuos Senatores, patet ex iis, quæ de Summæ Potestatis hac parte differentiis in loco demonstrata sunt *lib. 1. sect. 3. c. 2. n. 46. & seqq.*

20. Utrum magis expediat Publico vel Summæ Potestati, est *ἐπιμνηστικόν*. Solon quidem Quadringentos suos voluit esse annuos; Romanis aliter visum. In magno numero parum interest libertatis: In paucioribus & in Magistratibus alia consideratio est, ut deinde videbimus.

21. Denique, nec hoc omittendum; Si populus in multas civitates, uno Imperii vinculo, diffusus, non totus, sed per Legatos ab se constitutos & mandatis instructos, qui omnes populi ordines exhibeant, conveniat, hos Conventus non videri Senatus, sed pro ipsis populis, quos representant, esse habendos; sive Procuratores, ut olim erant, hodieque appellantur in Frisia, sive Nuntii publici, ut in Polonia, vel Status, aut Ordines, quocunque nomine designentur.

22. Hæc quidem, respectu Status Democratici, de Senatu dicta sunt; Sine quo Liberæ Civitates nullo modo consistere possunt; & cujus, ætiam tunc minus rectè consulentis auctoritate labefactatâ, Status popularis, instar navis & tempestatibus exposita fluctuat, quemadmodum Athenis compertum est, postquam Pericles Senatus auctoritatem minuisset, idemque Romæ Tribunitii motus, aliaque nostro tempore notabiliter exempla docuerunt.

23. A democratiâ non multum hac parte discrepat Aristocratiâ laxior, vel Timocratiâ, de quâ diximus in *lib. 1. sect. 8. cap. 5.* & cujus exemplum ob

oculos est in Poloniâ, ubi cum universus Nobilium conventus habeat Summam Potestatem, Procuratores seu Nuntii, quos ad Comitiam mittunt, non faciunt Senatum, sed exhibent Summam Potestatem: Et alius longe minoris numeri Cœtus est, hujus generis, quem Senatum Regni vocant.

24. Sic in Frisiâ Summum jus Reipublicæ est penes Prædiorum Dominos & Curias Urbium, quæ pariter Legatos, sive Procuratores suos ad Comitiam mittunt, in quos, ut est hodie, transferunt anquam sed verè Summam Potestatem. Idcirco ille cœtus Legatorum seu Procuratorum Senatus non est; verum ex his aliud Collegium Deputatorum, ut vocantur, ad quotidianam Reipublicæ administrationem delegantur, qui propriè Senatum faciunt, ac ita portæ Consistorii illorum inscriptum est, Senatus Frisiæ. Et si hoc nomen usu vetere & populari, tam Latine quam vernaculè magis adhæserit *Curia Suprema*, in quâ res judicantur.

25. Quin nec Senatus appellatio, sicut est in usu communi, magis ad hujus rei, de qua nos hic agimus, quam ad aliarum rerum naturam pertinet; cum etiam cœtus, quibus nostra Senatus definitio (cujus tamen non pœnitet) minus convenit, nihilo secus eadem voce designentur; quemadmodum accidit Summo Venetorum Senatui, quem penes est verè Summa Potestas Reipublicæ, quæ ab hujus loci ratione discrepat & aliena est; cum iidem sint Collegia, quæ Senatus sunt & vocantur, quod ipsum & aliis accidit Optimatum Imperiis; de quo genere universo Collegiorum agere non est hujus loci.

26. Transiamus ad Monarchias, non tam eas, in quibus Principes sunt, id quod Latini veteres hac voce designare solent, Primi dignitate, popularis aut Optimatum.

Optimatum Potestatis Executores, ut Spartæ olim, hodieque Venetiis & in Polonia, cum hæc specie non differant à Liberis Rebus publicis. Sed tales, quæ Summam Potestatem Unicuique tribuunt, ut tamen non penitus à libertate populari vel Aristocratica recedant, sed in quibus pars juris Ordinibus reservata est.

27. Ejusmodi Civitates rectè consulunt, si potius Senatû Nomophylacum Libertatis custodiæ, ut olim Spartani Ephoros, quam unum hac gratia Magistratum, ut Arragonii quondam habuere, *Jusitiam* dictum, & à Philippo II. sublatum, constituant. Ejusmodi autem Collegia merito Senatus appellantur, adscita ab iis, qui hæcenus aut summam Potestatem, aut partem ejus, vel Societatem habent.

28. Unde sequitur, ipsos populorum aut Optimatum Ordines per Legatos suos in tali principatu congregatos, non esse, quod hic dicimus, Senatum, qui Summæ Potestati inservit & ab ipsâ in Consilium adsciscitur; cum nisi ipsam præsentent, exhibeantque Summam Potestatem, vel ejus partem reservatam, si modo vere talis reservatio facta sit: Nam ubi non sunt tales magistratus aut Senatus stabiliti, quos diximus; ut fere desunt in Regnis, ubi Ordinum conventus aguntur; ibi causa dubitandi & inquirendi est; an talis Partitio Summæ Potestatis facta sit.

29. Ipsi vero Principes, quos Summam Potestatem sed non integram accepisse constat, etiam suos & proprie dictos solent habere Senatus, vel Consilia, ut magis appellantur, qui vel quæ adsistant illis in exercitio juris supremi, quatenus id ipsis delatum fuit, in quibus hæcenus nihil est diversi à Consiliis, quæ Reges absolutæ potestatis sibi in omnibus & ad omnia adjungunt.

30. Regno igitur vel Principatu simpliciter & absolute constituto, Rex om-

nia regendi onus sibi uni grave sentiens eget adjutore Consilioque. Stupidus, quia per se non sapit; prudens, quod summum sapientiæ argumentum sit, Prudentiorum uti consiliis; quæ nemo adspersus est, quin eum aliquando pernituerit: Adspersatur autem nemo: quam quod auctoritati suæ putat eo detractum iri, quod aliorum consiliis eget; stulte; cum nihil æque auctoritati expediat, quam quod cives credunt, se consilio Prudentium, non manu, id est, arbitrariâ potestate gubernari; & exteri, quod rem sibi, cum Principe, qui non inpetu, sed consilio regat & regatur, futuram vident.

31. Sunt igitur tales Senatus Adjutores & Consilarii tantum, à nemine, quam à Principe, à quo selecti sunt, dependentes; & in coetum coacti, *Senatus*, inquam, rectè vocantur. Et si à Romanâ Republ. fuit & durat adhuc mos, Consilarios Principum ab ipsis adscitos, non vocare Senatum, sed Consilium; Senatus ut cum respectu ad Rempublicam discernuntur, eadem ratione Senatores à Consiliariis separare solemus.

32. Non caret ea res usu in ejusmodi Regnis, ubi populus aut Optimates separatum jus à Principatu tenent, quemadmodum in Polonia & olim in Daniâ, ubi Senatores Regni potius quam Regis habentur & appellantur, aut appellati fuerunt: Sed in Regnis absolutis etiam manet distinctio vocum, restamen non fert aliam, nisi à Rege dependentiam.

33. Verum tamen est, quod illa distinctio vocum aliquando præbet argumentum, quod olim de Jure non fuerit sic: Quemadmodum in Galliâ Senatus Parisius olim certè non nihil, aut non parum à Regis arbitrio non dependens habuit, idque nec sine interpellatione, postquam Regia vi subactus est, usucapionis aut præscriptionis in con-

tratum, quemadmodum ingenti voce motuque rerum hominumque Parisini Senatores, novissime, præteritis sub Regis ætate minore, contestati sunt.

34. Quærendum est hoc loco, de Conventibus Ordinum in Regnis, quæ Cætica voce *Parlamenta* vocantur; sive Consilia regnantium, an Senatus regnorum; vel potius representantes Ordines, qui Jus aliquod separatum à potestate Regnantium habeant.

35. Decisio pendet à jure delati Imperii, quo simpliciter facto, cum Jus Summæ Potestatis sit omne penes Principem aut Optimates, quemadmodum in *lib. 1. sect. 2.* demonstratum est, Parlamenta non possunt aliud esse, quam cœtus Consiliiarii, ad hoc instituti, ut Civium querelæ certius & tutius ad aures Regum perveniant, majorique instantia & efficacia, malorum remedia quaerantur.

36. Si verò sint Leges fundamentales, quibus jura quædam Imperii non solis imperantibus, sed una cum Ordinibus exercenda faciuntur, jam Ordinum Conventus non simpliciter Consiliiarii, sed Republicæ Senatorii existimandi sunt; Et si propriè loquendo, tum illis non conventat *Senatus* appellatio aut definitio, quem diximus à Summa Potestate consilii causa adscriptum.

37. Et hoc aliquanto evidentius est, si Conventus illi Ordinum, Regibus ipsis antiquiores sint, quemadmodum apud Gallos fuisse Ordinum Generalium consilia docet Hotomanus in *Francia Gallia*, & quemadmodum secus ex historia de Anglis constat, *Parlamenta* diu post occupatum armis belli Regnum, sponte Regum cœpisse convocari, primo quidem Procerum, sive Baronum duntaxat; dein cum hi Regibus præscribere vellent, etiam populi Legatorum, quorum obnoxiiis votis Procerum potentiam & in-

solentiam Reges iurfringerent; ut pote qui Poceribus obliqui Regis auctoritatis prærogativam magis secutari crederentur, ut ad regnum usque Jacobi I. usque venisse constat.

38. Idem juris, quod Ordinum Conventus nihil sint, quam magna Consilia, non Senatus Republicæ, liquidius inde patet; si non nisi à Regibus convocari, nūtuque Regis dissolvi, neque tempus sibi ipsis, quo denuo conventuri sint, definire possint: Ex quo non quidem colligi posse, quod Hobbes vult, ejusmodi Conventus, aut qui ab illis representantur, nihil habere juris, ubi de hoc jure liquet, antea demonstravimus, in *lib. 1. sect. 3. cap. 4.* Attamen in dubio cum de tali jure quaesito non liquet, hæc dependentia Conventus Ordinum, dependentiam juris arguere videtur.

39. Unde, quantum è Regiâ Majestate petatur ejusmodi postulatis, ut Reges certis temporibus illos Conventus indicere oporteat, aut illis aliter convenire fas sit; ut ne semper eosdem, sed novos subinde Legatos, quorum à se non pendeat electio, vocare cogant; vel, ut ne prius eos, quam ipsi consentiant, vel omnibus eorum desideris factis factum sit, à Rege dimittantur; quantum illa juris contineant, obvium est animadvertere.

40. Quemadmodum & hoc; in magnis populorum Conventibus nunquam deesse, qui numero freti, jus Imperii ad Legem Mandati exigere, & jura populorum quam proximè ad statum naturalem redigere student, quod gratum populis plerumque Regnantibus infestis, facile per sui similes & late valideque in animos, inprimis accedente temporum adversitate, diffunditur; unde periculosi motus & vicissitudines enormes.

41. Quâ re factum videmus, ut qui facultatem habent Principes, ejusmodi magnis

magna Conventibus libenter superse-
deant, sicut in Gallia pridem exoleve-
runt; & in Dania cum simplici & here-
ditaria Imperii delatione, mos ille con-
vocandi Ordines populi, nostra me-
moriam, pariter sublatus & extinctus est.
Jure, an injuria id fiat, è constitutione
Imperii & ipsa talium origine Conven-
tuum existimandum est. Nec enim Da-
niæ Regem ad ejusmodi Panegyris jam
teneri quisquam dixerit, Proinde nec
alios Reges, apud quos satis constat o-
jusmodi conventus nihil esse quam Con-
silia, non Societates Imperandi; nihil
adeo, quam Colloquia, quod fuerunt
ab initio, & quo amplius nihil habet
vox *Parlamenti*.

42. Sed ubi vel inde à principio, vel
dein præscriptione temporis immemo-
riali, Ordines populi Societatem & par-
tem aliquam Imperii acquisiverunt, ibi
Reges, etsi tempus inchoandi finiendi-
que ab illorum arbitrio pendeat, omni-
no Congregationes illas abolere vel o-
mittere non possunt; & Cives habent
jus, intermissiones longiores saltem præ-
cipuis interpellandi; præter id quod face-
re possunt, si Principes jura, quæ non-
nulli cum Ordinibus exercere possunt,
soli usurpare instituant, qua de re diximus
in *lib. 1. sect. 3. c. 5. & passim*. Quan-
quam rursus si terminos suæ potestatis
non excedant, ad conventus indicen-
dos, si nihil ea de re Legibus cautum sit,
obstricti non videntur, nec adigi pos-
sunt.

43. Enimvero, tam naturale solitumque
est magnis Coetibus, si de rebus Impe-
rii consulendi sint, adversari actionibus
Imperantium, & magnitudo illorum nu-
merusque tam difficulter subigi vel cir-
cumagi potest, ut quicumque summam
Potestatem simpliciter delatam habent,
vel qui in hoc sunt, ut talem exercent,
quoslibet Senatus magnos, characterem

à Republ. præferentes, si penitus abo-
lere nequeant, à jure publico saltem re-
moveant, & causis privatorum discep-
tandis occupent, adeoque nihil inde
quam Curias Judiciales faciant; ut de
Romano Senatu fecerunt Imperatores. &
de Parisino Francorum Reges, idemque
de aliis, quicumque potuerunt.

44. Denique, eo res rediit, ut in
plerisque regnis absolutæ potestatis, Se-
natus nihil sint aliud quam Coetus con-
silia causa à Principe adsciti, uni-
cè ex lege nostræ definitionis, qui per-
se non habent jurisdictionem aut Impe-
rium ullamve Potestatem, nisi nomine
justique Principis; nec enim Magistrat-
us, sed Ordo sunt, adeoque nec con-
cludendi jus è prærogativa numeri, præ-
sidente Principe, habere possunt: Sed
hic, etsi cum multis, quid fieri debeat,
tractet; quod facturus sit, cum pau-
cissimis, vel secum potius ipse decer-
nere potest, ut Vegetius 3. 26. In
quem usum secretius aliquod, & *Cu-
biculare*, quod vocant, Consilium ad-
hiberi solet.

45. Nec quominus id, arbitrari suo
Princeps habeat, & seorsim consulat,
ulla juris obstatio; tamen quo mi-
nus ejusmodi coetus è Republ. sit, ad-
esse Principi, multa Politici non temera-
monent, de quibus videlicet Lipsium *lib.*
3. Polit. c. 4. Qui tamen nec ipse, tem-
peramentum respuit; maxime, si dotes
illis consiliariis privatissimis adsint, dig-
næ Senatoribus, Pietas, Fidelitas, Ta-
curnitas, Judicium, Constantia cum
modestia, de quibus Politici ac inter
eos Lipsius *d. lib. 3. Polit. c. 4. & seqq.*
consulantur.

46. Scilicet ad Politicam ista, non
ad Jus Publicum pertinent; nisi quod
juridica illis immixta reperiuntur, ut de
pietate; Numquid aliquando fraudibus
auctorem præbere se possit, Lipsio qui-
dem è

dem è tribus unum admittente genus, de quo diximus in *lib. 1. c. 1. n. 16. & seqq.* & id genus alia.

47. Item, An Ecclesiastici inter Consiliarios adhibendi, quos Veneti quidem nullo modo admittunt, vulgato etiam in hanc rem proverbio, *Foras sacris*, ob rationem Politicam magis, quia Pontifici Romano creduntur esse obnoxii. De jure dicendum videtur, non esse prohibitum, illos adhiberi, si cura animarum per occupationem civilem non impediatur. Quod requisitum an tollat ipsam facultatem, pender ab ordine regendi Ecclesias, qui apud Protestantantes minime factus ad ejusmodi mixturam, à Pontificiis inde jam olim ira structus est, ut non penitus ab illo concursu abhorreat.

48. At hæc de Senatu unius Civitatis, vel Imperii dicta sufficiant. Possunt etiam plures arctè foederati habere communem Senatum temporalem, vel perpetuum, quale fuit olim liberis Græciæ populis concilium Arphictyonicum. Et est hodiè foederatis Belgarum nationibus, qui præter ipsos Sociorum Legatos, habent Senatum Ordinum, aliter Consilium Status. Nec abludivit Ordinum Imperii Senatus apud Ratisbonam; nisi forte an hi potius sint, quod dicuntur, Principum & reliquorum *Ordinum Legati*, magis quam Senatus.

49. In quolibet Senatu solet unus esse Præses, vel idem perpetuus, vel ubi libertas major, alii alique pervices, quibus jus est solis referre ad Senatum &

rogare sententias; Et si necesse sunt Senatus, ubi partes quidem rogandi sunt penes natu vel temporis ordine primum, jus proponendi penes omnes, quod Bodinus ita juris esse debere contendit, ut nimis periculosum putet, uni tantum concedere juris, ut præter eum nemo quicquam ad deliberandum proponere possit *lib. 3. c. 1.*

50. Si nihil certi sancitum fuerit, jus Romani Senatus universale videtur; ut Præfides, qui tum Consules fuerunt, aut Prætores, haberent jus rogandi sententias; At cuique Senatori libertas erat, antequam ad rem propositam responderet, in quamlibet aliam digredi causam, de qua ea diceret sententiam, de qua, si haberet consentientes alios, Senatus-Consultum æquè fieri poterat, quam de re à Consulibus relata, uti cum passim, tum ex *Philippico Ciceronis, quæ in Senatu quidem habita sunt*, orationibus conitat.

51. Primo rogari sententias, ætate, loco, dignitate priores, ordinarii juris est. Nec tamen improbandus eorum mos Bodino Laudatus, qui juniores & ultimos primo loco interrogandos consentit itaque usurpant. Tam ne seniorum auctoritate abripiantur, quam ut iudicium ipsi, magis exercere & periclitari discant. In quem finem, præstat etiam ut quisque inde ab initio decisoriè dicat, neque prius Collatio rationum deliberativa instituat, ut quibusdam in locis fit, apto paucorum auctoritati potius; quam æquebili juris administrationi instituto.

CAP. V.

De officiis publicis.

Quid sit officium publicum. Munus quid & quotuplex. Muneris & Honoris discrimen. Munera publica, triplicia. Eos qui officia publica gerunt, esse privatos. Honores quid. Dividuntur in Magistratus & Præfecturas seu Curationes. Quid sit Magistratus, quæsitum, & definitum. Reges non esse Magistratus, non magis quam Magistratus sunt Reges, etsi etymologia à neutro abhorret. Officium Magistratum exponitur, in ordinaria imperandi & judicandi potestate, secundum Leges. Sintne Magistratus, singulæ personæ, an etiam Collegia dentur Magistratum, quod Ass. Divisio Magistratum in majores & minores. Eorum differentia vetus & nova. Rectene Magistratus distinguantur, quod sint Regis aut Regni, latè disquiritur & distinctè respondetur. Alios esse Magistratus Regiminis & judiciornm. An rectè dividantur in Civiles & Ecclesiasticos; Civiles & Militares, quod magis Neg. Divisio in perpetuos & Temporarios; Ad vitam & Hereditarios. Sed jurisdictionem Territorialem non facere Magistratus. Præfecti, Curatores quid, & eorum divisiones. Quatenus eo pertineant Ecclesiarum Rectores, Exercituum, Duces, atque de copula civilis & militaris perpetuæ Potestatis periculosâ. De præfecturis Ordinariis & Extraordinariis, & quatenus hæc sint licitæ. De collatione honorum & nundinationibus eorum.

Leges & Senatus ad Summam universitatemque Rempublicam pertinent. Præter quos, Imperantes, seu populus sit, sive Optimates, vel Reges, Adjutoribus & Ministris, qui officia publica gerant & administrent, indigere manifestum est. Quid est ejusmodi Officium? Est *Munus civile privati hominis, ex quo commodum ad singulos universosque civis, auctoritate publicâ, pervenit, imitatione Pomponi in l. 239. §. 3. d. V. S.*
 2. Primò de genere; Munus, à Festo ita finitur, *Munus, inquit, est propriè, quod necessario obimus, Lege, more, imperiove ejus, qui jubendi habet potestatem.* Estque privatum vel publicum. Il-

lud ex ejus, qui privatim jubendi potestatem habet, auctoritate proficitur, quo pertinet munus liberi erga Patronum. Publicum est, quod à causâ publicâ necessario imponitur, & est hujus loci; quod in definitione dictum est, *Munus Civitatis*, quoniam à lege vel Imperio in civitate stabilito, invitis etiam imponitur, *ἡ ἐπιβουλὴ τοῦ νόμου πάλιν; Negotium à civitate impostum* vocat Dionys. lib. 4.

3. Hæc munera Civitatis, sunt vel munera *regis*, sive, specialiter dicta, vel Honores. Munera prioris generis, sunt *ministeria publica, sine dignitate*, Honores *cum dignitate*. Quæ non habent dignita-

dignitatem, etſi ad hunc locum proprie non pertinent, omitti tamen non poſſunt. Dicuntur autem eſſe trium generum; Perſonalia, patrimonialia, mixta. Perſonalia ſunt, quæ animi proviſione & corporalis laboris intentione exercentur, ad quam ſpeciem non modo referuntur Tutores & Curatores, quibus ex lege vel imperio publico ſuæ functiones imponuntur, ſed etiam kalendarii curaciones & quaſtura municipales, ut Arcadius Charifus tradit in l. 12. *v. de Muner. & Honor.* etſi quaſtura, uti nunc eſt, inter honores potius, cum nec utilitate ſua careant, habeantur. Sed vigilæ nocturnæ & ducatus ordinum in civium cohortibus & centuriis, item Diſconatus Ecclieſtaſtici magis eſt, ut ad hanc claſſem referatur.

4. Hæc de muneribus ſufficiunt. Nam quæ patrimonii impoſita dicuntur, hæc non pertinent; neque mixta, quatenus patrimonialia ſunt, & quatenus ad perſonas ſpectant, è prioribus intelliguntur. Plemus illa tractantur apud Jure conſultos ad Tit. de Munerib. & Honoribus.

5. Ita vidimus, quid ſibi velit, *Munus* in definitione officii publici. Dicitur *Munus Civitatis*; ſive Reipublicæ; quâ voce removentur ab officiis *Munera* quorum adminiſtratio in privatorum rebus & patrimonii verſatur, ut ſunt Tutelæ & Curæ, quas ideo rectè Modestinus negat eſſe Reipubl. munera l. 6. §. 15. *v. de Excusat. Tut.* etſi quatenus auctoritate publicâ invitis etiam imponuntur, ſuo ſenſu *Publica* munera nuncupentur à Juſtiniano in *pr. Inſt. de Excusat. Tut.*

6. Sequitur in definitione Pomponii, *Privati hominis*, quod ad publici juris obſervationem non eſt nullius momenti; ſcilicet, omnes qui officia cujuſlibet generis publicæ gerunt, in ſe eſſe privatos, & quæquæque privati aliquando

Magiſtratus opponuntur l. *ſi privatus* 17. *v. Qui & à quib. man. lib.* reſpectu Civitatis tamen & Principis, à quo officiales æque ac infimi quique dependent, ipſi nihil aliud quam privati cenſentur. l. 6. *de 37. v. de jure Epiſc.* Unde Magiſtratus, contra Summam Potestatem nihilo plus habere juris, quam privati quique teneant, alibi demonſtratum eſt.

7. Reliqua definitionis verba ſinem publicorum munerum, & originem, quod è fonte Summæ Potestatis profluant, ſignificant, etſi non immediate; quare nec in definitione, de Summâ potestate, ſed *auctoritate publica*, designatum eſt; quia in latitudine tot civitatis officiorum, pleraque ab inferioribus Potestatibus conſtituuntur.

8. Hactenus, officiorum publicorum definitio, quæ tam munera, quibus nec emolumentum, neque dignitas continetur, quam Honores comprehendit. Et de his porro videndum. Sunt autem Honores, Minifteria publica cum dignitate; ne de emolumento, quod & plerumque ad eſt, requiſitum addamus. Sed diſtinguuntur Honores, ut videtur, in duas ſpecies, in *Magiſtratus & Curaciones*.

9. Quid ſint ſive Præfecturæ ſive Magiſtratus, exacte dicere, ſatis difficile vulgum & compertum eſt Juris Auctoribus, qua de re prolixè Bodinus in *lib. 3. de Rep. c. 3. & 4.* qui nec ita ſuum Lectorem nimis certum dimittit. Cujacium alioquin optimus definiendi magiſter, Magiſtratum ait eſſe *Perſonam Publicam*, ſere ut Ariſtoteles, *cui publice iudicem & juridiſictio data eſt*; not. ad l. 2. d. O. J. §. 10. Cum tamen Cenſores & Tribuni plebis maxime ſint Magiſtratus, & iudictione careant; Bodinus in *lib. 3. c. 3. in pr.* Magiſtratus, inquit, eſt *Officiarius qui publicam IMPERIUM habet*, addens *Parum refert, quibus verbis, ſi Latine deſint,*

abstinet, statum, modum tenentur; haec tamen bene.

10. Sed non placet, quod perperam Imperium solum, definit Magistratum. Latius enim & in Juris Arte, vel Imperium significat armatam potestatem, vel amplitudinem magistratum, principis populi, cum oppositione ad Magistratus municipales, ut in *Eract. ad tit. v. de Jurisdictione* demonstratum. Atqui nec armata vis Magistratui adaequata est, nec Magistratus municipales ab hac appellatione secludere fas est; praeter quod Imperii vox ita excellenter sumpta, rem minus explicat evidenter & magis. Resolvendo aliorum dicta, nihil agimus, sed ita nos; Magistratus sunt, *Ministri Summae Potestatis, ad eorum vires secundum Leges, in quotidiana imperandi & iudicandi functione, obeundas, ordinaria potestate instructi.*

11. Ministros cum dicimus, ipsam Potestatem summam ab hac definitione excludimus; etiam vulgareum qui *negam* Civitatis habet, ipsamque Regem vocat *summam Magistratum, contra Latinae vocis usum: Nam Romanis Magistratus minorum potestatum nomen est*, ait Grotius de jure S. P. circa *Sacra cap. 1.* respectu Regum scilicet; nam alioqui *Magistratus etiam majores* idem ius habent. Cujacius ad *§. 14. l. 2. d. O. F.* Etiam *Balearic.* addit hic, *Graeci nunquam dicuntur a Graecis, Celsiores sunt Reges Magistratibus.* Et si aliter saepe Theologi, Politici, usum potius vulgarem quam Romanum secuti.

12. Vox equidem Magistratus si consideretur ab etymologia, nihil habet, quod non Regibus ipsis convenire possit; Quid enim magistrorum populorum, illos appellare liceat? Quammodum & Magistratus etymologice Reges vocari possent; à regendo enim nomen in usum optime convenire, quis negat? sed ut verba valent usu, ita Reges appellati Magistratus non ma-

gis Latini est, quam ut magistratus Latine Reges vocentur, quicquid mustel lactatis magistri nobis persvadere velint? Plane, quominus aliquis populus summo Magistratui suo nomen Regis adscribere velit, possit, quis veter? ut Sufferen Carthaginensium vocat Regem Cornelius Nepos in *Hannone*, & Sanothracis suum Theopdam, qui summus erat illis magistratus, Regem appellasse, testis est Livius in *lib. 45 c. 3.* latis indicans; nomen Regum illis improprie fuisse adscriptum, ut Latini quidem usurpant.

13. Magistratus autem non simpliciter Ministros, sed ministros Summae Potestatis diximus; cum alioqui minister saepe Magistratibus opponi soleant, ut M. Cato, cum in viatores, actuarios & scribas animadverteret, vos, inquit, *vestra conditionis meminisse, nec vos Magistratus sed ministros esse, cogitare oportuit*, apud Plutarch. in *Caton. Usq.* Et si verum est, Magistratus quasi Magistros, quemadmodum *Agronis*, ab imperando, esse dictos; & officia magistratum inferiorum, *magisteria municipalia* vocantur apud Sveronium in *August.* Quia Dictator, qui summam potestatem habebat, Magister populi dicebatur, ut Festus in *verb. Optimè Legè.* Haec nihil obstant, quominus veri Magistratus, verè sint Ministri Summae Potestatis, etiam Populi; Magistri singulorum, minores universis.

14. Ex eo quod *Ministri* sunt Magistratus, sequitur & eorum officia partemque singulorum officiorum quae gerunt, semper à Summa Potestate dependere, eoque rationibus reddendis semper esse obnoxios; adeo ut nec praescriptione temporis esse, vel officia sua partemve eorum subducere possint, quandiu scilicet Magistratus se esse profitentur, quod occupatum est in *lib. 1. sect. 3. c. 9.*

15. Officium igitur Magistratum in

Summa est, *vices summe Potestatis obire*. Nam *subordinatus* & actu primo, universum Civitatis regimen ad *negotia*, ad eum cui Summa Potestas est delata, pertinet; sed cum omnibus non sufficiat, in magna præsertim Civitate, mediis opus fuit Adjutoribus, per quos imperia in subiectos exercerent; quo pertinet, quod Rempublicam diximus esse Ordinem Civitatis, qui consistat in regimine Summæ Potestatis & subjectione reliquorum, per medios Magistratus *l. 1. sect. 2. c. 2. n. 17.* Unde quo respectu lidem sint Ministri & Magistri, aliquanto patet evidentius quam modo dictum est.

16. *In quotidianâ imperandi & judicandi functione*: In his enim officium Magistratum, imprimis occupatur. Quippe summa rerum & majora, quæ Majestatis jura dicuntur, Rectores tibi ipsi reservant, de quibus in *lib. 1. sectione 3. c. 6. n. 3.* diximus. Minora, vel etiam executio majorum, & usus eorum particularis ac quotidianus, Magistratibus committitur. De imperando & judicando plura mox *infra*.

17. Additum est, *Secundum Leges*, non quod omnes Magistratus è Legibus datos, ut vult Bodinus, & constitutos oporteat; sed quia in rebus administrandis & functionibus suis obeundis Legum præscripta servare debent. Nec ulla melior & certior est nota Majestatis & Magistratum jura, quæ à minoribus, ex illis sæpe notis haud facile separantur, discernendi; quam quod omnia, quæ Ministerii legum terminos egrediuntur, & ab illarum præscripto recedunt, ad jus Summæ Potestatis referri debent; quæ res exemplis è capite de minoribus Majestatis juribus, quod in *lib. 1. sect. 3. c. 7.* habuimus, illustrari poterit.

18. Dicuntur Magistratus *Ordinarii* potestate instructi; nam qui extraordi-

narias potestates & Imperia accepere, non tam Magistratus sunt, quam ad genus Curatorum, sive, ut hodie loquuntur, *Commissariorum*, de quibus statim agetur, referri debent, ut Bodinus rectè distinguit in *d. lib. 3. c. 2. §. 3.*

19. Quod tamen captari nolim, quasi negemus, in Magistratibus ullo sensu potestatem ordinariam & Extraordinariam distingui posse; quemadmodum in Romanis usu venisse conitat; qui pleraque suæ potestatis obiectum *ex more, propter vim Imperii*, ut Paulus loquitur in *l. 12. §. 1. n. de Judic.* quatenus erant tales Magistratus; Nonnulla facere soliti sunt ex speciali Lege; qua certis Magistratibus quædam partes, ante ab iis alienæ, committebantur, de quibus agit Ulpianus in *l. 1. in pr. n. de Offic. ej. cui mand. est jurisd.* Nam talia postquam Lege certa recens erant permisa Magistratibus, exinde recto sensu, ordinaria dici poterunt; etsi reliquorum, quæ more veteri, hoc ipso, quod Magistratus erant, illis competebant, extraordinaria vocari possint & soleant à Juris consulis.

20. Hæc ad definitionem. Divisiones, rei naturam magis explanabunt, ad quas antequam progrediar, operæ pretium & queri, an quod à Bodino alii-que generis loco in definitione collocatum est, *Personam publicam* esse Magistratum, id rectè à nobis sit mutatum, eo quod hodie pleraque Magistratum officia non à singulis hominibus, sed à pluribus in modum Collegii administrantur. Cui scilicet instituto consentaneum est, singula talium membra Collegiorum, non esse Magistratus, sed ipsi Collegiis hanc convenire qualitatem, quemadmodum & nomen illud vulgo iis adscribitur; ut plurimum Consulium aut Rectorum Consensus appelletur *Magistratus*, etsi neque hodie desint aliqui Magistratus, qui singulare nomen & potestatem, quod olim

Olim ferè semper usu veniebat, gerunt.

19. Unde notabile discrimen Jurisdictionis, quod apud Romanos singuli Magistratus, majores quidem, in jus vocari non poterant, eo quod potestas major non esset, cui se, vocati sistere cogentur: Cum hodiè singuli Magistratus membra majoris Collegii, huic universo subiecti sint, ac ita in jus vocari possint atque soleant.

21. Divisio Summa Magistratum est, in majores & minores, qui apud Romanos Auspiciis discernebantur, ut Gellius tradit in *lib. 3. c. 13.* hodiè secundum plus aut minus momenti, quod singulorum functiones habent in Republ. Quæ res tamen apud Romanos non minus formalem effecit differentiam, quam his diebus efficiant. Auspiciis nihil erant quam hujus diversitatis, quæ unice ad rem perinet, notæ. Summa differentia fuit olim, quod majores habuere vocationem & pensionem, vel utrumque, ut Consules & Prætores, vel pensionem tantum, ut Tribuni plebis. Qui neque vocationem neque pensionem habebant, ut Quæstores ac Ædiles & cæteri, minores erant, docente Gellio *d. lib. 12. c. 12. & 13.* quæ de re nos egimus in *part. 1. Digress. lib. 3. c. 22.*

22. Hic loci non de Romana veteri, sed de qualibet agimus Republ. In quibus majores Magistratus vocare licet, qui Summæ Reipubl. vel integris Provinciis præsent; Minores in municipiis & modicis Jurisdictionibus, minorisque momenti functionibus versantur, quorum enumerationem in universum facere non licet, cum alii sint in aliis civitatibus & Imperiis, tã potestate quam nominibus, & dignitatis æstimatione, quæ sæpe major est, ubi potestas est minor, ut Centura in veteri civitate Romana, Consulatus sub Imperatoribus.

23. Majores Magistratus in Monar-

chiis à multis distinguuntur, quod sint vel Imperatoris vel Imperii, Regis aut Regni, idque non uno sensu; pro cuius varietate, probanda vel improbanda distinctio videtur. Nam si Magistratus Regis esse volunt, qui rem illius Aulicam & patrimoniam curant; Regni vero, qui Reipubl. gubernandæ præficiuntur, hujus distinctionis usum non spernimus, si quis *Officiales* ita dividendos puret; nam *Magistratus*, isti Aularum præfecti non sunt, neque appellari solent, ut quidem Magistratus Latine & juridicè accipiuntur. Hoc sensu igitur illa Magistratum divisio admitti non potest.

24. Præfectis igitur & Ministris Aularum à magistratum appellatione remotis, videamus de Imperio Principum aut Optimatum simpliciter ipsis delato, an ibi locum habeat hæc distinctio; quod si rerum momenta spectentur, negandum putamus. Eo quod in ejusmodi Imperiis simpliciter fundatis, Summa Potestas, cujus ministri sunt Magistratus, & à quâ omnis inferior potestas derivatur, est penes solos Imperantes. Populus autem omne jus suum transtulit ac alienavit, unde nullos à se dependentes habere potest ministros suæ Potestatis exercendæ.

25. Quin etsi in talibus Imperiis usu veniat, quod tamen rarius accidit, ut populus quosdam Magistratus creet, inde tamen non sequitur, hos esse populi Magistratus ab ipso ita dependentes, ut ab Imperantibus, in quos populus Imperium transtulit, non absolute dependant; quia modus eligendi ad jus imperandi nullo modo pertinet, & populus eo casu, more potius & indulgentiâ Potestatis supremæ, fungi videtur electionibus; aut si jure suo, præfecti tamen & electi ab illis, non possunt habere plus juris, quam præficientes &

eligentes; qui ipsi Imperio subditi sunt. habeant.

26. Apparet hoc in Magistratibus municipiorum majoris Imperii, qui multis in locis, ubi Imperium simpliciter est Aristocraticum aut Monarchicum, à populis eliguntur; neque tamen loco populum representant, aut quicquam juris ab iisdem accipere intelliguntur, ut jam *precedente libro sect. 3. cap. 6.* demonstravimus.

27. Idem probatur ex eo, quod modus & facultas eligendi, quibusdam in locis, non penes omnem populum, sed penes certos Electores, aut unum etiam Legatum, seu *Locum tenentem*, ut hodie loquuntur, esse videmus: unde tamen nemo dicit, illos Magistratus esse non ejus, qui habet Imperium Civitatis, sed eorum, à quibus electi fuerint.

28. Dixi autem, si res ipsa spectetur, non verba, vel species inanis; quomodo sub primis Caesaribus Romanis, Magistratus fuisse Caesaris aut populi, origine sumpta ab exemplo Julii Dictatoris, qui Comitibus cum populo divisit, ut quosdam Magistratus ipse designaret, quosdam populus crearet, ut Suetonius testatur; quod sequentes *λέγετο* non tam re quam verbis imitati adumbraverunt.

29. Nam postquam *Lex*, quae Regia dicta est, populo omne suum Imperium & Potestatem in Principes Caesares transfudit, illud jus creandi Magistratus per populum, nihilquam modus eligendi fuit, & *οὐδὲν* *Πολιτικῶν*: qui modus ipse dein fere totus à Tiberio sublatus & abolitus est, comitibus è campo translatis in Curiam, ut Tacitus refert in *lib. 1. Annal. cap. 15.*

30. Mansit tamen etiam postea discrimen Magistratuum Caesaris & populi verbo tenus, quemadmodum fieri videmus, in juris Aetate praesentia, ut se nota-

ta, verborum differentia maneat: Nam, Consules, Praetores, Praefecti & Quaestores erant Magistratus populi Romani & tales habitus sunt adhuc sub Imperatoribus. Praefectus Praetorio, Urbis, Praeses, erant Caesaris Magistratus, sicut etiam Provincias erant Caesaris aut populi, *οὐκ ἴσως*, non *ἴσως*, ut in *Pract. ad tit. x. de Officiis* maxime de *Officiis Pro-consulis & Praefidis* expositum est.

31. Hinc quibusdam visum est negare, Praesidem esse Magistratum, *Hottom. 6. observ. 22.* quia legitur aliquando separatim à Magistratu populi Romani, ut ab Ulpiano in *l. 3. §. 1. x. Quaedam. c. ubi, Magistratus populi Romani, vel provinciae Praeses*. Cum tamen hujus maxime definitio Magistratus conveniat, ut vires Summae Potestatis gerat; Praeses enim habet maximum post Principem imperium *l. 4. x. de Officiis Praef.* Quid autem magis, inquam, ad officium Magistratus pertinet, quam imperium vice Principis ordinarium exercere, *ὡς ἂν δικαστὴρ ἀρχαίων, Imperare vel maxime competis Magistratus*, ut Aristot. *4. Polit. c. 15.* Sed in *d. l. 3. §. 1.* potest etiam intelligi oppositio, quod Magistratus urbani separantur à Provincialibus: In urbe vero populus Romanus est proprie id quod est, in sede dignitatis suae.

32. Denique, hujus distinctionis usus est in Regnis, ubi non totum Jus in Imperantes translatum est: In his enim possunt esse Magistratus, non tantum ad Jus populi, adversus Regum usurpationes custodiendum, populi nomine constituti, quales olim erant Ephori apud Spartanos, & Justitia, dictus apud Arragonios; Sed etiam qui talibus exequendis & administrandis juribus praepositi sunt, quae Regi, non nisi pariter cum Ordinibus populi commissa sunt; eodem plane discrimine affecti, quo

Senatus

Senatus Regis & Regni in talibus Imperiis, *precedenti capite*, distinctos esse diximus, ubi & exempla Polonorum & olim Danorum, in primis etiam in Imperio Romano Germanico & in Britannia magna.

33. Instantibus ad alias divisiones Magistratus sunt vel Regimis vel Judiciorum. Aristoteles addit tertiam speciem l. 3. *Pol. 15. Αρετας*, inquit, *λαττον ποτις, ισους ενοδιδτας βυλευσιος η πειρι λινον, η ανειμα, η επιβλημα, η κελουτο τυτο*, Magistratus dicendi sunt omnes, quibus iusque tributum est, *ius deliberandi, iudicandi & imperandi*, Et hoc quidem maxime; Sed reversa deliberandi officium est Senatorum, qui sunt diversi à Magistratibus. Omnium maxime qui imperant, Magistratus sunt, ut eundem rectè jam modo adfirmantem audivimus; idque cum usu Romano maxime convenit, à quibus Imperium imprimis adscribitur Magistratibus, ut *infra capite de Imperio* videbimus, dum è contra Judices sequenter Magistratibus opponant l. 2. *κ. de Reg. Jur. & Magistratus Officium sit, dare iudices l. 3. κ. de Jurisd. l. 12. §. 1. κ. de Judic.* Intellige Judices datos & delegatos, qui *Podanai* dicebatur, *χαρισθησασται*, Nam alioqui Magistratus etiam esse Judices, qui iure & potestate suà res iudicant, abunde constat, ipso iure Romano l. 1. l. 81. *κ. de Judic. Rabric de Reb. auct. iud. possid.*

34. Divisione Magistratum in Civiles & Ecclesiasticos, carere licet; ut rectè intellecta ferri possit; non quod Sacerdotes in ordinem Magistratum cooptantur. Tero *η (της ιερης) ιεροκλησιας κειναι, κελουτο ποτις ιεροκλειναι. Sacerdotum ergo aliud quid à Magistratibus Reipubl. est dicendum.* Sed quia Summa Potestas Civitatis habet aliquod jus externum in rebus Ecclesiasticis, qui vi abas ejus hac parte funguntur; quorum appellari queant

Magistratus, nihil de jure quidem impedimento fuerit.

35. An etiam in Civiles & Militares admitti potest divisio, ut præfetti Legionum & Tribuni militum sint Magistratus? Ita nos olim, hac ratione, quodcum Imperatoris seu Regiæ Majestatis officium non modo sit, pacis tempore civem regere, sed etiam armis tueri Rempublicam; qui Regiæ vices hac parte servat & implet, huic Magistratum definitio competere videatur. Imperandi etiam vocabulum ad rem militarem vel maxime pertinet, & Romæ plerisque Magistratus juxta Civilem habuisse militarem potestatem, notissimæ proditum est memoriæ. Sed hoc simul constat, armorum potestatem in illos fuisse collatam Lege Curiatâ, postquam centuriatis comitiis creati fuerant Magistratus, ut hæc qualitas à præfectura belli separata fuerit. Ergo militare ministerium ad præfecturas, de quibus statim agetur, referemus.

36. Dividuntur etiam in Perpetuos & Temporarios. Perpetuis, quibus ad æquata vitæ termino potestas deseritur; Et quid si hereditaria sit? Hæc qualitas excedit equidem notissimos Magistratus limites, quod est ministerium personale, semper à Summâ Potestate profuens & ab ea dependens. Nec tamen non erit Magistratus, si ordinaria imperandi vel iudicandi potestas certæ familiæ; modo non fiat hoc jure Territoriale, quod à proprietate Magistratus omnino remotum est, detur. Nam si ipsa Potestas Summa recipit hereditariam qualitatem, cui vicarius ejus eandem nullo modo capere possit, non habet rationem.

37. Modo, quod est verissimum teneatur; Successionem nihil aliud esse, quam juris primævi continuationem in heredes, qui nec plus, nec minus habent, quam ei, qui primus illam potestatem

statem acquisivit, à Summâ Potestate concessum fuit. Etsi verum est, sicut temporis, cum ubique, tum in Jure potissimum, maxima vis est, ita perpetuas & maxime hereditarias Potestates facile ad incrementa juris eniti. Sed hoc politicæ magis est providentiæ quam juridicæ discreptionis.

38. Imperia tamen & Potestates, quæ jure territoriali quibusdam familiis hereditario successione ordinem tribuuntur, ut ex instituto Feudali per omnem fere Europam hodie receptum est, Magistratus vocari non possunt; quia Patrimoniale jus à Magistratus definitione toto genere est alienum, nec eam recipit à Summâ potestate dependentiam, qualem expedita facultas regendi civitatem in ministris, ipsius vice fungentibus, requirit. Etsi verum tamen est, exercitium illius potestatis subjectum esse Legibus & Imperiis à Summa Potestate proficentibus; ipsosque Judices hereditarios & Territoriales, rationibus illi reddendis obnoxios esse; quoniam unitas Reipubl. nullo modo patitur, ut ulla potestas, præter eam, quæ *τὴν πόλιν* habet, *ἀνεπίδητον*, nullis subiecta rationibus existat.

39. Quemadmodum & tota Magistratus definitio; quod Minister Summæ Potestatis, quod locum ejus tenet, sive quod vices ejus gerit, indicat, nulli quamlibet maximo Magistratui, jura sibi data, vel ullum delatum competere independentem, ab eo, qui illum constituit & creavit, quâ de re superius in loco de Imperio transactum est.

40. Cæterum, expedit ne temporarios, an vero perpetuos & imprimis Hereditarios habere Magistratus aut Præfectos, est, inquam, *σκιμμοπολιτικόν*, ad utilitatis potius, quam ad juris rationes pertinet, fere inde pendens; An continuatio temporis, notabile Summæ Potestati,

seu Populus, sive optimates, sive Princeps eam teneant, præjudicium creare possit, quod à cujusque Reipubl. & Potestatis consideratione pendet.

41. Sed quis Magistratus à Præfecturis antea separavimus, de his quoque scortim paucis agendum. Qui functiones honorificas à Magistratum officii distinctas obeunt, hi Curatores à Bodino, vel præfecti appellantur, *Ἐπιμετριοὶ* vocat Aristoteles *d. l. 4. c. 15.* quam facit duplicem ἢ *παίσιον* ἢ *πολιτικόν*, ἢ *τῶν μίσης*; universalem aut particularem. Utraque sacra vel profana; & hæc militaris aut civilis; denique & ordinaria vel extraordinaria dici potest. Videamus singulas species, & in omnes extra confinia Magistratum manant, animadvertamus.

42. *Ἐπιμετριοὶ*, sive Curatio sacra, pertinet ad Rectores Ecclesiarum, qui cum duplex habeant jus, unum à Christo domino ipsi injunctum, alterum à Summâ Potestate dependens, neutro tamen respectu Magistratus sunt, *ἀπὸ ἐπιμετρίας*. Sed aliquid inde bene oiverim, ut supra ex Aristotele audivimus. Quippe Jus internum *τῶν ἰσῶν ἢ ἐκκλησιαστικόν*, cum à Potestate civili non sit, hinc sponte est alienum. Externum jus *τῶν ἕξω ἢ ἐκκλησιαστικόν*, est quidem à Principe & ejusmodi, ut per alios exerceri possit: Attamen non pertinet ad ordinatum imperan- & vel judicandi munus, quod in Magistratus definitione collocatum est.

43. Igitur sacra Curatio, vel est universalis in unâ Rep. ut in Angliâ Archiepiscopi Cantuariensis, & in Palatinatu Senatus Ecclesiastici Electoralis, apud nos Synodorum & Delegatorum Synodaliū; vel particularis. Pastorum & Seniorum cujusque Ecclesiæ, vel plurium in Classes congregatarum; quatenus certa forma Consistorialis & Classialis ordinis sine influxu Summæ Potestatis haberi non po-

non potest. Dicerem, aliquando Jus Ecclesiasticæ & civilis præfecturæ concurrere; sed hoc magis summis Potestatibus, ut in Pontifice Romano & olim in Cæsaribus Romanis, etiam Summis Populi Judaici Sacerdotibus usu venit, quam in præfectis inferioribus: Et si tales fuerint Episcopi in Germania, Saxonibus aliisque recens victis sed indomitæ tumentibus ferocia populis, à Carolo Magno præpositi; ut mixto Religionibus Imperio facilius advescerent atque mitescerent. Unde postea principatus Episcopales, quibus sola Gentium abundat Germania.

44. Profanz, ut dictum, Præfecturæ sunt primo, Militares, quæ similiter universales sunt aut particulares. Prioris generis est, *στρατηγικὴ, στρατιωτικὴ*, ut Aristoteles, Imperator exercitus, qui licet imperet, non est tamen ordinaria potestas: Nec enim semper habetur Exercitus, nec idem semper exercitui præest. Quod si consultum ita fuerit in aliqua civitate, ut idem à Summa potestate perpetuo exercitui præficiatur, difficile dictum est, cur non idem Magistratus sit dicendus: quomodo Præfectus prætorio, qui militibus præerat, sine dubio Magistratus fuit; et si hic quoque civilem Juris dicendi potestatem conjunctam habuerit, ut Juris auctores in *Tit. D. & C. de Offic. Præf. Præf.* docent.

45. Quemadmodum & Comites Stabuli olim in Anglia & in Gallia, æque pro Magistratibus habitati fuerunt. Idemque Belgæ fœderati in suis Præfectis observant: Et hi quidem soli utramque civilem & militarem potestatem adhuc in iisdem ordinariè & hereditariè continuarunt. In reliquis omnibus Imperiis jam pridem separatæ sunt potestas militaris & civilis, sicut, à Constantino Magno factum in Præfectis Prætorio: Vel

perpetua in milites Imperia penitus extincta, & in extraordinarias præfecturas commutata sunt: quod tentatum aliquando à Belgis ætatem non tulit, adversante nativa Reipubl. constitutione, singulari admodum exemplo.

46. Particulares præfecturæ militares quæ sunt, ultro patet, earumque late patet varietas, tam vetere, quam recentiore disciplina; sive aliquis militiae totius provinciæ cujusdam, majori Imperio; sive Legioni, sive cohortibus, aut etiam centuriis præficiatur; quorum gradus & appellationes hic recensere, nihil ad hanc rem attinet.

47. Quod diximus esse Curationes & præfecturas etiam Ordinarias, vel extraordinarias, minus obvium habet intellectum, de quo Bodinus hoc tener discrimen, quod Curationes extra ordinem omnes, Magistratus ordinario jure constituuntur. Sed nobis hæc ratio constat, quod Magistratus sunt, ut Aristoteles rectè, quibus imperandi & judicandi potestas ordinaria competit; multi autem in Civitate reperiantur, præfecti & Curatores ordinarii, quibus nec imperium, nec jurisdictio adscribi potest: ut sunt Advocati & Procuratores Fisci, Curatores Ærarii, præter Quæstores, qui Magistratus sunt; Scribæ secretorum, quos amplo satis ministerio Secretarios vocant, & id genus alii innumerabiles, qui nec Imperium nec judicandi potestatem habent, ideoque Magistratum in numero haberi non possunt.

48. Quibus autem Imperium, vel judicandi potestas extra ordinem tribuitur, hi nec ob ordinariæ potestatis defectum Magistratus appellandi sunt; quin nec raro de illis quæritur, an jure constitui possint, quando periculosas ac odiosas ejusmodi creationes haberi, omnium fere temporum & civitatum usu compertum

est. Decisio pendet à statu cujusque Reipubl. Legibusque singularum fundamenta- libus, quibus si adferentur Extraordi- nariæ Potestates (contra quas, se bellum gerere Brutus ad Ciceronem scribens, adfirmat) sine dubio improbandæ sunt. Imperio alioquin & Summâ Potestate simpliciter constituta, si non lateant ar- cana dominationis, quæ sæpe in illis in- sunt, nihil est, quo videri possint exce- dere, vel jus populi in Democratiâ, vel optimatum, vel Regum potestatem. Exemplis quæ ubique sunt obvia, absti- nemus.

49. Cæterum, Magistrarus, Præfe- ctos & Curatores creati ab Imperanti- bus supremis, ipsa res loquitur & sæpe dictum est, utique majores. Nam quo- minus inferiores Summa Potestas per Ministros suos creati curet, de jure quidem nihil obstat.

50. Sed digni, an indigni, gratis an pre- tio functionibus suis præficiantur, poli- ticè quidem & interni juris respectu in- terest multum; sed externâ facultate pa- rum aut nihil refert; nisi quod ministri hæc causâ rationibus reddendis atque pœnis sunt obnoxii. Inprimis si pretio- nondinentur officia Reipubl. Quod ratio vult, haud minus illicitum esse in plu- rium Imperiis, ubi dispositio de pleris- que Reipubl. muneribus committi solet Collegiis à Summâ Potestate delegatis; quam si in Monarchiis idem à ministris fiat. Nec aliud in singulis ejusmodi col- legiorum membris obtinet, quam ut sordium convicti, Repetundarum, quomodo hoc Crimen in Jure Romano vocatur, teneantur.

51. Ratio prohibitionis, præter in- ternam turpitudinem, est hæc manife- sta; quod cujus rei quisque tantum or- dinandæ gratiâ constitutus est, absque proprietate, vel fructu, & usu, de hac pecuniariam utilitatem nullo modo per-

cipere possit: talis autem est sine dubio potestas conferendi in idoneos homines munera Reipubl.

52. Verum ut hujus rei disputatio non magnam habet difficultatem juris, ita jam pridem illa tempora vivimus, in qui- bus nulla parte morum evidentius est, corrumpere & corrumpi seculum vocari; quæ de re post tot inrita legum ex- perimenta, valde otiosum ac inutile fuerit queri. *Horatius;*

Quid Tristes querimonia

Si non supplicio culpa reciditur?

Quid Leges sine moribus

Vana proficiunt? quis veterem audeat

Refrenare licentiam!

53. Proinde cum desperata sit hac in parte seculi emendatio, non immerito queritur, numquid hujus rei tanta sit turpitudò, ut nefas sit, Potestates Sum- mas in usum Ærarii publici convertere pretia Honorum, quæ alioqui certissi- me vident, à ministris suis occupatum iri; ut quibusdam in locis fieri vidimus & videmus.

54. Dicendum in Thesi, Rempubli- cam vehementer quidem hoc instituto dehonestari, & virtuti, cui sæpe comes paupertas, aditum ad honores, quo nihil injustius, præcludi: in hypothesi tamen, si mores adèò sint corrupti, ut sordibus nullo modo privatim abstineri queat, fieri potest, ut nec Civitas pec- cet, quod publico quæritui Procerum avaritiam eludat. Idque longius extra reprehensionem collocatur, si publica necessitas hac ratione, Patriæ bono & civium levamento consulendum di- ctet, ut Venetiis aliquoties factum legi- mus & meminimus.

55. Quin eò res deductæ sunt, ut in plurium Imperiis, ea res optanda magis, quam speranda videatur, prævalente singulorum cupiditate reputationi com- munis utilitatis; dum semper ut injustum

pro-

prohibetur: & jurisjurandi religionibus sancitur, quod flagrantissimè exerceatur. Si est malum, quod Respublica vendit officia sua, potius quam ut à Ministris vendantur aliena; quemadmodum id esse malum, non potest negari; pertinet ea res ad locum communem de malis necessariis, & de minoribus malis permittendis ad evitanda majora, quod exemplo divortii Judæis ob *σκληρογρηθου* suam permitti. & libelli traditione sancti, forte & forte potest defendi.

56. Quod tamen eo usque nolim extendere, ut etiam de pecuniâ pro suffragio vel aulicorum in Monarchiâ, vel Regentium singulorum in Polyarchia, danda exigendâque Lex feratur, aut actio detur; quanquam ejusmodi Constitutio extat Imperatoris Justiniani in *Tit. C. de Suffragio*; quam Eunomise difficulter approbare poterimus, ut, ubi nos eo perduxerit ordo videbitur.

57. An hi, quibus datum est jus, honores & munera publica conferendi, ex pluribus Candidatis haud ineptis omnibus, aliquem minus idoneum ex gratiâ eligere possint, haud etiam de nihilo quaeritur. Non consistit equidem in puncto aptitudinis aestimatio: Et si nulla

prægnans utilitatis publicæ ratio secus flagitet, idoneum eligendo, Reipubl. officioque suo satisfacere videntur; Adeoque res pertinet ad locum, de rebus licitis præ magis laudabilibus, licitè instituendis.

58. Juris quoque ratio non prohibet, unum civem pluribus officiis & honoribus fungi, modo functionibus omnium par sit implendis. Sed an expediat, honores ita cumulari, Politica quaestio, & arbitrato cujusque civitatis Rectorum terminanda fuerit.

59. Spectant etiam ad Politicam hæc Quæstiones; Utrum senes, an juvenes, divites an pauperes oporteat esse Magistratus, Plebeji cum patriciis, advenæ cum indigenis admittendi. Item quanta potentia cuique Magistratui tribuenda, Perpetuum an temporarium jus illos habere præstet, & id genus alia. Invitos etiam ad Magistratus capiendos cogi posse, ubi res ita postulet, juris ratio dubitare non patitur; Etsi hoc usum magis habet in muneribus propriè dictis, quam in honoribus & dignitatibus, quibus raro fit, ut desint homines & Candidati.

C A P. V I.

De Jurisdictione & Imperio.

Potestatem Magistratum esse duplicem, Jurisdictionem & Imperium. Quæ ut Jure Civili discrepent, in hac Arte conjungenda videri. Quid sit Jurisdictio & ejus homonymia. Definitionis per singula verba expositio. Discrimen ejus à Notione & Audientiâ. & quibus hæc competant. Divisio prima Jurisdictionis, in ordinariam & Extraordinariam, aliter ac Jure Civili, exposita. Secunda divisio in Politicam & Judicalem; Improbatur divisio in Civilem & Ecclesiasticam, etsi ab usu non aliena. III. Divisio, in Universalem & Particularem exponitur. Minus probatur alia in Allodialem & Feudalem. Meliorem esse in Personalem & Realem, sive Patrimonialem. Alia, in voluntariam & contentiosam: Hæc iterum in Civilem & Criminalem, quæ & Merum Imperium; A quo mixtum quid differat Jure Civili. Guilloti & D. Schotani de Jurisdictionis & Imperii discrimine sententia. Cavendam esse Meri & Summi Imperii confusionem. Divisio Jurisdictionis in propriam & Alienam, & hujus iterum in Mandatam & Prorogatam, earumque expositio & censura. Modi quibus finitur Jurisdictio & Imperium, Mors, Tempus, Abdicatio, Exauctoratio, & quatenus hæc jure fieri possit. Præscriptionem hic non habere locum.

Officium Magistratum consistere in imperando & in judicando *supra* demonstratum est: Unde potestas eorum duplex, Jurisdictio & Imperium, de quibus apud Juris privati Interpretes, agi quidem solet; At cum materia sit directe publici Juris, hic nihilo magis omitteri potest; eodem à nobis servando temperamento, quod in aliis capitibus parallelis observatum est, ut Juris publici Universalis majorem, quam Civilis Romani rationem habeamus: Etsi quod in eo traditum extat, hic nobis exempli viam non Legem præscribere possit & debeat.

2. Primo omnium, quod Juris Romani Conductores de Jurisdictione & Im-

perio seorsim agere instituerunt, id nobis & hodiernis populorum moribus usu venire non videtur; Sed ut hæc separatio multam in Arte ac interpretatione Juris civilis infert difficultatem, ita conjunctionem nobis hic utiliore & commodiorem, denique rei naturæ officioque magistratum, ut nunc habetur, magis convenientem fore prævidemus.

3. Imperium igitur, ex ratione Juris publici, sic inest Jurisdictioni, ut partem ejus faciat, adeoque Jurisdictio tam latè pateat, quam jus dicentis officium, quod ut Jure Civili insolentius visum iri, non ignoramus; etsi nec desint, qui ipso jure civili, sic esse putant, ut vidimus, in *Ennom. ad l. 3. §. de Jurisd.* sic universali Jure publice

publico nullā habet difficultatē. Separatio Imperij & Jurisdictionis inde Romanis sedisse videtur; quod olim Magistratus creati centuriatis Comitibus, Imperium id est, Potestatem armorum lege Curiatā seorsim accipiebant, ut docet Sigu-
nius 1. *de jur. Civ. Rom. c. 21.* quod à præfectura exercituum ad quotidianam Magistratum administrationem translatum, eodem modo se non habet in aliis Civitatibus, nec in nostris ullum inter Jurisdictionem & jus dicentis officium discrimen observatur.

4. Definatur hoc modo Jurisdictio, quod sit *De causis Cognoscendi, judicandi, judicatisque exequendi potestas.* Separandæ sunt ab hoc sensu, aliæ quædam hujus vocis significationes, ut cum Jurisdictione pro summa Potestate sumitur, quemadmodum in illo Senecæ 1. *de Clem. Quæ ruant urbes, quæ oriuntur, mea Jurisdictione est.* Sæpe etiam subjectivè sumitur pro regione certâ, quatenus per eam jus dicitur, ut hodie frequentissime fit; etiam Plinius ita, *lib. 5. nat. Hist. c. 20. Ab eâ Doris, ait, incipit, sed primis terga & mediterraneas Jurisdictiones indicasse conveniat.*

5. Per *Causas* intelligimus hic omnia, de quibus inter homines disceptari potest, non modo quæ ad jus privatum, sed etiam ad publicum spectant, adeoque tam latè patet *Causa*, quam Magistratus aut jus dicentis officium. Nec enim potest esse Magistratus, cui non jus cognoscendi & decidendi lites ad officium suum pertinentes competat, sive ad patrimonialia civium privata, sive ad *Ærarium*, ad Tributa & vectigalia morumque censuram, aliave rei publicæ vel privatæ negotia spectent.

6. *Cognoscendi & judicandi* hic non debet restringi ad Tribunal & ordinariam *Fori* triturationem, quæ est Judicium; nec enim hi soli sunt Magistratus, aut ha-

bent, Jurisdictionem; sed omnis inquirendi, audiendi, decernendi & cogendi potestas; quam habere Magistratus, tam politicos vulgò dictos, quam judiciales, hisce verbis intelligitur.

7. Exequendi facultas Jurisdictionem separat à Notione vel Audientiâ, quæ est cognoscendi & judicandi facultas, sine exequendi potestate; qualis erat olim Judicum Pedaneorum, & est hodieque, Delegatorum, qui à Curis Judicumque Collegiis dantur, ut vel causam cognoscant, partes & testes audiant, omniaque ad causam in *statum visionis*, ut loquuntur, deducendam pertinentia, peragant, Decisione dein à toto Collegio faciendâ; vel etiam ferant sententiam, Executione à collegio toto impetrandâ.

8. Tales etiam sunt Judices Collegiorum & Universitatum, quæ in Civitate certis hominum ordinibus, ut mercatoribus ac Artificibus conceduntur; qui res utiles ad professionem suam pertinentes judicant, executionem vero à Magistratibus petere debent: quemadmodum & Academiarum Rectores & Domini, quos vocat Fridericus Imperator in *Authent. Habitâ*, qui non habent executionem rerum à se judicatorum, ut res se habet in Gymnasiis, ac etiam in Academiis, quæ totæ à certis Civitatibus pendent, ut in Belgis Ultrajectina; ubi proinde Rectores non sunt Magistratus; secus ac in plerisque Universitatibus Studiorum, in quibus Jurisdictio est, cum Imperio penes Rectores & Judices.

9. Denique, Rectores Ecclesiarum huc etiam pertinent, quibus data est notio, de rebus ad Fidei confessionem & Censuram morum pertinentibus, absque ulla Executione se foras exercente. Justinianus Imperator Ecclesiasticam illam notionem vocat Audientiam

triam. Quis etiam privati consentientes, ejusmodi notionem dare possunt Arbitris compromisso electis, qui sententias ab se pronuntiatas definunt esse quod fuerunt; Executione ab ordinariis petenda Magistratibus.

10. Satis ad definitionem. Sequatur Divisio, quæ non una se præbet. Summa sit hæc, quod Jurisdictio sit vel Ordinaria, vel extraordinaria. Dicimus ordinariam, non quæ competit Magistratibus quæ talibus, sed etiam quæ ex lege speciali ipsis, ordine tamen perpetuo, competit. Nam quod talia jure Romano ab ordinariâ Jurisdictione separantur, Jure Gentium hodierno nullum habet usum.

11. Extraordinaria Jurisdictione competit Præfectis, Judicibus extra ordinem à Summâ Potestate constitutis, ut olim erant Dictatores, vel potius Præfecti Urbis, feriis latinis, imo omnes qui forte Judices legebantur; & hodie, quoties id ex usu Reipubl. videtur; etsi quam minime frequenter id fieri satius esse, docet usus rerum magister. Sæpe sunt Dominationis, aut factionum prævalentium productiones; ut Senatus tumultuum in Belgio sub duce Albano, & Cûria Summa feralis Angliæ anno 1649. aliæque alibi locorum.

12. Utraque species & maximè ordinaria est vel Politica, vel Judicialis. Illa, quæ in rebus ad jus publicum spectantibus, sine forensi strepitu; hæc, quæ in privatis de meo & tuo controversiis & formâ solenni in Foro exercetur. Utraque tamen in causæ cognitionibus, in judicando & exequendo versatur: Illa per Legatos & Præfectos Summæ Potestatis, Reipubl. regimini præpositos; hæc penes Judices, seu singulæ personæ sive collegiæ sint, ut hodie plerumque usu venit, consistit. In Jure Romano hæc divisio instituitur, cum jus illud Politicum non tractet.

13. Tertia divisio Jurisdictionis fertur, in Civilem & Ecclesiasticam: Sed hanc occupavimus & removimus, eo, quod Ecclesiæ nullum competere Imperium, id est, vim coactivam armatam, sine qua non est Jurisdictio, sed Notionem tantum & Audientiam, intelleximus: Unde, si quis communem loquendi modum sequi malit, & Ecclesiasticam Notionem vocare Jurisdictionem, servare tamen potest & debet, quod in rei veritate est inter has species discrimen. Enimvero si quis excommunicationem, suspensionem, Abdicationem similesque pœnas ab Ecclesiis infligi solitas ad Imperium referre velit, arbitrato suo loquetur; cum nihil sint quam sententiæ, quarum executio sine ope Civilis Potestatis, quæ adhibet Imperium, haberi non potest. Ita secundum veram Ecclesiæ jurâ, lib. 1. sect. 5. expositum est.

14. Sed Pontificis Ecclesiæ latè diffusa potentia & independentia fecit, ut hæc divisio, forte carere non liceat: Etsi tamen & hæc ipsa in Executionibus facti, & quæ ad Imperium proprie dictum pertinent, brachium seculare, quod appellant, implorare cogatur, cum ultra depositionem & excommunicationem, quæ nihil sunt, quam Pronuntiationes & sententiæ, in quibus absolvitur Notio, nihil habeat Ecclesiæ, quod ultra, per Imperium suum exequi possit. *c. cum non ab homine x. de judic.*

15. Sed divisio Jurisdictionis in Universalem, & Particularem est *subjectiva*, respectu territorii. Universalis, quæ per Univerfum Imperium extenditur, ut est Magistratum Regni vel majoris Reipubl. tam Politicorum quam Judicialium, quales olim erant Consules, dein Præfecti Prætorio, & quovis in Imperio Magistratus vel Curie totius Regni.

16. Jurisdictionis particularis iterum est, vel Provincialis vel municipalis. Provincialis

cialis (voce populariter, non antiquitus latinè accepta) quæ per regionem sive partem Imperii majorem patet, qualis erat Præsidium & Proconsolum, & est hodieque Præfectorum cujusque Provinciæ potestas in Regnis. Municipalis est in singulis Civitatibus majoris Imperii membris, aut etiam in pagis, seu singulis vicis, sive plurium vicorum complexibus & Territoriis. In minoribus Imperiis; quæ vel provinciis vel etiam municipiis carent, hanc puta cessare distinctionem.

17. Non est etiam necessaria divisio Jurisdictionis in Allodialem & Feudalem, vel quam addunt aliqui, Venatoriam sive Forestalem. Siquis in tot partitiones abire vellet, quot sunt in Jurisdictionis materia diversitates, finem vix haberet. Allodialis tamen & Feudalis distinctio factis est generalis & notabilis; etsi pluribus in locis apud eandem Curias habetur, & sicubi Feuda non extent, ponitur cessat.

18. Præteriri quoque non oportet, divisionem Jurisdictionis in Personalem & Realem sive Patrimonialem, quæ cum Feudis late diffusa in ipsam quoque Allodiam invasit. Sicut enim, ubi Feuda non sunt, hæc quoque Jurisdictio patrimonialis non reperitur, ut, in Angliâ & in Frisiâ utraque res ignoratur; ita factum videmus, ut Imperatores, Reges & Principes, non modo prædia, sed & majores quandoque ditiones in Feudum erogarent, cum Jurisdictione & Imperio in populos ejusdem dittonis; Ita, ut Vassalli habeant Jurisdictionem in personas & bona civium patrimonialem: quæ perinde potest alienari, & in heredes transferri, ac ipsum Feudum, si tale sit, ut recipiat alienationem.

19. Quares, ab Officio Magistratuum, superius definito ministerioque à Summa potestate semper emanante ac ab eo dependente, vehementer aliena, ideo-

que à Jure veterum populorum Græcæ & Latinorum penitus abhorret, ita nunc, ubi Feuda non sunt, ut diximus, æquè ignoratur: ubi vero reperitur, ibi tamen ejusmodi Jurisdictionis non facit Magistratus, ut præced. cap. jam observatum est.

20. Transeamus ad divisiones, quæ terminis officii Magistratuum melius continentur & Jure Civili notiores sunt. Ita Jurisdictio est, Voluntaria vel Contentiosa. Prior, quæ inter volentes, sine strepitu contradictionum exercetur; quo pertinet Adoptio & Emancipatio Liberorum, omniaque de quibus cum partes inter se consentiant, volunt tamen habere, vim rei judicatæ: Quæ gratiâ Magistratus adire possunt, volentes certo modo, quem inter se constituere, condemnari, idque dein executionis vim inavito scilicet altero ab Imperio Magistratus consequitur.

21. Contentiosa Jurisdictionis recte dividitur in Superiorem & inferiorem, hoc est, in Criminalem & Civilem. Criminalis est eadem, quæ à Romani Juris Auctoribus Merum Imperium vocatur, & definitur, Gladii potestas ad animadvertendum in facinorosos l. 3. *de Jurisdic.* Ratio, cur hoc Imperium appelletur Merum, est quidem peculiaris Juri Romano, propter oppositionem ejus, quod Mixtum vocatur, sed tamen in usum Juris Universalis non minus propter rei proprietatem, quam Juris civilis imitamentum, invaluit, ad hoc; ut à Jurisdictione simpliciter dicta separetur, nec competat Magistratus qua tali, nec etiam vi legis, quæ Jurisdictionis certæ personæ vel Ordini tribuitur, sed opus est speciali mentione Legis aut constitutionis, vel decreti Summæ Potestatis, qua Jurisdictionis Criminalis aut superior, sive *Alta*, quam vocant, vel Merum Imperium specialiter exprimat.

22. Quis

22. Quia, tametsi Jus vitæ & Necis reverà sit distinctum à Jurisdictione Criminali; cum illud è Juribus Summæ Potestatis sit, comprehendens etiam Jus remittendi poenam mortis, aliamve graviorem, & aliquando sine causæ cognitione, puniendi; est tamen hæc potestas, de capite civium decernendi, & sanguinem effundendi, tanta, momentumque habens adeo prope ad Summam Potestatem accedens, ut nonnisi nominatim expressa, cuiquam data videatur, idque non immerito, ubique receptum videmus.

23. His divisionibus perfuncti, non opus est, de Imperio seorsim ut agamus: Scimus in Jure Latino id esse duplex, unum quod Mixtum vocatur, & est potestas adjuncta Jurisdictioni, ad effectum ejus, vi cogendi & coercendi comparata, quod ideo mixtum Romani vocarunt, quia sic inest ordinariæ Jurisdictioni, ut nunquam ab eâ separari possit, & tamen ut facultas à Jurisdictione separata consideretur; quæ res ut multas in Jure Civili subtilitates & controversias parit, ita nobis ad usum & facilitatem hujus doctrinæ admodum prodest, quod Jurisdictio & hoc Imperium, quæ sunt in Jure Latino, res eadem in concreto; pro iisdem ita sumere licet, ut nec unum ab altero definitionibus abstrahi necesse sit, ipsumque merum Imperium idem cum Jurisdictione Criminali statuere liceat.

24. Si quis tamen huic advetus distinctioni & proprietati vocum, in hoc sit, ut Jurisdictionem ab Imperio verbis & sensu recepto dividere velit, huic ego commendatam velim interpretationem Guñlori & Schotani, quam ex hypothesis juris Romani, in *posit. ad tit. v. de Jurisd.* probare non potuimus: Jurisdictionem esse potestatem cognoscendi & judicandi jure Magistratus, aut sal-

tem à Summâ potestate commissio, tam in Criminalibus, quam in Civilibus. Imperium esse potestatem exequendi judicata, mixtum in civilibus, merum in criminalibus; nam hoc in Imperio Mixto, Jure Civili procedit; sed merum; etiam continere de causis cognoscendi & judicandi facultatem, palam est, ex *l. 2. §. 23. v. de O. Jur. l. 6. in pr. v. de Off. Procons. l. 1. §. 4. d. Præf. urb. l. 1. in pr. d. Off. ej. cui mand.* Verum in hac disciplinâ, quæ non est adstricta terminis Artis Romanæ, nihil est commodius illâ Imperii explicatione, quâ fiat ut à Jurisdictione non distinguatur, quod cur plane faciendum sit, causam nullam videmur.

25. Id vero nec opus est admoneri, male veteres Juris Interpretes, præeunte Bartolo, ad Imperium merum, id est, Jurisdictionem Criminalem, retulisse potestatem ferendi Leges & indicendi vestigalia; quod est enormius, quam Jus vitæ & æccis, quod alii multo Bartolittis cultiores errant, non distinguere à Jurisdictione criminali. Utrisque videtur imposuisse *meri* vox Imperii, quod aliquanto facilius cum Jure Summæ Potestatis, quam Jurisdictio criminalis confunditur; ut usu venit plerisque Historiæ Græco-Latinæ Interpretibus, qui Græcas voces *ἀρχή*, *ἀρχαῖος*, quibus *τὸ κράτος* in Republicâ significatur, sæpe per merum Imperium interpretantur.

26. Solet etiam dividi Jurisdictio in propriam & Alienam, & hæc iterum in Mandatam & Prorogatam. Sed qui accuratius loqui velit, has non ut species, sed ut modos, qui accidunt Jurisdictioni, considerabit. Proficiscitur enim omnis Jurisdictio & Imperium à Summa Potestate, licet modus eligendi & constituendi personas jurisdictione fungentes sit aliquando penes ministros & inferiores.

27 Non

27. Non est Jurisdictio; quæ causam habet, mandatum ipsius Magistratus. Et si hanc vocant Mandatum vulgò Jurisdictionem, quando Magistratus alium rogat, ut is suis vicibus fungatur, etiam privatam. Est enim hic modus exercendi jurisdictionem per substitutum; Eaque tum Jurisdictio non Mandatarii, sed mandantis est; idque more peculiari Romanorum. Vix enim est, ut his diebus qui Jurisdictionem habet, eam alii privato dem. dare possit; Substitutiones quidem fiunt Collegarum inter se, verum ut alii non Magistratus in tribunal ascendant & jus dicant, à lecta temporis abhorret, idque juri publico non paulo præ more Romano convenientius est.

28. Magis igitur est, ut omnis Jurisdictio, quemadmodum & Imperium, sit propria Magistratibus, sine facultate mandandi; proprietate sic intellecta, quemadmodum fert natura negotii, non ut proprium dicitur, quod est in patrimonio; Sed quod datum est ab eo, qui jus dandi habet, id est, proprium in hac materia; Proinde, qui jurisdictionem & Imperium habet, à Summa potestate, non alieno beneficio, hic propriam dicitur habere potestatem *l. 5. n. de Jurisdic.*

29. Quod cum æquè de Mero Imperio, live de Jurisdictione Criminali, quam de civili prædicetur, nimis aberravit à vero hujus rei intellectu Henricus VI. Imperator, qui Bononiæ electus Arbitrator sponcionis inter Azonem & Lotharium Jurisperitos, decidit secundum eum, qui Magistratus merum Imperium habere tantum usu & exercitio, non proprietate contenderat. Nam aut idem de Jurisdictione civili tenendum est, aut si hæc est propria Magistratibus, etiam merum Imp. iidem æque proprium esse oportet; quæ de re pluribus actum in *Prælect. ad tit. n. de Jurisdic.*

30. Quod attinet ad prorogatum Jurisdictionem, et si nos hanc etiam loquendi & partiendi viam, in Jure Romano sequimur, dicendum tamen quod res est; hanc minime speciem novam facere Jurisdictionis: Sed esse aliquid accidens Jurisdictioni: *Quo, consensu partium Jurisdictioni subjiciuntur, qui non erant ei subjecti.* Potestas Magistratus eadem manet, nec privati cuiquam possunt tribuere Jurisdictionem, verum se ipsos Judici non suo, cum id è re re sua putant, submittere possunt; hac Lege, ne qua confusio inde oriatur in Republ. & præsupposito temper, eum, cui se in aliqua causa submitunt, habere jurisdictionem publicam.

31. E quatuor prorogationis speciebus, unam modo Juris publici rationi consentaneam esse arbitramur; Scilicet: quæ de persona ad personam dicitur, cui propriè verba modo collocata conveniunt. Nam quæ de loco ad locum vocatur; qua Magistratus unius loci, jus dicere possit in alio loco, non habet facultatem civilem; nec id modo voluntate privatorum fieri non potest, sed nec ipsorum Magistratuum conventionem; qui non possunt mutare terminos à Summa potestate sibi præscriptos.

32. Neque de Tempore ad Tempus, quam dicunt, magis valet: ut, scilicet, Judex ad tempus datus, post tempus ei præscriptum, judicandi potestatem habeat: quia tum Judex est privatus, cui privati Jurisdictionem dare non possunt. Arbitri jus ut habeat, ac ita sententiam dicat, hoc equidem, ut quisque semper arbitris suam rem committere possit, quo minus efficiant compromissio, nihil impedimento est.

33. De causa ad Causam, prorogationem plerique concedunt; ut Judex ad unum genus Causarum publicè constitutus, de alio genere jus dicat: Sed

V V V

nec hoc

nec hoc facultatem habere videretur, quia vix fieri potest, quin oriatur inde Confusio. Quid enim? Amittelojami nunquid privati suo consensu facere possunt, ut Judices rerum matrimonialium de hereditate deserta, vel de rebus pupillaribus judicent? Non puto: nihilo magis, quam ut Magistratus mere politici, de quaestionibus juris privati; aut hi de rebus politicis judicent atque disponant; Vel, ut Judices Recuperatores de Criminalibus causis jus dicant; quorum nihil sine confusione publici ordinis institui posset.

34. Sola igitur usum habet Prorogatio personalis, qua quis Foro suo renuntiat seque Judici non suo submittit. Et haec ipsa vix alium habet usum, quam hoc uno casu; Si Judici supremo patriae suae, cui non nisi per appellationem subiectus erat, se directe primaque instantie subiciat. Nam prorogatio, qua quis se Judici, qui nullam habet in ipsum jurisdictionem, submittit, non habet effectum, nisi in ejus Territorio deprehensus sit; quia consensus privatorum non potest efficere, ut iudex prorogatus in alieno territorio actus jurisdictionis exercent. Atqui ut deprehensus in aliquo loco, ibi iudicio sistere cogatur, id Arresto solo nunc ubique locorum instituitur. Quibus rebus fit, ut quicquid de Prorogata Jurisdictione fertur, ad hunc solum, quem diximus, usum restringatur.

35. Sicut autem Jurisdictio & Imperium sunt functiones mere personales à summâ Potestate collatae, ab eaque dependentes, ita nec aliter quam eo cum respectu finiuntur. Bini modi, quibus finem accipiunt, ad priorem; bini ad posteriorem spectant. Priores sunt, Mors & Tempus praescriptum, si ad vitam data non sit potestas: aut si Jurisdictio non sit hereditaria, vel territorio adnecta, quae non non habet finem, nisi quo

ipsum amitti solet patrimonium. Tempus in magnis Imperiis usque ad successoris adventum prorogari solet, ut per se, vel per legatos suos iidem Magistratus provincias administrarent, quod Romani servabant l. 10. §. de off. Praef. l. 17. d. off. Praef.

36. Posteriores modi sunt, Abdicatio & Exauctoratio. Illa, cum Magistratus ante tempus sponte discedit ab officio, eique renuntiat; quod non nisi Principis consensu, cum munera publica ut invitatis imponuntur, ita ab invitatis etiam retineantur, impetrato. Sic Papinianus Praesidem provinciae, abdicando se, non amittere imperium scribit in l. per. §. de Off. Praef. quemadmodum olim per populum fiebant abdicaciones l. 2. §. 24. §. d. Orig. Fer.

37. Exauctoratio fit vel à Principe, vel à Judice. A Principe, jure Summae Potestatis, quoties à Republ. videtur; nisi Reipubl. legibus aliter sit cautum; si ve generaliter, ne quis officio suo privetur, nisi causa cognita, ut in Gallia constitutum fuit, tempore Ludovici XI. et si hodie non ita servatum, teste Mezerzo, in *ejus vita*; si ve rationalium Magistratum, qui non tam Regis sunt, quam Regni, ut in Imperiis non absolutis frequenter usu venit. Ubi dubium est, vel ut dubium tollatur, Principes aut Optimates solent adjicere Magistratum constitutionibus, *ad beneplacitum*. Sed Imperia simpliciter constituta jus hoc, et si non adjectum, habere, dubitari non potest, ex his quae in libro 1. de jure Summae Potestatis adstructa sunt.

38. A Judice, vel fit exauctoratio, propter delictum, causa cognita reoque in defensionibus suis audito; quod nec aliter è causa delicti famosi ab ipso Principe fieri potest; si jus suum ex bono & aequo metiri velit; cum alioqui plus Magistratui adferret praesudicium, quam si jus

si jus patrimoniale ipsi auferret; quã de re Bodin. 4. de Republ. 4. n. 440.

39. Quod autem jus, Princeps aut summi Rectores habent in officiis ab ipsis immediate conferri solitis, hoc analogicè Potestatibus etiam inferioribus, adversus ea, quæ illorum collationi à Summa Potestate commissa sunt, provocatione salvã, competit atque tribuendum est, ut docet Sandius noster in *De-sis. Prif. def. ultimã.*

40. Id jam satis liquet, cum Jurisdictione & Imperio sint facultates à Summa Potestate profluentes & dependentes minimeque patrimoniales; præscriptionem in illis acquirendis aut amittendis non habere locum; cum hæ non nisi rebus ad Patrimonium cujusque pertinentibus applicentur, & in quibus est aptitudo ad amittendum ab usurpantibus induendum, qui non potest esse in civibus ad jura Summæ Potestatis,

cui se ferunt ut subjectos, acquirenda, quemadmodum ex eo, quod de usucapionibus & præscriptionibus est dictum in *lib. 2. sect. 4. cap. 5. n. 33. 46. & seqq.* intelligi potest.

41. Si totum Magistratus officium Præscriptione non potest acquiri, sequitur, cum sit idem juris in parte quod ad partem, cum toto quod ad totum, ut in Scholis ajunt; non posse etiam Magistratus vel singulos, vel qui jus idem per modum collegii exercent, officii sui partes augere vel latius extendere, iure præscriptionis, quia Princeps ad semper ad antiquos fines revocare possit; et si verum est, populos, quamdiu Rectores illam usurpationem ferunt, teneri ad parendum Magistratibus, ex præsumptã Rectorum suorum voluntate, ut jam diximus *ad tit. de Jurisdic. in fin.* quibus jurige sit ea, quæ diximus *in d. cap. 5. n. 33. & seqq.*

S E C T I O I I.

De Judiciis.

C A P. I.

Quid sit Judicium, & de Personis Judicium constituentibus.

Fundamentum Reipubl. esse Judicium. An, & quando sibi ipsi jus dicere liceat; An etiam, si Potestas Summa neget Justitiam. Definitur Judicium. Genus exponitur, & quatenus Judicium sit publici juris. De Personis Judicium constituentibus; Quid Judex, & an recte vir bonus dicatur; an imperitus Juris esse possit. Æquitas Judicis. Differentia ab Arbitro, & Ætas judicis. Princeps an & quatenus in suâ causâ judex esse possit. De Actore deque Reo. De Procuratoribus & Advocatis, quid sint, & quodnam sit illorum officium, latius expositum. De Arbitris & effectu sententiæ.

Iurisdictionis, de qua novissimè diximus, exercitium maximè consistit in Judicio, quod propria sectione tractabimus, ita, ut tamen caput hoc in jure Privato sat notabile sit, heic tamen loci nihil, quam ad Juris publici Universalis disciplinam evidenter pertinens attingamus.

2. Fundamentum quietis publicæ primum & maximum proculdubio est Judicium: Ad hoc enim reperta est sacra Legû reverentia, ut nihil proprio ageretur impulsu, adeoque *vis abesse*, ut bene olim Theodoricus Rex apud Cassiodor *lib. 4. var. epist. 4.* Vim autem Cæsar Philo-
 sophus ait esse, quoties quis id quod deberi sibi putat, non per judicem reposcit, *l. 13. π. Quod met. caus.* Et tum-
 mum præceptum, non esse singulis concedendum, quod per Magistratum publice possit fieri, ne occasio sit majoris tumultus faciendi *l. 176. π. d. Reg. Jur.*

3. Exceptâ necessitate, quoties line

certo periculo, vel damno, judex non potest expectari. Hinc enim inculpatæ tutelæ moderamen omnibus gentium Legibus, ad avertendum vitæ periculum videmus lancitum. Et huc facit, quod debitorem fugientemprehendere, nummosque ei extorquere licet, *l. 10. §. 16. l. pen. in fin. de his quas in fraud.* Pacto etiam ita constitui potest, ut certo casu liceat alicui jus sibi ipsi dicere, quo facit Pactum *executorium*, de quo Juris Interpretes, & Sandius noster *lib. 1. Decis. Fris. tit. 12. def. 3.* Sed extra hos similesque casus, à Legge judicii, minime recedendum est.

4. Improbanda igitur gentium quarundam vetus consuetudo, quâ dubiæ controversiæ pugnis singularibus dirimebantur. Nec scio, an concedi possit, quod Grotius habet in *lib. 1. de jur. B. & P. cap. 3. π. 2.* cessare judicia sibi que ipsi posse quem jus dicere, *si judicem subditi non audiant, aut judex aperte cognitionem*

tionem rejecerit. Magis enim est, ut ad Superiores Potestates eo casu sit recurrendum, à quibus si remedium non adhibeatur, ferenda Summæ Potestatis injuria, potius quam ad bellum detur regressus, quod aded à Grotianis principiis non abhorret, ut hoc illi excidisse liceat mirari.

5. Res aded est sanctissima Judicium, quo ultimum in rebus humanis malorum evitatur, *Bellum*. Proinde, quod iudicis officium Christiano illicitum Christiani homines sentiunt, nimis longè à prudentia Christiana recedit, nec id Christo Domino fuisse propositum demonstravimus in *Ennom. Rom. ad Rubr. π. de Judiciis*.

6. Definitur Judicium cum Jurisconsultis, à quibus recedendi causam hac parte non habemus; *Legitima Causæ disceptatio, quæ fit apud iudicem, à parte actoris & rei, litis finienda gratia*.

7. In omni controversia seu causâ, duplex est quæstio, facti & juris; Facti, an & quo modo aliquid gestum sit; Juris, an recte vel secus, & quid de eo statuendum. Plerumque autem jus & factum in quæstionibus Judicio ventilatis miscentur, & pari fere passu ambulant; saltem quæ facti sunt, Jurisrationes semper habent conjunctas. Disceptatio nam de jure quam de facto pertinet ad jus privatum, quod totum circa iudicia, veluti cardinem suum vertitur. Sed constitutio & ordinatio iudiciorum ad jus publicum merito referuntur.

8. Quod Prætores Romani non male discrevisse videntur; Namque illi tanquam Magistratus præerant quidem iudiciis & auctoritatem illis præstabant & iudicata exequabantur, sed ad merita causarum cognoscenda alios iudices dabant. Forte & criminalia iudicia, quibus vigor disciplinæ publicæ vindicatur,

hoc respectu publici juris rectè dicuntur; quare & hodie publico nomine per Fisciprocuratores duntaxat vindicantur.

9. Quin imo causas etiam non criminales dividere licet, in publicas & in privatas; ut priores sint, quæ in controversiis ad Regimen publicum spectantibus, veluti ad Tributa, vestigalia, Commissa, multas, officia publica, de quibus apud Consistoria Principum & Collegia liberos populos Regentium disceptari solet, vertuntur. Privatæ, quoties in foro de Contractibus, Testamentis omnibusque rebus ad meum & Tuum pertinentibus agitur.

10. Sed ad constitutionem Judicii pertinent inprimis, Personæ Judicium constituentes, quæ sunt vel principales, vel minus principales. Priores, Judex, Actor, Reus, qui sunt in definitione. Posterioris generis sunt, Scribæ, Apparitores, Advocati, Procuratores. de singulis aliquid, ut hujus instituti fert ratio, videndum.

11. Judex ita definiri potest; *Vir bonus Juris & æqui peritus, ad lites decidendas publicè constitutus*. Non desunt, qui minus recte qualitatem viri boni & jurisperiti in Judice definiendo, commemorari putant; eo quod multi iudices & mali & imperiti reperiantur, quod est verissimum: sed non minus est verum, iudicem esse debere bonum virum & juris æquique peritum; In definitione considerandum, qualis esse debeat & esse præsumatur, non qualis in cute & intus in animo sit. Cui addendum, quod vir bonus sumitur hic civiliter, non excellenter, quales tot viri boni vix sint, quot, *Thebarum porta, vel divitis ostia Nili*.

12. Vir bonus igitur quilibet Judex auctoritate publicâ constitutus præsumitur: Jurisperiti qualitas minus quam Viri boni essentialis videtur: quia Judices

multi palam sunt imperiti Juris, quibus illa gratia, Adfessores adjunguntur, tam majores, à quibus ob Nobilitatem studia non exiguntur, quam pluribus in locis minores; ut etiam Legibus populorum veterum ipsi, inconsultis Jurisperitis, dicere sententias: quo pertinent collegia Scabinorum in quibusdam Germaniæ locis, & *Pensionatorum*, qui dicuntur, in Belgio, quos alibi in publicis duntaxat, alibi in privatis adhiberimotis est.

13. Sed hæc instituta defectum Juris peritiæ in Judicibus, ipsa vel maxime arguunt, ut tamen peritos esse Juris particularis, si ad certum causarum genus dati sint, id hæcenus sufficiat, quomodo militares viri & mechanicorum Præfides collegiorum, de rebus ad suas professiones pertinentibus jus dicere solent, cum hodie, tum olim apud Romanos l. 17. C. de Judic. Prætorius enim juris peritia non potest carere Judicis officium, quod est ita judicare, quemadmodum Legibus & moribus est proditum, ut Justinianus & res ipsa loquitur, in pr. Inst. de off. Jud. Nec etiam aliud est commune Judicium, quod expressit Phocylides,

*Μαδμον οὐκ ἔστιν ἀδυναμὸς ἀνδρῶν ἐλά-
ων.*

*Indoctis nunquam factum permittit
Tribunal.*

14. Juris scientiæ, addimus *Æqui* peritiã, quod significat facultatē interpretandi jus ex præsumptã legislatoris voluntate, verbis licet in speciem reventibus; quod esse Judicis officium, docent optimi harum rerum magistri Juris Romani conditores in l. 8 C. de Judic. distincte ab officio Principis hac ipsa parte, quemadmodum in sect. 1. cap. 2. *latius* exposuimus.

15. Ad hanc autem facultatem *Æqui* tatis judicialis, duo requiruntur, Intima Juris scripti notitia, ut de eo quod Le-

gislator non expressum in efferret, *veris* existimari possit, & rectum exercitum; que in ipsa naturali veritate judicium; quam partem inquit Caligula, cum aliquando minaretur, se facturum; ac Jurisconsulti quicquam præter *æquum* haberent de quo responderent; Jure scripto scilicet, abolito, apud Suetonium in *vid. 910.*

16. Ultima definitionis verba, Judicem ab Arbitro, qui est Judex compromissarius, à litigantibus electus, distinguitur, & faciunt, ut Judicis officium sit publicum, ac etiam Magistratus, ut *superiori sectione cap. 4.* demonstratum est: Unde & ætas publicis apta muneribus in Judice requiritur, cujus determinatio specialis, est Juris positivi. In universum xxv. fere annorum ætas minima solet esse, qua Judices admittantur, etsi nec à moribus alienum est, quod Jus Romanum agnoscit, à Principe dari posse cujuscumque ætatis judicem, modo non sit minor annis xviii. l. 57. r. de Re Judic. Cumque Judices hodiè fere semper à Principe, vel ab eo qui jus Principis habeat, dentur, ætas xviii. annorum, ut qua minor esse non possit judex, intelligenda videtur.

17. Cæteræ qualitates & requisitæ Judicium, fere cõmunia sunt, cum aliis Magistratibus: Nisi Judicibus sit proprium, quod non modo in causis propriis, sed in suorum proximorum causis sententiam dicere possint, ratione manifesta. Qui vero Summam Potestatem habent, quem illi judicem in suis litibus habebunt? Res loquitur, non esse, cui subdiciantur: Ideoque non potest aliter fieri, quin Judices sint in propriis causis, ut Jurisconsulti observant ad l. 41. d. *Hered. inst.* ut in ista Lege prævit exemplo Tiberius: Idque ita boni Principes semper exercuerunt, ut se legibus obligatos ultro profiterentur l. 4. C. de LL.

Imò

Indo etiam minus sibi, quam privatis indulgerent, ut est specimen in §. ult. Inst. Quib. mod. Testom. infirm.

18. Quin ut plenus omnis præjudicii species, quæ non potest abesse, ubi quis ipsemet Judex & adversarius est, amoveatur, hodierni Principes & Summæ Potestates rectè consulunt, quod suas causas apud Supremas Curias agi & judicari permittunt, earumque se judicatis submittunt: Scilicet, in negotiis, quæ tanquam membra communis Societatis, non ut Rectores Civitatis cum aliis habent controversa; Sed quatenus sæpe dubium est, cujus generis sint ea, de quibus quæritur, hac parte rursus ipsos oportet esse judices, quia res non capit alium exitum: sic tamen, ut in dubio rem potius ordinariis delegare judicibus, quam tuo arbitrio vindicare debeant; quo minus cives & exteri à contractibus cum Principibus ineundis absterreantur.

19. Exigit præterea judicis definitio, ut ad tantam rem necessaria existimatio illæsa atque ut naturales facultates adint; neque enim surdus aut mutus Judex esse potest; cæcus non facile dabitur, datus tamen quominus reutaneat, nihil ob stare videtur, l. 6. §. de Jud. quia cæcitas, animi perspicaciam adjuvat potius quam obtundit: feminas ratio communis arcet à cunctis muneribus publicis.

20. Officium judicis in genere est, ita judicare, quemadmodum Lex his & moribus est proditum, tam securi duntid, quod partes expresserunt, quam ut ex bono & æquo cujusque negotii natura fert, qua in re non modicam esse latitudinem & differentiam, ut quædam negotia liberiolem hac parte Judici potestatem, alia magis coarctatam præbeant, usu rerum constat; idque Romani discretionem judiciorum, quæ stricti Juris & bonæ fidei dixere, sine offensa Justitiz

determinarunt, ut probavimus in *Ennom. Rom. ad l. 7. §. de Negot. gest.* Inductio autem illius diversitatis & officii Judicis secundum singulas Judicii partes, hujus quidem instituti terminos excedit.

21. Non potest tamen omitti Nobilitas & vetus quæstio, si judici aliter de facto constet, quam ex actis & probatis liqueat, utrum juxta suam scientiam, an secundum fidem testium & instrumentorum jus dicere debeat. Imponere necessitatem pronunciandi, quod falsum & iniquum esse novit, id verò durum videtur, neque committendum. Rursus, permittere, ut testes omni exceptione majores præ sua solius scientia spernat, exemplo pravum & noxium foret. Siquidem hoc prætextu; quatenus judices, etsi debeant esse boni, sæpe malos vel ambiguos esse contingit; infinitæ tegerentur iniquitates.

22. Plane, qui summam habet potestatem, aut qui datus est ita, ut judicati rationem nullam redditurus (quam ita vix potest) merito tutoque scientiam suam prætere. Sed quorum sententiæ retrahi possunt, his id nullo modo indulgendum; quia judicati rationem alius ex conscientia sua reddere nequeunt, neque superior, qui errorem ejus corrigit, aliter de eo quam ex actis arbitrari potest. Standum igitur media opinione; faciendum, ut Judex ea causa se exoneret officio suo, ac inter testes potius auxilio veritatis adlit. Egimus hac de re latius in *Prælect. ad Tr. Inst. de Off. Jud. etiam Ennom. Rom. ad l. 6. §. 1. d. off. Præf.*

23. Quam autem justis & injustis discrimen acie judicium & ingenii intentionem requirat, quam non sine multa præceptionum memoria & subtili applicatione consistat, Ramanum jus luculenter docet.

24. Nec tamen hoc in plerisque, à natura

naturalis juris consecutione, & eo quod cunctis civitatibus conveniat recedere, satis hi probant, qui licet obrectatores Romanæ prudentiæ, optimum illud esse *Juru Naturalis interpretem fatentur, Selden. de mar claus. c. 5. in fin*

25. Nulla igitur ratione *Hobbes* doctrinam artis Legalis in advocatis necessariam, in Judice prope supervacuum existimat, Angliæ potius suæ, quam ingenii humani morem negotiorumque perplexam varietatem, ut videtur, considerans.

26. Secundum Judicem, Actor & Reus Judicium principaliter constituunt. Actor est, qui ad judicium provocat, Reus qui provocatur: Aut si res sint ejusmodi, in quibus uterque provocat, is qui primis id occupat, Actoris partes obtinet. Reus à Re dictus est & Rei, quos inter Res est, sive *quorum de Re agitur*, ut *Cicero lib. 2. de Orat. sive is agat, sive cum illo agatur: Hinc duo Rei Jurisconsultis vocantur; tam qui in solidum singuli Creditores, quam debitores facti sunt: Verum ut is, unde petitur, quomodo Antiqui frequentius loquuntur, Reus appelletur, usu receptum est, tam in civilibus, quam in criminalibus causis.*

27. E personis minus principalibus, Scribæ & Apparitores cæterique ministri, nihil hic habent singulare: Sed Procuratores & Advocati, ab hoc loco abesse non possunt. Procuratores proprie nihil sunt aliud, quàm mandatarii, tam ad Negotia, quam ad lites. Et quidem ubi quisque tuam causam per se, in Judicio peragere potest, ibi & procuratorem quemlibet dare potest, ac ita se res apud Romanos habuit. Sed quia res & usus plerosque populos adduxit ad ordinem & tritum Fori, cui vulgus impar confusionem inferret, ubique receptum est, ut Procuratores in Judiciis habeantur pu-

blici, in Jure Romano incogniti, de quibus hic ideo paucis agendum.

28. Ejusmodi Procurator publicus, est *Vir bonus, ordinis Judicialis peritus, auctoritate publicâ, ad lites, ex mandato partium administrandas, constitutus.* Quod vir bonus dicitur, id civiliter accipiendum, & quia talis esse debet officii ratione; quod ut publicum est, ita arceat malos & infames, quales si quis privatum rebus aut litibus suis extra judicium præficere velit, non prohibetur, ut indicat *Justinianus Cæsar in §. ult. Inst. de Exception.*

29. Ordinis judicialis peritum diximus; quoniam hæc præcipua ratio est, cur promiscuum alienas causas procurandi officium, in publicum, ut videmus, sit mutatum; ne judicia, imperitorum hominum strepitu & discursu turbarentur. Idque est *Auctoritate publicâ; & quidem prævio Examine atque jurejurando, ut merito passim observatur: Ad dito tamen, Ex mandato partium.* Publice enim ad universum officii genus admittuntur; In singulis causis non minus quam privati Procuratores, specialis egent mandati; ideoque mandatore mortuo, non possunt in Judicio pergere, nisi novo ab herede mandato instructi.

30. Postremum in definitione est, *Ad lites administrandas.* In hoc enim discrepat ab Advocato Procuratoris officium; quod ille quidem ad Patrocinium voce vel scripto præstandum, hic ad urgendam, ad exitumque moderandam litem adhibeatur; plus enim quam minister esse non videtur publicus Procurator, ne quidem post litem contestatam, quodaliter de Procuratore privato constat; Idq; nec aliter hodie se habere, verum imprudenter fieri, quod hanc regulam vulgo ad Procuratores, qui sunt hodie, publicos producant, in *Prælect. ad Tit.*

Tit. 5. de Procurat. n. xi. demonstratum est.

31. De officio Procuratorum, quo pluribus hic agamus, instituti ratio non patitur: Nisi addere placeat; In dicitur inferioribus, & in nonnullis quodque Superioribus, Procuratores etiam habere jus postulandi, id est, Advocatorum munere fungendi; quatenus atrocissimi peragendi fiduciam habent. In nonnullis etiam locis Postulare, id est, pro Advocatis fungi necesse est; ubi Advocati à Procuratoribus distincti non habentur, sed conjuncta sunt hæc officia: Quod ut ad compendium & sumptus Judiciorum coarctandos plurimum facit, ita prudenter à quibusdam populis receptum est: Ut tamen crebrius, uti personis, ita partibus agendi distincta, licet conjuncta maneant officia; De Advocatis igitur pauca subjiciantur.

32. Advocatus est, *Vir bonus, juris peritus, à litigantibus rogatus, ut voce vel scripto causam suam Judici exponat, probeat atque ex arte defendat, ad hoc officium publicâ auctoritate admissus. Virum bonum esse oportere, sacrum Justitiæ sacerdotium, quod Jurisconsultis adscribitur, indicat, ut & summa officii advocatorii, à Valente & Valentiniano præscripti, ut atrocinentur, Integre, fideliter & modeste l. 6. C. de Postul.*

33. *Jurisperitum* æque esse oportet Advocatum, si præstabit, quod Leo & Anthemius Imperatores de Advocatis prædicant, *ut gloriosa vocis confisi munimine, laborantium spes, vitam & posteris defendant l. 14. C. de Advocat. divers. judic.* Quod ne fieret, inde ab aliquot seculis in plerisque Foris provisum est, ne quis admittatur, nisi Illustris alicujus Academiæ testimonio Jurisperiti elogium adeptus, Leo Imperator jurjurando Professorum id olim adfirmandum mandavit in l. xi. C. de Advoc. divers.

judicior. Quod an hujus seculi corruptioni hac in parte, pravæque Academicorum æmulationi, quæ hæc elogia fere promiscua & venalia sunt, emendandæ sufficeret, haud facile dixerim: Forsitan utilius fuerit, etsi inutilius Academicis, si, quod Leo fieri præcipit, in l. xi. C. de Advocat. divers. judic. Examen apud ipsum Rectorem, sive Fori præfides fiat, quod nunc in Scotiâ faciunt; vel, sicut apud Regiomontanos, in Academicis honorati, rursus apud Forum disputationem publicam subire cogentur.

34. Definitio habet; *A litigantibus rogatus.* Advocatus ita dicitur est, quod à litigantibus advocabatur in consilium, eaque procuratoris ab Advocato notissima differentia est, quod hic mandato constituitur, Advocatus vero precibus aditur; ille dominum, hic magis clientem habet: Utrumque participant honoris aut ministerii imitamentum, quoniam simul Advocati & Procuratores sunt, ut in multis esse locis, indicavimus.

35. *Causam suam Judici exponat.* Hoc olim erat Patroni, erga clientem suum, cujuslibet officium, donec Advocatores, qui per excellentiam exinde Patroni sunt dicti, qualis Cicero, Hortensius & nobilissimi atque facundissimi quique Romuli nepotum, transiit; quo tempore Advocati erant privati reorum amici, ad opem consiliumque advocati, ut senes apud Terentium & Plautum quandoque se advocatos amicis in foro adesse debere prædicant, à quibus omnibus seorsum, consulebantur Jurisconsulti: Donec eloquentia forensi privatorumque opera advocatorum detrita, Patronorum & Advocatorum munia à Jurisperitis occupata sunt: qui sic habent triplex, ut olim erat, officium, Patronorum, Advocatorum, Jureconsultorum, quibus in multis, ut dixi, Foris accedunt partes Procuratorum

Quod etſi in eum modum compendii cauſa ſit inſtitutum, ſatis tamen adhuc in ipſo compendio plerique ſperunt diſpendii.

36. *Ad hoc officium publicâ auctoritate admiſſus*; Ita receptum eſt; cum olim quicumque fiducia eloquentiæ & ſtudioſum habebat, Advocati & Patroni partes obire poſſet. Sed habetur adhuc in definitione; *vocò vel ſcripto*. Romanos vivâ voce cauſas egiſſe notum eſt; idem hodièque multis uſitatum eſt populis; ſed ineptiæ & confuſio rularum, pluribus locis hac parte miniſterii vocis in delictudinè, ut nonniſi ſcripto cauſe diſceptentur, adduxerunt; etſi præſtantius & nobilius eſt vetus inſtitutum; modo, quod in gravioribus cauſis fieri ſolet, præcipua cauſarum merita literis comprehenſa, Jûdiciſus, adſtruentæ memoriæ exhibeantur.

37. Officium Advocati tribus hiſce præceptis continetur, *ut in integrè, modeſtè, prudenter ſuis partibus fungatur. Integre*, ne prævaricetur, neve cauſam ſciens malam ſuſcipiat, vel talem deprehenſam deferat; etſi in quibuſdam Foris nihil ab Advocatis exigitur, quàm ut tali cauſa nihil dicant, aut ſcribant, quàm quod à clientibus nominatim rogabuntur, ut dicant vel ſcribant; quomodo in Friſiorû Curiâ Advocati jurejurando adiguntur; quod an ſalvâ viri boni teſtè rã ſuſcipere liceat, eſt *in integrè, modeſtè* Advocatorum quid ſit, tam erga iudices, quàm adverſarios, ipſa res loquitur.

38. *Prudentia* Advocati eſt vel Theoretica, vel Practica. Theoria tres videtur habere partes, Notitiam Juris Romani, Municipalis & Doctoralis. Prima in Academiis acquiritur, ut non ſola, quæ pars Juris hodieque in uſu manet, ſed univerſa diſcatur Jurisprudentiæ; majori tamen intentione curaque in

iis quæ obſervantur, adhibita Jus Municipale, nonniſi poſt commune Jus perceptum, partim in Academiâ, partim in Foro adjungendum; quo etiam Feudali Jus referendum, quæ parvo negotio ab his qui Romanum Jus fideliter didicerunt, memoriâ, iudicioque comprehendi poſſunt.

39. Doctoralem ſcientiam vocamus eam, quæ ex Interpretum lectione tam veterû, quâ recentiorû colligitur. ſed cû hæc pars ſtudii iuridici verè ſit infinita, modis ei ponendas eſt, præſequere ſe Advocatus utriuſque Juris, civilis & municipalis notiæ dedat oportet; ex Interpretibus quantum latis eſt, in dubiis cauſis, ad auctoritatem poſitionibus ſuis addendam petat: Sed fundamentum & Summa doctrinæ ſit, LEX & RATIO. Jus Canonicum in iis locis & rebus, in quibus uſum habet; ut apud Proteſtantes habet rariorem; partem Theoriæ facere, intelligimus.

40. Prudentia, quàm Practicam diximus, etiam duplex eſt; una conſiſtit in applicatione Legum ad ſingulas facti ſpecies; Altera, in uſu Fori, quod attinet ad morem procedendi & Artem formulariam, vulgo ſtylum Curia appellat. Cicero trimembre fecit officium Juris-Confulti pragmaticum; *Reſpondendi*, quid juris ſit in ſingulis factorum ſpeciebus; in quo eſt Ars applicandi. *Caſuendi*, id eſt, ſuggerendi hominibus in omni genere Contractuum & negotiorum, quo partes ſibi idoneis cautionibus adverſus fraudes & incertos eventus proſpicere queant. *Scribendi*, id eſt, præſcribendi formulas actionum & negotiorum.

41. Hæ ſunt perſonæ Judicium conſtituentes. Sed propter moras & ſumptus iudiciorum, hæc rardè in Arbitros compromittitur, *qui ſunt privati homines, quos partes eligunt, ut litera inſtat juri-*

non desinens. Horum omnis potestas *Compromisso* continetur, quod tamen de rebus ad jus publicum pertinentibus, in quibus crimen aut intamia similisve causa vertitur, concipi non potest, sed tantum de his, quæ in dominio & arbitrio sunt privatorum, l. 32. §. 6. de Arbitr.

42. Sententia arbitratorum non parit actionem rei iudicatæ, quoniam hæc publicam supponit auctoritatem l. 1. C. Arbitr. Imo partes, pendente cognitione, arbitrum deserere atque ad iudicem adire possunt, l. 30. §. d. Arbitr.

43. Utroque tamen casu, si vel detrahant eum, vel pronuntiato stare nolint, exigi possunt, poenam compromissio præfinitam, d. l. 30. in fin. Unde colligi potest; quo pacto hæc inter se constant; standum esse partibus, Arbitrorum sententiæ, siue æqua, siue iniqua sit, & tamen nullam ex arbitratorum *Laudes*, & vulgo sententiam *Compromissoriam* vocant, actionem dari.

44. Provocatio ab arbitro nulla potest fieri; cum, quia partes suo consensu huic beneficio renuntiassent videntur; tum, quia nulla inter arbitrum, qui privatus, & iudicem, subordinatio inferioris ac superioris, quæ in Appellatione requiritur, intercedit.

45. Reductio, quæ sit hodie passim, nec cû juris publici ratione, nec cû natura compromissi satis convenire videtur. Non prius, quia cum Appellatio per juris publici rationem hic non habeat utrum, Reductio, quæ profus hodie ad appellationis similitudinem exercetur, nihilo magis ei convenire potest. Na-

tura autem *Compromissi* fert, ut secundum id, quod Arbitrator dixerit, partes transgessisse videantur; Transactio autem à nullo superiore retractari potest.

46. Verum, ut è silentio certi temporis, præsumptio, quod partes acquiescant, ac inde actio quasi iudicati nascatur, id habet rationem & usum servatur, l. pen. C. de Arbitr.

47. Hoc est singulare, quod cum promissio transeat ad heredes eosque directe obstringat, *Compromissum*, quod est *Promissum duplex* & *Reciprocum* heredes, qui ex causa, de qua compromissum fuit, omnino tenentur, non obligat, sed morte compromittentium; ante *laudem homologatam*, ut barbarè loquuntur; id est, sententiam approbatam; finitur l. 27. §. de Recept. qui Arb. nequidem iure Canonico *sep. ult. x. de Arbitr.* Cû tamen in iudiciis, ubi nulla conventio vertitur, è tacito consensu heredes validius teneantur, quam ex ipsa causa; priusquam in iudicium deducatur, ut Juris consulti docent *ad tit. Inst. §. 1. de perpet. & temp. adf.*

48. Cur expresse conventionis minor sit vis, quam taciti consensus, ratio esse videtur, quod *Compromissus* fiat ex fiduciâ personali, quam habent compromittentes de iudicio & sinceritate Arbitrorum, de qua forsitan heredes haud æquè sint perituri; cuiusmodi ratione, *Mandatum*, & *Societas*, contra naturam aliorum contractuum, ad heredes quoque non transeunt. Sed infra *Judicis* subiectio est necessaria, non *arbitraria*, quæ proinde non est tam fragilis.

CAP. I I.

Judiciorum species & initia exhibens, ubi de In Jus Vocatione & de Arresto.

Divisio Judiciorum in Civilia & Criminalia, Privata & Publica, alio sensu, quam jure Rom. In petitoria & Possessoria, & cætera breviter expositæ divisiones. Partes Judicii in summâ esse tres, quarum prima in Jus vocatio; cujus necessitas & modus exponitur. Quinam eximantur omnino & secundum quid. Usus & ratio in Jus vocationis Requisitoria & Edictalis. Arresti etymologia, definitio, divisio & usus. Quo jure nitatur, & an rectius à veteribus neglectum, quam hodie exercitum sit. Forma Arresti quatuor partibus exposita. An neglectâ Intimatione valeat, ex parte saltem. Quando cesset Arrestum; an etiam in res aut pecunias Principum exterorum. Differentiæ in Jus vocationis, è Jure gentium hodierno magis, quam exemplo Juris Romani. In Jus vocatio generalis quotuplex, & an præjudicet ignorantibus. Effectus in Jus vocationis; utrum hodierno jure Gentium, qui se non sistunt; condemnentur, rectius, an exemplo Romanorum melius inauditis semper defensio pateat: Inter criminales & Civiles causas videri distinguendum. De reliquis in Jus vocationis effectis.

Definitionem *Judicii*, quâ Personæ id constituentes, sunt comprehensæ, sequitur Divisio, in varias species & primo quidem in Civilia & Criminalia: quorum illis ad pecuniarium actus commodum, His ad publicam animadversionem, hoc est, ad mortem vel cruciarum corporis, aut exilium vel multam fisco applicandam agitur.

2. Horum alia divisio in Privata vel Publica, juris est Romani, non Universalis: Namque hodie, de cunctis, ut dictum, criminibus publicæ accusatione instituuntur. Veteres *publica* dicebant, de quibus Leges nominatim erant latæ, & in quibus cuilibet è populo potestas experjundi dabatur, eaque certo solenne ordine moris erat institui, quæ omnia fuisse Romanis *arbitraria*; nec proinde juris communis, satis apparet.

3. Est tamen ratio, quâ divisio in Publicâ & Privatâ, Juris Universalis disciplinæ accommodari possit; si Publica dicerentur, quæ directe lædunt Rem-publ. Privata, quæ singulos in corpore, honore bonisve lædunt. Quò sensu crimina Majestatis, Peculatus, Reputandarum, Residuorum & Ambitus, publica. Homicidii, Adulteris, Falsi, Plagii & similia, privata forent.

4. Civilibus Judiciis frequens, etiam in publicis controversiis, est divisio, in Petitoria & Possessoria. Petitoria, in quibus agitur de jure pleno & perfecto, ut aliquid nobis detur ex obligatione, vel restituatur ex jure domini, aliove in re constituto jure: Possessoria, in quibus agitur ad detentionem rei adipiscendam, retinendam, vel recuperandam. E quibus retinendæ possessionis remedia creberrimi usus

usus sunt, ut res in *statu*; quo nunc est, relinquatur, quia commodum possessionis inter diversos Principes populosque longe majoris momenti & usus est, quam in Jure privato. Ut adeo maxima pars controversiarum, quæ belli, pacis & induciarum materiam præbent, in possessorio magis quam in Petitorio versetur.

5. Quarta Judiciorum differentia fit, quod vel Generalia sint, vel Specialia: Generalia, more juridico, non dialectico, dicuntur, in quibus de multis rebus simul tractatur; Specialia, quæ de singulis & certis rebus agunt. Utraque sunt vel in Rem vel in personam. In Rem, quibus ex jure, quod in Re constitutum est, agitur, adversus quemlibet rei possessorem, ut res vel in jus in re nobis restituantur. In personam Judicia dirigitur, quando agitur adversus eos, qui nobis obligati sunt ad dandum vel faciendum, eorumve heredes, non contra Tertium, qui ipse non contraxit nobiscum, neque damnum nobis dedit.

6. Quinta vel vi. divisio est, in Principalia & præparatoria Judicia; Et hæc, quæ aditum parant ad aliud gravius judicium; cujusmodi cum alia, cum maxime possessoria sunt, quæ vim ad Petitoria sternunt; etsi possessoria tantisper sunt præjudicia, ut petitorium absorbent.

7. Sequitur ultima Judiciorum partitio, quæ majoris est usus, in Ordinaria & Extraordinaria. Priora dicuntur, in quibus servatur ordo solennis procedendi, & plena causa cognitio adhibetur. Extraordinaria diversos habent gradus seu species: Nam in Jure non est insolens gradus, quod Logici negabant, variare speciem. Quam diversitatem, antequam explicemus, partes Ordinarii Judicii commemorandæ videntur, quæ in Summa vel Essentiales, vel Accidentales sunt. Prioris generis præcipuas esse, in Jus

vocationem, Litis contestationem, Cognitionem & Sententiam videbimus.

8. Prima pars Judicii est in Jus Vocatio, quam merito Juris Naturalis, ne quis inauditus condemneretur, imo divini Juris esse tradunt, inde à primo Deitantis Adamum exemplo: neque tantum in Ordinariis, de quibus hic agimus, sed etiam in extraordinariis maximeque summaris requiritur; etiam in Politicis, in quibus aliquis ordo Judiciali similis servatur, ut si quis adque in Jus vocatione damnatus sit, ipso jure nullum sit judicatum vel decretum.

9. Modus in Jus vocandi est optimus per Apparitorem, seu viatorem publicum; etsi in locis, ubi tota juris dictione summaria est, nihil veter, Reum ab ipso Actore vocari: Sed ut hoc fiat per vim, obrorto collo, ut olim Romæ fieri solitum fuisse videtur, excusari facilius, quam defendi potest; quæ de re actum à nobis in *Ennom. Rom. ad l. 18. §. 21. et d. In jus voc.* Nihil est potius, quam ut per ministros publicos, ea res, ut fit, administraretur.

10. Ne quis autem se actionesque suas Judicio eximere præsumat, quam paucissimos excipit ab in Jus vocatione, Reipubl. interest: adeo, ut ne Magistratus quidem, etsi majores, eximendi videantur; etsi aliter Romanis visum & usitatum fuit: eo quod ibi maxima jurisdictio penes singulas erat personas, veluti, Consules, aut Prætores, qui cum neminem haberent superiorem, nisi Populum, ad Tribunal nullum vocari poterant. Aliter & rectius hodiè Jurisdictio summa ab integris exercetur Collegiis, quibus singula membra subjiuntur; etiam, si qui sint Magistratus adhuc, personæ singulares, imò nec ipsi Principes & liberorum populorum. Optimates in Jus vocari gravantur, eà quæ diximus ratione modoque.

11. Ad domum quod nemini jure Romano in Jus vocatio inferri poterat. *l. 18. & l. 21. n. de Jus voc.* cum illo more minus benemerato, in vitos etiam ob torto collo ducendi & rapiendi nitentur, id merito nusquam hodie receptum est. Sed quod illo jure veritum fuit, in jus vocari privatos, dum iusta mortuo faciunt, dum funus prosequuntur, dum uxores ducunt, qui sacris interlunt, qui in Jure consistunt: *l. 2. & sequ. n. de Jus voc.* Cum hæc exceptiones momentaneæ sint, ac humanitatis ratione nitantur, hodieque merito observantur.

12. Nec est ratio, Cur modestia veterum, non permittentium patronos & Parentes aliaque venerabiles personas, sine venia Prætoris in jus vocari; ne orate famosis impeterentur actionibus; hodie nobis inepta vel negligenda videatur. Multo minus, ut, ubi adhuc venia Prætoris exigitur, ferendi tamen sint liberi, & qui liberorum loco sunt, famosis urentes formulis, ut quibusdam in Foris hodiernis præpostere fieri conitat.

13. In jus vocari neminem posse; nisi quatenus personam standi in Judicio è Legibus acceperit, que non est hujus loci res, facile constat. Verum quando qui in jus vocandus est, foris agit, ut ejus copia haberi non possit, tum vel per requisitionem Magistratum ejus loci, in quo degit; vel per Edictum vocandus est: hoc quidem modo fit, si reus in certo loco vagetur, aut Magistratus requisitioni non pareat; eo, quod Jurisdictionem judicis, ad quem vocetur, non putet esse fundatam. Ejus enim requisitionem ad judicem requisitum pertinet, ne cives suos temere evocari patiantur; in quo stulte negligentes sunt plarium locorum Magistratus. Quod si de jurisdictione sui Juxta requirens aliud sentiat, vocationi per Edictum, que & semper immediate fieri potest, locus non usus superest.

14. Quando autem Iudex in homines alieno in territorio agentes habeat jurisdictionem, etiam ex his, que in capite sequenti habebimus, pendet, hic tamen obiter præmittendum, ac inferius explicandum erit. Fit autem hoc; si judicium apud tribumal Vocantis jam fuerit inchoatum; si res de qua disputatur, in territorio vocantis sita sit; Item, si contraxerit ibidem, & bona in eodem territorio possideat. Submissio verò, quam prerogationem vocant, non sufficere ad in jus vocationem ejus, qui in alieno agit territorio, ex his que in *Tit. de Jurisdictione & Imperio* dicta sunt, intelligi potest.

15. Sed Arrestum veteribus & Romanis incognitum, nunc in Jure Gentium, tam frequentem & notabilem, respectu in jus vocationis, usum habet, ut in hac universali disciplina tacite nullo modo præteriri possit. Arrestum in duplicem usurpatur sensum, pro decretis in re tractabilibus & pro jure sustendi. Priore modo; judicare per Arrestum dicuntur Iudices, à quibus provocari non potest; Altera hujus loci est significatio. Vocis originem quidam è *græcismo* repetunt, quasi *ἀρῆσις*, vel *ἀρῆσις*, *placitum*, *irrevocabile*; Sed verius est, celticam esse vocem è latino corruptam. *Resister* à *resistere* dicunt illi, pro remanens. Hinc veteres Galli, *Adresister*, facere ut aliquis *resistat*, remaneat, & *Arrestum*, *Actus sistendi*, ne loco se loco moveat res aut homo: Unde & sententia irrevocabilis, *Arrestum*, quasi res in loco fixa & immota, dicitur.

16. Sed Arrestum, pro jure sustendi figendique certo loco finiri potest ita; *Detentio persona aut rerum debitoris, facta per Creditorem, auctoritate Magistratus, cum in jus vocationis comparata, est, que vel personale, quo persona, vel Reale, quo res in loco detinetur. Prius, si debitor*

debitor in fugâ sit, vel fugæ suspectus, habet summam rationem, ut tum detineatur, per Magistratum; cum & è fuga retrahi & pecunia illi ab ipso Creditore excuti possit, jure Romano l. 10. §. 16. d. *His quæ in fraud. Credit.* quæ docet, tam in res, quam in personas hoc Casu Arrestum esse licitum & justum.

17. Verum hodierno jure Gentium positivo; naturæ enim non est, ut mox videbimus; receptum est, ut Creditores quilibet, suos debitores advenas & peregrinos in patria suâ inventos, ob solam commoditatem illos in foro suo, non reorum, & ad molestiam peregre sequendi lites, evitandam; convenire & ad solutionem compellere possint, quod etiam in res & jura debitorum usurpatur ubique fere gentiis; ut si Creditores resciscant, debitores suos alibi degentes, habeat aliquas res, aut jura, vel pecunias sibi debitas, in alieno territorio, judicis imperio illa detineri curare possint; cum hoc effectu, ne restituantur, aut solvantur debitori, priusquam sibi satisfactum sit, & debitor ad judicem, cujus imperio factum est Arrestum, è suâ sede venire cogatur.

18. Si quis roget, quò jure cives alieni Imperii fortuito apud nos reperti, sine causâ Fori mutandi præviâ; per vim ad Forum apud nos eligendum cogantur, nihil proferri posse video, quam philosophiæ Hobbesianæ principium; quod in statu naturali, qualis est liberorum populorum inter se, quisque tantum juris habeat, quantum vult ac potest, & quod unusquisque jus, secundum utilitatem suam, cujus & ipse iudex sit, metiatur.

19. Antiqui populi ad æquitatem & utilitatem universam potius, quam cuiusque privatam respicientes, hoc jus,prehendendi sitendique personas & res peregrinantis, captandum non putabant,

ut regulam juris naturæ, per quam Arrestor sequitur forum Rei, perverterent; idque Frisii nostri vetustatis imitamento servant; utique in ea se: nec aliter adversus peregrinos uterentur; nisi horum consuetudinem Frisios ita apud se tractantium, per modum Retorhionis imitari cogerentur, quâ de re Sandius lib. 1. decis. tit. 27. def. 3.

20. Forma Arresti quatuor partibus absolvitur, Petitione cum in jus vocatio- ne Imperio Judicis, Intimatione facta debitori, & confirmatione judiciali; quorum si vel unum sit omissum, *arrestus Arrestum* pro vitioso habetur; etsi non desunt, qui putant, Intimatione neglectâ, possessorem rei præclusæ nihilominus teneri; Quod ut dijudicetur, est enim hujus Artis, facti speciem imaginariis (In Arresto reali tantum habere locum Intimationem, quia in personali debitor ipse adest, res loquitur) Creditore intelligit pecuniam debitores sui peregrini esse penes Tertium, civem suum. Rogat Judicem, ut is velit Tertio imperare, ne pecuniam illam solvat peregrino, antequam sibi sit satisfactum: Judex id imperat; Creditor simul Tertium in jus vocat, ut si velit, opponat se: At peregrinum, ad quem res pertinet, certiore non facit, pecuniam ipsius à se esse præclusam, quæ est Intimatio. Tertius se non opponit, confirmatur in judicio Arrestum. Tertius tamen solvit, pecuniam peregrino. Creditor Tertium denuo compellat, ut sibi solvat; Is opponit, Tu peregrino non intimasti. Ergo licuit illi solvere. Creditor, hoc nihil ad te; parendum fuit imperio judicis tui. Ratio speciosa, non valet tamen, Verius est, Tertium non teneri, quæ Intimatio ad formam Arresti necessariam pertinet; nec enim hoc idcirco receptum est, ut pecuniam alterius sine sine ne detineamus: sed ut nostrum, quod nobis

nobis debetur, facilius per judicem con- sequamur: cum absque intimatione non possit ad judicem iri, nihilque in tali Arresto sit, quam alterius impedimentum & injuria.

21. Hæc utrumque privati Juris usum contineant, publici tamen rationibus constant, in iisque etiam crebro veriantur. Hinc enim quæri potest ac solet, An Principum, populorumve liberorum, res pecuniarum Arresto detineri possint, quod fieri non posse judicavit Suprema Frisiorum Curia, cum privati quidam Arrestum Curie ininuissent Quæstori Frisiz, ne solveret pecuniam Imperatori Romano Germanico, priusquam sibi satisfactum esset, de obligatione, qua Cæsar ad aliquot Imperialium millia tenebatur, die VII. Novembrii MDCC. LXXXI. Forte ratio magis fuit Politica, quam juridica. Nam Monarchæ in contractibus truntur jure privatorum, & quo jure truntur Repressaliæ, eodem id genus Arresta fundari possent. Si quis dicat, Intimationem non posse fieri; potest responderi, hanc esse tantum *certificationem*, non actum Jurisdictionis, quæ in peregrinos nunquam exerceri potest.

22. De Legatis Principum etiam sæpe dubitatum est; an Arresto subjecti sint; quæ de re dabitur inferior agendi locus. Sed cadavera non esse Arresto obnoxia, tametsi nec hoc ubique servatur, merito religionis causâ Lege Romanâ constitutum, juris universalis habendum est. Nov. 60. r. 1. & Nov. 116. v. 5. quemadmodum & Scudis privilegium ab Arrestis indultum legimus, in *Inst. Habita C. Ne fil. pro patre.*

23. Divisio in Jus vocationis, jure Romano nulla esse videtur. At secundum hanc Artem potest dici, quod sit vel Dilatoria, vel peremptoria, quæ jure civili est differentia Citationis post liton contestatæ; scilicet Peremptoria est, per quâ

defensio perimitur; unde, quid Dilatoria sit, intelligitur. Jure Romano, inquam, hæc divisio ad in jus vocationem non pertinet, quia nemo unquam inauditus illo jure condemnatur; Sed est hæc res jam sine dubio juris gentium universalis; ut contumax etiam non auditus condemnatur; quod etiam utilitate publicâ non minus, quam Romanum æquitate commendatur.

24. Est etiam moris hodierni differentia in Generalem & Specialem Citationem, quam nec ab in jus vocatione distinguunt hodiè. Generalem bifariam, in primis accipiunt, primò ad omnes Judicii partes & actus, quod in Foris late patentis Jurisdictionis, magis quam in minoribus territoriis obtinet.

25. Rursus Citatio, sive in Jus vocationis Generalis dicitur, quando omnes alicujus causæ consortes, vel omnes, quorum interest, aut qui sua interesse putent, non expressis singulorum nominibus, vocantur. Sed est difficile dictu, hujusmodi in jus vocationem generalem, præjudicare causam ignorantie habentibus: ut, si venditores immobilium rerum, prius Edicto vocent omnes, qui jus in ea re sibi vindicaturi sint; Utilitas instituti in hoc consistit, quod si dein emergant, qui jus hypothecæ, vel fideicommissi in rem venditam habeant, excludantur; alioqui talis citatio incassum emissâ foret: Sed ut hac viâ, jus absentium & ignorantium extinguatur, non habet rationem. Et tamen si non fiat, hujusmodi citationis usus admodum contractatur & fere nullus est. Proinde forte melius consultum sit, ejusmodi Citationes generales non concedi, uti nec apud nos omnino exercentur.

26. Effectus in Jus vocationis est, quod Reus sistens se, causam disceptare cogitur. Si non veniat, pro contumace habetur, & sit missio in possessionem bono-

bonorum ejus, donec eo damno mulctatus adsit & causam suscipiat. Ulterius Jure Romano, quod jam diximus, contra eos, qui vadimonium deseruerunt, & qui se nunquam stitere, non proceditur. At moribus hodiernis, ad sententiam usque res perducitur, ut Romanis quoque visum est faciendum, adversus eos, qui Eremodicium contraxerant, hoc est, qui causam semel in Judicio susceptam deseruissent: Quominus tamen hoc ipsa in Jus vocatione spectata, fiat, nihil obitare, diximus antea. Sed cum magni res illa sit præjudicii, bene consultum est in Foris hodiernis, quod contumaces non simplici vice, verum ubi spectis aliquot citationibus, obdurato contra jus publicum animo esse creduntur: Quod ipsum tamen, an in Criminalibus obtinere debeat, ob maximum rei momentum, haud immerito dubites: Aut potius non dubites, hac parte Jus civile præferre, quod & in Friua nostra servamus; ne quis omnino inauditus & absque condempnetur, excepto crimine Majoritatis, quod moram animæ adversionis non ferat. *Tit. 1. de Reque. abs. dam*

27. Reliqui effectus in Jus vocationis sunt, quod perpetuat jurisdictionem, etsi reus deinde fori privilegium adeptus sit; quod in casu duplicis fori operatur præventionem, (quæ in criminalibus apprehensione, non vocatione committitur) quod rem facit litigiosam, ac deo inalienabilem, quod denique interrumpit Usucapionem & Præscriptionem; quæ præsumpta scilicet derelictione, vel negligentia, quæ per citationem evanescit, nititur, & si quid amplius in usu gentium obtinet, de quo dicta non repetemus, in *Prælect. ad tit. 1. de In jus vocando.*

28. Pendet horum effectuum ratio, quod ad duos quidem priores attinet, à

juris publici disciplina. ne jurisdictione Magistratum eludatur; quod fieret, si quis post in jus vocationem, ad certum Judicem factam, alio se conferens, aut alii se submittens, potestatem ejus, ad quem semel jure vocatus est, impudenter contemnere posset; cum potius, etsi non adfectata sed necessaria sit migratio; certissime receptum sit, ut citatus, de lite eodem loco persequenda, judicatioque solvendo cavere cogatur.

29. Eadem in summa ratio est, quod in Jus vocatio præventionem operatur inter duos Judices, habentes communem jurisdictionem, in eandem personam. Cum enim ejus, ad quem primum vocatus est, fundata sit jurisdictione, illa per citationem posteriorem subverti aut eludi non potest. Scilicet, inter ipsos Judices, sive Magistratus hæc quæstio vertitur; nam inter partes litigantes hæc parte, controversia litis pendens potius moveretur, cujus respectu an post in jus vocationem ad unum judicem factam, reus ad alterum, cui æquè subjectus est, vocari possit, ibique litem contestari cogatur, dubitandi non deest ratio.

30. Et certum est, nullum vel Judicem, vel Actorem, post in jus vocationem, præjudicium creari posse. Quare, si Judicis ea mutatione, jurisdictione coarctetur, is, quantum ad ipsum attinet, si potest, illud impediendi jus habet: verum hoc ad litigantem non pertinet. Huic igitur, si impensæ per in jus vocationem priorem factæ, & si quid præterea ipsius intersit, restituantur, nihil quo se opponat, habere videtur: Ut taceam, litem proprie non pendere videri, nisi post litem contestatam: Hoc enim à juris privati disceptatione propius abest, ideoque petatur licet è *d. Prælect. loco n. 19.*

CAP. III.

Ubi quisque Agere & conveniri debeat.

Questionem de Foro judiciali, à rationibus hujus artis pendere. Summa de Foro regula & ejus ratio, eadem, quæ in tota regnat hæc *Arte*: Id est, quatenus exequendi iudicari facultas detur. Differentia Fori summa, Domicilii, Rei sitæ, Rei gestæ. Domicilium quid & quotuplex, & quæ causæ ad quamque speciem pertineant, ex publici juris ratione, expositum. Regulariter extra forum municipium sui, neminem sistere solet cogi; nec ejus uxorem & liberos alibi, quam ipse degit. Possit tamen in diversis locis habere domicilium. Originis locus non tribuere Forum, secus ac jure Rom. Rei sitæ locum, in quibus causis Forum faciat; an, & si reus ibi non reperiatur. Ad locum Rei gestæ spectare contractus, & res certis in locis gestas, haud aliter, quam si Reus ibi reperiatur. Personarum remissiones ibi non habere locum. Delicti locus an causa Fori distincta sit, quatenus id recte sit traditum. Transitus ad extraordinarii causis Fori. De privilegio tam dignitatis, ubi de militibus, Clericis, Studiosis, quam miserationis respectu. De prorogatione, remissive. De connexionione rerum; Reconvensione, quatenus ad hæc *Artem* spectant. De Querelâ denegatæ Justitiæ, & de Arrestis remissive.

Quo recte in Jus vocatio fiat, nihil prius est, quam, ut, ubi quis agere, vel conveniri debeat, intelligatur. Quod in Juris privati disciplina curate traditum, ad hæc tamen *Artem* vel maxime, suo modo pertinet, nec alio quam Juris publici Universalis respectu, & secundum ejus rationes à nobis tractabitur.

2. Ubi quis agere debeat, ex eo pendet, ubi quisque conveniendus sit; nam regula Juris Naturæ & Gentium non minus quam Juris Civis est, *Actio sequitur forum Rei*; cujus ratio non tantum est, quod hi, unde petitur, favorabiliores sint, quam petitores; sed quia res alium non capit usum aut exitum. Ingentio enim petitoris cum sit, ut Reus

condemnetur; & ad dandum, vel faciendum, vel ad restituendum cogatur, hoc ab alio quam proprio ipsius Magistratu fieri non potest. Nam ad hunc scopum exequendi rethi iudicatum; ne iudicium, ubi hæc facultas jus dicenti desit, reddatur elusorium; omnem hæc doctrinam esse dirigendam, è sequentibus patebit. Adeo, ut nec submissio expressa, sive prorogatio Forum per se faciat, nisi illa cogendi facultas adfit, ut è dictis *procedit capite*, & è sequentibus colligi datur & dabitur.

3. Quoniam autem Actor, is est, à quo nihil præstandum exigitur, sed ob rethi meritatem actionis institutæ, mereri possit, ut inimpensus condemnetur, ideo si non satis in facultatibus habeat, illic, ubi

dic, ubi res agitur, ne iudicium redcat aliorum, merito ad agendum non admittitur, nisi prius cautionem pro litium expensis idoneam præstiterit, quemadmodum & Reus, si peregrinus aut peregrinaturus ut, fundata in eum iurisdictione, non dimittitur; nisi cautione de iudicato solvendo, præstira, integram reliquit executionis facultatem.

4. Sed ille cogendi & exequendi finis ita iudiciorum ordini præpositus est, ut tamen aliæ rationes æquitatis & negotiorum naturæ, Legislatori in conspectu sint. Ita compertum est, ad tria potissimum loca, redigi posse *Fori competentiæ*, ut ajunt, doctrinam; Ad locum *Domicilii*, *Rei sitæ*, *Rei Gestæ*, modo reus in hoc posteriore loco sic haberi possit, ut ad præstandum, jure cogi queat; cum alioquin historia rei gestæ nihil ad hanc rem pertineat.

5. Prima & generalis causa Fori est *Domicilium*, ubi quis larcm rerumque suarum ac fortunarum iuriam constituit, & ubi finis exequendi facillime obtineri potest. Ergo Domicilii ratione, subiectus est quisque vel Imperio totius Reipubl. vel speciali Jurisdictioni. Et huic vel ratione Provinciæ, vel certalicujus loci. Ad sedem Imperii totius Reipubl. vocari possunt omnes, illi Imperio subiecti, in causis quidem ad regimen Reipubl. spectantibus semper, & quoties id Imperantes exigunt extra ordinem.

6. Sed in privatis & judicialibus causis, non aliter, quam si aliquis Senatus, aut Curia sit, cui per omne Imperium res iudicandi facultas sit data, vel directe primaque, ut ajunt, instantiâ, vel per viam Appellationis. Prioris generis fere sunt causæ Religionis, pacis publicæ, Repressaliorum, Quæstionum matrimonialium, Devirginationum, Legis diffamari & similes, ut in quaque Reipubl. ritum est. Etiam causa cri-

minales; cæsi hæc in quibusdam locis ad singula Municipia spectant. In majoribus etiam Imperiis, quod est Curie totius Reipubl. id sæpe tribui solet singulorum Provinciarum Præsidibus aut Curis supremis.

7. Reliquæ, de quibus non sunt Leges speciales, ad singulorum municipiorum tribunalia spectant; nisi quod eminentiores indigenæ, juxta eos, qui non habent fixum certo loco domicilium, ad generale Reipubl. vel Provinciæ tribunal vocari possunt aut debent: Nam in ipsorum favorem id indultum sit, alio inviti vocari non possunt; quod secus est, si potius in favorem plebis constitutum sit, ut Potentiores ad iudicium Provinciale, ubi minus spectata sit eorum dignitas, citari queant, quemadmodum cum alibi, tum in patria nostra juris est, ut Nobiles & quicumque supra municipales & agricolis eminent, ad Supremum & commune Provinciæ Tribunal vocari possint, in gratiam tenuiorum; quia quanto quisque spectatior est in loco suo, tanto durior adversarius ibi civibus & agricolis habendus est.

8. Verum stricte & proprie, Domicilium habet respectum ad municipium cujusque, vel pagum, in quod agit; hæc voce, non tam pro una tantum cohabitatione vicove, sed etiam pro major territorio accepta, ut est Latina significatio, apud Tacitum de Germanis, & Cæsarem de Gallis in pagos divisis. Quisque ad ejus loci, in quo lares suos fixit, tribunal vocari potest, inde verò evocari, nisi causis Lege proditis, non potest.

9. Proinde, qui ad tempus in quibusdam locis agunt, fixo alibi domicilio & sede fortunarum suarum, an hi apud diætas suas temporarias conveniri non possunt? Si posse dicas, frustra domicilium esse causam Fori statuas: Si non poterunt, videndum, necne atque contra: cum

tra; cum peregrini etiam in locis, ubi reperiuntur, conveniri soleant, & forum eligere cogantur, ubique gentium; juxta regulam decantatam; *Ubi te invenio, ubi te judico.*

10. Distinguendum reor, inter eisdem Reipublicæ diversa Tribunalia, & diverforum Imperiorum: In his habet locum, ut nunc est usus populorum, Regula citata, quemadmodum ex his, quæ de Arresto in *cap. præced.* dicta sunt, intelleximus. Sed in eadem Republ. non habet rationem consuetudo, ut diversi municipii civis, alibi repertus, extra forum domicilii sui conveniatur; etsi in quibusdam populis, ubi singulæ civitates habent conformationem, instar Reipublicæ subordinatæ, sicut in Hollandia, novimus aliter observari; sed jure positivo arbitratio, non jure gentium merò & recto: quod cum alibi, tum vim vigoremque suum obtinet in Frisia, ubi certi & noti juris est, quod ordo & summa judiciorum regula dictat; neminem extra forum domicilii, licet alibi repertum, conveniri, nec Arresto ad eligendum alibi Forum posse compelli: Quicquid civitas una Frisiorum prima, sibi juris in alias, facto, contradictorie nunquam agnito, sibi quandoque arrogaverit.

11. Porro, Domicilium ita est sedes fortunæ lariumque, aut paterfamilias cum uxore liberisque in eo versetur; domus enim non est sine familia; unde Græci per *οἶκος*, domum, æque familiam ac ædes intelligunt. Ideo conjuges & liberi, quanquam alibi forte agentes, apud maritos suos pagentesque domicilium habere judicantur, ac ita, cum jure Romano, tum moribus obtinet. Quod adeo verum est, ut tamen si mulier a viro discesserit seorsumque habitet, tamen ex mariti domicilio forum sortiatur, quia non potest sua procacia mutare jus publicum.

12. Sicut autem eosdem homines diversis aliquando municipiis pariter subiectos esse diximus, in *lib. 2. sect. 2. cap. 1. & c. 2. n. 16* Ita si quis in duobus locis, ita sese instruxerit, ut sedem forum suarum utrobique collocasse videatur, non est dubium, quin utriusque loci forum sequatur: Imo licet illa minus plena fuerit instructio, si tamen alieni loci civis aut municeps, alibi domicilium elegerit, & jus civitatis aut municipale quæsierit, quominus ibidem ex sua voluntate universaque submissione forum sortiatur, dubium non est.

13. Sed quod Romanis visum est, locum originis etiam tribuere forum, ut Incola tam ex loco Domicilii, quam ejus, unde ortus erat, *l. 29. n. ad Municip.* Forum haberet, fuit admodum illis speciale, nec rationi juris Gentium, aut Juris publici universalis consentaneum: sed longe satius est, quod ubique teceptum videmus, ut domicilium, non origo, jus Fori & subjectionis adferat, quemadmodum in *lib. 2. sect. 2. c. 2. n. 10. seqq.* occupatum est probari; Quibus hic ratio peculiaris accedit, quod locus originis nihil facit ad coercionis facultatem, quam maxime in hoc capite spectari, inde ab initio demonstravimus.

14. Sequitur altera Fori causa, *Locus Rei sitæ*, quem priusquam explicemus, tenendum, Domicilii forum esse generale, quod in omnibus judiciis in rem & in personam, Civilibus ac Criminalibus, juxta locum rei sitæ, vel rei gestæ forum præstat, ita ut hæc duo priori subordinentur ac adjungantur, in causis suæ relationis. Nisi quod, ubi de missione in possessionem agitur, res loquatur, hanc rem non nisi in loco rei sitæ confieri posse. Domi alioqui suæ conventus quis habeat recusandi causam? nec usquam expeditior illum cogendi ad iudicium faciendum ratio esse potest.

15. *Cæterum*

15. Cæterum, causæ ad locum rei sitæ relationem habentes sunt Actiones in Rem; quæ non contra certas personas nobis obligatas, aut earum heredes, sed in rem ipsam, & quemlibet ejus possessorem diriguntur, ut Imperatores statuerunt in *l. un. C. Ubi in Rem act.* Quod & moribus in Jus universale transit: Etsi veteres Juris Interpretes haud temere visum sint hoc restringere ad res immobiles, quæ proprie in certo loco sunt constitutæ, ut textus ille designat; cum mobilia sint potius sequelæ personalis, nec ad stabilem situs locum se referre videantur.

16. Attamen, heic aliam potius rationem sequimur, quam in foro stabiliendo maximè considerari diximus aliquoties; an in promptu sit, effectum & vim dare in Jus vocationi, cogendis partibus ad obsequium jurisdictionis: quæ facultas æque locum habet in mobilibus, illic, ubi detinentur, quam in rebus soli. Unde, quod in casu Arresti, de rebus etiam mobilibus agi debet, hodieque passim agitur, ubi res detinentur, hoc ad exemplum in Rem actionum, quarum naturam Arresta, sicut hodie recepta sunt, in negotiis quibus applicantur, induunt, receptum est.

17. Nec opus est, ut Reus in loco rei sitæ reperiat: Sed cum juris discipulationem effugere non possit, ubi in Rem ejus & præsentem possessionem movetur controversia, sistere se atque tueri debet, modo litis moræ certior fiat, æque citetur, quod vel per requisitionem sui Judicis, vel per Edictum fieri potest, ac solet. Cum enim Actor præsentaneam agendi & exequendi, per suum judicem, habeat facultatem, non est, quod foris adversarium quærat. Quod cum ubique Gentium, moribus & jure receptum sit, facile est animadvertere, non tam ejus unde petitur favo-

rem, quam cogendi facultatem esse causam regulæ, quod Actor sequitur forum Rei.

18. Tertia Fori causa loco Rei gestæ adscribitur; juxta domicilium, quod hic etiam concurrere, denuo inculcandum est. Locum autem Contractus non hunc semper, in quo historia rei gestæ usu venit, sed magis quem contrahentes respexerunt, idque præ se tulerunt, accipiendum esse, ratio dicitur, quæ est in tacito partium consensu; quod ibi maxime de jure rei ab se gestæ, ubi cum inter se obligarentur, versati sunt, agi voluerint.

19. Quid autem? An sola partiua intentio Fori causam præbere potest, quando ne conventionem quidem expressâ jurisdictionem mutari posse, vidimus in *sect. præced. cap. ult. n. 34* ubi de prorogatione, sive submissione, probavimus, eam non aliter habere effectum mutandæ jurisdictionis, quam si Reus in territorio Judicis, cui se submitit, reperiat. Scilicet, ita se res omnino, etiam quod ad locum Contractus attinet, habet, ut, ubi quis contraxit, ibi conveniri possit, si reperiat illic, aut bona duntaxat ibidem sita habeat, in quæ missio, si reus in loco contractus se non sistat, fieri queat.

20. Quod autem nonnullis visum est, si reus in loco, ubi contraxit, sistere se nolit, eum illuc à Magistratu suo requisito esse remittendum, aded non habet rationem, ut verius sit, judicem requisitum non teneri, ne quidem ex humanitate, civem suum, qui contraxit, aut se alii judici submitit, aliud in Jus vocandum permittere, vel imperare, ut eo se conferat; quia plus habet rationis, si ipse juri in suum civem dicendo paratum se profiteatur, quam ut illum foras evocari pariatur.

21. Ad rei gestæ locum retulimus etiam

nam Delictum; Etia, an æque Juris id universalis sit, quam Jura Romani esse creditur, merito dubites. De jure Romano hac parte diximus in *Prælect. ad Inst. v. de Judic. n. 57.* eoque locus constat, Reos criminum alibi repositos, ad locum maleficii perpetrati esse remittendos *Nov. 134. c. 5.* quod diversis ejusdem Imperii locis habet facultatem: non æque in diversis Imperiis; cum inter ea cesset obligandi vis, qua Judices reum à se captum in locum commissi delicti remittere debeant.

21. Ubi sic ubique receptum esse videmus, ut criminum rei, quocunque loco reperiuntur, ibi supplicio adfici possint, nec usquam validius obineat ista regula; *Ubi te invenio, ibi te judicabo.* Sed enim fieri, interest humani generis, ut auctoritatibus & exemplis probat, in usum popularis sententiæ, Sandius *Not. Her. lib. 1. tit. 1. def. 6.* Etia verum est, existimari exhibendi supplicia, in locis malefactorum admissorum facere, ut viros remittendi reos criminum alibi captos, ad judicem loci, passim ita receptus sit, ut rogantibus huc temere negetur, quo facit ratio *l. 28. §. per. v. de Pen. Ut & conspectu deterrantur alii ab hisdem facinoribus, & solatio sit cogitatio & adhibitus interemptorum; eodem loco perinde reddidit, in quo Larrones homicidia fecerunt.*

22. Ex his apparet, quo sensu locus delicti causam Fori tribuat, quatenus illi prerogativa remissionis debetur, in eodem quidem Imperio ex necessitate, si Leges Rcipubl. ita serant, (nec enim ubique tales extant, quomodo in Hollandia non tenentur singulæ civitates, quod sciam, illa necessitate) in diversis autem Imperiis, ut dictum, ex humanitate; tam præstante tamen officii ratione, ut à jure pariter abesse videatur.

24. Atque hæc sunt causæ Fori ordinariæ. Dantur etiam extraordinariæ, quibus Forum alicui non competens, fit, ut vulgò loquuntur, *Competens*, quatenus, ut ad hæc Attentum pertinet, hæc sunt species, Prærogatio, Connexio rerum, Reconvectio, *D. negata Justitiæ Arrestum.* de singulis aliquid ad hujus disciplinæ modum.

25. Privilegium datur vel dignitatis, vel miserationis causa. Priore respectu Illustres personæ ubique fere sunt privilegiatæ, ut non nisi ad Supremum, vel certum eminentis Judicium vocari possint: Cujusmodi quod jure Romano datum est, non magis hæc opus sit exponi, è titulo *C. ubi Senat. vel. Clariss.* quam aliarum gentium mores, quorum magna varietas est, recenseri possunt. Suique patriæ instituta facile content, idemque de Fiscalibus causis intelligendum.

26. In modicis Rebus publicis, ubi non sunt Illustres, eorum loco Nobiles & civium Excellentiores aliquando funguntur. Etia verum est, eorum jus singulare Fori, esse quidem privilegium semper, quatenus hac voce jus singulare significatur, non esse tamen privilegium, ut hoc jus in favorem alicujus constitutum denotat: Magis enim esse, uti, quod nobiles & civium eminentiores ad Suprema Tribunaia vocari possunt, id in favorem tenuioris fortunæ hominum, & æqualitatis quam dignitatis causa institutum videatur, antea diximus: Nisi hoc modo terretur, ut Nobiles & Eminentiores ad lucos Judices, quibus in ordinariis, causis subiecti forent, in jus vocari nequeant; Id enim à dignitatis ratione minus alienum & privilegio propius esset.

27. Ad causam dignitatis spectat etiam Privilegium Militum, quibus ubique videmus indutum, ne alibi, quam apud Magistrum suum, quæ proprie Magi-

stratus

stratus non esse, probavimus amice, conveniantur; quod à Romano Jure fluxit in omnium gentium mores, suffragante ratione, de qua notus Satyrice versus, non fatyrici.

Legibus antiquis castrorum, & more Camilli:

Servato, miles ne valemus Insigne extra,

Et procul à signis: mississimum conserationem

Cognitio est igitur de milite.

Non immeritò tamen hæc multis exceptio placuit, quod in delectis non militaribus, & communem civitatis quietem turbantibus, milites etiam à civili Magistratu coerceri atque puniri possunt; quo respectu ita fere fertur, ut iurisdictionio communis habeatur: In qua prævenientis potior sit conditio, ut ab eo qui prior reum apprehendit, cognitio & animadversio exerceatur: Etsi non desunt Respubl. in quibus, Militia separatum fere ordinem constituens, ad suos Magistros ita pertinere judicatur, ut capti à Magistratibus milites, ad ipsos remittendi sint.

28. Pontificum Romanorum potentia fecit, ut & Clerici ordinario & Seculari, quod vocant Foro, subdacti proprium habeant Forum Ecclesie, de quo notæ sunt Juris Canonici constitutiones, & usus per omnem Europam, quatenus adhuc adorat Papam: etsi jam à Græcis Imperatoribus hujus rei initium factum est, in l. 17. C. de Episcop. Audient. & l. 33. C. de Episc. & Cler. idque longius prosectum à Justiniano in Nov. 87. N. 123. C. 21. ubi tamen, si jus ad Episcopis non dicatur, res ad iudices privatos deferretur, quemadmodum & communia Clericorum delicta iisdem relinquuntur, Ecclesiastica verò Episcopis.

29. Pontifices forum Ecclesie tam

proprium Clerici suis esse voluntur, idque sine distinctione civium & criminalium causarum. ut ne quidem in singulis causis, eis fero suo renunciare permiserint a. 8. x. de Judio. Cap. si diligenti, cap. significasti 2. de Ver. comp. quod aliquia omnibus in universum privilegatis, etiam in Fori causa, proculdubio licet. l. 51. C. de Episc. & Cler. nisi alterius & maxime Superioris interfir.

30. Non potest negari, quin artificiosissima sit structura magne illius Civitatis, quam è tot gentibus, ambitione flagrantissimæ Regum & Principum subactam, Imperio Monarchico, exquisita independentiâ, Pontificis stabilitaverunt. Digna res ingenio erudite calliditatis, quâ Principibus & populis superstitione rerumque bonarum ignorantia involutis superbe ac insolenter illuserunt; Et si verum est, quod olim Cicero ad Lucæjum scripsit, eam, qui semel vercedis fines excessit, oportet naviter esse impudentem, ne quidem id reprehendi potest, quod Renuntiationes fori, quibus ordinis ipsorum dignitas & sinceritas, si res crebro ad executionem veniret, notabiliter dehonestata fuisset, interdendas putarunt.

31. De jure si quæras, externo, dubium non est, quin jus illud optimum sit, patientiâ & consensu populorum atque Regnantium: Jus vetus & authenticum est quidem, *Et non vix imperatorum sedus inmirabilis, Omnem animam majoribus subiectam oportet esse Potestati, ad Rom. 13. v. 2.* Sed hoc nihil impedit, quominus ipsorum consensu populorum, sacer ordo seorsum petens, & cum honoris aliquo hac parte respectu, quàm ut *et non dicitur*, nullo à vulgo discrimine censeantur. Hæc junge *lib. 2. sect. 3. cap. 2.* quæ dicta sunt in *lib. 2. sect. 3. cap. 2.*

32. De privilegio Studiorum, quod accis

dedit iis Fridericus Barbarossa in celebri *Ausbens. Habitâ C. Ne fil. pro Patre*, quod satis ad hanc rem sit, diximus in *d. lib. 2. c. 3. n. 7. & seqq.* ad cujus Authentice Constitutionis exemplum formata est Academia, cui nos ætatem & studia nostra consecravimus, ab Illustribus Frisiz Ordinibus; Franekeranâ: purius & decentius quam aliz plures, quâ de re diximus in *Prælect. ad Tit. n. de Judic. n. 13.* ubi, & in *sequensibus* plura ad hanc rem pertinentia, nec ab hac Arte aliena collocavimus; sed modus est habendus, ne moles, operis, si qua futura sit, gratiam corrumpat.

33. Altera causa Privilegii forensis est *Miseratio*; quo respectu consultum est pupillis, viduabus, diuturno morbo fatigatis, debilibus, aliisque fortunæ injuriâ Miserebilibus personis, quibus hoc datur favoris, ut adversarios suos ad Comitatum Principis, vel ad Supremam Curiam, prima instantiâ vocare, sed ipsi illic ita vocari non possint; ut nec sumptibus vexentur, & validum adversus potentiam adversariorum suorum habeant remedium; quod ita constitutum Jure Romano in *l. un. C. Quand. Imp. int. Jud.* durat ubique fere gentium & rationem habet universalem.

34. Quo autem jure, quod de pupillis sancitum est, ad puberes & omnes, qui sub Curatoribus agunt; & quod de viduabus, hoc ad virgines productum sit, aliaque hujus capituli memorabilia, repetere non sustinemus, è prædicto ad *Tit. n. de Judic. loco n. 60.*

35. Hæc igitur de Privilegio Fori dicta sunt: De *Prorogatione*, quæ fit et submissionem alicujus, sub alienâ jurisdictione, quâque Foro quis extraordinario subicitur, etiam occupatum est agi quod satis huic Arti sit, in *sect. 1. buj. libri cap. 6. n. 34.*

36. Terciam Fori extraordinarii cau-

sam diximus esse *Communium rerum*, quâ fit, ut litis alicujus consortes, ne continentia causæ dividatur, ad alienum judicem ire cogantur: quod fit quidem bifariam; vel ut ad Tribunal, cui nec mediate nec immediatè subjecti sunt; vocentur; vel ad tale, cui non nisi per viam provocationis subjiciuntur. Prius tum maximè fit, quando situs rerum facit, ut lis apud certum judicem, tam diversi, quam ejusdem Imperii; quæ ad plures alibi degentes pertinet, inchoata, non nisi omnibus instantiis in unum constatis, absolvi possit. Veluti, cum ad hereditatem aliavæ res communes dividendas, plures è variis locis socii convocantur; aut unius debitoris, qui solvendo non est, Creditores, ad ejus bonâ distrahenda conveniant. Quod denique; possessionis & proprietatis quæstio, super eadem re, ab eodem judice decidi solet; et si aliter ratio Juris ordinarii ferret, huc referendum est.

37. Alter casus habet terminos ejusdem Imperii; Quoties causa, licet ad situm rei non habeat respectum, contra plures ejusdem consortes, variis sub judicis inferioribus degentes, movetur. Quia non expedit, singulos reos apud suos judices conveniri, & tot lites, quot sunt homines, diversas agi, datur ubique facultas Actori, omnes ad idem Tribunal, omnibus, et si mediatè commune, hoc est, ad Supremam vocandi Curiam. Quod cum ita reale & inevitabile non sit, quam est rerum Communium situs & *individuitas*, sed magis arbitrarie utilitatis, ideo in diversæ Reipubl. civis non valet; nec hos propterea Magistratus sui prudentiores, evocari patiuntur; qui propter res alibi sitas & actiones in ipsam rem conceptas id nullo modo recusare solent.

38. Quarta causa Fori extraordinarii & *incompetentis*, est *Reconvensio*, quæ dicitur;

citur; per quam is unde petitur, Actorem peregrinum apud suum Judicem, de quavis alia re, vicissim convenire potest. Cujus rei tanta commoditas & rationis evidentia est, ut nusquam gentium recepta non sit; an tamen usque adeo, quo Justinianus Imperator ejus usum intendit, hodie valeat, ut, si Reus sui judicis tædio, pendente lite, quæ moveretur ei ab alio munice, eundem apud suum, domi suæ judicem, si maxime velit, convenire nequeat, ut est in *Nov. xcvi. cap. 2.* non habeo dicere.

39. Sed hoc requisitum Reconventionis est hujus loci, quod ita demum fieri possit & debeat, ut nullam in ordine civitatis Judiciorum confusionem pariat; Unde nec in Criminalibus invicem causis, nec in extraordinariis summarisque judiciis, ordinariorum reconventiones judiciorum admittendæ videntur. Plura, quæ ad hanc rem & præcedentem pertinent, *ad Tit. x. quib. caus. ad eund. jud. casur.* petenda reliquimus.

40. Quinta causa, per quam non competens alicui Forum, fiat ordinarium, & hujus maxime loci, est, *Denegata querela Justitiæ*, facta scilicet à judicibus inferioribus: Quæ causam præbet extra ordinem, vocandi adversarium ad Supremum, cui alioquin immediate non erat subiectus, Tribunal. Denegatam autem dicimus Justitiam, non, quando male administratur: Id enim per Appellandi remedium rescinditur; sed quando Judex inferior officium recusavit suum, nec omnino juris publici copiam facere voluit: Id demum est, denegare Justitiam.

41. De Arresto, cui ultimum Fori non proprii causam adscriptimus, actum in *cap. 2. hujus sectionis*, in quo demonstratum est, non modo eum, qui repperitus est in alieno territorio, per Arrestum cogi posse, ut ibi Forum eligat; quod ut hodie mores seculi sunt, parum abest, quin ordinem Fori competentis non excedat; sed etiam peregrinus, si quando res aut debitum ejus in alieno territorio situm sit, Arresta jure ipsemet è sua Patria, ad locum illius Arresti (ni rem debitumve suum amittere velit) transire, seque ibi Judicio sistere compellatur.

42. Cæterum, in Jus vocatus ad Judicem *incompetentem*, ut loquuntur, cui vel jure communi, vel privilegio subiectus non est, tamen sistere se debet, ut Romanis olim placuit, ratione, ut videtur, universali; ne auctoritatem Magistratus, sive ut illi loquuntur, Majestatem Prætoris sprevisse videatur, quæ de re est *Tit. in x. In jus vocati ut causi*: Non tam utique, ut ibi causam disceptet, quàm rationes, quæ ad fori declinationem serviunt, alleget.

43. Ex ratione tamen Juris publici, non opus est, Exceptionis judicio; quo sæpe fit, ut rejecta exceptione, aliquis sine causa Judici non suo fiat obnoxius, & impensis oneretur; sufficit allegare suas rationes voce scriptove, modestæque protestari, vocationem esse ipso jure nullam, eaque non teneri vocatum. Sed aututum sit, hac protestatione defungi, politica & facti quæstio fuerit, potentia an impotentia Judicis, domicilio & patrimonio rei conventi, aliisque rationibus æstimanda.

C A P. I V.

De Ordine Judiciorum.

Initio Judicii, tempus deliberandi esse concedendam. De litis contestatione, & usu ac proprietate Exceptionum à Romano jure discrepante. Disceptatio Cause. Interventiones, Probatio quid & quotuplex. Testes quinam penitus prohibeantur, quinam in certis causis, & quinam admitti minorem fidem mereantur. Invidios plerumque judiciali testimonio fungi, quibusdam exceptis; quo numero & modo interrogandi, ubi de jurejurando. Attestationes scriptas non habere vim probandi; Extra judicium, neminem cogi ad testimonium perhibendum. De Instrumentis & eorum differentiis. Publica quænam, ubi de Notariis & Proscollis & exemplis authentica vi muniendis. Instrumenta privata fidem ac aliquam habeant, ubi de comparatione literarum, de rationibus Artificum & Mercatorum. Præsumptio quid, & effectus earum varius, pro variis illarum speciebus. An adeo conferri & valide cumulari possint, ut plenam faciant probationem. Ordo procedendi in Criminalibus, ubi de Questionibus per tormenta.

Post in jus vocationem, è vestigio reum ad litem urgere contestandam, etiam magis est, ut hic rigor, hodiernis moribus obtineat, incivile videtur. Romani rectius Edi jubebant actionem & instrumenta probationis, ut ex iis rei copiam deliberandi haberent; cedere, an contendere satius foret, in quem usum Justinianus spatium xx. dierum intulit, quo elapso, respondere cogentur, in *Authent. Offratur, C. de Lit. contest.* quod et si jure universalis non sit receptum, officio tamen judicis, aliquod deliberandi, tempus indulgeri posse atque debere, non est dubitandum.

2. Si reus cedendum haud putet, responsum meditatur, quod pertinet ad litem vel sufflaminandam, vel contestandam. Prius, si vel forum neget esse legitimum aut sibi tutum, vel iudex sit suspectus, aut Procurator non sit jure

datus, aliave causa, quomodo adhaerens est, non teneatur ad litem contestandam: cujusmodi rationes vocantur. Exceptiones, in Foro potius, & in hac Arte universalis, quam jure Romano. quas antequam lis inchoetur, iudicis interlocatione rejici oportet.

3. Litis autem contestatio committitur, quando quis ad Actoris intentionem ita respondet, ut vel neget, se illo modo, vel saltem adhuc, esse condemnandum. Qui negat omnino, hic vel ait, se nullo modo teneri, nec obligatum esse penitus; vel, et si obligatio civilis subest, aliquam tamen æquitatis ratione, non esse faciendum, ut condemnetur in totum vel in tantum; veluti coactum se, vel dolo inductum esse ad contrahendum, vel pactum esse, ne petatur; eo denique pertinent omnes, quæ in jure vocantur, Exceptiones perempto-

impotenti. Qui autem adhuc se cum effectu, vel eo, quo convenitur, modo teneri negat, habere dicitur Exceptionem dilatoriam jure Romano. Modis enim hodiernis, qui magis ad hanc Artem spectant, Exceptiones solummodo vocantur, quibus impeditur litis ingressus, & opponuntur Defensionibus, cujusmodi remedia sunt hoc articulo commemorata.

4. Post litis contestationem, quae apud Romanos veteres Testato fiebat, unde nomen; sequitur, ulterior disceptatio, per Replicationes, duplicationes, Triplicando, Quadruplicando, Quintuplicando, sextuplicando: Etiam ad ambages praecedendas, Quadruplicatio terminus esse solet; in multis etiam Foris, non male, prohibitum est, ultra duplicationem procedere; ad amputandas repetitiones otiosas & supervacuas cavillationes.

5. Interea fiunt etiam saepius Interventiones, quando alius Reum suscipit defendendum & litem in se transfert, quod nec actor, si caveatur ipsi reculare potest; item Reconventiones, de quibus in *sup. proced. actum*, & quae duplex judicium faciunt, sive duas, ut loquuntur, Instantias; quomodo appellantur causas alii junctae, de quibus actione propria disceptari potest.

6. Si partes de facto notabiliter, ut juris inde varietas oriri possit, discrepent, fiunt ab illis, & fieri debent, ut plurimum ad judicis interlocutionem, Probationes per testes & instrumenta. Reprobationes quos vocant, ad probationem partis adversae ultro citroque refutandas; & quicquid amplius ad juris & facti declarationem requiritur, id in Acta redigi, Adversario ventilandum & Judicis ad scopum victoriae obtinendum proponi solet & debet.

7. Probationis scholastica & antiqua

divisio est, in Artificialem & Inartificialem. Artificialis fit per rationes & argumenta è rerum natura & circumstantiis petita. Inartificialis, quae dicitur, per Testes & instrumenta: & haec species nomine probationis maxime demonstratur. Alterum genus disceptionis verbalitatis perpetratur, ad quam nihil opus est interlocutione Judicis, nec egent expositione nostra. De Testibus & Instrumentis, cum usus eorum aequè in publicis ac in privatis obtineat, pauca agendum.

8. Cum probatio sit Legitima Fides, de re gestà judici facta, res loquitur, debere Testes esse personas, quarum dicta fides ejusmodi Legitimam facere possunt; ejusmodi qualitas aliis quidem omnino deest, in aliis imbecillior est. Omnino deest, vel in omnibus, vel in certo genere causarum. In omnibus, fidei faciendae inhabiles sunt, ut res loquitur, dementes, & furiosi; cum quibus prodigi, quibus bonis interdictum est, comparantur. Impuberes etiam, non obstantibus exemplis in contrarium, cujusmodi illustre praebet in *vita Marcelli Plutarchus*: Cum ille Capitolinum stupri filio suo illati accusasset, deficientibus omnino testibus; ita Plutarchus, *την μόνην ἔχοντα τὴν λόγον γερῶντες, ἰδέειν μεταπίπτοντες τὴν ἀρετὴν, τὴν βουλὴν. Πλεονεχίῳ μὲν δὲ ἰδὲ τὴν ἐπιβραμὴν καὶ δίκην, καὶ μακροχρόνιον ἀπίστεον θυμολόγον τὸ ἀνδραγαθόν, ἔστιν ἄλλο δὲ ἰστίον περικύβητον κριτικόν, καὶ χερματιστὴν ἐξαρμίνων τὴν κριτικὴν. Cum nullus esset testis eorum quae dicebantur, visum est Senatui, puerum esse arripendum. Quo ingresso, cum ruborem ejus & lacrymas & verendum aspectu iracundiam mixtam, quillo alio opus esse rati iudicio, Capitolinum in multam pecuniariam condempnerunt. Bene de pecunia: Nam si poena Capitalis irroganda fuisset, credo, magis basitassent.*

9. Prohibitiones adhuc hauri antiquae

tique simul, & Intestabiles, quibus ob magnitudinem infamiae testimonio interdictum, ut Lenones & scorta publica; quibus quod jure Romano Hæretici & Perquellium libri accensentur, non habet rationem juris universalis nec æquitatem.

10. In quibusdam causis, prohibentur, Surdi, cæci, in iis scilicet, quibus visu vel auditu opus est; Muti, si quod percepserunt, scribere nequeant. Mulieres usu gentium positivo, non ex jure naturæ derivato, in Testamentis; cum ratio in his nihilo magis illas, quam à judiciis excludat. Minores annis xx. in criminalibus jure Romano prohibentur, quod hæcenus receptum est, si veritas aliter haberi possit: In criminibus difficilioris probationis, magis est ut admittantur, maxime si contestes habeant consentientes.

11. Huc etiam pertinet, quod nemo testis esse potest in causâ penitus, aut ex parte propriâ, in quâ lucri vel damni ipsius ratio vertitur, quos inter consortes criminum; haud perinde qui læsi sunt, ubi publicè contra maleficos proceditur; tales enim admitti solent & debent; nisi cum ad id quod sua interest agunt. Nec quidem in articulo Mortis facta declaratio, de proprio facto valet, etsi Theseus apud Euripid. *Hippol. v. 319.* vim ejus cum jurejurando comparat.

Ποῖος γὰρ ἴσκει κριτῶν, τίς λόγος

Τῆς δ' αὖ γένει' ἴσθ', αἰεὶ σ' αἰθῶν
φυγῆν.

Quodnam potius esset jurandum,
qua rationes

Hoc meliores chirographo, quod te
coarguas?

Relicto scilicet, à Phædra & suspensione sui obliuato.

12. Denique, nec patroni vel Advocati & Procuratores in eadem causâ, ne qui-

dem diversâ instantiâ pro suis mandatoribus aut clientibus admittuntur: Etiam domesticos testes prohiberi dicuntur, qui tamen non testis sed necessitudine estimantur, si talis hæc sit, ut imperium in medio sit, veluti inter parentes & liberos, virum & uxorem. Inter fratres, quamdiu sunt in eadem domo, non videtur esse dispar ratio: Separati, imperio non tenentur; Ideoque frequenter admittuntur; ut & cognati ulteriores, tamenetsi non sint omni exceptione majores. Denique, Amicitia & Inimicitia gravis aut intima prohibet. An & subjectio infra Magistratum aut Principem non videtur, si nulla testis utilitas privata vertatur; nec quidem ut juramentum subjectiois, quod aliqui volunt, remittatur, cum hoc à testimonii in judicio præstandi causâ prorsus alienum sit, necesse videtur.

13. Quenam sint causæ, propter quas minorem aliqui fidem mereantur, Judicantis officio magis, quam certis regulis comprehensum videtur. Enimvero qui supra non simpliciter, sed in quibusdam rebus prohibiti sunt, hi in exquisitis magni momenti causis, quarum notitia per alios haberi non potest, admitti solent, non tam si per se constant, quam si per alios testes validaque præsumptiones adjuvantur. Item cognati ulteriores, amicitia inimicitia ve noti tractitia; Infames insigniti, denique viles & sordidiores, χαμηλῶς καὶ ἐπιδήριος, abjecti humique rescentes, quos vocat Justinianus in Nov. 90. c. 1. Denique, prohibiti absolute cum raro producantur, ita fere usu venit, ut plerique partibus recusati testes admittantur, salvo jure reprobandi, id est, fidem cum bonis rationibus diminuendi.

14. Testimonii perhibendi publicum est officium, ad quod etiam invitos compelli Reipubl. interest, ut tamen excipiantur

plantur personæ proximè necessitudine conjunctæ his, contra quos producuntur; quod tamen quo usque extendatur, juris est politici & arbitrarii; Ad quintum usque gradum inclusive, ut ajunt, Romanis id extendere visum l. 4. & 5. de Testib. Quod in Criminalibus summam habet rationem: In civilibus, propinquos ad quintum usque gradum eximere necessitati, copiam veri aduersus personas conjunctas faciendi, caret notabili incommodo. Ideoque à Græcis & Basilicis lib. 21. tit. 1. ad d. l. 4. & in quibusdam Tribunalibus, hæc remissio ad maleficia famosasque duntaxat actiones, non sine magnâ causâ restringi solet. A patronis olim aduersus clientes suos non exigebatur testimonium, auctore Gellio lib. 5. c. 15. quod ad Patronos causarum extendi solet: Modo veritas aliter constare queat. Nam si ab Advocati conscientia, momentum omnis causæ penderet, ferendum non esset, ut Reus hunc sibi patronum deligendo, probationis copiam aduersario interciperet.

15. De numero Testium habemus hoc dictum sacris & profanis scriptoribus usque populorum approbatum, Unius testimonio non esse credendum. Ex ore duorum vel trium omne constare verum. Et quidem duo, si omni exceptione majores sint, audiuntur; nisi quod pro negotii natura atque momento & qualitate personarum, judex aliquando plures requirere posse videatur. Plures verò singulares, qui aliis aliisque locis & temporibus super eodem facto loquuntur, non facile ad fidem faciendam conjunguntur; nisi valde confertim & constanter omnibus in unum rei finem conspiciantibus & concordantibus, ut ait lex 16. C. De pen. Uni igitur, licet omni exceptione majori non habetur fides; nec tamen numerus omnimodo prævalet; nec re-

spici oportet ad multitudinem, sed ad sinceram testimoniorum fidem, quæ ex auctoritate quoque & dignitate personarum & rationibus colligitur, ut quibus potius lux veritatis aduerit, animum advertamus, ut est in l. 21. d. Testib.

16. Debent autem jurati esse testes; injuratis non creditur, quod ut Jure civili cautum l. 9. l. 18. C. b. s. ita ubique receptum est. Unde Mennonitæ, quos vocant, saltem qui Deum testem invocare nolunt, qua de re diximus in lib. 2. sect. 6. c. 3. n. 22. re infectâ dimittuntur; alicubi etiam male mulctantur. Sed male, cum religionis causam, licet erroneam, habeant. Cogitandum potius, an non temperamentum aliquod inter invocationem Numinis, ad fidem faciendam & adseverationem simplicem, præter id quod vulgò adfertur, ut fallaciæ comperti tanquam perjuri puniantur, inveniri possit; quod iplos in præfenti animos adficiat. Si Mennonitæ, quibus & Sociniani hac parte plures accedunt, adduci possent, ut formulam Quakeris in Angliâ præscriptam sequerentur; *Adfirmo verè, ut in conspectu Dei, quemadmodum Londino scriptum fuit, in Novellis Harlemensibus die 2. Maj. 1689. Existimarem, ejusmodi adferriorem juramenti loco in judiciis, haberi posse, ejusque vim & virtutem satis exhibere, secundum ea quæ diximus in d. cap. 3. n. 22.*

17. Quæ præterea, ad doctrinam de Testibus spectant, perjuratio non est, quam ut huic instituto conveniant; nisi quod duæ res adjici merentur. Una, scriptas attestations, licet *ἀποκρίσεις*, vel à Testibus dictatas aut subscriptas, non facere fidem in judicio; quia nimis crebro compertum est, illas dissolutè nimis & ambitiosè, nullo judicis examine, nullis aduersarii interrogationibus cohibitas vel adtemperatas dari. Altera sit Admonitio

nitio, neminem cogi extra iudicium, vel ut reum, vel ut testem ad interrogata privatorum respondere; non modo, si per homines publicos interrogentur, sed ne quidem, si quis ad Iudicem, cui subiectus est, aliter, quam si Magistratus aut iudex aliquem ex officio interrogandum putet; Auctoritati enim publicæ obsequendum, quæ cessat in prioribus, quando personæ publicæ, aut ipsi Iudices officium singulis, rogati impertiuntur, *mercenarium* quod vocant. Planè, quominus ex magna causâ testes in perpetuam rei memoriam, præsentibus iis quorum interest, Magistraribus ante litis contestationem examinentur, ratio non vetat. Modus autem illam rem administrandi, & cætera Testium Examen spectantia iudicialia, petenda sunt è Prælect. ad Tit. π. de Testibus.

18. Eadem remissione utemur in capite de Probatione per Scripturam, ubi pauca ad hoc institutum necessaria delibaverimus. Scripturæ quibus Iudici intentionis nostræ sit fides, Instrumenta vocantur, *επιμια*, tametsi Testes etiam, Iudices & causas *instruunt*, unde nomen l. 1. π. de Fid. instrum. Sunt autem Instrumenta Publica vel Privata. Publica vel strictè & propriè, vel latius & impropriè accipiuntur. Strictè publica sunt, quæ habent Reipubl. auctoramentum, ut sunt tabulæ censuales, apochæ publicarum functionum, quæ dicuntur in Codice Justinianæo, id est, Tributorum & Vectigalium. Acta iudiciorum, vel extrajudicialium negotiorum apud officium celebrata. Denique, Negotia privatim contracta, inque scripturam redacta, dein recognita in iudicio, publicoque munita sigillo recte eodem strictiore sensu publica censentur. Latius & impropriè instrumenta publica vocantur, quæ à personis publicè ad hoc constitutis, scripta vel

confirmata sunt, quibus accensentur relationes scriptæ personarum, quæ in publicis occupatæ officiis, de rebus à se gestis vel executioni datis testimonia perhibent. Tales etiam erant olim Argentarii & Tabelliones, qui chartas puras agere dicuntur in l. 3. C. de Tabular. quorum à verè publicis in hoc elucet differentia, quod hæc sine Testibus non probant, qui in vere publicis non desiderantur l. 19. in pr. C. de Testam.

19. Tabelliones hodiè vocantur Notarii; qui non magis quam Procuratores, in Jure publico cuperent esse *ἀξιόβητοι*. Est igitur Notarius, *Vir bonus, Acta secundum Leges conscribere peritus, eamque ad rem publice consistitutus*. Virum bonum esse debere, natura negotii & gentium leges, requirunt. De peritia secundum Leges scribendi ut rectè iudicetur, examinandi sunt, priusquam admittantur, ut sit. *Publicè consistitutus*, & ab his qui Summam habent Poteitatem; Refertur enim jus creandi Tabelliones ad maiora jura Majestatis; quia privatis hominibus publicam tribuere poteitatem & auctoritatem, Magistratus officium excedit, ut in loco suo dictum est: Ad modum exercendi officium illorum pertinet in primis institutum habendi Protocollo, quasi *πρόβ. πύλα*, quæ Justinianus appellat in Nov. xv. licet alio sensu. Nam ibi significant chartas, in quarum capite habentur inscriptiones quædam auctoritatis publicæ. Juxta usum hodiernum, nihil aliud esse debeant, quam memoriales scripturæ Tabellionum, quibus in Codice aliquo summa gestorum collocatur; sed usus earum ferealis est, ut ipsa Authentica instrumenta in illis conscribantur & consignentur; unde nonnisi exempla paribus eduntur, quæ fide manique Tabellionis munita vis probandi in Iudiciis obtinent, semperque recursum ad Authentica præbent: Cujus rei

jus rei fractus Reipubl. saluberrimus inde constat, quod ubi talia protocoila non exercentur à Tabellionibus, maximi quæque momenti negotia, percunctis his quorum interest; quando fortuita casibus, qui regnant in rebus humanis, Instrumenta amitti contingit, quemadmodum hujus rei in utraque parte experientia enixè constat.

20. Cæterum, è discriptione & diveritate Publicorum, quid privata sine instrumenta, facile colligitur. Idcirco differentiam effectus inter has species collocemus, quæ est hæc, quod Publica sola probant; nisi quod pluribus in locis haud immeritò servatur, ut tribus minuta testibus, probandi vim habeant. Reliqua chiographa & scripturæ, nec in publico, nec à perionis publicis confectæ, nec trius habentes subscriptionem testium, nonnisi adversus eum, à quo scriptæ sunt, rectè proferuntur. Quo, suscipiente, negantomanum, comparatio literarum fieri solet, idque jure Romano cautum est; è talis instrumenti quod per se vim probandi habeat, aut sane, de quo non dubitetur, quin sit ejus, de quo ambigitur, manus; Ut tamen hæc comparatio nonnisi verisimilitè præbeat argumentum, tam ex ejusdem Romani, quam Univerfi Jurisdictione, cum, quia aliter scribimus, alio tempore, tum, quia, nunquam desuerunt homines, qui ad imitationem alienarum literarum semetipsum maxime exerceant, ut ait Justinianus in *Pasfat. Nov. Lxxiii.*

21. Ab hac regula de privatis scripturis una est exceptio, late patens, in mercatoribus & Artificibus promiscuis, quorum Memoriz rationales, sive codices rationum habent vim probandi, accedente jurejurando, quod emplatrum serie alieni vocabat olim Liberius, vel morte Scriptoris, ut universali fere per omnem Europam consuetudine recep-

tum est; Institutum à Jure Civili alienissimum, quo perniciosum iudicatur, ei credere scripturæ, quæ unusquisque sibi adnotatione privata debitorem constituit à 7. C. de Probat. Sed postquam vetus Nomina contrahendi modus, qui collatis rationibus fiebat, in defectu diment abijt; nec in mercatura, quæ confertim exercetur, chiographa identidem commutari possunt; publica necessitas hunc morem sine quàm periculosus invenit; non neglecta temon requisitis, de quibus à nobis actum in *Præf. ad Tit. v. de Fid. Instrum. v. 19.* unde & reliqua ad usum probationis per Instrumenta spectantia petantur.

22. Addeamus tamen; Authentica sola probare, non exempla, nisi recognita & pro Authenticis habita, consensu partium, quæ privatim ita constitui possunt; Nec quidem si publice collatio fiat, aliter, quem vocatis ad confirmationem iis, quorum interest, fieri possit videtur: Non magis quem prima confectio & celebratio negotii apud officium publicum, aliter quam pressio partium consensu fieri potest: quæ de re plurimè notabilis, sed hujus excedentis modum iustitiam *in d. loca* protulimus.

23. Probationibus exactis, aut tempore, quod legibus aut Judicis arbitrio ad eam rem constitutum est, elapso, Testimonia scripturæque probatorie publicantur. Et tum partibus copia fit, Adversariorum probationes, dicta testium, argumenta scripturarum, rationibus aliterve testibus aut instrumentis refutandi, alterique eadem mendi & salvandi, ut loquuntur. Præsumptiones etiam utrimque ungentur, & quam proximè potest, probationum evidentie admoventur. Exigit hic locus, ut de Præsumptionibus, paucis agatur.

24. Est autem Præsumptio nihil aliud quam *Anticipatio quadam iudicii de rebus incertis,*

*incertis, ex ea quod plerumque fit, elici-
sa.* Dicitur Anticipatio, quia proprie,
aliquid in antecessum pro vero habere,
probabiliter, id est, præsumere: Idemque
ad præterita, nobis adhuc incognita,
quæ habentur, ac si nondum essent, trans-
fertur. Cujusmodi collectionibus exerci-
ta mens hominis, ad ejusmodi facultatem
conjiçendi res futuras pervenire potest,
ut haud facile diciatur; qua divinandi
arte se ad amicos Cicero jactat ex *imidi lib.
6. ad Famil. 6. & alibi*, quemadmodum
& Plutarchus ei talem præsumendi Ar-
tem adscribit in *vita Ciceronis*. Quæ ta-
men non impediunt, quominus mate-
ria præsumptionum in rebus incertis con-
sistat: Nisi quod lex aliquando in quibus-
dam factorum speciebus stabilit præ-
sumptiones, quas in univèrsum habet pro
certis. Sic qui adulterii prius accusati
turpes amores deinde nuptiis conglutina-
runt, pro adulteris habentur *l. 34. C. Ad
L. Jul. de Adult.* & id genus alia, con-
tra quæ ne probatio quidem admittitur
in contrarium; Etsi communiter diu-
tius pro veris non habentur, quam pro-
betur contrarium: Quomodo qui occi-
dit cum gladio, censetur habuisse ani-
mum occidendi; qui clave, vel cucumâ
in rixâ non videtur illo usus animo *l. 1.
§. 3. n. ad L. Cornel. de Sicar.*

25. In univèrsum Præsumptiones,
quarum infinitæ sunt species, dividun-
tur in leviores & fortiores. Illæ suspi-
sionem solummodo movent & judi-
cem quadantenus inclinant, sed per se
nullum juris effectum habent, Fortio-
res onus probandi transferunt in Adver-
sarium: Sed est magna quæstio, an possit
esse tantus præsumptionum cumulus &
concurfus, ut judici fas sit ex animi sui
sententiâ, probarum sibi & plenam fi-
dem esse factam, statuere. Videtur hoc
modo statuendum; Quando circum-
stantiæ factum immediate præcedentes

& consequentes ita reum premunt, ut
tamenti corpus ipsum facti non extet
probatum, sic tamen undique conclu-
sum & coarctatum est, ut ab alio quam
à reo perpetratum esse nequeat; certitu-
dine tamen morali, non Physicâ, quæ
scilicet ejusmodi sit, ut contrarium pla-
ne sit impossibile. Facti species, quibus
hæc res illustrari possit; hujus instituti
ratio non patitur exponi. Unum est apud
Sandium, à gravissima Frisiorum Cu-
riâ probatum exemplum; Alia duo de-
dimus in *Præf. ad Tit. de Probat. n. 3.*
Lector addere potest, si placet, librum,
qui continet historiam jugulati Comitæ
Eflæxii in carcere Londinensi *die XIII.
Julii MDCLXXXIII.* ubi præsumptio-
nes ingenti numero accumulatae, fa-
ctum, quod ipsum nemo vidit, manus
alienas ei fuisse illatas, dubium tamen
esse non patiuntur: Utique si facta, è
quibus colliguntur præsumptiones, ita,
ut narrantur, evenerint, quæ de re ha-
bitæ inquisitiones nunquam publici juris
factæ sunt. Idem super facto illustri cujus-
dam suppositionis & partus *unobalæ*
existimet, qui legit quindecim ea de re
præsumptiones, in quadam Declaratione
abstractas; quarum facta si probata fuif-
sent, rem vix aliter se habere paterentur,
ut specimen Artificialis Probationis ef-
ficere posse viderentur.

26. Probationes & præsumptiones,
cum Juris rationibus, applicitæ facto
tempore legitimo, cujus spatia pro mo-
re cujusque Fori variant, exhibita Ju-
dici, causam *Visioni* & decisioni maru-
ram exhibent, ut dein sequatur senten-
tia, de qua locum peculiarem habebim-
us. Addeamus aliquid de ordine Judi-
ciorum Criminalium, prout hic usu
veniat.

27. Dicitum est aliàs, morem anti-
quum, admittendi quoslibet ad accusan-
dos Criminum reos, hodie vix usquam
servari;

servari; vel quod rarius expediunt commissa negotia plures, & quod pleraque sic impunita manerent delicta, nemine fere satagente, quod omnibus injungitur; vel quod Christiani populi promiscuam sanguinis exigendi licentiam privatorem officio minus convenire putent. Ergo constitutus est Procurator Publicus Accusator, ut tamen privati non prohibeantur: Ac ideo, si velint, non esse excludendos ab accusandi officio, consenti haud temere Viri prudentes, interque eos Ant. Mattheus de *Crimin. ad lib. 48. n. tit. 20. c. 2 n. 2.* inprimis, si Procuratores publici partibus suis desint, ut aliquando Talis, si quis suorum propinquorum deferretur. non sine ratione dicebat, non teneri se in sanguinem servare proprium.

28. Delato crimine, si tale sit, ut è vinculis causa dicenda videatur, reus è continententi comprehenditur; Si Reus resistat, aut fugiat, an occidi possit, quaeritur; & quidem de fugâ, negandum est. Si vim opponat, videtur bellum esse; proinde hoc agendum, ut quovis modo capiatur, in quo tumultu Reus cadens, jure cæsus videbitur.

29. Si crimen non sit ejusmodi, ut certò poenam corporalem aut relegationis duntaxat infligi oporteat, reus in jus vocatur, ubi tum primo disceptatur, includendus sit carceri, an fidejussoribus committendus. Olim fuit & media via, custodia militaris, in qua fuit Paulus Apostolus apud se, militi alligatus; aut Magistratum domi custodiebantur. Mentruum spatium, quod jure Romano recentiori, criminum reis, antequam plane carceri darentur, ad moestos penates suos componendos, indulgebatur, *l. 2. C. de Custod. & exhib. reor.* hodie nusquam servatur.

30. Carcere clausus celeriter examinandus judicandusque, ne mala man-

sio poenæ loco cedat, nec omnino excedendum juris Romani biennium sine gravi causâ. *l. properand. 13. C. de Jud.* Damnandus verò haud dubie nemo, nisi confessus aut indubitatis probationibus evidenter convictus; qua in re non modo admittendi testes & instrumenta, sed & artificialia argumenta ex circumstantiis facti desumpta, *quæ modo tam clara sint, ut nullum dubitandi locum relinquunt, l. ult. C. de probat. l. 1. §. 4. n. de Quest.* Nam ex indiciis & præsumptionibus licet urgentissimis, neminem unquam damnandum esse, ratio salutis humanæ flagitat omnino; valetque hæcenus regula; præstare fontem dimitti, quam innocentem damnari.

31. Cognitio causæ sit biariam, Ordinario modo, & extra ordinem. Modus ordinarius à civili processu nihil addidit differt; Postulatio Accusatoris, Rei contradictio, Replicatio, Probatio, Reprobatio, & cætera judicii consuetæ. Sed Extraordinarius, per Inquisitionem, modus fieri dicitur, quando summarie adversus reum proceditur, examinatione secundum articulos facti instituta; retribus etiam reo coram auditis, denique tormentis, si res ferat, applicatis. Et hoc modo instituitur, cum Reus in vinculis habetur; Sed ubi fidejussoribus committitur, ordinaria fere via proceditur: Nisi si quod nonnullis in locis, Qui causas è vinculis dicunt, si in principio inquisitionis, sponte non confiteantur, his ordinaria causæ cognitio & disceptatio permittitur; qua finita, Reus absolvitur aut condemnatur peremptorie, vel ad Questionem.

32. De hac omitti non potest questio, sitne licitum Torquere, reos non plene convictos. Quæ de re mirari licet merito, Gentium temporumque fere omnium, præter Hebræos, usum esse affirmativum; pro negativâ plerosque vi-

Aaa

ros do-

ros doctos esse, non modo Theologos, sed etiam Juris-consultos non paucos, interque eos utrumque Præceptorem nostrum Ant. Matthæum *ad b. t. c. 3.* & Wissenbachium *b. tit. n. 13.* Quominus ad omnes illorum rationes, quæ plures & prægnantes sunt, ordine respondere necesse sit, dicemus; solam necessitatem usum quæstionis per tormenta defendere, quod alioqui scelerum impunitas Reipubl. intoleranda foret, extra quam fieri non posset, ut tanto gentium humanissimarum consensu recepta foret.

33. Accedit *ἁμελοχία πόντος*, foedus civitatis & consensio de legibus servandis, etsi duris in singulos; qua de resignate egimus *in sect. præced. c. 3. n. 35. & seqq.* eoque pertinent appositæ verba Macrobii *in somn. Scip. in fin. Civitas*, inquit, est *Universitas, quæ in Legum consensu obsequium.* Pone, Cives Romanos aut Athenienses in Comitibus aut Ecclesia deliberasse, placeretne tormenta recipi, concurrentibus requisitis ad ea necessariis, quæ statim collocabimus; an impunita relinqui scelera, quæ non penitus & plenè probarentur. Comparatis omnibus, intellexere, plus imminere mali ex hac infinita delictorum impunitate Reipubl. quam è perversa Quæstionis applicatione. Præterierunt igitur hujus usum, & pariter si cui inde aliquid incommodi aut doloris eveniret, hoc ferendum esse constituerunt. Huic legi postea cives aggregati æque ac alii antea receptis assentiri intelliguntur. Nec aliter in tacito Civium, qui est in singulorum & paucorum Regimine, consensu, res sese habet, ut toties antea demonstratum est. Denique, Si requisita juris, quæ in Quæstione per tormenta Legibus prodita sunt, observentur, difficulter fieri potest, ut per eam innocentes adligantur.

34. Requisita tormentorum quatuor

esse videntur, I. ut grave sit crimen, quod respectu, ratio non patitur, ut reus torquatur, ob crimen, cujus poena non sit futura gravior, quàm tormenta, quibus elicienda sit confessio; proinde, si poena non sit ultra relegationem, non est utendum tormentis, ut rectè itarunt Ant. Matthæus *ad b. t. n. 3. à pr. Carpozov. Qu. 117. n. 8. & seqq.* Requisitum II. est, ut veritas aliter nullo modo investigari possit; Hoc enim facile evincunt rationes eorum, qui tormentis omnino abstinendum putant; Eaque sine dubio mens est primorum hujus instituti auctorum. Unde mores eorum, qui vel confessos in Jure, vel tabulis & testibus convictos adhuc, ut confessionem eliciant, torquent, redarguuntur. Tertium requisitum est, ut indicia adversus accusatum adsint verisimillima, nihil ut præter Confessionem deesse videatur. In cujus moderationis & requisiti sequentis excessu reverà consistit omne malum, quod Tortura communitè imputatur. Est autem sequens & IV requisitum, nemodus tormentorum sit inhumanus. Quis autem hujus rei terminus, aut quæ nota sit, haud facile dictu est.

35. Plane, facilis est dicere, qualia non esse debeant, quam certi præscribere quequam. Rectè æstivantibus hæc vitia abesse debent, ne sint modi *deformes & barbari*, ut si mulieres ab uberibus, viri à pudendis suspendantur; si mures aut glires corpori nudo sub vase imponantur & igne superimposito ad rodendum adigantur, alique modi infandi, de quibus Damhouderus *prax. crim. c. 37. n. 18 II.* Ne sint crudeles, ut candentes atque *fridentes flammis laminæ*, ut Prudent. *in Hymn. Vincent.* aliaque ingeniosa & vitiosa instrumenta, de quibus Carpozov. *Qu. 117. n. 38. III.* Ne sint nimis diuturna; *velut, si per integras dies in tormentis habeantur.*

debeantur: Id enim morte acerbius; Quippe, qui se ultro morti offerant, facilius reperiantur, quam qui dolorem diu patienter ferant, ait apud Cæsarem Critognatus Arvernus; quod gnarum Ludovico Regi, quando Reformatos non supplicis, sed vexationibus tormentisque finem vix habentibus ad defectiorem adegit. IV. Ne corpus in futurum & perpetuum inutile reddant, mutilatione vel dislocatione graviori. V. Ne incidant in aliquod supplicii ordinarii genus. Qua ratione verberatio virgarum, quam laudat in hunc usum Damhouderus d. cap. 37. in fin. edit. gall. & cui cætera requisita non male conveniunt, non potest admitti.

36. Sed illa quinque requisita convenire videntur in instrumenta, quæ apud nos in ulu sunt; habentur autem tria. I. Forcipes, quibus reorum pollices comprimuntur. II. His simile instrumentum, quo tibie contorquentur. III. Equuleus, id est, scamnum, in quo Reorum pedes & brachia retorta extenduntur, idque diversis gradibus, citra dislocationem tamen. His Romana instrumenta longe duriora fuerant; Ecu-leus, qui fuit cacasta lignea cochleata, cui brachia retorta pedesque rei fiduculis alligabantur. Tum intento cochleis equuleo, in altumque erecto, reus quasi ex cruce pendebat, osium compage dissoluta, terga lateribusque per ungulas ferreas & laminas candentes verberatis laceratiffique l. 7. Ordo Malef. & Mathem. Prudent. d. Hymn. Sigon. de Judic. pop. Rom. c. 17. Si quis roget, ultra præstent, nostratia præferre non dubitem. Etenim Quæstiones per se odiosas acerbitate modi & sævitia intendere non oportet. Esti quanto aciora torquendi instrumenta sint, tanto facilius elici veritatem, dubium non est: sed hoc non est agendum; ut reus non possit non fateri, licet insons.

37. Tametsi verum sit, nostræ quæstionis tormenta, ut plurimum, etiam à feminis sustineri; ut ad quæstionem dam-nari, si non mollior sit reus, parum absit, quin tantundem atque absolvi, esse videatur. Quanquam & artes quædam esse credantur, quibus dolor elidit queat. Apud Curiam nostram tortum memini quendam facinorosum, non plene convictum, qui primum dolorem tulerat, postea novis iudiciis iterum equuleo impo-situs, cum maxime intenderentur fiduculæ, in somnum incidebat, ut sonore sterteret; remissione factâ, excitabatur; Intentis, iterum sternebat, quod ad finem usque durabat, anno 1680. Aliis Tylenes in Gelriâ similem historiam de Baggermanno quodam sicario retulerunt. Cujusmodi artibus impediendis, non est de nihilo quod alicubi moris est, ut tempore matutino jejuni torqueantur, cum apud nos fiat post Cœnam, nec quod sciam, valde curetur, ut vacuo sint ventriculo, secus ac monet Carpzov. Qu. 126. n. 5. & seqq.

38. Quæstione peractâ, si reus in infirmitate perititerit, repeti potest Quæstio per tormenta, quando evidentioribus argumentis oppressus est, maximeque si in tormenta corpus animumque duraverit l. 18. §. 1. D. de Quæst. Quod communiter de argumentis post prima tormenta superveniens intelligunt. Idque nostri fer-vant eò libentius, quod repetita tormenta nullo modo ferri posse videntur. Alibi tamen secus observatur, & hi ad tertiam Quæstionem, ubi reus bis sustinuerit, ira procedunt, si nova provenierint indicia; qua negativè toleratâ, sequitur absolutio, A. Matth. Tit. de Quæst. c. 4. n. 14. Nostris ad secundâ transeunt, si nova reperta fuerint indicia; quâ toleratâ, nunquam, ut puto, ad tertiam procedunt, nisi aliter in atrocissimis quæstionibus fieri queat, ut Carpzov. Qu. 125. n.

35. Sed questionis est, utrum post tormenta reus sit absolvendus à crimine, an ab instantia duntaxat, ut deinde repeti possit ex causa. Rationes pro & contra ponierat D. Matthæus in *d. cap. 4. n. 16.* & concludit pro absolutione à crimine, quæ totalis est. Sed distinguendum videtur ira, quemadmodum Prudentiores servat Judicis: Ut ex genere naturæque indiciorum & quantum. Judici sedit persuasio de reatu, modo à crimine, modo ab instantia duntaxat, rei absolvantur.

39. Si Reus in tormentis confitersi se velle dicat, liberatur ab instrumentis doloris, & confessio sedentis ejus ad singulos facti articulos ordine scribitur, eique fides ita habetur, si nihil in eâ suspectum & à veri specie alienum reperiatur *l. 1. pr. §. 4. l. 10. §. pen. cod. Moribus*, ubique fere receptum est, ut Reo dein post 24. horas aut ultra Confessio prælegatur, ejusque *ratificatio*, ut ajunt, exigatur. Matthæus *d. c. 4. n. 11.* Carpzov. *Qu. 126. n. 26.* Hoc institutum ut jure Civili ignotum, ita nec apud plures Curias servatur, sed tacens deinceps pro consentiente habetur. Quod si revocet confessionem, tormentis denuo subjicitur, & si tunc iterum factam confessionem revocet, tertium torqueri potest; dein absolvendus est *A. Matth. d. cap. 4. n. 12.*

40. Sed perplexa res est, si reus hujusce juris aut moris conscius, ad effugienda tormenta statim fateatur crimen & postredie revocet. D. Matthæus ad hunc casum ait ita; *Ne eludat hoc commento tormenta, nihilominus torquendus est n. 13.* Quomodo, si fateatur, nihilominus torquetur? Non potest; At tormenta repetentur secundavice: Bene est. Tum vero facit idem, confitetur & postredie revocat. Quid tum? Repetetur *Quæstio tertium?* Intelligit reus,

idem si faciat, absolutionem secutus fuerit. Cerè igitur idem faciet. Quid ergo, condemnandus, an tertium tormentis adhibendus, id est, absolvendus erit? Accidit ille casus apud Curiam nostram in reo, qui Pagum Friisæ Collumanum, è quo incolæ, metu hostium Groningam obsidentium *anno 1672.* auferant, incendisse credebatur, ut aliquot domus consumerentur. Callidus & juris homo non ignarus, ita ut dictum, in *Quæstione* inlituerat, eâ viâ sibi parans absolutionem. Bis confessus in tormentis, bis revocaverat. Argumenta erant fortissimæ præsumptions, nec judices de facto dubitabant, Confessiones ejus cum circumstantiis, de quibus constitit, optimè conveniebant. Visum est prudentissimis Dominis esse condemnandum hominem, qui viam alicui paratam quæstionibus eludendis & promiscuam invenerat. Sic etiam Scabinos Lipsienses solitos respondere, scribit Carpzov. *Qu. 126. n. 55.* Ipse tamen ad pœnam eo casu inclinat extraordinariam. Plane, si multorum gravium virorum judicium ex præsumptionibus & indicii acquiescat in credendo reatu, probatione licet non perfecta, hanc sententiam sequi licebit. Si minor sit evidentiâ, tutius fit, reus extra ordinem puniri, quo casu locum habeat *argum. l. 5. d. Pen.*

41. Jure Civili sunt, quos torquere non licet quales sunt milites *l. 8. C. de Quæst. digniores*, nisi in crimine atrocissimo *l. 11. 16. §. seqq. C. cod. nec servus in caput Domini l. 1. §. 16. b.* excepto crimine majestatis, annonæ, monetæ, & adulterii *l. 53. d. ind. l. 1. l. 7. §. 15. C. d. l.* Nec is, qui de se confessus est crimen, in alios torquendus est *l. 16. §. 1. b.* secus, si convictus *l. 29. in fin. d. Pan. Excusantur & decuriones, l. 11. l. 16. C. b.* horumque liberi, *d. l. 11. impubes, l. 10. l. 15. hic. prægnantes, l. 3. de Pan.*

de *pen.* Dignitas hodie non usquequaque liberat à tormentis, ut Carpzov. & exempla passim obvia probant *Qu. 118.* ubi & de reliquis prolixè.

42. His consentiunt, quæ in priori Editione hac de re collocata fuerunt; quæ non erit absolum in re tanti momenti rursus audire. Sicibi fuit;

43. Sed gravissima quæstio hæc est, an, si probationes ad sententiam non sufficiant, quæstionem de Reis per tormenta habere liceat: Usus temporum fert ita; multi tamen sapientes viri in alia omnia.

44. Multum mihi interesse videtur, abstractè ita quæsitum ponatur; an hoc modo, sine Lex ipsa satis Justa de tormentis.

45. Priori modo largiendum videtur, non posse justum cenferi; ut is, de cujus crimine dubitatur, nec confessus, nec convictus, malum atrox patiat, maxime cum & infantes hoc præambulo cruciatu ad coofitendum aliquando adacti memorentur.

46. Leges tamen de tormentis probandas existimo, modo adfint duo requisita & una cautio.

47. Primum, ut crimen sit grave, quod sine magno Reipublicæ detrimento non potest ignosci.

48. Secundo, ut adfint tam prægnantes præsumptiones, sola ut rei confessio deesse videatur; ut judex, licet ad damnandum progredi nequeat, prope tamen certus sit animi, fontem esse Reum. *vid. l. 1. §. 1. de Quæst.*

49. Cautio est, ne confessiones extortæ pro exploratis facinoribus habeantur, sed ni cum iudicis & vestigiis facti omnibusque circumstantiis conveniant, fidem ne mereantur.

50. His suppositis, Legem de Quæstione per tormenta non esse improbandam, ex nobis ratio est, quæ & aliis

usi sumus; quod Lex sit communis Reipubl. sponcio, cui sponcio cives se submittere intelliguntur, quam proinde nemo injuritiæ adversus se, aut alium quemvis arguere potest.

51. Pone igitur deliberationem Civitati propositam fuisse, utrum facinora, de quibus magna præsumptio, non tamen erat liquida probatio, dissimulari vellet, an inquiri per tormenta.

52. Si hoc; metuendum erat, ne non insontes aliquando affligerentur. Si illud, infinita delicta, quæ plerumque sine arbitris committuntur, impunita manerent, multoque magis crebrescerent: maxime, cum ne jusjurandum quidem ob periculum perjurii reis imponi possit.

53. Et hoc quidem consequens nullo modo impediri, prioris consequentiæ incommodum fere torum evitari poterat, si requisita modo posita custodirentur.

54. Aut igitur tota civitas perpetuo ingenti incommodo & discrimine laborare debebat; aut tale quid recipiendum, unde rarissime, nec nisi exquisitis casibus, immerito civis affligeretur.

55. Prius cum sine dubio gravius, alterumque necessarium esset; pone cunctos cives decrevisse, recipiendum id, in quo minus esset malum, & adhibenda tormenta, cautissime tamen; sequè singulos huic subjecisse periculo, ut, si quem prægnantibus indiciis (quod tamen vix unquam sine aliqua culpa, saltem imprudentia accidit) id ipsam quilibet, etsi nec nocens, pateretur.

56. Malum hoc triste, non turpe erat, ad quod sua se quemque voluntate boni publici causâ obligare posse dictum est aliis.

57. Genus tormenti oportet ejusmodi sit, quod transitorium, licet acrem habeat dolorem, neque membris mutilandis

dis, sit comparatum, denique ab ordi-
nariis puniendi modis abhorreat. Quã
causa, quod non nemo (Damhou-
derus prax. Crim: tit de Quæst. cap.
7. in fin.) Virgas commendat, ut effi-

cacissimas, nec corpori in futurum no-
xias, id iis in locis ubi fasces poena sunt,
admitti non debet; alioqui multis aliis
suppliciorum torquendi modis virgæ
præstarent.

C A P. V.

De Poena Delictorum.

Pœna quid, ejus fines & differentiz. Jus puniendi quibus competat.
Qui & quæ puniendz. An & quatenus ignoscere maleficis licitum.
Quomodo cessent pœnz, & quis modus earum. Transitus ad species Cri-
minum & eorum partitio. de Crimine Majestatis, Peculatus, Repetun-
darum. Residuorum. Ambitus, Annonæ, Concussionis, Aggeris ruptæ,
Blasphemiz & Hæresios. De homicidio. Parricidio. Adulterio, Stu-
pro, Polygamiâ. Incestu, Venere infandâ, ubi & de masturbatione,
de Raptu, Falso, Calumniâ, Magiâ, Plagio, Abigeatu, Stelliona-
tu &c.

Damnatis Poena infligitur, quæ est
Delicti coercitio, definitionem aliam
vide sis in lib. 2. sect. 6. c. 1. n. 6. de
qua summa regula est, quod pro quan-
titate peccati, gravior esse debeat, ut
tamen crebrescentibus delictis ex usu
possit asperari. Nec tamen ad Distributi-
vam, quæ dicitur, sive Adtributricem ju-
stitiam pœnz referuntur, verum ad ex-
pletricem, quia tam puniens perfectum
jus puniendi habere, quam qui plecti-
tur, pœnam perfecte mereri debet, &
quia non est aliena à contractus vel sal-
tem obligationis natura, quâ dere dixi-
mus in d. lib. 2. sect. 6. c. 1. n. 15. n. 20.
& seqq.

2. Pœna triplex à fine triplici non-
male statuitur à Tauto Philosopho, Ne-
pote, Timotheo, Pappodoro. A. Gell.
lib. 5. c. 14. Gros. lib. 2 §. 7. quâ de re
tamen vide sis quæ diximus in lib. 2.
sect. 6. d. c. 1. n. 12. Primam speciem
legis dicitur, Admunitivam, quæ diri-

gitur ad emendationem peccantis, id-
eoque capitalis esse non potest, Nam
quod Seneca dixit, interdum ut pereant,
interesse pereantium, huc applicari non
potest, & philosophicum magis quam ju-
ridicum est. lib. 1. de Ira C. 5. in fin. Tri-
moelæ dixeris Sarsufianem, cum, ut
Gellius ait ibidem, dignitas auctoritatis
ejus, in quem est peccatum, tuenda est,
ne prætermissa animadversio contemp-
tum ejus pariat & honorem levet; nec
tantum dignitatis sed & cujusvis juris
tuendi causâ intelligitur. Pappodoro est
exemplum, cum ideo pœnz exiguntur,
ut unius supplicium metus sit multorum,
aliique similia cæteroquin ausuri deter-
reantur.

3. Forsitan & quartus erit finis, Con-
suetudinæ, ne idem qui deliquit nobis aliis-
ve rursus nocere queat; etsi hoc alii ad
Timotheum referant; ego vero ad Aristotelem
malim; est enim medium hoc emenda-
tionis. Sed hi omnes usus in plerisque
non

non capitalibus, quæ publice exiguntur, poenis concurrunt, ut est fustium, virgarum, flagellorum, vinculorum castigatio, verberatio. Ad Emendationem magis, quanquam & ad reliquos fines, pertinet Damnatio ad opus publicum, Relegatio, Interdictio fori aut negotiationis similisque juris alicujus. Ad *satisfactionem* maxime pertinent poenæ pecuniariæ, his qui læsi sunt applicatæ, *indignitas* in injuriis, & reliqua poenarum genera pro cuiusque qualitate, ut hæc ratio magis aut minus illis quadrat. Ad *Exemplum*, poenæ capitales imprimis referuntur, maxime tales; quibus & minus fontes quandoque involvuntur, veluti decimationes. Sed & hæc capitales suos gradus habent. Summus olim, crux erat, hodie vivi crematio, dein reliquæ mortium species, quumvis & omne mortis genus recte summum supplicium dicatur.

4. Ex omnibus causis & finibus memoratis, poenas etiam Christianis efficitas manifestè & ratio exigit & disciplina Servatoris Mundi permittit: modo in executione opera detur, ut damnatus spatium poenitendi & peccata sua detestandi justum habeat. Quanquam autem jure Naturæ poena à quolibet qui paria non deliquerit, exigi possit, ut rectè Grotius docet *d. lib. 2. c. 20. §. 3.* tamen nec civitatis constitutio, neque divinæ Legis sanctitas facile id cuiquam privato concesserint. Sed huc locum executi sumus in *d. sect. 6. lib. 2. c. 1. n. 7. & seqq.* Sane hoc inde tamen non sequitur, Accusationes publicas, ut Grotius *ibid. §. 10. sub fin. & §. 1.* censet, abhorreere ab officio hominis Christiani, nisi quod temeritas hic maxime abominanda.

5. Quandoque etiam publica auctoritate jus puniendi privatis permittitur, non modo ad emendationem, ut paren-

tibus & propinquis, sed & ad satisfactionem & exemplum, ut Patri in filiâ adulterâ *l. 20. n. ad L. Jul. adult.* atque olim indistinctè, etiam maritis in uxores & dominis in servos; quæ Leges quare conscientis securitatem præstare nequeant, si vitiosi absint affectus, nulla ratio constare videtur.

6. Cæterum, puniuntur non quilibet actus vitiosi, sed qui humanam lædunt societatem, quam quo magis violant, eò vindictam graviores esse oportet: hoc quoque latius expositum vide sis in *d. c. 1. sect. 6. lib. 2. n. 18. & 19.* Spectari tamen debent causæ, quæ impulerunt, quæ retrahere debuerunt, apitudo personæ delinquentis ad judicandum de illis; locus & tempus perpetrati delicti, qualitas & quantitas facinoris, denique eventus qui subsequutus est, quæ omnia latius exequi non est hujus loci *Vid. Gros. d. cap. 20. §. 29. & seqq.* Denique, cogitationis poenam neminem pati, rectè docent Icti *l. 18. n. De Pen.* quoniam actus interni Deo soli subjiciuntur; at qui in effectum deduci cœperunt, poenis & solent, ac etiam debent adfici.

7. Id autem ex omni hac disputatione facile intelligitur, non alium quam ipsam delinquentem esse puniendum, neque ad posteros quicquam poenæ propagandum, quod legestant divinæ quam humanæ inculcant, ut probavimus in *lib. 1. sect. 2. c. 6. n. 39. 48. & seqq.* Quanquam incommoda poenæ parentibus inflictæ liberos premere possunt, quemadmodum ex publicatione bonorum egestas eorum consequitur; quæ tamen hoc nomine quasi personam delinquentis egredietur, non potest reprehendi.

8. Cæterum, non modo jus habent cui Civitati præfunt, delicta puniendi, sed & auctoritate summi Legislatoris ad hoc

hoc tenentur, ne delectari peccatis, hanc haud improbare ea videantur, quae de re pressius actum in *d. c. 1. sect. 6. l. 2. n. 9. & seqq.* ubi tamen adjecimus, non videri tam absolute necessarium hoc esse preceptum, ut nunquam Summis Potestatibus ignoscere liceat delinquentibus, Magistratibus equidem qui sunt ministri Legum, non licere ab illarum praescripto recedere certum est, quia supremum jus & supra leges, ad leges se ponendas & negligendas requiritur. Ipsi autem Principibus & liberis populis, an per divinae voluntatis conscientiam & Justitiae rigorem nunquam non criminari necesse sit, est quod ambigitur. Inter jura quidem Majestatis hanc esse facultatem, non dubitatur, & vidimus in *loco*. Sed jus vitae necisque solummodo est externum; hujus loci Quaestio ad obligationem conscientiae pertinet.

9. De Criminibus equidem more civilibus, non dubitatur, quin locum habeat facultas *Legis Ad Bestiam n. de Paris.* De levioribus etiam ferri potest, ut ob publicam laetitiam, aut principalem festivitatem generali abolitione coloni carcerum dimittantur. Nam privatae abolitiones, quae frequentate sunt jure Romano, cum accusationibus privatorum sepultae sunt. Perinde ac Transactiones, quibus rei capitalium criminum apud Romanos, accusatores suos impune corrumpebant; quanquam & hodie cum his qui laesi sunt, pacisci nemo prohibetur: sed Procurator Fisci, qui solus accusat, grande nefas transgendo committeret.

10. Sed de Criminibus jure Naturae divinoque prohibitis, praecipua difficultas est. Rationem negantium, licitas esse remissiones in terminis verae prohibitionis divinae vel naturalis; quando singulares errores aut imprudentiae miserationem non injungunt, aut permittunt,

habuimus in *praelect. c. 1. n. 9. & seqq.* sed est positio quae non videtur habere periculum. Si absque magno Reipubl. periculo aut perturbatione, supplicium exigi nequeat, abstinere licere vindictam criminum, quae tamen non probentur aut honorentur; quo pertinent *Apennin. Decreta*, quibus magnorum saepe criminum poenae venia publica donatae sunt: Idemque fit, quoties ob multitudinem delinquentium non est tutum, meritis uti severitatis exemplis; adde, ob potentiam delinquentis, ut hac causa *David*, quamdiu vixit, ignovit David; etsi cum tuto potuit, ei parci noluit; ea re latius indicans, se non probandi criminis causa, sed ratione securitatis publicae impuisse parcendum. Idem ob insigne aliquod Reipubl. bonum licere, patet inde, quod ad detegenda scelera sceleratorumque, nonnullis impunitas promitti & praestari solet, ac potest. Unde ratio ducere videtur, hanc esse Dei voluntatem & officium Imperantium, quibus ad tuitionem publicae quietis gladium Deus commisit, ut omnino maleficia puniantur, ad salutem & quietem generis humani, id est, singula civitatum, procurandam. Quarum utilitas si vere dixerit aut suadeat, ignosci peccantibus, id eorum qui regendis civitatibus praesunt, arbitrio videri commissum. Neque divinae Justitiae immortam severitatem, quae dicitur non posse non punire peccata, quae nec ejusmodi subsidiariae utilitatis remedium indiget, ad Rectores civitatum transferri fas aut rectum est.

11. Morte reorum crimina poenasque deleri, cum ad heredes nunquam transeant, per se clarum est. Et mortem supplicio irrogatam convenit humanitati, esse momento transitoriam. Cruz antiqua, vivicomburium, laniatio & contusio articulatum facta, per famem enecatio, similesque parum memores legum

gum Christianarum esse videntur. Terror quidem ex apparatu & specie major ex circumstantiis quaeripotest. Sed in actu, quo transitus ad æternitatem committitur, non erat magnitudine doloris animus lacerandus, & tantum non adigendus ad desperationem. Modi quoque custodiendi reos criminum à pœnis diversi esse deberent, ideoque carcer maxime perpetuus, non immerito ab Romanis & veteribus fere cunctis fuit improbatu ad usum pœnalem. l. 8. §. 9. l. 35. r. de Pœn. Et si ratio illa tam peremptoria non est, ut usus temporum, qui carceres, etiam perpetuos, receperunt, damnandus aut validè improbandus videatur.

12. Porrò Tametsi divisionem Judiciorum in Publica & privata nuper esse juris universi negavimus, tamen alio sensu non alienam esse partitionem illam ab instituto nostro, commonefecimus: Ut publica sint, quæ immediatè lædunt Rempublicam; privata, quæ directe singulos violant, Civitatem per consequentiam. Prioris generis est crimen Majestatis, Peculatus, Repetundarum, Ambitus, Annonæ, Concussionis & Residuorum. Posterioris sunt, Adulterium, Stuprum, Homicidium, Parricidium, Viam publicam, quam privata, Raptus, Falsum, Magia, Plagium, Abigeatus, Furtum, Rapina, Injuria, Stellionatus &c.

13. Crimen MAJESTATIS admittitur à Subditis contra summam Potestatem; estque duplex, Majestatis in specie, vel perduellionis l. ult. r. ad L. Jul. Majest. Hoc dicitur, cum quis animo hostili adversus Rempubl. aliquid machinatur, ut hi, qui seditiones in urbe vel exercitu movent, qui armatos habent, qui hostes adjuvant, aut consilia literarè cum illis communicant, etiam qui Magistratus præceptos publicè de-

causâ occidunt, maxime qui vitæ Principum insidiantur, & alii plures. l. 1. & seqq. d. ult. r.

14. Majestatis in specie Crimen vocatur, cum quis jura summæ potestatis sibi, at sine hostili intentione usurpat, ut is qui privatim carceres habet, vectigalia colligit. &c. Pœna Majestatis simpliciter lætæ est capitalis, genere mortis leniore aut terribiliore, pro meritis admissorum: quaparte quod vivicomburium in privatos monetæ percussores statuitur, etsi probi sint nummi, id nullo modo habet æquitatem. vid. l. 2. C. de fals. monet.

15. Perduellionis apud plerasque gentes pœna non modo personas delinquentium, sed & liberorum & propinquorum feriebat, cujus rigoris vestigium in jure Romano superest. l. Quisquis 5. C. ad L. Jul. Majest. Sed hoc quidem præter rationem justitiæ humanæ atque divinæ; non sufficiente ad approbationem, quod dicitur; fore, uti caritas liberorum parentes amicos Reipubl. faciat, & si quæ similes sint ratiunculæ. Solam quoque scientiam in hoc aliisque atrocissimis criminibus supplicio volunt esse obnoxiam; non male quidem, modo non ordinaria pœnâ: quæ tamen locum habere potest, si non tam silentium sit quam conscientia.

16. Natura Majestatis sponte suggerit, hoc crimen non committi, quam adversus eos, qui verè summam habent potestatem: Proinde machinationes subditorum contra eos, qui superiorem habent, non sunt perduelliones, nisi analogicè & quandoque verè, quatenus ad perturbationem superioris Imperii tendunt, quod Societatibus Indicis apud Belgas applicandum videtur, & applicitum fuit aliquando. Id sane constat, verba non mutare species rerum; Sed etsi quibusdam Majestatis appellatio non tribuatur, si tamen verè summam potestatem habeant,

Bbbb

habeant, contra tales hoc Crimen in proprio sensu committi.

17. *Queritum est, an Querelæ de prava civitatis administratione, referri possint ad crimen læsæ Majestatis, saltem in specie dictæ; quod vitum Ordinibus Frisiæ, cum hinc ante decennium nonnulli cives querelam ejusmodi ad Ordines Generales detulissent, Edicto d. 14. Februar. 1678. à Curia tamen Suprema, postulantæ Procuratore generali, re judicata non est firmatum. Querelæ quidem in genere, petitioque reformationis non potest huc referri: Sed est jus civium, Supplicare in eum finem, ut recte judicatum in Anglia nuper, cum Reges novissimi petitiones sibi oblatas, hujus pene criminis nota insignitas vel le visi fuissent. In nostra Republica ejusmodi petitiones vocantur, Querelæ deudentium Reipubl. causa, cujusmodi plures olim fuere, quarum una insignis, principe Philippo Austriao II. anno 1554. de qua plures egregiæ Constitutiones emanarunt, quarum specimina videre licet, in lib. 3. Statut. tit. 2. art. 4. 14. 15. 19. 22. 25. 45. 52. 56. Tit. 3. & alibi.*

18. *Dicendum tamen est; fieri posse, ut ejusmodi Querelæ ab hoc crimine non sint alienæ. Primum, si fiant ad externas Potestates; quia cum jus Supremæ provocationis, sit jus Majestatis, si quis ad externos querelas & petitiones reformatorias deferat, jus Majestatis, cui ipse subjectus est, manifesto ledit, et si forsitan ad amicos & fœderatos fiat: Quomodo in prædicto casu Majestatis rei declarati sunt, qui preces suas ad Ordines Generales Belgicarum Provinciarum detulerant, et si de talibus negotiis, quarum primo constituendarum causâ Ordines Generales arbitri, atque ut ajunt, mediatores, fuerant. Quanto fœderis ætudo magis ad speciem unya-*

tis imperii accedit, tanto metus & periculum, ne sub prætextu fœderis amicitiaque, pars aliqua imperii invadatur, propius existimatur. Præterea, si prætextu Querelæ seditio & res novæ à ratiōis hominibus querantur, quod læpius usu venire, docet experientia, non est dubium, quin hæc res non modo ad Majestatis in specie dictum crimen, sed etiam ad perduellionem attingere possit. Egimus hac de re latius in Jurispr. Hod. part. 2. lib. 3. c. 16.

19. *Addendum & hoc ad differentiam hujus criminis, quod sit Perduellionis vel Majestatis tam propriè quàm analogicè dictæ, ut superius indicatum est. Majestatem analogicè dictam intelligimus eorum, qui Superiorem quidem agnoscunt, sed regalia & conformitam per se habent Rempublicam, at subordinatam; cujusmodi creduntur esse Principes & Libere civitates Germaniæ, quibus Superioritas non Majestas adscribitur. Quamquam si quod res est, loquendum sit, illa Superioritas Principum Germaniæ, si ab effectis rectè argumentatur, quod in civilibus intallibile, nihil est aliud quàm Summa Potestas: Hæc autem Majestas vocatur. At quia solus Imperator hæc voce per excellentiam utitur; qui nec Regibus extra Imperium, illud adscribit, Principes summam potestatem suam alio nomine circumdant, invidiæque subducunt. Sed nominibus sepositis, nihil erraverit, qui Legem Juliam, seu crimen supra definitum, quando aliquis læsit summam Potestatem cui subjectus est, etiam Germaniæ Principibus directè & propriè convenire dicat.*

20. *Forte magis appositum Majestatis analogicè dictæ exemplum est in Societatibus Indicis, quæ jura summæ potestatis in ditionibus sibi subjectis accipiunt ab Ordinibus Belgicarum Provinciarum, quæ sub alio sole exercent.*
Hæc,

Hic, utpote domi, sunt Privati omnique jure privatorum utuntur; sed in ditionibus suis omnia jura Principatus exercent, dependenter ab Ordinibus, à quibus illorum acta possunt infirmari. Si quis hostilia contra eos in locis sui privilegii committat, an hic Majestatis teneatur, Belgicorum Jurisconsultorum sententia, superioribus annis agitatum est, in causa Koeymani cujusdam; qui adversus Societatem Indiæ occidentalis, cui serviebat, hostilia machinatus erat in Africa, cum duce barbarorum, cui nomen belgicum à nostratibus erat inditum. Publicatæ sunt typis sententiæ, quarum aliæ Majestatis, respectu Ordinum, aliæ tantum atrocis Injuriz crimen admissum statuebant. Verius fuit, esse crimea hujus loci, analogicè sumptum; eademque analogiâ puniendum, quod etiam sequuti sunt Judices Amstelodamenses, homine condemnato in gravem multam & ad opus publicum longi temporis. Quod autem externi contra aliam potestatem moliantur, id hostile judicandum, quâ de re videbimus, ubi de *Reformatione* locus occurret.

21. Sequitur **PECULATUS**, qui nihil est aliud, quam furtum publicum, cujus mille modi formæque; proinde & variz poenæ. non abs re autem videtur, quod jure Romano, Magistratus, quibus custodia publicæ rei commissâ, capite cum suis ministris hac causâ plectuntur, *l. 3. §. 1. ad L. Jul. pecul.* quod utinam mores & tempora ferrent! Furtum pecuniæ ad civitates non liberis pertinentis analogicè Peculatus dicitur; proinde eandem in poenis analogiam servari oportet. *l. 4. §. 1. §. 2. d. tit.*

22. *Repetundarum* tenentur, qui in Magistratu, potestate, curatione, Legatione alicve munere publico positi pecunias acceperunt, quod magis aut quo-

minus officio suo fungerentur. *L. 1. §. seqq. 1. ad L. Jul. repet.* Poena secundum merita cujusque corruptelæ diversa est, ut aliquando capitalis esse queat. *l. 7. §. ult. eod.* Haud infirmum inter hos locum tenent, qui honores & munera Reipublicæ vendunt, quibus proinde non minor quam ordinaria Romanorum poena deportationis conveniret.

23. Sed excipiuntur ab hoc crimine Xenia; Id est, Esculenta & potentia, quæ Magistratibus & officia publica gerentibus semper accipere licuit, sub moderatâ ratione decori, *ad n. 1. ad n. 2. ad n. 3. ad n. 4. ad n. 5. ad n. 6. ad n. 7. ad n. 8. ad n. 9. ad n. 10. ad n. 11. ad n. 12. ad n. 13. ad n. 14. ad n. 15. ad n. 16. ad n. 17. ad n. 18. ad n. 19. ad n. 20.* nec ab omnibus, nec omni tempore *l. 6. §. 3. 1. de off. Prae. ubi diximus. Euum.*

24. Sequitur **AMBITUS**, de quo miretur aliquis, Acculationem dari, quod fuit præcipuum Romanæ libertatis Palladium: Et quid ni offerre se liceat honoribus, quod est Ambire eos, à quorum suffragiis honores pendunt? Ita fuit olim; sed re mutatâ, mansit idem nomen, ut diximus *ad Tit. 1. ad L. Jul. de Amb.* hoc enim loco de Ambitu tenentur, qui corruptis suffragiis, honores petunt; unde patet, cum hi qui Reipubl. præfunt, precio munera publica distribuunt, concurrere ibi utrumque repetundarum & ambitus crimen; illud in vendentem, hoc in emptorem.

25. Illud crimen hodie cessat in Urbe, tradunt Icti Romani *l. 1. in pr. 1. ad l. Jul. amb.* postquam collatio honorum ad Principem spectare cœpit; neque enim de facto summæ potestatis anquiri potest; Sed in plurium Imperiis, etsi à Collegio summæ potestatis honores proficiantur, viget tamen hoc crimen, non contra universum Collegium, sed in singulos, qui subjecti sunt. Denique res eo pervenerunt, ut quod olim in Urbe cessavit crimen, hodie merito dici possit in Orbe cessare.

26. Crimen *Annona* committitur ab his, qui malis contionibus hoc agunt, ut annona fiat carior: Quod cum ad universæ civitatis salutem pertineat, mirari licet, cur Romani adversus dardanarios tam levi poena defungantur, (maxime cum Romæ eares, frumento transmare advehendo, crebris subjecta periculis & seditionibus fuerit) multâ salutem xx. aureorum, aut interdictâ negotiatione, vel ad summum relegatione, aut in vilioribus opere publico, in poenam statueris; l. 2. §. ult. ad L. Jul. ann. Nec est dubium, quin res & ratio graviolem postulet animadversionem, nec immeritò aliæ gentes, ut diximus ad Tit. 1. ad l. Jul. de Ann. poenam capitis insigniori in hoc genere improbitati præscriplerunt.

27. Crimen *Residuorum* est affine peculati; committitur enim ab his, qui pecuniam in publicos usus sibi commissam intervertunt, sibi que retinent; qui jure Romano sic puniuntur, ut tertiâ parte plus quam debent, solvere cogantur; rursus profecto nimis defunctorie, siquidem quod tam parum à peculatu differt, nihil supplicii gravitate ab eo distare debuit, v. d. l. 8. §. 5. π. ad l. Jul. Pecul. Denique, *Concessio* vocatur, cum quis obtentu potestatis, quam habet, terrore injecto, pecunias aliis extorquet; quod pro negotii modo variè, sed haud procul à repetundarum exemplo, puniendum, l. 1. & 2. ff. de Concessio. Est & publicum crimen *Rapti* violativæ aggeris, quo fluminis aut oceanus inundatio sistitur, quod graviter & plerumque capite vindicandum, l. un. C. de Nil. aggeris. non rump.

28. Ex his de cæteris, quæ Rempubl. immediate spectent, facile judicabitur, sicut ad publica referri quoque solet *Blasphemia*, quam capite puniri vult Justinianus, convenienter Juri divino

Nov. LXXVII. Sed moribus hodiernis; poena est arbitraria, ut tamen ad capitalem adicendere possit: utique, si blasphemix insolenter ac intemperanter, cum invectivis in sanctissima mysteria, profertantur; quâ ratione Genevenses Servetum, auctore Calvino, capitis condemnarunt, & vivum, hoc tamen præter illius sententiam, combusserunt; idemque diu postea decreverunt adversus Nicolaum Antonium Ludimagistrum, eo quod impugnasset, ut habet sententia, SS. Trinitatem, renegasset Dominum Jesum, eumque devovisset & Judaïsmum amplexus esset. die 26. Aprilis 1632. referentibus Sponio & Læti. Non omnes tamen, qui Sacram Triadem & Deitatem Christi, vel æternam generationem filii Dei, aut emissionem Spiritus Sancti, aliaque sanctissima universi Christianismi principia negant, pro blasphemis habendi, sed pro hæreticis potius; ut vilum Amplissimæ Frisiorum Curix, ad quam missus erat à Summis Magistratibus homo Socinianus, cum elogio Blasphemii, qui examinatus ista negaverat, in simplicitate cordis sui aliter credens, ut adfirmabat. Dimissus est indemonis & impune d. XVIII. Decembr. 1680.

29. An igitur HERESIS non est crimen? Non videtur ita viro Cl. Antonio Matthæo De Crimin. l. 48. T. 10. n. 7. f. De Hæresi, inquit, nihil adjicio. Tamen fœnæ Pontificiorum moribus gravissimum Crimen est, multaque in inquirendo & vindicando singularia observantur, tamen cum libertate armis parâ, horribilis illa Inquisitio à nostris provinciis exulet, relegionemque orthodoxam docendam, non imperandam credimus, enarratio crudelis judicii supervacua futura est.

30. Quid autem est Hæresis? Videtur ita finiri posse, Propria de rebus divinis & pertinaciter propugnata, fidei catholice

catholica repugnans sententia. Propria; nam *Ariani, hæresis*, nihil est aliud quam Electio, pro rationis cuiusque modulo facta; quando quis non contentus fide catholica, eligit sibi fidem peculiarem. *Persinaciter propagata*, Nam lex non punit animi sententias *l. 18. d. Pen.*

31. Repugnans *fidei catholica.* Quid est catholica fides? *Universalis.* Hanc aliter Theologus, aliter Jurisconsultus accipit; & hic quidem Receptam atque dominantem in Republ. intelligit, à qua discrepantes & prohibitas vocat hæreticas, si tamen ipsius animi iudicium consentiat. De consentu autem Reipubl. constare debet ex Confessionibus & Conciliis auctoritate publica factis, quæ in Imperio Rom. quatuor fuerunt, Nicænum, Constantinopolitanum, Ephesinum & Chalcedonense, quæ dicuntur Oecumenica; quia Romani suum Imperium vocant *orbem terrarum.* Permissas pro hæreticis non habet religiones; Toleratæ equidem tales haberi possunt, cessante pœna.

32. Quænam autem est hereseos pœna? Jure civili, loca cultus publicantur *l. 2. l. 5. l. 8. §. 3. C. de Heret.* Improbiorum bona publicabantur, quos inter & Donatistæ, qui tamen schismatici potius, quam hæretici fuerunt. *d. l. 5.* Manichæi vero etiã exilio & ultimo supplicio subjiuntur. *l. 5. in pr. C. eod.* Moribus Protestantium, in Hæreticos nulla corporalis pœna constituta est, tamen in Anglia satis extant severæ.

33. Sequuntur Crimina, quæ privatam læsionem, sed & publicam, manitentiã consecutione præferunt, primo, *Homicidium*, quod jure divino sanguine vindicandum, utique voluntarium, non invitum. Hoc autem duplex est; per vim & per ignorantiam; Invitum per vim dicimus hic (nota tamen improprietatem termini) cum quis defendendi cor-

poris sui vitæque causa invasorem occidit: Per ignorantiam, quod absque proposito occidendi, casu perpetratur. Cujusmodi est, cum quis animum quidem habet occidendi; sed in actu licito se versari existimat, ut si quis Patrem in bello ignotum interficiat. Denique, extra ordinem animadversio locum habet, quoties ad culpam propius quam ad dolum causa cædis perpetratæ accedit. Sed hujus rei tractatus tam varios habet anfractus & considerationes, juris prudentiæ plenas, ut eas hic nullo modo exequi liceat; Egimus plena manu in *prælect. ad tit. x. ad l. Corn. de Sicar.*

34. Sequitur *Parricidium*, quod proprie sumitur, pro cæde alicujus, qui in recta sanguinis linea nobis est conjunctus; reliquorum cædes propinquorum magis est, ut homicidia atrociora sint *§. 6. Inst. de Publ. jud.* Pœnæ gravitas non tam querenda (ut *superius* dictum & de Majestatis quoque ac similibus intelligendum est) intentione cruciatur, quam in specie terribili apparatus, quod egregie & ingeniosè à Romanis observatum, parricidas virgis sanguineis verberatos culeoque inclusos cum cane, vipera & simia, in mari vel in flumine suffocari voluerunt. Huc etiã referri potest expositio infantium; Liberos recens natos exponere jure Veteri erat impunitum, ut apparet *l. 29. d. Manum. Testam. l. 16. C. de Nupt.* juxta notissimum Græciæ morem, quo exempla Comica referri possunt. Poterat Pater exponere vel tollere liberos, id est, alendos suscipere *l. 6. §. 2. d. jur. Patron.* Sublicatos exponere, nefas & quasi homicidium erat *l. 4. d. Agnosc. & alend. lib.* Dein, expositio plane prohibita, ejusque loco surrogata est venditio *sanguinolentorum*, id est, recens natorum *l. 2. C. Patr. qui libr. distr.* Pœna est extraordinaria *d. l. 2. & l. pen. C. de Patr. pot.*

B b b 3

35. Adulte

35. *Adulterium* est corruptio mulieris alii nuptae. Nam vir conjugatus rem cum alia soluta habens matrimonii quidem æquè fidem violat, sed non idem admittit delictum, quod uxor alii se substernens, quia hæc præter thorum violatum, efficit, ut maritas, cujus non est, pater censetur, l. 6. §. 1. w. ad l. *Jul. adult.* Unde omnium populorum existimatione contumeliosior est viro quam mulieri conjugis evagatio. In muliere igitur adulterium, in virgine viduaque stuprum committitur, gravius quidem à conjugato quam à cælibe, tamen stuprum; idque non Romano tantum sed & divino juri consentaneum videtur. *Levit. 20. v. 13. Deut. 22. vers. 22.*

36. Quare *Justinianum* ego quidem tucurbitas pingere, quam *republicam* maluissimam, quando capitis poenam à *Constantino Magno* utriusque sexus adulteris infligam, mulieribus remisit, eas virgis admonitas monasterio includi præcipiens, etiam veniâ bonis viris data, post biennem poenitentiam eas reducendi; Iticilicet, *quis earum non misereatur!* ait optimus *Cæsar*, obnoxius, ut volunt *Theodoræ*, Nov. 134. cap. 10. l. ult. C. *Qui potior. in pigu.* Et tamen hoc discrimen apud Saxonas, gravissimam gentem, adhuc observari, testis est *Carpzovius Qu. 53. Criminal. n. 27. & 33.* Cæterum, Recentiores Legislatores quæ antiquum jus Romanum, quo relegatio tantum in adulteros sancita erat, contenti multis pecuniariis, facilitate superare, quam & novum *Constantini* & divinum, & veterum Germanorum aliorumque gravium populorum, quibus hoc capitale fuit, leges imitari maluerint, nullâ idoneâ ratione probari potest. De singulis actum latius in Præf. ad *Tit. w. de l. Jul. de Adulter.*

37. Sequitur Stuprum, quod est cor-

ruptio virginis viduæque honestæ; Nam meretricia voluptas, etsi impunita, ut visum Romanis, exemplo ebrietatis similitumque vitiorum, esse non debet; æstimatione tamen criminis distingui meretur. Persecutio stupri moribus hodiernis non malè exerceri videtur in hanc sententiam, ut ducat viciatam, vel doctet. Nam si amor furtivis nuptiis conglutinetur, hoc ferendum: Sin, æquum est, desloratz pecuniarium solamen tribuatur. Quod tamen nihil vetat, quominus insignitior fraus, publicâ multâ vel coercitione corporali adficiatur. l. 1. §. ult. w. de *Extraord. Crimin.* Meretricia libido similiter multanda pecuniis, aut relegatione, si nimis impudens & frequens, etsi usum relegatio non reperiat.

38. Qui in adulterio nihil quam violationem fidei conjugalis vident, Polygamiam ejus speciem faciunt. Sed ex Romani & divini Juris sententia superius exposita, muliere duobus nupta, committitur adulterium, quia res habetur à posteriore viro, cum femina alii nupta: Sed vir duas uxores sibi jungens quarum neutra nupta est alii, non admittit adulterium; sed proprii generis delictum; cujus jure civili non est major poena, quam stupri, jure divino nulla. Sed mores hodierni graviozem Adulterio poenam digamis imposuerunt, utique corporalem. Quinam rectius? Laudemus in polygamia, per quam res sanctissima indigne violatur, moris hodierni severitatem, non minus quam in Adulterio nimiam remissionem vituperamus.

39 Non sunt etiam populi recentiores tam faciles advertendi in Incestuosos, omnisque veneris nefandæ species, quas ad rigorem Juris divini, poenis capitalibus persequuntur, ut hac de re actum à nobis ad *tit. Inst. de Publ. Jud. n. 7. & tit. w. Ad l. Jul. de adult. n. 9.* Rursus in *Leno-*

ip Lemones, nefandum illud artificium exercentes, capitale supplicium, quod Justiniani Lex inflixit Nov. 14. §. 1. hodiè, non nisi extra ordinem, pecuniâ vel relegatione duntaxat animadvertitur.

40. Placet de adfimi maleficio pluculum adicere, quam diximus 2. *sect.* 6. c. 1. n. 18. Neque enim quod diximus illic, dictum volumus eò, quod minus id flagitiosum putemus, quam id esse volunt. D. Matthæus aut Carpzovius, qui ad Sodomiticum genus improprie, refert Mastuprationem, *Qu.* 76. n. 10. Sed de pœna capitali aut corporali vix est, ut eorum sequi liceat sententiam.

41. Quippe Venus monstrosa propriè non est; hæc enim requirit agentem & patientem. *l. Cum vir nubit* 31. C. b. s. Ista autem, quæ terminatur in cuiusque persona, nec cum alio subiecto communicatur, nusquam puniri legitur, aut jure civili, aut legibus hodiernis, ut faretur Carpzovius *d. Qu.* n. 13. Quod autem de pœna filii Judæ, Onanis memoratur *Genes.* 31. à simplici mastupratione plurimum discrepat. Ille iustus erat à Deo prolem ex fratris vidua gignere; sed iniens illam foras eiecit *in* *pro*: Hoc enim facinus admissum fuit in feminam, non in viro solo terminatum erat; factum fuit ad perdendam prolem, cui destinatum emissumque semen erat; continebat fædidissimam rei sanctæ, matrimonii *corruptionem* & deformationem; cuius Athenis reum se quoque fecit Pisistratus, ductâ secundis nuptiis filiâ Megacis inimici sui reconciliati, ex qua sobolem tollere nolebat, *ὁ θεὸς ἐπέπεσε ἐπὶ τὴν γυναῖκα*, ut scribit Herodotus in *Clio*. Accessit in factio Onanis, contemptus divini imperii insolentissimus, qui per se mortem merebatur.

42. Instat D. Matthæus, *Cum scario, qui hominem vel unum occidit, ma-*

riendum sit, quid in eos statuendum, qui nefarius suis libidinibus tot homines occidunt, tantum seminis profundunt, quos si rerum natura pateret, sapius mori æquum foret. Nimis hoc argumentum à perditione seminis intenditur; ut adeo ip maritos scilicet, qui uxores prægnantes ineunt, hac ratione capitis supplicium conveniret. Nusquam nisi exercitium veneris inter duos contra naturam, pro venere monstrosa punitur. Alioqui & impudicæ cogitationes eo provecæ ut *καὶ τὸ πρῶτον* eliciant, eodem modo puniendæ forent, & quis esset finis? Prudenter igitur Legislatores hoc mutum flagitii genus silentio transmittunt, cui etiam cœercendo nulla sufficeret vindictæ vigilantia. Nec tamen hæc impunitas in infinitum patet: Punienti extra ordinem, severeque, non tantum mariti, qui fraudandi matrimonii causâ id agunt, sed etiam cinædi, qui adolescentes talia docent iisque præeunt; etiam qui nimis impudenter & aliis coram, se polluere sustinent, more Diogenis, qui in Foro medio *ὁ ἄφροδῖμος* *ἕως πύλων*, ut Laërtius in *ejus vita* narrat, qui vel hac causa merito Canis appellatus fuerit. Secretæ verolibidines, quæ cum aliis se non communicant, extra legis pœnam in execratione sint.

43. Etli non sit dubium, quin mastupratio, quam libet secreta, peccatum sit gravius quam simplex stuprum, quia sine dubio est contra usum naturæ, quæ *amor queritur, nec videtur, ut ait d. l. cum vir nubit.* 31. C. b. s. pollutio corporis animique deformis; maxime, si non obrepat indulgentibus sibi in concupiscentiis, sed opera detur ut fiat, & in consuetudinem vertat. Hæc qui legent adolescentem, nefas cognitum aut ignotum abhorrere discant, & remedia quæ in promptu sunt, adhibeant; post precepta

πιαque meditationes, ἀνεπιτηδεύς, ἀοκρίας πόνων, parsimoniam victus, assiduitatem laboris, maxime matutini, juxta Pythagoricum illud, ἄλλοι, πικτελοῖ, κούρω δὲ καὶ χεῖρας ἔχουσιν.

44. Sequitur VIS, quæ fertur *Vis duplex*, publica & privata; Illa tamen non est publicum nostro sensu crimen. Nam si in Remp. committatur, Majestatis est; sed publica vis dicitur quælibet atrocior, maxime quæ fit armis, & hinc privata intelligitur. Publicæ pœna plerumque capitalis est, privatæ secundum merita singularium alia atque alia esse debet.

45. Ad publicam vim pertinet RAPTUS virginis viduæve honestæ, quem merito jus Romanum gravissime persequitur, capitali pœnâ *l. un. C. de Rapt. virg.* Quod tamen eadem Lex non distinguit inter volentes invitasque mulieres, id verò nimium rigoris præterre videtur, nec hodiernis moribus servatur. Stuprum gravat quidem raptus crimen, sed hoc tamen sine illo consistit & capite rectè punitur, ut & stuprum violentum sine raptu *d. l. un.*

46. *Falsi* crimen est fictæ veritatis imitatio vel suppressio, in fraudem alterius facta, cujus plurimæ sunt species, aliæ aliis graviore, leviores; perinde variè puniuntur, haud absurde in illo membro præ aliis, quo maxime falsum committitur, scil. linguâ perforatâ, quod & in perjuros & blasphemos rectè statuitur. *Vid. l. 1. l. 2. l. 9. l. 13. §. 1 & l. 32. §. 1. ad L. Cornel. de Fals.*

47. Huic affinis est *Calumniæ*, sive delatio falsi criminis, cujus pœna rectissime jure Romano talionis tradita fuit, hoc est, eadem quàm merebatur crimen, quod calumniator intendebat, *l. 7. in pr. n. de Accusat.*

48. *Magia* quandoque pro veneficio sumitur, ac tunc ad homicidium perti-

net; sed propriè est crimen eorum, qui ope diabolica, præstigiis artibusque vetitis grassantur; idque plerumque dispendio hominum, tam corporum quam animorum, aliquando quasi pro hominum salute. Illos jus civile gladio punit, hos impune dimittit Constantinus Christianorum Cæsarum primus; Alii hoc gravius plectendos censent, ob periculum animarum *l. 3. §. 7. C. de Malef. & Mathemat. l. 4. C. eod.* Neutri, ut videtur, bene; puniendi quidem, sed lenius, quam qui nocendi causam habent; quia Legislator maxime læsionem societatis communis spectat. *Magia*, quæ non desinit in noxiam hominibus illatam, puniendâ non videtur; non quod nulla sit, ut volunt, qui vel malos genios esse, vel in res naturales operari negant, manifesto sacræ Scripturæ ludibrio: sed quia Legislator crimina mente non metitur; sed manu, ut aliàs dictum.

49. *Plagium* vocatur furtum hominis; cujus pœna usque ad capitalem extendi potest, haud minus quam raptus sine stupro *l. ult. n. & C. de Plag. Deuteronom. 24. n. 7.* Ulius hujus criminis est minus frequens hodie quàm fuit olim, cum servitutis usus faceret operæ pretium in auferendis hominibus; eamque hominum venationem tanquam κερδοποιῶς lucri exercendi speciem improbare non videtur Aristoteles *lib. 1. Polit. c. 4.* Non male, si fieret in validos vagantes, fecem & purgamenta generis humani; pessimè, si fieret in alios innocentes.

50. *Abigeatus*, est furtum majus pecudum ex agro vel stabulo abductarum; nam modicum, veluti ovium paucarum magis est furtum *l. ult. n. de Abig.* Quamquam verò pœna FURTI simplicis (de quo proprio locum hic non persequimur) exemplò juris Divini, Romani & aliarum gentium intra mortem subsistere debet,

debet, tamen in Abigeos, maximè qui ut artificium illud exercuere, non abs re videri potest acerbius animadverti: eadem ratione, quâ Scythæ olim apud Justin. lib. 2. à pr. nullum furto crimen gravius puniebant, quia nullis domibus res suas continentibus, nihil saluum custodire possent, si non facilitas perpetrandi, acerbitate poenæ, & spes impunitatis metu gravioris supplicii compensaretur. Tutius tamen est, exemplo Juris Divini, mitius in abigeos consulere; Quin nec

jure Romano eos capitali supplicio consumi probavimus ad tit. x. de Abig. Pluribus de FURTO & INJURIA heic superfedemus & ad juris privati lectiones remittimus.

51. *Stellionatus* postremo dicitur omne crimen, quod speciali nomine caret, à Stellione versuto animali, quod se in omnes formas vertere dicitur; Ideoque specierum enumerationem hoc delictum quasi clausulâ generali obsignat. Vide, tit. x. de *Stellion.*

A P. V I.

De Re Judicata.

Quid sententia. quomodo formetur; ubi de numerandis suffragiis, exacte disleritur, & contra Grotium. Cujus nomine sententia feratur. De effectu ejus, an emendari possit, & à quo: Executio sententiæ. De modis, quibus sententia retractatur, Querela Nullitatis. Appellatione. Restitutione in integrum, Relationibus & jure Principis hac in parte.

Post varias cognitiones & Interlocutiones, ubi res ad maturitatem Judicandi perducta fuerit, Judex ferre debet *Sententiam*, quæ est *ultima Judicis*, *super causâ jam cognita*, *Pronuntiatio*, *absolutionem vel condemnationem continens*, & sic fit res Judicata. Quanquam ea voce per excellentiam quandoque utimur ubi res in eo statu fuerit, ut nullo modo retractari possit; quomodo Canonistæ Rem judicatam, non nisi post decem à sententiâ latâ dies, intra quos appellari potest, intelligunt c. 15. x. de *Sent. & re jud.* quemadmodum & Sententia per excellentiam in hac definitione accipitur, cum & aliàs Interlocutiones eâ voce designari soleant; modo causâ cognitâ enuntiatæ sint: Nam quæ aliter proferuntur, neque Sententiæ sunt, nec ita appellantur, nec effectum rei judicatæ

habent, quo pertinet *Tit. C. Conminationes, sive poenales, quas vocant, Judices, Epistolas, Programmata, Subscriptiones auctoritatem rei judicata non habere.*

2. In formanda sententiâ, minor est difficultas, ubi singuli officio publico funguntur, ut veteres Magistratus Romani, quam ubi plures adhibentur: Et si hodiè quidem non utimur regula Juris Romani, quod uno è judicibus absente, reliqui judicare non possint l. 24. x. de *Re Judic.* utcunque ratio, quæ præfertur à Romanis Jurisconsultis æquè moribus hodiernis conveniat, *quia potuit absentis presentia reliquos in consensum trahere l. 17. §. ult. d. Recept. qui Arbit.* Nec enim est dubium, quin valeant acta à præsentibus, quibusdam licet absentibus, ut fit in Collegiis Decurionum

C c c c

l. 3:

l. 3. & sequ. x. *Quod cujusque universit.* Nisi forte aliud sit in Judicibus datis extra ordinem, quales erant Judices pedanei, Arbitri, & hodiè *Revisores*, qui dicuntur, & quicumque plures cum sint, non faciunt tamen Collegium, quod habet jurisdictionem per modum universitatis, ut ibi etiam valeat illa vetus regula; secus atque in Curiis & Senatibus, quorum jus à presentibus, qui reperiuntur; nisi quid secus peculiariter receptum sit; exercetur. Adeo, ut tamen pars magna judicum aliquando excusetur, ut usu venisse constat, à minori quoque parte Jus Collegii usurpetur: Etsi in casu fortuitæ absentiae, quandoque major adhiberi solet accuratio, ut absentes etiam consulantur, si major pars & eorum, qui jus habent dicendæ sententiæ non consenserint; quod tamen voluntariæ cautionis ergo magis, quam Juris necessarii causâ instituitur.

3. Absolutio vel Condemnatio prærogativâ numeri suffragiorum, non valore rationum, conficitur. Paribus fortè sententiis Regula Juris universalis est, *Absolvi reum*; non modò, quod hic Actore sit favoribilior; sed hac impræcognatione; quod status negotii mutari nequeat, nihilque novi fieri possit, si in neutram partem, mutandi causa prævaleat: Ideoque, si judices vocis sint pares, Actor vincere non potest, quia victoria non nisi à viribus superiore proficisci potest: Et quia publica juris ratio non fert, ut lites sine exitu pendeant, hinc Rei absolutio sit necessaria.

4. Si non sit oppositio inter duas judicum partes, simpliciter adfirmantes aut negantes, sed in tres pluresve partes abeant, quærit solet, quæ quibus conjungendæ sint. Volati quidam judices reum absolvunt, quidam morte puniri volunt, alii relegant. Vel sic: Tres iudices capite puniunt, duo pecunia, duo

exilio. Hac de re Grotius; *Distingendum*, ait, *hic inter sententias, quæ totis rebus differunt, & inter eas, quarum altera partem alterius continet; ut hæc conjungendæ sunt in eo, quo conveniunt, ille non item.* Sic, qui in viginti damnat, & qui in decem, conjunguntur in decem, *adversus sententiam absolventem.* At qui morte reum puniunt, & qui relegant, non conjunguntur, quia *diversa hæc sunt, & in morte non est relegatio.* Sed nec absolventes cum relegantibus conjunguntur &c. Nam qui relegat non absolvit lib. 2. de jure B. & P. c. 5. n. 19. Cum his fere consentit Plinius lib. 8. Epist. 14. aliique à Grotio laudari.

5. Apparet illos sententiæ suæ fundamentum ponere, in adfectione rerum sive materiæ judiciorum. Sed cum vis & potestas suffragiorum ab intentione judicantium pendeat, videndum, ne non potius sequenda sit præsumptio voluntatis illorum, junctâ hac regula, semper in dubio inclinandum in mitiorem partem. Non possumus exemplo carere. Tres judices capite puniunt, duo pecunia, totidem exilio. Cujacius reum capite puniendum statuit lib. 12. obs. c. 16, quia *diversarum sententiarum coitio non est*, inquit, *adversus eam, in quâ plures sunt dissentientes.* Ego dicerem, Exilio reum esse mulctandum, quia dubitari non potest, quin damnantes in pecuniam, malint, si hoc obtinere nequeant, exilium rei, quam capitis supplicium: Ac ita vidi servatum in suprema Frisiorum Curia, exemplis in eam rem adductis, quæ collocata sunt in *Prælect. ad tit. x. de Re Judic. n. 18.*

6. Proinde & absolventes cum relegantibus conjungendi videntur, adversus gladio ferientes; quia sine dubio malunt reum, quem innoxiam putant, exulare quam perire. *Sed qui absolvit, non relegat*, ait Grotius; quod est verum; sed

sed hoc non est *τὸ κατὰ νόμον*, igitur de præsumpta voluntate eorum qui diversum dixerunt. Sic Curia Frisiorum non dubitavit, conjugere eum, qui torqueri volebat reum, cum virgis cædentibus, contra severiorem sententiam; etsi torquens non magis cædebat virgis, quam absolvens relegabat; idque præsumpto, quin etiam expressio torquentis ad sensum, absque mutatione tamen sententiæ suæ, ut qui fateretur, esse colligendum, se potius velle cædi reum virgis, quam duriore subigi supplicio; plura diximus in *Eupom. Rom. ad l. 23. §. 3. d. Recept. qui arbitr.*

7. Fertur sententiâ nomine Summæ Potestatis. Antiquitus Reges ipsos audivisse causas & jus dixisse, eaque gratiâ primum esse constitutos, satis conitat. Cicero, Fruendæ justitiæ causâ reperies olim bene moratos Reges constitutos *lib. 2. offic. c. 2* Hesiod. *Theogon. v. 88.*

Τύνακ' ἢ βασιλῆς ἰχάρουσι, ἄνευ λαοῖς

Βλαπτομένοις ἀρχῆφι μονήτεσσι ἔργα πλοῦσι.

Hac unâ Reges sapientes lege creantur.

Dicere jus populis iniusta que tollere sæcâ.

De rebus saltem majoris momenti ut a direntur, & de causis denegatæ justitiæ cognoscerent ipsi, diutius servatum, ad summam populorum utilitatem pertinet: donec eò perventum est, ut Reges & Principes solum jus publicum sibi suisque consiliariis reservarint, Rebus judicandis ad Curias judicium delegatis.

8. Effectus sententiæ consideratur vel in se, vel ratione Actionis & executionis. In se, quod Inrevocabilis atque in corrigibilis, *neque augeri litera unâ, neque minui possis*, ut Apulejus. Hactenus bene Pilatus, *ὁ γάρχαφ' ἀρχαφ' Job. 19. v. 22.* Ne quidem principali Rescripto len-

tentia, nullâ provocatione suspensa retractari potest *l. 3. C. que Sent. rescind. non possunt*: quod tamen de civilibus, non de criminalibus causis, accipiendû. Etsi plerumque rationes non mutandirem judicatam utrique causarum generi conveniant, veluti, publica utilitas, quod judex officio suo defunctus sit, & quod bis peccandi facultas illos negligentiores redderet. Hoc tamen interest, quod in civilibus per sententiam victori jus quæsitum est, quod neque per judicem, neque per ipsum Principem adimi possit *d. l. 3. cum in criminalibus nulli quam Reipubl. jus sit comparatum, cujus arbitrium & moderamen penes Principem esse constat.*

9. Si quis igitur, post latam sententiam, error à Judice vel Judicium Curia commissus detegatur (ante promulgationem in potestate judicantium est sententia) Principem consulere ejusque auctoritatem implorare, nec inutili pudore, quando alius non datur exitus, retardari debent. Utique si nolint imitari, quod abominandum, Curiam ex Gallis unam, à *Michaële Montano* in *Gustibus suis*, sine nomine demonstratam, nisi quod suæ habitationis, quæ fuit in Aquitania, vicinam appellat, à qua cum duo latrocinii erant damnati, sed post latam sententiam, ex actis vicini Tribunalis, ubi veri latrones deprehensî erant, liquido constaret illorum innocentia, suspensî tamen sunt miseri (*les pauvres diables* inquit) tanquam victimæ formulis Justitiæ consecratæ. Sunt tamen Curia, quæ jus Principis in Justitia administrandâ exercentes, inconsulto eo, qui summam Reipubl. potestatem habet, sententiam criminalem non æque civilem ante ejus executionem, mutare possent, ut exemplo illustavimus in *Prælect. ad tit. v. de Re Judic. n. 44.*

10. Lata sententiâ executioni danda est ab eo, qui tulit eam, modo habens *CCCC* jurisdictionis

jurisdictionem, cui inest imperium, saltem minus, quod mixtum Jurisconsulti vocant, hoc est jurisdictionem simpliciter dictam, ut à nobis descripta est in *sect. preced. tit. ult.* Qui vero notionem habent, de qua in *eod. tit.* dictum est, non habent exequendi potestatem; sed hanc petere debent, ipsi, aut victores à Magistratibus. Quod etiam hodie faciendum est ab his, qui partes jurisdictionis habent mandatas, de quibus *ibi* similiter actum; etsi ex ratione Juris Civilis verius est, eos, qui mandata accepere jurisdictionem, ipsos exequendi habere potestatem, ut probatum ad *d. Tit. v. de Re Judic. n. 51.*

11. Quod si condemnatus alibi degat, aut res, in quam facienda est executio, in alieno territorio sita sit, judex ejus loci requisitus non recusat executionem, nec si in eodem Imperio sit, recusare potest, quin à superiore ad hoc Justitiæ ministerium compellitur. At si requisitus judex sub eodem Imperio summo non agat, in ipsius arbitrio est, exequi velit sententiam, an secus. Non solent tamen negare, debitam humanitate requisiti; quin juri Gentium, si negarent, adversari viderentur; sub hac tamen exceptione; nisi jurisdictioni suæ præjudicium inde creetur; quæ de re cum inferior agendi locus occurrat, hic præmonebimus, ut hanc exceptionem res ipsa & ratio summa flagitat, ita usum ejus plerumque Curii inter se collidendi occasionem præbere, dum quod requisitus sibi præjudicio fore præsumit, hi, quibus negatur executio, secus interpretantur, ac inde causam, requisiti, vicissim negandi executionem, ubi nullum quoque vertitur præjudicium, occupant.

12. Condemnatis antiquo jure Romano & lege XII. tabularum, menstruum spatium, quod recentiori jure mutatum est in quadrimestre, quo judi-

cati solutionem conficiant, tam facti laudabile; quam quod hodie nullum in hunc finem datur Legitimum tempus, dum executiones arbitrariis dilationibus multò sæpe diutius eluduntur, inhumanum & iniquum est. Si quis inter antiquum & recentiorem populi Romani morem, viam hac parte mediam eligeret, forte nihil erraret.

13. Sed modi, quibus Executio administratur, varii sunt. Primus est, Manus militaris, quæ dicitur in Jure, quando rem, sive corpus certum restituere jussio, neque parenti res aufertur *l. 68. v. d. R. Vind.* non quod milites è numeris cohortium illuc adhibeantur, sed ministri Magistratuum armati illa voce designantur: Pluribus enim haud immerito locis prohibitum est, milites proprie dictos executionibus adhibere judicialibus; non tantum, ne milites à cohortibus suis officioque publico avocentur, quam ne belli species Judiciis adfundatur, & vis Dominationis, Judicati auctoritatem corrumpat.

14. Etsi reliqui Exequendi modi sæpe nec sine manu armata fiant, hoc tamen nomine, modus, qui sola manu militari fit, hoc est, ablatio rei controversæ designatur. Etsi pignorum capio & distractio, missio in possessionem, conjectio in carcerem, sine armato ministerio plerumque fieri non possit; si condemnatus ipse res, è quibus judicato satis fiat, assignare gravetur; quod arbitrium civilitas hodierni moris ei rectè meritoque defert.

15. Carcer extremus executionis modus est, si condemnatus nullo alio modo parere in animum inducat, aut nihil sit, quo aliunde victori satisfiat: quæ tamen extremitas contra certas personas, quæ in solidum excuti nequeunt, & habent beneficium, ne teneantur ultra quam facere possunt, quos inter qui bonis cesserunt, institui requirit.

16. Sed

16. Sed de his & quæ plura de Sententiis & Rejudicata, dici queant, alibi latius actum. Agendum hic paucis, de his quæ Rejudicatæ derogant: Et si enim sententia lata revocari non potest, ab eodem Judice, nec etiam in præjudicium victoris ab ipso Principe, quod diximus; sunt tamen remedia quædam Jure prodita, & ubique gentium usitata, quibus sententiæ retractari possint; summâ ratione, quia nullius hominis aut Curie tam omni erroris exceptione major est prudentia, quæ non aliquando labi & emendationis indigere videatur. Hinc sententiæ rescindi moris & juris est, per Querelam Nullitatis, Appellationem, Restitutionem in integrum, Supplicationem sive Revisionem, & si qua similia sunt Remedia; ab inferioribus & supremis iudicibus, actisque Magistratuum instituta. Nam ab ipsis Summarum Potestatum decretis nullam ad alium esse Provocationem, res & Summitatis natura satis indicat. De singulis aliquid.

17. Querela Nullitatis habet locum, quando Sententia est ipso jure nulla, quod variis causis usu venit I. si lata sit contra leges & mores civitatis sententia, ut si judicatum sit, minore annis quatuordecim posse facere Testamentum, mulierem ex fidejussione, Filium familias ex mutuo teneri, in locis, ubi jus civile viget l. 1. §. 2. n. *Quæ sent. sine appell. rescind. l. 2. C. Quando provoc. non est. l. 2. C. Quando provoc. necesse non est.* II. Secundo, si prius inter easdem partes aut eorum antecessores, sententia lata sit, in iisdem terminis contraria. III. si lata sit à Judice, cujus non erat jurisdictionis directè, vel ex prorogatione l. 5. & 6. C. eod. IV. Si commissus sit error calculi l. 1. §. 1. d. tit. n. *Quæ sent. sine app. rescind.* V. si talis sit condemnatio, cui per rerum naturam pa-

teri non potest l. ult. eod. tit. Quæ causæ jure Romano proditæ, sunt etiam juris Universalis. Plures & speciales hic prætervehemur.

18. Tales sententiæ jure Romano nunquam transeunt in rem judicatam, & sine provocatione rediguntur ad statum Nullitatis; ita, ut Actor repulsus perinde veteri actione possit agere, ac si judicatum non fuisset; & Reus executionem judicati per exceptionem doli mali refutat, ut demonstratum à nobis est ad pr. Tit. de Appellat. Quod nec aliter ex Arte juris universali habere se potest. Sed quia Judices, à quibus latæ sunt contra jus sententiæ, plerumque adficiuntur ita, ut Euripides ait, τὸ ὀρθῶς ἔγνων ἰδού, *Emendari sententiam, dolet*, ulus ita fert, ut querela nullitatis ad Superiorem, perinde ac Appellatio, deferatur; Quæ species nonnulli in opinionem leducti sunt, Querelam Nullitatis à remedio Appellationis hodie non esse distinctam; In quo illos decipi in Prælect. ad Tit. n. *Quæ sent. sin. appell. rescind. sub fin.* demonstravimus.

19. Appellatio est, Querelâ non acquiescentis iniquæ sententiæ vel decreto Judicis inferioris. De Nullitate etiam est Querelâ, sed τὸ μὴ ἴσο, *non Entis*, civiliter; hinc sententia vel decretum existit equidem, sed iniquitate laborat, contra jus partis, non contra leges. Discrimen exemplo cognoscitur; Pronuntiatum est, minorem annis XIV. jure fecisse testamentum; non est sententia, juridice; Rursus; Pronuntiatum est, majorem annis XIV. fuisse Testatorem, qui vere minor fuit. Est sententia; sed rescindi potest, cum, quod nullum est, τὸ μὴ ἴσο, ut loquitur Demosthenes, rescindi non possit.

20. Divisio Appellationis est in Judiciali & Extrajudiciali. Judicialis est à sententiis, tam interlocutoriis, quam

quam definitivis; etsi à prioribus jure Romano non datur appellatio, sed mores qui magis sunt hujus Artis, ex Jure Canonico aliter ubique receperunt. Extrajudicialis est, de Decretis, veluti à Nominationibus ad munera publica factis *l. 1. n. de vacat. & excus. mun. de indictionibus gravioris tributi Nov. 128. c. 7. & à quolibet alio gravamine, decreto Magistratus alicui oblato & inflicto c. 1. & cum Romana 3. de Appellat. in 6. quale erat, quod Festus parabat Paulo, ut Hierosolomis judicaretur: Unde Cæsarem appellavit, ut in Actis Apostolicis legimus.*

21. In causis Criminalibus & maxime, capitalibus, Appellationem æque ac in civilibus, habere locum, ratio & momentum rei & errandi priculum in his non minus quam in illis, & miserorum salutis ratio exigunt Jurisque Romani auctoribus dictarunt: Quo magis mirandum est, hodiernis moribus, in multis populis, secus esse receptum. Id enim de Germania testatur Mynsinger. *cent. 2. obs. 98. n. 2. & cent. 4. obs. 41. Gail. 1. obs. 128. & lib. 1. de pace publ. cap. ult. in fin. n. 36. De consuetudine Hispaniæ Scach. de Judic. lib. 1. c. 27. n. 62. 63. 33. 93. & 95. In Italia non dari appellationem in Criminalibus, testis est Julius Clarus §. fin. Qu. 99. n. 3. De Belgicis nationibus idem scribit Groeneweg. *ad l. 2. Quor. appell. non recip. saltem ubi per inquisitionem proceditur: Nam in ordinario processu Appellationem admittunt Hollandi, teste Bortio in tract. de Appell. in Crimin. Sed Galli jure Romano hac in parte utuntur, teste Rebuffo, comment. ad const. Reg. som. 3. tract. de Appell. art. 7. gl. 2. n. 22.**

22. Ratio, quæ hanc à jure civili discrepantiam introduxit, quod rei criminum semper appellarent, & sumptibus moræque suppliciorum graves Reipubl

forent, non est tanti, quanti liberæ plenæque defensionis facultas, & veritas dicti;

Nulla unquam de morte hominis curatio longa est.

Nec defunt qui hanc humanitatis rationem putant esse tam validam, ut nec Statutis specialibus appellandi facultas in criminalibus prohiberi possit, ut necipissi, addunt, Diabolo sit neganda, Covarruv. *part. 2. Quæst. 23. num. 3. Dan Moller. lib. 4. Semestr. c. 33.*

23. Nec tamen repudiandi sunt casus, quibus etiam in Capitalibus recte negetur appellandi facultas, ut negatur in Jure Romano; Ducibus larronum, Auctoribus seditionum; item Homicidis, veneficis, maleficis, adulteris & qui violentiæ manifestis argumentis superati, testibus convicti & propria voce confessi sunt; omnibus huic requisitis concurrentibus, non est iniquum, Appellationis morâ præcidi; secus, si non ultro, sed metu tormentorum cont. si fuerint, constitutum est in *l. 2. C. Quor. appell. non recip. Quæ hætenus in Jus Universale recipi merentur, ut & reliqui casus, quorum executio moram non patitur, ut est exactio tributorum & debitorum fiscalium. l. 4. C. Quor. Appell. non recip. Quæstiones de Annona, de aperiendo testamento & missione in possessionem l. 6. l. ult. C. eod. Quin omnes possessoriæ lites ex ratione juris Romani, huc pertinent l. un. C. Si de moment. poss. Quod hodiernis populorum moribus aliter observatur, ut expositum est in prælect. ad tit. n. de Appel. recip. vel non. ubi & alii casus excepti, quos inter, si minister officii sui ratione à Magistratu, cui servit, condemnatus sit, extra damnatum famæ & patrimonii l. 3. d. T. Quor. appell. non recip.*

24. Institutum appellandi non minus Reipubl. necessarium, quam nimis frequen-

frequentes appellationum species & gradus inutiles, litibus producendis & intricandis opportunum, quin publice privatimque noxium est. Quinam autem sint gradus appellationum, à statu & ordine cujusque Reipubl. pender. Optime habet, ubi unus tantum est gradus, sicut in nostra Patriâ; vel si plures sint, temperamentum Juris civilis obtineat, ut tertio provocans non audiat; quod tamen est juris politici, & hodiè non servatur, cum ea cujusque magistratus facultas videatur, in quâ sibi præjudicium fieri nullus patitur. Ac ideo per omnes Magistratum gradus causæ peraguntur, donec ad summam potestatem, vel ad Judicem, à quo non datur appellatio, quales exinde postquam summæ Potestates ipsæ res judicare deserunt, in plerisque Imperiis habentur, deventum fuerit.

25. Sed cum Juris tam publici quam privati controversiæ ventilentur, & singulis diversi Magistratus ut collegia in quaque civitate constituta sint, hinc sæpe dubitatur, ad quos superiores appellatio instituenda sit; ut de ipso genere causarum frequenter ambigitur, ad utrâ, Juris Publici, an Privati speciem pertineat. Quod in plerisque Rebus publicis, præsertim Aristocraticis & Liberioribus nunquam satis decisum, nec scio, an unquam plene decidendum sperari possit; ut in nostra quidem Republicâ, etiam post Leges hac de re Latas ea res in continua fluctuatione versetur, & facti magis quam juris habeatur. Nec sufficit, quod vulgo dicitur, Quæstiones de meo & tuo inter cives esse juris privati; quæ ad regimen civitatis pertinent, eas esse juris publici; Nam inter Reges & Principes inque eorum consistoriis, denique in omnibus conciliis Quæstiones de meo & de Tuo, & quidem inter privatos, omni die ventilantur. Quicquid

tamen in universum dici potest, harum rerum conjunctione absolvitur; ut Quæstiones mei & Tui, quatenus in illis nullum præjudicium publicum vertitur, ad juris privati Judices referatur. Sed quatenus eadem res ad Reipublicæ administrationem spectent, ita iudices ejusdem generis requirunt. Quod si dubiteris, ad utrum iudicem res pertineat, Appellans alternative ad Politicum vel Judicalem provocare potest, ut velre melius exploratâ alterutrum eligat, vel ipsi Magistratus aut Collegia inter se comparent & rem constituent.

26. Superiorem, qui appelletur, esse oportere, tam certum est, ut, si per errorem Inferior aditus fuerit, Appellatio nullius momenti sit, quod jure Romano constitutum, universali rationi consentaneum est, l. 1. §. 3. *de Appellat.* Debet etiam immediate superior esse, qui appellatur, ne jura Magistratum & ordo publicus intervertantur; idque est quod vulgo dicitur, Appellationem non esse faciendam per saltum l. 21. §. 2. *de Appel. l. 4. C. de Jurisdic.*

27. Tempus Appellationis interponendæ est, decem dierum spatium. De Temporibus introducendæ & profequendæ Appellationis, de libellis dimissoriis, à Judice, à quo Appellatur, ad superiorem datis, quos Apostolos vocant, & de effectu Appellationis, qui est in summa, quod pendente Appellatione, nihil sit innovandum, sæpè in universum tradi potest: Quia juris positivi & arbitrarii secundum mores cujusque Reipubl. discreta sunt. In summa, etsi diverso modo servatur, habendum est; quod in quibusdam negotiis, vel minoris momenti, vel quæ moram non ferunt, executio, non obstante Provocatione, fiat, ut tamen nova causæ cognitio ad superiorem devolvatur. Idque est, quod ajunt communiter, Appellationes aliquando

quando habere vim devolutivam cognitionis, et si non habeat executionis vim suspensivam. Et hæc quidem à præsentis instituto abesse non poterant; reliqua è juris privati institutione petenda relinquemus.

28. Est adhuc aliud Juris remedium Romanis posterioribus cognitum, quod *Supplicatio* dicitur, quæ sententia Præfecti Prætorio à Principe retractatur. Qui, cum vice Sacra, id est, Cæsaris Augusti judicaret, adulatione temporum, novi differentiæ verbi, dignitatem Præfecturæ mutavit. Et cum Appellatio fiat ob iniquitatem sententiæ, Supplicatio mollius ob *Error* institui dicitur, ut ad tit. *π. de Off. præf. Præf. & Cod. de Sentent. præf. Præf.* traditur. Hæc etiam non suspendit executionem, si post decem à sententiâ latâ dies instituta fuerit; nec quidem si antea fiat, modo victor caveat de restituendo judicato, si retractetur *Nov. 119. c. 5.* Hoc autem Remedium et si cum Præfectura Prætorii sepultum fuerit, ex ejus tamen cineribus aliud prodiit, quod *Revisio* dicitur, quæ fit à sententiis Judicum, vel Curiarum, à quibus appellari non potest: habet autem proprietates easdem, quæ sunt in Supplicatione; nisi quod plerumque *Revisio* non fit ad Principem; sed ad idem Collegium, vel solum, vel cum aliis conjunctum, ut in quaque Republica visum fuit. Est etiam, ubi ad Principem vel ordines supremos instituitur, cujusmodi est ea, quæ *Revisio* magna dicitur in Frisia, quales proximè ad Supplicationes Romanas accedunt.

29. Potest etiam retractari Sententia per Restitutionem in integrum, quæ est Amissæ Causæ redintegratio, & à superiori Potestate, vel etiam ab eadem, quæ tulit sententiam, impetrari potest; nam quisque Magistratus contra sua & Antecessoris sui judicata restituere po-

test *l. 16. §. ult. l. 18. l. 42. π. de Minor.* cujus petitiæ vis eadem est, quæ Appellationis, ut lite super eâ pendente, nihil innovetur *l. un. C. In integr. restit. pet. ne quid novi fiat.* Et si jus Canonicum permittens executionem, sub cautione de restituendo, si contra judicatum fuerit, Moribus in disciplinam magis abiit universalem; eo quod ita fere usu venit, ut ad restitutionis remedium condemnati non tam fiducia causæ, quam ad eludendam rem judicatum, post fatalia appellationis amissa, quia Restitutio cis quadriennium datur, se conferre solent. Id sane tenendum, causam restitutioni non præbere metum, dolum, absentiam, minorem ætatem aliamve rationem, quæ in ipso negotio, de quo litigatum fuit, evenerit & in disceptatione Judicii ventilata fuerit; sed dolum vel justam gravemque ignorantiam causam in processu judiciali commissam esse proferendam. Reliquæ in ipso negotio principali usum habentes, cum ad corpus & merita causæ pertineant, Appellatione vel supplicatione retractandæ sunt; quibus omittis, frustra per in integrum restitutionem in controversiam revocantur.

30. Et hæc quidem remedia à Magistratibus imploranda sunt. Respectu Principis similem Appellationi effectum habet *Relatio*, quæ est duplex: Una, cum Judex causam plane instructam mittit ad Principem, ut is eam cognoscat & decidat, quo casu non potest appellari *l. 34. C. b. t.* Altera, cum Judex relatis causæ meritis ad Principem, illum de jure consulit, ut juxta consultationem ferat sententiam *l. 1. & 2.* cujus generis sunt consultationes Plinianæ in *lib. 10. Epist.* A tali, quoniam partibus fit non auditis, recte appellatur *l. 1. §. 2. b. t.* Sed hanc esse periculosam, præjudicium qualiscunque sententiæ Principalis opponi alterutri non audito, res loqui-

loquitur; Idcirco Justinianus ipse censuit illam esse prohibendam in *Nov. 125.* Neque moribus, ut puto, exercetur: Nec quidem illa prior; quando jam pridem Reges & Principes Ordinesque liberorum populorum rem judicariam Curis Judicum ita permiserunt, ut ipsi amplius illis inquietari nolint.

31. Quidam etiam Curis civilem & criminalem Jurisdictionem, *privatim* detulisse leguntur; hoc est, sicut ille terminus in scholis usurpatur, ut se ipsos omni facultate circa civilem & criminalem Jurisdictionem *privaverint*;

aded ut nec causas avocare non docitas, neque definitas rescindere, vel executiones impedire possint; denique, nec veniam Criminum, nisi certam formam legibus præscripta, nec eam sine Curie concursu, servatam, delinquentibus imperitari possint: Ut jurisdictionis & Imperium independentem & jure Summæ Potestatis à tali Curia exerceatur; quomodo in Frisia constitutum esse, publico & erudito scripto, hinc ante triginta annos adstructum & comprobatum, etsi nec contra non disputatum est.

SECTION III.

De Copiis aliisque *Juribus* Republicæ.

CAP. I.

De *Ærario & Vestigialibus.*

Transitus, & necessitas *Ærarii*, in Civitate. Cur, & qui olim populi hoc subsidio carere potuerint. Unde creverit illa necessitas hodie. Partitio modorum, quibus *Ærarium* conficitur, in Ordinarios & Extraordinarios. Inter illos primo de Redibus bonorum Immobilium, ubi & de Legibus Agrariis. Quibus ex causis Reipubl. agri constituentur. De muneribus publicis *Ærarii* levamento servientibus, ubi de onere milites hospitio excipiendi. origo ejus rei & excessus enormis. De *vestigialibus*, eorumque usus differentiam veteris & novi. de conductoribus, eorum publicanis, an his carere liceat Reip. *Vestigialia* quis instituire possit, de *Pœnis* solventium *vestigial* & commissorum. Quæ sint illicita, ubi de *vestigiali* trapezitico, decimæ & aliis minus commodis. De Extraordinariis contributionibus, ubi de Censu, de publicatione bonorum, de spoliis hostium &c.

Civitas, Legibus, Sociatu, Magistratibus & Judiciis ordinata, Copiis eget, id est, facultatibus ad securitatem & dignitatem publicam necessariis.

Proinde sine *Ærario*, sive pecuniis publicis, neque in se consistere, neque adversus externos se tueri potest. Nam quibus gentium sine exercitu, Exercitus sine

Dddd

stipendiis, stipendia sine tributis nullo modo haberi possunt, est dictum Taciti. Quanquam fatendum est, illam Imperii magis Romani, quam cujuscunque Gentis aut Civitatis instituto convenire sententiam: Nec enim omnes exercitu egent mercenario, nec adeo tributis ad Exercitum alendum necessariis.

2. Si enim rebus & finibus suis contenti populi, nihil aliud agerent, quam ut quietem suam adversus exteros tuerentur, & hac gratia se ipsos in armis exercitos & pro aris forisque paratos ad decertandum exhiberent, mercenariis militibus, qui majorem usum, quam ut libertatem ipsorum, à quibus aluntur, opprimant, habent nullum, facile carerent; quemadmodum plerisque veterum illis caruisse constat; ne hoc voti potius quam usus civilis esse putemus.

3. Placet duobus uti exemplis. Quamdiu Lacedæmonij se domi ad illud exemplum continebant, sine mercenariis militibus, & sine tributis, imo sine auri & argenti usu, per quingentos annos id consecuti sunt, ut ne hostis ullus pedem in terrâ Laconicâ poneret. Sed postquam longinquis bellis operam dare, aliorumque libertatem opprimere cœperunt, exercitus perpetuos alere coacti, se ipsos pecuniæ inopiâ exhaustos, exteris mancipare coacti libertatem amiserunt. Alterum est Frisicæ Patriæ nostræ exemplum, quæ vetustissimam libertatem inde à Romanis temporibus, maxime post Caroli Magni ætatem, sine mercenariis & sine ullis tributis, contra maximas exterorum invasiones facile defendit; donec bellis civilibus attrita & in domus Burgundicæ ditionem redacta, modicis adpersa potius quam onerata vectigalibus, deinde recuperatâ libertate, Foedere cum aliis nationibus inito, longinquis bellis, immensusque tributorum oneribus implicata fuit.

4. Nec aliud in plerâque usu venit Europâ, cum dissoluto Romanorum Imperio, quæque gens milite contenta domestico & feudali, modicis onerata tributis agebat; donec superiori & hoc imprimis seculo, Principes exercitus alere mercenarios, atque per, & propter hos immensis populis oneribus & pecuniarum exactionibus opprimere cœperunt. Idque malum perpetuos habendi exercitus & Tributa sine fine recipiendi, ad ipsas nationes liberatas, in statu belli constitutas, perripit; imo reliquis, quam verè sit Aurea Libertas, exemplum præbuit. Discrimen hujus & superioris seculi pateat hoc exemplo; Ordines Frisicæ à Carolo V. & Philippo II. stipulati sunt, ne plus XIV. millibus florenorum, quæ nunc, habita ratione pretii, quod dein crevit, auri & argenti, forent circiter XXX millia, præter domania sua, exigeret, & hodie tempore belli plus tricies centenis florenorum millibus in rem communem, ultra domania non parum etiam aucta, conferunt.

5. Plane, ut nunc se res habent in orbe Terrarum, non modo belli, sed & omnis Imperii nervus est pecunia publica: Nam Lycurgi institutum, qui ut inter privatos nullû nisi ferrei nummi usum permisit, ita operam dedit, ne Reipublicæ vires auro vel argento pacis aut belli temporibus indigerent, illius hac parte ratio inquam & omnis ordo Civitatis admirationi potius quam imitationi posteritatis exposita est. Et Frisiorum vetus institutum, quæque sine Ærario Rempubl. continuerunt, in Anarchiam & dissolutionem pacis publicæ desit. Imo res vere nunc æstimanti, nullum præstantius optimi status Civitatis & Imperii signum atque argumentum haberi potest, quam Ærarii communis provida constitutio & diligens Administratio.

6. Primo igitur de constituendo, tum de Ad-

de Administrando videamus Aerario.

Cujus quidem conficiendi modos septem Bodinus enumerat & exequitur in *lib. 6. de Republ. c. 2.* nos ad duo genera reducemus. Ut modi & fontes, è quibus Aerarium constituitur, sint vel ordinarii vel Extraordinarii. Ordinarios vocamus, qui ferè semper in omni Republ. tam pacis quam belli tempore in usu sunt. Extraordinarii sunt, Indictiones & collectiones, usu & necessitate publica, præsertim belli tempestate sic exigente, fieri solitæ, & quælibet casualia lucra. Prioris generis sunt, Reditus dominici, maxime ex agris publicis, munera & vectigalia. Posterioris sunt, contributiones, tam è civibus, quam à focis, etiam ab hostibus, & ex iisdem spolia, donationes à focis & amicis profectæ, pensationes pro concessis juribus ac privilegiis, & id genus alia, quæ in universum definiri non possunt, inque diversis civitatibus & Imperiis aliter aliterque se habent.

7. Magnum Reipubl. fundamentum est, in fructibus rerum soli, tam ad certitudinem reddituum annuorum, quam quod ingens præsidii fidei publicæ continent, in subitis necessitatibus, ad mutuas impetrandum pecunias. Ita Romulus urbem condita, sic instituit, ut ager Romanus in tres æquas divideretur partes, quarum una pro Sacerdotibus & sacrorum sumptibus, secunda Reipubl. oneribus serviret; tertia in cives divideretur, teste Dionysio *lib. 2.* Diodorus autem Siculus in *lib. 1.* Ægyptios perinde tripartito divisisse agrum publicum, eodem usu, nisi quod tertia militibus, in usum feudali non absumptam adsignaretur, cum reliqui agricolæ coloniæve servi essent, inde à tempore & instituto Josephi, proculdubio *Genes. 41.* Poloni victores agri Sarmatici & vicini nobiles, haud multo secus habent agricolarum vulgus.

8. Verum ad sacros usus plerisque populis Christianorum, longe major quam tertia pars agrorum cessit; quod, cum bona sacris destinata ferè libera ab oneribus habeantur, Reipubl. noxium, ac ideo multorum scitis populorum cautum fuit, ut *E. uel. in. c. 1. de. iur. in. re. p. c. 1. de. iur. in. re. p. c. 1. de. iur. in. re. p. c. 1.* *Ecclesiæ rebus immobilibus non auget,* qua de re vide sis Robertum 2. *ver. judic. 2. Bodin. 5. de Rep. 2.* Nec Juris ratio, seposito, quod Pontificii juris auctores, de exemptione Clericorum à Jurisdictione & Potestate civili introduxerunt, refragatur huic temperamento, adversus immensa reddituum sacrorum augmenta, non infamam luxus & corruptæ religionis causam. Quo jure Protestantibus in publicos usus illa bona transtulerint, alibi dictum, nec hujus est loci.

9. Non immerito igitur olim, qui auctores se præberent agros publicos alienandi & in plebem distribuendi, salutis publicæ adversarii & mali cives habitus sunt, quod argumentum fuit tot agrariarum in Romana civitate contentionum; & in nostra Republ. merito prudentes & patriæ amantes crediti sunt, qui agrorum publicorum venditionem novis Tributorum & vectigalium, quæ tamen nec deinceps evitari potuerunt, institutis præveniendam putarent, qua de re dix. in *Histor. Civ. ad ann. 1637. Reb. Belg. cap. 3.*

10. Quia vero publicis agris tam exacta non potest adhiberi cura, quam quisque paterfamilias suis applicare solet, plerumque in emphyteusin, vel saltem in longum & longissimum tempus, non maximis concedi & elocari solent vectigalibus. Quod lucrum quibuslibet civibus & maxime tenuioribus permittendum, etiam à potentioribus sæpe, malis artibus occupatur; Unde Gracchanæ seditiones apud Plutarchum in *vita Gracchanæ*.

rum, qui non immerito Patres avaritiae & factionis maleficæ arguebant, quod agros publicos ære modico sibi addicendos, & per servos colonos exerceri curarent, ingenuâ plebe nullum è victoriis ita percipiente fructum.

11. Separantur autem agri publici, vel I. ab initio Reipubl. constitutæ, ut de Romulo intelleximus, vel II. Ex hostibus debellatis, in quorum terras colonis mittebantur frequentes, cum distributione agrorum in novos cives, & bona pars in publicos usus locabatur. III. Incrementa terrarum ex alluvionibus maris aut fluminum, à Reipubl. in hunc usum occupantur, qua de re superius actum est in *lib. 2. sect. 4. c. 4.* IV. fit idem per bonorum ob delicta publicationes, per devolutiones bonorum vacantium, ne de emptionibus aliisque modis acquirendi loquamur.

12. Ordinariis præstationibus accententur etiam Munera, quibus etiam Ærarium proprie non impletur, allevatur tamen. De muneribus actum est in *sect. 1. c. 5. n. 5. & 6.* Sed ibi quatenus ad officia pertinent. Hic considerantur ut onera civibus in utilitatem publicam imposita, seorsim ab his, quæ ad privata patrimonialia continent, ut Tutelæ & Curationes. Sed ad Ærarii sublevationem spectant ea, quæ Arcadius Charisius enumerat in *l. 18. d. Muner. & Honor.* tam mere personalia, quam patrimonialia & mixta. Personalium exemplo sit, Quæstura, sive Cura kalendarii, & Cursus vehicularis, quæ nostris moribus lucroscæ Administrationes, consequenter & Honores sunt, olim gratis, & oneris, non honoris vel lucri causâ, magno ærarii levamento, gerebantur. Multa ibi recensentur ejusdem generis, quæ cum longe secus se nunc habeant, non est, quod hic enumerentur, cum personale vix hodiè quicquam pro Reipubl. sine lucro administraretur; latigentibus

ipsis Civitatum rectoribus, ne quis Publico gratis serviat.

13. Sed munera patrimonialia non sunt inter ea, quæ nostris temporibus oblivioni data sunt; talia, scilicet, quæ damno patrimonii & sumptibus administrantis expediuntur: est verum est, seculum nostrum magis delectari pecuniariis exactationibus, quam muneribus proprie dictis: Nisi quod unum crevit in immensum & intolerandum, Munus excipiendi personali hospitio milites, quod omnia apud Arcadium Charisium extantia munera, nunc obsoleta, patrimonialia, mixta facile adæquet, imo superet, non modo labore molestiæque, sed etiam sumptu, & ærarii levamento non modico, est majore privatorum damno & incommodo, incomparabiliter.

14. Malum veteribus incognitum, & quod gratulor etiam Patriæ nostræ, ad exempla veterum inprimis factæ; quanquam pecuniariis oneribus omnes qui unquam fuerunt populos, pridem speravimus. Verum hoc munus excipiendi hospitio milites, si esset tantum, quod dicitur *Hospitium*, ne quidem Munus videretur: Sed sanctius est hoc nomen hospitii, quam ut deformi instituto, nostri sæculi militiæ, quo sumptibus amicorum, sociorum civium exercitus suos, Hybernorum prætextu, alunt Principes, conveniat. Cui merito magis applicet aliquis dicta Suidæ in publicanorum violentiam, cum tribuit illis *παραρρησιστοφύλαξ*, *Βίαι*, *ἀντιλήθη ἀρπύγῃ*, *ἀνάλυττοι πλουτεῖαι*, *περγυμῆται λόγοι καὶ ἵκετα*, *ἀνυδιήματα*. Quorum efficaciam verborum difficulter aliquis ita vertat, ut horum temporum Hybernis, quemadmodum à Germanis, Gallis, Hispanis aliisque exercentur, eorumque immanitati respondeant.

15. Quid igitur Suidas? *Vix*, cum jure quilibet imperandi, prohibendi. *Rapina*, quam

quæ non reprehendere aufit. Impendissimam avaritiam. Negotio, cujus ratio non reddatur. Commertium pudere vacuum. Nam & commercii species in hoc genus ingreditur: Sed Græcorum vim verborum hæc versio non exprimit. Origo hujus mali initio superioris seculi fuit ab Hispanis in Italiam, quibus cum stipendia à Regibus suis non solverentur, solutionem sibi ipsis ex hospitiiis confecerunt. Quod exemplum in alias gentes, imprimis, ex quo Principes certatim sibi statos exercitus comparaverunt, est propagatum, & populos magis quam ipsa belli vis, cum amicis æquè ac inimicis incumbat, atterit.

16. Etiam autem Munera inter modos Erarii constituendi ordinarios retulimus, omnia tamen & singula non semper usu venire constat. Ordinarii etiam accensuimus *Vettigalia*, quæ proprie sunt præstationes impostæ rebus, quæ invehuntur aut evehuntur, portoria dicta, quæ à veteribus non nisi de rebus exoticis, & quibus pauperiores facilius carere poterant, exigebantur. Ita Martianus in *lib. singulari de delator*. enumerat species pertinentes ad *vettigal*, Cinnamomum, piper, costum, nardi, stachys, cassiam, Smyrniam, amomum, zingiber, cardamomum, aromata, ebur, gemmas, margaritas, vestes babylonicas, sericas, purpuram, liliam, fucum, leones, pardos, pantheras & id genus alia plebi minus gravia. l. 16. §. 7. *de Public. & vettig.*

17. Nam de rebus necessarij usus, maxime victus causâ paratis, vettigalia solvi, moris apud veteres non fuit. Laus hujus inventionis nostro seculo debetur. Italix Principibus primum, dein ad Aulam Gallicam, inde ad Germanos Principes nihilo sequius progressa, ne liberos quidem populos fugit. Ut nihil fere sit relictum, humanis usibus inserviens, liberum & vettigalis expertus. A-

deo, ut quæ vettigalium causâ majores nostri, bella civilia & extrema quæque sustinuerunt, hæc cum hodiernis comparata, quiescentia videantur.

18. Scilicet, appellatio vettigalium cum usu rei latius ad quilibet *impositiones*, quæ publicè locari solent, extenditur: quorum magna varietas, pro statu cujusque Reipublicæ & ingenio Rectorum speciali enumeratione non indiget. Sed conductores eorum *Publicani* vocantur. Et hi rursus in mancipis & prædes, auctore *Festo*, distinguuntur. Mancipes erant, qui immediate à Fisco vettigalia conducebant, & quasi manu capiebant. Prædes erant, sponsores mancipum, qui cum id onus non susciperent, nisi ipsa vettigalia participarent, hinc eorum appellatio cum mancipibus sæpe communis erat: Socii reliqui in partem quæstus vel jacturæ à mancipibus recipiebantur. Hæc eodem modo nostris temporibus administrantur.

19. Quemadmodum & hæc observationes utriusque juris communes sunt; Collectio pecuniarum publicanis nullo modo permittenda, nec proinde collectores vettigalium conductorum participes esse debent. Neque permittenda publicanis dilatio solutionis, prætextu compensationis alterius debiti, sed hoc à Reipublica seorsim petere debent l. 1. *C. de Compensat.* Quando tamen constat, eos nihil esse fraudatos, & ob defectum solutionis excutiuntur, tum liquidam compensationem negari, non patitur æquitas.

20. Vigor etiam publicæ utilitatis postulat, ut reliquatores publicanorum corporaliter plectantur, nisi perspicue docere queant, nec cupiditate, neque negligentia suâ, verum fato accidisse, quominus solvere possint. Est & hoc rationi consentaneum, ut qui maximos fructus ex redemptione vettigalium consecuti sunt, si postea minime tantummodo

ri queant, iidem ea prioribus suscipere compellantur pensionibus, ut Romanis statutum erat, hodie non perinde servatur, l. 11. §. ult. eod. Debitorum autem fisci vel Reipubl. vectigalia conducere prohibentur, nisi forte tales obtulerint fidejussores, qui & reliquis eorum satisfacere parati sint, l. 9. §. 2. & 3. eod. Denique, si pensionibus facta sit locatio, prioribus non solutis, pellere licet Conductores, tempore licet Conductionis nec dum impleto. l. 10. §. 1. eod.

21. Cæterum, ut publicanis secundum Statuta, paratum & rigidum jus dicatur, publice interest, nec minus ut audacia temeritasque eorum in captandis vexandisque civibus, poenis competentibus coerceretur. Utroque tamen casu sententiæ declaratoriæ requiritur, nec minus, cum quaeritur, an res celatæ debeant committi: ut tamen usque quaque summaria cognitio adhibeatur.

22. Erat autem publicanorum nomen & officium, cum ob rem ipsam, quia nulla res æque populis invisâ est, quam vectigalia; tum ob exactiones illorum violentas & injustas, odiosissimum, maxime populis libertatem amantibus, quales Judæi, ut in Historiâ Evangelicâ passim occurrit: quod tamen de redemptoribus vectigalium particularibus intelligendum potius, quam de publicanis principibus, qui Romæ equestris ordinis & potentis in civitate factionis erant, ut ex Ciceronis epistolis & aliunde constat. Qui scilicet totarum vectigalia Provinciarum conducta, rursus aliis sublocabant, cujusmodi redemptor pontis est, in l. 60. §. pen. π. Locati; & tales in vexanda plebe conspiciuntur, πλωσι dicti in Evangelio, de quibus & Ulpiani verba in l. 12. π. de publ. accipienda potissimum, *Quanta audacia, quanta temeritatis sint Publicanorum factiones, nemo est, qui nesciat*, inquit.

23. Hæc ratio & subditus immensus illos redemptores, qui omnes ex sudore & sanguine plebis vivunt & locupletantur, taciendi, multos in opinionem adduxerunt, illorum institutum esse Reipubl. noxium, multoque satius esse, conductiones omnes abrogari, reditusque publicos certis contributionibus publicè colligendis comprehendere. Sed usus omnium rerum & temporum docet, nihil sine Mæo & Tuo rectè administrari, & ministeria colligendi ab iis, quorum propriè non interest, infidelitatis & negligentiae esse plena. Præter, quod Reipubl. tum carendum esset, omni illâ varietate vectigalium, quæ ob incertitudinem præstationum; statas collectiones non recipiunt. Denique, rem exhauriendis pecuniâ populis repertam, sine omni injuriâ & inæqualitate, ad exactitudinem libellæ redigere velle, ex iis est, quæ fieri non possunt. Nec utquam forte verius sit Aristidæ dictum Plutarcho in *vitâ ejus memoratum, Republicam ex his aduicis didicisse, multa egerè in partibus.*

24. Quæ tamèn idcirco non debet esse effrenis & infinita, ne fiat ἀνεπιμαρτυρητοῦ, *Rapacitas dominans & insultans.* Romano Jure, si quid conductores vectigalium, illicitè exegerint, in duplum; si per vim in quadruplum tenentur, insuper & extraordinem plectuntur: Alterum enim utilitas privatorum, Alterum vigor publicæ disciplinæ postulat, ait Paulus in l. 9. §. 5. π. de *Publican. & Vect.* Ad quadrupli luitionem videtur etiam spectasse Marthæus è publicano factus Christi discipulus, ut ipse testis est in Evangelio.

25. Sequitur, ut videamus, à quo vectigalia institui possint, quæ justa sunt alitque justiora, de commissis & Immunitatibus, quarum servationes sunt communes etiam Tributis, quæ colliguntur ex agris & domibus, neque locari solent,

solent, qualia strictius propriè accepta vectigalibus opponuntur. Jus instituendi vectigalia inter jura Majestatis referri jam diximus in *lib. 1. sect. 3. c. 6 n. 70. & seqq.* Non Præsides aut Præiecti Provinciarum, non Curiae Civitatum sine ejus, qui summam Potestatem habet, consensu, ea constituere, reformare, iis addere vel diminuere possunt *l. 10. in pr. d. 1. n. de Publ. & vectigal.* Imo in plerisque locis ne Reges quidem & Summi Principes hoc jus soli & per se habent. Quippe, cum pecuniæ cuncta pareant, populi, quibus non est animus, infinitæ Principum potestati atque libidini se dedere, dederunt operam, ut monarchæ sui, sine populi Procerumve consensu vectigalia imponere ne possint; quin consensum pecuniarium ab aliis boni publici postulatus suspendere solent.

26. Sed institutum illud hoc tempore militari potentiâ subactum, præterquam in Angliâ & Hispania, vix ulquam in solido mansisse videtur usu. Loquimur de Regnis & Principatibus vere summâ potestate præditis, sive Majestatem, sive Superioritatem territorialem, quâ nuncupatione Principes Germaniæ gaudent, appellemus. Nam quod ad Regem Poloniæ ipsumque Imperatorem Romanum in Germania attinet non hereditariâ, in illis solis vim Summæ Potestatis haud multo magis, quam in Ducibus Venetorum aut Genuensium, residere, sæpe demonstravimus.

27. Sed quod in Imperio simpliciter delato, hæc facultas imponendi tributa & vectigalia, quod jam in *d. cap. 6. sect. 3. l. 1.* diximus, contineatur, præter ea quæ dicto loco protulimus, patet inde, quod de Optimatibus in Aristocratia, quales sunt Venetorum Senatus, Ordines Hollandiæ, Frisæ, non dubitatur, quin hoc jus libere & efficaciter exer-

ceant: E. si nec plus, neque minus juris, quam Reges simpliciter constituti habent, illis competere certum & in *lib. 1. sect. 2. c. 4.* demonstratum est.

28. Sed populi non habentes summam Potestatem, neque Regalia, non habere jus instituendi vectigalia, sine jussu, consensu & auctoritate Superioris, ultro patet. Quod tamen non impedit, quominus tales populi & quælibet universitates, omnium & singulorum consensu collectas & contributiones facere possint in usus civitati, vel universitati necessarios. Sed Rectores universitatum jus imperandi contributiones, civibus tuis non habent; nec etiam major pars suffragiis suis partem minorem ad hoc obligare potest; cum hoc etiam sit Imperii, quod in talibus non est penes universitates, ut jam diximus in *lib. 2. sect. 3. c. 6.*

29. Leges Vectigalium ingratiæ molestæque civibus & exteris, egent sanctione, id est, pœnali constitutione, quam maxime: & hanc, quanto Flagrantior est fraudandi cupiditas & impunitatis spes major, tanto magis intendi oportet. Est autem duplex pœna, Commissi & multæ. Commissum est publicatio rerum, quibus crimen fraudati vectigalis commissum est: Ita enim conciso loquendi modo vocabulum *Commissum* accipitur apud *Jeros. l. 14. d. Publican.* & res committi dicitur, quæ ob commissum in publicum redigitur *l. 17. §. ult. n. ad SC. Vellej.* Prædia commissa *l. 37. d. Negot. gest.* Quintilianus; *Quod quis professus non est, apud publicanos, pro Commissum tenetur. Declam. 341.* Undeliquet, proprie *Commissum*, esse fraudationem vectigalis, & transferri ad significationem redigendi res in fiscum, quod ut plurimum ita solet intendi, ut etiam navis, & plaustra, & quæcumque in ea continentur,

tur, licita cum illicitis, publicentur l. 2. §. 11. *de Publican.*

30. Et quo magis homines ab hoc amabili crimine deterreantur, etiam multæ pro instituto cujusque civitatis sit graves Commissis adduntur; haud facile accepta erroris aut ignorantiae excusatione: Etsi valde probabilis error non recuset æquitatis interpretationem, ut levi animadversione, veluti duplo vectigalis, defungi liceat l. ult. §. 10. b. *de Publican.* Factum quoque fervorem domino ignoranti nocere non debet, nisi rebus illis, in quibus fraudati sunt, præpositi fuerint. Minori quoque ætati veniam erroris, etsi non æque probabilis, æquitas vult esse concedendam, d. l. 16. §. 9.

31. Si quis verò res suas proventus vectigal non solverit, nec commissum, nec alia poena habet locum; quia publicanus sibi imputabit, quod vectigal non exegerit, d. l. 16. §. 9. Denique, si propter necessitatem adversæ tempestatis, otus fuerit expositum, non debere hoc commissum vindicari, æquitas manifesta dicitur.

32. Persecutio mercium, quæ in commissum ceciderunt, datur etiam adversus heredem; non quod ille propter defuncti delictum puniatur, sed quia merces, quæ ipso jure à defuncto amissæ fuerant, apud heredem remanere non poterant. Si qua præterea poena lege ita tuta sit, ea cessat adversus heredem, l. 14. d. tit. de Publ. l. 8. l. ult. eod. Neque pactiones publicanorum in ejusmodi finem, cum singulis initæ, facile permittendæ; saltem Reipub. non præjudicant, quominus, publicano non solvente Ærario, debitum vectigal exigatur.

33. Pertinet etiam ad Juristractatum de vectigalibus inhonestis illicitisque observatio; sunt autem, species vectigalium inhonestorum vix aliæ, quam quæ ex rebus inhonestis colliguntur, veluti

è lupanaribus, quia vix est, ut non hoc ipso probari videatur. Nec quidem satis illic defenditur, ubi Magistratus indomitas hominum libidines cohibere non possunt, quin perniciosius erumpent, nisi ad meretriciam licentiam coniverent: Procul enim à conniventia distat Permissio; Quæ exacto vectigali, magis approbatio videtur. Sed indecoræ collectiones, ut Vespasiani ex lotio, differunt hoc sensu ab inhonestis.

34. At verè hujus generis putamus vectigal, quod Magistratus decerpunt ex fœnore trapezítico; cum enim hoc, ut hodie exercetur, sit injustum, non potest vectigal Magistratum, quo auctoritas instituto illi præstatur, injustitiæ absolvi, qua de re dictum aliquid in lib. 2. sect. 2. c. 5. n. 31. & latius in *Prælect. ad Tit. de Usur.* Perinde, quod exigitur à mimis & comœdiæ familiaribus, quæ, inter illicita reverendam videtur, quatenus vix ullæ hodie comœdiæ sine turpitudine exerceantur. Simile de familiaribus esto judicium: Nam de his quæ cum necessitate morali pugnant, minime difficilis aut obscura constitutio est.

35. A genere illicitorum differunt mordacia & importuna vectigalia, quæ magis in Leges prudentiæ, quam Honestatis impingunt, quale fuit Albanum vectigal Decimæ, illud famosum Belgio Hispaniensi, quo de singulis rebus venditis, nummus decimus identidem exigebatur; quod in populo mercaturæ dedito incivile, turbandi que commercia insanum erat. Apparet, non tam bonum Ærarij, quam belli fuisse rationibus Albanum. Si in plures aliasque species paulatim divisisset extractiones, ad eandem facile summam pervenisset, ut incontinenti & diu postea Belgæ, ut decimam darent, omnia dederunt.

36. Ad hoc idem genus pleraque vectigalia, quæ de minutis rebus ab ipsa multitu-

multitudine exiguntur, cujuscumque fuit Neapolitanum anno MDCXLVII. frugibus impostum, unde seditio atrox & bellum, Duce Thomafo Aniello. Nec ab hoc genere segretem, quod in quadam gente libera & strenua, exigitur ab omnibus iter facientibus, ad quartam vesturæ, non mercium sed hominum partem, quod non à nautis vel aurigis, sed ipsi viatoribus, tam inciviliter, sæpe tam violenter & imperiosè exigitur, non sine convitiis & verberibus; ne quid amplius dicam; ut mihi quidem eam maxime causam excogitatum videatur, ut ne dubitetur, libertatis speciem ad extremam servitutis lineam esse deductam; Atque ut civibus, nihil esse oneris aut indignitatis, quod privati Reipublicæ causæ ferre non debeant, efficacissimè & palpabiliter inculcetur. Etsi, an majus illud prudentis civilis, quam inopis melioris tituli, & quam exhausta sint Aërii conditorum ingenia & inventiones, signum sit, dicere non habeo.

37. Immunitas à vectigalibus haud facile, & à censu vix unquam concedenda cuiquam, idque in omni civitate ferè servatur. Concessa tamen à principe ad heredes, aut posteros non pertinet, nisi diserte privilegio sint comprehensæ, l. 1. §. 1. *de Jur. immun.* Et mentione posterorum simpliciter facta, rationem habet, id quod Lege Romana sancitum, posteros feminei sexus non intelligi, sed masculinos duntaxat, d. l. 1. §. *ult.* Collegiis vero data immunitas, veluti Academicis, perpetua, quandiu durat collegium, esse intelligitur l. *pen.* §. *pen. eod.*

38. Quia vim majorem non habet immunitas quam privilegium, ideo lege contraria tolli & aboleri potest; nisi per contractum promissa & obsignata sit; quo casu jus questum auferri non potest, nisi id quod interest in vicem præstetur.

39. Immunes autem fere sunt perpetuo, Res fisci, res exercitibus paratæ, & præsidium provinciarum d. l. 4. §. *pen. & ult. eod.* Studiorum quoque honori datum sæpius, ut Academicæ, ibique tam docentes quam discentes ab oneribus vectigalium liberarentur. His etiam, qui loca palustria aut eluvione maris vadosa aliterve inculta emendant & frugifera faciunt, urbesve desertas frequentant, merito, immunitate, saltem ad tempus, sublevantur, l. 3. C. *de Alluv. & palud.*

40. Debent autem personæ immunes, ad evitandas fraudes, profiteri, quid in usus suos accipiant, idque ut libello manu suâ subscripto testentur, haud de nihilo Lex Romana postulat, l. 4. §. *pen. & ult. x. de Public.* quod in nostra Academia similiter observatum fuit, quamdiu Immunitas ibi Professoribus & Studiosis, à majoribus indulta vixit; extincta funesto hujus seculi anno LXXII. Revixit, ad breve, sed abortu vel in ipsa navitate *secunda periiit* anno Academicæ Jubilæo, præsentis seculi LXXXV; quod obiter exciderit nobis.

41. Hæc de Ordinariis Aërii constituendi modis. Unde, quid juris esse queat de Extraordinariis, facile colligitur. Quæ sint illa, superius obiter diximus; præcipui sunt, Censuum, publicatio bonorum & spolia, vel Contributiones hostium & sociorum.

42. Quod ad Censuum attinet, olim quidem apud Romanos, hoc tributi generis ordinarium fuit: sed odium revelandi Patrimonia, & quia divites, qui rerum potiuntur, hac methodo plurimum præstant, hoc seculo vectigal illud extraordinarium fecerunt; nisi quod sævitia & duratio Bellorum & immanitas sumptuum publicorum, rem paulatim ad ordinariam præstationem adducunt. Porro Servitium Tullium divisisse populum in

Eccæ

classes

classes & centurias, secundum quas fracta ferrentur, milites ordinarentur, tributa fierent, notum est: hic Censur fuit, ac est publica civium bonorumque descriptio, estque tam rerum quam personarum, juxta quam præstationes tributariæ exiguntur *l. 3. pr. l. 4. pr. & §. seqq. x. de Cens.*

43. Immunitas concessa personis neque tertio, neque socio, neque heredi prodest, nisi mentione ejus expresse facta; posteris autem concessa ad pecunias non pertinet *l. 3. §. 1. b. l. 1 § ult. d. jhr. immum.* Quin et si fundus ea lege sit venditus, ut venditor censum præter, fiscus tamen convenit emptorem *l. 2. C. Sin. cens. vel. reliqu. Leon. lib. 1. emend. 8.* Imo & emptor de reliquis, hoc est, tributis non solutis, quæ ante venditionem cesserant, adhuc tenetur *d. l. 2.* quod non modo respectu fisci intelligendum, sed ne actio quidem ex empto de ejusmodi pacto danda videtur *l. 1. & ult. cod.* Idem est, si convenerit, ut census de fundo in fundum transferatur *arg. dd. l. 1.* Et hæc ita hodieque servantur. Denique, immunitas rebus data perpetua est *l. 3. §. 1. x. d. Cens.*

44. Qui censum non bene profectus est, crimine fraudati census tenetur *l. 52. x. d. Jud.* Plures etiam possessores singuli in solidum tenentur, sed unus qui solidum solvit, petere potest, ut actiones sibi cedantur *l. 5. pr. d. Cens.* Hæc juridica sunt, Plura hujus generis à Politicis petenda, ubi & discrimen Censur personalis & realis, etsi omnis verè Censur realis est. Sed Personalem vocant, quo cujusque patrisfamilias patrimonium non particulatim, sed universum æstimatur. Realem, quando de singulis rebus portio deducitur.

45. De publicatione bonorum, quaeritur, si ne justum fisci ditandi medium; ratione dubitandi, quod, ut Cicero ad *Brutum* fatetur, (defendens Scutum;

quo bona Lepidi publicata fuerant) poena quoque ad liberos pertineat; quare & Jullianus novissime in gratiam propinquorum fuit ut confiscationes N. 134. r. f. Sed non obesse hoc argumentum diximus pridem; adeoque nihil impedit, quominus redarguere liceat; quos occidere, justum est, hos spoliare non potest esse inhonestum; ex eodem Cicerone *offic. 3.*

46. Sed est & aliud; Publicatio bonorum tum maxime coepit, cum poena capitalium delictorum non esset, nisi exilium, quod veteres, scilicet, mortem civilem, id est, commentitiam vocabant; hoc autem vix erat supplicium, si damnati patrimonii suis in exilio gauderent: cujus rei experientia Romanos quidem compellit, ut bonorum publicationem, relictiis alimentis, in pleraque graviora crimina sancirent, teste *Suetonio in Julio.* Ubi vero pristina sanctitate civium Romanorum evalescente, mors naturalis coepit insigi reis criminum, jam hostiatis supplicii coepit videri; proinde, publicatio bonorum rursus abolenda videbatur. Hoc saltem exinde consequi videtur, etsi confiscatio in regulas justitiam non impingat, laudabilius tamen abstinere Fiscum bonis damnatorum, ubi sanguinem effuderit; etiam vel ideo, quod tum jactura opum reo nihil officiat, tantum premat posteritatem, quo pertinet erudita Bodini dissertatio de bonis reorum non publicandis, per *tot. cap. 3. lib. 5.*

47. De Spoliis & contributionibus hostium & sociorum, quibus Ærarium Athenienses olim & Romani præcipue constituebant & augebant, multa Bodinus. *in d. cap. hujus argum.* Nos de Spoliis & prædaram jure in sectione de Jure Belli, agemus; De contributionibus Sociorum, ut hodie se res habent, non est, quod multum proferamus; Alià nunc Imperiorum constitutione, quam fuit

Sunt illi: Nunt Reges ipsique populi, quos armis devicerunt, non sociorum sed jure subjectorum habent: Ideoque eorum contributiones à cæteris Reipubl. Tributis & vectigalibus non habent separatam rationem.

48. De spoliis autem hodiernis, illorum nihil, aut vix in *Ararium* quicquam infertur: Contributiones jure quidem adhuc ei debentur, idque præ se ferunt, qui rerum summæ præiunt: Quid revera fiat, nec mihi constat, nec ad hujus Artis institutum pertinet, Politica

verò non tractamus. Id plane constat, procul abesse bellatores hodiernos à veterum strenuâ diligentia, qui ex hostium spoliis & contributionibus sociorumque auxiliis & devictarum nationum vectigalibus, suos cives omnino præstabant immunes, sicut Romani inde post bellum Macedonicum II. usque ad Triumvirale bellum civile, tributis omnino exempti fuerunt. Hodie quanto Principes amplius fines victoriis extendunt, tanto populos suos magis onerant eosque exhauriunt.

C A P. I I.

De Jure Monetae.

Transitus, Origo pecuniæ, cum Etymologiâ & usu ejus. Materia nummorum; An æs pro argento in majore quantitate sit accipiendum. Valor nummorum internus aut externus. Internus quomodo æstimetur à rei nummarie peritis. De additamento sequioris metalli, & ejus proportionem peccatisque in eâ publicis. Hæc cum aliunde, tum è multitudine officinarum monetarum oriri. Externum valorem, quicquid de interno fiat, in commerciis spectandum. Hujus autem Legem, ita à Summa Potestate pendere, ut per populum Edicta sæpe vim amittant suam: Ideo nec secundum ejusmodi Edicta, usu non recepta, judicare posse. Metu diminutionis faciendæ, non posse negari solutionem in nummis cursus præsentis. Non videri tamen creditorem in tali casu teneri, ad accipiendam solutionem, cujus dies non cessit, etsi debitor alioqui ante diem solvere possit.

Æ Ratio servit Rei nummarie Curæ, quæ simul ad omnem commercii reique publicæ & privatæ dispositionem, quæ sine nummis difficultes, inque corruptis difficillimè exercetur, pertinet. Olim quidem non erat ita nummus; neque aliud merx, aliud pretium vocabatur. Sed unusquisque secundum necessitatem temporum ac rerum, utilibus inutilia permutabat, quando plerumque evenit,

ut quod alteri superest, alteri desit. Ita permutationibus commercia exercebantur, ut hodieque fit in populis simplicioribus, à mari & fluminibus viâque mercaturæ promiscua remotis.

2. Sed quia non semper, nec facile concurrat, ut cum tu habeas, quod ego desiderem, ego invicem habeam quod tu accipere velis, electa materia est, cujus publica ac perpetua æstimatio difficul-

Eccc 2

taibus

catibus permutationū, æqualitate quantitatis subveniret, eaque materia formā publicā percussa, usum dominiumque non tam ex substantia præbet, quam ex quantitate, nec ultra merx utrumque, sed alterum pretium vocatur, ut disserit Paulus Adfessor in *l. 1. pr. n. de Contrab. emp.* Dicitur autem illud pretium, Pecunia, vel quia pecudum, in quibus antiquæ opes maxime consistebant, loco venit; vel quod pecudis signum primis nummis insculptum fuit, unde *βῆ, ἰνὶ γλώτῃ; Bos in lingua*, dictum fuit de sumptum. Hinc & Aristoteli; Nummus est *Ἰπνάκιον ἢ χεῖμα, quasi Vicarium indigentis instrumentum; ὄιον ἰσχυρῆ; ἢ πωλλῶν ἰνδία; Sponsor*, quia securos reddit, *future indigentia. 5. Est. 5.*

3. Materia nummorum tere triplex in usū est, *Æris*, ex quo primā Romanis nummi sunt cūsi, unde adhuc *æs pro pecuniā*, & *Ærarii* appellatio, Imprimis autem Argenti & Auri Stānei & plumbi nummi vix sunt in usu, & prohibentur in *l. 9. §. 2. n. ad L. Cornel. de Fals.* Unde & Triumviri monetales, *Æris*, Argenti, Auri flatores appellantur in *l. 2. §. 8. n. de O. F.* Nam ferrei apud Spartam nummi singularis in illa gente fuerunt instituti specimen, ut & offei & lapidei, & corearii aut charactei, extra ordinem aliquando usu temporario, vix aliter quā in urbibus obsessis, ut superiori seculo apud Lugdunum Batavi factum, usurpantur. Etli non procul ab hoc usu abesse videtur constitutum quorundā populorum, qui Nomina Reipubl. sive Instrumenta publici æris alieni, pecuniæ loco in solutum danda, accipienda sanciverunt, ut Patriæ nostræ Proceres, aliquoties hoc tempore belli, non poenitendo, ut repetitio indicat, successu instituerunt.

4. Cum *As*, grave nimis & onerosum commercium esset, argenti & auri nu-

mi cūsi sunt, nec æreis ab illo tempore, qui mobilioris metalli copiam haberent, usi sunt aliter, quam ad minoris momenti usum, ad comparandas res exigui valoris, aut frangendos aliquando majores nummos, vel ad supplendum quod excurreret; non ad commercia majoris momenti. Ideoque maximum rei nummarie dehoneltamentum & commercii impedimentum, è nimia nummorum æreorum aut minorum argenteorum copia nascitur, in populis, inquam, auri argenteique inopia non laborantibus. Quod ut politicæ observatio est, ita juris quæstiones inde oriuntur; qualis hæc, an debitor non suo commodo ad solvendum compulsiis, majorem pecuniz summam in æreis, aut minutis argenteis nummis solvere possit, & creditor ejusmodi solutionem accipere cogatur.

5. Ventilatam fuisse hanc Quæstionem in magno Senātu Parisiensi, & confirmative decitam refert Molinæus tract. *de usur. n. 747*, Etli Præfecti monetales consulti secus responderant, duabus rationibus; primā, quod ærea moneta non nisi usum minuti ergo cūsa, contra naturam instituti sui trahenda non esset; Altera, quod nimio pondere sui, commercii onerosa, & ad usum mercaturæ inepta ac inutilis esset. Has rationes à Senatu magno sprete fuisse, non etiam quare, testatur Molinæus. Primam sane Ordines foederatarum Belgii nationum, in Edicto nuper contra denarios immani numero percussos adfirmarunt, alteram ipsa res & usus approbat. In Judicato illo fuerit hæc ratio, quod summa erat modica, xxx librarum Gallicarum, quæ non nisi Carolinos efficiunt quinque supra viginti sive decem Imperiales. In majoribus summis quominus illæ rationes à Juddicadmittantur, idemque ne malitiis indulgetur

indulgeatur, provideat, causa videtur esse nulla.

6. Valor pecuniæ intrinsecus vel extrinsecus æstimatur: sed hi termini eodem modo non explicantur. Vulgo ait Molinæus, valor intrinsecus appellatur materiz bonitas (Alloy,) Extrinsecus æstimatio publica. Sed ipse contra, valorem internum esse vult æstimationem publicam & impositivam, quoniam hæc ejus est propria, specifica, substantialis & formalis bonitas ac essentia; quæ sublata, nummus necessario deineret esse pecunia, vel monetæ. Quod ut ratione suâ non caset, ita, cur usitatum loquendi modum, quo valor internus in materia, externus in æstimatione forensi constituitur, mutemus, ipse causam non esse fatetur n. 696.

7. Interni valoris respectu, Aurum ab argento duodecupla circiter propositione distinguitur; etiam non eadem omnium æstimatio temporum sit & fuerit. Bonitatis autem gradus in auro *caractis*, in argento *denariis* ita dictis, reimonetariæ magistri distinguunt. Ita ut aurum *obryzum*, sive purissimum habeat 24. *caractas*, & argentum merum, quod *pusillatum* & *pusillatum* latine dicitur, quas voces explicat Molinæus n. 715. constat XII. denariis. *Caractis* & denarii, singuli in 24. grana dividuntur; & hisce *caractis*, denariis & granis declinationem à puritate metiuntur: ita ut verbi gratia, cui duo denarii deunt, hoc argentum sit infimæ bonitatis, & quod intra illam subsidet, hoc Galli, *billon*, appellant. Etiam rursus aliis temporibus & locis alia sit æstimatio declinantis auri & argenti. pretiumque puri; quod, ut in aliis mercibus, crescit & decrescit, etiam minus enormi discrepantia, quam in ceteris rebus, indies pro majore minore copia, pretio variantibus; quæ de re non est hujus loci agere prolixius, quod a-

gunt Bodinus in lib. 6. c. 3. & Molinæus n. 170. & seqq.

8. Sed cum Auro & Argento puro Artifices in nummis cudendis, ut & in vasis fabrefaciendis uti commodè non possint, addere solent, tantum æris aut plumbi vel stanni (quorum hoc ad colorem, æs ad soliditatem magis conducit) quantum ad sumptus & moderatum artificis lucrum sufficit, quod in argento definitum fuisse lege regis Gallorum, duodecim granis, id est, dimidio denario, additis pro remedio, quia difficile est tam exactè modum servare, tribus granis; ut sic à puro ablit xviii. & octo granis, sive besse denarii. scribit *d loco* Molinæus. In nostris Statutis, Artificibus præscribuntur undecim denarii, octo grana, cum remedio duorum granorum, ut sic à puro ablit xviii. granis, idque in majoribus. In minutis operibus est præscriptum decem denariis & octo granorum, sine remedio. Aurum definitur xxii. *caractis*, & pro remedio quadrans indulgetur: Ita ut sequorū metalli infint duæ *caractæ*, quæ faciunt duodecimam substantiæ partem, cum quadrante *caractæ lib. 3. Stat. Prif. tit. xi. n. 1. & 2.*

9. Constituto igitur, vel lege publica, vel quod prævalet, usu mercaturæ, argenti puri in singulas marcas, pretio, non est difficile, quantitatem extensam, sive ponderis in singulis nummis & internæ bonitatis, habita ratione sumptuum honestique lucri, præscribere & observare, tam in aureis quam in argenteis & æreis nummis, justam proportionem. Quæ ut æquabiliter in omnibus nummis, à præfectis monetariis custodiatur, summo opere mercaturæ & omnis Reipublice interest: ut, non immerito populus Romanus Mario Gratidiano Tribuno pl. qui primus Legem fixerat de probandis denariis, cum primi artifices

Eccc 3 plebi

plebi multis modis illulissent, vicatim statuas dicaverit, teste Plinio *lib. 33. cap. 9.* Nec minore merito hanc curam Principes & Rectores Reipubl. sibi vindicaverunt; à quibus si illa proportio quantitatis & valoris interni, cum æstimatione publicâ & impostitia, corrumpatur, faciunt rem sine dubio pessimam, non secus, ac si fontes publicos, quâ comparatione Molinæus utitur, veneno inficerent: etsi corrumpere & corrumpi nulla in re magis jam pridem *seculum* appelletur.

10. Si præfecti Artificesque monetarii tam scelesti lucri impudentiam inquerint, non est quod miremur, homines argentarios, trapezitas, nummularios, Judæos, qui sæpe monetis præficiuntur, jus & fas miscere. Sed quod ipsi Principes & Rectores populorum, publicè talis latrocinii participes sunt, intolerandum videretur; nisi jam pridem obduratum esset genus humanum indignissimis oppressionibus & expilationibus suorum Imperantiû ferendis, De sanguine pauperum foeneratitii lucri Societatem inter Magistratus & Lombardos iniri, quod pagani veteres inter maxima scelera posuissent, jam pridem mirari deliramus, & alibi notavimus: sed hæc monetarii lucri communitio quemadmodum latius patet, sic universæ Reipubl. pestilentior est, & omnis commercii, quo stat res publica, nervos succidit & fundamenta subruit.

11. Verum quidem est, harum fraudum initium ab hominibus stando feriendo præpositis oriri; quæ minus cohiberi possunt eo, quod numerus officinarum monetarium immaniter auctus est in Europâ; cum in unico Orbis terrarum Imperio florētis Romæ, non nisi una talis officina ad ædem Junonis Monetæ fuerit, cum apud nos in unâ sæpe eademque provinciâ tres quatuorve

reperiantur; quarum æmulatio prava ne in perniciem publicam, maximè si unî summæ potestati subjectæ non sint, erumpat, nullo modo prohiberi potest. Sed enormitates lucri infamis & duratio impunitatis ambigere non patiuntur, quin solis standi terrundique magistris emolumentum ratio non constet.

12. Præter quod, Reges & Principes absolutæ potestatis (nam ubi temperamentum adest populare, non est idem periculi) id aperto velo agunt, ut corrumpendo internam monetæ suæ bonitatem, in quibusdam speciebus; in aliis modo valorem externum augendo, rursus eundem minuendo, suo quidem commodò temporario, civium autem & commerciorum detrimento exitiali sine fine modoque velificentur. Nam mutatio valoris ipsius Auri & argenti, per revolutionem temporum sensim facta (ut à tempore detectarum in Americâ Fodinarum, & introitum inde nobilioris metalli in Europam, hæc duobus seculis notabiliter factum) fluctuationi rerum humanarum potius, quam hominum, vel Regnantium vitio imputandum est.

13. Quicquid autem fiat, de bonitate nummorum intrinsecâ; quia tam à valor internus & impostitius facit, ut pecunia sit & faciat summam, in jure solutionis nihil aliud quam valor publicus, civitatis lege stabilitus, etsi tempore debiti contracti, bonitas interna pluris fueris, observari potest. *Quod enim Doctores commentisunt, de exigenda bonitate intrinsecâ, quæ erat tempore contractus, et subjectæ materiæ circumstantiis, ab eum male perceptus ortum est, ait Molinæus. 806. & seqq. & faciunt, quæ in prælopi cap. de pecuniæ naturâ diximus.* Hinc etiam, si manente eadem bonitate internâ, valor externus & publicus, dum causa debiti penderet, fuerit mutatus, aliud quam

quam solutionis tempus spectari non potest: quemadmodum nemo dubitat, quicquid nuper denarii lex *jurverorum*, duodecima parte multaretur, qui acceperat undecim ante diminutionem, postea duodecim reddere debuerit. Quod & in ducationibus aliiq; majoribus nummis, ratio & observatio publica dicitur. Nisi convenerit, ut certæ solidæque numerorum species in eadem specie redderentur; quo casu, non obstante qualibet mutatione valoris externi, totidem in specie numeros esse reddendos, quot annumerati sunt, non magis dubitari potest, quam si tot modii frumenti aut amphoræ vini mutuo dati datæque sint, eo quod pretium vini vel frumenti mutatum sit, ambigi possit, an ideo plus minusve reddendum sit, quam creditum fuisse constat.

14. Porro, sicut monetam eudere, sine dubio Summæ Potestatis jus est; ita valorem ejus eternum augere vel diminuerè, ad eandem pertinet. Sed ut leges desuetudine adumbrantur, imo penitus amittunt vim suam, ita nusquam liquidius, quam in re nummaria, id ipsum animadvertitur: Ut non modo factum sed juris ea res sit. Adeo ut, si Edicta Principum aut Optimatum de mutando valore numerorum externo, recepta non sint à populo, nec usu fori obtinuerint, Cives etiam non obligent, neque secundum ejusmodi leges & Edicta jus dicendum videatur. Quæ de re, quia frequentem habet usum, verba Molinæi, prudentissimi & callentissimi harum rerum scriptoris apponam; è tract. ejus de Commer. n. 797.

15. *Pendet autem valor iste impositivus, inquit, non à privata cujusquam sed à publica dumtaxat estimatione & impositione. Publica autem estimatio & valor currentis, non à solo Principis in Monarchiâ vel Optimatum in Republ. Edicto*

pendet, sed etiam à consensu & usu populi & consuetudine commerciorum. Quod si leges & Statuta, nisi communi utentium usu comprobata non ligant, ut omnes utriusque juris doctores probant, in L. de quibus π. de Legib. & cap. 2. de Treug. & par. hoc maxime verum est, in commerciiis numerorum & eorum indicatur, quæ non est juris, sed facti. Quod postremum quomodo intelligantur, indicat verbis sequentibus; Et quod sensus populi in his dominetur & jus faciat, multis exemplis probat, inquit, Budæus lib. 3. & 5. Assis, ubi refert; multa Edicta præconialia, dira minantia, de usu abrogando probi & recepti numismatis, etiam ab homine minaci & ira inpotentissima manantia, cujus tunc ferocia recta & utilia cedebant consilia, publicum tamen consensum pervincere non potuisse, & jure optimo neglecta esse.

16. Ex hujus rei argumento cum quidam acculatus esset, invenisse nummos è vicina provinciâ, ante biennium prohibitos Edicto, quod non obtinuerat, sed, eo non obitante, nummi isti publicè recepti & usu populi adiduo triti & probati erant, respondi illum non incidisse videri in poenam illius Edicti, mense Augusto 1693.

17. Quid autem, si quis obtentu talis Edicti, neget accipere solutionem debiti in ejusmodi nummis, quorum prohibitio non obtinuit, sed usu refutata est, poteritne debitor obfirmare pecuniam, cum effectu solito juris, ut pro soluta habeatur? Dicendum id omnino, & supra dictis consentaneum est. Et si recenti prohibitione, priusquam constet, an usu commerciorum perruptura sit, parendum esse Edictis; & solutionem rectè negari, dubitandum non est.

18. Quid si periculum diminutionis monetæ, intrinsicè jam pridem corruptæ probabiliter immineat, ut vulgo eam recipere nolint, an hoc casu solutionem oblatam

oblatah negare licet? Ita statuit Molinæus. n. 812. eo quod *illa pecunia fide publicâ & communi jam destituta non retinet amplius plenam auctoritatem, nec vim, nec nomen pecunia publicâ & prohibe.* Sed hæc sententia uti, & nisi fallor, ratione refellitur. Usu, quod ante dirimutionem publico Edicto constitutam, in vitis creditoribus, pecuniam, æstimatione recepta, licet etiam certo constet de publicatione futurâ, etiam pridie quam faciendâ sit, offerri videmus: Ratione, quia pendet hæc res non à vulgi rumoribus & judicio privatorum, sed ab arbitrio Rectorum civitatis, sive eorum, qui habent summam potestatem. Adde, quod sæpe fit, ut ejusmodi rumores & difficultates evanescant. Si tamen diutius & constanter usu populari ac commerciorum, quidam nummi rejiciantur & improbentur, ejusmodi consensus publicus eandem vim, quam Consuetudo adversus legem, habere videtur, ut juris effectum teneat, quasi tacito Rectorum civitatis non prohibentium consensu.

19. Inde quæsitum, an imminente mutatione monetæ in deterius, adeo cogendi sint creditores accipere debitum, æstimatione præsentis nummorum inspectorum, ut etiam teneantur accipere debita, quorum dies necdum cessit, cujusmodi jus offerendi & solvendi alioquin habere debitores, ex legibus satis constat l. 50. n. de Obl. & Act. Satis crebro ea de re disceptatum, nihil tamen decisum comperi. Pleramque teneri Creditores ad hoc etiam, responsum est, quia sic sunt positiones juris. I. Debitor etiam ante diem solvere potest d. l. 50. II. Creditor nummos ante publicam derogationem æstimatione currente accipere cogitur, ut antea diximus. Hæc

positiones junctæ faciunt affirmativam Thelios proponitæ.

20. Et fatendum est, illam satis habere juris; sed in alterâ plus æquitatis inesse videtur, & forte rationis verè juridicæ, Nam quod debitores ante diem solvere possunt, id in favorem liberationis, ut quantocyus ære alieno detungi liceat; non ut incommodum & detrimentum creditoris, suo commodo & lucro caprent, iis indultum est. Et sententia, quæ Molinæum habet patronum, quâ diximus eum negare, creditores, omnino cogi posse, ad accipiendum nummos, quorum derogatio metuitur, & quos ideo communiter accipere detrectant homines, haud adeo procul abest à ratione juris, ut etiam ampliandâ sit opinio contraria, tam notabili inæqualitate, quæ non procul abest à dolo.

21. Plura de jure monetæ & rei nummarie, qui volet, adeat Bodinum & Molinæum locis *suprà designatis*, & hunc in primis copiose & enixe demonstrantem, quanta ex inæquali harum rerum observatione tam Reipublicæ quam privatis inferatur detrimenti; quam potius opera danda esset Rectoribus populorum, ut ad auferendum sumptus faciendâ prætextum ejusque incertitudinem, auro & argento nihil amplius misceretur, quam ad soliditatem nummis conciliandam opus foret; impensas autem monetæ cudendæ ferrent ipsi Principes, sine ulla adfectatione lucri pendendi & perniciosi. Sed & heic repetere liceat, quod alias habuimus; *Quid tristes querimonie!* &c. cum hac etiam parte dudum eo pervenerimus, ut ne vitia nostra nec remedia ferre possimus, quorum hoc est unum è præcipuis, quæ semper vetita, semper exercita videbimus.

CAP. III.

De Securitate publicâ.

Præcipuus Imperii scopus, Securitas publica. Ejus divisio in universalem, quæ præcipue est hujus loci, & particularem. Quid illa; definitio & divisio in Externam ac Internam, exponitur, ab officio Legis, Summæ Potestatis & Magistratum. Externæ securitatis ratio & procuratio. An exercitus habere perpetuos, sit in potestate Imperantium. Tutelæ publicæ officium non posse adhiberi à privatis, nec ab exteris implorari; nisi quatenus Rectores alicujus populi jus tuum amiserint. Quid juris habeat Civitas in fundis privatorum, munien- di aut securitatis publicæ adstruendæ causâ. Quatenus hæc res ad Ecclesiam pertineat, item ad Heterodoxos & excommunicatos. In quibus rebus Securitatis publicæ procuratio consistat, & quibus pro- fit. Quinam ab illâ excludantur, distincte expositum. Pœna violato- rum securitatis publicæ. De fide securitatis datâ privatis, hoc est, Salvo Conductu, qui dicitur.

SI de omnibus in *Libro primo* enu- meratis Juribus Summæ Potestatis, quatenus ad hoc caput Administrationis denuo pertinent, agendum putaremus, vestigia prioris Editionis, quæ jam vix apparent, latè nimis egrederemur. Unum de *Securitate Publica* articulum, quem antea non attigimus, addere placet, & de Reformatione alterum.

2. Est hoc argumentum ejusmodi, in quo Rectoris officium Reipubl. ordiri & definire debet, ut Securitas publica Civibus præstetur, cum hac gratiâ Civi- tates constitutæ, & Principes electi ac constituti sint, ut omnibus secure cum rebus & familiis suis, agere, & *liber- tate tranquillâ*, quomodo hanc securi- tatem appellat Cicero in *Philipp. 2.* frui & gaudere liceat, nec est aliud boni Regiminis indicium & argumentum melius ac infallibilis, & fructus Reipubl. dulcior, aut ad beatitudinem civilem &

Religiosam plus afferens momenti & ad- jumenti.

3. Quid autem sit *Publica Securitas*; definitione Scholasticâ clarius exprimi non potest, quam hæc ipsa verba præ se ferunt. Sed divisio, negotii naturam magis explicabit: Est autem hæc, in U- niversalem & particularem, Illa nomen generis sibi magis vindicat; hæc usu fo- rensi nomine *Salvi Conductus* indicari so- let. Universalis ad hanc Artem maxime pertinet, & præcipuam hujus capituli materiam dabit. Hoc modo definiri po- test, *Legi & Imperii præsidium omnibus paratum innocentibus.* Estque vel inter- num, vel externum illud præsidium.

4. Internum dicitur, præsidium Le- gis, quia *Lex omnibus hominibus equali- ter securitatem tribuit*, ut ex Hadriani rescripto scribit Callistratus in *l. 28. §. 3. de Per.* idque bifariam, præci- piendo vetandoque, & sanciendo pœ- nas in

nas in violatores pacis publicæ; ut boni legibusque obsequentes earum auctoritate defendantur, mali contra & immorigeri, pœnarum, quas illæ minantur, frenis cohibeantur ac coërceantur, omniumque adinvicem securitas legitimarum sanctionum vinculis contineatur ac custodiatur.

5. Sed quia Leges se ipsas explicare, truerique non possunt, additur *Imperii præsidium*. Primo quidem summi, quod, ut dictum, hac unice gratiâ constitutum est, ut, *vallum integritatis & murum securitatis*, ut est in *l. 31. pr. C. de Episc. & Cler.* conderet ac muniret populis, idque bonorum *præmiis*, malorum *pœnis*, quibus Rempubl. Plato contineri dixit, procuraret.

6. Juxta Summam Potestatem, idem est officium Magistratum. Congruit enim gravi & bono Præsidii, curare, ut peccata atque quieta provincia sit, quam regit, quod non difficile obtinebit, si sollicitè agat, ut malis hominibus provincia careat, eosque conquirit & punit, idque sine discrimine indigenarum & extraneorum *l. 3. & l. 13. n. de Offic. Præs.* quemadmodum & Magistratus alicubi speciales ad custodiam pacis publicæ destinati, & nomen inde habentes, ut *Irenarchæ* olim apud Romanos, alibi *Judices Pacis*, reperiuntur, quibus & exequendi potestas & vires adesse debent & solent.

7. Externum Securitatis præsidium, adversus vim hostilem foris imminentem, comparatum esse debet. Cum enim status gentium deversarum inter se naturalis & revera Status Belli sit, induciis quoadque sopitum, sed in potentia semper actu proximâ, ut loquuntur, ad pugnam, & potentiores aliorum opibus adiduo insidientur, eorum maxime, quos in tranquilla securitate degere vident, parum sua illarum ratione, qui

fines non gladiis sed justitia terminandos volunt, quod Agelilaus tamen suo sensu non male dixit; fieri non potest, ut, Publica Pax intrinsecus securitatem præstet, nisi contra vim externam tutum sit præsidium.

8. Hoc autem duplici via comparatur, vel assidua civium in armis exercitatione paratoque semper eorum delectu; vel mercenario in milite alendo & munimentis, maxime litataneis, illo infestis. Prior mos fuit veterum populorum; collectio milite nonnisi extra ordinem & ardente bello, conducti solito, invito mercenariorum nomine, & extra bellum, nisi Tyrannis, inutilitate. Inundationibus Germanorum per Occidentis Provincias, Feudalis militia quodammodo medii generis invaluit; donec & hac obsoleta, novissimo hoc ævo perripit ubique fere mos, habendi pacis etiam tempore, mercenarias cohortes, ex improbißima colluvie & sæce generis humani, de vulgo loquimur, colligi & de populis ali solita.

9. Hujus rei tractatus, ac quod institutum alteri sit præferendum, ad Politicam maxime pertinet, qua de re luculenter agit & disputat Bodinus in *lib. 5. de Rep. cap. 5.* Juridica disquisitio est, an Imperantibus arbitrium, quo nullum in utramque partem majoris momenti est, hac de re jure competat. Distinguendum haud dubie, inter Imperium simpliciter, & certis sub exceptionibus delatum. Priore casu, cum omne jus belli & Pacis sit in manu & arbitrio Imperantium, ut in *lib. 1. sect. 2.* probatum est, nihil causæ, cur hæc etiam potestas Imperantibus delata non sit, apparet; Ad voluntarium enim Imperium hæc distinctio pertinet: Nam de violentis & jure belli quæsitis, nulla ratio dubitandi esse potest.

10. Imperio limitato, si hæc ipsa res sub ex-

subexceptionibus continetur, nihil iterum est, quod dubitetur. Ut in hoc tandem Quæritio declinat, si jus belli & Armorum Principi competat, alia verò jura, condendi Leges novas, imponendi tributa & vectigalia, & similia, sint excepta, numquid Ordines Populorum jure se opponant Principibus, id agentibus, ut exercitus alant perpetuos.

11. Ne hoc adjuvent tributis & vectigalibus institutum inviti, rursus indubitatum est, populos non teneri. Quod si absque eo Principes id agant evidenter, ultra quam securitatis publicæ ratio postulet, directè quidem nihil contra quam ipsi delatum est, committitur: Attamen, quia tritissima hæc est via Principum, redigendi populos ad absolutæ subjectionis metam, & jura illorum opprimendi, dicendum videtur, jus illis esse petendi cautionem adversus justissimum metum, quæ non potest esse alia, quam dimissio superflui exercitus; cum quælibet aliæ cautiones, hoc consistente, sunt inutiles, & in libidine sint potentioris: Si nempe tanta sit mercenariorum copia, quæ subigendæ libertati publicæ sufficiat.

12. Nam si populus otii dulcedine, quod omnibus accidit hodie, ab armorum studio alienus, suæ Tutelæ non sufficiat, munimentis opus esse limitaneis & perpetuis illorum prædiis, res loquitur, & ipsorum mos liberorum populorum, qui mercatui aut agriculturæ dediti, nisi paupertate tuti, munitionibus & prædiis contra vim externam, securitati suæ consulere coguntur. Unde, si paucis vel uni pareant, ab his nihil aliud exigere possunt, quam ipsi saterent, modo non excedat res cautionem securitatis externæ.

13. Ex eo, quod hujus rei Procuracionem Summæ Potestati, & Magistratibus ab illâ constitutis incumbere dixi-

mus, Privatos non habere jus alios in Tutelam publicam recipiendi, clarum est; quo pertinet *Tit. Cod. Ut nemo ad suum Patrocinium suscipiat rusticanos, vel vicos eorum, in fraudem scilicet, ac circumscriptiorem publicæ functionis, ut ajunt Leo & Anthemius Imperatores in l. 1. eod. Nec quisquam vicinis Patrocinium polliceatur, vel agricolas in clientelam suscipiat, l. 2. eod.* Et his consentaneum est: Ne cuiquam defensionis causa, sine permisso Summæ Potestatis, loca munita, vel arma, ullo prætextu, habere liceat: qua de re, juxta veteris Imperii Romani, & communitatis gentium institutum, est *Constitutio Valentis & Valentiniani in Tit. C. Ut armorum usus inscio Principe, interdictus sit*; Nullum enim præsentius & postulentius civilium bellorum & seditionum incitamentum esse, notum est omnium exemplis & temporum & populorum.

14. Ex eadem ratione, quod hæc præcipua Principis, in quolibet Imperio, & Rectorum in quavis Republ. officii pars sit, ulro patet, ad Externas Potestates, non pertinere securitatis publicæ procuracionem in aliena Republica, nec civibus esse jus Tutelam securitatis suæ apud Exteros quærere, vel ab illis implorare; sed parum abesse, quin hujusmodi imploratione Crimen lætæ Majestatis committerent Cives, quia subjectionis & protectio sunt res correlatæ; nec ideo hanc, nisi apud eos, quibus subjecti sunt, absque violatione juris & dignitatis eorum, adfectare possunt.

15. Amplianda est sententia; ne quidem ad Fœderatos Principes aut Potestates, licet arctissime fœderatos, si modo sit æquum fœdus, ejusmodi Tutelæ publicæ implorationes extendere licere; quia sunt æque externi, & periculum ab illis, opportunitate Societatis, aliquanto majus est, ne jura Sociorum u-

surpare non gaudeant. Ac ideo in quâdam Republ. arctissimo cum aliis foedere juncta, publico nuper Edicto, læsæ Majestatis rei sunt declarati, qui juris publici Tutelam à Sociis imploraverant, exemplo *superius* designato. Verum si foedus inæquale sit, cujusmodi fuit Græciæ populorum, sub Lacedæmoniensibus ac Atheniensibus, alia non paulo juris ratio fuerit.

16. Quod si Foedus, in rebus communibus, à Generali Collegio, vel Principe gubernetur, ad hunc nihilo magis Tutela publici juris & securitatis procuratio in singulis populis spectat; nisi aliter in Foedere sit comprehensum & expressum. Exemplum modo adductum è Belgica Foederata regulam confirmat, nec infirmatur Exceptione Status Imperii Romani Germanici, quod esse potius systema Foederatum, quam unam Civitatem sæpe diximus. At ibi pacis publicæ vindicta ad universum Imperii Senatum Juridicalem, vel ad Imperatorem pertinet, ut docet Gailius in *libro de Pace Publ.* sic tamen, ut magis illud officium ad diversa Imperii membra, quam ad singulorum principum subditos spectet, quorum securitatis procuratio cum aliorum exclusione, non minus Germanicæ Principibus, quam aliis Potestatibus liberis ad animum pertinere videmus. Adeo, ut nec Imperatorem, si vires adsint ad prohibendum, admittant, idque jure se facere putent & faciant.

17. Cum autem hæc sententia jure Summæ Potestatis nitatur, extra hujus terminos, Jus securitatis publicæ produci non potest. Ideoque, si qui Principes aut Rectores Jus Summæ Potestatis amiserint, eorum subjecti non prohibentur alibi quærere præsidium. Quando autem hoc committatur, ex iis quæ de Tyrannide collocata sunt, in *lib. 1. sect. 9. in primis cap. Cap. 2. n. 9.* colligendum. Quo-

ties scilicet, Principes terminos Potestatis sibi delatæ notorie & prætractè egrediuntur; nec domi satis est prætidii contra vim dominationis effrenatæ. Quod ubi de facto certum (in hoc ferè præcipua difficultas est) de jure non admodum est, quod laboretur. Exemplis inveteri novaque Historia non ignotis abstinemus.

18. Incidit in hunc locum Quæstio, liceatne Principi, vel Reктору Supremo Civitatis, agros occupare privatorum & destruere domos, si ferat usus, & extruendæ sint illic arces & propugnacula, solæve dilatandæ, securitatis publicæ gratia. Quod ut adfirmandum, ex consensu populorum in conituendis Rebus publicis indubitan, ut probat Vasquius *1. controv. lib. 1. c. 5. n. 9.* sic in eorum rigorem minime concedendum, qui Jus Dominii Eminentis, ad cujus vim hæc res pertinet, usque adeo intendunt, ut ne pretium quidem dominis fundorum & ædificiorum putent esse refundendum. Recessus enim à jure dominii privato, gentium legibus stabilito, non nisi quam minima privatorum læsione constitui & intelligi potest; Ita rectè Zafius *consil. 10. n. 6. & seqq.* Sub gemina tamen limitatione; prima, ut si domus structa sit, ubi talis muniendi necessitas probabiliter poterat prævideri, superficiem dominus tollere debeat, & fundi solius pretium solvatur, ut sit in locis suburbanis. Altera limitatio, si tempore belli Republ. pretium incontinenti solvere non possit, ut Dominum cautione futuræ solutionis contentum esse oporteat, quæ tamen jure pleno, haud secus, ac à privato, præstanda manet.

19. Videmus ergo duplicem esse curam Securitatis publicæ. Externam, adversus insultus hostiles, & Internam, quæ in præsidio Legum & Justitiæ consistit,

H'c' ἀνδρῶν ἀρετῆς ἢ πῶς ἀλλ' ἰδὲ ἄρ.
διζῶν,

*Qua populos reddis miseris vel pace
beatos*

Hoc autem Securitatis officium non modo Reipubl. sed etiam Ecclesiæ imprimis debet Summa Potestas, cuius rei gratiâ vel maximè Civitates constitutas esse, diximus in *lib. 1. sect. 4. c. 1.* Et si arcano ejusdem divinæ providentiæ moru, ad huc quidem ita factum videmus, ut vera Ecclesia sæpius, extra securitatis publicæ Tutelam posita fuerit, obnoxia persecutionibus Regnantium: Eo magis, quo purior & sanctior illa fuit; usu ita fere docente, per hanc securitatis publicæ complexionem labi & corrumpi Ecclesiam. Adeo ut nulla Deo sit efficacior reformandi Ecclesiam ratio, quam subducendo illi securitatem publicam. Ut vaticinium, Reges erunt nutricii tui *Esaiæ 49.* & Reges peregrini ministrabunt tibi *cap. 60.* forte non temere ex his esse credatur, quorum adhuc expectatur implementum.

20. Juris est tamen indubitati, ut Publica Securitas, Ecclesiæ inprimis officium Summæ Potestatis & Magistratum conciliet: Nec id, si favent Ecclesiæ, vel ejus confessionem probent, in controversiam vocatur. An vero cœtus dissidentium in sacris à Summâ Potestate, sint extra patrocinium Securitatis publicæ, magis ambigitur, usu & opinione populorum atque regentium illos, qui sic frequenter opinantur, unam in una civitate Religionem esse oportere eamque Principis, pro qua sententia Lipsius etiam *lib. 4. Polit. c. 4. & seqq.* & in *lib. de una Religione politice* differit, etiam non omnino heterodoxos extra Tutelam publicam positos velit.

21. Quid hac parte juris sit, ex his, quæ de Jure Sacrorum Publico dicta sunt in *lib. 1. sect. 5.* colligi potest.

Cum inde constet, Rectores Civitatis non accepisse potestatem in hominum mentes, nec in his quæ à Deo præscripta sunt, cujusmodi sunt res fidei; palam est, nullas animi sententias, maxime de rebus sacris, homines privare beneficio Securitatis publicæ. Quia verò Deus etiam præcepit, ut Credentes in sese, agant cœtus, Dei colendi & laudandi gratiâ, & habeant Doctores, quod Imperatores prohibendi jus non habent, sequitur, hos etiam Cœtus, eorumque Rectores, etiam à Religione publicâ discrepantes, eodem patrocinio Securitatis publicæ comprehendi. Quando tamen, quibusve de causis, hoc Securitatis publicæ debitum cesset in Religionibus heterodoxis; ex illo communi loco suppleri potest, inprimis ex *cap. 3.*

22. De cœtibus quorundam & Universitatibus loquimur. Nam singuli & privati quominus Tutela publica gaudeant, nihil est causæ, nec quidem Judæos inde excludendos sicut antiquus honos gentis & eorum conversionis spes, & juris Romani auctoritas, quâ tam personis quàm synagogis eorum securitas præstatur *l. 14. C. de Judæ.* idemque cum ipsis, tum paganis, etiam horum cultu prohibito, tribuitur, sub poena dupli in violatores *l. 6. C. de Pagav.* sub cautione videlicet coercendi flagitia & blasphemias. Ne excommunicatos quidem à Tutela securitatis publicæ excludendos, ex his quæ de Jure Sacrorum in loco dicta sunt; cum ea res sit morè spiritualis; omnino adfirmandum est, etiam aliter crebro Doctores, quos citat & sequitur Joh. Georgius Bechtius in *Tract. de Securitat. & sal. v. Conduct. c. 4. n. 110.*

23. Jam si roges, in quibus rebus securitas universalis præstanda sit, in summa dicendum, illam consistere, in quælibet securaque facultate faciendi quod

Velis, fruiione rerum possessarum, in libero turoque viarum publicarum, maris, fluminum & Commerciorum usu; ad quam speciem *Salvi conductus* appellatio specialiter pertinet: denique in iudiciorum copia. Primum continet libertatem personalem; quæ cum definitur, Naturalis facultas faciendi quod vult, nisi quid vi vel jure prohibeatur. Securitas publica primam exceptionem præstat, ut vis à populo ablit. Alteram supponit, imo inculcat, cum sine illa prior in effectum deduci nequeat.

24. Proinde, qui facit, quod jure prohibitum est facere, an is ab hoc patrocinio excluditur? Non equidem ab immunitate vis privatæ: Sed à poenis & coercitione publicâ non liberari, ipsa res loquitur: quo pertinet id quod dictum de fruiione rerum, non modo ad coercionem furum & Latronum, sed etiam ne quis juris obtentu melioris, in detentione rerum suarum turbetur. Et *ipsum*; hunc articulum, de rebus possessis, potius, quam unicuique propriis expressimus; quia domini vindicatio ad Judicia pertinet, possessionis securitas magis ad hoc caput Tutelæ publicæ spectat. Quia, si hæc suo loco non relinquatur, sed alius alium juris prætextu turbet in præsentia detentione, eumve expellat, aut res eripiat, nihil quam bellum omnium contra omnes privatam in Republica foret. Unde nullum sanctius in Civitate præceptum extat, eo, quod & Leges & Canones dicunt, *Spoliatos ante omnia restituendos*: Id est, cui possessio manu crepta est, cum sine examine juris, quo rem detinuerit, incontinenti publicâ manu in integrum esse restituendum; tamen si fur aut prædo sit, imo licet alter ab illo dejectus, ipsum prius eiecerit, modo non è vestigio per modum defensionis id egerit *l. 17. n. Unde vi.*

25. Hæc omnia majoris tumultus evitandi & securitatis publicæ conservandæ gratiâ, quam si juris prætextu turbare liceat, tam justis quam injustis possessores periclitarentur. Quare, qui rem suam vel sibi debitam ab adversario aliter quam per Judicem repetit, Jus crediti vel domini amittit, ex constitutione Divi Marci in *l. 13. n. Quod met. c.* Denique, malefici, homicidæ, Adulteri & quorumvis criminum rei, modo in flagranti delicto non reperiantur, ad hanc Securitatem, quæ Facti recte appellatur, pertinent, ut à privatis lædi non possint; Aliter enim publicæ disciplinæ vigor observari non potest: Cujus ratio vult, ut delinquentes non minus à privatis tuti sint, quam publicè competentibus poenis adficiantur.

26. Hæc omnia Rectorum Civitatis officio sic continentur, ut ea quidem ultro & gratis procurare debeant; Quod tamen non vetat, in viis, & in fluminibus, vectigalia pro sumptibus & Securitate præstanda faciendis imponi. Sed hæc res ad locum communem de Vectigalibus spectat: Nisi quod ad externos attinet, de quibus in *sect. seqq.* agendum. Sed peregrini & eorum res tam viventium quam mortuorum, æquè ad hoc officium cujusque Republicæ Rectorum pertinent, quam Civis & horum bona; quo referuntur etiam naufragia, de quibus in *lib. 1. sect. 3. cap. 7. n. 5. & seqq.* Arresta tam peregrinorum quam civium, de quibus actum in *sect. præced. cap. 1.* & jus redigendi in fiscum hereditates peregrinorum, quod jus Albinagii vocant in Gallia, quod huic etiam officio Rectorum Civitatis minus videtur conveniens, de quo Bodinus in *lib. 1. de Republ. c. 6. n. 62. & seqq.*

27. Vidimus, quid Securitas Publica & quæ complectatur. Videmus, quoniam ab illâ excludantur, quod non uno & simplici

& simplici modo vel gradu sit. Primus videtur, quo certi homines, aut hominum ordines excluduntur à iudiciis, ita, ut non habeant personam standi apud Tribunal, neque per se, nec per suos Curatores aut Actores; sed tamen reliqua securitate gaudent, ut spoliari & violari nequeant. Idque magis in ordines & qualitates hominum, quam in singulos, nisi forte quibusdam in causis, congruit. Sic collegia prohibita non audiuntur in iudicio, neque Rectores illorum, quatenus istam qualitate præterunt; in universonum. Receptatores aleatorum iure civili arcentur à Tribunali Prætoris, etsi querantur de damnis & injuriis sibi factis, l. 1. x. de Aleator. Quod tamen non supponit eos à quolibet impune lædi & obtteri posse, quod plerique Juris Romani conditoribus objiciunt; Hoc enim non tam ad Prætores, cujus Edicto arcentur à iudicio, quam ad Præfectum Urbis spectat, cujus officium ad quævis maleficia pertinet, ut demonstravimus in *Encom. Rom. ad l. 1. d. tit. x. de Aleator*. Etsi verum est, Magistratus raro ad ejusmodi singularum personarum, à iudiciorum Tutela exclusiones procedere oportere.

28. Secundus gradus est, quando liber usus Fori, viarum publicarum & commercii ac habitationis usus alicui præcluditur, ut non modo sit omnibus, qui ob admittâ trahuntur in carcerem, sed etiam quibus urbe, foro, vel commercia interdicitur, & qui hac gratia vel educuntur, vel ni sponte foras eant, in custodia publicam rapiuntur, aut mulctis vel pignorum capionibus vexantur: neque enim tales à quovis impune lædi aut spoliari posse dicendum est: Etsi Magistratus usi sint hac formulâ; *se protectionem illis negare suam*, ut cujusdam urbis Magistratum denuntiasse memini Viro bono cæcus extraordinario religionis causa

exercenti. Quod ultra sanè quam hoc articulo dictum est, extendi non posset: Etsi minus illa prudens interdiciendi formula videtur. Si enim indefinite verba capiantur, ut sonant, impunè cuivis illum hominem, verberare, spoliare, vexare, permissum foret: quod erat ultra negotii modum & interdicentium, credo, propositum.

29. Ad hunc ordinem pertinent etiam circumforanei milites, desertores, validi mendicantes, quibus non permittitur Fori & publicarum usus viarum, & specialiter *Singari*, quos vocant, & chironantæ vagabundi, quibus non immerito accensentur, unguentorum nundinatores, vagi pugiles & cacaborum calceorum reparatores, denique variarum rerum minutarum venditores errantes, quibus merito non permittitur vagari per urbes & agros, sine veniâ speciali, sub poena operis publici, ut in *Tit. C. de Mendicant. valid. & Statut. Fris. lib. 2. tit. 8.* Denique malefici, id est, Magistarum artium magistri & Incantatores huc pertinent, quos cuilibet occupare deprehensos, & in publicum pertrahere non modo permittitur, sed etiam præcipitur *l. ult. C. de malefic. & Mathemas*, Sic & latrones, Prædones, Piratas, Transfugas & omnes graviorum, inquam, criminum reos haberi notum & dictum est.

30. His omnibus tamen hætenus publicæ patrocinium securitatis debetur, quod spoliari & occidi non possunt, verum comprehensi publicæ tradendi custodiae meritisque poenis ordine Judiciali causâ que cognitâ sunt coercendi. Ut tamen si; dum comprehenduntur, armis se defendant, si contingat eos cadere, jure cæsi videantur, ut *aliis dictum*. Nec tamen nulli sunt, quos etiam ultra occidere liceat, non modo insidiatores & obsessores viarum, latronesque & omnes aliorum lavatores, dum in hoc

sunt,

sunt, ut alios in periculum vitæ adducant, quos inter & raptores mulierum in ipso actu deprehensi *l. un. C. de Rapt. Virg.* sed etiam promiscuè, si qui publico Edicto hostes declarati & omnium ictibus expoliti atque proscripti sunt; non per factionem & tyrannidem, ut olim proscriptiones Sullanæ & Triumvirales, sed manifestis hominum meritis, & salute publicâ propter illorum furorem, extremam exigente severitate. Atque his etiam adnumerandi, quos induisse animum quemlibet obvium interficiendi constat, quales apud Indos furore quodam religioso percitos, non secus ac rabidos canes, quandoque vagantes & vociferantes conspici, scribunt Nostrates illinc. Quin idem in conductos sicarios, vulgò *Assasinos*, qui incertos homines armati incedunt, dicere plerique statuunt, per *cap. 1. in fin. de homicid. in 6. Damhoud. prax. crim. c. 83. Clar. §. Assasinum Menoch. Cal. 360. n. 42. ubi.* Et rectè, si aliter scelus eorum opprimi non possit. Privatis enim Ferri licentiam non nisi extremâ necessitate permittendam esse, res & publicæ vigor disciplinæ loquitur.

31. Cum enim nulla res humani generis omniumque Imperiorum saluti magis adversetur, quam ut Pax & securitas publica violeatur, haud immerito, qui hoc audent, eodem malo, quod alijs parant, adfliguntur, ut extrapacem publicam constituti, ab omnibus impune tam in personâ quam in rebus offendi possint: quæ est sententia *Banni*, quod pacis Publicæ Violatoribus irrogatur, de quo prolizè Gailius cum *toto de pace publica opere, tum in lib. 1. cap. 20. & passim*, quæ hic describere nihil attinet. Cum autem hæc res inter ea sit, quæ & Exteri sibi innicem vident, de his *sequenti sectione* agendum videtur.

32. Ita Securitas universalis totum

hujus capitis spatium implevit. De particulari, ad quam generalia reduci possunt, pauca subjiciemus, Et præfatur hæc vel exteris, vel civibus. Ad illos quidem sectio quæ sequitur, pertinebit, quatenus sunt exteri. Sed hic de illis, ut in nostrâ civitate versabuntur, agendum est. Impertimur autè literas *salvi conductus*, ita specialiter respectu foris venientium dictas, iis qui apud nos locum non habent, aut qui jure communi satis erant tuti, de facto autem molestias timent.

33. Prioris generis sunt hostes, qui rerum suarum privatarum causâ nostris in finibus, ad tempus, agere cupiunt. Etiam legati hostium ad tertium, qui per fines nostros iter facere debent, nam & hi nobis privatorum loco sunt. Exsules etiam nostri & delictorum, vel æris alieni apud nos Rei sunt ejusdem generis; ut securitatem flagitare nequeant, rogare & a volentibus impetrare possint.

34. In posteriore numero sunt, omnes amici, seu fœderati, sive nullâ inimicitiz causâ nobis cogniti; quibus ex jure Gentium & conjunctione sanctissimâ generis humani, ubique debeatur securitas; Illi enim apud nos & libertatem suam, & dominium rerum suarum æque ac apud se retinent, eademque nobis apud illos contingunt, ut docet Tryphoanius in *l. 7. pr. n. de Captiv. & postlim.* Et si verum est, apud antiquos populos id usquequaque non fuisse observatum; sed exteros omnes tere hostiû loco, ut alibi jam diximus & dicemus, esse habitos; quando & exteros omnes, hostium nomine, veterè Latiniimo designatos fuisse constat. Huc etiam referuntur, publici Hostium nuntii, sive legati, de quorum jure peculiaris occurreret locus in *sectione sequenti*: Tales enim, etsi de jure nihil sit illis metuentum, adversus injurias tamen repentinas, cautione publicâ indigent; non

modo

modo, antequam in fines nostros perveniant, à limitaneis militibus, sed etiam sæpe, dum in mediâ Civitate nostra versantur, à plebe, vel ab inimicis suis peculiaribus. Quo pertinent Edicta protectionis publicæ, in Civitatibus optime gubernatis, non raro, in gratiam Legatorum aut exterorum, consensu publico munitorum, solita promulgari.

35. Fit etiam, licet exteri & peregrini nihil de facto metuant, ideoque sine venia publicè impetrata, freti iustitia communi, in alienas Terras se conferant, harum tamen Rectores, promiscuos introitus, sine venia publica non probent, nec omnimodam & incusfoditam securitatem peregrinis concedendam putent, non quod Humanitatis Legi quicquam derogatum velint; sed ut propriæ securitati, quod status peregrinorum, factò, quam jure magis æstimatur, consulendum censeant: Quo pertinet, quod in limitaneis locis, quilibet transeuntes eorumque hospitia notari solent: quod etiam sæpe detinentur ad tempus, aut in fines intrare prohibentur, maximè Illustres personæ. Quod ex justa securitatis procurandæ causa jure quoque fieri non dubitatur; Et extant Edictorum hujus generis exempla.

36. Quod attinet ad Cives cujusque Reipublicæ; Generalis, de qua dictum, Securitas definit ac usum habet in singulis, & specialis admodum rarè illis applicatur. Fit tamen aliquando, si vel jure, vel de facto, sibi metuant. Jure, cum propter æs alienum latentes, quo res suas melius constituent, vel cum Creditoribus suis pacificentur, veniam à Summa Potestate, vel Supremo Judice petunt, ut sibi tuto liceat in medio versari, duntaxat ad tempus, ut à carcere molestiisque personalibus & Executoriis interea liberentur: Aliquando etiam In-

ducias, respectu bonorum suorum, mortuarias impetrant, vulgo *quinquennales*; unde nomen ejusmodi induciæ populare adeptæ sunt. Sed personalis exemptio, *Securitas*, ut est revera, *Corporis* appellatur. Reis etiam delictorum tale quid, etsi rarius, indulgetur; à carcere liberofore, dum res judicetur, l. 1. n. de Custod. & exhib. reor. aliquando & comatus liber, & abitus illis condicitur. quod si fiat; data fides sancte servanda, nec elidenda prætextu justitiæ: modo discrete expressa sit facultas liberi aditus & recessus; Qualis non fuit in literis salvi conductus à Sigismundo Imp. datis Johanni Husso, ut illarum quidem præsidio non potuerit esse tutus ab accusatione & executione criminali, sicut eas exhibet Joh. Petitus in *Chronic. Holl. tom. 1. lib. 3. sub fin.*

37. Denique & ministri publici, cum actiones illorum in odium publicum incurrunt; quandoque recipiuntur in specialem protectionem: quomodo Rectores Hollandiæ *Johannem Oldenbarneveldium* Syndicum suum Edicto publico in protectionem receperunt, anno hujus seculi xvii. Judices etiam Extraordinarii plerumque decretis ejusmodi vel Edictis à Summâ Potestate muniuntur, adversus odia, quibus extraordinariæ Potestates sæpe, nec aliquando sine ratione, subjiciuntur. Etsi hæc juris remedia turbamenti facti occupandis & amoliendis, sæpe minus apta & efficacia reperiuntur. Sed hoc Politicæ Considerationis est.

38. Ad Juris rationem postremò pertinet, Cautio de non offendendo, quam petere potest is, qui offensionem & læsionem violentam ab alio timet, & causam timoris probabilem adferre potest, quâ de re *περυσθηκός*; agit Gailius in lib. 1. l. de pace. publ. cap. 2.

C A P. I V.

De jure reformandi Civitatem &c.

Reformationis Civitatum quis & quando sit usus. A quo institui, à quibus peti possit. Exempla Lycurgi & Solonis in hanc rem examinantur. Singulos cives non habere jus aliud, quam conquerendi & Supplicandi; & hoc ipsum aliquando posse prohiberi. Nefas esse petitionem Reformationis extra Rempubl. institui. Materia Reformationis in genera divisa; & de Ecclesiâ defunctorie; ubi & de *Devotione*, obiter.

HÆc fere sunt, quæ in externa administratione Civitatis, doctrinam juris participant; Politica, res multò plures continet, quæ inde petenda relinquemus: quæ autem Reipubl. jura pertinent ad Exteros, ad sequentem sectionem referemus. Superest adhuc locus de Reformatione Civitatis. Nam ita frequenter usu venit, ut Vel jura civitatis administrandæ ab initio malè & imperfecte collocata sint, quod accidit Romanis, vel rectè posita deinde corrumpantur; atque ut ita reformatione Reipubl. opus sit; nisi priorem malis Emendationem vocare, speciem. Cum autem Reformatio vix unquam, sine perturbatione status præsentis eveniat, magnam hæc res *ἀνορθώματα* politicam simul & juridicam habet.

2. Juris quæstio inprimis hæc est; Quis reformationem instituere, quis petere possit. Et quidem sine hæsitatione dicendum est, eam non posse fieri ab aliis, quam qui jus habent Imperii summi; formare enim atque reformare est ejusdem facultatis. Proinde in populari imperio, quod ad jubendi potestatem attinet, proficisci debet ab ipso populo; Suadendi auctoritas à viris sapientibus oritur; sed præcipua *ἔρως* & impulsio nascitur è malis, quibus Civitas consistatur, & quorum remedia non nisi à Reformatione Civitatis sperari possint.

3. Talis erat Attici populi conditio, priusquam Solon ejus statum reformaret, *παντίπαισι ἐπισηφάως ἢ πόλις δίκαιον*. *Civitas periculossissime laborabat*, ait Plutarchus. Ideoque cum alium exitum non viderent, ἦ Σόλωνι τὸ πολιτικὸν διορθῶντι καὶ νομοθετῆσι ἀπέδιδξαν, *παντὸ ὀμφάως ἐπιτρέψαντες, ἀρχάς, Ἐκκλησίας, δικαστήρια, Βουλὰς καὶ πινυρήματα ἕκαστα, λούσας καὶ φυλάττοντας ἢ ὑπαρχούσας καὶ κρηθιόσας, ὅ, π δούξια*. Id est. *Solonem constituerunt Reformatorem & Legum conditorem, omnia simul ei permittentes, Magistratus, Conciones, Tribunalia, Senatus, atque judicia censumque singulorum, cum potestate solvendi retinendique ex iis quæ constituta erant, pro suo arbitrato.*

4. Solon igitur volenti populo, virtute decreti ipsius, reformationem imposuit. Diversum *Lycurgi* exemplum fuit, quem populus quidem magni faciebat ob probitatem atque prudentiam, Reformati tamen potestatem ab eo nullam accepit, sed Leges suas reformatorias per vim tulit. *Ἐὰ μὲν δὴ πῶς ἡ χρῆσι μὲν ὅ, ὡς μάγισ quam persuasivibus utens, ait Plutarch. in vitâ Sol.*

5. Modus procedendi, quo *Lycurgus* est usus, ab eodem in *Lycurgo*, sic memoratur; *Ἐπιπρῆσι δὲ τῆστις προσημ τὰς ἀέριους καὶ συσφῆσι δὲ τὰς παρεκβάσεις, κρηθιὰ ἀλογήματα πῶς φίλους προῦθι, ἕνα ἕνα κατὰ μῆκος ἀπὸ ὁμοιοῦ πλῆθους καὶ συσφῆσι ἐπὶ τὸ ἀρετῆν.*

ἔργῳ. Ὡς ἡ δὲ κερσεῖται, ἠμῶν τὸς πρῶ-
 τος ἡλῆντες μὲν ἔργῳ ἰσθῆν ἰς ἀργῆ
 ἀσπιδῶν, Ἐκπύλῃως ἵστασ ἡ φῶσιν πρῶς
 τὸς ἀλκωσῆσθους. Id est; *Hu robus, in
 spem elatus, accessit ad optimos, usque
 rem secum aggredierentur, cohortatus est,
 primò clam cum amicis agens, dein ita
 paulatim plures inducens & ad rem pera-
 gendam confirmans. Ubi vero tempus ad-
 fuit, triginta primores mane cum armis in
 forum progredi iussit, ad percellendos terren-
 dosque eos qui resistere vellent.* Plane, sic-
 ut tactiones quælibet actionesque vio-
 lentæ instituuntur & præparantur, ea-
 dem viâ Lycurgus reformationem per-
 petravit, nec sine pugna ἄπῃ ἡ ὀφθαλμῶν
 ἀντὶς ἀκροῦσθαι, ut etiam oculus ipse excute-
 retur in conflictu.

6. Collocari debet hoc reformationis
 exemplum inter heroica facta, quæ po-
 tius admirationis quam imitationis usum
 præbeant. Agis & Cleomenes, qui ali-
 quot feculis postea, pari viâ, Reformatio-
 nem moliebantur, minus prosperos suc-
 cessus habuerunt, ut idem Plutarchus in
 eorum vitâ commemorat. Ad eò multum
 refert, quo tempore, quibusve meritis
 circumstantiarum aliquid aggrediaris.

7. Ceterum, secuta populi Laconici
 approbatio non modo juris vim, sed in-
 comparabilem quoque gloriam Lycurgo
 addidit, quam meretur hoc unico in re-
 bus humanis exemplo, ab orbe condito,
 ut in tota aliquâ gente πλεῖστος esset ἀπὸ
 ἀλλοτῶν, & revera ἀπληροῦ; *divitiæ in-
 honorata, contempta, imò non Divitiæ
 forent.*

8. Quanto etiam præstiterit ipfius
 Reformatio, Solonis Atticæ, ab eventu
 paruit; nam Solon vivus civitatem à se
 legibus conditam vidit à cive per tyran-
 nidem oppressam: Lycurgus id adsecutus
 est, ut per annos quingentos, suæ Leges
 tam publici quam privati juris sanctissi-
 mæ custoditæ sunt, libertate formæque

Reipubl. ab ipso constitutâ, tam foris ab
 hostibus, quam domi à civibus incon-
 cussa. Differentiæ ratio fuit, quod So-
 lon bonas quidem leges excogitasset,
 sed hominum mores privatamque disci-
 plinam non mutaverat; Lycurgus ab
 hac incepterat, morumque & rei fami-
 liaris disciplinam, ut fundamentum, Re-
 formationi publicæ substraverat.

9. In Romanâ Republ. Reformatio
 non semel in perpetuum, sed per in-
 tervalla nec semper in melius, Tribuni-
 tiis rogationibus introducta est, haud
 tamen aliter quam populo consentiente,
 quod ex Historiâ constat, heic Compen-
 dio adumbrari non potest. Consequenter
 in Aristocratiis atque Monarchiis, non
 nisi per eos, qui summum habent Impe-
 rium stabiliri potest. Quia vero Princi-
 pes & Proceres remedia malorum, quæ
 faciunt, ægrè ferunt, rarius accidit, ut ipsi
 de reformatione cogitent, nisi plebis
 ideo tumultuantis, demulcendæ causâ.
 Proinde quæsitum est, an singularis civi-
 bus de vitis publicis querelas instituere,
 atque reformationem, & quousque ur-
 gere liceat.

10. Non posse privatos, Imperanti-
 bus in hoc genere quicquam præscribere,
 jam diximus; preces supplicationesque
 in hunc finem illicitas reputare non li-
 cet; utique in universum; Si enim hoc
 prætextu fomenta seditionum quæran-
 tur, ut aliquando accidit; maxime, si co-
 ritus coitionesque ea gratia instituantur,
 ipsæ quoque supplicationes hujus gene-
 ris prohibendæ sunt. Præsertim, quia
 sæpe animadversum est, ab iis, quibus
 Reformatio bonique publici studium in
 ore est, nihil quam mutationem status
 publici utilitatemque privatam affectari:
 denique, ubi facultas offerendi libellos
 querendique de statu præsentis promif-
 cæ datur, fieri vix potest, ne tumultus
 inde populares oriantur.

Gggg 2

11. Nec

11. Nec tamen ea res aut quicquam aliud impedimento esse potest, quominus boni cives, modeste, sine inconditis clamoribus & conscriptione metuendâ sodalium, querelas suo Principi vel Proceribus offerant, & reformationem publicisque vitiis remedia petant, verum ultra querelas precesque innoxias instare nequeunt. Non obstantem, quod dici queat, eum qui formavit Imperium, idem reformare posse. Populus autem dedit primam Imperio formam; Ergo in omni Republ. populus efficaciter urgere potest reformationem. Nos enim in libro primo sect. 2. abunde probavimus, Imperio simpliciter translato, populum semet ipsum privasse potestate rei publicæ curandæ; nec est dubium, quin hæc positio concessa, quælibet Imperia redderet democratica & confusionibus obnoxia turbulentis.

12. Hæc ita, ubi summa Potestas simpliciter in unum vel paucos translata reperitur. Ubi verò penes ordinem certum, per leges Reipubl. facultas est, curandi, ne Leges violentur, ne salus populi negligatur, ibi perfecta juris ratio vult, ut ab illis Reformatio flagitetur, & quibus malis Reipubl. laboret, quibus remediis sit utendum, Imperantes admoneantur; Ni hoc faciant, ipsi reos se neglectæ Reipublicæ præbent.

13. Ex his porro sequitur, Reformationem nullo modo peti posse, ab iis faciendam, qui sunt extra Rempublicam; imo quotiens cives ejusmodi querelas petitionesque reformandi corrigendique regimen civitatis suæ, deferunt ad externas Potestates, hi se manifesto reos Majestatis læsæ præbent. Juris enim est adieverati; potestatem reformandi Rempubl. ab eo, cujus est summa potestas, proficisci debere: Subjecti imperio rogare atque supplicare, nec amplius possunt, ita quemadmodum modò expo-

situm. Ordines Regnorum, qui aliquid juris in summâ Republ. retinuerunt, plus vigoris addere possunt suis precibus. Ut si Rex pecunias imperare non possit, invitis populi Ordinibus, in promptu est his, & sæpe nimis in promptu negare tributa subsidiaque, nisi placeat Regi concedere eam reformationem, quam populus desideret.

14. Quomocumque facta reformatio, fere ita vitio ingenii humani accidit, ut brevi exoleat: Solonem Anacharsis irridebat, οἰκονομὸς γερῶν μὲν ἐπιζῆν πρὸς ἀδικίας, sperantem se literis justitiam avaritiamque hominum cohibiturum. Solon putabat ita se leges suas adtemperaturum, ὅσπῃσι δὲ πνευματικῶν Βελῶν ἐπιδικῆν τὸ δικαιοπραγεῖν, ut omnibus persuaderet, justitiam colere satius esse quam delinquere. Ἀλλὰ πῶς μὲν, ὡς Ἀναχάρσις ἐκράζει, ἀπίσθη, ἢ καὶ ἰλιπίδα Σόλωνος. At hæc non tam pro spe Solonis, quam pro conjecturâ Anacharsis evenerunt, ait Plutarchus in Sol. siquidem ipso adhuc vivente atque vidente, populus in gravissimas seditiones, & mox in tyrannidem incidit, ut dicere occupavimus.

15. Unica ratio constitubiliendi reformationem est, Executionem ejus observationemque Legum diversis in Reipubl. Ordinibus committere, quorum utilitates atque respectus sibi invicem ita adversi sint, ut conspirare nequeant, sed alii aliis invidere mediâque æmulatione se mutuo & impellere & impedire debeant. Quod Lycurgus sapientissime curavit, potestate divisâ inter Reges & Populum, Senatuque in medio illarum collocato, quod esset οἶος ἡγεμὸς ἐν μέσῳ διέμεινον, veluti septum in medio positum, ait Plutarch. in Lycurg. Quibus deinde Collegium Ephorum accessit, queis in ipsos Reges erat potestas, Legum servandarum causâ. Ita factum, ut Lycurgi Reformatio per quingentos annos inconvulsa manserit.

manferit, inquam; Unicum hujus generis in Univerſa hiſtoria exemplum.

16. Optimus alioqui Reformator eſt Deus, qui calamitatibus immiſſis, ipſos Imperantes ſæpe cogit, ut ni ipſi cum Republ. interire malint, inſtituta prava mutare, publicæque ſaluti cogantur veſtificari. Cæteræ omnes vix aliud efficiunt, quam ut palam fiat, *quibus flagitiis impares ſimus*, hujusque dicti veritas innotecat; Reformatione factâ, magis alios homines quam alios mores naſci.

17. Materia Reformationis ſpectat vel ad Rempublicam, vel ad Eccleſiam. Quæ ad Rempublicam, referri poteſt vel ad ipſam, vel ad inferiores Civitatis ordines. Reformatio Reipublicæ conſiſtit aut in rebus novis, antea non conſtitutis, ſed uſu rerum & temporum ita poſtulate, propoſitis; aut in renovandis veteribus inſtitutis in uſumque reducendis. Exemplum prioris eſt in Civitate Romanâ, quæ à Romulo primum ruditer inſtituta, mox à Numâ, dein à Servio Tullio reformata eſt; Libertate poſtea tumultuario introducta, variis legibus & Tribunitiis motibus paulatim, ad eam formam, quâ prædita fuit uſque ad Cæſares, redacta fuit.

18. Quod ad priorem attinet ſpeciem, in popularibus Imperiis, quale fuit Romanum, jus eſt populo non tantum petendi, ſed etiam exigendi à Magiſtratibus, ejuſmodi Reformationem, qualis ipſi commoda videtur: modo nullo jus alterius perſonæ vel ordini quaſitum auferat & tollat! Perfectè quaſitum, inquam, per Leges antea ſtabilitas, per conventiones, aut, per præſcriptionem. Perfectè autem nihil acquiritur, niſi quod Imperio Superioris exemptum eſt, ut ſunt libertas perſonalis & privata patrimonia; quibus ſalvis, Imperium civitatis conſtitutum, intelle-

ximus ex iis, quæ in *libro primo* ſæpe collocata ſunt.

19. Non poteſt igitur populus in Democratia, nec conſequenter alii Imperantes, figere novas tabulas, abolere jura crediti, aut introducere communionem omnium rerum & tollere dominia, ſine conſenſu omnium & ſingulorum. Quod tamen hanc patitur exceptionem ſatis late patentem; Niſi Summa Lex, Salus Reipubl. aliud poſtulet; quemadmodum Solon ex conſenſu populi (non tamen, ut credibile eſt, omnium & ſingulorum) Athenis *Summa Lex*, id eſt, novas tabulas publicavit. Et Lycurgus apud Spartanos communionem bonorum, in vitis locupletibus; de quo tamen actu non poteſt dubitari, quin non modo violentus, ſed etiam externatione Juris inſpectâ, fuerit injuſtus, nec aliter quam per Ratihabitionem populi, ut deinceps uſu venit, legitimari potuerit.

20. Quod etiam ordo aliquis Civitatis per conventionem publicam, jus ita acquiſivit, ut in partem Imperii receptus ſit, hoc ei per Reformationem à populo adimi non poteſt; qualis fuit conventio inter populum & Senatum, de Auctoritate & Potestate apud Livium *lib. 1. cap. 17.* Et conventioni hac parte comparari præſcriptionem, in loco de *præſcriptione jurium Summæ Potestatis lib. 1.* demonſtratum eſt. Quod tamen non habere locum in Magiſtratibus & juriſtib; quæ civibus & ſubjectis, qua talibus à Summa Poteste indulgentur, in *eodem capite* dictum eſt; quæ proinde ſemper Reformationi ſubjecta ſunt. Unde, quantum in eo ſit momenti poſitum, ſintne Jura præfecturæ alicujus ita delata, ut Summi Imperii partem faciant, an ſecus, quod in quadam Reipubl. diſputatum meminimus, intelligi poteſt.

21. In Optimaſium Imperio non eſt

in potestate Populi nova comminisci instituta reformationis, quæ jure suo exigat & stabiliat, nec in Regno vel Principatu Ordines populi, aut Procerum, post Imperium semel certis legibus delatum, novas, invito Principe, Leges ad reformandum Reipubl: statum pertinentes ferre vel exigere possunt. Quia delatio Imperii est alienatio, salvis exceptionibus ab initio in stipulationem deductis; præter quas acquisitum & transfatum Jus in eum qui summam accepit potestatem, revocare vel mutare non possunt. Ne quidem in electivis Imperiis summis, id Ordinibus licet; sed throni vacantis opportunitatem, quo jus Imperii ad illos revertetur, expectare debent, quod ut fiat, & quando, in loco & tempore dictum est.

22. Quicquid igitur novi ad Emendationem Reipubl. instituendum putant, qui jus Imperii in alios transfulerunt, id aliter quam consulendo, rogando, svadendo urgere non possunt, aliquando etiam efficacius, negando contributiones pecuniarias, inquam, nisi desiderii ipsorum justis, bono publico satisfat, si quidem hoc jus sibi lege fundamentaliter reservarint: quo medio magnas, in Regnis etiã potentibus expressas fuisse reformationes, ex Historia & nostri quoque memoria temporis constat. Denique, Jus directum nova instituta recipiendi, sine voluntate eorum qui Summæ Reipubl. præsumt, nullo modo in effectum deduci posse, jam satis constat.

23. Altera pars Reformationis Civitatem ad instituta primæva, temporibus hominumque vitis collapsa reducit, quæ si fundamentalia fuerint, jus populo Proceribusque petendi & exigendi restitutionem ejus, quod in condenda civitate, vel deinde pro fundamentaliter receptum fuit, tribuunt, secundum ea quæ de Legibus Reipubl. fundamenta-

libus & eorum executione dicta sunt in lib. 1. sect. 3. c. 5.

24. Hæc ita quidem generaliter. Etsi autem non ignoramus Aristotelicum illud, *Οἱ μὲν δὲ νόμοι πάντες ἐπιπέτοι. Generalia minus efficacia sunt*, ad specialia tamen descendere non patitur instituti modus. Ideoque etsi materia Reformationis in moribus singulorum civium, in familiis, in omnibus hominum ordinibus se prodatur infinita; nec nihil animo jam metiri essemus, & calamo delineata essent, quibus varium jus Reformationis includi posset, absterret tamen & prolixitas, in opere jam satis grandi, & inutilitas ejusmodi conatum, in tanta hominum varietate Judiciorum.

25. Eadem ratio facit, ut de Reformatione Ecclesiæ fatius esse putemus, tacere, quam pauca dicere; præsertim quia nonnihil eã de re pridem à nobis occupatum est, in ultimis capitibus singularum fere sectionum Historiæ civilis nominatim in cap. ult. sectionis ab anno 1422. ad 1519. ubi sub finem, non alieni fuimus ab illorum sententiã, qui videntes, multitudinem Protestantium per Reformationem superiore seculo perpetraram, nihilo vel paulo sanctiorem esse factam, credunt, illam melioris securitatis esse præparatoriam; quã defæcatis in antecessum veritatibus sacris, vis major Spiritus sancti animos subeat ac impleat veræ devotionis, erga Deum & Christum, cujus nomen & res adhuc in Reformatione seculi nostri ita non elucet, ut inexpectata vis prædicati per orbem Terrarum Evangelii, in simplicitate, puritate, veritate sua, postulare videbatur.

26. Placet addere vacuo loco, quid igitur per Devotionem, Superstitioni æstimatione vulgi proximam, intelligamus. Quid est inquam Devotio? Definiri postea, negat Vir Rev. auctor libri *de Devotione*

tione, eamque rectius à piis animabus senti-
turi, quam à doctis finiri posse, bene
observat. Videamus, an ex etymologia
nonnihil exurgat ad definitionem manu
ducens.

27. Vocabulum Devotionis in sacris
non reperitur, hoc quidem sensu, etsi
res ibi extat, *πικρία*. Nam *πικρία* / *ἀνδρι-
κη*, devotio, *δικα*, non est hujus loci.
Nescio, quid tamen inde oriatur ad
hunc sensum. Devotio enim talis pro pa-
tria & amicis in usu fuit, qualis Decio-
rum, cohortis sacræ militum Thebis, &
Solduriorum apud Cæsarem; Hinc devo-
ti amicis patriæ, Deo, passim. De-
nique, summi vis amoris eorum, qui pro
aliis mori non recusant, *Devotio* dicitur,
à benevolentia & amicitia distin-
cta, & qualis erga Deum solus amor
usum habet: Non benevolentia, nec
amicitia, ne quidem illa species, *καὶ ὁ
πρωτότης* per excellentiam quæ dicitur,
quæ etsi *καὶ ἄφαιρῶνται*, *ἐν μίσει*, *in-
ter admodum dispares etiam durat*, tamen
καὶ χωρὶς αὐτῶν, οὐρανόθεν, ἢ ἐκ τῆς φύσεως; *Si
talis separatio sit, qualis Dei respectu bo-
mini, non manet. Aristot. 8. ad Nicom. 7.*

28. Hoc sensu Devotio, sit, Amor
Dei, quo mens se suaque & omnia bo-
na mundi, post illum ponit, nec pro
Dei gloriâ mori recusat. Attamen usus
verbi popularis non ad amorem solum,
sed ad omnem Dei cultum refertur. Pro-
inde latius ad hunc sensum Devotio fit;
Actus animi, totum se Deo tradentis, in

*Christo. Hoc est πνευματικὴ ἀγάπη τῷ Θεῷ
ἢ Θεοῦ ἀγάπη, ἀγάπη, ἰουδαϊσμοῦ. Tradere se
Dei sacrificium, vivum, sanctum, ac-
ceptum, ut Apostolus.*

29. Dividi potest in primam & se-
cundam. Prima est, Actus fidei nascentis,
Christum recipientis, ut dominum
& Rectorem eique se deditis, ut factum
ab his, qui conversi *ἰδόντες ἰαυτὸς τῷ κυ-
ρίῳ, se domino tradiderunt 2. Corinth. 8. 5.*
Secundaria, sive orta inde nihil
est aliud, quam primæ deditiois conti-
nuatio & assidua repetitio: quemad-
modum lux è sole orta pressione conti-
nuâ radiorum, & Fons assiduâ ebulli-
tione, sicut & vita animalis à motu primo
cordis cœpta, emissionem sanguinis
ac spirituum continuâ sustinetur, deni-
que *τὸ ἐκ πίστεως ἐκ πίστεως, renovatio fidei
assidua*, unde *ὁ δὲ πνευματικὸς ἐστὶν, est vita spi-
ritualis*, ut docet Apostolus *1. ad Rom.*
Nec aliter Devotio, pars Fidei præci-
pua, consistit. Est enim Actus, *ἰνὴν*,
ut dictum, sine quâ friget omnis religio,
unde pro intentione animi ad omnia
Dei cultum plerumque sumitur, unicu-
que ita Vir Rever. *in d. tract.* quatinus
intentio & attentio illa non tam ipsa,
quam effectus est devotionis. Sed manunt
de tabulâ. Caput est hoc initiumque Tra-
ctatus olim hac de re scripti, quem fa-
xit Deus, ut animo impressum potius
quam calamo expressum elaboremus &
custodiamus. Hic supplementi causa ad-
jectum est, ut apparet.

S E C T I O.

S E C T I O I V.

De Jure Civitatis adversus externos.

C A P. I.

De his quæ exteri sibi invicem debent.

Citra omne factum & pactum, externos sibi invicem teneri I. ad ea quæ necessitas postulat, modo alter iis carere possit. II. Ad ea, quæ sunt innoxie utilitatis. III. quæ ad propulsandum à nobis evidens periculum requiruntur, veluti, ut munimentum in solo pacato capere liceat, sub cautione certâ. An possit vicinus impedire locum in nostro munire, nobisque vicinum adversus alium tueri liceat. Quo sensu jure Romano capti à populo nobis pace nec bello cognito, in servitutem redigantur. Inter ea, quæ exteri sibi invicem debent, esse quoque mutuam Legum alienarum observantiam. Hanc rem ex jure Romano non posse decidi; esse juris Gentium. Regulæ hac de re proponuntur, eæque variis exemplorum speciebus declarantur, ad conflictum Statutorum in diversis Civitatibus conciliandum. Regulam ultimam præcedentis capituli etiam applicari posse quæstioni, an jurisdictio possit habere aliquem effectum extra territorium jus dicentis; eaque diversis factorum speciebus applicatur.

Habemus Civitatem legibus ordinatam, à Magistratibus administratam, Judiciis pacatam, & pecuniis instructam, securitate publicâ munitam & si ferat usum, reformatam. Non deerant, plura de interna administratione, sed pleraque politica, & nobis compendio consulendum. Sequitur, quid juris publici, cum Securitatis communis, tum aliarum ratione rerum, adversus externos, qui sub eodem nobiscum imperio non degunt, cuique civitati sit observandum. Quâ in re primò videndum, quid juris sit, ubi nullum foedus, nullum factum aut pactum inter nos & alienigenas intercessit, quæ de re Grotius habet locum in *lib. 2. de J. B. & p. cap. 2.*

2. Et primò, quæ *Necessitas* postulat, ea sibi invicem exteri debent: proinde, si qua Civitas fame laboret, frumentum à vicinis petere potest, pretio tamen justo; modò illa pari inopia non laboret. Ratio est, quoniam proprietates rerum, quæ initio humanæ societati communes erant, consensu generali est introducta, nec ulterius, quam ille consensus ferat: Atqui non est dubium, quin ea voluntas omnium fuerit, ut ne institutum, salutis communis ergo receptum, duraret in perniciem hominum, ipsamque necessitatis legem subigeret. Quo etiam pertinet, quod inter omnes constat; si quis vitæ servandæ causa rem alienam subactus necessitate contrectet,

cum

eum Furti non teneri. Et ex eadem causa. si quis *populus virorum* sit, is matrimonii copiam, quæ ex se frui nequit, jure petit in vicinis. An autem bellum negantibus inferre liceat, id verò à multis pender singularibus.

3. Secundò, quæ sunt innoxie utilitatis, ea jure à quovis populo petuntur: Quid ni enim, quando sine detrimento suo potest, cum altero quisque communit ea, quæ sunt accipienti utilia, danti non molesta? Hinc non modo ignis & aquæ copia indigentibus danda, sed & transitus per terras & aquas patere debet eis, qui hoc transitu opus habent ad causas justas; modo cautionem securitatis sufficientem petentibus præstent. Nec quidem vestigal transeuntibus imponi potest, nisi quod respectum ad sumptus, ob illum transitum faciendos, habeat; denique, nisi præscriptionem immemoriali jus illud acquisitum sit. Sed & commoratio ad tempus, & perpetua habitatio his qui sedibus suis pulsi sunt, negari non posse videtur, modo imperium agnoscant & recipi possint.

4. Imò & terræ à populo non occupatæ per fundos, sed tantum imperio tenus, non videntur ejusmodi exulibus negandæ, quod, ut etiam reliqua, de jure naturæ simplici & recto, non æquè de externâ facultate, quæ cuique populo competat, intelligendum videtur. Nam ut jure sibi acquisito quisquam sine incommodo suo cedat, humanitati quidem & æquitati enixè conveniens, ejusmodi tamen non est, ut ad hoc præcise teneri videatur: Præsertim, quia semper & haud dubie, id etiam ipsa æquitatis ratione distante, exceptum est, ut concessionem illæ tuto fieri possint. Quod ut res humanæ sunt, vix unquam, si res inter populos & ingenti agatur multitudine, tam liquidum est, ut non justis causa metus &

gravioris incommodi appareat. Quod tamen non impedire jus ejus, qui talia petit, si vere non sit illi in animo, concessionibus abuti, verum est. Denique, plerumque sic usu venit, ut jure talia peti & petita recusari possint, adeoque Bellum, si quando res illuc erumpat, utrimque justum esse queat.

5. Scilicet, ut quisque suum quod occupavit, in societate humanâ secure teneat, non minus primæva hominum conventionem statutum videtur, quàm ut res dividerentur: quod ad continuationem doctrinæ, quam habuimus in *cap. præced.* referendum. Hinc tempore belli jure suscepti, licet occupare locum in solo pacato situm, quoties, certum periculum est, ne hostis eum locum invadat, ac inde gravissima damna nobis infligat, multò magis, si jam hostis eum teneat & inde nobis noceat. Sub hac tamen cautione, ne plus quam custodiam nobis arrogemus, relictis domino vero fructibus & jurisdictione, periculoque cessante uti locus restituatur. Neque sumptuum nomine, qui in custodiam sunt facti, locum retinere licet, nisi & cives seu domini veri, præsidio nostro manifestè ab injuriis vindicati fuerint.

6. Videndum, ne non ex eodem fundamento rectè statuatur, posse vicinum impediri, ne in suo solo sine aliâ causâ suæque evidenti utilitate, munimentum nobis propinquum extruat, aut aliud quid faciat, unde justa formido periculi oriatur, idque non minus quam quilibet rectè prohibetur aliquid in suo, res sua non postulante, facere, quo damnus rebus nostris inferatur. Quod tamen eò usque non extendendum, ut bellum promiscuè ad alterius minuendam potentiam, movere liceat, quomodo aliqui disputant, eodem argumento; quod scil. ex tacito generis humani pacto idem ad securitatem procurandam,

Hhhh

quod

quod ad damnum avertendum liceat ; quia magis est, ut actum aliquem specialem, quo animus lædendi probabiliter colligi possit, accedere debeat.

7. Eodem pertinet quæstio, an Regi aut populo præpotenti, cujus viciniam timeamus, impugnanti regionem, qua captâ, nobis & vicinus sit futurus & nocendi validus, ob hanc causam impedimento esse liceat, ne quod intendit hoc obtineat, quâ de re locus erit agendi, *inferius*.

8. Præterea, quamvis exteri in exterorum causis, nullo modo iudices constituti sint, tamen jus naturæ permittit, imo jubet, ut iis qui vim justam ab aliis patiuntur, suppetias feramus ; modo tam manifesta sit injuria, ut sine longiori causæ disceptatione calumnia judicari possit: atque ubi talis causa subest, ibi suaforia, qualis ea quæ modo relatâ est, non male accedere potest.

9. Sed hic subit mirari, quod humanissimum jus Romanorum, non illud cæcum & obsoletum, sed optimi ævi, tradit; si cum gente aliqua neque hospitium neque foedus, amicitia causa factum habemus, qui ex nostro ad illos pervenerint, hos illorum fieri; & liberum hominem ab eis captum, fieri servum eorum, idemque esse, si ab illis ad nos aliquid perveniat *l. 5. §. 1. r. de Captiv. & postlim.* certe nisi *Hobbes* contemneret jus Romanum omnemque auctoritatem, nihil aptius ad suum jus Naturæ, quo ante pactiones nihil injuriæ posse committi, sed omnibus omnia adversus omnes licere disputat, confirmandum, proferre posset.

10. Dicendum videtur, Jurisconsultos loqui, non de jure interno, sed de eo, quod inter populos diversos pro statu separato, in quo sunt, jure videlicet externo, vertitur; quatenus inter homines agi solet, & quidem cum effectu; quia partes

non sunt uni Imperio judiciove subjectæ, quò lætus in integrum restitui possit. Sed interim hoc adeo nec juste fit; ut, si res reperantur neque restituantur, tum puro pioque duello, ex formula antiqui juris fecialis, recuperari possint.

11. Præterea, Inter ea, quæ diversi populi sibi invicem debent, merito refertur, observantia Legum aliarum Civitatum, in aliis Imperiis; ad quam etsi non teneantur ex pacto vel necessitate subordinationis, tamen promiscui usus ratio inter gentes, mutuam hac in parte flagitat indulgentiam. Si enim gens una Leges alterius nullo modo agnoscere vimque illis debitam tribuere vellet, infiniti actus & Contractus omni die in irritum cederent, neque commercia mari terræque consistere possent.

12. Romani Juris-consulti non sunt idonei hujus doctrinæ auctores; nec enim usquam illi de conflictu diversarum Legum vel Statutorum agunt. Quia enim populi Romani Imperium per omnes mundi tum cogniti partes erat diffusum, & commercia cum Barbaris raro exercebantur, diversitas Legum è diversitate Imperiorum ibi nullam molestiam creabat. Sed hodiè, scissâ in infinitas Civitates sibi mutuo non subjectas Europâ, fit omni die, ut negotium alibi inchoatum vel celebratum alibi effectum habeat vel judicetur; atque tunc est quæstio, utrum jus ejus loci, in quo acta res fuit, an ubi exitum habet vel judicatur, sequi oporteat

13. Apparet, hoc quæsitum è ratione juris Gentium esse decidendum, quia diversi populi jure civili non utuntur, adeoque velim hoc exemplum, ut evidentissimi argumenti observetur, ad probandum, quod jus Gentium reverâ distinctum sit à jure Naturæ; quod ad hanc quæstionem nullo modo referre licet. *Difficilem materiam Eruditissimi Jurisconsulti*

consulti diffensionibus suis involutiorem magisque preplexam fecerunt. Nos quam poterimus facillime brevissimeque hoc caput explicabimus, præmissis, fundamenti loco, tribus positionibus indubitatis, ut arbitramur.

14. *Prima sit, Leges cujusque Reipubl. tenent obligantque cunctos eidem Imperio subiectos, nec ultra.* Secunda; *Pro subiectu habentur, quicumque in territorio cujusque Civitatis reperiuntur, quandiu illic commorantur, quod ut evidens sua sponte, sic à Romanis adfirmatur in l. 7. §. 10. n. de Interdict. & releg. Tertia, Summæ Potestates cujusque Reipubl. indulgent sibi mutuo, ut jura Legesque aliarum, in aliarum territoris effectum habeant, quatenus sine præjudicio indulgentium fieri potest.* Exempla, quibus utemur, ad juris privati species maximè quidem pertinebunt, sed judicium de illis unicè juris publici rationibus constat, & exinde definiri debent.

15. Primum ponimus usum, in Actibus & contractibus inter vivos, vel mortis causâ, certo loco, secundum Leges ejusdem loci, rite celebratis. Talia instrumenta Negotiorum, alibi prolata, ubi sic composita non valerent, ibi suâ vi non possunt habere effectum judiciale; siquidem iudices ejus loci, judicare debent, secundum Leges suæ Reipubl. quod est conveniens regulæ *primæ*. Sed mutua, quam diximus, utilitas gentium effecit, ut constanter receptum sit, Actus viventium morientiumque, factos secundum requisita Legum locorum, in quibus celebrantur, ubique gentium valere effectuque judiciali potiri, *per regulam II.*

16. Hinc testamentum apud Batavos coram Tabellione duobusque testibus factum, valet etiam in Frisiâ, tam quod attinet ad mobilia, quam ad immobilia, licet heic testamenta non aliter sub-

sistant, quam adhibitis septem testibus. Nec tantum id obtinet, respectu testatorum, qui sedem fixam habent in Batavis; sed etiam in Frisiis, qui obiter atque ad tempus apud Batavos agunt, *per regulam secundam.*

17. E contrario, si in vicinia factum sit testamentum aliufve actus contra Leges istius loci, iudices diversarum provinciarum è tali instrumento jus non dicunt; quia fuit ab initio nullum, inde ab eo momento, quo contra Leges loci, in quo celebratus est actus, fuit institutus & compositus. Idque etiam obtinebit, etsi cives è nostra Reipubl. in alias regiones se conferant, eâ saltem gratia, ut ibi perficiant aliquem actum inter vivos aut mortis causâ; Dum enim ibi morabantur, subiecti erant Legibus istius loci. Ampliatur hoc dictum, etsi forma, quam cives nostri in alia Reipubl. servaverunt, secundum nostras Leges ritusque valeret; quia sic inter populos receptum est, ut in forma actuum ac instrumentorum, jus loci, in quo composita sunt, duntaxat inspiciatur.

18. Neque tantum pertinet hæc ratio ad formam instrumentorum, quæ de negotiis inter vivos aut mortis causâ efficiuntur; sed ad ipsâ quoque negotia hominumque actiones. Detur exemplum; In nostra Provincia certæ merces prohibitæ sunt, Civis noster alibi emit tales merces, ubi non erant vetitæ; Convenitur apud nos; damnandus est, quia contractus fuit licitus & justus illic, ubi initus est. Quid si noster civis emerit alibi tales merces, ut in hac provincia traderentur? Non habebit heic juris effectum, quoniam ea res turbat ordinem apud nos receptum, & sic impingeret in *regulam tertiam.*

19. Hinc etiam sequitur, si peregrinus heic vendiderit tradideritque merces prohibitas, ex eo contractu non dari a-

tionem, nec modo non hic, sed nusquam; est enim contractus illicitus inde ab initio. Sed pone; Civitas nostra prohibet aliquod factum, Cives abeunt in locum propinquum extra territorium nostrum, ibique factum illud exercent; An inde erit actio, in nostrâ civitate? Non erit. Atqui actus erat licitus, ubi institutus fuit: Respondeo, Tendit in fraudem & turbamentum juris ordinisque nostri; Ideoque non tenentur Judices nostrates ad exequendum hæcenus diversi loci jus: Verum alibi è tali specie facti dabitur exactio.

20. Huc etiam refertur Matrimonium; si justæ sunt nuptiæ, illic, ubi contractæ sunt, valent ubique; si non valeant illic, nusquam subsistunt. Hoc ita; nisi præjudicium nostris juribus ordinique Civitatis inde creetur. In Brabantia duxit aliquis filiam fratris cum dispensatione Pontificis; Ille, si huc migret, non animadvertetur. Quod si Frisius hinc se in loca Pontificia conferens, cum nepte è fratre vel sorore, eamque ibi duxerit, vix est, ut heic tolerandus videatur, quia pertinet ejusmodi conatus ad manifestum juris ordinisque nostri contemptum.

21. Alius usus. Contractum est matrimonium in Batavis, ubi communicio bonorum universalis viget, ni pactis dotalibus aliter sit cautum: an etiam bona sita in Frisia, ubi matrimonium non mutat, neque confundit dominia rerum, communicabuntur cum altero conjuge? Communicabuntur, quia spectatur locus initi matrimonii, & quia videtur hæc esse voluntas contrahentium, quæ ubique debet habere effectum. Alioqui, si non esset hic actus peripicue voluntatis, sola vis legis alieni territorii non posset afficere res immobiles in alio territorio sitas: quia cum hæc faciant partem subjectivam cujusque territorii,

non posset fieri sine confusione, ut diversæ Reipubl. Leges rebus solis, alibi sitis effectum juris imprimerent.

22. Hinc judicatur illa celebris questio; si quis moriatur intestatus, relictis bonis in diversis civitatibus, quæ non iisdem legibus succedendi utuntur, utrum successio deferatur secundum leges Reipubl. in qua vixit & mortuus est defunctus, an, ubi sita sunt bona. Responsio est, Immobilia sequi jus loci, in quo sita sunt; Mobilia, cum non faciant partem territorii, sed affectionem ad personam Ultimi possessoris habeant, sequuntur jus loci, in quo ille domicilium habuit. Idem in obligationibus & juribus incorporeis statuendum, quoniam hi ex interpretatione communi Statutorum, pro mobilibus habentur.

23. Quod si testatores vel contrahentes claris verbis expresserint, quid de rebus immobilibus fieri vellent, tum ratio juris Gentium postulat, ut voluntas effectum suum habeat, ubicunque sitæ sint, mobiles immobilesque; cum nihil tam naturale sit, quam ut voluntas Domini, volentis rem suam in alium transferri, rata habeatur, ut ait Justinianus in §. *per traditionem* 40. *Inst. de Acquir. R. D.*

24. Verum hæc expressa voluntas non potest operari adversus leges, quæ in singulis civitatibus specialiter rebus immobilibus sunt impositæ. Exempli gratia; Frisius habet res solis in Omlandia nobis vicinâ, ubi non licet testari de rebus immobilibus. Vult ille tamen eas res extraneo relinquere jure nostro. Queritur an possit; non potest. Magistratus enim Omlandici non patientur suæ ditionis prædia ad extraneos testamento transferri, per dispositionem exterorum, quod suis civibus non licet; neque tenentur ex jure Gentium permitttere rem suo Regimini ordinique recepto adversam, vi regulæ

vi regulæ tertiz, quam habuimus *suprà*, fundamentalem.

25. Similiter, si paterfamilias in Imperio, ubi jure scripto utuntur, atque ubi dominia rerum solâ Conventione securaque traditione transferuntur, rem vendiderit, sitam in Provincia, ubi dominium non transit, nisi præcedente judiciali promulgatione ac adjudicatione; non possunt efficere contrahentes suis pactis, ut leges istæ alienationi præscriptæ negligantur. Idem producit ad res in se mobiles, verum immobilibus adnexas; sicut apud nos, frumentum adhuc virens, vel dum adhuc in aristis nutritur, per averionem vendi nequit. Venditur in Hollandiâ tale Frisicum frumentum, ubi scilicet ejusmodi venditio non est prohibita: Tamen heic non valebit contractus, ob rationem modo rebus ipsis immobilibus applicitam.

26. Ita juris est in rebus. In qualitatibus personarum spectatur ubique jus loci, in quo cuique personæ certa qualitas impressa fuit: Eum characterem persona quæque per omnia diversi quoque Imperii loca circumiit, omnesque iudices hæcenus agnoscunt jus loci originalis; quatenus etiam hac parte nihil præjudicii diverso Imperio creari videatur. Hinc, qui in patriâ major, vel minor annis, prodigus aut curæ alienæ obnoxius habetur, vel factus est, hic ubique talis censetur, eodemque jure gaudet in omni Republ. quo ibi majores minoresve, prodigi curæve obnoxii gaudent, et si juxta leges illius Reipubl. pro talibus non haberentur. In provincia Trajectinâ pro majori habetur, qui unum, ni fallor, & viginti annos implevit, hic in Frisiâ res immobiles sine Decreto potest vendere, quia majoribus ætate competit hoc jus in Frisiâ, licet ille secundum Leges nostras pro majore non habeatur. Qui hic veniam ætatis impe-

travit, is alibi quoque pro majore habetur; ideoque si malè contraxerit alibi, non restituetur in integrum, etsi hoc beneficium ejus ætatis hominibus illic tribuatur. Qui hic est prodigus, ille nusquam habet liberam administrationem rerum suarum, nec usquam è contractibus obligatur; nisi quatenus æquitatis intuitu probabilis ignorantia remedium extraordinarium parti læsæ suppeditare queat.

27. Verum, quod aliquis ob personalem qualitatem domi facere potest aut prohibetur, an hoc etiam alibi licitum illicitumve est, utcunque personæ talis qualitatis jure diverso illic utantur? Ita nonnulli disputant; sed Verius est, in definitione superius posita subsistendum esse; Quemlibet agnosci in ea qualitate, quam in Patria acquisivit, ibique eodem jure gaudere, quo personæ ejusdem qualitatis in eo loco, non in Patria fruuntur; Id enim incommodum atque ætatis foret, ut non modo peregrini qualitatem suam domi ipsis impressam ubique circumierent, sed etiam potestates externas obligarent, ut jus in Patria illorum usitatum, non suum domesticum exercerent.

28. Exemplo res patebit; Filius familias utcunque dives & major annis non potest in Frisia legare de suis bonis; In Hollandia potest. Proficiscatur igitur filius aut filiam nostras in Batavos, faciat ibi testamentum; quaeritur, an valeat. Videtur: Attamen non valebit hic in Frisia; quia licet actus in se in initioque sit validus, institutus tamen est in fraudem juris Frisici, quod Frisia approbare non debent. Proinde, si filius familias Batavus in Patria sua condat testamentum de rebus in Frisia sitis, etiam immobilibus, heic valebit; quia voluntas Domini secundum jus loci recte ordinata ubique rata haberi debet; duntaxat, ubi

Hhhh 3

nulla

nulla fraus Legibus nostris facta videri potest, quod in hac specie non apparet.

29. Hoc enim indubitatum est, inquam, non teneri Potestates, sequi jus alienum in fraudem sui juris vel civium suorum. Sit hoc exemplum; Jure civili creditor hypothecarius res etiam mobiles debitoris sui à tertio possessore potest avocare, quod apud nos observatur. In Hollandiâ secus. Creditor ex hypothecâ in Frisiâ contractâ vult agere contra possessorem rei mobilis sibi met oppignoratæ in Hollandiâ. Nihil aget, si iusto titulo bonæque fide res ibi possideatur; quia tum jus ei possessori quæsitum est, quod ei per leges apud nos receptas, licet hec contractus sit celebratus, auferri non potest.

30. Aliud; Creditor ex causâ Cambii jus suum in tempore exercens præferatur alicubi ut puto, omnibus aliis creditoribus, in bona mobilia debitoris. Hic habere ejusmodi res in Frisiâ, ubi hoc jus non obtinet. An ibi creditor etiam præferetur, aliis creditoribus? Nullo modo, quoniam hic creditoribus vi legum hic receptarum, potius jus pridem quæsitum est.

31. In summâ igitur, quoties conflictus legum in diversis Civitatibus circa idem negotium, occurrit, Potestas loci, ubi res judicanda est, si velit, potest, & quidem jure suo, per omnia sequi leges proprias; sed ob reciprocam utilitatem in disciplinam juris Gentium abiit, ut jus loci, in quo res gesta fuit, prævaleat; nisi rursus in contrarium utilitas alterius Reipubl. præponderet, ut jam exposuimus.

32. Secundum hæc; Nota est regula, tam jure Civili Romanorum, quam publico omnium gentium, receptam, *Nemini extra territorium suum juris dicendi esse facultatem l. ult. n. de Jurisd.*

Ideoque jurisdictio, quæ est Civitatis unius, per se nullo modo effectum habere potest in aliâ civitate. Sed quam Regulam præcedenti capite posuimus ultimam & penultimam, ex quoque hic usû veniunt; Potestates diversorum Imperiorum jurisdictionem aliorum, etiam in suo territorio agnoscere atque tueri debere, quatenus sine præjudicio suo civiumque suorum fieri possit.

33. Usû hujus regulæ, secundum partes judicii, breviter examinemus, initio ab in jus vocatione facta: licet de illa superius locum habuerimus communem, in quo de his rebus nonnihil occupatum est. In jus vocatio non potest fieri, nisi in eos qui subiecti sunt ejus, ad quem vocantur, jurisdictioni. Proinde licet partes expressâ conventionem se extraneo judici submiserint, ideo tamen in jus vocatio extra territorium institui non potest, quia privati suis pactioibus jurisdictionem fundare nequeunt, nec efficere, ut actus imperii in alieno territorio institui queat.

34. Sed quæritur; si Judex, cui se alienus civis submisit, roget ejus Magistratum, ut eum citare velit, quod in locum, cui se submisit, veniat, causamque suam agat, an alterius Magistratus id ex ratione juris gentium facere debeat; & negatur; quoniam hoc præjudicat ipsius potestati, neque causa liquet justa latius, quam obrem patiatur evocari suum civem, propter commodum exterorum litigantium: Atqui nihil proclivius est, quam ut Actor Reum quærat apud suum judicem, qui æque jus, ac alius, ut præsumitur, administrabit. Quod si is, qui se extero judici submisit, in hujus territorio deprehendatur, ibi proculdubio in jus vocari detinerique potest. Atque, si tum recesserit denuo in eadem causa citandus sit, tum judex ejus ordinarius, non debet negare citationem requisi-

requisitus; quia non expedit utilitati populorum communi, ut iurisdictionio simel legitime fundata, litisque disceptatio inchoata intermoriatur.

35. Idem habebit locum, si contractus in certo loco celebratus sit, debitorque alibi habitet: non potest ad locum contractus vocari, nisi citatus in eadem Jurisdictione, nec Judex ipsius aliter officium suæ potestatis exteris commoda bit. Quod si res, de quâ litigatur, sub eadem jurisdictione sita sit, etsi dominus alibi degat, Judex ejus ordinarius non gravabitur requisitus, eum compellere ad litendum se illic, ubi res immobiles sitæ sunt; quia tum judex loci de re ipsa disponere potest, & res immobiles, quæ partem subjectivam territorii faciunt, ab eo juribusque ejus separari non possunt. Unde apud omnes gentes, in judiciis, quæ in rem ipsam diriguntur, situs rei immobilis tribuit forum.

36. Eandem vim habet universalifere populorum instituto, *Arrestum*, quod dicitur, non modo, quo persona detinetur, sed etiam, quo res alterius, etsi mobiles, inhibentur aliò transferri, vel domino creditorive tradi. Cujus res vel jura quælibet eo modo adstringuntur, is illic se defendere debet, non secus ac si res immobiles ibi sita haberet. Adeoque Magistratus ubique locorum, diversarum civitatum jurisdictionem hac causa tuentur, eique vim suæ auctoritatis ad dunt.

37. Idem juris accidit ob connexionem causarum, quando negotium in uno loco vertitur, cujus participes in aliâ civitate degunt; quia res loquitur, non posse neque debere continentiam causæ dividi, quod mutuo populorum incommodo cederet perverse. Rursus ita juris est in casu reconventionis; Civis Batavus convenit Nostratem apud hoc forum. Hic reciprocam actionem adversus ip-

sum instituit in eodem foro; debet heic se defendere; nec enim recusare potest judicem, quem ipsemet elegit: Igitur si ob causam in ea lite incidentem citetur in suâ civitate, non debet negare Judex loci requisitoriam citationem, si forte domicilium citandi in eo loco, ubi judicium vertitur, non constituerit.

38. Atque hæ rationes intelliguntur esse tam prægnantes, ut, si Judex Rei citati, rogatus nolit evocationem sui civis permittere, Magistratus loci, in quo res vel causa vertitur, per Edictum in finibus suæ Civitatis, Reum talem citare possit, cum simplici denuntiatione vel significatione quovis modo, etiam sine publicâ auctoritate, factâ; Cujus vi Judex loci procedere potest ad cognitionem, decisionem, executionemque rei litigiosæ; atque ita fit omni die. Potest etiam inde ab initio, quando jurisdictionio in exterum, ita uti diximus, fundata est, citatio per Edictum fieri; cujus insinuatium tum petitur à Judice Rei citati, quam si ille neget, causæ tamen cognitio procedit.

39. Prudentis autem Magistratus est, quando ejus officium imploratur, ut alienæ jurisdictioni vim addat, Reum qui evocatur, audire, atque animadvertere, sitne justa causa civem suum emittendi ad aliud tribunal, an secus. Nam qui promiscua humanitate ejusmodi citationes, sine inquisitione, concedunt, haud raro civibus suis propriisque jurisdictionibus præjudicium creant. Sæpe enim accidit, ut ob simplicem partium submissionem locumve contractus evocationes requirantur; ad quas, ut antea diximus, Magistratus ex ratione juris communis non tenentur.

40. Ne locus quidem delicti admissi pro causa valida habetur ad evocationem jure petendam & urgendam: sed quia generis humani interest, delicta puniri,

maxi

maximeque in iis locis, ubi exempla sunt edita, in quibus & probationes sunt faciliores, non solet remissio petentibus negari. Alioqui in delictis maxime obtinet axioma, *Ubi te invenio, ibi te judico*; quæ tamen regula generalis est, etiam in causis civilibus, per regulam præcedenti capite positam; quod subiecti Imperio sunt, quicumque in eodem territorio reperiuntur, licet ad tempus & *ὡς ἐν πρὸς*, in transitu.

41. Ergo, quod delicta ubivis terrarum admissa puniri possunt, ubicunque malefici reperiuntur, non est juris extraordinarii, sed è natura jurisdictionis summæque potestatis immediate fluit; & ratio salutis communis humani generis, exercitium illius regulæ, in criminibus etiam, commendat. Verum in civilibus causis, ratio melior est juris Romani in l. 19. *π. de Judic.* quæ non probat, ubi quis iter faciens aut hospitio utens forte deprehenditur, illic citatus se defendere cogatur. Longe satius erat, Actorem sequi forum Rei, utique, nisi contraxerit in eoloco, vel isti loco sponte se submisserit; tunc enim vel momento ibi repertus jure meritoque judicium ibidem subire cogitur. Sed de his rebus ne latius agamus, facit, quod supra in *sect. 3. cap. 1.* pleraque hujus generis occupata & absoluta sint.

42. Ita se habet hoc jus circa in jus vocationem citationesque, durante lite faciendas. Sequens consideratio est de sententiis, quas ab alio judice latas in alia civitate non habere vim effectumque, sua vi clarum atque certum est. Sed utilitas, imo necessitas adigit Potestates diversorum Imperiorum, ut res uno loco judicatae ab his, qui jus ibi judicandi habebant, ubique locorum obtineant: & requisiti judices aliorum sententias executioni mandent, tam in causis civilibus quam in criminalibus. Rursus eadem li-

mitatione, quam toties inculcavimus, heic applicanda; nisi jurisdictionis nostræ civiumque nostrorum gravius intersit.

43. Exemplo sit hæc species; Homicidium apud nos est admissum, Reus evadit è nostris finibus & in viciniam sese confert; Illic se judicio sistit & absolvitur; Petitur in Patria ipsius, ut sententia executioni detur. Habent illi causam recusandi; quia pertinet exemplum ad suam jurisdictionem eludendam. Alioqui non est judicium aliorum, inquirere in rationes modumque procedendi in aliis locis observatum; quoniam hoc prætextu semper executiones eludi possent; præter quod ea species imperii foret in non subiectos.

44. Proinde, si Princeps diversæ Civitatis veniam dederit homicidii aliusve delicti, in suo Imperio admissi; homicida, licet nollet civis, sine metu apud nos versabitur. Nisi enim talia pro certo jure teneantur, nulla Potestas cum effectu aliquid agere in suo vel jus dicere poterit; si perionæ, quibus inde jus quæsitum est, eo passim uti frui nequeant.

45. Neque tamen ita cæcum sibi mutuo obsequium debent Potestates, ut effectum rebus judicatis aliorum tribuant, in fraudem, ut toties dictum, suæ jurisdictionis suorumve civium. Rursus exemplum; Civis noster Edicto citatur in vicinam Provinciam, ex sola vi submissionis per conventionem factæ, cumque non sisteret se, veluti Contumax ibi damnatur, sententia mittitur ad nostros judices executioni danda. Quæritur, an debeant ei vim addere; non videtur, quia sicut antea dictum est, ea res pertinet ad fraudem jurisdictionis nostræ; ac ita fit. Quando etiam petunt exteri suas sententias executione firmari, mos & ratio exequendi, secundum instituta fori, in quo fit executio, non ubi sententia

tentia lata est, fieri debet ac solet; quia mutatio moris solennis in actu externo consistens, sat difficilis & incommoda foret.

46. Quæ causâ, juris etiam ac moris est, ut quicquid ad ordinem iudicii naturamque actionum instituendarum pertinet, observetur, secundum jus loci, ubi causa cognoscitur & iudicatur, non ubi res gesta fuit. Exemplo & hoc illustretur. Nostras homo in Batavis agens, illic è mercibus minutim venditis obligatus est, quarum actioni biennio apud nos, secus in Hollandia, præscribitur. Creditor actionem post biennium instituit in Frisia; quæsitum est, an pati debeat præscriptionem biennalem, quia nunc agit in Frisia; an ea sit liberandus,

quia contractus initus est in Hollandia. Respondetur, præscriptioni esse locum. quia jus ejus ad actionem non ad negotium gestum pertinet.

47. Ex his omnibus palam est; neque Leges, neque Jurisdictiones alienas ullum effectum habere in aliis territoriis, nisi ex voluntate populorum. Sicut hodieque jus Romanum in Europâ viget aut languet, ut visum cuique populo; cujus peculiaria scita Romanis legibus ubique prævalent, alibi rarius alibi crebrius. Quicquid denique Jus Naturale, Divinum, ususque Gentium dicat, ad hoc populi Principesque diversi erga se invicem obligantur: Quicquid illis prohibetur, nefas est.

C A P. I I.

De Legatis.

Definitio Legatorum. Quatenus Summa Potestas in mittente requiratur, & quid juris, ubi de Summâ potestate dubitatur. **Differentia Legatorum.** Quæstiones de illis duæ ventilantur, prima, an, & quibus ex causis non admitti possint; dein, An unquam ullâve causâ lædi vel puniri queant, ab iis, ad quos mittuntur, aut re eorum à creditoribus detineri. **De jure Legatorum,** qui pariter subditi sunt horum, ad quos mittuntur. Item, an Legati jurisdictionem & jus asyli habeant.

Dictum de jure, quod inter populos nullo facto sibi cognitos, ex sola humani generis cognatione mutuâque utilitate intercedit. Sed quia summopere omnium interest populorum, commercia amicitiaque officia propagari, aut, si bellum sit ortum, id quamprimum componi; quos fines absque interunciis adsequi non licet; ideo Legati jure Gentium eximio jure sunt præditi; qua re nihil apud omnium temporum scriptores magis testatum & celebratius esse constat.

2. Est autem Legatus, nihil aliud,

quam Nuncius publicus, vel, si definito opus; Qui cum mandatis publicis, ab eo qui summam habet potestatem, mittitur ad externos. Quatenus autem summâ potestas in mittente requiratur, diximus in titulo de juribus Majestatis.

3. Quibus novissime addidit Vicquefortius in tract. de Legat. cap. 2. supremam in Mittente potestatem, ideo requiri, quia sine hac mittentes sanctitatem & defensionem Legatis præstare non possunt: Rectè, si de juris facultate, non de potentia, id est, viribus loquatur. Harum enim defectus non mutat jus

tat jus mittendi Legatos, nec imbecillioris populi aut Principis Legati definiunt esse sancti potentioribus, eo quod ab illis, adversus hos defendi aut vindicari non possunt. Sed missi ab his ideo sancti non habentur, quia cum exteris, de publicis rebus nulla possunt habere commercia: missos autem ad superiores suos, horum jurisdictioni & animadversioni, cui se ipsos fatentur esse subjectos, eximere nequeunt.

4. Secundum hæc, Reges Exules mittendi jus Legatos, cum effectu sanctitatis, retinent, nisi jure privati sint regno, quemadmodum recte distinxerunt Angli Jurisconsulti, respectu Mariæ Scotæ, quod exemplum retulimus in *Historia civili ad ann. 1580. rebus Anglicis*. In dubio admittendi videntur, nisi ab his, quibus id dubium non est, quemadmodum Elizabeth Angliæ Mariæ Scotæ agnovit, non æquè Belgæ Jacobi jus pronepotis ejus. Idem fere de Usurpatoribus habendum; Quibus indubitatum est, esse tales, hi recusandi causam habent; plerumque factum & possessionem sequimur. Eadem ratio est, ubi duo Principes de regno contendunt.

5. Diversi populi arcte foederati, ut instar unius Reipubl. efficiant, cum singuli summam potestatem retineant, jus legationum sine dubio retinent, ut Germanici Principes Imperii, inter se gentesque liberæ Belgarum & Helvetiorum. Quin diversi Ordines ejusdem Imperii inter se pares, ut est exemplum in vicinæ Civitatis & Agri circumjecti Reipubl. quo unius partitis Legati in alterius Jurisdictione sancti habendi sunt. Denique & hi, qui ex parte subditi sunt, ex parte non sunt, pro ea parte, qua subjecti non sunt, eodem jure gaudent, ut Principes Germaniæ respectu Imperatoris, quo for sit an & de jure referri possit exemplum legatorum, qui à Belgarum Ordinibus ad Philippum

Regem missi & male habitifunt, initio superioris seculi turbarum.

6. In bellis etiam civilibus, cum utraque pars summam potestatem, ex parte saltem, de qua disputatur, præferat, & cum utilitas per legatos transigendi nusquam flagrantior sit, res & necessitas sanctitatem legatorum observari jubet, quo pertinet, quod Tacitus Flavianos accusat, quod sacrum, etiam inter exteras gentes, Legatorum jus civili rabiæ temerassent, missis à Vitellio Legatis. Et si fatendum est, hanc rem, ut sunt res hominum, à virum estimatione, juris quoque speciem induere diversam: Ut si pars altera multo sit inferior, Rebelles potius quam Adversa pars habeantur. Quomodo Albanus dux à Principe Aractionensi missum suspendit: Tamen Hispani deinceps æquo jure bellum gerere didicerunt.

7. Hæc de jure mittendi Legatos, cum effectu juris Gentium. Divisio Legatorum vix à veteribus ulla traditur; nisi quod faciales & caduceatores hodieque tibicines & tympanistæ alique nuncii à Legatis utique discernuntur, qui tamen jure legatorum perinde gaudent: non tam quod repræsentent eos, à quibus mittuntur, quam quod interest pacis servandæ, vel restituendæ, illos admitti. Sed moribus hodiernis, varii characteres, nomina varia usurpantur, quæ tamen nihil quam dignitatem, jus haud magnopere variant, quia omnes sancti & inviolabiles sunt.

8. Præcipua divisio est in *Ordinarios*, qui sedem uno loco moramque longiorem faciunt, ut de omnibus negotiis quotidie occurrentibus agant, & in *Extraordinarios*, qui de certis rebus specialiter sunt missi. Illos Grotius antiquis ignotos non ita pridem à Ferdinando Aragonio, cujus summa consiliorum in explorandis aliorum consiliis erat, introdu-

productos, ideoque non necessarios, forte nec utiles videri, meritoque recusari posse scribit, in l. 2. c. 18. n. 3. inf. &c.

9. Hodie tamen ita usurpantur, ut sine illis amicitia vix stabilis inter populos diversos coli videatur, etsi nec minus usum habeant exploratorum. Ideoque licet admitti sine dubio sancti sint, tamen si quis populus aut Princeps ejusmodi Legatos Residentes admittere nolit, contra verum jus Gentium nihil peccaturus videtur: quomodo in magna Belgarum panegyri anno 1650. ea de re serio deliberatum est. Placuit sequi morem receptum, politicis tamen potius, quam juridicis rationibus.

10. Quæstia de Legatis hic imprimis duo sunt, prius, an semper admittendi, secundum, an usque in infinitum inviolabiles. Admissio legatorum sine gravi causa non potest recusari; sunt autem rationes hæc ferè; Si is qui mittit legationem, amicitia causam obtendens verè inter arma intentet. II. Si sceleribus infamis sit, quæ ratio valet quoque in eo qui mittitur, quo jure legati rebellium *Hibernorum anno MDLXXXIII.* repulsi sunt ab Ordinibus Belgarum, sicut etiam III. si legatus ei, ad quem mittitur, certis de causis admodum ingratus sit. Denique, IV si causa mittendi suspecta, velut seditionis ergò, aut tempus minime opportunum, vel causa mittendi, dignitatis reputationi minus conveniens sit. Inter quas tamen causas non videtur esse, Revelatio secretorum, quia hæc ab instituto Legatos habendi maximè Residentes, inseparabilis est. Extra has similesque graves causas, legatos seu belli tempore seu pacis admittere nolle, id vero nihil est aliud quam tollere jus Gentium, ut apud *Livium Hanno* Carthaginienis censebat.

11. Alterum singulare in Legatis est, quod Sancti sint, hoc est, ut vocis

fert proprietas, inviolabiles: cujus ratio descendit à jure positivo Gentium, ut nihil in historiis occurrat frequentius, quam sacra legationis, fas Gentium, quæ de re videndus *Grorius in lib. 3. cap. 18.* Sed an hoc jus sanctitatis aliquos, & quos habeat limites, summo pere dubitatum & disputatum est. Sententia pro legatis adfirmans & liberalior hæc est;

12. Quod non modo ab injuriis, licet ab hostibus veniant, sed & ab iis molestiis, quæ alioqui jure illis creari possent, liberi esse debeant. Idque eà ratione, quod uti promptè & secure mittantur legati, populorum interfit, ut planè & plenè constet, nullam rem obstituram, quominus certò tuncque Legati sint ituri & redituri: ita, ut in subditorum numero, quales alioqui omnes, qui in alterius sunt territorio censentur, non habeantur.

13. Unde sequitur, quod non modò in merè civilibus, ut aliqui volunt, sed ne quidem in his, quæ sunt juris Naturæ ac Gentium delictis, poenæ sint subiecti. Quæ sententia & hac ratione juvatur, quod si liceret ex causis crediti vel criminis vulgaris, aut machinationis fraudulentæ, vel hostilis detinere & plectere Legatos, vix unquam prætextu persequendi vexandique illos defuturi essent.

14. Quà ratione, novissimo congressu orbis Christiani, qui fuit *Noviomagi*, instante, *Fœderati Belgii* Proceres E. dictum publicarunt, re antea diu multumque controversa, ne liceret crediti aliavè causâ Legatis ullam creare molestiam, in jus vocationis aut Arresti, quod dicitur, vel alterius incommodi ex jurisdictione proficiscentis. Denique, & hæc ratio est, quod Legati Principem populumve, à quo sunt missi, repræsentent, eorumque faciem & auctoritatem præferant;

ferant; cujus ea vis sit, ut, quod jam antea dictum, quasi extra territorium constituti existimentur.

15. Unde, si testamentum fecerint, si contractum iniverint, non ex forma Statuti illius loci, in quo Legationis causa commorantur, actus isti nihilominus valebunt. Denique, in casu gravioris delicti, nihil ultra in Legatum decerni posse videtur, quam ut finibus egredi jubeatur, ac ab eo, qui miserit, puniri postuletur.

16. Quæritur, si is qui misit, antea nostros malè habuerit legatos, an nobis idem in ipsius Legatos sit permissum. Distinguendum reor, utrum malè per injuriam sint habiti, an ex merito. Si prius, tum scelus hostium nullo modo fas imitari; si posterius, tum nihil esse videtur impedimento, quominus vicissim jus dicere liceat, tam propter regulam, quod quisque juris in alium statuerit, ut ipse eodem jure utatur, quam ob tacitum quasi alterius consentum.

17. Porro, non modò personæ Legatorum, sed quicquid ad eos pertinet eà sanctione continetur, quatenus ex jure tratatio, accessoria sequuntur jus & naturam sui principalis. Proinde, invito Legato, comites abduci non possunt, sed ad deditioem, propter grave delictum, ab illo postulari possunt; quo recusante, idem ab Rege populove, qui legavit, petendum.

18. Utroque casu, si palam sit, mittentes nolle quod à Legatis perpetratum est, vindicare, adeoque satis id eos approbare, tum, si causa tam sit atrox, nihil aliud quam ultio belli superest. denique ne vasa quidem rei que Legatorum à creditoribus derineri possunt, eadem ratione; non obstante, quod ita Legati difficulter creditores inventuri videantur: ipsi utrimque viderint; aliud enim est juris, aliud cautionis & prudentiæ.

19. At hæc omnia non aliter habent locum, quam si absque periculo nostro legatis parci queat: denique per modum defensionis, etiam jure offendi & male mulctari possunt. Quapropter, si noxia moliantur consilia, custodiri utique & interrogari, & publico certorumve hominum colloquiis interdici possunt. Quin etiam si ipso facto vim inferant, vi illis resistitur, & si cadant, jure cæsi intelliguntur. Postremò, si ob causas antè memoratas denunciatum sit, ne Legati mittantur, alioqui pro hostibus fore, tum juris rationes minime violantur, si legati violentur.

20. Obligatio autem de non violando, duntaxat inter mittentes, & eos, ad quos mittuntur legati, intercedit, ad tertium non pertinet. Qui proinde contra gentium non peccat, si hostilia meritos tanquam hostes accipiat, iisque damnum aut exitium inferat, cujus rei exempla historiæ multa suppeditant. Idem est, si legati characterem suum celent, acur privatos se gerant; qua, ut & præcedenti ratione, vel prætextu Carolus V. duos Francisci Regis legatos per Italiam ad Turcos euntes interfici curavit. Plura exempla, sunt enim infinita, cumulari non possunt, neque fert hic scribendi modus. Satisfecit avido Lectori, ad satietatem usque, Vicquefortius hac parte in *nupero de Legatus tractatu*, qui fere nihil est, quam perpetua exemplorum textura, non omnium æquabili, ut in factis innumeris amat Fieri, circumstantiarum fide.

21. Ex iis autem, quæ dicta sunt, Legatorum sanctitas non modo præstat libertatem à vi & injuriis, sed etiam à poenis delictorum & exactione debitorum civilium ab inuitis, pro qua sententia Grotius est valide in Cap. XVIII. Libri secundi. Et si ut exempla non desunt in contrarium, ita Rationes, quibus id jus

id jus evincitur, vim minimè demonstrativam habent: Et disputationes acerrimæ scriptorum in utramque partem, Consensum adeo liquidum non efficiunt, ut qui secus instituerint, & Legatos eorumve comites, ob delicta manifesta, vel debita liquida conveniunt & juris executione complectuntur, Juri Gentium opponere se, & hoc violare videantur. Denique, an in Comitibus & rebus Legatorum idem juris sit, quod in personis ipsorum, non est etiam nihil quod dubitetur.

22. Cum enim duplex ratio sit, pro illa generali sanctitate Legatorum; una de utilitate & eo quod interest humani generis, ne rimâ violandi Legatos aperta, securitas eorum plane periclitetur; altera, quod mittentes repræsentent: prior ratio ad Comites & res eorum non necessariò pertinere videtur, eique opponi potest alia non minus valida ratio, quod nec æquum, nec voluntati populorum conveniens sit, ut Legati in maleficiis & contractibus impune grassentur, & cives eorum, ad quos sunt missi, damnis & injuris multent. Nam quod de animadversione Principum, à quibus missi sunt, in illos, & de bello, cā causa movendo profertur, satis longe petitum & elusorium esse constat. Nec videntur de jure gentium violato, habere causam querendi, qui flagitium æris alieni & damni dati pudorem fateri coguntur, maxime si ordinarii sint Legati, & quasi cives nostri.

23. Quod ad representationem attinet, verum est, Legatos adferre secum faciem mittentis, ut Cicero loquitur in *Philipp.* VII. Sed quid si mittentes ipsi in aliena Republ. hostiliter agerent, si cædes committerent, æs alienum immane contraherent, an detineri, custodiri, judicari non possent? De jure quidem non dubitandum; quia in alienis

territoriis nihil quàm privati sunt. De *Curialitate*, ut Accursius loquitur, aliter observari potest & solet: nec tamen fieri non potest, ut *Curialitas* Juris rigori cedere debeat. Quod in Principibus ipsius domi Supremis alibi institui potest, an hoc in Legatis, qui plus juris mittentibus habere non possunt, nullo modo esse admittendum, cedo qua ratione constat?

24. Fictio, dicit Grotius, qua Legatos extra Territorium ejus, ad quem missi sunt, positos imaginamur; quia Principes scilicet, quorum faciem præferunt, tum quidem sunt extra Territorium. Sed ejusmodi fictiones melius subtilitati Juris civilis, quam simplicitati juris Gentium conveniunt. Præter quod ipsi Juris civilis Doctores monent; duo singularia, vel duas fictiones in una re concurrere non posse, quales hic forent; Repræsentatio alterius, & imaginatio factus diversi personalis.

25. Satis apparet, quid in utramque partem disputari possit. Dialecticæ rationes, imò æqui & boni rationes non liberant Legatos, multo minus eorum comites, ab omni jurisdictione locorum, in quibus agunt. Sed utilitatis reputatio & metus consequentium ex ulla in Legatos animadversione, tacitum inter gentes pactum de universa illorum exemptione, produxisse videtur: quæ est illa fides publica, de qua Sallustius in *Jugurth.* *Fit reus, inquit, magis ex æquo bonoque, quam ex jure Gentium, Bomilcar comes ejus, qui Romam fide publica venerat.*

26. Sicut tamen in universo jure regnant exceptiones, ita ne in hoc quidem negotio dixerim, nullos existere posse casus, quibus singularis Legatorum aut ejus Comitum improbitas dare possit causam, ut æquum & bonum juri Gentium positivo & tacito prævaleat; sive

in ære alieno persequendo, ut Curia Suprema Batavorum sæpe decrevit adversus res legatorum, idque defendit apud Ordines ad jus Gentium inclinantes; sive in delictis, ut Angli sub *Cromwellio*, fratrem legati regis Portugalliae, ob caedem in foro, sive Bursa, quam vocant Londinensi insolenter admissio, capitis supplicio adfecerunt; cujusmodi animadversiones quandoque tam valida æqui & boni ratio tueri potest, ut Jus Gentium sileat, nec violari videatur.

27. Non est etiam ratione vel usu expeditum, si populus aut Princeps exteri, nostro civi mandatum res suas in nostra civitate agendi dederint, an hic incontinenti nostræ jurisdictioni penitus eximatur, idque virtute fictionis illius, quæ legatus, ut extra territorium consideratur. Ita vehementer Vicquefortius in *d. tract. cap. xi.* male habitus in Hollandiâ, tanquam subditus, cum res ageret Ducis Lunegurgensis contendit.

28. Distinguendum videtur. Quatenus in officio agit, sine dubio mandatum repræsentat, & sanctus est. Extra mandati sui partes non videtur mutare conditionem; quia tum accederet tertia in eandem rem fictio, quæ civis noster, qui de facto talis esse non desit, definire fingeretur esse talis: cujusmodi accumulatio fictionum, non modo non juris Gentium, sed & incivilis foret. Ideo Princeps eligens Legatum, qui subditus est & manet ejus ad quem mittitur, non videtur hoc agere, ut hominem, sed ut officium ejus eximat.

29. Si Princeps Legatum suum patiat esse ministrum pariter ejus, ad quem mittitur, in hoc sine dubio consentit, ut tanquam suus minister sit sanctus, ut minister ejus ad quem mittitur, pro subjecto habeatur: si vellet totum esse sanctum, totum quoque suum faceret & retineret. Quemadmodum Rex Galliae

Destradium in Belgis habuit Tribunal impendio Belgarum, & simul Legatum suum, relationibus ita, ut dictum, actu distinctis. Hoc modo Vicquefortius nihil injuriæ sit passus, eo quod judicatus est, de factis à Legationis officio alienissimis.

30. Cæterum, ex eo quod Legati Principem extra Territorium agentem repræsentant, si quis etiam contendere velit, illos habere jurisdictionem in suos & omnes domo suâ comprehensos, fictionem adhuc longius & enormius probeheret, atque impingeret in id, quod modo arguimus: Repræsentantes ita habituros, quod ipse repræsentatus, si apud nos ageret, non haberet, in alieno territorio jurisdictionem. Si tamen verum est, quod usu gentium prævaluit, ut comites Legatorum exempti sint eorum ad quos mittuntur, potestati, parum adest, quin Jurisdictio Legatis in comites suos tribui possit: Nisi potius illa sit quædam Patrisfamilias potestas, quam si quid excedat, mittendi sint ad Legati Dominum, *non est in eis*, pro Imperio & jurisdictione tractandi.

31. Hoc satis constat, consensu populorum in familias Domoque Legatorum non esse jurisdictionem his, ad quos sunt missi; ut tamen neminem horum illius Jurisdictioni subducant. Ideoque jus Asyli in domibus suis non habent Legati jure suo, nisi ex horum, ad quos mittuntur, indulgentiâ, quæ aliquando in vicos urbium integros extenditur.

32. Sed an hæc indulgentiâ longissimo tempore exercita, jus perfectum Legatis tribuat, ut à Summâ Potestate Loci, deinceps adimi & revocari non possit? Possit jus aliquod in alieno Territorio præscriptione temporis acquiri; etiam quod ad Imperium attineat, ipsamque jurisdictionem hoc modo fieri posse propriam & patrimonialem, *superius*

rim in loco dictum Sed non videntur esse termini habiles præscriptionis in personas identidem Jurisdictioni. Eius, in cuius territorio sunt Legati, ipso actu subiectas, quæ proinde vindicari atque identidem in jus vocari possunt: multo minus

illa præscriptio in vicis, in quibus habitant Legati, potest fundari, quia personæ agentes manent cives & subiecti Potestati ejus ad quam Legati sunt missi. Quæstio hæc illustri loco innotuit superioribus annis.

C A P. I I I.

De Fœderibus.

Fœdus quid & quotuplex. Non esse justa fœdera, quibus focii ad omnia bella promiscue obligantur: sed nec obligationem inde ad bellum injustum oriri. An cum infidelibus licita sint fœdera inita, disputatur: item, an morte contrahentium finiantur. De sponsionibus earumque effectu. De interpretatione fœderum, & Cautione certitudinis illorum ac observantiâ.

Legati primò omnium ad externos dimittuntur, ut amicitiam cum illis aut societatem, hoc est, Fœdus contrahant, quod nihil est aliud, quam *Conventio inter diversas civitates non transitoria*; ut ab aliis contractibus, in quibus nihil post conventionem remanet, distinguatur.

2. Ratione materiæ dividitur Fœdus, quod vel de iis sit, quæ populi per se, ex conjunctione humani generis, sibi invicem debent, aut quæ aliquid juri Naturæ adjiciant. Priora sunt, de non nocendo, de liberis commerciis, similibusque rebus, eaque vel cum iis, quibus cum ante bellum habuimus, vel cum quibuslibet vicinis, maximè cum feris nationibus, quæ promiscue prædas agunt, ineuntur. Nam cum bene moratis populis, si nihil quam libertatem innoxiam petamus, non est magnoperè quod hæc fœdera desiderentur.

3. Reliqua fœdera sunt vel æqualis vel inæqualia. utraq; vel Pacis sunt vel Societatis. Pax bellum sequitur & in nostra quoque methodo sequetur. Societates

maximè de commerciis aut de bellis ineuntur, & si quæ res aliæ sint. De commerciis, veluti, ne vectigalia aut omnino aut ultra modum certum exigantur, aliaque ex usu singulorum populorum.

4. Societas bellica, vel est de bello pariter communi nomine gerendo, vel de auxiliis alteri præstandis. Prius est, vel offensivum, ut vulgo loquuntur, vel defensivum. & rursus utrumque vel ad certa vel ad omnia bella.

5. Offensivum ad omnia, est id quod Græci *ἐπιμνηστία* vocant, quo Athenienses & Spartani suos singuli socios habebant conjunctos, sub ipsorum ducatu; explicatius Thucydides *τὴν αὐτὴν ἐχθρὸν καὶ φίλον ποιεῖν, eosdem hostes & amicos habere lib. 1.* Ad certa, bellum offensivum quid sit, hoc per se patet, ut & defensivum, tam ad omnia, quod Græcis *ἐπιμνηστία* dicitur, quam ad certa etiam bella, vel denique cuncta, sub exceptione tamen quorundam.

6. Eandem diversitatem tuitionis aut offensionis recipiunt Fœdera, quibus altera pars ad auxilium alterius obliga-

tur

tur, quæ similiter de cunctis aut de certis incuntur. Ea, quibus se populus aut Princeps ad cuncta promiscuè bella adjuvanda obstringunt, tam nocendi quam tuendi causâ, vix humano juri consentanea videntur; quia præ se ferunt animum, ad quoslibet homines, à quibus nullo modo sis læsus aut offensus, seu jure sive injuriâ affligendos, paratum.

7. Quare non immerito *Ulricus Zuignlius* Tigurinis suis auctor fuit, ut *Sleidanus* in eâ retestis est *lib. 3.* ne in ejusmodi foedus cum Rege Francorum ineundum, quo sanguinem suum ei ad quævis bella commodato vel locato addicerent, consentirent. Etsi quoque sancito tali foedere, dicendum est, omnino ad injusta bella nullam esse obligationem, nec proinde contrâ foedus factum videri, quod suppetiæ illo casu negentur. At cum odiosa & Lubrica sit hujus rei disceptatio, fere ita usu venit, ut noxia nec non periculosa libertati sint id genus pacta, vel foedera.

8. Idem de illo foedere sit judicium, quo se quidam ad perpetuam *ἑνωμένην*, nec unquam ab armis alterum sine altero destitutum, obligarunt. Nam si utrique pax honesta & tuta, plenaque satisfactio ab hoste offeratur, pactum prius obstare non videtur, quo minus alter, si nolit alter, solus bellum claudat. Exemplum videtis in *Historia Civili* ab anno 1674. ad 1648. in rebus Gallicis *cap. 4.* & *de Belgicis c. 7.* Quin &, si alterutrius justæ conditiones proponantur, vix est, ut prioris vi pacti ad bellum continuandum teneatur. Quia promissio, quæ aliud bonum morale majus impedit, non est obligatoria; sed ad auxilium socio, qui jus suum ab hoste communi obtinere potest, ferendum, alter nihilo minus vi pacti obligatus videtur.

9. Foedera inæqualia sunt, quibus alter plus, alter minus promittit: Nam priora, cum unum auxilium, alter mer-

cedem stipulatur, æqualia censentur. Eaque sunt ex parte vel inferiore vel superiore. Hæc, si quis alterum in tutelam recipiat, sine ulla repromissione, nisi reverentiæ & gratitudinis, (sub qua tamen non paulò plus latere solet) Quæ ex indigniore, ea vel Imperii inferunt diminutionem, vel salvâ libertate, contrahuntur, cujus rei judicium è *sect. 3. cap. 3.* libri prioris colligendum.

10. De personis Foederatorum quaeritur, an licitum sit, inire foedus cum impiis & à verâ religione alienis, quæ est quaestio juris divini. Nam jus naturæ cunctis hominibus commune est, sufficitque nihil eo convenisse, quod morali honestati advesetur. Jure veteri divino exempla foederum extant non pauca cum idololatriis inita, *Jacobi* cum *Labane*, *Davidis* & *Salomonis* cum *Hieromo*, ne de hujus affinitate *Ægyptiaca* dicamus.

11. In Evangelio & rationibus Christianæ sinceritatis nihil est, quod hisce foederibus in universum obstat; non utique illis, quæ ad benefaciendum infidelibus, nec iis quæ ad mutuam utilitatem pertinent, aut ad opem ab illis implorandam. Sed merita circumstantiarum hic consideranda; ne commixtio nimis arcta cum impiis contagium animis adferat; ne potentia infidelium nimis promoveatur; multò minus, ne auxiliis illorum ad nocendum Christianis, quod toties, cum opprobrio Christianæ Religionis fit, utamur.

12. Effectus foederis est, ut sine captione fiat, quod inter partes convenit, quâ de re mox accuratius. At dubium esse potest, si cum duobus sit foedus ejusdem sententiæ, velut auxilii ferendi, his inter se collidentibus, utri opitulandum sit. Nam si cum tertio pugnent, nihil difficultatis est, cum utrique ut plurimum satisfieri possit

13. Et quidem cognitio ipsi huiusmodi ducum suscipienda, non ex iurisdictione, quæ nulla est, sed jure & ex ratione naturali, ab utroque ratio & iustitia causæ, ut qui jure potior est, auxilio quoque prior habeatur. Si non liqueat, utrique, vel potius neutri mittendum; modo ne captiose agatur & hoc prætextu fœderis obligatio eludatur, quod magis facti, quam juris est.

14. Finitur obligatio Fœderis, si pars altera pactis non stet, *ἄπιστος*, ut Thucydides, & vel tantillum transgrediatur, nisi convenerit, ne ob quamlibet offensiones, fœdus rumpere liceat: certâ transactionis viâ per modum conditionis præscriptâ & prius ineundâ. Neque tamen statim atque à fœdere licet discedere, bellum etiam movere licet; hoc enim atrocius est, & propriis regulis constat, de quibus *inferius*.

15. Tempore etiam præfinito finitur, neque enim Fœdus silentio utriusque partis renovatum videtur, nisi actus ipsi partium hoc necessariò præ se ferant: alioqui novatio non præsumitur, sed ex ipso facto probari debet.

16. Quæritur, an & morte contractantium fœdera finiantur; quâ parte inter personalia & realia distinguendum, ut illa morte intereat, hæc ad posteros transmittantur. Realia sunt omnia, quæ cum plurium Imperiis Optimatum, vel cum liberis populis ineuntur, quia in illis non est mutatio Summæ potestatis, quod ad personas attinet. Etiam quæ cum Regibus, si mentio Regni, ut plerumque fit, adjiciatur. Quin & ex materiâ, si favorabilis sit, idem colligitur, ut sunt fœdera de commerciis, de non nocendo, de mutuâ defensione. Quod si odiosa sint negotia, neque in verbis fit quicquam, unde obligatio cum respectu ad populum accipiatur, magis est ut personalia censcantur.

17. Quid differant sponsones à fœderibus, dictum est in *lib. 1. sect. 3. c. 6. n. 27.* sunt enim pacta ducum belli, inita de ejusmodi rebus, quæ ad summam potestatem spectant, & de quibus mandatum illi nullum habebant. Ac ideo nomina Ducum illis inferebantur, cum in Fœderibus soli feciales, ut ministri publici, nominarentur.

18. Effectus sponsonum est, ut sponsores five illi fuerint duces soli, five etiam ordinum ductores, seu milites universi, teneantur ad implendum id quod promiserunt. Sed Potestas summa, cujus, scilicet, hac parte nullus, ne tacitus quidem intervenit consensus, nullo modo tenetur, nisi, non silentio tantum nudo, sed & facto aliquo sponsonem comprobaverit.

19. Qui sponsonerunt, hi, non servatis pactationibus, tenentur vel ad rem in eundem statum, qui fuit ante sponsonem, restituendâ, si hoc præstare queant, vel in id quod interest, aut denique ad sua corpora dedenda stipulatoribus; in quod Romana exempla Sponsonianæ Caudinæ, Numantinæ aliaque desierunt.

20. Cæterum, interpretatio fœderum & sponsonum sine calliditate, ut modo dictum, faciendâ est, ex simplici & populari intellectu verborum, procul habito sensu diverso, quem quis tacite in animum inducere vel dictis ad fingere possit, cujusmodi & in veteri novâque historiâ hominum plurima extant ludibria, sed in ambiguis accedendum ei, quod est obcurius.

21. Alia est regula, quam & Jurisconsulti inculcant; in dubiis capiendam interpretationem, quæ vitio caret, aliisque certis rationibus non adversatur. Item, adversus eum faciendam explicationem, in cujus potestate fuit, Legem clarius dicere. Denique, odiosa restringenda, favorabilia interpretatione adjuvanda esse & extendenda.

K k k k

22. Inter

22. Inter odiosa videtur esse renuntiatio libertatis, faciendi quod libet, ex jure Naturæ. Unde pender quæstio, an sociis in fœdere nominatis generaliter, cum pacto, ne liceat illis nocere, contineantur & hi, quos alter fœderatorum postmodum adsciverit; quod negandum: Quamquam & novos adsciscere socios, non est prohibitum. Proinde, quod ad hos attinet, dicendum, utrimque cessare fœderis obligationem; adeoque in illis impugnandis vel defendendis, sine perfidiâ, quod & sæpius usu venit, configere posse fœderatos.

23. Dantur omnino plures regulæ factis pressæ & subtiles, secundum quas regendæ interpretationes, sed quæ hujus compendiarie scriptiõnis modum penitus excedunt: præsertim post Grotium in *lib. 2. c. 15. quod est de Fœderibus*, & *cap. 16. quod est de Interpretatione*. Et hæc etiam causa nobis erit, quod de Bello acturi, fere nos intra veteris Editionis limites continebimus.

24. Sed de cautione, quâ fœderis observantia & perpetuitas sancitur, addenda pauca. Fidei datæ vinculum, & jurisjurandi religionem, quæ in nullis omituntur Fœderibus, etsi validissima. Juris cautiones, parum addere securitatis, omnium docuit usus temporum & populorum. Nec æquitas conditionum, quæ prima Bodino est Cautio in *lib. 5. c. 6.* potentiores à servando fœdere continere potest; Adversus inferiores, bona est, ut Privernatium Legatus apud Livium, rogatus, an pacem, si daretur, fideliter servaturi essent. *Si bonam, inquit, dederitis, & fidam & perpetuam habebitis, si malam, haud diuturnam.*

25. Melior cautio fuit Obsidum, veteribus usitata; quæ tamen quam non fuerit omni exceptione major, innumera docent exempla: Quibus, & quod inhumanum sit, obsides facere victimas perfidiæ suorum, pridem eo res deducta est, ut pro cautione Fœderum perpetuorum amplius non habeantur; sed pactis solummodo transitoriis & fere pecuniariis adhibeantur.

26. Frequentioris usus est Sponsio Sociorum, vel Exterorum Principum & populorum, qui Fœderatum fore spondent, eoque nomine se obligant: Cujus rei Juris effectus hic est, ut sponsores eum qui fœdus rumpere velit, ad servandum cogant. Verum & hoc inutile plerumque repertum est; si ratio ejus quod Interest, sponsores ita non teneat obstrictos, ut sine suo gravi detrimento vindicias secundum fœdus omittere non possint. Sine tali vinculo propriæ utilitatis, parum aut nihil in ejusmodi cautionibus esse fiduciæ, non magis vetera quam nostræ exempla memoriæ commonefaciunt.

27. Denique, tanta est hominum perversitas & potentiorum ambitio, ut nihil Fœdera, vel pacis fiduciam, efficiacius, quam nocendi impotentia, stabiliat, tam respectu imbecillorum, quos suæ conditionis pæniteat, quam æqualium, quos *πῶ ἀνίσταλον θεος*, mutui metus ad pacem custodiendam adigit; Nec aliud contra potentiores remedium, quam conjuncto plurium, quos ejusdem utilitatis ratio devinctos tenet, quærendum & applicandum: quod ad Politicam spectans, heic latius non prosequemur.

C A P;

C A P. I V.

De Bello.

Definitio belli, & disputatio, an licitum sit, jure Naturæ & utroque Divino, quod Affirm. & probatur, remotis objectionibus. Divisio belli, in publicum, privatum & mixtum. Illud, solenne, aut minus solenne. Solenne fieri, si & summa potestas utrimque sit & præcedat indictio; minus solenne contrâ intelligi. Quatenus Magistratui bellum sit permissum. Mixtum vel ratione personarum aut indictmentis, quæ in alterâ parte secus se habeant. Privatâ duella, quando licita. De repressaliis. de indictmente belli. Causæ belli suavoriæ vel justificæ. hæc rursus triplices 1. defensio personarum & rerum 2. Recuperatio ejus, quod nostrum aut nobis debetur 3. punitio delictorum. De omnibus tenendum, levia transmittenda. ad punitionem pertinere auxilium, quod pro innocentibus suscipitur. Amorem libertatis, studium propagandæ religionis non esse justas belli gerendi causas. Dubiæ causarum magis pro injustis habendæ. Subditos in bellis injustis non debere principum operam, secus tamen in dubiis.

STatus Naturalis, in quo sunt diversæ Civitates, propter humani ingenii pravitatem, non minus rixis & contentionibus, quam discrepantibus pacis institutis exagitur. Rixæ autem Summarum potestatum facile in bellum, quia cessant inter illas judicia, erumpunt.

2. Est autem bellum *Certatio per vim*, ut Cicero definit *lib. 1. off. 16.* vel, ut Grotius, Status per vim certantium, quæ tales sunt *l. 1. cap. 1. §. 1. d. jur. Bell.* Quanquam nec Cicero dixit Certationem pro actu certandi, sed pro univerno tractu atque ductu armorum, inter partes certantes, ut alibi Cicero *contentionem belli & observationem* pro longo observandi instituto: Matrimonium Jurisconsulti vocant Conjunctionem, non pro actu transitorio conjungendi, sed pro statu conjunctionis perpetuo; denique, verbalia in i. frequenter ita sumi, pridem observatum est.

3. De Bello prima est quæstio, an bella.

re unquam sit justum, quod jure quidem Gentium nullam recipit dubitationem, quia de usu & effectu, quem populi omnes bello tribuunt, plenæ sunt omnes historiarum, idemque gravis humano generi docet experientia.

4. De jure Naturæ & divino imprimis videndum. Et quidem non prorsus jure naturæ bellum adversari, satis id ostendit, quod nihil præ defensione corporis sui, magis aut æque sit juris Naturalis. Denique, ut rebus, quas natura in medio posuit, utamur, easque absumamus, id jus primum naturale dicitur, & qui hoc prohibet, is injuriam infert, quam vi repellendam esse, res & ratio dicitur. Post recessum à communionem, licuit idem pro dominio, quod antea pro rebus, quæ nullius adhuc erant factæ.

5. Præterea, delinquentes poenam mereri, eamque à quolibet non reo pariter maleficii, maximeque ab eo qui læsus est, exigi posse, aliquoties dictum & proba-

probatum est. Quod cum inter diversas Civitates sine vi non possit fieri, bellum etiam puniendi causa recte suscipi vel exinde apparet. Adèd ut originem habere bellum ex jure Naturæ manifestò constat. Proinde, quod & Icti & scriptores alii bellum jure Gentium positivo esse docent introductum, hoc de certa & solenni bellorum formâ, unde peculiare pendeant effectus, intelligendum.

6. Sed nec de jure veteri Divino magna est dubitatio, quin non omne bellum sit illicitum. Abrahamus sine speciali Dei mandato, Reges quatuor devicit, laudante Melchisedeco. Et bella Davidis, quorum pleraque non liquet à Deo nominatim imperata fuisse, *Deipralia*, id est, pia ac justa dicuntur. Imò quod magis est, perpetuæ ac generales de modo belli gerendi, à Deo regulæ præscribuntur, *Deuterom. cap. 20.* quo quid fortioris argumenti sit, bella pie geri potuisse, tamen nullum Dei speciale mandatum intervenisset? Ex quibus apparet, Legem Dei de sanguine non fundendo, bellis nihilo magis officere, quam Lex de non occidendo judiciis capitalibus obstat.

7. In nova Testatione, à primo initio habemus Johannis Præcurforis dictum, quo milites officii sui non deserendi, sed pie exercendi admonentur. Paulus verò, non tantum docet, gratum esse Deo, ut oremus pro Potestatibus, quo tranquillam sub earum tutelâ vitam degamus, quod sine armis fieri nequit: sed & Ministros affirmat esse, qui haud frustra gerant gladium, quin vindices sint ad poenam his, qui malum fecerunt; quod ratio non patitur, ut minus de exteris delinquentibus, ad tutelam suorum, quam de subjectis Potestatum intelligamus. *Epist. 1. ad Timoth. cap. 11. v. 1. 2. 3.* Idemque suo exemplo docuit Paulus, quando militare præsidium, ubi

se insidiis Judæorum, ope Tribuni militum eripuisset, minimè rejecit.

8. His accedit, quod, ut suprâ diximus, Lex Mosaica de rebus moralibus & quæ aliis gentibus æquè conveniat, obligationem suam in perpetuum ad omnes, adeoque ad Christianos quoque extendit. Jam quid magis honestati, imò necessitati morali adversum esse potest, quam ut gladius jus, Summis potestatibus eripiatur; quo sublato manifestum est, maximam scelus licentiam malorumque diluvium, nihil ut tutum nihil sanctum aut inviolatum foret, secuturum?

9. Ad ea, quæ ex dictis Christi, contra bellum moventur, tenendum hoc primò; Si fuisset Christo propositum omne jus gladii tollere, & ejusmodi statum introducere, qualis nunquam visus, auditus esset, cum id verbis quam maximè specialibus & expressis facturum fuisse. Qualia tamen non proferuntur, sed ejusmodi, quæ de cohibendo vindictæ privatæ studio, exercendaque in rebus minoris momenti patientiâ injuriarum, agunt.

10. Jam in veteri Ecclesiæ historiâ celebrantur Legionis Thebææ & Fulminatrix, quique sub Juliano defensore militabant, qui teste Ambrosio 7. *de offic. dicenti Imperatori, producite aciem pro defensione Reipubl.* obediebant, cum autem diceretis, *producite aciem in Christianos*, tunc agnoscebant Imperatorem cœli. Ne de Martyribus dicam, quorum etiam milites complures antiqua martyrologia commemorant & agnoscent.

11. Quod autem sententiæ Patrum quorundam, minus de bello honorificæ extant, illæ hanc causam habent, quod tum temporis difficulter castris inesse, sine periculo idololatriæ, saltē sacra religionis exercitia minus commodè aut profus habere non liceret. Etiam verò, quod, cum semper in castris omne genus

nus impietatis regnet, viris eximio sanctitatis proposito afflatis, nihil potius, quam procul à profanis abesse videretur.

12. Sequitur divisio belli, quæ, in duas abiit species: est enim Privatum vel Publicum, nisi tertium addere velis, quod Mixtum appelleretur. Publicum est, quod geritur auctoritate ejus, qui habet jurisdictionem. Privatum, quod est inter eos, qui auctoritate publicâ carent; quæ hujus sunt generis, vulgo *Duella* dicuntur. Mixtum, quod ab una parte publicum, ab altera privatum est.

13. Publicum rursus aut solenne est, quod & justum suo sensu, aut minus solenne. Solenne, quod utrimque ab illis, qui summam habent potestatem, ritu jure Gentium necessario geritur. Minus solenne erit, quod vel auctores habet, Personas publicas quidem illas, at superiores habentes, ut Magistratus, vel, quod aliis juris Gentium requisitis destituitur.

14. At verò Magistratus in externos belli jus gerendi nullo modo habent, quia per hoc tota civitas venit in periculum, ideoque ejus qui præest civitati hac de re judicium, solius sit oportet: qua parte peccarunt Cn. Maullius, qui Gallogræcos, & forte Cæsar Julius, qui Germanos injussu populi Romani interfecerunt. Excepto casu inopinatæ necessitatis; quo casu præsumptio de voluntate summæ potestatis dubitare non patitur, ne non arma permilla sint.

15. Verum, qui Magistratus Imperio sunt præditi, hæcenus habent jus armorum in subjectos, ut partes sibi commissas, cum vigore publicæ disciplinæ & coercitione contumacium, seu per apparatus, sive per milites, in hunc finem sibi adtributos exercere valeant. At extraordinariâ manu, vel cum exercitu absque speciali mandato nequaquam ex- periri possunt, ne civile bellum oriatur

16. Sub Magistratibus & superiores habentibus, hic non complectimur eos, qui partem summæ potestatis obtinent; nam hi, quatenus summi sunt, rectè hoc nomine bellum solenne suscipiunt, multò minus inæqualiter fœderatos: sed hæc res ex iis quæ *precedente libro dicta* sunt, intelligi debet.

17. Jam mixtum quod nam sit bellum; ex simplicibus facile colligitur, ejusque variaz sunt species; miscetur enim aut ex solenni & privato, vel ex minus solenni privatoque bello. Ex solenni & privato, cum is qui summam habet potestatem contra externos latrones aut prædones, vel suos rebelles expedit arma. An autem subjecti jure adversus Imperantes bello congredi possint, ex iis quæ de Tyrannide superiores dicta sunt, judicari debet. Ex minus solenni & privato mixtura constatur, quoties Magistratus pro officii sui executione vim parat in contumaces aut in prædones.

18. Sed publicum utrimque, minus solenne, dari non potest inter pares Magistratus, quia par in parem non habet imperium, nec in eadem civitate cogendi facultatem. Verum inter superiores & inferiores, pari modo, vis locum habere potest, quo inter Magistratus & privatos antea dictum est.

19. Mixtura ex publico solenni & non solenni, dupliciter potest supponi; aut cum Magistratus in suam potestatem supremam insurgit, vel cum adversus externos armis contendit. Priorem non posse aliter esse justam, quam eo casu, quo privatus quilibet summo Imperio se jus habeat opponendi, *alids* explicatum est. Posterior ex modo dictis resolvitur; scilicet: ejus usum existere posse, cum repentina necessitas flagitat, ut Magistratus salutem publicam armis tueatur, aut cum id genus habet mandatum,

K k k k 3

ex quo

ex quo ejusmodi potestas colligi possit, quemadmodum Romæ Consules ex Sæto; viderent, ne quid Respubl. detrimenti caperet.

20. Hæc de publico mixtoque satis; bellum mere privatum regulariter illicitum, nec quicquam a deo inimicum est constitutioni Civitatis & judiciorum. Unde liquet, non aliter hoc justum fieri, quam ubi ordo civitatis & judicia cessent, quod vel sit extra terminos Civitatis, aut etiam intrâ illos.

21. Extra, si qui versentur in locis à nullo populo, vel à tali, qui nullum imperandi parendique ordinem servet, occupatis, ut in solitudine, insulis vacuis, aut Cannibalum regionibus. In Civitate cessant judicia momentaneè vel continue. Momentaneè, quoties sine certo discrimine res non fert moram, ut expectetur iudex, velut in invasione fugæ debitoris.

22. Continuè judicia cessant, culpâ vel subditorum vel Imperantium. Illorum, cum per seditiones & bella civilia nullus ordo Respubl. servatur, sed omnia confusa sunt. Imperantium, quando Princeps aperte rejecit causâ cognitionem.

23. Princeps, inquam, non iudex; si enim hic læsos & conquentes audire nolit, neque subditis neque exteris causa belli nascitur; sed uterque ad Principem summum recurrere debet. Quo adhuc negante justitiam, civis quod ultra molitur, non habet. Etenim nullo modo statuendum est, eum à Principe suo rejectum sibi ipsi jus dicere & ferrum stringere posse: hoc enim fœdere civitatis omnino prohibitum, & ferenda ejusmodi sine dubio injuria, ut ex principis libro priore collocatis plus quam manifestum est.

24. Exteri à Summâ potestate adversarii sui palam spretri, ad suos Imperan-

tes se convertunt, quibus, si oppressio- nem negatamque juris copiam approbaverint, ab illis veniam reprædandi, si- ve literas *Repressaliorum* impetrare pos- sunt. De quibus jam liquet, ut jure dentur & exercentur, quid requiratur; scil. ut justitia à summâ potestate partis ejus quæ læsit, negata sit, nec aliter quam posteaquam læpius & instanter petita fuerit. Dein, à summa potestate eorum, qui læsi sunt, facultatem præ- das agendi esse petitam ac impretratam.

25. His præsuppositis, nemo dixerit, *Repressalias* juri Gentium esse contrarias. Nam quod vis armata non primis tantum injuriæ auctoribus, sed cunctis, qui sub eodem imperio sunt, inferitur, hoc eodem fundamento, quo ipsum nititur bellum.

26. Notum enim est è doctrinâ, quam de summâ potestate *libro primo* habuimus, id quod agit Summa potestas, hoc omnes & singulos cives agere videri, nec quenquam de eo non teneri. Proinde cum Princeps id quod jus & fas tulit, facere noluit, universâ civitas, nec minus singuli hoc luere debent.

27. Superest ad explicationem belli solennis, ut ritum, qui jure Gentium in eo requiritur, paucis explicemus. Est autem ille ritus, *Indictio*, sive denuncia- tio, quam propterea placuit recipi, ut constaret, non privato ausu, sed voluntate utriusque populi aut Imperan- tium geri bellum. Denique, ut si populus ejus vel Imperantes non sint im- mediatè in culpa, deliberent, utrum velint suam facere litem, an satisfacere læsis.

28. Hinc alia *indictio pura* est, alia *conditionalis*. Pura fit, cum vel alter jam intulit bellum, aut eadeliquit ipse, quæ pœnam jure Gentium non dubiè merentur. *Conditionalis* instituitur, cum subditi alterius deliquerunt; tunc enim ab Impe-

ab Imperantibus postulanda satisfactio, ad quam suos cives compellant; aut si tergiversentur, ipsi causam suscipiant.

29. Et hæc est Indictio, quæ cum repetitione rerum conjuncta dici solet *Clarigatio*, quâ non modo rei vindictio aut debiti pecuniarii, sed & criminalis persecutio comprehenditur: unde verba facialium antiqua reddi, *satisfieri, dedi*, videlicet fontes delictorum.

30. Et quidem pura indictio, cum ipsa vi parata, fieri potest; Conditionalis deliberandi tempus largiri debet. Superflua est indictio, in bellis, ut loquimur, defensivis, aut in executione pœnæ, propter delictum manifestum. Ritus indicendi cujusque populi & seculi sunt peculiare; ideoque ad hunc locum referri non possunt. Hæc summam indicata sufficiant; ne post Grotium hic de jure belli universo agamus. Quod & in sequentibus observandum. De his vide *τὴν μίαν lib. 3. cap. 3.*

31. Belli causæ non male vulgò in *suasorias* & in *justificas* dividuntur. *Suasoria* sunt, quæ partes impellunt ad bellum suscipiendum. *Justificæ*, quæ juris fundamentum armis tribuunt. Et Hæc aliquando cum *suasoriis* coincidunt semperquæ publice præferuntur. Illæ autem, quando à *justificis* differunt, tunc habentur & dissimulantur. *Justificæ* tum sunt *αἰτιολογία*, *prætextus*, *suasoria* magis *αἰτία* Rationes dicuntur. Ac ita plerumque in omnibus olim hodieque bellis agitur; *suasoria* sunt fere cupiditates variae, quibus principes populi agitantur. *Prætextus* à *justitiæ* imitamentis petuntur.

32. Nos de causis verè *justificis*, hoc est, *justis* agimus, quæ non male ad tria referuntur capita, ad *Defensionem*, *Recuperationem* & *Punitionem*. *Defensio* est juris Naturæ, quâ vim vi non modo *singulis*, sed etiam *populis* repellere licet,

idque ita, ut nec *indictione* sit opus. Sed debet esse *defensio* contra vim talem, quæ *netum præsentem inferat, non suspicionem inferendi ejus*, ut in simili *Ulpianus* ait in *l. 9. pr. Quod Met. C* Cum enim bellum sit omnium malorum maximum, ex obscura mali alicujus futuri suspicionem ad arma non festinari, summopere generis humani interest.

33. Si tamen *justa* sit *præsumptio*, ex iis quæ fiunt, etsi nondum contra nos, id agi vel maxime, ut nobis noceri possit, quibus forte *Polyphemi* gratia, ut ultimi devoremur, fervetur, dicendum est, exigi posse cautionem in nostram securitatem: Quæ si non præstetur, armorum non *injustam* præberi causam.

34. Ita si quis *Rex* potens & *Conquestor* in hoc sit, ut quoscunque potest, invadat & subigat, populunque vicinum oppugnet, quo victo, nobis proxima vis immincat, non est dubium, quin ei per vim impedimento esse liceat. Talis erat *Philippus Macedo*, contra quem Athenienses suos ita monet *Demosthenes Philipp. 3.* ὁ γὰρ οὐκ ἂν ἐὰν ἀφελὴν πάντων πραγμάτων, καὶ κατασκευάζοιτο, εἴθε ἰμοὶ πολέμῳ, καὶ μὴ πῶ βέλγη μὴδὲ πέσει. *Qui facit & parat talia, quibus ego capi queam, hic adversus me bellum gerit, et si nondum feriat aut juculetur.* Quâ ratione ab alio nostri temporis *Conquestore*, vicini aliquoties cautionem *Arcifinii* exegerunt & acceperunt. Etsi res hominumque pravitatis vix ullum, nisi in vi paratâ belli, præsidium contra vim prævalentem recipiat, in quo acquiescat.

35. Alioqui non est indulgendum ambitiosis populorum æmulationibus, ad bella hoc prætextu temere festinantibus, atque ideo in universum Grotio adsentendum, qui metum alienæ potentie negat esse *justam* belli causam; nisi & de animo potentioris erga nos eâ certitudine, quæ in *moralis* materiâ sufficiat, con-

constiterit *lib. 3. de Jure B. & P. c. 22. n. 51.* Quid enim si lacesitus Princeps, cujus potentiam metuimus, arma moveat? si optimo jure suam petat ditio- nem, an nobis, ob metum incommodi nostri bello & suo jure utentem licebit aggredi? Hoc sane jus naturæ permittere, imo jubere, ut iis, qui vim injustam ab aliis patiuntur, suppetias feramus, injuria modo sit manifesta, jam diximus, idemque multo magis, vi fœderis antea, cui vis fit, iniuri, licere non est dubium.

36. Cæterum, justa defensio non modo publici, sed etiam privati belli causam præbet. Enimverò de tuitione corporis, ad vitæ vel pudicitiae custodiam nihil dubitatur. Sed de minoribus injuriis aut damnis avertendis quæritur, an licitum sit, hominem occidere. Nam si justitiæ explettricis rationem simpliciter consideremus, nemo vel tantillum injuriæ pati cogitur. Sed Lex caritatis Evangelicæ dicitur, potius ad leviora connivendum, quam ultionem quærendam, nedum sanguinem humanum effundendum, ut de alapâ & de tunica Christus respondit. Sane inter privatos & maxime in civitate, ubi iudicii locus, illud ipsum præcise observandum, ne ob res ereptas vel eripiendas cædes committatur; nisi forte tales sint res, à quibus nostra vel nostrorum vita dependeat, quâ de re latius agentem vide Grotium in *lib. 2. c. 1. n. 10. & seqq.* & quæ à nobis scripta sunt in *Eunom. Rom. ad l. 4. §. 1. Ad l. Aquil.*

37. Forte autem inter populos circa res majoris momenti, ratio non parum diversa consistit. Nam si Potestatibus supremis non liceret raptores suarum rerum quantivis pretii occidere, si resisterent armis, palam est, actum fore de salute populorum. Idem iudicium de rebus esto recuperandis (semper tamen

intellecto, levia damna silentio transmittenda) sub quibus & repetitionem ejus quod nobis debetur, comprehendimus. Plane & ab injustis detentoribus sua per vim avocare licet, cui si per vim illi resistant, jam causa puniendi illos non injusta nascitur.

38. Quippe Summis quoque potestatibus competit jus ulciscendi puniendique delicta, quorum species pridem complures habuimus. Et plane hoc de justis belli causis quæsitum tam late patet, quam tota boni & æqui disciplina; ideoque hic nihil, quam summa capita delibare licet, reliqua jam dicta pridem aut aliunde petenda, è Grotio in primis. Hoc obiter tenendum, veras causas è justitiâ explettrice petendas, Adtributrix uti non parit actiones forenses, ita vix est, ut belli causas suppeditare queat.

39. Videtur & ad punitionem referri posse causa belli (nisi potius hoc sit quantum causæ genus) quod pro Auxilio innocentium suscipitur, qui ab aliis, quibus subjecti non sunt, injuria afficiuntur. Imo & pro subjectis alienis licere bellum suscipere, si manifesta sit imperantis injuria, superius approbatum est. De metu quoque alienæ potestatis diximus aliquoties.

40. Libertatis amor è suavoriis causa acerrima, sed Justifica per se esse non potest: Nisi concedere velimus in eorû sententiam: qui libertatem publicam de jure nunquam populis adimi, sed Imperantium potestatem semper ab iis dependere statuant; quod volunt Mandatarii Doctores, de quibus adum in *lib. 1. sect. x. & alibi.*

41. Denique, Nec studium propagandæ religionis; cujus longe aliam Deus in literis suis rationem præscripsit, iusta belli causa esse potest: Multo minus auctoritas Pontificis Romani, aut Presbyterorum jus in alienis rebus alteri donandis

sibi ar-

42. Oportet autem ejusmodi esse causam, de cujus æquitate manifesto constet, eâ certitudine, quæ in moralibus haberi possit: Ideoque si dubium sit, an causa belli sit justa, non modo tutius, sed & rectius, & necessarium est, armis abstinere. Præstat, primo rem colloquiis tentari, dein arbitrio finire; denique vel forte vel certamine singulari, quod hoc casu pro licito habendum, quia fundamentum habet idem, quod bellum, & minus est malum.

43. Etiam hi, qui bellis alienis se ministros & instrumenta præbent, causæ, hoc est, conscientiæ suæ rationem habere debent. Nec quidem cives Principi suo causam habenti injustam, licet imperetur ipsis, opitulari possunt, quia magis hac parte Deo parendum: etsi tributa imperantibus hac causâ nullo modo resistere licet.

44. Quod si de meritis causæ dubitent

subditi, videntur posse & debere suos Rectores sequi; non obstante, quod tutius sit, in dubio, abstinere eo quod periculosius est. Videtur enim vinci hæc ratio, per aliam, quod civibus de actionibus principum suorum optimè sit præsumendum, & quam minimum publicis consiliis intercedendum. Denique, certum inobedientiæ peccatum pluris facere par est, quam incertam de iniquitate causæ formidinem.

45. Intelligendum hoc autem de justificis duntaxat causis: suaforis, quatenus ab illis distinguuntur, vix aliâ quam utilitatis consideratione censentur, cujus interpretatio nihil ad subjectos. Etiam vero cum subditi causam belli improbant, nihilominus se suaque adversus vim hostium tueri possunt: quia cum ipsi non deliquerint, peccatum imperantis Naturalem defensionis facultatem illis auferre non potest.

C A P. V.

De Jure Belli, & de fine Civitatis.

Jus Belli esse duplex, verum & Internum, quod rationibus Justitiæ per se consentit, & Externum, quod usu & consensu gentium vim juris accipit: Inductione Specierum id approbatum. Quo jure res hostium capiantur. De jure postliminii, tam personarum quam rerum. Traduntur aliquot regulæ juris belli explicatoriæ. Fidem hostibus quoque servandam, imò & latronibus & tyrannis; non tamen ab eo, qui injustâ vi coactus est, nisi juraverit. De induciis, & quibus rebus illæ violentur. de pactis captivorum. De pace, quomodo explicetur, quomodo rumpatur. Modi finiendæ civitatis ad duos reducuntur, primus, cum ipsa multitudo extinguitur, alter, cum unio civitatis tollitur. prius inundatione, terræ motu, bellis fieri. Alterum dissipatione hominum, vel omni ordine Summæ & inferiorum potestatum sublatâ: non tamen mutatione loci, nec formæ reipubl. nec consolidatione plurium civitatum in unam, denique nec improbitate & injustitia.

Jura Belli summâtim exposituri, unam in universum præmitteremus remissionem, ad Grotium de *jure B. & P.* in *lib. III.* potissimum. Dicemus igitur, jura Belli vel ejusmodi esse, ut sine labe interna justitiæ, vel ut tantum impune & cum effectu externo, exerceri possint.

2. Posteriore modo juris, licet omnibus, qui bellum solenne gerunt, hosti nocere quovis modo, jure an in jura nihil refert. Quod non ex jure naturæ, sed gentium oritur; idque idè, quia plerumque pars utraque justam se habere causam contendit, à cujus rei decisione belli effectus suspendi nequit.

3. Primo igitur, licet hosti occidere hostem, omnesque inter hostium fines versantes; quia ab omnibus illis damnum potest metui. Imò etiam foeminas, infantes, supplices, dedititios, nempè, ut dictum, *impune*, non tali jure quod vitio careat. Veneno hostem interficere naturaliter licet, jure gentium non æ-

què. Percussorem immittere, si fides expresse vel tacitè non violetur, utroque jure (vix tamen dignitate salvâ) licet, alioqui non licet. Stupra in feminas, vel pueros neutro jure licita videri possunt, quia nullum in bello fructum præbent; etsi plerumque impunita relinquuntur; sed non jure, nequidem externo, quod jus vocari queat.

4. Post corpora, res quoque hostium auferre, abigere, rapere, perdere licet; etiam res sacras & religiosas. Et quas res quisque capit, eas facit suas, nempè, si nomine proprio illas capiat. Unde quæ actu belli publico capiuntur, fiunt ejus, cujus nomine actus ille instituitur. Sed in actibus privatis, uti sunt excursions, quilibet rem primum arripiens, dominio ejus potitur, idemque in direptionibus ab Imperatore concessis, ut ad Tit. de Rer. divis. §. 27. dictum est in *Prælect.*

5. *Occupata* autem res dicuntur, mobile

biles quidem, ubi illuc perlatæ fuerint, unde ab hoste difficulter recipi possint. Res immobiles captæ non videntur, nisi munitionibus capientium inclusæ sint, aut capiens plane victor evaserit. Res tamen eorum, qui hostes non sunt, licet intra fines eorum repertæ, non fiunt capientium, etsi dominos ibi repertos occiderelicet: quia non, ut ab hominibus, damnum ab illis metuitur, idemque de rebus in hostium navibus deprehensis.

6. Sed quæ ab hostibus erepta sunt aliis, ea priores Domini repetere non possunt, quia hostium facta jam erant. Si enim propriæ res hostium non fuerunt, neque solenni bello aliis ereptæ, tunc non fiunt propriæ capientium, ut tamen Sumptus in rem facti sine dubio repeti possint.

7. Nec tantum res, sed etiam personæ Dominio capientium cedunt; quos enim licet occidere, hos multò magis servare licet ad serviendum. Unde jus vitæ & necis in servos, & facultas quilibet imperandi jure gentium rectè exercetur.

8. Servus tamen bello injusto, licet solenni captus, fugere salva conscientia non prohibetur. Resistere autem domino inique licet imperanti haud perinde potest, qua de re dictum *superius*.

9. Quod jus in singulos, idem in universos competit, ut victor eam Civitati formam det, quam voluerit, estque hoc imperium in victoris patrimonio. Imò & deleri forma civitatis & membrum alterius fieri potest, seu mutatione politica tantum, quam Franco Galli in usu habent, *Unionem* quam vocant; seu migratione in diversas terras, ut vetus historia frequenter factum commemorat passim.

10. Porro, ad personas & res privatas ab hostibus captas, jure gentium pertinet *Postliminium*, quod definitur: *Jus ex*

reditu in fines publicos. Estque duplex, Personale & Reale. Personale postliminium est, jus, quo is, qui captus ab hostibus & eodem bello reverfus est, perinde omnia recuperat sua jura, ac si captus non fuisset. singula verba expendamus.

11. *Captus*; nam transfugæ non habent postliminium, nec qui victi armis, hostibus ex pactione se dediderunt. *Ab hoste*; justum enim, id est, solenne bellum esse oportet: hinc atrociniis & civilibus bellis non opus est postliminio. *Eodem Bello*, nam qui pace facta revertitur, non habet postliminium, nisi expressum hoc sit. *Reversus*: nec interest; clam vel palam, vi an dolo reversus, idque in præsidia nostra, vel ad populos partium nostrarum. *Omnia sua jura*, tam quæ statum personæ ejus spectabant, quam quæ in dominio & in credito erant. *Ac si captus non fuisset*; ideoque & ea recuperat, quæ si mansisset apud suos, habiturus fuisset.

12. *Reale* postliminium efficit, ut res ab hostibus captæ, iisque iterum ereptæ prioribus Dominis restitui debeant, scilicet immobiles. Mobilia enim sunt in præda, nec postliminio recuperantur, nisi quæ res usum in bello habeant, ut tamen ab his arma & vestimenta excipiantur, quia hæc sine dedecore non amittuntur. Plura sunt hujus generis ad jus publicum directè pertinentia, plenà manu exposita in *prælo* ad Tit. *π. de Captiv. & postlim. revers.* quæ huc transcribere non libet.

13. Porro, ut sciamus, quid juris amplius belligeranti competat, teneantur hæc regulæ. *Prima*, Qui justam belli causam habet, huic omnia licent, quæ ad executionem causæ necessaria sunt.

14. *Secunda*, ei non dissimilis; Cui finis conceditur, huic omnia ad finem necessaria conceduntur. Hinc, qui in-

adit & in vitæ periculum adductus est, potest id propullare quovis modo, neque tenetur primum expectare ictum aut paribus uti armis. Regulam autem istam non metimur ex belli principio tantum, sed etiam ex post facto. Hinc in eum qui se hosti meo adjungit, idem licet, quod in ipsum hostem.

15. *Tertia Regula*; si finis obtineri nequeat, nisi plus faciendo, quam per se finis requireret, hoc perinde licere dicendum. Hinc plus capere ex hoste fas est, quam ille nobis debeat, ut tamen quod abundat, restituatur, deductis impensis, si bellum statim componatur. Ex eadem regula sequitur, posse etiam prohiberi alios, ne ad hostem ea deferant, ex quibus ad bellum instructor esse possit, idque facientes licere deprædari, modo publicè præmoneantur.

16. Eadem regula dicat, si per vim adsequi finem nostrum nequeamus, fas esse fraudibus uti; salva tamen fide & dignitate. Doli, qui in actu negativo consistunt, sine dubio licent; qui in actu positivo, hi aut in rebus aut in sermone committuntur. Qui rebus fiunt, cum non habeant certam & infallibilem significationem, sunt liciti: de his qui in sermone committuntur, ut mendacia, quibus fides non rumpitur, egimus copiose in *lib. 2. sect. 6. cap. 2.*

17. Cæterum, quæ supra dicta sunt, de jure occidendi, vastandi, capiendi & imperio subjicendi tam justo quam injusto Bello, multam capiunt limitationem ex regulis internæ justitiæ, & monitis prudentiæ, de quibus videndi, qui hæc ex professo tractarunt, *Grotius potissimum in lib. 2. & 3. de jur. bell. & pac.* Iniquitatem ista Politicæ magis, quam Juris; Ideoque nostro minus idonea proposito.

18. Porro, Naturalis obligatio, quæ ex fide data oritur, etiam viget inter hostes, quia promissio jus tribuit ei, à quo

acceptatur, nec aliud ad hoc requiritur quam ut rationis sit capax. Quod adeo verum est, ut nec latronibus nec tyrannis, qua talibus, fides data infringi possit, nisi remedio juris civilis, quod illos loco pœnæ, juris effectû privet.

19. Si quis hæreat, quomodo quem vitâ bonitque spoliare licet, hunc netas sit eo jure privare, quod è promissione nostrâ illi acquiritum est, ita cogitabit; Promittentem hosti aut latroni, qua tali, hoc ipso, renuntiare juri suo, quod habet, eû spoliandi iusto jure, præsentî promissione illi tributo, quam fore perfidiam ipsi Actui immanentem, statuendum est.

20. Si quis tamen præsentî metu sit coactus ad fidem dandam, hic non tenetur, nisi juraverit, quoniam Deo non obitat exceptio Quod metus causâ: Et hæc de obligatione interna; Nam jus externum latrones, quique societati hominum noxii sunt, nullum habere possunt.

21. Pacta quoque Summarum potestatum cum subditis eandem habent rationem, ut interno jure obligent, externo effectû vix possunt; sed hæc de re alibi dictum. Imò & perfidis servanda fides, sc: in diversis causis: rupto enim foedere ab uno, alter manifesto liberatur. Etenim nulla delictorum compensatio datur; sed quod ex contractu debetur, ratione compensationis recte eliditur.

22. Ad fidem, durante bello, pertinent Induciæ, per quas intelligitur conventio, ut partes ad tempus bellicis actibus abstineant. Sub quibus non comprehenditur resectio moenium, conscriptio militum: sed corruptis hostium præfidiis, sine vi munitiones eorum occupare, pugnat cum induciis; derelicta ab iisdem nihil obitat quin occupare liceat. Privatis factis induciæ non rumpuntur, nisi publice approbatis.

23. Pacta captivorum cum hostibus omnino valent, licet postea ignoratæ captivi-

captivi divitiæ emergant, licet eas quoque penes se habuerit, quia non facit suum capiens, nisi quod apprehendit. Dimissus sub conditione redeundi captivus, nisi faciat quod convenit, redire debet, etsi per ipsum non steterit, quominus iaceret quod se facturum receperat.

24. Pacta Ducum non obligant eos, qui summam habent potestatem, nisi de his rebus, quæ ducibus commissæ intelliguntur, quas inter sunt induciæ breviores, aut nisi ratum habuerint, ut jam antea dictum. Si dux aut legatus mandatum excesserit, quod arcanum fuit, nihilominus Summa potestas obligatur: si manifestus sit excessus, dux ipse duntaxat obligatur. Denique, & Is qui colloquium facit cum hoste, tacito pacto eatenus de non offendendo obligari intelligitur.

25. Conventio, quæ bellum finitur Pax est, quam inire potest is, qui summam habet potestatem; Quippe ducum pacta sunt, sponsiones, ut diximus in cap. de feder. supra. Per conditiones pacis etiam bona subditorum posse alienari ex dominio emittente sequitur, at sub conditione damnnum sarcindi è publico.

26. De damnis bello datis, si nihil convenerit, compensatio ab utraque parte intelligitur: sed quæ privati ante bellum invicem debebant, suo loco manere intelliguntur. Imò & hereditates, quæ, flagrante bello, jure intestati obvenierunt hostibus, jure gentium hodierno, ubi bellum fuerit finitum, peti possunt: quanquam de simplici rigore juris secus videri poterat.

27. Delicta, quibus populi unius cives erant obstricti civibus populi, cum quo bellum fuit, remissa intelliguntur, ne qua belli causa post pacem relinquatur.

28. Si dubitetur de interpretatione pacis, pronuntiandum est adversus eum,

qui legem clarius dicere potuit; quam Juris Privati regulam Æquitas etiam in publicis enixè servari jubet.

29. Rumpitur Pax, cum quid adversus pacta conventa committitur, quantum nova belli causa, pace etiamnum integra, hoc est, non violatâ, præberi potest, idque sæpius usu venire, docet abunde vetus & recentior Historia.

30. Facto subditorum rumpitur Pax; si Summa potestas id sciverit, attamen noluerit. Ejusmodi factum est, cum subditi illius quo cum pacem habemus, hostibus militant nostris.

31. Viceversa non modo, si respublica, sed etiam, si cives nostri lædantur, idque non vindicetur publice, ab altera parte, rupta Pax intelligitur; nisi vindicari nequeat, ut, si piratæ aut latrones sint. Rupta autem dicitur in favorem ejus, qui est læsus; quo acquiescente, Pax sustinetur.

32. Has positiones è priore librorum de Jure Civitatis Editione transcriptas potuisse latius deduci, quis neget? Sed moles operis, quod jam duplo seipsum superat, & quod plena expositio in immensum iret, nos ad Grotianam lectionem, atque ad auditionem vivæque vocis institutionem Studiosos remittere, cogit.

33. Nec est quod addamus magnoperè. Nam quæ post hæc de conservanda augendaque Civitate dici poterant, magis ad Politicâ spectant. Sed ut omnia orta intereunt, ita quoque Civitates & Respublicæ FINIUNTUR: Nam quod liberæ Civitates vulgo immortalis dicuntur, non nisi comparate intelligendum, quatenus singulorum moribus plurium Imperia non intereunt.

34. Sed extinguitur Civitas, vel ipsa multitudine extincta, vel ejus unione sublata Multitudo perire potest Inundatione, Terræ motu, Bellis. Unio tollitur, sublato omni imperio & communitate

te juris. Quod fit dissipatione hominum, Peste, Seditione, Bellis, Servitute publica, si tollantur omnes magistratus & Senatus, ut olim Capuæ factum à Romanis, imò integri populi in provinciæ formam ab iisdem redacti. Sed mutatio loci non extinguit Civitatem, si maneat ordo aliquis imperii, ut cum Athenienses, bello Medico, urbe deserta, naves conscenderunt.

35. Formâ quoque imperii mutatâ, neque Civitas neque respublica perisse censetur; quemadmodum populus Romanus semper idem mansit, sub Regno, Consulatu & Cæsaribus. Unde negari nec potest; intelligendum esse populum Romanum eundem hodie esse,

qui fuit olim. Et proinde ad eundem populum pertinere jura Veterum Romanorum, nisi quatenus præscriptione aliiisque juris gentium modis amissa fuerint, ut expositum est à nobis in *lib. 1. sect. 9. c. 7.*

36 Denique, nec justitiâ deficiente, Civitas nomen suum & jus Communitatis perdit, quam diu juncta manet Societas, juris, licet minus perfectè fruendi causâ; etsi quandoque scriptores aliter de Civitate per excellentiam dictâ loquantur: Ut ne barbari quidem Algerienses & Tunesani Civitates esse negari possint. His adde sis, quæ de modis, quibus finitur Summa Potestas, dicta sunt in *lib. 1. sect. 9. cap. 6.*

Errata, quæ obiter animadvertimus;

P. 97. n. 7. l. Valens & Valentinianus.

P. 115. & seqq. suprâ paginas. l. *Unitas* pro *Novitas*.

P. 190. n. 20. post *verè*: exciderunt hæc; *Cibum, sanguinem suum esse verè*

P. 313. n. 17. *Proavus* l. *Avus*.

P. 364. 17. l. *iporum*.

P. 369. n. 33. l. pluribus.

P. 455. n. in f. Adde, l. 32. *u. de Reb. Cred.*

P. 492. l. Sed *cum* lex.

Reliqua lectoris æquitati committimus.

F I N I S.

I N 2

INDEX.

- A**bdicatio summa Potestatis, ne quidem expactio, potest esse cum independentiâ. 271. 17.
- Abelgari, de Rationis usu in sacris sententiis 183. 4.
- Absoluta potestas oppugnata & defensa variis argumentis. 44. & seqq.
- Academiarum jus 366. est jus Majestatis. 89.
- Accessionis doctrina. 407. 21.
- Accusatio criminum, modus & jus ejus 549.
- Administrationis publica partitio. 473.
- Adoptionis jus 329. 17. & pag. seq. an nobilitatem propaget. 352. 47.
- Advenarum à civibus discrimen. 338. 29.
- Advocatus quid, & ejus officium. 225. 32. non officere nobilitati. 353. 66.
- Adulterii poena capitalis remissa quo jure mulieribus 315. pr. 362. 36.
- Adulterii crimen & poena 562. 35. capitalis poena an rectè mulieribus à Justiniano remissa 562. 36.
- Aequitas quid, & an habeat locum; in Satisfactione Christi, respectu Dei. 135. 69.
- Aequitas duplex, & usus utriusque. 485. 49.
- Aerarii jus & reditus. 573. 4. cap.
- Aerei nummi, an majore summa in visum solutum dari possint. 584.
- Aetatis differentia juris. 315. 27.
- Agriculturam non officere nobilitati. 354. pr.
- Agrorum publicorum usus & reditus. 573.
- Allenans regnum, & impeditus, an coprietur. 272. 33.
- Alienandi jus dominis prohibitum, quibus ex causis 411. 62.
- Alluvionis jus. 401. 26.
- Alvei jus. 400. 13.
- Ambitus crimen. 559. 24.
- Amissarum rerum jus recuperandi, secus ac Grosius. 393.
- Angariz & perangaria 9. 62.
- Anni Imperialis sententia. 596. 31.
- Annuos Imperantes aequè habere Summam Potestatem quàm perpetuos. 64. 48.
- Appellatio & jus ejus 569. 19. An & criminibus obtineat. 570. 21.
- Arbiter quid, & jus ejus. 526. 41.
- Arbitrii & Compromissi jus cum Imperio comparatum. 240. 5.
- Aristocratia ceteris Reipubl. formis prælata. 199. 9.
- Aristocratiz jus 229. 293. Specialiter de illâ, quæ ad possessores immobilium restringitur 231. 36. de Annua. 233. Et patrimoniali Aristocratia 236.
- Aristocratica potestas absolutior, quam monarchica. 54. 6.
- Armandia, jus Majestatis. 91. 65.
- Arrestum quid, & omne jus ejus. 530. 15.
- Asylorum jus. 83. 15.
- Avocandi à iudicibus jus Majestatis. 87. 77.
- Auctoritas principum à Legibus pendens. 56.
- Auth. Habita de jure Acad. exposita. 366. 10.

B.

- Balia Florentina quid. 295. 28.
 Banni Imperialis sententia. 526. 81.
 Beatitudo civilis. 31. 8.
 Belgarum Fœderata Resp: non una, sed
 multiplex. 67. 14.
 Belgæ quo jure Principi suo imperium ab-
 rogaverint. 306. 31.
 Belli jus Majestatis proprium. 84. 17.
 Belli jus, an & quatenus committatur
 Magistratibus. 94. 37. Exponitur totum
 630. Regula de jure belli. 631. 13.
 Bellum quid & quotuplex, & omne belli
 jus. 622. t. cap.

C.

- Canonicorum ab Ecclesiasticis bonorum
 differentia. 397. 42.
 Cambium qualis contractus. 554. 29.
 Corneadis sententiâ de jure Nat. ab Hob
 6. & Spin. non aliena. 19. 10.
 Cartesii de principio Fidei sententia.
 177. 7.
 Censuale regimen & jus ejus. 244.
 Censura ecclesiastica quam latè pateat.
 166. 18.
 Census ratio & jus. 581. 42.
 Charta magna apud Anglos & sanctio sin-
 gularis. 80. 55.
 Christum non solvisse aliud pro alio Pa-
 trisuo 129. 21. An etiam pro morte fi-
 delium temporali solverit, distincte ex-
 ponitur. 130. 25. Non dedisse no-
 vis fidelibus salutem per Fœdus, sed
 unice per Testam. 113. 34.
 Cicero adversus Grotium defensio. 95. 42.
 Civis quid sit & jus ejus 337. an idem
 possit esse in diversis civitatibus. 339. 23.
 Civis & incolæ an liberam & patriâ di-
 scedendi potestatem habeant. 339. 28.
 Qualitas & differentia civium. 344.

- Ordines eorum. 355.
 Civitas à Republ. quid discrepet, & Quæ
 sit una civitas. 32. 15. 18.
 Civitas quid, ejus numerus, an sine fa-
 miliis esse possit, an despotica Imperia
 sint Civitates. 31.
 Civitatis causæ impulsiva; metus à malis
 hominibus, & amor societatis. 28.
 Civitatis origo duplex, A consensu & à
 vi 29. 13. & 24. &c. Finis & interi-
 tus. 633. 34.
 Civitatum bona quatenus alienari possint.
 146. 5.
 Clericorum ordines in Ecclesia Romana.
 379. & seq.
 Commissorum jus. 403. 43.
 Communio bonorum inter conjuges. 320.
 21.
 Communionis primæ doctrina. 315.
 13.
 Communium & publicarum rerum ad-
 ferta differentia. 387. 80.
 Compromissi Arbitrarii cum jure Imperii
 comparatio. 76. 73.
 Concubinatus. 321. 25.
 Condominatus & jus ejus, an à monarchia
 diversum 201. 6. quos modis fiat. 202. 16.
 Conjugum jus & obligatio inter se. 324.
 Conscientia quid & quatenus ex Legibus
 obligetur. 487. t. cap. & an errare pos-
 sit. pr. d. cap.
 Contributiones hostium. 852. 47.
 Consuetudinis auctoritas. 486. 53.
 Contractuum jus. 448.
 Contractus inter Imperantes & subjectos
 an & qualis detur. 301.
 Conventus fidelium non esse subjectos Im-
 perii Potestatum. 156. 2.
 Corruptionem hominis subitam fuisse, non
 ex usu & habitu. 5. 8.
 Creditoris definitio. 132. 49.
 Crellii sententia de Redemptione refellitur.
 140. 13.
 Crimen quid. 433. 15.
 Cujacii sententia, de Principe & populo po-
 testatem

reftatem in fe ipsum habente, refellitur. 59. 28.

D.

Danici Imperii è legitimo in absolutum mutatio, quo modo facta. 299. 35.

Delicta varia & pœna. 558.

Democratiz jus & diverfitas. 239.

Democratice Status fundamentum. 35. 27.

Democratice fœdus, quo pars minor majori subjicitur, eos qui sunt in majori parte reos etiam perfidiz facere potest. 37. & seqq.

Devolutionis jus in Brabantia & alibi non pertinere ad Summi Imperii successione. 228. 18.

Derelictio Summi Imperii qualis. 272. 23.

Pro Derelictis habita jus occupandi, & quid si desperata res fuerint. 394. 11.

Devotio unde dicta, quid sit & quoti-plex. 602. 26.

Deus, utrum ut Creditor, an ut iudex, an ut Rector Supremus, respectu peccatoris sit considerandus. 131. 38.

Adhuc significare dispositionem, tam inter vivos, quam Testamentariam. 115. 11.

Discretio turpis & honesti, quatenus sit insita menti & homini congenita. 6. 4. & seqq.

Dispensatio quid, & an locum habeat in doctrinâ satisfactiois Christi. 136. 81.

Divortiorum jus. 326. 19.

Doctrina studiorum, an conducatur ad prudentiam civilem. 346. 34.

Dolentium de Republi. Querela. 558. 17.

Domania, an ab Optimatibus in Aristocratiâ magis alienari possint, quam in Regno. 41. 63.

Dominatus & Regni differentia. 205. 15.

non esse Dominatum per se Tyrannidem. 206. 34.

Dominicarum jus rerum. 403. 38.

Dominium Eminens quid. 85. 38.

Dominium parere obligationem, & qualem. 457. 10.

Dominium ratione juris publ. 405.

Donatio ex jure G. contractus consensualis. 453. 23. ubi & jus ejus.

Dubitationis principium Hobbesio exercitum, quo successu. 172. à pr.

Duella quando licita. 626. 20.

E.

Ecclesia quatenus est Universitas, quid jure habeat. 371. ejus regimen non esse mere Ecclesiasticum. 159. 31.

Ecclesiz Romanæ Hierarchia. 379.

Ecclesiam universalem totius mundi visibilem nec fuisse nec dari posse. 103. 20. 30.

Ecclesiam Pontificiam videri esse Rempubli- cam. 272. 20.

Ecclesiastica bona in profanos usus converti non possunt. 395. 20. Rursum. 396. 36.

Ecclesiasticorum bonorum jus. 159. 44. & seqq.

Ecclesiz jus an & quale sit apud Summam Potestatem. 101. & seqq.

Ecclesiz caput an detur in Terris. 160. 51.

Ecclesiis quoque deberi securitatis publicæ Tutelam 593. 190. non tamen ecclesiis prohibitis simpliciter. 593. 21.

Ecclesiz visibilis externa ratio exponitur 144. toto cap. Ejus deformitas & reformandi spes. 145. 17. Subordinatio Ecclesiarum unde oritur. 148. 41.

Electiois Regiæ jus. 212. 4. cap.

Electiois & postulationis canonice discrimen. 380. 7.

Emphyteusis jus obiter, 417. 18.

Empionis venditionis jus. 450. pr.

Episcopatus Constantini Magni, ex vero expositus. 150. 21.

Episcopus

Episcopi *simul Principes, unde.* 213. 13.
 Eraclianorum *de jure S. P. circa sacra sententia* 150. 12. *refellitur à pr. cap.* 167.
 Excommunicatio *quam late pateat, an etiam ad peccata in regimine civitatis commissa produci queat.* 167. 19.
 Executio *sententiarum qui fiat.* 568.
 Exercitores *an singulis in solidum teneantur.* 456. 5.
 Exheredationis *ius.* 465. 26. & 470. 19.
 Expolitio *infantium, licet incestuosorum, nefaria.* 329. 10.
 Expromissionem *esse sponsonem, quâ debitor vetus perfectè liberatur.* 122. 10.
 Exteris *quæ debeantur* 604. *plerumque aliam esse rationem juris interni hac parte, & externi* 605. 4. *In externos quid liceat, aut non.* 605. 5.
 Exteris *sibi invicem debere mutuam Legum & jurisdictionis suæ observantiam, quomodo & quatenus.* 606. 11. *ad fin. cap.*
 F.
 Familia *quid, & jus ejus.* 316.
 Femine *an imperio Reipubl. admoveri possint.* 203. 32. 224. 40.
 Famulorum *ius.* 336. 30.
 Feudi *servitia per se non tollere summam potestatem.* 69. 41
 Feudorum *ius totum compendio expositum.* 418. & *seqq.*
 Fideicommissi *ius obiter.* 415. 28.
 Fidei *confessionem non esse subiectam summæ potestati.* 156. 1.
 Fidejussionis *ius.* 452. 20.
 Fidem *non esse conditionem salutis acquirendam, sed instrumentum & modum acquisitionis.* 100. 27.
 Fides *hostibus, tyrannis, latronibus data cur servanda.* 632. 18.
 Fiscalium *rerum jus.* 403. 41.
 Filii *ius, Majestatis.* 90. 40. & *seqq.*

Fluminum *ius.* 399. 3.
 Fœdera *quatenus mutent Summam Potestatem.* 64. & *seqq.*
 Fœderatos *se invicem jus cogendi habere, salvâ singulorum potestate summa.* 68. 25 & *seqq.*
 Fœderum & sponsonum *discrimen.* 85. 27
 Fœdus *quid & quotuplex. Non esse justæ fœdera, quibus socii ad omnia bella promiscue obligantur: sed nec obligationem inde ad bellum injustum oriri. An cum infidelibus licita sint fœdera intra, disputatur: item, an morte contrahentium finiantur. De sponsonibus earumque effectu. De interpretatione fœderum, & Cautione certitudinis illorum ac observantiâ.* 619.
 Fœdus *inter Deum & populum Hebræorum cujusmodi.* 47.
 Fœdus *Dei cum Ecclesiâ, non nisi unicum esse, quo veteribus bona Testamenti clausi præfirmata sunt.* 109. & *seqq.*
 Ejus *intervalla & repetitiones.* 112. 21.
 Fœdus *inæquale an & quando deroget Summæ potestati.* 67. 21.
 Fœneratores *an justum inter cives ordinem faciant, & Fœnus an sit licitum.* 356. 20.
 Fœturæ *ius; contra Gros.* 406. 14.
 Fœtus *in utero jus* 312. 7.
 Fori *competentis doctrina ex ratione Juris publici. privilegia.* 538. 534. 25.
 Frisicæ *status regimini.* 233.
 Frisii, *ut seculo decimo quinto egerunt, in exemplum status naturalis & belli omnium contra omnes propositi.* 10. 7.
 Fructuum *rei alienæ acquisitio.* 459. 18. *Quæ causa sit illius acquisitionis.* 19.
 Fructuum *perceptio quo jure nitatur.* 406. 17.
 Fundamentalium *Legum obligatio & sanctio.* 305.
 Fundamentalium *Imperii Legum doctrina.* 78. 11. & *seqq.*

G.

- Galliarum Regum Successio quo jure aliquoties mutata. 273. 38.
 Germaniarum Imperium non esse unum 34. 20. non esse unam Rempubl. 67. 17.
 Germaniarum Principes vero summam potestatem habere. 93. 20. & seqq.
 Germanici Imperii status. 247. 19. c. 275.
 Grotii doctrina Hobbesiana opposita. 17. 54.
 Grotii sententia de Satisfactione detegitur & refellitur. 29. 18.

H.

- Hebræorum vetus Imperium ante Reges fuisse Theocraticum. 30. 31.
 Heredis institutio, & jus ejus. 464. 19.
 Hereditas quid, & modi, quibus defertur. 461.
 Hereditatis acquirenda jus. 409. 51.
 Herelis an crimen. 560. 29.
 Hæreticorum & heterodoxorum pœnæ. 160. 62. & pag. 65. 29. Hæresis quid ib. 16. p. 30.
 Herile jus in servos. 334.
 Hermaphroditi jus. 314. 22.
 Hierarchia Ecclesie Romanæ. 379.
 Hobbesii de jure S. P. circa sacra. sententia. 150. 15. refellitur. 169. 6.
 Hobbesii sententia, quod Summa Potestas minui non possit, refellitur. 71.
 Hobbesii Jus naturæ exponitur & refellitur. 9. & seqq.
 Homicidii crimen & pœna. 561. 33.
 Hospitiorum militarium usus & abusus. 576. 14.
 Hussus Job: quo jure destitutus à Sigism. Imperatore. 597. 36.

I.

Imago Dei qualis.

p. 5.

- Imperia voluntaria sepe magis è tacita quam expressa populorum voluntate oriuntur. 30. 33.
 Imperia non oriri immediate à Deo. 29. 27. & seqq.
 Imperii jus non mutari ex forma Reip. nec quidem herili aut civili modo imperandi; nec patrimonialis aut usu fructuarii, Successoris aut Electivi juris discrimine. 61. & seqq.
 Imperii vim in Aristocratiâ & Regno non esse minorem, quam est majoris partis in Democratiâ. 40. & seqq. Cur hoc vulgo facilius in Aristocratiis, quam in Regnu admittatur. 42. 36. & seqq.
 Imperii vis in populos qua sit, anceps quaestio. diversitas opinionum hac parte. 33. & seqq. Imperii involuntariis obligatio. 34. In voluntario tantum esse jus Imperii, quantum populi esse voluerunt, 34. 18. 19. cui opposita Hobbesii sententia exponitur. 34. 21. Decisio adstruitur è Natura Status Democratici. 35. & seqq.
 Imperii jus cum Arbitrio compromissario comparatum. 76. 73.
 Imperii jus totum copiose expositum. 285.
 Imperium an à jurisdictione distinctum sit. 514. 518. 23.
 Imperium Civitatis nihil aliud, quam Unio voluntatum, ejusque gradus. 29. 9. & seqq.
 Imperium legitimum fieri posse absolutum, & vice versa. 98. 16. & seqq.
 Imperium Civitatis simpliciter constitutum quid contineat. 35. & seqq. Exceptiones ab ejus obligatione. 36. 39. & seqq.
 Imperium mutua subjectionis refellitur. 43. 50.
 Inauguratio Principum, 474. nihil eam novi juris inferre. n. 9. 17.
 Incolatum à civibus discrimen 338. 18.
 Independentium de jure S. P. circa sacra sententia. 150. 9.
 Indica societas apud Belgas & jus ejus 364.
 M m m m 2 Indu.

Induciarum jus. 632. 13. 22.
 Infames an jure suffragii popularis gaudeant. 239. 38 & 242. 35.
 Infamia notatos restituendi jus, Majestatis. 89: 26.
 Inhonesti varii gradus. 8. 28.
 Instrumenta probationis. 546. 18.
 Insularum fluvialium jus. 400. 19.
 Invasor Imperii & quid meum liceat 251.
 Inventa, dominis incertis, non fieri inventorum, & quid juris in illis. 458. 12.
 Invitum quotuplex. 321. 31.
 Involuntarii jus Imperii. 248.
 Israëlitarum potestas Regum. 511. 12.
 Judex quid & qualis. 421. 11.
 Judiciis cessantibus, incipit bellum. 626. 20.
 Judiciorum potestas, Majestatis. 87. 74.
 Judiciorum potestas nunquam à summâ potestate penitus alienatur. 95. 52.
 Judiciorum ordo. 542.
 Judicium duplex quid & personæ ejus. 420.
 Jurare an liceat in leges injustas. 483. 40.
 Juris naturalis obligatio, unde nascatur, quâ de re diversæ sententiæ exponuntur. 6. 18. & seqq. Immutabilitas hujus Juris quomodo accipienda. 8. 24. Divisio in præcipiens, permittens, svadens. 8. 25. & seqq.
 Juris civilis studium in Occidente instauratum. 367. 18.
 Juris civilis à municipali discrimen. 95. 46. & pag. 479. 14.
 Jurisdictio quid, quotuplex, & omne jus, nec ab Imperio in hac Arte distincta. 514.
 Juris in Re species. 405. 3.
 Jurisdictionis alicujus civitatis apud externos effectus. 10. 32. adf.
 Jus Romanum an merito in usum reductum à Lothario Imper. 86. 64.
 Jus belli exponitur. 630.
 Jus pro regula actuum moralium. An origo ab injusto dependeat. Causa Juris, superior potestas, etiam Par; quod probatur. Jus etiam summi profacultate a-

gendi vel habendi. Juris in priore sensu divisio, in Naturale & Voluntarium. Hoc rursus in Divinum & Humanum &c. De Jure Gentium publico. De Jure civili publico. Hoc opus, esse de priori, & ratio ejus instituti. Differentia Juris publici universalis à Politica. Possitne Justitia in Republ. exacte servari. Inventio & definitio hujus Artis. E Quibus præceptis colligatur. p. 1. & seqq.
 Jus naturale Hobbesianum examinatur. 9. & seqq.
 Jus, pro facultate habendi & agendi quotuplex. 27. 20 & seqq.
 Jus Gentium, an à Jure naturali distinctum. 21. & seqq.
 Jus aliquod nature futurum fuisse in statu primævo, etsi longe diversum ab eo, quod nunc est. p. 5. n. 6. 6. 7.
 Jus divinum quid, quotuplex & ejus obligatio. 24. & seqq.
 Jus nature definitur. 5. 10. Exegesis definitionis. 6.
 Jus nature an respectu Dei sit immutabile. 19. 17. An immediate sit in sculptum cordibus hominum. 20.
 Jurisjurandi obligatio & effectus. 45. 22.
 Jusjurandum Summæ Potestatis quem effectum habeat. 269.
 Jusjurandum valere, solum invocationem Numinis. 545.
 Justitia an quibusdam negari possit, & quid de receptoribus aleatorum hac parte jure civili proditum sit. 495. 27.
 Justitia negata à Judice, vel à Principe, an locum faciat bello. 420. 4.
 Justitia & ejus divisio vetus ac nova. 26. & seqq.

K.

Kipons & Neguejans distinctio. 110. 8. 12

L.

L.

L. 5. π. de Just. & Jur. de jure Gentium
 expofita. 30. 36.
 Labadix inflitutum in reformandâ Eccle-
 fiâ. 373. 28.
 Legitimandi jus, Majestatis. 89. 13.
 Legatorum definitio, Quatenus Summa
 Potestas in mittente requiratur, & quid
 juris, ubi de Summâ Potestate dubita-
 tur. Differentia Legatorum. Quæstio-
 nes de illis duæ ventilantur, pri-
 ma, an, & quibus ex causis non
 admitti possint; dein, An unquam ul-
 lârve causâ lædi vel puniri queant, ab
 iis ad quos mittuntur, aut res eorum à
 creditoribus detineri. De jure Legato-
 rum, qui pariter subditi sunt borum, ad
 quos mittuntur. Item, an Legati juris-
 dictionem & jus asyli habeant. p. 613.
 Leges condendi jus, Majestatis. 86: 55.
 Leges ferendi ars difficillima. 476: 19.
 Leges fundamentales & earum doctrina.
 78. 11. & seqq.
 Leges de Patrimoniis civium latas non per-
 tinere ad jus Summæ Potestatis. 87: 67.
 Leges an & quatenus obligent conscien-
 tiam. 487. t. cap.
 Legitimationis jus. 329. pr.
 Legum fundamentalium & Privilegiorum
 discrimen. 81: 66. & seqq.
 Lex quid, quotuplex, & omnis ejus na-
 tura exponitur. 477.
 Libere Reipubl. bene stabilitæ potentiam
 longe majorem esse quam Regni. 199:
 15.
 Liberis Germania populis Imperator do-
 minos imponere non potest. 214: 38.
 Liberorum & parentum jus. 328.
 Legum alicujus civitatis effectus apud ex-
 teros 606: 11. usque ad. 610: 32.
 Ludovici Sforca contra fratrem super
 Ducatu Mediol. controversia. 223: 25.

M.

Magis crimis. 364: 48.

Magistratus non esse eos, qui Summum Re-
 publ. Imperium tenent. Jus creandi Ma-
 gistratus esse Magistratus. 87: 69 & seqq.
 Magistratus nunquam præscribere posse
 contra Summam Potestatem. 97: 9.
 Magistratus quid & omne jus ejus 505.
 II. Nomen ejus an conveniat Summa
 Potestati 505: II. divisiones. 507: 21.
 Magistratus nihil habere independenter à
 Summa Potestate. 92: 6. & seqq.
 Majestas quid proprie, 57: 4. pro Sum-
 mâ Potestate accepta quid sit n. 8. non
 bene dividi in personalem & Realem n.
 11. Nec in delegantem & delegatam.
 58: 17.
 Majestatis jura quo sensu incommunicabi-
 lia. 62. r.
 Majestatis jus inalienabile. 921. 4. & seqq.
 Majestatis crimen. 557: 13.
 Majestatis jura minora. 88. & seqq.
 Majestatis jura majora. 83. & seqq.
 Mandati jus. 451. 15.
 Mandatum an rectè ponatur ut princî-
 pium Imperii voluntarii. 287. 297. 307.
 Mandatum an & quando Imperii causa
 sit 45: 12. Imperium simpliciter consti-
 tutum non esse ex Mandato. 285. & seqq.
 Mare an occupari & in dominium redigi
 possit 390: 27. ubi & distinctio Grothii
 inter Imperium & dominium respicitur.
 392.
 Mastuprationis pena. 563: 40.
 Matrimonii jus. 319.
 Matrimonii jure sanguinis prohibita ratio.
 323.
 Matrimonium per vim, per errorem, sub
 conditione, sub modo initum an valeat.
 322.
 Mennonitarum adseveratio an pro jura-
 mento sufficiat. 545. 16.
 Mercatura an officiat nobilitati. 354: 69.
 Mechanici artifices laudantur. 357: 32.
 Mendacii vitium quâ in re consistat. 438.
 5. & t. cap.
 Mente capti quotuplices, 346: 26.
 M m m m 3 Meum

Meum & Tuum fuisse ante civitates. 15: 17.
Milites non facere ordinem in civitate proprium. 357: 34.
Militia perpetua opprimi libertatem populorum. 55: 14.
Militiam alere perpetuo mercenarum, an fas sit Imperantibus. 590: 8...
Mixta Respubl. quo sensu detur, aut non detur. 79: 30.
Mobilium & immobilium rerum differentia juris publici. 388. t. cap.
Monarchæ, & eorum differentia. 382. 25.
Monarchiæ jus. 201. t. cap.
Monarchiæ constituendæ modi, Electio & Successio. 207. t. cap.
Monarchicum institutum huic seculo proprium. 54.
Monetæ jus 583: tot. cap. ad Majest. spect.
 90: 38.
Monopolia an aliquando licita. 365: 27.
Morganaticæ matrimonium. 321: 27.
Morum disciplinam non esse severiorem in novo Testamento, quam fuit in veteri. 25: 27.
Munera publica in ætatis Levamentum. 576: 12.
Muneris & honoris discrimen. 508: 7.
Municipis à civitate discrimen 338: 22. & totum jus ejus. 341.
Mutua subiectio in Republ. refellitur. 43: 50.

N.
Naturæ jus, an & quatenus obliget conscientiam. 491: 28.
Naturam hominum esse, ut se mutuo ledere velint & soleant. 10: 6. & seqq. & potentior imbecilliorum opprimat. 12. 15.
Naufragorum bona recte Fisco vindicantur. 91. 51.
Negotiorum gestionem parere obligationem naturalem, secus ac Grotius. 455. 2.
Nobilitas quid, & jus ejus. 347.

Nomina non arguere Summam Potestatem. 64: 54.
Notarii, illorum officium. 546: 19.
Notarios & comites palatinos creandus, Majestatis. 89: 14.
Nullitatis querela contra sententiam. 569: 19.
Nundinarum jus, Majestatis. 89: 16.

O.

Obedientia passiva qualis. 290: 18. 300: 50.
Obligatio Summæ Potestatis è contractu. 264.
Obligatio ad penam an recte esse dicatur. 434: 20.
Obligatio naturalis quotuplex. 81.
Obligationis realis & personalis distinctio in doctrina Satisfactionis improbat. 131: 31.
Officium Publicum quid, quotuplex, & omne jus ejus 503. t. cap. An vendi possit. 512: 50.
Optimates an Imperium Civitatis Aristocraticæ in unum transferre possint. 232: 40.
Ordinum conventus in Regnis, an Senatibus recte appellantur. 500: 34.
Originalis Hominum integritas ex sententiâ gentilium, Grotii & aliorum, qui non nisi in affectibus, & usu habituque illam constituunt. Qualis è sacris Literis intelligenda sit. p. 45.
Originem non tribuere Forum è domicilio separatum, ex ratione juris Gentium. 536: 13.

P.

Pacis inveniendæ jus, Majestatis. 84. 22.
Reliquum jus Pacis. 633. 25.
Pacta Gentilitia de Successione. 214. 35.
Pacta cum Imperantibus non augere, sed minuire

- minuere jus Imperii.* 287. 24. 299. 35. 303. 33.
- Pactiones Magistratum de officiis Reipubl. quatenus illicitæ.* 95. 49.
- Pactorum jus.* 442.
- Pajoni Galli de operatione immediatâ Spiritus S. sententia.* 174. 6.
- Parentum & liberorum jus.* 328.
- Parlamentorum jus.* 500. 34.
- Parricidii crimen & pœna.* 561. 34.
- Partus Legitimi tempus.* 313. 14.
- Pastorale munus & Politicum an misceri possint.* 101. 7. & 102. 8.
- Pastores Ecclesiarum quatenus à potestate civili interdici possint.* 159. 41.
- Pastores & Doctores habendi jus, esse mere Ecclesiasticum, non æquè modum eligendi vel approbandi.* 157. 9. & 159. 34.
- Approbatio Pastorum non reddis rationibus.* 159. 40.
- Patriæ potestatis jus.* 330. 22. *Quibus modis finiatur.* 332. 42.
- Patrocinium ab exteris implorare civibus nefas.* 591. 13. & seqq.
- Patris, unde cuique certitudo.* 313. 20.
- Patrum-famil. regimen ante diluvium non videri obtinuisse.* 102. 17. & seqq.
- Peculatus crimen.* 559. 21.
- Pecuniæ origo, materia & omne jus.* 583. *valorem ejus non tantum pendere ab arbitrio Summæ Potestatis, sed etiam ab usu mercaturæ.* 587. 14.
- Perduellionis pœna.* 558. 19.
- Permissionem esse virtutem Legum, secus ac Puff.* 481. 29.
- Permissionis & tolerantia discrimen.* 481. 27.
- Perpetuitatem non esse vocem Summi Imperii.* 64. 46. & seqq.
- Persona quid, & jus ejus.* 311. s. cap.
- Pluralitas suffragiorum arguit dependentiam politicam.* 164. 30.
- Polygamia an adulterii spectet.* 562. 35.
- Pœdantismus quid.* 346. 36.
- Pœna quid, quotuplex, 554. an remitti possit.* 556.
- Pœna quid & jusejus.* 432. 6. 554.
- Pœnam aliis ob aliena peccata proprie non infligi.* 48. n. 48. & seqq.
- Pontificiæ Exemptionis Fori Emptio.* 539. 29.
- Pontificiorum sententia de jure S. P. circa sacra.* 149. 3. *refellitur.* 165. 6.
- Populi conventus agi diversis locis, septisima politicum esse.* 72. 27.
- Populi jus contra Principes duplici imprimis modo custodiri.* 75. 66.
- Populi voluntatem non posse non esse causam Imperii voluntarii.* 29. 27. 208. 7 & seqq.
- Populos Rectoribus suis semper esse superiores, præva sententia, & refellitur.* 44. & seqq.
- Populum, constituto Imperio, juri albi quid retinere posse, probatur.* 71. 18.
- Possessionis jus explicitum.* 412.
- Postliminii jus expos.* 631. 10.
- Postulationis & Electionis Canonica discrimen.* 380. 7.
- Præfecturæ quid à Magistratibus differant.* 510. 41.
- Prærogativa quid & unde dicta.* 83. 2.
- Præscriptio an & quatenus locum habeat in juribus Summæ Potestatis.* 97. & seqq. *ejus fundamentum. n. 7. & 99. 28. quo tempore committatur.* 100. 48.
- Præscriptionem temporis immemorialis non requirere bonam fidem.* 100. 50.
- Præscriptionis jus.* 408. 32. 42.
- Presbyterianorum sententia, de jure S. P. circa sacra.* 149. 4. *Examinatur.* 166. 12.
- Præfides an Magistratus sint.* 508. 3.
- Præsumptio Juris & facti.* 547. 24. 25.
- Principatum non significare Latine Summam Potestatem.* 64. 55.
- Principem Legibus esse solutum, quo sensu.* 77.
- Principem non habere, nec posse habere jus in se ipsum.* 59. 261.
- Principes imperii partes sibi non delatas exercent.*

- exercerent privati loco habendum. 75.
60.
Polygamiz inutilitas. 320. 11.
Principis potestas ex jure Rom. & literis
sacris. 49. & seqq.
Principum bona quatuplicia. 402. 36.
Principum obligatio e contractibus. 264.
Privatorum agros, securitatis publicæ cau-
sa occupari posse, sub caus. 592. 18.
Privilegia. 481. 25.
Probationum species. 543.
Procurator judicialis, officium ejus. 524. 28.
Promissio alii facta an valeat. 444. 16.
ubi cum Grotio disputatur.
Promissio ob rem turpem an obliget. 44. 14.
Prorogam Jurisdictionem non esse, nisi
de persona ad personam. 518. 34.
Provinciarum omnes, universitates. 375.
118.
Psalms 51. vers. 6. intellectus. 49. 53.
Publicarum & communium rerum adser-
ta differentia. 387. 30.
Publicatio bonorum, an licita. 852. 45.
Publicanorum jus & officium. 577. 18.
Publicæ res quotuplices. 398.
Puffendorffii sententia de juris naturæ
dictatu. 20. 19.
Punire, si sine licitum tantum, an neces-
sarium. 432. 9.

Q

- Quakerorum adseveratio an pro juramen-
to sufficiat. 545.
Quæstio per tormenta, modus & meri-
tum eius. 549. 32.

R.

- Ratio Status quid. 86. 52.
Ratiocinando sæpe amitti per persuasionem
Euangelii à puero indutam. 185. 20.
186. 31.
Rationem non esse principium auctoritatis
Legum. 480. 23.

- Rationis Lumen hodiè non omnino extin-
ctum. 5. 9. Ratio & dictamen rationis,
an differant. 6. 12.
Rationis & Spiritus sancti concursus in
cognoscenda divinitate Sacra Scriptura
& fide christiana, fuse lateque expo-
nuntur. 173. & seqq.
Redemptio à Christo facta generis humani
ex natura Emptionis venditionis, cum
sacris literis collata exponitur. 138. cap.
7.
Reformati in Gallia, quo jure se habue-
rint. 82. 76. & seqq.
Reformationis Civitatum quis & quando
sit usus. A quo institui, à quibus peti
possit. Exempla Lycurgi & Solonis in
in hanc rem examinantur. Singulos ci-
ves non habere jus aliud, quam conque-
rendi & Supplicandi; & hoc ipsum ali-
quando posse prohiberi. Nefas esse peti-
tionem Reformationis extra Rempubl.
institui. Materia Reformationis in ge-
nera divisa; & de Ecclesia defunctorie;
598. cap.
Rege Imperio jure privato, an & here.
des exclusi videantur. 214. 32.
Regalia quid. 83. 2.
Regiæ Legis sententia. 50.
Reginarum mariti, an & quando Reges
202. 23.
Regium Jus Samuelis 5. 11. & seqq. a-
liud jure divino præscriptum. 53. 29.
Regni simpliciter delati jus. 297.
Regnum in dubio Electivum, an Successo-
rium videatur. 209. 19. &
210. 32.
Regnum heroicum, Asymmetricum, La-
conicum, non esse distinctum regni spe-
cies, quod ad juris juris rationem atti-
net. Non nisi duas esse tales, Regnum
καυσαλιχθι & Dominatum, βαββαχθι.
Definitio utriusque & differentia. Pos-
se & justum esse Dominatum. Quo jure
subditi bello victi ad obsequium obli-
gentur. Nulla in re Despotas videri po-
ssunt.

pulis obligatos, nisi, ne totam perdant civitatem. 234. cap.
Sacræ Scriptura auctoritas quo principio nitatur. 173.
Salvi conductus litera. 596. 32. *an securitatem judicalem præstent.* 597. 76.
Sanctarum rerum jus. 398. 56.
Satisfactio quor. modis accipiatur, & quomodo in eâ lusuris Grotius. 127 tot. cap.
Satisfactio & liberalis remissio quomodo conveniant. 137. 89.
Securitatæ publicæ ratio & jus. 589. s. c.
Securitatæ publicæ tutelam non negandam excommunicatis, nec hæreticis singulis, nec quidem omnino maleficis, aut iniustis possessoribus. 593. 22. *Quinam ab illa excludantur. & diversi gradus exclusionis ejus.* 595. 27.
Senatum auctoritatis in approbandis Principum Actis, per se non derogare juri Summæ Potestatis. 65. 59.
Senatus quid, quotuplex, & omne jus ejus. 495. s. cap.
Sententia quid, & effectus. 655.
Sententia lata an corrigi possit. 567. 8.
Sententiarum diversarum conjunctio in rebus iudicandis qui fiat 566. 4.
Sermonis commercium, & jus ejus. 437.
Sepulchrorum jus. 398. 57.
Servitutis jus, obiter. 416. 38.
Servorum jus, & numerus olim ingens. 334. *Reckene sublata servitus.* 33. 26.
Sexus differentia juris. 314. 24.
Societatis jus. 451. 14.
Socini sententia de Satisfactione refellitur. 130. 26. & pass.
Specificationis jus. 405. 9.
Spinozæ jus natura expositum. 18.
Sponsonis à fadere differentia. 621. 17.
Sponsonum & faderum discrimen. 85. 27.
Sponsonum jus. 452. 21. & 455. 30.
Spuriorum & naturalium liberorum discrimen. 344. 9.
Status naturalis quis, 9. & seqq.
Status belli, 10. 8.

Stipulatio ex Jure Gentium, contractus consensualis. 452. 18.
Studioſi an renuntiare possint Fori sui privilegio. 369. 27.
Stupri crimen. 562. 37.
Substitutionis jus. 464. 22.
Successio ab intestato secundum jus Nat. exponitur. 467. *comparatur cum jure Rom. & moribus aliis.* 470. 24.
Successionis Regiæ jus, primo simplicis hereditariæ. 215. s. cap. *Tum institutivæ.* 221.
Successorum declaratio, vivis Regnantibus. 226. 55.
Suffragandi jus & mos in democratiâ 243. 49.
Summa Potestatis non nisi unica. 581. 21. *quatenus per fœdera mutetur.* 66. & seqq. *Non potest se ipsam obligare* 59. 24. & seqq.
Summa Potestas ut finiatur. 270.
Summam Potestatem minui & coarctari posse Legibus. 71.
Summæ Potestatis jus circa sacra, quotuplex. 149. s. cap. *vera sententia exponitur.* 152. & s. cap.
Summæ Potestati omnia subjici, præter excepta specialiter & à Deo determinata. 132. 165. 3. *qua sint à Deo præscripta specialiter.* 133. 18.
Summæ Potestatis obligatio è contractu. 264.
Summum Imperium non esse, nisi unum. 92. 13.
Superioritas Territorialis reverè à summæ potestatis Reipubl. non diversa. 67. 19.
Supplicatio contra sententias. 572.
Syllæ, jus faciendi quod vellet, Lege delatum à pop. Rom. 72. 23.
Synodos & Classes quæ tales, habere dependentiam Politicam. 164. 34.

T.

Tempus, quo Præscriptio committatur. 100. 48.
*Testamenti præter leges condendi jus, Mar-
 sestæ*

- testatis.* 96. 29
 Testamentaria successio, ex Jure natura
 exposita. 462. 5.
 Testamentum, quid eâ voce designetur in
 sacris. Διάτης significare dispositionem
 tam inter vivos, quàm ultimam vo-
 luntatem. Testamentum sine mortis res-
 pectu, nullum intelligi. Dispositionem
 Patris Dei, quâ Filio dedit electos in
 hereditatem, non esse Testamentum. Re-
 moventur objectiones. Refelluntur alia
 Testamentorum Dei specimina. Deum
 Abrahamo non fecisse testamentum.
 Nec in deserto Sinaitico Testamentum
 esse factum, remotis objectionibus. Non
 esse, nisi unicum in verbo Dei Testa-
 mentum, Christi morituri. Testamen-
 tum vetus & novum specie non differre:
 Sed vetus esse clausum & mysticum;
 Novum esse idem apertum & clarum. E
 Testamento Christi hereditatem creden-
 sibus, sine ulla conditione & absque
 fœdere, deferrî. seqq. Removentur ob-
 jectiones aliæ contra unitatem Testa-
 menti. 105. & seqq.
 Testatum simul & intestatum mori, non
 esse contra jus Nat. 410. 57.
 Testes quinam admitt. aut probibeantur
 in judicio. 543. 8.
 Testimonium Spiritus S. quid & quale.
 154. 30. & cap. 5.
 Theologi an Reipubl. rectè admoveantur.
 358. 40.
 Theophili Imp. Severitas. 416. 42.
 Thesauri jus. 395. 19.
 Timocratia quid & jus ejus. 244.
 Tolerantiæ & permissionis discrimen.
 481. 27.
 Tormenta in Criminum inquisitione rectè
 adhibeantur. 549. 32. 33.
 Traditionis doctrina jure Nat. 407. 29.
 Trajectimum Fœdus Belgarum populos non
 conjunxit in unam Remp. 67. 14.
 Transactionis jus. 554. 25.
 Tributi ex fœdere solvendi Legem non de-
 rogare juri Summæ Potestatis. 62. 38.
 Tributorum jus, Majestatis. 85. 30.
 Tributorum usus & modus. 574.
 Tutelæ Regiæ jus. 226. cap. 8. Testamen-
 tariam Electoralem, aut Regiam non
 præferri Legitima. 227. 14.
 Tutelæ jus. 332. 46.
 Tyrannis quid & quotuplex. 350. 203.
 306. jus illis resistendi. 2. 55. eosdem
 puniendi. 259.
 V.
 Vafallos Summam Potestatem in suos ha-
 bere posse. 69. 41.
 Vafallum præscribere posse feudo. 98. 24.
 Vectigalium jus. 577. 16. & cautiones.
 580. 33.
 Venationis jus. 389. 12.
 Veniam ætatis dandi jus Majestatis. 89. 28.
 Veriloquium & jus ejus. 437.
 Vicarium universalem Christi in mundo
 esse nullum. 103. 29.
 Vicarius Summæ Potestatis simpliciter con-
 stitutus quid juris habeat. 96. 59.
 Vicos sine regimine, non esse universitates.
 374. 4.
 Violenti jus Imperii. 248.
 Vitæ & necis jus à mero imperio diversum,
 83. 5.
 Unio populorum quotuplex. 49. & seqq.
 Univeritates Dei quot & quænam. 102.
 10. & seqq.
 Universitas quid & jus ejus. 359. Quate-
 nus singuli è facto universitatis tenean-
 tur. 376.
 Universitates Mercatorum & Artium
 mechanicarum. 363.
 Vocationis jus, & ejus species. 529. 81. 532.
 23. effectus. n. 26.
 Usucapionis jus. 408. 32.
 Usum non habere usum. 417. 47.
 Usura sitne licita. 357. 22.
 Usurpacio, Imperii & quid in eam liceat.
 W.
 Wolzogii de lumine Rationis sententia.
 178. 28.

